



দশম বর্ষ

অগ্রহায়ণ, ১৩৪৮

৬ষ্ঠ সংখ্যা

বাস্তববাদী দৃষ্টিকোণ

অনিলচন্দ্র রায়

রাজ্য রাজ্য যুদ্ধ হলে গরীবের প্রাণ যায়, একথা সবাই জানে। যুরোপে আজ লড়াই বেধেছে, কিন্তু খনে প্রাণে মারা পড়তে বসেছি আমরা। গত যুদ্ধেও আমরা ১৫ লক্ষ লোক আর প্রায় ৬০ কোটি টাকা দিয়েছিলাম, কিন্তু কী হোলো? আমরা যে তিমিরে সেই তিমিরেই আছি। প্রায় দু'শ বছর ধরে একটানা ব্র্যাক্‌আউট চলেছে; একটা জোনাকীর আলোও চমকায়নি। অথচ মরবার যখন ডাক আসে তখন বড় বড় মনভোলান কথাই নামেই আসে। গতবার যারা পৃথিবীকে মরবার নিমন্ত্রণ পাঠিয়েছিলেন তারা ডিমোক্রেসীর বাঁশী-বাজিয়েই আবেদন জানিয়েছিলেন। জর্জরিত ধরিত্রীকে ডিমোক্রেসীর জন্ত নিরাপদ করতে হবে। পৃথিবী হবে গণসমাজের স্বর্গ, দিকে দিকে নাম্বে ফুলফসলের সোনালী সৌন্দর্য। কিন্তু তার আগে কঠিন মাটিকে মানুষের রক্তে সিক্ত করতে হবে। তাই ৮০ লক্ষ তরুণ তাদের কচি প্রাণ ও টাটকা রক্ত ঢেলে দিল যুরোপের মাঠে ঘাটে।

তারাও উইলসনী বাঁশী শুনেছিল। ১৪ দফা নববিধান আর ৪ দফা নব্যনীতির উদ্দেশ্যে পৃথিবীর সবাই তখন মেতেছিল। কিন্তু সেই রক্তসমুদ্র থেকে কোন নতুন সৃষ্টি জন্ম নিল? ১৯১৪ সনের প্রলয়কে সেদিন আশাবাদীরা মনে করেছিল কালের কল্যাণিক প্রসব বেদনা। কিন্তু



হায়! সেই কর্দমান্ত মাটির পৃথিবী, আর পুরোনো ক্লৈদান্ত জীবন বেরিয়ে এল সেই বেদনাত
কলরোল আর হাহাকারের মধ্য থেকে। লয়েড জর্জ আর ক্রিমসোর হল জয়জয়কার। জয়
হলো সেই রাজনৈতিক সাপুড়েদের মিষ্টি বাঁশীর আর বিধাক্ত চাতুরীর। স্থূললিত কথার মালা
গাঁথা হয়েছিল লাঞ্ছিতদের বরণ করবার জুতা, সেই সব কথা ভেঙ্গে গড়া হলো দুর্বলের গলার ফাঁসী।
জেনারেল স্মাটস্‌এর মাথা থেকে বেরুল, ম্যান্ডেট (mandate) এর ফাঁকি। সেই ফাঁকিতে
পৃথিবীশুদ্ধ নির্বোধেরা মুগ্ধ হয়ে বগল বাজাল।

এদিকে ম্যান্ডেটের ফাঁকির ওপরে গড়ে উঠল নতুন সাম্রাজ্যবাদ। যবনিকার আড়ালে
গোপন চুক্তি আর নিশ্চন্দ লঙ্ঘাভাগ সমাধা হয়ে গিয়েছিল। মধ্য এশিয়া ও আফ্রিকাকে বাটোয়ারা
করে ইঙ্গ-ফরাসী সাম্রাজ্যবাদ গ্রাস করল। তুর্কী সাম্রাজ্যকে ছিঁড়ে টুকরো টুকরো করা হল।
আরবীদের আশা দেয়া হয়েছিল তাদের মুক্তি দেওয়া হবে। মিশরকে লোভ দেখানো হয়েছিল,
লড়াইর পরে রক্ষকনবিশীর (protectorate) খতম হবে। ভারতবর্ষকে আশ্বাস দেয়া হয়েছিল,
অচিরে স্বরাজের ফল ফলবে। সবাই মন্থমুগ্ধ হয়ে দিন গুণছিল। কারণ উইলসন' বিধানের
৩ নম্বর দফায়ই তো আছে, যা কিছু বাবস্থা হবে সবই হবে স্থানীয় লোকদের স্বার্থের কল্যাণে।
১২ নম্বরেও ঘোষণা করা হয়েছে, তুর্কীর অধীন জাতগুলোর অবাধ স্বাভাব্যতা, 'autonomous
development'. লীগ অব নেশনস্‌এর (League of Nations) ২২ নং দফায়ও আছে,
"Well being and development of such peoples form a sacred trust of
civilization". হায় সভ্যতা! হায় sacred trust!

এই সভ্যতার ফাঁকি দিয়ে চললো অ-সভ্য শোষণ। প্যালেষ্টাইন, আরব, মিশর আটকা
পড়লো ইংরেজের লোহার ফাঁদে; সিরিয়া পড়লো ফরাসীর জালে। ইরাকী বিদ্রোহে আবার
রক্তশ্রোত বইলো, ১৯২১ সনের কাইরো শান্তি বৈঠকে নাম মাত্র ক্ষমতা ইরাক পেল। চার্লিল
ব্রিটিশ সৈন্যকে সরিয়ে এনে Royal Air force এর বজ্রমুষ্টিতে ইরাককে আটকে রাখলেন।
বাগদাদ, বসোরা হবে ব্রিটিশ সাম্রাজ্যের বিমান পথের নাড়ীকেন্দ্র, আর সুয়েজ খাল হবে সমুদ্র
পথের মূল কেন্দ্র। তাই আরব চাই, আর চাই মিশর। আর সঙ্গে সঙ্গে চাই মসুলের তেল,
"ইরাক পেট্রোলিয়াম কোম্পানীর" কোটা কোটা টাকার লাভের জুতা। একই কারণে চাই ইরানে
কর্তৃষ্; কারণ বছর বছর ২০ লক্ষ পাউণ্ড মুনাফা শুয়ে আনা চাই, "অ্যাংলো-পারস্যীয়ান অয়েল
কোম্পানীর"। ১৯২২ সনে মিশরকে স্বাধীন ঘোষণা করা হ'ল। কিন্তু যাতায়াতের পথ, বিদেশী
স্বার্থ, সুডান ও দেশরক্ষার দায়িত্ব রইল ইংরেজের। যাতায়াত মানে ভারতবর্ষ, চীন, অস্ট্রেলিয়া,
ইরান, মেন্ডোপটেমিয়া, আফ্রিকা ইত্যাদি দশদিকের সঙ্গে সাম্রাজ্যের নাড়ীসংযোগ রক্ষা। এরই
জায় সভ্যতার দায়িত্ব! মানবতার পবিত্র দায়।

গত বিশ বছর ধরে এই 'সভ্যতা'কে এরা লালন করছেন। এই কঠিন দায়িত্বকে এরা বহন করছেন। কিন্তু এই সুপবিত্র দায়িত্বটা আর কিছুই নয়, রক্ষক হয়ে ভক্ষণের স্তম্ভ হ'ল দায়িত্ব মাত্র। বড়ো আদর্শের ছোঁয়াচ লাগিয়ে নিলে সব কিছুই শুদ্ধি হয়ে যায়। তাই ভক্ষণ করতে হলে রক্ষণের নামে করলেই ভালো। তাতে জাতও বাঁচে কূলও বাঁচে। আজকালকার সভ্যতার এইটুকুই হলো মহৎ বৈশিষ্ট্য। তাই আজকাল যা কিছু খুঁনাখুঁনী, রক্তপাত হচ্ছে, সবই হচ্ছে বড়ো কথার ছলে; কথা আছে, কাকের মাংস কাকে খায় না। কিন্তু মানুষের নাকি এত সংকীর্ণতা নেই। বিখ্যাত টমাস জেফারসন বলেছিলেন যে মানুষ এ বিষয়ে আশ্চর্য উদার। কেবল মানুষই স্বজাতিকে ভক্ষণ কর' থাকে, "experience declares that man is the only animal which devours his own kind".

এরা যে সভ্যতার কথা বলে থাকেন সে হলো মানুষের এই ব্যাব্রুত্তি, মানবতার নামে মানুষকে উৎসন্ন করবার এই অমানুষিক, উন্নত লোভ। তীক্ষ্ণ নখরের আঘাতে ছিঁড়ে ছিঁড়ে এশিয়ার ও আফ্রিকার মাটিতে সঞ্চিত মধুকে এরা লুণ্ঠন করে নিয়েছেন; এই আধুনিক দস্যুবৃত্তি হলো 'সাম্রাজ্যবাদ', 'সভ্যতার' মুখোশ পরে দেশবিদেশের কামধেনুকে দোহন করে নিচ্ছে। ইঙ্গ-ফরাসী সাম্রাজ্যবাদ তিন তিনটে সাম্রাজ্যের অন্তঃসারকে হজম করেছে এই বিশ বছর ধরে। ফলে শক্তিদম্ব ফেঁপে উঠেছে। কিন্তু জার্মান সাম্রাজ্যবাদও কম যায় না। গত চল্লিশ বছর ধরে এই লুণ্ঠনোৎসব থেকে জার্মানী বাদ পড়েছে। তাই পড়েছে তার সাজ-সজ'রব, বসুন্ধরায় এই দস্যুতার ভোজ্য তাকেও শরীক হতে হবে। ভাসাইতে তার পাখা কাটা গেছে, তার উড়বার ক্ষমতা গেছে। কিন্তু বিশ বছরে তারও নতুন পাখা গজিয়েছে! আজ আবার সে যুগুৎসু হয়ে আসরে এসেছে, দুই সাম্রাজ্যবাদের ঠোকাঠুকিতে আবার আগুন জ্বলে উঠেছে। জলেস্থলে, আকাশে উঠেছে সেই আগুনের শিখা। যতো কিতাবী নীতি আর মৌলিক আদর্শ পুড়ে ছাই, ছাই হয়ে গেলো, কোথায় রইলো গণতন্ত্র, আর কোথায় আজ মানবতা।

আবার সাম্রাজ্যবাদী সাইরেন বেজে উঠেছে, কুর্জনৈতিক সাপুড়ীদের মধুর সাইরেন। ডাক এসেছে মানবতার নামে, গণতন্ত্রের নামে, মানুষকে বাঁচাতে হবে। পৃথিবীর ভবিষ্যৎকে বাঁচাতে হবে! অতয়েব আবার লক্ষ লক্ষ গদীন চাই। কিন্তু গদীন যারা দেবে, তারা হলো নির্বোধ গণসমাজ। আবার তারা প্রাণ দেবে, বুকের রক্ত দেবে। কচি ঘাসের মত তাদের ভাজা দেহ সীসা আর ষ্টীলের মুখে কুচি কুচি হয়ে কাটা যাবে। লোভে লোভে সন্ধ্যাত বেঁধেছে, কিন্তু যারা এই যজ্ঞের হোতা, উদগাতা তারা কোথায়? নিরাপদে মঞ্চে বসে তারা অগ্নিহুন্দে বিউলিল বাজাচ্ছেন। আর মন্ত্রমুগ্ধ হতভাগারা আজ ঝাঁকে ঝাঁকে আগুনে ঝাপ দিচ্ছে। বড় বড় কথায় মোহ আবার মানুষকে পেয়ে বসেছে।



কিন্তু কিসের আশায় ?

এইবার কি পৃথিবীর নতুন জন্ম হবে ? এই কুৎসিত রক্তলীলা থেকেই কি বেরিয়ে আসবে নতুন মানুষ ! নতুন সমাজ ?

ইংরেজ বলছেন, এই হবে। কিন্তু তাহলে ইংরেজকে জয়ী হতে হবে। কারণ ইংরেজ হলো এই নতুন সমাজের ভগীরথ। যে বিশ্বশান্তি পৃথিবীতে আগামী কাল মুঞ্জরিত হবে, তার নাম হলো Pax Britanica, জার্মান বলছেন, নতুন পৃথিবীর জন্ম হবে জার্মানীর বিজয়োৎসবে। তার ভিত্তি হবে Pax Germanica, ইটালীও দাবি করছেন, ভবিষ্যতের একমাত্র গতি হলো রোমান ব্যবস্থা, তাই নতুন ব্যবস্থার মূলে থাকা চাই Pax Romanica. এদিকে আমেরিকা বলছেন, ইঙ্গ-ফরাসী বা জার্মান কাকুরই নেই ভবিষ্যৎ, এরা নিঃশেষ হয়ে এসেছে। পৃথিবীর একমাত্র ভরসা হলো আমেরিকার তরুণ নেতৃবৃন্দ, অতয়েব পৃথিবী জুড়ে জয়গান করো Pax Americana'র। আবার রাশ্যা বলছেন, মার্ক্সীয় বিশ্বশান্তিই হবে চূড়ান্ত মোক্ষ, তাই চাই Pax Sovietica. এই কোলাহলে স্বভাবতঃ সন্দেহ আসে, কঃ পস্থা ?

সম্প্রতি ইঙ্গ-আমেরিকার সঙ্গে সোভিয়েট হাত মিলিয়েছেন, এই ত্রয়ীর একতারাতে একটা মাত্র গান বাজছে, সে হলো ডিমোফ্রেনীর পুরোনো সুর। এ আমাদের চেনা, কারণ এর ঠাট-পর্দা আমরা জানি। ১৯১৪ সনে এই রাগিনীই বেজেছিল। এবারও ইঙ্গ-আমেরিকার সঙ্গে রুশ সেনা মিলিয়েছে, এ লড়াইতেও ডিমোফ্রেনী নিরাপদ হবে। 'স্পষ্ট দেখা যাচ্ছে, ইতিহাসের পুনরাবর্তন হচ্ছে। কিন্তু কেউ কেউ বলছেন, বাদী সুরে তফাৎ আছে, রাগিনী এক নয়। কারণ তখন গেয়েছেন নিকোলাস-কেরেস্কী, আর এবার গাইছেন ষ্টালিন-লিটভিনফ্। কাজেই এদের মতে এবারকার লড়াই লোভের সংঘাত নয়, এ হলো নীতির সংঘর্ষ। অতয়েব, হে অমৃতন্ত পুত্রা, বিনা বিচারে মরো, ডিমোফ্রেনীর নামে মরলে মৃত্যু থেকেই অমৃত্যে যেতে পারবে।

আমাদের দেশেও মরবার ডাক এসেছে। এ হলো যুরোপের ডাক, যুরোপে যে সাম্রাজ্যবাদী অজগর-ব্যাঘ্রের লড়াই চলেছে তার ডাক। এ ডাকে সাড়া দিতে বলছেন ইংরেজ ; আর বলছেন ভারতীয় ডিমোফ্রেনীক দলের মানবেন্দ্র রায় ও অন্যান্য মার্ক্সিস্টরা। ডিমোফ্রেনীর যুদ্ধ হলে তা মার্ক্সবাদীর সমর্থন থাকবেই, কারণ তারা হলেন সোশ্যাল ডিমোফ্রেনীর নতুন রূপকার। তবে অন্যান্য মার্ক্সবাদীদের ইংরেজের পক্ষে বলতে সরম লাগে, সাহসও হয় না। তাই তারা সোভিয়েটের দোহাই দিয়ে ডাক দিয়েছেন। মানবেন্দ্রের সে সঙ্কোচ নাই, তিনি পরিষ্কার ইঙ্গ-সোভিয়েটের নামে শিঙা ফুঁকেছেন। অপর মার্ক্সবাদীরা ইংরেজ বিরোধী, কিন্তু সোভিয়েট ভক্ত। তাদের হলো দুমুখো লড়াই, double front ইংরেজকে খতম করবো, কিন্তু রুশকে জয়ী করবো ; এই মনোভাব এদের। কিন্তু মানবেন্দ্র শাক দিয়ে মাছ না ঢেকে সোজা পথে এগিয়ে এসেছেন। তাঁর মতে এ

যুদ্ধ হলো অবিভাজ্য ; রুশদের বড়ো মহারথীরও বলেছেন, এ যুদ্ধকে ভাগ করে দেখা চলবে না ; আমেরিকা থেকে ইংলণ্ড, ইংলণ্ড থেকে রুশ, পৃথিবীজোড়া একই ক্যাসিবিরোধী যুদ্ধ, indivisible এবং অবিচ্ছেদ্য। এই অবিচ্ছেদ্য যোগেই রুশ ও ইঙ্গ-আমেরিকা আজ যুক্ত হয়েছে। তাই এই আহ্বান, ইংরেজের সঙ্গে কণ্ঠ মিলিয়ে ; এ যুদ্ধ ক্যাসিবিরোধী, বাস্, আর কিছু চাইনে। ক্যাসিস্তবাদকে ধ্বংস করাই একমাত্র প্রোগ্রাম ও আদর্শ।

কিন্তু ভারতের জাতীয়তা আজ এ ডাকে সাড়া দেয়নি। কংগ্রেস এ যুদ্ধের বিরোধী, ফরোয়ার্ড ব্লকও এ যুদ্ধে সায় দেয় নাই। জাতীয়তাবাদ আজ ঘোষণা করেছে, স্বাধীনতাই ভারতের ধ্যানের লক্ষ্য। যুরোপীয় যুদ্ধ হলো সাম্রাজ্যবাদের রেবারেযি, দুটো ঘোষণা-যন্ত্রের আপোষহীন সংগ্রাম। ভারতের স্বার্থ অগ্ন্যত্র। জাতীয় আন্দোলন এখানে ভারতীয় স্বার্থকে কেন্দ্র করেই ঘুরছে। এতে মানবেন্দ্র সায় দিতে পারেন নি ; (১) ভারতীয় জাতীয়তাবাদ ও স্বাধীনতাবাদ তাঁর কাছে সংকীর্ণ স্বার্থপরতা। 'বিশ্ব যবে চলে যায় কাদিতে কাদিতে,' ভারতবর্ষ বসে থাকবে 'মুক্তি সমাধিতে,' এ চলতেই পারে না। সোভিয়েট যদি যায়, ইংরেজ যদি যায়, তবে কে থাকবে ? আর এরা থাকলে সবাই থাকবে ; সাম্য, স্বাধীনতা ও মুক্তি। (২) জাতীয়তাবাদ হলো নেতিমূলক কারণ স্বয়ং স্বাধীন হতে চেয়ে অপরের স্বাভাব্য অস্বীকার করে থাকে : যথা, চীনের কুয়োমিনট্যাং জাতীয়তা মঙ্গোল ইত্যাদি অ-চীনা জাতিদের স্বাধীনতাকে খর্ব করেছে। যথা, ভারতে মুসলমানের স্বাভাব্য (self determination) স্বীকৃত হয় না, এবং ভারতে জাতীয়তাবাদীরা ব্রহ্মদেশের বিচ্ছেদকে সমর্থন করেনি। এ ছাড়া যা কিছু বিদেশী তারই ওপরে জাতীয়তাবাদীর আক্রোশ, এতে জাতীয় উন্নতি ব্যাহত হয়। (৩) তৃতীয়তঃ ভারতবিভাগ বা পাকিস্তান জাতীয়তাবাদ সমর্থন করেনা, এতে ভৌগোলিক ঐক্যকে বড়ো করে দেখা হয় এবং এ ঐক্য হলো ব্রিটিশ সাম্রাজ্যবাদী স্বার্থের পোষক। কাজেই জাতীয়তা হলো সাম্রাজ্যবাদের সহায়ক। (৪) এই প্রসঙ্গে মানবেন্দ্র রায় রেজা শাহকে আক্রমণ করে রুশীয়ার ইরান অধিকারকে সমর্থন করেছেন। (৫) স্বাধীনতা ইংরেজ দিলেও আজ গৃহযুদ্ধ হবে, তাই স্বাধীনতা দেওয়ারও কোন স্বার্থকতা নেই। মানবেন্দ্রের উক্তিগুলি ঐতিহাসিক জ্ঞানের পরিপন্থী এবং যুক্তিগুলি শিশুসুলভ।

প্রথমতঃ, যুরোপীয় যুদ্ধ সাম্রাজ্যবাদের প্রত্যক্ষ ফল। ১৯১৪ থেকে ১৯৩৯ কোনো দিকেই তফাৎ নয়। যুদ্ধের শিকড় রয়েছে সামাজিক ব্যবস্থার মধ্যে। যে অবস্থার সমবায় লড়াই আস্তে বাধ্য, সেই সমবায় ১৯১৪ সনে যেমন ছিলো এখনো তেমনি আছে। এবারকার যুদ্ধও পণ্ডীর সামাজিক কারণ থেকে জন্ম নিয়েছে।—রুশের সংশ্লিষ্ট হওয়াতেই যুদ্ধের রূপ বদলে যায়নি। কারণ ঐতিহাসিক কারণ পরস্পরার প্রকৃতিও বদলায়নি। নীতির সংঘর্ষ বলে যুদ্ধকে কোলিক্ত দান করার চেষ্টা চলেছে ; কিন্তু রকম বেরকমের মিতালী ও সমবায়ের নমুনাতেই ধরা পড়ে যুদ্ধের



স্বরূপ। করাসী প্রথমে হলেন ইংরেজের মিতা। তারপরে হলেন জার্মানীর দোস্ত। রুশীয়া একবার হলেন জার্মানীর দোস্ত, পরে গেলেন ইংরেজের দলে। তাছাড়া যুদ্ধের প্রকৃতি বোঝা গেছে আটলান্টিক চার্টার থেকে। রুশীয়া ঐ চার্টারের উৎসাহী সমর্থক, এতে রুশীয়া সমাজতন্ত্রী ডিমোফ্রেসীর ইচ্ছা রক্ষা করেন নি, সাম্রাজ্যবাদের সহায়ক হয়েছেন। ইঙ্গ-মার্কিন-রুশীয় সমবায়ে ইঙ্গ-মার্কিনই প্রবলতর শরীক, ফলে রুশকে এদের মুখাপেক্ষী হতেই হবে। রুশীয় দাবি-দাওয়া চাতুরীতে বিফল হবে, যেমন হয়েছিল লয়েড জর্জ-ক্রিমসোর চালে উইলসনের আদর্শবাদ। জাতিসংঘের সভ্য হয়ে যেমন রুশীয়াকে মেনে নিতে হয়েছিল উপনিবেশিক শোষণ নীতিকে, ম্যাণ্ডেট নামক সাম্রাজ্যবাদী আত্মসাৎ-এর নীতিকে, ইংলণ্ডের আবীসিনিয় ও স্পেনীয় পলিসীকে। এই কারণে রুশের যোগদানে ইতরবিশেষ কিছু হয়নি। যুদ্ধের সাম্রাজ্যবাদী স্বরূপেরও হানি হয়নি। তাই ভারতবর্ষের এই যুদ্ধ সম্বন্ধে কোন উৎসাহ নেই, কারণ সাম্রাজ্যবাদ হলো জাতীয় প্রগতির পরিপন্থী। এ যুদ্ধে যে শরীকি করতে হচ্ছে ভারতের, তাতে তার আত্মার যোগ নাই। মানবেন্দ্র রায় কিন্তু এতে উল্লসিত হয়ে উঠেছেন। তাতে নাকি ইতিহাসের জয় সূচিত হয়েছে; কিন্তু এতে ইতিহাসের নয়, সাম্রাজ্যবাদের জয় সূচিত হয়েছে। মানবেন্দ্রের এ উল্লাস সাম্রাজ্যবাদের সমর্থনী।

দ্বিতীয়তঃ এ যুগের জাতীয়তাবাদের সৃষ্টি হয়েছে সাম্রাজ্যবাদের বিরোধী শক্তি হিসাবে। ইজিপ্ট, আরব, ইরান, ভারত, চীন, তুর্কী ইত্যাদি সর্বত্রই সাম্রাজ্যবাদী শোষণের প্রতিবাদে জন্ম হয়েছে জাতীয় আন্দোলনের। একে সংকীর্ণ মতবাদ ও স্বার্থপরতা বলে তাক্সিল্য করে সাম্রাজ্যবাদ; Sir. A. T. Wilson ১৯১৮ সনের পরে আরব জাগরণকে বলেছিলেন, "Arab provincialism." কম্যুনিষ্ট মানবেন্দ্রও আজ ভারতীয় জাতীয়তার বিরুদ্ধতা করে সাম্রাজ্যবাদের পরোক্ষ সহায়ক হয়েছেন। সিভিল সার্ভেন্টরাও ভারতীয় আন্দোলনকে 'disgruntled' কতিপয়ের আশ্রয় বলে গালাগালি দিয়ে থাকেন। জাতীয়তাবাদ সামাজিক বিকাশের একটা ঐতিহাসিক পর্যায়। ঐতিহাসিক প্রয়োজনে এর সার্থকতা আছে। জাতীয়তার সঙ্গে মানবতার ও আন্তর্জাতিকতার বিরোধ নাই, বরং একে অন্নের পরিপূরক। ব্যষ্টির সঙ্গে যেমন সমষ্টির বিরোধ নাই, অংশের সঙ্গে পূর্ণের যেমন সংঘর্ষ নাই। উভয়ের এই যোগাযোগকে যারা ব্যবচ্ছেদ করে দেখেন তারা বাস্তবকে ঋণ্ডিত করেন, কৃত্রিম, কাল্পনিক দ্বৈত সৃষ্টি করে তারা জীবনের বিকাশকে ব্যাহত করেন। তবে জাতীয়তা বলতে ঔপনিবেশিক দেশগুলিতে সাম্রাজ্যবাদী জাতীয়তা বোঝায় না। সর্বগ্রাসী, বৃদ্ধক্স (annexationist) জাতীয়তা হলো সাম্রাজ্যবাদের জনক। পরাধীন জাতিগুলির জাতীয়তা সেই লোভাতুর বৃদ্ধক্স নয়। এ হলো শুধুমাত্র বাঁচবার অধিকারকে এবং সামাজিক জীবনের প্রগতিককে অক্ষুণ্ন রাখবার দাবি মাত্র। জাতীয়তা নিছক ভৌগোলিক ঐক্য

নয়, সাংস্কৃতিক, রাষ্ট্রীয় ও অর্থনীতিক ঐক্যও বটে। ঐক্য হলো প্রগতির পরিচায়ক, ভেদ হলো সাম্রাজ্যবাদী শোষণ ও শাসনের একমাত্র কৌশল। স্বায়ত্তশাসনের (self determination) নাম দিয়ে ব্রহ্মবিচ্ছেদ ও পাকিস্তান সমর্থন করা হলো প্রতিক্রিয়াপন্থীর মনোবৃত্তি। এই সাধু নীতির দোহাই দিয়ে ইংরেজও ভারতে ভেদনীতিকে বজায় রেখেছে। মানুষ ভৌগলিক পরিস্থিতিতে বাদ দিয়ে চলতে পারেনা। বিশ্বব্রহ্মাণ্ডের সঙ্গে সুদূর সংযোগ রেখে মানুষকে নিকটের সঙ্গে প্রত্যক্ষ যোগ রাখতে হয়। এটি হলো বাস্তব নীতি, ভৌগলিক ঐক্যের ওপরে অথবা গুরুত্ব আরোপ নয়।

কাজেই স্বভাবতই জাতীয়তাবাদ অপরের স্বাধীনতাকেও সম্মান করে থাকে। চীনের জাতীয়তাবাদী দল কুয়োমিনটাঙ-এর বিরুদ্ধে কতকগুলি কল্পিত অভিযোগ মানবেন্দ্র রায় করেছেন। মাক্স সাম্রাজ্যের উত্তরাধিকারকে বাঁচিয়ে রেখে সানইয়াংসানও নাকি চীনের অগ্র জাতগুলোকে গ্রাস করে রাখতে চেয়েছিলেন। ইতিহাস যারা জানেন তারাই বুঝবেন এ অভিযোগ কত ভিত্তিহীন। ডাঃ সানের 'Union of the five races' কে জুলুম বলে অভিহিত করার মানে হলো ইতিহাসকে স্বেচ্ছায় বিকৃত করা। সমস্ত চীনদেশের গণশ্রেণীর রাজনৈতিক চেতনার মূলে রয়েছে ডাঃ সানের আজীবন সাধনা। ১৯২৪ সনে ডাঃ সানের নেতৃত্বে কুয়োমিনটাঙের প্রথম কংগ্রেসের অধিবেশন হয়েছিল। সেই কংগ্রেসেই জাতীয় দলের বিখ্যাত ঘোষণাপত্র (Manifesto) প্রচারিত হয়েছিল। সেই প্রচার পত্রে চীনা জাতীয়তাবাদকে স্পষ্টভাবে ব্যাখ্যা করা হয়েছে। "জাতীয়তাবাদের হলো দুটো উদ্দেশ্য (১) চীনা গণশ্রেণীর স্বাধীনতা (২) চীনা রিপাব্লিকের অন্তর্গত বিভিন্ন জাতি বা অংশগুলোর (Complete equality of the nationalities) পুরোপুরি সাম্য। গণশ্রেণীর দাবী নিয়েই কুয়োমিনটাঙ সাম্রাজ্যবাদ বিরোধী ফ্রন্ট গঠন করবার পোগ্রাম দিয়েছিল, "It unites the peasants and workers to join the party in order to enable it to present a united front against the militarists and imperialists." (Manifesto), আর জাতিগত সাম্য (racial equality) সম্বন্ধে স্পষ্টভাবে পিকিং মান্দারিনদের নীতিকে আক্রমণ করে আত্মনিয়ন্ত্রণের (racial self determination) নীতিকে দলীয় নীতি বলে ঘোষণা করা হয়েছে। মানবেন্দ্র দিনকে রাত করে জাতীয়তাবাদের ওপরে ঝাল মিটিয়েছেন। মঙ্গোলীয় রিপাব্লিকের স্বাভাবিক কুয়োমিনটাঙ আজো স্বীকার করেনি, তুর্কিস্তানের পৃথক হবার (secede) অধিকারকে স্বীকার করেনি বলেও অভিযোগ করা হয়েছে। উপরোক্ত ম্যানিফেস্টোতে, স্বেচ্ছাকৃত সহযোগিতায় (free alliance) চীনা রিপাব্লিক গঠিত হবে, একথা স্পষ্টভাবে রয়েছে। যেমন আজ U. S. S. R. হয়েছে বিভিন্ন জাতীয় রাষ্ট্রের স্বেচ্ছামূলক সহযোগিতায়। সোভিয়েট গণতন্ত্রেও পৃথক হবার অধিকার স্বীকৃত হয়েছে। কিন্তু কাগজে কলমে থাকলেও ব্যবহারিক ক্ষেত্রে সত্যি

লভিয়া পৃথক হতে দেওয়া হয় কি ? সমাজতন্ত্র শেখবার অজুহাতে সোভিয়েট রাষ্ট্রের অধীনস্থ হোত
 • হোট জাতিগুলোকে কি বাধ্য করানো হয়নি সোভিয়েটের সঙ্গে থাকতে ?

রুশ চেহারার আড়ালে চূর্ণধর্ম তাতারই কি লুকিয়ে নেই ? রোমানক্ সাম্রাজ্যের
 উত্তরাধিকার নিয়েই কি সোভিয়েট রাজ্যের ভিত্তি পত্তন করা হয় নি ? পোলাও, কিন্‌ল্যাও,
 ইউক্রেন, ককেশিয়া, মঙ্গোলিয়া, ক্রিমিয়া, বেলারাবিয়া, বুকোভিনা এসব নিয়ে এত মারামারি
 সোভিয়েট কেন করেছে ? শম্ভুশালিনী উক্রেনকে ও জর্জিয়া, আজারবেজানকে সোভিয়েট সৈন্য
 কেন দখল করে নিয়েছিল ? এদের ভাষা, জাতি, সবই আলাদা। একথা বললে 'চলবে না যে এরা
 সোভিয়েট সংঘের সভ্য হয়ে সুখে আছে। এদের দৃষ্টিকোণ থেকে বিচার করে দেখতে হবে, এরা
 চেয়েছিল কিনা। সাম্রাজ্যবাদীরাই বলে থাকে অধীনস্থ তাবদারেরা সুখে আছে। ইংরেজও
 বলছে, ভারতের গণসমাজ ইংরেজকেই চায়। তেমনি League of Nations এর ম্যাণ্ডেট পদ্ধতিও
 অমুগত জাতিদের 'tutelage' নীতির ওপরেই দাঁড়িয়েই আছে। তারাও 'sacred trust' এর
 দোহাই দিয়ে থাকেন। কাজেই সোভিয়েট ইউনিয়ান বললেই সাতখুন মাপ ! আর 'union of
 five races' এর সানইয়াংসান সাম্রাজ্যবাদী ! এ যুক্তি চমৎকার।

আত্মনিয়ন্ত্রণ বা "self determination" এর যে মানে করেছেন মানবেন্দ্র রায় তা আধুনিক
 রাষ্ট্রবিজ্ঞানের পরিপন্থী এবং অসম্ভব প্রতিক্রিয়াশীল। তার স্বাধীনতার মানে হলো স্বৈচ্ছাচার ও
 এনাকিজম। স্বাতন্ত্র্যের একটা সীমা থাকা চাই ; নির্বিশেষ স্বাতন্ত্র্য প্রগতির শত্রু। বিজ্ঞানের যুগে
 শক্তির কেন্দ্রীকরণই চাই, বিচ্ছিন্নতা নয়। রাষ্ট্রক্ষেত্রে বড়ো unit গঠন করবার প্রয়োজন আজ
 • বেশী। তাতে বৃহৎ আকারে উৎপাদন ও সংগঠনের ব্যবস্থা সম্ভব হয়। জগতে বৃহৎ থেকে বৃহত্তর
 সমবায় হতে হতে বিশ্ব-সংগতি একদা সম্ভব হতেও পারে। তাই বৃহৎ ভৌগলিক ভিত্তিতে সংস্থা
 বা institution গড়াটা আন্তর্জাতিকতার অনুকূল। সেই অর্থে জাতীয়তার স্থান আন্তর্জাতিকতার
 মধ্যেই রয়েছে। কিন্তু যারা আত্মনিয়ন্ত্রণের নামে স্বতন্ত্রতার সমর্থন করেন তারা প্রগতির মূল
 কুঠারঘাত করেন। আজ মানবেন্দ্র পাকিস্তান সমর্থন করেন, কাল শিখিস্তান, পরন্তু মারাঠীস্থান,
 তরুণ ইহুদীস্থান ও খ্রিস্টানিস্তানকেও সমর্থন করবেন। তাহলেই ভারতবর্ষকে একটা রাষ্ট্রীয়
 unit না রেখে বহু খণ্ডে ভেঙে ফেলতে চান তিনি। অগুকার রাষ্ট্রবিজ্ঞান বলবে এই পরিকল্পনা
 মারাত্মক, কেবল রাজনৈতিক নয়, অর্থনৈতিক, সাংস্কৃতিক, সামরিক ইত্যাদি সকল দিকেই।
 আজিকার জগতে কোন মুহূর্ত্তে লোক এই প্রস্তাব করতে পারেন তা কল্পনাভীত।

মানবেন্দ্রের ধারণায়, জাতীয়তা মানে হলো বিদেশী জ্ঞানবিজ্ঞানের বিরোধ। কাজেই
 জাতীয়তা প্রতিক্রিয়াপন্থী। কিন্তু ভারতবর্ষে জাতীয়তাবাদের মূল প্রেরণা এসেছিল যুরোপ থেকে,
 একথা তিনি জানেন না সেদিন ও জাতীয় পরিকল্পনা কমিটি যন্ত্রশিল্প ও সমাজতন্ত্রের ভিত্তিতেই

ভবিষ্যৎ ভারতের পরিকল্পনা তৈরী করেছেন। এ সম্বন্ধে এতখানি অজ্ঞতা করণার উদ্বেক করে। এই অজ্ঞতাকে সম্বল করেই মানবেন্দ্র রায় সমস্ত জাতীয়তাবাদকে আক্রমণ করেছেন। পৃথিবীর সমস্ত জাতীয়তাবাদীই আধুনিক জ্ঞানবিজ্ঞানের সমস্ত ঐশ্বর্যকে গ্রহণ করে জাতিগঠনে প্রবৃত্ত হয়েছেন। ইজিপ্ট, ইরাক, চীন সর্বত্রই নব্যবিজ্ঞানের আয়োজন হয়েছে। রিজা শাহের বিরুদ্ধে অভিযোগ করেছেন, রিজা শাহ ইরাককে ইচ্ছা করে উন্নত করেন নি, ইরানের মধ্যদিয়ে ভারতে রেললাইন আনতে দেননি ইংরেজ এবং সোভিয়েটের সাহায্য প্রত্যাখ্যান করেছেন। এসব তাঁর বিদেশী বিদ্বেষ মাত্র। কিন্তু মানবেন্দ্র রায় কি খবর রাখেন, পারস্যের সমস্ত শাসন ব্যবস্থায় বিদেশীদের প্রভুত্বই বহাল রেখেছিলেন রিজা শাহ? কাষ্টমস বিভাগ ছেড়ে দেওয়া হয়েছে, বেলজিয়ানদের হাতে, অর্থবিভাগ Dr. Millspangh প্রমুখ আমেরিকানদের হাতে, এবং শিক্ষা-বিভাগ ফরাসীদের হাতে। তবে হ্যাঁ, সোভিয়েট ও ব্রিটিশকে রিজা শাহ বিশ্বাস করেন নি; কিন্তু তাতে মানবেন্দ্র চটলে চলবে কেন? এই দুই শক্তির প্রবল স্বার্থের চাপ যে ইরানের ওপর অহরহই রয়েছে। ইংরেজ চেয়েছিল বাগদাদ থেকে তিহারাণ পর্যন্ত রেললাইন ও ইরাক থেকে ভারত পর্যন্ত বিমান পথ নির্মাণ করতে। রিজা শাহ তা দেননি। কারণ তার অর্থ তিনি ভালই জানেন। তিনি বাগদাদ তিহারাণ সড়ক বাঁধিয়ে দিয়ে কাইরো করাচী বিমান পথের স্টেশন করতে দিয়েছেন; সড়ক হল এই যে স্টেশনগুলো হবে ইরানের সম্পত্তি। ককেসাস থেকে পারস্য সাগর পর্যন্ত রেললাইনের জন্য সোভিয়েট বহুদিন পীড়াপীড়ি করছে। কারণ তাদের স্বার্থসিদ্ধি এবং উত্তরে রুশিয়ার ককেশিয় ও কাস্পিয়ান রাজ্য। রিজা শাহ মস্কো তিহারাণ বিমান যাতায়াত করতে দিয়েছেন এবং একটা ছোট রেললাইনও বানিয়ে দিয়েছেন। রিজা শাহ ইংরেজ ও সোভিয়েটের কথায় কান দেন নাই। তাই মানবেন্দ্র রায় ক্ষুব্ধ হয়ে বলেছেন, রুশ-ব্রিটিশ অধিকারে গিয়ে ইরানের ভালই হয়েছে। ইরাণীরা নাকি খুশী হয়েছে। ইরাণীরা খুশী হয়েছে কিনা জানিনে, তবে মানবেন্দ্র যে খুশী হয়েছেন তার প্রমাণ পাওয়া যাচ্ছে। আমাদের বক্তব্য, কোন জাতিকে গায়ের জোরে দখল করবার অধিকার কারুর নাই, সমাজতন্ত্রী রাষ্ট্র সোভিয়েটেরও নাই। ইরাক আজ স্বাধীন নয়, এই মর্যাস্তিক সত্যকে কোনো প্রচার, কোন কোলাহলই ঢেকে রাখতে পারবে না।

তাই আমরা বলছিলাম, আমাদের দেশে আজ মরবার ডাক এসেছে। ডাক দিয়েছে ইংরেজ, আর ডাক দিয়েছে মানবেন্দ্র রায়ের ডিমোক্রাটিক দল এবং অস্বাভাবিক সাম্রাজ্যবাদীরা। সাম্রাজ্যবাদী যুদ্ধ নাস্তি সমাজবাদী যুদ্ধে পরিণত হয়েছে রুশের শরীকী দ্বারা, এই মারাত্মক মিথ্যা কথা এরা প্রচার করেছেন। যুদ্ধ এদের কাছে আজ জুসেড। কিন্তু ভারতের জাতীয়তাবাদীরা এই ইতিহাস বিরুদ্ধ, অবৈজ্ঞানিক মিথ্যাকে স্বীকার না করে ভারতীয় স্বাধীনতার লক্ষ্যকেই লক্ষ্য রেখেছেন। তাই ভারতবর্ষ এই মরণের ডাকে সাড়া দেয়নি। ১৯১৪ সনের পুনরুদ্ধার করে কালনিক ইউটোপিয়ায় নামে মরণের লগ্ন তার নেই। কিন্তু তবু হয়তো করতে হবে, চেষ্টা, চিন্তা, অসম্মানে কর্তৃত্ব হয়ে মরতে হবে; কিন্তু তবু, সাম্রাজ্যবাদীদের এই দোকাড়ের কাড়াকাড়িতে পরাধীন ভারতবর্ষের কোনো স্বার্থ নেই, ইতিহাসের পাতায় এই সাদা সত্য লিখা থাকুক।

দু'শে দু'শে

ব্রিটেন ও ভারতবর্ষ, হিন্দু ও মুসলমান, আমেরী ও লিনলিথ্‌গো, রাষ্ট্রীয় পরিষদ ও দেশরক্ষা পরিষদ। শেষ জোড়ার মাহাত্ম্যের কাঁচে অশ্রুগুলি দেখা যাক। শেষ জোড়ার কিছু মানে আছে—হয়তো বা অভিকায় জানোয়ারের ঈষৎ অঙ্গচালনা বই এটা আর কিছুই নয়। চল্লিশ কোটি ভারতবাসীর কল্যাণের দায়িত্ব যাদের, তাদের অতিকায়ের এই পদক্ষেপন তলিয়ে দেখা উচিত। এটারও প্রয়োজন আছে, যেমন প্রয়োজন আছে দেশরক্ষী বোমারু বিমানের সমারোহের।

স্থিরচিন্তে ভারতের কথা ভাবা মুশ্কিল। সাদা কথায় ভারতীয় সমস্যার সমাধান করা আরও মুশ্কিল। এক কথায় ভারত ও ব্রিটেনের মধ্যে বিবাদের সূত্রটা কি? সেটা এই—আমরা যেমন স্বাধীনতা চাই ভারতবর্ষও ঠিক সেই রকম স্বাধীনতা চায়; চাচ্ছিল যে স্বাধীনতা চায়—আত্মনিয়ন্ত্রণের স্বাধীনতা আপন রুচি অনুযায়ী জীবনযাত্রার স্বাধীনতা যার রীতিনীতি ব্রিটিশ পদ্ধতির সম্পূর্ণ বিরোধী—মুহুদ, মিত্র ও শত্রু বেছে নেবার স্বাধীনতা। এজন্য আমরা নেহেরু এবং আরও পাঁচছাত্র লোককে কয়েদ করেছি। তারা পঞ্চমবাহিনী বা আমাদের শত্রু নন—তাদের দাবী হোল, আমাদের বর্ণিত যুদ্ধের উদ্দেশ্যের মধ্যে ভারতের স্বাধীনতাও স্থানলাভ করুক। ১৯৩৯ সালের সেপ্টেম্বরে ওয়ার্কিং কমিটির কৈফিয়ৎ—যা ব্রিটিশ জনসাধারণের কাছে গোপন রাখা হয়েছে—ইংরেজী ভাষার মর্মস্পর্শী উজ্জ্বল সম্পদ হয়ে থাকবে। যে স্বাধীনতা ও আত্মনিয়ন্ত্রণ আমাদের মুখের বুলি সেই মন নিয়ে কংগ্রেসের জবাব দিলে নেহেরু আজ কারান্তরালে না থেকে তার ছুঁচুর প্রেরণা দিয়ে আমাদের স্বপক্ষে ভারতকে অনুপ্রাণিত করতেন। আর আজ আমরা ভারতীয় জনগণের অভি সামান্য অংশকে বৃত্তিভোগী সৈন্ত হিসাবে ব্যবহার করছি—যারা পয়সার জন্য নির্বিচারে যে কোনও দেশের বিরুদ্ধে অস্ত্রধারণ করতে প্রস্তুত।

এই বৃত্তিভোগীরা অবিকাশই ছুঁচুর পাঞ্জাবী ও প্রান্তীয় মুসলীয়—লড়াই তাদের পেশা, বছরদিনের বৃত্তিভোগী এরা, ইংরেজের স্তম্ভ এরাই। সেইজন্যই লড়াইয়ের বিপদ যতই ঘনিয়ে এলো, ইংরেজের চোখে সেকেন্দার, জিন্নার কদর বাড়লো। এরা যে পরিমাণে কামান গোলায় খোঁচা খুঁটিয়েছে কদরও বেড়েছে সেই অনুপাতে। স্বভাবতই, এই ভদ্রলোকেরা সুযোগ বুঝে হিন্দু-প্রধান কংগ্রেসের—ছড়াগের বিষয় কংগ্রেসে হিন্দুর সংখ্যাই বেশী—গণতন্ত্রী প্রাধাত্যের বিরোধিতা করে। ইংরেজের সময় ধারণ। স্বাধীনতার কথা যারা বলবেনা কিংবা সেনাপতির আদেশ দ্বারা অমান্য করবেনা এরকম সৈন্ত তাদের চাই। ভারতের ভবিষ্যৎ কিংবা নেহেরুর সঙ্গে আলোচনা তাদের কি কাজে আসবে? সুতরাং, নেহেরু ছেলে গেল সঙ্গে গেল ভারতের শ্রেষ্ঠ নর-নারী।

অবস্থাটা সুখের নয়। শুধু সৈয়দ চাই না। আরও কিছু চাই—অর্থ চাই, শত্রু চাই আর সেই হেতু চাই দেশের শুভেচ্ছা। আমেরী সাহেবের চাওয়ার ও পাওয়ার সুযোগ ছিল। ভারতের জাতীয় দাবী পূরণ করলেই সমস্যা মিটে যেত। অবশ্য এ নিয়ে অনন্তকাল ভর্ক করা চলে যেমন চলে চেক ও পোলদের অবস্থা নিয়ে। অসংখ্য বিষের কথাও তোলা যায়। এখানে এইটুকু বলে রাখি যে আমেরী সাহেবের ভারতে যাবার প্রস্তাবটা ছিল সঙ্গত। অবশি আমেরী সাহেবকে চার্লিস-সাইমন লয়েডের ভারত সম্পর্কে মনোভাবের বিরুদ্ধে পদত্যাগ না করার জ্ঞাপন ছাড়া অল্প কোন কারণে দোষ দেওয়া ভুল হবে। কোনটাই হোল না, ফলে, অতিকায় জানোয়ার একটা হাই তুললো মাত্র। অবস্থা রয়ে গেল অপরিবর্তিত।

কিছুতেই কিছু হ'ল না। আরও কিছু করা দরকার। সুতরাং ১৯৪১ সালের ২২শে জুলাই আমেরি-লিওনিথগো কয়েকটি ছানার জনরু হলেন। আমেরিকা বা বৃটেনের প্রতি হাজারের নয়শত নিরানব্বই জনের কাছে হোয়াইট পেপারে—দেশরক্ষা ও রাষ্ট্রীয় পরিষদ—মুদ্রিত নামের কোন অর্থ নাই। তাদের কাছে প্রশ্ন হ'ল ছানাগুলি সাক্ষা না বুটা? বৃটেনের সুহৃদ, নব্য ভারতের নায়ক নেহেরু স্যাতসঁতে গারদে কাল কাটাচ্ছেন—চৌদ্দ দিনে মাত্র একখানা চিঠি তিনি পান। এই অবস্থায় বৃটিশ রাজের আশ্রয়ে রাজকার্য গ্রহণ করা ভারতীয়দের পক্ষে কিছুতেই সম্ভব না। আমার ভুল হোতে পারে; ছানাগুলি হয়ত বা সাক্ষা। হয়ত বা স্বাধীনতার পথে এক পা ভারত বাড়িয়েছে। একটা ইংরেজী কাগজ তো 'ভারত ভারতীয়দের জ্ঞাপন' এই শিরোনাম দিয়ে এদের আগমনবার্তা ঘোষণা করেছে। আচ্ছা, আরও একটু ভাল করে দেখা যাক।

স্যার হোমী মোদী হয়েছেন সরবরাহ সচিব। স্যার হোমী অসাময়িক প্রকৃতির, সুরসিক, বুদ্ধিমান সূচতুর ব্যবসায়ী। জাতে পার্শী। টাকার কথা বাদ দিলে তিনি ভারতের প্রতিনিধি নন। তাঁকে আমার লাগে ভাল। কিন্তু আমি ভেবে পাই না বোধের প্রাসাদে বলে ভারতীয় জনগণের সঙ্গে তার যোগাযোগটা কোথায়?

স্যার আকবর হায়দারী একা আমাকে হায়দারাবাদের কমংকার বাগানে খানা খাইয়েছেন। তার সে কি কাণ্ড!—চৌত্রিশটা কোয়ারা, আলোর আলো, মধুর আলাপ, সবলেশ: তাঁর সংগৃহীত ছবি। তিনি নিজের পেনে ওড়েন, ভোর বেলা যুগ্মযুদ্ধ লড়েন—তাঁর মত বয়সে ছুটাই তাক্কব ব্যাপার। তিনি একজন মনের মত লোক। তাঁকে মোগল বাদশার উত্তরাধিকারী বলা যেতে পারে—কিন্তু তিনি ভারতের প্রতিনিধি?—হ্যাঁ! একথা উচ্চারণ না করাই ভাল।

রাখবেল্ল রাও আর কিরোজ খাঁ দুই—তাঁরা হলেন স্বাধীনতার অসাময়িক দেশরক্ষা ও প্রবর্তনাগের মন্ত্রী। উভয়েই কিছুকাল ইংলণ্ডে ছিলেন—সেটা একটা সুবিধাও কটে, অনুবিধাও কটে। রাখবেল্ল রাওকে জানি—বিবেকনিষ্ঠ লোক কিন্তু কল্পনায় খালি নাই। দিল্লীতে কলে

স্বাহারে জনদের আগমন শুনে আমি চাইবো আরও উৎসাহী কেউ দেশরক্ষার ভার গ্রহণ করুক। স্তার ফিরোজ খাঁ! হ্যাঁ, তার সহক্ষে কয়েকটা কড়া কথা বলতে পারি—শত্রু হলেও আঘাত দেব না। লোকটি ভাল—অমমত্বীর কাজও বিস্তর। তাঁর এই পদ গ্রহণ করা আমার কাছে অদ্ভুত মনে হয়। তার শুভ কামনা করি। তিনি যদি একবার দেহাদুন জেলে নেহেরুর সঙ্গে সাক্ষাৎ করতে যেতেন!

আনের পরিচয় সামান্যই জানা আছে। ভারতীয় প্রবাসীদের পরিচর্যার সুযোগটা কম কথা নয়। তাঁর সংস্কারবর্জিত সবল মানসিকতা থাকা চাই। নূতন আইন সচিব—স্যার সুলতান আমেদ। তাঁকে ব্রিটিশ রাজের তাগিদে আড়াল থেকে টেনে বার করা হয়েছে কারণ উচ্চপদে মুসলমানের সংখ্যা কম আর বাইরে তিনি বুরোক্রাসীর ওপর চোখ রাখলেও আসলে খুব অসুগত।

মলিনী সরকারকে কে জানে? তাকে অর্থবিভাগ থেকে শিক্ষা, স্বাস্থ্য ও ভূমিব্যবস্থা বিভাগে (মন্ত্রীদের কত বিষয়ই না জানতে হয়!) গোত্রান্তর করার পেছনে বাংলাদেশ থেকে যাহোক একজনকে নেবার তাড়না ছাড়া আর কিছু আছে বলে মনে হয় না।

দেশরক্ষা পরিষদ নিয়েও খানিকটা গল্পগুজব করার ইচ্ছা ছিল কিন্তু তার তালিকাটা রুড় লম্বা। আহমেদকারের পরিচয় হল—তিনি হিন্দু সমাজের বিরুদ্ধে অস্পৃশ্যদের বিদ্বেষের প্রতীক। সুতরাং, হিন্দুদের জব্দ করার কিছু একটা পেলেই হ'ল, যে লড়াইয়ের সঙ্গে তার কোন সম্পর্ক নাই সেটাই বা বাদ যায় কেন? বাংলা, আসাম ও পাকিস্তানের প্রধান মন্ত্রীরা আমেরী সাহেবের বড় নজীর। কিন্তু ইংরেজরা কি জানে না যে প্রধান মন্ত্রী আরও ছিল, তারা সবাই পদত্যাগ করেছে এবং যে কারণে নেহেরু জেলে গেছে সেই কারণে তারাও কারারুদ্ধ। এরপরও কি দেশরক্ষা পরিষদকে প্রতিনিধিমূলক করা যায়? অবশিষ্ট লাবভার মহারাজার মত—যার আয় ছয়লক্ষ পাউণ্ড, খুঁটি হাতে রাখা দরকার। স্তার কয়াজী জাহাঙ্গীর বড়লোক; পার্শীদের দোহন করতে হোমি মোদীর সহায়তা করতে পারবেন। স্তার জাওলা জীবাস্তবের মত খবরের কাগজের মালিক কাজে আসবে। আর ইউরেশীয় নেতা স্তার হেনরী গিডনীর তো এই সুবিধা। তার স্বজাতীয়দের, ভারতীয়দের হৃণা করবার অহমিকা আছে, রাজগারের সংস্থান করার মুরাদ নাই। এবার তারা চাকরী লুটে নিতে পারবে। এই তো রকম! চমৎকার লোক সব—এরাই ভারতের প্রতিনিধি!

আচ্ছা, বর্ধিত রাষ্ট্রীয় পরিষদ ও দেশরক্ষা পরিষদের কাজটা কি? হোয়াইট পেপার ও আমেরী সাহেব সরিয়ে এ বিষয়ে কিছু বলেন নাই! তাদের কোন সভাপতি থাকবে বলে মনে হয় না—সভাপতির প্রকৃতিই গোলামেলে। আমেরী সাহেবের জবাবে বোঝা গেছে: (১) বড়লাটের নাকচ করবার ক্ষমতা অস্বীকার থাকবে, (২) দেশরক্ষা পরিষদ মন্ত্রণা পরিষদ বই আর কিছুই

নয়। কি মজার কথা! আমি যখন ভারতে ব্রডকাষ্টিংএর বড়কর্তা ছিলাম আমারও এ ধরনের অনেক মন্তব্য পরিষদ ছিল। আমাকে রোখবার তাঁদের কোন ক্ষমতাও ছিল না। বলতে কি তাদের পরামর্শ আগ্রাহই করতাম বেশী। তা'হলে দাঁড়াচ্ছে এই—বড়লাটের নাকচের ক্ষমতা থাকলে রাষ্ট্রীয় পরিষদ হবে স্বেচ্ছাচারীরা গোবেচারী মন্তব্য সভা।

আমি সমালোচকের দৃষ্টি নিয়ে কথাগুলি বলেছি, না বলে উপায় কি! আমি ভাবতেই পারি না গান্ধী যেখানে নেই নেহরু যেখানে জেলে কি করে সেখানে গুটি কয়েক মন্তব্যদাতা ভারতের প্রতিনিধিত্বানীয়া হতে পারে? তবে আর একটা দিকও দেখবার আছে। লিনলিথগো আর আমেরী মিলে যাহোক একটা কিছু করেছেন। তাদের এই অঙ্গুর মুঞ্জরিত হবে কি? আমার মনেদেহ আছে প্রকৃত ভারত এদের গ্রহণ করবে কিনা। যদি ভারতের পরীক্ষার সময় আসে, আমার ভুল ঘেন্না ভাঙে। একটা কথা এখানে উল্লেখ করতে হয়। জয়াকরের মত লোক, যিনি এই সুবেমাত্র প্রিকিউউল্ল সভ্য পদ থেকে অবসর গ্রহণ করেছেন, তিনিও বোম্বাইতে লিবারেল কনফারেন্সে ২৭শে জুলাই তারিখে এক প্রস্তাব করেন যে যুদ্ধের অব্যবহিত পরেই ভারতের রাষ্ট্রীয় মর্যাদা উপনিবেশগুলির মত হবে এই মর্মে পরিষ্কার ঘোষণা করা হউক।

সবশেষ হলোও সব চাইতে বড় কথা হোল গান্ধীজী। তাঁর সম্পর্কে লিখতে আমার মনোচ হয়—এই সব বিক্ষোভের কত উর্ধ্বে তিনি! কীণচিত্ত ব্যক্তিদের মত তার সঙ্গে আলোচনা করেছি 'সত্যিই কি হিটলার আমাদের জয় করবে?' তাঁর কাছে এই প্রশ্নের একটামাত্র জবাব পেয়েছি—অহিংসা, সে যত বছরেই হউক।

যুদ্ধ তাঁর কাছে কেবল—দালব মোছনে হিংসার পথ তাঁর পথ নয়। তবুও, নেহরুর স্তায় তিনিও ইংরেজের বন্ধু এবং জাতিগণ লোলুপতার পুরষ শত্রু। যদিও এই যুদ্ধে নীতির তাগিদে তিনি হুঁচকিতে অস্বস্তি, আজ যদি ভারতের জীবন-সরণ সমস্যা হ'ত, আমার মনেদেহ তিনি নির্দিষ্ট থাকতে পারতেন না। স্বাধীনতা তাঁর সঙ্গে ছিলনের কথা যখন মনে পড়ে যখন বোম্বাই ও দিল্লীতে নেহরুর সঙ্গে আলোচনের কথা ভাবি তখন স্বপারিশ লিনলিথগোয়ের বিরুদ্ধে ভাবনা হয়ে আসে। এই দুটি প্রকার প্রকার ভারতের কেন্দ্র ইংরেজের প্রকৃত রক্ত কি করতে পারতেন।

•New Statesman and Nations, প্রতিকার Lionel Fieldenএর লেখা প্রবন্ধ থেকে সংগৃহীত।

Lionel Fielden কিছুকাল পূর্বে ভারতের ব্রডকাষ্টিংএর বড়কর্তা ছিলেন। শোনা যায় কতপক্ষের সহিত মতভেদ হওয়ায় তিনি পদত্যাগ করেন।

Fielden সাহেবের প্রবন্ধে নতুন কিছু না থাকলেও এটা লক্ষ্য করবার বিষয় যে বর্তমানে ভারতের জাতীয় আন্দোলনের অর্ধট একজন ভূতপূর্ব ইংরেজ রাজকর্মচারীর চোখে পড়তেই হবে। পড়লেও আমাদের দেশে কোথাও কোথাও আত্মসম্মতির দাবী আত্মজাতিক সমস্তার সম্মানে আঙ্গুটি হয়ে গেছে। এটাই লক্ষ্য করবার বিষয়।

শক্তি

স্বপ্নেন্দ্রনাথ মৈত্র

বৃদ্ধের ও বৃদ্ধতর থাকে। আমার এক বয়োজ্যেষ্ঠ বন্ধুর কথা বলি। তিনি আজ ইহলোকে নাই। তিনি জাতিতে ছিলেন নমঃশূদ্র। কলিকাতা বিশ্ববিদ্যালয়ের পরীক্ষায় বিজ্ঞানে প্রথম স্থান অধিকার করে পরে হলেন উকীল। আইনের দ্বিজ্ঞে নবপক্ষোদগমের পর উড়ে গিয়ে বসলেন খুলনার বার-লাইব্রেরির ডালে। সেখানে পদার্পণ করামাত্র যে সাদর সম্ভাষণ পেলেন সেটা লিপিবদ্ধ করি। যেই সেই ঘরে ঢোকা, অমনি সেখানকার একজন মুকুব্বী উকীলবাবু হাঁকলেন—‘ওরে কে আছিস, হাঁকোর জলগুলো ফেলে দে!’ বলা বাহুল্য, এই অনভিজাত আইনী-দ্রাতার গৃহ-প্রবেশে হাঁকোর জল অশুদ্ধ হয়ে গেল। সুতরাং রক্তাঙ্গে ধূমপান হল অচল। আমার বন্ধু অল্প দিন পরেই মুলেকীতে বাহাল হয়ে এঁদের ধুমুচটার পথ মুক্ত করে দিলেন।

আমরা স্বাধীনতা চাই, স্বরাজ চাই। কে না চায়? যে মুখে বলে না ভয়ে, সে মনে মনে বলে। কিন্তু কোনো জিনিষই ত শুধু চাইলেই পাওয়া যায় না—এক মৃষ্টিভিক্ষা ছাড়া। অর্জন করতে হলে চেষ্টার প্রয়োজন, চেষ্টার মূলে আছে শক্তি, বাহুবলই হোক আর আত্মিক প্রভাবই হোক।

এ শক্তি আসবে কোথেকে? যে কামানের গোলায় পাহাড় উড়ে যায় তার কলকজা ভৈরী হয়েছে অনেক টুকরো জুড়ে। জাতীয় শক্তির মূলে তার সমষ্টিগত একতায়, হোট বড়কে পরম্পরের সঙ্গে খাপ খাইয়ে। জীবিত দেহে পঙ্করকে সংঘবদ্ধ করে পেশী। আমাদের সমাজদেহ বহু শক্তাকী ধরে পড়ে গলে পরিণত হয়েছে শতবিচ্ছিন্ন কঙ্কাল স্তূপে। মানুষ স্বয়ং স্রষ্টা, সে আত্মায় অমর। আমাদের জীবন-মারণ কাঠি আমাদেরই হাতে। যদি প্রাণের সাদা আজ জেগে থাকে আমাদের নাড়ীতে, তবে সেটারে রক্ষা করতে হলে আমাদের বহিঃস্থ নীচুটিকে-কিরোতে হবে অন্তরের দিকে।

শক্তি সংগ্রহ করতে হলে আমাদের দৌর্বল্য কোথায় সেটা আগে দেখা দরকার। যারা নিজের হাতে খাল কেটে কুমীর এনেছে গায়ে, তারা যদি কেবল খালের হুঁপারে দাঁড়িয়ে কুমীরকে গাল পাড়ে, তবে কুমীর শুধু এক একবার তার মাথাটা তোলে আর ল্যাজের বাড়িতে হুঁ একটা খোরাক সংগ্রহ করে। উদর পূর্তির পর দেখা দেয় পুনশ্চ। যাকে একটা শিকার ধরতে হলে তিন ক্রোশ গাঁতরাতে হত, সে ঘাটে ভেসে উঠেই মুখের গ্রাস পায়। এর একমাত্র প্রতিকার

খালের তট ত্যাগ করে দল বেঁধে মাটি কেটে খালে ফেলা। কুমীরের পো পিছু সাঁতার কেটে ধীরে ধীরে গাঙে ফিরবে।

আজ নয়, প্রায় দেড়শ বছর আগে এই বাংলার এক যুবক আমাদের জাতীয় দৌর্বল্যের মূল কোথায়, এই তথ্যটি তাঁর সহজ দৃষ্টিতেই আবিষ্কার করেছিলেন এবং বঙ্গপনিকর হয়েছিলেন শক্তির কেন্দ্রটিকে বাখামুক্ত করতে। এক টুকরো বরফ রক্ষা করতে হলে ভুঁষি চাই বই কি। কিন্তু বরফ কবে হয়েছে অস্থান, ভুঁষির বাস্তুটা আঁকড়ে বসে থাকলে লাভ কি? পিপাসার সময় জলে একমুঠো ভুঁষি দিলে ত তৃষ্ণার জল শীতল হয় না, হয় অপেয়। একটা এঞ্জিন চালাতে হ'লে চাই আগুন। সে আগুন। নিখর জল হয় বাষ্পীভূত, কলগুলিকে করে সচল। মানুষের জীবনে তার শক্তির মূল অধ্যাত্মকেন্দ্রে। সেখানে যখন প্রবর্তক বাষ্প পুঞ্জীভূত হয়, তখন জীবনের কলকব্জায় জাগে প্রেরণা। রামমোহন তাই হিন্দুকে দেখিয়েছিলেন কোথায় তার অন্তর্গত শক্তির উৎস। জগৎকে দেখিয়েছিলেন কোথায় সার্বভৌম মিলনের ক্ষেত্র। যে সর্বে দিয়ে ভূত ছাড়াতে হবে সেই সর্বেতে যখন ভূত চাপে, তখন কোনো ওয়ার সাধি নেই ভূত ছাড়ানো। ভূতগ্রস্ত বাঙালী দেড়শ বছর ধরে সর্বেটাকেই ভূতড়ে ক'রে তুলেছে।

রামমোহন যে একটা নিতান্ত মেকি ধান্নাবাজ অসচ্চরিত্র লোক ছিলেন এটা প্রমাণ করবার জন্তে সত্যনিষ্ঠ গবেষকের অভাব হয়নি আমাদের এই দেশে। এর জন্তে হুংখিত হবার কোনো কারণ নেই। আমাদের জাতীয় দুর্গতি কোন্ চরম দশায় পৌঁছেছে তার একটা সুস্পষ্ট লক্ষণ দেখতে - পাণ্ডা চিকিৎসার পক্ষে অল্পকূল।

হিন্দু মুসলমানের অহিনাকুল্যের যে সমস্যা আজ দেশকে অতিষ্ঠ ক'রে তুলেছে, তার মূল অনুসন্ধান করতে গেলে কি দেখি? পরের খুঁৎ ধরতে গেলে নিজের দোষ শোধরায় না। অল্প মুসলমান সম্প্রদায়ের আলোচনা নিম্প্রয়োজন। সেটা তাঁরা নিজেরাই করুন। বাংলার মুসলমানেরা সকলেই ইরান তুরাণের বংশধর নয়। তাঁরা এলেন—তাঁদের জাতিবর্ণহীন, আচারবাহ্য্য বর্জিত, একতায় বলিষ্ঠ উদার ইসলাম ধর্মে দীক্ষা দিল কে? হিন্দু পৌরহিত্যের সঙ্গীর্গতা ও ভেদবুদ্ধির ষণ্ডতা নির্বাতিতকে মুক্তি দিয়েছে গণ-নারায়নী ধর্মমণ্ডলীর আশ্রয়ে। প্রশ্রুতি জটিল, রাজনৈতিক, অর্থনৈতিক নানা কারণকূট নিহিত রয়েছে এই বিষয় সমস্যার ভিতর। তবু একথা সত্য, মানুষের সঙ্গে মানুষের একটা স্বাভাবিক মৈত্রীবন্ধনের সম্ভাব্যতা সর্বদেশে সর্বকালে উদ্ভূত। হিংসা, বিদ্বেষ যেমন সত্য, তার চেয়েও আমাদের সত্য প্রেম।

জড় পরমাণুদের মধ্যেও এই আকর্ষণ বিকর্ষণের নিত্যলীলা। তবু আকর্ষণটা প্রবলতর হয়েছে ব'লেই পৃথিবী আজ বাষ্পপিণ্ড নয়। আমরা হিন্দু মুসলমানরা এই মাটির সন্তান। আমাদের মধ্যে এই সার্বজনীন সহজপ্রীতি উদ্ভূত হোক, সকল দ্বন্দ্ব সমস্যার সমাধান কর্মকর্তা বাচ্যেই উপলব্ধ হবে স্বয়ংসিদ্ধ প্রেমসম্বন্ধের গুণে।

আর একটি কথা ব'লে আমার বক্তব্য শেষ করি। আমাদের দেশে পৌরাণিক কথনায় হরগৌরী ও শ্যামরাধার যুগলমূর্তি দেখতে পাই। দর্শনের প্রকৃতিপুরুষ যুগ্মাত্মক। আজ বিজ্ঞানীর যুগে স্থানি, বিশ্বস্থিতি বৈজ্ঞানিক মিশ্রণ সম্ভবতঃ। জীবজগতে স্রীযাত্রি সন্তানের জন্মভূমি। একটী প্রাচীন রচনা মনে পড়ে =

"পতিভাৰ্য্যাং নপ্রবিশা গৰ্ভকুণ্ডেহ জায়তে।"

জায়ায় স্তম্ভিভায়াং পৌরাণঃ কবয়োবিদঃ।"

অর্থাৎ, পতি পত্নীর ঘেহে অপত্যরূপে জন্মলাভ করেন, ত্রাহি প্রাচীন কবিরা নারীকে 'জায়া, বা স্বামীর আশ্রয় পুনর্জন্মভূমি নামে অভিহিত করেছেন। নারী কেবল সন্তানের জননী নন, স্নেহসেবায় আত্মিক প্রেরণায় তিনি বিশ্বমানবেরই মাতৃসমা। নারীর এই মাতৃশক্তিতে বিশ্ববিজয়িনী, নেপোলিয়ানের এই বিখ্যাত উক্তিতে সে কথা অভিব্যক্ত হয়েছে—"The hand that rocks the cradle is the hand that rules the world."

শিশুর দোলাটি দোলায় যে পাণি

বিশ্বশাসন সেই হাতে জানি।

বৈদিক গৃহস্মৃতে দেখতে পাই, রথকে প্রত্যক্ষ গৃহদেবতা রূপে বরণ করা হয়েছে। আজ আমাদের গৃহ সমাজে নবযুগের ভাঙনের রড মড়ানি জেগেছে। ভেঙে গড়বার ভার প্রধানতঃ মেয়েদের রক্ষণশীল মাতৃহস্তে সে কথা আমরা স্ত্রীপুরুষে যেন না ভুলি। তাঁদের দায়িত্ব পালনে আনুকূল্যের ভার পুরুষের হাতে, কত শতাব্দী ধরে এ সহজ কথাটি অস্বপ্ন ভুলেছি। তার প্রতিফল, যা, ঘরে বাইরে তা হাড়ে হাড়ে ভোগ করছি। এ প্রায়শ্চিত্তের প্রয়োজন ছিল। বাংলায় আগামী যুগের নবদম্পতী পরস্পরের হাত ধরে দাঁড়িয়ে যেন চলতে পারেন অকতোভয়ে—

"উভাব উথে" প্রেমের নিশান

চন্দ্র পথ মাঝে

চন্দ্র বেগে, চন্দ্রহতম কাজে।

রক্ত দিনের চুখে পাইত পাবো।

চাঁদ না শান্তি, সান্দনা নাহি চাঁদে

পাড়ি চিত্র নদী হাল ভীষণে খা

ছিন্ন পালের কাছি,

মৃত্যুর গুণে দাঁড়িয়ে জানিব

তুমি আছ, আমি আছি।"

কংগ্রেসের সত্যমূর্তি

পুলকেশ দে সরকার

আবার সত্যমূর্তি দেখা দিয়েছেন—সার্থকনামা সত্যমূর্তি ! কংগ্রেসের প্রকৃত রূপ যখনই কোন কারণে কিছু ঘোলাটে হ'য়েছে বা প্রকৃত আন্দোলনকে বিকৃত পথে চালিয়ে কংগ্রেসের কর্ণ-ধারেরা আবার দিবালােকে স্বস্থানে প্রতিষ্ঠিত হ'তে চেয়েছেন, তখনই এই মূর্তি দেখা দিয়েছে। সত্যমূর্তি গান্ধী কংগ্রেসের প্রকৃত মূর্তি।

সত্যমূর্তি গান্ধী আন্দোলনের অসামঞ্জস্যও নয়, “বিক্রোহ”ও নয়। সত্যমূর্তি গান্ধী আন্দোলনের ফরমূলা।

সত্যমূর্তি জেল থেকে মুক্তি পেয়েছেন; আবার সত্যগ্রহ করার দায় থেকে অব্যাহতি পেয়েছেন (কারণ—অসুস্থতা); কিন্তু “সমগ্র রণাঙ্গনে” যুদ্ধ করার প্রস্তাব নিয়ে আন্দোলন করার অনুমতি পেয়েছেন। একাধারে অব্যাহতি ও অনুমতি স্বয়ং গান্ধীজী দিয়েছেন।

রুলে গেল মতটার একটা কারণ সাধারণ লোককে জানাতেই হয়। সে কারণটা হচ্ছে, “বর্তমান পরিস্থিতিতে—”

In view of the present international situation.....

যথেষ্ট কারণ। অর্থাৎ অবস্থা যা দাঁড়িয়েছে তাতে এর একটা বিহিত করতে গেলে আমাদের চলার রীতিটাকে একটু এদিক ওদিক না করলেই নয়। সে সংশোধিত রীতিটা কি ? —না, ‘সমগ্র রণাঙ্গনে’ সংগ্রাম। অর্থাৎ বিনোবা ভাবে যদি তক্লি আর সত্যগ্রহ নিয়ে (বৃটিশ রাজত্বকে বিব্রত না ক'রে) সংগ্রাম চালায়, তবে সত্যমূর্তির দল পার্লিয়ারমেন্টারী বক্তৃতার ঝড়ে বৃটিশ শক্তিকে অবিব্রত রাখতে পারবেন। এই হ'ল সমগ্র রণাঙ্গনের হুঁটো ফ্রন্ট।

এটাকে আমরা ‘য়্যালায়েল’ বলতে পারি। আজকাল যুদ্ধে য়ালাই না হ'লে যুদ্ধ চলে না। এতে গান্ধীজীর অহিংস তক্লির সত্যগ্রহও থাকল, সত্যমূর্তিদের গরম বুকনিও থাকল। অতএব সংগ্রাম হচ্ছে না বলে যাঁরা হৈ-চৈ করেন তাঁদের মাথায়ও চাটি পড়ল, বৃটিশ গভর্নমেন্টও অবিব্রত থাকলেন।

তাহলে এবার গান্ধী করমূলাটা ক'ব যাক। আমরা উদ্ কায়দায় পেছোব।

বর্তমানের আন্তর্জাতিক পরিস্থিতি হচ্ছে : রুশ-জার্মান যুদ্ধ। পূর্ব রণাঙ্গনে সংগ্রাম এবং অল কোয়ায়েট অন দি ওয়েস্টার্ন ফ্রন্ট। হালিফ্যান্স জার্মানী ও বিশ্বকে জানিয়ে দিয়েছেন যুটেনের এমিন জাহাজ বা অল্পশত্রু নেই যাতে ক'রে পশ্চিম রণাঙ্গনে সৃষ্টি সম্ভব হতে পারে। আরও অনেক বিশেষজ্ঞের বিজ্ঞের মত হিটলারকে আড়াল না দিয়েই বলেছেন, আমরা কি বাপু আবার একটা ডানকার্ক করুব ? মার্কিন যুক্তরাষ্ট্র বাণিজ্য জাহাজ সশস্ত্রীকরণের ব্যবস্থা করছেন। জাপান সকল



দিক সামলাতে না পেরে কেবলই মস্তিসভা ভাঙছে। অষ্ট্রেলিয়ার অমিক গভর্নমেন্ট হয়েছে। ব্রিটান ও মার্কিন গভর্নমেন্ট রুশিয়াকে সাহায্য করবার প্রতিশ্রুতি জানিয়েছেন আজ প্রায় চারমাস; মস্কো থেকে রুশ-গভর্নমেন্ট স্বাধীনতার হায়েছে বলে শোনা যাচ্ছে।

বর্তমানে ভারতের পরিস্থিতি হচ্ছে : আগ-নলিনী সরকার প্রামুখ একদল বড়লাটের ডিকেল কাউন্সিলের সদস্য হয়েছেন; মুসলিম লীগের গণ্ডীর মধ্যে হক-জিন্নার মনকষাকষি চলেছে। কংগ্রেস নেতৃবৃন্দের অনেকেই অনুস্থতার কারণ ও মেয়াদের সমাপ্তিতে মুক্তি পেয়েছেন। গান্ধীজী নিয়মিত চরকা কাটছেন। ভারতের সম্পর্কে মিঃ আমেরি ইংরেজ শাসনের একটানা রেকর্ড বাজিয়ে যাচ্ছেন। দিনকে দিন জিন্নাজী জিন্দাবাদ হচ্ছেন।

এর মধ্যে আরও একটা কাণ্ড হয়েছে রুজভেল্ট ও চার্লিস আটলাটিকে একটা ফতোয়া দিয়েছেন; তার ব্যাখ্যায় ভারতবর্ষকে জানিয়ে দেওয়া হয়েছে যে বিশ্বসংগ্রামটা হচ্ছে ইউরোপীয় সভ্যতা ও গণতন্ত্রের জঙ্ঘ—কালো আদমি ফারাক যাও।

সেই সভ্যতা ও গণতন্ত্র রক্ষার সংগ্রামে নাৎসী-জার্মানী পোলাণ্ড, নরওয়ে, ডেনমার্ক, বেলজিয়াম, ফ্রান্স পদানত করেছে, ব্রুটনে বিস্তার বোমা ফেলেছে, বন্ধনকে ঠাণ্ডা করেছে, তারপর—ইতালী, রুম্যানিয়া, হাঙ্গারী, ফিনল্যান্ড এবং স্পেন, বেলজিয়াম, ফ্রান্স সহযোগে ও অস্ত্রাশ্র জাতির নিষ্ক্রিয় সহযোগিতায় এবং কারও কারও নিষ্ক্রিয় অসহযোগিতার ভরসায় জার্মানী একক রুশিয়ার উপর কীপিয়ে পড়েছে। ভারতে যুদ্ধ বিরোধীর ক্রীণ ধ্বনি তুলে দুই একজন নির্বাচিত সভ্যগ্রাহী জেলে যাচ্ছে; কংগ্রেসী মন্ত্রী মন্ত্রীমণ্ডলী ছেড়ে জেলে গেছেন। কিন্তু যেখানে কংগ্রেসের অপ্রাধিক্র সেখানে কিছুদিন ব্যতিক্রম করা হ'ল, অবশ্য নিরুপায় হ'য়ে যখন কোয়ালিশন টিকল না, তখন সভ্যগ্রাহের অনুমতি এসেছে।

তখনও মিঃ আমেরি প্রাচীন রেকর্ডখানা বাজিয়েছেন।

যুদ্ধের শুরুতে অথবা যুদ্ধ ঘোষণার পর কংগ্রেসকে কেন জিগেস ক'রে যুদ্ধ ঘোষণা হয়নি এবং পরামর্শের জঙ্ঘ তাদের কেন ডাকা হয় না এই অজুহাতে 'ভারতরক্ষা আইনের' বাহ ভেদ ক'রে কংগ্রেস নেতার মস্তিষ্ক তাগ করলেন ও জেলে গেলেন। কিন্তু কুপাণনী ও রাজেন্দ্র প্রসাদ কংগ্রেসের দপ্তর আগলে বাইরে থাকলেন ও যথাযথ বিবৃতি দিতে লাগলেন।

যুদ্ধের শুরুতে আর আজকের পরিস্থিতিতে এইমাত্র তফাৎ যে, আজকে ডিকেল কাউন্সিল গঠিত হয়েছে। মুসলিম লীগ সদস্যরা কেউ কেউ কাউন্সিলে যোগ না দিয়ে জিন্নাজী ও মুসলিম লীগের মর্বাদা বাড়িয়েছেন।

মাঝে আর একটা ব্যাপার ঘটেছিল। স্থার ভেজ-বাহাদুরের নেতৃত্বে একটা সর্বদল সম্মেলন বসেছিল। জিন্নাজী অভিযোগ করেন, ওটা কংগ্রেসের প্রেরণায় ও ইচ্ছানুসারে হয়েছে; উদারনীতিকদের বক্তব্য আসলে কংগ্রেসেরই বক্তব্য।

এ স্থর্ণামের যৌক্তিকতা—পূনা অকার !

তাই'লেই এখন ভাববার বিষয় হচ্ছে, মন্ত্রি ত্যাগ করবার পরবর্তীকালে বর্তমান পরিস্থিতিতে এমন কি হয়েছে যাতে আবার সেই পুরোনো রণাঙ্গনে কিংরে যেতে হবে ?

মিঃ আমেরি 'ইউনাইটেড ফ্রন্ট' চাইছেন; স্থার সাংগ সর্বদল সম্মেলন করেছেন; স্থার সেকেন্দারও প্রতিধ্বনি করছেন। মিঃ জিন্নাই শুধু এই সম্মেলন চান না, তাই লীগও চায় না। কংগ্রেসের খুব যে আপত্তি আছে তা নয়। কিন্তু কংগ্রেসের তরফ থেকে সেই চেষ্টা ব্যর্থ হয়েছে। যদি এই প্রচেষ্টাই বর্তমান পরিস্থিতির দাবী হয়ে থাকে এবং সত্যমূর্তি তারই পথাবিকারে বেরিয়ে থাকেন, তবে মিঃ আমেরি জিন্দাবাদ এবং তারও মূলে মিঃ জিন্না জিন্দাবাদ !

কিন্তু এখনও একথা জানবার উপায় নেই; সত্যমূর্তি সেকথা খুলে বলেন নি; সমগ্র রণাঙ্গনে যুদ্ধ করতে চাইছেন মাত্র। অতএব এদিক দিয়ে সত্যমূর্তির ওপর আলোকপাত করা যাবে না।

এবার ফরমুলার থার্ড ড্র্যাফটটা তুলতে হবে।

সত্যমূর্তি বরাবর আইনামুগ রণাঙ্গন সৃষ্টির কথা তুলেছেন এবং বরাবরই সে ড্রফটটা আইন সভা। কেননা আইনই গান্ধী আন্দোলনের মূল কথা। আইনকে মেনেই আইন অমান্ত, তারই আন্দোলন। গান্ধীজীর সমগ্র আন্দোলনটাই আইনামুগ। অহিংস থেকে অসহযোগ, তক্লি থেকে যুদ্ধ বিরোধী সবই এ এক পর্যায়ের।

১৯২১ এর অহিংস অসহযোগ আন্দোলন অনেকের মনে ধোঁয়ার সৃষ্টি করেছিল। কারণও ছিল। প্রথমতঃ যদি শতকরা একশ জন অসহযোগী হয় তবে ছয় মাসে স্বরাজ। দ্বিতীয়তঃ নিরস্ত্র ভারত অহিংস অস্ত্রের কথা শুনে অবাক হ'য়ে গেল; সহিংসবাদীরা পর্ষস্ত ভাঙা পিস্তল ফেলে দিল। তৃতীয়তঃ, বিলাতী বস্ত্র বর্জনের পাশাপাশি স্বদেশী ড্রবের বিক্রী বাড়ল, তাতে স্বদেশী ব্যবসায়ীদের সায় ও সহানুভূতি পাওয়া গেল।

কিন্তু বহুদিন মত ছড়িয়ে পড়ার বিপদ ক্রমশঃ পিনাল কোডকে ডিঙিয়ে যেতে চাইল। অর্থাৎ, যারা আইন অমান্তের আইনামুগ প্যাঁচটা বোঝেনি, সেই চা-বাগানের কুলি, জমিচা চাষী, কারখানার মজুর—তাদের মধ্যে যখন এই প্রযুক্তিটা অনাড়ম্বর ও আদিম আকারে দেখা দিল, তখনই গান্ধীজী রাশ টানলেন।

অসহযোগ আন্দোলনের মর্মকথাটা এই : যার সঙ্গে অসহযোগ তার আইন মেনে ধরা দিতে হবে; তার কারা-আইন মেনে চলতে হবে। অর্থাৎ শাসন কর্তৃপক্ষের আইন বজায় রাখতে প্রতিপদে সাহায্য করতে হবে।

তর্ক উঠতে পারে আইন সভার 'সহযোগিতার' কৌশলটা। গান্ধীজী তো প্রথমে বরদাস্ত করেন নি, দাশ সাহেবের সঙ্গে সেজন্য তার বেশ সংঘর্ষই হয়ে গেছে ; রাজাজী প্রমুখ আজকের Pro-changer রা তখন ছিলেন No-changer.

তার জবাব এই হবে যে গান্ধীবাদেরও একটি পুষ্টির ইতিহাস আছে এবং গান্ধীবাদ আইনামুগ বললেই তার মধ্যে দাশ সাহেবের আইন সভা অধিকারের কথা উঠেছে এবং যে আইন গান্ধীবাদের ভিত্তি সেই আইন প্রণয়নের ক্ষমতা আইন সভার। আইন সভার, আইন প্রণয়নের প্রকৃত ক্ষমতা থাকলে সে আইন প্রণয়নে হাত বাড়ানো যাবে ; যদি না থাকে, তবে তাঁও দেশবাসীর সম্মুখে নগ্ন করে দেখানো যাবে। সাধারণের স্বায়ত্তশাসন সম্বন্ধে মোহ কাটিয়ে দেয়া যাবে। তারপর ?—তারপর, দাশ সাহেব জবাব দেন নি।

দাশ সাহেব আইনামুগ গান্ধী আন্দোলনের স্ফায়সঙ্গত পরিণতি। গণ-আন্দোলন যেখানে অহিংস হতে চায় এবং গভর্নমেন্টের বদলে আন্দোলনের নেতারা যেখানে তার কণ্ঠ টিপে ধরেন, সেখানকার গণ্ডী ঠিক রাখতে হ'লে অর্থাৎ, আইনের কাঠামোটা বজায় রেখে দেশবাসীর মনে বিদেশী শাসনের বিরুদ্ধে বিদ্রোহ চাগিয়ে তুলতে আইনের লড়াইই একমাত্র পথ। গান্ধীজী নিজে তাঁর আন্দোলনের এদিকটা সম্বন্ধে অচেতন ছিলেন ; দাশ সাহেব চক্ষুদান করলেন।

কিন্তু গান্ধীজী জানেন, আইন প্রণয়নক্ষেত্রে পরাধীন ভারতবাসীর মোহ কাটতে বেশী দেরী হবে না। আইন সভার গঠনতন্ত্র জানা আছে, বড়লাটের সার্টিফিকেট আছে।

আর একটা কথা ব্র্যাকেটে বলতে চাই। দাশ সাহেবের সময় মিঃ আমেরির কীলকটা বার্কেনহেড অত সহজে ভারতের রাজনীতিতে তখনও প্রবেশ করাতে পারেনি ; মিঃ জিন্না বা আয়েদকর তখন ভাল করে কথা বলতে শেখেন নি। তাই আইন সভার নগ্নরূপটা বেশ প্রকট হয়ে উঠল। কিন্তু তারপর ?

স্পর্ধিত জনগণ কল কোলাহলে এ প্রশ্ন করল।

গান্ধীজী আবার আইন অমান্যের ছমকি ছাড়লেন। সেই আইনামুগ আইন অমান্য। জানিয়ে শুনিয়ে প্রকাশ্যে গান্ধী নির্দিষ্ট আইন অমান্য করতে হবে, পুলিশ ধরলে ধরা দিতে হবে, বিচারক দণ্ড দিলে মেনে নিতে হবে, দণ্ড হ'লে জেলে যেতে হবে ; জেলের আইন কাহুন মেনে চলতে হবে। গান্ধীজী যে আইনটি অমান্য করতে নিষেধ করবেন সেটি মেনে চলতে হবে, যেমন, চৌকিদারী ট্যাক্স ও অস্ত্র আইন। অপরদিকে জমিদারী স্বত্ব আর কারখানা মালিকের মালিকানায় স্পর্ধিত প্রশ্ন তোলা চলবে না।

কিন্তু গান্ধীজী এবার নিজেই সহযোগিতার হাত বাড়ালেন, সপ্র-জরায়ক প্রসাদাৎ নতুন শাসনতন্ত্র (মানে, আইন) রচনার জন্ত বিলেত যাওয়া স্থির হয়ে গেল। বিলাতী কূটনীতিকরা

মাইনরিটির অ্যাপল্ অব্ ডিসকর্ডটো ভীত্রে কেলৈ দিলেন; গান্ধীজী ব্যর্থতার অভিমানে যখন সযুজ পাড়ি দিয়ে এদেশে কৃষক আন্দোলনকে কোরষ্টল কর্তে “পুনঃ” আইন অমান্য শুরু করলেন, তখন ম্যাকডোনাল্ড বানালেন এক উপাদেয় সাম্প্রদায়িক বাটোয়ারা।

গান্ধীজী হরিজনের জন্তু জীবন দেবেন বলে জেল থেকে মুক্তি আদায় করলেন। নির্বাচন কালে সত্যমূর্তির দল সাম্প্রদায়িক বাটোয়ারাকে মেনেই এবং গান্ধীজীর আশীর্বাদ নিয়েই নির্বাচনে নামলেন। সাইমন কমিশন বয়কট হয়েছিল; ১ম রাউণ্ড টেবিল কনফারেন্স বয়কট হয়েছিল; তৃতীয় রাউণ্ড টেবিল কনফারেন্স বয়কট হয়েছিল। কিন্তু যে শাসনতন্ত্র গ্রহণ করব না বলে নেতারা অভিমানে কোঁপাচ্ছিলেন সেই শাসনতন্ত্রের শাসন মেনেই ভোট যুদ্ধ খেললেন। অনেকগুলো প্রদেশেই ভোট যুদ্ধে জয় হ’ল এবং সংখ্যাধিক্যের নেশা তাঁদের এমনই পেয়ে বসল যে অফিস গ্রহণ করা হবে কি না সে প্রশ্নও মাথা চাড়া দিল। গান্ধীজী বললেন, বেশ, বড়লাট বলুন, তিনি বে-আইনী রকম যথাতথ্য তাঁর বিশেষ ক্ষমতা প্রয়োগ করবেন না। বড়লাট বললেন, সে এমন বেশী কি কথা, বিশেষ ক্ষমতা বিশেষ ক্ষেত্রেই তো ব্যবহার হয় ও তাই-ই হবে।

বাস নেতারা জয়োল্লাসে খুসী। দেশে কংগ্রেসী রাজত্ব চলল, গুলিগোলা আগেও যেমন চলত, অহিংস কংগ্রেসী রাজত্বেও তা চলল, গান্ধীজী তা সমর্থন করলেন। সন্দিক্ অহুসঙ্কিতসুরা হরিজনের ফাইল দেখতে পারেন। কংগ্রেসীরা বেশ চুটিয়ে রাজত্ব চালালেন। শাসনদণ্ড হাতে পেয়ে কংগ্রেসের সংকীর্ণ ক্ষেত্রে আর দেশের বৃহত্তর ক্ষেত্রে বামপন্থীদের ছিন্নভিন্ন করলেন।

এল যুদ্ধ। এল ভারতরক্ষা আইন। বামপন্থীদের কংগ্রেসীরাই নিক্ষেপ ক’রে এম্বলিশমেন্ট, সরকার আরও এককাঠি ওপরে গেলেন।

কংগ্রেস পুনা-দিল্লী, দিল্লী-পুনা ক’রে জানিয়ে দিল, সহিংস-অহিংস কথাটা বাজে; কথাটা হ’চ্ছে, যুদ্ধে আমরা আপত্তি কর্তাম না, সাহায্যই কর্তাম; তোমরা কেন, একবার আমাদের ব্যাপারটা জানালে না; কেন, আপন করে ডেকে নিলে না? নিলে না যখন তখন দিলাম মস্তিষ্ক ছেড়ে। আমরা এমন যুদ্ধের বিরোধী।

গান্ধীজী বললেন, বিরোধী, কিন্তু আমাদের উদ্দেশ্য মিত্ররাজকে বিব্রত না করা। আচ্ছা, তারা মরণপন যুদ্ধে লিপ্ত, ছি, এই কি বোঝা পড়ার সময়? ওরা আবার মেরুদণ্ড শক্ত করে দাঁড়াক তখন আবার আমাদের মেরুদণ্ডের পরখ হবে।

চলল, গান্ধীজী নির্দিষ্ট ‘ব্যক্তিগত’ (কথাটা ব্যাপ্তিক হওয়া উচিত) সত্যাপ্রহ। প্রধান মন্ত্রীরা লম্বা লম্বা বক্তৃতা সহ প্রস্তাব পাশ ক’রে জেলে গেলেন।

তাঁরা অনেকেই আজ জেলের বাইরে।

করম্বলাটার সমাধান হ’চ্ছে এই:



(১) অসহযোগ—জেলা—আইন সভা—

(১৯২১)

(১৯২৩)

(দাল সাহেবের সৌজন্তে)

(২) আইন অমান্ত—(অসহযোগ)—জেলা—রাউণ্ড টেবিল

(১৯৩০)

(১৯৩১)

(গান্ধীজীর সৌজন্তে)

(৩) আইন অমান্ত (২)—জেলা—হরিজন (১৯৩৩)

(১৯৩২)

(গান্ধীজীর সৌজন্তে)

নির্বাচন, মন্দির (১৯৩৭)

(৪) মন্তব্য

ব্যক্তিগত সত্যগ্রহণ — জেলা—সত্যমূর্তি

(১৯৩৯)

= ভিভাস সার্কেল—অসহযোগ—জেলা—আইন সভা

= অসহযোগ—সহযোগ—অসহযোগ—সহযোগ.....

শোনা যাচ্ছে, সত্যমূর্তি ব্যর্থ হবেন। অসফ আলির দৌড়ো-দৌড়ি, রাজাজীর ওয়াক্কা গমন, জয়াকরের বিবৃতি, সেকেন্দারের ইউনাইটেড ফ্রন্ট, আল্লা বজ্জের মহান্ চেষ্টা ব্যর্থ হবে; কেননা সত্যমূর্তি রিজুট পাচ্ছেন না। কিন্তু সত্যমূর্তি যদি ব্যর্থ হন, গান্ধী আন্দোলন গান্ধীবাদই ব্যর্থ হবে। সত্যমূর্তি গান্ধী কংগ্রেসের অমর প্রতিমূর্তি।

—“এক কথায় ভারত ও বৃটেনের মধ্যে বিবাদের সূত্রটা কি? সেটা হোল—আমরা যেমন স্বাধীনতা চাই, ভারতবর্ষও ঠিক সেই স্বকম স্বাধীনতা চায়; চার্লিস যে স্বাধীনতা চায়—আত্মনিয়ন্ত্রনের স্বাধীনতা, আপন রুচি অনুযায়ী জীবনযাত্রার স্বাধীনতা—যে জীবনযাত্রার রীতিনীতি ব্রিটিশ পদ্ধতির সম্পূর্ণ বিরোধী—মুহুদ, মিত্র ও শত্রু বেছে নেবার স্বাধীনতা। আমরা যাদের জেলে পুরছি তারা পশু বাহিনীও নয় কিংবা আমাদের শত্রুও নয়—তাদের দাবী হোল আমাদের বর্ণিত যুদ্ধের উদ্দেশ্যের মধ্যে ভারতের স্বাধীনতাও স্থানলাভ করুক।”

—লাওনেল কিশ্টেন

‘নিউস্ট্রেটসম্যান এণ্ড নেশন’

বাংলা প্রথম পাঠের ভূমিকা

জীবননর রায়

ইউরোপ ও আমেরিকায় শিশুর অক্ষর পরিচয় ও অল্পলিখন পদ্ধতিকে শিশুর পক্ষে সহজ ও মনোজ্ঞ ক'রে তোলবার জন্তে যে পরিমাণ চেষ্টা, অনুসন্ধান ও অনুশীলন হয়েছে তা সম্পূর্ণ বৈজ্ঞানিক মনোবৃত্তিপরায়ণ জাতির পক্ষেই সম্ভব। বাংলা ভাষার অক্ষর পরিচয় ও অল্পলিখনকে আনন্দদায়ক ও বাঙালী শিশুর মনকে জ্ঞানের পথে আগ্রহান্বিত ক'রে তোলবার জন্তে সে রকম বৈজ্ঞানিক চেষ্টার কোনো পরিচয় পাওয়া যায় না।

শিশুপাঠ্য প্রণয়নের অধিকাংশ চেষ্টাই শিশুদের স্বাস্থ্য, জ্ঞান, আনন্দ বা এক কথায় শিশুদের তথা দেশ ও জাতির ভবিষ্যতের মূল্যে কিঞ্চিৎ অর্থোপার্জন বই আর কিছুই নয়। আসল কথা বাঙালীর মজাগত ধর্ম হচ্ছে “আপাত মধুর পাপ” সাধন করা—অর্থাৎ আমার স্বার্থটুকু আপাতত সিদ্ধ হলেই হল। “পরিণামে পরিতাপটা” প্রত্যক্ষভাবে আমার ভাগে না পড়লেই চুক যায়। সেই পরিণামটাকে হিসেবের মধ্যে আনতে হ'লে আপাতত যে স্বার্থত্যাগটুকুর প্রয়োজন তা' করতে বা 'দূর ভবিষ্যতে কার লাভ হবে' এই আশায় বর্তমানের আরামের বা সুবিধারূপ মূলধনটুকু খোয়াতে আমরা প্রস্তুত নই। আর যে-ব্যক্তি নিজের ঘরের জন্তে কিছুই ছাড়তে বা কষ্ট করতে প্রস্তুত নয় সে যে গোষ্ঠীর বা দেশের বা মানবজাতির মুখ চেয়ে “আপাত মধুর” এর কণামাত্র ও ছাড়তে চাইবে না এত জ্ঞান কথ। অলমতি বিস্তারণ। এখন কায়ের কথায় ফেরা যাক।

কিছুদিন থেকে ইণ্ডিয়ান স্ট্যাটিসটিক্যাল ইনস্টিটিউট বাংলা ভাষা শিক্ষা পদ্ধতির অনুসন্ধান হস্তক্ষেপ ক'রেছেন। আর আমার মনে হয় যে “আবোল তাবোল” বা ব্যক্তিগত স্বার্থ-খেয়ালী চেষ্টা না করে সুনিয়ন্ত্রিত বিজ্ঞানান্বিত পন্থায় অনুসন্ধান ও পথনির্দেশের চেষ্টা করলে ফলও অনেক বেশী সুনিশ্চিত, নির্ভুল ও নির্ভরযোগ্য হবে।

এই অনুসন্ধানের ফলে একটা কথা নিঃসন্দেহে প্রমাণ হয়েছে যে বহুপ্রচারিত প্রথম পাঠগুলির মধ্যে ছ'একখানি ছাড়া আর কোনোটিতেই সামান্য মাত্রও চিন্তা বা শিশুমনস্তত্ত্বের পরিচয় নেই। তা ছাড়া পাঠ্যপুস্তক প্রণয়নে পাঠ্যমান বা স্ট্যান্ডার্ডাইজেশনের একান্ত অভাব। আমাদের দেশে এই স্ট্যান্ডার্ডাইজেশনের অভাবে জীবনের প্রত্যেক ক্ষেত্রেই যে আমাদের সুনিশ্চিত পদক্ষেপ ও অগ্রগতি পদে পদে দ্বিধাগ্রস্ত হয় এও জানা কথা। শিশুকে এক বিচ্ছিন্ন থেকে অল্প বিচ্ছিন্ন নিয়ে ভর্তি করলে যে একই স্ট্যান্ডার্ডের বা ওজনের পাঠ্য সে পড়তে পাবে তার নিশ্চয়তা নেই। সুতরাং, বাংলা ভাষার পাঠ্যগুলি যাতে শ্রেণী অনুপাতে একই ওজনের হয়



তার ব্যবস্থা করা আবশ্যিক। তা ছাড়া বাংলা ভাষার প্রথম পাঠগুলি যাতে সহজ, মনোজ্ঞ ও বিশেষ করে লক্ষিত-রূপে তাহা দিকে দৃষ্টি রাখাও কৰ্তব্য। শিক্ষার নৈশিচর বীদেৰ কাছ অজ্ঞাত নয়, প্রথম পাঠ সক্ষিপ্ত করার কারণ তাদের ব'লে দিতে হবে না। আর আমাদের মতে প্রত্যেক প্রথম পাঠ প্রণেতারই শিশুমন-অমুশীলন-অভিজ্ঞ না হওয়াটা অমার্জনীয় অপরাধ।

প্রচলিত প্রথম পাঠগুলি বিশ্লেষণ করে যে বিপুল এবং দুৰূহ শব্দসম্ভার এই অচিরোদগতদন্ত নিরপরাধ শিশুকুলের জন্তে নির্বাচিত পাঠ্যরূপে পাওয়া গেছে—তা একত্র দেখলে চমকে উঠতে হয়। অপগত, লালসা, অনৈতিহাসিক, বিশৃঙ্খল প্রভৃতি শব্দ কেবলমাত্র যুক্তাক্ষর বর্জিত বলেই নির্বিচারে নির্বাচিত হয়েছে। এই সব কঠিন শব্দের পৌনঃপৌনিক ব্যবহার থেকে এইটুকু বেশ বোঝা যায় যে বাংলা প্রথম পাঠ প্রণয়নের সময় শিশুদের পরিপাক শক্তি সম্বন্ধে আমরা শুধু উদাসীন নই—নির্মম। এমনতর অভ্যর্থনা দেউড়ীর দরজাতেই পেলে যে, শিশুদের বিদ্যালয়ের আগ্রহের “গিলে-চমকে” যাবে তার আর বিচিত্র কি!

অধিকাংশ প্রথমপাঠ প্রণেতার উক্তরূপ অপচেষ্টা সত্ত্বেও যে বাঙালী শিশুর জ্ঞানার্জন স্পৃহাকে একেবারে গলা টিপে মারতে পারেনি তার কারণ শিশুদের টিকে থাকবার ক্ষমতা অনন্তসাধারণ। জ্ঞানার গৌরবও তার অপরিমেয় আনন্দ, মানবশিশুর জীবনী শক্তিরই সমপর্যায়ের। কিন্তু তৎসম্বন্ধে ফল যে শোচনীয় হয়েছে তাও নিঃসন্দেহ।

বাংলার শিশুসম্প্রদায় সম্বন্ধে প্রাচীন ও নবীন এই দুই বিভিন্ন যুগে যেমন প্রহার ও প্রঞ্জয়ের ব্যবস্থা নির্বিচারে করা হয়েছে প্রথমপাঠ প্রণেতারও ঐ দুই বিভিন্ন যুগে সে ব্যবস্থা যে অক্ষুণ্ন রেখেছেন তার প্রমাণ হাতেই রয়েছে। আর এই দুই ব্যবস্থাই একই মনোভাব প্রসূত; অর্থাৎ শিশুচর্যায় আমাদের মনোযোগ ও চিন্তার ক্রেশস্বীকার করবার আলস্য। এইজন্তে প্রথমপাঠ প্রণয়নে আমরা নির্বিচারে হয় একদিকে তুলজ্য শব্দপুঞ্জ কণ্টকিত করে শিশুদের চলার পথ দুৰূহ করে তুলি; আর না-হয়ত বিদেশের অর্থনৈতিক ও সামাজিক পরিবেশের আত্মকূল্যে যে পাঠ্যপ্রণয়ন-পদ্ধতি গড়ে উঠেছে তার স্বরূপ পরিপ্যাক করতে না পেরে তারই অন্ধ অমুকারণে লেগে যাই। আর মাত্রাজ্ঞানশূন্য হয়ে ছবি আর ছড়ার জগাখিচুড়ীর অতি-পরিবেষণে শিশুকূলকে উদ্ভ্রান্ত করে দিয়ে নিজেদের এই শিশুস্নান-রচনায় নিজেরা এত মুগ্ধ হয়ে থাকি যে এর হাস্যকর রূপটা আমাদের চোখে পড়ে না—যেমন পড়ে না, পাশ্চাত্য-সুৱাকেন-বিলাসী লিনেমা-শিক্ষিত অতিআধুনিকভাৱন্ত যুরকদের, নিজেদের অভিনয়ের হাস্যকর রূপটা তাদের নিজেদের চোখে।

ঐ রকম ছবি ও ছড়ার প্রাবিড় প্রথমপাঠ আগাগোড়া কণ্টকিত করে একটা অক্ষরও চিনতে পারে না এমন শিশু আমরা অনেক পাইছি। একটা কথা মনে রাখলে সব গোল মিটে যেতো; দেটা এই যে, শিশুরাও মানুষ, আর আমাদের চেয়েও অনেক তাজা মানুষ। তাদের

জ্ঞানার্জনের পুণ্য স্বাভাবিক। কোনো মতে কাকি দিয়ে তাকে লেখাপড়া গিলিয়ে দেব, সে জানতে পারবে না এই রকম একটা মনোভাবের আড়ালে থাকে একটা পূর্বভাব ধারণা যে, লেখাপড়া খোজা শিশুর পক্ষে কষ্টকর ব্যাপার—প্রায় ওষুধ গেলার মত। এর মত ভুল ধারণা খুব কমই আছে। 'জ্ঞানলাভ' বা 'শেখার' আগ্রহ মানুষের একটা স্বাভাবিক বৃত্তি সুতরাং শিখতে পারাটা আনন্দজনক। অতএব কিছু শেখাতে গেলে শিশুকে 'ভুলিয়ে-ভালিয়ে' গিলিয়ে দেবার চেষ্টা; এক নম্বর—অজ্ঞতা প্রসূত; দুই নম্বর—আলস্য অর্থাৎ "পশ্চিমের নকলনবিশী করলেই যদি একটা অভিভাবক-ভোলানো তিনিস খাড়া করা যায় তবে আর দরকার কি"—এই মনোভাবের ফল।

শিশু নিজে শিখছে, জানছে, বড় হচ্ছে, বাঁচছে এই পরমবিশ্বাস ও আনন্দেই সে শিখতে চায়। সুতরাং অতিরিক্ত ছড়া ও ছবির বিপর্যয়ে তাকে বিভ্রান্ত করে তুললে সুফল লাভের সম্ভাবনা নেই। তাই বলে একথা যেন কেউ মনে না করেন যে ছন্দ ও ছবির বিরুদ্ধে আমরা মত প্রচার করতে বসেছি। ছবি ও ছন্দ শিশুর মনে জ্ঞানার্জনের রসায়নস্বরূপ—অর্থাৎ তার স্নায়ুর অবসাদ দূর করে এবং তার শিক্ষাব্যাপারকে প্রাণবন্ত করে তোলে। কিন্তু মনে রাখা দরকার যে, যা অবসাদ দূর করে তারই মাত্রাধিক্যে বিবিক্রিয়া উপস্থিত হয়।

আর একটি কথা মনে রেখে শিশুর শিক্ষার পথে অগ্রসর হ'তে হবে। শিশুজ্ঞিত প্রস্ফুরণোন্মুখ সুতরাং গতিশীল। একই বস্তুতে তাকে অধিকক্ষণ বা অধিক দিন নিবদ্ধ রাখলে ধৈর্যচ্যুতির সম্ভাবনা। নূতন নূতন বিষয়ে তার চিন্তা নব নব রসের ও'বিশ্বয়ের টানে ছুটে চলে। পরিণত হিসাবী মন একই বিষয়ের মধ্যে নিজেকে নিবিষ্ট রেখে তার ফলজ্ঞতির অপেক্ষায় ধৈর্য ধারণ করতে অভ্যাস করে। কিন্তু শিশু প্রকৃতির এই বিশেষ গুণের জন্মে সে কোনো একটা বিষয়কে সম্পূর্ণ আয়ত্ত না-ক'রেও বিষয়ান্তরে উপনীত হয় আর ক্রমে ক্রমে তার পথ চলার অভিজ্ঞতার বাঁকে বাঁকে তার মনের আবছায়াগুলি ক্রমে বাস্তব জ্ঞানে পরিণত হয়।

ভাষা শেখবার সময়ও দেখতে পাওয়া যায় যে শিশু একটি কথাকে নিত্যন্ত অসম্পূর্ণভাবে শেখে ও ব্যবহার করে; কিন্তু বার বার শুনে শুনে এক একটি কথার পূর্ণ অব্যয়টিকে সে কখন এক সময় যে আয়ত্ত করে ফেলে! কিন্তু বারবার ভুল করে ব'লে তার ভাষা শেখার কিছুমাত্র ব্যাঘাত জন্মায় না। কিন্তু তাকে বই পড়ানো আরম্ভ করার সময় এ কথাটি আমরা মনে রাখি না। আর তাকে এক একটি অক্ষর বা কথা বা পাঠের গণ্ডিতে আবদ্ধ রেখে—শিথিয়ে রাখা করিয়ে, লক্ষ্যভ্রম ক'রে দিয়ে তবে রেখেই দি। আর ফলে তার বিভ্রান্তির পুণ্য বৃদ্ধি বলিষ্ঠকল্প। শিশুর এইচ্যকটি পরিচয়ের লখনকাল বড়টা সংক্ষেপ করা দায় ততই মজল। যেমন ধরা যাক যে "প" অক্ষরটির সঙ্গে তাকে পরিচিত করতে হবে। আর একটি পদই তার পক্ষে যথেষ্ট, যথা—পান পান পার। নৃত্যন্ত হিসেবে বলা যায় যে যেমন একটি নৃত্যর সোপকের সঙ্গে পরিচিত হলেই প্রথমই জাম মজ

শিশুর পরিচয় পাকা হইয়ে যায় না—পরন্তু নানা স্থানে নানা ভাবে পরে পরে তার পরিচয় পেতে পেতে তার সঙ্গে পরিচয় ক্রমে পাকা হয়। তেমনি ঐ “গ” অক্ষরটি পরপর অধরো নানা পাঠের মধ্যে পেতে পেতে “গ” এর পরিচয় পাকা হইয়ে উঠবে। তারই “গ” অক্ষরটি শেখাবার মুহূর্ত থেকে তার গলা টিপে গিলিয়ে দেবার চেষ্টা গণ্ডমূর্থতা না হ’লেও অপোগণ্ড-মূর্থতা তাতে আর সন্দেহ নেই। অতএব একদিকে যেমন খুব অল্প পরিসরের মধ্যে প্রথম পাঠকে সংহত করা দরকার তেমনি সেই সঙ্গে সঙ্গে ক্রমপাঠ্য পদগুলির মধ্যে স্বল্প-পরিচিত অক্ষরগুলি যাতে বারবার যথেষ্ট পরিমাণে আপন আপন পরিচয় দান করতে পারে সেই দিকে লক্ষ্য রেখে পরস্পরায় পাঠ্যপদগুলি রচনা করতে হবে।


তৃতীয়ত, প্রথম পাঠকে সহজ ও সংক্ষিপ্ত করার আর একটি উপায় আছে। জটিল (যথা ক্ষ, ঋ) অনাবশ্যক (যথা ঞ, ঞ্, ঢ) এবং সম-উচ্চারণের (যথা ই, ঈ; উ, উ; শ, য, স; ণ, ন) এক একটি অক্ষর ছাড়া অল্প অক্ষরগুলিকে প্রথম পাঠে আনার দরকার নেই। তা’ ছাড়া এমন অনেক অক্ষর আছে যেগুলোর ব্যবহার শিশুদের জানা শব্দের মধ্যে নেই (যথা—ঔ, ঋ, ঞ, ঞ্ ইত্যাদি) আর অপরিচিত শব্দের অক্ষর তাদের মনযোগ ও কৌতুহল আকর্ষণ করে না। এই সময়টা মস্তিষ্ক, চোখ, কান, হাতের সঙ্গে বই ও অক্ষরের সহযোগিত্ববানের (Co-ordination) কাল। এই অভ্যাসটুকু হইয়ে গেলেই নতুন নতুন অক্ষর ক্রমে আয়ত্ত্ব করা শিশুর পক্ষে আর কঠিন হয় না। আর কো-অর্ডিনেশনের এই কালটুকুতে শিশুর পাঠচর্চা যত সহজ করে দেওয়া যায় ততই “পারদর” বা সফলতার আনন্দে সে যে মগোরবে এগিয়ে চলতে চাইবে এ তা’ জানা কথা।

এই গেল পড়ার কথা। কিন্তু পড়া আর লেখা এক সঙ্গে শুরু করলেই ফল শেষ পর্যন্ত সব চেয়ে বেশী পাওয়া যায়। কারণ অক্ষরের প্রতিকল্প লেখার চেষ্টাতেই স্মৃতিশক্তিকে সাহায্য করে বেশী; তা’ ছাড়া ওটা শিশুর স্বজন করবার বৃত্তিকে চরিতার্থ করবার আদি পর্যায়। আর সেই জন্তে শিশুদের পক্ষে স্বাভাবিক প্রবণতা অনুসারে যে যে অক্ষর পর পর শেখা সহজ সেইগুলি পর পর প্রথম পাঠে আসা উচিত। অল্প একটু আলোচনা করলেই এ কথা সহজে বোঝা যাবে।

মানুষের মাথা ও পেশীর বিশেষ অবস্থানের জন্তে মানুষের হাতের রেখাক্ষন প্রবণতা তথা সহজগতি-প্রবণতা হ’চ্ছে বাইরে থেকে কোলের দিকে, ডাইনে থেকে বাঁয়ে, সরলরেখার চেয়ে কৃত্তংশ অঙ্কনে। এই জন্তে উর্দু বা ইংরাজি হরফ মানুষের পক্ষে আয়ত্ত্ব করা সহজ। ইংরাজি হাতের লেখার অক্ষর বৃত্তপরায়ণ ও ক্রান্তগামী; কিন্তু আমাদের বাংলা অক্ষরগুলি লেখার সময় দিকবিন্দিকে খমকে থমকে কসরৎ করে করে চলতে হয়। সুতরাং ভাস্কর পতির চেয়ে স্থিতিশীল বেশী এবং অক্ষরের ঠানগুলি বহুকোণসম্পন্ন সুতরাং সহজে গড়িয়ে চলে না। এ ছাড়াও বাংলার আত্মা কতকগুলি অক্ষর ঊর্ধ্বতল ও ভূতল্যের অর্ধাঙ্গগুলি নৃত্যবিশেষ—স্বাক্ষরের ত-তুলনাই নেই—এক বোধ চন্দ্রমুখের অক্ষর ছাড়া। এমন অবস্থার আমাদের শিশুকালে লেখার প্রথম দিনেই যখন

(ঈ) লিখতে দেওয়া হ'ত তখনকার কথা স্মরণে আনতে চেষ্টা করলে বয়স্কদের আর আমার কথা বুঝতে একটুও কষ্ট পেতে হবে না। এই জগ্গেই সহজ বৃত্তাংশের রেখাযুক্ত অক্ষরকেই প্রথম অক্ষর হিসাবে নির্বাচন করা দরকার; আর সে হরফটি আর কিছুই না—সেটি 'হ'ল (ত)। সুতরাং বাংলা প্রথম ভাগের প্রথম অক্ষর হওয়া উচিত (ত)। কিন্তু শিশুর আঙ্গুলের স্বাভাবিক রেখাঙ্কন প্রবণতা যদিকেই হোক বাংলা হরফ তার সব নিয়মগুলিকে ভেঙি কেটে নিজ মূর্তি ধারণ ক'রে আছে। অর্থাৎ বাংলা কোনো অক্ষরই, এক (ও) ছাড়া, প্রায় কেবল বৃত্তাংশ দিয়ে লেখা যায় না আর অনেক অক্ষরই পরস্পর বিপরীতগামী রেখার প্রলাপ।

এইখানে একটা লক্ষ্য করবার বিষয় এই যে ইংরাজি অক্ষরের টান হচ্ছে (গ্যাণ্টি-ব্লকওয়াইস্) বামাবর্ত এবং লেখার স্রোত খাতার বাঁ থেকে ডাইনে; আর সেইজগ্গে সহজেই মানুষের স্বাভাবিক রেখাঙ্কনের উল্টো চালের বাধা কাটিয়ে উঠতে পারে—লেখার গতি দ্রুত হয় আর মোলায়েম ভাবে গড়িয়ে চলে, কোথাও হেঁচট খায় না। এ বিষয়ে উর্দু হরফের ছন্দ ও গতি একেবারে আদর্শ। অর্থাৎ তার হরফের চালও আমাদের পেশীর প্রবণতা অনুসারে (ব্লক-ওয়াইস্) দক্ষিণাবর্ত আর তার লেখার স্রোত ও তারই অনুকূল, মানে, খাতার ডানদিক থেকে বায়ে। কিন্তু বাংলা হরফের বেলায় এ পক্ষপাতিত্বের অপবাদ দেবার যো নেই। তার একটা হরফের মধ্যেই, কোনো রেখার ডাইনে চাল, কোনোটার বা বাঁয়ে; কোনো সরল রেখা ডাইনে থেকে বাঁয়ে বাঁ থেকে ডাইনে ভেঙেচুরে ঘোরা ফেরা করছে, আবার কোনো হরফ বা বামাবর্তের সঙ্গে দক্ষিণাবর্তের কুস্তির প্যাঁচ। এমন অবস্থায় বাঙালী শিশুর সংকট যে সঙ্গিন, সে বিষয়ে সন্দেহ কি? বাংলা হরফ যতই সহজ হোক ছুটি বিপরীতমুখী টান থেকে বাঙালী শিশুর নিস্তার নেই। সুতরাং সেই স্বাভাবিক আর বিপরীত টান ছুটো যত নিবিড় আর সহজে শেখানো যায় ততই মঙ্গল। সুতরাং বাংলা হরফের মধ্যে প্রথমে সানুকূল রেখার (ত) এবং পরে প্রতিকূল রেখা (২) যুক্ত হ তারপর তৃতীয় রেখা (১) আকার শেখানো উচিত। পরপর লিখন পদ্ধতির বিশদ আলোচনা পরে আর একদিন করা যাবে। আজ এইখানেই বাংলা প্রাথমিক লিখন পঠনের মূল কথাগুলি বলে আজকের মত শেষ করি।



আশা

হুয়েঞ্জ মাথ মৈজ

কার অপরাধে কারে তুমি দাও সাজা
এ রহস্য যে বুঝিতে পারিনা ওগো নিখিলের রাজা।

একের পাপের তরে
কেন দল বেঁধে নিরপরাধীরা মরে,
প্রবলের লোভ দস্ত অত্যাচারে
নিরীহ কোমল সহৃদয় যারা আত্মরক্ষিবারে
পারেনা যে তারা নিকুপায় ধূলিলীন,
ওগো প্রেমময়, নয় কি তাহারা তব আশ্রয়াধীন ?

তাহাদেরে দাও বলি,
গর্বদৃপ্ত হুয়ুংয়েরা পদতলে যায় দলি'
ধূলিলুপ্তিত জনে,
সম্বলহারা কী করিবে তারা দানবশক্তি সনে ?
কুনিয়াছি বটে তুমি অগতির গতি,
তাই যদি হবে কেন নিরবধি হীনমতি
তোমার জগতে অবাধ নিরঙ্কুশ,
যুগে যুগে যিহু যুপকাঠ ও ফ্রুশ
লভেন তাঁহার অগণন হুরতিতে,
নরপিশাচের বজ্র-মূল শুধু বুক পেতে নিতে ?
অভ্যচারীরা নিখিল ভুবনে জয়ী
বিজয়লক্ষ্মী তাহাদেরি শুধু চির কল্যাণময়ী ?

করুণার অবতার

বুঝে বুঝি প্রবলের হুয়ুংচার

নিবারিতে অন্ধম,

অন্ধম বম অন্ধিপরাবম

সুখ বশংসতা,

শক্তিবাহিনী সত্য ও সত্য প্রেমের অকুপণতা।

তথাপি আস্থা এখনো রয়েছে ভবে

ধর্মের জয় হবে।

বাস্তব চেয়ে স্বপ্ন কি বলশালী ?

নিভে যতবার কেন ততবার আশার প্রদীপ জ্বলি

প্রাণের নিভৃত কোণে ?

মানবাত্মা কি শোনে

তোমার অভয়বাণী ?

সে মাইল রবে শোকতাপ ভুলে যায়

ভবিষ্যপানে চায়।

অনপনেয় সে আশারমন্ত্র হৃৎকম্পনে বাজে,

যতদিন ভবে জীবাত্মা রবে সে সুর থামিবে না যে।

হৃদয়ে হৃদয়ে যে আগুন জ্বলে

একদিন তার সমবেত ফলে

উঠিবে জলিয়া কল্লান্তের চিতা।

পুড়ে ছারখার হবে দুরাচার, নব-জীবনের গীতা

হবে বিরচিত প্রাচীপ্রতীচির মিত্রান্ধর গ্লোকে

নবীন সবিতা দিবে দেখা এই রক্তক্ষৌত লোকে।



নাস

সঙ্গর তটীচাৰ্য্য

ভালোবাসার আমাদেরো ছিল অধিকার
ছিল মনে মনে ছোট একখানা নীড়
সময় যেখানে মেলেনা ঘূমের আঁখি আর
এখন এখানে জাগর মুখর ভীড়।

কবে থেকে কতো রাজপুত্রের অভিযান
শুরু হয়ে গেছে তেপান্তরের পর—
আমরাও সেই কাহিনী শুনেছি পেতে কান,
আজ দেখি ধু ধু করে শুধু বালুচর।

ফুলের মতন ঝরে কতো মুহূ অমুভব
রোমাঞ্চময় মুহূর্ত মরে যায়,
পাখীর কতো না কাকলীর মতো কলরব
স্বপ্নের দূর ধ্বনি হয়ে সরে যায়।

সাদা বলাকার সাদায় উষ্ম নীলাকাশ
নেই তার পথে এক কোঁটা নীল জ্বল,
বলাকার দেহে এখনো জলের প্রতিভাস,
মন ছুঁয়ে আছে জলহীন মরু-তল।

কতো জীবনের ব্যথার রাত্রি কতো দান
নিয়ে আসে আর ভরে ওঠে কতো বুক,
আমাদের ক্ষুধা সে-ব্যথারে করে অপমান,
আমাদের বুক অটল নিরুৎসুক।

যারা ভালোবাসে, যাদের আকাঙ্ক্ষা ওঠে চাঁদ,
আমাদের পরাজয়ে নিল যারা জয়—
আমাদের এই মুহূর্ত হীন অপরাধ
তাদেরো কর্ত্তে এখন মুহূর্ত-মরু।

বাড়ের শত্রু

মহেন্দ্র নাথ

আমাদের রাজনীতি ভরংগিত চায়ের ধুয়ায়,
জটিল আবর্ত রচে হয়তো বা পত্রিকা অফিসে;
বাজারে পণ্ডের মতো বেচাকিনি এ হাটে ও হাটে
খিওরী পায়না রূপ—রাজনীতি জর্জরিত বিষে।

রাজপথে জনশ্রোত, কলরবে মুখর নগরী।
নাগপাশে এ' শতাব্দী সভ্যতার অস্তিম বিলাস;
আলোকস্তিমিত রাত্রি—আশে পাশে ধোঁয়াটে আধার
শ্রমিকের অভিযান—ধনিকের ঘন নাভিস্বাস।

ওধারে বিমান হানা; জার্মাণীর রুশ অভিযান
'রয়টার' অগ্নিবর্ষী—বুটেনের জয়জয়কার;
তবুও সংশয় জাগে ঘূর্ণাবর্তে কি জানি কি হবে!
এ' ধারেতো সত্যগ্রহ—দীপ্ত অভিযান অহিংসার॥

সত্যগ্রহী সেনাদল; অনাবিল প্রেমের বরণা
পাষণ গলাবে জানি; কবে? সেতো বুঝিতে না পারি;
চমৎকার রাজনীতি! শূন্য মার্গে অব্যর্থ সন্ধান,
শংকায় যাপিছে কাল অগণিত ক্ষুদ্র নর-নারী।

কতোদূরে সেই লক্ষ্য? এখনও সেই প্রশ্ন জাগে,
কোথায় নায়ক সেই? কে করিবে সৈন্য সমাবেশ?
শুনি না তো তূর্যধ্বনি; মোদের কি বধির আবণ!
চারিদিকে প্রশ্ন ওঠে, এ' যাত্রার নেই কি গো শেষ।

পথ ও নীতির মাঝে কেন আর মিথ্যা কোলাহল!
লক্ষ্য-তো মোদের এক; কেন তবে হানাহানি আর।
অগ্রগামী দল কোথা? কি তাদের যুগ পরিক্রমা
শংকিত এ' সন্ধিক্ষণে আশা আছে দেখিবো এবার।

আমরা ঝড়ের যাত্রীঃ ঈশানের পুঞ্জীভূত ঝড়
 আবর্তিত মেঘবর্ণে লালনীল পিংল আকাশ ;
 আমরা তো লক্ষ্যভ্রষ্ট, নেই কোন পথের ঠিকানা,
 এমেচারী পলিটিক্স—কণিকের উদ্গাদ বিলাস।



পাতাবাহার

হরপ্রসাদ মিত্র

এইটুকু বাঁধা পদ্ধতি,
 এর বাইরে যে বাড়াবো পা—
 মনে সাধ হয় যত্নপি
 মাথা বলে সে তো কাম্য না।

আমি চাই শুধু একটি ঘর
 নীচু তার ছাদ, চার দেয়াল।
 মোলায়েম হাতে, মিষ্টি স্বর,—
 আমাকে ঘিরেই তার খেয়াল।

অতি-খরচের চোরাবালি,
 অপ-খরচে ঠুটো পাহাড়,
 আছে প্রাস্তুর কালি-ফালি।
 আমি সেই দেশে পাতাবাহার।

ফুল তো নেই,
 ফল তো নেই,
 অভিধানে নেই সীমান্ত।
 অনেক প্রবীণ
 চক্ষু দেখেছে
 আমু কোনোমতে দিনান্ত।

সংস্কার

আশাপূর্ণা দেবী

দীর্ঘকাল পরে সত্যসুন্দর দেশে ফিরিলেন—পুত্রের বিবাহসংবাদে নয়—মৃত্যু সংবাদে। জীবনমৃত্যুর দ্বন্দ্ব মানুষ আজও বিধাতার কাছে মাথা হেঁট করিয়া আছে সত্য, তবু সেই পরম পরাজয়ের শ্রানি ঢাকিতে অভিযানের আর অন্ত নাই তাহার। ছরস্তু আবেগের সময়—“পাখী হইয়া উড়িয়া যাইবার” তীব্র ইচ্ছাকে আর নিরুপায় ক্ষোভে নিঃশ্বাস ফেলিয়া ক্লান্ত থাকিতে হয় না। ওড়াও সম্ভব হইয়াছে।

অতর্কিত হুঃসংবাদে দিশাহারা সত্যসুন্দর উড়িয়া আসিলেন।

স্বামীর আগমনসংবাদ ইন্দুমতীকে জানানো হয় নাই, অপ্রয়োজন বোধে নয়, সাহসের অভাবে। সরকার মহাশয় নিজস্ব বিবেচনায়, কর্তাকে আনিতে দমদমায় গাড়ী পাঠাইবার ব্যবস্থা করিয়া, সাহসে বুক বাঁধিয়া ইন্দুমতীর ঘরের দ্বারে আসিয়া দাঁড়াইলেন।

ইন্দুমতী কিন্তু সকলের আশঙ্কামত এই নূতন আলোড়নে ধৈর্য হারাইলেন না। অনবরত কাদিয়া কাদিয়া ক্রমশঃ যেন নিখর হইয়া যাইতেছেন তিনি। মাথার কাপড়টা ঈষৎ টানিয়া দিয়া মুহূর্তে কহিলেন—গাড়ী রাখবেন সময়ে, দেখবেন যেন কিছু অশুবিধে না হয়।

কৃতার্থমুখ শ্রীকান্ত সরকার ছইহাত জোড় করিয়া সবিনয়ে জানাইলেন—আজ্ঞে গাড়ী রওনা হয়ে গেছে দমদমায়। উড়োজাহাজে আসছেন কি না।

—উড়োজাহাজে? তাই বটে, চারদিনের পথ একদিনে পাড়ি দিবার প্রয়োজন থাকিলে উড়িয়া আসা ছাড়া উপায় কি? কিন্তু প্রয়োজন কি সত্যি আছে? পরাজিতা ইন্দুমতীর হৃৎ-গোরব মূর্ত্তিখানা ছইদিন পরে দেখিলেই বা ক্ষতি ছিল কি? লাঞ্ছনা? তিরস্কার? তাহার জন্ত তো সারাজীবনই পড়িয়া থাকিল।

সহসা ইন্দুমতীর মনে হয় এত তাড়াতাড়ি চিন্ময়ের মৃত্যু ঘটবার কথা কি ছিল? সত্যসুন্দরের প্রচ্ছন্ন কামনাই ইহার জন্ত দায়ী নয় তো? অবাধ্য পত্নীর দর্পচূর্ণ করিবার গোপন কামনা? মাথাটা বিম্বিম্ব করিয়া আসে।

সরকার যাইতে উত্তত হইতেই পিছন হইতে ডাকিয়া বলেন—শুভুন ছোট গাড়ীখানাও বার করতে বলুন, হালদার পাড়ায় যাবো আমি।

হালদার পাড়া ইন্দুমতীর বহুদিনবিস্মৃত পিত্রালয়।

শ্রীকান্ত সরকার ছইচোখ প্রায় গোল করিয়া বিস্মিত কণ্ঠে কহিলেন—আপনি? আপনি যাবেন? আজ?

—আজ নয়—এখনই!

—তাইতো—মাথা চুলকাইতে চুলকাইতে কথার শেষ করেন সরকার,—যা আজ্ঞে করেন, তবে আজকের দিনটে বাদ দিলে হ'ত না? কর্তা মশাই আসছেন।



—আসছেন—ভালো কথা। আপনারা তো কোথাও যাচ্ছেন না। আমাকে আজই যেতে হবে।

ইছার উপর আর যাহারই হোক শ্রীকান্ত সরকারের কথা চলেন। অল্পক্ষণ দাঁড়াইয়া, আচ্ছা, বলিয়া প্রস্থান করেন।

ভালো বিপদ হইয়াছে সরকারের! বড় লোকের বাড়ী কাজ করা নয় বাবা! এই তো কয়দিনেরই বা কথা মাস তিনেক বৃষ্টি, কগ্গছেলেটার রোগ লুকাইয়া কর্তার অমতে বিবাহ দিলেন গিন্নি, কী সমারোহ, কী কাণ্ড কারখানা! 'হেঁপা' সামলাইতে সেই বেচারা শ্রীকান্ত সরকার। কর্তা তো আসা চুলোয় যাক একখানা চিঠি ও দিলেন না, গিন্নি নানারকম জুকুম করিয়া খালাস, মরিবার জন্ত গরীব আছে।

ব্যস্ উৎসবের জের মিটিতে না মিটিতে হতভাগা ছেলেটা কিনা মারা পড়িল! শিবের অসাধ্য রোগ, বাঁচিবার কথা নয়, তবু ছিল তো টিকিয়া। 'তাওতের' জোরে চেহারা দেখিয়া বৃষ্টিবার উপায় ছিল না ভিতরে এই রাজরোগ লুকানো আছে। মরিবার জন্ত এত কি ব্যস্ততা পড়িয়াছিল?

শ্রীকান্তই কি কম লাগিয়াছে? এতটুকু ছেলে, ট্রাইসিকল চড়িয়া ছুটাছুটি করিত তখনকার আমলের লোক সে। দূর হোক ছাই চাকর বাকরের আবার মন। কিন্তু ধন্য বলিতে হয়। বড় মানুষদের—এক সন্তান হারাইয়াও তেজ্জটা বজায় আছে, এখনো মানঅভিমানের পালা চোকে নাই! শোকাভাপা মানুষটা 'হস্ত দস্ত' হইয়া ছুটিয়া আসিতেছে—কোথায় তাহার দেখাশোনা কর—তা' নয় মান করিয়া চলিলেন বাপের বাড়ী। ভগবান তুমিই দেখ।

ভগবানের অবশ্য শ্রীকান্তের মত বাজে লোকের আবেদনে কর্পাত করিবার ফুরসৎ থাকেনা, তিনি দেখিলেন না—কাজেই কর্তা বাড়ী ঢুকিবার ঘণ্টাখানেক আগে গিন্নি বাড়ী ছাড়িলেন।

সত্যসুন্দরের যে তাহাতে বিশেষ ক্ষতিবৃদ্ধি হইল তাহা নয়। চরম ক্ষতিই তো ঘটিয়া গিয়াছে বরং যে প্রচণ্ড ঝড়ের মুখোমুখি দাঁড়াইবার জন্ত নিজেকে প্রস্তুত করিয়া আনিতেছিলেন তাহার ব্যতিক্রমে একটু সুস্থই বোধ করিলেন।

বাড়ীখানা একটু বেশী গম্ভীর, একটু বেশী নিখর, কেমন যেন অস্বাভাবিক থমথমে—এই মাত্র। চাকর বাকর, আত্মীয় অনাত্মীয় আশ্রিত অনুগতের অভাব নাই, সহাস্র না হোক অভ্যর্থনা ও জুটিল। ফ্রটি কিছুরই নাই। বরাবরের মতই চাহিবার পূর্বেই আবশ্যকীয় বস্তু হাতের কাছে আসিয়া হাজির হইল! স্নানের পর যে সত্যসুন্দরের এক গ্লাস মিশ্রীর সরবতের অভ্যাস আছে, সেই তুচ্ছ কথাটীও কেহ বিস্মৃত হয় নাই। অথচ কী না কাণ্ড ঘটিয়া গিয়াছে।

আশ্চর্য, নিজেও তো তিনি ঠিকই রহিয়াছেন। সরবতের গ্লাস নামাইয়া লবঙ্গ ছইটা মুখে ফেলিবার অভ্যাস ও তো ভুলিয়া যান নাই কই?



অভ্যাস! সকলের বড় শাসন কর্তা। পৃথিবীর চেহারার পরিবর্তন ঘটিতে পারে, সূর্যের রং বদলাইয়া যাওয়া বিচিত্র নয়, অভ্যাস আপনার খাজনা আদায় করিয়া লইবেই।

তাই চির অভ্যাস মত জলযোগান্তে আপনার নির্দিষ্ট আসন খানি টানিয়া সকালের খবরের কাগজ খানা খুলিয়া বসেন। পড়িয়া অর্থবোধ হয় না—তবু কাগজ খানার প্রয়োজন আজ বড় বেশী, আপনাকে আড়াল করিতে। আসিয়া পৰ্বন্ত ইন্দুমতীর সঙ্গে দেখা হয় নাই। অল্পপস্থিতির কথাটা বলিবার সাহস কাহারো হয় নাই...তাই প্রতি মুহূর্তে ইন্দুমতীর পদশব্দের আশঙ্কা করিতে থাকেন সত্যসুন্দর।

গতবার আদিয়া ছুটির কয়দিন শুধু বচসা করিয়াই কাটিয়াছে। রোগগ্রস্ত সম্মানের 'জীবনের সাধ' পূর্ণ করিতে, স্নেহাঙ্ক মাতার বিচারবিবেকহীন ইচ্ছার সহিত বিবেকসম্পন্ন বিচক্ষণ পিতার মতবিরোধ।

ছুটি ফুরাইল—যুক্তি তর্কে ইন্দুমতীর দৃঢ় সঙ্কল্প টলাইতে না পারিয়া সত্যসুন্দর সহসা একটা কটু শপথ করিয়া গিয়াছিলেন, বিবাহ দিলে মাতাপুত্র উভয়ের মুখ দেখিবেন না তিনি।

একজন তো পিতৃসত্য পালন করিতে আপনার মুখ লইয়া চিরতরে লুপ্ত হইয়া গিয়াছে, ব্রহ্মাণ্ড খুঁজিয়া বেড়াইলেও সে মুখ চোখে পড়িবার সম্ভাবনা নাই। মুহূর্তের জন্ম ও না।

—বাকী আছেন ইন্দুমতী।

পিছনে পায়ের শব্দ পাইতেই সত্যসুন্দর তাড়াতাড়ি কাগজখানা আড়াল করিয়া ধরেন। কিন্তু আশঙ্কার কারণ বেশী ছিল না, ইন্দুমতী নয়, সত্যসুন্দরের বুড়ি পিসি। কিন্তু তাঁহার পিছন পিছন ছায়ার মত আসিয়া দাঁড়াইল কে? খোকার বো? চিম্ময়ের? থান পরিয়াছে?

বিহ্বল দৃষ্টি মেলিয়া চাহিয়া থাকেন সত্যসুন্দর।

পিসিমা ফ্রেন্ডনবিজড়িত কণ্ঠে কহেন—নে হতভাগী প্রণাম কর।

পায়ের উপর আলগোছ একটু ভীত কোমল স্পর্শে সত্যসুন্দর সহসা যেন চেতনা ফিরিয়া পান, দুর্বলতা ঝাড়িয়া সোজা হইয়া বসেন, মাথায় হাত দিয়া কিছুক্ষণ ধরিয়া কি যে আশীর্বাদ করেন তিনিই জানেন। শুধু প্রণতা কিশোরীরই মনের কথা টানিয়া লইয়া পিসীমা কপালে কল্লাত করিয়া কহেন—আর আশীর্বাদ, সে বরাত কি রেখেছে অবাগী, এখন শীগগীর যাতে মরণ হয় সেই আশীর্বাদ কর ওকে।

বিরক্ত সত্যসুন্দর হাত নাড়িয়া বলেন—আঃ পিসীমা, চুপ করো তুমি। বসো তো মা তুমি, এসো এইখানে আমার কাছে, নাম কিছু তোমার।

—পূর্ণিমা।

পূর্ণিমা? হ্যাঁ ঠিক ঠিক। মেয়ের উপযুক্ত নাম রেখেছেন তোমার বাপ মা, না কি বল পিসীমা।



পিসীমা মলিন মুখে বলেন—হ'লে কি হ'বে, ওই রূপই কাল, মেয়ে মানবের অত রূপ আবার ভালো নয়। চাঁদের মতন কপাল টুকুন, তার ভেতরে ছাই পোরা।

ঈশৎ কঠিন কণ্ঠে সত্যসুন্দর কহেন—মানুষ যদি জোর করে কপালে ছাই ঢেলে দেয়, তার জন্তু কপাল দায়ী নয় পিসীমা, মা আমার পূর্ণিমাই কিন্তু বড় মলিন হয়ে গেছে। মেঘে ঢাকা পড়ে আছে কিনা। পিসীমা যাও এই হতচ্ছাড়া সাজটা খুলে মানুষের মেয়ের উপযুক্ত—আমার মেয়ের উপযুক্ত বেশ করিয়ে নিয়ে এসো দিকিন, এ আমি দেখতে পাচ্ছি না।

পিসীমা নাতবোঁ উভয়েই স্তব্ধ হইয়া বসিয়া থাকেন, কথার উত্তর দিবার সাহস হয় না।

এইবার সত্যসুন্দরের ব্যবহারে অস্থিরতা প্রকাশ পায়, অসহিষ্ণু স্বরে বলিয়া উঠেন—কই বসে রইলে যে! যাও নিয়ে এস কাপড় গয়না, ওঠ। এ আমি সহ্য করব না। কিছুতেই না।

পিসীমা ভীত মূঢ় কণ্ঠে কহেন—একবার ত্যাগ করে—

—ত্যাগ? কেড়ে নেওয়াকে ত্যাগ বলেনা পিসীমা। ধন্য তোমরা, সার্থক দুধ খেয়ে-ছিল মায়ে, এই কচী বাচ্চাকে এমনি করে রাখতে পেরেছো তো? ধর্মে বাধল না?

পিসীমা এবার নিজস্ব কণ্ঠে প্রতিবাদ করিয়া ওঠেন—আমরা তো সে কথা বলেছিলাম বাচ্চা। এই দুধের বাচ্চাকে একুণি আমাদের মতন হাল করে রাখলে পাঁচজনে ছি ছি করবে। পেড়ে কাপড়খানা চুড়ি ক'গাছা থাক। আর ভগবান তো সবই কাড়লেন, জড়ান বুদ্ধি হলে আপনিই ফেলে দেবে—বোঁমার যে কি 'খোট্ট', বলেন—'যেমন কপালে করে এসেছে তেমনি থাকুক'।

• সত্যসুন্দর চমকিয়া স্তব্ধ হইয়া যান ইন্দুমতীর এই নূতন নির্ভরতার বাতীয়া.....কী এ? প্রতিহিংসা? কাহার উপর? ফুলের মত মেয়েটাকে টানিয়া আনিয়া আশুগে ফেলিয়া দিয়া, তাহার ভাগ্যের নিন্দায় শতমুখ। কেন এমন হয়?

কিছুক্ষণ চুপ করিয়া থাকিয়া একটা দীর্ঘ নিশ্বাসের সঙ্গে সঙ্গে সত্যসুন্দর কহেন—আচ্ছা আমার মেয়ের ভাগ্যের ভার আমি নিলাম, দেখি কে জেতে কে হারে। পূর্ণিমা, যাও বিয়ের আগে যেমন সাজে থাকতে তুমি সেই ভাবে থাকো গে। জেনে রেখো, তুমি আমার আইবুড়ো মেয়ে, বিয়ে হয়নি তোমার। কারুর কথায় কান দেবে না, চক্ষুলজ্জা করবে না। আর শোনে পশু'দিন ফিরবো আমি, তুমি যাবে আমার সঙ্গে করাচীতে, এদের কথা, এই কদিনের ঘটনা ভুলে যাবে, বাপ আর মেয়ে বেড়াতে এসেছিলাম আমরা এখানে আবার ফিরে যাচ্ছি নিজের যায়গায় বুকেছ তো? হ্যাঁ যাও, লক্ষ্মী মেয়ে, শাড়ীপরে এসো একটা, লালশাড়ী।

পূর্ণিমা ধীরে ধীরে উঠিয়া যায়।

পিসীমা ভীতকণ্ঠে কহেন—বোঁমা এসে রাগ করবেন বোঁটার আর 'খোয়ারের' শেষ

থাকবে মা—আর আদর করবার তো মেইও কিছু, ঘরে ঢুকতে না ঢুকতে অতবড় সর্বনাশটা হয়ে গেল।

—সর্বনাশ তো দরজায় দাঁড়িয়েছিল পিসীমা, তোমরা তাকে এগিয়ে নিতে সাহায্য করেছ মাত্র, কিন্তু যাক সে কথা; আমার যেটুকু কতব্যের ক্রটি হয়েছে, তার প্রায়শ্চিত্ত করবো আমি, পূর্ণিমার আবার বিয়ে দেব।

—ভূর্গা ভূর্গা। পিসীমা শিরিয়া ওঠেন।

কিন্তু সত্যসুন্দর এবার হাল ধরবেন, যে অনিচ্ছাকৃত অসাবধানে এত বড় পাপ ঘটয়া গিয়াছে তাহার প্রায়শ্চিত্তের প্রয়োজন আছে বৈ কি। বিধবা পুত্রবধূর পুনর্বিবাহ দিবার সম্বন্ধ অটুট থাকে তাহার, বরং প্রতিকূল বাতাসে উত্তরোত্তর দৃঢ় হইতে থাকে।

বিপদ দেখিয়া সরকার মহাশয় হালদার পাড়ায় ছুটিয়া ইন্দুমতীর হাতে পায়ে ধরিয়া লইয়া আসেন, পুরোহিতকে ডাকিয়া আনেন, গুরুবংশের একটা অকাল কুয়াণ্ডা ছেলে দেশে পড়িয়া গাঁজা টানে আর মাঝে মাঝে বার্ষিকি আদায় করিতে আসে, তাহাকে খবর দেন, মোটকথা সত্যসুন্দরের স্মৃতি ফিরাইতে চেষ্টার ক্রটি হয়না।

পূর্ণিমার মা বাপ নাই জ্ঞাতি সম্পর্কে এক খুড়ার বাড়ী মানুষ হইয়াছে, বিধবা মেয়েকে বৃকে করিয়া লইবার মত প্রবল স্নেহ তাঁহাদের ভিতর না পাওয়া গেলে বেশী দোষ দেওয়া চলে না, ভাগ্যক্রমে ভাল ঘরে পড়িয়াছে এই ঢের, এখন তাহারা আজীবন ভাত দিবে কি 'নিকা সাত্তা' দিয়া দূর করিয়া দিবে সে চিন্তা তাঁহার নয়।

যাইবার ব্যবস্থা করিতে আরো কয়েক দিন কাটে, সত্যসুন্দরের যেন নেশা ধরিয়াছে পূর্ণিমাকে লইয়া অনবরত দোকান বাজারে ঘুরিয়া বেড়ান, অপরিপুষ্ট দিয়াও যেন তৃপ্তি হয় না, যা তাহার প্রয়োজন নাই জীবনে হইবে কিনা সন্দেহ, দুই হাত ভরিয়া তাহাও কিনিয়া আনিয়া জড় করেন। শাড়ীর ওপর শাড়ী, জুতার উপর জুতা, জরি কি তা লেস চিকন টুকিটাকির আর অন্ত নাই।

পূর্ণিমা বিব্রত মুখে খালি বলে—এত কি হবে, বাবা, এ যে পাঁচ জনে মিলে সারাজীবন পরেও ফুরাবে না।

সত্যসুন্দর বলেন, তা হোক—সেখানে সব জিনিষ পাওয়া যায় না।

মনে মনে একটা ছেলেকে আঁচ করেন তিনি, যাহার সঙ্গে বিবাহ দেওয়া অসম্ভব নয়, গুয়ারলেন অফিসে কাজ করে ছেলেটি, তাহারাই কোয়ার্টারের কাছে থাকে, ভারী ভালো ছেলে।

ইন্দুমতী দেখিয়া শুনিয়া আরো কঠিন হইয়া বসিয়া থাকেন, পূর্ণিমার সঙ্গে বাক্যালাপ তো বন্ধ করিয়াছেনই, স্বামীর কাছেও দেখা দেন না।



যাইবার দিন খবর পাইয়া পূর্ণিমার সেই জাতি কাকা দেখা করিতে আসেন, যখন ঝোঝেন মেয়ে আসিয়া বাড়ি পড়িবার সভাবনাটা নিম্ন হইয়াছে। সঙ্গে আর একটি ছেলে আসিয়াছে। পোষ করি কাকার জাইশে। ভাগিনের কেউ হইবে। ভিতরে দেখা করিতে পাঠাইয়া দিয়া, সত্য-সুন্দর জীবনের সঙ্গে প্রয়োজনীয় দুই চারিটি কথা কহিতে থাকেন.....কিন্তু ক্রমশঃ ট্রেনের সময় নিকটবর্তী হইয়া আসে, উহারা আসেনা কেন ?

সত্যসুন্দর ভিতরে আসেন তাড়া দিতে, কাকাটা বোধ করি ইন্দুমতীর দরবারে হাজিরা দিতে গিয়াছেন, বেহাইয়ের চাইতে 'বেহান'কেই তিনি চেনেন বেশী, "বড় গাছে ত্রৌকা" বাধিয়া বড় মুখ পাইয়াছিলেন, বিধাতা পুরুষের সহিলনা এই যা খেদ। কিন্তু পূর্ণিমা? কোথায় সে? ঘরে নাই দালানে নাই.....কোথায় গেল? পিছনের বারান্দায় কে যেন দাঁড়াইয়া না? পূর্ণিমা। আর সেই ছেলেটি। খুড়তুতো ভাই না কি? সত্যসুন্দরের চোখের উপর কি এখনি বার্ককোর পদা পড়িয়াছে? চুপ করিয়া দাঁড়াইয়া আছে দুইজনে, কথা নাই মুখে। কাছাকাছি বলিলে অছায়া বলা হয়, বরং প্রয়োজনের অতিরিক্ত ব্যবধান দুইজনের মধ্যে, তবু—এই অজস্রজল বৃষ্টি, চিনিবার মত বয়স সত্যসুন্দরের এখনও আছে। সহসা একটা তপ্ত রক্তশ্রোত পা হইতে মাথা পর্যন্ত ছুটাইয়া কহিতে থাকে, যে রক্ত সত্যসুন্দরের পিতৃপিতামহের ধমনীতে বহিত, কুলধর অনাচার দেখিলে।

অভ্যাস? সংস্কার?

নিজেকে সংযত করিয়া ফিরিয়া আসেন সত্যসুন্দর। গাড়ীতে স্টার্ট দিতে ছকুম দেন। জাতি কাকাও ততক্ষণে বাহিরে আসেন, পিছনে ছেলেটি।

চলিয়া যাঁতে উজ্জত হইয়া মুখ ফিরাইয়া প্রশ্ন করেন—ছেলেটি কে বেহাই?

এই প্রথম বেহাই সম্বোধন করেন সত্যসুন্দর।

জাতিকাকা ঈষৎবিপন্ন ভাবে উত্তর দেন—পাশের বাড়ীর ছেলে, ছেলেবেলা থেকে ভাই বোনের মতন খেলাধুলো—আসতে চাইলে—

—কেন তো বেশ তো—তার আর কি, হ্যাঁ ভালো কথা, বোমাকে আমার সঙ্গে নিয়ে যাবার একটা কথা ছিল, কিন্তু ভেবে দেখলাম—সেটা ঠিক হবে না। আমি সারা দিনই কাজে থাকি কার কাছে থাকে না থাকে, আপনিই নিয়ে যাবেন সঙ্গে করে। তবে হ্যাঁ আমার দিক থেকে কর্তব্যের দ্রুতি হবে না, খরচ পত্র যা লাগে—আচ্ছা নমস্কার। গাড়ীতে উঠিয়া সশব্দে দরজাটা বন্ধ করিয়া দেন সত্যসুন্দর।



পুত্রী

ফকিরমোহন পুরকার

(পূর্ব প্রকাশিতের পর)

নূতন পরিচয়ে মেয়েদের সঙ্গে কথা কইতে অনভ্যস্ত বলে যে অখিল মৈত্রীকে দেখে কোন কথাই বলতে পারলে না তা নয়; মৈত্রীর সঙ্গে পূর্বে কখন সাক্ষাৎ না হলেও, অখিল মৃত্যুঞ্জয়ের কন্যারূপে রত্না রেবার কাছে তার নাম শুনেছিল খুবই; তা ছাড়া Miss Bose বলে একটা বাঙালী মেয়ে রেলওয়ের টিকেট অফিসে কাজ করে, সে কথাও কলকাতার শিক্ষিত মধ্যবিত্ত সমাজের মধ্যে অনেকেরই জানা ছিল। অখিল থেকেই মৈত্রীর নাম শুনে চাকুরীতে যোগ দেবার দ্বিতীয় দিনে দুর্গা তার সহকর্মিনীর নাম বলে দিতে পেরেছিল। সে যাই হোক অখিল যখন দেখল যে মৃত্যুঞ্জয় বোসের কন্যা একদিন অপরাহ্নে বিডন স্কয়ারের বাড়ীতে এসে হাজির, তখন তার বিশ্বাসের সীমা ত রইলই না, মনে মনে দারুণ পীড়া বোধ করল। অখিল ছু একটা বন্ধুর সংসর্গে পতিতা-সংস্কারে ব্যাপৃত হয়ে দুর্গাদের বাড়ীতে যত ঘনিষ্ঠতাই করুক তার কাছে এটা প্রবাদ-কথ মনে হ'ল যে ভক্ত পরিবারের, বিশেষত জানাশোনা কোন ভক্ত পরিবারের মেয়ে দুর্গাদের বাড়ীতে যে কোন কারণেই আগন্তুক হ'তে পারে। মুহূর্তের জন্ত অখিল তার নিজের উপরই ক্রুদ্ধ হয়ে উঠল কিন্তু পর মুহূর্তেই তার সমস্ত প্রাণটা ভরে উঠল একটা ভক্ত পরিবারের, কলঙ্ক রটবার আশঙ্কা-জনিত চুশ্চিস্তায় ও সমবেদনায়। সে রাতেই অখিল শ্রীমন্তের সঙ্গে সাক্ষাৎ করে ব্যাপারটা মৃত্যুঞ্জয়ের কাণে তোলবার জন্ত তাকে সবিশেষ অহুরোধ করে গেল। অখিলের পক্ষে ব্যাপারটা যথার্থ ভাবে বর্ণনা করা সম্ভবপর হ'ল না। কাজেই যতটুকু স্পষ্ট করে এবং যতটুকু আভাষে বর্ণনা হ'ল তাতে যে সেটা অনেকখানি সত্য ব্যাপারকে ছাড়িয়ে গেল, তা' বলাই বাহুল্য। মৈত্রীর বিডন স্কয়ারে যাওয়াটা অখিলকে পীড়া দিয়েছিল বৈষয়িকভাবে, কিন্তু তার বিফল বিবরণটা একেবারে দলে দিয়ে গেল শ্রীমন্তের নৈতিক বুদ্ধিকে, সে মানসিক বেদনায় কিছুকালের জন্ত যেন বিমূঢ় হয়ে রইল।

অনেক বিতর্কের পরও শ্রীমন্ত মৈত্রীর সম্বন্ধে তার কর্তব্য স্থির করতে পারল না। একবার ইচ্ছা হ'ল রত্নার সঙ্গে পরামর্শ করে, পরমুহূর্তেই সে দঙ্কর ত্যাগ করল। কিরীটের সঙ্গে পরামর্শ করার কথাও মনে মনে ভাবল কিন্তু শ্রীমন্তের কমনডর মনে হল যে কিরীট এ ব্যাপারের গুরুত্বটা হয়ত বুঝবে না, হয়ত সে তার স্বাভাবিক ব্যঙ্গোক্তি দিয়ে সমস্ত ব্যাপারটাকে লম্বু করে মৈত্রীকেই ছোঁন এক হালকা মনের অবস্থায় এ সব ব্যাপার নিয়ে উপহাস করবে। কাজেই শ্রীমন্ত পরদিন অনিশ্চিত মন নিয়েই কলেজে গেল কিন্তু বিকালের দিকে কলেজের কাজ বন্ধ করে একেবারে এসে হাজির হল ল্যান্ডাউন রোডের বাড়ীতে মৃত্যুঞ্জয়ের কাছে—উদ্দেশ্য যে মৈত্রী অফিস থেকে বাড়ী



ফেরবার আগেই যেন ব্যাপারটা মৃত্যুঞ্জয়কে বলতে পারে। বলা বাহুল্য যে বলার সুবিধা হল খুবই—শ্রীমন্ত ব্যথিতভাবে অধিল থেকে যেমন যেমন শুনেছিল, সবই মৃত্যুঞ্জয়ের নিকট খুলে বলল। শুনে বুদ্ধ পিতার চোখ ছুটা দীপ্ত হয়ে উঠল, একটা গভীর দীর্ঘশ্বাস ফেললেন এবং এ প্রসঙ্গে শ্রীমন্তের সহিত দ্বিতীয় কথা না বলে, অত্যাশ্চর্য কথার মধ্যে শ্রীমন্তকে বৈকালিক জলযোগ করিয়ে তাকে বিদায় দিলেন।

সে রাতে মৃত্যুঞ্জয় যখন বাড়ী ফিরলেন তখন রাত দশটা। মৈত্রী অফিস প্রত্যাগতা হয়ে পিতাকে বাড়ীতে পায়নি, তার উপর ফিরতে ফিরতে যখন মৃত্যুঞ্জয় রাত করলে দশটা, তখন সে পিতার উপর ক্ষুব্ধ হ'ল। 'মৃত্যুঞ্জয় বসবার ঘরে পা দিতেই সে বলল "এ কি রকম বাবা, সেই কখন তুমি বাড়ী থেকে বেরিয়েছ, আর এই রাত দশটায় ফিরছ—এদিকে আমার ক্ষিধেয় পেট চোঁ চোঁ করছে।" মৃত্যুঞ্জয় কোন উত্তর না দিয়েই চাকরকে ডেকে ছাড়া জামা-চাদর যথাস্থানে রাখতে বলেন ও পরে হাত-পা ধোয়া হলে পর কন্ডার আলবানে খাবার টেবিলে গিয়ে বসলেন। পিতাকে নীরবে ভোজন-রত দেখে মৈত্রী আশ্চর্য হ'ল কিন্তু তার চাইতে বেশী হল পিতার ব্যবহারে ক্রুদ্ধ। সে বলে যেতে লাগল "আজ কাল তুমি মাঝে মাঝে কেমনতর যেন হয়ে যাও। তোমার যা অসু-বিধা, সেটা যদি তুমি আমায় খুলে না বল, তবেত আমার বোঝার সাধ্য নেই। আমার ত অফি-সেরও খাটুনি আছে, তার উপর সর্বক্ষণ কি আমার পাছে সম্ভব তোমার ছোটখাট অসুবিধাগুলোর খবর নিয়ে বেড়ান। এটা তুমিই কতবার আমায় বুঝিয়েছ যে যেয়েরা ঘোল আনা ঘর-সর্বস্বা বলে না হয় ওরা ঘরের আলো, না হয় ওর বাইরের ছায়া। আর এই বা কি রকম যে তুমি বাইরে কাটাতে একটানা পাঁচ ঘণ্টা এবং বাড়ীতে এসে মুখ ভার করে থাকবে—বলবে না কোথায় গেছলে তুমি। বিস্ত্রি সব আমার মতে।"

মৃত্যুঞ্জয় বাক্য বায় না করে আহ্নার শেষ করলেন এবং কন্ডাকে "আমি শুতে যাই" বলে নিজের শোবার ঘরে গিয়ে বিছানায় গা ঢাললেন। শ্রীমন্তের সঙ্গে মৈত্রী সম্বন্ধে কথা হবার পর থেকে ঘণ্টা পাঁচেক সময় যে মৃত্যুঞ্জয় কি ভাবে কাটিয়েছেন তা বলা শক্ত। মগজের প্রতিটী রক্ত দিয়ে যে কন্ডার ধী-কে পুষ্ট করেছেন, যে কন্ডার চরিত্র-গঠনে মৃত্যুঞ্জয় তাঁর রক্ত বৎসরের আহ্নত আদর্শ অভিজ্ঞতাকে উজাড় করে নিঃশেষ করেছেন, সেই কন্ডার এই রুচি-বিকৃতির কথা শুনে মৃত্যুঞ্জয়ের পিতৃ-হৃদয় যেন চৌচির হয়ে গিয়েছিল। অসহ্য বেদনার সঙ্গে সঙ্গে নিজের উপর একটা প্রচণ্ড দ্বিধার এল এবং ক্রমে সেটা গিয়ে পরিণত হল এক কঠোর নির্মমতায়। মৃত্যুঞ্জয় যখন ২৫০ টার সময় চাকুরিয়া লেকের এক জনহীন কোণ থেকে উঠে এলেন তখন তাঁর মনে কন্ডার প্রতি নির্মম ব্যবহার করবার একটা বজ্র-প্রতিজ্ঞা নিম্নেই এসেছিলেন। কিন্তু মৈত্রী বতর্কণ আহ্নারে বসে কন্ডা বলে চলেছিল ততক্ষণ মৃত্যুঞ্জয়ের মনের মধ্যে চলছিল একটা দ্রুত প্রতিক্রিয়া, তিনি কিছুতেই যেন

আর কণ্ঠ্যর প্রতি অকরণ হবার মত শক্ত থাকতে পারছিলেন না। তা হলেও মৃত্যুঞ্জয় তার নির্ধারিত মনের সংকল্পকে আঁকড়ে রইলেন ও বাক্যব্যয় না করে শয্যার আশ্রয় নেওয়া সমীচীন মনে করলেন।

মৃত্যুঞ্জয় কখনও কণ্ঠ্যর সঙ্গে স্বর্গগতা পত্নীর কথা আলাপ করতেন না। মৈত্রীর ছেলে বেলায় সেটা না করার যথেষ্ট কারণ ছিল, পরে এটা না করাটাই হয়ে গিয়েছিল একটা অভ্যাস। তা ছাড়া এটাও ঠিক যে মৃত্যুঞ্জয় যতটা কণ্ঠ্যবৎসল ছিলেন, সেই অনুপাতে মোটেই পত্নীবৎসল ছিলেন না। কিন্তু সে রাত্রে বিছানায় শুয়ে শুয়ে মৃত্যুঞ্জয়ের মনে পড়ল পত্নীর শুভ্র ললাটে সেই দীপ্ত সঁজুরের টিপ, যা দেখে প্রথম দিন তিনি শিউরে উঠেছিলেন। তিনি কি জানতেন যে তাঁর সেই আশঙ্কার পেছনে কতখানি অদৃষ্টের পরিহাস লুকান ছিল। সে রাত্রে মৃত্যুঞ্জয়ের মনে হল যে তিনি আর যাই করুক, মৈত্রীকে মায়ের হ'য়ে মানুষ করেননি, যদি করতেন তবে অতখানি রুচি-বিকৃতি মৈত্রীর হোত না। মৈত্রী ধী পেয়েছে কিন্তু ধৈর্য পায়নি, শক্তি পেয়েছে ক্ষমা পায়নি, রূপ পেয়েছে শ্রী পায়নি, সার পেয়েছে কিন্তু পায়নি রস। মৃত্যুঞ্জয় বুঝতে পারলেন যে কণ্ঠ্যর চরিত্রকে শোধরাতে হবে এবং সে শোধরানোর জন্তু দরকার হ'লে তাকে কঠিন হতে হবে। মাতৃ হীনাকে মাতৃ-কঠিন আচরণে দরকার হয় ভেঙ্গে গড়তে হবে।

পরদিন ভোর বেলা চায়ের টেবিলে পিতাপুত্রী তুমুল সংঘর্ষ হয়ে গেল। অনভ্যস্ত গলায় মৃত্যুঞ্জয় কণ্ঠ্যকে বললেন “মিতি তুমি আজ চাকুরী ইস্তফা দিয়ে এসো। আস্তে হস্তাক্ষ আমার সঙ্গে তোমার শিলং যেতে হবে। আমার শরীরটা এখন এখানে ভাল থাকছে না।”

শুনে মৈত্রী ক্ষিপ্ত হয়ে গেল, জ্র কুচকে বলল “সে কিছুতেই হবে না। আমার চাকুরীর পেছনে তুমি অমন করে লাগছ কেন? তোমার শরীরের ত কিছু হয়নি। একটা মিথ্যা অজুহাত দিয়ে আমাকে চাকুরী ছাড়াতে চাচ্ছ কেন? কি আশ্চর্য, আমার একটা মিথ্যা কথা বলতে তোমার বাঁধল না। আমি কিছুতেই চাকুরী ছাড়ব না, তুমি যা ইচ্ছা করতে পার।”

মৈত্রী টেবিল ছেড়ে উঠল। তার চোখ ছোটো দপ্ দপ্ করে জ্বলে উঠল। মৃত্যুঞ্জয় পেছন পেছন উদ্বেজিত কণ্ঠে ডাকলেন “মিতি”। মুহূর্তের জন্তু পেছন ফিরে উত্তর হল “আমি কিছুতেই ছাড়ব না।”

মৈত্রীর চাকুরী নেবার মাস খানিক পর থেকে কিরীট ল্যান্ডাউনের বাড়ীতে বড় একটা আসতে পারেনি। তার প্রথম কারণ ছিল দিদির দৌরাস্ত্য বার কলে তাকে অত্যন্ত দিন সাতকে মৃত্যুঞ্জয়ের অত্যন্তম পেনশনার বন্ধ রসময় রায়েবু বড়ী হাঁটাছাটি করবার পর তবে পেরেছিল তার ভ্রমণ কমিশনার জামাতা অল্পের নামে একখানা চিঠি বাঁধ করতে। সে চিঠির স্বার্থ উদ্দেশ্য যাই হোক লিপিত মর্ম ছিল এই যে অল্পের যদি বাড়ী কেনার আবশ্যক থাকে, তবে পত্রবাহক চিঠির নিকট অনেক বিক্রয় বাড়ীর সন্ধান পাওয়া যেতে পারে। এ চিঠি নেওয়া হলেই দিদির




দৌরাশ্ব্যের অবসান হয়নি; অবসান হল সেদিন যেদিন অল্প গাড়ী নিয়ে কিরীটকে তার বাড়ীতে খুঁজতে আলাতে হেমমালার সহিত হল দৈবক্রমে অল্পের সাক্ষাৎ।

এই দিদির দৌরাশ্ব্য ছাড়াও কিরীটের মৃত্যুঞ্জয়ের বাড়ীতে উপস্থিতি-বিরলতার অন্য একটা কারণ ছিল। কিছুদিন পূর্বে যে কিরীটের দিদি বাড়ীতে একটা নূতন উড়ে ঠাকুর রেখেছিল একদিন জানা গেল যে সে কার্যাক্ষম, কেননা একটা কৌড়া হওয়াতে সে চলৎ-শক্তিহীন। হেমবালা যত্নকে জবাব দিল, কিন্তু কিরীট তাকে গাড়ী করে পৌঁছিয়ে দিল তার খোলার ঘরের বাড়ীতে এবং শুধু তাই নয়, সেখানে নিয়ে গেল নিজের পরিচিত ছুটাকা ফিসের একজন ডাক্তারকে। পরে ডাক্তারের পরামর্শে কিরীট যত্নকে হাঁসপাতালে ঢুকাল এবং সেখানে তার কৌড়া অস্ত্র করাবার ব্যবস্থাও করল। এই চিকিৎসাব্যাপারে কটল প্রায় কিরীটের হৃৎস্পৃহা।

যেদিন সকালে চায়ের টেবিলে পিতাপুত্রীর ঝগড়া হ'ল, সেদিন দুপুরে বেলা প্রায় একটার সময় যখন হেমবালা ভাইকে তার বহু অব্যবসায়িক ব্যবহারের জন্য তিরস্কার করছিল, এমনি সময় সেখানে হাজির হলেন মৃত্যুঞ্জয়। ভ্রাতা-ভগ্নী এ সময়ে ওদের বাড়ীতে মৃত্যুঞ্জয়ের উপস্থিতিতে বিস্মিত হ'ল। হেমবালা বহু আপায়ন করে আগন্তুককে বসাল কিন্তু কিরীট ব্যস্ত ভাবে ব্যাপার জানবার জন্য অস্থির হয়ে উঠল। মৃত্যুঞ্জয় বলেন ব্যাপার এই যে তিনি কালই শিলং যেতে চান, কেননা কিছুদিন যাবত তিনি একটা শারীরিক দৌর্বল্য অনুভব করে আসছেন। কিন্তু সে যাওয়া সম্ভব হতে পারে তা হলেই যদি হেমবালা গিয়ে কিছুদিন তাঁর ল্যান্ডাউনের বাড়ীতে থাকতে রাজি হন। তিলমাত্র বিলম্ব না করে হেমবালা বল্লয়ে যদিও তার ওখানে থাকার গুরুতর অসুবিধা আছে, তা হলেও মৈত্রীর সুবিধার জন্য সে তা গ্রহণ করবে না মোটেই। সঙ্গে সঙ্গে হেমবালা এও বল্ল যে কিরীটের খাবার দাবারও কোন বিশেষ অসুবিধা হবে না, যেহেতু দিনের বেলায় খাওয়াটা না হলেও রাত্রির আহারটা সে মৈত্রীর ওখানে সরেনিতে পারবে। মৃত্যুঞ্জয় শালীনতাপূর্ণ গলায় সজোরে এই প্রস্তাবে অঙ্গীকৃতি জানালেন। মৃত্যুঞ্জয় বেরিয়ে আসতে আসতে কিরীট তাঁর এই আকস্মিক শিলং যাত্রা সম্বন্ধে সন্দিহান ভাবে ছুচরটা প্রশ্ন করল কিন্তু নিজের শারীরিক দৌর্বল্য ছাড়া মৃত্যুঞ্জয়ের নিকট হতে অন্য কোন উত্তরই সে বার করতে পারল না।

কন্ঠার সঙ্গে বাক্য-সংঘর্ষ হবার পর মৃত্যুঞ্জয় ভেবে ঠিক করেছিলেন যে তাঁকে শিলং যেতেই হবে এবং যেহেতু মৈত্রীকে তার সঙ্গে শিলং যেতে কিংবা কলকাতায় অন্য কোথাও থাকতে বাধ্য করা যাবে না, কাজেই তাঁকে হেমমালার শরণাপন্ন হতে হবে। মৃত্যুঞ্জয় সব চাইতে সুদীর্ঘ হঠেন যদি প্রথম রাত্তি তাঁর বাড়ীতে থাকতো কিন্তু ভেবে দেখলেন এ প্রকার প্রস্তাব করা সঙ্গত হবে না।



যেদিন দুপুর বেলা হেমবালা প্রতিশ্রুতি দিল সেদিন সন্ধ্যায়ই সে মৃত্যুঞ্জয়ের বাড়ীতে থাকতে এল এবং পরদিন দুপুর বেলাই মৃত্যুঞ্জয় শিলাং রওয়ানা হলেন। কিরীট কিংবা তার দিদি কারোরই সন্দেহ রইল না যে পিতাপুত্রীর মনান্তরই শিলাং যাত্রার যথার্থ কারণ। গৃহত্যাগের শেষ মুহূর্তে মৃত্যুঞ্জয়ের যাত্রার উত্তোগ শিথিল হয়ে এল কিন্তু এই শিথিলতায় তাঁর নিজের সঙ্কল্প থিতু হবার আশঙ্কা আছে এই ভেবে তাড়াতাড়ি তিনি ট্যাক্সিতে গিয়ে বসলেন। মৈত্রী তখন টিকেট বেচ্ছিল চৌরঙ্গীর অফিসের কাউন্টারে বসে।

শিলাং-যাত্রার সব ব্যাপারটাই শ্রীমন্তের অজ্ঞাত ছিল। কারণ মৈত্রীর বিষয় বলবার পরদিন সে মৃত্যুঞ্জয়ের নিকট আসেনি এবং এটা সে কল্পনাও করতে পারেনি যে বৃদ্ধ অত শীঘ্র একটা এত বড় রকমের ব্যাপার করে ফেলবেন। মৃত্যুঞ্জয় যাবার দিন গোটা দশকের সময় শ্রীমন্তের বাড়ীতে গেলেন। কিন্তু তাকে না পেয়ে তার নামে একখানা ছোট চিঠি রেখে এলেন। তার মর্ম ছিল এই যে, ভুল জীবনে সব সময়েই শোধরণ যায়, তাই মনে করে মৃত্যুঞ্জয় একলাই শিলাং যাচ্ছেন। কিরীটের দিদি হেমবালাকে বাড়ীতে থাকার ব্যবস্থা হয়েছে, তবুও শ্রীমন্ত খবরাখবর নিলে ভাল হয়।

বিকালে শ্রীমন্ত ও কিরীট দুজনই ল্যান্ডাউন রোডের বাড়ীতে হাজির হল। প্রথমটা মৈত্রী বসবার ঘরে ছিল না, হেমবালার মারফত খবর নিয়ে জানা গেল যে মৈত্রী ওর শোবার ঘরে বসে কি পড়াশুনো করচে। কিরীট শ্রীমন্তের সঙ্গে কথা চালাতে লাগল এমনি ভাবে যেন বোসেদের বাড়ীর প্রাত্যহিক আবহাওয়ার কিছুমাত্র ব্যতিক্রম হয় নাই। শ্রীমন্ত যদিও একবার জিজ্ঞাসা করেছিল যে মৃত্যুঞ্জয়ের শিলাং থাকবার কি ব্যবস্থা হয়েছে, তথাপি তাকে আলাপ করতে স্থল বেশীর ভাগ এই নিয়েই যে খেলাধুলা ভাল হলেও ক্রীড়াদেবীর যে পূজা আজকাল হয় সেটা অত্যন্ত হানিকর। বেশীক্ষণ বিতর্ক চালাবার দরকার হল না, কারণ হেমবালা এসে অল্প জমিদারের প্রপোজল ফর্মের ভিতর যে বয়সের কোঠায় মারাত্মক ভুল হয়েছিল, সেটা আশু শোধরাবার জন্য ভাইকে কড়া উপদেশ দিতে লাগল এবং অল্পের দেওয়া চিঠি নিয়ে কেন যে কিরীট এতদিনেও ক্দিরপুরে অল্পের বিবাহিত বোনের সঙ্গে হেমবালার সাক্ষাতের জন্য একটা দিন স্থির করে আসে নাই সে জন্যও ভৎসনা করতে লাগল।

প্রায় ঘণ্টা খানিক পরে বসবার ঘরে বিষয়মুখে এসে হাজির হল মৈত্রী। তাকে দেখেই হেমবালা বল্ল “বোন আমার আজ বেঞ্জায় খেটেছে অফিসে। দেখছি মুখখানা ক্লান্তিতে একেবারে কালী হয়ে গেছে।”

কি—ক্লান্তিতে না বৈদে ও রকম হল ?

হে—কীদবে কেন ছাই ? বাবা গেছে স্বাস্থ্যের জন্য শিলাং, আর মেয়ে তাঁর জন্য কীদবে ! (বলে

উচ্ছ্বাস)

শ্রী—উনি কোথায় থাকবেন শিলংএ কিছু বোধ হয় ঠিক করেননি মৈত্রী।

মৈ—আমি যতদূর জানি কিছুই করেন নি। জানিনা হেম-দির কিছু জানা আছে কি না।

কি—আরে ও নিয়ে মাথা ঘামাচ্ছ কেন? পাহাড়ে জায়গায় হাজার-গুণা দিশি-বিলিতি ছোটেল আছে নিশ্চয়। সে কথা রাখ। মৈত্রীর আজ মন খারাপ, চল আজ সবাই মিলে একটা চার্লির ছবি দেখে আসা যাক, আজই হচ্ছে একটা চৌরঙ্গী সিনেমায়।

শ্রী—আমার স্ত্রীর আজ যাওয়া হবে না, কাজেই আমাকেও বাদ দিতে হবে।

মৈ—আমার চার্লির ছবি একেবারেই ভাল লাগে না।

কি—ঝক্‌ঝক্‌, নিছক ঝক্‌ঝক্‌—ছবি দেখবার কথা বলতে যাওয়া। এ-দেশের কিছু হতে পারে না—যেখানে অত স্ত্রীর ভয়, আরো আরো কত কিছুর ভয়।

বলে কিরীট চৌকি ছেড়ে উঠে দাঁড়াল—মনে হল যেন সে তখনি ঘর ছেড়ে চলে। হেম-বালা জিজ্ঞাস কল “তুমি উঠে কেন কিরীট?” আবার চৌকিতে বসে ভাল করে জুতাটা পরতে পরতে কিরীট বল “আমায় আজ ছবি দেখতেই হবে, যাচ্ছি তাই।”

হে—ছবি দেখতে ন’টায়। এখন কি? তা ছাড়া খেয়ে যাবেত? বাসো ততক্ষণ।

কিরীট গম্ভীর ভাবে দিকিকে জানাল সে এখন একটু অগ্রত্ব যাচ্ছে। ঘণ্টা খানিকের মধ্যেই ফিরে আসবে খেতে এবং তারপরই যাবে ছবি দেখতে। বলেই কিরীট বেরিয়ে গেল।

আশ্চর্যের ব্যাপার এই যে মৈত্রী কিরীটের এই ঘরত্যাগ ব্যাপারে কোন কথাই সে রাতে বলল না। শ্রীমস্তুর মনের মধ্যে খেলছিল মৃত্যুঞ্জয়ের শিলা যাত্রা ব্যাপারটা। বস্তুতঃ তার ছবি দেখতে যাবার ইচ্ছা নাই বলেই স্ত্রীর নামে একটা তাড়াতাড়ি মিথ্যা কথা চালিয়ে দিয়েছিল। কাজেই সেও কিরীটের সহসা ঘরত্যাগ ব্যাপারটা নীরবে হজম করে গেল। কিন্তু হেমবালা দেখলে সমস্ত ব্যাপারটাতে একটা অশোভনতা। তাই কিরীট ঘর ছাড়ার আধ মিনিটটাক পরেই হেসে হেসে সে বলে “তোমরা আমার ভাইটাকে চেন না, ওর যখনই কোন উদ্ভেজনা হয়, তখনই আমি বুঝি যে ও চটেছে ওর নিজের উপর।” মৈত্রী জিজ্ঞাসুভাবে হেমবালার দিকে তাকাতাই সে আবার বলে “বুঝলে না, ছবি দেখতে যাওয়ার কথা বলে ও নিজে হয়ে গেল বেকুব, তাইতে ওর নিজের উপর হলো রাগ। ওর সবই বোন, উল্টো কিন্তু ওর মত একটা অতো নির্মল চরিত্রের ছেলে ও দেখলাম না—হু’একটা শ্রীমস্তুর মত ছেলে বাদ দিলে”।

শ্রী—ভা যেন হল (স্মিত হাস্য) কিন্তু এই নির্মল চরিত্রের ভাইটাকে যে পাঠিয়ে দিলে পারভেন শিলংএ মৈত্রীর বাবার সঙ্গে। উনি একেবারে একাটা গেলেন। আমার কি রকম ঠেকচে।

হেমবালার কাছে যেন হঠাৎ একটা অজ্ঞাত ভয়ের আবির্ভাব হল, এ রকম একটা বিশ্বাসের ভাব করে ব'ল্ল “ঠিক বলেচ ভাই ঠিকই বলেচ, আমার ছাই সব সময় বুদ্ধিগলো মাথায় আসে না। তা ছাড়া শোনইনা কেমন করে আমার কাছে মৃত্যুঞ্জয় বাবুর বলতে যাওয়া।” এই পর্যন্ত বলা হতেই মৈত্রী ঘর থেকে উঠে গেল এবং তখন হেমবালা সবিস্তারে শিলা যাওয়ার ইতিহাসটা শ্রীমন্তকে বলল। অধ্যাপক যুবক চুপ করে শুনেই গেল, হেমবালা দ্বার আশ্চর্য মনযোগ লক্ষ্য করে শ্রীমন্তের সন্নিহিত হয়ে অল্পচ গলায় ব'ল্ল “বুঝলে না শ্রীমন্ত তুমি ব্যাপারটা—মেয়ে-বাপে ঝগড়া! কে জানে কিসের জগা! তা আমি একটা জ্ঞাত করেচি। তঁা দেখব আমার পক্ষে যতটা করা সম্ভব, কিছুই বাকী রাখব না”।

শ্রীমন্ত সেখান থেকে উঠল। প্রায় ঘণ্টা খানিক পরে যখন কিরীট বসবার ঘরে ফিরে এল, তখন দেখল সেখানে একা বসে মৈত্রী, একটা খবরের কাগজ সামনে রেখে বোধ হয় পড়বার চেষ্টাই করছিল। ঘরে ঢুকে অতিশয় সহজভাবে কিরীট ব'ল্ল “দিদি কোথায়? রান্না হয়েছে কি জান তুমি?”

মৈ—রান্না হয়ত হয়েছে, আমি ঠিক জানি না। কিন্তু ছবি দেখতেই যদি যাবেন, তবে রান্না হোক না হোক তাতে কি যায় আসে। ভয় বলছিলেন আমার, কিরীট বাবু। কিন্তু ভয়ত দেখছি আপনার সব চাইতে বে। ছবিও দেখবার ইচ্ছা আছে বলেচেন, অথচ অজুত থাকবার আশঙ্কাটা কাটাতে পারছেন না।

কিরীট হেসে উঠল এবং ব'ল্ল “না খেয়ে ছবি দেখতে কোন শঙ্কা হতে পারে না, মৈত্রী। তবে মিথ্যা মিথ্যা দিদির কথা ফেলতে ঘাই কেন। খুব বেশী যদি হয় ছবি আরস্ত হবার দশ মিনিট পরে হলে ঢুকব, এইত!”

মৈ—যদি ছবি দেখবই, তবে ছবি দেখাটাকে ওভাবে নষ্ট করার চাইতে দিদির কথা শোনাই ভাল।

কি—তোমার অনেক মতকে আমি গ্রহণ করি মৈত্রী কিন্তু যা, তুমি এমন বলচ, এ তোমার মত হতে পারে না। কি করে রোমন্থি তোমায় ব্যাপারটা।

মৈ—বোঝার কিছু নাই ওতে।

কি—জীবনে কাজের পর্যায় ভেদ আছে। এর কারণেই সত্য হবার কোন আবশ্যক নাই। তুমি তোমার বাবার মত জেনেও চাকুরীতে ঢুকছ, তার একটা মানে আছে। কিন্তু ধর ধর আজ যদি তোমার ইচ্ছাও হয় আমার সঙ্গে চৌরঙ্গী সিনেমায় ছবি দেখবার তা হলেও তুমি নিশ্চয়ই যাবে না। কারণ এ ক্ষেত্রে ব্যাপারে নিজের মতত্বা কলাবার কোন আবশ্যকতা নাই।



কিরীটের কথা শেষ হতে না হতেই ঘরে ঢুকল হেমবালা ও ভাইকে দেখেই বলল “তুই এসেছিস্ কিরীট, একটুখানি বসতে হবে। ঠাকুর বলচে মাংসটা সিদ্ধ হতে একটু সময় নেবে। তা কি আর হবে একটু দেরী হলে। দিদির ঘরকন্নার ত কত অসুবিধা! বৌ ঘরে এলে ত এসব কিছুই সইতে হত না (হাস্ত) তা সে সৌভাগ্য আমাদের কখন হবে জানিনাত”।

এর পর হেমবালা মৈত্রীর কাছে ভায়ের বহু বিবাহ সম্ভাবনার গল্প করল, রত্না সহক্ষেও ইঙ্গিত করতে ছাড়লে না। কিরীট ছ-তিনবার ভুরু কুঁচকাইবার পর নীচে রাস্তায় সিগারেট কিনতে গেল। অতিষ্ঠ হয়ে বেচারী মৈত্রী হেমবালাকে নিজের ক্ষিধের কথা জানাল। মিনিট কয়েকের মধ্যেই সবাই খেতে বসল।

মৈত্রী টুক দই না খেয়ে আগেই অনুমতি নিয়ে টেবিল ছেড়ে উঠল এবং কিরীট যখন দাঁড়িয়ে দিদির কাছে খাবার জন্ম সিগারেট ধরাচ্ছে তখন মৈত্রী এসে বলল “চলুন আমিও দেখে আসি চালির ছবি। হেমদি আপনার জেগে থাকবার কাজ নেই কিন্তু।”

রাত ন’টায় কিরীট ও মৈত্রী রাস্তায় বেরিয়ে পড়ল।

(ক্রমশঃ)

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রশংসিত।

ভিটামিন “বি,”

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাশ্রতা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সম্ভবার

পক্ষে বিশেষ

কল-দায়ক।

অধ্যক্ষ মথুর বাবুর

মেডিকেল সিসার্জ লেবরেটরী

পি, ২৩, সেন্ট্রাল এডমিনি, কলিকাতা।

পলাতক

“যাবাবর”

সীমাহীন, ঘন নীল পাহাড়ের কোলে সূর্য সবে ঢলে পড়েছে। গোখুলির লাল আলো এখনও নিঃশেষে মুছে যায়নি আকাশের বুক থেকে। পাহাড়ের নীচে, চা বোপের ফাঁকে ফাঁকে সন্ধ্যার অন্ধকার এখনও ঘনিয়ে আসেনি। শরতের নীল, শুভ্র আকাশ—পূব আকাশে শুধু কয়েক টুকরো শাদা মেঘ। দূরে চা ঘরের চিমনি থেকে একটু একটু করে কালো ধূয়া বাতাসের সাথে কুণ্ডলী পাকিয়ে বা’পাশের নীল পাহাড়ের কোল বেয়ে ভেসে চলেছে মুহূ, মন্থর গতিতে। আধো আলো, আধো অন্ধকারে থরে, থরে সাজানো চা বোপগুলির সবুজ, সতেজ সৌন্দর্য প্রাণে দোলা দেয়। রক্ত রাঙা পাহাড়ীয়া পথটা চা বোপের আড়ালে কোথায় যেন নিজেকে হারিয়ে ফেলেছে। এই পথ বেয়ে ক্ষীণপ্রাণ, ধূসর মলিন মজুরের দল বস্তিতে ফিরে গেছে মুহূ, মন্থর গতিতে। এদের ক্ষীণ কোলাহল মুহূর্তের জন্ম মুখরিত করে তুলেছিলো আশপাশের বনভূমি; এখন আর কাউকে চোখে পড়ছে না—

ধীরে, ধীরে রাত্রির অন্ধকার নেমে এসেছে পৃথিবীর বুকে—গাঢ়, কালো অন্ধকার। চা ঘরের চিমনি আর চোখে পড়ছে না—রক্ত রাঙা পথটাও। সামনে, পেছনে চারিদিকে শুধু কালো, আর কালো। স্তব্ধ, মৌন প্রকৃতি নিদ্রার কোলে এলিয়ে দিয়েছে অলস, শিথীল দেহখানি। সরল গাছের ফাঁকে, ফাঁকে কুলি বস্তির স্তিমিত আলোক রশ্মিও আর চোখে পড়ছে না—এদের ক্ষীণ কোলাহল আর মাদলের আওয়াজ অনেকক্ষণ থেমে গেছে। তারস্বরে চীৎকার করে কে যেন গান গাইছে; তারই রেশটুকু মুহূ বাতাসে ভেসে আসছে।

চা বোপের আড়ালে সযত্নে আত্মগোপন করে এগিয়ে চলেছে অলক—স্বচ্ছন্দ, চঞ্চল গতি—এমনি কত রাত্রি যেন তার কেটে গেছে এই পথে। ব্রহ্ম, কালো চোখ দুটা অন্ধকারে যেন আর ও বেশী উজ্জ্বল হয়ে উঠেছে। পায়ে যেন কি ঠেকলো।……কিছু না,……গাছের শিকড় কেটে কে পথে ফেলে রেখেছে। পাহাড়ীয়া নালার কোল বেয়ে এগিয়ে চলেছে অলক……পাশের চা বোপটা সজোরে নাড়িয়ে দিয়ে কি যেন পালিয়ে গেল……শেয়াল……বন্য শূকর হয়ত বা, চকিতে থমকে দাঁড়ায়, কালো চোখের চঞ্চল দৃষ্টি বুলিয়ে নেয় আশ পাশে। হিম, শীতল বাতাস গায়ে এসে লাগছে, আধ ময়লা ছিটের জামাটা যেন একে আর ঠেকিয়ে রাখতে পারছে না—এবার একটু দ্রুত গতিতে এগিয়ে চলেছে। ট্রলি লাইনের পাশ দিয়ে জীত্র আলো ফেলে একখানি মোটর ছুটে চলে গেল—বাগানের ম্যানেজার শিকার করে ফিরছে।

কুলি বস্তির সরু গলি বেয়ে এগিয়ে চলেছে অলক। গোবর আর পচা খড় জঞ্জাল জমে জমে সরু পথটা প্রায় অগম্য হয়ে উঠেছে। হু’পাশের নালা বুকে গিয়ে নালার জল পথে এসে দাঁড়িয়েছে—তারই পচা গন্ধ আবহাওয়াকে বিযাক্ত, ভারী করে তুলেছে। মাল্লবের সাড়া পেয়ে বস্তির



কুদিত, ক্লিগপ্রাণ কুকুরগুলি ঘেউ-ঘেউ করে খেমে যায়—তেড়ে আসার সামর্থ নেই। ছ'পাশের ঘন সন্নিবেশিত জীর্ণ খড়ের ঘরগুলির নীচু চাল এসে মাথায় ঠেকছে—অলক এগিয়ে চলেছে। ও দিককার ঘরে এখনও আলো জ্বলছে, মেয়েলী সুরে কে যেন কথাও বলছে। —এদিকের ঘরে কে যেন শুণ, শুণ করে গান গাইছে। পাশের বাড়ী থেকে টচ হাতে করে একটা লোক গলি পথে বস্তির বাইরে চলে গেল—হয়ত বা ষ্টাফের কোন বাবু।

মাথা হুইয়ে, পা টিপে টিপে এগিয়ে চলেছে অলক সাবধানে, মস্তুর গতিতে। বস্তির শেষ সীমায় চট ঝোলানো জীর্ণ খড়ের ঘরখানির সামনে অলক থমকে দাঁড়ায়—অন্ধকারে গা ঢেকে কে যেন দাঁড়িয়ে। চকিতে লোকটা কাছে এসে কি যেন বলে—‘হু’জনে চুপি, চুপি ঝোলানো চটখানি সরিয়ে ঘরে এসে আশ্রয় নেয়। সামনের গলি বেয়ে আলো নিয়ে বুট পায়ে কাঁরা চলে গেল।

ঘরের ভেতর মিট মিট করে কেরোসিনের ডিবে জ্বলছে—কালো ধূয়া ঘরের বাতাস ভারী করে তুলেছে। কঙ্কালসার রোগ জীর্ণ চারটা লোক বসে আছে—স্তিমিত আলো এদের শীর্ণ মুখে এসে পড়েছে! স্তিমিত আলোতে অলকের পাণ্ডুর মুখখানি আরও পাণ্ডুর দেখাচ্ছে—লম্বা, রোগা চেহারা পরণে ময়লা খন্ডরের শাদা পায়জামা, হাটুর কাছে এক জায়গায় ছেঁড়া, গায়ে সেই আধময়লা ছিটের জামা, মাথায় অযত্ন বর্ধিত ঝাকড়া চুল। কারো মুখে কথা নেই নির্বাক বিষ্ময়ে সবাই তাকিয়ে আছে অলকের পাণ্ডুর মুখের পানে। অলকের চোখের ইসারায় একটা লোক উঠে বাইরে চলে গেল—বোধ হয় পাহারা দিতে।

রোগা, পাণ্ডুর মুখখানি তুলে মৃদুকণ্ঠে অলক বলে—“রামদীন! এখানকার খবর সব ভাল?”

ঐ পাশের কালো, রোগা লোকটা মাথা তুলে আমতা, আমতা করে উত্তর দেয়—এখানকার সব খবরই ভাল। পর্বতপুরের সর্দারকে নিয়ে আজ কামারহাটীতে এক মিটিং হয়েছে, অনেক লোক এসেছিলো ছ'চার দিনের ভেতরই ইউনিয়ন করা চলবে। কিন্তু……

জিজ্ঞাসু নেত্রে অলক তাকিয়ে থাকে।

নিঃশাস নিয়ে মৃদুকণ্ঠে রামদীন বলে—“কিন্তু; পুলিশ আপনাদের খবর পেয়েছে। আজ তিন, চার দিন থেকে এদিকেই শুধু ঘুরছে—আজ ছ'বার এসে এখানেও হানা দিয়ে গেছে—একটু আগে এই পথেই তাঁরা গেল।”

অলকের রোগা, পাণ্ডুর মুখে বিষাদের ছায়া নেমে আসে না—মৃদু হেসে বলে—“সবই জানি রামদীন—আর কেনে জানেই আজ এসেছি কাল এলেও হয়ত চলবে; কিন্তু এ অবস্থায় ত আর দেবী করা চলে না। কালই হয়ত আমি এখান থেকে চলে যাব তাই আজই আমাদের এখানকার

কার সমস্ত কাজ তোমাদের বুঝিয়ে দিতে চাই। বিলাসীকে দিয়ে খবর পাঠিয়েছিলাম; কিন্তু কমরেড্ দাসের সাথে তা'র দেখা হলো না। নইলে আজই তিনি আসতেন—যাক্ কালই তাকে পাঠিয়ে দেব—তোমাদের বোধহয় বিলাসীই খবর দিয়েছে?”

“হ্যাঁ! কিন্তু সে বলছিলো আজ ক'দিন থেকেই আপনার জ্বর—তা জ্বর নিয়ে এই শীতের রাত্রিতে এখানে না এলেই কি চলতো না?” কথা ক'টা বলে অভিমান ক্ষুদ্র রামদীন মুখ ফিরিয়ে নিলে।

এ অভিযোগের কোন প্রতিবাদই অলকের দিক থেকে পাওয়া গেল না। হাতকাটা, বেটে, মোটা লোকটা অলকের সামনে এগিয়ে এসেছে। —“কমরেড্! একটা কথার উত্তর দেবেন কি? সেদিন বলছিলেন মৃত্যুর ভয়ে যারা পালিয়ে বেড়ায় তা'রা ভীকু—কাপুরুষ তা'রা যারা জেল, পুলিশ ভয় করে; কিন্তু আজ সবার আগে আপনিই ত ছুটে পালাচ্ছেন। সেটা হবে না—আমাদের মৃত্যুর মুখে এগিয়ে দিয়ে আপনি পালাবেন—মরি যদি এক সাথেই সবাই মরবো।” সাঁওতাল রামজীবনের রুক্ষ কথাগুলির উত্তরে অলক হেসে বলে—“পালিয়ে আমি বেড়াই সত্যি; কিন্তু কেন জান? ...তোমরা মরতে দেও না বলে। নিজেদের জীবনের মূল্য তোমরা যেদিন বুঝবে—আমার কাজও ফুরাবে—হাসি মুখে সেদিন মৃত্যু বরণ করে নেব। সেদিন কিন্তু তোমাদের কাউকে দলে টানবো না।”

অলকের প্রদীপ্ত মুখের পানে চেয়ে অভিভূত লোক ক'টা মৌন আত্মগত্য জানায়। কেরোসিনের ডিবেটা এখনও মিট মিট করে জ্বলছে।

মনে পড়ে প্রথম দিনের অভিজ্ঞতার কাহিনী। বর্ষণ ঘন শ্রাবণ সন্ধ্যা—টিপ, টিপ করে বৃষ্টি পড়ছে—বর্ষণের যেন আর বিরাম নেই। সামনের সরু লাল পথটা জলে, কাদায় নিবিড় হয়ে উঠেছে—। সন্ধ্যার আবহা অন্ধকারে চা-ঝোপের আড়ালে গা ঢেকে দাঁড়িয়ে অলক—ভেজা কাপড় জামা, টপ টপ করে জল গড়িয়ে পড়ছে। জল কাদা ঠেলে পথ বেয়ে এগিয়ে চলেছে ক্ষীণ-প্রাণ মজুরের দল নিশেদ, মস্তুর গতিতে। বৃষ্টি পড়ছে অবিশ্রাম ধারায়—এবার যেন বেগ একটু বেড়েছে। সরল গাছটার নীচে দাঁড়িয়ে অলক—নিম্পন্দ, পলকহীন তার দৃষ্টি।

—“তারপর—আজকের ঘটনা ত নিজেই দেখলাম।”

“আজ আবার কি হলো।”

“শুননি, আশ্চর্য! নিধু মিত্রী ত সেদিন কলে কাটা পড়লো; আজ তার বউ তিন, চারটে ছোট ছোট বাচ্চা নিয়ে এসেছিলো সাহেবের কাছে ভিক্ষা চাইতে—”

“তারপর?”

“তারপর আবার কি! দিলে না। বলে দিলে আবার এসে বিরক্ত করলে লাথি মেরে, মেরে বাগান থেকে তাড়িয়ে দেবে—মেয়েটার সে কি কান্না।”



“সাহেব সত্যি এ রকম বললে ?”

“সত্যি না ত মিথ্যে বললে নাকি। তাই বলছিলাম নিজেও কলে কাজ করি—কাজ, বাচ্চা আমারও আছে—”

জল, কাদা পায়ে ঠেলে রোগজীর্ণ লোক ছুটি এগিয়ে চলেছে। চকিত বিন্ময়্যাবিষ্ট অলক এদের পিছু নিলে। এমনি করেই হলো প্রথম পরিচয়। প্রথম পরিচয়ের জড়তা আজ আর নেই। অলক আজ এদেরই একজন—এরা ভাবতে পারে না অলক অশ্রু কেউ, তার ও থাকতে পারে নিজস্ব বৈশিষ্ট্য, স্বতন্ত্র সত্ত্বা। এরা ভাবতে পারে না অলক কোন দিন তা’দের ছেড়ে যাবে—অলক না থাকলে জীবন যে তা’দের শূন্য, অন্ধকার; তাই রামজীবন আজ এত উজ্জ্বল হয়ে উঠেছিলো। অলক নিজেই অবাধ হয়ে যায় আজ এদের নিশ্চিন্ত আত্মসমর্পণ আর দৃঢ় বিশ্বাস দেখে। একদিন এই রামজীবনই বলেছিলো—“চালাকি পেয়েছ চাঁদ—এখানে দালালি করতে এসেছ না? সেটা হবে না। জোয়ান ছেলেদের ভুলিয়ে নিয়ে যুদ্ধে পাঠাবে—জোচ্চোর কাহাকার—বেরিয়ে যাও—”। সেদিন এমনি অনেক কথাই শুনতে হয়েছে—আর আজ ?

কেরোসিনের ডিবেটী কয়েকবার দপ্ দপ্ করে নিভে গেছে। দাওয়ার লোকটী চটখানি একটু টেনে দিয়ে ঘরের ভেতরে এসে বসেছে।

* * * * *

স্তব্ধ মৌন রাত্রি, চারদিকে ঘন কালো অন্ধকার—নীল আকাশের পটভূমিকায় জল জল করছে অসংখ্য তারা—তারাই ছায়া পড়েছে পাশের নালার জলে।

• “আর এসে কি হবে ? এবার তুমি না হয় যাও।”

“আর কতটুকুই বা পথ—আপনাকে গেট পর্যন্ত এগিয়ে দিয়েই ফিরবো।”

নিঃশব্দ পদসঞ্চারে চা-ঝোপের আড়ালে আত্মগোপন করে এগিয়ে চলেছে অলক, পেছনে রামদীন। পাহাড়ীয়া দেশ—শরৎ শেষ না হতেই এদিকে বেশ শীত পড়ে গেছে। শিশির সিক্ত চা-ঝোপগুলি যেন নিষ্পন্দ, অসাড়—উপরের সরল গাছগুলির সুরু, চিকন পাতা বেয়ে শিশির ঝরে পড়ছে টপ্ টপ্ করে নীচের চা-ঝোপগুলির মাথায় আর তারই মুহূর্ত্ত এসে কানে বাজছে। শিশির সিক্ত পথে এগিয়ে যেতে পরণের কাপড়, জামা ভিজে উঠেছে। ভোর হওয়ার বোধহয় আর বেশী দেরী নেই, ভোরের হিম, শীতল বাতাস এসে গায়ে লাগছে—পূব আকাশ এরি মধ্যে বেশ পরিষ্কার হয়ে উঠেছে।

পাহাড়ীয়া নদী বয়ে চলেছে কীণ, স্বচ্ছ ধারায়। বর্ষার সেই কেনিল কলোচ্ছাস আজ আর নেই যেন কোন মায়ার পরশে জরা এসে নিঃশেষে মুছিয়ে নিয়ে গেছে যৌবনের আনন্দোচ্ছাস।

এখান থেকেই পরস্পরের নিকট বিদায় নিতে হবে। ভাব শিখিল, অবশ হাতখানি রামদীনের কাঁধের উপর রেখে মন্থর গতিতে এগিয়ে চলেছে অলক। বিদায়ের মুহূর্তে আজ যেন এদের ভাষা ফুরিয়ে গেছে—কে জানে, হয়ত এরপর দেখা এজীবনে আর নাও হতে পারে।

রামদীন, অশিক্ষিত রোগ জীর্ণ মানুষটী—কে জানে, কিসের প্রভাব আজ তাকে এমনি মাতাল করে তুলেছে? কিসের প্রভাব এই ফর্সা, রোগা মানুষটির পেছনে তাকে টেনে এনেছে নিশ্চিত বিপদের মাঝে—রাত্রির গভীর অন্ধকারে। এর পরিণাম, ভাবলে গা শিউরে উঠে।

দূরে আবছা অন্ধকারে চা ঘরের চিমনি প্রেতের মতন দাঁড়িয়ে আছে; হয়ত এখনি বিভৎস চীৎকারে সুপ্তির কোল থেকে কর্ম-ক্লান্ত মানুষগুলিকে সচকিত করে তুলবে। অলক চোখ ফিরিয়ে নিলে। এদিকে তাকালেই এক অজ্ঞাত আশঙ্কায় প্রাণ কেঁদে উঠে।

“রামদীন, ভোর হয়ে গেছে এবার তুমি ফেরো।”

নির্বাক রামদীন কোন সাড়াই দেয় না—ফ্যাল, ফ্যাল করে শুধু তাকিয়ে থাকে।

“তোমাকে তো আবার বাড়ী ফিরে কাজে বেরতে হবে আর দেবী করোনা। তোমাকে ও নতুন করে বলবার কিছুই নেই। আমাদের আদর্শ—আমাদের মূলমন্ত্র সামনে রেখে এগিয়ে যাও সাফল্য আসবেই। কমরেড্ দাসকে বলে যাব, তিনিই এখন থেকে তোমাদের সমস্ত কাজ করে দেবেন তাকে যেন সবাই মেনে চলে।”

ঘাড় নেড়ে রামদীন মৌন সম্মতি জানায়।

“আমার আজকের এই নৈশ অভিযান পুলিশের হয়ত অজানা থাকবে না—যা’ বলে গেলাম মনে রেখো।”

শেষ বারের মত পায়ের ধূলা নিয়ে রামদীন ব্যথিত অন্তরকে সান্ধনা জানায়। হাত তুলে বিদায় সম্ভাষণ জানিয়ে পাহাড়ীয়া নদীর কোল বেয়ে এগিয়ে চলেছে অলক স্বচ্ছন্দ, চঞ্চল গতিতে। এখনও ভাল করে ফর্সা হয়নি—রোগা, ফর্সা মানুষটী একাই এগিয়ে চলেছে পাহাড়ের পথে—কেউ জানেনা...কি তার উদ্দেশ্য...কি তার লক্ষ্য...। পায় জুতো নেই...পরগে কাপড় নেই...এই শীতে গায়ে একখানা গরম কাপড় পর্যন্ত নেই...তুঁদিন হয়তো চারটে ভাতও জুটবে না। পাহাড়ের পথে একা চলেছে...কোন ভাবনা নেই—আত্মরক্ষার জন্ত একগাছি লাঠিও হাতে নেই...সামনের বাঁক ঘুরলেই দিগন্তব্যাপী, সীমাহীন নীল পাহাড়ের কোলে তার শীর্ণ দেহখানির অস্তিত্বও খুঁজে পাওয়া যাবে না। তারপর.....

রামদীন আর ভাবতে পারে না—শীর্ণ হাতখানি তুলে চোখের জল মুছে নেবার বুধা চেষ্টা করে। অলকের রোগা শীর্ণ দেহখানি এখনও বাঁককর অমড়াল হয়ে যায় নি—মুগ্ধ রামদীন উৎসুক দৃষ্টি মেলে এখনও সেদিকেই তাকিয়ে আছে।

কে জানে, এই মানুষটী অশিক্ষিত রামদীনের কতটুকু নিয়ে গেল?

নষ্টনীড়

মালবিকা রায়

সেদিন ছিল মাঘী পূর্ণিমা। কুহেলীর ওড়নায় তনুদেহটা ঢেকে অভিসারিকা পূর্ণিমা চলেছে তার পরমপ্রিয়র কাছে সর্বাক্ষে ফুলের গন্ধ মেখে। এই কথাগুলি এতক্ষণ অনুভা বলছিলো উচ্ছ্বসিত স্বরে। শুভেন্দু এতক্ষণ গালের উপর হাত রেখে আধশোয়া হয়ে বসেছিল, এবার উঠে হো হো করে হাসতে লাগলো।

“হাসলে যে!” অনুভা বললো ক্ষুব্ধ স্বরে।

“হাসবার কথা শুনেও হাসতে পারবো না;”

“এর মধ্যে হাসবার তুমি কি পেলো?” অনুভা সাভিমানে উত্তর করলো, “সে কথা পরে বলা যাবে, আপাতত ঘরে চল। বাবা, জ্যোৎস্নায় বসে কবিত্ত্ব করা কি সোজা কথা? জ্যোৎস্না দেখলে শ্রুতি বলছি, অনু, ভয়ে আগার মুখ শুকিয়ে যায়। কেবলি মনে হয়, কাল সন্দিগ্ধ নাক বন্ধ হয়ে যাবে আর ২৫ দিন ল্যাবরেটরিতে যাওয়া বন্ধ থাকবে।”

• খানিকক্ষণ শুধু দৃষ্টিতে ওর মুখের দিকে চেয়ে অনু হঠাৎ বলে ফেললো “তুমি জ্যোৎস্নাও ভালবাস না? ফুলও ভালবাস না?”

হো, হো করে হেসে শুভেন্দু বললে, “ফুল আর জ্যোৎস্না নিয়ে তোমাদের জগৎ চলে, অনু! ও সব তোমাদের পোষায়।”

অনু ওর মুখের দিকে চেয়ে কি জানি কেন হঠাৎ ক্রতপদে লন অতিক্রম করে ড্রিংকমে চুকে গেলো। প্রকাণ্ড লনটা ততক্ষণে প্রায় জনশূন্য হয়ে এসেছে, কেবল এক কোনে প্রভাস আর মীরা বসে গল্প করছিলো। এখন প্রভাস উঠে যেতে মীরা এসে অনুর স্থান অধিকার করে বসে বললে, “অনু হঠাৎ অমন করে উঠে চলে গেলো কেন?” সে অনুর ক্রতপদে চলে যাওয়া লক্ষ্য করেছিলো। শুভেন্দু কৃত্রিম উদাসীনতা দেখিয়ে হাত উলটে বললো, “কি করে বলবো বলুন? আপনাদের মেয়েদের কথা আপনারা মেয়েরাই বোঝেন। তবে আমারো একটু দোষ হয়েছে জা স্বীকার করছি। অনু এতক্ষণ ধরে আমাকে সন্ধ্যার আঁচল, জ্যোৎস্নার চাদর, আর চাঁদের চশমা দেখাবার চেষ্টা করছিলো। আমি কিন্তু কিছুই দেখতে পেলাম না, তাই বোধ হয় রাগ করেছে।”

মীরা বিস্মিত হয়ে বললো “চাঁদের চশমাটা কি জিনিষ শুভেন্দু বাবু?” শুভেন্দু বললো, “আমি-ও কি ছাই বুঝেছি। ওটা স্নানকেই জিজ্ঞেস করবেন। চলুন ঘরে চলুন। আপনাদের কি শীতও লাগে না?”

“কোথায় শীত, কি যে বলেন আপনি,” মীরা হেসে জবাব দিল, শুভেন্দু ভীতে পারি নিতালো। ঠাড়াবার সময় ওর কোল থেকে এক আধফোটা রক্ত গোলাপ গড়িয়ে পড়ে। মীরা সেটা কুড়িয়ে নিয়ে বললো, “এই নিন আপনার গোলাপ।” শুভেন্দু বললো, “আপনিই নন নিন, মিস ঘোষ।” অল্প ওটা দিয়েছিলো সন্ধ্যা বেলা। এই দেখুন না এই গোলাপটা তুলবার সময় অল্প বললে কি ‘কুঁড়ির ভিতরে কাঁদিছে গন্ধ।’ এতগুলো লোক ছিলাম কারো কানে গেলো না কুঁড়ির কাণ্ডা, যত কানে গেলো অল্পের। নাঃ মেয়েদের নিয়ে কারবার করা ভারি সুস্থির।”

মীরা চলতে চলতে বললো, “কুঁড়ির কাণ্ডা কি সব লোক শুনতে পায়, শুভেন্দু বাবু। কুঁড়ির কাণ্ডা শোনবার মত কান যেদিন পাবেন—” বাধা দিয়ে শুভেন্দু বললো, “দোহাই আপনার, অত সৌভাগ্যে আমার কাজ নেই। ছোটো কান রয়েছে তাতেই সময় সময় মনে হয় একটা কান থাকলে ভালো হোত, গালমন্দগুলো একটু কম শুনতে পেতাম। তার উপর আপনাদের অভিশাপে তিনটা কান হোলেই হয়েছে, মনে মনে যে সব গাল মন্দ দিবেন তাও শুনতে পাযো।”

মীরা হেসে ফেললো। বললো, “সব ত বুঝলাম কিন্তু অল্পকে তার জন্মদিনে এমন করে রাগিয়ে দিলেন কেন বলুন ত?” শুভেন্দু বললো “দেখুন, আমি ওকে মোটেই রাগাতে চাইনি। কেবল জন্মদিন বলেই আজ এক ঘণ্টা ধরে পাগলের প্রলাপ শুনেছি।”

হুজনে ডুইংক্রমে যখন ঢুকলো, অল্পভা তখন পিয়ানো বাজিয়ে গান ধরছে।

“তুমি সন্ধ্যার মেঘ শান্ত সুদূর আমার সাধের সাধনা।” অল্পভা সুগায়িকা। সে আজ সমস্ত মনপ্রাণ নিঃশেষে ঢেলে দিয়ে গান করছে। সকল জ্রোতাই যুদ্ধ। নুতন সিভিলিয়ান নিশীথ বাবু ত এমন ভাব দেখাচ্ছেন যেন তিনি বহু কষ্টে আবেগ চাপছেন। শুভেন্দু ডুইংক্রমে ঢুকে অল্পভা অস্বাভাবিক অল্পভব করতে লাগলো। সত্যি তার আর বেশীকণ বসবার সময় ছিল না। সে বেলা ৫ টার সময় এসেছিল এখন ৭।০ টা বাজতে চললো। শুভেন্দু গান শেষ হবার অপেক্ষায় একটুখানি বসে রইলো। কিন্তু অল্পভা তখন সুদীর্ঘ গানটা চরণের পর চরণ গভীর আবেগে ঘুরিয়ে ঘুরিয়ে শেষে চলেছে। গান শেষ হতে দেরি আছে দেখে শুভেন্দু অস্থির হয়ে উঠে দাঁড়িয়ে অল্পর দিকে চেয়ে বললো, “অল্প, আর আমার বসবার সময় নেই, আমি চললাম।” কোনদিকে আর না চেয়েই শুভেন্দু বেরিয়ে পড়লো।

অল্প চমকে উঠলো। স্বর্গ রাজ্য থেকে কে যেন তাকে ঠেলে কেলে দিলো। তার গলা কেঁপে উঠলো, এবং হঠাৎ গানের স্বেল চেজ হয়ে গেলো।

মিলেম গাঙ্গুলী চশমার ভিতর দিয়ে অল্পর দিকে চেয়ে ডুক কুঁচকে জিজ্ঞেস করলেন, “কেলেটিকে ত চিনলাম না।”

এক কক্ষিক দেশের আগেই মীরা বলে উঠলো, “উমি শুভেন্দু বিশ্বাস”; এম এমসিতে ফাট
 ৮, ডি এমসির জন্ত রিসার্চ করছেন। মিসেস গাঙ্গুলী ভেমনি ভাবেই ভুরু কুঁচকে বললেন,
 “এ, কিন্তু কি manners!”

নিশীথ উৎসাহিত হয়ে বললো, “দেখুন লেখাপড়াটা আসল জিনিষ নয়। আসল জিনিষ
 হচ্ছে কালচার। Tagore বলেন—”

যাথা দিয়ে মীরা বললো, “শেখের কবিতা থেকে কোট করতে চান ত? ‘শেখের কবিতা’
 সকলেরি পড়া।”

নিশীথ কিছু বলবার আগেই অমু মিউজিক টুল থেকে উঠে দাঁড়ালো। তারপর সকলের
 দিকে চেয়ে বললো, “আমি আজ অত্যন্ত ক্লান্ত। আশা করি সেজন্ম আপনারা আমাকে মার্জনা
 করেন। মীরা, তুমি এঁদের একটু দেখাশোনা করো। আমি আজ আর পারছি না। নমস্কার।”
 কারো অমুমতির অপেক্ষা না করেই অমু ঘর থেকে বেরিয়ে গেলো।

নিশীথ অত্যন্ত স্নান হয়ে উঠলো। সকলেই যেন কেমন হয়ে গেলো। মিসেস
 গাঙ্গুলী পুনরায় কিছু মন্তব্য প্রকাশ করবার আগেই মীরা নিশীথের পাশের চেয়ারটাতে বসে
 বললো, “নিশীথবাবু, হঠাৎ এত স্নান হয়ে গেলেন যে?” অমুভার প্রতি আকর্ষণের কথা নিশীথ
 কোনদিনই গোপন করতে চায় নি, আজও করলো না। একটু ক্ষীণ হাসি হেসে বললো, “চন্দ্র
 না থাকলে নিশীথ ত স্নানই হয়, মিস ঘোষ।”

মীরা হাসলো। বললো, “খুব powerful electric light-এও কি কিছু হয় না?
 দেখা যাক চেষ্টা করে, কি বলেন? একটা গান গাই কেমন?” নিশীথ ও লোকেশ দুজনেই
 লে উঠলো, “হ্যাঁ, হ্যাঁ গানই করুন, ভালো লাগছে না কিছু।”

সঙ্গীতে মীরার যথেষ্ট দখল ছিল। তার গান সকলকেই আনন্দ দিল। মীরা বললো,
 আপনি আমাকে গানের একটা সার্টিকিট লিখে দেবেন, নিশীথবাবু? সিভিলিয়ানের সার্টি-
 কিকট বিয়ের সময় কাজে লাগবে।”

লোকেশ হেসে বললো, “সিভিলিয়ানের সার্টিকিটও বৃষ্টি স্বাক্ষরাল বিয়ের সময়
 প্রকার হচ্ছে?” মীরা বললো, “ব্যাপার প্রায় তাই দাঁড়িয়েছে। আজ দরকার হচ্ছে না, কিন্তু
 ল হবে। স্বাক্ষরাল কনে দেখতে এসে লোকে বলে ক’টা পাশ? এরপর জিজ্ঞাসা করবে,
 মি সব শুদ্ধ ক’টা ছেলেকে মুক্ত করেছ? ক্রমশঃ ক্রমশঃ নিয়ম বদলাবে, বুঝছেন না?” সকলে
 লে উঠলো। এমনি করে হাসি গল্পের পর সন্ধ্যা ডাঙ্কলে মীরা প্রভাসকে বললো, “আচ্ছা,
 আমি যে এত হুঁই করি, তুমি রাগ কর মাত?” প্রভাস হেসে বললো, “নিশ্চয় করি, কিন্তু
 শেষ অর্ধে।” মীরা বললো, “অল্প কেউ হলে কিন্তু সত্যিই রাগ করতো।” ব্লিক দৃষ্টিতে



মীরার দিকে চেয়ে প্রভাস বললো, “তোমাকে এ রকম ছুটুমি ছাড়া আমি করানাই করতে পারি না, মীরা।”

সোনার কাঠির পরশ পেয়ে প্রথম যখন ঘুম ভাঙলো, প্রথম যৌবনের সেই সোনার মুহূর্তটিতে জীবনের সকল আশা সকল আনন্দ সকল ভালবাসা অমুভা যাকে দান করেছিলো সে শুভেন্দু! নিজেকে সে যে নিঃশেষ করে বিলিয়ে দিয়েছে শুভেন্দুর কাছে এ কথা প্রথম সে টের পেলো সেদিন, যেদিন শুভেন্দুর উপেক্ষায় ওর বুকের ভেতরটা অসহ বেদনায় বেঁদে উঠলো।

শুভেন্দু ছিল একটু অদ্ভুত প্রকৃতির। মেয়েদের ও কোনদিনই প্রকার চোখে দেখতে পারত না। ও বলত পুরুষের জীবন সংগ্রামের, আর মেয়েদের জীবন বিলাসের।

অমুভা শুনে রাগ করতো, বলতো, “তুমি মেয়েদের সম্বন্ধে কি জান বলত? ক’টা মেয়ে দেখেছো?” শুভেন্দু হেসে বলত, “কেন তোমার বান্ধবীদের! সব মেয়েই সমান বুকেছ, অমু।” অমুর মন অভিমানে পূর্ণ হয়ে যেতো কিন্তু ও কোন কথাই বলতো না।

কিন্তু মানুষের সহেরও সীমা থাকে, অমুরও সহের সীমা ছিল। তাই নিশীথ যেদিন তাকে প্রথম প্রণয় জ্ঞাপন করলে ও চুপ করে গুনলো, কিছু বাধা দিলো না। নিশীথ বললো, “তোমাকে আমার চাই, অমু, তুমি না হলে আমি বাঁচতেই পারবো না।” অমুর শিরায় উপশিরায় কি যেন এক তাণ্ডবলীলা শুরু হলো। যাকে সে ভালবাসে সে তাকে চায়না। কিন্তু তা বলে আর এক পুরুষের প্রেমকে সে প্রত্যাখ্যান করতে পারে না।

অল্প দিনের মধ্যেই রাষ্ট্র হয়ে গেলো সিভিলিয়ান নিশীথ সেনের সঙ্গে বিখ্যাত ডাক্তার অতুল রায়ের একমাত্র কন্যা অমুভার বিয়ে। মীরাও কথাটি শুনলো, কিন্তু বিশ্বাস করলো না। সেদিন দুজনের মধ্যে এই নিয়ে কথাবার্তা হলো। মীরা বললো, “আমার বিশ্বাস হয় না যে এ বিয়ে ভোর মতে হচ্ছে।”

শান্ত নুরে অমুভা বললো, “কেন হয় না? অনিশ্চিতের পেছনে ছুটে ছুটে আমি ক্লান্ত হয়ে পড়েছি।” ব্যথিত দৃষ্টিতে মীরা ওর মুখের দিকে চেয়ে রইলো। তার ভাব দেখে অমুভা বললো, “চুপ করে রইলে যে? কিছু উপদেশ দিতে চাও? বেশ...” বাধা দিয়ে মীরা বললে, “না, না, কি যে বালো। উপদেশ তোমায় দেব কেন? এ ব্যাপারে এত ভাড়াভাড়ি না করলেও পারতে। বিশেষতঃ যা অনিশ্চিত ভাবছ তাকে নিশ্চিত করে কোন কাজ করলেই ভালো হতো।”

অমু উঠে দাঁড়ালো। উত্তেজিত স্বরে বললো, “কি বলছো তুমি?” মীরা ভাড়াভাড়ি স্বর থেকে বেরিয়ে যেতে যেতে বললো, “আমি কিছুই বলছি না। তুমি বুকে কাঁদ করতে পারো এমন বয়স তোমার হয়েছে।”

সীরা চলে বাওয়ার পর সমস্ত দিনটা বিঃ এক অদ্ভুত অসহিষ্ণুতার সঙ্গে কেটে গেলো।
সে অনেক ভাবলো। কিন্তু কিছুই ঠিক করতে পারলো না। শুভেন্দু আজ কদিন আসে নি।
সে কথাটা অম্মুর সব সময়ই মনে হতো। জলে ডুববার সময় লোক যেমন সামান্য কুটোটিকেও
আঁকড়ে ধরতে চায়, অম্মুও আজ তাই করলো। শুভেন্দুর এই কদিনের অস্থিতি ও আজ
অস্থি অর্থে গ্রহন করলো। শুভেন্দুর বাড়ী ও অনেকবার গেছে। শুভেন্দুর বোদির সঙ্গে ওর
খুব আলাপ আছে। অম্মু ঠিক করলো আজ শুভেন্দুর বাড়ী সে যাবে।

সন্ধ্যাবেলা সে যখন মোটরে করে বার হোলো তখন আশা নিরাশার প্রহুও দোলায় ওর
বুকুর ভিতরটা কেঁপে কেঁপে উঠছে। শুভেন্দুর দরজায় নেমে ওর মনে হোলো ও বোধ হয় আর
চলতে পারবে না, ওর পা এতো কাঁপছে। মুহূর্তমান দেহমন নিয়ে যখন সে শুভেন্দুর পড়বার ঘরে
এসে দাঁড়ালো, তখন শুভেন্দু একমনে কি সব লিখছে। ও প্রথমে অম্মুকে দেখতে পায়নি। তারপর
যখন দেখতে পেলো তখন বলে উঠলো, “আরে অম্মু যে এসো, এসো। তার আনন্দিত স্বরে অম্মুর
বুকুর ভিতর কেমন যেন করে উঠলো। এতখানি আনন্দ ও আশা করে নি। তবে কি ও যা
ভেবেছে তা নয়! অম্মু শুভেন্দুর সামনে একটা চেয়ার টেনে বসলো। শুভেন্দু ওর মুখের দিকে
ঢেয়ে হেসে বললো” “নেমস্তুর চিঠি নিয়ে এসেছ ত? বাঃ বাঃ, অমনি খাবারের মেছুটাও শুনিয়ে
যাও। নিশ্চয় জানো তুমি কি কি খাবার হবে।”

ওর কথা শুনে অম্মু স্তব্ধ হয়ে গেলো। শুভেন্দুর ত কোথাও কোন পরিবর্তন হয় নি।
তবে কি—না না অম্মু আর ভাবতে পারে না। অনেকক্ষণ ওঁর মুখের দিকে চেয়ে অম্মু বললো,
“এ কদিন আমাদের ওখানে যাও নি কেন?” শুভেন্দু হেসে বললো, “গিয়ে কি নিশীথবাবুর
অভিলাপ কুড়োবো; কিন্তু তা নয় অম্মু। কদিন ল্যাবরেটরিতে এত কাজ পড়েছিলো যে কোথাও
যাবার সময় পাইনি একবারও। তুমি বুঝি রাগ করেছ?” বলে অম্মুর মুখের দিকে চেয়ে ও অবাক
হয়ে গেলো। বললো, “অত গম্ভীর কেন অম্মু, কি হয়েছে?”

এবার আর অম্মু পারলে না ছই হাতের মধ্যে মুখ লুকিয়ে রুদ্ধকণ্ঠে বললো, “চিরদিনই কি
তোমাকে বলে দিতে হবে কি হয়েছে? তুমি কি কিছুই বোঝ না।”

অম্মুর বস্তার ও একেবারে ভেঙ্গে পড়লো টেবিলের ওপর। শুভেন্দু হতবুদ্ধি হয়ে
পড়লো। তার বিস্মিতকণ্ঠ থেকে শুধু বেরোলো, “সত্যিই আমি কিছু বুঝতে পারছি না, যার
জন্য—”

অশ্রুসিক্ত মুখ টেবিল থেকে তুলে রুদ্ধকণ্ঠে পরিষ্কার করে অম্মু বললো, “যার জন্য, যার জন্য
আমার জীবন বিসিয়ে গেলো-সে তুমি।” এবার অম্মুর ভারে ভেঙ্গে পড়ে অম্মু বললো, “ওগো
একটু বোঝ তুমি, একটু বোঝ। আমি যে আর পারি না।”

শুক্র বিস্ময়ে শুভেন্দু কিছুক্ষণ বসে রইলো। তার পর খীরে খীরে একটা দীর্ঘনিশ্বাস ফেলে বললো, “আমি বুঝছি, অহু। তুমি ত জানো আমার জীবনের সাধনা হচ্ছে আমার রিসার্চ, এ ছাড়া যে আমি আর কিছু ভাবতে পারি না। আমাদের জীবন সংগ্রামের ভাবের স্রোতে ভেসে গেলে ত আমাদের চলবে না, অহু। সে যাক, তুমি সুখী হবে, এ আমি বলছি। এটা কিছু নয়। তুমিও পরে বুঝবে।”

শুভেন্দুর কথা শেষ হওয়ার সঙ্গে সঙ্গে অহু উঠে দাঁড়ালো। ছই চোখ থেকে অশ্রুর সমস্ত চিহ্ন সে মুছে ফেলেছে। শুক্র চোখ থেকে আগুন ঠিকরে পড়ছে। সামনের বিপর্যস্ত চুলগুলিকে সরিয়ে সে শুভেন্দুর পাশে এসে দাঁড়ালো। তারপর ঘৃণাপূর্ণ কণ্ঠে বললো “মেয়েদের তুমি ভাল-বাসতে পার না, তার কারণ কি জানো? তুমিই মেয়েদের ভালবাসার যোগ্য নও। আজ যাদের ঘৃণা করছ এমন দিন আসবে যেদিন এদের ভালবাসার অভাবই তোমার জীবনের একমাত্র অভাব হবে, সেদিন আমাকে মনে কোরো।” শুভেন্দুকে বিস্ময় বিমূঢ় করে ঝড়ের মত অহু ঘর থেকে বেরিয়ে গেলো।

অহুভার বিয়ের পর দেড়বছর কেটে গেছে। বিয়ের পরই নিশীথ নব-পরিণীতা বধূকে নিয়ে সমগ্র ইউরোপ ভ্রমণ করতে বেরিয়েছিল। দেড় বছর পরে আজ কলকাতায় ফিরে এসেছে। সেই উপলক্ষে অহুভার পিতা মাতা নিজেদের বাড়ীতে একটা প্রীতিভোজ দিচ্ছেন। শুভেন্দুরও নিমন্ত্রণ ছিল। শুভেন্দু যখন সেখানে পৌঁছলো তখন ৭টা বেজে গেছে। হলঘর পরিচিত এবং অপরিচিত মুখে ভর্তি। কে একটা মেয়ে পিয়ানো বাজিয়ে গান করছে। শুভেন্দু প্রথমে মেয়েটাকে চিনতে পারলো না। কিন্তু গান শেষ করে মেয়েটা উঠে দাঁড়াবার সঙ্গে সঙ্গে শুভেন্দু তাকে দেখে চমকে গেলো। অহুর সঙ্গে তার দেড় বছর পরে দেখা। আজ প্রথম দিনেই সে বুঝে নিল অহুর পরিবর্তন হয়েছে। অহু সুন্দর, কিন্তু আজ এই সুন্দর মুখের উপর যখন সে রুজ পাউডারের প্রলেপ দিয়ে, চোঁটে লিপস্টিক লাগিয়ে চোখে সুরমা দিয়ে কৃত্রিম হাব ভাব প্রকাশ করতে লাগলো, শুভেন্দু সমস্ত মনটা যেন এক নিমিষে একবারে বিধিয়ে উঠলো। অহুভা যখন অনাবৃত বাহু ছলিয়ে ওর সামনে এসে দাঁড়ালো, তখন ওর মনটা এত ঘৃণাপূর্ণ হয়ে গেছে যে ওর মুখ থেকে একটা শব্দ পর্যন্ত বেরুল না। অহু কিন্তু অপ্রস্তুত হোল না। ও কৃত্রিম হাসি হেসে “হা ড্যা, ড্যা শুভেন্দুবাবু” বলে হাত বাড়িয়ে হাৎশেক করলো। শুভেন্দু নিশ্চল হয়ে বসে রইলো। ওপাশ থেকে লোকেশ ডাকলো “Mrs. Sen,” “Oh yes,” বলে কায়দা করে উঠে দাঁড়ালো অহু। লোকেশ বললো, “বাঃ গান হয়ে গেলো বুঝি? আর গাইবেন না?” মিহির বোস বললো, “আপনার গান শুনে আশ মেটে না, মিসেস সেন।” মিহিরের সামনে বুকে তাঁর দিকে একটা কটাক্ষ করে অহু বললো, “আমাকে দেখেই কি আশ মেটে?” শুভেন্দুর সত্যিই বসে থাকা অসহ্য হয়ে উঠেছিল। ও নিঃশব্দে

বান্ধান্নায় বেরিয়ে এলো। বাগানের দিকে চেয়ে নিঃশ্বাস কেলে মনে মনে ভাবলো, “ওঃ বেঁচে গেছি খুব বেঁচে গেছি আমি। এই ছলনাময়ীর ছলনায় ভুলে নিজের সাধনাকে বিসর্জন দিই নি, নিজেকে নষ্ট করিনি। উঃ খুব বেঁচে গেছি। আমি মেয়েদের চিনেছিলাম, তাই তাদের অশ্রুজলে ভুলিনি ওঃ বেঁচে গেছি, বেঁচে গেছি আমি।” কিন্তু আশ্চর্য এই যে আজ নিজেকে বাঁচাবার এত বড় শক্তি উপলব্ধি করেও শুভেন্দু যেন সম্পূর্ণ আনন্দ পেল না। কি একটা বেদনা যেন বুকের মধ্যে ছোঁা কাঁটার মত কেবলি খচ্খচ্ করতে লাগলো।

অমুভার বাড়ী থেকে ফিরে আসার পরেই শুভেন্দু প্রতিজ্ঞা করলো এই ছলনাময়ীর সঙ্গে সে আর কোন সম্পর্কই রাখবেনা। সে নিজের পড়ার মধ্যে ডুবে গেলো। কিন্তু কি যেন একটু হয়ে গেছে। কোথায় কি যেন হারিয়ে গেছে। শুভেন্দু আজ প্রথম উপলব্ধি করলো, যে পড়ার ভিতর সে সম্পূর্ণভাবে নিজেকে হারিয়ে ফেলে, সে পড়ার ভিতরও সে যেন আর তেমন তৃপ্তি পাচ্ছে না। ও কিছু নয় বলে উড়িয়ে দেবার চেষ্টা করেও শুভেন্দু কিছুই করতে পারলো না।

কয়েক মাস কেটে গেছে! শুভেন্দু এখন লঙ্কোএর প্রফেসার। ডি এম সি রিসার্চ শেষ না হতেই ওর প্রফেসারি নেওয়ায় সকলেই আশ্চর্য হয়ে গেলো। শুভেন্দু বুঝিয়ে বললো, দাদার ত বয়স বাড়ছে। এখন ওঁর বিশ্রামের প্রয়োজন। আমি যদি সংসারের ভার না নিই তাহলে ওঁর বিশ্রাম করা অসম্ভব। দাদা, বৌদি শুনে ক্ষুব্ধ হলেন। বাধা দিলেন, কিন্তু ফল হোলো না। আসল কথা শুভেন্দু নিজের ভিতর একটা পরিবর্তন অনুভব করছিলো। কলকাতা ওর পক্ষে কি জানি কেন অসহ্য হয়ে উঠেছিলো। সে নিজেকে বোঝাচ্ছিল ও সব কিছু নয়। সে কাকুরী করতে বিদেশে যাচ্ছে। সে কোনদিনই দুর্বল নয়। সুন্দরী নারীর হাসি, চোখের জল, প্রণয় নিবেদন কিছুই ওকে টলাতে পারে নি কোন দিন। ও সেই শুভেন্দু।

ছয় মাস হোলো শুভেন্দু লঙ্কোতে এসেছে। এর মধ্যে যা দেখার ছিলো সব দেখা শেষ হয়ে গেছে। কাজেই বেশীর ভাগ সময় বাড়ীতেই কাটায়। আজ সকালে কলকাতার ডাক এসেছে। প্রথম চিঠিটা ও খুলে দেখলো মীরা লিখেছে—‘শুভেন্দু বাবু, একবার কলকাতায় আসতে পারেন না কয়েক দিনের জন্য? আপনাকে আমার বিশেষ প্রয়োজন। অমু ফ্রেশ: অধঃপাতে যাচ্ছে। তাকে রক্ষা করতে আপনিই পারবেন। একবার আশুন, লক্ষ্মীটি।’

চিঠি পড়ে শুভেন্দু জলে উঠলো। অমু অধঃপাতে যাচ্ছে তাতে তার কি। মীরা কি তাকে আজও চিনতে পারে নি। সে চিঠি রেখে ওর দাদার চিঠি পড়লো। দাদা লিখেছেন, “আমার শরীরটা বড় খারাপ যাচ্ছে, শুভু, তুই যদি পারিস, তবে দিনকয়েকের জন্যও আয়। তাকে দেখতে বড় ইচ্ছে করছে।”

কলকাতা যাবার ট্রেনে উঠে শুভেন্দু কেবলি নিজের মনকে এই বলে বোঝাবার চেষ্টা করছিলো। সে যাচ্ছে দাদার আহ্বানে। এর মধ্যে অত্ম কোন কারণ নেই। অত্মবাদের মত মন কিন্তু এবার এ কথায় ভুলছিল না। শুভেন্দু আজ নিজে ভেবে অবাক হোলো এ কি করে সম্ভব হোলো। একটা নারীর আহ্বান আজ তাকে এই সুদূর লক্ষ্মী থেকে কলকাতায় নিয়ে- যাচ্ছে অপর একটা নারীর প্রয়োজনে। শুভেন্দু কি করে এত দুর্বল হোলো। যে শুভেন্দু একদিন নারীর চোখের জল উপেক্ষা করেছিলো হাসি মুখে এ কি সেই শুভেন্দু? কি জানি!

কলকাতায় পৌঁছে সন্ধ্যাবেলা শুভেন্দু গেলো মীরার কাছে। মীরা তখন প্রভাসের সঙ্গে বসে গল্প করছিলো। শুভেন্দুকে দেখে হাসিমুখে অভ্যর্থনা করে বললো, “মিনিট দুয়েক অপেক্ষা করুন, শুভেন্দু বাবু, আমি প্রভাস বাবুকে গাড়ীতে তুলে দিয়েছি আসছি।”

শুভেন্দুকে নমস্কার করে প্রভাস মীরার সঙ্গে বেরিয়ে গেলো। শুভেন্দু দুই একবার পায়চারী করে, ঘরের জিনিস পত্রগুলো নেড়ে চড়ে আবার অস্থমনস্ক ভাবে চেয়ারে এসে বসলো। এ-পাশ ও-পাশ চাইতে চাইতে হঠাৎ ওর চোখে পড়লো বারান্দায় দুটো ছায়ামূর্তির দিকে। ও বিস্মিতভাবে চেয়ে দেখলো ছায়ামূর্তি দুটো একটা পুরুষের অপরটা নারীর। ও তাদের চিনলো— প্রভাস ও মীরা, পরস্পর হাতে হাতে রেখে রেলিং এ ভর দিয়ে দাঁড়িয়ে। হঠাৎ কি হোল; শুভেন্দু এই ছায়ামূর্তির উপর থেকে চোখ ফেরাতে পারলো না। তার কেবলি মনে হতে লাগলো এই ছায়ামূর্তি দুটাই যেন বিধাতার নখর সৌন্দর্যের শ্রেষ্ঠ সৃষ্টি। কেবলি মনে হতে লাগলো জগৎ কি আশ্চর্য, কি অসীম এর রহস্য, কি অপার এর মহিমা। বারে বারে বুকের ভিতর ছলে উঠতে লাগলো পুলকে, বেদনায়।

হঠাৎ সে মীরার স্বরে চমকে উঠলো। “আমার বড্ড দেরি হয়ে গেলো কিছু মনে করবেন না।” শুভেন্দু মীরার দিকে তীক্ষ্ণ দৃষ্টিতে দেখতে লাগলো। আজ প্রথম তার মনে হোলো মীরার চোখে এমন একটা জিনিস আছে যা সে পূর্বে কখনো লক্ষ্য করেনি।

মীরা ওর পাশের চেয়ারে এসে বসে বললো, “দেখুন, ভূমিকা করে কথা বলা আমার স্বভাব নয়। তাই ভূমিকা না করেই জিজ্ঞাসা করছি, আপনি সত্যিই নিজের মধ্যে কোন পরিবর্তনই অনুভব করেন না? আপনি এই লক্ষ্মী থেকে আমার সঙ্গে দেখা করতে এসেছেন, এর চেয়ে আশ্চর্য আর কি হতে পারে আপনার পক্ষে, উত্তর দিচ্ছেন না যে?” মীরা উৎসুক দৃষ্টিতে শুভেন্দুর মুখের দিকে চাইলো। শুভেন্দু মুখ নীচু করে রইলো। পরিবর্তন সে ত অনুভব করছে, কিন্তু কাকে সে কথা বলবে। এ কথা সে যে নিজের মধ্যেই কত গোপন রাখছে। এ কথা কি মীরাকে বলা যায়?

তার মুখের দিকে একটা তীক্ষ্ণ দৃষ্টিপাত করে মীরা বললো, “তবু স্বীকার করবেন না। বেশ না করুন। আমার যা বলবার আমি বলছি। আপনি ত জানেন আমি অল্পকে কত

ভালবাসি। ওঃ আপনি আবার মেয়েদের ভালবাসার কথা বিশ্বাস করেন না। যাক্ গে। সে আমার বন্ধু। সে ক্রমশঃ অধঃপাতে যাচ্ছে। তাকে আপনার রক্ষা করতে হবে; তাই আপনাকে

জিজ্ঞেস করছি।

বিশ্মিতকণ্ঠে শুভেন্দু বললো, “আমি কি করে রক্ষা করবো? আমি কি করতে পারি?”

তীব্র কণ্ঠে মীরা উত্তর করলো, “আপনি কি করতে পারেন? আপনি কি জানেন না আজ আপনার জন্মই তার এই পরিণাম? আপনি মেয়েদের খেয়ালী বলেন। আপনার মত খেয়ালী আমি ত কাউকে দেখি না। আপনার একটা খেয়াল, শুধুমাত্র খেয়ালের জন্ম আর এক জনের জীবন নষ্ট হয়ে গেলো। তবুও বলেন কি করবো আমি? আপনি শুধু খেয়ালী নন, আপনি অন্ধ।”

শুভেন্দু স্তম্ভিত হয়ে বসে রইলো। মীরা যা বলছে সে ত তা আজ অস্বীকার করতে পারে না। সত্যি সবই সত্যি। কিন্তু তাহারি জন্ম, কেবল মাত্র তাহারি জন্ম অম্মুর আজ এই পরিণাম? শিশু যেমন নূতন শেখা শব্দটাকে বার বার উচ্চারণ করে সেও তেমনি বার বার বলতে লাগলো, শুধু আমারি জন্ম শুধু আমারি জন্ম। সমস্ত আকাশ ওর মুখের কাছে নত হয়ে বলছে ‘শুধু তোমারি জন্ম, ‘শুধু আমারি জন্ম’! এত বড় গোরব ওর কোথার লুকানো ছিলো এতদিন? জগতে ওর জন্ম এত বড় আসন পাতা ছিলো, একথা এতদিন গোপন রইলো কেমন করে!

বেলা তখন ১০ টা। শুভেন্দু ধীরে ধীরে অম্মুভার বাড়ীতে প্রবেশ করলো। অম্মু বারান্দায় একটা আরাম চেয়ারে বসেছিলো। সামনে আর একটা লোক। শুভেন্দুকে দেখবামাত্র লোকটা উঠে দাঁড়ালো। অম্মু বললো, “যাচ্ছ কেন অসীম! তাঁকে দেখে? উনি ত তোমার কলিগ।” অম্মু হেসে উঠলো। অসীম ব্যস্ত হয়ে বললো, “আমি এখন যাই। ও বেলা আসবো; মিঃ সেনকে বলবেন—”

“এর মধ্যে আবার মিঃ সেনকে কেন অসীম। তিনি ত দিব্যি আরামে পেগ টেনে খুশ্চেন। তারপর ওবেলা কি তাঁকে পাবে। তিনি জে মিসেস্ চৌধুরীর খবরদারী করতে যাবেন। মিঃ চৌধুরী ত এখানে নেই। তিনি না হলে তাঁকে আংলাবে কে?” অম্মু হি হি করে হাসতে লাগলো। অসীম তাড়াতাড়ি একটা নমস্কার করে বেরিয়ে গেলো।

শুভেন্দু অম্মুর সামনে দাঁড়িয়ে বললো, “লোকটা কে?”

“বল্লাম ত আপনার কলিগ।” শুভেন্দু একটা চেয়ার টেনে নিয়ে বসলো। অম্মু সামনের টেবিল থেকে রূপোর সিগারেট কেস খুলে একটা সিগারেট নিজের মুখে দিয়ে শুভেন্দুর সামনে খোলা কেসটা ধরলো। শুভেন্দু ব্যথিত দৃষ্টিতে ওর মুখের দিকে চেয়ে মাথা নাড়লো।

“ভালছেলে” বলে অম্মু দেশলাই জালিয়ে সিগারেট টানতে লাগলো। কিছুক্ষণ ওর মুখের দিকে চেয়ে শুভেন্দু ডাকলো, “অম্মু—” অম্মু চমকে উঠলো। অনেকদিন শুভেন্দু তাকে অম্মু বলে

ডাকেনি। অমু কিন্তু এক মুহূর্তেই নিজেকে সামলে নিলো। ধীরে ধীরে ধোঁয়া বাললো, “অমু নয়, মিসেস্ সেন।”

ওর কথার উত্তর না দিয়ে শুভেন্দু আপনার মনেই বলতে লাগলো, “আমার সামনে তোমার সিগারেট খেতে লজ্জা হয় না, অমু ? “লজ্জা, কিসের লজ্জা ?”

অনেকক্ষণ চুপ করে থেকে শুভেন্দু বললো, দেখো অমু, যে কথা আমি আজ তোমাকে বলতে এসেছি, সে কথা বলবার যে কোনদিন প্রয়োজন হবে, আমি তা ভাবিনি, সত্যিই দেখতে পাচ্ছি তুমি দিন দিন কি অধঃপাতে যাচ্ছ, আমি তোমাকে রক্ষা করবো অমু, তোমাকে রক্ষা করতে চাই।”

অমু বিস্মিত দৃষ্টিতে ওর মুখের দিকে চাইলো। পরিচাসের সুরে কি বলতে গেলো, কিন্তু পারলো না। অলস সিগারেটটা ওর মুখ থেকে পড়ে গেলো। ও নির্বাক দৃষ্টিতে শুভেন্দুর মুখের দিকে চেয়ে রইলো। শুভেন্দু সে ভাব লক্ষ্য করে বললো, “তুমি বিশ্বাস করছ না। কিন্তু সত্যিই আমি এসেছি তোমার কাছে, তোমাকে রক্ষা করতে। আজ এতদিনে আমি বুঝতে পারছি তোমাকে আমি কতখানি ভালবাসি।

সোজা হয়ে বসে অমু বিক্রপের সুরে বললো, “মেয়েদের কবে থেকে ভালবাসতে শুরু করলে, এত ভালো লক্ষণ নয়।”

শুভেন্দু চেয়ার থেকে উঠে ওর সামনে এসে দাঁড়ালো। ওর মুখের দিকে গভীর দৃষ্টিতে তাকিয়ে রইলো। ওর সেই গভীর দৃষ্টির সামনে অমু চোখ তুলতে পারলো না। একটু থেকে শুভেন্দু বললো, “আমাদের ছুজনের ভিতরে আজ অনেক ব্যবধান। আমাদের মাঝখানে দাঁড়িয়ে নিশীথ। কিন্তু তবুও আমাদের কল্যাণের সম্বন্ধটাকে নিশীথ আড়াল করে দাঁড়াতে পারে না। আমি তোমায় ভালবাসি। আমার পরিপূর্ণ প্রেম দিয়েই আমি তোমায় রক্ষা করবো। যেখানে যখন থাকি আমার প্রেমই তোমায় রক্ষা করবে সমস্ত বিপদ থেকে, নিজেকে নিয়ে ছিনিমিনি খেলার এই ভীষণ অভিশাপ থেকে।

একটা মর্মভেদী দীর্ঘ নিঃশ্বাস ফেলে অমু ভাবলো হুহু দেবী তোয়ে গেছে বহু দেবী।

দৃঢ়স্বরে শুভেন্দু বললো, “যতই দেবি হোক, আমি তোমায় এখনো রক্ষা করতে পারি। অনেক সময় আমি বুঝা নষ্ট করেছি। আর আমাকে নষ্ট করতে দিও না।”

“একমুহূর্তে দুনিবার উজ্জ্বল অমৃত্যুর বৃক্কের মধ্যে ফেনিয়ে উঠলো। অমৃত্যুর বিশ্বস্তির মধ্য থেকে উঠে এলো দুর্দম্য ঝড়। হুই হাত বাড়িয়ে ব্যাকুল আবেগে সে বললো, “পারবে, পারবে শুভেন্দু, আমাকে বাঁচাতে। এই অসহ্য শুষ্কতা থেকে, এই নিষ্করণ রক্ততা থেকে ? এই নাও আমার হাত, পারো তো আমাকে তুলে ধরো।”

আর্থিক জগৎ

জিভেন্স গোস্বামী

যুদ্ধোত্তর পুনর্গঠন

যুদ্ধোত্তর পুনর্গঠন সমস্ত সম্পর্কে নিয়োজিত আলোচনা-পরিষদের প্রথম অধিবেশন গত অক্টোবর মাসের শেষ সপ্তাহে দিল্লীতে সংঘটিত হয়েছে। অধিবেশনের কার্যকলাপ সাধারণের অবগতির জন্তে প্রচারিত হয়নি সুতরাং এ সংক্ষেপে আলোচনা করা চলবে না। পরিষদের আহ্বায়ক ও সভাপতি কেন্দ্রীয় সরকারের বাণিজ্য সচিব স্যার রামস্বামী মুদালিয়রের বক্তৃতা থেকে এ সংক্ষেপে যা বুঝা গেলো প্রবন্ধ সেইটুকুর মধ্যেই নিবদ্ধ রাখা ছাড়া গতান্তর নেই। অবশ্য খুঁটিনাটি ব্যাপারের যথেষ্ট মূল্য যে আছে তা অস্বীকার না করেও বাণিজ্য সচিবের বক্তৃতা থেকে আসল ব্যাপারের যে কাঠামোটি আমাদের চোখে ভেসে উঠেছে তাতেই শঙ্কিত হ'বার প্রচুর কারণ রয়েছে। আমলাতন্ত্রী গভর্নমেন্টের চিরাচরিত প্রথা ও দৃষ্টিভঙ্গীর অনোদার্য যুদ্ধোত্তর আর্থনৈতিক বিধিব্যবস্থাকে প্রভাবিত করবে না এমন কোন আশা আমরা করতে পারি কিনা বক্তৃতায় তার আভাসটুকুও পেলাম না। এই পরিষদের গঠন সম্পর্কে স্যার রামস্বামী ইতিপূর্বে বলেছিলেন যে যুদ্ধের পর দেশের শিল্প, ব্যবসা ও বাণিজ্যের এবং জনসাধারণের জীবনযাত্রার উন্নতিসাধন কি উপায়ে করা যায় সে বিষয়ে সরকারকে পরামর্শ দেবার জন্ত এই কমিটি গঠন করা হবে। এবারকার উদ্বোধনী বক্তৃতায় তিনি শুধু 'after the war' বা যুদ্ধাবসানে ব্যবসা, বাণিজ্য ও শ্রমশিল্পের ভবিষ্যৎ পুনর্গঠন বিষয়ে পরিষদের কার্য নিবদ্ধ রাখেন নাই। যুদ্ধোত্তর সমস্তা যে যুদ্ধকালীন সমস্তা থেকে পৃথক নয় এবং বিগত-যুদ্ধ পৃথিবীর সমস্তা সমূহের সমাধান করতে হ'লে যে বর্তমান অবস্থা থেকেই যথেষ্ট সাবধানতা ও দূরদৃষ্টি সহকারে অগ্রসর হওয়া কর্তব্য তা তিনি বলেছেন। † আজকের সমস্তা সমূহ থেকেই ভবিষ্যতের সমস্তা সমূহ উদ্ভূত হ'বে এবং যেভাবে বর্তমানের প্রশ্নসমূহের সমাধান আমরা করি, তারই উপর নির্ভর করবে ভবিষ্যতে আমাদের কার্যক্রমের সাফল্য। অতি সত্য কথা এবং তারই জন্তে ভয় হয়। সরকারী কার্যপ্রণালী ব্যবসা, বাণিজ্য, শ্রমশিল্প ও জীবনযাত্রার মানকে বর্তমান ব্যবস্থায় যেভাবে পরিচালিত করেছে তা মোটেই আশা প্রদ নয়। বিশ্বব্যাপী মহাসমরের সুযোগ নিয়ে সুপরিকল্পিত বিধি ব্যবস্থায় এতদিনে ভারতবর্ষ অল্প-নিরপেক্ষ শিল্প-প্রধান মহাদেশে পরিণত হ'তে পারতো। অষ্ট্রেলিয়া দক্ষিণ আফ্রিকা, নিউজিল্যান্ড এমন কি চীনদেশ এই অত্যন্তকাল মধ্যে কাঁচামাল, সম্ভা শ্রমিক ও উপযুক্ত বিশেষজ্ঞের অভাব সত্ত্বেও শ্রমশিল্পের বিভিন্ন বিভাগে পরিনির্ভরতার পরিমাণ অপেক্ষাকৃত কমিয়ে এনেছে। ভৌগোলিক অবস্থান হিসেবে ভারতবর্ষ বর্তমান সঙ্কটে আদর্শ; কাঁচামাল, বিশেষজ্ঞ, শিক্ষিত ও অশিক্ষিত শ্রমিক সম্পর্কেও এখানে কোন প্রতিবন্ধক নেই; বেসরকারী অর্থ, জাতীয় শ্রমশিল্পের বিভিন্ন বিভাগে নিয়োজিত হ'বার জন্তে উন্মুখ—এমন অবস্থায়ও মোটর-নির্মাণ, জাহাজ-নির্মাণ, এরোরোপ্লেন-নির্মাণ ইত্যাদি ব্যাপারে নিষ্ক্রিয়-স্বভাব গবর্নমেন্ট স্বতঃপ্রবৃত্ত হ'য়ে বিলাতী কার্যেয়ী স্বার্থের পরিপোষক হিসেবে যে লজ্জাকর প্রত্যাক ও পরোক্ষ বিরোধিতা করেছে তাতে করে গবর্নমেন্টের উদ্দেশ্যের আসল রূপটি সংক্ষেপে কারও বিমূঢ় মনে নেই। এই নতুন সরকারী প্রচেষ্টার সত্যিকারের রূপ সংক্ষেপে উৎসাহিত হ'বার কোন কারণ দেখি না।

† "It was present-day problems which created post-war problems and the manner in which we tackled present-day problems impinged largely on a solution of post-war problems."

ভারতবর্ষের প্রয়োজনে পুনর্গঠনের যে প্রয়োজন রয়েছে, আলোচনা-পরিষদের জন্য নির্দিষ্ট গতিমুখ্যে জায় কোন স্থান নেই। সন্দেহ হয়, যুদ্ধের জন্য সাজসজ্জায় প্রস্তুত ও সরবরাহ করার ব্যাপারে সরকারকে যে সকল বিধিব্যবস্থার আশ্রয় নিতে হয়েছে বা যে সকল অর্থনৈতিক দায়িত্ব গ্রহণ করতে হয়েছে তার জের যেটানোর জন্তই লোক-দেখানো এই পুনর্গঠন কমিটি ও আলোচনা-পরিষদের সৃষ্টি হ'য়েছে।

এতো গেলো নিছক অর্থনৈতিক ব্যবস্থার দিক, যেদিকে সরকারী রূপায়ণ আলোকপাত করে চিরদিন কার্ণাণ্য করে এসেছে। পুনর্গঠন সমস্তার বিচারে শুধু ক্ষুদ্র অর্থনৈতিক আবেষ্টনের মধ্যে আবদ্ধ থাকলে এই সমস্তার আসল রূপটির সাথে পরিচয় হবে না, শুধু আনাচে কানাচে ঘুরে বেড়ানোই সার হ'বে। বিংশ শতাব্দীর পঞ্চম দশকে দাঁড়িয়ে অর্থনীতিকে শুধু অর্থনীতির চৌহদ্দির মধ্যে রেখে বিচার করার প্রয়াস শুধু মূর্থতা নয়, এর ভেতর জেনেগুনে সমস্তাকে এড়িয়ে যাবার চুষ্ট-অভিসন্ধি আরোপ করা চলে। একথা অপ্রতিবাদে স্বীকৃত হ'য়েছে যে ভারতীয় সমস্তা, ভারতীয় পুনর্গঠন, পৃথিবীর সমস্তা ও পৃথিবীর পুনর্গঠনের সহিত অঙ্গাঙ্গী ভাবে সম্পৃক্ত। দ্বিতীয়তঃ, রাজনৈতিক ও সামাজিক সমস্তাকে অর্থনৈতিক সমস্তার ক্ষেত্র থেকে আলাদা করে দেখবার মতন তির্যক দৃষ্টিভঙ্গী ভারত সরকার ব্যতীত আর কারও নেই। সমস্ত পৃথিবী জুড়ে রাজনৈতিক ও সামাজিক অসাম্যের পরোক্ষ ফল স্বরূপ যে অব্যাহিত অর্থনৈতিক কাঠামো কয়েকী বার্ষিক পরোক্ষ প্রয়োচনায় দেশবিদেশে গড়ে উঠেছে যুদ্ধোত্তর পরিকল্পনায় সেই বার্ষিকে স্বীকার করে নেবার মতন গতানুগতিক মনোবৃত্তিকে বাহ্যচুরি দিতে হয়। রক্তে, রক্তে, ফাটল ধরেছে যে কাঠামোর, অবিশ্রান্ত ধ্বংসে যাচ্ছে যে ভিত্তি, সেই কাঠামো ও সেই ভিত্তিকে নতুন দিনের পুনর্গঠন পরিকল্পনা থেকে বাদ দিতে হ'বে। পূর্বেই বলা হয়েছে জোড়া তালি দিয়ে জাতীয় জীবনের পুনর্গঠন হ'বেনা। ভারতবর্ষের ভবিষ্যত আর্থিক ও সামাজিক জীবনের একটি সুস্বচ্ছ পরিকল্পনা স্থির করতে হ'বে—সে পরিকল্পনায় পৃথিবীর অন্যান্য দেশের সাথে তুল্য ক্ষমতা ও দায়িত্ব স্বীকারের বিনিময়ে বিশ্ব-নাগরিকত্বের ভাগীদার হবে ভারতবর্ষ।

আটলান্টিক চার্টারের আমেরী-চার্লিস ভাষ্য যুদ্ধোত্তর পৃথিবীর পুনর্গঠিত চিত্রের যে পরিকল্পনায় আভাস দিয়েছে, তাতে ভারতবর্ষের উল্লেখ নেই। সেদিনকার আন্তর্জাতিক শ্রমিক সঙ্ঘের (I. L. O.) যে অধিবেশন আমেরিকার অহুষ্ঠিত হ'লো তাতে যুদ্ধোত্তর পুনর্গঠনের কথাই বিশেষ করে আলোচনা হ'য়েছে। বাধারুলির আওতার বাইরে মৌলিক রাষ্ট্রক্ষমতার ও সমাজ ব্যবস্থার পরিবর্তন সাপক্ষে পুনর্গঠিত অর্থনৈতিক কাঠামো ছাড়া ভবিষ্যত পৃথিবীর চাহিদা যে মিটবেনা, এ সঙ্কটকালেও-তা খোলাখুলি তারা স্বীকার করে উঠতে পারেনা। সোভিয়েট রাষ্ট্রের সাহায্যার্থে আমেরিকাজাত সশস্ত্রসমস্তার নিয়োজিত হ'বে একথা জোর গলায় প্রচার করা সত্ত্বেও ক্রমবর্ধমান অসন্তোষ ও ধর্মঘট আঙ্গ যে আমেরিকার উৎপাদন শক্তিকে ব্যাহত করে চলেছে মারাত্মক ভাবে, এর মধ্যে দেখতে পাওয়া যায়, বর্তমান কাঠামোকে যেনে না নেওয়ার ইঙ্গিত—দেশের স্বার্থ, বিশ্ব-শ্রমিকের তীর্কিত সোভিয়েট ভূমির স্বার্থের দোহাইও আজ নতুন চেতনার কাছে মূল্যহীন হ'য়ে পুড়েছে। সাগরপারের এই ইঙ্গিত কি মোহগ্রস্ত ভারতভাগ্য ক্ষিতাদের চেতনা গঞ্জে সহায়তা করেনা ?



ভারত ও আমেরিকায় সাংবাদিকের ব্যবসা

লন্ডনের বেন মিশ্র একজন নামকরা সাংবাদিক। তিনি হাতে কলমে আমেরিকায় ১২ বছর জার্নেলিসম্ শিক্ষা করেছেন। ভারতীয় সংবাদপত্রগুলি আমেরিকান পদ্ধতিতে চলুক তিনি তার বিশেষ পক্ষপাতী। এ সম্পর্কে “What India Thinks” নামক বইতে তিনি একটা মনোজ্ঞ প্রবন্ধ লিখেছেন। তার কোনো কোনো অংশ नीচে উদ্ধৃত করা হোলো।

“আমেরিকা ও কিছু পরিমাণে ইংলণ্ডে সাংবাদিকের ব্যবসা কি আর্ট হিসাবে, কি বিজ্ঞান ও ব্যবসা হিসাবে এতটা উৎকর্ষ লাভ করেছে যে ভারতবর্ষে তার কিছুই হয় নি। আমাদের খবরের কাগজগুলো হয় বিলিতি কাগজের কার্ণ কপি না হয় নিকট ব্যঙ্গচিত্র অথবা তৃতীয় ও চতুর্থ সংস্করণের নকল।

আমাদের খবরের কাগজগুলো প্রপাগ্যান্ডার অথবা বিভিন্ন মতের বাহক, খবরের নয়; আত্মকেন্দ্রিক, নিজেদের কৃতিত্বে ও গৌরবে নিজেরাই মুগ্ধ ও ক্ষীণ। এদের কাছে খবরের কোনো দাম নেই—কেবলমাত্র সম্পাদকীয় মতামত মূল্যবান—ফলে ভারতীয়-কাগজগুলোর একঘেয়েমি নীরসতাও দূর হয় না।

ভারতীয় সংবাদপত্রের মহারথীরা মনে করেন—সাংবাদিকের কাজ শেখবার কিছু নেই—কারণ এটা শেখা যায় না—ভারতীয় সংবাদপত্র যেভাবে চলে তাতে বাস্তবিকই কিছু শেখবার নেই।কিন্তু আমেরিকা প্রভৃতি দেশের মত সংবাদ পত্র যদি প্রকাশ ও পরিচালনা করতে হয় তবে.....খুব একাগ্র ভাবে এ কাজ গ্রহণ করা দরকার এবং এর জন্ত বিজ্ঞানসম্মত নির্দিষ্ট শিক্ষা ও গ্রহণ করতে হবে।

ভারতীয় সাংবাদিকেরা কোনোদিন টেকনিক নিয়ে আলোচনা করেন না। তার ফলে ৫০ বছর আগে ভারতীয় সংবাদপত্রগুলো যে অবস্থায় ছিল এখনো সে অবস্থায় আছে। একেবারে নিরস পাথরের মত নিরেট ও নিদারুণ ক্লাস্তিকর—এতে প্রগতির চিহ্ন যাত্র নেই। বরং প্রাচীনত্বের লক্ষণ—এর সর্বত্র জুড়ে।

একটা উদাহরণ দিই—

পাক্ষার মেলা

হত্যার প্রতিশোধ

ভোপাল আদালতে

করিয়াদীর বিরুদ্ধে

এখন এর অর্থ বের করতে চেষ্টা করা যাক। প্রথম লাইনে কিছুই বোঝা গেলনা, দ্বিতীয় লাইনে তথৈবচ, তৃতীয় লাইনে প্রথম দু'লাইনের অর্থহীনতা ঢাকবার জন্তই যেন স্বার্থবাজ্ঞক—অর্থাৎ এর অর্থ দু'রকমই হোতে পারে—ফরিয়াদী নিজের সম্পর্কে কিছু বলেছে বা ফরিয়াদী সম্পর্কে অপরে কিছু বলেছে। এই তিন লাইনে এমন কিছু নেই যাতে আমাদের পড়বার আগ্রহ হোতে পারে।

আর একটা উদাহরণ—

“ভুল পদ্ধতি

নরিম্যান প্রতিনিধিদের নায়কত্ব করছেন।”

নরিম্যান প্রতিনিধিদের নায়কত্ব করবেন সেটা ভুল পদ্ধতি কেন? সম্প্রতি তিনি যে অপ্রীতিকর ব্যাপারে জড়িত হয়েছিলেন সেজন্ত? দেখাই যাক ব্যাপার কি?

“সভাপতির কাগজের পদ্ধতির প্রতিবাদ জানিয়ে অসম্মতি নিয়ে মিঃ নরিম্যান এ, আই, সি সিং সভ্যদের স্বাক্ষর যুক্ত এক মেমোরেণ্ডাম পাঠ করেছেন। শিরোনামা দেখে এ বোঝবার উপায় নেই।” কিন্তু ভারতীয় খবরের কাগজের এটাই রীতি। এর পাশাপাশি আমেরিকান কাগজগুলির সরল ও চতুর বর্ণনার ছ’ একটা উদাহরণ দেখুন—

“পশুশক্তিই সব” এই বিশ্বনীতি রুজভেল্ট কতৃক নিষ্পত্তি—সংক্ষেপ ও স্ফটিকবদ্ধ।

আর একটা—**“জাপানীগণ কতৃক মিত্রশক্তির অস্বীকার এবং আরো সৈন্ত সমাবেশ”**

কয়েকটা মাত্র কথায় সমস্ত সংবাদ প্রকাশ পেয়েছে কোনো ভুল ধারণা সৃষ্টি হবার কোনো অবকাশ নেই। এভাবেই সংবাদ প্রকাশিত হওয়া উচিত ও হোচ্ছে আমেরিকা প্রভৃতি দেশগুলিতে।

* * * * *


ভারতীয় সংবাদিকেরা কোনো সংবাদের সন্ধানই পান না, যখন চারিদিক থেকে সংবাদগুলো প্রথম পৃষ্ঠায় প্রকাশিত হবার জন্ত কোলাহল কোরে দৃষ্টি আকর্ষণ করছে। শিরোনামাগুলি কদাচিতঃ বর্ণনা হয়

ভাসল কথা হোচ্ছে—শিক্ষিত অভিজ্ঞ লেখক ও সাংবাদিক প্রয়োজন এবং তাদের উপযুক্ত পারিশ্রমিক দেওয়াও প্রয়োজন তাতে কাগজেরই লাভ।

* * * * *

ভারতীয় সংবাদপত্রগুলি বিশেষতঃ বঞ্জিত—ভারতীয় সম্পাদক ও প্রকাশকরা একেবারেই কলন-শক্তি রহিত এবং আত্মকেন্দ্রিক, কাজেই কোনো প্রকার বিশেষ প্রকৃতির দিকে তাদের একেবারেই মনো নাই।

এধরণের চিন্তাতে প্রগতিশীল সংবাদপত্র চলেনা। সব কাগজেরই সংবাদ ও সম্পাদকীয় প্রকাশ করতে হবে—কিন্তু কাগজের বিশেষত্বই কাগজকে জনপ্রিয় করে এবং ক্রমবর্ধমান পাঠক জেলীর মনোরঞ্জন করে। কাগজের বিশেষ প্রকৃতিগুলি থাকলে কাগজের কোনো চিন্তা থাকেনা—এবং যে কোনো রাজনৈতিক ও সাম্প্রদায়িক মতই কাগজের থাকুক না কেন—কাগজের উত্তরোত্তর উন্নতি অনিবার্য।



রক্ত-বসন্ত } অশোকবিজয় রাহা, বিষ্ণুপুর ভবন, ত্রিহট্ট। ৬৪ পৃঃ। দাম ১/-
 ডিহাং নদীর বাঁকে }
 আকাশ—মৃণালকান্তি দাশ, বাণী চক্রভবন, ত্রিহট্ট। দাম ১/-। ৪৯ পৃঃ।

তিনখানাই কবিতার বই। ছাপা পরিষ্কার বাঁধানো সুন্দর। বিষয় নির্বাচনেও বৈচিত্র্য আছে। কাব্যানুশীল যারা তারা পড়ে আনন্দ পাবেন। আমাদের বাংলা সাহিত্যে রবীন্দ্রোত্তর যুগ নামে নাকি একটা নতুন যুগ শুরু হয়েছে। কবিতা, গল্প, উপন্যাস সব কিছুতেই নতুন বলভেদ হাওয়া দিয়েছে, এই রকম একটা কথা শোনা যাচ্ছে। যারা একথা বলেন তাদের মানে খুব স্পষ্ট নয়। নতুনত্বটা কী অর্থে তা'র বিশদ আলোচনা কোথাও দেখিনি। সাহিত্যের বহিরঙ্গ হলো ভাষা, অন্তরঙ্গ হলো ভাব। উভয়েরই আছে নানা চঙ, নানা রঙ ও আলোছায়ায় নানা বীকা চোরা পার্থক্য। একই যুগেও নানা কবির নানা নৃতনত্ব কুটে ওঠে রকম বেরকম বিভ্রাসের কায়দার, ভাব ও ভাষার নানা technique এ। কিন্তু এক যুগ থেকে, অল্প যুগকে পৃথক করে যে সীমারেখা সে হলো সাদা-নীলের গভীর পার্থক্য, গঙ্গা যমুনার মধ্যরেখা। সেই গভীর qualitative পার্থক্য দেখা না দিলে যুগান্তরের আবির্ভাব হতে পারে না। “রবীন্দ্রোত্তর” বলে কোলাহল আরম্ভ হলোও, আসলে বাংলা কাব্য রাবীন্দ্রিক কাব্যলোকেই পাখা মেলি উড়ছে। কোলাহলটা কামনা-অল্পপ্রাণিত ভাবনার বা ‘wishful thinking’এরই প্রকাশ মাত্র। রোমান্স-বাদ (Romanticism), মর্যমীয়া-বাদ (Mysticism), পলায়ন-বাদ (Escapism) ইত্যাদিকে ছাড়িয়ে যে বাস্তববাদ তার কথা পথে ঘাটে আজকাল শোনা যায়। নিছক বস্তুত্বই নাকি এই তথাকথিত নব্যযুগের কাব্য লক্ষণ। কিন্তু কাব্যজগতে বস্তুত্বের অথবা বাড়াবাড়ি হলে তা আর কাব্য থাকে না, গড়ে পরিণত হয়, একথা নবীন কাব্য প্রেমাসীরা মরণে রাখেন না। তাই বস্তুত্ব আজ প্রায়শই নিদ্রাঘুটে ভাষা ও ভাবের বিকারে পর্ববসিত হয়।

কিন্তু আমাদের কথা গ্রীষ্ম অশোক বিজয়ের কবিতায় এই বিকৃত বাস্তবতার অহমিকা নাই। প্রচুর কাব্যরস ছেজে ছেজে বয়ে চলেছে; কাব্যের প্রাণ যে সৌকুমার্য ও হৃদয় কলনা তার প্রকাশ পাতার

দ্রুত। আভিষেক নাই; পরিমিত ব্যঙ্গনা ও সংযত ভাবাবেগে অবিকাংশ কবিতাই রসধর্মকে অক্ষর রেখেছে। আজকাল কাব্যমালোচনার ক্যাশানই হলো, পারিপার্শ্বিকের গুণগান। প্রাকৃতিক নীমাকে কলনার উন্নয়ন করলেই হয় স্বপ্নবিলাশ, কিংবা পলয়নপর অবাস্তবতা। কিন্তু আমাদের মতে বাস্তবকে অবলম্বন করে বাস্তবাতীতের ইঙ্গিতই হলো রোমান্স; এবং এই রোমান্টিক স্বপ্নবাস্তবতাই হলো কাব্যের প্রাণ। সেই প্রাণশক্তিতে অশোকবিজয়ের কবিতা, মাধুর্যে সজীব। তাই তাত্র কলমের মুখে রাজপুত্রের স্বপ্নপূরী ছবি ফুটে ওঠে, “অনেক সোণার মেঘ, স্বপ্নের পাহাড়,—পার হয়ে এসেছি এখানে,” এই বলে জোৎস্না রাতে তার মন খুসী হয়ে ওঠে। সমুদ্রের ওপারে চাঁদের পাহাড়ের অস্ত্র মন ব্যাকুল হয়। এই রোমান্টিক ব্যাকুলতা থেকে রাশি রাশি ছবি ফুটে ওঠে, কবিতা পড়তে পড়তে চোখের সমুখে রক্ত-বেগের চিত্রশালা খুলে যায়।” কত ক্রুদ্ধ ঝড়ের ঈগল, ছিঁড়েছে রাতের ডানা অন্ধকার কক্ষ-মহাদেশে—একটা লাইনে সম্পূর্ণ চিত্র আঁকা হয়ে গেছে! কিন্তু জোরালো, দৃঢ় শক্তিমত্তারও অভাব নাই। “সমুদ্র-শব্দ”, “রাতের পাড়ি” ইত্যাদিতে সেই বলিষ্ঠতা মনকে প্রবল ধাক্কা দিয়ে যায়। “বিশাল সমুদ্র-শব্দ তবু ডাকে, তবু আঁজো ডাকে; হঠাৎ বজ্রার মতো রক্তে জাগে সমুদ্র-কল্লোল”, “জীবনে মৃত্যুর বাদ একবারো পার নাই যারা, তারা আঁজো জন্মে নাই”—ইত্যাদি ছত্র অনবন্ত। ‘মহাকাল’, ‘জীবন-দেব’, ইত্যাদিতেও আছে জীবন-ধর্মের গুণ, সঙ্গে সঙ্গে আছে “কঙ্কাল কাঁদে” কবিতার অসহায় ক্রন্দন; “বিশ শতক” কবিতাও আছে যন্ত্র-সত্যতার ক্রম নিষ্ঠুরতার বিরুদ্ধে ক্রুদ্ধ, ভীত কাতরোক্তি। নানা বিরুদ্ধতাবের ঐক্যতান। কিন্তু যে সব কবিতায় তথাকথিত আধুনিকতা প্রবল সেই কবিতাগুলিতে কাব্যসৌন্দর্যের হানি হয়েছে, একথা আমাদের বলতেই হবে। কারণ তাতে রয়েছে খাপছাড়া, অসংলগ্নতা এবং অকারণ ও কষ্টচেষ্টা ভীততার কাঁড়। চিত্রকল্পিতে এই লেখকের নৈপুণ্য আছে কিন্তু মাঝে মাঝে ইমেজ বা উপমাগুলো পুনরুক্তিতে ও আভিষায়ে রসহীন হয়েছে। “লেহিয়া লেহিয়া মুছিল রক্তরেখা”, “জিহ্বা মেলে হাজার বছর ধরে তুমার মরীচিকা”, “হাজার জিহ্বা মেলেছে তুমার মরীচিকা”, “সমুখে লেহিছে চক্ষু জিহ্বা মেলি...”—এই সব স্থানে একই “ইমেজের” বারবার আবির্ভাব ঘটেছে। তবে এসব সত্ত্বেও লেখকের কাব্যে সত্যিকার কবিতার রস রয়েছে এবং আনন্দের প্রচুর খোরাক তাতে পাওয়া যাবে।

মৃনালকান্তির ‘আঁকা’ পড়ে আমরা খুসী হয়েছি। কারণ এরও মধ্যে আছে রোমান্টিক স্নিহতা এবং কল্পলোকের স্পর্শ। চাঁদ এখনো বিষম ছড়াতে পারে; কলের ধোঁয়া এবং ইট কাঠের অট্টহাসি এখনো কুলের পিপাসাকে মেরে ফেলতে পারে নাই। কবি এখনও চাঁদের দিকে চেয়ে কামনা করেছেন, “ঝরে বাক্ কবিতার মতো কিছু জল”। মাটির আসক্তি এ যুগের মর্ডার কাব্যের বাধাধরা মানবও; এই অত্যাধুনিকতার যুগে “কোথা সব চলে যাব দুরে রেখে এ মাটির গীমা” বলে আকাশের স্বপ্ন দেখছেন-সে কবি, তাঁর কাব্যে কলনারও বলিষ্ঠতা আছে। এই কবির কাব্যতত্ত্বায় সমুজ্জল। বেকি চমক নেই, পানির করা চোঁস বুলি নাই। সংযত ভাষায় তাজা, প্রাণবন্ত কবিতাগুলি সরসতার ও মাধুর্যে মনোরম। তবে স্থানে স্থানে মিলের গোলমাল এবং ছন্দের পতনে কিঞ্চিৎ তালাকল ঘটলেও সত্যিকার কাব্যসম্পদে কবিতাগুলি রসোত্তীর্ণ হয়েছে। “ভারত শতের শীর্ষে জুরায়েছে কললের গান”, “অন্ধকারে ভবিষ্যৎ জগৎ হয়ে কাদে”—ইত্যাদি ছত্রের অনবন্ত ইঙ্গিত ছবি আঁকার কয়তাকে ইঙ্গিত করেছে।

—নীপকর



“বিশ্ববত্ত”

রুশ-জার্মান যুদ্ধ

ইতিহাসের রূপান্তর ঘটেছে। বেশীদিনের কথা নয়। মাত্র চক্ষিণ বছরের ব্যবধানে ইতিহাসের মোড় ফিরেছে। ১৯১৭ সাল আর ১৯৪১ সাল। ১৯১৭ সালের ষ্ট্যালিন আজ মহামানব—‘Stalin is a great man’ (লর্ড বিভাষক) ১৯১৭ সালের লাহিত রাশিয়া আজ অজ্ঞেয় ‘হবার আশীর্বাণী লাভ করেছে—‘There will always be a Russia—জনসাধারণের ত্যাগে, নিষ্ঠায় বর্ধিত ও রক্ষিত রাশিয়া’। (লর্ড হালিক্যার)।


• ষ্ট্যালিন ভাগ্যবান পুরুষ, রাশিয়ারও জোর বরাত।

এই এক মাসে লড়াইয়ের ভাগ্য কিন্তু পরিবর্তিত হয় নাই। রাজধানী কুবিশেকে স্থানান্তরিত হয়েছে। মস্কোর প্রত্যেক অধিবাসীকে সহর রক্ষা করার জন্য প্রস্তুত হতে বলা হয়েছে। মস্কো এখনও জার্মানীর অনায়ত্ত। ডাইনে, বাঁয়ে ও বরাবর—কোনদিকেই আক্রমণ করে জার্মানী আজ পর্যন্ত মস্কো পৌছাতে পারে নাই। এদিকে মস্কো অভিমুখে পঞ্চম অভিযান পরিচালিত হয়েছে। জার্মানীর চেষ্টার বিরাম নাই। রাশিয়াও প্রাণপণ প্রতিরোধ করছে। কালিনি, মোজাইক, ম্যালো-ইসরোপ্লাত্তেন্স, কালুগা, ওরেল, টুলা এ কয়টা নামের পরিধিতে লড়াই সীমাবদ্ধ। কখনও বা কালিনি আক্রমণের সংবাদ আসছে কখনও বা তুলায়। মস্কোর লড়াই থেকে একটা কথা ক্রমেই স্পষ্ট হয়ে আসছে। মোজাইকের পথে বরাবর মস্কোর পাল্লা দেবার দুরন্ত চেষ্টা করে এবার জার্মান আক্রমণ মস্কো বৃত্তের প্রান্তে কালিনি ও তুলা উপর নজর দেবে বেশী। কালিনিদের অর্ধেক জার্মান দখলে বাকী অর্ধেক রাশিয়ার আয়ত্তে। সেখানে লড়াই চলছে রাত্তার, রাত্তার। কালিনি ও তুলায় প্রতিরোধ উত্তীর্ণ হয়ে মস্কোর পূবে মিশে যাওয়ার উদ্দেশ্য নিয়েই এই বৃত্ত রচিত হয়েছে। বৃত্ত সম্পূর্ণ হলে মস্কোর পতন অবশ্যজ্ঞাবী। কালিনি দখলে এলে উত্তর রণক্ষেত্রের সঙ্গে মধ্য রণক্ষেত্রের রেলপথের যোগাযোগ বিচ্ছিন্ন হয়ে যাবে। ইতিমধ্যে—কালিনি, কালুগা, তুলা আর তার কাঁকে কাঁকে ছ’একটা নতুন নাম শোনা যাবে।

শীত আসছে। রাশিয়ার প্রান্তরে দুরন্ত শীত। তাই রণকুশলীদের কেবলই মনে পড়ছে নেপোলিয়নের কথা। রাশিয়ার শীতে নেপোলিয়নের ‘Grand Army’ মস্কোর সীমানায় এসেই থমকে গিয়েছিল এক

ফ্রান্সের থেকেই নেপোলিয়নের পতন আরম্ভ হয়। ষ্ট্যালিনের হিসাবে নেপোলিয়ন সিংহ হয়ে থাকলে হিটলার মার্জার-সামিল। জাই বলে নেপোলিয়নের কাল আর হিটলারের কালে তফাৎটা ভুলে গেলে চলবে না। এটা হ'ল স্বয়ং আর লড়াইয়ের রকমটা হ'ল সর্বগ্রাসী; আর তা ছাড়া চলাচলের ও সরবরাহের ক্ষিপ্ততার জন্য নেপোলিয়নের বাহিনীতে ডাঃ টডের খবরদারী ছিল না। জার্মানবাহিনী জার্মানিতে ফিরবে না এই তাদের পণ। এক নাৎসী জেনারেলের উক্তিতে পাই “আমরা গ্রীসে গিয়াছিলাম, গ্রীস জয় করে এসেছি। ক্রীটে গিয়ে জয় করে এসেছি। নরকে গেলেও সে স্থান দখল করবো—“We shall never return to Germany.”

লড়াইটা ক্রমেই দক্ষিণে গড়িয়ে আসছে। ইতিমধ্যে রুশবাহিনীর নেতৃবদল হয়েছে। টিমোশেঙ্কো দক্ষিণ বাহিনীর ভার নিয়েছেন—মস্কোর ভার ছেড়ে দিয়েছেন জেনারেল যুখভের উপর। বুদেনী আর ভেরাসিলভ-পশ্চাদভাগে নতুন বাহিনী গঠন করছেন—শীতের পর বসন্তে ককেশাস, উরালে লড়াই হবে। এতদিন রুশ প্রতিরোধ-রেষা! লেলিনগ্রাদ-মস্কো-থারকভ-রোস্তভ লাইন ধরে চলেছিল। তার মধ্যে লেলিনগ্রাদে রুশ প্রতিআক্রমণ আরম্ভ হলেও লেলিনগ্রাদের নাকি অব্যাহতি নাই। এদিকে ফিনল্যান্ডকে যুদ্ধ থেকে বিরত করতে আমেরিকা ক্রমাগত চেষ্টা করছে। হমকি, অহুনয় কোনটাই এখন পর্যন্ত ফল ধরে নাই। রুশা- ফিন লড়াইতে রাশিয়া ফিনল্যান্ডের ঘাটি হ্যাঙ্কো রুশসৈন্য দিয়ে আগলবার অধিকার অর্জন করে। ফিনল্যান্ড উপসাগরে এক মাথায় লেলিনগ্রাদ, প্রবেশপথে হ্যাঙ্কো। হ্যাঙ্কো থেকে রুশ সৈন্য অপসারিত হয়েছে। হিটলারের নির্দিষ্ট বাষিকীর বক্তৃতায় লেলিনগ্রাদ সম্পর্কে পাই “আমরা এখন আক্রমণ প্রতিরোধ করছি, অপর পক্ষ বাহু ভেদ করবার চেষ্টা করবে।লেলিনগ্রাদের জন্য প্রয়োজনের অতিরিক্ত একজন লোকও খোয়াবোনা। লেলিনগ্রাদের অব্যাহতি নাই।” মস্কো অঞ্চলের অবস্থা জানা গেছে, শীতের




একোপ দক্ষিণে অনেক কম। কাজেই, দক্ষিণের চাপটা ক্রমেই বেশী। জার্মানবাহিনী সমস্ত ইউক্রাইন দখলে এনেছে। ডনভেস বেসিনে ক্রমেই তারা অপ্রতিহত গতিতে এগিয়ে চলেছে। থারকভ তাদের দখলে। টাগানরগ থেকে পঞ্চাশ মাইল উত্তরে বিখ্যাত অস্ত্র নির্মাণ কেন্দ্র ষ্টালিনো রুশবাহিনী ত্যাগ করে গেছে। ডনভেস বেসিনে জার্মান বাহিনী ক্র্যামাটোস্কায়া পর্যন্ত এগিয়ে গেছে।

• ডনভেসের পর ডন, ভলগা—পথে পড়েছে রোস্তভ। রোস্তভ নিয়ে হুড়াহুড়ি চলেছে। জার্মানরা

রাস্তভে প্রবেশ করবার দাবী করেছে, অপরপক্ষের সমর্থন এখনও পাওয়া যায় নাই। রোস্তভ ককেশাসের বিকটি, ককেশাসের সিংহদ্বার এই রোস্তভ। রোস্তভ রাশিয়ার হাতছাড়া হলে ককেশাসের ভেল বেঁহাভ

হুয়ে যাবে এটা সুনিশ্চিত। তা ছাড়া ইরাণের মধ্য দিয়ে ইজ-আমেরিকান সাহায্য রাশিয়াতে পৌঁছাবার পথও ঐ রোস্তভ। রোস্তভ থেকে কাম্পিয়ানের উপকূলে অজ্ঞাধী, তারপর দক্ষিণে বাকুর দিকে মোড় নিলে ককেসাসের পর্বতমালা এড়িয়ে যাওয়া যাবে আর সঙ্গে সঙ্গে রাশিয়া থেকে ককেসাস বিচ্ছিন্ন হয়ে যাবে। জার্মানির দক্ষিণ অভিযানের ন্যাকি অন্ত নাই, শেষ সোভিয়েট বাহিনী নিমূল না হওয়া পর্যন্ত এই অভিযান চলবে—“The advance will continue unlimited by time or space until the last soviet division is wiped out.” দক্ষিণ প্রান্তে এখন রীতিমত প্রতিযোগিতা চলেছে। হিটলারের যোথ চেপেছে ষ্টালিন যাতে উরলের শিল ও শস্তসম্ভারের জোরে উত্তরে ও দক্ষিণে প্রতিআক্রমণ না করতে পারে। ষ্টালিনেরও বিশ্বাস নাই। উরলকে ভিত্তি করে মৃতন প্রতিরোধ-রেখা রচনার চেষ্টায় সোভিয়েট শক্তি নিয়োজিত। ষ্টালিনগ্রাড-সারাটভ-সামারা হবে তার সীমানা। রণকুশলী Annalist বলে ‘It is evident that Stalin is not going to allow the Germans to stabilise their northern front during the winter while carrying on a delcive campaign in the south.’

ককেসাস অভিযানে ক্রিমিয়ার গুরুত্ব নাৎসীরা অবহিত আছে। অক্টোবরের শেষভাগ থেকে দক্ষিণ অভিযানে ক্রিমিয়ার লড়াই তাই প্রবল আকার ধারণ করে। ক্রিমিয়ার প্রবেশ পথে সঙ্গীর্ণ পেরিকোপ যোজক বৃত্তাকার পরিবেষ্টনের সুযোগ না দেওয়ায় ট্যাক ও ডিমান বাহিনীর সমবেত আক্রমণে পেরিকোপ ভেদ করে জার্মান সৈন্য ক্রিমিয়ায় প্রবেশ করে সিম্পারোপোল হয়ে সেবেস্তাপুলের বিশ মাইলের মধ্যে পৌঁছে গেছে। অত্



এক বাহিনী সোভিয়েট বাহিনী দ্বিখণ্ডিত করে জায়লা পর্বতের মধ্য দিয়ে কৃষ্ণসাগরের কূলে উপস্থিত হয়েছে। কৃষ্ণসাগরের বন্দর থিওডোসিয়া ও কার্চ জার্মানদের দখলে এসেছে বলে প্রকাশ। ক্রিমিয়া সম্পূর্ণ করায়ত্ত না হলে ককেসাসের দিকে অগ্রসর হওয়া মুশ্কিল। পার্শ্বভাগে ক্রিমিয়ার প্রবল শত্রুসৈন্য ও সেবেস্তাপুলে শত্রুর নৌবহর রেখে জার্মান বাহিনী স্বল্প অভিযান চালাতে পারবে না। তা ছাড়া ক্রিমিয়া অভিযানের পূর্বপ্রান্তে পৌছালেই ককেসাসের পশ্চিম প্রান্তে চাপ পড়বে। সুতরাং, জার্মানি ক্রিমিয়া অভিযান

সফল হলেই ককেসাসের দরজার নিরুপজ্জবে হানা দিতে পারবে। ক্রিমিয়ার অবস্থা দেখে এই আশঙ্কাই হয়। কার্চের পতন হয়েছে। সেবেস্তাপুলের অবস্থাও কিছু উন্নত নয়। একমাত্র অবশিষ্ট বন্দর নভোরোসিস্কের ভবিষ্যৎ ও উজ্জল নয়। যদি অবস্থা এই দাঁড়ায় কৃষ্ণসাগরে কৃশ-দোশক্তি লুপ্ত হবে এবং কৃশ সৈন্তের অপসরণের পথও থাকবে না।

এই প্রসঙ্গে তুর্কির অবস্থাটা বলে রাখা ভাল। প্রেসিডেন্ট ইনেমু ৩০ শে অক্টোবর ‘রিপাব্লিক দিবসে’ সমগ্র জাতিকে প্রেতৃত থাকবার অন্ত আহ্বান করে উৎপাদন বাড়াতে বলেছেন। তুর্কীর একদিকে মিত্রশক্তি

অধিকৃত সিরিয়া, ইরান, ইরাক ও অন্তরিক নাৎসী সীমানার দক্ষিণবাহ জিম্বাবুয় প্রান্তভাগ পর্যন্ত প্রসারিত।
তুর্কী অনিশ্চিতের পথে পা বাড়িয়ে অপেক্ষা করছে—ইতিহাসের হুকুমনামা কি সন্মতি নিয়ে আসে।

ষ্ট্যালিন, হিটলার, চার্চিল ও রুজভেল্ট

পর পর কয়েকদিন নভেম্বরের প্রথম দিকটায় ঈশ্বরের ঝড় বয়ে গেল। রেড ফোর্সারে ষ্ট্যালিন, মিউনিখে হিটলার, ম্যানসন হলে চার্চিল আর ওয়াশিংটনে রুজভেল্ট অভিযানের বাছাই করা বুলিঙলি নিঃশেষে নিক্ষেপ করেছেন। পৃথিবীর প্রান্ত থেকে প্রান্ত পর্যন্ত বক্তৃতার ঝাঁক ও ভাপের ঝাঁকে সত্য নির্বাহিত হয়েছে। আর 'ইবেই বা না' কেন—'in war truth is the first casualty.' তা সত্ত্বেও রুট বাস্তব নির্মম ভাবে স্বীকৃত হয়েছে। রেড আর্মির পরাজয়ের কারণ হিসাবে ষ্ট্যালিন বলেন (১) ইউরোপে পূর্বরণালন ছাড়া আর কোন দ্বিতীয় রণক্ষেত্র নাই। বিস্মাতে পার্লামেন্টে কেউ বেউপশিচিম রণক্ষেত্রে বৃটিশবাহিনী পরিচালনা করে রাশিয়াকে সাহায্য করার জন্ত ওকালতী করেছিলেন—তাদের ডানকার্কের দুর্ভোগের কথা অরণ করিয়ে দেওয়া হয়েছে,—ভুলগা ও ডনই এখন বৃটেনের সীমান্তরেখা। ষ্ট্যালিন আশায় বুক বেঁধে আছেন আর একটা রণক্ষেত্র অবিলম্বেই রচিত হবে। ইতিমধ্যে একক রাশিয়া মুক্তিসংগ্রামে প্রাণপাত করবে। (২) ইস্পাতের ওজনে রাশিয়া জার্মানীর চাইতে দুর্বল—ট্যাঙ্কের সংখ্যা কম, ট্যাঙ্ক উৎপাদনের হার আরও কম, এয়ারোপ্লেনের সংখ্যাও কম। কাজেই জার্মানীর সঙ্গে রাশিয়া এঁটে উঠতে পারে নাই, গোড়ায় রেড আর্মির ট্যাঙ্ক ছিল ১৫,০০০; নাৎসীদের ২৫,০০০। জনবলের দিক থেকেও রাশিয়া একক আর তার বিরুদ্ধে ইউরোপের সম্মিলিত লোকবল। চারমাসে জার্মানী খুইয়েছে ৪৫ লাখ আর রাশিয়া ১৩ লক্ষ। ষ্ট্যালিন হিটলারী চালের বিশ্লেষণ করে দেখিয়েছেন হিটলারের হিসাব কতবার ভুল হয়েছে (১) হেসকে ইংলণ্ডে ষ্টাটিয়ে শ্রেণীবিরোধের খোঁজ দিয়ে ইংলণ্ড ও আমেরিকার মন ভাঙানোর চেষ্টা ব্যর্থ হয়েছে। (২) রেড আর্মি প্রবলভাবে আক্রান্ত হলে কিবাণ ও মজুরের সংঘর্ষ বাধবে, সোভিয়েট রাশিয়ার জাতিতে জাতিতে দ্বন্দ্ব উপস্থিত হবে, সোভিয়েট স্টেট বার্নী স্নান হয়ে ভেঙে পড়বে; এখনও হিটলার আবার ভুল করেছেন। ষ্ট্যালিন বলেছেন সোভিয়েট সোভিয়ার প্রেম গড়া। (৩) হিটলার ভেবেছিলেন সোভিয়েট বাহিনীর পশ্চাদভাগ হবে সব চাইতে দুর্বল এবং সেটাই হবে সোভিয়েটের মৃত্যুর কারণ। কাজের বেলার নাকি উন্টোটা হয়েছে, গরিলা যুদ্ধে জার্মান বাহিনীর সরবরাহের ব্যবস্থার রূপ সৈন্ত যুগ ধরাচ্ছে। হিটলারের পতন ছয় মাস কি এক বছরে অবশ্যস্তাবী। এই গেল ষ্ট্যালিনের জ্ঞান।

ইক-আমেরিকার সাহায্যের কথা উল্লেখ করে ষ্ট্যালিন বলেছেন—'A modern war is a war of machines.' রাশিয়া, ইংলণ্ড ও আমেরিকার যুদ্ধ উৎপাদন জার্মানীর তিন গুণ হবে অস্ত্রাং নাৎসী পরাজয় অনিবার্ণ। রুশ, আমেরিকা ও ইংলণ্ডের কোয়ালিসনটা নাকি ঝাটি এবং এই বন্ধন ক্রমশই অলুচ হবে আশার কথা সন্দেহ নাই, ষ্ট্যালিনের বক্তৃতায় আমেরিকা ও ইংলণ্ডের রাষ্ট্র ব্যবস্থার তারিখ আছে—সেটা আরও অশার কথা। সেখানে ট্রেড ইউনিয়ন আছে, শ্রমিকদের দল আছে আর একটা কথা ষ্ট্যালিনের বক্তৃতায় স্থান পায় নাই। সেটা হচ্ছে যে আমেরিকার ট্রেড ইউনিয়নগুলি ক্রমেই বেন চকল হয়ে উঠেছে। কিছুদিন যাবৎ কেবলই ট্রাইকের ধবর পাওয়া যাচ্ছে। 'কমলা'র 'ট্রাইক' এই সবে মাত্র নিশ্চিন্তি হল। আবার ক্যালিফোর্নিয়াতে রাজমজুররা ট্রাইক করার বাসনা ধরেছে। এবার তাদের কাজটা বোধ হয় বিবেচনার বেড়া ডিক্লিয়ারে গেছে—কারণ এবারকার ট্রাইকটা হবে দেশরক্ষার কোন এক কাজ উপলক্ষে। শোনা যাচ্ছে সেনেটে

৩১
 নিল আসবে ইন্ড-সামন্ত সম্পর্কিত কাজে ট্রাইক চলবে না। কতকাল আর 'elementary democratic liberties' নেওরা যায়! নরুনের লাই দিলেই মাথায় চাপে!

এবার হিটলারের হিলাব শোন। যাক। সোভিয়েটের ১৫,০০০ প্লেন, ২০,০০০ ট্যাক, ২৭,০০০ বম্ব কডি হয়েছে, সোভিয়েট লোক খুইয়েছে ৮০ লক্ষ থেকে এক বোটি। জার্মানীর অধিকারে এসেছে বিত্তীয় ভূমিখণ্ড যার উপর শতকরা ৬০ থেকে ৭৫ ভাগ সোভিয়েট শিল্পশক্তির স্থাপিত।

হিটলারের লড়াই-বাচা-মরার লড়াই,—সত্যতার শত্রু বলশেভিজমের বিরুদ্ধে লড়াই। হিটলার ও ফুটে নিলে সম্মিলিত ইউরোপীয় সংহতি পড়ে হাজার বছরের জন্ত ইউরোপের ভাগ্য নির্ণয়ে সহায়তা করছেন। হিটলার আশ্বাস দিয়েছেন বার্লিন ইউরোপের রাজধানী হবার আকাঙ্ক্ষা রাখে না। ফ্রান্সের পতনের পর হিটলার ইংলণ্ডকে বন্ধুত্বাবে গ্রহণ করতে চেয়েছিলেন। ইংলণ্ড তখন ডেবেছিল হিটলার কুর্বল, তাই আপোষ করতে চায়। ইংলণ্ডের ভুল ভেঙেছে। তারা যদি পরখ করতে চায় ইউরোপের যে কোন যায়গায় অবতরণ করুক। হিটলার শপথ করে বলতে পারেন তাদের বিদায় নিতে স্বেচ্ছামাত্র বিলম্ব হবে না। আজ হিটলারের একটিনার লক্ষ্য ইউরোপকে বাচান। জার্মানিতে বিদ্রোহ হবে? আর যাই ঘটুক একটি ঘটনা ঘটবে একেবারেই অসম্ভব—জার্মানী কোনদিনই আত্মসমর্পণ করবে না। লড়াই বহুদিনব্যাপী চলতে পারে কিন্তু লড়াইয়ের প্রাক্তরে জার্মানবাহিনী অবশিষ্ট থাকবেই।

হিটলারের বক্তৃতার 'International Jewry' মার্জনা নাই—ষ্ট্যালিনের মার্জনা নাই। ষ্ট্যালিন কিন্তু হিটলারকে কিছুকাল পর্যন্ত কমা করতে পেরেছেন। ষ্ট্যালিন যেন একটু জাতীয়তা ঘেঁষা। বক্তৃতার মাঝে মাঝে 'this national war' কথাটা স্থান পেতে দেখা গিয়েছে। তাই বোধহয় যতদিন পর্যন্ত হিটলার রাইনল্যান্ড,, অট্রিয়া প্রভৃতি অঞ্চল জুড়িয়ে নিচ্ছিলেন, হিটলারের ততটা বৈরাণ্যবী হয় নাই। কারণ nationalist হিসাবে অন্তর্ভুক্ত অনাচার করাটা বোধের কিছু নয়। অপরের ঘেঁষে হাত দিলে সেটাকে Imperialism না বলে পামা যায় না।

বৎসরান্তে Confession এর ধুম পড়ে গেছে। গত বছর তো কোন ক্ষীণকর্ত্ত শুনি নাই? সেবারও রক্তরোবে শত্রু শত্রুকে চোখ রাঙিয়েছে। এবারও আবার সেই চোখরাঙানো। গতবার নাকি উড়োজাহাজ সংখ্যায় খুব কম ছিল। এবার রক্তকর্ত্তে চাটিল সাহেব বক্তৃতায় বলেছেন—আমরা জার্মানীর সমান।

চাটিল সাহেব হিটলারকে শাসিয়েছেন—নাৎসী পার্টির সঙ্গে কবিনকালেণ্ড শাস্তির কথা চলবে না। হিটলারের চরিত্র হানোহালে শাস্তির চোপ ছড়িয়ে বেড়াচ্ছে। চাটিল সাহেব তাকে ভুলবেন না—হিটলার দানব।

আমেরিকা কতদূর


দশ দশটা জাহাজ ডুবে গেল—আমেরিকার রাশ সামলান দার। আইসল্যান্ডের সম্মিলিত 'Bold Venture' জাহাজ ডুবি হবার পর কন্ডেইন সাহেব সরাসরি সম্মতি করবার জন্ত বলেছেন। Neutrality আইন রদ করবার জন্ত চারদিকে থেকে ঘোঁরাহুল উঠেছে—তথু শপথ করতে অসম্মতি দিলেই চলবে না আমেরিকার জাহাজ বণ্যতথ্য বাবার আইনও করা চাই। নিরপেক্ষতা আইন আর নিরপেক্ষ নয়। এই

দাইন হিটলারের সহায়ক। It is an aid to Hitler—জার্মানী আর আমেরিকার লড়াই ঘোষিত না হলেও রিস্পার হানাহানি চলছে। আইন সংশোধিত হলে লড়াইটা আর একটু মুখর হয়ে উঠবে। আমেরিকার শয়সা কেবলই আতলাস্তিকের দরিয়ায় তলিয়ে যাচ্ছিল—এবার যদি মিত্রশক্তির দরজায় গিয়ে পৌঁছায়।

জাপান

আতলাস্তিকের ভাবনা শেষ না হতেই প্রশান্ত মহাসাগরের অশান্তি। জাপ-আমেরিকান শান্তি প্রস্তাব ভেঙে গেছে। ব্লাডিভটক নিয়েই যত গোলযোগ হয়েছে। ঐ বন্দরটা আক্রমণ করবে এমনিস্তর প্রতিশ্রুতি জাপান দিতে অক্ষম। ইতিমধ্যে তোজো মন্ত্রিসভা কুরুক্ষ নামে এক ভদ্রলোককে বিশেষ দৌত্যে ম্যাসিংটনে পাঠিয়েছে—তাতে আশার খুব কিছু নাই। তোজো সভা আমেরিকাকে ঝাঁটাতে চায় না। শোনা পাচ্ছে জাপান সীমারিয়া সীমান্তে ৩৩ ডিভিশন, ইন্দোচীনে ১ লক্ষ ২০ হাজার সৈন্য জমা করেছে, খাই সীমান্তে সত্ত্ব চলাচল হচ্ছে—ব্যাকক সত্ত্ব। কোয়ান্সি সীমান্তেও সৈন্য সমাবেশের থকা শোনা যায়। বর্ষা রোড, গাইল্যাণ্ড অথবা কুনাঙ্কি-এ জাপানী যুট্টাখাত করবে। বর্ষা রোডে মালের ভাঁড়। ঐ একটি মাত্রাপণে গীনে সাহায্য প্রেরিত হচ্ছে। উনানের মধ্য দিয়ে বর্ষা রোড আটক করলে চীনের সাহায্য বন্ধ হবে। জাপান কি এই পথই বাছবে? A. B. C. D. বাহ জাপানের অসহ। কিছুদিন আগে আমেরিকানরা চীন ত্যাগ করেছে এবার চীনা দরিয়ায় আমেরিকান জাহাজ স্থানান্তরে যেতে শুরু করেছে। এটা কিসের ইঙ্গিত? তোজো সভার দণ্ডের দিকে সুদূর প্রাচ্য তাকিয়ে আছে।

১২-১১-৪১



ছাপরা

বেহার বলতে বাইরের লোকের ধারণা ৬টা বাবু রাজেন্দ্রপ্রসাদের রাজনীতির খাসমহল আর অধুনা গান্ধীবাদের স্নেহচ্ছায়ায় বর্ধিত কংগ্রেস সমাজতন্ত্রীরা স্নেহের দাবীতে সেখানে কিছুটা আসন পেয়েছেন। রামগড়ে আপোষ-বিরোধী সম্মেলনে যারা গেছেন তাদের কাছে রাজেন্দ্রপ্রসাদী প্রভাবের উপকথা ধরা পড়েছে। এবার বাবু রাজেন্দ্রপ্রসাদের খাস জেলা ছাপরায় বেহার প্রাদেশিক ফরোয়ার্ড ব্লক সম্মেলনে সেটা আরও পরিষ্কার হয়ে গেছে। কংগ্রেস সমাজবাদীদের কথা না তুললেও চলে। তাদেরও একটা সম্মেলন হ'ল একই সময়ে। প্রথমটায় নাকি তাঁরাও ছাপরাতেই সম্মেলনের স্থান স্থির করেছিলেন। রামগড়ের অভিজ্ঞতাটা তাদের এবার কাজে লেগে গেছে। তাঁরা বৃদ্ধিমানের মত ফরোয়ার্ড ব্লকের আঁচ থেকে সতর্কভাবে নিজেদের সরিয়ে নিয়ে পাটনা সহর থেকে কিছু দূরে গর্জন করেছেন; তাও আবার শালীনতার সীমা ছাড়িয়ে।

কংগ্রেস শাসনের পর এটা প্রমাণ হোয়ে গেছে বেহারের সংহত শক্তির নেতা কে? স্বামী সহজানন্দের নামে সেখানে মরা হাড়ে ভেঙ্কী খেলে। আজ সেখানে ফরোয়ার্ড ব্লকের স্তম্ভ হলেন স্বামীজী। রামগড়ের পর দু'বছরে বহুকর্মী জেলে গেছেন—ছোট বড় নানারকম সংগ্রাম করে। স্বামীজী স্বয়ং দু'বছর যাবৎ জেলে—কৈ ছাপরায় তো তাঁর কিছুই বোঝা গেল না? দু'একজন প্রতিবাদীর ক্ষীণকণ্ঠ ছাড়া হাজারো কিষাণ কণ্ঠে শোন গেছে 'ফরোয়ার্ড ব্লক জিন্দাবাদ' 'মুভাবাবু কি জয়', 'স্বামীজী জিন্দাবাদ'। প্রতিপক্ষ বহু শ্রম স্বীকার করে দেশময় ছড়িয়েছেন যে ফরোয়ার্ড ব্লকের গণ-সমর্থন নাই, ফরোয়ার্ড ব্লকের নেতৃত্ব পোট বুর্জোয়াজীর নেতৃত্ব। রামগড়, ছাপরার মত সম্মেলন দেখে তাদের মন ভেঙে যায়। তাঁরা তখন নতুন পথ খোঁজেন—তাদের পরিভাষায় যাকে বলে—tactics. সেটা আরও মজার। এই tactics গুলি অবশি খুব পুরাণো, মরচে ধরা; ইতিহাসে ভেদনীতির অস্ত্রশালা থেকে ধার করা। বাংলার কর্মী বেহারে গেলে এঁদের কাছে শুনবেন যে বাংলা দেশে ফরোয়ার্ড ব্লক বর্ষিষ্ণু ও সজাগ—বেহারে কিছু নয়। বেহারের কর্মী বাংলায় এলে এই বন্ধুরাই তাদের তারিফ করে বলবেন বেহারের কথা আলাদা, সেখানেই একমাত্র ফরোয়ার্ড ব্লকের গণসংযোগ আছে, বাংলায় ফরোয়ার্ড ব্লক গণভিত্তিক নয়। ইত্যাদি। এই উক্তির মাঝেও তাঁরা অজ্ঞাতে ফরোয়ার্ড ব্লকের সামগ্রিক রূপটাকে স্বীকার করে নেন। তাঁদের স্বীকৃতিটাকে একটু স্পষ্ট করে তুললে যা দাঁড়ায় তা এই—ফরোয়ার্ড ব্লকের উদ্দেশ্য বিভিন্ন যায়গায় বিভিন্ন রকম হলেও তাঁরাও একটা ধারা আছে। সেই ধারাই হবে সমাজের গণজনের জীবনধারা। ব্রকপন্থীরাও তাই বলেন—Forward Bloc is a way of life....এটাই ছাপরার সুর।

সম্পাদকীয়

সত্যগ্রহ সম্পর্কে মহাত্মা গান্ধীর বিবৃতি

গত ৩০শে অক্টোবর মহাত্মা গান্ধী বর্তমান রাজনৈতিক পরিস্থিতি আলোচনা করে সত্যগ্রহ সম্পর্কে এক বিস্তৃত বিবৃতি দিয়েছেন। তাঁর কাছে সত্যগ্রহ সম্পর্কে যে অভিযোগ এসেছে তার উল্লেখ কোরে সে সকল অভিযোগের অসারত্ব তিনি প্রমাণ করেছেন। অভিযোগগুলিকে প্রধানতঃ ৪ ভাগে বিভক্ত করা যায়। (১) সত্যগ্রহ সম্পর্কে জনসাধারণ ও কংগ্রেসকর্মী উভয়েরই উৎসাহ হ্রাস পেয়েছে। (২) সত্যগ্রহী বন্দীদের মধ্যে অনেকস্থলে নিয়মানুবর্তিতা নাই এবং অনেকে অহিংসায় বিশ্বাসী নয় (৩) বিব্রত না করার নীতি ছর্ষোধ্য কাজেই সংগ্রামকে তীব্রতর করা উচিত (৪) কংগ্রেসের মধ্যে কোনো প্রাণের স্পন্দন নাই।

প্রথম অভিযোগের উত্তরে তিনি বলেছেন যে বাইরের চমকপ্রদ আড়ম্বুতপূর্ণ উৎসাহের কোনো মূল্য নেই বরং ক্রমাগত অস্থিরভাবে কার্যধারা হিংসার উদ্বেগে হয়। কাজেই সত্যগ্রহীর তালিকা যদি নিঃশেষ হয় তাতে এসে যায় না কারণ প্রতিনিধি যদি একজনও হন তাতেই কার্য সিদ্ধি হবে। যুদ্ধ শেষ না হওয়া পর্যন্ত গণসংগ্রাম তিনি করবেন না কারণ সাম্প্রদায়িক ঐক্য ব্যতীত গণসংগ্রাম গৃহযুদ্ধে পরিণত হবে।—কংগ্রেসের কোনো কাজ দ্বারা এই গৃহযুদ্ধকে তিনি এগিয়ে আনতে সম্মত নন।

২য় অভিযোগ সম্পর্কে তিনি বলেন যে যারা শৃঙ্খলা মানে না বা যারা প্রকৃত মনোভাব গোপন কোরে সত্যগ্রহী হোয়েছেন তাঁরা কখনো প্রকৃত পরীক্ষায় উত্তীর্ণ হোতে পারবেন না। এবং আপনা থেকে বাদ পড়ে যাবেন। আন্দোলন চলছে তাঁদেরই নামে ও জন্ত যারা বধ্যার্থ অহিংসাপন্থী নিয়মানুবর্তী কংগ্রেসসেবী।

৩য় বিব্রত করা সম্পর্কে। তিনি বলেন বর্তমান অবস্থায় কতৃপক্ষকে বিব্রত করতে গেলে তাঁরা অসন্তুষ্ট হয়ে নানারূপ দমননীতির প্রয়োগ করতেন। হিংসার পথ গ্রহণ করলে তাঁদের বিপদ আমাদের ক্ষুযোগ একথা খাটুতো। কিন্তু অহিংসার নীতি যেখানে গ্রহণ করা হয়েছে সেখানে বিব্রত করার পথ আত্মহত্যার সমান হোত। সত্যগ্রহ কার্যকারী হোজে না এ কথা যারা বলেন তাঁরা এ পথকে পরিবর্তিত করতে অথবা সত্যগ্রহ একেবারে পরিভ্রাণ

ভূমিকা

করতে বলেন। গান্ধীজীর মতে এ ছোটোই নীতি বিরুদ্ধ। তার মতে এ পথ পরিবর্তন করার অর্থ হিসার পথ গ্রহণ করা। সত্যাগ্রহের প্রকৃত উদ্দেশ্য—বর্তমান যুদ্ধ এবং সকল যুদ্ধের বিরুদ্ধেই প্রচারের অধিকার প্রতিষ্ঠা করা। কাজেই সত্যাগ্রহ পরিত্যাগ করাও বোকামি।

৪র্থ অভিযোগ কংগ্রেসের মধ্যে প্রাণের স্পন্দন পাওয়া যায় না—গান্ধীজীর মতে বাইরে প্রাণের স্পন্দনের অভাব গভীরতার পরিচায়ক। তার কোনো প্রয়োজন নাই। পার্লামেন্টারী কার্যকলাপ বন্ধ রাখারই তিনি স্বপক্ষে। যারা সত্যাগ্রহ করবেন না তাঁরা গঠনমূলক কাজ না করলে সত্যাগ্রহ সফল হোতে পারে না, যেমন যুদ্ধরত সৈন্যদলের পেছনে সমস্ত দেশের জনসাধারণ সম্মুখবদ্ধ না হোলে কোনো যুদ্ধ সফল হোতে পারে না।

গান্ধীজীর এসব যুক্তি আমাদের নিকট অনেকাংশে দুর্বোধ্য মনে হয় কারণ সবগুলি যুক্তির পেছনে রয়েছে তার অদ্বৃত্ত নৈতিক মতবাদ, রাজনৈতিক ক্ষেত্রে যা সমগ্রজাতি হিসাবে প্রযোজ্য নয় বলে আমরা বহুবার মত প্রকাশ করেছি। ব্যক্তিগত ও সমষ্টিগত ব্যবহারের মানদণ্ড এক নয় ও এক হোতে পারে না। তিনি বলছেন সত্যাগ্রহ সম্পর্কে উৎসাহের হ্রাস হয়নি—কিন্তু আমরা দেখছি যথেষ্ট হ্রাস পেয়েছে—একজন সত্যাগ্রহীর বার বার কারাবরণ দ্বারা নৈতিক আদর্শ রক্ষা হোতে পারে কিন্তু স্বাধীনতার সংগ্রামে জয়লাভের আশা বাতুলতা। গণআন্দোলন যদি নাই করেন অস্তুর কিছু করার নেই কিন্তু গণ-আন্দোলন আরম্ভ করলে আত্মকলহ বাড়বে এ যুক্তি আমরা মানতে পারি না—বরং সাম্রাজ্যবাদী তৃতীয় পক্ষের বিরুদ্ধে সংগ্রাম ঘোষণা করলে বিভিন্ন সম্প্রদায়ের মধ্যে এক্য প্রতিষ্ঠিত হবারই সম্ভাবনা। আর যদি গণ-আন্দোলন আরম্ভ করলেই আত্মকলহে পরিণত হয় তবে যুদ্ধ সমাপ্তির জগু অপেক্ষা কেন? যুদ্ধের পরেও এই আত্মকলহের সম্ভাবনা থাকবে। কাজেই আত্মকলহকে এড়াতে গেলে আমাদের অধীনতাকেই চিরস্থায়ী করতে হয়। গান্ধী অবশিষ্ট বলবেন বরং অধীনতাও ভাল কিন্তু হিংসা ভাল নয়। গঠনমূলক কাজের প্রয়োজনীয়তা সকল রাজনৈতিক কর্মীই স্বীকার করবেন কিন্তু তিনি যে ১৩ দফা গঠনমূলক কাজের ফর্দ দিয়েছেন দেশের রাজনৈতিক কর্মীরা তার অনেকগুলিকেই অন্তরের সঙ্গে গ্রহণ করেননি কারণ সেগুলির সঙ্গে স্বাধীনতা সংগ্রামের যোগাযোগ খুঁজে তারা পায়নি। অর্ধশতাব্দী ধরে ভারতের স্বাধীনতার আকাঙ্ক্ষাও প্রচেষ্টা যে প্রতিষ্ঠানের মধ্যদিয়ে প্রকাশ পেয়েছে—তার বর্তমান অবস্থা প্রত্যেক রাজনৈতিক কর্মীর পক্ষেই দুঃখজনক—উপযুক্ত নির্দেশ দিয়ে যে প্রতিষ্ঠান এই সঙ্কট সময়ে জাতিকে সমস্ত অবস্থার জগু প্রস্তুত কোরতে পারতো তাকে আজ অচল কোরে রাখা হোয়েছে। নৈতিক মতব্বদ প্রতিষ্ঠা করবার জগু গান্ধী নিজের যতদিন না মত পরিবর্তন করছেন ততদিন যুক্তিতর্ক দ্বারা কিছু হবে না। তবে সম্প্রতি তিনি কয়েকজন বিশিষ্ট কংগ্রেসসেবীকে স্বাধীন মতামত প্রচার করবার অধিকার দিয়েছেন দেখে আমরা আশ্বস্ত

হোয়েছি যে তাঁর নিজের মতামত পরিবর্তিত হবার এটা একটা ইঙ্গিত হয়তো। দেখা যাক কি হয়। এদিকে জোর গুজব উঠেছে সত্যাগ্রহীবন্দীদের মুক্তি সম্পর্কে। জওহরলাল, মোলানা আজাদ প্রভৃতি যদি মুক্তি পান তবে কংগ্রেসের কর্মপদ্ধতি কিছু পরিবর্তন হয় কিনা দেখবার জন্ম আমরা উৎসুক হয়ে আছি।

রাজবন্দীদের অনশন

গত ২৫শে অক্টোবর তারিখে দেউলী জেলের ২৩০ জন রাজনৈতিক বন্দী তাঁদের অভাব অভিযোগের কোনো প্রকার প্রতীকার না হওয়াতে অনশন অবলম্বন করেন। গত এপ্রিল মাসে রাজবন্দীরা তাঁদের অভাব অভিযোগের বিষয় গভর্নমেন্টকে জানান—কিন্তু যেমন হোয়ে থাকে এই দীর্ঘকাল ধরে গভর্নমেন্ট কোনো ব্যবস্থাই করেন নাই। মিঃ যোশী বন্দীদের অভাব অভিযোগ সম্পর্কে নিজে পরিদর্শন কোরে যে সুপারিশ করেন গভর্নমেন্ট সে সুপারিশ অনুসারেও কাজ করতে রাজী হন নাই; ফলে এই অনশনধর্মঘট। গত ২৯শে অক্টোবর কেন্দ্রীয় ব্যবস্থাপরিষদে মিঃ যোশী এজন্ম একটা মূলতবী প্রস্তাব আনেন। রাজবন্দীদের অভিযোগগুলি প্রধানত: ৩টা শ্রেণীতে ফেলা যায়।

(১) প্রথমত: তাঁদের মধ্যে ১ম ও ২য় শ্রেণীর হিসাবে যে শ্রেণীভাগ করা হোয়েছে তা উঠিয়ে দেওয়া।

(২) দৈনিক ভাতা বৃদ্ধি করা ও পারিবারিক ভাতার ব্যবস্থা করা।

(৩) তাঁদের স্ব স্ব প্রদেশে ফিরিয়ে আনা।

মূলতবী প্রস্তাব আলোচনা প্রসঙ্গে স্বরাষ্ট্র সচিব স্তার রেজিন্যান্ড ম্যাক্সওয়েল যে মনোবৃত্তির পরিচয় দেন তা উল্লেখযোগ্য। তিনি বন্দীদের অবস্থা বর্ণনা করে মন্তব্য করেন যে তাদের যথেষ্ট বিলাসিতার মধ্যেই রাখা হোয়েছে। তার নিদর্শনস্বরূপ বলেন যে একমাত্র সেন্টেবর মাসের মধ্যেই ৩৬ টিন Reserved আনারস ১৯ বোতল অষ্ট্রেলিয়ান মধু, ৪০৩টা আপেল ৮২৭টা কলা ও ১৪ সের বাদাম তাঁরা পেয়েছেন।

কিন্তু কতজন বন্দীর মধ্যে এই বিলাসিতার উপকরণগুলি ভাগ কোরে দেওয়া হোয়েছে সে সম্পর্কে তিনি নীরব। মিঃ যমুনালাল মেটা মন্তব্য করেন যে মাসে ১৫০০ কলা যদি ২০০ রাজবন্দীকে দেওয়া হয় তা হোলে প্রতিদিন ৫০টা কলা ২০০ রাজবন্দী ভোগ করেন অর্থাৎ এক চতুর্থাংশ কলার অধিকারী। যদি এরূপ বিলাসিতাতে তাঁরা সন্তুষ্ট না হন তবে স্বরাষ্ট্রসচিব বন্দীদের অনশনের নিকট “হার মানবেন না”। স্ব স্ব প্রদেশে ফিরিয়ে আনবার দাবীকে তিনি রাজনৈতিক দাবী বলে বর্ণনা করেন, তার অর্থ কি? নিজেদের প্রদেশের জেলে আটক থাকলে কখনো



কোনো বন্দীদের আত্মীয় স্বজনদের সঙ্গে দেখা হবার সৌভাগ্য হবে মাত্র, এতে কোন রাজনৈতিক উদ্দেশ্য সিদ্ধি হবে ?

রাজনৈতিক বন্দীদের অনশন সম্পর্কে সমস্ত ভারতবর্ষব্যাপী সভাসমিতিতে বিক্ষোভ প্রদর্শিত হয়। বাংলা দেশেও বহু বড় বড় সভা এই উদ্দেশ্যে অনুষ্ঠিত হয়। মিঃ যোশী দেউলীতে রাজবন্দীদের সঙ্গে সাক্ষাৎ করে দেশবাসী তাঁদের দাবী সম্পর্কে যে সজাগ হয়েছে এ কথা বলেন এবং আরও যথাসাধ্য চেষ্টা করবেন এই প্রতিশ্রুতি দেওয়াতে ১৮৪ জন রাজনৈতিক বন্দী গত ৮ই নভেম্বর অনশন ত্যাগ করেছেন। কিন্তু ৪৬ রাজবন্দী অনশন ত্যাগ করতে অস্বীকার করেন। ১৩ই নভেম্বর তারিখে কেন্দ্রীয়পরিষদে রাজবন্দীদের মুক্তি সম্পর্কে আলোচনা করবার জন্য মিঃ যোশী এক নোটিশ দিয়েছেন। তবে সরকার পক্ষ থেকে সেই দিন কোনো প্রকার বিবৃতি প্রকাশ হবার আশা কম। আগামী ১৫ই নভেম্বর সভাপ্রার্থী ও অন্যান্য রাজনৈতিক বন্দীদের সম্পর্কে প্রাদেশিক গভর্নমেন্ট বিবেচনা করতে আরম্ভ করবেন এই মর্মে এক বিবৃতি প্রকাশিত হবে শোনা যাচ্ছে। মোলানা আজাদ, পণ্ডিত নেহরু এবং নিখিল ভারত রাষ্ট্রীয় সমিতির সদস্যরা প্রথম মুক্তি পাবেন শোনা যাচ্ছে। জেলের মধ্যে কারারুদ্ধ হওয়া ছাড়াও বহু সংখ্যক লোকের গণ্ডিবিধি নিয়ন্ত্রিত করা হয়েছে নানা বিধিনিষেধ দ্বারা। গত ১৫ই সেপ্টেম্বর কেন্দ্রীয় পরিষদে এক প্রস্তাবের উত্তরে পররাষ্ট্র সচিব জানান যে ভারতরক্ষা আইনে মোট ১৭২৪ জন আটক বন্দী আছেন এবং ২০০৬ জনের গণ্ডিবিধি নিয়ন্ত্রিত করা হয়েছে। শেষোক্তদের মধ্যে একমাত্র বাঙলা দেশেই ১৬১০ জন। এদের সম্পর্কেই বা কি করা হবে জানা যায় নি। তবে অতীত অভিজ্ঞতা থেকে বিশেষ কিছু আশা করবার নেই। যাহোক ১৫ নভেম্বরের জন্য আমরা কৌতুহলী হয়ে রইলাম।

নিখিল ভারত কিষাণ কমিটি

গত ১৮ ও ১৯শে অক্টোবর অন্ধ্র প্রদেশের অন্তর্গত পাকদলাতে—নিখিল ভারত কিষাণ কমিটির সভা হয়। পলাশায় ১৮ মাস পার এই প্রথম কিষাণ সভার অধিবেশন হলো। অনেকগুলি গুরুত্বপূর্ণ প্রস্তাব সভায় গৃহীত হয়। তারমধ্যে, জাতীয় দাবী, রুশ-কার্মাণ বৃদ্ধ এবং মূল্য নিয়ন্ত্রণ সম্পর্কে প্রস্তাবই বিশেষ উল্লেখযোগ্য।

জাতীয় দাবী সম্পর্কে প্রস্তাবে বলা হয় যে মহাত্মা গান্ধী কংগ্রেস কমিটিগুলিকে বাউল কোরে দিয়ে এবং ব্যক্তিগত সভাপ্রার্থী আন্দোলন আরম্ভ কোরে জাতীয় কংগ্রেসের ভোগোক্রমিক কার্যকলাপে শুধু বাধা সৃষ্টি করেছেন তা নয় এই আন্দোলন সম্পূর্ণ নিষ্ফল এবং স্বাধীনতা আন্দোলনের অগ্রগতির পরিপন্থী কোরেছেন।

বর্তমান অচল অবস্থার জন্তই এত সাম্প্রদায়িক কলহের সৃষ্টি হোয়েছে। এই অবস্থার পরিবর্তন সম্ভব কিবাণ মজুরদের প্রতিষ্ঠানগুলিকে শক্তিশালী করে ও কংগ্রেসের স্বাভাবিক কার্যকলাপ ফিরিয়ে এনে। এই উদ্দেশ্যে কিবাণ মজুরদের প্রতিষ্ঠানগুলির দৃষ্টি পলাশা প্রস্তাবের প্রতি আকৃষ্ট করা হোচ্ছে।

রুশ-জার্মান যুদ্ধ সম্পর্কে সভা জার্মানীর সোভিয়েট আক্রমণ নিন্দা করেন এবং সোভিয়েটের প্রতি সহানুভূতি প্রদর্শন করেন,—কিবাণ মজুর ও অস্বাচ্ছন্দ প্রগতিশীল শক্তিশালী সোভিয়েটকে যথাসম্ভব সাহায্য দানের জন্ত আহ্বান করেন। সকল দিক থেকে চাপ দেবার জন্ত নাজি জার্মানীর বিরুদ্ধে যুদ্ধ প্রচেষ্টাকে আরো শক্তিশালী করতেও বলেন। মূল্য নিয়ন্ত্রণ সম্পর্কে পলাশাতে গৃহীত প্রস্তাবকেই পুনরায় সমর্থন করা হয়। এবং কৃষিজাত জিনিষের মূল্য নিয়ন্ত্রণের বিরুদ্ধে, এবং কৃষিজাত জিনিষের নিম্নতম মূল্য নির্ধারণ করবার সম্বন্ধে আলোচনা চালাতে কিবাণদের আহ্বান করা হয়। শিল্পজাত দ্রব্যের উচ্চতম মূল্য নির্ধারণ এবং সঙ্গে সঙ্গে কৃষিকাজে নিযুক্ত শ্রমিকদের বেতন বৃদ্ধি এবং মিল শ্রমিকদের মাগ্গি ভাতার দাবী উত্থাপন করবার জন্তও নির্দেশ দেওয়া হয়।

প্রস্তাবগুলি সম্পর্কে যথেষ্ট আলোচনা হওয়া প্রয়োজন। কারণ কিবাণসভা ভারতের অগ্রতম প্রগতিশীল শক্তির প্রতিষ্ঠান বলে দাবী করে। কাজেই কংগ্রেসের অপেক্ষা কিবাণ সভার প্রস্তাব অধিক পরিমাণে বাস্তবশীল হবে এটা আশা করা উচিত নয়। জাতীয় দাবীর প্রস্তাব সম্পর্কে কিবাণ সভার সহিত আমরা একমত। কিবাণ সভা যথার্থই বলেছেন যে সংগ্রাম শুরু করলে আত্মকলহ কমতো, বাড়তো না যার বিভীষিকা মহাত্মা গান্ধী সর্বত্র দেখছেন। যুদ্ধ সম্পর্কে প্রস্তাব আমাদের বোধগম্য হয়নি, কোনো দেশের শাসনপদ্ধতিকে সমর্থন করা আর সে দেশের গভর্নমেন্টের কার্যকলাপ সমর্থন করা এক ব্যাপার নয়। আমাদের মত, স্বাধীন ভারতবর্ষের কর্তব্য আচ্ছন্ন কিন্তু অধীন ভারতবর্ষ, যার পক্ষে কোন কিন্তু বাছাই করবার উপায় নেই তার একমাত্র কর্তব্য বাছাই করবার স্বাধীন অধিকার অর্জন করা।

মূল্য নিয়ন্ত্রণ সম্পর্কে আমরা পাকাল প্রস্তাবের সঙ্গে সম্পূর্ণ একমত। এ সব বিষয়ে গভর্নমেন্ট এতটা উদাসীনতা ও করুণাশক্তির অভাব দেখাচ্ছেন যে এদেশের মঙ্গলামঙ্গল সম্বন্ধে তাঁদের যে কতটা চিন্তা তার ভাল উদাহরণ পাওয়া যায়। এদেশের লোক না খেয়ে মরুক তাতে এসে যায় কি? যুদ্ধোত্তম পুরো মাত্রায় চলছেই হোলো। হস্তভাগীদের গিয়ে যুদ্ধের রসন বোণাবার কাজ করানো গেলেই হোলো।

হুক-জিহা সংবাদ

গত ২৬শে ও ২৭শে অক্টোবর নয়াদিল্লীতে লীগ কাউন্সিল ও ওয়াকিং কমিটির বৈঠক

হয়। তাতে অজ্ঞাত বিষয়ের মধ্যে প্রধান আলোচ্য বিষয় ছিল বাঙালীর প্রধান মন্ত্রী সম্পর্কে ব্যবস্থা আলোচনা।

গত ৮ই সেপ্টেম্বর মিঃ ফজলুল হক লীগ সম্পাদকের নিকট এক পত্র লিখে ওয়ার্কিং কমিটি ও লীগ কাউন্সিলের পদত্যাগ করেন। ২৬শে অক্টোবর ওয়ার্কিং কমিটির মিটিং এ উপস্থিত থাকতে অনিচ্ছা প্রকাশ করে আর একটা চিঠি লেখেন। এই দুই চিঠি নাকি, লীগের সভাপতি, কাউন্সিল, ওয়ার্কিং কমিটি এবং মুসলমান সংখ্যা লঘিষ্ঠ প্রদেশগুলির প্রতি অপম্যনসূচক এবং ভিত্তিহীন। কাজেই যদি মিঃ হক এই সিদ্ধান্ত জানবার ১০দিনের মধ্যে অভিযোগ প্রত্যাহার করে ক্ষমা না চান তবে ওয়ার্কিং কমিটি উপযুক্ত ব্যবস্থা অবলম্বন করবেন। গত ৮ই নভেম্বর সেই ১০দিনের মেয়াদ শেষ হয়েছে। হক সাহেব লক্ষ্মী থেকে দিল্লী গেছেন কায়দে আজামএর সঙ্গে দেখা করতে। এখনও ফলাফল জানা যায় নি। ১৬ই নভেম্বর লীগ ওয়ার্কিং কমিটির এক বৈঠক হবে এবং সেখানে হক সাহেবের ভাগ্যনির্ণয় হবে। এদিকে তো ভারতের, বিশেষ বাঙালীর, রাজনৈতিক আবহাওয়ার তাপ বেড়ে গেছে—কোতূহল ও উৎকণ্ঠায়—হক সাহেব এখানে কি করেন; আত্মমর্যাদা সাতহাত দরিয়ার নীচেই ডুবিয়ে দেন মুসলিম স্বার্থরক্ষার ভূয়া বুলিতে, না নিজের অতীত মর্যাদাজ্ঞান ও শুভবুদ্ধিরই জয় হবে। জল্পনা-কল্পনার অন্ত নেই, হক সাহেবের অতুচ্চবৃন্দ বলছেন যে এবার হক সাহেবের প্রতিজ্ঞা কিছুতেই টলবে না। তিনি জিন্নার হুমকীর নিকট মাথা নীচু করবেন না। তাঁর উন্নত শিরে দেখবার আশা কোরেই আমাদের আপাতত চারদিন আরো অপেক্ষা করতে হবে।

মাসের ভারতীয় শ্রমিক

সম্প্রতি ভারত গভর্নমেন্টের নিকট মালয় সরকার ৫০০ ভারতীয় শ্রমিক চেয়ে পাঠান কিন্তু ভারত সরকার শ্রমিক পাঠাতে স্বীকৃত হন নাই। গত এপ্রিল—মে মাসে মালয়ের রবার বাগানের ভারতীয় শ্রমিকগণ ধর্মঘট করে—সেই ধর্মঘট ভাঙবার জন্য মালয় সরকার অমানুষিক অত্যাচার করেন—ধর্মঘটীদের শুধু মারধর করেই ক্ষান্ত হন নাই—চারদিক থেকে তাঁদের বেটন করে গুলি করা হোরেছিল—এবং ভারপন্ন ব্যাপারটাকে ধামাচাপা দেবার জন্য সাধারণত চেষ্টা হোরেছিল। বহু শ্রমিককে আটক ও নির্বাসন দেওয়া হোলো—এমন কি অভিনয় নরমশ্বী সেন্ট্রাল ইন্ডিয়া এসোসিয়েশনের বিরুদ্ধেও শ্রমিকদের উদ্বেজিত ক্রুরবার অভিযোগ করা হয়। মালয়ের এ ব্যাপার নিয়ে ভারতে খুব আলোচন হয় এবং মালয় গভর্নমেন্টের নিকট একটা নিরপেক্ষ উদন্ত দাবী করা হয়। শোনা গিয়েছিল প্রথম মালয় সরকার তাতে সম্মত হোরেছিলেন কিন্তু পরে তাঁদের মত পরিবর্তিত হয়।



আমরা শোনা যাচ্ছে ভারতবর্ষ থেকে গ্রন্থিক না পাওয়াতে যাত্রা থেকে গ্রন্থিক আনবার ব্যবস্থা হোমনেছে এবং “ইন্ডিয়ান ইমিগ্রেশন কোম্পানীর” হাতে যে টাকা ভারতীয় গ্রন্থিকদের সুবিধার জন্য জমা আছে সে ফাণ্ডের সুযোগ যাত্রার গ্রন্থিকরাও ভোগ করতে পারবে এমন ব্যবস্থা হোয়েছে। ভারত গভর্ণমেন্টের এ ব্যবস্থার প্রতিবাদ করা উচিত কারণ—যে টাকা ভারতীয় গ্রন্থিকদের সুবিধার জন্য নির্দিষ্ট রয়েছে সে টাকাতে অন্য গ্রন্থিক এসে যদি ভাগ বসায় তাতে যে সামান্য সুবিধা ভারতীয় গ্রন্থিকদের ভোগ করবার সম্ভাবনা ছিল তাতেও বাধার সৃষ্টি হবে। ভারতের গ্রন্থিকেরা পৃথিবীর সর্বত্র কি ব্যবহার পায় এ তার একটা ভাল উদাহরণ। পরাধীন ভারতবাসী আত্মস্বার্থ রক্ষায় অক্ষম—পরের ধনদৌলত সঞ্চয় ও রাজ্যলিপ্সুতার যোগান দিতেই তার জীবন যাচ্ছে। নিজের স্বার্থরক্ষা করবার যাদের বিন্দুমাত্র ক্ষমতা নেই তারা যে কেন পরের স্বার্থরক্ষা করবে তা বোঝা মুশ্কিল। যাক্ মালয় সম্পর্কে নতুন সচিব মিঃ আনে কি করেন দেখবার জন্য উৎসুক হোয়ে থাকবো।

লীগের পরিষদ ত্যাগ

গত ২৮শে অক্টোবর মিঃ জিন্না একটা বিবৃতি দেবার পর লীগসদস্যগণ সহ কেন্দ্রীয় পরিষদ ত্যাগ করেন। যুদ্ধ প্রচেষ্টার সাহায্য করবার জন্য লীগ দল যে সর্ব দিয়েছিল গভর্ণমেন্ট সে সর্বগুলি সম্পূর্ণ উপেক্ষা করে—বড়লাটের শাসন পরিষদ সমস্তসারিত করার প্রতিবাদ করাই নাকি পরিষদত্যাগের উদ্দেশ্য। তাঁদের সর্ব ছিল যে অস্ত্রাশ্রয় বিষয় এখন স্থগিত থাক্বে প্রদেশ ও কেন্দ্রে লীগকে যথার্থ ক্ষমতা দিতে হবে সে ক্ষমতার অর্থ কেন্দ্রে সরকার লীগের জন্য যে শতকরা ৩৩ ভাগ রেখেছেন তাতে চলবে না—সেখানে শতকরা ৫০ ভাগ এবং সমস্তসারিত কাউন্সিলে কংগ্রেস যোগ দিলে ৫০ ভাগ না দিলে ৭৫ ভাগ তাঁদের জন্য রাখতে হবে, না হোলে তাঁরা যুদ্ধে সাহায্য করবেন না এবং এ হেন কক্ষ পরিত্যাগ দ্বারা অন্ধকে চক্ষুমান ও বধিরকে প্রতিদান করবেন। তাদের এই কক্ষ পরিত্যাগের পশ্চাতে স্বাধীনতা লাভের প্রায় নেই প্রায় হোচ্ছে কি ভাবে ভারতের সংখ্যা গরিষ্ঠ জাতির স্বাভাবিক অধিকারকে ধ্বংস করা যায় তার চেষ্টা। ইংরেজ সরকার তাঁদের এই নাটকীয় ভঙ্গীতে কতটা পীড়িত হবেন বলা যায় না—তবে মিঃ জিন্না ও তাঁর লীগ যদি মনে কোরে থাকেন যে এ ভাবে তাদের কার্যনির্ভী হবো তবে তাঁদের জানা উচিত যে যতদিন বিদেশী সাম্রাজ্যবাদী শক্তি থাকবে ততদিন এসব আকার চলতে পারে তারপর জাতি যখন আত্মকর্তৃত্ব লাভ করবে তখন এক্ষণের আকারে কোনো কল হবে না। দেশের লোক এদের যথার্থ রূপ জানবে কবে? . . .

ঢাকার দাঙ্গা

গত ৫ই অক্টোবর থেকে ২৮শে অক্টোবর পর্যন্ত ঢাকায় সাম্প্রদায়িক দাঙ্গার পুনরাবৃত্তি



হয়। এ সম্পর্কে সরকারী রিপোর্টের বিবরণ এরূপ : ৫ই অক্টোবর হিন্দুসভার নির্দেশানুসারে হিন্দু লোকান্দাররা হরতাল করে, রাত্রি ৮টার পর সেদিন একজন মুসলমান অজ্ঞাত ব্যক্তির দ্বারা আহত হয়। প্রথম পর্যায়ের দাঙ্গার সূত্রপাত এতে এবং ১৩ই পর্যন্ত মারপিট চলে। এই ৯ দিনে ৭ জন হিন্দু ও ৪ জন মুসলমান নিহত হয় এবং ৮ জন হিন্দু ও ১৮ জন মুসলমান আহত হয়। এর পরে দ্বিতীয় দফা আরম্ভ হয় ইদের মিছিলকে উপলক্ষ করে। ইদের জম্ম ২০শে সন্ধ্যা আইন উঠিয়ে নেওয়া হয় এবং ইদের মিছিল বের করবার অনুমতিও দেওয়া হয়। ২০শে সন্ধ্যায় মিছিল নবাবপুরে পৌঁছালে হিন্দু মুসলমানে গুরুতর দাঙ্গা হয়ে যায়, চারদিক থেকে ইট পড়তে থাকে। কলে ৭০ জনের বেশী মুসলমান হাসপাতালে ভর্তি হয় এবং তার মধ্যে দু'জন মারা যায়। এর পরে ৪ দিনে নানাস্থানে আক্রমণ ও অগ্নিকাণ্ড চলে। পুলিশের গুলিতে দু'জন হিন্দু মারা যায়। ২২শে থেকে ২৭শে ৬দিনে ৫জন হিন্দু ও ৪জন মুসলমান নিহত হয় এবং ২১জন হিন্দু ও ১৬৬ জন মুসলমান আহত হয়। গ্রেপ্তার হয়েছে মোট ২৫৪ জন হিন্দু এবং ১৪৪ জন মুসলমান।

লন্ডা একটা সমস্যা হয়ে দাঁড়িয়েছে। সমস্ত ভারতবর্ষের পক্ষে এই সমস্যার সমাধান জরুরী হয়ে পড়েছে। সাম্প্রদায়িক বিষয়ের একটা গোপন উৎস ঢাকায় আছে তা' ঢাকার গত নয় মাসের ইতিহাসই প্রমাণ করছে। বিষয়ক্রমণের এই মূলকে বের করে উৎপাটিত না করলে সমস্ত ভারতবর্ষের নাগরিক ও রাষ্ট্রীয় জীবনকে বারম্বার বিবাক্ত করে তুলবে। সমস্ত ভারতের চিন্তাশীল লোকদের এ বিষয়ে সমুচিতভাবে চেষ্টা করবার দিন এসেছে। ঢাকায় নতুবা আরো অশান্তি হবে কারণ এই মনোভাব ক্রমশঃই অভ্যাসে দাঁড়িয়ে যাচ্ছে।

কিন্তু সরকারের মতিগতি কোথার ক্ষমতা আমাদের নেই। তারা এক অভূতপূর্ব অর্ডিন্যান্স গত ৪ঠা নভেম্বর থেকে ঢাকায় জারি করেছেন। তার নাম "উপকৃত অঞ্চল অর্ডিন্যান্স"। কোথাও কোনো ঘটনা ঘটলে এই আইনে সার্বজনীন জরিমানা আদায় করা হবে স্থানীয় লোকের কাছ থেকে। আর অপরাধের বিচার হবে স্পেশাল মেজিষ্ট্রেট কর্তৃক ও সরাসরিভাবে। এই ধরনের আইনে উপকারে চাইতে জুর্নাম হবার আশঙ্কা থাকে বেশী; বিশেষতঃ যখন কর্তৃপক্ষের ওপরে জনসাধারণের আস্থা নাই তখন এই কঠোর আইনে লোকের ভীতিরই কারণ হবে, কিন্তু অপরাধের নিবারণ হবার সুবিধা হবে বলে মনে হয় না। এ ছাড়া ইদ উপলক্ষ্যে ওরকম মিছিলের অনুমতি দিয়েও সরকার উপযুক্ত রক্ষাবেশ্বকণের ও সতর্কতার ব্যবস্থা করেন নাই। এটাও কর্তৃপক্ষের অপদার্বতার পরিচয় দান করে।* কর্তৃপক্ষ কি এখনো গুরুত্ব জদয়ঙ্গম করবেন?

স্বত্বাধিবাসী কোথায়?

গত ১০ই নভেম্বর ভারতীয় রাষ্ট্রীয় পরিষদে ভারত সরকারের এক আশ্চর্য দায়িত্ব

জানহীনতার পরিচয় পাওয়া গেছে। রাজা যুবরাজ দত্তসিংহের প্রাণের জবাবে হোম সেক্রেটারী 'ই' কনরাথ স্থিথ বলেছেন, সুভাষ বাবু যে শত্রু পক্ষে যোগ দিয়েছেন তার প্রমাণ হলো চারদিকের হুমকি এবং কিছু বেনামী ইস্তাহারের ঘোষণা। গুজবে ও ইস্তাহারে জানা গেছে, সুভাষ রোম বা বার্লিনে আছেন।

হোম সেক্রেটারীর এই দায়িত্ব জানহীনতায় আমরা সন্তুষ্ট হয়েছি। আজ ন' মাস ধরে চেষ্টা করে ভারত সরকার সুভাষ বাবুর অন্তর্ধান সম্বন্ধে অবশেষে গুজবের ও বেনামী হ্যাণ্ডবিলের উপরেই নির্ভর করে বসলেন! সুভাষের অন্তর্ধানে সমস্ত দেশবাসী আশঙ্কিত ও উদ্বেগ হয়ে ক্ষিপণ করে আছে প্রকৃত তথ্যের জন্য। এমন সময়ে সুভাষের অনুপস্থিতি ত এতবড় অভিযোগ তার বিরুদ্ধে উপস্থিত করা হলো; এর কারণ কি? পিছনে কোন উদ্দেশ্য আছে কিনা কে জানে! হোম সেক্রেটারীর মনে নাকি কোন সন্দেহই নাই এসম্বন্ধে। কিন্তু আমরা মনে করি সরকারের এই অভিযোগের সাক্ষ্য প্রমাণ উপস্থিত করা উচিত। যদি তা' না পারেন তবে অবিলম্বে প্রত্যাহার করে এই অন্যান্যের প্রায়শ্চিত্ত করা উচিত।

কানপুরে ছাত্রদলন

গত ৯ই নভেম্বর কানপুরের ছাত্রেরা দেউলী-রাজবন্দী-অনশন-নিবস পালন করবার জন্য সভা ও শোভাযাত্রা করেছিল। পুলিশের তা সহ্য হয়নি। ফলে লাঠি আক্রমণ এবং বহু ছাত্র আহত একটা ছাত্র মোটরের নীচে পড়ে মারা গেছে। ফলে সহরে হরতাল হয়। ছাত্ররা দলে দলে শহরে বেড়িয়ে বৃত্ত ভাঙের মূর্তিতে বিক্ষোভ দেখায়। পুলিশের সঙ্গে জনসাধারণের সংঘর্ষ বাড়ে স্থানে স্থানে। পুলিশ কানুনে গ্যাস ব্যবহার করে অবস্থা আয়ত্তে আনে। ২০০ ছাত্র জখম হয়েছে। লক্ষ্যভেদে শোভাযাত্রা পুলিশের লাঠিতে ভেঙ্গে দেওয়া হয়েছে। আমরা দেখছি আইনের অপপ্রয়োগ বা অতিপ্রয়োগ দিনে দিনে মারাত্মক হয়ে উঠছে। ছুতায়নাতার ১৪৪ ধারা, কথায় কথায় সাক্ষ্য আইন, এই হয়েছে এদেশের রীতি। কতৃপক্ষ কি মাথা ঠাণ্ডা করে ভেবে দেখবেন? আর একটু কম মেজাজী হলে মহাভারতও অন্তর্ভুক্ত হবে না, ব্রিটিশ সাম্রাজ্যও রসাতলে বাবে না।

চলচ্চিত্রের হুমকি

যাত্রার অভিনয়ে যুদ্ধ হয়, মানুষ মরে, রাজ্য ভাঙ্গে রাজ্য গড়ে; অর্থাৎ সবই চলচ্চিত্র কিছুই আসল নয়, বাস্তব নয়। সবই মিথ্যা ও নকল। আমাদের এই দেশেও তাই হয়েছে অভিনয় এখানেও সরকার বাহাদুরের পক্ষ থেকে অনেক কিছু হয়; অনেক ব্যাপার, অনেক সমস্যা; কিন্তু কিছুই সত্যিকার নয়। কোন বাস্তব ফল এ থেকে হয় না, হবে না। যুগ লাগবার সঙ্গে সঙ্গে যুরোপে আমেরিকার সমাজ পরিকল্পনার হিড়িক পড়েছে। যুদ্ধ থামলে বঁ হবে, তারই খসড়া করা চলছে সর্বত্র। হিটলার, ষ্ট্যালিন, চার্চিল, রুজভেল্ট, ম্যাকডোনালা, বেনেসে পর্ষ

নয়া ছনিয়ার পরিকল্পনা হাজির করেছেন। এখন ভারত গভর্নমেন্টকেও কিছু করতে হয়। তাই সেদিন 'পুনর্গঠন কমিটি' (Reconstruction committee) হয়ে গেলো স্তার রামস্বামী মুদালিয়রকে চেয়ারমেন করে। সঙ্গে সঙ্গে বহুতর সাবকমিটিও হয়েছে, তাদের চেয়ারমেন সবাই সাহেব লোক। স্তার রামস্বামী অর্থনীতিজ্ঞদের পরামর্শ কমিটি গঠন করে দিল্লীতে তার বৈঠক করলেন। বিশেষজ্ঞরা একমত হয়ে স্বীম দেবে, তারপরে কাজ হবে। অর্থাৎ যুদ্ধান্তে ভারতের অর্থনৈতিক সংগঠন হবে।

:

কিন্তু এই ধরণের সমারোহ যে প্রহসন মাত্র তা' বর্তমান ছনিয়ার সঙ্কটে যাদের অল্প জ্ঞানও আছে তারা জানে। বিষয়টা অতো স্ফোজা নয়। অর্থনীতির সঙ্গে রাজনীতি ও সমাজ-নীতির অচ্ছেদ্য যোগ। সর্বজনীন জাতীয়জীবন ও সমাজব্যবস্থা সঙ্কটে পরিকল্পনা না থাকলে শুধু অর্থনৈতিক ব্যবস্থায় সমস্তার সমাধান অসম্ভব। অথচ মহারথীদের সে সঙ্কটে কোনই বালাই নাই। কেবল চাক চোল বাজিয়ে নাম প্রচার এবং প্রভুত্ব অর্থ খরচই সার। কাজেই আসলে বহুদরাস্তা ও বাকুবিস্তারের অন্তে যা হবে সেটা হলো যুদ্ধে সরবরাহের ব্যবস্থার দরুণ যে 'জট পাকাবে' তার গ্রন্থিমোচন। সবটুকুই সরকারী স্বার্থ, জনগণের কল্যাণ ত্রিসীমানায়ও নেই। সরকার তো এদেশে কানে তুলো দিয়েছেন। কাজেই মন্তব্য করে লাভ নেই।

জাত্যমূর্তির ভিগ্নবাজী

গত ১০ই নভেম্বর বুধবার কাছের এক জনসভায় বক্তৃত্বপ্রসঙ্গে সত্যমূর্তি দুঃখের সহিত স্বীকার করে কেলেঙ্কান অহিংসায় তার আর বিশ্বাস নাই। এতদিনে শ্রীযুক্ত সত্যমূর্তির খেয়াল হয়েছে যে অহিংস বর্তমান জগতের সাম্প্রতিক সমস্যায় কোন কাজেই আসবেনা। সত্যমূর্তির প্রকাশ্য অন্ততঃ সত্যকথা বলেছেন, এজন্য তাঁকে আমরা অভিনন্দন জানাচ্ছি। কিন্তু জেল থেকে বেরিয়ে আসবার পরে শাদুল সিংজী তাঁকে বলেছিলেন এই সত্যকথাটাই স্বীকার করতে। কিন্তু সিংহ বিক্রমে তিনি গর্জন করে তখন প্রতিবাদ করেছিলেন যে গান্ধীবাদী নীতি ও কার্যক্রমে তাঁর আস্থা আটুট। কাজেই এই মিথ্যাকে লালন করে চলেছেন বহু কংগ্রেসী, কেবল সত্যমূর্তি একা নয়। সত্যমূর্তির এই স্বীকৃতিতে তাঁদের চক্ষুদৃষ্টিলীন হবে কি? আমাদের বাংলা দেশের কংগ্রেসী কর্মীদের দৃষ্টি আকর্ষণ করছি এদিকে। সকল মিথ্যাকে ঝেড়ে ফেলে দিয়ে এই অসত্যের ফাঁস থেকে আমাদের জাতীয় জীবনকে তারা মুক্তি দিন।



দশম বর্ষ

কার্তিক, ১৩৪৮

৫ম সংখ্যা

সাহিত্যে শ্রেনীবাদ

অনিল চন্দ্র রায়

সাহিত্য নিয়েও আজ তর্ক উঠেছে। যেমন তর্ক উঠেছে জীবনের অগাধ সব কিছু নিয়ে। এ তর্কটা হলো আরো একটা বড়ো তর্কের অংশ মাত্র। সেই আসল তর্কটা হলো মানুষের জীবন সম্বন্ধে, মানুষের সংস্কৃতি সম্বন্ধে। তর্কটা প্রবল হয়ে উঠেছে, কারণ সংশয় ও প্রশ্নও প্রশ্ন হয়ে উঠেছে। জীবনের সকল ক্ষেত্রেই আজ প্রশ্নের দ্বারা আকীর্ণ; সর্বত্রই আঁকা রয়েছে বড় বড় অগণিত প্রশ্নবোধক চিহ্ন যাকে ওয়েলস্ সাহেব বলেছেন এ যুগের মশার ঝাঁক, 'mosquitoes of modern world'. এরা ঝাঁকে ঝাঁকে আমাদের আক্রমণ করেছে এবং প্রশ্নের মশকদংশনে আমরা আজ সংশয়বিষে জর্জরিত হয়ে উঠেছি, —'now they swarm on every path and infect us with a fever of doubt,' (Wells) এই তাড়নায় আমরা আরম্ভ করেছি বিচার, বিশ্লেষণ ও অনুসন্ধান। এরই ফলে ঘটেছে আমাদের আদর্শের দ্রুত রূপান্তর। আমরা সমাজ ও রাষ্ট্রকে ভেঙ্গে গড়তে চাই। কিন্তু ভাঙ্গাগড়ার পরিকল্পনা নিয়ে মতভেদ আছে। এবং মতভেদ থেকেই দলভেদের উৎপত্তি হয়েছে। সমাজনীতি ও রাজনীতিতে বিভিন্ন দলের সংঘর্ষ আজ সাহিত্যেও এসে পড়েছে, কারণ সাহিত্য সমাজনীতির এলাকার অন্তর্ভুক্ত। সাহিত্যিককেও তাই পলিটি-শিয়ান ও সমাজতান্ত্রিক হয়ে বিতর্কের আসরে নামতে হয়েছে।



কথা উঠেছে সাহিত্যের মূল্যবিচার নিয়ে, সাহিত্যের স্বরূপ নিয়ে। একদল বলছেন সাহিত্যের কারবার হলো ব্যক্তি নয়, সমষ্টির জীবন এবং সাহিত্য হলো সমাজ-বিশ্ববের যন্ত্র মাত্র। কথাগুলো পুরাণো নয়, এবং অনেকেই ইতিপূর্বে একথা বলেছেন। কিন্তু একটা নতুন দৃষ্টিকোণ থেকে একদল আজ কথাগুলো বলছেন। এরা হলেন মার্ক্সবাদী এবং একটা স্পষ্ট সমাজনৈতিক মতবাদের ভিত্তিতে এরা সর্বত্র দল গঠন করেছেন। এই দল একটা বিশিষ্ট মানদণ্ডে সমাজ, সংস্কৃতি ও জীবনকে বিচার করে কতকগুলো সিদ্ধান্তকে উপস্থিত করেছেন। সাহিত্য সম্বন্ধেও এদের একটা সিদ্ধান্ত গড়ে উঠেছে এবং এ সিদ্ধান্ত তাদের সমাজতাত্ত্বিক মতবাদেরই একটা প্রয়োগ বই আর কিছু নয়। মার্ক্সীয় সাহিত্য মানেই হলো মার্ক্সীয় সমাজতত্ত্ব, এবং সে সাহিত্যের বিচারে মার্ক্সীয় সমাজতত্ত্বকেই বিচার করতে হবে। এ বিচারে মার্ক্সীয় সমাজতত্ত্ব যেমন সঙ্গীর্ণদৃষ্টি বলে প্রতিপন্ন হয়, তেমনি মার্ক্সীয় সাহিত্যও প্রতিপন্ন হয় একদেশদর্শী বলে।

মার্ক্সীয়দের প্রথম সিদ্ধান্ত হলো সাহিত্যের বিষয়বস্তু নিয়ে। ব্যক্তির সুখদুঃখ, ব্যক্তির জীবন নিয়ে যে সাহিত্য তা এই মতে অপাত্তেয়। ওরা বলছেন, এ যুগের সাহিত্য হবে সমষ্টির ব্যাপক ও বহুজনীন সুখদুঃখ নিয়ে। আর এ সমষ্টি বলতে মার্ক্স-বাদী বোঝেন একটি বিশেষ ধরনের সমষ্টিকে; মানে, শুধু কিষাণমজুরের গোষ্ঠীকে। এই হলো মার্ক্সীয় শ্রেণীবাদ; সমাজ ছাড়া অর্থনৈতিক শ্রেণীতে বিভক্ত, একদিকে ধনিক এবং অন্যদিকে কিষাণ-মজুর। সভ্যতার ইতিহাসই হলো এই দুপক্ষের লড়াইর ইতিহাস; যে যুগে যে পক্ষ প্রবল হয়ে রাষ্ট্রশক্তিকে দখল করে সেই বিজয়ী প্রবল পক্ষই সেই যুগের সাহিত্য ও সংস্কৃতিকে নিয়ন্ত্রিত করে থাকে। কোন পক্ষ বিজয়ী হবে তাও কঠোর ভাবে নিয়ন্ত্রিত হয় তদানীন্তন অর্থনৈতিক শক্তিসংঘাতের দ্বারা। কাজেই (১) অর্থনীতিই মানুষের ও সমাজের প্রেরক ও নিয়ন্ত্রক (economic determinism), (২) অর্থনীতি সমাজকে নিয়ন্ত্রণ করে শ্রেণীদ্বৈরাজ্যের মধ্য দিয়ে (class dichotomy), (৩) বর্তমান যুগ হলো ধনিকপ্রতিপত্তির যুগ; বূর্জোয়া শাসন, সভ্যতা ও সাহিত্যের যুগ, এ যুগে কিষাণমজুরের জিহাদ শেষ হবে ধনিকের মহতী বিনাশিতে এবং কিষাণমজুরের অনিবার্য বিজয়ে (inevitability of classless society) (৪) অনিবার্যতার প্রমাণ ও গ্যারান্টি হলো হেগেলীয় ডায়ালেকটিক নীতি। (৫) এই নীতির ফল হবে বর্তমান কালের বিলীয়মান বূর্জোয়া বা ধনিক সাহিত্যের (ও সভ্যতার) পরিবর্তে উদীয়মান শ্রেণীর (কিষাণমজুরের) শ্রেণী-সাহিত্য বা প্রলেটারীয় গণ-সাহিত্যের অসম্পন্ন প্রতিষ্ঠা (decadence of bourgeois & the rise of proletarian literature). এই পাঁচটি সিদ্ধান্তকে ছেঁকে চুষক আকারে মার্ক্সবাদীদের বক্তব্য দাঁড়াল এই যে কেবল মাত্র কিষাণ মজুরের শ্রেণী-জীবনকে নিয়েই চলবে নব্যযুগের সাহিত্যসৃষ্টি। কিংবা কিষাণমজুরের স্বার্থের দিক থেকে যে সাহিত্য রচনা হবে তাই হবে সত্যিকার যুগসাহিত্য।

এই মতের বিরুদ্ধে আমাদের প্রধান বক্তব্য হল এই যে ব্যষ্টি ও সমষ্টির মধ্যে বিরোধটি নিত্যন্ত কাল্পনিক বই কিছু নয় ; এদের পরস্পরের যোগাযোগটা অতি নিবিড়, এবং একে অস্থির সঙ্গে অচ্ছেদ্য বন্ধনে আবদ্ধ হয়ে এরা চিরকাল জড়া জড়ি করে আছে। তাছাড়া এদের পরস্পরের মধ্যে কোন দ্বন্দ্ব তো নেই-ই, বরং এককে বাদ দিয়ে অপর ক্ষণকালও বাঁচতে পারে না। ব্যষ্টি ও সমষ্টির মধ্যে একটা চিরকম্প ভারসাম্য রক্ষিত হয়ে আসছে সমাজজীবনের প্রত্যেক স্তরে। সেই ভার-সাম্যটির বিচ্যুতি ঘটলেই সমাজজীবনে ঘটে বিপ্লব। সামাজিক ক্রমবিকাশের একটা গতি আছে, সেই গতিমুখে কখনো কোনো দিকে আতিশয্য হলেই ভারচ্যুতি ঘটে থাকে। তাই কোনো যুগে ব্যষ্টির ওপরে পরে জোর, ব্যক্তিবাদ হয় প্রবল ; কোনো কালে সমষ্টির ঘটে প্রাবল্য, গোষ্ঠি হয়ে দাঁড়ায় প্রধান। ১৯ শতকে ব্যক্তিত্ববাদ চরমে উঠেছে, যার ফলে ধনতন্ত্র ও স্বার্থপূজার জয়জয়কার আরম্ভ হয়েছে। আজ তার প্রতিক্রিয়ার মুখে সমাজতন্ত্র এসেছে, এসেছে সমষ্টির ডাক ; অবাধ ব্যক্তিপ্রাধাত্যকে খর্ব করবার রব উঠেছে চারদিকে। ব্যক্তিকে টিপে মারতে হবে, কারণ ব্যক্তি-স্বাতন্ত্র্য আজ আসামী, সভ্যতা ও সাহিত্য উভয়েরই আদালতে। তাই আজ কম্যুনিষ্ট চান এমন সাহিত্য যেখানে ব্যক্তির স্থান নেই, যেখানে শ্রেণীরাপী সমষ্টির হবে ষোড়শোপচার পূজা। কিন্তু চাইতে গিয়ে মাজ্ঞবাদী হয়ে পড়েন ভাবপ্রবণ এবং আতিশয্য দোষে তার সিদ্ধান্ত হয়ে পড়ে একদেশদর্শী। তবে মাজ্ঞীয় মতবাদের কোন স্থায়ী, প্রামাণ্য ব্যাখ্যান নাই ; মাজ্ঞবাদের ব্যাখ্যান-প্রসঙ্গে মাজ্ঞবাদীদের মধ্যেও নানা মনি আছেন। তবে যারা গোঁড়া সম্প্রদায় তাদের কথাই এখানে হচ্ছে। মিঃ আপওয়ার্ড (Upward) (১), মিঃ রাল্ফ ফক্স (Ralph Fox) (২), মাইকেল গোল্ড (Michael Gold), মিরস্কী (Mirsky) ক্রিস্টোফার কড্‌ওয়েল (Christopher Caudwell) (৪) গ্রেনভিল হিক্স (৫) ইত্যাদি লেখক এই গোঁড়া শ্রেণীবাদের সমর্থক। এঁদের মতে ব্যক্তি হিসাবে মানুষের কোনো মূল্য নাই, শ্রেণীর প্রতিনিধি হিসাবেই তার অস্তিত্ব ও ব্যবহারের অর্থ আছে। এঁদের এই গোঁড়ামী ও আতিশয্য হলো ১৯ শতকীয় ব্যক্তিপ্রাধাত্যের বিরুদ্ধে সাম্প্রতিক প্রতিক্রিয়ার ফল। এরা বর্তমান কালের বৈজ্ঞানিক প্রগতির দিকে চোখ বন্ধ করে আছেন। মানুষের মন যে একটা জটিল মিশ্র সদ্ভা, তার মানসিকতায় নানা বর্ণের আলোকসম্পাতে বিচিত্র ও বহুরঙীন একথা এঁরা ভুলে যান। মানুষের ওপরে তার অর্থ নৈতিক পরিস্থিতির প্রভাব পড়ে, একথা ঠিক। জীবিকা অর্জনের সূত্রে মানুষ যে পারিপার্শ্বিক নিজের চারদিকে সৃষ্টি করে তার প্রয়োজন ও তাগিদ তার মনকে ও ব্যবহারকে অনেকাংশে নিয়ন্ত্রিত করে। কিন্তু শ্রেণী-প্রভাব ছাড়াও বহু বিচিত্র অবস্থার প্রভাব তার ওপরে অহরহ কাজ করছে ; যেমন তার বংশ, রক্ত ও দৈহিক উত্তরাধিকার (race), যেমন তার

(1) "The mind in chains" by Upward. (2) "The Novel and the People" by Ralph Fox. (4) "Illusion and Reality"—by Christopher Caudwell. (5) "The great tradition"—by Grenville Hicks.



দেশ ও কাল, তার পুরুষ-ও-স্ত্রী বা লিঙ্গভেদ (sex), তার পরিবার-গত স্থান ও পদ-মর্যাদা (status), তার ধর্ম ও জাতি (caste)। সে কেবল ব্যবসায়ী নই, ধনিক ও শ্রমিকই নই; মঙ্গোলীয় বা নিগ্রো রক্ত তার মধ্যে আছে, তার প্রভাব আজ জনন-শাস্ত্র (genetics) স্বীকার করবে; সে পুরুষ কি নারী তারও প্রভাব তার মানসিক গড়নকে অন্তরঙ্গিত করবে, একথা যৌন শাস্ত্র আজ বলবে; সে পিতা কি ভ্রাতা কি স্বামী, মাতা কি জায়া কি কন্যা এই পারিবারিক সম্পর্ক-জালের চাপও তার চেতনাকে কিছু অভিভূত করবে, একথা মনস্তত্ত্ব অস্বীকার করে না; সে নাস্তিক কি আস্তিক কি ফেটিশ-পূজক, তাত্ত্বিক কি ইচ্ছাদী কি বৈষ্ণব, এসব ব্যাপারের প্রভাবও কম নয়, সমাজতত্ত্ব একথা স্বীকার করবে। মানুষের ব্যক্তিত্ব মিশ্র পদার্থ, তাকে কেবল একটা দিক থেকে, একটা cross section হিসেবে দেখলে, সে দেখা আংশিক ভাবে সত্য হবে। কেবল ব্যবসায়গত শ্রেণীর অন্তর্ভুক্ত ব্যক্তি হিসেবে তাকে দেখলে তার ব্যক্তিত্বের সবটুকু ধরা পড়ে না। ব্যক্তি হিসেবে, মানুষ হিসেবে তার ব্যক্তিত্বের একটা দিক আছে। রাসেল বলেছেন, যার দাঁত ব্যথা হয় সেই জানে ব্যথার অন্তর্ভুক্তিকে; এ তার একান্ত নিজস্ব; এখানে প্রত্যক্ষ ভাগ দেবার উপায় যেমন নেই, এখানে অণু কাকুর ভাগ নেবারও পথ নেই। গোলাপ দেখে বা সূর্যাস্ত দেখে যে আনন্দের উপলব্ধি কাকুর হয়, তা তারই বিশিষ্ট উপলব্ধি। বাইরের সমাজের সঙ্গে, অপরাপর মানুষের সঙ্গে প্রত্যেক ব্যক্তিরই এক না এক সূত্রে যোগ আছে। কিন্তু সমস্ত মানুষের সঙ্গে সকল যোগসূত্রের বাইরে একটা নিরালা অন্তর্লৌকিক আছে যেখানে অপরের প্রবেশপথ নেই। সেখানে মানুষ একক। বাহির ও ভিতর, এই দুইয়ের সমবায়েই মানুষের ব্যক্তিত্ব সম্পূর্ণ। এদের একে অণুর উপরে সত্যতাই প্রভাবপাত করছে, এই অণুগোষ্ঠীতাকে স্বীকার করেও ভিতর ও বাহির দুইয়েরই স্বাভাবিক স্বীকার না করে উপায় নেই। সমুদ্রবেষ্টিত দ্বীপ অপর দ্বীপ বা দেশ থেকে পৃথক, সমুদ্র তাদের মধ্যে অন্তরাল রচনা করে বিদ্যমান রয়েছে। কিন্তু সমুদ্র আবার, অণু দৃষ্টিভঙ্গীতে, দুইয়ের মধ্যে যোগসেতু হিসেবেও রয়েছে। সমুদ্র ব্যবধানও বাটে, সংযোগও বাটে। তেমনি ব্যক্তির স্বাভাবিক যেমন সত্য, তেমনি সত্য তার সমষ্টির অন্তর্ভুক্তি ও সংযোগ। মানুষ যেমন একক ও পৃথক, তেমনি মানুষ বহুর সহযোগী এবং সমাজেরও অংশীদার। ব্যক্তির সুখদুঃখও যেমন সত্য, তেমনি সমষ্টিজীবনের সাধারণ সুখদুঃখও সত্য; ব্যক্তি নানা ক্ষেত্রে নানা লোকের সঙ্গে সমান সুখদুঃখের ভাগী; সেই কারণে বহুর লোকের সঙ্গে ব্যক্তির গোষ্ঠীবদ্ধন ঘটে, এবং ব্যক্তি তাই বিবিধ গোষ্ঠী-জীবনের (group life) অন্তর্ভুক্ত, ফলভাগী এবং প্রভাব-লালিত। তার বিবিধ সম্পর্ক-বন্ধনের মধ্যে কেবল 'জীবিকাসম্পর্কিত সম্বন্ধ ও সংযোগই তাকে মাটির টেলার মত বোল আনা গড়ে তুলবে, একথা কোন বিজ্ঞানই সমর্থন করে না। কারণ এ হলো নিছক একদেশ-দর্শন মাত্র এবং যাকে বলে 'over-simplification' সেই আতিশয্য দোষেরই নামান্তর।

সাহিত্য কেবল মানুষের অর্থনৈতিক শ্রেণী-চরিত্রেরই প্রকাশ মাত্র, একথা এই এক-দশদশী গোঁড়ামী বই আর কিছু নয়। মানুষের মনোভাব তার শ্রেণী-স্বার্থের দ্বারা প্রভাবিত হয়, সত্য। কিন্তু সে কতটুকু? তাছাড়া সেই প্রভাবকে অপরাপর স্বার্থ, তাগিদ ও প্রভাব খর্ব এবং এমনকি, বিলুপ্তও করতে পারে। কেন পারে তার জবাব দিয়েছে সমাজতত্ত্ব। সমাজে ও জীবনে বিবিধ শক্তি ও স্বার্থ কাজ করেছে, ক্রমবিকাশের মূলে রয়েছে এই বিচিত্র ও অসংখ্য শক্তিসমূহের সমবেত ও পারস্পরিক যাতপ্রতিযাত। এই পারস্পরিকতা (reciprocity) হলো অজকার সমাজতত্ত্বের সর্বস্বীকৃত তথ্য। মার্ক্সীয়দের অর্থনৈতিক শ্রেণীবাদ দাঁড়িয়ে আছে তাঁদের সামাজিক ক্রমবিকাশবাদের ওপরে। এই বিবর্তনবাদের ভিত্তি হলো একরৈখিক (unilinear), অপরাবর্তনীয় (irreversible) কার্যকারণক্রমের থিওরী যা' আজকার দর্শনে ও বিজ্ঞানে অচল। অর্থনীতি যেমন জীবনের অপরাংশকে প্রভাবিত করেছে, অপরাংশগুলোও তেমনি অর্থনীতিকে প্রভাবিত করেছে। শ্রেণীস্বার্থের প্রকাশ সাহিত্যে থাকবে, সন্দেহ নেই; কিন্তু সকল রকমের গোষ্ঠীজীবনের স্বার্থই সাহিত্যের মধ্যদিয়ে প্রতিকলিত হবে, একথাও অনস্বীকার্য। অধিকন্তু কেবল গোষ্ঠীজীবনই নয়, ব্যক্তি-জীবনেরও আশানিরাশার কাহিনী সাহিত্যে ভাষা পাবে। সমষ্টিজীবন দানা বেঁধে উঠেছে। ছোট বড় নানাবিধ গোষ্ঠীর মধ্য দিয়ে। ছোট বড় নানা আকারের সমকেন্দ্রিক বৃত্তের অন্তর্ভুক্ত হয়েও ব্যক্তির একটা স্বতন্ত্র সূত্র আছে। তাই আজ মার্ক্সীয়দের, মধ্যে যারা যুক্তিশীল তারা ব্যক্তিকে নিয়েও সাহিত্য হতে পারে একথা স্বীকার করেছেন। বিখ্যাত মার্ক্সবাদী জন্ ট্রাচীও (Strachey) বলেছেন, "Literature, for the most part, attempts to illuminate some particular predicament of a particular man or a particular woman at a given time and place." এই স্বীকৃতির জন্য গোঁড়া মার্ক্সীয়রা খুশী হননি। এমনকি গ্রেনভিল্ থিক্স্ এর জন্য ট্রাচীকেও এক হাত নিতে ছাড়েননি। কিন্তু আমেরিকার আর একজন মার্ক্সীয় সাহিত্যিকও ব্যক্তির মূল্যকে স্বীকার করে ট্রাচীকে সমর্থন করেছেন। তার নাম ফ্যারেল (J. T. Farrell). তিনি বলেছেন, সামাজিক শক্তিগুলো এমন ভাবে দানা বেঁধে উঠে কাজ করেনা যাতে এক একটা বিপুল আকারের পিণ্ড বিরুদ্ধ দিক থেকে এসে পরস্পরকে ধাক্কা দিচ্ছে। মানুষকে কেবল পিণ্ডের অংশ হিসেবে দেখলে আবার পুরোশো যান্ত্রিকতারই সমর্থন করা হয় — "the treatment of them as such is a fall back to the materialism that preceeded Marx.....We cannot treat social forces as mechanical and the basis of this is the common intellectual conception of cause and effect as rigidly opposite poles." (৬) ফ্যারেলের মতে সাহিত্য শ্রেণীকে নিয়েও হতে পারে, ব্যক্তিকে



নিয়োগ হতে পারে। আর ব্যক্তিকেন্দ্রিক সাহিত্যের মূল্য যে কম একথাও স্বীকার্য নয়। উপন্যাসের শ্রেণীভাগ করে হিক্স যে “সমষ্টি-কেন্দ্রিক” উপন্যাসের নামকরণ করেছেন তাও ফ্যারেলের মতে অবৈজ্ঞানিক। (৭)

জীববিজ্ঞা ও সমাজবিজ্ঞা দুইই স্বীকার করে থাকে যে মানুষের সঙ্গে মানুষের সাদৃশ্য যেমন আছে তেমনি প্রভেদ-ও আছে। কোনো কোনো বিষয়ে অপরের সঙ্গে সাদৃশ্য থাকে আবার অত্যাধিক থেকে থাকে অসাদৃশ্য। জীবিকা-স্বার্থের সাদৃশ্য যাদের মধ্যে রয়েছে তাঁরা হলো মাস্ট্রীয় “শ্রেণী”। তেমনি অত্যাধিক সাদৃশ্যের ভিত্তিতে অত্যাধিকমের গোষ্ঠী গড়ে ওঠে। মানুষের সঙ্গে মানুষের কেবল এক ধরনের সাদৃশ্যটিকেই চোখের ওপরে রেখেই সাহিত্য সৃষ্ট হবে, কেবল অর্থনৈতিক শ্রেণীর স্বার্থ নিয়েই সাহিত্য গড়ে উঠবে, এ দাবি ও কল্পনা ভিত্তিহীন। আরেকটা কথা আছে। ব্যক্তির সঙ্গে ব্যক্তির একটা প্রভেদও আছে; সকল সাদৃশ্যের পিছনেই জেগে রয়েছে এই প্রভেদ বা অসাদৃশ্য। এইদিক থেকে দেখলে প্রত্যেকটা ব্যক্তিরই আছে একটা বিশিষ্টতা বা uniqueness. এইখানে প্রত্যেকটা ব্যক্তি স্বতন্ত্র মতিমায় ভাস্বর! দৈহিক ও মানসিক প্রকৃতি ও রীতিতে, উভয়ই, এই ব্যক্তি-বৈশিষ্ট্য সুষ্পষ্ট। আকৃতিতে যেমন প্রতিটা ব্যক্তি প্রতি ব্যক্তি থেকে বিভিন্ন, প্রকৃতিতেও তাই প্রতি মানুষের একটা পৃথক স্বকীয়তা আছে। (৮) এই কারণে মোটা-মোটা ভাবে শ্রেণী হিসেবে কোন মানুষ-সত্ত্বির ব্যবহার সদৃশ ও সমপ্রকৃতিক হওয়ার সম্ভাবনা সন্দেহে কোন ব্যক্তির ব্যবহার সম্বন্ধে সঠিক ভবিষ্যৎ-বাচন চলে না। ব্যক্তির প্রায়শই বিশিষ্ট-প্রকৃতি ও স্বতন্ত্রধর্মী হওয়ার সম্ভাবনা থাকে। এখানে statistical average'এর পদ্ধতি খানিক দূর কার্যকরী হলেও, বেশী দূর নয়। যেখানে মানুষ স্বতন্ত্রধর্মী সেখানে তার ব্যবহার শ্রেণী-ব্যবহার না হয়ে হবে সম্পূর্ণ ব্যক্তিক ব্যবহার যা স্বকীয় বৈশিষ্ট্যে স্বয়ংসিদ্ধ। এই ব্যক্তি-

(7) “Therefore, because a novel happens to deal with the particular predicament of a particular man or woman—it does not necessarily follow that it is tainted with individualism, nor, because it is tainted with individualism, does it necessarily follow that it belongs in a lower category than the collective novel;.....Actually there is nothing astounding in the fact that novelists are likely to go on writing about the individuals, because, after all, the world is made up of individual human beings.”—(ibid, pp. 111-112).

(8) “Besides being members of classes and groups, they are intractable individual entities, each uniquely different and in some respects, from every other human being on this planet.....In other words, in every individual there is an aspect of uniqueness and intractability and this makes him not completely predictable in every potential situation.” (ibid, pp 117).

ধর্মকে নিয়ে যে সাহিত্য-রচনা হয়, তার শ্রেণীস্বার্থ-সম্পর্কিত মূল্য কম হলেও সাহিত্যিক মূল্য কম নয়। তেমনি বিভিন্ন শ্রেণীর মধ্যেও ব্যক্তি হিসেবে বা মানুষ হিসেবে সাদৃশ্য আছে; শ্রেণী-স্বার্থের পার্থক্যকে বাদ দিয়ে যদি মানবীয় সাদৃশ্যকে মাত্র ভিত্তি করে সাহিত্য তাকেই রূপ দেয়, তবে সে সাহিত্যকে কুসাহিত্য বলবার কোনই যুক্তি নেই। কিশাণ আর জমিদারের, মজুর আর ধনিকের মধ্যে মানুষ হিসেবে কতকগুলি সমধর্ম আছে। বৃহত্তর গণের (genus) মধ্যে ক্ষুদ্র জাতি (species) অন্তর্ভুক্ত হয়ে আছে; জাতি হিসেবে পরস্পরের বিরোধ বা প্রভেদ থাকলেও সবগুলি ব্যক্তিই গণ হিসেবে বৃহত্তর মানবসমাজের অংশ। দাম্পত্য-প্রীতি, বাৎসল্য-প্রেম, আত্মরক্ষাপ্রবৃত্তি ইত্যাদি বহু বিষয়ে মানুষ বিরোধী শ্রেণীভুক্ত হয়েও সমন্বয় হতে পারে। এই বিশ্বমানবিক মানবধর্মও সাহিত্যের অনবচ্ছিন্ন বিষয়বস্তু হতে পারে। শ্রেণী-সংগ্রাম এই মানবধর্মকে সম্পূর্ণ বদলে দিতে পারে না। (৯)

যারা শ্রেণী-সাহিত্য নিয়ে মেতে উঠেছেন তারাও এক ধরনের রোমান্টিক ভাবপ্রবণতার মোহে আটকা পড়েছেন। তবে তাদের এই মন্বতা আজ কিশাণমজুরকে কেন্দ্র করে উচ্ছ্বসিত হচ্ছে, এই যা তফাৎ। কোনো সাহিত্যে রাজরাজড়াদের নিয়ে উচ্ছ্বাস দেখা যায়; কিংবা ধনীদের বিলাস-ঐশ্ব্যের সমস্ত বর্ণনায় সাহিত্য প্রায়শঃই মুখরিত হয় এ-ও দেখা যায়। কিন্তু মার্ক্সীয় সাহিত্যিকদের আধুনিক রচনায় দরিদ্রের, এমন কি দারিদ্র্যের সপ্রশংস স্তুতিবাচনে আজ রোমান্টিক ভাবালুতারই অন্য রূপ দেখা দিয়েছে। এ সেই সংকীর্ণ বাতিক যা সব জটীলতাকে সরল ফণ্ডুলায় বেঁধে সহজ সাহিত্য সৃজন করতে চাইছে; সাহিত্য হলো মানব-মননার দিগন্ত-প্রসারী অরণ্য; এখানে আলোতে-ছায়াতে, গাঃপাঃ-পল্লবে, কাটপতঙ্গজন্তুনোয়ারে, কণ্টকে-ফুলে-ফলে, মেঘবষণে আর তুফানে-বিছাতে অজস্র জটীলতা। একে সংক্ষিপ্ত নিষাসে পরিণত করতে চান এরা, দারিদ্র্যের বর্মজলে আর বক্ষিতের দীর্ঘশ্বাসে। কিন্তু এ যুগ-সাহিত্য হবে না, এ হবে সহজিয়া ভাব-সাহিত্য ('literature of simplicity'); এই নব রোমান্স রচনা করবে কেবল, "songs of 'stent and sweat'", "it tends to idealise the worker and the worker-writer". শ্রেণী-সাহিত্যের তিন রূপ হতে পারে, (১) কিশাণমজুর লেখকের রচনা (২) কিশাণমজুর সম্পর্কে রচনা (৩) কিশাণমজুরের স্বার্থের দৃষ্টিভূমি থেকে রচনা, অর্থাৎ কিশাণমজুরের স্বার্থকে সমর্থন করে রচনা। লেখক কিশাণমজুর হলেও তার রচিত সাহিত্য কিশাণ মজুরের স্বার্থকে সমর্থন না-ও করতে পারে। কেবল কিশাণমজুর সম্পর্কে রচনা হলেই

- (9) "The class struggle however does not in any sense produce so complete a differentiation of human beings that there are no similarities between men who objectively belong to different social classes." (ibid 125 pp.)



নয়, তাদের শ্রেণী-স্বার্থকে সমর্থন করে রচনা হওয়া চাই। তাই তৃতীয় পর্যায়েই সত্যিকার শ্রেণী-সাহিত্য। এই শ্রেণীসাহিত্য এক শ্রেণীর সাহিত্য হতে পারে কিন্তু একমাত্র সাহিত্য নয়। কারণ 'শ্রেণী' নামক সংজ্ঞা বা category-টী সাহিত্যবিচারে একমাত্র মাপদণ্ড নয়, একথা পূর্বেই বিবৃত হয়েছে। গোঁড়া শ্রেণীবাদীরা অপর সাহিত্যকে স্বীকার করেন না। বৃজ্জায়া শ্রেণীর সাহিত্যিকরা যা লিখে থাকেন তা যতই বাস্তব ও সত্য হোকনা কেন, তার মূলপ্রেরণা, এদের মতে, স্বার্থসিদ্ধি বই কিছু নয়। জয়েসের লেখায় যে বাস্তব ও অবিকল বর্ণনা আছে তার কারণ হ'লো, মিরস্কির (Mirsky) মতে, জয়েসের অতিরিক্ত ও অগ্নায় বস্তু-প্রীতি বা সম্পত্তি-প্রীতি। জয়েসের বাস্তবতার কারণ নাকি জয়েসের লুক্কায়িত কাপিটালিষ্ট মনোরক্তি। এরই নাম মাস্ত্রীয় সাহিত্যসমালোচনা! আন্দ্রে জিদ্ (Andre gide) একজন নামকরা মাস্ত্রীষ্ট। ১৯৩৫ সালে তিনিও লিখেছিলেন, সকল শ্রেণীকে অতিক্রম করে সকল শ্রেণী-স্বার্থের উর্দ্ধে স্থান আছে সত্যিকারের সাহিত্যের। (১০) তেনরী হাজলিট্ (Henry Hazlitt) আমেরিকার নামজাদা সমালোচক। তিনিও সাহিত্যে এই শ্রেণীমত্ততার বিরুদ্ধে তীব্র প্রতিবাদ করেছেন। এমন কি টুটস্কী পর্যন্ত বলেছেন, "Personal lyrics of the smallest scope have an absolute right to exist within the new art." ব্যক্তির অন্তর্ভুক্তি নিয়ে অন্তঃপন্ন সাহিত্য হয়েছে, এবং চিরদিনই হবে। শ্রেণী সত্য, শ্রেণী-প্রভাবও সত্য কিন্তু শ্রেণীকে অতিক্রম করে মানুষ উদ্ধলোকে উঠতে পারে, যে লোকে মানুষ কেবল শ্রেণী নয়, দেশ, কাল, জাতি, লিঙ্গ ও বংশ ইত্যাদি সকল গণ্ডীর বন্ধন ও সংস্কারের অতীতে স্থিতিলাভ করতে পারে। একথা হাজলিট্-ও স্পষ্টভাবে বলেছেন। (১১) মার্সেল গ্রন্থের লেখা ফরাসী পরিবেশের দ্বারা অনুরঞ্জিত হয়েছে এবং ইংলণ্ডে বাস করলে তার লেখার মধ্যে কিছু উত্তরবিশেষ হতোই। কিন্তু তাই বলে গ্রন্থ-এর ফরাসীদের দরুণ কি আমেরিকার পাঠকদের কাছে গ্রন্থ-এর সাহিত্যিক মূল্য কমেছে কিছু? ড্রেজার (Dreiser) পুরুষ বলে মহিলাদের কাছে তার লেখা কিছু কম প্রিয় নয়। তেমনি জর্জ ইলিয়াট বা দেন্লেদার লেখা পুরুষেরা পড়বে না এমন হতে পারে না। অর্থাৎ শ্রেণী, লিঙ্গ, দেশকালের উর্দ্ধে একটা ক্ষেত্র আছে যেখানে সাহিত্যিক রসের অব্যাহত থাকবার কোনই বাধা হয় না।

- (10) "In every enduring work of art.....one that is capable of appealing to the appetite of successive generations, there is to be found a good deal more than mere response to the momentary needs of a class or a period."—Andre Gide.
- (11) "The great writer with great imaginative gifts may universalise himself. If not in a literal sense, then certainly in a functional sense, he can transcend the barriers of nationality, age and sex. But certainly he can, in the same functional sense and to the same degree, transcend the barrier of classes" (H. Hazlitt in an the article in 1932).

শ্রেণীর প্রভাব বা পারিপার্শ্বিকের প্রভাবকে কোন যুক্তিশীল সমালোচকই বাদ দিতে পারেন না। কিন্তু তাই বলে শ্রেণীকেই সাহিত্যবিচারের একামেবাদিতীয়ম্ মানদণ্ড করে দাঁড় করানোর কোন যুক্তিসঙ্গত কারণই নেই। ইতিপূর্বে অর্থাৎ মার্ক্সীয় সাহিত্য সৃষ্টি হবার আগেও সমালোচকেরা পারিপার্শ্বিকের ও এমন কি, শ্রেণীর প্রভাব সম্বন্ধে আলোচনা করেছেন। দৃষ্টান্ত স্বরূপ, কুরথোপ্ (Courthope) তার বিখ্যাত এক প্রবন্ধে (“Poetry and the people”) শ্রেণী-প্রভাবের গুরুত্ব সম্বন্ধে লিখেছিলেন। (১১) এমন কি, বর্জোয়া উদারনীতির বর্তমান বিশৃঙ্খলা যে সমষ্টিবাদ ও ব্যক্তিবাদের সংঘর্ষ থেকে জন্মেছে এবং তাই তদানীন্তন কাব্য যে এই বিশৃঙ্খলার ছাপ বহন করেছে, তাও তিনি ব্যাখ্যা করেছেন। কিন্তু পারিপার্শ্বিকের গুরুত্ব উপলব্ধি করা এক কথা, আর তার অঙ্ক মাতাশ্রা কীর্তন করা হলো গম্ভীর ব্যাপার। মার্ক্সীয় সমালোচনার আতিশয্য দোষ এবং একদেবদর্শিতা তাই বৈজ্ঞানিক যুক্তিতে গ্রাহ্য হওয়া সম্ভব নয়। এমনকী ট্রটস্কীও এ সম্বন্ধে মার্ক্সীয় গৌড়ামীর তীব্র সমালোচনা করেছেন। শ্রেণীসংস্কৃতি বলে কোন বস্তু নেই, কাজেই প্রলেটারীয় সংস্কৃতি বা সাহিত্য বলেও আলাদা কিছু থাকবার কল্পনা করবার কোনই অর্থ নেই। যে শক্তি ও আনন্দের উপাদানকে মানুষ যুগে যুগে সঞ্চয় করেছে, সেই সব উপাদানকে কোন বিশেষ শ্রেণীর সংস্কৃতি বলে ছাপ মেরে দেবার কোনই কারণ নেই। ইলেক্ট্রিসিটি, স্টীমএঞ্জিন, এরোপ্লেন, মোটর, চিকিৎসা-বিজ্ঞান, রেডিও, ইঞ্জিনিয়ারিং ইত্যাদি হলো আধুনিক সভ্যতার উপাদান, এর মূলে বহু লোকের অবদান রয়েছে। সর্বমানবের কল্যাণে এদের ব্যবহারে ও প্রয়োগে কোন আপত্তিই থাকতে পারে না। তবে বর্তমান যুগে বর্জোয়া শ্রেণীর সামাজিক প্রাধান্য বাগিছা ও রাষ্ট্রে রয়েছে; তাই এসব মানব-ব্যবহার্য উপাদান কতিপয় ধনিকের দখলে ও ভোগে আটক আছে। সর্বস্বত্বের এতে কোন অধিকার নেই। কিশাণ-মজুরের রাজ্য হলে, এই যুগান্তের ক্রমসঞ্চিত ঐশ্বর্য কিশাণ-মজুরের ভোগেও আসবে। যা ছিলো সংখ্যালঘুর আয়ত্তে, তা হবে অগণিতের উপভোগ্য। যে সংস্কৃতি বা সভ্যতা আজ এক শ্রেণীর একচেটিয়া, সেই সংস্কৃতি ছড়িয়ে পড়বে সকল স্তরের মধ্যে। শুধু এই হবে পার্থক্য। কাজেই “বর্জোয়া” বা “প্রলেটারীয়” বলে মার্ক্সমারা কোন সংস্কৃতি নেই; এ হলো শব্দের ছুঁ প্রয়োগ মাত্র। আসল কথা আজিকার বর্জোয়ার অধিকৃত ও উপভোগ্য সংস্কৃতিকে আমরা চাই প্রলেটারীয়েট’এর দখলে এনে দিতে। অনাগত বিপ্লব হবে এই হস্তান্তরের বাহক। কাজেই বিপ্লবোত্তর সংস্কৃতিকে “সমাজতান্ত্রিক”

- (12) “All through the history of England we see a tendency in the life of the nation to concentrate itself in some particular class which becomes for the time being the sovereign power, rallies round itself all the faculties of the people.....” (Courthope).



বা “প্রলেটারীয়” সংস্কৃতি নাম দেওয়া একান্ত নিরর্থক। অর্থনৈতিক বা বাণিজ্যিক পরিভাষাকে সাহিত্যিক ক্ষেত্রে অপপ্রয়োগ করলে অর্থবিভ্রাট ঘটবেই। সংস্কৃতি ও সাহিত্যকে যারা রাজ-নৈতিক লেবেল দিয়ে খণ্ডিত করে দেখেন তারা সংস্কৃতির অপব্যাখ্য করেন। ফ্যারেলের ভাষায়, “When one freezes the categories of bourgeois and proletarian and insists that they be standards of measurements in literature, one shuts out the enduring element that Gide speaks of.” এঙ্গেল্‌স্‌ (Engels) মাস্ত্রীয় ডায়ালেকটিক জড়বাদকে যান্ত্রিক জড়বাদে পরিণত করেছেন, “বুর্জোয়া,” “প্রলেটারীয়” ইত্যাদি পরিভাষাকেও কার্টকটিন, অনড় সংজ্ঞায় দাঁড় করিয়ে দিয়েছেন। এর ফলে মাস্ত্রবাদীরাও “বুর্জোয়া” ইত্যাদি লেবেল ব্যতীত সংস্কৃতি, সাহিত্য বা সমাজ-জীবনকে ভাবতেও পারেন না। এই গোঁড়ামীর পথ এঙ্গেল্‌স্‌-ই দেখিয়েছেন। তিনিই প্রথম “প্রলেটারীয় সংস্কৃতি”র কথা রাজনীতি ক্ষেত্রে আমদানী করেছেন। কিন্তু এই ধরনের ভাগাভাগি সংস্কৃতির ক্ষেত্রে চলে না। বিশেষতঃ যে মনোভাব বুর্জোয়া সংস্কৃতি বিলীয়মান বলে নাসিকা কুঞ্চিত করে, তা কেবল বিশুদ্ধ অজ্ঞতা বই অহা কিছু নয়। প্রেলেটারীয় সংস্কৃতি বলে যে নতুন সংস্কৃতির কাহিনী মাস্ত্রবাদীরা প্রচার করে থাকেন, তা সোণার পাথর বাটীরই মতন কল্পনার অলীক সৃজন। ট্রটস্কীর মত গোঁড়া মাস্ত্রবাদীও একথা স্বীকার করেছেন। ডিস্টেক্টরী যুগের অন্তে নতুন সমাজ সংগঠন হবে শ্রেণী-হীনতার ভিত্তিতে। সে যুগের সংস্কৃতি হবে সর্বমানবের সংস্কৃতি, “প্রলেটারীয়” নামক শ্রেণীটিহে লাক্ষিত সংস্কৃতি নয়। (১৩) এমন কি মাস্ত্র স্বয়ং-ও সাহিত্য সম্বন্ধে শ্রেণীবাদের গোঁড়া সমর্থক ছিলেন বলে মনে হয় না। তথাকথিত “বুর্জোয়া”-মার্কা বলে মাস্ত্র এ যুগের ও পূর্ববর্তী যুগের সাহিত্যকে অগ্রাহ্য করেন নি; বরং সাহিত্যকে রাজনৈতিক মতসংঘর্ষের উর্দ্ধে রেখে তিনি অবিমিশ্র সাহিত্যরম্যস্বাদের পথ দেখিয়ে গেছেন। এস্কাইলাস্‌ (Æschylus), হোমার থেকে দাস্তে, সেক্সপিয়ার, সারভেন্টে (Cerventes) গ্যয়েটে (Goethe), হায়নে (Heine), ইত্যাদির বইগুলো-তার দৈনন্দিন শাস্তি এবং সারাজীবনের সান্তনার উৎস ছিল। পল লাকার্গ বলেছেন, মূল গ্রীক ভাষায় এস্কাইলাসের বই মাস্ত্র অমৃতঃ

- (13) “There is no workers’ culture and that there will never be any and in fact there is no reason to regret this. The worker acquires power for the purpose of doing away for ever with class culture and to make way for human culture; We frequently seem to forget this. The main task of the proletariat intelligentsia in the immediate future is not the abstract formation of a new culture,.....but definite culture-bearing, ie, a systematic, planful and of course, critical imparting to the backward masses of the essential elements of the culture which already exists.” (Trotsky—Literature & Revolution.)

বছরে একবার আগাগোড়া পড়তেন। “বুর্জোয়া” কবিতা-সাহিত্যেই ছিলো তাঁর অফুরন্ত আনন্দ। (১৪) রোমান্সের নামে আমাদের আধুনিক মার্ক্সবাদীরা আত্মকে ওঠেন; কিন্তু সারভেনটের ও বালজাকের (Balzac) রোমান্সগুলিকে মার্ক্স সর্বশ্রেষ্ঠ রোমান্স বলে উচ্ছ্বসিত হয়ে উঠতেন; বালজাকের “La comedie Humaine” এর প্রতি তার প্রশংসা ছিলো অপরিণীম। (১৫) তাছাড়া স্কট (Scott) ফিল্ডিং (Fielding) ডুমা (Dumas) ইত্যাদিও তাঁর প্রিয় ছিলো; “Old mortality” এবং দিদেরোর (Diderot) “Le Neveu de Rameau” কে মার্ক্স প্রতিভাদীপ্ত অসাধারণ সৃষ্টি, masterpiece, বলে মনে করতেন। রাজনৈতিক, অর্থনৈতিক মতামতে এরা সবাই মার্ক্সের কাছে ঘৃণ্য reactionary মাত্র, কিন্তু সাহিত্যলোকে এরা তার কাছে নমস্ত্র প্রতিভা। এতেই প্রমাণ হয় যে সাহিত্যবিচারে রাজনৈতিক সিদ্ধান্ত বা judgmentই চূড়ান্ত নয়, মূল্যবিচারে সাহিত্যের আছে নিজস্ব কতকগুলি মানদণ্ড ও আদর্শ। ফ্রানজ্ মেহরিং (Franz Mehring) বলেছেন, “In his literary judgments he was completely free of all political and social prejudices, as his appreciation of Shakespeare and Walter Scott shows.....”। লেনিন-পত্নী ক্রুপস্কায়ার স্মৃতি-গ্রন্থ থেকে জানা যায়, অবসর কালে লেনিনও এই বুর্জোয়া, প্রতিক্রিয়াশীল ও decadent সাহিত্য থেকেই চিরজীবন আনন্দের খোরাক সংগ্রহ করে গেছেন। কিন্তু অজকার মার্ক্সবাদীরা মার্ক্সের থেকেও বেশী মার্ক্সিস্ট এবং লেনিন থেকেও থেকেও বেশী লেনিনিষ্ট। কাজেই ‘বুর্জোয়া’ বলতেই তাদের উদগত বিতৃষ্ণা দমন করা দুঃসাধ্য হয়ে ওঠে। প্রাণহীন আড়ষ্ট শ্রেণীবাদে এদের বিচার-শক্তি ও উপভোগ-প্ররতি উভয়কেই পঙ্গু করে ফেলেছে। ক্রুপস্কায়ার বইয়ে এর শিক্ষাপ্রদ ও আমোদজনক দৃষ্টান্ত রয়েছে। একদল কম্যুনিষ্ট “তরুণ”কে লেনিন জিজ্ঞেস করেছিলেন, “তোমরা পুশ্কিন (Pushkin) পড়ো?” জবাবে তরুণ মার্ক্সিষ্টরা বললেন, “না, না, পুশ্কিন্ যে বুর্জোয়া! আমাদের হলো মায়াকভস্কী।” লেনিন মুচকি হেসে বললেন, “আমি কিন্তু পুশ্কিনকেই বেশী ভালবাসি!” বেচারি লেনিন! গণ্ডুষ জলে করফরায়মান খুঁদে মাছরা চিরকাল এবং সকল দেশেই এই রকমের হয়ে থাকেন। তারা একটু অধিক আতিশয্য ব্যাধিতে ভোগেন। কিন্তু তাই বলে বৈজ্ঞানিক বিচারে আতিশয্য বা উচ্ছ্বাসের স্থান নেই।

সমাজে আজ ধনীদরিদ্রের শ্রেণীসংগ্রাম প্রখর হয়ে উঠেছে, ভবিষ্যৎ সমাজে কিষণ

(14) “.....he would read Eschylus again in the original text, regarding this author and Shakespeare as the two greatest dramatic geniuses world had ever known, for Shakespeare he had an unbounded admiration.” (Lafargue).

(15) “The greatest masters of romance were for him Cervantes and Balzac....His admiration for Balzac was so profound that.....”(Riazanov).

মজুরের স্বার্থকে জয়যুক্ত করে নতুন অর্থ-ব্যবস্থা কায়েম করতে হবে। কিন্তু তাই বলে মানুষের সংস্কৃতি ও সমস্ত সভ্যতাকে শ্রেণীবাদের লোহার চাঁচে ফেলে মাপতে বা গড়তে হবে, এই Nouveau-মার্ক্সীয় সমালোচনা-রীতির কোন বৈজ্ঞানিক ভিত্তি নেই। একই যাদুদণ্ড দিয়ে জ্ঞানবিজ্ঞানের সকল ক্ষেত্রেই সবকিছুর সম্পূর্ণ সমাধান করা চলেনা। একটা সীমা পর্যন্ত এ নীতি কিছুটা কার্যকর হতেও পারে কিন্তু তার পরে এ অদ্বৈতী পদ্ধতি অচল। সমাজ ক্ষেত্রের যে পদ্ধতি বা standard তাকে সাহিত্য ক্ষেত্রে ছবজ প্রয়োগ করার স্বপক্ষে কোনই লজিক নেই। সাহিত্য-সমালোচনার ক্ষেত্রেও আজ মার্ক্সবাদীরা ডায়ালেকটিক ও শ্রেণীসংগ্রামের অস্ত্র হাতে অবতীর্ণ হয়েছেন এবং “বুর্জোয়া” সাহিত্যের মৃত্যু-দণ্ডের ভুকুম দিয়েছেন। কিন্তু টুটস্কীর লেখনীতেই বেরিয়ে পড়েছে মার্ক্সীয় স্বীকৃতির সত্যভাষণ, “It is very true, one cannot always go by the principles of marxism in deciding whether to reject or accept a work of art.” ১৯১৭ সালের পরের জগতে যে সব নতুন ঘটনাবিবর্তন হয়েছে তার ঐতিহাসিক ইঙ্গিত হলো এই যে বাস্তব পরিস্থিতির চাপে মার্ক্সবাদীদের সাহিত্যিক গোঁড়ামীর একদিন সংশোধন হবে।



বিচারশীল চিন্তা

ডাঃ মেঘনাদ সাহা

“স্বাধীন চিন্তা ভাল কিন্তু নির্ভুল চিন্তা আরো ভাল”। কথাগুলো লেখা আছে উপশালার বিশ্ববিদ্যালয়ের তোরণদেশে। শোনা যায় এটানাকি দার্শনিক ও মণ্ডিক Schwendenborg এর উক্তি। কথাগুলো শুনে ভাল, কিন্তু একে কার্যক্ষেত্রে প্রয়োগ করা মুশ্কিল। কারণ মানুষ যখন উদ্বেজিত হয় তখন উদ্বেজনার বিষয়বস্তু সম্পর্কে নির্ভুল চিন্তার নীতি প্রয়োগ করতে প্রায়ই পারে না। এদিক দিয়ে প্রাচীন ও আধুনিক সকলেই সমপর্যায় ভুক্ত।

মাত্র বছর তিরিশ আগেও উদ্ধৃত আধুনিকেরা অযৌক্তিক চিন্তা ও কাজের জন্য প্রাচীনদের অবজ্ঞার চক্ষে দেখতো। প্রাচীনেরা নিজেদের দেবতাদের বিশেষ অনুগ্রহভাজন বলে মনে করতো, অথচ কারু ও চারুশিল্পে, এবং সাহিত্যে তাদেরই মত উন্নত অপর জাতিদের বর্বর আখ্যা দেবার মত মূর্থ্যামি করতো। আধুনিকদের নিকট এ অত্যন্ত যুক্তিহীন ও অগাধ মনে হয়।

গত তিরিশ বছরের ঘটনাবলী প্রমাণ করেছে যে এবিষয়ে প্রাচীন ও আধুনিকে কোনো প্রভেদই নেই। গত মহাযুদ্ধে দুই পক্ষই মনে কোরতো তারাষ্ট একমাত্র ঈশ্বর ও সত্যের অধিকারী এবং দুই পক্ষই ভগবানের নিকট প্রার্থনা করতো ঈশ্বর ও সত্যকে সাহায্য করবার জন্য। দু’পক্ষের রাজনীতিক ও ধর্মযাজকেরাষ্ট শুধু নয় এমন কি বৈজ্ঞানিকেরাও নিজ নিজ বিশেষ মার্কী ঈশ্বর-পরায়ণতার স্বপক্ষে এমন সব অদ্ভুত যুক্তির অবতারণা করতো যে, দুই পক্ষের বিশিষ্ট আইনজীবীর মধ্যে পড়ে হাইকোর্টের জজদের যে অবস্থা হয়—ভগবানেরও সেরূপ মানুষবিধাজনক অবস্থায় নিশ্চয় পড়তে হোয়েছিল। যুদ্ধের পর ফরাসী দেশের প্রধান মন্ত্রী ক্রেমেনশ যখন পিরামিড দেখতে গিয়ে নিজেদের মৃতদেহের উপর কৃত্রিম স্মৃতি-স্তম্ভ নির্মাণ করবার মূর্থ্যমির জন্য মিশরীয় ফেরাদাদের সম্পর্কে উদ্ধত মন্তব্য করেন তখন মিশরীয় খবরের কাগজগুলো তাঁকে স্মরণ করিয়ে দেয় যে, ত্রয়ত দু’শ বছর পরে ভার্সাইর সন্ধিপত্র, যার জন্ম দাতাদের মধ্যে ক্রেমেনশ একজন—পিরামিডের অপেক্ষা নিকৃষ্টতর নির্বুদ্ধিতার স্মৃতিস্তম্ভ বলে বিবেচিত হবে।

জাতীয়তাবাদ, সাম্রাজ্যবাদ, সমাজতন্ত্রবাদ, মার্কসবাদ, ক্যাসিবাদ ও নাজিবাদ প্রভৃতি বিচিত্র মতবাদ অতীতের, দেবতাদের স্থান অধিকার করেছে; এবং এই সব বিভিন্ন প্রতিদ্বন্দী মতবাদ নিয়ে অতীতের বর্বর জাতিদের যুদ্ধের মতই ত্রিশ ও নিষ্ঠুর যুদ্ধ চলেছে। এই বিভ্রান্তকারী ‘ইজম’ এর বন্ধ্যার মধ্যে কোনটি নির্ভুল কে বলবে। সংঘর্ষগুলিকে সম্পূর্ণ ভুল ও সম্পূর্ণ নির্ভুলের সংঘর্ষ বলা কঠিন—বরং সত্য সম্পর্কে দুই বিভিন্ন ধারণার মধ্যে সংঘর্ষ বলাই ঠিক, হেগেলের একথার নৈরাশ্য থেকে জন্ম। রাজনীতি, সমাজতন্ত্র ও অর্থনীতিতে বিচারশীল চিন্তার সংজ্ঞা দেওয়া যেমন প্রায় অসম্ভব কাজ, জ্ঞানের ক্ষেত্রে বিশেষতঃ যেসব বিষয় মানুষের উদ্বেজনার সৃষ্টি হয় না সে সব ক্ষেত্রে সেরূপ নয়। কিন্তু মধ্যযুগের অবস্থা সেরূপ ছিল না। তখন ধর্ম ও সংস্কারের শিক্ষাতে মানুষের মন এমন অভিভূত ছিল যে—জ্ঞানের ক্ষেত্রেও নির্ভুল চিন্তা করবার অভ্যাস মানুষ



হারিয়ে বসে ছিল, ফলে পূর্বপুরুষদের চেষ্টা দ্বারা অর্জিত জ্ঞানকে নিভূল মনে করা ছিল রীতি—প্রাকৃতিক জগত সম্বন্ধে তাদের জ্ঞান অতি অকিঞ্চিৎকর হওয়া সত্ত্বেও তার বিরুদ্ধে কেউ কিছু মতামত প্রকাশ করলে, তাকে এ জগতে সমাজের অত্যাচার ও পরজগতে নরকাগ্নির ভয় সহ্য কোরতে হতো।

১৫ শতকে পশ্চিম ইউরোপের চিন্তাশীল ব্যক্তিরূপে এই বিচারহীন চিন্তার বিরুদ্ধে বিদ্রোহ ঘোষণা করেন এবং ব্যক্তিগত অভিজ্ঞতা ও পরীক্ষার উপর নির্ভর করবার মনোভাব প্রচলিত হয়। সাধারণতঃ গ্রীক প্রভাবের পুনরাবৃত্তি থেকেই “বিচারশীল চিন্তার” জন্ম-কাল গণনা করা হয়। কিন্তু এছাড়াও অগাধ্য যুক্তি-প্রবণতার যুগ আছে। কিন্তু নানা কারণে রেনৈশাসমকেই প্রধান স্থান দেওয়া হয়। এই রেনৈশাসের প্রভাব ইউরোপে ৪০০ বৎসর কাজ করেছে। এতে বুদ্ধি ও কৌশলের ক্ষেত্রে অভূতপূর্ব উন্নতি সাধিত হয়েছে যার ফলে সমস্ত জীবনযাত্রার প্রণালীতে বিপ্লব সংঘটিত হয়েছে। প্রথম প্রথম রাজনীতি, সমাজতত্ত্ব ও ধর্মের ক্ষেত্রে রেনৈশাসের প্রভাব ছিল কম। কিন্তু ক্রমে এসব ক্ষেত্রেও প্রচলিত পদ্ধতির বিরুদ্ধে রেনৈশাসের প্রভাবই জয়লাভ করে। রেনৈশাসের প্রভাব কত বেশী হোয়েছিল একটি উদাহরণ তা থেকে বোঝা যাবে—ফরাসী বিপ্লবের কালে—ফরাসী জাতি তাদের পুরোণো ধর্মকে বর্জন কোরে তার পরিবর্তে বিচারের অধিষ্ঠাত্রী দেবীর মূর্তি নির্মাণ করে। তারা বোঝেনি যে এ কাজটাই একটা যুক্তিবিরোধী কাজ।

- কিন্তু রাজনীতি, সমাজতত্ত্ব, ধর্ম এসব ক্ষেত্রে বিচারশীল চিন্তার প্রসার কমই হোয়েছে, তার ফলে বর্তমান কালে সর্বাপেক্ষা বড় ট্রাজেডী—ইউরোপীয় জাতিগুলি দ্বারা অপেক্ষাকৃত কম ভাগ্যবান
- জাতিগুলির ঔপনিবেশিক শোষণ এবং বিগত ও বর্তমান মহাযুদ্ধ—দেখা দিয়েছে। মানব-সমাজের স্থায়িত্ব ও উন্নতির সহিত সংশ্লিষ্ট বিষয়গুলি সম্পর্কে “বিচার প্রবণ চিন্তা”র প্রয়োগ করা কি একেবারে অসম্ভব? দুর্ভাগ্যবশতঃ ইতিহাসের একদর্শী শিক্ষার জগৎ বর্তমান যুগের মানসিক অবস্থা এই সকল বিষয় প্রশস্ত দৃষ্টি দিয়ে বিচার করবার পক্ষে অতুণযুক্ত। কিন্তু হয়ত কয়েক শত বৎসর পর কোনো দার্শনিক একালের সংঘর্ষগুলিকে প্রাচীন যুগের সংঘর্ষের মতই যুক্তিহীন মনে করবেন। বিশেষ সুবিধাভোগ করবার জগৎ পৃথিবীর সর্বাপেক্ষা উন্নত জাতিগুলি গত মহাযুদ্ধে পরস্পর সংঘর্ষে লিপ্ত হয়। বর্তমান যুদ্ধকে বিভিন্ন দুই মতবাদের যুদ্ধ বলে অভিহিত করা হয়। কিন্তু চরম সাম্রাজ্যবাদী শোষণ থেকে আরম্ভ কোরে, চরম মার্কসবাদ পর্যন্ত বিভিন্ন রাজনৈতিক মতবাদ পরীক্ষা কোরলে দেখা যাবে কোনটিই সম্পূর্ণ খারাপ নয়, কোনটিই সম্পূর্ণ নির্দোষ ও নয়। বস্তুতঃ রাশিয়া যেমন চরম মার্কসবাদ থেকে সুরু কোরে দেখছে যে ধনতান্ত্রিক দেশদ্বারা পরিবেষ্টিত হোয়ে পুরোণো ব্যবস্থার কিছু কিছু তাকে গ্রহণ করতেই হবে। অন্যদিকে সাম্রাজ্যবাদের প্রধান দুর্গগুলিও শিল্প, বাণিজ্য ও ব্যক্তিগত সম্পত্তির সম্পর্কে বিভিন্ন পরিমাণের রাষ্ট্র-নিয়ন্ত্রণ প্রবর্তিত করবার প্রয়োজন বোধ করেছে।

ঐশ্বর্য ও ঐতিহ্যে যা সকল দেশ সম্পূর্ণ বিভিন্ন তাদেরও শাসন-কৌশল একই প্রকারের হোয়ে উঠছে এবং কোনো ব্যবস্থার যে সব উপাদানকে অত্যাশঙ্কায় লক্ষণ বলে বিবেচনা করা হোতো কয়েক দশক পরে সেগুলির ও অভাব লক্ষিত হোচ্ছে। জাতিগত শ্রেষ্ঠত্বের উপর নাজিবাদ ও ফ্যাসীবাদ গড়ে উঠেছে। জগতের বড় বড় সাধারণতাত্ত্বিক দেশগুলি দৃশ্যতঃ এই নীতিকে নিন্দা করে থাকে কিন্তু তাদের বাক্য ও কার্যের মধ্যে আকাশপাতাল প্রভেদ। দৃষ্টান্তস্বরূপ বলা যেতে পারে আমেরিকার সাধারণতত্ত্বের অধীনে ১৫০ লক্ষ “কার্লার্ড” জাতি বাস করে। হাউস অব রিপ্রেজেন্টেটিভে এদের কয়েকটি মাত্র “জেনিটর” রয়েছে। প্রাচীন রোমীয় সাম্রাজ্য অপেক্ষা ব্রিটিশ সাম্রাজ্য অধিকতর উদার বলে দাবী করা হয়—কিন্তু রোমীয় সাম্রাজ্যের অধীনে সকলেই রোমীয় নাগরিক হবার অধিকার লাভ করতো—ব্রিটিশ সাম্রাজ্যে এরূপ আইন এখনো বহুদূরে। কাজেই জগতের তথাকথিত উন্নত জাতিগুলি যখন ডিমোক্রেসীর সুবিধা সম্বন্ধে বাকবিস্তার করেন তখন সেগুলি নিজেদের দেশকে লক্ষ্য করেই করেন। এধরণের কথাবার্তা অপেক্ষাকৃত মন্দভাগ্য জন-সংঘের পক্ষে সম্পূর্ণ বিভ্রান্তকারী। ইতিহাস বার বার এই শিক্ষাই আমাদের দিয়েছে যে যারা জাতিগত শ্রেষ্ঠত্বের দ্রাস্ত ধারণা দ্বারা চালিত হয় কিছু আগে কি পরে এর ফল তারা ভোগ করে।

ছূৰ্ভাগ্য বশতঃ আমাদের এই দেশে জ্ঞানের ক্ষেত্রে পর্যন্ত বিচারশীল মননের অভাব; আর রাজনীতি, সমাজনীতি কিংবা ঐশ্বর্যের ক্ষেত্রে তো কথাই নাই। বর্তমান ভারতবর্ষের নানা বিরুদ্ধ চিন্তাধারার সংঘর্ষে যদি কেউ দূর থেকে নিরপেক্ষ দৃষ্টিতে দেখেন তবে তাঁর পক্ষে এখানকার নানা দল ও সম্প্রদায়কে এভাবে বর্ণনা করা অগ্ৰায় হবে না, যে এই সব দল হলেন অগণিত মাছের ঝাঁকের মতন, জালে আটকা পড়ে প্রত্যেকেই বিপরীত দিকে জালকে টানছেন। অল্প কিছু দিনের জন্য একটা ঐক্যের মনোভাব এখানে দেখা গিয়েছিল, তার কারণ হলো একটা সার্বজনীন অগ্ৰায় ও অবিচারের উপলব্ধি। কিন্তু যে মুহূর্তে এই অগ্ৰায় ও অবিচারের কিছুটা দূর হবার সম্ভাবনা দেখা দিল, অমনি পুরো গো কুসংস্কার ও মানসিক সংকীর্ণতাগুলো আবার ফিরে এসে জাতীয় জীবনের ক্ষতিসাধন করতে শুরু করলো। বলা বাহুল্য এই সব সংস্কারের জন্ম হয় ইতিহাসের ভ্রমাত্মক শিক্ষা থেকে। নিরপেক্ষ ও যথার্থ অনুসন্ধিৎসার মনোবৃত্তি নিয়ে সমস্যাগুলোকে না দেখতে পারলে—এই ছুরবস্থা থেকে রেহাই পাওয়া অসম্ভব।

কেউ হয় তো তর্ক তুলবেন যে রাজনীতি, ধর্ম ও সমাজ সম্পর্কিত বিষয়গুলোকে নির্লিপ্ত, নিরপেক্ষ মনোভাব নিয়ে আলোচনা করা একেবারে অসম্ভব। কিন্তু আমাদের অভিজ্ঞতা অত্যাশঙ্ক্য; কারণ কংগ্রেসের ‘জাতীয় পরিকল্পনা সমিতির’ আলোচনায় যোগ দিয়ে আমরা অত্যাশঙ্ক্য রকমটী দেখেছি। ক্যাপিটালিষ্ট ও কম্যুনিষ্ট, শিল্পপতি ও শিক্ষাব্রতী, সব রকম মতবাদের লোকই

এই কমিটির সভাদের মধ্যে ছিলেন, এমনকি হয়তো যতজন মেম্বর ছিলেন ততটা মতবাদও ছিলো কমিটিতে। বিশেষ বিশেষ বিষয় ও সমস্যার আলোচনার জন্য আলাদা আলাদা ২৯টি সাবকমিটি গঠিত হয়েছিল। এই সব সাবকমিটির সভাদের মধ্যে সব রকমের বিভিন্ন ও বিরোধী মতই ছিলো। আর বিষয়গুলোও সব এমন ছিলো যা নিয়ে তুমুল তর্ক বাঁধবার খুবই সম্ভাবনা ছিল। যথা যন্ত্রশিল্প, কৃষি-মজুর, বাস্ক ও কারেন্সী, শিল্প-নীতি ইত্যাদি। তবু পরিকল্পনা কমিটি ও সাব-কমিটিগুলির সকল মেম্বারেরই এ অভিজ্ঞতা হয়েছে যে, নিরপেক্ষ ভাবে সকল বিষয়ের সবগুলো সমস্যাকে বিচার ও বিশ্লেষণ করা হলে, দেখা গেল সকলের মনেই একই ধরণের সমাধান উপস্থিত হয়েছে : আর খুব তর্ক-বল্লব বিষয়েও প্রভূততম মতের ঐক্য উপস্থিত হওয়া সম্ভব হয়েছিল। কাজেই রাজনৈতিক ও অর্থ-নৈতিক সমস্যা গুলোর সম্বন্ধে বিচারশীল মননার নীতি প্রয়োগ অসম্ভব বলে মনে হয় না। কিন্তু আজকালকার রাজনৈতিক নেতারা নিরপেক্ষ দৃষ্টিতে সমস্যার বিবেচনা করবেন, এমন মানসিক গঠনই তাদের নেই। এ কাজের জন্য গড়ে তুলতে হবে একেবারে নতুন ধরণের মনকে। অবশ্য রাষ্ট্রীয়, আর্থিক ও সামাজিক সমস্যা গুলির বৈজ্ঞানিক সমাধান পাওয়া গেলেও বিনা বিরোধে ও বিনা সংগ্রামে তাদের কাজে প্রয়োগ করা যাবে কিনা সেটা বিবেচনার বিষয়।

পলিবিয়াস্ (Polybius) নামে একজন গ্রীক ঐতিহাসিক কয়েক বছর বন্দী হয়ে রোমে ছিলেন এবং এই সূত্রে বড় বড় রোমানদের সঙ্গে পরিচিত হবার সুযোগ পেয়েছিলেন। তাঁর মনে এই প্রশ্ন জাগলো : রাজনীতিতে গ্রীকরা কেন সফল হতে পারলো না, অথচ তাদেরই কাছে শিক্ষা পেলো যে রোমান জাত এবং যে জাত সামান্য মাত্রও মৌলিকতা দাবী করতে পারে না, তারাই বা কেন জগতে হলো সব রকমে সার্থক ও সফল ? তাঁর মনে হলো, এর এক মাত্র কারণ এই হতে পারে যে রোমানদের শাসনপদ্ধতিতে রাজতান্ত্রিক (monarchical), সম্ভ্রান্তান্ত্রিক (aristocratic) ও গণতান্ত্রিক রীতিনীতির সুন্দর সামঞ্জস্য ও মিলন ঘটেছিল। অর্থাৎ গ্রীকরা তাদের শাসন-পদ্ধতি গঠন করেছে নিছক অবাস্তব বুদ্ধিশীলতার সাহায্যে, কিন্তু রোমান জাতি তাদের রাষ্ট্রকে গড়ে তুলেছে দীর্ঘ দিনের সংগ্রাম ও সংঘর্ষে, সঞ্চিত অভিজ্ঞতার সাহায্যে। তাদের এই রাষ্ট্র-ব্যবস্থা কোন একজন লোকের নয়, বহুজনের সৃষ্টি ; এর নিখুঁত পরিণতি ঘটেছে এক জীবনের চেষ্টায় নয়, বহু পুরুষের এবং অনেক যুগের সাধনার ফলে। বর্তমান বিশৃঙ্খলার মধ্য থেকে যুগোপযোগী রাষ্ট্র ব্যবস্থা ও অর্থ-নৈতিক সমাজ পদ্ধতি গড়ে উঠতে পারে যদি সমস্যাগুলোর সমাধান করার চেষ্টা করা হয় নিরপেক্ষ ও বাস্তব বুদ্ধির সাহায্যে এবং যদি ইতিহাসের যথার্থ শিক্ষাকে স্মরণ রেখে তার অভিজ্ঞতাকে সমগ্র সমাজের কল্যাণে নিয়োগ করা হয়।

ভারতে ইংরেজ রাজত্বের তিনটি স্তম্ভ

পুলকেশ দে সরকার

ইতিহাস এবং খবরের কাগজ যাঁরা পড়ে থাকেন তাদের মাথায় ঘুরে ফিরে এই প্রশ্নটা আসে আচ্ছা, ভারতের কি হবে ?

প্রশ্নটায় অনেক গুলো কথা জড়িত আছে। নেহাৎ সংকীর্ণ মুহূর্ত ছাড়া স্রেফ টিলে প্রশ্ন করতেও, ভারতের অল্প প্রদেশের কথা জানিনে, বাঙালী প্রশ্ন কর্তা “ভারতের” কথাই ভাবেন। এ শিক্ষা বা সংস্কার তাঁর মোটেই ন্যূন নয় ; ইংরেজ রাজত্বের সম্প্রসারণের সঙ্গে সঙ্গে শিক্ষিত বাঙালীর মগজে এই ভারতের মানচিত্রও সেই অনুপাতে অঙ্কিত হয়েছে ; বাঙালী অনুপ্রেরণা পেয়েছে শিবাজী থেকে, পৃথ্বীরাজ থেকে আর রাজপুতনার ইতিহাস থেকে। তা’ছাড়া দেবদেবতার যত কাণ্ডমাণ্ড সবটাই পশ্চিমের অর্থাৎ অযোধ্যা থেকে সিদ্ধানন্দ পর্যন্ত। ব্যাপক ইতিহাস উপেক্ষা করলেও আধুনিক রাজনীতিতেও এ সংস্কার তার ইংরেজ রাজত্বের প্রায় সমসাময়িক। এর নিদর্শন তার সাহিত্যে।

তারপর ভারতের কি হবে ? এ প্রশ্নে একথাই নিহিত আছে, যে, ভারতের কিছু হওয়া দরকার। অর্থাৎ, প্রশ্নকালে ভারতের পরাধীনতা তাঁর মাথায় চাড়া দিয়ে ওঠে ; তাইতে দীর্ঘশ্বাসের বদলে এই নৈরাশ্য-কোটের্ড-আশার কথাটা পেড়ে বসেন।

কেন পাড়েন ?

রুশ-জার্মান যুদ্ধে হারতে হারতেও রুশিয়া যখন মরণপণ প্রতিরোধ করতে থাকে তখনও প্রশ্ন জাগে ; আবার ভীষণ ক্ষয়ক্ষতি স্বীকার করেও যখন জার্মানেরা এগোতে থাকে তখনও এই একই প্রশ্ন জাগে। এই শৌর্যের উদ্ভেজনা প্রশ্নকর্তার রক্তে ছড়িয়ে পড়ে। জার্মানী একের পর অপর দেশের স্বাধীনতা কেড়ে নিচ্ছে—আশ্চর্য্য এই, তখনও এই বিস্ময়কর প্রশ্ন জাগে। রয়টার যখন বলে, জার্মান পদানত চেকোস্লোভাকিয়ায় নির্মম গীড়ন নীতি চলছে, কিন্তু চেকদেশপ্রেমিকরা বধ্যভূমিকেই তীর্থভূমি করে তুলছে, তখন এই স্তিমিত স্তব্ধ নির্জীব ভারতের দিকে চোখ পেড়েই, আর সেই অতলম্পর্শী প্রশ্ন জাগে। কোথাও হঃ তো একটা অতি সাধারণ কু’দেতা হয় এবং—ধরুন না কেন, এই সেদিনকার কিউবা অথবা গতকালের পানামার কু’দেতা—তাতেই মনে এই চাঞ্চল্যকর প্রশ্ন জাগে। লাভ ক্ষতির কোন বিবেচনাই যেন সেখানে নেই। চেম্বারলেন-চার্চিল যখন গণতন্ত্র ও স্বাধীনতার কথা তোলেন তখনও একবার গলা বাড়িয়ে প্রশ্ন করি—আমরা ? আমাদের ? লজ্জার বালাই না রেখে তারা যখন বলেন, না—না—তোমরা কি ? তখনও আমরা লজ্জার মাথা খেয়ে



ঐ প্রশ্নটাই জপতে থাকি। অপমানাহত হয়েও যখন শুনি রুজভেল্ট-চার্চিল কি একটা ঘোষণা করেছেন, তখন ফের এই প্রশ্ন তুলি।

পরাদীনতা রোগের এ যেন ডিলিরিয়াম। বলতে লজ্জা নেই, চীনেরা যখন জাপানীদের অগ্রগতিককে বাধা দেয়, তখন আমরা খুসী হই বটে কিন্তু আরও খুসী হই যখন শুনি জাপানীরা ইংরেজের গালে চড় মেরেছে; ভাবি, কোথায় যেন জিতে গেলাম। যখন ইউরোপে যুদ্ধ লাগে তখন আত্মতুষ্টির একটা ভঙ্গী করে বলি—এইবার! নাৎসী জার্মানী অপর দেশকে পদানত করছে শুনেও, যে ইংরেজ আমাদের পদানত করে ক্রমাগত আমেরির নির্বোধ বুলির ঝড়ে আমাদের উত্যক্ত করে তুলছে, তাকে কেউ আঘাত করছে জানলে আমাদের মনে হাঙ্কা নিবুদ্ভতার ছোঁয়াচ না লেগেই পারে না। রাজায় রাজায় যুদ্ধ হয়ে উলুখাগড়ার যে কি হবে তা সবিশেষ জানা সত্ত্বেও এ অদ্ভুত প্রতিক্রিয়া আমাদের মনে কোথা থেকে একটা তৃপ্তি জাগিয়ে তোলে। ইউরোপে যুদ্ধ লেগেছে তাতেই আমরা দর্শকের গ্যালারিতে বসে হাততালি দিচ্ছি। শুধু ঐ ডিলিরিয়ামের গাভীঘটা এলে চির পুরাতন প্রশ্নটা করি : আচ্ছা, ভারতে কি হবে?

চীন জিতলেও আমরা স্বাধীন হব না—রুজভেল্ট-আমেরিকা যুদ্ধ ঘোষণা করলেও আমরা স্বাধীন হব না—ইংরেজ বা জার্মান জিতলে তো হবেই না। তবুও এই প্রশ্ন কেন?

এজ্ঞা দায়ী পুঁথিবদ্ধ ইতিহাস ও দৈনন্দিন ইতিহাস বা সংবাদ পত্র।

ধরুন, আমেরিকার স্বাধীনতা সংগ্রাম (যার তারিখ আজ ইংরেজরাই করে এবং তৎকালীন যে বিদ্রোহীদের কাছে ইংরেজরাই ভিক্ষাপ্রার্থী ও যাদের কলকোলাহলে স্থব কর); স্বল্পসংখ্যক প্রায়-নিরস্ত্র স্বেচ্ছাসৈন্য—গাদাবন্দুকের যুদ্ধ। থার্মোপলি থেকে ফরাসী বিপ্লব, ম্যাটুসিনি থেকে লেনিন। রুশবিপ্লবের দীর্ঘ কুটিল ইতিহাস।

প্রশ্ন না জেগে উপায় কি?

কেবল এই জ্ঞাই কি জাগে?

জাগে, বিদেশী নিপাতিতদের আহত অভিমানের সজ্জবদ্ধ গোপন যড়যন্ত্র ও আকস্মিক অগ্ন্যুদ্গারের সাফল্যে নিজেদের সাফল্য স্বপ্নরচনায়। মনে হয় এই তো পথ! যে শাসনের নাম নির্ধাতন, যে বিদেশী নিষ্করণ শোষণের নাম ছুঁড়িফ সেখানে তো বিঘ্নবিয়াসের সৃষ্টি অনিবার্য। এই চাপা অসন্তোষই বিদ্রোহের বীজ।

তবে আর ভাবনা কি? যে শাসনে অসন্তোষ ও বিদ্বেষ জন্মায় সে শাসনই তো সিঁড়িসান—বিদ্রোহাত্মক। ওদের ঐ ১২৪-ক ধারাটা তো মিসনোমার যদি না ওটা ওদের ওপরেই প্রযুক্ত হয়।

আমাদের ঐ স্বপ্ন এই মতবাদের ওপরই রচিত হয়। আমরা টেবিল চাপড়ে বলি, ভাবনা কিরে, কিসের ভয়, এই অসন্তোষ-বিদ্বেষই হবে আমাদের নেতা, নেবে মুক্তির তেঁতুলগাছের।

ধরে'নি, এই অসন্তোষই যখন বিদ্রোহ-কাম-মুক্তির প্রসূতি তখন যেহেতু ভারতে বিদেশী শাসন জনিত অসন্তোষ আছে সেই হেতু মুক্তির আলোক ও দেখা যাবে।

আর চাই স্বার্থত্যাগ। ছুর্ভিক্ষের মধ্যেও ভোগের প্রশ্ন যেন কোন সূত্রে মগজে প্রশ্রয় না পায়। অতি কষ্টেও আমরা তা মেনে নিয়েছি। যেদেশে অহিংসা মন্ত্র ধর্মের মত লোকে গ্রহণ করে, পুলিশের মুছ লাঠি শালনায় পিঠের হাড় ভাঙলে হিংসার টু শব্দটি পর্যন্ত করে না, পিনালকোড ও পুলিশকে সেলাম জানিয়ে সুশৃঙ্খল মিছিলে জেলে যায়, দেহকে নিরাবরণ ও কাপড়কে হাঁটু ছাড়িয়ে বহু উর্ধ্বে তুলতে বিন্দুমাত্র লজ্জা বোধ করে না, নেতার নির্দেশে ঘাসের মধ্যে ভাইটামিন খোঁজে সেদেশে স্বার্থত্যাগের চরম ও চূড়ান্ত হয়েছে—তবুও ভারত যে তিমিরে সে তিমিরে। কেন?

অসন্তোষ আর স্বার্থত্যাগ দুই বলদকে জুড়ে দিয়েও গাড়ী চালান গেল না কেন?

এমনও নয় যে, এরা ভয়ে অহিংস হয়েছে। এরা নিরস্ত্র হয়ে মরতে জানে; এরা হাম্মতে হাম্মতে ফাঁসীতে যেতে পারে; এরা ভক্তির চোটে 'জয় জনবুল' বলে সৈন্যদলে যোগ দিতে পারে, আফ্রিকার মরু কান্তারে প্রাণ দিতে পারে (যত্রতত্র নির্ভয় নিঃসংকোচে গোয়েন্দাগিরিও করতে পারে), হিন্দু মুসলমান মারামারি একে অপরের লজ্জাপানের জন্য উন্মত্তও হতে পারে। মরতে বা মইতে এরা ভয় পায় না।

এরা নিয়ম-শৃঙ্খল মানে না এ ছুর্ণামণ্ডকেউ দেবে না। একলক্ষ অহিংস সৈন্যের কেউ হিংস তো হয়ই নি; এত বড় যে আইন আমাদের আন্দোলন তাতেও কোথাও এতটুকু আইন অমান্য করেনি; নেতার নির্দেশে বিবেকদৃষ্ট হত্যাকারীর মত পুলিশের কাছে স্বীয় অপরাধের স্বীকৃতি দিয়েছে এবং জেলে গিয়ে প্রায়শ্চিত্ত করার জন্য মাজিস্ট্রেটের কাছে মাথা কুটেছে। জেলারকে কোনদিন এই সুবোধ “অপরাধীদের” নিয়ে মাথা ঘামাতে হয়নি।

গান্ধীজী এই নূতন শাস্ত্র শিখিয়েছেন। বাস্তবিক অভক্তির নামে কত ভক্তি (মানে রাজ ভক্তি) গান্ধীজী আমাদের শিখিয়েছেন তা অবশ্য আমরা আজও উপলব্ধি করিনি, কিন্তু আমেরির মত ছ'একজন নির্বোধ (বোধহীন) রাজকর্মচারী ছাড়া বৃটিশ কূটনীতিকদের বুঝতে বেশী দেরী হয়নি। তাঁরা জানেন, ভারতে বৃটিশ অস্তিত্বের মস্ত বড় স্তম্ভ হচ্ছেন গান্ধীজী এবং গান্ধীবাদ। এই গান্ধীবাদ নইলে অসন্তোষটা হয়তো ভারতের জীবনে সত্য উঠতে হ'য়ে পারত। গান্ধীজীর সূক্ষ্ম অবোধ্য সেফটি ভালভের ভেতর দিয়ে তা মিথ্যে হ'য়ে গেছে। সেকথা গান্ধীজীও জানেন, বৃটিশ কূটনীতিকেরাও জানেন।

ভারতে ইংরেজ রাজত্বের তিনস্তম্ভের তিনি অগতম। আর দু'জন হ'চ্ছেন মুসলিম লীগ নেতা মিঃ জিন্না এবং হিন্দুমহাসভাপতি বীর সাভারকর। এই ত্রয়ীর লক্ষ্য বস্তুনিরপেক্ষভাবে এক, সামান্য কিছু দৃশ্যতঃ পথের গড়মিল আছে। কিন্তু সে গড়মিল সম্পূর্ণ দৃশ্যতঃ এর বেশী নয়।



গান্ধীজীর সবচাইতে বড় চাল বাজি হচ্ছে অহিংস অসহযোগ আন্দোলন। বিশেষগুণে
ঔষ্টব্য। রাজশক্তির সঙ্গে অসহযোগ সে বড় সহজ কথা নয় এবং ঠিক এই বৃত্তের মোহেই হয়তো
যাদের সত্যি সত্যিই কিছু বিপ্লবী মনোভাব ছিল তারাও খুঁকে পড়ল। ধরে নেওয়া হল, শতকরা
একশ' জন ভারতীয় যদি (অহিংস) অসহযোগ করে তবে একদিকে ইংরেজ রাজত্ব তাসের ঘরের
মত পড়ে যাবে আর একদিকে সংজ্ঞাহীন স্বরাজের মোয়াটি (ভারতীয়দের) হাতের মুঠোয় এসে
যাবে। বাস তাতেই কেলা ফতে। কিন্তু সাবধান, পিনাল কোডে যেমনটি লেখা আছে তা অক্ষরে
অক্ষরে মেনে চলো। পুলিশ ধরলে বিবাদ করো না, জেল দিলে আপত্তি করো না, মারলে চুপটি
করে থেকো। এই বলে গান্ধীজী আন্দোলনের ঘুড়িটি দিলেন উড়িয়ে নাটাইটি রাখলেন হাতে।
ভারতের অসন্তুষ্ট গণেশ শিক্ষিতদের দেউলে দেউলে চরকার সূতোয় বাধা পড়লেন। সূতোয়
কোথায় একটু কড়া পাক পড়তেই গান্ধীজী নাটাই ছোটালেন। ততদিনে সমস্ত মস্তি শক্তি
গান্ধীজীর সৃষ্ণ মাকড়সার জালে ধরা পড়েছে। শাসকশক্তির কঠিন কাজ নিজেই সমাধা করলেন।
ধুমায়িত বহি জ্বলে উঠে ছাই হয়ে গেল।

কিন্তু অসহযোগের কারণ যায়নি। তাই দলিতা ফিনিী আবার যগৎস্থ যখন উঠতে
চাইল, গান্ধীজী আস্থা অর্জনের জগা আগেকার অপকীর্তিকে হিমালয় প্রমাণ ভুল বলে আরও
মহিমায় করে তুললেন। আবার বিপ্লবীশক্তি সংহত হ'ল। বলেছি গান্ধীজীর আন্দোলনের
মূলসূত্র পিনাল কোডের প্রতি একনিষ্ঠ-ভক্তি। বিদেয়-অসহযোগ ছড়ানো চলবেনা, তা'হলে অহিংস
হওয়া দায়। হ'ল ১২৪ ক ধারার বারম্বার। সত্যাপ্রতী ধরা দেবে, সাজা নেবে। পালাবে না;
মার খাবে, মারবে না। রাজকর্মচারীদের প্রতি যথযোগ্য সম্মান জানাবে। সংক্ষেপে : পুলিশ
এবং আইনের প্রতি সমুচিত শ্রদ্ধা রেখে অহিংসভাবে যা হয় কর।

কথাটা বড়লাট ও বলতে পারতেন। কিন্তু তিনি বললে অসন্তুষ্ট শ্রেণীটা সন্দেহের চোখে
দেখবেই এবং সংজ্ঞাহীন স্বরাজের পতাকাতলে সমবেত হয়ে বিচারের তাড়িকাতে মাথা গলিয়ে দেবে
না। সেকাজ গান্ধীজীর।

গান্ধীজীর সঙ্গে সেকেন্দার শায়াৎ খাঁর তফাৎ এই যে শেষোক্ত অম্পষ্ট এবং ভক্তির নামেই
ভক্তি প্রকাশ করেন এবং পূর্বোক্ত অম্পষ্ট এবং অভক্তির নামে ভক্তি চালান ও তাতে করে অভক্তদের
সমাবেশে তাদের সর্বনাশ করে ছাড়েন। জনগণ যাতে না জাগে সে জগা গান্ধীজী সাম্রাজ্যবাদীর
পক্ষ থেকে সতর্ক পাহারা দেন; জনগণ যাতে বিচ্ছিন্ন হয় সেজগা তিনি নিদেয় আত্মকেন্দ্রিক
চরকা হাতে তুলে দেন। ইংরেজ যখন আক্রান্ত হয়, অগ্রা যখন বিব্রত থাকেন, তখন গান্ধীজী
স্বয়ং অসন্তুষ্ট ভারতকে চেপে রাখেন, “শান্তি”র সময় অবিব্রত ইংরেজের দরবারে অসন্তুষ্টদের নিয়ে
মিছিল করেন এবং সত্যাপ্রতীরা চিহ্নিত হয়ে যায়। পিনাল কোডের রক্তচন্দন তো পড়েই।

অহিংস গান্ধীজী এদিকে হাত গুটিয়ে নিলেও সত্ৰিংস যুদ্ধৰত সৈন্যদেৱ কন্মল সৰবৰাহে অকুণ্ঠ আগ্ৰহ প্ৰকাশ ক'ৰে থাকেন। গান্ধীজীৰ শত্ৰু কেউ নেই, অতএব গান্ধী ভাৰতৰও নেই; তা নহ'লে হয়তো বা ৰুশ-জাৰ্মাণীৰো পৰস্পৰেৰে শত্ৰু হিম্বেৰে যে আচৰণ কৰ্ছে, ভাৰত ত্ৰিংস না হ'য়েও সেই শত্ৰুতাচৰণ কৰুতে পাৰত। কিন্তু গান্ধীজী তাৰ পক্ষপাতী নন—অতএব গান্ধী ভাৰত ও নয়। সেই গান্ধী ভাৰত বা কংগ্ৰেচ আজ ইচ্ছা-সুপ্ত।

গান্ধীজী এভাবে ভাৰতৰ বিপ্লবী শক্তিকে আত্মস্থ ক'ৰে মোহগ্ৰস্ত ভাৰতৰ নাকৈৰ ডগা দিয়ে তাকে ভক্তিৰ খাতে বহুয়ে দিয়েছেন। আজ তিনি মাৰ্থক। ইংৰাজ ৰাজত্বৰ জয় হোক।

কংগ্ৰেচ খেলাফত সহযোগিতাৰ দিনে যে একা ও সুপ্ৰশক্তি বিদেশী শাসনকে চিন্তাকুল ক'ৰে তুলেছিল সেই বেদনাকে মুক্তি দিলেন মিঃ জিন্না; কংগ্ৰেচৰ মধ্য কীলকেৰ মত ঢুকে বেরিয়ে যখন এলেন তখন ভাৰতৰ জনশক্তি দ্বিধাবিভক্ত। বৃটীশ কূটনীতিকৰো একস্তম্ভ নিৰাপদ মনে না কৰে এই স্তম্ভৰ পেছনে শক্তিবায় কৰলেন। অকস্মাৎ ভাৰতীয় মুসলমানৰো জানুতে পাৰল, তাৰো বিদেশী এবং অপৰ ভাৰতীয় অ-মুসলমানৰ সঙ্গত তাৰো সমস্বার্থ সম্পন্ন নয়। অথও জনশক্তিৰ উত্তাল চাপলাকে একহাতে ধৰি ৰাখাৰ দায় থেকে গান্ধীজী রেহাই পেলেন—জনশক্তি হিন্দু ও মুসলমান নামক দুই দ্বন্দ্বমান শিবিরে দিনে দিনে বৃদ্ধি পেতে লাগল।

গান্ধীজী ৰাজনীতিকে ধৰ্মৰ পৰ্যায় ফেললেন, মিঃ জিন্না সেই ধৰ্মকে সম্প্ৰদায়ৰ পৰ্যায় স্থানলেন। ৰাজনীতি সাম্প্ৰদায়িক নীতিতে পৰ্যবসিত হ'ল। ঠিক এইখানেই বীৰ সাভাৰকৰ দেখা দিলেন। গান্ধীজী অহিংস না হ'লে কাউকে শিয়ত্বে গ্ৰহণ কৰেন না; সাভাৰকৰ জিন্নাজীৰ ভবজ পাৰ্টি জবাব দেন।

আবার একটা ভেদ দেখা দিল। বাঁৱা জাতীয়তাবাদী এবং অহিংস সত্যাগ্ৰহী তাঁৱা গান্ধী শিবিরে গেলেন কিন্তু বাঁৱা সাম্প্ৰদায়িক স্বার্থকে বড় ক'ৰে দেখেন তাঁৱা সাম্প্ৰদায়িক বলে অভিহিত হ'লেন।

এঁৱা কেইট গণ-আন্দোলনৰ পক্ষপাতী নন; উপৰন্ত গণ-আন্দোলন ভয় পান। গান্ধীজী বলেন, “I dread mass movement.” এৰূপ আন্দোলনৰ অভিজ্ঞতা তাঁৰ আছে; গণ-আন্দোলনকে বাৰ্ণ ক'ৰে দেৱাৰ জুকাই তিনি ভূঁৱা জনগণকে আহ্বান কৰেছেন। জিন্নাজীৰ কখনও গণ-আন্দোলনৰ প্ৰয়োজন ঘটে নাই—ধৰ্মৰ নামে প্ৰোৱোচনা দেওয়া ছাড়া। ৰাজনীতিতে তিনি গণ-আন্দোলন কৰতে চান না; তাৰে সকল উৎসাহ ধৰ্মৰ খাতেই বহুয়ে দেন—মানে সম্প্ৰদায়ৰ খাতে। বীৰ সাভাৰকৰ মতাসভাৰ সভাপতিৰূপে যে কৰ্মসূচী দেন তা স্বস্তিকা মাৰ্কা। পৰম কৌতুকৰ বিষয় এই, এঁৱা জনগণৰ নামে কথা বলেন, তাৰ কাৰণ আপন আপন সম্ভবদ্ব ফমতাৰ অনুপাতে এঁৱা জনগণকে ঠুটো ক'ৰে রেখেছেন। জাতীয় আন্দোলনৰ কণ্ঠ এঁৱা তিনজনে সজোৱে টিপে ধৰি আছেন।

গান্ধীজী যুদ্ধে যোগদান কৰতে চান না—কিন্তু যুদ্ধ প্ৰচেষ্টায় তাৰে বাধা দিতে চান না। ক্ষীণ আপত্তি কেবল সেইখানে জবৰদস্তি ক'ৰে টাকা আদায় হয় এবং সেই আপত্তিৰ আবেদন, তাৰে দৰবাৰেই পৌছায় যাৰো এই আপত্তিৰ কাৰণ। সত্ৰিংস যুদ্ধে সৈন্যদেৱ কন্মল সৰবৰাহে গান্ধীজী কোন আপত্তি দেখতে পান না। যুদ্ধ বিৰোধী আপত্তি সাধাৰণে ক'ৰবে না,



ক'রবে বাছাইকরা সৈন্যেরা—সাধারণের ওপর যদি জুলুম না হয় তবে তারা স্বেচ্ছায় যুদ্ধে সাহায্য বা যোগ দেবে। পুলিশ বা শাসন কৰ্তৃপক্ষ বিব্রত না হয় এজন্য গান্ধীজীর উৎকণ্ঠার অবধি নেই।

জিন্নাজী সম্প্রদায়ের গণ্ডী থেকে এই একই নীতি অনুসরণ করেছেন। লীগের গণ্ডীতে থেকে লীগের নির্দেশে লীগের পরিকল্পনায় যে পাকা ব্যবস্থা তার ভিত্তিতে দাঁড়িয়েই কেবল সহযোগিতা হবে; তবে ইতিমধ্যে ব্যক্তিগত মর্যাদা অনুযায়ী সহযোগিতায় কোন বাধা নেই।

সাধারণের পরিব্রাহি হিন্দুকে যুদ্ধে যোগ দিতে বলছেন।

অর্থাৎ যে জাতীয় গণ-আন্দোলনকে আইনের অধিলায় ইংরেজদের দমন করতে হ'ত ভারতীয় আন্দোলনের এই ত্রিস্তম্ভ নানা অধিলায় সেই কাজটিই নির্বিকারে ও নির্বিচারে করে যাচ্ছেন।

ভারতের এই “বিশিলিপি” সম্পর্কে আশা করি, প্রশ্নকর্তার এর পর আর কোন বক্তব্য থাকবে না।

দশ বছর অন্তর চাটিল *

“ভারতবর্ষ আমাদের সকল ব্যাপারে এবং আলোচনায় শুধু অংশীদার নয়, শক্তিশালী অংশীদার হিসাবে ক্রমেই স্থান কোরে নিচ্ছে। ১৯১৪ সনের মহাযুদ্ধে ভারতের দান যে কত বেশী তা আমরা জানি।” * * *

“আমরা ভারতের কাছে গভীর ঋণে আবদ্ধ এবং আমরা বিশ্বাসের সঙ্গে সেদিনের অপেক্ষা করছিলাম যখন ভারত সরকার ও ভারতের জনগন সম্পূর্ণভাবে তাদের ডমিনিয়ান স্টেটস পাবে।”

চাটিল—১৯২১

দশবছর পর—বলেন তিনি উপরোক্তক্ষেত্রে ডমিনিয়ান স্টেটস শব্দটি কেবলমাত্র ব্যবহারিক অর্থে বলেছিলেন এবং জয়েন্ট-সিলেক্ট কমিটিকেও বলেন যে তিনি কেবলমাত্র একটি উৎসব উপলক্ষ্যে ‘স্মৃতিতে ভাল একটা বক্তৃতা দিয়েছিলেন রাজনৈতিকদের যা অনেক সময়েই করতে হয়।’

চাটিল—১৯৩১

“ভারতের প্রতি আটলান্টিক চুক্তিপত্র প্রযোজ্য নয়”

চাটিল—সেপ্টেম্বর ১৯৪১

“কেবিনেটের কোনো সভা, মন্ত্রণের গণনার মধ্যে আনিয়ায় একপ্রকার কোনো সময়ের মধ্যে ভারতের ডমিনিয়ান স্টেটস প্রতিষ্ঠিত করার কথা বলা দূরে থাক ইঙ্গিত করার কথা ভাবতেও পারেন না।”

—যথার্থ চাটিল

* চই অক্টোবরের হিন্দুগান ষ্ট্যাণ্ডার্ড হইতে গৃহীত।

বাস্তার রাজ্যে দশহরা

ডাঃ ধীরেন্দ্রনাথ মজুমদার

প্রায়ই শুনিতে পাই, অনুন্নত সমাজ উন্নত সমাজের সহিত সামাজিক বন্ধনে আবদ্ধ হতে পারে না। সভ্য সমাজ অসভ্য সমাজের সুবিধা অসুবিধা নিজেদের স্বার্থের দিক দিয়েই চিরকাল বিচার করে এসেছে, তাই অসভ্য বা অর্ধ-সভ্য সমাজ সভ্যতার আলোক হতে বঞ্চিত রয়েছে—বা সভ্য সমাজের সুবিধায় আঁয়নিয়োগ করতে বাধ্য হয়েছে। হিন্দু-মুসলমান সমাজ একে অন্নের সংস্কৃতি ও সভ্যতা রক্ষা করতে পারে না, পারবেও না, তাই হিন্দু তার সভ্যতা ও কৃষ্টি বজায় রাখতে, হিন্দুরাজ্য স্থাপন করবে। মুসলমান পাকিস্তানে তার বৈশিষ্ট্য দৃঢ় করবে। তপশীলভুক্ত সম্প্রদায়ের আজ কেবল রাষ্ট্রীয় স্বাতন্ত্র্য রক্ষা করাই প্রয়োজন যে তা নয়, সামাজিক বৈশিষ্ট্য ও তেমনি প্রয়োজনীয়, তাই দেখতে পাই গ্রামে গ্রামে আজ নমঃশূদ্ বা তথাকথিত অনুন্নত শ্রেণীর লোকেরা ব্রাহ্মণ, কায়স্থ, ভদ্রলোকদের সহিত একরকম অসহযোগ আরম্ভ করেছে, যার ফলে, তপশীলভুক্ত ‘জাতির’ পতন হয়েছে। শ্রেণী বিভাগ ও সমাজভেদের জঘ্ন ভারতবর্ষ বহু অসুবিধা ভোগ করেছে, আজ ‘জাতি’ ভেদের জঘ্ন, আরও কত লাঞ্ছনা পাবে, তার কল্পনাও ভয়াবহ। কিন্তু, এই জাতি ভেদের ভিত্তি এত কয়েমী করে গড়ার কি কোনও প্রয়োজন রয়েছে? এর উত্তর বাস্তার রাজ্যের দশহরার বিবরণ হতে পাওয়া যাবে। কী করে একটা হিন্দু উন্নত সম্প্রদায়, অসভ্য, বহু জাতিদের নিজেদের কৃষ্টির আবেষ্টনীতে দৃঢ় করে বেঁধেছে, কেমন করে অসভ্য সমাজ সভ্য সমাজের গণ্ডীর ভিতর এসে, সভ্য সমাজের রীতিনীতি ধর্ম-কর্ম নিজেদের বলে গ্রহণ করেছে, সভ্য সমাজই কী করে অসভ্য আচার ব্যবহার নিজেদের কৃষ্টির অঙ্গীভূত করেছে—তা এই দশহরা উৎসব হতে প্রমাণিত হবে।

মধ্যপ্রদেশে বাস্তার সব চেয়ে বড় করদ রাজ্য। ১৮৬৩ খৃঃ অঃ ক্যাপ্টেন হেকটব মেকেঞ্জির রিপোর্ট হতে দেখা যায়, পূর্বে ‘বাস্তার রাজ্য’ আরও বিস্তৃত ছিল। উত্তর-দক্ষিণে ২৩৫ মাইল ও পূর্ব-পশ্চিমে ১৮২ মাইল। সার্ভে অব ইণ্ডিয়ার হিসাব মতে এর বিস্তৃতি ১৩,৭২৫ বর্গ মাইল মাত্র। বাস্তারের উত্তরে কাকড় রাজ্য ও রায়পুর জেলা, পূর্বে ভিজগাপত্তম জেলার জয়পুর জমিদারী, পশ্চিমে চান্দা জেলা ও হাইদ্রাবাদ রাজ্য এবং খরস্রোতা গোদাবরী নদী দক্ষিণ প্রান্তদেশ বেষ্টিত করে চলেছে। রাজ্যের বেশীর ভাগই বিস্তৃত বনভূমিতে পরিপূর্ণ। রাজ্যের উত্তর পশ্চিম প্রদেশ পর্বতাকীর্ণ, মধ্যভাগে স্থানে স্থানে উচ্চ নীচ পাহাড় এবং নীচে মালভূমি। পূর্বভাগে সুন্দর সুবুজ মাঠ, মালভূমির দক্ষিণে ইন্দ্রাবতী নদীর তীরে বাস্তারের রাজধানী জগদলপুর।



বাস্তারের উত্তর পশ্চিম প্রান্তে আবুজমার পর্বতশ্রেণী চলেছে, এই পর্বতে বাস্তারের সব চাইতে অসভ্য, আদিম অধিবাসী ‘মার’দের বসতি। ‘মার’ বা ‘মারিয়া’রা তথাকথিত গন্দ জাতির বংশধর, এখনও ‘গন্দাল’ ভাষায় কথা বলে, এবং গন্দদের প্রায় সব রকম আচার ব্যবহারই তারা মেনে চল। নৃত্যবিদদের মতে, গন্দরা মেডিটেরেনিয়ান (Mediterranean) জাতির বংশধর, কিন্তু কোল, ভীল, সাঁওতাল ও অস্ট্রালয়ড (Australoid) জাতির সহিত মিশে এক নূতন ‘বংশ-জাতির’ পত্তন করেছে। গন্দ জাতির অস্ট্রালয়ড শাখা, যথা মুরিয়া, ডাঙামি মারিয়া, ফ্রব, ভাতরা, ঝোরিয়া-মুরিয়া এবং আরও ছোটখাট অনেক উপজাতি, অতি প্রাচীনকাল হতেই বাস্তারে বসতি করেছে। উহাদের জীবন যাপনের বিধি-নিয়ম—এখনও হিন্দুদের মত হয় নাই সত্য—কিন্তু ক্রমে ক্রমেই উহারা হিন্দুর যাগ-যজ্ঞ, হিন্দুর প্রথা, আচার-ব্যবহার, হিন্দুর পোষাক পরিচ্ছদ ইত্যাদি গ্রহণ করছে ফলে ২৫১৩০ বৎসরের মধ্যে গন্দদের যে বৈশিষ্ট্য এখনও আছে তাও লোপ পাবে বলে মনে হয়।

বাস্তারের রাজবংশ রাজ কুলোদ্রব। কিন্তুদ্যু আছে, যে রাজা অনম দেও, যিনি বর্তমান বাস্তার রাজবংশের প্রতিষ্ঠাতা, প্রথম ওয়ারাঙ্গাল (Warangli) ছিলেন। রাজা অনম দেও ধর্মপরায়ণ এবং পূজা পাবনে বিশেষ উৎসাহী ছিলেন। জনৈক পরাক্রান্ত মুসলমান নরপতি জানতে পারলেন, যে অনমদেওর নিকট একটি পরশ পাথর আছে যা, যে কোনও পাতুকে স্বর্ণে পরিণত করতে পারে। ঐ পরশ পাথরের জগা রাজা অনমদেওর রাজ্য আক্রমণ করেন। রাজা অনম দেও যখন কি করা কর্তব্য ঠিক করতে পারছিলেন না, তখন দেবী ‘ধাতেশ্বরী’, রাজার কুল দেবী, স্বপ্নে রাজার নিকট প্রস্তাব করেন যে অনম দেও যেন শীঘ্র ওয়ারাঙ্গাল পরিত্যাগ করেন। রাজা স্বপ্নে দেবীর সাহায্য প্রার্থনা করাতে দেবী সাহায্য দানে প্রতিশ্রুতা হন এবং জানান, যে রাজা যখন রাজত্ব পরিত্যাগ করে যাবেন, তিনি পেছনে পেছনে যাবেন এবং তাঁর পায়ের চুপরের শব্দ যেখানে থামবে রাজা যেন সেখানে নূতন রাজ্য স্থাপন করেন। কিন্তু, রাজা বা তাঁর অনুচররা পেছনে তাকাবেন না যদি তাকান তবে চুপরের শব্দ থামবে এবং রাজার গতিরোধ হবে। রাজার সহিত, রাজগুরু, কহিষয় সম্ভ্রান্ত ক্ষত্রিয় পরিবার ও রাজার একদল শরীররক্ষী হালবা (Halba) সেনাদল ভিন্ন আর কেহ আসে নাই। ধাতেশ্বরী দেবীর তলোয়ারখানা রাজা সঙ্গে সঙ্গে নিয়ে এসেছিলেন। বাস্তা চলতে চলতে রাজা ও তাঁর সঙ্গীরা পাঠরি নদীর তীরে এসে উপস্থিত হলেন। নদীতে জল খুবই অল্প ছিল, রাজা নদী পার হচ্ছেন এমন সময় চুপরের শব্দ অস্পষ্ট হতে অস্পষ্টতর লাগল, রাজা দেবীর আদেশ ভুলে, শব্দ অনুসরণ করে পেছনে তাকালেন। চুপরের শব্দ বন্ধ হল রাজা অত্যন্ত অমৃত্যুতাপের সহিত, পাঠরি নদীর অপর তীরে রাজ্য স্থাপন করলেন। এই পাঠরি নদী আজ কাঁকড় ও বাস্তার দুই রাজ্যের সীমানা নির্দেশ করে। এখনও ধাতেশ্বরীর মন্দিরে বাস্তার রাজের আদেশে দেবীর তলোয়ার নিত্য মন্দিরে পূজা হয়।

পূর্বেই বলেছি বাস্তার গন্দের দেশ এবং মারিয়ারাই সব চেয়ে প্রাচীন অধিবাসী। যারা এখনও আবুজমারে বাস করে তারা বাস্তবিকই অসভ্য জীবন যাপন করে, কিন্তু যারা সমতল ভূমিতে বসবাস আরম্ভ করেছে, তারা কৃষি কাজ করে এবং অনেক বিষয়েই তারা অগাচ্চ কৃষিজীবীদের মত জীবন আরম্ভ করেছে। কেবল আবুজমারের মারিয়া ভিন্ন আর সবাই নিজেদের দেব-দেবীর সতিত, হিন্দুর দেব দেবীর পূজা ও হিন্দু তিথি ও উৎসব নিজেদের বলে মনে করে, এবং প্রত্যেক গন্ড গোত্রজাতিই আজ বাস্তারের সর্বশ্রেষ্ঠ উৎসব দশহরাতে যোগ দেয়। এই উৎসব দীর্ঘ এক পক্ষকাল ধরে চলে এবং সমগ্র বাস্তারবাসী এই উৎসবের জন্য পথ চেয়ে থাকে।

প্রতি বৎসব কাঠিকেয় অনাবসায় অপরাহ্নে জগদলপুরবাসী ও নিকটবর্তী স্থান হতে আগত প্রজাপুঞ্জ রাজপ্রাসাদের দ্বারে সমবেত হয়। তন্মধ্যে অস্পৃশ্য সম্প্রদায়ও থাকে। মাহারারা বাস্তারের অস্পৃশ্য সম্প্রদায় কিন্তু বাস্তারের অধিবাসীরা মাহারাদের তাঁতে তৈরী কাপড় পরিধান করে। এখনও বাস্তারে মিলের কাপড়ের কাটতি খুব বেশী নাই—সাধারণ লোকে এখনও মোটা তাঁতের কাপড় পরে, দু' গোমে এবং পাঠাড়তলাতে পরিধান বস্ত্রের আবশ্যকীয়তা সন্দেহে সকলে একমত নয়, তাই এখনও কেত কেত উলঙ্গ জীবন যাপন করে। দশহরা উৎসবে ধাতেশ্বরীরই পূজা হয় কিন্তু অগাচ্চ দেবদেবীর পূজাও এই উৎসবের অঙ্গীভূত হয়েছে। কেবল হিন্দুদের দেবদেবীর পূজাই যে হয় তা না, বহু গন্ড দেবদেবীও ভক্তিভাবে উপাসিত হয়। তাই আজ বাস্তারে দশহরা উৎসব এক বিচিত্র ব্যাপার হয়ে উঠেছে—এমন কোনও শ্রেণী বা উপজাতি নেই যারা এই উৎসবের কোনও না কোন বিশেষ অনুষ্ঠানে সাহায্য না করে এবং এই সাহায্য ব্যতীত দশহরা উৎসব যে সন্দীপ্তমান হয় না তা সকলেই জানে। তাই অনেক রীতি ও আচার, নানাভাবে এই উৎসবের অঙ্গীভূত হয়েছে—যার প্রকৃত উৎপত্তি খুঁজে বার করা সম্ভব নয়। ধাতেশ্বরীর পূজা ভিন্ন, এই উৎসবে পাট দেবতা, কেশ দেবতা, জঙ্গলা দেবতা, হিঙ্গল মাতা, পরদেশী মাতা ও বাবি মাতার পূজা হয়। পাট দেবতা রোপা নিমিত্ত পালঙ্কে বসান সপমুত্তি এবং বাস্তারে খুব জাগত দেবতা বলে এর খ্যাতি আছে। দশহরার সময়, দেশবাসী এই দেবীর নিকট ছদ্ম, কলা ও অগাচ্চ সুস্বাদু ভোগ স্থাপন করে পূজা দেয়।

অপরাহ্নে ধাতেশ্বরী মন্দিরে পূজা দিয়ে বাস্তার রাজ হস্তিপূর্ষে, কাচিন দেবীর মন্দিরে প্রবেশ করেন। অগণিত জনতা এই শোভাযাত্রায় যোগ দেয়। পূর্বেই কাচিন দেবীর মন্দির প্রাঙ্গনে রাজাকে অভ্যর্থনা করার বন্দোবস্ত থাকে। মন্দির প্রাঙ্গনে পূর্বেই একটা দোলা বসান হয় এবং দোলায় আসনে বেল কাঁটা স্তরে স্তরে সাজান থাকে যাতে কউকাসনে বসা সাধারণ লোকের পক্ষে অসম্ভব হয়। রাজা হস্তিপূর্ষ হতে নামলে সাত আট বৎসর বয়সের একটা মাহারা



কন্যা চারিদিকে পরদা বেষ্টিত হয়ে দোলার নিকট উপস্থিত হয় এবং তার সঙ্গিনীরা কাচিন দেবীর গুণ কীর্তন করে। এই মাহারী কন্যা পূর্বই কাচিন দেবীর পুরোহিতের সহিত বিবাহ বন্ধনে আবদ্ধ হয় যদিও এই বিবাহ কতকটা দাক্ষিণাত্যে তালীকেতু বা সম্বন্ধন বিবাহের মত। পুরোহিত ঠিক স্বামীত্বের সমস্ত অধিকার দাবী করেন না, কিন্তু মেয়েটির ও পুনবার বিবাহ হয় না। যখন ইনি যৌবন প্রাপ্ত হন তখন নিজের ইচ্ছামত অন্য কোনও ব্যক্তিকে নিজের জীবন সঙ্গী করতে পারেন এবং করেনও। এই দ্বিতীয় ব্যক্তিই তার প্রকৃত স্বামী, কিন্তু কোনও প্রকার ধর্ম বিবাহ হয় না কারণ পূর্বই মেয়েটি বিবাহিত। মেয়েটি দোলাটিকে সাত বার প্রদক্ষিণ করে এবং পরে সঙ্গিনীদের হাত থেকে একটি তলোয়ার ও ঢাল গ্রহণ করে। ইতিমধ্যে যুদ্ধসাজে সজ্জিত একজন তেলী মন্দির প্রাঙ্গনে প্রবেশ করে এক মাহারা কন্যাকে যুদ্ধে আহ্বান করে। এই তেলীর সহিত মাহারা কন্যার দীর্ঘকাল ব্যাপী যুদ্ধ হয়। ক্রমে ক্রমে মাহারা কন্যার মুখে ফেনা ওঠে, সমস্ত শরীর কম্পিত হয়, চক্ষু রক্তবর্ণ হয় এবং সমস্ত শরীর বিবর্ণ ও শক্ত হয়ে যায়—তেলী এখন পরাজিত হয়ে মাহারা কন্যার পাছুকা স্পর্শ করে এবং পরে মেয়েটিকে দোলার উপর শায়িত করায়। এই অবস্থায় মেয়েটি প্রায় ১৫ মিনিট স্থির নিশ্চল ভাবে কাটায় এমন কি জীবিত কি মৃত তাও বুঝতে পারা যায় না। রাজা পূজারীকে দেবীর নিকট প্রার্থনা করতে বলেন, যেন দশহরা উৎসব নিবিঘ্নে সম্পন্ন হয়। পূজারীর আবেদনে, মেয়েটি যেন প্রাণময় হয়ে ওঠে এবং আস্তে আস্তে নিজের গলা হতে একটা ফুলের মালা খুলে পূজারীর হাতে দেয়, পূজারী মালা রাজার গলায় পরিয়ে দেয়। মেয়েটি আস্তে আস্তে রাজাকে আশীর্বাদ করে, আশীর্বাদ পেয়ে রাজা হরিতপদে দরবার গৃহাভিমুখে অভিযান করেন।

দরবার গৃহে কাচিন দেবীর আশীর্বাদের কথা সভাস্থ সকলের নিকট বিবৃতি করেন। তখন রাজপুরোহিত অন্যান্য ব্রাহ্মণ পণ্ডিতের সহিত বিচার করে দশহরা উৎসবের নানারকম যাগযজ্ঞ পূজা ও বলীর সময় নিরূপণ করেন। এই অনুষ্ঠানপত্র ধাতেশ্বরী দেবীর নিকট পড়ে শোনান হয় এবং ঢোল পিটিয়ে প্রজাবর্গকে জানান হয়।

রাজা তখন সমগ্র স্বজনদের সমক্ষে দেওয়ানকে রাজত্বের ভার অর্পণ করেন এবং নিজে যাতে সম্পূর্ণরূপে দেবীর আরাধনায় নিযুক্ত হতে পারেন তার ব্যবস্থা করেন। মহামালা পরিধান ত্যাগ করে সামান্য যোগীর বেশ গ্রহণ করেন, একথানা পরিষ্কার ধুতি ও চাদর পরেন, মাথায় শুব্রেশ শিরস্ত্রাণ পরিচাণ করে ফুলের মালা জড়ান, এবং নগ্নপদে দেবীর ঈশ্পিত কাজে লিপ্ত হন। এমন কি এইসময়ে রাজা কোন ও যান-বাহন চাড়েন না বা কাউকে প্রণাম করেন না বা কারও প্রণাম গ্রহণ করেন না।

মধ্যরাত্রে, পৌরজনের সঙ্গে রাণী ও তাহার সহচরীরা জল নিমন্ত্রণ করতে যান এবং জলপূর্ণ কলসী দেবী ধাতেশ্বরীর মন্দিরের সামনে মণ্ডলে ও দরবারগৃহে স্থাপন করেন। দ্বিতীয়

দিন বরুণ দেবের পূজা হয়। অপরাহ্নে রাজা মাওয়ালী দেবীর মন্দিরে যান এবং সেখানেও কলস স্থাপন করা হয়। এই মন্দির প্রাঙ্গণে কালাঙ্গী দেবী ও অনেক দেবদেবীই আছে। রাজা প্রত্যেক মন্দিরেই পূজা করেন। দরবার গৃহে প্রত্যাবর্তন করে সেই রাত্রেই রাজা একজন যোগীকে প্রতিষ্ঠিত করেন। রাজার অঙ্গরক্ষী হালবা সেনারা, উহাদের মধ্য হতে একজনকে এই কাজে ব্রতী করায়। এই যোগীর কাজ রাজার প্রতিনিধি হিসাবে নবরাত্রি কাঠের জীবন যাপন করা। রাজা অমাত্যদের সাগনে এই যোগীকে নিজের সিংহাসনে স্থাপন করেন, যতদিন যোগী রাজপ্রতিনিধি হিসাবে থাকে, ততদিন এক অবস্থায় বসে থাকতে হয়। দরবার গৃহের মধ্যে একটা গর্ত করে যোগীকে রাখা হয় তাঁর উরুর উপর একখানা কাঠ রাখা হয়, তাঁর মেরুদণ্ড সোজা রাখার জন্য, আর একখানা সোজা দাড়ান কাঠের সহিত বেঁধে দেওয়া হয়। এবং তাকে দড়ি দিয়ে এমন করে বাঁধা হয় যে একই অবস্থায় যেন সে নবরাত্রি অতিবাহিত করে। তাকে প্রায়ই অভুক্ত রাখা হয়, যদি একান্ত দরকার হয় তবে, কিছু দুধ দেওয়া হয়। এই অবস্থায় থাকার পুরস্কার স্বরূপ পূর্বে যোগীকে না-খারাজ গ্রাম দেওয়া হত। এখন কাপড়, টাকা ও খাদ্য দিলেই হয়। যোগী যখন দরবার ঘরে অমনি আবদ্ধ থাকে, রাজপরিবার তাদের নিজ নিজ কাজে মন দিতে পারে, রাজাও একটু নিশ্বাস ফেলে বাঁচেন। যে কুজসাধন রাজার করা উচিত ছিল, যোগীই তা করে তাতেই রাজা ও রাজ্যের কল্যাণ হয়। নবরাত্রি পার হলে, যোগীকে মুক্ত করা হয়, কিন্তু যোগীকে এমন ভাবে রাজধানী থেকে সরিয়ে ফেলা হয়, যেন প্রজারা বা রাজপরিবারের লোক পরে ঐ যোগীকে ঐ বেশে না দেখেন।

নবম দিবসে ধাতেশ্বরীর মন্দির হতে তলোয়ার ও দেবীর মূর্তি রাজধানীতে শোভাযাত্রা সহকারে আনা হয়, এবং রাজা পৌরজন ও অমাত্যদের সহিত দেবীকে ভক্তিভরে গ্রহণ করেন। মধ্য ভূমধ্যামের সহিত দেবীর পূজা দরবার গৃহে অনুষ্ঠিত হয়। এই পূজা শেষে, রাজপুরোহিত রাজার পুনরভিষেকের সময় জ্ঞাপন করেন এবং ১০ দিনের দিন রাজা নানা রত্নবিভূষিত হয়ে দরবারে অভিষিক্ত হন, এবং দেওয়ানের নিকট হতে রাজকাৰ্য্য ভার গ্রহণ করেন। এই দরবারে সমস্ত প্রজাগণ, নাগরিক ও রাজ্যের কর্মচারীরা রাজাকে অভ্যর্থনা করে। স্বর্ণ-রৌপ্য মুদ্রা, মাণ্য ইত্যাদি নানা উপহারে রাজাকে অভিনন্দিত করা হয়, রাজা উচ্চনীচ সকলের সহিত কোলাকুলি করেন এবং পান সুপারি ও মিষ্টি বিতরণ করেন।

এগারদিনের দিন রাজাকে সন্ধ্যাকালে তাঁর বহু প্রজারা চুরি করে জঙ্গলে নিয়ে যায়। রাজাকে অসভ্য প্রজারা বনে নিয়ে নিজেদের ইচ্ছামত ভক্তিভাবে পূজা করে, এই তাদের দশহরা উৎসব। যদিও কতকটা অতর্কিতে রাজাকে সরিয়ে ফেলা হয়, রাজা এই অবস্থার জন্য প্রস্তুতই থাকেন, এবং তাঁর দিক দিয়ে নিজেকে রক্ষা করার কোনও ব্যবস্থা থাকে না। কতটা



বিশ্বাস রাজা বহু প্রজাদের উপর হস্ত করেন, এ থেকেই প্রমাণিত হয়। বহু প্রজারা বনে জঙ্গলে শীকার করে নানারকম বহু ফুল পাতা দিয়ে সাজিয়ে রাজাকে তাদের আনন্দ অভিধান উপান করে। এই চুরির প্রথা বহুদিনের।

রাজা রাজধানী থেকে এইভাবে অপহৃত হওয়ার সঙ্গে সঙ্গে রাজকর্মচারীরা রাজার অনুসন্ধানে তৎপর হয়ে উঠে—এবং রাজধানী হতে হালবা সেনা পাঠান হয়, রাজাকে নিয়ে আসার জন্য—বিরাট রথে শোভাযাত্রা করে, মহা ধুমধামের সহিত বনা প্রজাদের সঙ্গে—রাজা রাজধানীতে প্রত্যাবর্তন করেন—প্রত্যেক জাতির ভিন্ন ভিন্ন পতাকা শোভাযাত্রার সৌন্দর্য বর্ধন করে। তীর-ধনু হাতে ভাতরা প্রজা ও মুরিয়ারা মুরুবিয়ানা চালে শোভাযাত্রাকে পরিচালনা করে—এবং উচ্চনীচ, উন্নত-অনুন্নত, কোনও প্রকার প্রভেদ থাকে না, মনে হয় যেন সবাই এক জাত, এক গোত্রসম্মুত, যেন একই বংশ এই প্রতীয়মান হয়।

সভ্য অ-সভ্যের প্রভেদ থাকবেই। কৃষ্টির পার্থক্য থাকা খুবই সম্ভব। সংস্কারের বিভিন্নতা শ্রেণী বিভাগের ভিত্তি, কিন্তু তাই বলে বিভিন্ন কৃষ্টির সামঞ্জস্য হ'তে পারে না—একই দেশে ভিন্ন ভিন্ন গোত্রমূলক বা বংশমূলক জাতির স্থান হবে না—এটা একান্ত ভ্রান্ত ধারণা। বিভিন্ন সমাজ, বিভিন্ন গোত্রমূলক বা বংশমূলক জাতি থাকবেই—সমাজ গড়ে তুলতে হলে স্তরে স্তরে সমাজের গঠনমূলক আচার নিষ্ঠা ও অনুষ্ঠান নিয়ে তা করতে হবে। বিভিন্ন সমাজের স্বত্ব স্বন্দর আচার ব্যবহার রীতিনীতি নিয়ে সমাজ গড়াই দেশের পক্ষে মঙ্গল। তাতে সভ্য ও অসভ্য সমাজ ছুঁএরই অবদান থাকবে। যারা এই সামঞ্জস্যের বিরুদ্ধে কাজ করেন তারা সমাজের কল্যাণ চান না—বিশেষ কৃষ্টির সংযোগে যে কৃষ্টি গড়ে উঠে—তার মূল্য সমাজ সংস্কারকেরা যেন উপলব্ধি করেন এই বলে আমার বক্তব্য শেষ করবো।



পুত্রী

ক্ষেত্রমোহন পুরকায়স্থ

(পূর্ব প্রকাশিতের পর)

সে রাত্রে মৈত্রীর ভাল করে আহার হল না। মৃত্যুঞ্জয়ের জ্বর অল্পই ছিল, কাজেই পিতার শারীরিক অবস্থার জ্ঞা যে কন্ঠার রাত্রির আহারের ব্যাঘাত হয়েছিল, তা নয়—সে ব্যাঘাত হয়েছিল নিজের উপর মৈত্রীর একটা অস্থিহিত ক্রোধ জন্মাতে এবং সেই ক্রোধের উৎপত্তি হয়েছিল কিরীটের সেই সন্ধ্যাবেলাকার গোটা কয়েক কথায়। রাত্রে বিছানায় শুয়ে শুয়ে মৈত্রীর মনে কেবলই তর্ক উঠল। সে যে তাঁর পিতার অর্থে পরিপুষ্ট হচ্ছে, সেটা কি তার পক্ষে খুব অগ্নায়? মৈত্রী যতই ভাবতে লাগল ততই সে আশ্চর্য বোধ করতে লাগল যে এ চিন্তাটা এতদিন তার মনে একবার উঠে না। কিছুক্ষণের মধ্যেই জীবিকা-চীনতা আর গ্নায়-অগ্নায়ের ব্যাপারের মধ্যে রইল না, সে একেবারে ঠিক করে ফেলল যে তাকে যতটা সম্ভব একটা উপার্জনের পথ খুঁজে বার করতে হবে। পরীক্ষায় মৈত্রী ম্যাট্রিকের কোঠা-ও পার হয় না, কাজেই এটা সে স্পষ্টই বুঝতে পারল যে টিচারি, যা মেয়েদের সব চাইতে বেশী মেলে, সেটা তার পক্ষে পাওয়া সহজ হবে না! উষ্ণ মস্তিষ্ক ঘটনাত্মক আলোড়ন করেও মৈত্রী সে রাত্রে কোন উপার্জনের পথ মনে মনে স্থির করে উঠতে পারল না।

পরদিন সকালে মৈত্রীর নজর পড়ল এক দেশী ইংরাজী কাগজের প্রথম পৃষ্ঠায় ছাপা ই আই রেলওয়ে কোম্পানীর চাকুরীর বিজ্ঞাপনে। এতে ছুটি মহিলা টিকেট-বিক্রেত্রীর পদ-খালির কথা ছিল। মৈত্রী বিজ্ঞাপনটা পড়েই পিতাকে জিজ্ঞাসা করল “আচ্ছা, বাবা, এই ই, আই, আর, কোম্পানী টিকেট-বিক্রেত্রীর কাজে বাঙালী মেয়েদের নেয় না?”

মু—বোধ হয় নেয় না।

মৈ—কেন নেবে না, এ বিজ্ঞাপনে ত কিছু লেখে নাই যে শুধু এংলো-ইণ্ডিয়ান মেয়েদেরই নেবে?

মু—তা হ'লে হয়ত বাঙালী মেয়েদেরও নেয়, দেখেছিও বোধহয় ছ একজন। তা তুই খোঁজ নিচ্ছিস কিসের জ্ঞা?

মৈ—আমি ভাবছি এর জ্ঞা উমেদার হ'।

মু—ক্ষাপা মেয়ে!

মৈ—বাবু! যে কথা! ক্ষাপামোটা কিসে হল বল দেখি? আমায় ত তুমি আর দশটা পরীক্ষায় পাশ করাওনি যে আমি অগ্না কোন কাজ করে উপার্জন করব?



মু—তোর কিছু কত্বে হবে না, মিতি মা।

বলে মৃত্যুঞ্জয় মৃত্যুর্জের জন্ম কন্ঠার চিবুকে ছড়ান চুলটা মাথায় তুলে দিলেন। মৈত্রী আর কোন কথা বলল না।

দিন সাতেক বাদে মৈত্রী পিতাকে জানাল যে তার ই আই আর কোম্পানীতে বেরিলীর, অফিসে টিকেট-বিক্রেত্রীর কাজে নিযুক্তি হয়েছে এবং সামনের মাসের পয়লা তারিখে অর্থাৎ প্রায় আরও বারো দিন পরে তাকে সেই কাজে লাগতে হবে। মৃত্যুঞ্জয় প্রথমটা শুনে হেসে উঠলেন এবং পরে যখন ব্যাপারটা যথার্থ বলেই বুঝতে পালেন, তখন উপস্থিত ক্রোধের হাত থেকে এড়াবার জন্ম বল্লেন “এ সম্বন্ধে ব্রাত্রে কথা হবে।” সে দিন সায়াহ্নে শ্রীমন্ত-কিরীট তুঙ্গনই ল্যান্সডাউন রোডের বাড়ীতে এসে খবর পেয়ে আশ্চর্য্য হয়ে গেল যে মৃত্যুঞ্জয় পদব্রজে একাকী বেড়াতে গিয়েছেন এবং মৈত্রী গেছে পাড়ার এক বালিকা-বিদ্যালয়ের প্রাইজ-সভায়।

মৃত্যুঞ্জয় সেদিন সন্ধ্যাবেলা দারুণ মনোক্ষোভে গোটা রাসবিহারী এঁভানিউটা একা একা ঘুরে বেড়ালেন। মৃত্যুঞ্জয়ের মনে কন্যার উপার্জনচেষ্টায় যতটাই ঋণাত লাগুক না কেন, এটা ঠিকই বুঝতে পারলেন যে মৈত্রীর আচরণে গর্হিত কিছুই ছিল না। উপার্জন-চেষ্টা ত কিছুই নিন্দ-নীয় নয়, মেয়েদের পক্ষেও তাহা অ-প্লাঘার ব্যাপার হতে পারে না। মৃত্যুঞ্জয়ের শুধুই মনে হতে লাগল যে কন্ঠা একবার ভেবেও দেখল না যে তার এই কর্ম-চেষ্টাতে পিতার মনে কতটুকু আঘাত লাগবে। মেয়ের নিজের কর্তৃত্বাভিমান হয়ে থাকে ত হোক—মৃত্যুঞ্জয় নিজেই ত কতবার কন্ঠাকে আত্ম-নির্ভরশীল হতে উপদেশ দিয়েছেন। কিন্তু পিতার মনের দিকটা কেন মৈত্রী তলিয়ে দেখল না? মৈত্রী কি জানেনা যে তার পিতার কর্মজীবনের আর্থিক প্রেরণা ছিল সে নিজেই, মৈত্রী কি জানে না যে সে পিতার জীবন-নেত্রের মণি—তার কোন অর্থের প্রয়োজন নাই, তার সম্বন্ধে কোন উপার্জনের প্রশ্নই উঠতে পারে না। ভাবতে ভাবতে বৃদ্ধের এক একটা করে মাতৃহীনা শিশুকন্ঠার বহুদিনকার ছোটখাট অনেক ঘটনা মনে পড়তে লাগল। ক্রমে মৃত্যুঞ্জয়ের আহত প্রাণের মেঘ-ভার উচ্ছ্বসিত স্নেহ-বাত্যায় উড়ে গেল। তিনি ঠিক করলেন যে তার কোন প্রকার দুশ্চিন্তা করা নিতান্তই অনাবশ্যক, কেন না মিতিকে বুঝিয়ে বল্লেনই চলবে যে তার উপার্জন-চেষ্টায় পিতার মনে নিদারুণ আঘাত লাগবে। মনের এই সহজ ভাবটা নিয়ে মৃত্যুঞ্জয় যখন ল্যান্সডাউন রোড একষ্টেনশনে কয়েক পা এগিয়েছেন, অমনি সাক্ষাৎ হল নিস্তারণ মিত্রের সঙ্গে।

নিস্তারণ—এই যে ভায়া মৃত্যুঞ্জয়। তোমার কথাই আজ বিকালে গিম্মির সঙ্গে হচ্ছিল। বলি তোমার এক-রত্তি মেয়েটার কিছু গতিকর্লে? যদি না করে থাক, তবে ভায়া এখনও বলছি ভেবে দেখো নিখিলের সঙ্গে সম্বন্ধটা।

মু—তোমায় ত বলেছি, নিস্তারণ, যে মেয়ে আমার রাজি হয় না?

নি—সব ব্যাটা বেটা কি একই ঠাকুরের গড়া ?

মু—কেন হে, চট্‌ছ কার উপর ?

নি—কার উপর আর—এই হারামজাদা আমার এই ডেপুটী মুখের উপর। খুব ভাল সম্বন্ধ এসেছিল হে, বড় এটর্গীর একমাত্র মেয়ে সন্তান। তাড়াতাড়ি করে ব্যটার নামে ১০০০০ টাকার একটা বীমা করিয়ে premium অবধি দিলুম। এখন শ্রীমান কুম্ভাণ্ড বলে কিনা মেয়ের বাপের চরিত্র দোষ। দোষ হয় ত বুঝবে তোর শ্বাশুড়ী, তোর ব্যটার কি ? হ্যাঁ ?

“কি আর করা যাবে” বলে মৃত্যুঞ্জয় কথা শেষ করে পথ হাঁটতে লাগলেন।

পিতার স্নেহ-বর্গলিত কাতরোক্তিতে কন্ঠার প্রতিজ্ঞা শিথিল হল না। মৃত্যুঞ্জয় যখন মৈত্রীকে বুকে টেনে বসলেন, “মিতি, তুই আমাকে এ ব্যথা দিস্‌ নে মা”, উত্তর হল “তুমি যদি অম্মায়-ভাবে ব্যথা পাও, তবে আমি কি কত্তে পারি বল” ? মৃত্যুঞ্জয় কন্ঠার ঘাড়ে বেষ্টিত নিজের হাত গুটিয়ে নিলেন আর কোন কথাই বলতে পালেন না। হৃচ্চিন্তায় এবং আহত অভিমানের বেদনায় সে রাত্র মৃত্যুঞ্জয় এক প্রকার বিন্দ্র ভাবেই কাটালেন। পরদিন মৃত্যুঞ্জয় ক্রমে ক্রমে শ্রীমন্ত ও কিরীটের শরণাপন্ন হলেন। মৈত্রী কড়া কথায় শ্রীমন্তকে ইচ্ছা করে অপমান করার জন্মই বল “মাষ্টারিতে বুদ্ধি লোপ পায় তা আগেই জাম্‌তাম। আপনি না কতবার বলেছেন যে জীবনে প্রত্যেকের আদর্শ স্বতন্ত্র, তবে কেন এখন আমায় বাবার দিক থেকে ভাবতে বলছেন” ? কিরীট এসে বলল “মৈত্রী, রোজগার করবে ভালই, তবে কি জান মেয়েদের রোজগারে সমাজের আর কারোই উপকার হয় না ততটা, যতটা হয় শাড়ী-ওয়ালার। এই একচোখোমিটা বাঁচিয়ে চলতে পারবে ত ?” মৈত্রী ক্ষিপ্ত হয়ে ঘর ত্যাগ করল। মৃত্যুঞ্জয়ের সমস্ত সুপারিশ ও অনুনয় অগ্রাহ্য করে মৈত্রী ই, আই, আর এর চৌরঙ্গীর অফিসে কাজে হাজির হ'ল।

বিদ্রোহী কন্ঠার নির্মম আচরণের দুঃসহ যন্ত্রণা বুকে নিয়ে মৃত্যুঞ্জয় দিন কাটাতে লাগলেন। পিতাপুত্রীর খাওয়া দাওয়া পূর্ববৎই এক সঙ্গে চলতে লাগল, খবরের কাগজ পড়ে আলোচনা তেমনি পিতাপুত্রীর প্রশান্ত জীবন-যাত্রাকে বাক্য-বহুল করে তুলতে লাগল, কিন্তু ল্যান্ডাউন রোডের বাড়ীতে তেমন ভাবে আর সান্ধ্য-বৈঠক জন্ম না। তার কারণ ছিল একাধিক। প্রথমতঃ, মৃত্যুঞ্জয় কন্ঠার চাকুরী গ্রহণের পর থেকে প্রায়ই সন্ধ্যায় হাওয়া খেতে বেরিয়ে যেতেন, কোন কোন দিন বা কন্ঠাও সঙ্গিনী হত। দ্বিতীয়তঃ, আগন্তুকদেরও ল্যান্ডাউন রোডের বাড়ীতে আলাপে যোগ দেবার ইচ্ছা অনেকটা মন্দীভূত হয়ে এল। তৃতীয়তঃ পিতাপুত্রী বাড়ী থাকলেও এবং শ্রীমন্ত-কিরীট বৈঠকে উপস্থিত থাকলেও যেন আলাপ-আলোচনায় পূর্বকার সরসতার অভাব লক্ষিত হত। মানুষের মন প্রকাশ্য বিরোধে যতটা না হৃন্দহীন হয়ে পড়ে, তার চাইতে ঢের বেশী হয় অপ্রকাশ্য বিরোধে।



সাক্ষ্য-মিলনের প্রসন্নতা মন্দীভূত হ'ল বটে কিন্তু মৈত্রীর কর্ম-জীবনের সূত্রপাত হতে তার প্রতি কিরীটের অমুরাগ গেল অনেকখানি বেড়ে এবং সে অমুরাগের প্রকাশও হ'ল কিরীটের স্বভাবানুগত বিকৃত-রূপে। কিরীট সুযোগ পেলেই বন্ধু-বান্ধবকে নিয়ে চৌরঙ্গীর কাউন্টার এ গিয়ে তাঁদের জন্ম টিকেট কিনে দিত এবং সেই সময় বিক্রেত্রীকে তাঁদের কাছে বন্ধুস্থানীয়া বলে পরিচয় করিয়ে দিত। পরিচয়ের এ রকমটা মৈত্রীর মোটেই ভাল লাগল না। তবুও হয়ত কিরীটের প্রতি তার ক্রোধ হ'ত না, যদি না বীমার দালালটা প্রায় দিন সাতেক কাউন্টারে যাবার পর একদিন গিয়ে মৈত্রীকে তার আফিসের মান্দাজী কর্তার সঙ্গে আলাপ করিয়ে দেবার জন্ত প্রস্তাব না কর্ত। মৈত্রী সরোষে সে প্রস্তাবেতো অস্বীকৃত হ'লই, তার পর দিন সন্ধ্যাবেলা বাড়ীতে মৃত্যুঞ্জয়ের সামনেই কিরীটকে এই প্রকার আলাপ করিয়ে দেবার ব্যাপার নিয়ে অত্যন্ত ভৎসনা করল। কিরীট এতে অপ্রতিভ বোধ না করে হেসে বল্ল “এটা বুঝছ না কেন মৈত্রী যে বীমার কাজটা আমার সখের ব্যাপার নয়।” মৈত্রী শুনে ক্রোধের আতিশয্যে কথা কইতে না পেরে গৃহস্থের চলে গেল।

মৈত্রী জেদের মাথায় ও নিজের বিচার-বুদ্ধিকে চরিতার্থ করবার একান্ত ব্যগ্রতায় চাকরী করতে এল বটে কিন্তু টিকেট অফিসের হালচালটা তার আদৌ ভাল লাগল না। যন্ত্রচালিতের মত ছ-সাত ঘণ্টা টিকেট হাতড়ান ও পাঞ্চ করা কাজটায় যত অবসাদই থাক্, মৈত্রী সেটাকে কোনরকমে বরদাস্ত করতে পারত। কিন্তু সব চাইতে তাকে পীড়া দিত সমস্ত আফিসের মধ্যে একমাত্র বাঙ্গালী মেয়ে বলে তার উপর পুরুষ-কর্মচারীদের কৌতুহলী দৃষ্টি এবং টিকেট ক্রেয়চ্ছদের গায়ে পড়ে তার সঙ্গে ভাব জমাবার চেষ্টা। লজ্জাশীলতা বলে যা বোঝায়, মৈত্রী কোনকালে সে হিসাবে লজ্জাশীল ছিল না। তার নারীত্বের প্রতি কোন আঘাত হলে সে তাকে প্রতিধাত না কর্লেও উপেক্ষাই করত। কিন্তু কাউন্টারের পাশে বসে কিংবা দাঁড়িয়ে মৈত্রীর যেন সেই অংগের স্বাভাবিক তেজস্বিতায় ঘাটতি পড়ল। এইরূপ মানসিক পীড়ায় সপ্তাহ তিন কাটলে পর, মৈত্রীর সৌভাগ্যক্রমে টিকেট-অফিসে একটা দ্বিতীয় বাঙ্গালী মেয়ে নিযুক্ত হল— নাম দুর্গাবতী দত্ত। মেয়েটাকে দেখে মনে হত মৈত্রীরই সম-বয়স্কা, যথার্থ দুর্গার বয়স ছিল উনিশ কি কুড়ি। নব-নিযুক্তাকে মান্দাজী-কর্তা মৈত্রীর কাছে সাত দিন কাজ শেখাতে দিয়ে গেলেন, মৈত্রী জিজ্ঞাসা করল, “আপনার নামটা কি—জানা যে দরকার।”

“দুর্গা।”

“দুর্গা কি?”

“দুর্গাবতী দত্ত।”

মেয়েটার সাজ-সজ্জার প্রাচুর্য্য দেখে মৈত্রীর প্রথমটা দুর্গাকে ভাল লাগেনি, তার ওপর নিজের নামটা যে মেয়ে ভাল করে বলবার ভদ্রতা জানে না, সে আবার কাজ করছে এসেছে ভেবেই সে আশ্চর্য্য হয়ে গেল।

কিন্তু দুর্গা সম্বন্ধে মৈত্রীর প্রথম দিনের বিশ্রী ভাবটা ক্রমশঃই কমতে লাগল। কারণ দ্বিতীয় দিন থেকেই মেয়েটা হয়ে পড়ল একেবারে মৈত্রীর প্রতি শ্রদ্ধানতা।

সে বল, “আপনি আমায় দুর্গা বলেই ডাকবেন কিন্তু আমি ডাকব আপনাকে মৈত্রীদি।”

“আমার নাম মৈত্রী কে বলে? এ নামে ত অফিসে কেউ ডাকে না, আমিও তোমায় বলিনি?”

“তা আমি জানি।”

ব্যক্তিত্বাভিমান যাঁদের তীব্র, অপরের শ্রেষ্ঠত্ব-স্বীকারে তাদের মনের ওপরে পড়ে স্নিগ্ধ প্রলেপ। মৈত্রীরও দুর্গার শ্রদ্ধাঞ্জলি পেয়ে হল তাই—সে এই নব-পরিচিতা, বেশী-বিলাসিনী অ-মার্জিত-ভাষিনীর প্রতি আকৃষ্ট হয়ে পড়ল। মৈত্রী তাকে উচু গোড়ালির জুতা ছাড়িয়ে নাগরাই ধরাল, উৎসারিত হাসিকে খর্ব করে খাটো ক্রমালের নূতন ব্যবহার শিখাল, দুর্গার দম্ভ্যাস-এর উচ্চারণটা নিভূল ও সরস করে তুললো। আশ্বর্য যে, দিনের পর দিন এই গুরু-বৃত্তিতে মৈত্রীর ধৈর্য বিদ্রোহী হল না এবং ক্রটির দিক থেকেও এই অনুল্লত মনের সংস্পর্শে তার ক্লান্তি এলো না।

মাসখানেকের ভিতরই মৈত্রী দুর্গার চরিত্রের ও জীবনের যোল আনা পরিচয় পেয়ে গেল। দুর্গা মনে করত তার জীবন অভিশপ্ত, কেননা তার নিজের কোন পিতৃ-পরিচয় ছিল না; মাতার মৃত্যুও তার কাছে ততখানি শোকের ব্যাপার ছিল না, যতটা ছিল মাতা-মাতামহীর পঙ্কিল জীবনের গ্লানি। দেহকে আঘাত দিবার জ্ঞাত দুর্গার দিদিমা তাকে যতটা লেখাপড়া শিখিয়েছিল, সেটুকুন লেখাপড়াই তার অন্তরের ঠাকুরকে তখন পিষে মারছিল। নিজের ক্ষুদ্র জীবনের বছর ছয়ের কথাও দুর্গা না শিউরে ভাবতে পারত না। কিন্তু তবু ভাল যে বিধাতা সেই বোর দুদিনেই পাঠিয়েছিলেন তাঁর মঙ্গলদূত। এ সব কথা যে দুর্গা ঠিক মৈত্রীকে মুখ ফুটে ব'ল্ল তা নয়, তবে মৈত্রীর অবিকৃত স্বরের তীক্ষ্ণ প্রশ্ন ও দুর্গার অশ্রুজ্বল গলার আত্মানুশোচনা মিলে যে সংক্ষিপ্ত জীবন কাহিনী দাঁড়ায়, তা মোটামুটি এই প্রকারের। যেদিন চৌরঙ্গীর ময়দানে দাঁড়িয়ে দুই সহকর্মিনীর বেশী খোলাখুলি ভাবে কথা হয় সেদিন ছিল শনিবার। বাড়ী ফেরবার পথে আশঘন্টার মত কথা হবার পর দুর্গা হঠাৎ মৈত্রীর প্রায় পা জড়িয়ে ধরে বল্ল,

“মৈত্রীদি, দোহাই তোমার, তুমি আমাকে ঘৃণা করো না।”

মৈত্রী তাড়াতাড়ি পাটা সরিয়ে শানিকটা ধমকের সুরে ব'ল্ল “ও কি করছ, দুর্গা, এ মাঠের মাঝে অভিনয়! তুমি কি করেছ যে আমি তোমাকে ঘৃণা করব? তোমার মা দিদিমার কাজের জ্ঞাত আর তুমি দায়ী নও।”

“আমার মধ্যে ত তাঁদেরই রক্ত। তা ছাড়া আমিই বা——”



“থাম, তুর্গা, থাম। ধনী লোকে টাকা খরচ করে যা করে, তার জন্ম ঘণ্য হয় না, আর ঘণ্য হবে তুমি, তোমার মা, যারা টাকার জন্ম ঐ একই কাজ করে। এ সব বৃজরুগি আমার কাছে বলতে এসো না। যাও এবার বাড়ী পালাও, আমিও যাচ্ছি।”

সেদিন মৈত্রীর তাড়াতাড়ি বাড়ী ফিরবার একটা বিশেষ কারণ ও ছিল, কারণ সেদিন ছিল সন্ধ্যার পর বোসেদের ওখানে স্বামীর সঙ্গে রত্নার আসার কথা। প্রায় বছর দুই হল রত্নার বিয়ে হয়েছে কিন্তু আশ্চর্যের ব্যাপার, সেই দিনই রত্না প্রথমে আসছে ল্যান্ডসডাউন রোডের বাড়ীতে। রত্না যে কখনো মৈত্রীর বাড়ীতে আসে নি কিংবা মৈত্রীও যে কখনো রত্নার বাড়ীতে যায়নি তার কারণ ছিল রত্নার স্বামীর পরিচিতদের প্রতি অনুরাগের একান্ত অভাব। রত্নার স্বামী ছাড়া যে সংসার ছিল, তা’তে ছিল ওর মা, ভাই, বোন ইত্যাদি, বড় জোর ওদের বিয়ের আগেকার ছুচার জন বন্ধু। শ্রীমন্তের স্ত্রীর কুম’-স্বভাবটা বেশ জানা ছিল, কাজেই স্ত্রীর কথা বোসেদের বাড়ীতে অনেক উল্লেখ করলেও কখন ও স্ত্রীকে নিয়ে সেখানে যায় নি। তা হলে ও হয়ত এমনটা হত না যদি মৈত্রীর স্বভাবটা হত সাধারণ মেয়েদের মত। নূতন বৌ দেখার যে অনুচাদের সখ থাকে, মৈত্রীর সে সখ ছিল না। মৃত্যুঞ্জয় শ্রীমন্তের বিবাহের অবাবহিত পরে মৈত্রীকে ছুচার বার বলে ও ছিল। “মিতিমা, তোমার শ্রীমন্তের স্ত্রীকে নিমন্ত্রণ করে খাইয়ে দেওয়া উচিত।”

“হবে’খন। হৌক না বৌটি একটু পুরোন। এখন এলে আসবে’ত একগা গয়না পরে। কি হুাকা এই বৌগুলো, যেন কিউরো দোকানের পশার। দেখে গা জলে।”

মৃত্যুঞ্জয় বুঝলে যে কোন কারণেই হৌক, কণ্ঠা রত্নার উপর হতশ্রদ্ধা। কাজেই • নিমন্ত্রণের ব্যবস্থা করলে ও সেটা খুব শোভন হবে না।

সে যাই হৌক মৈত্রী চাকুরীতে চুকবার মাস দুই পরে একদিন শ্রীমন্ত স্ত্রীকে বলল যে ওর মৃত্যুঞ্জয়ের সঙ্গে সাক্ষাৎ করে আসা উচিত, কেননা বৃদ্ধ ভজ্রলোকটা মেয়ের ব্যবহারে আশাত পেয়ে খানিকটা মন মরা হয়েই দিন কাটাচ্ছিলেন। রত্না প্রস্তাবে রাজি হল, খুলে বলল “ভালই বলেছ, দেখে আসা যাবে মৈত্রী বোসকে ও, মেয়েটাত পথ ছেড়ে চলছে অগা পথে”। শ্রীমন্ত সস্ত্রীক শনিবার আসবে বলে বোসেদের আগেই জানিয়ে গেল এবং মৈত্রী যখন সেদিন ময়দানের কথা বন্ধ করে বাড়ী এসে হাত মুখ মাত ধুয়েছে, এমনি সময় ওদের বসবার ঘরে এসে হাজির হল রত্না ও শ্রীমন্ত। মৃত্যুঞ্জয় সে ঘরে ওদের জন্ম অপেক্ষাই করছিলেন, মিনিট দুই পরে প্রশান্তভাবে এসে ঘরে ঢুকল মৈত্রী।

শিষ্ঠাচার ও প্রথামাফিক পরিচয় সমাপ্ত হলে রত্না তার ছোট চৌকিটা চেড়ে বসল গিয়ে মৈত্রীর পাশ ঘেসে, বড় কৌচেতে ও স্থিত মুখে বলল “আপনার কথা কত শুন্টি কিন্তু দেখা করা হয়ে উঠে না একটা না একটা ফ্যাসাদে।”

মৈত্রী জবাব দিল “আমার ত কোন ফাঁসাদ নাই, তবুও আপনার সঙ্গে দেখা হল আজই প্রথম”।

মৃত্যুঞ্জয় বলল “তোমারই কি ফাঁসাদ বোমা—কি বলছে শ্রীমন্ত, আমি একে বোমাই বলি— (শ্রীমন্ত মাথা হেট করে সম্মতি জানাল) ফাঁসাদ মা তোমার ও কিছু নেই। তা হলে ও এটা ঠিক যে আমাদের ঘর-কল্লার যা বিলি ব্যবস্থা তাতে মেয়েদের সময়ের উপর টান হয় অত্যন্ত বেশী। শ্রীমন্ত—একথা কেন বলছেন। আমারত মনে হয় আমরা মেয়েদের খাটুনি সম্বন্ধে আজকাল অতখানি সজাগ যে তাদের সময়ের উপর আমরা অনাবশ্যক কোন দাবীই করি না।

এমনি সময় রত্না বলল “চলুন না মিস্ বোস, আমরা আপনার ঘরে যাই”।

মৈত্রী তাঁর বিষয়কে যথাসাধ্য অতিক্রম করে বলল “চলুন” বলে কোচ ছেড়ে উঠল।

প্রায় ঘণ্টা দেড়েক মেয়ে ছুটীতে অনেক কথা হ'ল। রত্না স্বতঃপ্রসব্ত হয়েই অনেক কথা মৈত্রীকে বলল, তার মা বোনের কথা, স্বামীর গিলেদার পাঞ্জাবীর প্রতি বিতৃষ্ণা, রাত জেগে পৌরানিক আখ্যান ও ইংরেজী উপন্যাস পড়ার বাতিক ইত্যাদি; এমন কি প্রায় স্বতঃপ্রসব্ত হয়েই শুধু গলায় গান গাইল “ওহে সুন্দর মরি মরি! তোমায় কি দিয়ে বরণ করি।” মৈত্রীর কোন কথাই খুব ভাল লাগাছিল না, কিন্তু সব কথাই সে খুব বিষ্ময়ের সহিত শুনছিল। রত্নার কথা বাস্তব কোন বুদ্ধির তীক্ষ্ণতা ছিল না, তবে তাতে মৈত্রীর মতে অসাধারণ প্রকাশ ছিল। মৈত্রীর মনে ভাবটা একটা রূপক দিয়ে বলতে গেলে বলা চলে যে মানুষ যেন সবাই এক একটা নল-কূপ, বিধাতাজুনের শর-সন্ধানে প্রত্যেকের বুদ্ধি ধারা বৃষ্টি একেবারে পাতাল সম্পূর্ণ। কিন্তু রত্নাকে দেখে মনে হল এ যেন বর্ষার জল-পৃষ্ঠ অগভীর বাগী-তট, তৃণ-পুষ্পের সবুজ-শ্রীতে গৌরবময় হয়ে রয়েছে। রত্নার স্বাভাবিক প্রকাশশ্রী যত কমই থাক্‌না কেন, এটা ঠিক যে মৈত্রীর সঙ্গে প্রথম রাত্রিকার সাক্ষাতে সে আপনাকে প্রকাশ করেছিল চমৎকার রূপে। তার কারণ রত্নার ধারণা ছিল যে মৈত্রীর সঙ্গে কথা বলে নিজেকে হীন বলেই বোধ করবে মৈত্রীর রূপ, গুণ ও বিদ্যা এমনি হবে। সাক্ষাতে রত্নার সেই হীনতা বোধের আশঙ্কা একেবারে গেল কেটে—রত্না তখন যেন অহুরে অহুরে একটা জয়েন্টলাইট বোধ করতে লাগলো এবং তাই আশ্চর্য নিবিড়তার সহিত তার অপ্রকৃত স্বভাবকে ও মূর্ত করে তুলল—হাসিতে, গানে ও কথার ভঙ্গিতে।

যে রাত্রে নটায় রত্ন ও শ্রীমন্ত মৃত্যুঞ্জয়ের বাড়ী ত্যাগ করল।

• দুর্গার সঙ্গে মৈত্রীর পরিচয়টা অল্পদিনের মধ্যে আরো ঘনাইয়া আসিল। শনিবারের অপরাহ্নে মাঠে দাঁড়িয়ে কথাবার্তা চলার প্রায় সপ্তাহ ছুই বাদে মৈত্রী দুর্গাদের বিডন স্কোয়ারের বাড়ীতে অফিস ফেরবার পথে চা খেতে এল। এসে মৈত্রী বেশীক্ষণ বসল না। বন্ধু সুলভভাবে অপর মেয়েদের মত গল্পগুজব জমান মৈত্রীর ধাতে নাই, তা ছাড়া সেদিনের আসাটা হয়েছিল একেবারে আকস্মিক। দুর্গার প্রতি মৈত্রীর যতটা করুণামিশ্রিত পক্ষপাতিত্বই থাক্‌, দুর্গার



দিদিমাকে দেখে মৈত্রীর মোটেই ভাল লাগল না। একে ত হরমোহিনী ছিল অতিশয় স্থূলঙ্গিনী, তা ছাড়া মেজের উপর ঢালা বিছানায় বসে সে যেমন ধারা হাতের কাঁচের পিকদানে প্রতিমুহূর্তে পানের পিক ফেলছিল, তাতে মৈত্রীর মেজাজ গিয়েছিল বিরক্তিতে ভরে। ঘরে ঢুকেই দুর্গা সহকর্মিনী মৈত্রীদিকে দিদিমার কাছে এবং তাঁরই অনতিদূরে অর্দ্ধশায়িত অখিলদার সঙ্গে পরিচিতা করে দিল। অখিল বিশেষ কোন কথাই আগন্তুক আর সঙ্গে কইতে পারল না কিন্তু হরমোহিনী মৈত্রীর সঙ্গে বিড়বিড় করে গেল মেল। মৈত্রী যখন বল্ল যে সে গান গাইতে জানে না, হরমোহিনী হেসে হেসে হাঁপিয়ে উঠল এবং পরে অখিলকে বল্ল “শুনলে নাতি, ছুঁড়ীর কথা শুনলে, গাইতে শেখে নি। তুমি ত জান আমি আমার দুর্গাকে কেতন শেখাবার জন্য গোয়ামী ঠোঁড়াটাকে আমার ওখানে আসবার জন্য কত খোসামুদী করেছি।”

অখিল মেজের দিকে তাকিয়েই সংক্ষেপে বুদ্ধার কথার জবাব দিল “হুঁ”। মৈত্রী অসহিষ্ণু হয়ে দূরের চৌকি হতে উঠে দাঁড়াল, ইচ্ছা তখনই পালায়। এমন সময় খাবারের রেকাব হস্তে ঘরে ঢুকল দুর্গা এবং পেছনে পেছনে চায়ের বাটি হাতে করে বাড়ীর ঝি। চা-খাবার খানিকটা গলাধঃকরণ করে মৈত্রী মিনিট পাঁচেকের মধ্যে ব্যস্ত হয়ে দুর্গার নিকট হতে বিদায় নিল। খানিকটা অসহিষ্ণুতার জন্য ও খানিকটা বাহ্যিক সজ্জাভীনতার জন্য মৈত্রী দুর্গাকে একবার ওর সঙ্গে বসে নিজের চা-খাবার খেতে বল্ল না। এমন কি ঘর থেকে বেরোবার সময় মৈত্রী অখিল কিংবা হরমোহিনীর প্রতি শিষ্টাচার পর্যাস্ত করল না।

পলাতক

গৌরচন্দ্র চট্টোপাধ্যায়

পেরিকপ ভেড়ে যখন বেরোলাম তখন আমাদের মেজাজ যতদূর খারাপ হবার; খিদেয় অস্থির, সারা দুনিয়ার লোকের ওপর রাগে গা যাচ্ছে জ্বলে। সুদীর্ঘ বারো-তেরো ঘণ্টা কাটিয়েছি খোঁজাখুঁজি লাফালাফিতে—সামান্য কিছু খাবার যদি হাতানো যায় এই মনে ক’রে, কিন্তু সব বৃথা। শেষকালে কিছুতেই কিছু হবে না দেখে অগত্যা সামনের দিকে এগোনোই ঠিক করলাম কিন্তু কোন্‌দিকে এবং কোথায় তা’ তখনও অনিশ্চিত।

এতদিন জীবনধারণ যে খাত ধ’রে বয়ে এসেছি আজও সেই খাতেই বইব, একথাটা আমরা প্রত্যেকেই মৌনভাবে স্থির ক’রে নিলাম,—ক্ষুধিত চোখের স্নান দৃষ্টিতে, সহজভাবে জলজল করছিলো সে কথাটা, আমাদের তিনজনের ভাব হয়েছে খুব বেশী দিন নয়; তা’ হয়েছিলো

নীপার নদীর তীরে থার্মন সহরের একটা মন্দের দোকানে। একজন আগে কাজ করত রেলসৈন্যদলে পদাতিক সৈনিকের, পরে বোধ হয় ভিসচুলা রেল কোম্পানীতে প্রধান কর্মচারী হয়েছিলো। তার চুলগুলো সব কটা, হাড়শাল বলিষ্ঠ পেশীবহুল দেহ, পাণ্ডুর চোখ দুটো উদাসিন্যে ভরা। জামাণ ভাষা তার খুব বেশীরকম জানা আর বন্দী-জীবনের অভিজ্ঞতাও ছিলো তার বিস্তর। নিজেদের অতীত জীবন সম্বন্ধে খোঁচা করে বেশী কিছু বলতে আমাদের মত অবস্থার লোকে বিরক্তি বোধ করে, তার পেছনে সময় সময় অবশ্য গায়সম্মত কারণও থাকে। কাজেই আমরা পরস্পরকে বিশ্বাস করেই নিলাম, বাতীরে অহুত সেটুকুর অভাব নজরে পড়বার যো ছিলনা।

দ্বিতীয় সঙ্গীটী নিজেকে নম্রো বিশ্ববিদ্যালয়ের একজন ছাত্র বলে পরিচয় দিলে। আমি আর সৈনিকপুরুষটী দুজনেই একথায় বিশ্বাস করলাম। লোকটা যেমন বেঁটে তেমনি রোগা, সব সময় সে তার পাতলা ফিনফিনে দাঁট দুটো চেপে থাকে; তাই তাকে খুব বেশী মনেদুবাদী বলে মনে হয়। তা' সহজে তার কথায় বিশ্বাস করবার হেতু আছে; সে ছাত্রই হোক, গোয়েন্দাবিভাগের কোনো কর্মচারীই হোক আর চোর বাটপাড় যাই হোক না কেন, এ অবস্থায় তাতে আমাদের কিছু আসে যায় না। শুধু জানি, দৈবচক্রিপাকে চুলচাড়া অবস্থায় যখন পরিচয় হয়েছে তখন আমরা তিনজনেই সমান। খিদের জ্বালা কাকুর কম নয়, তিনজনের ওপরই পুলিশের কড়া নজর। আমাদের প্রত্যেককেই দুনিয়ার সবকিছুর ওপর প্রতিশোধ নিতে হবে এটা যদি সে ভাবে তা' হলেই হয়।

আমার তরফ থেকে বলতে গেলে এই বললেই যথেষ্ট হবে যে নিজের সম্বন্ধে সব সময় একটা বড় ধারণা পোষণ করবার বাতিক আমার ছিল।

সামনে সৈনিকপুরুষটী, পেছনে আমি আর আমার পেছনে সেই ছাত্রটী। ছাত্রটীর কাঁধ বেয়ে একটা কি বুলছিলো জ্যাকেটের মতন। তার তেরছা মাথায় ছিলো চওড়া একটা জরাজীর্ণ টুপি, মাথার চুল খুব ছোট ছোট করে ছাঁটা। সরু সরু পা দুটো একটা আঁট-সাঁট পায়জামার মরো ঢোকানো, জায়গায় জায়গায় তার রঙবেরঙের তালি আর পায়ের তলায় সে বেঁধে রেখেছে রাস্তা থেকে কুড়িয়ে-পাওয়া উঁচু গোড়ালীওয়ালা একটা বৃট জুতার শুধু ওপরের দিকটা, জ্যাকেট থেকে ছেঁড়া খানিকটা ফালি দিয়ে। সে বলে সেটাই তার 'স্মাগল'।

কোনো কথা না বোলে চুপটা করে সে হাঁটছিল রাস্তার ধূলা উড়িয়ে, স্বচ্ছ নীল চোখদুটো তার ঈষৎ মিটমিট করছিল।

আর সৈনিকপুরুষটীর গায়ে লালরঙের তুলোর সাঁট, থার্মন থেকে নিজহাতে সেটা সে জোগাড় করেছে, সাঁটের ওপরে একটা বেশ গরম ওয়েষ্ট কোট, মাথায় বহু পুরোণো এক সৈনিকের টুপি, তার রঙ ঠিক করা যায়না; প'রে আছে একটা লম্বা পায়জামা, পা দুটো খালি।



আমারও পরণে এই রকম একটা পোষাক ছিল, তবে পায়ে দেবার আর কিছু জোটেনি।

আমাদের চারপাশে বিরাট তরঙ্গায়িত প্রান্তর তার অপূর্ব শোভা নিয়ে। তার ভেতর দিয়ে পথ গিয়েছে একেবৈকে, ধূলিকংকরময় বিঘ্নসংকুল রৌদ্রোত্তপ্ত পথ। পা আমাদের পুড়ে যাচ্ছে। কখনো কখনো সামনে পড়ে ফালি ফালি শস্যক্ষেত্র, সবমাত্র সেখানে শস্য কাটা শেষ হয়েছে। সেগুলো দেখাচ্ছিল সৈনিকদের বহুকাল-না-কামানো গালের মতন।

পথ চলতে চলতে আনন্দের আবেগে সৈনিকবন্ধুটা গান ধরে। যেমন উগ্র কর্কশ তার গলা, তেমনি গম্ভীর সে গানের সুর। চাকরী করবার সময় সে সৈন্যদলের গীর্জায় সঙ্গীতধাক্কের পদ পেয়েছিলো। আমাদের কথাবার্তা জুড়িয়ে এলে ফাঁকে ফাঁকে সে তখনকার শেখা গোটাকতক ধর্মসঙ্গীত গেয়ে সঙ্গীতবিজ্ঞানের বৃথাই অপচয় ক'রে চলত।

সামনে দিগন্তে নজরে পড়ল নজ্রাকাটা রঙবেরঙের ছোট ছোট আকৃতি।

—ওগুলো নিশ্চয়ই ক্রিমিয়া পাহাড়ের চিহ্ন! শুধু গলায় ছাত্রীটা মথবা করে।

—পাহাড়? অনেক দেবী, বন্ধু, অনেক দেবী। দেখাচোনা, ওগুলো কেবল সারিসারি মেঘ। কেমন দেখাচ্ছে বলত?—ঠিক যেন ছুধেমাখা ক্র্যানবেরী (১) জেলির মতন। সৈনিকটা হাসতে থাকে।

মেঘগুলো বঃস্থবিকপক্ষে জেলির তৈরী হ'লে কি মজা হোত তাই নিয়ে আমি একটু রসিকতা করবার চেষ্টা করলাম কিন্তু তাতে খিদে যেন আরো বেড়ে গেলো প্রচণ্ডমাত্রায়, ছুদিনের কি নিদারুণ অভিশাপ!

—কি আপদ, একটা জ্যাম্ব লোকেরও যদি দেখা পেতাম! কিন্তু কেউ নেই এ সময়! সৈনিকটা থুথু ফেলে জোর গলায় চৈঁচায়।

—কিন্তু আমি ত তোমায় বলেছি বেশ লোকজন আছে এমন একটা জায়গার খোঁজ করতে।—ছাত্রীটা পরামর্শ দেয়।

—তুমি ত বলবেই, বিছো বেশী তাই চূপ ক'রে ত আর থাকা যায়না! কিন্তু লোকের বসতি কোথায় তা' কোন শালা জানে?—সৈনিকের কণ্ঠে ফ্রোমের ফুলিঙ্গ।

ছাত্র চেপে যায় টোট ছটী এক ক'রে। অন্তঃগামী সূর্যের শেষ রশ্মিআভায়ে দিগন্ত-ঘেরা মেঘের দল বিচিত্র রঙে রঙীন হয়ে ওঠে। মাটির গন্ধ ভেসে আসতে থাকে বাতাসে ভর দিয়ে।

কিন্তু এই গন্ধে আমাদের খিদে যেন নতুন ক'রে চাড়া দিয়ে উঠল। মনে হোলো দেহের রস যেন মাংসপেশীর নালা বেয়ে বেরিয়ে গিয়ে বাতাসে মিলিয়ে যাচ্ছে আর পেশীগুলো তত ফাঁগ, নিস্তেজ হ'য়ে পড়ছে। সারা মুখে আর গলায় কেমন যেন ক্লেশকর নীরস ভাব, মাথা ঝিমিয়ে

(১) লালরঙের জম্ব ফল বিশেষ, খেতে টক লাগে।

আসছে আর চোখের সামনে যেন সর্বক্ষণ কালো কি একপ্রকারের দাগ ভেসে ভেসে বেড়াচ্ছে। কখনো মনে হচ্ছে ওগুলি বুঝি ধোঁয়াওয়া গরম মাংসের টুকরো, নয়ত পাঁউরুটী এবং আরও অল্প কিছু; কখনো বা তাদের বিশিষ্ট গন্ধগুলো পর্যন্ত শূঁকতে পাচ্ছি।

যাই হোক পরস্পরের কাছে ভাব বিনিময় করে আর চারদিকে সতর্ক সজাগ দৃষ্টি রেখে আমরা এগিয়ে চলি; প্রাণে আশা জাগে হয়তো ভেড়ার পাল কোথাও চোখে পড়বে, নয়ত আর্মেনিয়ার বাজার অভিযুক্তী তাতার দেশের ফলবাহী গাড়ীগুলোর ক্যাচম্যাচ শব্দ ও বা শুনতে পাব।

কিন্তু উন্মুক্ত নির্জন প্রান্তর খাঁ খাঁ করতে থাকে।

জুথখানদার দিনে আজ সেই কোন্ সকালে তিনজনে মিলে আমরা খেয়েছি মাত্র চার পাউণ্ডটাক গমের রুটী আর পাঁচটা তরমুজ, তার ওপর তেঁটেছিও বড় কমখানি নয়, তাই পেরিকপের বাজারে হঠাৎ ঘুমিয়ে পড়ার পর যখন জাগলাম তখন খিদেয় আর চোখে দেখতে পাচ্ছি না।

না শুয়ে বা ঘুমিয়ে চুপটী ক'রে রাতটা ঠায় পাহারা দেবার পরামর্শ দিলে ছাত্রটী। কিন্তু তন্দ্রাসমাজে অপরের জিনিস ছিনিয়ে নেবার মতলবের কথাটা জোর গলায় প্রচার করবার রেওয়াজ নেই, তাই এমনিতেই আমি বাকরোধ ক'রেছিলাম। সত্যি কথা বলার ইচ্ছেটা আমার অসাধারণ, তাই বোলে অপ্রিয় সত্য আমার মুখ দিয়ে সহসা বেরোয় না। এটী আমার স্বভাবের বৈশিষ্ট্য। আমি জানি এই সুসভ্যতার যুগে মানুষের অসৎ আচরণের মাত্রা যত বেড়ে চলেছে ঠিক সেই ভাবে তার মনপ্রাণ কোমল থেকে কোমলতর হয়ে উঠছে। আমি ত নিজের তিক্ত অভিজ্ঞতায় দেখেছি লোকে যখন প্রতিবেশীর গলা টিপে ধরে তখনো তার মুখখানিতে দয়া বা সৌজন্মের অভাব ঘটেনা; এয়গ উল্লতির সোপান বেয়ে এগিয়ে চলেছে অথচ জেলখানাই বল, মদের দোকানই বল, আর দুশ্চরিত্র লোকদের আড্ডাই বল, এদের সংখ্যা কমা ছেড়ে উত্তরোত্তর বেড়েই চলেছে।

রাস্তা থেকে একটা ছোটখাটো কাঠের গুঁড়ি তুলে নিয়ে সৈনিকটী উৎসাহ দেয় : কমরেডস্, আগুন জ্বালাবার জোগার দেখা যাক। আজ রাতটা এই মাঠের মাঝখানেই কাটাতে হবে ত, তার ওপর এই শিশির পড়তে।

দল ছাড়া হয়ে প্রত্যেকে রাস্তার আশেপাশে যা' কিছু পাওয়া যায় তারই খোঁজ করতে লাগলাম, গাছের লতাপাতা, শুকনো ঘাস, আরো অল্পকিছু, যাতে চট করে আগুন লাগে এমন। যখনই মাথা নীচু করি তখনই মনে হয় মাটিতে শুয়ে পড়ি, নড়নচড়নরহিত হয়ে মাটি কামড়ে প'ড়ে থাকি আর প'ড়ে প'ড়ে অঘোরে ঘুম দি।

—যদি কোনো গাছের শেকড়বাকড়ও পাওয়া যেত! সৈনিকটী দীর্ঘ নিঃশ্বাস ফেলে।

কিন্তু কালো চ্যা মাটির ওপর শেকড়ের চিহ্ন পর্যন্ত নেই। দেখতে দেখতে পৃথিবীর বৃক্



রাত নামল, দিন শেষের রাত্তা রোদ মিলিয়ে যেতে না যেতে সুনীল অন্ধকার আকাশপথে ছোট ছোট তারা জ্বলে উঠল, আর আমাদের চারধারে নিকষ কালো ছায়া এলো ঘনিয়ে।

—কমরেডস্! ওই, ওইদিকে বাঁয়ে একটা লোক শুয়ে রয়েছে, নয়?—চাঁপা গলায় ছাত্রী আমাদের দৃষ্টি আকর্ষণ করে।

—লোক! সন্দেহভরে সৈনিকটা প্রশ্ন করে: ওখানেই বা শুয়ে থাকতে যাবে কেন?

—বেশত, কাছে গিয়ে জিগোস্ করোনা, ওর কাছে হয়তো রুটী মিলতে পারে—ছাত্রী আমাদের সন্দেহ দূর করবার চেষ্টা করে।

লোকটা যেদিকে শুয়েছিল সেদিকে খানিকক্ষণ একদৃষ্টি তাকিয়ে থাকা ফেলে দূট গলায় আবার সে হেঁকে ওঠে: চলো ওদিকে যাওয়া যাক্।

পঞ্চাশ সার্বিন্ (২) দূরের ঐ অন্ধকারে ঢাকা মানুষের দেহ কেবল তাই তীক্ষ্ণ দৃষ্টিতে ধরা পড়েছিলো। লাড়ল চ্যার দায়ে ওপর দিয়ে দিয়ে আমরা তাড়াহাড়ি তার দিকে যেতে লাগলাম, খাবার কিছু পাবার সম্ভাবনায় ক্ষমাবোধ যেন আমাদের পেয়ে বসল। কাছে গিয়ে দেখি লোকটা নড়ে ওনা চড়ে ওনা, প্রাণের স্পন্দনও যেন থেমে গেছে।

—এ নিশ্চয়ই মানুষ নয়, অথ কিছু—বিরস বদনে সৈনিকটা তিরস্কার করে।

আমাদের সন্দেহ দূর হোল তাকে নড়ে চড়ে উঠতে দেখে। অন্ধকারের মরেই দেখতে পেলাম লোকটা প্রকৃতি জড় মানুষ, তাঁটু গেড়ে আমাদের দিকে হাত ছুটো বাড়িয়ে আছে।

তারপর অস্পষ্ট কীপা গলায় হাঁক দিল: কাছে এসোনা, তা হ'লে হুঁল থাকে।

আকস্মিক তার শব্দে বাতাস ভারী হ'য়ে ওঠে।

আমরা ততচ্ক্ষিত হ'য়ে থেমে যাই, তার ঐ অদ্ভুত কথার ভঙ্গীতে অভিভূত হ'য়ে থাকি।

—শালা বদমাস আছে। সৈনিকটা বিড়বিড় করে।

—যা বলেচো: ছাত্রীকে চিন্তিত দেখা যায়: ওর হাতে একটা বিভলভারও আছে।

—হাঁ, হ্যাঁ ওর মাথায় কিছু একটা মতলব আছে হে! সৈনিকটা চেঁচিয়ে ওঠে।

লোকটা নির্বাক হ'য়ে আগের মতই পড়ে রইল।

—ওহে, শোনো ত। আমরা তোমায় কিছু বলতে চাইনা, কিছু রুটী ছাড়া দেখি। দোহাই তোমার।—সৈনিকের কথা মাঝপথে আটকে যায়।

লোকটা তবুও নীরব হ'য়ে থাকে।

রাগে আর তত্বশায় কাঁপতে কাঁপতে সৈনিক আবার বলে: শুনতে পাচ্ছোনা? আমাদের খানিকটা রুটী দেবার কথা বলছি। তোমায় কিছু বলবোনা, শুধু আমাদের দিকে ছুঁড়ে দাও।

—আচ্ছা বেশ ! লোকটা অলঙ্কারের মধ্যেই জবাব দেয়।

মুখে হাসি টেনে শাস্ত্র গলায় সৈনিকটা ব'লে চলে : জাখো, আমাদের দেখে তুমি ভাই ভয় পেওনা। আমরা নিঃশঙ্ক লোক, যাচ্ছিলাম রাশ্যা থেকে কুবানের দিকে—পথে টাকা পয়সার খাঁকতি পড়ল, তার ওপর যা কিছু ছিলো তা'ও খেয়ে খরচ হ'য়ে গেছে, আজ ছুদিন হ'ল না খেয়েই দিন কাটছে, বুঝলে না ?

প্রায় বিশ গজটাক দূরে থাকায় তার সেই মিষ্টি হাসি লোকটার নজরে পড়লনা।

—ধরো, ব'লে বাতাসে হাত ঘুরিয়ে সে চোঁচিয়ে ওঠে। অমনি কালো মতন কি একটা যেন উড়ে এসে আমাদের খুব কাছে চবা জমির ওপর পড়ল। ছাত্রটা ছুট দিল সেটা কুড়িয়ে আনবার জন্যে।

—ধরো, আবার ধরো ! বাস্ সব শেষ, আর আমার কাছে কিছু নেই।

সে সব কুড়িয়ে বাড়িয়ে আনলে দেখলাম তা' পাউণ্ড চারেক শক্ত রুটী হবে। আর শক্ত শুকনো রুটী খেতেও লাগে বেশ !

—এই হোলো তোমার, এই হোলো আমাদের পণ্ডিতের, আর এই হোলো আমার। না দাঁড়াও, পণ্ডিতমশাই তোমার থেকে আরও কিছুটা দাঁড়াও নইলে ওর ভাগে কম প'ড়ে যাবে। সতর্ক হ'য়ে ভাগ করতে করতে সৈনিকটা ধীর গলায় বলে।

ছাত্রটা তাই মেনে নেয়।

আমি রুটি চিবোতে লাগলাম, কণ্ঠমালী দিয়ে যখন সে গুলো নীচে নামতে লাগলো তখন আমার ডাক ছেড়ে চোঁচিয়ে উঠতে ইচ্ছে হচ্ছিল। দ্বাদশ দিনগুলির কথা আর আমার স্মরণ রইলোনা, ভুলে গেলাম বন্ধুদের কথা, জগতের কথা। কি এক অবাক্ত আনন্দের গুরুভারে আমি যেন তলিয়ে গেলাম।

কিন্তু শেষ টুকরোটা যখন গলা দিয়ে নেমে গেলো তখনো খাবার ইচ্ছে আমার জুড়ায়নি।

আমার কাছটায় মাটিতে বাঁসে পেটে হাত বুলাতে বুলাতে সৈনিকপুরুষ চোঁচিয়ে ওঠে : ওশালার কাছে আরো মাংসটাস আছে নিশ্চয়ই।

—আমারো তাই মনে হয়, রুটীতেও ত সেই রকমই গন্ধ পাচ্ছিলাম। তাছাড়া রুটীও ওর কাছে আরও আছে : চাপা গলায় ছোকরাটা ফিস্ফিস্ করে : হাতে রিভলভার থেকেই যে যত মুশ্কিল করেছে.....

—লোকটা কি ধাতের ব'লে মনে হয় ?

—আমাদেরই মত একজন.....

—একটা আস্ত কুকুর, সৈনিকটা ছোকরার কথায় বাধা দেয়।



ঘেঁষাঘেঁষি ক'রে ব'সে আমরা রিভলভার হাতে লোকটার দিকে আঁড়োঁথে চেয়েছিলাম। সেদিক থেকে কোনো শব্দ বা জীবনের কোনো চিহ্ন তখন টের পাওয়া যাচ্ছিলনা !

আমাদের পাশে আধারের পর আধার নামল ওপর থেকে, মৃত্যুকাতর নিস্তব্ধতায় প্রান্তর গেছে ছেয়ে ! পরস্পরের নিঃশ্বাসের শব্দ শুনতে পাচ্ছি। পাতাড়ে ইজরের আতঁরব থেকে থেকে বাতাসে ভেসে আসছে। আর ওপরে আকাশের স্তনীল বৃকে তারার দল আলোর খেলা খেলে চলেছে। আমাদের ক্ষুব্ধবোধের বেগ বেড়ে চলেছে আবার।

নীরবতা ভঙ্গ ক'রে আমি বললাম : চলো ওর দিকে ফের যাওয়া যাক্। ওকে কিছু বলার দরকার নেই, যদি কিছু থাকে ত তারও সম্ভাবতার করা যাবে। গুলি ছুঁড়বে !—তা ছুঁড়ুক। লাগে ত একজনের গায়েই লাগবে আর একটা গুলিতে কিছু আর মারা পড়বনা।

লাফিয়ে উঠে সৈনিকটা আমার কথায় উৎসাহ প্রকাশ করে : বেশ ত চলো !

খুব আস্তে আস্তে ছাত্রটা চলতে থাকে আমাদের পেছন পেছন।

তিরস্কারের সুরে সৈনিক বলে : কমরেড্ !

হঠাৎ আলোর ঝলকানিতে আমরা থকচকিয়ে যাই, অমনি গুলির প্রচণ্ড আওয়াজ কানের পরদায় ঘা দেয়।

ফসকে গেছে, বলে আনন্দে লাফিয়ে উঠে সৈনিকটা চেঁচায় : পরক্ষণেই একলাফে গিয়ে লোকটাকে ঝাঁকুনি দেয় : এইবার, এইবার শালা তোকেই এই গুলিতে সাবাড়।

ছাত্রটা দৌড়ে গিয়ে তার বোঁচকায় থাবা নারে, সেটাকে ছুঁইতাহতে আঁকড়ে ধরে সে জোরে জোরে নিঃশ্বাস নেয়।

—শয়তান ত কম নয়, সবিস্ময়ে সৈনিকটি বলে লোকটাকে লাথি মারবার ভঙ্গিতে : নিজেকে গুলি করতে গেছিল নাকি ? এই, এই শালা নিজেকেই গুলি করলি নাকি ?

ছাত্রটা আনন্দের মাথায় চেঁচিয়ে ওঠে : এই যে মাংস, তরেক রকমের কেক্, রুটী, আরো কি কি যেন রয়েছে !

—চুলোয় যাও তবে। চলো চলো, ওগুলোর ব্যবস্থা করা যাক্। সৈনিক উৎসাহে ফেটে পড়ে।

লোকটার হাত থেকে আমি রিভলভারটা কেড়ে নি, তখন সে নিজীব হয়ে পড়ে রয়েছে। রিভলভারে আর একটি মাত্র গুলি বাকি।

আমরা নির্ধিবাদে চুপচাপ খেতে থাকি। লোকটাও চুপচাপ প'ড়ে, ওর দিকে নজর দেবারও আমাদের তখন অবসর নেই !

অকস্মাৎ একটা কক্ষ কল্পিত স্বর কানে আসে : কমরেড্‌স্, শুধু রুটীর জায়গাই এই সব করা !

আমরা সচকিত হয়ে উঠি, ছাত্রীটা গলা খাঁকারি দিয়ে মাথা নিচু করে কাশতে শুরু করে।

—তোমায় মারতে চেয়েছিলাম বলে মনে হয়, না? কিন্তু তোমায় শুধু শুধু মেরে কি হবে বলো? সৈনিকের গলার স্বর শান্ত, বীর, মায়ত।

ছাত্রীটা ফস্ করে বলে ওঠেঃ সব্বর করো, আগে খাবার কয়টা শেষ করে নি, তারপর যা' হয় করা যা'বে।

রাতের স্তগভীর নিস্তরঙ্গতার মাঝে লোকটার প্রবল জোর জোর নিশ্বাস প্রাণে আশংকা জাগিয়ে তোলেঃ কমরেডস্, আমি গুলি ছুঁড়েছিলাম ভয় পেয়ে।...সূর্য ডুববার পরই অরে আমি বেতম হয়ে পড়ি।...যাচ্ছিলাম স্পোলেনস্-এ, সেখানে ছুতোর মিস্টার কায করি।...বাড়ীতে বোটা আছে আর আছে ছোটো মেয়ে, একটা তিন বছরের, আরেকটার বয়স চার।...বহুদিন তাদের দেখিনি!.....

পরে আবার নিশ্বাস নিয়ে বলেঃ গেমবা ভালো মানুষ জানলে কি আর গুলি ছুঁড়ি! একে এত পোড়ো খাঁ খাঁ করছে মাঠ তার ওপর অন্ধকার রাত, আমায় মাপ করো কমরেডস্।

—কৈদে মরছো কেন? গৃণাভরে সৈনিকটা তিরস্কার করে।

—ওর কাছে টাকাকড়ি ও কিছু আছে। ছাত্রীটা ইঙ্গিতে জানায়। চোখজুটো ছোট করে সৈনিকটা লোকটার দিকে তাকিয়ে মচকি মচকি হাসেঃ চলো আগুন তৈরী করে একটু ঘুম দেওয়া যাক্।

—আর ওর কি হবে? ছাত্রীটা প্রশ্ন করে।

—ও চলেয় যাক্। আমরা কি করব তার?

—কিন্তু আমাদের ত কিছু একটা করা উচিত।

আমাদের ঘুম পাচ্ছিল, লোকটা তখন আমাদের কাছ থেকে গজ তিনেক দূরে শুয়ে নিজের মনে মনেই অস্পষ্ট, গলায় কি বলে চলেছিলো। হঠাৎ মে চৌচিয়ে উঠলঃ কমরেডস্!

—কী, বলো?

—তোমাদের কাছে আগুনের ধারে গিয়ে একটুখানি বসবো?...সারা দেহ আমার শীতে কনকন করছে.....আর মেয়েজুটোর মুখ দেখতে অবনো...! এই বলে সে দীর্ঘনিশ্বাস চাপে।

—আচ্ছা সরে এসো। ছাত্রীটা অন্তমতি দেয়।

আস্তু আস্তু মাটি ঘষে ঘষে সে সরে আসে। আলোয় দেখলাম লোকটা যেমন লম্বা তেমন লিকলিকে রোগা, সারা দেহ তার ঠকঠক করে কাঁপছে, মুখখানা মৃতদেহের মত ফাকাশে, পাণ্ডুর স্নান। অনুজ্জল চোখজুটিতে বিষাদের ছায়া।

জয়শ্রী

আগুনের দিকে সরু সরু হাত বাড়িয়ে সে তার হাড়সার আঙুলগুলো ঘষতে থাকে। শেষকালে এমন অবস্থা হোল যে তার দিকে আর চাওয়া যায় না।

—অ্যাকে এই অবস্থা, তার ওপর পা হেঁটেই বা যাচ্ছিলে কেন? পয়সা বাঁচাবার মতলবে বুঝি? সৈনিকটি বিরক্তি দমন করতে পারেনা।

—ওরা আমায় ক্রিমিয়ার পথে যেতে বলে জলপথে যেতে বারণ করলে। আর আমার হাঁটবার ক্ষমতা নেই।...এই খানেই ম'রে প'ড়ে থাকতে হবে আমাকে, কেউ জানবে না, কেউ খোঁজ নেবেনা।...বৌটা আর মেয়েদুটো আমার মুখ চেয়ে ব'সে থাকবে, যাবার খবর দিয়ে তাদের জরুরী একখানা চিঠি লিখে দিয়েছি কিনা।

সৈনিক বন্ধুটি চ'টে গিয়ে চৈটিয়ে ওঠে : কি জ্বালা! মরবে ত শাস্তিতে মরোনা, লোককে জ্বালাও কেন বকবক ক'রে?

—মাথায় একটা ঠোঁককর দাওনা তা' হ'লে চুপ করবে। ছাত্রটা উপদেশ দেয়। আমি তাকে উদ্দেশ্য ক'রে বললাম : ছাথো, তোমার যদি আগুন পোয়াতে হয় ত চুপচাপ থাকো, আমরা ততক্ষণ একটু ঘুমুই।

সৈনিকটি রুদ্ধভাবে আমার কথার জের টেনে চলে, বুঝেচো ত? রুটি দিয়েচো বলে গুলি ভোলবার লোক আমরা নই। ছ্যাঃ!

আর কোনও কথা না বোলে সে হাত পা বিছিয়ে শুয়ে পড়ল। ছাত্রটি আগেই শুয়ে পড়েছে লোকটার বাঁদিকে কুকড়ি-মুকড়ি মেরে, দেখে মনে হচ্ছিল ঘুমিয়ে পড়েছে। আমিও দেখাদেখি লোকটার ডানদিক ঘেসে এগিয়ে পড়লাম। মাথার নীচে হাতছোটা রেখে সৈনিক আকাশের দিকে চেয়ে রইলো।

মিনিট কয়েক পরে সে আমার দিকে ফিরে বলল : কি সুন্দর রাত আর কত তারা! এইরকম ভবঘুরের জীবনই আমার ভালো লাগে বন্ধু। 'কি অবাধ স্বাধীনতা!—হুমকি মেরে একটা কথা বলবার কেউ নেই, কি অনাবিল সুখ! একদিন না খেয়ে, মরমর হয়েছি তবু আমার কি মনে হচ্ছে জানো? ঐ তারাগুলো আমার দিকে তাকিয়ে যেন বলছে, 'লাকুতিন্, ভয় পেওনা এইভাবে জগতের বৃকে ঘুরে বেড়াও, ঠিক, এমনি স্বচ্ছন্দভাবে কারো কাছে মাথা না নুইয়ে জীবনটাকে হেসে খেলে কাটিয়ে দাও'।

ওর কথা শুনতে শুনতে তন্দ্রায় আমার চোখ জুড়ে আসে।

—ওঠো, ওঠো চট ক'রে।

চমকে জেগে উঠি, তারপর তাড়াতাড়ি চোখ খুলে লাকিয়ে পড়ি লাকুতিনের কাঁধে ভর দিয়ে।

—চলো বেরিয়ে পড়া যাক্।

তার মুখ গম্ভীর, বিচলিত। চারিদিকে তাকিয়ে দেখলাম! প্রভাত সূর্যের ব্যাপ্ত সমারোহে ইতিমধ্যেই ছুতোরমিস্ত্রীর স্থির পাংশু মুখ খানি রাজা হ'য়ে উঠেছে। তার মুখ হাঁ করা, চোখছুটো ঠেলে বেরিয়ে এসে অদ্ভুত জলন্ত দৃষ্টিতে চেয়ে রয়েছে; দেখলে ভয়ে গায় কাঁটা দেয়। পরণের যা' কিছু সব জেঁড়া আর সে প'ড়ে রয়েছে মূৰড়ে। ছাত্রটিরও কোনো হদিশ নেই।

হাতছুটো ধ'রে টানতে টানতে নিয়ে যাবার চেষ্টা ক'রে লাকুতিন জেদাজেদি করে : হয়েছে তো, আর কেন ? এবার চলো।

সকাল বেলাকার ঠাণ্ডা হাওয়ার আমেজে কাঁপতে কাঁপতে প্রশ্ন করি : লোকটা কি মারা গেছে ?

—তা' আবার জিগ্যেস করতে হয় ? কশে গলা টিপে ধরলে কেউ কি বেঁচে থাকে নাকি !

—কিন্তু ধরলে কে, ঐ ছোকরা বোধ হয় ?

—তাড়া আর কে ? দেখচো ত শিক্ষার কি শৃণ ! বেশ চালাকি ক'রে লোকটাকে সাবড়ে রেখে এখন আমাদের ফলভোগ করতে ফেলে গেছে। আগে জানতে পারলে একটি ঘুষিতে এর জান নিয়ে নিতাম। এখন চলো মানে মানে পালাই যাতে কেউ এই প্রাস্তরে আমাদের দেখতে না পায়। আজকেই ওকে এ অবস্থায় সকলে দেখতে পাবে আর খুনীকে খুঁজতেও বাকী রাখবেনা। তার ওপর ওই ঈব প্রশ্ন,—‘কোথেকে আসছো’, ‘কোথায় রাত কাটিয়েছো’ আর আমাদের ধরলে ত কথাই নেই।

—তার ওপর তোমার কাছে ওর রিভলভারটা রয়েছে। ওটা ফেলে দাওনা কেন।

ভাবতে ভাবতে সে বলে : ফেলে দোব ? তুমি জানানো এর দাম কত ! তিন তিনটে রুবল এর দাম, তার ওপর এর ভেতর একটা গুলি পোরা আছে। আর ও শালা কত কি নিয়ে ভেগেছে তাই বা কে জানে ?

—ওর মেয়ে ছুটোর বরাতে ঐ পর্যন্ত !

—মেয়ে ? হ্যাঁ, তারা বড় হবে, যৌবনের কোঠায় পা দেবে কিন্তু আমাদের তারা বিয়ে করবেনা কক্ষনো এটা নিশ্চয় জেনো। যাক্গে। চলো তাড়াতাড়ি আর দেরী নয়। কোন্ দিকে যাবে বলোতো ?

—যেদিকে ইচ্ছে চলো। ও একই কথা।

—জা ঠিক, তবু চলো ডান দিক দিয়ে যাওয়া যাক্, ওইদিকে বোধহয় সমুদ্র পড়বে।

খানিকদূর গিয়ে আমি পেছন ফিরে তাকালাম। বহুদূরে প্রাস্তরের ওপর কালো একটা টিবি, তার ওপরে সূর্যের আলো এসে জড়ো হয়েছে।



—কি দেখচো ও উঠল কিনা! ভয় নেই ও আর উঠে তোমায় তাড়া করতে আসবেনা। তোমার ও পণ্ডিতটী সেদিকে ভালো, ওকে একেবারে পুঁতে রেখে গেছে। আশ্চর্য!

নিশ্চল বিজন আলোবলমল প্রাহুর প'ড়ে রয়েছে চারিদিকে হাত পা মেলে। তাকিয়ে থাকতে থাকতে মনে হয় এই আলোর রাজ্যে তাঁন কায় সংঘটিত হওয়া যেন অসম্ভব।

আখানা সিগারেট মুখে দিয়ে দোঁয়া ছাড়তে ছাড়তে সঙ্গী বলে আজ আর খাওয়ার বাদবিচার নেই, কিছু পেলেনই হল।

—কিন্তু আজ কি খাব, পাবই বা কোথেকে কেমন ক'রে?.....

প্রাহুর তোলপাড় হ'য়ে ওঠে এ প্রশ্নের প্রতিবন্ধিতা।*

ম্যাস কন্ট্র্যাক্ট

“কাকের”

এলাতাবাদ—মতিলালের এলাতাবাদ, জগতলালের এলাতাবাদ। এলাতাবাদে ‘আনন্দ-ভবন’, এলাতাবাদে এ. আই. সি. সির দপ্তর! শৈশব তইতেই এলাতাবাদ আমার আদ্যা ও সম্মুখ আকর্ষণ করিয়া আসিতেছে। এলাতাবাদের কথা মনে পড়িলেই কল্পনায় ভাসিয়া ওঠে স্বাধীনতা যুদ্ধে অগ্রগামীদের সৈনিকের দৃঢ় মুখচ্ছবি।

কয়েক বৎসর পূর্বে কি একটা মেলা উপলক্ষে মনে নাই এলাতাবাদ দর্শনের সুযোগ পাইয়াছিলাম। সহর পরিক্রমায় বাতির তইয়াছিলাম প্রত্যয়ে, স্বরাজ ভবনের দ্বারে আসিয়া যখন পৌছিলাম তখন বেলা দ্বিপ্রহর। দ্বারে দ্বারবান নাই। মেলা প্রভাগত একদল গ্রাম্য নর-নারী গেটের সমুখে দাঁড়াইয়া জটলা করিতেছে, দেখিলে মনে হয় ইহারা মাঠলের পর মাঠল পায়ে তাঁটিয়া দূর দূরান্ত তইতে সহরে আসিয়াছে। মাথা মুড়াইয়া, সঙ্গমে স্থান করিয়া পৃথার্জন করিয়াছে, গ্রামে ফিরিবার পূর্বে দর্শনীয় স্থানগুলি ঘুরিয়া ঘুরিয়া সবকয়টাই দেখিবে। ‘স্বরাজ-ভবন’, কংগ্রেসের ‘বড়াদপ্তর’ও দেখিবে। নতিলে কোন মুখ লইয়া গ্রামে ফিরিবে? দাঁড়াইয়া পড়িলাম। ইহাদের আলোচনার কথার টুকরাগুলি কানে ভাসিয়া আসিতে লাগিল।

ইতিমধ্যে একজন সাহসে ভর করিয়া উকি ঝুঁকি মারিয়া দেখিয়া লইল। বারণ করিবার কিছুই নাই। স্ত্রীরা একে একে ভিতরে ঢুকিয়া পড়িল। আমিও ইহাদের সতিত কিছুটা ব্যবধান রক্ষা করিয়া চলিতে লাগিলাম।

কিছুদূর আসিয়া দেখি উত্তরা দল বাঁধিয়া একটা লনের বেড়ার ধারে দাঁড়াইয়া পড়িয়াছে। কি যেন এক অভূতপূর্ব দৃশ্য দেখিতেছে মুখের ভাব একরূপ। আগাইয়া আসিয়া দেখিলাম একটি বিলাতী আয়া গুটি কয়েক দেশী শিশুকে লইয়া খেলা করিতেছে। দৃশ্যটি আমিও দাঁড়াইয়া দাঁড়াইয়া দেখিতে লাগিলাম।

সরু কাকের পথ। আকিয়া বাকিয়া অগ্রসর হইয়াছে। চলিতে চলিতে আমরা এ. আঠ. সি. সির দপ্তরের সমুখে আসিয়া দড়াইলাম। সমুখে কয়েক ধাপ সিড়ি। তাহার পর বারান্দা। বারান্দায় দাঁড়াইয়া কয়েকজন ভদ্রলোক ডেস্কের উপর ঝুঁকিয়া পড়িয়া সংবাদ পত্র পড়িতেছেন। ইতার পর হল ঘর। ঘরের মধ্যকার টাইপ রাইটারের খটাখট শব্দ বাহিরে ভাসিয়া আসিতেছে। উপরে জাতীয় পতাকা, হাওয়ায় পং পং করিয়া উড়িতেছে।

বারান্দায় ওয়া সমাধীন হইবে কিনা উত্তরা দাঁড়াইয়া দাঁড়াইয়া ভাবিতে লাগিল। তারপর সাহস করিয়া একে একে সকলেই বারান্দায় উঠিল। পাঠরত ভদ্রলোকেরা বাধ্য হইয়া এরিয়া দাঁড়াইলেন একমুখ বিরক্তি লইয়া। বারান্দা হইতে হল ঘরের মধ্যে টাঙ্গানো কয়েকজন দেশনেতার ছবি চোখে পড়ে। কয়েকটা আলমারী আর কয়েকজন কর্মরত কেরানী। হলের মধ্যে কি আছে দেখিবার জন্ম সকলেই উদগ্রীব। আদ্রুলে ভর দিয়া দাঁড়াইয়া, উকি দিয়া যতটা পারে দেখিয়া লইবার চেষ্টা সকলের মধ্যেই প্রবল।

গ্রামে থাকিতে ইহাদের ধারণা জন্মিয়াছে কংগ্রেস অফিস তীর্থস্থান। নেতাদের বহু বক্তৃতা ইহারা শুনিয়াছে। কংগ্রেস কিষণ মজুরের ‘হামী’। কংগ্রেসরাজ কায়েম হইলে কিষণ মজুরের দুঃখ কষ্ট দূর হইবে। জগদলাল, আনন্দ-ভবন, আরোও কত কি ইহারা শুনিয়াছে। মনে জাগিয়াছে কংগ্রেসের প্রতি দরদ। সেই কংগ্রেস অফিসের এত সন্নিগটে আসিয়া দ্বার হইতেই ফিরিয়া যাইতে মন সরিতেছে না।

“এই চলো, ভীড় মং করো, যাও ইদারসে”। হল ঘরের মধ্য হইতে কোন এক দেশ সেবকের তীক্ষ্ণ ককশ কণ্ঠ ভাসিয়া আসিল। সঙ্গে সঙ্গে লোকগুলির আশাদীপ্ত মুখগুলির উপর নামিয়া আসিল হতাশার ছায়া। একে একে সকলেই নীচে নামিল। আমিও।

এ. আঠ. সি. সির দপ্তর দেখা আর হইয়া উঠিল না।

ফিরিবার পথে কল্পনায় এলাহাবাদের পূর্ব ছবিটিকে ফিরিয়া পাইবার চেষ্টা করিলাম। এলাহাবাদ আসিল না, শুনিতে পাইলাম “এই চলো, ভীড় মং করো, যাও ইদারসে।”

স্বভূহীন

আর্থকুমার সেন

তিন মাস আগের কথা।

পাশের বাড়ির হরিশবাবু আসিয়া বলিলেন, “পরশু আমার বাড়িতে আপনাদের সকলের নেমন্ত্রণ।”

অবাক হইয়া কারণ জিজ্ঞাসা করিলাম। তিনি দক্ষিণ হস্তের অনামিকা বাহির করিয়া দেখাইলেন। একটি কুশের আঙঠি।

বলিলাম, “বিয়ে করেছেন? কবে?”

“পরশু।”

“তা এমন নিঃশব্দে সারলেন কেন?”

নিঃশব্দে সারার কারণ সোরগোল করিবার কিছু ছিল না বলিয়া। হরিশবাবুর পয়ত্রিশ বৎসর বয়স, বিপত্নীক। দ্বিতীয়বার বিবাহ করার বাসনা তাঁহার কোনদিন ছিল না। শুধু এক অনাথা বিধবার দায় উদ্ধার করিয়াছেন। খুব যে অনিচ্ছার সঙ্গে, তাহা নহে। বধু সুন্দরী।

একটি ছোটগাট, রাস্তার উপরে একখানি প্রাচীন বাড়ি ভাড়া লইয়া আমরা কয়েকজন মিলিয়া মেসবাসী হইয়াছি। হরিশবাবু প্রথম যাচিয়া আলাপ করেন। বলিয়াছিলেন, “একা মানুষ পড়ে থাকি, তিনকালে ত কেউ নেই! অমৃত গোটাকয়েক কাঁধ দেওয়ার লোক ত দরকার!”

তিনি নাকি অশুভ আশঙ্কাতেই আমাদের পরিচয় সংগ্রহ করিয়াছিলেন। আজ দেখিয়া খুশি হইলাম সে পরিচয়ের প্রথম অঙ্গ শুভ কক্ষে ভুরিভোজনে। মানন্দে আমন্ত্রণ গ্রহণ করিলাম।

বধুর বয়স ষোলসাতের বেশী নহে। সেদিক দিয়া হরিশবাবুর সঙ্গে একটু বেমানান। তা হোক, অনাথা বিধবার মেয়ে স্বচ্ছল ঘরে আশ্রয় পাঠিয়াছে, সেটাই বড় কথা।

তিন মাস পরের কথা।

শনিবার বিকালের দিকে একটু সিনেমায় যাইব ভাবিতেছি, ‘দ্বারদেশে হরিশবাবু দেখা দিলেন। চুল উস্কাথুস্কা, কোটরগত চক্ষু।

শঙ্কিত হইয়া জিজ্ঞাসা করিলাম, “কি হয়েছে হরিশবাবু? অসুখবিসুখ করেনি ত?”

হরিশবাবু সে কথার জবাব না দিয়া বলিলেন, “শ্মশানে যেতে পারবেন?”

চমকিয়া কহিলাম, “সে কি?”

হরিশবাবু বলিলেন, “সুকুমারী মারা গেছে খানিক আগে।”

স্তম্ভিত হইয়া রহিলাম।

কয়েকদিন আগে সামান্য জ্বর হইয়াছিল। সুকুমারী চাপিয়া যায়। ফলে জ্বরের, অবশ্যস্তাবী বন্ধি, এবং তাহার পরে আজকের ঘটনা।

সুকুমারী পালকে শুইয়া আছে। মতমা বিশ্বাস করিতে ইচ্ছা হয় না, যে এ সুকুমারী সে নহে, যাহার শুভ আগমন উপলক্ষে আমরা তিন মাস আগে এ বাড়িতে নিমন্ত্রিত হইয়া আসিয়া-ছিলাম। অথচ সে সুকুমারী ছিল রক্তমাংসে দিয়া গঠিত মানুষ, আজকের সুকুমারী মৃতদেহ মাত্র। যে মুখে চকিত হাসি অশ্রু ফুটিয়াছে শরৎকালের মেঘ ও রৌদ্রের মত, সে মুখে হাসি এখনও লাগিয়া আছে, শুধু তাহাতে প্রাণ নাই। সুকুমারী পৃথিবীর তুচ্ছ হাসি কান্না মান অভিমানের অনেক উর্দ্ধে চলিয়া গিয়াছে।

স্বল্প হইয়া দাঁড়াইয়া ছিলাম, হরিশবাবু কহিলেন, “একবার রাজারের দিকে যান, একখানা খাটিয়া নিয়ে আসুন।”

একজন খাটিয়া আনিতে চলিয়া গেল।

এই ঘরেই সুকুমারীকে নববধূরূপে দেখিয়াছিলাম। পরণে লাল বেনারসী শাড়ী, সর্ব্বাঙ্গে অলঙ্কার। রূপ যেন দেহে ধরিতেছিল না। সে রূপের অনেকখানি অংশ এখনও অবশিষ্ট রহিয়াছে, কিন্তু আর বেশীক্ষণ থাকিবে না।

যে সিঁড়ি দিয়া নববধূ সুকুমারী লাল চেলি পরিয়া স্বামীর ঘর করিতে আসিয়াছিল, সেই সিঁড়ি দিয়াই তিন চার জনে ধরাধরি করিয়া তাহাকে নামাইয়া আনিলাম।

শ্মশানযাত্রীদের মধ্যে একজন বলিল, “বল হরি—” বাকী কথাগুলি আর কাহারও মুখ দিয়া বাতির হইল না। নিঃশব্দে শব বহিয়া চলিলাম। হরিশবাবু সঙ্গে চলিলেন। ফ্রেন্সনরত কেহ পিছনে পড়িয়া রহিল না, কারণ আর কেহ কাঁদিবার লোক নাই।

আশ্চর্য! যাহাকে কোনদিন চিনিলাম না, শুধু একদিন মাত্র যাহাকে কয়েক মূহূর্তের জ্ঞান দেখিয়াছিলাম, তাহারই শব দেহ বহন করিবার ভার পড়িল আমাদের উপর! জীবনে আমাদের উপরে যাহার কোনো অধিকার ছিল না, মৃত্যুর পরে এ অধিকার তাহার কোথা হইতে আসিল!

যাহাকে লইয়া প্রশ্ন তাহার নিকট হইতে আর এ প্রশ্নের জবাব পাওয়া যাইবে না। পৃথিবীর অনেক সমস্যার মত এ সমস্যাও অপূর্ণ রহিয়া গেল।

শ্মশানে একসঙ্গে পাঁচি চিতা জ্বলিতেছে। প্রত্যেকটির মধ্যে একটি করিয়া মানুষ, যে সারাজীবনের দেনাপাওনার খেলা শেষ করিয়া চিতাগ্নির নীচে শেষ আশ্রয় পাইয়াছে। প্রাচীর বেষ্টিত সমস্ত শ্মশান আগুনের রঙে লাল।

মস্ত পড়িয়া সুকুমারীর মুখাঙ্গি হইয়া গেল।



বাহিরে আদি গঙ্গার ধারে আসিয়া বসিলাম।

ঘাটের উপরে শানবাঁধান খানিকটা স্থান, উপরে ছাদ। মেনের উপরে কয়েকটা লোক নিঃশব্দে ঘুমাইতেছে।

একটা স্ত্রীলোক, সন্ন্যাসিনীও হইতে পারে, পাগলী হওয়াও আশ্চর্য নয়, আপন মনে বিড়বিড় করিতে করিতে এক কোণায় আশ্রয় লইল। পরিধানে ময়লা একটা গেঁকয়ারঙের আবরণ মাথায় জটা। একটা ভিন্ন অতি মলিন কাঁথা আপাদমস্তক মুড়ি দিয়া সে ঘুমের আয়োজন করিতেছে। এক পাশে ছুটি লোক গায়ের চাদর মাটিতে বিছাইয়া চিং হইয়া পড়িয়া আছে, দেখিলে মনে হয় শ্মশানঘাটে রাত কাটানোতে তাতারা অনভ্যস্ত নহে।

একজন সন্ন্যাসী আসিয়া একটা ময়লা কাপড়ের পুঁটুলি মাথার নীচে দিয়া সেইখানেই শুইয়া পড়িল। লোক ছুটি ভ্রক্ষেপও করিল না।

সহসা সন্ন্যাসীর বিকট চীৎকারে চমকিয়া উঠিলাম। “দোহাম, বোহাম, হর হর শঙ্কর!” মনে পড়িল রাত্রি যত গভীরই হোক, শ্মশানে যাতারা ঘুমাইতে আসে, এটুকু গোলমালে তাহাদের নিজার বাবাঘাত হওয়ার কোনো সম্ভাবনা নাই, ইতার চেয়ে অনেক বেশী গোলমালেও না।

দেওয়ালের রঙ এককালে সাদা হইল। এখন তাতার সবাক্স ব্যাপিয়া কাঠকয়লার কলঙ্কের ছাপ। ছাদ পর্যন্ত বাদ যায় নাই।

অজস্র নাম। গত দুই তিন বৎসর ধরিয়া এ শ্মশানে যত লোকের শেষকৃত্য হইয়াছে তাহাদের অধিকাংশেরই নাম বোধহয় কাঠকয়লার সাহায্যে দেওয়ালের গায়ে আশ্রয় লইয়াছে। কাঠকয়লা কোথা হইতে আসিয়াছে সম্ভবতঃ না বলিলেও চলে।

জীবিত ব্যক্তির নাম যে নাই, তাহা নহে। এদিক ওদিক খুঁজিলে দুই একটা নাম চোখে পড়ে যাহাদের আগে শ্রী শব্দটি রহিয়াছে। বাকী সবগুলির আগে একটি করিয়া চন্দ্রবিন্দু। ভূমোহন রায়, ভরেন্দ্রনাথ বসু, ভরাজকৃষ্ণ বন্দ্যোপাধ্যায়—এমনি অনেক নাম, সংখ্যাগণ।

মনে মনে হাসিলাম। মানুষের অমরত্বের কি দুর্নিবার স্পৃহা! যেখানে লোকের শেষ চিহ্নটুকু পর্যন্ত চিত্রার আগুন মুছিয়া দিতে আসিয়াছে, যেখানে নিঃশব্দে প্রমাণিত হইয়া গিয়াছে মৃত্যুই একমাত্র সত্য, জীবন চরম মিথ্যা, সেইখানেই মানুষ অমরত্বের আশা করিয়াছে। নাম লিখিয়াছে কতারা? যাতারা বাঁচিয়া আছে তাহাদের? না। যাতারা এ জীবনের সঙ্গে সম্বন্ধ চিরকালের জন্য চুকাইয়াছে, সারাজীবন মৃত্যুর সন্তিত দম্ব করিয়া পরাজিত হইয়াছে, তাহাদের নাম।

অশ্রুমনস্কভাবে শুনিলাম সন্ন্যাসীও সেই কথাবলিতেছে। নিজালু লোক ছুটি সহসা তাহাকে পরম দার্শনিক সাধু ঠাওরাইয়া শ্রদ্ধাভরে তাহাকে নানা বিষয়ে প্রশ্ন করিতেছে, এবং মন দিয়া তাহার উত্তর শুনিতেছে।

সন্ন্যাসীর ভাষা হিন্দী ও বাংলা মিশ্রিত। পৃথিবীটা যে কিছুই নহে, মায়া প্রপঞ্চ, এই তাহার উপদেশের প্রতিপাত্ত বিষয়। কিন্তু সে কথা জানিবার জন্য গঞ্জিকাসেবী মলিন গৈরিকধারী সন্ন্যাসীর সাহায্যের কি প্রয়োজন বুলিলাম না। শ্মশানের সম্মুখে বসিয়া যাহারা তিলে তিলে প্রিয়জনের দেহ ভস্মীভূত হইতে দেখিতেছে, তাহারা কি এ সত্য এত সহজে ভুলিয়া যাউবে? শ্মশান হইতে বাহির হওয়ার সঙ্গে সঙ্গে?

সহসা কোণে শায়িত সন্ন্যাসিনী গোড়াইয়া উঠিল। লোক দুটির একজন বলিল, “কিরে পাগলী, মশায় কামড়াচ্ছে?”

পাগলী তেমনি ক্রন্দনজড়িত স্বরে উত্তর দিল, “আমি পাগল না।”

সন্ন্যাসী সহসা সোজা হইয়া উঠিয়া বলিল; বলিল, “সে আমি জানি।”

তাহার নবলব্ধ শিষ্যদ্বয় কি যেন বলিতে যাউতেছিল, সন্ন্যাসীর কথা শুনিয়া মুখবাদান করিয়াই রহিল।

পাগলী আপন মনেই বারকতক বলিল, “আমাকে খালি খালি পাগল পাগল করিস্নে, আমি পাগল না।”

কথাটা পাগল মাত্রেই সম্ভবতঃ দৃঢ়ভাবে বিশ্বাস করিয়া থাকে; কাজেই কিছুমাত্র অবাক হইলাম না। কিন্তু সন্ন্যাসী শুইয়া শুইয়াই বলিল, “মা একটু চরণ সেবা করে দেব?”

বুলিলাম ভক্তির সঞ্চার হইয়াছে। পাগলী অন্তনাসিক কর্ত্তে বলিল, “খবরদার, আমায় ছুঁসনে।”

সন্ন্যাসী দীর্ঘনিশ্বাস ফেলিয়া বলিল, “ভকুম না পোলে ছৌব কেন না?”

লোক দুইটা ঘূমাটয়া পড়িয়াছে। প্রশান্ত নিদ্রা। সশব্দে তাহাদের নাক ডাকিতেছে।

সন্ন্যাসী আপন মনেই খানিকটা উপদেশ দিল। কহিল, “অমর হতে চাও ত পৃথিবীর মোহ ত্যাগ কর—ইত্যাদি” অর্থহীন অনেকখানি প্রলাপ। নিদ্রিত লোকদুটির নাক ডাকা থামিল না।

আপন মনে বলিলাম, “অমর হতে চাও ত এই জায়গাটার দেওয়ালে বড় বড় করে নাম লেখো, অমরক চন্দ্র তমুক।”

সন্ন্যাসী ঘূমাটয়া পড়িয়াছে। সন্ন্যাসিনী ঘূমের মধ্যেই গোড়াইতেছে, এবং মধ্যে মধ্যে সশব্দে চড় মারিয়া মশা মারিতেছে।

রাত অনেক হইয়াছে। গঙ্গার ওপারে চেল্লার একটি বাড়িতেও আলো জ্বলিতেছে না।

সম্ভবতঃ দেউটা বাজিয়া গিয়াছে।

ঘাট ছাড়িয়া উঠিলাম। এতক্ষণে স্নকুমারীর দেহের আর কতটুকু অবশিষ্ট আছে?



চিতা এখনও ধু-ধু করিয়া জ্বলিতেছে। ঘাট হইতেই খানিকক্ষণ পরপর তিনবার হরিশ্বনি শুনিয়াছি। তিনটি নতুন শব্দেই আসিয়াছে। পুরাণের চিতার দুইটার কাজ শেষ হইয়াছে, সেখানে নতুন দেহের উপর নতুন করিয়া চিতা জ্বলিয়াছে। একটা দেহ তখনও পড়িয়া আছে, কাঠ আসিয়া পৌঁছায় নাই।

এক অতিরিক্ত মৃতদেহ। অস্থির উপর চর্ম ভিন্ন আর কিছু নাই বলিলেও চলে, কিন্তু সম্ভব। সমস্ত কপালটা সিঁড়র দিয়া লেপা, ছুট পায়ে আলতা।

যাত্রা আনিয়াছিল, সম্ভবতঃ তাহাদেরই একজন, কালো রঙ, খালিগায়ের উপর গামছা জড়ানো, তাক্সিলোর সতিত কছিল, “তু ঘণ্টাও লাগবে না, ওতে আছে কি?”

যেন বাকি শব্দেগুলির মধ্যে কিছু আছে! যেন চিতা জ্বলিয়া শেষ হওয়ার পরে কোনোটিরই মধ্যে আর কিছু অবশিষ্ট থাকিবে!

যাত্রীশালার বারান্দায় সঙ্গীরা আর একটি পাগলী জোগাড় করিয়া আলাপ জুড়িয়াছে। সময় কাটানো দরকার। সুকুমারীর দেহ নিশ্চিত হইতে এখনও বেশ খানিকটা বাকী আছে।

পাগলী তাত্রার জীবনের ইতিহাস বলিতেছে। যদি সত্য হয় তাহা হইলে বিচিত্র। যদি মিথ্যা হয় তাহা হইলেও বিচিত্র, কারণ গল্পের মধ্যে উদ্ভাবনাশক্তির প্রচুর পরিচয় আছে। সঙ্গীরা ঠা করিয়া গল্প গিলিতেছেন।

পাগলীর বাপের বাড়ি এঁড়েদহ, শ্মশুরবাড়ি বরিশাল। সে সুন্দরী না হওয়ায় স্বামী তাতাকে তাগ করেন, তখন সে নিজে উল্লোগী হইয়া নিজের মামাতো বোনের সতিত স্বামীর বিবাহ দেয়।

একজন কোতুলী হইয়া জিজ্ঞাসা করিলেন, “আপনার স্বামী কি করেন?” পাগলী উত্তর দিল, “সিভিল সার্জন। খুব ভালো ফৌড়া কাটতে পারে।”

সিভিল সার্জন অর্থে যে ফৌড়া কাটার ডাক্তার, তাহা জানা ছিল না। একজন বলিলেন, “কোথায় থাকেন তিনি?”

পাগলী এতক্ষণ আপন মনে হাসিতেছিল। বলিল, “কে আবার কোথায় থাকেন?”

“আপনার স্বামী, সেই সিভিল সার্জন?”

পাগলী বিরক্ত হইয়া বলিল, “স্বামী আবার কোথায় দেখলে তোমরা? একশবার বলছি মামাতো ভগ্নপতি—”

“আচ্ছা তাই না হয় হল।”

“সে এলাহাবাদ থাকে।”

সহসা বলিলাম, “আপনার বাপের বাড়ি কোথায়?”

“কাটোয়া।”

“আর শব্দুর বাড়ি ?”

“বিক্রমপুর।”

এইবার সকলে মিলিয়া একসঙ্গে চাপিয়া ধরলাম। কয়েক মিনিটের ব্যবধানে এঁদের ও বরিশাল যথাক্রমে কাটোয়া ও বিক্রমপুরে পরিণত হইলে আপত্তির যথেষ্ট কারণ আছে।

পাগলী একেবারেই দমিল না। বলিল, “বিক্রমপুর তছে আমার আসল শব্দুরবাড়ি— আর—”

একজন স্থলকায় ভদ্রলোক বলিলেন, “আর বরিশাল হল নকল শব্দুরবাড়ি—কেমন?”

পাগলী বিরক্ত হইয়া বলিল, “আচ্ছা পাগলদের পাল্লায় পড়া গেছে, একটা সোজা কথা বোঝে না।”

অগত্যা আলাপের ধারা পরিবর্তিত করিতে হইল। স্থলকায় ভদ্রলোক বলিলেন, “আচ্ছা, আপনাকে আগে কোথায় দেখেছি বলুন ত?”

পাগলী বলিল, “কেন? এখানেকই! তাছাড়া কাশীমিত্তিরের ঘাট আছে, নিমতলা আছে—”

“রক্ষে করুন, শ্মশানে মশানে ঘুরে বেড়ানো আমার বাবসা নয়। আমার মনে হচ্ছে আপনাকে রাঁচিতে দেখেছি—”

সকলে হাসিলাম। পাগলী বলিল, “খুবই সম্ভব। রাঁচির শ্মশানঘাটে আমি এক নাগাড়ে বারোবছর তপিস্থে করিছি।”

এমনি অসহৃদ খানিকটা প্রলাপ। আমরা যে শ্মশানঘাটে বসিয়া আছি, সামনে একসঙ্গে ছটা চিতায় ছয়টি নর-নারীর নশ্বর দেহ ভস্মীভূত হইতেছে, তাহা যেন কাহারও মনে নাই। হরিশবাবুরও না।

বাঁ দিকে পাঁচিলের পাশ ঘেসিয়া স্কুমারী। প্রজ্বলিত কাঠের ভিতর দিয়া পা দুইখানি দেখা যাইতেছে, খানিক আগে যে পা আলতা দিয়া রঞ্জিত করিয়া আনিয়াছিলাম। অবশিষ্ট আছে দুইখণ্ড অঙ্গার। খানিক পরে তাহাও থাকিবে না।

বাহিরে ঘাটের ধারে লোকগুলি বোধ হয় এতক্ষণে মশার কামড় উপেক্ষা করিয়া ঘুমাইয়া পড়িয়াছে। সামনে আরও কয়েকজন ঘুমাইতেছে, জাগরণহীন নিদ্রা। শুধু আমরা জনকয়েক শববাহক বসিয়া শ্মশান ঘাটের শাস্তি ভঙ্গ করিতেছি।



আরও অনেকক্ষণ পরে। কতক্ষণ পরে মনে নাই, কারণ এখানে সময়ের কোনো দাম নাই, অস্তিত্বও নাই। অনন্তকালের সহিত পাল্লা দিয়া মানুষের হাতে গড়া ঘড়ির সময় কতটুকু চলিবে।

চিতা নিভিয়া গিয়াছে।

তবু যেটুকু বাকী আছে, কলসে কলসে আদি গঙ্গা হইতে কদমাক্ত জল আনিয়া তাহাও নিভাইয়া দেওয়া হইল। হরিশবাবু বলিলেন, “এইবার এক কলসী জল এনে চিতার উপর ভেঙ্গে দিয়ে চলে যান; দেখবেন, কেউ যেন পিছন ফিরে দেখবেন না!”

কে পিছন ফিরিয়া দেখিবে? যাত্রার স্তঃ পরিচয় ছিল না কোনদিন, মৃত্যুর আবির্ভাবে শুধু একরাত্রির জন্ম পৃথিবীশুদ্ধ সবাই তাহার পরমাখ্যায় তইয়া দাঁড়াইয়াছে। কিন্তু রাত্রি শেষ হইয়া আসিয়াছে, চিতা নিবাপিত। নবলন্ধ পরিচতার আর কোন চিত্র পৃথিবীর উপরে অবশিষ্ট নাই—দেহের প্রত্যেকটি অণুপরমাণু আকাশে বাতাসে মিশিয়া গিয়াছে।

কে পিছন ফিরিয়া চাতিবে? কাতার জন্ম পিছন ফিরিয়া চাতিবে? শুকুমারীর জন্ম? শুকুমারী ত একরাত্রি আগে মৃত্যুময় জীবনের ক্ষণিক পাতশালায় বিশ্রামের পর অসীম পথে, মৃত্যুহীন অমরত্বের পথে যাত্রা করিয়াছে।

শ্মশানঘাটের প্রাচীরে যাত্রাদের নাম লেখা আছে, তাহারও এই একটু পথের যাত্রী। শুধু কোন অতিপ্রিয় আত্মীয়, অথবা একান্ত অনাখ্যায় শ্মশানবন্ধু ক্ষণিকের দুর্বলতায় তাহাদের নাম অঁমর করিয়া রাখার প্রয়াস পাঠিয়াছে, মৃতচিতার অঙ্গার খণ্ডের সাহায্যে।

বাতিরে আসিয়াছি। সতসা কি মনে করিয়া সকলের বাধানিয়েব অগ্রাহ্য করিয়া আবার ভিতরে ঢুকিয়া পড়িলাম। সঙ্গীরা অবাক হইয়া রাস্তার উপরে দাঁড়াইয়া রহিলেন।

চিতার উপরে কাঠকয়লার রাশি ও ছাইয়ের স্তূপ। তাহারই মধ্য তইতে একটুকরা কাঠকয়লা উঠাইয়া লইয়া বাতিরে গঙ্গার ঘাটে চলিয়া গেলাম। অনেক কষ্টে একটুখানি সাদা জায়গা খুঁজিয়া বাতির করিয়া লিখিলাম,

শ্রীমতী শুকুমারী দেবী।

একটু ভাবিয়া “শ্রীমতী” কাটিয়া একটা চন্দ্রবিন্দু বসাইয়া দিলাম।

আর্থিক জগত

জিতেন্দ্র গোস্বামী

দ্রব্য মূল্য নিয়ন্ত্রণ কনফারেন্স

কিছুকাল পূর্বে ভারত সরকারের প্রেস নোটি প্রকাশিত হয়েছে তাহার তাৎপৰ্য এই “স্পেকুলেশন ও নানা কারণে বর্ধশিল্প এবং যথাগত দ্রব্যের মূল্য বৃদ্ধির লক্ষণ দেখা যাইতেছে। ভারত সরকার এ বিষয়ে অবহিত আছেন এবং যত শীঘ্র সম্ভব আর একটি মূল্য নিয়ন্ত্রণ কনফারেন্স আহ্বান করিবার সঙ্কল্প করিয়াছেন। ইতিমধ্যে জনসাধারণকে অজ্ঞপ্ত করা যাইতেছে যে তাহারা যেন প্রয়োজনের অতিরিক্ত দ্রব্য ক্রয় না করেন কারণ অতিরিক্ত ক্রয়ে স্পেকুলেটরদের প্রভাবে মূল্য বৃদ্ধি পায়।” *


বিজ্ঞানী ব্যাক্সের ডিরেক্টরবর্গের সম্মুখে প্রদত্ত বক্তৃতায় গবর্নর স্যার জেমস টেইলর বলেন যে বিগত দ্বাদশবর্ষের আর্থিক অবস্থা পর্যালোচনা করে নিঃসন্দেহে বলা যায় যে ১৯৩৯ সালের শরৎকালে যুদ্ধারম্ভের আগে ও ভানবাকের দুর্গতির অব্যবহিত পূর্ববর্তী কালের স্বল্পকালস্থায়ী দ্রব্যমূল্যের উচ্চত্বলতা ব্যতীত ব্যাপক ও শঙ্কাজনক বিপর্যয়, কখনও পড়েনি। যেটুকু উল্লিখ্যামিতা দেখা দিয়েছে তা সাধারণ এবং স্বাভাবিক বলে নিঃসন্দেহে মনে নেওয়া যেতে পারে। স্যার জেমসের বক্তৃতার সাংখ্যাত্মক মন্তব্যেই দ্রব্য মূল্যের এমন আকস্মিক পরিবর্তন ঘটেছে যে জনসাধারণ তথা কেন্দ্রীয় সরকার চিহ্নিত হয়ে পড়েছেন। বিপর্যয়ের গুরুত্ব স্থানীয় ও সরকারীয় দ্রব্য মূল্যের আপেক্ষিক মান-নির্দেশক সংখ্যা বা “Price or Index number” এর সাহায্যে অনায়াসেই উপলব্ধি করা যাবে। কলিকাতার সাধারণ দ্রব্য মূল্যের মান ১৯৪০ সালের মে মাসে ছিল ১১৭, ১৯৪১ সালের মে মাসে তাহা বেড়ে ১৩০ হয়েছিল; জুন মাসে তা ছিল ১৩৮ এবং জুলাই মাসে বেড়ে হয়েছে ১৪৯। বোম্বাইয়ের অঙ্ক এখনও নিশ্চিতভাবে পাওয়া যায়নি তবে বিশেষজ্ঞদের মতে জুন মাসের ১২৭ থেকে জুলাই মাসে তা ১৪০এ উঠেছে। এই বৎসরের জানুয়ারীর তুলনায় কলিকাতার দ্রব্য মূল্যের সাধারণ মান ২৮ পয়েন্ট এবং বোম্বাইয়ের ২৩ পয়েন্ট বৃদ্ধি পেয়েছে। এই সঙ্গে এও লক্ষ্য করা প্রয়োজন যে কলিকাতায় দ্রব্য মূল্যের বর্তমান মান বৃদ্ধান্তের (অর্থাৎ ১৯৩৯ নবেম্বর ডিসেম্বর) কাল থেকেও

* “There has recently been a visible tendency for the prices of various commodities including textiles, to rise sharply, partly due to speculative influences and partly to more substantial reasons. The Government of India are giving the closest attention to this object and propose to convene another Price Control Conference as early as possible. Meantime, the best service the public can render to themselves is to refrain from making purchases in excess of their normal requirements, as such purchases only serve to encourage those speculative influences which contribute to a rise in prices”—



১২ পয়েন্ট এবং প্রাকৃতিক কাল থেকে ৪৯ পয়েন্ট বৃদ্ধি পেয়েছে। দ্রব্য হিসাবে ভাগ কলে' দেখা যায় চাউল গম, ভুট্টা ইত্যাদির মূল্য বেড়েছে ৬ পয়েন্ট, ডাল ইত্যাদির ৯ পয়েন্ট, চিনির ৮ পয়েন্ট চায়ের ২২ পয়েন্ট। একথা বিশেষ লক্ষ করার ব্যাপার যে গত তিন মাসে চায়ের দামের বৃদ্ধি ঘটেছে ৬৫ পয়েন্ট এবং বস্ত্র ও বস্ত্রজাতের ৫৬ পয়েন্ট।

১৯৪১ সালের প্রথম ভাগে সাধারণভাবে ক্রমবর্ধিত দ্রব্য মূল্যের কারণ নিকৃষ্ণচিত্তে যুদ্ধের স্বাভাবিক ফল বলেই ধরে নেওয়া হয়েছিল। কিন্তু বিগত দু'তিন মাসের আকস্মিক ও অভাবনীয় বৃদ্ধির পেছনে বিশ্বব্যাপী মহাসমর সংক্রান্ত বিপর্যয় ছাড়াও অধিকতর শক্তিশালী স্থানীয় ও সার্ময়িক কারণ দর্তমান এ বিষয়ে আর সন্দেহ নেই। স্পেকুলেটর বা ফাটকাওয়ালার কারসাজি চাহিদা ও যোগানের এই অসাম্যের সুযোগকে যথাসম্ভব ব্যবহার করে দ্রব্য মূল্যের এই আকস্মিক বৃদ্ধি ঘটিয়েছে। সুদূর প্রাচ্যের রাজনৈতিক গগনে কৃষ্ণমেঘের ঘনায়মান ছায়ার সুযোগ নিয়ে একদিনেই চিনির বাজার এতোখানি বেড়ে উঠেছিলো যে সিঙিকটের কতারা (Quota) র পরিমাণ বৃদ্ধি কমে মূল্য বিশৃঙ্খলার হাত থেকে রেহাই পেলেন। মালবাহী জাহাজের অভাবে বর্মান্যে প্রয়োজন মত আমদানি হতে পারনি বলে চাউলের মূল্য আশাতীতরূপে বৃদ্ধি পেয়েছে, এই জাহাজী অব্যবস্থার অন্তরালে বর্মায় ফাটকাওয়ালার স্তনিপুণ হস্ত কতখানি কাজ করেছে সে বিষয় তদন্ত সাপেক্ষ। স্বাভাবিক কারণের সুযোগ নিয়ে অস্বাভাবিক প্রতিক্রিয়ার স্বকোশলী প্রয়োগ বর্তমানে অর্থনীতিক্ষেত্রে অরাজকতার সৃষ্টি করেছে ও করে চলেছে। ইহা স্বীকার কতেই হবে যে বাড়তি বাজারে যোগান যখন চাহিদার সঙ্গে সনপদক্ষেপে চলতে সক্ষম নয়, তখনই ফাটকাওয়ালার দ্রব্য মূল্যের যদচ্ছা ব্যবহার করবার সুযোগ ঘটে। এতকাল প্রাদেশিক সরকারের উপর মূল্য নিয়ন্ত্রণের সকল দায়িত্ব চাপিয়ে কেন্দ্রীয় সরকার নিশ্চিত হয়েছিলেন কিন্তু কার্যতঃ প্রাদেশিক সরকার যে এ বিষয়ে বিশেষ ব্যবস্থা অবলম্বন কতে পারেননি ক্রমবর্ধিত দ্রব্য মূল্য তারই সাক্ষ্য দিচ্ছে। মূল্যবৃদ্ধির ফলে দেশের সর্বত্র যে অবর্ণনীয় হুংস হুর্দশার সৃষ্টি হয়েছে তার পরিণাম দেশের অভ্যন্তরীণ শান্তি শৃঙ্খলার পরিপন্থী হয়ে উঠেছে: "Bread riot" গোড়ের সম্মিলিত অভিযান ও বলপ্রয়োগ পূর্বক লুটপাট ইতিমধ্যেই সংঘটিত হতে শুরু করেছে। ব্যাপক ও মারাত্মকভাবে কর্তৃপক্ষের শাসন শৃঙ্খলাকে অমাত্র করার রূপ পরিগ্রহ করা শুধু সময়সাপেক্ষ। আমরা কেন্দ্রীয় সরকারের সংশ্লিষ্ট দপ্তরকে অপিলক্ষে অবহিত না হোলে, এত ব্যাপারে দীর্ঘকাল হরণ করার মধ্যে শুধু যে দুর্গতিকে অনাবশ্যক বাড়িয়ে দেওয়া এবং অবাঞ্ছিত ব্যক্তি ও প্রতিষ্ঠান সমূহের অর্থশোষণ করার নিরঙ্কুশ অধিকার মেনে নেওয়া হচ্ছে তাই নয়, ক্রমে ক্রমে অলক্ষিত বাজারের অবস্থা কায়করী নিয়ন্ত্রণের গভীর বাইরে চলে যাচ্ছে সে কথা স্বরণ করিয়ে দিচ্ছি।



দৃষ্টিকোণ—শ্রীজ্যোতির্ময় রায়। “কবিতা ভবন” ২০২, রাসবিহারী এভিনিউ, প্রাপ্তিস্থান—
ডি-এম-লাইব্রেরী, কলিকাতা। দাম ১১০ পৃ: ১৬০।

বাংলা ভাষায় গল্প রচনার বাহুলা আছে, কিন্তু সাহিত্যলক্ষণাক্রান্ত গল্পের পরিমাণ এখনো যথেষ্ট কম। আদি থেকে শুরু করে রবীন্দ্রনাথের পূর্ব পর্যন্ত যা আমাদের গল্প রচনা, তা হচ্ছে প্রধানতঃ এবং প্রথমতঃ প্রসঙ্গাত্মক—তার লক্ষ্য হ’ল সমাজ, ধর্ম, রাজনীতি, শিক্ষা, আচার, অনুষ্ঠান আরো অনেক কিছু নিয়ে বিচার বিশ্লেষণ করা। কাজেই সাম্প্রতিক সমাদরের মাসুল আদায় করেই তা প্রবহমান সাহিত্যধারা থেকে বিচ্ছিন্ন হয়ে পড়েছে। রানমোহন, বিজ্ঞানাগর, অক্ষয় কুমার, দেবেন্দ্র নাথ, টেকচাঁদ, রাজেন্দ্রলাল, সকলেরই মূল্য আজ যতটা ঐতিহাসিক, ততটা সাহিত্যিক নয়। চন্দ্রশেখর মুখোপাধ্যায়, কালীপ্রসন্ন ঘোষ, চন্দ্রনাথ বসু, অক্ষয় চন্দ্র সরকার এবং স্বয়ং বঙ্কিমচন্দ্র বাংলা গল্পকে সাহিত্যিক কোলীতে অভিস্রুত করুলেন—কিন্তু তখনো পর্যন্ত তার শিক্ষক রূপটাই রইলো বেশীর ভাগ জায়গা জুড়ে।

বলা অনাবশ্যক যে এর প্রয়োজন ছিল। বাংলা গল্পই মোটের ওপর একালের সৃষ্টি—তার কোন কোলিক গরিমা নেই। শ্রীরামপুরের পাদ্রী পণ্ডিতদের হাতে ধর্মপ্রচারের বাহনরূপে যার জন্ম, এঁরা তাকে দেশ-বিদেশের জ্ঞান বিজ্ঞান ও বিচার-বৈদগ্ধ্য সমৃদ্ধিশালী করে না তুললে, তার শব্দভাণ্ডার ও প্রকাশভঙ্গী নানা বিচিত্র পথে প্রবাহিত করার উপযোগী করে না তুললে, রবীন্দ্রনাথকে পর্যন্ত বিশেষ বেগ পেতে হত। রবীন্দ্রনাথ পেয়েছিলেন প্রায় তৈরি একটা ভাষা—যাতে একই সঙ্গে ছিল বস্তুর সক্ষম ও ভঙ্গীর সাবলীলতা। রবীন্দ্রনাথ তাই তাঁর স্বজনী প্রতিভা প্রয়োগ করে অতি অনায়াসেই তাকে ঐশ্বর্য মণ্ডিত করে ফেললেন। এখন থেকে যা আমাদের গল্প, তার একটা মাপকাঠি নির্ণয় সম্ভব—কারণ অতি সাধারণ লেখকের রচনাও এর পর একটা বিশেষ স্তরের নীচে নামে না।

এর কারণটা সহজ। রবীন্দ্রনাথ এমন একটা ব্যাপক দৃষ্টিভঙ্গী নিয়ে এলেন, সেই সঙ্গে নিয়ে এলেন এমন একটা সহজ নমনীয় বিজ্ঞানসম্পন্নতা, যাতে গল্পরচনা অনেকটা স্বচ্ছন্দ হয়ে উঠলো। জাতি গঠন, সমাজসংস্কার, শিক্ষাবিস্তার যে কোন দিকেই তাকে নিয়োজিত করা হক, তা প্রথমতঃ হতে লাগলো



সাহিত্য, তারপর আর কিছু। রবীন্দ্রনাথের প্রবন্ধসাহিত্যই তার প্রধান দৃষ্টান্ত। রবীন্দ্রনাথগামী যুগের প্রথম চৌধুরী এরপর আনলেন আর একটা জিনিষ—রবীন্দ্রনাথের অব্যক্তিক ভাবমুখিতা এবং অতি-অলঙ্করণকে তিনি আর একটু সহজ করে, তাতে সঞ্চারিত করলেন একটি স্বজ্ঞতা। বাংলা কথা ভাষা নিয়ে পরীক্ষা হয়েছিল বঙ্কিমচন্দ্রের পূর্বেই, রবীন্দ্রনাথ ও হাত দিয়েছিলেন এই পরীক্ষায়, কিন্তু প্রথম চৌধুরীই তাকে সর্ববিধ আলোচনার অনন্ত বাহন করে তুললেন। এই খান থেকেই আধুনিক গজের সূচনা—এর পরের ইতিহাস সংক্ষিপ্ত। নানা বিচিত্র পথে, নানা পরীক্ষা নিরীক্ষার ভেতর দিয়ে আজ তা হ-হ করে এগিয়ে চলেছে—বিচারে বিতর্কে, আলাপে আলোচনায়, রসে রসিকতায় তার সমৃদ্ধি আজ প্রচুরায়ত হতে চলেছে। আরো সৌভাগ্য যে প্রসঙ্গাত্মক গল্প ও রসাত্মক গজের ভেতর আজ স্পষ্ট একটা সীমারেখা পড়ে উঠেছে, যার ফলে বিষয়ভারাক্রান্ত সাম্প্রতিক রচনাকে আজ আর কেউ সাহিত্য বলে ভুল করেন না।

এই ক্রমোন্নতির পথেই বাংলা গজে এসেছে নতুন একটা জিনিষ—ইংরেজীতে একে বলা হয় personal essay, বাংলায় বলা যাক ব্যক্তিক নিবন্ধ। রবীন্দ্রনাথেই আছে এর রূপ, প্রথম চৌধুরীতে ও আছে—কিন্তু এর সত্যিকার উৎকর্ষ হয়েছে অতি আধুনিক কালে। মহর্ষি দেবেন্দ্রনাথ, রাজনারায়ণ বসু, সঞ্জীব চন্দ্র, নবীন সেন, চন্দ্রনাথ বসু এবং আরো কোন কোন লেখকের রচনায় এক ধরনের আত্মবীক্ষাকটক নিবন্ধ দেখা যায়—যার উদ্দেশ্য সমসাময়িক জীবন ও তার পারিপার্শ্বিককে হাক্কো হাতে এঁকে যাওয়া এবং সেই অন্ধনের মুখে তার ওপর নিজের মনের রং ফেলে চলা। বলা বাহুল্য ব্যক্তিক নিবন্ধের প্রাথমিক কাঠামো এই—কিন্তু এর সঙ্গে চাই একটা সত্যিকার দৃষ্টিভঙ্গী, যা না থাকলে শিথি হিসাবে রচনা কোন রকমেই দানা বাঁধতে পারে না। রবীন্দ্রনাথের আগে ঠিক সেই ধরনের দৃষ্টিভঙ্গী খুব স্তলভ ছিল না, তাই এদিক থেকে কোন বিশিষ্ট শ্রেণীর সাহিত্যও হতে পারেনি তাঁর আগে।

আধুনিক কালে যারা এই দিকে লেখনী চালনা করেছেন, তাঁদের মধ্যে অন্নদাশঙ্কর রায়, প্রবোধ কুমার সান্নাল ও বুদ্ধদেব বসুর খ্যাতি সুপ্রতিষ্ঠিত হয়েছে। কিন্তু এঁরা তিন জনেই জোর দিয়েছেন বিশেষ করে ভ্রমণের কথা লেখার ওপর—পথে বিপথে চলতে ফিরতে যে সমস্ত ছবি চোখে পড়ে, যে সমস্ত লোক এসে পড়ে হাতের সামনে, যে সমস্ত ছোটখাটো ঘটনা ঘটে তার ভেতর দিয়ে নিজের মনের অন্তর্ভূতিগুলোকে আলতো আলোয় দৃষ্টিতে যাওয়াতেই তাঁদের হাত খেলেছে খুব ভালো। বুদ্ধদেব এ ছাড়াও লিখেছেন ব্যক্তিক নিবন্ধ—যাতে আপাতদৃষ্টিতে তুচ্ছ এবং প্রাত্যহিক সংসারে অনেক সময় উপেক্ষণীয় জিনিষ তাঁর মনের আলোতে বজী হয়ে দৃষ্টি উঠেছে। এই হল খাঁটি জাতের personal essay র দৃষ্টিভঙ্গী কিন্তু এখানেও আছে একটা ছোট আপত্তি। এতটা রং কেন? প্রত্যেক অভিজ্ঞতাকে বড়োর জৌলুসে আবিল করে তুললে স্বভাবতঃ লেখক পাঠকের অনুরাগের ওপর দাবীদার হয়ে ওঠেন, কিন্তু এই রংকে সংহত করে তুলতে পারলেই তাঁর দ্বারা সম্ভব সত্যিকার বিচারের সম্মুখীন হওয়া। এই দিক দিয়ে সম্প্রতি একজন লেখক খুব বড় শক্তির পরিচয় দিয়েছেন—তিনি হলেন জ্যোতির্ষ রায়।

এর আগে গল্প লেখায় নিজস্ব বৈশিষ্ট্যের পরিচয় দিয়ে তিনি ভালো করেই প্রমাণ করেছেন যে তাঁর চোখে দৃষ্টির অভিনবতা এবং হাতে প্রকাশের সাবলীলতা আছে। তারি রকম ফের দেখায় তাঁর নতুন প্রবন্ধের বই ‘দৃষ্টিকোণ’। এই বইটি শুধু বাজারেরই নতুন বই নয়, সাহিত্যক্ষেত্রে ও নতুন। যে সমস্ত

বিষয় ও বস্তুকে, যে ধরণের দৃষ্টি দিয়ে আমরা নিত্য নিয়ত দেখেছি বা দেখি—তাদের তিনি এমন একটা বিশেষ দিক থেকে দেখেছেন এবং একেছেন যে প্রথমেই তাঁর দৃষ্টির অভিনবতায় তাক লেগে যায়। কিন্তু তার পরও আছে। শব্দপ্রয়োগ এবং পরিবেশ অঙ্কনে তাঁর এই দর্শন ও মননের সক্ষম এমনি জমাট বেধে উঠেছে যে অকপটে বলতে হয় চমৎকার। এই চমৎকার কথাটা ইদানীং আমাদের সাহিত্যে রেখে চেকে বলা চলছে, তার কারণ সত্যিকার নূতন লেখকের আবির্ভাবকে আজ আমরা ভয় করতে আরম্ভ করেছি। কিন্তু আমার কোন ভয় নেই—সহজ ভাবেই বলছি চমৎকার, ঠিক এই শ্রেণীর প্রবন্ধ আমি একটাও বাংলায় পড়িনি—এমন দার, এমন জোলুয়, সবদিক থেকে এমন নূতনত্ব সচরাচর স্মরণ নয় বলেই বলবো, লেখক সার্থক শিল্পী।

বলা বাহুল্য বইটির আমি বিশদ সমালোচনা করছি না। তাই এর বিষয় নিয়ে আলোচনা করা বা কোন দৃষ্টান্ত উদ্ধৃত করা আমার প্রয়োজন হয় নি। এমন কি দ্বিতীয় খণ্ডে তিনি যে সমস্ত প্রসঙ্গায়ক রচনা সমিষ্ট করেছেন, তার কোন কোনটার সঙ্গে রীতিমত মতভেদ থাকা সত্ত্বেও, আমি সেগুলোর কথাও তুলি নি। যে সমস্ত অজ্ঞাত অকিঞ্চিৎকর বিষয়কে তিনি সাহিত্যের উঁচু তলায় উন্নীত করেছেন—যেমন ‘ইনসমনিয়া’, ‘কড়া’, ‘বেকার বনান ইন্সুরেন্স এজেন্ট’—সুধু সেইগুলোকেই আমি আমার আলোচনার লক্ষ্য স্বরূপ নিয়েছি। ইংরেজীতে পড়েছি এই জাতের লেখা অনেক—বাংলায় এর অভাব চিরদিন ছিল, আশা হচ্ছে এবার দূর হবে। সেই ভাবী সম্ভাবনার অগ্রদূত রূপেই আমি স্বাগত করছি শ্রীযুক্ত জ্যোতির্ময় রায়কে।

নন্দগোপাল সেনগুপ্ত।

“নিজেরে হারিয়ে খুঁজি”—শ্রীগীতা ঘোষ প্রণীত। প্রকাশক শ্রীহরেন্দ্র কৃষ্ণ সরকার, মাথব চ্যাটার্জী লেন, কলিকাতা, দাম ১৯/০। ১৫০ পৃষ্ঠা

বাংলা সাহিত্যের আসরে আমরা লেখিকাকে সাদর অভ্যর্থনা জানাচ্ছি। লেখিকা নূতন এবং উপজাগাটা তাঁর প্রথম লেখা। কিন্তু তাই বলে তার লেখনী মোটেই অপটু নয়। লেখিকার রচনা শক্তি আছে, করনা শক্তি আছে আর আছে স্বল্প বিশ্লেষণ প্রতিভা। ভাষা ঝরঝরে ও জোরদার এবং আতিশয্য নেই কোথাও। আলোচ্য উপজাগাখানিতে গল্পাংশ প্রতি সামান্য! মাতৃপিতৃহীনা মেয়ে, বিলিতি ভাবাপন্ন বড়লোক পিসিমার দ্বারা প্রতিপালিতা ও উচ্চশিক্ষিতা। ডুইং ক্রমের কৃত্রিম জীবনের প্রতি বিতৃষ্ণ হয়ে পালিয়ে সে ভববুরে বেদের দলে যোগ দিলো এবং ছ’মাসের অজ্ঞাতব্যসের পরে কলকাতায় এসে বিয়ে পা করে সংসারী হল। প্রসঙ্গক্রমে ইঙ্গ-বঙ্গ সমাজের কৃত্রিম জীবনের এবং বেদে বেদেনীদের যাবাবর জীবনের চিত্র খুঁটানটা সহ বিবৃত হয়েছে। আর সঙ্গে সঙ্গে আছে মনস্তত্ত্বের নিপুণ বিশ্লেষণ এবং রোগাটিক একটা স্বগভীর চিন্তের দুর্দম্য অতৃপ্তি এবং অদুরন্ত উদাস। শিক্ষিতা আধুনিকার বাধরা পরে দুঃসং বেদেনী জীবন যাপন অবাস্তব মনে হবে। তবু বইখানা আমাদের ভাল লেগেছে।

‘দীপঙ্কর’



নীতি এবং কৌশল, মানুষ ও মানচিত্র ভীড় করেছে এর মস্তিষ্কে—

“ওয়ালড রিভিউ হইতে”



রুশ-জার্মান যুদ্ধ

“বিশ্ববন্ধু”

১৭ই অক্টোবরের খবর জানা যায় মস্কোর পতন আসন্ন; রাজধানী কাজানে স্থানান্তরিত করা হয়েছে। মস্কো পতনের জ্ঞাত শুধু রাশিয়ানরা কেন বাইরের জগৎও প্রস্তুত ছিল। এই সেদিন লর্ড বিভারক্রকের যুগে শোনা গেছে—‘মস্কোর পতনে রাশিয়ার পরাজয় ঘটিবে না’। প্রেসিডেন্ট রুজভেল্টের দূত হারি হপকিন্স রাশিয়া পরিদর্শন করে ওয়াশিংটনে ফিরে বলেছেন রাজধানী সরিয়ে নেবার প্রয়োজন হলেও রাশিয়ার প্রতিরোধশক্তি অক্ষুণ্ণ থাকবে। সেক্টম্বরের শেষভাগে আমেরিকান সাংবাদিক র্যালফ ইন্গারসল আঙ্কারা থেকে খবর পাঠিয়েছিলেন ‘রাশিয়া অপরাজিত’।

জার্মানিও জানে মস্কো পতনেই রাশিয়ার পতন নয়। রাইখের প্রেসবিভাগের বড়কর্তা ডিট্রিস ৯ই অক্টোবর পূর্ব সীমান্ত থেকে বালিনে ফিরে এসে বলেন ‘রণকৌশলের দিক দিয়ে বলা যায় সোভিয়েট রাশিয়া নিঃশেষ হয়ে গেছে।’ ২রা অক্টোবর হিটলার অপ্রত্যাশিত ভাবে পূর্ব-রণাঙ্গন থেকে নান্সীপার্টির বাৎসরিক সভায় যোগ দিয়ে পূর্ব-রণাঙ্গনে আর একবার তুমুল জার্মান আক্রমণের খবর পৃথিবীকে জানিয়ে দেন। এটা হোল জার্মানির চতুর্থ অভিযান। এই অভিযানের চতুর্থ কি পঞ্চম দিনেই ডিট্রিস ঘোষণা করেছেন ‘Soviet Russia is finished from the military point of view’. রাজধানী হিসাবে মস্কোর মর্যাদা কিম্বা শীতের পূর্বে মস্কো পৌঁছানর সার্থকতা জার্মানির জন্য আছে। কিন্তু জার্মানির সমরবিভাগের লক্ষ্য হচ্ছে ভোরোশিলফ, টিমোশেকো ও বুদেনীর সেনানী। এবার সেইজন্মই জার্মানি প্রথমটা তিনদিন প্রকাণ্ড চক্রাকারে মস্কোর চারিদিকে সৈন্যচালনা করে হঠাৎ বিভ্রাৎগতিতে বর্শাফলকের মত মস্কোর দিকে ছুটে চলেছে। গত সেক্টম্বরে ত্রিয়ান্স্ক পর্যন্ত জার্মানরা পৌঁছেছিল। এবারকার আক্রমণে ভালদাই পাহাড় থেকে ত্রিয়ান্স্ক পর্যন্ত রাস্তা দিয়ে পরিবেষ্টন করলেও ভিয়ারজমা রণক্ষেত্রেই জার্মানরা প্রবল হয়ে টিমোশেকোর বাহিনী খণ্ডিত করবার দাবী করে। উত্তর থেকে দক্ষিণ পর্যন্ত যোজনব্যাপী ফ্রন্টের অখণ্ডতা অক্ষুণ্ণ রেখে এগিয়ে চলা কিম্বা পেছু হঠাৎ যেমন রুশদের সব চাইতে লক্ষ্যের বিষয়, জার্মানরাও তেমনি অখণ্ড সীমানায় ফাটল ধরিয়ে বিচ্ছিন্ন অংশগুলিকে একে একে ঘেরাও করে পিষে মারবার জ্ঞাত বন্ধপরিকর। আক্রমণের সম্পদশ সম্প্রদায় বুঝিবা তাদের বাসনা পূর্ণ হয়েছে। রাইখের প্রেস বিভাগের কর্তা ডিট্রিসের হিসাব অনুযায়ী টিমোশেকোর ৫০ থেকে ৭০ ডিভিসন বাহিনী দুইটি ব্যুহে আটকা পড়ে গেছে। ডিট্রিসে ঘোষণায় বলা হয়েছে বুদেনীর বাহিনী দক্ষিণে নিকার্শ হয়েছে, ভোরোশিলফেরটা লেনিনগ্রাদে বেষ্টিত হয়ে আছে—অর্থাৎ গোটা সোভিয়েট ফ্রন্টই চুরমার হয়ে গেছে।



৯ই অক্টোবর তারিখে হিটলারের দৈনিক নির্দেশপত্রে (order of the day) যে উক্তি ছিল তার সবটাই যে কাঁকা আওয়াজ অবস্থা দেখে তা মনে হয় না। হিটলার তার শৈল্পীদের উদ্দেশ্যে বলেছেন, 'গত তিনমাসের মধ্যে তোমরা অভূতপূর্ব সাফল্যের সহিত শত্রুর সমরশিল্পের কেন্দ্রগুলি দখলে এনেছ, আরও কয়েক সপ্তাহের মধ্যে রাশিয়ার তিনটি সমৃদ্ধ শিল্পকেন্দ্র তোমাদের হস্তগত হবে। এই যুদ্ধে কশ হতাহত ও বন্দী ২৪ লক্ষ, ১৭,০০০ ট্যাঙ্ক, ২১,০০০ বন্দুক ও ১৪,০০০ বিমান ধ্বংস অথবা দখল করেছে। তোমাদের সঙ্গে আজ উত্তর থেকে দক্ষিণ পর্যন্ত ফিন, স্লোভাক, হাঙ্গেরীয়ান, ইতালীয়ান, রুম্যানিয়ান সৈন্যদল শত্রুর জমিতে লাড়াই করছে, স্প্যানিশ ক্রোট এবং বেলজিয়ান বাহিনী শীঘ্রই তোমাদের সঙ্গে যুক্ত হবে।' মস্কোর পথে সোজালিস্ক, বাসলুভ, ওয়েল, টুলা, কালিনিং এবং কালুগা এই স্থানগুলি অন্যায়সে না হলেও অল্প সময়ের মধ্যেই যে ভাবে জার্মান কবলে এসেছে তাতে হিটলারেরই সমর্থন পাওয়া যায়। কমুনিষ্ট পার্টির পত্রিকা 'প্রোভদা' ও সেই কথাই বলেছে। 'প্রোভদা' শক্তিতে জার্মানির সংখ্যাগরিষ্ঠ স্বাকার করে বলেছে— শত্রুসৈন্যের ক্ষতি প্রচুর হলেও অবস্থার গুরুত্ব উপলব্ধি না করা অস্বাভাবিক লক্ষ্যবস্তুর পরিচায়ক হবে।

অল্প দুই সপ্তাহের মধ্যে লেলিনগ্রাদে লাড়াইয়ের ভারিাজং অধীনাংসিত হয়ে গেছে। বস্টিকে বেড নেভি যে কৌশলের পরিচয় দিয়েছে তাতে মনে হয় লেলিনগ্রাদ সমুদ্রপথে সুরক্ষিত আছে। মোস্তিয়েট নৌবহর এখনও ওয়েসেল, ভারো এবং ফ্রান্সোতে ঘাঁটি আগলে আছে।

রুম্যানিয়ান সৈন্য ওডেসা দখল করেছে। দক্ষিণে খারকভের পথে পোন্টোভা দখলের সংবাদ পাওয়া গেছে। খারকভ ইউক্রেনের শিল্পকেন্দ্রের অন্যতম। খারকভের পথ ধরে পেলে ইউক্রেনের সমৃদ্ধতর প্রদেশে প্রবেশ পাওয়া সহজ হয়ে যাবে। ইউক্রেনের অল্প কয়েকটি শিল্পকেন্দ্র যেমন কিয়েফ, নিপ্রোপেট্রোভস্ক, খারসান ও ক্রিভয়রগ জার্মানদের হস্তগত। জার্মানির দক্ষিণ অভিযানে ডনটেক শিল্পাঞ্চলের জন্য প্রবল চেষ্টা চলেছে।

জার্মানরা আজব সাগরের তীরে মোলটোপোল, বার্ডনিয়াক নারিয়াপোল, টাগানরগ দখল করেছে। টাগানরাগের ৪০ মাইল দূরে রোষ্টভ বন্দর বিপন্ন।

ক্রিমিয়ার জার্মানরা পেরেকোপ অঞ্চলে সংগ্রাম করছে। ক্রিমিয়ার সেবেস্তোপোল রাশিয়ান অধিকারে থাকা পর্যন্ত রুমসাগরের রুশ-শক্তি প্রবল থাকবে। কিছুদিন পূর্বে বুলগেরিয়ায় সৈন্য সমাবেশের খবর পাওয়া গেছে। রুমসাগরে রুশ আধিপত্য খুব করার জগত এই আয়োজন মনে হয়। বুলগেরিয়ার বন্দরে যে সামান্য নৌবল আছে তা রাশিয়ার রুমসাগরের নৌবলের তুলনায় অত্যন্ত ক্ষীণ। সুতরাং ইতালীয় নৌবলের সহায়তায় রুমসাগরের নৌবলের শক্তি ক্ষুধ করা ছাড়া জার্মানির অল্প উপায় নাই। এই উদ্দেশ্য সাফল্য করতে হলে দার্দনেলিসের মধ্য দিয়ে ইতালীয় নৌশক্তিকে পথ ছেড়ে দিতে তুর্কিকে রাজী করাতে হবে। বুলগেরিয় সমাবেশের অস্তুরালে তুর্কিকে সম্মত করার প্রচুর অভিপ্রায় যে নাই সেকথা জোর করে বলা চলে না। বুলগেরিয় সমাবেশের অত্যন্ত তুর্কি-সম্মতি আদায় করতে না পারলে তুর্কি অভিযানের সম্ভাবনাও আছে।

মধ্য প্রাচ্য

খাইবার আর তেহেরান যেন এক দৌড়ের পথ। ভারতের জঙ্গীলটি ওয়াশেল সাহেব লণ্ডন থেকে ফিরবার পথে তেহেরান ঘুরে এসেছেন। স্বেইডেনের কাগজ 'সোসিয়াল ডেমক্রেটেন' এর পবন,

ককেশাসে সৈন্ত পরিচালনার উদ্যোগ চলেছে—তার পরেই ওয়াভেল সাহেবের ওপর। পাসীয়ান উপসাগরের বন্দর বন্দরসাপুরে সৈন্ত নেমে রেলপথে ইরান যাচ্ছে; খাইবার পাশ থেকে যাচ্ছে সাজোয়া গাড়ী ও বিমান। ইরানের শাহের রেলপথটা খুব কাজে লেগে গেল। এই সুবিধা থাকায় তাজিকের উত্তরে একটা ব্রিটিশ ঘাঁটি রাখা চলবে। দক্ষিণ-কশের তেলের খনি নিয়ে জেনারেল ওয়াভেল ও মার্শাল ফন রুশতেরদর মধ্যে প্রতিযোগিতা শুরু হতে পারে—কে কার আগে দখল করবে। সেইজন্যই এই তোড়জোড়। ভারতের উত্তর পশ্চিম সীমান্তে বিমান মহড়া চলেছে—লড়াই যদি ককেশাসে আসে?

বিশ্ব শান্তি

লড়াইয়ের দাঁকে দাঁকে শান্তির কথা শুনতে পাওয়া যায়। আবার তার পরই জোড় লড়াই শুরু হয়। “Cannibal Hitler” শান্তির চেষ্টায় বার্ষিকাম হয়েছেন কারণ “War-monger” চাচিল তার শান্তি প্রস্তাব অগ্রাহ্য করেছেন। হিটলারের লড়াইয়ের সমস্ত আয়োজন ‘are the most important preparations for peace’ শান্তির নৈবেদ্য রচনা, আর চাচিলের ‘আটলান্টিক চার্টারের’ প্রতি ছত্রে ছত্রে বিশ্বশান্তির জন্ম উদ্ভূত। আমরা অহরহ একথাই ভুলি, লড়াইয়ের পূর্বে দুনিয়া যা ছিল আর লড়াইয়ের পর দুনিয়া যা হবে তার মধ্যে থাকবে আসমান-জমিন তফাৎ। পৃথিবীর এই অবস্থায় একটা ছরস্তু বিরোধের অবস্থান ঘটে মৃতন কোন্ ব্যবস্থার সাম্প্রতিক দর্শিত হবে তা বলা কঠিন কিন্তু একটা প্রশ্নের মীমাংসা হয়ে গেছে। “The price of victory is a European revolution for we can not unleash the forces that victory requires if we stand by the ancient ways.” (Laski, Where do we go from here, p126). ‘ancient ways’ অথবা ‘প্রাচীন পন্থা’র অপসৃত্য ল্যান্সি সাহেবের স্বপোত্রীয়েরা কামনা ও ভাবনা কোনটাই করেন না, তা আর নজীর দিয়ে দেখাতে হবে না। যুদ্ধ জয়ের জন্ম ল্যান্সি সাহেব যে চড়া দাম হেঁকেছেন তার চাইতেও কম দরে জয়ের পথ খোলা ছিল। সে পথ ক্রমেই দুর্গম হয়ে উঠেছে, স্তবরাং যারা শূদ্রা চোখে দুনিয়ার দিকে চেয়ে দেখেন, ল্যান্সি সাহেব তাদের উদ্দেশ্যে বলেছেন “without that revolution both the war and the peace will be no more than a dispute about the character of a social order which has twice brought us to world conflict and will bring us to it again if we seek no more than its preservation.” সাম্রাজ্য ঝাঁকড়ে থাকা যাদের স্বভাব তাদের কাছে ল্যান্সি সাহেব কি আশা করেন?

এই সেদিন ইডেন সাহেব লণ্ডনে এক মৈত্রী সম্মেলনে—“Inter Allied Conference”—এক ‘স্বপ্ন দিয়ে ঘেরা’ ইউরোপ রচনা করলেন। যুদ্ধের পর নাৎসী নিষাতন থেকে যে সব দেশ উদ্ধার পাবে মৈত্রী সম্মেলন তাদের খাবার ও জীবন যাত্রার অজ্ঞাত অপরিহার্য দ্রব্যের সংস্থান দেবে। খাবার যোগাবে আমেরিকা। আমেরিকার যোগানে আর ইংরেজের মোড়লীতে খাবার বিলি করেই ইডেন সাহেব ভাঙ্গা ইউরোপ জোড়া লাগাবেন, এটা ল্যান্সি সাহেবের ‘revolution’ এর কোন সংস্করণ?

শ্রেণী সংগ্রাম বনাম জাতীয় সংগ্রাম—

শ্রেণী সংগ্রাম না জাতীয় সংগ্রাম? প্রশ্নটা স্বভাবতই আসে। সোভিয়েট ইউনিয়ন আজ কোতুলেই সামগ্রী। আমেরিকার সাহায্য পেয়ে সোভিয়েট ইউনিয়ন শত্রুর আক্রমণ প্রতিরোধ করবার প্রাণপণ চেষ্টা করেছে আর সেই সাহায্যের দাবীতেই সোভিয়েটের সামনে নানা রকম প্রশ্ন তোলা হচ্ছে—‘ধর্মের



স্বাধীনতা রাশিয়ার আছে কি? উপায় নাই—সোভিয়েটের প্রচার কর্তা মঃ লজভস্কি ও লণ্ডনস্থ দূত মঃ মেইস্কি আমেরিকার প্রশ্নকর্তাদের আশ্বস্ত করেছেন—সোভিয়েট ইউনিয়নে বিভিন্ন চার্চ, আছে ধর্মের স্বাধীনতা আছে এবং ধর্মটা হ'ল ব্যক্তিগত ব্যাপার, রাষ্ট্রের সঙ্গে ওর কোন সম্পর্ক নেই, অবশ্যি ধর্মবিরোধী প্রচারেরও স্বাধীনতা আছে। কথায় বলে 'He who pays the piper 'all for the time.' সোভিয়েট নিকপায়—শ্রেণী মহৎ কিন্তু জাতি মহত্তর। বাট্‌লু রাশেল এই ধরনের একটা অবস্থার কথা চিন্তা করেই লিপেভিগেন সোভিয়েটের শ্রেণী সংগ্রাম জাতীয় সংগ্রামে পরিণত হয়। (The allies of the Soviet government must not be troubled by revolutionary or anti-militarist propaganda, but must be supported in all the turns and twists of their international politics. The war by which the objects of Comaunism are to be achieved thus ceases to be a class war as formerly conceived and becomes an ordinary war between national states—Which way to peace, p 195)

নিরপেক্ষতা আইনের সংশোধন—

আতলাস্তিকের ক্রমবর্ধমান জাহাজ ডুবিতে আমেরিকার দৈর্ঘের বাধ বুঝিয়া ভাঙে। পর পর আটটা জাহাজ সাবমেরিনের আক্রমণে জলমগ্ন হয়েছে। অষ্টম জাহাজ 'আই, সি, হোয়াইট ডোবার পর তুমুল কলবর উঠেছে নিরপেক্ষতা আইন সংশোধন করে সমুদ্রাধারীগুলি জাহাজগুলি সশস্ত্র করবার জগ্ন। স্বরাষ্ট্র মন্ত্রি কর্ভেল হাল মনে করেন সাবমেরিন অভিযানের মূলে আছে আতলাস্তিকে আতঙ্ক সৃষ্টি করে পৃথিবী জয়ের পরিকল্পনা। নিরপেক্ষতা আইনের বিধানের কোন কোন স্থানে আমেরিকার জাহাজের প্রবেশ নিষিদ্ধ আছে। কিন্তু সাবমেরিন আক্রমণের ফলে সমগ্র আতলাস্তিকই নিষিদ্ধ হবার উপক্রম হয়েছে। যে অবস্থায় 'Lease and Land' এর সাহায্য রুটেনে পৌছাবে না। এই অবস্থা দূর করবার জগ্ন প্রেসিডেন্ট রুজভেল্ট আইন সংশোধনের সুপারিশ করে কংগ্রেসে পাঠিয়েছেন। 'আই, সি, হোয়াইট ডুবি বোধ হয় প্রেসিডেন্ট রুজভেল্টের পথ স্বপ্নম কোরে দেবে। Isolationist অর্থাৎ যারা আমেরিকাকে ইউরোপের বাজারের বাইরে রাখতে চায় তাদের দলে আনা এরপর সহজ হয়ে যাবে। সেই দলেরই একজন হেমণ্ড ক্ল্যাগার এই আইনের আগাগোড়া সংশোধন দাবী করে বলেছেন 'আইনে মানা আছে আমেরিকার জাহাজ কোন যুদ্ধমান বন্দরে প্রবেশ করতে পারবে না—রুটেনের যে কোন বন্দরে আমেরিকার জাহাজ পাঠাবার স্বাধীনতা 'শাসন বিভাগ দাবী করে'। এই থেকেই মনে হয় সমুদ্রাধারী জাহাজের সশস্ত্রীকরণের পরই এই ধারার সংশোধন করা হবে।

পানামায় রাষ্ট্রবিপর্যয়—

এই ধারণটা যে অমূলক নয় পানামায় রাষ্ট্রবিপর্যয়ে সেটা বোঝা যায়। যে সব জাহাজ পানামার নিশান উড়িয়ে চলে পানামার ক্যাবিনেট তাদের সশস্ত্রীকরণ নিষেধ করে। এই খবর আলোচনা কালে যুক্তরাষ্ট্রের পররাষ্ট্র কমিটির সভাপতি সেনেটর কোনোলি মন্তব্য করেন "নিরপেক্ষতা আইন সংশোধন করে আমরা বাণিজ্য জাহাজ সশস্ত্র করতে পারি এবং তারপর তাদের যে কোন অঞ্চলে পাঠাতে পারি"। অর্থাৎ পানামা ক্যাবিনেটের মজির ওপর নির্ভর না করে এবং পানামার নিশানের ভরণ্য না থেকেও আমেরিকা আইন বদলেই নিজের নিশানের আড়ালে জাহাজ চালাতে পারবে।

এরপরই গত ৯ই অক্টোবর জানা যায় পানামার রাষ্ট্রীয় ক্ষমতা হস্তান্তরিত হয়েছে। প্রেসিডেন্টের অস্থপস্থিতিতে পানামার বিচার সচিব রিকার্ডো গার্ডিয়া শাসন ক্ষমতা হাতে নেন। প্রেসিডেন্ট আরিয়াল জানিয়েছেন তিনি পলায়ন করেন নাই, চক্ষু চিকিৎসার জ্ঞা চাভানায় গিয়েছিলেন সেই অবসরে এই ব্যাপার। পানামার ওপর যুক্তরাষ্ট্রের প্রভাব থেকে রাষ্ট্রদ্রোহের কার্য কারণ সম্পর্ক খুঁজে পাওয়া যেতে পারে। সংসারে শুধু নাৎসী প্রেরাচনাতেই কু'দেতা হয় না।

সুদূর প্রাচ্যে যুদ্ধের আভাস

সুদূর প্রাচ্যের অবস্থা আবার জটিল হয়ে উঠেছে। 'চীনের ঘটনা' গতমাসে সাড়া দিয়ে উঠেছে। জাপানীদের দক্ষিণ অভিযান প্রতিরোধ করে তাদের পার্শ্ব ও পশ্চাৎভাগে আক্রমণ করে বিপদগ্রস্ত করার লোভ চীনারা সামলাতে পারে নি,—ফলে ত্তান, ছোনান, কোয়াংচাং, চেংচাও প্রভৃতি মধ্য চীনের প্রদেশ-গুলিতে চীন-জাপান সংঘর্ষের সংবাদ পাওয়া গেছে। এবারকার হানাহানিতে চীনদেরই জিৎ হয়েছে। চাংসা ও ইচাংএ নাকি জাপানীদের ৪০,০০০ সৈন্য নিকশ হয়ে গেছে, মধ্য চীনে চীনা সৈন্তের বিজয় অভিযানে চীনেন্তারা চীনের অন্তর্কূলে এই যুদ্ধের নিষ্পত্তির সম্ভাবনা দেখছেন।

আমেরিকার 'লিঙ্ক এণ্ড লেণ্ড' আইনে চীনাকে সাহায্য করার জ্ঞা বিগেডিয়ার জেনারল জন ম্যাগদর এক মিলিটারী মিশন নিয়ে চুংকিং উপস্থিত হয়েছেন। পররাপহারী দেশের বিরুদ্ধে সবরকম সাহায্য করার মতঃ উদ্দেশ্য নিয়ে চীন-জাপান যুদ্ধের পক্ষম বৎসরে আমেরিকাবাদীদের জুকুনানা চীনদেশে হাজির হয়েছে।

পররাপকারের বিলম্বিত অভিপ্রায়ের কারণ খুঁজতে বেশীদূর যেতে হবে না। জাপানের সঙ্গে আমেরিকার সম্পর্কটা ক্রমেই জটিল হয়ে এসেছে। গ্রিস কোনয়ের মদীসভা প্রশান্ত মহাসাগরে জাপান ও আমেরিকার মধ্যে শান্তিস্থাপনের চেষ্টায় অগ্রণী হয়েছিল। সেই অবসরেই কর্ণেল নক্সের মন্তব্য আমেরিকা জাপান, জার্মানি ও ইতালীকে পরাস্ত করার স্বপ্ন করছে—শান্তি আলোচনা কতটা অর্থহীন তাই প্রমাণ করেছে। ফলে হয়েছেও তাই। কর্ণেল নক্সের মন্তব্যের পরই জাপানে মদীসভার পরিবর্তন আসন্ন হয়ে ওঠে। জাপানী সাংবাদিকরা সেই সময়ই বলেন, যদি কর্ণেল নক্সের বক্তৃতার পর জাপানে কোন চরমপন্থী, জাপানের প্রধানমন্ত্রী হন তজ্জ্ঞা এই বক্তৃতাটাই দায়ী। তারপর ক্রমাগত পটপরিবর্তন হয়ে চলেছে। 'জাপান টাইমস এণ্ড এডভাইসার' সোভিয়েট যুদ্ধ প্রচেষ্টায় সাহায্যদান করার জ্ঞা ডাচ ইষ্ট ইণ্ডিজকে মতর্ক করে দিয়েছে। গত তিন মাসে বহুসংখ্যক জাপানী সৈন্য চীন থেকে মাল্ফরিয়ায় জমা করা হয়েছে। যুক্তরাষ্ট্র, ব্রিটেন ও ডাচ ইষ্ট ইণ্ডিজ সমবেতভাবে জাপানে তেল রপ্তানী বন্ধ করে দিয়েছে এবং এই প্রতিবন্ধক নাকি প্রাচ্যে সমৃদ্ধির সীমানা বিস্তার জাপানীদের দৃঢ়প্রতিজ্ঞ করেছে।

গত ১৬ই অক্টোবর কোনয়ে মদীসভার পতন হয়েছে। কোনয়ে মদীসভার অন্তিমত 'জাতীয় নীতি' নিয়ে মতবৈধ হওয়াই নাকি তাদের কার্যভার ত্যাগের কারণ। কোনয়ে মদীসভার পদত্যাগ বহুপূর্বে আশা করা গেছে, মধ্য চীনে জাপানের লাজনা, ইউরোপে সোভিয়েটের দুর্বল অবস্থান, মিত্রশক্তিকে সাহায্যদানে আমেরিকার তোড়জোড়, সুদূর প্রাচ্যে ইংরেজের বিনাশ বিভাগের কর্তা স্তার ক্রক পপ্ হামের



সফর, সবগুলি মিলে জাপানী নীতির পরিবর্তন আসন্ন হয়ে উঠেছিল। জাপানী রাষ্ট্রনীতিতে চক্রবৎ সামরিক ও বৈষয়িক প্রভাব দেখা যায়। কোনও পরিবদ শাফিচ্ছল ডড়িয়ে বৈষয়িক প্রভাবের মর্যাদা পদ্ধি করছিল। কিন্তু পর পর এতগুলি ঘটনার সংঘাতে আবার সামরিক প্রভাব জাপানী রাষ্ট্রনীতির আসন্ন দখল করেছে। তাই কোনও সভার সময় সচিব, মুখ্য দপ্তরের প্রধান মর্যাদা।

নূতন মন্ত্রীসভার গঠন স্বল্প প্রাচ্য লড়াইয়ের আশঙ্ক ডড়িয়ে দিয়েছে। জয়না চলেছে আক্রমণটা কোথায় হবে। চাংসায় লাঙ্গনা ভুলতে কি জাপান দক্ষিণায়নে যাবে? ব্রাড্‌ভিষ্টকের পক্ষে আমেরিকা সোভিয়েট-সাহায্য পাঠাচ্ছে—জাপানী নৌবহরের নজর সে দিকেও আছে। মাকুরিয়ায় সৈন্য সমাবেশ—সেটা ভুললেও চলবে না। তিনমাস পূবে কোনও সভা পদত্যাগ করলে যাতদিনের মধ্যে জাপানী সৈন্য ইন্দো-চীনে প্রবেশ করে—এটাও মনে রাখবার বিষয়। মোটকথা, ইউরোপ ও আমেরিকার দিকে তাকিয়ে জাপান তৈরী—টোজো সভা তারই ইঙ্গিত। অভিযান কোথায় এবং কখন হবে রাষ্ট্রনীতির দূরদর্শন দিয়ে তারই নিরীখ চলবে এখন।

১৮-১০-৪১

ব্লাড-ভিটা

আদর্শ টনিক

রক্ত নিম্নলিও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রশংসিত।

ভিটামিন “বি,”

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্বাভাবিক দৌলতা,

রক্তাক্রান্ততা,

কোষ্ঠ-কাঠিচ্ছ,

গাউট,

রিউমেটিসম,

ও

সম্মান-সম্ভব্যার

পক্ষে বিশেষ

ফল-দায়ক।

অধ্যক্ষ মথুর বাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।

সম্প্রদায়িক

ভারত ও ব্রহ্মদেশে নির্বাচন বন্ধ

গত ১১ই সেপ্টেম্বর কমন্স সভায় নির্বাচন স্থগিত বিল চূড়ান্ত ভাবে গৃহীত হোয়েছে—এ সম্পর্কে বিভিন্ন সদস্যেরা যে বক্তৃতা দিয়েছেন তা খুবই উপাদেয়। আমেরী সাহেব বিল উত্থাপন কোরে বলেন যে বিলটিতে যুদ্ধের সময় এবং যুদ্ধের পরও এক বৎসর ভারত ও ব্রহ্মদেশে নির্বাচন বন্ধ রাখবার প্রস্তাব করা হোয়েছে। এর স্বপক্ষে যুক্তি দিয়ে বলেন যে এখন নির্বাচনের ব্যবস্থা করতে গেলে—যুদ্ধ প্রচেষ্টায় ভীটা পড়বে—২য়তঃ, ভারতের বিভিন্ন প্রদেশে সাম্প্রদায়িক সংঘর্ষ চলেছে, নির্বাচনে তা আরো বাড়বে; ৩য়তঃ, কতকগুলো প্রদেশে কংগ্রেস মন্ত্রী হাড়ার ফলে শাসন-তন্ত্র স্থগিত রয়েছে এখন নির্বাচন হোলে—গান্ধিজীকে যুদ্ধের প্রতি নেতিবাচক মনোবাঞ্ছিত প্রকাশের সুযোগ দেওয়া হবে।

শ্রমিক সদস্য—সিলভারমান, কোভ, সোরেনসেন বিলের বিরুদ্ধে বলেন যে ইংলণ্ড ও ভারতবর্ষে একইরূপ ব্যবস্থা করবার স্বপক্ষে কোনো যুক্তি নাই—ইংলণ্ডের কমন্স সভা নির্বাচন স্থগিত রেখেছে, কিন্তু ভারতীয় আইন পরিষদগুলি এর স্বপক্ষে কোন প্রস্তাব গ্রহণ করে নাই—কমন্স সভা জোর কোরে নির্বাচন স্থগিত রাখছে—বিলে যুদ্ধকালে ও যুদ্ধের পরও ১২ মাস নির্বাচন বন্ধ রাখা হোচ্ছে—কিন্তু এর আগে সে সাম্প্রদায়িক দাঙ্গা বন্ধ হবে না বা যুদ্ধের ১২ মাসের পরও যে সাম্প্রদায়িক দাঙ্গা ঘটবে না, নিশ্চয় করে কেউ বলতে পারে না। মিঃ সোরেন সেন বলেন, যে গবর্ণমেন্ট যেহেতু জানেন যে ভারতবাসীরা তাদের নীতি সমর্থন করছে না, সেজন্ম নির্বাচন স্থগিত রাখা হোচ্ছে—যদি এর উল্টো হোতো তবে নির্বাচন বন্ধ রাখা হোতো না।

লর্ড উইন্সটারটন ও ষ্টনলী বিলটিকে সমর্থন কোরে যা বলেন তার মর্ম—ভারতের সঙ্গে ইংলণ্ডের সম্পর্ক প্রীতিকর নয় সত্য, কিন্তু তার জন্য ভারতবর্ষের যুদ্ধ প্রচেষ্টায় কিছু বাধা পড়ছে না এবং বিলটি আনাতে খেচ্ছাচারিতা, প্রকাশ পায়নি, কারণ কমন্সের সঙ্গে ভারতবর্ষের যা শাসনতান্ত্রিক সম্পর্ক তাতে এ ধরনের বিল আনবার অধিকার কমন্সের রয়েছে। ব্যাস্ ; চুকে গেল অধিকার যখন রয়েছে—তখন কোন ওজর আপত্তি খাটে না। সে অধিকার গায়ের জোরের অধিকার না—তার পেছনে কোনো জনমত রয়েছে তা বিচার কোরে দেখবার প্রয়োজন নেই। ক্যাসিস্তবাদীর মিন্দা ও ডিমোক্রেসী এবং স্বাধীনতার উদ্ধানিনাদ করতে করতে অধিকারের জগন্নাথ রথ ভারতবর্ষের



উপর দিয়ে চালিয়ে নেবার মধ্যে কোনো অসঙ্গতি নেই। কিন্তু এই ১৯৪১ সনে ইংলণ্ডের কাছ থেকে কোনো অধিকার আশা করেন এমন রাজনৈতিক—বীর সভরকার ও মিঃ জিন্না—বাদে কেউ আছেন কি? কাজেই আমাদের অগ্রপথে মুক্তি খুঁজতে হবে—সে পথ কোন দিক দিয়ে কি ভাবে আসবে তা সুস্পষ্ট হয়তো নয়—কিন্তু তার ইঙ্গিত আনুষ্ঠানিক ঘটনাবলীর মধ্য দিয়েই আসছে—সে ইঙ্গিতকে ভারতের জনগণের নিকট সুস্পষ্ট কোরে তোলা এখন রাজনৈতিক নেতা ও কর্মীদের একমাত্র কাজ।

আমেরিকার পাঁচটি প্রশ্ন

আমাদের দেশের এক শ্রেণীর রাজনৈতিকেরা ভারতের স্বপক্ষে আমেরিকার ওকালতিতে অত্যন্ত আস্থাবান। তাঁরা মনে করেন যে বৃটেনের শ্রেষ্ঠ বন্ধু আমেরিকা যখন ভারতের প্রতি সহানুভূতি সম্পন্ন তখন—আমেরিকার সুপারিশ বৃটেন ফেলতে পারবে না। সম্প্রতি আমেরিকার কয়েকজন ভদ্রলোক ভারতবর্ষ সম্বন্ধে পাঁচটি প্রশ্ন কোরেছেন সে প্রশ্ন কয়েকটা আলোচনা করে একদিকে ভারতবর্ষ সম্বন্ধে আমেরিকার পর্বত প্রমাণ অঙ্গত্বের পরিচয় পান্ধ্য যায়, অন্যদিকে আমেরী সত্বেবের উত্তরে চমৎকৃত হোতে হয়।

প্রশ্ন পাঁচটি এরূপ :—

- (১) ভারতবর্ষ বৃটিশ গভর্নমেন্টকে প্রত্যক্ষ ও পরোক্ষ ভাবে কি কি টাক্স দিয়ে থাকে?
- (২) ভারতের বড়লাট ভারতের জনসাধারণের সম্মতি গ্রহণ না কোরেই সহাই কি জার্মানির বিরুদ্ধে যুদ্ধ ঘোষণা করেছেন?
- (৩) বৃটিশ গভর্নমেন্ট ভারতবর্ষকে ঔপনিবেশিক স্বায়ত্ত্ব শাসন দিচ্ছেন না কেন? তাঁদের কি দেবার ইচ্ছা আছে? কখন?
- (৪) ভারতকে স্বায়ত্ত্বশাসন দেওয়াই যদি বৃটিশ গভর্নমেন্টের নীতি হয় তবে পণ্ডিত জওহরলাল নেহেরুর কারাদণ্ডের সঙ্গে তার সামঞ্জস্য কোথায়?
- (৫) বর্তমান যুদ্ধ—ভারতে বৃটিশ রক্ষা বাবস্তার স্বপক্ষে অথবা বিপক্ষে কি পরিবর্তন এনেছে? এর উত্তরে আমেরী সাহেব বলছেন ভারতবর্ষ তো কোনো টেক্স দেয়ই না বরং বৃটিশ সরকারকে ভারত রক্ষার জন্য বৎসরে কয়েক কোটি ডলার দিতে হয়।

বড়লাট যুদ্ধ ঘোষণা করেন নি কারণ তাঁর সে অধিকার নেই, বৃটেন যুদ্ধে লিপ্ত হওয়ার সঙ্গে সঙ্গে স্বতঃসিদ্ধভাবেই ভারত যুদ্ধে অংশীদার হোয়েছে। যুদ্ধ শেষ হওয়ার পরই ভারতকে ঔপনিবেশিক স্বায়ত্ত্বশাসন দেওয়া হবে। ভারতের বিভিন্ন সম্প্রদায় ও দলের মধ্যে একতা স্থাপিত হোলেই তা দেওয়া হবে। পণ্ডিত জওহরলাল বিশিষ্ট ব্যক্তি হোলেও আইনের উপরে নন। আর যুদ্ধ সম্পর্কে ভারতবর্ষের মতামত কি তা প্রমাণ হবে ভারতবর্ষ থেকে যেজন্ম সাড়ে সাত লক্ষ লোক সৈন্য বিভাগে যোগ দিয়েছে এই তথ্য থেকে।

যেমন প্রশ্ন তার উত্তরও তেমনি।

হোমচার্জ নামে প্রতি বৎসর ভারত থেকে ৫০ কোটি টাকা বেরিয়ে যাচ্ছে—সেটা মার্কিনী, বন্ধুরা অবশ্যি একটু খোঁজ করলেই জানতে পাবেন, তবে সে কষ্টস্বীকার তাঁদের কাছ থেকে আশা করা যায় না—আর এই যুদ্ধে সাহায্য করবার ব্যাপারে ভারতের স্বাধীন মতামত কি তা জানাও সহজ। কিন্তু এই প্রশ্ন-উত্তরে ভারতের পক্ষে লাভ লোকসান কিছু নেই। নিছক পরোপকারের খাতিরে আদর্শ রক্ষার জন্ম, কোনো দেশ স্বাধীনতার ফলটা ইংরেজের কাছ থেকে আহরণ কোরে এনে ভারতবাসীর হাতে দেবে সে স্বপ্ন কেউ দেখে না।

ভারতের রেল •

ভারতে রেল লাইন প্রবর্তিত হয় প্রধানতঃ ইংরেজের সৈন্য চলাচলের সুবিধার জন্ম—যাতে শাস্তি (?) রক্ষার বাধ্যতাবাদে ঘটলে সহজে সায়েস্তা করা যায় শাস্তিভঙ্গকারীদের। কাজেই ভারতবাসীর দৈনন্দিন যাতায়াত বা সুবিধা অসুবিধার কথা ধর্তব্যের মধ্যে নয়—ইংরেজের প্রয়োজনে ভারতের রেল অগ্নির চাধান যাবে তার আর আশ্চর্য কি? কাজেই সম্প্রতি ই, আর্ট, আর এ, উইক-এণ্ড টিকিট বন্ধ করে দেওয়া হয়েছে, পূজার সময় যাত্রী সংখ্যা বাড়ার জন্ম রেল কর্তৃপক্ষের চেষ্টায়ও মন্দা লেগেছে—এমন কি পূর্বাঞ্চলি জানানো হয়েছে এবার কুম্ভমেলায় অতিরিক্ত ট্রেন দেওয়া সম্ভব হবে না। ক্রমশঃ যে ট্রেনের সংখ্যা আরো কমানো হবে তার ইঙ্গিত সর্বত্র। এর কারণ ভারতকে যুদ্ধমান মধ্য-প্রাচ্যে রেললাইন গাড়ী ইত্যাদি চালান দিতে শেয়েছে সেখানকার প্রয়োজন মেটাতে—হয়তো এর পর ইরানের রেল লাইনের স্বল্পতা দূর কোরতে ভারতকেই ডেমক্রেসী রক্ষার্থে স্বার্থ ত্যাগ করতে হবে। তাছাড়া যেসব মেয়ামতি কারখানা ছিল তাতে পূর্ণোদ্যমে যুদ্ধের সরঞ্জাম তৈরী হচ্ছে—ভারতে ইঞ্জিন তৈরীর যে পরিকল্পনা হয়েছিল যুদ্ধের জন্ম তা পরিত্যাগ করা হয়েছে—যুদ্ধের কাজ কোরেই কারখানামূল্যে কুল পাচ্ছে না—ভারতবাসী ২৫ বছর না হয় যাতায়াত নাই করলো—তাতে স্বাধীনতা ও ডেমক্রেসীর কোনো ক্ষতিবৃদ্ধি নেই। কাজেই এদেশে রেললাইন, গাড়ী, ইঞ্জিন সব কিছুর অভাব হয়েছে, আরো হবে। স্বাভাবিক যাতায়াত বন্ধ হবে, বাণিজ্য বন্ধ হবে ফলে জিনিষের দাম আরো বাড়বে—তা ছাড়া মেয়ামতের অভাবে রেল লাইন, ইঞ্জিন ইত্যাদির অবস্থা বিপজ্জনকও হবে—কিন্তু তাতে আশঙ্কান্বিত হবার কি আছে—না হয় ডিমোক্রেসী রক্ষার্থে যেখানে লক্ষ লক্ষ লোক মারা যাচ্ছে—কয়েক শত “কালো আদমী” রেল এক্সিডেন্টে মারা যাবে। উদ্দেশ্য তো সাধু!

নিখিল ভারত শিক্ষা সম্মেলন •

গত ১৮শে সেপ্টেম্বর শ্রীনগরে এলাহাবাদ বিশ্ববিদ্যালয়ের ভাইস চ্যান্সেলার ডাঃ অমরনাথ ঝাঁকর সভাপতিত্বে নিখিলভারত শিক্ষা সম্মেলনের ১৭শ অধিবেশন অনুষ্ঠিত হয়। এই সম্মেলনে



ভারতের বিশিষ্ট শিক্ষাব্রতীরা সম্মিলিত হন এবং অনেকগুলি মূল্যবান বক্তৃতা হয়, তার ছ' একটি উল্লেখ করবো—

আত্মসম্প্রদায়িক ও আত্মসংস্কৃতিক ঐক্য বৈঠকে সিদ্ধুর শিক্ষা সচিব পীর ইলাহী বক্স বলেন, “আমরা মুসলমানগণ ভারতবাসী, আমরা ভারতবাসী হিমায়েত বাঁচিয়া থাকিব এবং ভারতবাসী হিমায়েত মরিব।” তিনি বলেন ভারতকে তার নিজস্ব শিক্ষা পদ্ধতি রচনা করতে হবে এবং শিক্ষকদের তিনি হিন্দু-মুসলমান ঐক্য প্রচার করতে অগ্ররোধ করেন। বাঙ্গালার মদ্রীমগুলী কি বলেন এ বিষয়ে? ভারতীয় শিক্ষাপদ্ধতি শিরা চান না, তারা চান হিন্দু অথবা মুসলমানী শিক্ষাপদ্ধতি। শিক্ষার গায়েও তারা ‘হিন্দু’ ‘মুসলমান’ ইত্যাদি তকমা এটে দেবার পক্ষপাতী—আর তা না করলেই হুসেলাময়েরা যথার্থ হিন্দু ও যথার্থ মুসলমান হতে পারবে না।

প্রাপ্তবয়স্কদের শিক্ষা দান সম্পর্কে অধ্যাপক অনাথনাথ বসু বলেন “প্রাপ্তবয়স্কদের শিক্ষার প্রধান কাজ সভ্যতাকে যুদ্ধ ও দাঙ্গাহামার কবল হাতে উদ্ধার করা”। কিন্তু তৎপরে বিষয়, যে সব দেশে শিক্ষার তার অনেক উচ্চ তাদের মতোই যুদ্ধ-বিগ্রহ দেখা যাচ্ছে বেশী। তিনি চিঠি বলেছেন “প্রাপ্ত বয়স্কদের কোনো সুপরিকল্পিত পদ্ধতিতে শিক্ষা না দিলে তাদের মন থেকে পান্থন বৈবীভাব দূর হবে না।”

“প্রাপ্ত বয়স্কদের শিক্ষা রাষ্ট্রের শিক্ষা বিষয়ক দৈনন্দিন কার্যতালিকার অন্য তত্ত্বা উচিত”.....এবং প্রাপ্ত বয়স্কদের শিক্ষার চূড়ান্ত কার্যতালিকা রাষ্ট্র ও জনসাধারণের এক সম্মেলনে রচিত তত্ত্বা আবশ্যিক। প্রাপ্ত বয়স্কদের মতো শিক্ষা বিস্তারের জন্য ডাব ও যুবকদিগকে নির্দিষ্ট সময় কাজ ফেরতে বাধ্য করা উচিত।”

ভারতবর্ষের মত নিরক্ষর দেশে প্রাপ্তবয়স্কদের শিক্ষার ব্যবস্থা রাষ্ট্রের যে একটি প্রধান দায়িত্ব সে কথা সন্দেহকৃত কিন্তু বিদেশী রাষ্ট্রের সে দায়িত্ব বোধ নেই এবং তাকে বাধ্য করারও কোনো উপায় নেই। বিভিন্ন ব্যক্তিগত চেষ্টার দ্বারা—বিষয়জ্ঞার গুরুত্বের দিকে দৃষ্টি পড়ে মাত্র কিন্তু সমস্যার মীমাংসা হয় না। তবু এ সম্মেলনগুলির প্রয়োজনীয়তা রয়েছে দেশের সামনে আমাদের লক্ষ্যকে জাগিয়ে রাখবার জহে।

জওহরলালকে কুইসলিং আখ্য।

কুরুটি ও স্পর্ধা কতদূর যেতে পারে—তার একটি প্রমাণ পাওয়া গেছে নাগপুরের ডেপুটি কমিশনার মিঃ এ জি এফ ফারকুহারের ব্যবহারে। ব্যাপারটী এই।

যুদ্ধের প্রচারকার্য চালাবার সময় একদল লোক গান্ধীজীর জয়ধ্বনি ও মিঃ ফারকুহারকে নানাক্রম প্রশ্ন করে—তাতে উত্তেজিত হয়ে তিনি জওহরলাল নেহরুকে “কুইসলিং” অভিহিত করেন। পরে অবস্থার গুরুত্ব বুঝতে পেরে সংবাদ পত্রে এক বিবৃতি দিয়ে তিনি ক্ষমা

প্রার্থনা করেছেন দেখে আমরা খুসী হয়েছি। তবে এ ব্যাপার নূতন নয়—বিদেশী শাসকদের অযাচিত উপদেশ ও ভৎসনা ছুইটী শুনতে আমরা অভ্যস্ত।

হরদয়াল নাগ জয়ন্তী

গত ১৫ই সেপ্টেম্বর বাংলার প্রবীনতম দেশসেবক শ্রীযুক্ত হরদয়াল নাগ মহাশয়ের ৮৮তম জয়ন্তী উৎসব চাঁদপুরে সুসম্পন্ন হয়। তিনি কংগ্রেসের জন্ম থেকে বর্তমান কাল পর্যন্ত যে কয়েকটি রাজনৈতিক আন্দোলন হয়েছে সব কয়টিতেই সক্রিয় ভাবে অংশ গ্রহণ করেছেন—প্রতি যুগের রাজনৈতিক মত ও পথের সঙ্গে সমান তালে পা ফেলে চলেছেন এ কম বিষয়কর ব্যাপার নয়। তার মধ্যে যে জীবন্ত মন ও সজীব প্রাণ রয়েছে জরাগ্রস্ত দেহবারা অভিভূত হয়ে পড়েন—তাকে আমরা গভীর শ্রদ্ধা জানাচ্ছি। তার এই নির্দা ও মানসিক শক্তিকে আমরা দেশের সামনে আদর্শ হিসাবে বরাছি। আদর্শ লাভের জন্য এত যে গভীর নির্দা ও একাগ্রতা—এ আমাদের দেশে তদূদ।

মাদ্যমিক শিক্ষা বিল

মাদ্যমিক শিক্ষাবিল সম্বন্ধে এসেদলার বিরোধীদের সঙ্গে আপোষ মিমাসা ব্যর্থ হয়েছে। আমরা অতীতপ আশা করিনি। মাদ্যমিকতাব ঠেলি পরে যারা সব কিছু দেখেন তাঁদের কাছে কোনো বৃত্তের আদর্শ বা দৃষ্টিভঙ্গীর আশা করা মর্শামি—তবে বেশী দিন এভাবে চলবে না এত যা আশা— কারণ সমস্ত দেশকে বড় কোঠতে না পারলে দেশের কোন একটা অংশ যে বড় হোতে পারে না এ অভিজ্ঞতা তাঁদের অবত। আর্থজাতিক এত সঙ্কটময় পরিস্থিতিতেও এঁরা তাঁদের নীতি বদলাচ্ছেন না, এর পরিণাম যে কি যতমান করা কঠিন নয়।

এট বিল সম্পর্কে মন্ত্রীমণ্ডলীর মনোভাবের প্রতিবাদ করবার জন্য হাজরা পাকে বিরাট প্রতিবাদ-সভা হয়। শ্রীযুক্ত অখিল চন্দ্র দত্ত মহাশয় সভাপতির আসন গ্রহণ করেন। সভাতে মাদ্যমিক শিক্ষা বিল জাতীয় দৃষ্টি ভাববাবার পরিপন্থী বলে মত প্রকাশ করা হয়। আর একটা প্রস্তাবে এট বিল যেন আর অগ্রসর করা না হয় তার দাবী গভর্ণমেন্টের নিকট করা হয় এবং সদস্যদের এট বিলের বিরোধিতা করার জন্য আহ্বান করা হয়, তৃতীয় প্রস্তাবে জনমতের বিরুদ্ধে যদি এট বিল পাস করা হয় তবে তিন্দু জনসাধারণ ও বিশেষভাবে তিন্দু মন্ত্রীদের মন্ত্রীমণ্ডলীর সঙ্গে অসহযোগ করতে বলা হয়। জনমত যারা গ্রাহ্য করেনা এসব প্রস্তাবে তারা বিচলিত হবে না।

কামাখ্যের বিরতি

— চাচিলের আটলাটিক ঘোষণা সম্পর্কে নিখিলভারত কংগ্রেসের সংগঠনকারী সম্পাদক শ্রীযুক্ত হরিবিষ্ণু কামাখ্য—এক বিরতি দিয়েছেন, তাতে কয়েকটা সত্য কথা রয়েছে। তিনি যথাযথ



বলেছেন' চার্চিলের ঘোষণাতে যদি ভারতের জাতীয়তা বোধ জাগ্রত হয় এবং যদি ভারত ভিক্ষাবৃত্তি ত্যাগ করে তবে এট ঘোষণাতে শুভফল হয়েছে বলা যেতে পারে। আর বৃটিশ শ্রমিকদের সম্পর্কেও যদি ভারতীয়দের দৃষ্টি খোলে তবে আশার কথা।...চার্চিলের বক্তৃতা থেকে এও বোঝা যায় যে বৃটেন একটা স্বাধীন জাতীর সহযোগিতা অপেক্ষা একটা পরাধীন জাতির আয়ুসমর্পণে বেশী বিশ্বাসী।.....যে সব ভারতবাসী বিশ্বাস করেন যে ব্যক্তিগত সত্যগ্রহের ফলে আমেরিকাবাসী বৃটিশ শাসনাধীনে ভারতবাসীর অবস্থা সহ্যক্ষে সচেতন হয়েছে এবং এর ফলে আমেরিকার আধ্যাত্মিক সমর্থন ভারত লাভ করবে—আর আমেরিকার সাহায্যের উপর যখন বৃটেনের ১৬ আনা নির্ভর না করে উপায় নেই তখন আমেরিকার মতামত বৃটেনকে প্রভাবান্বিত করবেই। তাঁদের সাধের তাসের ঘর এখন খান খান হয়ে ভেঙ্গে গেছে—কারণ চার্চিলের বক্তৃতার পর আমেরিকা একটা কথাও বলেনি, বলবে তার আশাও নেই।

সৈন্যদের জন্ম কঙ্কল

সম্প্রতি নিখিল ভারত চরকা সঙ্ঘের সিদ্ধ শাখা সৈন্যদের জন্ম গভর্ণমেন্টকে কঙ্কল সরবরাহ করে। এ নিয়ে দেশে কিছু আলোচনার সৃষ্টি হয়। গান্ধিজীর পক্ষ থেকে মসরুওয়ালা এবং 'খাদি জগতে' গান্ধিজী নিজে এর যা উত্তর দিয়েছেন তার সার মর্ম—

(১) আমরা স্বাধীন না হওয়া পর্যন্ত পরোক্ষে যুদ্ধে সাহায্য না কোরে পারিনা—যখন আমরা ডাক টিকিট কিনি, রেল চড়ি বা পেট্রোল কিনি তখন যুদ্ধে সাহায্য করি। যুদ্ধে সহযোগিতা না করতে হোলে বিদ্রোহ করতে হয়—কিন্তু বর্তমান আন্দোলনের রূপ সেরকম নয়।

(২) বর্তমান আন্দোলনে যুদ্ধে যাওয়া থেকে বিরত করবার জন্ম কোনো পিকেটিং করা হয় নাই কাজেই এ আন্দোলনে কেবলমাত্র উপদেশ দেওয়া পর্যন্তই চলেবে।

(৩) ক্রয়-বিক্রয় একটা আদান প্রদান, এটা চাঁদা দেওয়ার মত নয়। জিনিষ কিজন্ম ব্যবহার হবে সেটা দেখা বিক্রেতার কাজ নয়। ক্রেতাদের বৃত্তিদেখে জিনিষ বিক্রী করা চলে না এবং তা সম্ভবও নয়।

(৪) 'গভর্ণমেন্টকে' বিরত না করার নীতিই গ্রহণ করা হয়েছে এবার। কিন্তু যদি কোন ক্রেতার সঙ্গে বিক্রেতার মতভেদ জেনে কোনো কোনো জিনিষের খুব দরকার থাকা সত্ত্বেও তা বিক্রি না করা হয় তবে বিরত করার নীতিই গ্রহণ করা হয়।

মহাত্মা গান্ধির নিজের ও তাঁর তরফ থেকে মসরুওয়ালার যুক্তি দেখে মনে হয় যে, সূক্ষ্ম বুদ্ধির মারপ্যাচ দ্বারা স্বাভাবিক সাধারণ জ্ঞানকে কি ভাবে আচ্ছন্ন করা যায় এ তার একটি চমৎকার উদাহরণ। ভারতবর্ষে বাস কোরে ও জীবনধারণ কোরেই আমরা পরোক্ষভাবে শুধু যুদ্ধে নয়—সাম্রাজ্য পরিচালনায় সহায়তা করছি কিন্তু তার জন্ম যেমন সাম্রাজ্যের বিরুদ্ধে স্বাধীনতার

আন্দোলন অর্থহীন বা অযৌক্তিক নয়—তেমনি কোন অধীন দেশের অধিবাসীদের পরোক্ষ ভাবে যুদ্ধে সাহায্য করিয়ে নেওয়া হচ্ছে এই অজুহাতে সাফাৎ ভাবে সাহায্য করার যুক্তি সমর্থন করা যায় না। প্রথমোক্ত স্থলে choice এর কোনো সুযোগ নেই শেষোক্ত স্থলে ইচ্ছা না কোরলে সাহায্য না কোরেও পারা যায়।

তারপর—বিক্রেতা ক্রেতার বস্তি কি দেখতে পারে না যখন ক্রেতা বিক্রেতা ব্যক্তি বিশেষ individuals হয়, কিন্তু ক্রেতা বিক্রেতা যেখানে ছুটি প্রতিষ্ঠানের প্রতিনিধি সেখানে সম্পর্ক শুধু বাণিজ্যিক আদান প্রদানের নয়, সেখানে নীতির প্রশ্ন আসে। আর সে নীতি শুধু সাফাৎ ভাবে অস্ত্র শস্ত্র বা যুদ্ধোপকরণের বেলাতেই প্রযোজ্য নয়। আজ মহাত্মা গান্ধি, জাপানের নিকট কঞ্চল বিক্রী করিবেন কিনা বা তাঁকে করতে দেওয়া হবে কিনা সন্দেহ। যে ক্ষেত্রে বিক্রেতা সকলের নিকট নির্দোষ মাল বিক্রী করতে পারবেন না, সেখানে নীতির দিক দিয়ে কোনো একটি বিশেষ বিক্রেতার নিকট মাল বিক্রী করা অর্থপূর্ণ হয়।

তারপর বিব্রত না করার নীতি—এ নীতিকে আমরা কখনো সমর্থন করি নাই তবু মহাত্মা গান্ধিরই বিব্রত না করার নীতি অর্থে আমরা বুঝছি এতদিন যে এমন কোনো আন্দোলন তিনি করতে চান না, যাতে দেশে অশান্তির সৃষ্টি হয় এবং তার ফলে যুদ্ধমান বুটেন বিপদাপন্ন হয়, তার সঙ্গে কঞ্চল বিক্রী না করার দ্বারা বিব্রত করার ব্যাপার সমপর্যায় ভুক্ত নয়। কঞ্চল বিক্রী না করলে বুটেন কিছুমাত্র অসুবিধাগ্রস্ত হোতো বলে আমাদের বিশ্বাস নয়—এ যেন সহযোগিতা করার জন্যই সুযোগ গ্রহণ, অস্থিত সাধারণের সে ধারণা মনে হওয়া খুবই স্বাভাবিক।

মহাত্মা গান্ধির এসব সৃষ্টি ethical যুক্তি আমরা রাজনীতিরক্ষেত্রে কোনোদিনই প্রযোজ্য বলে মনে করিনি—কিন্তু তাঁর যুক্তিগুলি আপাতদৃষ্টিতে অনেক সময় ভ্রান্তির সৃষ্টি করে—তার জন্য আলোচনার প্রয়োজন রয়েছে।

ভারতের রাজবন্দী

পরাদীন দেশের রাজনৈতিক বন্দীসমস্যাটির পুরাতন। যাঁরা দেশের ক্রেশ মোচনের জন্য বিন্দুমাত্র আগ্রহশীল তাঁদের জন্য বন্দীশালার দ্বার সর্বদা উন্মুক্ত। বন্দীশালাতেই জীবনের অধিকাংশ সময় তাঁদের কাটাতে হবে এ নিশ্চয় কিন্তু তবু দেশবাসী তাঁদের ভুলতে পারে না—তাঁদের অভাব অভিযোগকে সাধারণে প্রকাশ করতেই হয়।

সম্প্রতি মিঃ এম এন যোশী দেউলী বন্দী নিবাস পরিদর্শন কোরে রাজনৈতিক বন্দীদের কষ্টকণ্ডলো অভাব অভিযোগের বিবরণ দিয়েছেন—সেগুলোকে তিন ভাগে বিভক্ত করা যায়। শ্রেণী বিভাগ, ব্যক্তিগত ও পারিবারিক ভাতা সম্পর্কে অভিযোগ।

শ্রেণী বিভাগ নিয়ে রাজবন্দীর চিরদিন আন্দোলন করেছে—তবু গভর্ণমেন্টের নীতির



পরিবর্তন হয় নি—এই শ্রেণীবিভাগের কি যে প্রয়োজন বোঝা মুশ্কিল। যখন এদের রাজনৈতিক বন্দী হিসাবে স্বীকার করা হোচ্ছে, তখন তাদের একই শ্রেণীভুক্ত যে কেন করা হবে না তার স্বপক্ষে খেয়াল ছাড়া কোনো যুক্তি নেই। এদিকে জিনিষের মূল্য যত বাড়ছে রাজনৈতিক বন্দীদের ভাতার পরিমাণ তত কমছে।

এ ব্যাপার মন্দ নয়—প্রথম এক টাকা ছিল তারপর পনের আনা ও এখন বার আনা করা হোয়েছে আর পারিবারিক ভাতাও কোনো ক্ষেত্রে দেওয়া হোচ্ছে না। যার যার প্রদেশ থেকে এত দূরে যাতায়াতের পক্ষে কঠিন একরূপ স্থানে বন্দীদের রাখবার বিরুদ্ধে জনসাধারণ ও বন্দীরা বহু অভিযোগ কোরেছে। এদের যদি বন্দী কোরে রাখাই গভর্ণমেন্টের মজি হয় তবে অত্যন্ত এদের প্রতি প্রতিশোধমূলক ব্যবস্থা অবলম্বন করা কোনো সভ্য গভর্ণমেন্টের নীতি হোতে পারে দেখে আমরা বিস্মিত হোয়েছি। যা হোক রাজনৈতিক বন্দীদের সম্পর্কে গভর্ণমেন্টের নীতির কোনো পরিবর্তন আমরা আশা করিনা যদিও বড়লাটের কাউন্সিলের নবনিযুক্ত মহারথীরা অনেক আশা দিচ্ছেন।

ছাত্রদের স্বাস্থ্যোন্নতি

কলকাতা বিশ্ববিদ্যালয়ের ছাত্রমঙ্গল সমিতির ১৯৪০—৪১ সালের রিপোর্ট প্রকাশিত হোয়েছে। রিপোর্টে বলা হোয়েছে যে ১৯২০ সনে ছাত্রদের স্বাস্থ্য যা ছিল ১৯৪০ এ তার অপেক্ষা উন্নতি হোয়েছে। ছাত্ররা অধিকতর দীর্ঘ সুগঠিত দেহ ও সুস্থ হোয়েছে। ১৯২০ সালে প্রথম ছাত্র মঙ্গল সমিতি গঠিত হয়—এবং তখন পরীক্ষা কোরে দেখা যায় শতকরা ৬৬ জন ছাত্রছাত্রীই কোনো না কোনো রোগে আক্রান্ত। ১৯৩৫-৩৭ এই তিন বৎসরে এই সংখ্যা শতকরা ৪০ জনে নামে কিন্তু ১৯৩৮—৪০এ এ আবার বৃদ্ধি পেয়ে ৪৭ জনে উঠে। এবার ১৯৪০—৪১ এ যে অনুকূল রিপোর্ট প্রকাশিত হোয়েছে তার স্বপক্ষে ছাত্রমঙ্গল সমিতি বলেছেন যে—সাধারণ স্বাস্থ্য পরীক্ষা করার সময় বিশেষ বিশেষ রোগ সম্পর্কে অনুসন্ধান করা হয় না কাজেই দৃষ্টি শক্তির অভাব ও অগ্ন্যাগ্নি স্বাস্থ্যহীনতার বিষয়ও ধরা হয় নাই। এগুলি বিচার করলে ছাত্রমঙ্গল সমিতির রিপোর্ট অগ্নরূপ হোতো ১৯৩৮—৪০ সালে দৃষ্টিশক্তির অভাব জনিত রোগ ৩৩ থেকে ৩৭ এ উঠেছে—এবং ছাত্রীদের মধ্যেই এই রোগের প্রসারতা বেশী বলে জানা গেছে—ছাত্রদের সংখ্যা যেখানে ৩৫.৫ ছাত্রীদের সংখ্যা ৪১.৩ টনসিলের রোগে ছাত্র ভুগছে কলেজে ৬.৪ স্কুলে ১৭.৯. আর ছাত্রীদের সংখ্যা ২৮। দাঁতের রোগে আক্রান্ত ছাত্রদের সংখ্যা ১.৪ আর ছাত্রীর সংখ্যা ২.৩। কিন্তু যদিও এ সকল তথ্যথেকে ছাত্র অপেক্ষা ছাত্রীদের স্বাস্থ্য খারাপ প্রমাণ হয় কিন্তু—অগ্ন্যাগ্নি সাধারণ বিষয়ে—ছাত্রমঙ্গল সমিতির অভিমত যে ছাত্র ও ছাত্রীর স্বাস্থ্যের বিশেষ তারতম্য নেই। তাছাড়া এই রিপোর্ট কলকাতার কয়েকটা মাত্র স্কুল কলেজের ছাত্র ছাত্রীদের স্বাস্থ্য পরীক্ষার উপর তৈরী—যথার্থ তথ্য পেতে হোলে সমস্ত বাংলাদেশের স্কুল কলেজের ছাত্র ছাত্রীর স্বাস্থ্য পরীক্ষা করতে হয় এবং সেই রিপোর্ট অনুযায়ী ব্যবস্থা করবার চেষ্টা করতে হয়। বিশ্ব-বিদ্যালয় যদি এদিক দিয়ে সুচিন্তিত ব্যবস্থা অবলম্বন করেন তবে জাতির ভিত্তি সুপ্রতিষ্ঠিত করতে কার্যকরী ভাবে সাহায্য করবেন। আমরা আশা করি কলকাতা বিশ্ববিদ্যালয় এদিক দিয়ে পথ প্রদর্শন করবেন।

সাম্রাজ্যের প্রগতি

“আমেরিকায় আমরা যা করেছিলাম—আয়লৈণ্ডে তাই করছি—আয়লৈণ্ডে যা করে—
ছিলাম—মিশরে তাই করছি—এবং প্রতিবারই সাম্রাজ্যের লক্ষ্যী অশ্রু বিসর্জন করেন” * নিউ
ষ্টেটসমেন ও নেশান নামক বিলাতী সাপ্তাহিকের ৯ই আগষ্টের সংখ্যায় এক প্রবন্ধে সাম্রাজ্যের
প্রগতির উপরোক্ত ধরণের একটা ফিরিস্তি—প্রবন্ধ লেখক দিয়েছেন। প্রবন্ধ লেখকের আশ্চর্য
গত ১৭০ বৎসর যাবৎ ইংরেজ সাম্রাজ্য খোয়াচ্ছেন যেমন আজ ভারতবর্ষকে খোয়াতে বসেছেন
লর্ড লিনলিথগো ও আমেরী সাহেব। দীর্ঘমুত্রী ইংরেজের বিলম্বিত ব্যবস্থায় অবস্থা নাকি এমন
এসে দাঁড়ায় যখন আর ‘সবজেট্ট’দের মন ভোলাবার সময় থাকে না—স্বয়ং-শাসনের বায়না ধরে
হাতে হাতিয়ার নিয়ে তারা কুখে দাঁড়ায়। লড়াইয়ে পৃথিবী ওলট-পালট হয়ে যাচ্ছে তবুও ইংরেজের
নাকি এই খামখেয়াল দূর হয় নাই; জাঁক করে সাম্রাজ্যের পসরা সাজিয়ে বসতে তাদের
প্রচুর প্রয়াস।

সাম্রাজ্যবাদীর খেয়াল সবাই সমান বুঝতে পারেন না, ইতিহাসও সবার কাছে একইভাবে
ধরা পড়ে না—তাই আটলান্টিকের চুক্তিপত্র নিয়ে এত উদ্ভাপ ও মনস্তাপ। ভারতবাসীর হ’য়ে
ছচার জন ইংরেজ ভদ্রলোক ওকালতি করেছেন দেখে একই কারণে আমরা কেউ কেউ
পুলকিত হয়েছি।

এ প্রসঙ্গে সার সেকেন্দারের দৃষ্টান্ত বিশেষ উল্লেখ যোগ্য—আটলান্টিক চুক্তি সম্পর্কে
চার্চিলের ঘোষণায় তিনি বিশেষ মর্মান্বিত হয়ে তিনসপ্তাহের মধ্যে ব্রিটিশ সরকারের নিকট একটা
সম্পৃষ্ট ঘোষণা দাবী করেন ব্রিটিশ সরকারের উপর তাঁর এই পূর্ব বিশ্বাসে অবশ্য আমাদের কোনো
আপত্তি নেই—তবে যদি উত্তর মনের মত না হয় তবে তিনি কি করবেন সে সম্পর্কে তিনি নীরব কেন?

সার সেকেন্দারের ঘোষণার দাবী সম্পর্কে সিন্ধুর প্রধান মন্ত্রী খাঁ বাহাদুর আল্লাবক্স
এক বিবৃতিতে বলেন যে সার সেকেন্দার যে ঘোষণার দাবী করেছেন তার উদ্দেশ্য আর কিছু নয়,
যে সব জাতি গভর্নমেন্টকে এই যুদ্ধে সহায়তা করছে তাদের জগ্না অনুকূল বিশেষ শাসনতান্ত্রিক
ব্যবস্থা সম্পর্কে একটা প্রতিশ্রুতি পাওয়া। এতে অবশ্য ব্রিটিশ গভর্নমেন্টের কোনো আপত্তির
কারণ নেই এবং সানন্দে তারা এ প্রস্তাবে স্বীকৃত হবে কারণ ভেদনীতির উপরই তাঁদের সাম্রাজ্য
প্রতিষ্ঠিত এবং এ ব্যবস্থাতে সেই ভেদনীতিরই জয় হবে। খাঁ বাহাদুর আল্লাবক্সের বিবৃতির উত্তরে
সার সেকেন্দার এ কথা অস্বীকার করতে পারেননি। তিনি বলেছেন যে দেশের বিভিন্ন স্বার্থের
প্রতিনিধি হিসাবে গভর্নমেন্টের দ্বারা মনোনীত ব্যক্তিরা একটা সর্বসম্মত শাসনতন্ত্র তৈরী করবেন, যদি
এই প্রতিনিধিরা তা না করতে পারেন তবে ভারত রাষ্ট্রীয় সজ্জের যে সকল শ্রেণীগুলি যুদ্ধে সাহায্য
করছে তাদের সহযোগিতায় একটা শাসনতন্ত্র রচনা করা হবে। মোট কথা তিনি যে ঘোষণা দাবী
করেছেন সাম্রাজ্যের শক্তি তাতে বৃদ্ধি পাবে, কমবে না—এখন দেখা যাক তাঁর এই দাবীর উত্তরে
চার্চিল কি বলেন?

* ‘We do in Ireland what we did in America, in Egypt what we did in
Ireland and now in India what we did in Egypt. And every time the Imperial angels
weep’.



ভারতীয় রাজনীতির ঘানী

সম্প্রতি কংগ্রেসের জনকয়েক মহারথী মুক্তি পেয়েছেন—তাদের মধ্যে দেশবন্ধু গুপ্ত, আসফালী এবং গোবিন্দ বল্লভ ও আছেন। এঁদের মুক্তিতে আবার ভারতের রাজনৈতিক public opinion মুখরিত হোয়ে উঠেছে নানা জল্পনা-কল্পনায়। তাছাড়া মাদ্রাজী নেতা সত্যমুন্তির ওয়াদ্ধা-নাসিক-মাদ্রাজ দৌড়াদৌড়ি রাজনৈতিকদের চমৎকৃত করেছে। নাসিকে ও বোম্বেতে তিনি দেশাঠি ও সদীরজীর সন্নিহিত দেখা করেছেন ও বহু গোপন বৈঠকের খবরও পাওয়া গেছে। এইসব বিচিত্র ঘটনা পরস্পরার মধ্যাথেকে কয়েকটা প্রশ্ন সুস্পষ্ট হোয়ে উঠেছে।

প্রথমতঃ সত্যগ্রহ সম্পর্কে যাঁরা মুক্ত হোয়েছেন, মৌলানা আজাদ ও পণ্ডিত জহরলাল প্রমুখ যাঁরা জেলে আছেন এবং স্বয়ং গান্ধীজীর মত কি ?

২য়তঃ যদি সত্যগ্রহ সম্পর্কে অনুকূল মত না হয়, তবে নীতির পরিবর্তন কি ভাবে হবে ?

যাঁরা মুক্ত হোয়েছেন সত্যগ্রহ সম্পর্কে তাঁরা পরিষ্কার কোন মতামত প্রকাশ করেননি যা করেছেন তা সরকারী ভাবে সত্যগ্রহকে সমর্থন করে। মৌলানা আজাদ সম্পর্কে যদিও শোনা যাচ্ছে তিনি এই সত্যগ্রহে সন্তুষ্ট নন এর সম্প্রসারণ চান, তবু প্রকাশ্যে তিনি এ অস্বীকার করেছেন এবং সত্যগ্রহের অগ্রগতিতে সন্তুষ্ট বলে জানিয়েছেন।

গান্ধীজীর মতামত সরকারীভাবে জানবার এখনো আমাদের সুযোগ হয়নি—কিন্তু তিনি সত্যগ্রহ সম্প্রসারণ করতে বা এ বন্ধ করতে রাজী নন বলেই মনে হয়—তিনি বলেছেন সত্যগ্রহীদের অসুস্থতা না ঘটলে বার বার কারাবরণ করতে হবে। কাজেই তাঁর মতামত অনুমান করা কঠিন নয়।

ওদিকে সত্যমুন্তির মত যে যুদ্ধ ও জাতীয় অচল অবস্থা সম্পর্কে ভারতবাসীর মতামত কি তা আইন পরিষদের বাহির ও ভিতর উভয় স্থান থেকে প্রচার করা উচিত। আইন পরিষদে যোগ দিলে সে সুযোগ পাওয়া যাবে। এ সুযোগ ছাড়া উচিত নয় কাজেই আইন পরিষদে যোগদান এবং মন্ত্রীত্ব গ্রহণ এ দুইই তিনি সমর্থন করেন। কিন্তু যতদূর জানা গেছে গান্ধীজী এ যুক্তি স্বীকার করেননি—কবে সত্যমুন্টিকে নাকি তাঁর মতামত প্রচার করবার স্বাধীনতা দিয়েছেন। আমরা ভাবছি এই মতামতের স্বাধীনতা দাবী করেই সুভাষচন্দ্রকে কংগ্রেস থেকে বেরিয়ে আসতে হোয়েছিল—শুধু তাই নয় তাঁকে সমর্থন করার ফলে গোটা প্রাদেশিক কংগ্রেস কমিটিকেই বাতিল করা হোয়েছিল হ্যায় ও সত্যের খাতিরে। আজ গান্ধীজী তার কি কৈফিয়ৎ দেবেন। ভারতের স্বাধীনতার সংগ্রামে সুভাষচন্দ্রের অপেক্ষা সত্যমুন্টিকে কি বেশী প্রয়োজন ?

এদিকে শোনা যাচ্ছে পাঞ্জাব প্রাদেশিক কংগ্রেস কমিটির সভাপতি মিঞা ইফতিকার উদ্দিন মিঃ জিন্নার সঙ্গে দেখা করবেন, উদ্দেশ্য কংগ্রেস-লীগ মিলন সংঘটিত করা—এ খবর কতদূর সত্য জানা যায়নি—তবে অসম্ভব নাও হোতে পারে। কাজেই সেই “থোড় বড়ি খাড়া খাড়া বড়ি থোড়”। মূর্ছে ভারতের রাজনৈতিক ঘানী—প্তিমিত তার গতি, বাস্তবের সঙ্গে সঙ্ঘর্ষ-বঞ্জিত তার নীতি, ভাগ্য চক্র এগিয়ে আসছে তাতে ভ্রক্ষেপ নেই তার চোখে চুলি দিয়ে ঘানি ঠিকমত চালালেই হোলো।

লোক গণনা

অবশেষে বাংলাদেশের লোকগণনার ফলাফল জানতে পারা গেছে। এই গণনা নিয়ে বিভিন্ন সম্প্রদায়ের মধ্যে প্রচুর উত্তেজনার সৃষ্টি হয়েছে—প্রত্যেক দলই নিজের সংখ্যা যাতে উর্ধ্বদিকে থাকে তার জন্য যথাসাধ্য চেষ্টা করেছেন—কিন্তু এত করবার পরও ফল যা দাঁড়িয়েছে তাকে ১৯৩১ এর পুনরাবৃত্তি বলেই হয়। ১৯৩১এ কংগ্রেস থেকে সেন্সাস বয়কট করা হয়—তখনও যা ফল এখন ১৯৪১এ যখন গণনা যাতে নিভুল হয় তার জন্য গলদঘর্ম হয়ে উঠলো সব দল তখনও সেই একই অবস্থা। ১৯৩১এ ছিল অল্পপাত হিন্দু—৪৩°০৪, ১৯৪১এ ৪৩°৮, মুসলমান ছিল ৫৪°৮৭ এবার হয়েছে ৫৪°৭৩। হিন্দু-মুসলমান কোনো পক্ষই এই অঙ্কের সংখ্যাকে স্বীকার করতে রাজী নন—এ নিয়ে তাদের ঐক্য আদর্শ স্থানীয়, এর ফল কি হয় দেখা যাক।

বর্তমান যুগে রাজনৈতিক শক্তির ভিত্তি সংখ্যা কিন্তু ভারতবর্ষে এ সংখ্যা-নির্ণয় সম্পর্কে যে ব্যবস্থা রয়েছে তাতে সেন্সাসের কাজ নিভুল হবার কোনো সম্ভাবনাই নেই, বিশেষজ্ঞরা বছর দিন ধরে একটী স্থায়ী সেন্সাস বিভাগ করবার প্রয়োজনীয়তা সম্পর্কে মত প্রকাশ করেছেন যাতে কতকলোকের এ সম্পর্কে অভিজ্ঞতা জন্মাবার সুযোগ হয়। এখন যে ব্যবস্থা আছে তাতে প্রতি বছর নতুন কোরে লোক নেওয়া হয়—এবং যারা পূর্বে সেন্সাস কার্যে অংশ গ্রহণ করবার দক্ষ অভিজ্ঞতা লাভ করেছে তাদের অভিজ্ঞতা কাজে লাগে না। এ সম্পর্কে কোনো প্রকার পরিবর্তিত পন্থা আমরা আশা করি না—কিন্তু জনসাধারণকে সেন্সাসের গুরুত্ব সম্পর্কে অবহিত করাই আমাদের উদ্দেশ্য।

বাক্সলায় মুসল্লীমণ্ডলী

হক-জিন্না মতান্তরের ফলে বাংলাদেশের উপর দিয়ে যে ঝড় বয়ে গেছে তাকে storm 'in a tea-pot' আখ্যা দিলে যথার্থ হয়। কারণ হক সাহেব মিঃ জিন্নাকে আক্রমণ করার জন্য প্রাদেশিক মুসল্লীম লীগ হক সাহেবের কার্যের নিন্দা করে এবং মিঃ জিন্নার উপর সম্পূর্ণ আস্থা স্থাপন কোরে প্রস্তাব পাশ করে। ফলে হক সাহেবের সঙ্গে লীগপন্থীদের লেগে যায় ভাল ভাবেই—হক সমর্থকরা মিঃ সুরাবদীর উপর তানাস্তা প্রস্তাব আনতে চায় কিন্তু শেষ পর্যন্ত অসময়ে এসেম্বলী স্থগিত রাখবার জন্য তা সম্ভব হয়নি। তারপর যবনিকার অন্তরালে নানা পটপরিবর্তন চলতে লাগলো—রাতারাতি 'প্রোগ্রেসিভ এসেম্বলী পার্টি' এবং 'নবযুগের' আবির্ভাব হলো হক সাহেবকে সমর্থন দেবার জন্য। ওদিকে লীগেরও তোড়জোড় চলল। যখন 'নবযুগের' নতুন বার্তা শোনবার জন্য আমরা উৎকণ্ঠিত হয়ে অপেক্ষা করছি এমন সময় দেখা গেল হক সাহেব 'তোবা' 'তোবা' করতে শুরু করেছেন—তঁার নেতৃত্বে মুসল্লীম লীগের প্রাদেশিক বৈঠকে জিন্নার উপর সম্পূর্ণ আস্থা স্থাপন কোরে প্রস্তাব গৃহীত হলো এবং সঙ্গে সঙ্গে সমস্ত জল্পনা বক্কানারও অবসান হলো—রাজনৈতিক আবহাওয়ার ব্যারোমিটার একবারে শূন্য এসে নামলো। তবে এখনো অনেকে আশা ছাড়েন নি—



তাঁরা বলছেন হক সাহেবের এ একটা চাল, এর পর আরো কিছু ঘটবে। অর্থাৎ মন্ত্রীমণ্ডলী পরিবর্তন হবেই। যাদের পেছনে কোনো আদর্শের বালাই নেই—কোনো প্রকারে ক্ষমতাকে করতলগত কোরে রাখাই যাদের জীবনের উদ্দেশ্য, তাদের কাছ থেকে কোনো সাহসিকতা অথবা দূরদৃষ্টি আশা করা বাতুলতা।

ঢাকার দাঙ্গা

গত ৫ই অক্টোবর ঢাকায় আবার দাঙ্গা শুরু হয়েছে এবং নানা স্থান থেকে হতাহতের সংবাদ আসছে। দাঙ্গার কারণ খুঁজতে যাওয়া বৃথা। কিন্তু আমরা ভাবছি এ ভাবে চলবে কতদিন, গভর্নমেন্ট কি নিরপেক্ষ হয়ে কেবল তাকিয়ে থাকবেন, না—হিন্দু-মুসলমান কলহের এই নজির দেখাবার সুযোগ গ্রহণ করবেন?

বহির্ভারতে যুদ্ধ ক্রমেই এগিয়ে আসছে, দেশের আভ্যন্তরীণ অবস্থাও ক্রমে সঙ্কীর্ণ হয়ে উঠছে। এই পরিস্থিতিতে এই আত্মঘাতী কলহের যে কী ফল তা সাধারণ বুদ্ধিতে শিশু ও বুঝতে পারছে। তবু বারম্বার এই লজ্জাকর পুনরাবৃত্তি ঘটছে। গত বুধবার ২২শে অক্টোবর সন্ধ্যায় ঈদের মিছিল উপলক্ষে আবার দাঙ্গা আরম্ভ হয়েছে। বারবার একই মন্তব্য করে কোন ফল হবে না; তবু আশ্চর্য লাগে এই ভেবে যে মন্ত্রীমণ্ডলী এবং ইংরেজ সরকারের কি বিন্দুমাত্র চক্ষু লজ্জাও নেই, দায়িত্বজ্ঞানের আশা না হয় নাই করলাম!


জয়প্রকাশনারায়ণের পত্র

দেউলী জেল থেকে জয়প্রকাশনারায়ণের লিখিত একখানা বে-আইনী পত্র ধরা পড়েছে বলে ভারত সরকার ইস্তাহার জারি করেছেন। পত্রখানা নাকি পত্নীর নিকটে লেখা এবং গত ১৭ই অক্টোবর তারিখে সংবাদ পত্রে প্রকাশিত হয়েছে। পত্রখানা শোনা যাচ্ছে ভারত সরকার ভারতের বাইরেও পাঠিয়েছেন। পত্রখানা নিয়ে এদেশে দস্তুর মত 'ইট্টগোল' হয়ে গেছে। গান্ধীজিকে পর্যন্ত বিবৃতি দিতে হয়েছে, কারণ জয়প্রকাশ তথাকথিত পত্রে ডাকাতি করে অর্থ সংগ্রহ করতে বলেছেন এবং গান্ধীসত্যাগ্রহকে ছেলেখেলা বলেছেন। এদিকে জয়প্রকাশ আবার গান্ধীজীর 'প্রিয় সমর্থকও। গান্ধীজী স্বভাবতই বিব্রত বোধ করেছেন। পত্রখানার সত্যমিথ্যাত্ব সম্বন্ধে কিছু বলবো না। কিন্তু একটা কথা আমাদের মনে হচ্ছে। পত্রখানার অন্তর্গত বক্তব্য অতি মামুলী, তবু সরকার একে এতখানি গুরুত্ব আরোপ করে এতটা হৈ চৈ সৃষ্টি কেন করলেন, তা আমাদের কাছে দুর্বোধ্য মনে হচ্ছে। এ কি আসন্ন দমন নীতির ইঙ্গিত, না, ডেটেব্লুদের দাবি-গুলোকে অগ্রাহ্য করবার ভূমিকা?



এটিঃ

শিল্পী - রমেন্দ্রনাথ চক্রবর্তী



NEO-VIT
MALTED MILK

ভারতে প্রস্তুত সর্বোৎকৃষ্ট মল্ট
ও দুগ্ধজাত পানীয় স্বাস্থ্যে ও
রোগে সম উপযোগী।

NEOVIT LABORATORIES LTD.
CALCUTTA

কলিকাতা ও উপকণ্ঠের সোল ডিস্ট্রিবিউটর্স
শমুলাল এডভান্সডাইজিং সিগ্নিফিকেট
৩০৯, বোম্বার্ডার স্ট্রীট কলিকাতা।

সেন্ট্রাল ক্যালক্যাটা ক্যান্স লিঃ

হেড অফিস : ৯এ, ক্লাইভ স্ট্রীট

ফোন : কলি : ২১২৫ ও ৬৪৮০

কলিকাতা শাখা :—

শ্রামবাজার ৮০৮১, কর্ণওয়ালিশ স্ট্রীট
সাউথ ক্যালক্যাটা ২১১১, রসা রোড;
ও ৩, হেয়ার স্ট্রীট,

মকঃদল শাখা :—

সিরাজগঞ্জ, (পাবনা), দিনাজপুর, রংপুর, নৈহাটা,
বেনারস, ভাটপাড়া।

স্বদের হার :—

কারেন্ট একাউন্ট ১%

সেভিংস ব্যাঙ্ক $2\frac{1}{2}\%$

চেকদ্বারা টাকা তোলা যায় ও হোম সেভিং বন্ডের সুবিধা আছে।

স্থায়ী আমানত ৩% হইতে ৫%

১৯৩৭—১৯৩৯ সন পর্য্যন্ত শতকরা ৬০ হারে অংশীদারদিগকে লভ্যাংশ দেওয়া হইয়াছে।

আমাদের ক্যান্স সার্টিফিকেট কিনিয়া লাভবান হউন ও প্রভিডেন্ট

ডিপোজিটের নিয়মাবলীর জ্ঞান আবেদন করুন।

সর্বপ্রকার ব্যাঙ্কিং কার্য করা হয়।

১৯৪৫

পুজার পূর্বেই প্রকাশিত হইবে
রবীন্দ্রনাথের নূতন কবিতার বই
রবীন্দ্রনাথের নূতন প্রতিকৃতি সহ

ছড়া

শেষ লেখা

মূল্য এক টাকা

মূল্য বারো আনা

রবীন্দ্রনাথের গল্প পদ্ম সমস্ত রচনার সম্পূর্ণ সংগ্রহ

রবীন্দ্র-রচনাবলী

খণ্ডে প্রকাশিত হইতেছে। তিন মাস অন্তর এক খণ্ড প্রকাশিত হয়।
অষ্টম খণ্ড ১৫ই সেপ্টেম্বর প্রকাশিত হইবে।

অষ্টম খণ্ডের সূচী

কবিতা : নৈবেদ্য, স্মরণ

নাটক : মুকুট

উপন্যাস : ঘরে-বাইরে

প্রবন্ধ : সাহিত্য

প্রতি খণ্ড কাগজের মলাট ৪৮০, রেজিনে বাঁধাই ৫৮০, মোটা কাগজে ছাপা ও রেজিনে বাঁধাই ৬৮০

অবনীন্দ্রনাথের জীবনস্মৃতি

অবনীন্দ্রনাথ

স্বদেশী যুগের রবীন্দ্রনাথ ও অজ্ঞাত স্মৃতিকথা
পুজার ছুটিতে ছেলেমেয়েদের শ্রেষ্ঠ উপহার রবীন্দ্রনাথের বই

গল্পসম্পদ

ছেলেবেলা

গল্প ও কবিতা। এক টাকা দ্বিতীয় সংস্করণ। দেড় টাকা

প্রকাশিত হইল

শ্রীঅতুলচন্দ্র গুপ্ত প্রণীত

কাব্য-জিজ্ঞাসা

সংস্কৃত আলাংকারিদের মতামত অবলম্বনে কাব্যের মূলতত্ত্ব সম্বন্ধে আধুনিক আলোচনা

পরিবর্ধিত দ্বিতীয় সংস্করণ

দ্বিতীয় সংস্করণে নূতন প্রবন্ধ সংযোজিত হইয়াছে। শোভন বাঁধাই, মূল্য দেড় টাকা।

প্রাপ্তিস্থান :

বিশ্বভারতী গ্রন্থালয়

২, কলেজ স্কয়ার

কলিকাতা




শ্রীনিকেতন শিম্প-ভবন

৩৬, ধর্মতলা ষ্ট্রীট

কলিকাতা

বিশেষ জ্ঞেয়্যঃ—কলিকাতার বাহির হইতে ভি. পি. অর্ডার, চিঠি, টাকার চিঠি প্রভৃতি অগ্রগৃহণ্য বিষয়
কাঁদাল, ৬০০, দ্বারকানাথ ঠাকুর লেন, কলিকাতা, এই ঠিকানায় প্রেরণ করিবেন।



বান্ধিকেষ্ট স্বথ শান্তি ...

শাশনাল ইণ্ডিয়ান
লাইফ ইনসিওরেন্স কোম্পানী লিঃ
১২মং, মিশন রো, কলিকাতা।

ভারতীয় প্রাচীনতম
মুদ্রণালয়
কে.সি.আই.ই.কে.সি.ভি.ও.
কর্তৃক প্রতিষ্ঠিত
এবং
মার্টিন কোম্পানী
দ্বারা পরিচালিত।

ঢাকা অফিস—
৮, চিত্তরঞ্জন এডমিনিস্ট্রি
আলম অফিস—
শিলং রোড, মোহাম্মদী।
বিহার অফিস—
লোয়ার রোড, বাঁকিপুর,
পাটনা।

১টী—

সুদূরতম ব্যাঙ্ক একাউন্টের শক্তি অনেক।
তার প্রাণ আছে। দিনে রাতে সুদে আসলে
সে বেড়েই চলে। তারপর একদিন সে বিরাট
হয়ে উঠে—করে বিশ্বাস ও আনন্দের সৃষ্টি। মানুষের
দৈনন্দিন জীবন যাত্রার আজ সে অবিচ্ছেদ্য সাথী।

কলিকাতা কমার্শিয়াল ব্যাঙ্ক
১৫, ক্লাইভ স্ট্রিট, কলিকাতা।

ভারতের প্রাচীনতম বীমা প্রতিষ্ঠান—
বোম্বে মিউচুয়ালে

জীবন বীমা কল্পন
প্রত্যেক বীমাকারীই এই কোম্পানীর
অংশীদারঃ
আমাদের কোম্পানী অসামরিক জীবন বীমার
পলিসিতেও যুদ্ধের দায়ী গ্রহণ করেন
তজ্ঞ অতিরিক্ত হার দিতে হয় না।

বোম্বে মিউচুয়াল
লাইফ ইন্স্যুরেন্স সোসাইটি, লিমিটেড
স্থাপিত—১৮৭১

চীক এজেন্সি—দস্তিদার এণ্ড সন্স
১০০, ক্লাইভ স্ট্রিট, কলিকাতা।

স্বস্ত্যসময়ের দিনে

দুর্গা পূজা! একটা দিনের মতো দিন! সমস্ত বছর আপনি
এই দিনটিরই প্রতীক্ষা করে' থাকেন। এমনি আনন্দময় দিনে
আত্মীয়-বন্ধন আর বন্ধু-বান্ধবদের সঙ্গে আতিথেরতার মধ্য দিয়ে
আপনার মম্বুরতর সম্পর্ক গড়ে' উঠুক, আর আপনার বাড়িতে
হাতকলরবে সুখের নিত্যকার ছায়ের মজলিশটি প্রচুর চায়ের
পরিবেশে প্রাপন্ন হয়ে উঠুক। এরূপ প্রত্যেক দরদার
দিনেই আত্মগতদের চা দিয়ে আত্মর্থন করুন।



ভারতীয় চা

উৎসবে



অতুলনীয়



Handwritten signature or text, possibly "Rajendra Prasad" or similar, written in a cursive script.

জয়শ্রীর কথা


এই কয়েকটা পাতার রবীন্দ্রনাথের প্রতিভার পরিচয় দেবার চেষ্টা আমরা করিনি ; তাঁর প্রতিভার পরিচয় এভাবে দেওয়া সম্ভব বলেও আমরা মনে করিনা। এ যুগ যথার্থ রাবীন্দ্রিক যুগ, কাজেই এ যুগকে বুঝতে হোলে এযুগের মানুষকে, একালের উপর সমস্ত দিক দিয়ে রবীন্দ্রনাথের প্রভাবকে স্বীকার করতে হবে। সে একদিনের কাজ নয়। জাতীয় জীবনের প্রত্যেক স্তরে স্তরে তাঁর মহত্ব প্রতিভার যে ছাপ পড়েছে বহুদিন ধরে তার ঋণ এ জাতিকে স্বীকার ও বহন করতে হবে।

তাঁর প্রতিভার প্রদীপ্ত একাকিত্বের মধ্যেও জাতির সকল সমস্তা ও বেদনা যে তাঁকে গভীর ভাবে স্পর্শ করতো, তাঁর বিরট ঐশ্ব্যের “মানস ভোজে” জয়শ্রীও যে নিমগ্ন লাভ করেছিল এবং জয়শ্রীর বিশেষ সুরটাকেও যে তিনি গ্রহণ করে মর্গাদা দান করেছিলেন, তার উজ্জ্বল পরিচয় পাওয়া যায় দীর্ঘ কারাবাসের পর সম্পাদিকার মুক্তিলাভে তাঁর লিখিত চিঠিখানিতে ও জয়শ্রীতে তাঁর প্রেরিত কবিতাগুলোর মধ্যে। সর্বসাধারণকেও আমরা সেই উদার ঐশ্ব্যের ভাগ এই পাতাগুলির মধ্যে দিচ্ছি। তাঁর সার্ব-ভৌমিকত্ব ও বিরটত্বের এ একটা অন্ত্যার্চণ্য পরিচয়। তাঁর এ ঋণে স্বীকার করবে জয়শ্রী একদিনে নয়, তার জাতি-গঠন-সাধনার প্রতি ক্ষণে।

যে সকল লেখক-লেখিকা দয়া করে কবিতা, প্রবন্ধাদি পাঠিয়েছেন, তাঁরা এবং শিল্পী শ্রীহেমেন্দ্র নাথ মজুমদার ও শ্রীযতীন্দ্র নাথ সেন তাঁদের আঁকা ছবি দিয়ে, এবং গৃহীত ফটোর ব্লক ব্যবহার করতে দিয়ে শ্রীযুক্ত নন্দলাল বসু, শ্রীশঙ্কু সাহা ও শ্রীসনন্দলাল ঘোষ, আমাদের ও জনসাধারণের কৃতজ্ঞতাভাজন হয়েছেন। জয়শ্রীর পক্ষ থেকে তাঁদের ধন্যবাদ।

শ্রদ্ধায় স্মরণ

জ্যোতির্ময়ী বন্ধু



কত শত বৎসরের অনিশ্চিত অপেক্ষার পর তবে একজন মহাপুরুষের সম্ভব হয় পৃথিবীতে। প্রাচীন ভারতের ইতিহাসে পড়েছি বীর সন্তান লাভের জন্ম কত পুণ্যেষ্টি যজ্ঞের কাহিনী, দেখেছি সন্তান লাভের আশায় জননীর কত সুদুঃসহ তপস্কার, অতুলনীয় আত্মত্যাগের চিত্র। বীর্যবান সন্তান লাভের কামনায় পরিত্রাণ কৃচ্ছ্র তা তার চেয়ে তো কম নয়। এ তো জন্মদান নয়, এয়ে আবির্ভাব। গায় আড়াই হাজার বৎসর পূর্বে ভারতে আবির্ভূত হয়েছিলেন একজন অতিমানব। ভারতবাসীকে নিয়ে গিয়েছিলেন অসংসার মোহন মন্ত্র। তাঁরই নামে সে যুগের আমরা নামকরণ করেছিলাম বুদ্ধ যুগ। তারপর কতশত শতাব্দী ধরে ভারতের চিন্তা-ধারা ভারতের কর্মধারা পরিচালিত হয়েছিল তার প্রদর্শিত পথে। এযুগে রবীন্দ্রনাথের প্রভাব এত বেশী যে “রবীন্দ্রিক যুগ” বলেই তবে যুগের যথার্থ পরিচয় দেওয়া হয়। অন্ধ-শতাব্দীরও অধিক কাল ধরে ভারতে যে সভ্যতা অতি দ্রুত পড়ে গড়ে উঠেছে, তার ভিত্তি স্থাপিত হয়েছে রবীন্দ্রনাথের ভাবধারায়। আমাদের জীবনের এমন ক খুব কম আছে যেখানে তাঁর স্পর্শ লাগেনি। কবি রবীন্দ্রনাথ, শিক্ষাগুরু রবীন্দ্রনাথ, রাজ-সংস্কারক রবীন্দ্রনাথ, রাজনৈতিক রবীন্দ্রনাথ, দার্শনিক রবীন্দ্রনাথ, বক্তা রবীন্দ্রনাথ, এবং কোঁপরি ধর্মগুরু রবীন্দ্রনাথ—কর্তৃত্বপূর্ণ যে তিনি আত্মপ্রকাশ করেছেন আমাদের কাছে, বহু শতাব্দীর তা আমাদের উপলব্ধি করতে হবে। আজ আমরা শুধু গর্বের সঙ্গে অনুভব করবো আমরা যে রবীন্দ্র যুগে, আমরা পরিপুষ্ট হয়েছি রবীন্দ্র যুগে, আবার শেষ নিশ্বাস ত্যাগ করে যাবো রবীন্দ্র যুগের যুগে। আমাদের বুদ্ধ নাই, মহাবীর নাই, শঙ্কর, রামানন্দ, কবীর, শ্রীচৈতন্য নাই; রামকৃষ্ণ মঠসংস এবং স্বামী বিবেকানন্দ ও আমাদের অনেকের জীবনে নাই। কিন্তু আমাদের সকলের জীবনে আজ রবীন্দ্রনাথ আছেন। বর্তমান ভারত অতীতের চেয়ে কোন অংশে হীন নয়।

আজ আমাদের চরম দুঃখের দিন, আমরা আমাদের যুগশ্রষ্টাকে হারিয়েছি। তবুও বলব যে আমাদের হারাণোর দুঃখ যেমন আছে, তেমনি আমাদের প্রাপ্তির আনন্দও আছে, আমাদের সমৃদ্ধির আনন্দও আছে। রবীন্দ্রকাব্যসাগরে শত শত বৎসর ধরে অবগাহন করা চলবে। জগতের ইতিহাসে আর এমন জুড়িন হয়তো আসবে, যেদিন এই প্রবাহও হয়তো হয়ে আসবে স্তিমিত। সে দিন আবার বীরী যোগযুক্তা হবে বীর সন্তান লাভের কঠিন তপস্কায়া। আমাদের জীবনে কিন্তু সে জুড়িন অপেক্ষা করে নেই। রবীন্দ্রনাথের ভাবসিঞ্জে আমাদের জীবনে ঘটেছে যে শুভ সঞ্চয় সে আমাদের বহুদূর নিয়ে ব।



সৃষ্টি ও তুলনা

ধূর্জটিপ্রসাদ মুখোপাধ্যায়

রবীন্দ্র-সৃষ্টির মত বিরাট কল্পনাকে ধারণ করবার শক্তিও অসীম হওয়া চাই। সে শক্তি আমার নেই। অতএব, তাঁর প্রতিভার যৎসামান্য অংশ নিয়েই আমি আলোচনা করতে পারি। তাঁর সম্বন্ধে এই তিন সপ্তাহ যত কথা বলা হয়েছে তার একটি শুর এই যে তিনি বিদেহী সাহিত্যের মধ্যে গ্যোঠে, হি-উ-গো এবং ছা-ভিকির সমকক্ষ। ভারতবর্ষের সাহিত্যে তাঁকে ব্যাঘ বাসিকী এবং তুলসীদাসের সমপর্যায়ের রাখা হয়েছে। এই রকম বিচারের সার্থকতা সম্বন্ধে আমি নিঃসন্দেহ নই। এসব মহাপুরুষদের রচনা সম্বন্ধে আমার পরিচিতি যৎসামান্য। তবে এটুকু জা

যে পূর্বোক্ত কী স্বদেশী কী বিদেশী সাহিত্যিকদের মধ্যে হাঙ্গরসের বালাই ছিল না, অথচ রবীন্দ্রসাহিত্যের একাধিক অঙ্গ রসিকতায় ঝকঝক্ করছে। অবশ্য অ-বাঙ্গালীদের দোষ দেওয়া যায়না, কেননা রসিকতার অনুবাদ হয় না। কিন্তু বাঙ্গালীরা কেন রসিকতার উল্লেখ করে তাঁকে পৃথক স্থানে বসায়না বুঝিনা। গোপালভাঁড়ের রসিকতায় দীক্ষিত বাঙ্গালীর পক্ষে কাজটী শক্ত নিশ্চয়। কিন্তু বৈদগ্ধ্যে গর্ববোধও আমাদের কম নয়। তবে কি আমরা রবীন্দ্রসাহিত্য না পড়ে এবং তাঁর কথোপকথন না শুনেই তাঁর জ্যে শোকোচ্ছ্বাস করচি? এক এক সময়, বিশেষতঃ এই কয়দিন মনে হয়েছে যে আমাদের জাতীয় সুনিশ্চিত ছুঁথ রবীন্দ্রসাহিত্য সম্পর্কে অনিশ্চিত জ্ঞান ও প্রাদেশিক অভিমানের সঙ্গে যুক্ত, এমন কি তার পূরণও বলা যায়। ‘চিরকুমার সভা’ ‘গোড়ায় গলদ’ প্রভৃতি হাঙ্গরসাত্মক নাটকের কথা ছেড়ে দিচ্ছি, তাদের জনপ্রিয়তা নাট্যমঞ্চের আশীর্ব্বাদে। কিন্তু কজন ‘পঞ্চভূত’ পড়েছেন জানতে ইচ্ছে করে। আমি এমন লোক জানি যারা অন্ততঃ বাধা হয়ে প্লেটোর ডায়লগ্‌স্ পড়েছেন কিন্তু পঞ্চভূতের নাম পর্য্যন্ত শোনে ন। অথচ রস ও জ্ঞানের অন্তত সমাবেশ, রসিকতার দীপ্তি ও ক্ষিপ্ৰতায়, জীবনসমস্য়ার প্রাথমিক তত্ত্বের সুবিচারে ‘পঞ্চভূত’ প্রকৃতই অতুলনীয়।

সেদিন শুনছিলাম যে লিরিক কবিতায় রবীন্দ্রনাথ ইয়েটসের সমকক্ষ। লিরিক কবিতার প্রাণ হল সুর, সেই জন্ম তাকে গীতমণী বলা হয়। ইয়েট্‌স তাঁর একখানি চিঠিতে বলেছেন যে তিনি কথার উপযুক্ত সুর, কিম্বা সুরের উপযোগী কথার অনুসন্ধানে ব্যগ্র। কিন্তু আমি ইয়েট্‌স সংক্রান্ত একাধিক প্রামাণ্য গ্রন্থে পেয়েছি যে ইয়েট্‌স কথার ও সুরের সম্বন্ধ স্থাপনের জন্ম মোটেই উপযোগী ছিলেন না। ‘Scattering Branches’ নামক আরক গ্রন্থে আমার বক্তব্যের প্রমাণ পাওয়া যাবে। শ’—টেলার নামক একজন বিখ্যাত সঙ্গীত সমালোচকও লিখেছেন, ‘His tone-deafness ruled him out as an authority, or even a witness, on the collaboration of the arts. সুরের পিচ্‌এর মধ্যে ইয়েট্‌স পার্থক্য খুঁজে পেতেন না। তাঁর ধারণায় সঙ্গীতের একমাত্র সমর্থন আবৃত্তিতে। শ’—টেলার এই ধারণার সন্ধীর্ণতাকে বলেছেন, ‘This monstrous circumscription of the composer’s creative genius and insight’। ক্রিটন্—ব্যাড্‌লে নামক আর একজন বিখ্যাত সঙ্গীতজ্ঞ ইয়েট্‌সের আদেশে কথার জন্ম সুর খুঁজেছেন; তাঁর সিদ্ধান্ত এই, “No matter how well they are written, the words of a true song, will always be incomplete words.” ইংরাজী কথার বন্ধ স্বরবর্ণও নাকি কথার ও সুরের প্রকৃত সমন্বয়ের অন্তরায়। যারা রবীন্দ্রসঙ্গীত শুনেছেন তাঁরা অন্ততঃ অস্বীকার করতে পারবেন না যে (১) সুর থেকে জোর করে বিচ্ছিন্ন করলেও রবীন্দ্রসঙ্গীতের কবিতা আপন অস্তিত্বে গরীয়ান ও (২) বাংলা ভাষার মত হসন্তান্ত বন্ধস্বরবহুল, বাঞ্জনবর্ণ ও যুক্তাক্ষরও ধান ভাষার শব্দকে সুরের রসে ভরে দিয়ে তিনি অন্ততঃ ছুঁটা চারুকলার যোগসাধন করেছেন। এই দিক থেকে এবং আমার মতে এইটাই লিরিক কবিতার প্রধান দিক, রবীন্দ্রনাথ ইয়েট্‌স অপেক্ষা অনেক পূর্ণ এবং বিশুদ্ধ।

রবীন্দ্রনাথের চিত্র যখন আমরা প্রথম দেখতে পেলাম তখন একাধিক রসজ্ঞ ব্যক্তি মন্তব্য করলেন যে তাঁর চিত্রাঙ্কনপদ্ধতি আধুনিক ফরাসী, ইতালীয় ও জার্মান পদ্ধতির অম্লকরণ মাত্র। এ ক’দিন ‘অম্লকরণ’ কথাটি কেউ প্রয়োগ করেন নি অবশ্য; কিন্তু বিষয় প্রকাশের সময় তাঁর ‘সৌখীনত’, amateurishness-এর উল্লেখ অনেকেই করেছেন। তাঁরা কি ভাবেন আমি ঠিক জানি না। স্কুলে না পড়লে যদি অ্যামেচার হয় তবে রবীন্দ্রনাথ কবি হিসেবেও প্রোফেশনাল নন, এবং পৃথিবীর একাধিক চিত্রকরের নাম জানা আছে যারা খেয়াল মাফিক ছবি এঁকেছেন। এই যুদ্ধের পূর্বে ফ্রান্সে রুযোর বড় খ্যাতি হয়েছিল, তিনি কাষ্টম্স অফিসের কেরানী ছিলেন, এবং লুকিয়ে লুকিয়ে রঙ নষ্ট করতেন। সত্যি তিনি বড় আর্টিষ্ট ছিলেন। বিদেশে যখন রবীন্দ্রনাথের চিত্র-প্রদর্শনী হয় তখন নানা জায়গায় সূখ্যাতি বেরোয়। তার মধ্যে গোটাকয়েক ভাল লেখা আমি পেয়েছি—সেখানে কোথাও বিদেশী প্রভাবের উল্লেখ পাইনি। এবং তুলনার অজুহাতে তাঁর বিশেষত্বের প্রতি অবিচারের চিহ্ন দেখি নি।



‘সভাতার সংকট’ সম্পর্কে বক্তৃতা—১লা বৈশাখ, ১৩৪৮, শান্তিনিকেতন

তুলনামূলক বিচারের আমি পক্ষপাতী। কিন্তু রাজনীতিতে যেমন এক স্বাধীন দেশের সঙ্গেই অন্য স্বাধীন দেশের বন্ধুত্ব, আদানপ্রদান সম্ভব, তেমনই রবীন্দ্র-সৃষ্টির মূল্যদানে রবীন্দ্রনাথের বিশেষত্ব-জ্ঞানের ওপরই, অগ্ন্যাদেশের মহাজনের কৃতিত্বের তুলনা হওয়া উচিত।

রবীন্দ্র জ্যোতির্মালা দেবী

পরমের শুভ্র ক্রোড় হতে
প্রাণের কপোত
জন্ম-মৃত্যু ছই পথে
ঢেলে যায় চিরন্তন স্রোত ।

ছটি-ধারা, হায়,
যাত্রীসম ঘুরে ফিরে যেথা মিশে যায়
কপোতের সূচির পাখায়,
হে, অমর রবি !
অনন্ত রশ্মিতে তব হেরি আজ তারি দীপ্ত ছবি ।
সাক্ষ্য নভে যাত্রা-স্বর—
গোপলি-তারাটি কাঁদে বিয়োগবিধ্বরা ।
বন্ধু, তার উদাত্ত গরিমী •
মোর বক্ষে ঝঙ্কারিছে দূরের মহিমা ।

অন্তর-উৎপলে
পলে পলে
বিকশি' বিকশি' ওঠে অনন্তপ্রয়াণ
পারাবার-অভিযান ।
চিরপ্রিয় কবি মোর,
ব্রহ্মপুত্র সৃজন বিভোর !
বিশ্বসখা সুস্নিগ্ধ তপন !
মৃত্যু আজ মৃত্যু নয়—
তোমার গমন
শুক্রপাটে ধরিয়াছে মহা অভিযান
ওই মহানের পথে
কপোতের ছটি পাখা-স্রোতে ।

রবীন্দ্রনাথের দেশবাসীর কর্তব্য কি ?

রাধারাণী দেবী

ভারতবর্ষ একদিন সমগ্র পৃথিবীর বন্দনা পেয়েছিল তথাগত বুদ্ধের দেশ বলে। তারপর ছ' হাজার বৎসরেরও বেশিকাল পরে ভাগ্যানিপীড়িত ভারতবর্ষ আবার সারা পৃথিবীর সর্বস্বয় প্রণতি পেলো রবীন্দ্রনাথের দেশ বলে। এ' সম্বন্ধে চিন্তা করার দিন এসেছে।

রবীন্দ্রনাথ যাকে আশৈশব অন্তরে বাহিরে অতি ঘনিষ্ঠভাবে ভালোবেসে ছিলেন,—সেই তাঁর প্রাণপ্রিয় ধাত্রী ধরিত্রী মায়ে'র কোল থেকে তিনি আজ চির বিদায় নিয়ে চলে গিয়েছেন।

রবীন্দ্রনাথের মহাপ্রয়াণের ক্ষতি অতি বিপুল, আর তার বেদনা দেশকে চরমতম গভীর ও ব্যাপক ভাবে স্পর্শ করেছে। সমগ্র দেশবাসী অসংখ্য ছোট বড় সভাসমিতির অনুষ্ঠান ও নানা রচনা'দির মধ্য দিয়ে এ বিষয়ে তাঁদের বেদনা ও শ্রদ্ধা নানাভাবে অভিব্যক্ত করছেন।

রবীন্দ্রনাথের তিরোধানের ক্ষতি এবং বেদনা যেমনই হোকনা কেন, সে-বেদনাকে সে ছুঁথেকে এবং তাঁর স্বর্গত আত্মার প্রতি শ্রদ্ধাতর্পণকে—রবীন্দ্রনাথের স্বদেশবাসীগণ কেবলমাত্র ভাবাবেগের মধ্য দিয়ে প্রকাশ না করে দৃঢ় কর্তব্যের মধ্য দিয়ে অভিব্যক্ত করলে তাঁর স্মৃতির প্রতি যোগ্য শ্রদ্ধাতর্পণ করা হবে মনে করি।

দেশের যে কোনও জ্ঞানী, গুণী, শিল্পী, মনীষীর লোকান্তর যাত্রার পর আমরা যে উপায়ে তাঁর আত্মার প্রতি আমাদের শ্রদ্ধা এবং অন্তরের ছুঁথশোক প্রকাশ করে থাকি, রবীন্দ্রনাথের প্রতিও সেই একই উপায়ে অন্তিম কর্তব্য সমাধা করলে আমাদের কর্তব্যের গুরুতর ক্রটি ঘটবে। কারণ রবীন্দ্রনাথের স্বর্ণ আমাদের পিতৃমাতৃস্বর্ণেরও অধিক। আমাদের দেশে এ' সত্য উপলব্ধি করার দিন আজও আসেনি। কিন্তু একদিন আসবেই। সেদিন আমাদেরই উত্তর পুরুষেরা তাদের পূর্বপুরুষদের মৃত্যুয় লজ্জিত নতশির হবে।

যে স্বর্ণ পিতৃমাতৃস্বর্ণেরও অধিক, সে স্বর্ণ পরিশোধ সম্ভব নয়; কিন্তু স্বীকৃতি সম্ভব, কৃতজ্ঞতা সম্ভব। তাই জন্মই বলি আর সকল বিশেষ মানুষ্যের মতো রবীন্দ্রনাথ সম্বন্ধেও সেই একই উপায়ে—স্বর্গতের প্রতি জীবিত মানুষ্যের কর্তব্য ও কৃতজ্ঞতা অভিব্যক্ত করলে, সে শুধু নিজেদেরই বিচারশক্তির অভাব আর উপলব্ধি শক্তির স্থূলতা সপ্রমাণ করা হবে মাত্র।

পাথরের মূর্তি গড়ে, ইট কাঠের সৌধ রচনা করে, রাজপাথের নামকরণ করে বা সংস্কৃতিমূলক কাজে সামান্য রুচি বান্দাবস্তু করে রবীন্দ্রনাথ ঠাকুরের স্মৃতিরক্ষার চেষ্টা নিতান্তই নিরর্থক। এ যেন প্রদীপ্ত সূর্য্যাকে বাতির আলো জ্বলে দেখাবার প্রয়াস।

রবীন্দ্রনাথ বিরাট ছিলেন। তাঁর সর্বতোমুখী প্রতিভা, সর্বস্পর্শী অনুভূতি, সর্বাঙ্গী সাহিত্যকে নিয়ে বিচার বিশ্লেষণ করবার জন্ম অনাগত কাল তার শত শত শতাব্দী নিয়ে অপেক্ষা করে আছে।

কাজেই রবীন্দ্রনাথের প্রতিভা এবং দান সম্বন্ধে এখনই পুঙ্খানুপুঙ্খ বিচার বিশ্লেষণ না করলেও বেশি ক্ষতি নেই।

বিংশ শতাব্দীর শেষার্ধ্বে মানুষদের 'পরে কতকগুলি বিশেষ দায়িত্ব ও কর্তব্যভার রয়েছে, সে সম্বন্ধে সচেতন হওয়ার সময় এসেছে।

রবীন্দ্রনাথের লোকান্তরের পর তাঁর গুণানুরাগীদের কী ভাববার এবং কী করবার আছে ? এই চিহ্নটি প্রত্যেক রবীন্দ্রানুরাগীর চিন্তা করা উচিত।

তাইলেই আমরা উপলব্ধি করতে পারব, রবীন্দ্রনাথ তাঁর সমগ্র জীবনের সাধনায় যে আদর্শকে রূপ ও প্রাণদান করতে চেয়েছিলেন, যে আদর্শের জন্য তিনি রাজপুত্র হয়েও ভিক্ষাপাত্র গ্রহণ করেছিলেন, গৃহ, সংসার, আত্মীয়, পরিজন, সমাজ, নিন্দ-স্তুতি কোনও কিছুই তাঁকে বাধতে পারেনি, সে কোন আদর্শ ? সে কী বস্তু ? —যার পিছনে তাঁর সমস্ত জীবনব্যাপী সাধনা, ভাব-ব্রহ্মচর্য, পাণ্ডিত্য, ঐশ্বর্য, অর্থ, কল্লাহ, আশা, আকাঙ্ক্ষা, কর্মশক্তি সমস্ত কিছুই ঢেলে দিয়েছেন। সে ছোটো নয়, সে সামান্য নয়, সে তুচ্ছ করবার নয়।



রবীন্দ্রনাথ, ঋগুজ ও রামানন্দবাবু

তাত্ত্বিকপূর্ণ মনোভাব সংবরণ করে যথার্থ শ্রদ্ধাসহকারে রবীন্দ্রনাথের বিশ্বভারতীর আদর্শ সম্বন্ধে সমাক ধারণা লাভ করা এখন দেশবাসীর প্রধান কর্তব্য। বিশ্বভারতী আজও তাঁর পরিণতি প্রাপ্ত হয়নি, মাত্র বীজ রোপণ হয়েছে মাত্র। সে বীজ স্বয়ং রবীন্দ্রনাথের সমগ্র জীবন। নিজের জীবন সম্পূর্ণ উৎসর্গ করে দিয়ে রবীন্দ্রনাথ বিশ্বভারতীর ভিত্তি স্থাপনা করেছেন। এরই মধ্যে রবীন্দ্রনাথের সমাক প্রকাশ রয়েছে।

বিশ্বভারতী রবীন্দ্রনাথের মানস-লোকের প্রতিচ্ছবি মাত্র। তাঁর মধ্যে যে বিরাট সংস্কৃতি, দেশ কালের পরিধি-উদ্ভীর্ণ যে মনন-শক্তি ছিল, যে অধ্যয়ন ও অধ্যাপনা, জ্ঞানচর্চা যে বিশাল দৃষ্টি তাঁর মধ্যে বর্তমান ছিল, যে বিশ্বজনীন মানবতার আদর্শ তাঁর মধ্যে অতি উজ্জলভাবে প্রতিভাসিত হয়ে উঠেছিল, তারই বাস্তবরূপ বিশ্বভারতী। ভারতীয় সংস্কৃতি সমগ্র পৃথিবীর সাথে যুক্ত করবার এবং বিশ্বের সকল ঘরে পৌঁছে দেওয়ার অর্ণবপোত—বিশ্বভারতী।

বিশ্বভারতী সম্বন্ধে দেশবাসীর কর্তব্য কী ?

কেবল মাত্র অর্থ-ভাণ্ডার খুলে অর্থসাহায্য করলেই বিশ্বভারতীর প্রতি কর্তব্য শেষ হবে কিংবা বিশ্বভারতীর অভাব মোচন হবে তাই নয়। বিশ্বভারতীর জন্য চাই ত্যাগ। অর্থেরও চেয়ে অনেক বেশী অভাব বিশ্বভারতীর, ত্যাগের, সেবার। যে-সেবা, যে-ত্যাগ, যে-নিষ্ঠা, যে-আত্মোৎসর্গ

রবীন্দ্রনাথ করেছিলেন বিশ্বভারতীর জন্ম—তারপর তাঁর পিছনে আর কে এসে দাঁড়ালো ? একমাত্র ভারতবর্ষের একজন শ্রেষ্ঠ শিল্পী এই মহামনীষী এই মহাকবি এই মহামানবের পিছনে এসে দাঁড়িয়েছিলেন। তাঁর বিরাট ও মহৎ আদর্শকে অন্তরে যথাযথ উপলব্ধি করে। এই আত্মত্যাগী শিল্পীর একনিষ্ঠ সেবা বিশ্বভারতীকে আংশিকভাবে যে সকলতায় মগ্নিত করে তুলেচে ও তুলেচে লক্ষ লক্ষ মুদ্রার অর্থানুকূলা তার কাছে তুচ্ছ।



শান্তিনিকেতনে অধ্যাপনারত রবীন্দ্রনাথ

ভারতবর্ষের প্রত্যেক জ্ঞানী গুণী ও শক্তিশালী মানুষ রবীন্দ্রনাথের স্মৃতির প্রতি শ্রদ্ধা জানাচ্ছেন, বিশ্বভারতীকে রক্ষা করার আবেদন জানাচ্ছেন। বিশ্বভারতীর প্রয়োজন যে তাঁদেরকেই। দেশের সর্বশ্রেষ্ঠ বৈজ্ঞানিকগণ, সর্বশ্রেষ্ঠ দার্শনিকগণ, রাসায়নিক, শিল্পী, যন্ত্রী, কর্মী—সর্বতোভাবে না হোক আংশিকভাবেও বিশ্বভারতীর সহিত নিজেদের যুক্ত করুন। তাঁদের শক্তির, জ্ঞানের, প্রতিভার ও মগীষার সেবাস্পর্শে বিশ্বভারতীকে উজ্জীবিত কয়ে তুলুন।

রবীন্দ্রনাথের জীবন বিশ্বভারতীর আদর্শের মধ্যে নিহিত। এই আদর্শ যদি ভারতবর্ষ বাঁচিয়ে ও বলিষ্ঠ করে তুলতে না পারে রবীন্দ্রনাথ বিশ্বজগৎ থেকে ধীরে ধীরে কালের স্পর্শে অপমৃত হয়ে আসবেন। কেবল মাত্র ভারতবর্ষের মধ্যে বেঁচে থাকা রবীন্দ্রনাথের যোগ্য বাঁচা নয়। এঁয়েন সাত রাজার মহামূলা ধনভাণ্ডার, মাটির নিচে সমাহিত থাকার মতোই হবে।

ভারতের সমস্ত প্রদেশের শ্রেষ্ঠ গুণী, জ্ঞানী, শিল্পী, বৈজ্ঞানিক শিক্ষিত সংস্কৃতিবান্ পুরুষ ও নারীর সামনে—অর্থসঙ্কতিবান্ ধনিজনের সামনে যে-কর্তব্যের আহ্বান অপেক্ষা করছে,—এর ডাকে সাড়া দেওয়ার দিন আজও কি আসেনি ? শুধুই কি মুখের শোকে আর মোখিক শ্রদ্ধাতেই আমাদের রবীন্দ্রনাথের ঋণের মর্যাদা দান হবে ?

রবীন্দ্রনাথের সহিত কয়েকটি দিন

কবিরাজ কমলাকান্ত ঘোষ, বি, এস-সি।

কবিরাজ বিমলানন্দ তর্কতীর্থ যখন গুরুদেবের চিকিৎসার ভার গ্রহণ করে আমাকে আহ্বান করলেন, ওখানে থেকে তাঁকে সাহায্য করতে তখন গর্বের সঙ্গে যথেষ্ট ভয় মেশানো ছিল। পৃথিবীর শ্রেষ্ঠতম মনীষীর চিকিৎসার তত্ত্বাবধান করবার গুরুতর দায়িত্ব চিকিৎসকের জীবনে আসে খুবই কম। কিন্তু সমস্ত আশঙ্কা ও ভয় চলে গেল যখন সদানন্দময় রহস্যপ্রিয় ভারতীয় ঋষির পাশে এসে দাঁড়ালুম।

৩রা জুলাই (১৯৪১) শান্তিনিকেতনে উপস্থিত হলাম। সেদিন ছিগ বাদলা হঠাৎ সবটা আকাশ কালো হয়ে ঝপ ঝপ করে হল বৃষ্টি শুরু, আবার থেমে গিয়ে রোদ ঝলসে উঠল চারদিকে, এমনভাবে আষাঢ় দিনের লুকোচুরি চলছিল। গাড়ীর বাকুনিতে যতটা না অবসন্ন বোধ করেছিলাম তার চাইতে বেশী হোলো বোলপুরের বাদলায়-ভাঙ্গা তরঙ্গায়িত লাল সুরকীর সামান্য রাস্তাটুকু পার হতে। রাত্রি ৮।০ টায় উদয়নে গুরুদেবের ঘরে গিয়ে হাজির হলাম। খুব অবসন্ন দেখাচ্ছিল তাঁর মুখচ্ছবি, ক্লান্তি ঘটে উঠেছিল মুখে, কিন্তু বিরক্তির লেশমাত্র ছিলনা, সহজ স্নিগ্ধকণ্ঠে কবিরাজ বিমলানন্দদ্বাবুকে বললেন, “দেখ, তোমার ওষুধ ও পথ্য আমি ঠিক নিয়ম করে খাচ্ছি, মন্দ আছি বলে মনে হচ্ছেনা, ওঁর বলছেন জ্বরটাও কিছু কমেছে।” আমি ওঁকে প্রণাম করলুম, তিনি জিজ্ঞাসু দৃষ্টিতে চাইলেন—কবিরাজ মহাশয় আমার পরিচয় দিয়ে বললেন, ইনিই আপনার কাছে সর্বদা থাকবেন, আপনার সমস্ত উপসর্গগুলো ওঁর কাছে বলবেন, উনি প্রয়োজন মত আমার সঙ্গে পরামর্শ করে নেবেন, তিনি সম্মতিসূচক ভঙ্গিতে বললেন “বেশ ভাল”।

এভাবে আমার কাজে আমি বহাল হলাম—প্রতিদিন সকালে ও বিকেলে গুরুদেবের স্বাস্থ্য পরীক্ষা কোরে রিপোর্ট লিখে পাঠাতুম। আমার থাকবার ব্যবস্থা হয়েছিল শ্যামলীতে, উত্তরায়ণের মধ্যেই। প্রতিদিনের আসা যাওয়ায় ও ঘনিষ্ঠ সংস্পর্শে আমার সংস্কাচ অনেকখানি কমে এসেছিল, সব চাইতে বেশী হয়েছিল গুরুদেবের সহজ ব্যবহারে। এই অসুস্থ অবস্থায়ও তাঁর মানসিক সমতা নষ্ট হয়নি। তাঁর পরমার্শর্চ জীবনের দৈনন্দিন পরিচয় এ সময় কিছুটা পাই। এই অসুস্থ অবস্থাতেও গুরুদেব আমার ব্যক্তিগত স্বাচ্ছন্দ্যের খোঁজখবর নিতেন, সঙ্গে সঙ্গে বাড়ীর সবাই। ত্রুমে শরীরের খুঁটিনাটি খবর নেবার ও ব্যবস্থা দেবার গুণী থেকে আমার প্রবেশাধিকার এসে গেল গুরুদেবের দৈনন্দিন চিন্তাধারা ও ব্যক্তিগত জীবনের মধ্যে। যে দিন তিনি গুলেন এককালে বঙ্গীয় সরকারের রোষকবলিত হয়ে আমাকে ৫।৬ বৎসর বন্দী জীবন কাটাতে হয়েছিল, তিনি আমায় ডেকে পাঠালেন। চোখ কপালে তুলে বিশ্বায়ের ভঙ্গীতে বললেন, “তুমিত বড় সাংঘাতিক লোক হে”। তাঁর কণ্ঠে চাপা রহস্যের ভাব, সঙ্গে সঙ্গে একটু উৎফুল্লতারও,—“আমি যদি আগে থেকে জানতুম তাহলে তোমাকে এখানে আসতেই দিতুম না।”

আমি নীরবে হাসছিলুম এরপর আমাকে জিজ্ঞাসা করলেন আমি কোথায় কোথায় ছিলাম এবং আমার বন্দীজীবন কিভাবে কেটেছিল। আমার কথা তিনি খুব মনোযোগ দিয়ে সব শুনছিলেন, বললেন—
“তোমার এ অভিজ্ঞতাগুলো, লিখো তাতে কাজ হবে।”

এ আলোচনার সময় শ্রীযুক্ত রাণী মহলানবীশ সেখানে উপস্থিত ছিলেন। তিনি হেসে বললেন, “আপনি বেশ বুদ্ধি শিখিয়ে দিচ্ছেন, উনি এগুলো লিখুন, আর সঙ্গে সঙ্গে আবার ঝঁকে নিয়ে জেলে পুরুক”। গুরুদেব সহাস্তে আমার দিকে চেয়ে বললেন, “ক্ষতি কি হে!” মুখে চোখে চাপা রহস্য ফুটে উঠেছে “তুবেলা খাবারটা জুটেবে কোন ভাবনা নেই, চিন্তা নেই।” সকালেই সমস্তর হেসে উঠলুম।

নানা কথায় একদিন ওঁর ‘চার অধ্যায়’ সম্বন্ধে কথা উঠলো। তিনি একটি ছুঁতের সঙ্গে বললেন “তোমরা এই বইখানি গ্রহণ করনি”। আমি চুপ করে ছিলাম। তিনি বুঝলেন সেটা স্বীকার করে নিচ্ছি। পরে বললেন, “দেখ, আমি কোনদিন তখনকার ঘটনার সম্পর্কে আসিনি। শুনেছিলাম তখনকার দিনে স্বাদেশিকতার নাম দিয়ে আমাদের দেশের অনেক স্বার্থপর লোক, লোক ঠকাবার ব্যবসা আরম্ভ করেছিলেন। দেশের লোক ওঁদের চিনতে না পেরে নানা ভাবে নির্ধারিত হয়েছে। আমার খুব আতঙ্ক হ’ল, বুঝলাম দেশবাসীকে সতর্ক করে তুলতে হবে।” তাঁর ভাষায় উদ্ভেজনার আভাস ফুটে উঠলো। “সেজগাই আমি ওঁর বইখানা লিখেছিলাম।” আমি বললাম, “আপনি যে সমস্ত ঘটনার সমাবেশ সেখানে করেছেন সেগুলো অস্তুতঃ কয়েকটা ক্ষেত্রে না ঘটেছে তা নয় কিন্তু আপনার বইতে সেগুলোই বিপ্লবপন্থীদের কর্মপন্থা হিসেবে ফুটে উঠেছে। ওঁদের কাজগুলোকে ভাল বা মন্দ কিছুই না ব’লে এটুকু বলা চলে, যে সব তরুণ তরুণী এতে অংশ গ্রহণ করেছিলেন তাঁদের অনেকের চরিত্রে এমন নিষ্ঠা ও তাগ ছিল যে দেশবাসীর কাছে তার জগা শ্রদ্ধা ও মহানুভূতি তাঁরা আশা করতে পারেন। আপনার এই বইয়ে তাঁরা নিরাশ হয়েছেন নিশ্চয়ই।” তিনি বললেন, “আমি সেটা নিশ্চয়ই মানি, আমার বইয়ে সেটা বাদ দিইনি, যদি তোমার মনে থেকে থাকে তা হলে তুমি নিশ্চয়ই বুঝবে। সেদিক থেকে তাঁদের পাওনা আমি দিয়েছি।” আমি সেটা মেনে নিয়ে বললাম, “তবুও সাধারণ পাঠক যারা তাঁদের মনে অহা দিকের ছাপটাই বড় হ’য়ে ফুটে ওঠে, সেদিকটা অন্ধকারেই থেকে যায়।” তিনি চুপ করে রইলেন। আমি বললাম, “যদি পাশাপাশি অহা কোনও বইয়ে বিপ্লবী চরিত্রের এ দিকটা আপনি ফুটিয়ে তুলতেন, তা’হলে বোধ হয় কারুর কোন ক্ষোভ থাকত না।” তিনি মোন হয়ে রইলেন। আমি ব’লে চললাম, “বিপ্লববিপ্লবের কত ছাত্র ছাত্রী তাঁদের পড়াশুনাতে জলাঞ্জলি দিয়েছেন, স্বেচ্ছায় কত লোক অকথা দারিদ্র্যকে বরণ করেছেন, অশিক্ষিতা কুলবধু পর্যন্ত স্বামী ও শ্বশুর শাসুড়ীর লাঞ্ছনা সয়ে এঁদের সাহায্য করেছেন। মিছে করে হারিয়ে গেছে বলে নিজেদের যৎসামান্য গহনা তাঁদের পলাতক জীবনের সাহায্যে উৎসর্গ করেছেন, এঁদের ইতিহাস কেউ লিখবে না, এঁদের উদ্দেশ্যে শ্রদ্ধা জ্ঞাপনও কেউ করবে না।” তিনি মোন ভঙ্গ করে বললেন, “তুমি আমার ‘বদনাম’ গল্পটা পড়েছ?” আমি জানালুম

পড়িনি। তিনি বললেন, “আষাঢ় মাসের প্রবাসীতে সেটা বেরিয়েছে তুমি আজই পড়ে নেবে। এ সম্বন্ধে তোমার মতামত শুনবো।” সেদিন এই পর্যন্তই আলাপ রইল। চিকিৎসা সংক্রান্ত কর্তব্য সেরে “শ্রমোৎসাহ” এলুম। এবং সেইদিনই ‘বদনাম’ গল্পটা পড়ে রাখলুম।

পরদিন গুরুদেবের স্বাস্থ্যের অবস্থা ভাল ছিল না। তিনি শুনলেন তাঁর স্বজনরা তাঁর অপারেশন করার সিদ্ধান্ত করেছেন। অস্ত্রোপচারের সম্বন্ধে তাঁর খুব অনিচ্ছা ছিল। তিনি বললেন, ‘আমার যাবার বয়স ত হয়ে এল। কতদিন আর থাকব? একটা উপলক্ষ করে আমাকে ত যেতেই হবে। না হয় এ অসুখটা উপলক্ষ করেই গেলুম। এর জগা আর অস্ত্রোপচার কেন?’ বারাস্তুরে বলেছিলেন, ‘আমার একাশি বৎসর বয়স পর্য্যন্ত আমার গায়ে একটা কোঁড়া ও খোস পর্য্যন্ত হয়নি, শেষ সময় একটা ক্ষত নিয়ে যাব?’ ইত্যাদি। কিন্তু যখন সবার মতেই ওঁকে মত দিতে হ’ল, তখন তাঁর অস্বস্তি ভীষণ বেড়ে গিয়েছিল, সে সঙ্গে কিছুটা উপসর্গও। এসময় তিনি গল্পচ্ছলে একদিন বলেছিলেন, ‘আমায় একবার বিছের কামড়েছিল, সে কি অসহ্য যন্ত্রণা—প্রলেপ দিলুম, কিছুতেই কমল না। তখন হঠাৎ টাচ্ছে হ’ল, আর অমনি মনকে দেহ থেকে সরিয়ে নিয়ে এলুম, দেখলুম, রবীন্দ্রনাথ অসহ্য যন্ত্রণায় কষ্ট পাচ্ছে—এর পরই আমার সমস্ত যন্ত্রণা কোথায় চলে গেল—। এবারও (অস্ত্রোপচারের সময়) আমায় এঁই করতে হবে।’

আর একদিন নিয়মিত হাজিরা দিতে আমি এলুম। গুরুদেবকে জানালুম আমি ‘বদনাম’ গল্পখানা পড়েছি। তিনি খুব উৎসুক হয়ে আমার দিকে তাকালেন, বলেন, ‘কেমন লাগল।’ আমি বললাম, “খুব ভাল লেগেছে—আমি বিশ্বাস করি এ ধরনের ঘটনা সত্যিই ঘটে থাকবে।” তিনি বলেন, আরও অনেক একথা বলেছেন, ‘আপনি যেগুলো কল্পনা থেকে লেখেন, সেগুলো অনেক সময় এমন বাস্তব যে বিশ্বাস হয় না আপনি না দেখে লিখেছেন।’ হবেও বা। তারপর খানিকক্ষণ চুপ করে থেকে বলেন, ‘আমি একবার স্বদেশীতে খুব মেতেছিলুম। তোমরা জান কি না জানি না, সে সময় আমি নিজেকে পুরোপুরি ভাবে নিয়োগ করেছিলুম সভা-সমিতি-বক্তৃতাতে। কিন্তু এর পরই আমাকে সেরে আসতে হ’ল। তখন দেখেছি নেতৃস্থানীয় লোকদের চরিত্রে কত আবর্জনা জড় হয়ে ছিল। আমাদের জাতীয় জীবনের অভিশাপই বসব। নিজের স্বার্থ নিয়ে এমন বিশ্রী কাড়াকাড়ি। আমার মন হাঁপিয়ে উঠল—তারপর থেকে এখানেই এসে পড়েছি—লোকশিক্ষার আদর্শ নিয়ে। আমাদের দেশে প্রকৃত শিক্ষার প্রয়োজনই সব চেয়ে বেশী চরিত্র গঠনের জগা, নৈতিক নির্ভর জগা।’ আমি বললুম, ‘আপনার তখনকার কথা জানি—আপনার নাইটহুড্ প্রত্যাখ্যানের চিঠিখানা আমার খুব ভাল মনে আছে, জাতীয় আন্দোলনে এর প্রভাবও বিশ্বাসের। আপনার ‘সভাতার সংকট’ ও মিস্ রাথবোনের নিকট লেখা চিঠি, এর তুলনা নেই।’ তিনি একটু কৌতুক করেই বলেন, ‘তবুও আমাকে গ্রন্থার করেনি কেন বলত?’ আমি বললুম, ‘বোধ হয় সামলাতে পারবে না বলে তাদের মনে হয়েছিল।’ তিনি মোৎসাহে বলেন, ‘ঠিক বলেছ, শুধু ভারতবর্ষে নয় সমস্ত পৃথিবীতে এর তুমুল প্রতিবাদ হ’ত।’

ওঁর শারীরিক দুর্বলতার জন্য কোনও সমস্যাগুলক আলোচনা তিনি করেন আমরা সেটা পছন্দ করতুম না। যদিও ওঁর কাছে থেকে অনেক কিছু আলোচনা করবার বাসনা দুর্বল হয়ে পড়তো। সুতরাং শুধু মাঝে মাঝে ওঁর প্রফুল্লতম মুহূর্তে তিনি যখন যা বলতেন তাতেই খুসী থাকতুম। এতটুকু প্রবন্ধে সেগুলো লিখে ওঠা সম্ভব নয়। তাই আজ সে লোভ সম্বরণ করলুম। এই কয়েকটা দিনের স্মৃতি উজ্জ্বল হয়ে থাকবে আলোর মত, সঙ্গে সঙ্গে ওঁর খণ্ড খণ্ড কথা ও পরিহাস, অন্তগামী সূর্যের শেষ রশ্মির মত মাধুর্যমণ্ডিত ফণগুলো। শ্রাবণ পূর্ণিমার ঘ্লান চাঁদের আলোতে গঙ্গার তীর থেকে যখন গন্ধপূত নগ্ন দেহাবসানের প্বেত ধুম্রজাল আবর্তিত হয়ে ছুটেছিল তখনও মনে হয় নাই। যে ভাষা আজ শতাব্দী ধরে সকলের ভাষা জুগিয়েছে, যে কণ্ঠ সবার কণ্ঠে সঙ্গীত এনে দিয়েছে—সে ভাষা, সে কণ্ঠ আজ স্তব্ধ হয়ে গেল কত যুগান্তের জন্য কে জানে।

নাইট-পদবী বর্জন—বাইশ বছর আগে পাক্ষাবে যে অমাত্যিক অত্যাচার হয়েছিল তার তীব্র প্রতিবাদ করে রবীন্দ্রনাথ নাইট পদবী ত্যাগ করেছিলেন, সেই প্রসঙ্গে লিখিত তাঁর পত্রখানার বিশিষ্ট অংশটি এখানে দেওয়া হলো।

"The enormity of the measures taken by the Government in the Punjab for quelling some local disturbances has, with a rude shock, revealed to our minds the helplessness of our position as British subjects in India. The disproportionate severity of the punishments inflicted upon the unfortunate people and the methods of carrying them out, we are convinced, are without parallel in the history of civilised Governments, barring some conspicuous exceptions, recent and remote.

Considering that such treatment has been meted out to a population, disarmed and resourceless, by a power which has the most terribly efficient organisation for destruction of human lives, we must strongly assert that it can claim no political expediency, far less moral justification.

The accounts of insults and sufferings undergone by our brothers in the Punjab have trickled through the gagged silence, reaching every corner of India and the universal agony of indignation roused in the hearts of our people has been ignored by our rulers—possibly congratulating themselves for imparting what they imagine as salutary lessons.

দুনিয়ার বাঙালী যুগ

বিনয় সরকার

দুনিয়ার সুরু হইয়াছে বাঙালী জাতির দিগবিজয়, বর্তমানে মাত্র এই তুখাটার দিকে স্বদেশ

মতেছে উন্নতি অবনতির কথা, বাড়তি বাটতির লক্ষণ কি কি, উন্নতি-অবনতির মাপকাঠি কিরূপ,

শ্লেষণ বাঙালী সমাজ-শাস্ত্রীদের অত্যন্ত গবেষণার ম নরনারীর উন্নতি-অবনতি, আর বিশেষ করিয়া

মধ্য পঠন পাঠন, আলোচনা-গবেষণা ইত্যাদির র অনুসন্ধান বাঙালী সমাজশাস্ত্রীদের মহলে মহলে

ধন, বিজ্ঞান, বিজ্ঞার ক্ষেত্রেও উন্নতিতত্ত্ব বর্তমান

১৯২৬ সনে এইরূপ গবেষণার সূত্রপাত করা

তির পথে "বাঙালী" গ্রন্থ (১৯৩৪) উন্নতি-তত্ত্বের

জ দিক সম্বন্ধে বঙ্গীয় সমাজ-বিজ্ঞান পরিষদের

স্থাপন করি। সামাজিক উন্নতি-তত্ত্বের নানা কথা

য় সমাজ-শাস্ত্র গ্রন্থে (১৯৩৬) আলোচনা করিয়াছি।

মান লেখক এবং বঙ্গীয় সমাজ-বিজ্ঞান পরিষদের

বসিয়াছে। সত্যি কি তাই? আমরা কি সত্য

লাতে আমাকে যাইতে হইয়াছে। আর অনেক

করিয়াছি। দেখিতেছি মাত্র যে, যশোহর, নদীয়া

। কিন্তু আর সব জেলাতেই পঞ্চাশ বৎসরের মধ্যে

তে কান কালাপালা হইয়া যাইতেছে। আগেকার

ম্যাক্সিষ্ট হইতে পারিত। আর এখন অনেক

ই পাশ করিয়াও বসিয়া আছে। কিন্তু একমাত্র

আর্থিক অবনতির দিকে যাইতেছে? সোজা

বুঝা যাইতেছে একমাত্র যে, লিখিয়ে পড়িয়েদের দল ভারি হইতেছে। কিন্তু মাথা পিছু মধ্যবিত্তের

সমাজ কমিয়াছে তাহা বুঝিবার কারণ পাওয়া যায় না। গোটা দেশের সংখ্যা ধরিলে বরং উট্টা বোঝা যায়।

মধ্যবিত্তের স্তম্ভ স্বচ্ছন্দতা হয় তা বাড়িয়াছে। বঙ্কিম-যুগে মধ্যবিত্ত লোক বলিতে আমরা বাহাদের

বুঝিতাম তাহাদের মত এবং তাহাদের চেয়েও ভাল অবস্থার লোক এই পঞ্চাশ বৎসরে ঢের বাড়িয়াছে।

একটা ছোট দৃষ্টান্ত দিতেছি। এই যে এত সব কংগ্রেস, কন্ফারেন্স, শির-প্রদর্শনী, আর্থিক সম্মেলন,

সাহিত্য সম্মেলন হয়, এতে লাগে টাকা। মধ্যবিত্তের ট্যাকে টাকার জোর বাড়িয়াছে। না বাড়িলে

এসব পোষাকি জিনিষ গণ্ডায় গণ্ডায় চলিত না। আর এত হাজার হাজার লোক এই সবে মসৃণ হইতে

পারিত না। অধিকন্তু মধ্যবিত্তের সংখ্যাও খুব বাড়িয়াছে।



জয়ন্তী

পারদীয়া সংখ্যা

১৩৪৮

১৩৪৮

দুনিয়ার বাঙালী যুগ

স্বর্গের ভবিষ্যৎ

নাশা প্রসবিনী রোটারী

ইতিহাসের দিগ্‌ভ্রম

সাহিত্যের ভবিষ্যৎ

শিক্ষা

নারতীয় স্থাপত্য শিল্পের দাবী

বিনয় সরকার

অনাথ গোপাল সেন

পুলকেশ দে সরকার

অনিলচন্দ্র রায়

ক্ষেত্রমোহন পুরকায়স্থ

স্বরমা মিত্র

শ্রীশ চন্দ্র চট্টোপাধ্যায়



বাঙালী আজ কোন অবস্থায় আছে সে কথাটা বুঝিবার জ্ঞান ১৮৩১ সনে প্রকাশিত রামমোহন রায়ের উক্তিটা তলব করা যাউক। বিলাতের কমিশন তাঁহাকে প্রশ্ন করিয়াছিল—“তোমাদের দেশের লোক কি খায়?” তিনি উত্তর দিয়াছিলেন, “ভদ্রলোকেরা—যাহাদের সংখ্যা খুব কম, তাহারা খায় ভাত, মাছ, তরকারী আর মশলা (ডালের নান করেন নাই); আর সবাই খায় ভাত আর মুন।” ভাত আর মুন একটা অতিমাত্রায় লম্বা-চোড়া জীবন যাত্রার উপাদান নয়। ১৮৩১ এর তুলনায় ১৯৪১ এ বাঙালী জাত বড় অবস্থা হইতে ছোট অবস্থায় নামে নাই। যাহা-কিছু পরিবর্তন দেখিতেছি পুষ্টিয়া পুষ্টিয়া আলোচনা করিলে বুঝিব যে, তাহার মোট কথা ছোট হইতে বড়ই উঠা। এই সব বিষয়ে বস্ত-নিষ্ঠ আর সংখ্যা-নিষ্ঠ গভীরতর আলোচনা চাই।—বর্তমানে মাত্র ঠারে ঠারে বলিয়া যাইতেছি। অনেক লোক উন্নতি-অবনতি জরীপ করিবার কাজে উঠিয়া পড়িয়া লাগুন।

এইবার আর এক তরফ হইতে বাঙালী জাতের জরীপ করিব। বাংলার নরনারীকে ভদ্রলোকের “পাতে দেওয়া” যায় কি না এই প্রশ্নের সমালোচনায় অনেক বাঙালীর উঠিয়া পড়িয়া লাগা উচিত। এ একটা বড় গবেষণার বস্তু। বাঙালীর প্রভাব “অ-বাঙালী” ভারতীয়ের উপর আর “অ-ভারতীয়” ছুনিয়াবাসীর উপর কিছু পড়িয়াছে কি? যদি পড়িয়া থাকে, তবে কবে হইতে, আর কতখানি? যদি কোনো বাঙালী পুরুষ বা স্ত্রী অ-বাঙালীদের কোনো প্রকারে প্রভাবিত করিয়া থাকে, যাহাকে দেখিয়া যাহার কাজ হইতে “অজ জাতের” লোকেরা বলিয়াছে “হাঁ, একটা মানুষ বটে,” তাহা হইলে আমি বলিব সেই বাঙালীটা ভদ্রলোকের “পুত্রে দেবার” উপযুক্ত সেই বাঙালী “বাপকা বেটা।” অবশ্য বাঙালীর সৃষ্টিশক্তিতে বাংলার নরনারী, মায় বুনো পাছাড়া-আদিমদেরও উন্নতি হইয়াছে; একথা সহজেই বোঝা যায়। কিন্তু বাঙালীর জ্ঞান-বিজ্ঞান, সাহিত্য, শিল্প, সংস্কৃতি বা রুটি পাইয়া বাংলার চৌহদ্দির বাহিরের লোকেরা কতটা লাভবান হইয়াছে তাহাই আলোচনার বস্তু। ইংরেজ জাত এমন অনেক মানুষ দিয়েছে, যাহারা না জন্মিলে ইয়োরামেরিকা আর ছুনিয়া গড়িয়া উঠিত না। ফ্রান্স ও জার্মানীর বহু সন্তান আছে যাহারা পৃথিবীকে এই ভাবে গড়িয়া তুলিতে অনেক সাহায্য করিয়াছে। ছুনিয়া এই সব ফরাসী ও জার্মানের “খাইয়া মানুষ” হইয়াছে। তেমনি এমন কোনো বাঙালী জন্মিয়াছে কি, যে না জন্মিলে অবাঙালী ভারত আর অভারতীয় ছুনিয়া দরিদ্র থাকিত? আর ছুনিয়া থাকিলেও কখন কখন? হাজার পাঁচ-ছয় বছর আগে নহেনছোদাড়ার যুগে বাঙালী বিরূপ ছিল জানা নাই।—বৈদিক যুগের জানা আছে নামজাদা ঐতরেয় ব্রাহ্মণের কথা, যেটা বোধহয় প্রায় পৌনে তিন হাজার বছর আগেকার সাহিত্য। কিন্তু তাহা অবাঙালীর সৃষ্টি। বৈদিকযুগে ভারতবর্ষের আদর্শ পাওয়া যাইত ঐতরেয় ব্রাহ্মণের মত গ্রন্থে। বৈদিক সাহিত্যের প্রাণের কথা ছিল দিগ্বিজয়, “অহমশিঃ সংমনঃ,” “পরাক্রমের মূর্তি আমি, আমার নাম উত্তর বা সর্বশ্রেষ্ঠ, আমি জেতা, বিশ্বজয়ী, জগৎ আমার জানে দিগ্বিজয়ী বলিয়া” ইত্যাদি।

এই দিগ্বিজয়ের চিন্তায় ও কাজে তখনকার বাঙালীর দান কিছু ছিল কি না জানা যায় না। সেই সবেব সৃষ্টিকর্তা বোধহয় পাঞ্জাবী বা কনৌজিয়া বামুন বা আর কেহ। তারপর তাদের চেলারা সেই যুগের “বয়স্কাউট” সব দিগ্বিজয় চালাইতে চালাইতে যখন সদানীরা দরিদ্রার কিনারায় আসিয়া দাঁড়াইল তখন তারা দেখিল যে, প্রাচ্য ভারতে, দক্ষিণে আর পশ্চিমে মানুষ নাই, আছে শুধু জঙ্গল। তাহারা

ফিরিয়া গিয়া গুরুদেবকে বলিল, “ওদেশের লোকেরা সব পক্ষিজাতীয় নর-নারী, ওরা খালি কিচির-মিচির করে।” দেখিতেছি যে, তারপর সেই সকল পশ্চিমা বামুন, খমি, পণ্ডিত ইত্যাদি লোক আসিয়াছিল আমাদের গুরু হইয়া। বাঙ্গালী আমরা আৰ্য্যবীর অ-আ-ক-খ পাইয়াছি অ-বাঙ্গালীর কাছে। সে যুগে বাঙালীর প্রভাবে অবাঙালী মানুষ হয় নাই। বাঙালীরা মানুষ হইয়াছিল অবাঙালীর বাইয়া।

শাক্য সিংহ নামক বুদ্ধের নাম আমরা নিই বটে, কিন্তু বুদ্ধদেব বাঙালী নন। বাঙালী বাদশা ধর্মপালের প্রভাব? বাংলার বাহিরের আবহাওয়ায় ধর্মপালের নাম হোমিওপ্যাথিক ডোজে ছড়ানো আছে মাত্র। অধিকন্তু ধর্মপাল খাঁটি বাঙালী কিনা সন্দেহ। এই সঙ্গে গবেষণার বস্তু—বাঙালী কাহাকে বলে? আমাদের বিক্রমপুরের অতীশ দীপঙ্করের নাম করিতে পারি। বলিতে চাই যে, বিক্রমপুরের “বাঙাল” বাচ্চা দীপঙ্কর “বাপকা বেটা” বটে। তিব্বতের উপর তাহার প্রভাব জবরদস্ত ও বিস্তর। অতীশ দশম শতাব্দীর লোক। আজও তিব্বতে “বাঙাল” অতীশ বীরের নামজাক জবর।

হিন্দু ছাড়িয়া বাঙালী মুসলমানদের কথা ধরিলেও অবস্থা তথৈবচ। বাংলার মুসলমানরা অবাঙালী মুসলমানদের বাইয়া মানুষ। বাঙালী মুসলমানদের অবাঙালী মুসলমানদের “পাতে দেওয়া” চলিবে না। এই সকল দিকে খোঁজ চলিতে থাকুক।

বাঙালী চৈতন্যদেব বোধহয় “সমগ্র ভারতের” শ্রদ্ধাযোগ্য ব্যক্তি। কম-সে-কম আসাম উড়িষ্যার উপর তাঁহার প্রভাব ছিল ও আছে। অবশ্য তাঁহার সম্প্রদায়ের আদিগুরু ছিলেন দক্ষিণী মধবাচার্য। আসল কথা, শেষ পর্বন্ত বোধহয় স্বীকার করিতে বাধ্য যে, রামমোহন রায়ই হইতেছেন প্রথম বাঙালী মানুষ, যাহাকে ইচ্ছা দেয়াছে গোটা ভারতের নরনারী। এত সেদিনের কথা।

বাঙ্গালীরা চিরকাল মুখস্থ করিয়াছে পাঞ্জাবী পাণিনি, কনোজিয়া বরাহমিহির, মালবীয়া কালিদাস, দক্ষিণী শঙ্করাচার্য ইত্যাদি। কিন্তু অ-বাঙালীরা কেহ কোনো বাঙালীর জিনিষ এমন “নিত্য-নৈমিত্তিকভাবে” গিলিতে চেষ্টা করিয়াছে কি না খোঁজ লইয়া দেখার দরকার। এই সঙ্গে বাঙালীর “নব্য-জাতি” কতটা বাঙালীর স্বাধীনসৃষ্টি, তাহা কবিয়া দেখা আবশ্যক হইবে। অধিকন্তু এই নব্য-জাতির ইচ্ছা বাংলার বাহিরে কতটা তাহারও পরীক্ষা চাই। বাঙালী সমাজে অবাঙালী দর্শনের যে প্রভাব, বাংলার বাহিরে নব্য-জাতির প্রভাব ততখানি বা সেই ধরনের কি? বাংলাদেশে প্রচলিত গোটা হিন্দু সংস্কৃতি আর ভারতীয় হিন্দু-মুসলমানের তৈয়ারী সভ্যতা বোধহয় ষোল আনা অ-বাঙালীর সৃষ্টি। রামমোহন রায়ই সর্বপ্রথম “ভারত প্রসিদ্ধ” বাঙ্গালী। বর্তমানযুগে আমরা বঙ্কিম বিভাসাগরের গৌরব করি। কিন্তু বঙ্কিম-বিভাসাগরকে কয়টা অবাঙালী চিনে বা চিনিত? অধিকন্তু ইহারা ত একালের লোক, আমাদের সমসাময়িক বলিলেই হয়। তাহাতে বর্তমানে বাঙালীর বাড়তি প্রমাণিত হয়, কিন্তু বাঙালী জাতের পুরাণো কোজ্জটা ইচ্ছা পায় না।

বিবেকানন্দ প্রথম বাঙালী যার নাম “ভামা দুনিয়া” ছড়াইয়া পড়িয়াছে। ভারতের ভিতরে ও বাহিরে ১৮৯৩ সনে বিবেকানন্দের ছঙ্করে সারা দুনিয়ার লোক—সাদা, কালো ও হলুদে সকলে বলিতে বাধ্য হইয়াছিল যে, দক্ষিণ গঙ্গার কিনারায় একটা জাত জন্মগ্রহণ করিয়াছে, যাদের কাজ কর্ম না দেখিলে, না জানিলে পৃথিবী দরিদ্র থাকিয়া যাইবে। তারপর হইতেই, বিশেষতঃ ১৯০৫ সনের গৌরবময় স্বদেশী বিপ্লব



হইতে চলিয়াছে, শিল্পে, বাণিজ্যে, সাহিত্যে, বিজ্ঞানে বঙ্গরুষ্টির, বঙ্গীয় সংস্কৃতির আর বঙ্গ সম্ভানের দিগ্বিজয়। মাত্রাটা অবশ্য অতি ছোট। কুছপরোয়া নাই। কিন্তু বাঙালীর জয়-পরাজয়, আশানৈরাশ্যের কাহিনী জগতের সম্পত্তি হইয়া পড়িয়াছে। বঙ্গসংস্কৃতির প্রভাবে ছুনিয়ায় একটা “বাঙালীযুগ” কায়ম হইতেছে।

আজকাল বাঙালীরা নানা প্রকার জ্ঞান-বিজ্ঞানে যেসব গবেষণা করে, তাহার বৃত্তান্ত ফরাসী মার্কিন, বিলাতি, জার্মান, ইতালীয়ান, জাপানী ও রুশ কাগজে প্রকাশিত ও বিবৃত হইয়া থাকে। তাহা না হইলে বিদেশীরা নিজেদেরকে খানিকটা অসম্পূর্ণ মনে করে। ভারতের নানা কেন্দ্রে সে সব শিল্প-সম্মেলন, সাহিত্য-সম্মেলন, রাষ্ট্র-সম্মেলন, মজুর-সম্মেলন অনুষ্ঠিত হয়, এ সবের বৃত্তান্ত যদি ইয়োরামেরিকায় আর জাপানে পাঠানো যায় তাহা হইলে এই সকল দেশের লোকেরা সে সব গ্রহণ করিবে, প্রকাশ করিবে, পাঠ করিবে, সমালোচনা করিবে। এই সকল ভাষ্য-সংবাদে বাঙালীর গন্ধও কিছু কিছু থাকে তাহা বলা বাহুল্য।

১৯৩৬ সনে সারা দুনিয়া,—ইয়োরামেরিকায়, চীন-জাপানে, আফ্রিকায়, সামরক্ষ শত বার্মিকী উৎসব অনুষ্ঠিত হইয়াছে। যে সময় বাঙালীরা নৈরাশ্যে ছাবুডুপ, সেই সময়েই দিকে দিকে একটা নবীন ভারতীয় সাম্রাজ্য ভিত্তি গড়িয়াছে বাঙালী জাতের দৌলতে। অর্থাৎ পাঞ্জাবী বা কনোজিয়া ঋষিদের “অহম্মি সহমান” মন্তব্যটা আজ বাঙালী ঋষিদের রপ্ত হইয়াগিয়াছে। এই বাণী আজ সারা দুনিয়ায় উচ্চারিত হইতেছে বাঙালীর মুখে। অর্থাৎ বাঙালীরা আজ দিগ্বিজয়ী। ইহার ভিতর অবাঙালীর দাগও আছে—বলা বাহুল্য। সম্প্রতি, কেবল বাঙালীর কথাই বলিতেছি।

এই সব দেশী-বিদেশী বঙ্গ-প্রভাব আজও নেহাৎ সামান্য। এই সবের কিয়ৎ বড় বেশী নয়। তাহা লইয়া লাফালাফি করিবার কিছু নাই। তথাপি যদি আমাকে কেঁহ বলে বাঙালী মরিতে বসিয়াছে, তাহা হইলে আমি বলিব বিলকূল উল্টা। আমি বলিব যে, আর্থিক ও আত্মিক পক্ষে এতটা উন্নত অবস্থা বাঙালীর কখনও ছিল কি না সন্দেহ। সমাজ-শাস্ত্রীরা সকলেই যাহার যেরূপ মজি মাপকাঠি লইয়া জরীপ স্তর করুন। এই দিকে অনেকগুলো গবেষণা সূত্র হইলে স্তরের কথা হইবে।

তবে আমরা উন্নতির বা বাড়তি চড়ায় গিয়া ঠেকিয়াছি এরূপ বুঝা ভুল হইবে। চূপ করিয়া বসিয়া থাকিবার অবস্থা এখনও আসে নাই। অবশ্য সে অবস্থা কোনো জাতির পক্ষে কোনোদিন আসে না। বৈদিক ঋষিই আবার বলিয়াছেন “অসতো মা সদগময়” অর্থাৎ মুহূর্তেই নতুন “সং” নতুন “জ্যোতি” আর নতুন “অমৃতের” জগৎ প্রার্থনা করিতে হইবে, খাটিতে হইবে, সাধনা চালাইতে হইবে। মানুষ যত বড়ই হউক, যত উঁচুই হউক, তাহার পক্ষে স্বাধীনতার, আলোর, উন্নতির চরম বলিয়া কিছু নাই। প্রতি মুহূর্তেই নতুন স্বাধীনতার জগৎ, নতুন জ্যোতির জগৎ, নতুন দিগ্বিজয়ের জগৎ লড়িতে হইবে। হরেক মুহূর্তেই চাই নয়া চণ্ডের নয়া সাধনা অর্থাৎ নয়া-নয়া লড়াই। চাই নব-নব সৃষ্টিমূলক অস্থিরতা রকমারি স্বর্গীয় অশান্তি।

স্বদেশী যুগে ১৯০৯—১১ সনে কোনো উপলক্ষে বলিয়াছিলাম যে, বাঙালী জাতির রাষ্ট্রিক ইতিহাস নাই। রাজপুত্র, শিখ, মারাঠা, তামিল, তেলেগু ইত্যাদি জাতির মত বাঙালী জাতি রাষ্ট্রিক কর্মক্ষেত্রে গৌরবপূর্ণ কিছু দেখাইতে পারে না। “ঐতিহাসিক প্রবন্ধ” গ্রন্থে সেই মতটা খোদা আছে।

তখনও বাংলাদেশে বাঙালী জাতির রাষ্ট্রিক ইতিহাস সশব্দে উল্লেখযোগ্য গবেষণা একপ্রকার ছিল না বলিলেই চলে। কিন্তু সেই সময়ে গবেষণার ক্ষত্রপাত হয়। বরেন্দ্র অমুসন্ধানসমিতির প্রতিষ্ঠা ১৯১১—১৯২১ সনে। পশ্চিম-ত্রিশ বৎসর ধরিয়া বাঙালী জাতির নানা প্রকার গবেষণা চালাইতেছেন। আজ এই সকল গবেষণার ফল বলিতে বাধ্য যে, সেই পুরাতন মতটা অনেকাংশে ভ্রাম্যশ্রু প্রমাণিত হইয়াছে। ইহা আনন্দের কথা। এই পর্যন্ত বুঝা যাইতেছে যে, বাংলার নর-নারীরও রাষ্ট্রিক ইতিহাস আছে। এ বিষয়ে সন্দেহ করা চলিবে না।

বর্তমানে বলিতেছি অন্ধ ধরণের কথা। সমস্তা দ্বিবিধ; প্রথমতঃ, বাঙালী জাতি অ-বাঙালী ভারতীয় নরনারীকে রাষ্ট্র, শিল্প, জ্ঞান-বিজ্ঞানে প্রভাবান্বিত করিয়াছে কি না, আর করিয়া থাকিলে কতখানি? দ্বিতীয়তঃ, অ-ভারতীয় দুনিয়ায় যথা এশিয়ায়, বাঙালীর রাষ্ট্রশক্তি, শিল্পশক্তি, অর্থশক্তি, বিজ্ঞানশক্তি, কলাশক্তি ইত্যাদি শক্তিসমূহ, এক কথায় বঙ্গ-সংস্কৃতি, প্রভাব বিস্তার করিয়াছে কিনা, আর করিয়া থাকিলে কতখানি?

প্রবৃত্তির অতি ভিতরে প্রবেশ না করিয়া বলিয়া দিলাম যে, আসাম ও উড়িষ্যায় বঙ্গ সংস্কৃতির দিগ্‌বিজয় কিছু কিছু দেখা যায়। কিন্তু এক্ষেত্রে গবেষণা শুরু হইলে আরও অনেক কিছু বাহির হইয়া পড়িবে নিশ্চয় করি। ভারতের উত্তর, দক্ষিণ, পূর্ব, পশ্চিম সকল জনপদেই হয়ত বঙ্গীয় ধর্ম-অর্থ-কাম-মোক্ষ কিছু কিছু চিরোৎসব রাখিয়া ছাড়িয়াছে। অধিকন্তু, ভারতের বাহিরে, বর্তমানে একমাত্র তিব্বতে, বঙ্গ-সংস্কৃতির দিগ্‌বিজয় উল্লেখ করিয়াছি। কিন্তু এ বিষয়ে গবেষণার ক্ষেত্র সুবিস্তৃত। বঙ্গোপসাগরের গুণে বঙ্গ-সংস্কৃতির দিগ্‌বিজয় জ্ঞাতা, জ্ঞাত্রা ইত্যাদি দ্বীপময় ভারতে সাধিত হইয়াছে কিনা খতাইয়া দেখা আবশ্যক। তাহা ছাড়া ঘরের কোণে ব্রহ্মদেশ। এই জনপদেও বঙ্গপ্রভাব বর্মীয় জীবনের কোনো কোনো বিভাগে হয়তো লক্ষ্য করা সম্ভব। ভারতের বহির্ভূত এশিয়ার কোন্ কোন্‌ মুহূর্ত্তে “বৃহত্তর বঙ্গ” জারি ছিল তাহার গবেষণা বিশেষ জরুরী। “বৃহত্তর ভারতের” পৃষ্টি সাধনে “বৃহত্তর বঙ্গের” হিতা কিছু কিছু ছিল ধরিয়া লওয়া যাইতে পারে। কিন্তু সন, তারিখ সহ অকাটা প্রমাণের জোরে সেই হিতাটা প্রতিষ্ঠিত হওয়া দরকার। এই দুই দিককার কথা সুপ্রতিষ্ঠিত হইলে বাঙালী জাতির প্রাচীন ও মধ্যযুগ সশব্দে বর্তমানে যে সকল মত প্রচার করিতেছি তাহা হয়তো বদলাইতে পারিব।

বঙ্গের বাহিরে বাঙালীরা ভারতবর্ষের ভিতর কোথায় কবে কতখানি সৃষ্টি শক্তি দেখাইয়াছে তাহার বস্তুনিষ্ঠ খতিয়ান চাই। অধিকন্তু, ভারতের বাহিরে বাঙালী স্রষ্টারা কোন যুগে কতটা ধর্ম-অর্থ-কাম-মোক্ষের পরিচয় দিয়াছে তাহারও হিসাব নিকাশ আবশ্যক। এই দুই দিকেই বর্তমানে কিছু কিছু ঠার-ঠোরে বলা চলে মাত্র। বিষয়টার দিকে কোনো জুনিয়রিত চর্চা অমুষ্ঠিত হইতেছে এরূপ বলিতে পারি না। কিন্তু বাঙালীজাতি সশব্দীকৃত ঐতিহাসিক গবেষণার বেলায় বঙ্গ-সংস্কৃতির প্রভাব সশব্দে স্বতন্ত্র আলোচনার প্রয়োজন আছে। সমাজ-বিজ্ঞানের আলোচনা করিতে করিতে প্রবৃত্তি ও ইতিহাসের শরণাপন্ন হইতে হইল। উন্নতি-তত্ত্ব বুঝিবার জন্য আর বিশেষতঃ বাংলার নরনারীর উন্নতি-অবনতি জরীপ করিবার জন্য ঐতিহাসিক মাল মশলার দিকেও নজর ফেলা আবশ্যক। সমাজ-বিজ্ঞানের পক্ষে ইতিহাস-নিরপেক্ষ আর প্রবৃত্তি-নিরপেক্ষ হওয়া চলিবে না। ইতিহাস ও প্রবৃত্তিকে কলা দেখাইলে সমাজ শাস্ত্রীদিকগে বিপদে পড়িতে হইবে।

স্বর্ণের ভবিষ্যৎ

অনাথগোপাল সেন

গত মহাযুদ্ধের অভিনেতা ও দর্শকদের মধ্যে অনেকেই এখনও বেঁচে আছেন; শুধু বেঁচে আছেন নয়, তাঁদের কেহ কেহ বর্তমান মহাযুদ্ধের প্রধান ভূমিকায় অভিনয় করছেন। আমরা আদারব্যাপারী, জাহাজের খবরে আমাদের দরকার না থাকলেও জাহাজ ত আমাদের ছাড়ে না। তার দূরপাত চেউয়ের ঠেলাতেই যে আমাদের ব্যাপারীর ডিলী কাৎ হবার জোগাড়। গতবারের ভুক্তভোগী অনেকেই তাই অনেক কথা চিন্তা করেন ও জিজ্ঞাসা করেন। তাই আজ স্বর্ণের ভবিষ্যৎ সম্বন্ধে এই সংক্ষিপ্ত আলোচনায় হচনা।

গত লড়াইয়ের পূর্বে জার্মান মুদ্রা মার্কের মূল্য ছিল আমাদের টাকার মাপে ৮/০ আনা; বিলাতী মুদ্রা পাউণ্ড-স্টার্লিংএর মাপে এক শিলিং। কিন্তু যুদ্ধ শেষ হবার পর মার্কের মূল্য স্বর্ণহীন হয়ে এমন অভাবনীয় ও বিষয়করূপে হ্রাসপ্রাপ্ত হতে সুরু করল যে ১ টাকায় বহু লক্ষ মার্ক কিনতে পারা যেত। অর্থাৎ মার্কের তখন আর কোনো মূল্যই মুদ্রা জগতে প্রায় ছিল না। জার্মানিতে তখন লোকেরা ১ লক্ষ মার্ক দিয়ে ১ পেয়লা চা খেত! এটা একটা ঠাট্টার বা তামাসার ব্যাপার হয়ে দাঁড়িয়েছিল—অবশ্য জার্মানবাসীদের নিকট নয়, বিদেশীদের নিকট। বিদেশীদের অনেকেও জার্মান মার্ক নিয়ে ফটকা খেলতে গিয়ে অনেক টাকা খুইয়েছিলেন, আবার কেহ দু'দিনের জন্য বাদশাহী ভোগের অধিকারী হয়েছিলেন। মার্কের দাম যখন পড়তির মুখে তখন অনেকেই রাতারাতি বড়লোক হবার লোভে ২০০।১০০ টাকা, কিংবা সেই পরিমাণ ডলার বা স্টার্লিং দিয়ে ২ লক্ষ, ১০ লক্ষ, ২০ লক্ষ, মার্কের মালিক হচ্ছিলেন এবং আমাদের মত অনেক গরীব লোকেও তখন ২৪ দিনের জন্য লক্ষপতি (মার্কের হিসাবে) হবার সুযোগ ও গোরব লাভ করেছিলেন। কেউ তখন কল্পনা করতে পারে নি যে মার্কের একেবারে শেষ অবস্থা; সবাই ভাবছিলেন, আমিই সবচেয়ে সম্ভাব্য আজ মার্ক কিনেছি, কার্ল থেকে মার্কের দর আস্তে আস্তে চড়বে। তারপর, পূর্বের অবস্থায় ফিরে না এলেও তার কাছাকাছি যখন আসবে, তখন আমাদের লক্ষ লক্ষ মার্ক মুদ্রাকে টাকা, ডলার, স্টার্লিং বা অন্য কোন মুদ্রায় পুনরায় পরিবর্তিত করে নিয়ে নিজের দেশে লক্ষপতি হয়ে বসব। কিন্তু হায়রে দুর্ভাগ্য! দিনের পর দিন মার্কের দর পড়তেই থাকল, আর পূর্বের ক্ষতি খানিকটা পুষিয়ে নিয়ে averageটা একটু ভাল করবার দুরাশায় অনেকেই good money দিয়ে আরো মার্ক কিনতে লাগলেন। অবশেষে একদিন উপস্থিত হ'ল যেদিন জার্মান সরকার ঘোষণা করে দিলেন, তাদের মার্ক মুদ্রা শেষ নিঃশ্বাস ত্যাগ করেছে। অর্থাৎ এই মুদ্রার অস্তিত্বকে জার্মানী আর স্বীকার করে না, স্মরণ্য এর দাবী আর তারা মিটাতে পারবেনা। The old mark is dead. এই সময়ে মার্কের এমনি দুর্বস্থা দাঁড়িয়েছিল যে, ১ পাউণ্ড বা ১০।১৫ টাকা দিয়ে বিশ কোটি মার্ক কিনতে পারা যেত! স্মরণ্য আশ্চর্য্য ছাড়া তার আর কোনো উপায়ান্তর ছিল না। যারা ২০০।৪০০ টাকা ধরত

করে লক্ষ লক্ষ জার্মান মার্কের অধিপতি হয়েছিলেন তারা যদি কাগজের নোটগুলিও হাতের কাছে পেতেন তাহলে সেগুলিও ওজন দরে বিক্রয় করে খানিকটা সাহসনা লাভের উপায় পর্যন্ত ছিল না; কারণ তখন জার্মানীতে একলক্ষ মার্ক অপেক্ষা কম মূল্যের নোটই ছাপা হত না! যারা সে সময়ে তাড়াহাড়া জার্মানী থেকে পণ্য খরিদ করতে পেরেছিলেন তারা খুব লাভবান হয়েছিলেন। আর লাভবান হয়েছিলেন তারা যারা তখন বিদেশ থেকে জার্মানীতে গিয়ে থাকতে পেরেছিলেন। অনেক ভারতীয় যুবক সে সময়ে ২০০। ৪০০ টাকায় লক্ষ লক্ষ মার্ক কিনে নিয়ে জার্মানীতে শিক্ষা লাভ বা ভ্রমণের জন্ত চলে গিয়েছিলেন। তারা তখন মাসিক ৫০। ৭০ টাকা মাত্র ব্যয় করে সেখানকার সকল রকম খরচ পুষিয়ে শিক্ষা লাভ করবার অযোগ্য পেয়েছিলেন। যারা একবারে সমস্ত টাকা দিয়ে মার্ক না কিনে, বিলেতের ব্যাঙ্কে টাকা জমা রেখে যেমন যেমন মার্কের দর পড়ছিল, নিজ প্রয়োজন মত তেমন তেমন ২। ১ পাউণ্ড মূল্যের মার্ক কিনছিলেন তারা আরো বেশী লাভবান হচ্ছিলেন। জার্মান প্রবাসী ভারতীয়দের মিলনস্থল, “হিন্দুস্থান এসোসিয়েশ্যান” সে সময়ে দেড় লক্ষ মার্ক দিয়ে বার্লিনে প্রাসাদোপম গৃহ ক্রয় করেছিলো—যা তারা কখনো কল্পনাও করতে পারতেন না। প্রকৃত পক্ষে এর জন্ত বোধহয় ৫। ১০ পাউণ্ড কিংবা ১০০। ১৫০ টাকার বেশী প্রয়োজন হয়নি! কিন্তু এ সময়ে সন্তায় কেনা সং সম্পত্তি জার্মান সরকার পরে বাজেয়াপ্ত করে নিয়েছিলেন।

এই সময়ে বিশ্বকবি রবীন্দ্রনাথের ও তাঁর বিশ্বভারতীর কি গুরুতর ক্ষতি হয়েছিল তা' কবিগুরু নিজ ভাষায় শুদ্ধন : “জার্মানীতে আমার বই বিক্রি স্তব্ধ হয়েছিল প্রবল বেগে। ইতিমধ্যে যুদ্ধ বেধে গেল। অবশেষে যখন হিসাব মেটাবার সময় এল তখন মার্কের এমন অধঃপতন হোলো যে তাকে টাকায় পরিণত করতে গেলে এক আঁজলাও ভরে না। সমস্ত আয় জার্মানীকেই দান করে এলুম। তার মূল্য যদি হাস না হোতো! তা' হলে বিশ্ব-ভারতীর জন্তে আজ আমাকে ডিকের খুলি বয়ে বেড়াতে হোতো না।” এর মানে হচ্ছে এই যে যারা পাউণ্ড, ডলার, ব্যাঙ্ক, টাকা প্রভৃতি বিদেশী মুদ্রার বিনিময়ে মার্ক ক্রয় করে জার্মানীতে বসে তা' ব্যয় করেছেন কিংবা জার্মান পণ্য ক্রয় করেছেন, তাঁরা হয়েছেন অত্যন্ত লাভবান আর যারা মার্কের হিসাবে পণ্য বিক্রয় করে সেই মার্ককে টাকা বা অল্প মুদ্রায় পরিণত করে নিজ দেশে তাই আনতে চেয়েছেন তাঁদের ভাগ্যে লক্ষ মার্কের বিনিময়ে এক আঁজলাও মেলেনি।

মুদ্রা সম্পর্কীয় ব্যাপারে যারা সম্পূর্ণ অনভিজ্ঞ তাঁরা হয়ত ব্যাপারটা কি কিছুই বুঝতে পারছেন না। এরই নাম inflation of currency বা মুদ্রা সম্প্রসারণ। পণ্যের মূল্য স্থির রাখবার জন্ত বিক্রয়যোগ্য মোট পণ্যের অনুপাতে মুদ্রার পরিমাণ স্থির রাখতে হয়। তা না করে যদি কোনো দেশের কর্তৃপক্ষ খামখেয়ালী বা অজ্ঞতাবশত: মুদ্রার পরিমাণ অকারণে বাড়িয়ে দেন বা কমিয়ে ফেলেন তাহলে পণ্যের মূল্য যথাক্রমে বাড়বে ও কমবে, প্রকৃতির সত্ত্বের মুদ্রামূল্য কমবে ও বাড়বে। একেই ইংরাজিতে quantity theory of money বলে। এখানে হয়ত অনেকে ভাববেন, টাকা কি ইচ্ছা করলেই বাড়ান যায়? কাগজের নোট বেশী ছাপিয়ে ও “ক্রেডিট” সৃষ্টি করে তা খানিকটা করা যায়। কিন্তু গত লড়াইয়ের পূর্ব পর্যন্ত ইয়েরোপ ও আমেরিকার মুদ্রা স্বর্ণমানের উপর প্রতিষ্ঠিত ছিল। তার অর্থ হচ্ছে এই যে, কাগজের সুবিধার জন্ত কাঁচটা নোট, চেক, ড্রি, যাই বাজারে দেনা পাওনা মেটাবার জন্ত চলুক না কেন, এ সকলের পশ্চাতে ছিল স্বর্ণ;



কারণ পাওনাদার বা বেচনাদার চেক বা নোট ইত্যাদির বিনিময়ে স্বর্ণ বা স্বর্ণমুদ্রা চাইলে তার সে দাবী কতৃপক্ষকে পূরণ করতেই হবে। অর্থাৎ, সমস্ত বেচাকেনার মূল বাহন, সমস্ত দেনা-পাওনা মেটাবার আসল দালাল হল স্বর্ণ। অনেক সময় তিনি অন্তরালে অবস্থান করে তাঁর উপ-দালালদের দিয়ে কাজ চালিয়ে নেন মাত্র। কাজেই এই স্বর্ণ দিবার দায়িত্ব যতক্ষণ থাকে ততক্ষণ ইচ্ছামত নোট প্রচলন করে টাকার সংখ্যা বাড়িয়ে গভর্নমেন্ট নিজের বা দেশের টাকার অভাব পূরণ করতে সাহসী হন না। একটা সুনির্দিষ্ট সীমা রক্ষা করে তাকে নোট ছাপাতে হয় এবং প্রয়োজন মত দাবী মিটাবার জগৎ স্বর্ণ তহবিল মজুত রাখতে হয়। এই স্বর্ণমান প্রথার একটা বড় অবিধা এই যে কোনো গভর্নমেন্ট তার অমিতব্যয়িতা বা স্বেচ্ছাচারিতার জগৎ নোট প্রচলন দ্বারা অথবা অর্থ সম্প্রসারণ (inflation) করে পণ্য মূল্যের বৃদ্ধি ঘটিয়ে দেশের ব্যবসা বাণিজ্যের বা সর্বসাধারণের অসুবিধা বা ক্ষতি সাধন করতে অনেকটা বাধা পায়। গত লড়াইয়ের সময় যখন যুদ্ধমান দেশ সমূহের জীবন-মরণ সমগ্রা উপস্থিত হল এবং অর্থের প্রয়োজনের আর কোনো সীমা পরিসীমা থাকল না, তখন সকল নীতির সাপে অর্থশাস্ত্রের সুপ্রতিষ্ঠিত স্বর্ণমান নীতিটিও গরিতাক্ত হয়। কারণ তখন যেন-তেন-প্রকারেণ অর্থ সৃষ্টির প্রয়োজন। বিদেশের দেনা স্বর্ণে মিটাতেই হবে; বিদেশীরা যুদ্ধের সময় অল্প দেশের কাগজী নোট নিতে অস্বীকার করবে এটা স্বাভাবিক। কিন্তু 'প্যাট্রিয়টিজমের' দোহাই দিয়ে দেশের লোকের দ্বারা তখন সবই সহ্য করান সম্ভব। তাই গত যুদ্ধের সময় সকল দেশে inflation এর আবধিলীলা চলেছিল। সেই সময়েই এই দেশে সর্ব প্রথম আমরা ১৮ টাকার কাগজের নোট দেখতে পাই এবং নোটের বিনিময়ে টাকা চাইলেই পাওয়া যায় এই নীতির ব্যতিক্রমও তখনই ঘটে। এইরূপ সম্প্রসারণ নীতির ফলে আমাদের এদেশে পর্যন্ত টাকার (নোটের) ছড়াছড়িই আমরা দেখছি! যুদ্ধের সময় লড়াইয়ের সাজ-সরঞ্জাম ও জিনিসপত্র সরবরাহের সুযোগে কল্লনাভীত ভেজাল ও জোচ্ছুরী চালিয়ে কত লোক প্রায় রাতারাতি কৈপে উঠেছিলেন এবং খেতাব ও উপাধিভূষিত হয়ে কেউ-কেটা হয়ে দাঁড়িয়েছিলেন। সস্তা টাকা কিছু হাতে পেয়ে বাংলাদেশে পর্যন্ত বহু শিল্প প্রতিষ্ঠান বাঙ্গালীর অর্পে ও উত্তোণে মাথা জাগিয়ে উঠেছিল। অবশ্য জল বৃষ্টির মত কিছুদিন বাদেই প্রায় সবগুলিই মিলিয়েও গিয়েছিল। এই সস্তা টাকার দরুণ পণ্যমূল্যও অত্যন্ত বৃদ্ধি পেয়েছিল, এবং তার ফলে নির্দিষ্ট বেতনের চাকুরীজীবী ও দরিদ্র সাধারণের অভাব অভিযোগ অনেক বেড়েছিল। কিন্তু কারো পৌষ মাস, কারো সর্বনাশ—এই প্রবাদবাক্যের স্বার্থকতা ও আমরা বহু লোকের ভাগ্যে দেখতে পেয়েছিলাম।

সেইবার শুধু কাগজের নোট ছাপিয়েই অতিরিক্ত অর্থ সৃষ্টি করা হয় নাই। তার উপর সখরঞ্গের হেল্লোর পড়ে গিয়েছিল। ৩০০, ৪০০, ৪৫০, ৫০০, ৫৫০, ৬০০ পাসেন্ট পর্যন্ত হুদে গভর্নমেন্ট পর পর টাকা ধার করে চলেছিলেন। এইরূপ অভূতপূর্ব উচ্চ হুদে গভর্নমেন্ট আগে আর কখনো টাকা ধার করেননি। তাই শতাধিক কোটি টাকা ভারতবর্ষের জনসাধারণ বুলি ঝেড়ে ধার দিয়েছিল। এই টাকাগুলির একটা অংশ যখন গভর্নমেন্ট এই দেশে যুদ্ধ সংক্রান্ত নানা কাজে ব্যয় করতে বাধ্য হলেন তখন তার ফলেও বাজারে বেশ টাকার প্রাচুর্য উপস্থিত হল। স্বর্ণ ভ্রষ্ট হয়ে যুদ্ধরত প্রত্যেক দেশের অবস্থাই অনাধিক এইরূপ হয়ে দাঁড়াল। অতদিকে আমেরিকা দূরে দাঁড়িয়ে ইউরোপে যুদ্ধের সাজ সরঞ্জাম জুগিয়ে তাদের স্বর্ণ তহবিল নিজের দেশে টানতে লাগলো। কারণ তারা বিদেশ থেকে স্বর্ণ ভিন্ন আর কিছু গ্রহণ করবেনা। বিদেশীরা দেনা স্বর্ণে

মিটাতে গিয়ে পৃথিবীর শ্রেষ্ঠ ধনী ইংলণ্ডের স্বর্ণ তহবিল পর্যন্ত হালুকা হয়ে উঠেছিল। যুদ্ধে পরাজিত হয়ে সকলের নিকট চোর দায়ে ধরা পড়ে, সকলের জরিমানা ও ক্ষতিপূরণের দাবী মাথায় করে নিয়ে জার্মানীর কি দশা হল তার পরিচয় ত পূর্বেই ধানিকটা দিয়েছি। স্বর্ণ বলতে তার আর বিশেষ কিছু রইল না। অল্প দেশের সঙ্গে তার তফাৎ এষ্ট ঠাঁড়াল যে তারা তাদের অর্থের সম্প্রসারণ একটা সীমার মধ্যে রাখতে পেরেছিলেন, কাগজী নোট প্রচলনের সঙ্গে সঙ্গে তারা স্বর্ণও ধার করছিলেন এবং ধার পাচ্ছিলেনও। কিন্তু ৫ বৎসরকাল একা সকলের সাপে লড়াতে গিয়ে চারিদিকে আক্রান্ত ও অবরুদ্ধ হয়ে তাসাঁই শক্তির চরম শাস্তির বোঝা মাথায় করে জার্মানীকে সম্পূর্ণ দেউলে হতে হল। তার মুদ্রা ক্ষীত হতে হতে একেবারে ফেটে পড়ল। পৃথিবীর মুদ্রা ইতিহাসে এরকম দৃষ্টান্ত আর দ্বিতীয় মেলে না।

যে স্বর্ণমান ভিত্তি করে আন্তর্জাতিক বাণিজ্যের এরূপ প্রসার ও দেনা পাওনা মিটার এরূপ জুঝি লাভ হয়েছিল তাকে যদি বহাল রাখতে হয় তাহলে প্রত্যেক দেশে তার প্রয়োজনানুযায়ী পণ্য সম্পদ বা জিনিষ কেনা বেচা করে তাকে তত বেশী স্বর্ণ দিতে হবে। আমি সম্পদ সৃষ্টি করবার বুদ্ধি ও শক্তি রাখি এবং আমার সম্পদের বিনিময়ে অপরের সম্পদ গ্রহণ করতে চাই; কিন্তু সম্পদ বিনিময়ের সুবিধার জন্য যে স্বর্ণরূপী দালালটি আমরা একদিন সৃষ্টি করেছিলাম তার অভাবে আমার বিরাট শক্তি ও আয়োজন পণ্ড হবে এ কেমন কথা? বিভিন্ন দেশের মধ্যে maldistribution of gold বা স্বর্ণের এরূপ অসমঞ্জস বণ্টনের ফলেই এই অবস্থা দাঁড়িয়েছে। একদিকে পণ্যসম্ভার শিল্পী ও বণিকের কাঁধে ভুতের বোঝার মত চেপে বসে আছে, মানুষের ভোগে তা আসতে পারছে না; অতীতকালে মানবসমাজের একটা বিরাট অংশের নিত্যান্ত প্রয়োজনীয় অভাব মিটছে না। একদিকে ঐশ্বর্যের প্রাচুর্য, অতীতকালে অভাবের তাড়না, একদিকে প্রচুর ভোজ্য, অতীতকালে সংখ্যাতীত বুদ্ধি। এর কারণ হচ্ছে ২৪টি ভাগ্যবান দেশ, বিশেষ করে গত যুদ্ধের ফলে, পৃথিবীর স্বর্ণতহবিলের উপর চেপে বসে আছেন, এবং স্বর্ণহীন জগৎবাসীর নিকট স্বর্ণের বিনিময়ে পণ্য বিক্রয়ের বার্ষিক ও হাঙ্গুর প্রয়াস করছেন। যুদ্ধের অস্বাভাবিক তাড়নার পড়ে যে স্বর্ণমান সকলে ত্যাগ করেছিলেন যুদ্ধের পরে ১৯১৯ ও ১৯২৫ সালের মধ্যে তারা সবাই একে একে স্বর্ণমানে ফিরে এসেছিলেন—নইলে আন্তর্জাতিক ব্যবসা-বাণিজ্য সব অচল থাকতো। তার ফলে সমস্ত কাগজী মুদ্রা ও অতিরিক্ত অর্থকে বাতিল করে দিতে হয় এবং অকস্মাৎ একদিন যুদ্ধের কল্যাণে অর্থের বাজারে যে জোয়ার দেখা দিয়েছিল, ভাটার টানে সেখানে নিদারুণ নগ্নমূর্তি দেখা দিল। অর্থাৎ যেখানে ছিল inflation of currency সেখানে উপস্থিত হল contraction of currency (অর্থ-সঙ্কোচন)। তা' না করে উপায় ছিল না; কারণ ধন-তন্ত্রবাদের চিরপরিচিত পন্থায় স্বর্ণের মধ্যস্থতা ভিন্ন পৃথিবীর ব্যবসা-বাণিজ্য পরিচালনা করার অল্প কোন উপায় তারা ভাবতে পারে না। অন্ততঃ তখন পর্যন্ত ভাবতে পারেন নি। কিন্তু গত যুদ্ধে যারা মারাত্মকভাবে জখম হয়েছিলেন তার মধ্যে স্বর্ণমানও অন্যতম। কারণ mal-distribution of gold এর জন্য ধনতান্ত্রিক সমাজ-ব্যবস্থা মূলতঃ দায়ী হলেও এর তীব্রতার জন্য গত লড়াই এবং তাসাঁই সন্ধিই প্রধানতঃ দায়ী। তাই প্রধান প্রধান দেশগুলির সমবেত চেষ্টার ইয়োরোপে পুনরায় স্বর্ণমানের প্রতিষ্ঠা হলেও, সর্বাপেক্ষা আশ্চর্যের বিষয় এই যে ইংলণ্ডকেই বিশ্বজোড়া ব্যবসা-মন্ডার বিপাকে পড়ে ১৯৩১ সালে আবার স্বর্ণমান পরিত্যাগ করতে হয়। এবং মহাজনে বেন গভঃ সঃ পছা—



এই নীতি অনুসরণ করেন (ফ্রান্স, ইটালী এবং ছোট ছোট কয়েকটি মধ্য ইউরোপীয় দেশ ব্যতীত) পৃথিবীর আর সবাই।

এই সময় ইংলণ্ড এবং অন্যান্য দেশের স্বর্ণমান ত্যাগের সহিত কৃষি বা জার্মানির অবস্থার কোনো তুলনাই চলতে পারে না। ইংলণ্ড স্বর্ণমান পরিহার করেছিল পূর্ব হতে অনেকটা সতর্কতামূলক ব্যবস্থা হিসাবে; তার উদ্দেশ্য ছিল নিজের দেশের মধ্যে স্বর্ণের ব্যবহার নিয়ন্ত্রণ করে স্বর্ণের অপচয় বা হস্তান্তর বর্ধাসম্ভব বারণ করা। আর একটি উদ্দেশ্য ছিল, স্বর্ণমুদ্রার মূল্য হ্রাসের সুযোগ গ্রহণ করে বিদেশী পণ্যের আমদানী হ্রাস ও দেশী পণ্যের রপ্তানী বৃদ্ধি করে বাণিজ্য প্রতিযোগিতায় জয়লাভ করা এবং বিদেশ হতে স্বর্ণ আহরণ করা। কাজেই দেখা যাচ্ছে এরা বাস্তবতায় স্বর্ণ পরিত্যাগ করেন নাই। নিজের দেশের বা সাম্রাজ্যের মধ্যে নোটের বিনিময়ে স্বর্ণ মুদ্রা দেবার আইনসম্মত দায়িত্ব হতেই শুধু এরা নিজেদের মুক্ত করে নিয়েছিলেন; কিন্তু প্রকৃতপক্ষে স্বর্ণের ব্যবহার নিজেদের নিয়ন্ত্রণের গভীর মধ্যে বন্ধ করেন নাই। বরঞ্চ স্বর্ণের প্রতি অতিলাভ ও তার উপর অধিকতর নির্ভরশীলতার জগতই বিদেশ হতে স্বর্ণ সংগ্রহের উদ্দেশ্যে এ পথ অবলম্বন করেছিলেন।

এখানে জার্মানি ও কৃষিয়ার এই সময়কার অবস্থাটা বোঝবার চেষ্টা করা যাক। ১৯২৪ সালে জার্মানির মার্ক মুদ্রা ফলুতে ফলুতে যখন একেবারে ফেটে পড়ে গতায়ু হল, তখন জার্মানি নতুন করে ১৯২৫ সালে মার্ক মুদ্রা সৃষ্টি করলো। অর্থাৎ দুনিয়ার দরবারে একান্ত মূল্যহীন ও অপদার্প পুরাতন মার্ককে বাতিল ও অচল করে দিয়ে হালখাতায় নতুন মার্ক দিয়ে নতুন হিসাব খুলে। এই নতুন মার্ক কি স্বর্ণের, না, পূর্বের মত শুধু কাগজের? একেবারে স্বর্ণবিহীন কাগজের মার্ক দিয়ে কাজ চালান তার পক্ষে সম্ভব ছিল না—অসম্ভবত: তখন পর্যন্ত। কারণ তখন লড়াইয়ের পর সব দেশেই পুন: স্বর্ণমানে প্রত্যাবর্তন করেছে। দ্বিতীয়ত: শিল্প প্রধান, বহির্বাণিজ্যের উপর নির্ভরশীল ক্রেডিট-বিহীন জার্মানিকে বিদেশীরা স্বর্ণ ছাড়া মাল বেচবে না। তৃতীয়ত: দেশের লোকের মনে ধানিকটা আশা ও আস্থা আনতে হলে, তাদের সম্মুখে তাদের অত্যন্ত চিরপরিচিত স্বর্ণমুদ্রা আবার উপস্থিত করা প্রয়োজন। চতুর্থত: বিদেশের নিকট মুদ্রার বিরাট দেনা ও দেণ্ডের টাকা স্বর্ণ দিয়ে দিতে হবে—তারা জার্মানির পণ্যের বিনিময়ে তাকে ঋণগ্রহণ করবে না। তাই জার্মানি তার দেশের রেলওয়ে বাঁধা দিয়ে আমেরিকা থেকে স্বর্ণ ধার করে ১৯২৫ সালে নতুন করে স্বর্ণমার্কের সৃষ্টি করতে বাধ্য হয়। ইংলণ্ড ও সেই সময়ে তাকে শতকরা ৮ টাকা সুদে বহু অর্থ ধার দিয়েছিল, যাতে কৃষিয়ার 'বোলশেভিক্স' ও ফ্রান্সের বর্ধিত শক্তির বিপক্ষে প্রয়োজন হলে একটা তৃতীয় পক্ষকে ঠাঁড় করান যায়। এত উচ্চ সুদে টাকা ধার করে দেশের কৃষি ও শিল্পের পুন: প্রতিষ্ঠা ও উন্নতিসাধন জার্মানির মত কর্মকুশল জাতির পক্ষেও বিশেষ সুবিধাজনক হয় নাই এবং তাকে ১৯৩১ সাল পর্যন্ত নানা প্রকার দুর্ভোগ ও অন্তর্বির্ভবের অগ্নিপরীকার ভিতর দিয়েই চলতে হয়। সেই সময়ে ইংলণ্ড যখন স্বর্ণমান পরিত্যাগ করে তখন অন্যান্য দেশের সহিত জার্মানিও সেই পথ অবলম্বন করে হাফ ছেড়ে বাঁচে। পূর্বেই বলেছি, স্বর্ণমান পরিত্যাগ করার অর্থ স্বর্ণকে একেবারে পরিত্যাগ করা নয়—প্রত্যেক নোটের বিনিময়ে স্বদেশে স্বর্ণ দিবার আইন-সম্মত দায়িত্ব হতে শুধু মুক্তি লাভ করা। যাঁ হোক, শাস্তির সময়ে পৃথিবীর অজুতম শ্রেষ্ঠ ধনী ও সম্পদশালী ইংলণ্ডের পক্ষে স্বর্ণমান পরিত্যাগ এবং অন্যান্য দেশকর্তৃক তার পদাঙ্কানুসরণ স্বর্ণমানের ইতিহাসে একটা

অভূতপূর্ব ও অরণীয় ঘটনা—যা' ধনতান্ত্রিক যন্ত্র এবং তার বাহন স্বর্ণের ভবিষ্যৎ দুর্ভাগ্যের পরিষ্কার সূচনা করে।

এই সময়েই জার্মানিতে হিটলারের আবির্ভাব ও ক্ষমতালাভের সূত্রপাত। অবস্থার দায়ে জার্মানিকে মুক্তার জন্ত স্বর্ণের আধিপত্য বাধ্য হয়ে স্বীকার কতে' হলেও রুশিয়াকে তা' কতে' হয় নাই। কারণ রুশিয়ার ১৯১৯ সালের ঐতিহাসিক বিপ্লবের মূল নীতিই ছিল অর্থ বা স্বর্ণ-বিরোধী। সোস্যালিজম প্রতিষ্ঠা করে মুক্তার সাহায্যে পণ্য বিনিময়ের পরিবর্তে দেশের প্রত্যেক অধিবাসী রাষ্ট্রের অধীনে কাজ করে পণ্য উৎপাদন করবে এবং নিজ নিজ প্রয়োজনানুযায়ী উৎপন্ন পণ্য ভোগ করবার অধিকারী হবে, এই ছিল পৃথিবীর শ্রেষ্ঠ বিপ্লবী লেনিন ও তাঁহার সহকর্মীদের উদ্দেশ্য। কাগজের নোট সেখানে নামোমাত্র রাখা হয়েছিল আয়-ব্যয়ের হিসাব ও পণ্যের মূল্য নিরূপণের শুধু একটা মাপকাঠি হিসাবে। রুশিয়া কৃষি প্রধান দেশ ও সর্ববিধ নৈসর্গিক সম্পদের অধিকারী হওয়ার দরুণই এই ব্যবস্থা অবলম্বন করা তাঁহার পক্ষে সহজসাধ্য হয়েছিল। কারণ বর্হিবাণিজ্য শিল্পজাত পণ্য বিক্রয় যতটা কঠিন, কৃষিজাত পণ্য বিক্রয় ততটা কঠিন নয়। বিদেশ হতে তাকে যে সব কলকল্লা, যন্ত্রপাতি ও অস্ত্রাস্ত্র নিত্যন্ত প্রয়োজনীয় শিল্পদ্রব্য আমদানি করতে হত, তার মূল্য সে স্বর্ণ দ্বারা না দিয়ে কৃষিজাত পণ্য দ্বারা পরিশোধ করত। তার দেশের লোককে মজুরিস্বরূপ অর্থ দিয়ে পণ্য উৎপাদন কতে' হয়নি বলে সে অল্প দেশের তুলনায় সহজেই তার কৃষি-সম্পদ বিদেশে সম্ভায় বিক্রি করতে পারত। তাই অর্থ বা স্বর্ণকে একেবারে বাদ দিয়ে যে ব্যবস্থা চালান রুশিয়ার পক্ষে সম্ভবপর হয়েছিল জার্মানির পক্ষে ইচ্ছা সত্ত্বেও তা' সম্ভবপর ছিল না। তা ছাড়া যদিও হিটলার পূর্ণ ক্ষমতা লাভ করার পর দেশের অনেক বড় বড় শিল্প-প্রতিষ্ঠানকে রাষ্ট্রের প্রয়োজনে নিজ কর্তৃত্বাধীনে এনেছিলেন, তা' হলেও দেশ হতে রুশিয়ার যত ব্যক্তিগত ধনাদিকার বা শিল্প-প্রচেষ্টার বিলোপ সাধন করেন নি। এই অবস্থাতাকে সমাজতন্ত্র ও ধনতন্ত্রের মারামারি একটা অবস্থা বলা যেতে পারে। একদিকে হিটলার দেশের ক্রমবর্ধমান ও শক্তিশালী কম্যুনিষ্টপাটিকে নির্ধূরভাবে দমন করলেও কম্যুনিজমের নীতিকে সম্পূর্ণ বর্জন করেন নি। অতীতের আবার দেশের পুঁজিবাদী ও শিল্পপতিদের সকলকে খারিজ করে দিয়ে তাঁদেরও চটান নি। তিনি চেষ্টা করছিলেন, দেশের ধনিক ও শ্রমিক উভয় শ্রেণীকেই হাতে রেখে, জার্মান জাতির বিশেষ কৌলীজ বা আভিজাত্যের দোহাই দিয়ে দেশের চরম দুর্বস্থার মোড় ঘুরিয়ে দিতে। তাই সর্বসাধারণের নিকট জিনিসটাকে লোভনীয় করে তুলবার জন্ত তিনি এই নীতির নাম দিয়েছিলেন জাতীয় সমাজতন্ত্রবাদ (National Socialism)

রুশিয়ার আদি ও অকৃত্রিম সমাজতন্ত্রবাদের সঙ্গে এর পার্থক্য হচ্ছে এই যে, ধনতন্ত্রবাদের জুলুমবাজি হতে সমস্ত দুনিয়ার রুহক ও শ্রমিকের মুক্তির দায়িত্ব গ্রহণ না করে জার্মানী অধু নিজের দেশের রুহক ও শ্রমিকের মুক্তির দায়িত্ব গ্রহণ কতে' চাচ্ছে। তবে মোটের উপর একথা অস্বীকার করা যায় না যে, race superiorityর মারাত্মক অহংমতিকে বাদ দিলে রুশিয়ার সঙ্গে জার্মানির সামাজিক, অর্থনৈতিক, ও রাজ-নৈতিক ক্ষেত্রে সাদৃশ্য দেখা যায় অনেক বেশী। যেটুকু বৈষম্য ছিল তার মূলে ছিল ভৌগোলিক কারণ। বিশালকায়, প্রাকৃতিক সম্পদশালী রুশিয়ার পক্ষে অল্প দেশের সহিত বিজিত-সম্বন্ধ ও আত্ম-সর্বস্ব হয়ে নিজের ঘর সামলানো ও জগতের মুক্তির কথা ভাবা যত সহজসাধ্য ছিল, এই সব অমূল্য অবস্থার অভাবে



জার্মানির পক্ষে তা' একেবারেই সম্ভব ছিল না। বৈদেশিক বাণিজ্য তিন্ন তার পক্ষে বেঁচে থাকা অসম্ভব অথচ তার জ্ঞাত তার না ছিল ভূমি, না ছিল স্বর্ণ। সমুদ্র-খী, সমাবস্থাপন্ন কতকগুলি দেশ বা জাতিকে হাং করতে না পারলে, পরম্পরের অবিধামত নিজেদের মধ্যে বাণিজ্য-চুক্তি দ্বারা পণ্য বিনিময়ের সাহায্যে বৈদেশিক ব্যবসা-বাণিজ্য চালানো সম্ভব নয়। তাই পুরাতন আর্থিক ব্যবস্থার বিরুদ্ধে হিটলারের এই ভয়ানক গাত্রদাহ, জার্মানির এই ভয়ঙ্কর বর্তমান বুদ্ধ অভিযান, এবং পৃথিবীর স্বর্ণহীন, বিস্তীর্ণ দেশ সমূহের সম্মুখে এই নব-বিধান (new order) প্রতিষ্ঠা সঙ্কল্পের সু-উচ্চ ঘোষণা। কতকগুলি দেশের সঙ্গে পণ্য বিনিময়ের পারস্পরিক চুক্তির সাহায্যেই স্বর্ণহীন জার্মানি এই নরমেধ যন্ত্রের কল্পনাভীত বিপুল ব্যয়ভার বহন করে যাচ্ছে। সেইজন্মই হিটলার বারবার বড় গলায় বলছে, "labour is my gold" (কর্মক্ষমতাই আমার স্বর্ণ)... "বুদ্ধের ফলাফল আর যাই ঘটুক না কেন, দুনিয়ার রঙ্গক্ষেত্রে স্বর্ণকে আর ফিরে আসতে হচ্ছে না।" ভবিষ্যতে আভ্যন্তরিক ও আন্তর্জাতিক ব্যবসা-বাণিজ্যের ক্ষেত্রে হতে স্বর্ণকে বিতাড়িত করে বিভিন্ন দেশের মধ্যে আপোষ চুক্তির দ্বারা পণ্য বিনিময়ের সাহায্যে বাজ কর্ম চালানোই হিটলারের উদ্দেশ্য। তাঁর এই অভিলাষ যদি সিদ্ধ হয়, তা' হলে পর্বত-প্রমাণ স্বর্ণ সঞ্চয় করে আমেরিকা আজ যে মধুর স্বপ্ন দেখছে তা অনেকখানি ধুলিসাং হবে। অবশ্য চারিদিকের অবস্থা এমন অদ্ভুতভাবে জট পাকিয়ে উঠছে যে তার ভেতর থেকে ভাবীকাল কোন্ রূপ নিয়ে আত্ম-প্রকাশ করবে তা অনুমান করাও কঠিন। কারণ তর্কের খাতিরে জার্মানির জয়লাভ যদি আমরা স্বীকার করেওনি, তা'হলে ভূমি ও স্বর্ণ লাভের রক্ত দুয়ার উন্মুক্ত হবার পর সে যে তার হৃদ্বিনের সঙ্কল্প ও প্রতিশ্রুতি পালন করবে তার নিশ্চয়তা কি? অতীতের জার্মানির পরাজয় ঘটলেও বর্তমান এংলো-আমেরিকান মৈত্রীর মধ্যে ভবিষ্যৎ বিচ্ছেদ ও নতুন সঙ্কটের বীজ যে এই সময়েই রোপিত হচ্ছে না তাই বা কে জানে? কারণ এই জীবন-মরণ লড়াইয়ে জয়লাভের জ্ঞাত ইংলণ্ডকে যে কল্পনাভীত মূল্য দিতে হচ্ছে তার অনেকখানিই যাচ্ছে আমেরিকার বিরূপ ঋণে। সুতরাং, এই বুদ্ধ ইংলণ্ডের অমুকূলে নিষ্পত্তি হলেও সারা ইউরোপে আবার যে অভিশপ্ত হাচাকারের সৃষ্টি হবে তা' নির্বাচিত করবার দায়িত্ব তখন পড়বে একমাত্র আমেরিকার উপর। আমেরিকা যদি তখন স্বেচ্ছায় ও স্বরুদ্ধচিত্তে তার স্বর্ণ-পাহাড়ের একটা বড় অংশ দান বা ঋণ হিসাবে প্রত্যর্পণ না করে, তা'হলে তাকে সম্পূর্ণ একঘরে হয়ে যেক্ষের মত নিফল স্বর্ণসিন্দুক পাহারা দিতে হবে। বুটেন ও ব্রিটিশ সাম্রাজ্যকেও সে তখন দলে টানতে পারবে কিনা সন্দেহ। সুতরাং বুদ্ধ জার্মানির জয় (যা কখনো সম্ভব নয়) বা পরাজয় যাই হোক, নিকট ভবিষ্যতে আর্থিক জগতে স্বর্ণের প্রভুত্ব ও মহিমা আরো অনেকখানি ক্ষুণ্ণ হবার সম্ভাবনা। স্বর্ণমান ত গত বুদ্ধের ফলে পূর্বেই মরেছে, এখন এই বুদ্ধের পর স্বর্ণ বাঁচলে হয়।

গত বুদ্ধে মুদ্রা-সম্প্রসারণ নীতির কথা দিয়ে প্রবন্ধ শুরু করা গিয়েছিল। এবারকার বুদ্ধে সে সম্পর্কে কি ব্যবস্থা চলছে তৎসম্বন্ধে দু'চারটি কথা বলে প্রবন্ধ শেষ করছি। গতবারের অত্যধিক অর্থ-সম্প্রসারণ নীতির কুফল পরবর্তী কালে এমন একটা ভয়াবহ বিশ্বব্যাপী ব্যবসা-মন্দার সৃষ্টি করেছিল যার স্মৃতি আজও এমন সুস্পষ্ট রয়েছে যে সকল দেশই তাই এবার আর্থিক ব্যাপারে অতি সতর্কপণে কাজ করছে। অবশ্য বুদ্ধের অতিরিক্ত খরচের দাবী মেটাবার জ্ঞাত মুদ্রা সম্প্রসারণকে একেবারে বাদ দিয়ে কেউ চলতে পারছে না বটে; কিন্তু তাকে যথাসাধ্য সীমার মধ্যে রাখতে সবাই চেষ্টা করছে। ভারতবর্ষে গতবারের মত এবারও

১. টাকার নোট চলছে সত্য, কিন্তু তার সঙ্গে সঙ্গে রৌপ্য মুদ্রা, অন্ততঃ এখন পর্যন্ত, একেবারে দ্বন্দ্বাপ্য হয়ে ওঠে নি। তা' ছাড়া গতবার ক্রমান্বয়ে উচ্চতর স্তরে গবর্ণমেন্টের তরফ হতে ঋণ গ্রহণ করে টাকা তুলবার যে ত্রিডিক পড়ে গিয়েছিল সে পছন্দ এবার যথাসম্ভব পরিহার করে চলা হচ্ছে। 'ডিফেন্স বণ্ডে' টাকা ধার দেবার জ্ঞান সর্বসাধারণের নিকট যে আবেদন উপস্থিত করা হচ্ছে তার স্রুদ পূর্বাংক্ষা বৃদ্ধি করা হয় নি। এভাবে মুদ্রা-সম্প্রসারণকে যথাসম্ভব দমিয়ে রেখে এবার গতবারের মত জনসাধারণের পক্ষে সম্ভা অতিরিক্ত অর্থোপায়ের পথ যেমন বন্ধ করে দেওয়া হচ্ছে, তেমনি অত্মদিকে যুদ্ধের দরুণ অত্যধিক মূল্যবৃদ্ধির প্রবণতা ও ব্যবসাদারদের 'এফিটিয়ারিং' প্রযুক্তিকে এবার গবর্ণমেন্টের পক্ষ হতে কড়া ভাবে নিয়ন্ত্রণ করবার চেষ্টা প্রথমাবধি চলছে—যদিও সে চেষ্টা সবতোভাবে সফলকাম হয় নি। যুদ্ধের অতিরিক্ত ব্যয় সঙ্কুলনের জ্ঞান ধনী ও সর্বসাধারণের উপর নূতন নূতন প্রত্যক্ষ ও পরোক্ষ কর (tax) ধার্যকরে অর্থের সংস্থান করবার চেষ্টাই এবার প্রধানতঃ চলছে। ঋণ না করে অতিরিক্ত ট্যাক্সের সাহায্যে অর্থ সংগ্রহের একটা সুবিধা এই যে, ঋণের স্রুদ চলতে থাকে এবং জনসাধারণকে দীর্ঘকাল তার জের টানতে হয়। দ্বিতীয়তঃ গবর্ণমেন্ট পুনঃ পুনঃ উচ্চতর স্তরে টাকা ধার কতে স্রুদ করলে ব্যবসায়িক্রে ও টাকার বাজারে একটা ভয়ঙ্কর বিশৃঙ্খলা উপস্থিত হয়। ইংরেজ গবর্ণমেন্ট তাই গতবারের শিক্ষা গ্রহণ করেছেন বলে মনে হয়। আমাদের পক্ষে সেটা অনেকটা মন্দের ভাল বলতে হবে।





পুলকেশ দে সরকার

নিউ থিয়েটার্সের “পরিচয়” ছবিতে একটা দৃশ্য আছে। “আনন্দ বাজার পত্রিকার” রোটারী চলছে আর তারপরেই তাকে উঠছে মোটা মোটা বাধান সাহিত্য। ছবির পরিচালনা হিসাবে দৃশ্যটা অচল, কাহিনীটাও সাইগলের চেহারার মত ডালু। কিন্তু ওতে একটা সত্য ঐ ভুলের ফাঁক দিয়ে প্রকাশ পেয়েছে। একথা সত্য, সাহিত্য না হোক সাহিত্যের বাহন যে ভাষা—বাংলাভাষা—তা’ আনন্দবাজার পত্রিকার রোটারীতেই জন্মাচ্ছে। আনন্দবাজার পত্রিকার প্রতি বিশেষ মোহবশতঃ যে একথা বলছি তা’ নয়। আনন্দ-বাজার পত্রিকাকে আমি বাংলা দৈনিকের প্রতীক বলে ধরছি ; প্রতিষ্ঠান ও প্রচারের দিক থেকে এ কাগজটি নিঃসন্দেহে শ্রেষ্ঠতম। তবুও আমার মূল বক্তব্য হ’চ্ছে দৈনিকের ভাষার। এ ভাষা সম্পাদকীয়েও বিশেষভাবে পাওয়া যাবে না ; তা আজও প্রাচীন-পন্থী। অবশ্য এর একমাত্র ব্যতিক্রম “ক্লক”—এর সম্পাদকীয় ভাষাও চিরাচরিত রীতি থেকে সম্পূর্ণ পৃথক।

ভাষা সৃষ্টি সেখানে নয়। সংবাদের পাতায় সে ভাষার খোঁজ মিলবে। যেখানে আছে স্নিৎসক্রিগ প্যাজার, কনভয়, ইন্সেন্-ডায়ারী বোমা ! যেখানে জাপানী অ্যাসেট ফ্রিজ করে, যেখানে মবিলিজেসান হয়, মিলিটারী অবজেকটিভসের ওপর ডিরেক্ট হিট হয়।

সাহিত্যিকদের এ বালাই নেই ; এ ভাবচুরি বা ছায়াবলম্বনের কাজ নয় বা যেখানে ইংরিজীটা ভাল লাগে তা লাগিয়ে দিয়ে খালাস হওয়া নয়। এখানে প্যারাসুট আছে, প্যারাসুট আছে, প্যারাটুপ্‌সের তো কথাই নেই। মার্কিনের লিড আও লেও আইন, ইংরেজের স্টার্লিং এরিয়া আছে, এক্সিস আছে, এক্সিস ড্রাইভ আছে। সাহিত্যিকদের এসব দৈনন্দিন বালাই নেই।

আর কারও যে আছে তাই বা বলি কি করে? মাতৃভাষাকে শিক্ষার বাহন ক'রতে হবে তাই নিয়ে বিশ্ববিদ্যালয়ে যেন একটা খেলা হ'য়ে গেল। শিক্ষার নামে এতবড় একটা বিরাট কঁাকি যে হ'তে পারে পরিভাষা 'খেলার' আগে সে ধারণা আমাদের ছিল না; আর তেমনি ধরা পড়েছে অধ্যাপকদের বিপুল অজ্ঞতা। ইংরিজী শিক্ষায় তাঁরা এতই পেকে গেছেন যে বাংলা পরিভাষা তাঁদের দিয়ে অসম্ভব। হ'য়েছে ও তাই। যিনি বা ধারা ছুটো চারটে সংস্কৃত শব্দ জানেন তা উজাড় ক'রে দিয়েই সরে পড়েছেন। অর্থনীতি থেকে স্তর ক'রে শূন্যতায় পৌঁছান আপনি যাই কেন লিখতে যান না ওঁদের পরিভাষার তালিকা আপনাকে এতটুকু সাহায্য ক'রবে না। আপনি যে শব্দটি খুঁজবেন, দেখবেন ঠিক সেইটিই চতুর অধ্যাপকেরা এড়িয়ে গেছেন। বিশ্ববিদ্যালয়ের সময়ে চেষ্টা করে পাক, যিনি ইকনমিক্সের প্রফেসর, তাঁর কাছে ধনী দিয়ে পড়লে তিনি বড় জোর একটা ইংরিজী প্রবন্ধ দিতে পারেন কিন্তু বাংলায় অর্থনীতি সম্বন্ধে লিখতে বললে তাঁর সময়ের নিত্য অভাব হবে। যিনি রাজনীতি পড়ান—অত কেন, যিনি আইন পড়ান তাঁকে বলুন তো আগাগোড়া বাংলা পরিভাষায় একটা মামলার বিবরণ লিখে দিতে। জীবিতত্ত্ব, প্রাণিবিজ্ঞান, পদার্থবিজ্ঞানের তো কথাই নেই। কাজেই অধ্যাপক বা বিশ্ববিদ্যালয়ের কথা পাক। অথচ, চেষ্টা করলে তাঁরাই পারতেন; অবসরও প্রচুর—দর্মাহাও নেহাৎ কম নয়। কিন্তু তাঁরা করবেন না।

করবেন না তার কারণ কমপ্লেক্স=মানসকুট। শিক্ষিত বলতে আমরা বুঝি ইংরিজী শিক্ষিত এবং বাংলা থেকে সর্বত্র ইংরিজীকেই প্রাধান্য দিয়ে থাকি—সেই মানসকুট। যিনি বাংলায় প্রবন্ধ লিখতে পারেন তিনি বেশ লেখেন; কিন্তু যিনি ইংরিজীতে লিখতে পারেন তিনি একেবারে 'আহা বেশ!' বাংলা প্রবন্ধ লেখার অক্ষমতাকে আমরা এভাবে চেপে ধাই। কিন্তু ইংরিজীটা কে বেশী জানে তখন প্রমাণ হয় তখন যখন কোন একটা ভাল ইংরিজীর প্রবন্ধ অনুবাদ ক'রতে হয়। যাকে অনুবাদ করতে হয় তাকে ইংরিজীর ব্যুৎপত্তিগত অর্থ, ধরণ পরিপূর্ণভাবে জানতে হয়—আর জানতে হয় পরিপূর্ণরূপে বাংলা। বাংলা দৈনিকের বাংলাবিশীরা বা উপেক্ষিত অনুবাদকেরা ইংরিজী দৈনিকের ইংরিজী নবিশদের চাইতে দ্বিগুণ কৃতিত্ব দাবী ক'রতে পারে। তাদের ইংরিজীও জানতে হয়, বাংলা ও জানতে হয় এবং অল্প জানলে চলে না, ভাল ভাবেই জানতে হয়। কিন্তু মজা এই ঐ মানসকুটের দরুণ আমরা এই সত্যটা ভুলে যাওয়াকেই গর্ব ও গৌরবের কারণ মনে করি। তাই একই কোম্পানীর বাংলা অনুবাদকের মাইনে যদি ধরি অতি কষ্টে ত্রিশ—তো ইংরিজী নবিশের মাইনে অতি সহজে ধরি পঞ্চাশ।

ইংরিজী ও বাংলা দৈনিকের সাব্‌এডিটরদের কাজের তুলনা ক'রলেই জিনিষটা আরও লজ্জাকর হবে। ইংরিজী সাব্‌এডিটর ইংরিজী সংবাদটাকে অনায়াসে প্রেসে পাঠিয়ে দিতে পারে; বাংলাবিশ পারেন না—তাকে অনুবাদ ক'রতে হবে। ইংরিজী নবিশকে ফরাসী বা জাপানী উচ্চারণ নিয়ে মাথা ঘামাতে হবে না, প্যাক্সার হবে, না প্যান্ডসার হবে ভাবতে হবে না বা ইংরিজীর গঠন কৌশল নিয়ে চুল ছিঁড়তে ও হবে না। জার্মান ভন না ফন, ফরাসী গ'য়েমেলিন না গায়েরী, রুশীয় Pskov, পাশ্চাত্য না স্কোভ, জাপানী টোয়োডো না টোজোদো, নিচি-নিচি গিমবুয় না বাম, রুজভেণ্টের "ফায়ার-সাইড চ্যাটটা" কি, চীনদেশের ওয়াং উই, মিশরের সাদিল, ইরাকের বেইরুট না বিরাট, তা নিয়ে মাথা ঘামাতে হয় না। ভাবতে হয় না, বাটলসিপ, ওয়ারশিপ, ফ্লিটে কোন তফাৎ আছে কি না। বাংলাবিশ তখন একাধারে চাকরী আর



বাংলাভাষার নিকুচি করছে। অনেক কেঁদে ফুঁফিয়ে যাছোক একটা অবোধ্য কিছু দাঁড়াল—এবার তার হেডিং; ইংরিজীনবিশ সংবাদ থেকেই ছ'টো ভাল শব্দ শীর্ষে তুলে দিয়ে ছুটা পেতে পারে, বাংলাবিশ সে ভাগ্য করে নি।

ওদিকে হুড়হুড় করে রোটারী চলছে; টকটক লাইনো চলছে; কপি চাই ব'লে প্রিন্টারের তাগিদ আসছে। স্পীড স্পীড! বাংলা-নবিশের ঘিনু বেরিয়ে আসতে চায়। এরই মধ্যে আসছে টেলি-প্রিন্টারের লাভপ্রবাহ : During the night of August 5th our troops continued fighting in the directions of kholm, Smolensk, Belaya-Tserkov and in the Estonian sector of the front.




প্রিন্টার তাগিদ দিচ্ছে 'স্পীড স্পীড' ভাববার সময় নেই।

In other directions and sectors of the front no major operations took place. In the Baltic sea our submarine sank an enemy transport with troops and munitions. Our air force continued to strike at enemy mechanised units and his infantry and artillery and against enemy aircraft on their aerodromes.

এবার বঙ্গমুদ্রা: troops সৈন্ত বা সৈন্তবাহিনী directions দিকে (?); তারপরে নামোচ্চারণ Belaya-Tserkov যার যা খুঁসি লিখুন। Estonian sector of the front; front কি রণাঙ্গন? যেখানে বিমান যুদ্ধ হচ্ছে সেটা কি তবে রণাকাশ? ভাববার সময় নেই, directions and sectors of the front রণাঙ্গনের অজ্ঞাত দিকে ও ভাগে; submarine সাবমেরিন; enemy transport with troops শত্রুপক্ষীয় সৈন্তবাহী জাহাজ কিন্তু troops না থাকলে? শুধু transport? তাতো নয় transport with troops and munitions—munition=গোলাবারুদ=সৈন্ত ও গোলা বারুদ সহ কি? জাহাজ? মালবাহী না যাত্রীবাহী—ship নয়, steamer নয়, barge নয়, শ্রেফ transport. যাক্গে চুলোয় our air force আমাদের বিমান বাহিনী বা বহর continued to strike (এখন লেখা চলবে না) at enemy mechanised units and his infantry and artillery and against enemy aircraft on their aerodromes=শত্রুপক্ষীয় যান্ত্রিক units? বাহিনী নয় সৈন্ত নয়, দল নয়, অংশ নয়, unit=ইউনিট কিন্তু যান্ত্রিকটাই বা কি—যাক্গে যান্ত্রিক বাহিনী, পদাতিক বাহিনী ও কামান বাহিনী এবং শত্রুপক্ষীয় বিমান ষাঁটির উপর আক্রমণ চালাইতে থাকে। aerodrome আর airbase এ তফাৎ কি? আমাদের কাছে ও ছ'টোই বিমান ষাঁটি অথচ ও ছ'টো এক কথা নয়, এক ব্যাপারও নয়।

এর পর Red army units লালফৌজ বাহিনী (?) inflicted heavy losses on the German 16th motorised division operating—division কে আর বাহিনী করা চলে না, ডিভিসানই রাখতে হবে, ডিভিসান সম্বন্ধে আমাদের কোন ধারণাই নেই—কি ক'রে থাকবে বলুন? যাত্রাগানের যুদ্ধ ছাড়া যারা যুদ্ধ দেখল না তারা এসব কি বুঝবে বলুন—অনুবাদকই বা কি বোঝাবে? তবে থাক্ ডিভিসান, অকৌহিনীর ব্যাপার নয় যে মহাভারত থেকে চম্, অনিকিনী এসব বসিয়ে দেব। ১৬ নং নয়, বোডিশ ডিভিসান=operating যুদ্ধ করিতেছে, কিন্তু operation মানেই যুদ্ধ নয়। তেমনি enemy activity=শত্রু-পক্ষীয় কমতৎপরতা কিন্তু ক্ষেত্রবিশেষে active হ'লে? অথবা ধরুন patrol activity.

আমুন সংগ্রামে কাঁপিয়ে পড়ি। Front কে রণাঙ্গন আর Battlefield কে যুদ্ধক্ষেত্র করা যাক্; attack এর নামে আক্রমণ চালাই আর raid এর নামে হানা দি; কিন্তু যেখানে raided থাকে সেখানে আর হানা দেওয়া সম্ভব নয় আক্রান্তই হ'তে হয়। মুখে এরোপ্লেন বললেও লিখতে হবে বিমান, কেননা দৈনিকে ওটাই চালু। তাই বিমান হানা দিলে anti-aircraft কে বিমান-ধ্বংসী কামান ক'রতে হবে। যদি পারেন destroy মারফৎ ওদের ধ্বংস করুন না হয় brought down কে পাতিত করুন। চোখ বুঁজে ভূপাতিত করা মুস্তিল, কেন না অনেকগুলো জল-পাতিতও হয়; অতএব যে পতিত তাকে পাতিত করাই ভাল, ল্যাঠা চুকে যায়। Planes, aircraft=সবই বিমান। কিন্তু seaplane কি, সামুদ্রিক বিমান



আমুন সংগ্রামে কাঁপিয়ে পড়ি

নিশ্চয়ই নয়, অতএব Seaplane সিপ্লেনই। Fighter=জঙ্গী বিমান, Bomber=বোমার্ক বিমান, Dive-bomber? বাজ-বোমার্ক? waves of planes=বিমানের ঢেউ অসম্ভব, বিমানের ঝাঁক কিন্তু groups of planes? সেও তো ঝাঁক। এরা চায় mass attack ক'রতে, ভার মানে কি সমবেত ভাবে না যুগ্মবদ্ধভাবে? না, একযোগে? তাহ'লে individual planes কি বলব? বিচ্ছিন্ন, ছত্রভঙ্গ, একক? বিক্ষিপ্ত। একটারও মানে হয় না। Break through—ঝাঁকতালে যাবার উপায় নেই; বাধা উপেক্ষা ক'রে যেতে পারেন, কাটিয়ে ও যেতে পারেন। কিন্তু দেখুন Balloon barrage আছে, Night fighter এর নৈশ জঙ্গীবিমান আছে। ওরা সব military objectives এ যে সামরিক লক্ষ্য বস্তু আছে তাতে direct hit ক'রে সরাসরি বোমা ফেলছে। ফলে civilian বে-সামরিক ব্যক্তিদের মধ্যে casualty=হতাহত? কিন্তু কেবল আহত

অবস্থাও তো casualty, ম'রতে হবে কেন? উপায় নেই। সে কি যে সে বোমা? তারা সব incendiary = আগ্নেয় বোমা আর high explosive = অতি বিস্ফোরক বোমা। Time bomb, delayed bomb এর কথা আজকাল আর শোনা যায় না—বাঁচা গেছে। কিন্তু মরেছি A. R. P. আর ফায়ার ব্রিগেড নিয়ে; আজকাল আবার passive defence corps দেখা দিচ্ছে; যদি বলি বিমান আক্রমণ প্রতিকার তবে A. R. P. volunteer কে নিয়ে মুন্সিলে পড়ি। ফায়ার ব্রিগেড চোখের জল দেখে লজ্জা পায়। তবু National Defence work এ নেমে আত্মপক্ষ সমর্থন নয়, দেশরক্ষার কাজে লাগতে হবে কিন্তু এমনই দুর্ভাগ্য Defensive operation এ নেমে অন্ধকার দেখি যখন defence কে বিশেষণ ক'রে production উৎপাদন ইত্যাদি দেখা দেয়। কাজেই এই যে war effort এর বৃদ্ধ প্রচেষ্টা বা war materials = রণবস্তু জোগাড়ের চেষ্টা তা দেশে যে resource ভাণ্ডার (!) আছে তাকেই tap ক'রতে হবে exploit ক'রতে হবে, utilise ক'রতে হবে।

তবু আসে ঐ অতি ভৈরব হরমে নিদারুণ ঐ ব্রিৎসক্রিগের তড়িতাক্রমণ কিন্তু ব্রিৎস-এয়ার সামলাই কি দিয়ে বলুন না? আসে প্যাজার আসে পিনসারের সাঁড়াশি! ভয় হয় encirclement এর ঘেরাও বা



তবু আসে ঐ অতি ভৈরব হরমে ব্রিৎসক্রিগের আক্রমণ।

কেন্দ্রে collapse = কোলাপ্স। ব্যস এবার নিন, বন্দী করুন, মেশিনগান, সাবমেশিনগান, মাইনথ্রোয়ার সব আত্মসাৎ করুন, নইলে কলের গান (গ্রামোফোন?) অর্বকলের কামান, মাইন নিক্ষেপক কোনটাই বাংলায় হজম হবে না। ওদের Communication = আদান প্রদান (?) বন্ধ, Communication line = যাতায়াতের পথ (?), রুদ্ধ, তা' ছাড়া supply base = সরবরাহ খাঁটি থেকে advanced unit = অগ্রসর দল বহুদূরে।

অবরোধে শত্রুপক্ষের চর্যতো বা bloody losses হবে “রক্তাক্ত ক্ষতি” কে হাসার অবসর না দিয়ে বিপুল বা নিদারুণ ক্ষয়। আসছে tank টাঙ্কেপে, armoured car বা unit সাজোয়া গাড়ী বা বাহিনী-রূপে। আত্মক না camouflage এর বিভ্রান্তকারী কাকিঝু'কির সাহায্যে শেষটায় rear-guard action চালাবে না অপরাধক? তার কি হবে? হবে আর কি শত্রুপক্ষ collapse ক'রবে। এতো আর ঘরবাড়ী collapse নয় যে ধ্বংসে যাবে বা মালুম নয় যে নেতিয়ে পড়বে, অথচ এ কিন্তু শত্রুর ভেঙে পড়াও নয় পরাজয় ও নয়—সংগ্রাম-

এদিকে প্রথম আক্রমণের চোট সামলে লালফোজের mobilisation সমাবেশ ? প্রস্তুতি ?—শেষ হ'ল বলে ; তারপর ওরা ক'রবে counter attack = পাল্টা আক্রমণ। শত্রুরা অবশ্য সৈন্য re-inforcement ক'রতে পারে, মানে কি, না, আরও সৈন্য আমদানী করতে পারে ; এক কথায় সৈন্যবৃদ্ধি, এছাড়া আর কি করুব বলুন ? ওরা হ'চ্ছে invading party তাই আক্রমণকারী, তবে aggressor এর কি হবে. কি হবে attacking party র ? তবে পাচ্ছি না, invasion কে অভিযান বলব কি না, তবে ইংলণ্ড অভিযান আর এভারেট অভিযান যে একাকার হ'য়ে যায়—মস্ত adventure. রোমান্স, রোমান্টিক, ক্লাসিকালের মত পরদেশীয়া। যাই হোক invasion এর আগে evacuation দরকার—কি করুব—অপসারণ ? কবরেজী রেচক তো আর বলতে পারি না। স্থানান্তর করণ বড় জবরদস্তি—বড় গুরু ও চণ্ডালের সংমিশ্রণ। Refugee আশ্রয় প্রার্থীই হউক। Dugout বা Dug-in গর্তে পড়ে

মরুক চলুন আমরা মাটি ছেড়ে জলে যাই। নাইবা চড়্লাম amphibian tank এ ; Heavy বা Light ভারী (?) না বৃহৎ, হালকা (?) না ছোট ট্যাঙ্ক জলে চলে না, উভচর ট্যাঙ্ক চলে কিন্তু ও থাক, আত্মন Warship, Battleship = রণতরী বা fleet = নৌবহরে উঠি। Harbour বন্দর, না Port বন্দর ; Dock—ডাক, Dry Dock শুকনো (!) ডাক, না, ডাঙার ডাক ; তবে Dockyard = জাহাজ কারখানা ? Navy নিশ্চয়ই নৌবাহিনী ; এর আবার Destroyer আছে, Cruiser



ভেঙে পড়াও নয়, পরাজয়ও নয়
সংগ্রাম ক্ষেত্রে collapse = কোলাপ্স

আছে (cruise, cruising আছে) ; এ ছাড়া merchantmen, cargoship, transport, tanker, barge থেকে বাণিজ্য জাহাজ, মালবাহী জাহাজ, তৈলবাহী জাহাজ, বজরা বের ক'রতে হবে। চারিদিকে শত্রুর অবদী নেই—টপেঁড়ো বোট, সাবমেরিন, ডেপ্‌থ্‌ চার্জ, মাইন আছে—তাদেরকে ঝেঁটে লাভ নেই, বড় জোর মাইন লেয়ারের বদল মাইন স্ট্রীপার কাজে লাগাতে পারি। কিন্তু ঐ পর্তুগীজ—ওরা বিদেশী বন্ধু।

যুদ্ধের ঘোঁরা ছেড়ে চলুন Foreign office এর পররাষ্ট্র দপ্তরে যাই ; সেখানে হয়তো পররাষ্ট্র সচিব (minister) আছেন ; আবার অনেক ambassador বা minister আছেন ধারা উভয়েই রাষ্ট্রদূত। (Secretary of State for India = ভারতসচিব) পররাষ্ট্র দপ্তর, বৈদেশিক বিভাগ, দৌত্যবিভাগ। consulate, consul general এর অফিস, কিন্তু Embassyর ambassador, minister যদি বা রাষ্ট্রদূত হয় consul কনসালই। অথচ military attache হয়েছেন দৌত্যবিভাগের সামরিক সহকারী। এদের কার যে কি position মর্যাদা, কার যে কি status = পদগৌরব (?) তা আমাদের মত অনভিজ্ঞ রাজনীতিকদের (রাজনৈতিকদের নয়) পক্ষে বলা শক্ত ; কারণ এঁরা official হ'লেও officer নন ; কেননা officer



যদি কর্মচারী হয় তবে সামরিক officer তো সামরিক কর্মচারী হ'তে পারে না। তাঁরা অফিসারই থাকবেন ; Govt. officials হ'লে গভর্নমেন্ট কর্তৃপক্ষ হবেন। আবার authorities ও কর্তৃপক্ষ বা কর্তৃপক্ষ মহল। Politics=রাজনীতি ; Political leader=রাজনৈতিক নেতা ; political shibboleth=রাজনৈতিক (দলবিশেষের) বুলি। আপদ কালে এঁরাই morale=মেরুদণ্ড (৭) সঙ্কল্প (৭) ঠিক রাখেন বা ভাঙেন। কেননা এঁদেরই মধ্যে কারা যে Fifth column=বিভীষণ বাহিনী (পঞ্চম বাহিনী নয়, আমাদের আর চারটে বাহিনী সম্বন্ধে ধারণা থাকত, তবে না ?) তা ঐ আপদ কালে জানা যায় ; বিদেশী গভর্নমেন্ট খুসীমত সহস্র security prisoner=(নিরাপত্তা রক্ষার্থে আটকবন্দী !!!) ক'রলেই তাদের ও ঐ কলঙ্ক হবে এমন কোন কথা নেই ; বরং ওরা detenu র মতই সিকিউরিটি বন্দী হ'য়ে থাক। বিভিন্ন রাষ্ট্রের মধ্যে কূটনৈতিক সম্পর্ক থাকে, তাই থেকে কূটনীতিজ্ঞদের অবস্থার আর তাঁদের Diplomatic mail bag কূটনীতির চিহ্নির থলি (?) থাকে ; তাঁদের ও হয়তো আবার C. C. বা Private Secretary=খাস সেক্রেটারী (গোপন বা ব্যক্তিগত সম্পাদক নয়) থাকে ; বড় বড় কর্তাদের personal envoy=খাসদূত থাকে—যেমন প্রেসিডেন্ট রুজভেল্টের হারি হপকিন্স ছিলেন। President সভাপতি কিন্তু রুজভেল্ট সভাপতি নন, প্রেসিডেন্ট ; Chairman = সভাপতি কিন্তু President আর Chairman এক জায়গায় হ'লে গোলে হরিবল হবে। অতএব রুজভেল্ট ছাড়া অজ্ঞা কোথাও যদিও বা President=সভাপতি হয় Chairman কে চেয়ারম্যানই থাকতে দিন। ওরা election কে নির্বাচন ক'রলেও vote কে ভোটই রেখেছেন, এমন কি কাটিং ভোট পর্যন্ত। Premier, Prime minister, Chief minister সব প্রধান মন্ত্রীতে একাকার। এঁদের পক্ষ থেকে announcement, declaration=ঘোষণা জারী হয়। অনেক লোকে মিলে conference=সম্মেলন হয়, এদের ছ'জনের মধ্যেও conference=সাক্ষাৎকার হয়, interview র প্রসাদে মোলাকাৎ ও ক'রতে পারেন। আপনাদের চাকরী confirmed=পাকা হোক না হোক এদের সংবাদ সরকারী ভাবে confirmed=সমর্থিত হওয়া চাই-ই। meeting সভা কিন্তু cabinet meeting=মন্ত্রিসভার অধিবেশন ; sitting ও অধিবেশন। সভার ফলাফল broadcast=বেতারে প্রচার হবে ; জায়গা বিশেষে বেতার বন্ধতা হবে আবার যেখানে Marshal Petain will broadcast a message=সেখানে মার্শাল পেত্যাঁ বেতার যোগে বাণী দিবেন বা প্রেরণ করিবেন ; (message=বাণী, বিবৃতি, বক্তৃতা) internal policy=আভ্যন্তরীণ নীতি কিন্তু minister for interior [for internal (home) affairs] হবেন স্বরাষ্ট্র সচিব (আভ্যন্তরীণ মন্ত্রী (!) নয়। রাষ্ট্রে-রাষ্ট্রে মতানৈক্য ঘটলে বিভিন্ন পণ্যস্রবোর ওপর একে অপরকে চাপ দেবার জ্ঞান embargo, prohibition, sanction এর আশ্রয় নেয়, কিন্তু বাংলায় এক নিষেধাজ্ঞা ছাড়া আর কিছু নেই। কিন্তু Demarche এর কি বাংলা হবে বলুন তো ; মনোভাব জ্ঞাপন করাকে মনোবিজ্ঞপ্তি বলা চলে না—শুধু বিজ্ঞপ্তি দিতে হয়। এই ধরুন না state of siege যদি অবরোধাবস্থা করি তবে encirclement কে অবরোধ কল্পাচলে না, ঘেরাও ক'রতে হয়।

উদাহরণ বাড়িয়ে লাভ নেই। রোটারীর স্পিডের সঙ্গে সঙ্গে এমনি দৈনন্দিন নিত্যব্যবহার্যের মত আমাদের ঘরে ঘরে নতুন শব্দ আসছে—সরকারী Black-outএর হুকুমে এসেছে দুর্নিরীক্ষ্য নিষ্প্রদীপ !

রাজনীতির দিগ্ভ্রম

অনিল চন্দ্র রায়

ভাবালুতার বিরুদ্ধে স্পীনোজা একদা ডাক দিয়ে বলেছিলেন, চোখের জল নয়, মিষ্টি হাসিও নয়, শুষ্ক বুদ্ধির চর্চা চাই : হৃদয় দিয়ে নয়, স্নায়ু দিয়ে নয়, শুকনো মগজ দিয়ে, “not to weep or laugh but to understand.” কিন্তু আমাদের এ দেশ নাকি শুধু রোমান্সেরই দেশ। এ পোড়া দেশের ট্রপিক্যাল আবহাওয়ায় নাকি মগজের চাষ হয় না ; এখানে কেবলি নরম ফুলের ফসল আর তরল মধুর চাষ হয় ; অর্থাৎ কেবলি হৃদয়ের তাপ আর স্নায়ুর জ্বলনী। এহেন দেশে বাস্তবের সঙ্গে ঠোকাঠুকির ইচ্ছা কোথা থেকে হবে ? এখানে বায়বলোকের অস্পষ্ট রঙ মেখে হাসিকান্নার খেলা খেলতে পারলেই হোল ! আর কিছু চাইনে !

অথচ আমরা নতুন যুগকে নির্মাণ করতে চাইছি, ইতিহাসকে আমরা নতুন করে সৃষ্টি কোরবো। কিন্তু ইতিহাসকে সৃজন করতে হলে চাই কালপুরুষের মতন অপার নির্মমতা ; পুরাণকে গুড়োগুড়ো করে, বর্তমানকে মথিত করে তবে তো নতুন ইতিহাসকে গড়তে হবে ! কোথায় সে অবিকম্প নির্ধুরতা, মমতাহীন নির্ণা ! “হৃদয়তাপের ভাবে-ভরা ফাল্গুণের” এ শব্দ কাজ কী করে করবে ? এরা তো একটা পিনের খোঁচাও সহ্যে না। কুলিশের মত ধারালো একাগ্রতা যেখানে চাই, সেখানে স্নায়ু-মত্ত বেতালের দল কী ইতিহাসকে তৈরী করবে ? এরা হিষ্টিরীকে কী গড়বে ? হিষ্টিরিয়াই এদের চিন্তকে গ্রাস করেছে। তাই আজ নতুন স্পীনোজার প্রয়োজন আছে। প্রয়োজন আছে সেই অবিকল স্থিতবুদ্ধির, সেই ক্ষুরধার, তীক্ষ্ণ বাণীর। যে বাণীর জ্বলন্ত আহ্বানে আমাদের দেহমনের সকল বাষ্পের আতিশয্য নিয়ে যে শুকিয়ে যাবে। বুদ্ধি-জাগ্রত, স্বচ্ছ চক্ষু দিয়ে আমরা চারপাশের পৃথিবীকে দেখবো।

ভারতবর্ষের রাষ্ট্রক্ষেত্রে আজ রোমান্সের হাওয়া উঠেছে। এখানে একদিকে নেতিবাদী গান্ধীজীর রোমান্টিক বৈরাগ্য-যোগ। অন্যদিকে “বৈজ্ঞানিক-সমাজতন্ত্রীদের” রোমান্টিক উচ্ছ্বাস-যোগ। একদিকে অহিংসার স্বপ্ন দিয়ে অদৃশ্য জাল বুনাতে হচ্ছে, অন্যদিকে ব্যর্থ আকাজ্জার রঙ মিশিয়ে গাঁথা হচ্ছে কথার কিল্লা। চিন্তধর্মে দুই-ই সমান রোমান্টিক, কারণ দুই-ই হলো বাষ্পলোকের ব্যাপারী, কাজেই, অবাস্তব। গান্ধীজী বা সমাজতন্ত্রী কেউই অবশ্য স্বীকার করবেন না। তাঁরা, ডানদিক ও বাঁদিক, উভয়দিক থেকে উভয়েই বলবেন, তাঁরা অবাস্তব নন, অকাটা এবং অনিবার্য। কারণ গান্ধীজীর কারবার হলো চরকা নিয়ে, আর চরকা হলো নিছক বস্তু। অপরপক্ষে বিজ্ঞান-সম্মত (১) সমাজবাদী বলবেন, তাঁরা হলেন “অনেকান্ত বস্তুবাদের” মালিক, কাজেই তাঁরা

অবাস্তব হতেই পারেন না! কিন্তু 'অনেকান্ত বস্তুবাদ' যে আজ একান্ত ভাবে অবাস্তব ধূঁয়ার রাজ্যে তাঁদের নিয়ে চলেছে তার উপায় কি?

যুদ্ধ এসেই আমাদের সব ওলটপালট করে দিয়েছে। ইতিপূর্বে আমরা দিব্যি ছিলাম। একদিকে আমরা নিশ্চিন্তে অহিংসার মস্তপাঠ করেছি, মোলায়েম ছন্দে ও মধুর সুরে। ব্রিটিশের প্রবল কামান আর চক্চকে ব্যায়োনেট মাথার ওপরে শান্তির ছত্র নির্মাণ করে রেখেছে, সেই ছত্র-ছায়া তলে আমরা নির্ভয়ে অহিংসা ও প্রেমের অজ্জয় শক্তির ব্যাখ্যা করেছি। অপরপক্ষে আমরা সমাজতন্ত্রের স্তুতিবাচন করেছি, সুগম্ভীর ছন্দে ও দীপক রাগিনীতে। সঙ্গে সঙ্গে চলেছে সাম্রাজ্যবাদের বিরুদ্ধে ক্রুদ্ধ জিহাদ। সাম্রাজ্যবাদী কাড়াকাড়ি থেকে কী করে অনিবার্য হয়ে ওঠে সাম্রাজ্যবাদী লড়াই, আর সে লড়াইর প্রতি আমাদের কী অপরিসীম ঘৃণা, সব আমরা জলদনির্বোধে ব্যক্ত করেছি। সাম্রাজ্যবাদী যুদ্ধ সভ্যতার কতো বড়ো শত্রু তা' মৃশ্মভাবে সবিস্তারে ব্যাখ্যা করেছি; কেবল তাই নয়; আমরা সাম্রাজ্যবাদ এবং তার অনিবার্য সৃজন, সাম্রাজ্যবাদী যুদ্ধের ওপরে অব্যর্থ কাগজী গোলাগুলিও বষণ করেছি। কিন্তু শায়, যুদ্ধ এলো আজ প্রলয়ঙ্কর সত্যের বেশে। এক নিমিষে সে আমাদের সকল মিথ্যাকে ধ্বংস করে দিয়ে গেল; আর চিনিয়ে দিয়ে গেল আমাদের মতিকার পরিচয়! গর্জমান কামান আর উগত বোমার সামনে অহিংসার কল্লিত বজ্র শিশুর খেলার মতো টুকুরো টুকুরো হয়ে ভেঙে পড়ল। কোথায় রইলো প্রেম, আর কোথায় রইলো মমতাময়ী অহিংসা। আর বিজ্ঞানসম্মত সমাজতন্ত্র? তারও দশা নতুথৈবচ। কথার কিরা আর কাগজী গোলাগুলি যে আসল গোলাগুলির কাছে ডেলখেলা মাত্র, তারও প্রমাণ হলো হাতে হাতে। যুদ্ধের নিকষে কয়েই আজ ধরা পড়েছে সকল আশ্বালন আর সকল মিথ্যার নির্জলা স্বরূপ।

ইলেকটি সিটি কখনো করে তড়িতায়িত, প্রাণচঞ্চল; কখনো করে আড়ষ্ট, প্রাণহীন। যুদ্ধও বিদ্যুৎশক্তিরই মতো। কোনো জাতিকে করে তোলে বেগশীল, কাউকে করে নিঃসার ও তিমশীতল। ভারতবর্ষ আজ যুদ্ধের প্রবল আঘাতে কেমন অসার হয়ে পড়েছে। তার সঙ্গে সঙ্গে আজ পক্ষাঘাত। সবগুলো দলই কেমন জড়সড় হয়ে আছে। যুদ্ধের প্রথম দিকে যে হাঁকাহাঁকি ছিলো আজ তা নেই। ইংরেজের শাসনও আজ কদ্র মূর্তিতে দেখা দিয়েছে, যুদ্ধের মূর্তিও আজ হয়ে দাঁড়িয়েছে প্রলয়ঙ্কর। ভারতবর্ষেও তাই আমরা এই রুদ্রতাকে দেখে ভড়কে গেছি এবং শিষ্টভাবে বিবরে প্রবেশ করে নিরাপদ হয়েছি। গান্ধীজী মাঝে মাঝে কাগজে ও মূল্যাকারে বড় বড় বিরতি দিয়ে এখনো অহিংসার জগজ্জয়ী শক্তির স্তুতিব্যাখ্যা করে থাকেন। আর ভয় দেখান যে, ইংরেজের সঙ্গে তার যুদ্ধ আরো দীর্ঘদিন চলবার সম্ভাবনা। কিন্তু ইংরেজের সঙ্গে তার যুদ্ধ যে কল্পনা ব্যতীত আর কোথাও নেই, এ অগ্রিয় সত্য তিনি সময়ে চাপা দেন। সত্যাগ্রহ আজ যুদ্ধ-কোলাহল আর হিন্দু-মুসলমানের রক্তারক্তিতে নিশেধে ডুবে গেছে। কিন্তু তা স্বীকার করবার মতন নৈতিক

সাহস সত্যাগ্রহের নেতার নেই। “যুদ্ধবিরোধী ধ্বনি” করে যে সাম্রাজ্যবাদী যুদ্ধাযোজনকে ব্যাহত করা চলে না, ধ্বনি যে শুধুই ফাঁকা আওয়াজ মাত্র, তাতে যে ইম্পাতের আর শীঘর বেগকে প্রতিরোধ করা যায় না, এ কথা আজ দিনের আলোর মত স্পষ্ট হয়ে উঠেছে। কিন্তু স্পষ্ট কথাকেও ভণ্ডামীর কুয়াশা দিয়ে অস্পষ্ট করে তোলা যায়। কংগ্রেসীদেরও রাজনৈতিক বিবেকে কাঁটার খোঁচা না লাগে তা নয়। মিঃ মুন্সীর মতন ছ’একজন কংগ্রেস থেকে বেরিয়েও আসেন। কিন্তু আমাদের জাতীয় স্বভাব তো যাবার নয়! ঢাক ঢাক গুড় গুড় হলো আমাদের একমাত্র পূঁজি। সত্যকে স্বীকার করবার পৌরুষ আমরা হারিয়ে ফেলেছি। পরাধীনতার আকিম আমাদের চিত্তকে করেছে বিষাক্ত। চমকপ্রদ কথার চাকচিক্য আর মিঠে রসের বিলাসিতা দিয়ে আমরা আমাদের ক্লীবহকে সতত ঢাকা দিই। কাজেই সত্যকে কেউ চোখে আঙুল দিয়ে দেখিয়ে দিলেও আমরা স্বীকার করিনে; নাটকীয় বীরত্বের আশ্বাসনে লোকের চোখে ধুলো দিয়ে থাকি। কাজেই ছ’একজন মুন্সীতে কী হবে? সাধারণ কংগ্রেসীদের চোখে ধুলোপড়া পড়েছে, তারা অন্ধ। আর নেতারা তো স্বার্থ-সিদ্ধির দক্ষিণাচারী সাধনেই মত্ত আছেন। সত্যমূর্তি-জাতীয় নেতাদের গান্ধীভক্তি ও অহিংসপ্রীতি কোন দরের তা’ সবাই জানে। তাই শাদুল সিং যখন এ-আই-সি-সি’র সভা ডেকে যুগান্তযায়ী প্রোগ্রাম বদলানোর প্রস্তাব করেন তখন কৃপালিনী-সত্যমূর্তির গান্ধীভক্তির প্রেমবিকারে সগর্বে গর্জন করতে থাকেন। কিন্তু গর্জন যতই করুন, যুদ্ধবিরোধী আন্দোলন আজ লজ্জাকর প্রহসনে পরিণত হয়েছে। এর পেছনের তত্ত্ব হলো ক্লীবহ এবং স্বার্থ ও ক্ষমতার লোভ। আজ জাতীয় ও আন্তর্জাতীয় ব্যাপারে ভারতীয় নেতাদের নিষ্ক্রিয় জড়ত্বের কারণ হলো ভয় ও লোভ। তাই আজ সমস্ত জাতীয় সংগ্রাম মধ্যপথে এসে স্তব্ধ হয়ে আছে।

দক্ষিণাচারীদের কথা থাকুক, বামদিকের কী করছেন? তাহাদেরও সেই একই পক্ষাঘাত আক্রমণ করেছে। প্রহরে প্রহরে কোলাহল করে এরাও আপনাদের অস্তিত্ব জ্ঞাপন করে আসছিলেন, কিন্তু সে কোলাহলও কিছুদিন যাবৎ বন্ধ ছিলো। মানবেন্দ্র রায়ের রাডিক্যাল দল, কংগ্রেস-সোশ্যালিস্ট দল, ন্যাশনাল ফ্রন্ট দল,—সবাই যেন মূর্চ্ছিত হয়ে বিমোচ্ছে। প্রবল বেগ নেই, তীক্ষ্ণ গতি নেই; জোয়ার শেষ হয়ে ভাটার মৃদুতা আরম্ভ হয়েছে। এই স্তিমিত অবস্থায় কংগ্রেস, ট্রেডইউনিয়ন কংগ্রেস, কিষাণ সভা, সব প্রতিষ্ঠানেই ঘুণ ধরেছে, জাতীয় জীবনের পাঁকে পাঁকে জীর্ণতা; প্রাণপুরুষ আজ ব্যাধিজর্জর দেহ নিয়ে কবরের প্রতীক্ষায় আছে। কিন্তু আমাদের যাই হোক না কেন, যুদ্ধ চলেইছে। তার রক্তাক্ত রথের চাকা দেশের পর দেশের ওপর দিয়ে গড়িয়ে চলেছে। যুদ্ধের অক্টোপাশ আমাদে দেশকেও চারদিক থেকে বেঁধন করেছে, আমাদের সমস্ত শক্তিকে নিদুরভাবে শুষে নিচ্ছে। এই সংকটকালে আমাদের একদল বলছেন, ইংরেজকে সাহায্য কর। কারণ ইংরেজ হলো ডিমোক্রেসীর শেষ ধ্বজাধারী। ইংরেজ বাঁচলেই ডিমোক্রেসী



বাঁচলো, আর তাহলেই আমরাও বাঁচবো। মানবেন্দ্র রায়ের দল হলো এই ব্রিটিশ বিজয়ের প্রধান গভীরথ। আর সঙ্গে আছেন হিন্দুসভার দল, ইংরেজকে আশ্রয় করেই এদেরও সকল আশা জোর ধরেছে। অতীতকালে ‘বিজ্ঞানসম্মত সমাজবাদীরা’ এতদিন দিশেহারা হয়ে চুপ করে ছিলেন। কারণ সমাজতন্ত্রের পিতৃভূমি রুশিয়া গত দেড় বছর ধরে ফ্যাসিজমের সঙ্গে মিতালীতে লিপ্ত থাকায় এদের অবস্থা সবিশেষ অস্বস্তিজনক হয়ে উঠেছিল।

এই দেড় বছর ফ্যাসিস্ত জার্মানীর বিরুদ্ধে জিহাদ কিংকিৎ ফিকে হয়ে উঠেছিল। কিন্তু আজ রুশজার্মান যুদ্ধ আরম্ভ হবার সঙ্গে সঙ্গে আবার এদের প্রাণরিক কোলাহল আরম্ভ হয়েছে। এবার স্তর বদলে এরা যুদ্ধসঙ্গীত শুরু করেছেন। যুদ্ধে রুশ দেশকে সাহায্য করতে হবে, ভারত-বার্ষের হবে তাই এখন নৈমিত্তিক কর্মযোগ, কারণ সমাজতন্ত্রকে বাঁচাতে হবে, তবেই আমরা বাঁচবো। আর ভারতের সমাজতান্ত্রিক ভবিষ্যৎ লতার মত মুঞ্জরিত হবে রুশ বনস্পতিক আশ্রয় করে। কাজেই কর্তব্য হলো যুদ্ধে শরীক হওয়া। একদল বলেছেন, ইংরেজকে সাহায্য করতে হবে, অপর দল বলেছেন, রুশকে। কিন্তু অবস্থার যোগাযোগে দুই রাস্তাই একই স্থানে গিয়ে মিলেছে। কাজেই দুই যুদ্ধের একই ফল। রুশকে সাহায্য করবার মানেই ইংরেজকেও সহায়তা করা। এপথে বিবাদ নেই, কারণ এ হলো সরকারী বাঁধা সড়ক। রুশকে সহায়ত্বিত দেখানো নিরাপদ রাষ্ট্রনীতিও বটে, আর সমাজতান্ত্রিক আনুগত্য প্রকাশ করাও এতে হয়। এদিক কংগ্রেস কিন্তু বিপরীত পথে পা দিয়ে ফেলেছে। হরিপুরা থেকে আজ পর্যন্ত যুদ্ধবিরোধীনীতি প্রচার করে এখন ইংরেজকে সাহায্য করা তার পক্ষে সম্ভব নয়। এ ছেন পরিস্থিতিতে কোন্ পথে হবে ভারতীয় জনগণের কল্যাণ? যুদ্ধ সময়ে, সংগ্রাম সময়ে কোন্ মনোভাব হবে নির্ভুল পথের দিশা?

ভারতবর্ষের মনোভাব নির্ধারণ করতে হলে বিচার করতে হবে যুদ্ধের প্রকৃতি ও গতিকে এবং ভারতবর্ষের রাষ্ট্রনৈতিক কল্যাণকে। যুদ্ধের স্বরূপ কী? ভারতবর্ষেরই বা কোন্ অপর্ণা সিন্ধু হবে এই লড়াইয়ের শরীকী করে? যুদ্ধবিরোধ ও যুদ্ধসমর্থন, দুই মতেরই মূল্যনিরূপণ হবে এই মানদণ্ডের বিচারে। প্রথম প্রশ্নের নিঃসংশয় জবাব হল এই যে, বিংশ শতকের এই দ্বিতীয় মহাযুদ্ধ হল অবিমিশ্র সাম্রাজ্যবাদী লড়াই। প্রথম মহাযুদ্ধের পেছনে ছিলো যে সব কারণ, অজ্ঞকার লড়াইয়েরও পশ্চাতে আছে সেই একই কারণের পূর্ণ সমবায়। ক্যাপিটালিজমের প্রয়োজন হয় সাম্রাজ্যের, দরকার পড়ে জগৎজোড়া বাজারের! কাজেই বাণিজ্যালোভ থেকে সাম্রাজ্যালোভ আসে; বিত্তের মোহ থেকে আসে মাটির ক্ষুধা। কেবল তাই নয় জলপথেরও ওপরে পড়ে টান। আসে কাঁড়াকাড়ি, আসে উন্নত হানাহানি। গত-যুদ্ধের জন্ম হয়েছিল দুই সাম্রাজ্যবাদের প্রতিদ্বন্দ্ব থেকে। একদিকে পুরোনো সাম্রাজ্যবাদ, অর্থাৎ জলে-স্থলে ইঙ্গ-আমেরিকান

বাগিছাশক্তির অক্টোপাস-বন্ধন। অগ্র দিকে তরুণ জর্মাণ সাম্রাজ্যবাদ, অর্থাৎ পূর্বতনের একচেটিয়া দখলের বিরুদ্ধে অসহিষ্ণু প্রতিবাদ ও বিদ্রোহ! সেই যুগে ১৫ই সেপ্টেম্বর (১৯১৫) সুইজার-ল্যান্ডের জিয়ারওয়াল্ডে (Zimmerwald) যুদ্ধবিরোধী সমাজতন্ত্রিরা আন্তর্জাতিক সভা করে ঘোষণা করলেন, “এ যুদ্ধ হলো সাম্রাজ্যবাদী যুদ্ধ, “the outcome of Imperialism.” লেনিন এই সভায় নেতৃত্ব করেছিলেন! কিন্তু সমস্ত যুরোপে তখন সমাজতন্ত্র ছাড়াও বিচ্ছিন্ন হয়ে গেছে। বেশী সংখ্যক সমাজবাদী তখন যুদ্ধ-বাজেট সমর্থন করছে। কিন্তু অল্পসংখ্যক তখনো আন্তর্জাতিক শ্রমিকমৈত্রীর বাণী প্রচার করছেন, কারণ জিয়ারওয়াল্ড ঘোষণায় স্পষ্ট বলা হয়েছিলো সেই যুদ্ধ ক্যাপিটালিস্টদের লোভ থেকে জাত। (১) তারপর সে যুগেও যুদ্ধোদ্দেশ্য বা war aims সম্বন্ধে ঘোষণার দাবি উঠেছিল; ১৯১৭ ডিসেম্বর মাসে ব্রিটিশ লেবারসংঘগুলিই এ দাবি তুলেছিলেন ব্রিটিশ গভর্নমেন্টের কাছে। সে যুগেও জাতীয় ঐক্যের নামে বা united front করে যুদ্ধ চালাবার ভাবপ্রবণতা সব দেশেই পেয়ে বসেছিল। ১৯১৪ সনের ১লা আগষ্ট ফরাসী সমাজবাদী জরেকে (Jaures) হত্যা করে ফেলা হয়। ৪ঠা আগষ্ট তাঁর সমাধিকালে কার্ডিনাল-সভাপতি রেনে ভিভিয়াণী (Rene Viviani) ফরাসী জাতির কাছে চিন্তোন্মাদী আবেদন করেছিলেন, সর্বশ্রেণীর জাতীয় ঐক্যের জন্য, “a l’apaisement national, a la concorde supreme”—এর জন্য। সেই দিনই সন্ধ্যায় চেম্বারে সমাজতন্ত্রীরা যোগদিলেন ‘পবিত্র সংহতিতে’; “L’ union sacree”তে; সেই দিনই যুদ্ধাঙ্গের পক্ষে ভোট দিয়ে যুদ্ধ পরিচালনার সমর্থন করলেন। এর পরেই তিনজন সমাজতন্ত্রীর মন্ত্রীসভায় প্রবেশ। কিন্তু সেদিন লেনিন ও অগ্রায় জিয়ারওয়াল্ডীরা সাম্রাজ্যবাদী যুদ্ধের শরীকী করবার তীব্র বিরোধিতা করেছিলেন। যে যুদ্ধ সাম্রাজ্যবাদী বণিকস্বার্থের সংঘর্ষ বই কিছু নয় তাতে জনগণের ও বিপ্লবীদের স্বার্থ নেই।

আজকে আবার ইতিহাসের পুনরাবর্তন ঘটছে। ১৯১৪ সনের পুরোণো অধ্যায়ই আবার রক্ত দিয়ে নুতন করে লিখা হচ্ছে। ১৯৪১ সনের যুদ্ধ কি ১৪ সনের লড়াই থেকে পৃথক? পৃথক নয়। এবারও সেই পুরোণো পটভূমিকাই দেখা দিয়েছে এই নতুন অধ্যায়ের পিছনে। ইঙ্গ-আমেরিকান সাম্রাজ্যবাদের সঙ্গে জর্মাণ সাম্রাজ্যবাদের লড়াই শুরু হয়েছে। যুদ্ধের বাদী সুর হলো এই দুই শক্তির প্রতিদ্বন্দ্ব; তবে এর সঙ্গে আছে নানা সংবাদী সুরের জটিলতা। এর মধ্যে রুশিয়ার স্থান একান্ত মামুলী; তার কোন বিশিষ্ট অর্থ নেই। রাষ্ট্রনৈতিক দাবা খেলায় দুটো সাম্রাজ্যবাদী শক্তিই হলো প্রাধান খেলোয়াড়; অপরেরা হলেন চালের গুটী, খেলার যন্ত্র মাত্র। রুশিয়াও এ খেলায় জড়িত হয়েছে; আবর্তের টানে, স্বেচ্ছায় নয়। শান্তি-নীতিই (peace policy) তার স্বার্থের অমুকুল, সেই নীতিই সতর্ক কৌশলে রুশিয়া এযাবৎ মেনে এসেছে।

(১) “outcome of the endeavours of the capitalist classes of every nation to satisfy their greed for profit……” (Zimmerwald manifesto).

তা ছাড়া যারা মনে করেন এটা হলো রুশিয়া ও জার্মানীর ঐতিহাসিক সংঘর্ষ, তারা ভুল করেছেন। এ লড়াই ক্যাসিজমের সঙ্গে কমুনিজমের লড়াই মোটেই নয়। বর্তমান দুনিয়ায় অশরীরী ভাবধারার বা ideologyর নামে এমন লড়াই বিরল হয়েছে; এ হলো পাউণ্ড-শিলিংয়ের যুগ; নিরেট স্থূল স্বার্থ ও সোণাদানার কারবার নিয়েই যতো লড়াই বাঁধে। রুশিয়ার সঙ্গে জার্মানীর বাণিজ্যস্বার্থের কোনো আড়াআড়ি নেই। কারণ রুশদেশ আজো বহু পশ্চাতে। জার্মানীর সঙ্গে টক্কর দেবে এমন শিল্পব্যবস্থা আজো সেখানে হয়নি। জার্মানীর প্রত্যক্ষ শত্রু হলো ব্রিটিশ সাম্রাজ্যবাদ, যার পিছনে আছে আমেরিকার ধনতন্ত্র। তাই রুশিয়া এ যুদ্ধে সদর দরজা দিয়ে সোজা রাস্তায় আসেনি, খিড়কীর ছয়ার দিয়ে বাঁকা পথে তার অঙ্গনে প্রবেশ। কাজেই আসল যুদ্ধ হলো সাম্রাজ্যবাদের সঙ্গে সাম্রাজ্যবাদের, রুশিয়া হলো যাকে বলে pawn in the game. কাজেই রুশ যোগ দিয়েছে বলেই যুদ্ধের স্বরূপ বা প্রকৃতি বদলে যায়নি। সাম্রাজ্যবাদী যুদ্ধ তাই এক মুহূর্তে সমাজতান্ত্রিক ক্রুসেডে পরিণত হয়নি। যুদ্ধের প্রকৃতি নির্ভর করে তার ঐতিহাসিক ভিত্তি ও ভূমিকার ওপরে। এক মুহূর্তের ইল্ডজালে একটা বিশ্বযুদ্ধের চেহারা ও স্বরূপ বদলে যায় না।

কাজেই যারা রুশের যুদ্ধে শরীক হবার মুহূর্ত থেকেই উচ্ছৃঙ্খল হয়ে ভাবছেন, এ যুদ্ধ ডিমোক্রেসীর লড়াই, বিশ্বমানবের মুক্তির লড়াই, তারা হলেন অপরাজ্যেয় রোমান্টিক। যুদ্ধ শান্তির পরক্ষণেই ভাঙবে তাদের মৌঁহ। পূর্ব যুদ্ধে যেমন বিশ্বমানবকে ঠকিয়ে পৃথিবীকে বাটোয়ারা করে নেয়া হয়েছে তেমনি এবারও 'বিশ্বাসী রোমান্টিকরা' ঠকবেন; পৃথিবীর গলায় শিকল আর হাতে হাতকড়ি পরিয়ে সাম্রাজ্যবাদীরা পুনরায় তার সকল বিস্তারণ করতে ছাড়বেন না। সেদিন রুজভেস্ট-চার্চিলের গুরুগম্ভীর ঘোষণা পৃথিবীকে রোমান্টিক করলো; সাম্য, মৈত্রী, স্বাধীনতার বাচনিক স্তুতি দেশবিদেশে ছড়িয়ে দেওয়া হল। কিন্তু অবিকল এই ভাষায় একদা উইলসন সাহেব কি পৃথিবীর চিন্তনরূপ করেননি? ১৯১৭ সালের ২রা এপ্রিলের ঐতিহাসিক ঘোষণা কি এই একই আকাশপুষ্প দিয়ে মানুষকে ঠকায়নি? (১) আজও সেই বাক্যের পুষ্পায়ন চলেছে বহুতায় আর মায়াকান্নায়। লড়াই চলেছে সাম্রাজ্যবাদের;—আর কথার মোহে যুদ্ধ হয়ে আমরা স্বর্গরাজ্যের স্বপ্ন দেখতে আরম্ভ করেছি। এরই নাম অদৃষ্টের পরিহাস।

যুদ্ধ যে সাম্রাজ্যবাদী তার পরিচয় মিলবে ব্রিটিশের রাষ্ট্রীয় ব্যবহারে আমাদের সঙ্গে। ডিমোক্রেসীর যুদ্ধ যদি হত, তবে সর্বপ্রথম থাকত ভারতের উল্লেখ এসব গুরুগম্ভীর ঘোষণায়। ভারতবর্ষ সম্বন্ধে, ইজিপ্ট সম্বন্ধে, ইরাক সম্বন্ধে, আরব সম্বন্ধে, ব্রিটিশ কণ্ঠ নির্বাক। আর যাকে

- (২) "We are glad.....to fight thus for the ultimate peace of the world and for the liberation of the peoples, the German peoples included; for the rights of nations, great and small and the privilege of men everywhere to choose their way of life and of obedience. The world must be made safe for democracy....." (President Wilson's address to the Joint session of the chambers on the 2nd of April, 1917).

বলে দৃষ্টি-কোণের বদল, তার চিহ্নও তো নেই। অত বড় রূপান্তর যদি হয়েই থাকত,—সাম্রাজ্য-বাদের যুদ্ধ থেকে ডিমোক্রেনীর ও সমাজতন্ত্রের লড়াইতে পরিণতি—তবে ইংরেজের ব্যবহারে ও বন্দোবস্তে তার ছাপ পড়তো। কিন্তু কই? চিরপুরাণ কূটশাসন এদেশে চলেছে একটানা, সেই সাম্রাজ্যবাদী ক্রুর কৌশল! সেই ভেদনীতি! সেদিন বড়লাটের পরিষদকে বাড়িয়ে নতুন সভ্য নেওয়া হলো, কিন্তু তাতে আমাদের মধ্যে লাগলো কলহ; যে নীতিতে এটা করা হল, তাতে এদেশীর ঘরভাঙ্গানো আর মনভাঙ্গানো দুই-ই হলো। দল থাকতেও দলের মত না নিয়ে মি: অ্যানেকে নেয়া হল পরিষদে; হক্-সিকান্দর-সাত্ত্বাকে নিয়ে মুসলীম লীগে লাগলো অস্থূলকলহ। এমনি করে বড়লাটের নীতি সৃষ্টি করলো আমাদের মধ্যে বিশৃঙ্খলা। এ হলো সাম্রাজ্যবাদের চিরস্থান ঔপনিবেশিক নীতি, colonial policy.

অথচ এই নীতির মর্মভেদ আমরা করতে পারছিলাম। আমরা রুশের প্রতি দরদ দেখাতে গিয়ে রোমান্টিক হয়ে উঠি। যুক্তি ও বুদ্ধিকে জলাঞ্জলি দিয়ে আমরা কেবল কাগজী প্রস্তাব পাশ করি আর নাস্তিক ভাবে উচ্ছ্বসিত হই। রুশ নাম মর্মে প্রবেশ করলে আমরা আত্মহারা না হয়ে পালান; তাই দেখি সমাজতন্ত্রীরাও আজ জাতীয় ঐক্যের ধূয়া তুলছেন। শ্রেণীচরিত্রের ইঙ্গিত, যুদ্ধের স্বরূপ ও প্রকৃতি, ভারতের ভবিষ্যৎ, এসব বিচারের প্রয়োজন নেই; কেবল ডিমোক্রেনীর দোহাই দিয়ে নামমাহাত্ম্যে বিগলিত হলেই হবে। হিন্দু ও মুসলমান, প্রতিক্রিয়াশীল ও প্রগতিশীল, গোঁড়া ও উদার, বিপ্লবী ও লিবারেল—সবাই এসে এক প্ল্যাটফর্মে দাঁড়াও, সকল শ্রেণীর “জাতীয়” ঐক্যের বা consolidation-এর শ্রীক্ষেত্র রচনা কর। গত মহাযুদ্ধেও যুরোপের দেশে দেশে এই ধরনের “জাতীয়” ঐক্য গড়ে উঠেছিল; রুশিয়াতেও কেরেন্স্কী এই ঐক্য গড়বার চেষ্টা করেছিলেন, যুদ্ধপরিচালনার সৌকর্যার্থে। লেনিন এই ঐক্যের বিরুদ্ধে বলেছিলেন, “I hear that in Russia there is a trend toward consolidation, consolidation with the defensists—that is betrayal of socialism.”

সমাজতন্ত্রের কল্যাণে আমাদের কি কর্তব্য তবে? একথা আজ বুঝতে হবে যে ভারতবর্ষে সমাজতন্ত্রের সঙ্গে স্বাধীনতার অচ্ছেদ্য যোগ। ছশো বছরের পুরোণো সাম্রাজ্যবাদ এখানে মাটির স্তরে স্তরে শিকড় বসিয়েছে। এই নিদারুণ বাঁধন থেকে মুক্তি না পেলে সমাজতন্ত্রের আশা মরাটিকা মাত্র। স্বাধীনতাকে অর্জন করাই ভারতবর্ষের প্রাথমিক কর্তব্য। ইতিহাসের এই হলো বাস্তব পর্যায় বা ক্রম। এই হলো সাম্প্রতিক রাষ্ট্রনীতির প্রথম সূত্র। দ্বিতীয় সূত্র হলো এই যে এ যুদ্ধের স্বরূপ সাম্রাজ্যবাদী এবং অগ্ন্যাগ্ন দেশ হয়েছে যুধামান সাম্রাজ্যবাদীদের স্বার্থসিদ্ধির উপায় মাত্র। এই দুই সূত্রের বিচারে কংগ্রেসের নীতির যুক্তিযুক্ততা প্রমাণিত হয়। পথের দিশা কংগ্রেসের ঠিকই আছে, কিন্তু সে নীতির দিক দিয়ে,

ব্যবহারের দিক থেকে নয়। 'ধর্মির' শক্তি যা-ই হোক, তাতে যুদ্ধবিরোধ হয় না; স্বাধীনতাও নৈতিক বচনের প্রভাবে আয়ত্ত হয় না। স্বাধীনতার জন্ম চাই সক্রিয় কর্মপ্রচেষ্টা। সেই সক্রিয় কর্মপ্রচেষ্টার অভাব ঘটেছে বলেই আজ কংগ্রেস রাষ্ট্রীয় ক্ষেত্রে বিকল। ঘটনাপ্রবাহের ওপরে আজ তার কোন হাত নেই। কেবল কংগ্রেস নয়। অন্যান্য দলেরও সেই কথা। চলমান কর্মপ্রবাহ বন্ধ হয়ে গেছে। তাই রাষ্ট্রীয় জীবনে আজ আবদ্ধ পঙ্কিলতা এবং জড়ত্ব। তাই আজ কাজের বদলে কথার পূজা আর সংগ্রামের বদলে অশ্রুবিসর্জনই আমাদের নিতাকর্ম হয়েছে। তাই সমাজতন্ত্রী রুশিয়ার জন্ম মৌখিক সহানুভূতির ভাবালুতা আছে কিন্তু ভারতবর্ষে সমাজতন্ত্রের গোড়া পত্তনের প্রথম যে ছুরুত্ব কাজ তার বালাই নেই। তাই আজ সংবাদপত্রে কোলাহল উঠেছে রুশিয়াকে সম্প্রীতি জানানোর জন্ম; কার কত প্রীতি জানানোর জন্ম ধুম পড়েছে Cables পাঠাবার।

আজ যে আন্তর্জাতিক সংকট পৃথিবীকে গ্রাস করে ফেলছে, তার কার্যকরী ব্যবহার কী ভাবে ভারতবর্ষ করবে, তা-ই আজ ভারতের সম্মুখে জাগ্রত প্রশ্ন। এই প্রশ্নের জবাব চালাকীর দ্বারাও দেওয়া যাবে না, ব্লীবদের দ্বারাও নয়। ঘর সামলাবার কঠিন প্রয়াস আজ আমাদের করতে হবে। পরকে মৌখিক সহানুভূতি দেখানো বা মিথ্যা ডিমোক্রেসীর নামে মাতামাতি করা, ভারতবর্ষের আজিকার পরিস্থিতিতে অপ্রাসঙ্গিক। ইতিহাসের এই দারুণ সংকটে আমরা পরাজয়-মূলক মনোবৃত্তি নিয়ে ভাবালুতায় সময় কাটাচ্ছি। রোমাঞ্চার ট্রপিকাল ব্যাধি আমাদের আক্রমণ করেছে; সেই ব্যাধিরই জয় হবে? না, সুস্থ বাস্তবতার দৃষ্টি সাহায্যে আমরা লেগে যাবো বৈপ্লবিক সংগঠনে। ইতিহাস জবাব চেয়েছে, আমরা আজ কী জবাব দেবো?

—*—

ক্ষেত্রমোহন পুরকায়স্থ

সাহিত্যের ভবিষ্যৎ

একজন আধুনিক ইংরাজ কবি ও যশস্বী সাহিত্যিক C. Day, Lewis মন্তব্য করিয়াছেন—Literature will be more concerned with the relation between masses and less with relation between individuals, more definitely a partisan in life's struggle. In fact, it will moralise more. এই ভবিষ্যদ্বাণী লিউইস্ কবির লেখনী নিশ্চয় হইলেও ইহা তাহার একান্ত নিজস্ব মত নহে—ইহা বর্তমান বাম-পন্থী সাহিত্যিক মাত্রেরই বক্তব্য বিষয়। সাহিত্যের বাজারে বেসাতি করিতে হইলে আজ আর নাকি গায়ক-গায়িকার ব্যক্তিগত আশা-আকাঙ্ক্ষা, ভাব-অনুভূতি, জয়-পরাজয়ের কাহিনী লইয়া আবেদন সৃষ্টি করিলে চলিবে না—ব্যক্তিক ব্যক্তি মনে করিবার যে ব্যর্থতা তাহা আজিকার সাহিত্যিক না হইলেও অনাগত যুগের সাহিত্যিক নিশ্চয়ই বুঝিতে পারিবেন—সেই ভবিষ্যৎ যুগের সাহিত্য সাধনা বৈষয়িক জীবনের সংগ্রাম সাধনার অঙ্গমাত্র হইবে—এক কথায়, সাহিত্যকে নীতির ক্ষেত্রে আপনাকে উজাড় করিয়া তবে তাহার

স্বার্থকতা অর্জন করিতে হইবে। বলা বাহুল্য এ সাহিত্যাদর্শ সম্পূর্ণই অগ্রাহ্য কিন্তু অগ্রাহ্য হইলেও তাহা গভীর বিচার-সাপেক্ষ।

উপরে উদ্ধৃত মতবাদের প্রামাণ্য নির্ভর করিতেছে বিশেষতঃ গোড়ার দুই-চারিটা কথা মানিয়া লওয়ার উপর। প্রথমতঃ লিউইস প্রমুখ বাম-পন্থী সাহিত্যানুরাগীরা মনে করেন যে সাহিত্য এবং মানুষের বাস্তব জীবন একই প্রকার কিংবা একই স্তরের সত্য সংজ্ঞার অন্তর্ভুক্ত। যদি তাহা মনে না করিবেন তবে সাহিত্য চর্চাকে জীবনযাত্রার পরিমিতকৃত করিবার কোন কারণ নাই কিংবা সাহিত্যকে কর্মযোগীর আদর্শের সহিত অভিন্ন বলিয়া ধরিয়া লইবার ও কোন কারণ থাকিত না। দ্বিতীয়তঃ আধুনিক বাম-পন্থী মনে করেন যে সমাজ-বন্ধনে মানুষের যে সমষ্টিগত রূপ তাহাই তাহার একমাত্র ব্যাপ্তিগত নিজস্ব প্রকাশ; নহিলে বাম-পন্থীরা এ ভবিষ্যদ্বাণী কিছুতেই করিতে পারিতেন না যে, অনাগত কালের যে সাহিত্য তাহাতে মানুষের ব্যক্তিগত জীবনের স্তম্ভরূপ থাকিবে না, থাকিবে তাহাতে শুদ্ধ মানুষের সামাজিক বন্ধনের পরিচয়। তৃতীয়তঃ মার্ক্স দর্শনে প্রভাবান্বিত হইয়া আধুনিক সাহিত্যসেবীরা মনে করেন যে, সত্যের কোন ভাবাত্মক পরিচয় নাই এবং বাস্তব জীবনে উপলব্ধ যে সত্য, তাহা ব্যতিরেকে সৌন্দর্যের কোন বিভিন্ন প্রকাশ নাই, অতএব বাস্তব সত্য যা কর্মযোগীর আদর্শ এবং সাহিত্যিক সৌন্দর্য্য অভিন্ন বস্তু।

এক্ষেণে বিচারে প্রবৃত্ত হওয়া যাক। প্রথমতঃ জীবন ও সাহিত্যের কথা। এ দুয়ের সম্বন্ধ লইয়া সাহিত্য সমালোচনা আসরে বহু বাক-বিতণ্ডা হইয়া গিয়াছে, এখানে সেই সকল যুক্তি ও প্রতিকূল যুক্তির অবতারণা করিয়া লাভ নাই। এ কথা আজ মানিয়া লইতেই হইবে যে, সামাজিক আবহেটনের সঙ্গে বিচ্যুতি ঘটাইয়া কোন সাহিত্যিকই সাহিত্য-সাধনা পরিচালনা করিতে পারেন না। বহু জীবনের প্রভাব নিরপেক্ষ যে, একান্ত স্বপ্নময় ভাববিলাসিতা তাহা হইতে সাহিত্য স্রষ্টার মনের পরিচয় পাওয়া গেলেও কোনও গুণের পরিচয় পাওয়া যায় না। তাহা ছাড়া আধুনিক সাহিত্যিক ইচ্ছা করিলেও নিজেকে আবহেটন-মুক্ত করিতে পারেন না—প্রতিবেশ-সমস্তা তাহার মনের রক্তে রক্তে লাগিয়াই থাকিবে। জীবন হইতে সাহিত্যিকের পলায়নের দ্বার আজ শুধু রুদ্ধ তাহা নহে, তাহা নিরর্থক। কাজেই প্রাক্ আধুনিকেরা জীবন ও সাহিত্য লইয়া যে বাদানুবাদ এক কালে চালাইয়াছিলেন তাহার আজ ঐতিহাসিক ভিন্ন অথ কোন মূল্য নাই। তবে আজিকার আধুনিকেরা জীবনের রুদ্ধ আবহে মত্ত হইয়া সনাতনী সাহিত্যের কাছে যে বাস্তব জীবনের ভিটা-ছাড়ার পরোয়ানা জাহির করিয়াছেন তাহাতে জীবন ও সাহিত্যের সম্বন্ধকে আজ আবার নতুন করিয়া বিচারের কাঠামোয় প্রতিষ্ঠা করা আবশ্যক হইয়াছে। বাম-পন্থীরা বিশ্বস্ত হইয়া গিয়াছেন যে সাহিত্য অনেক সময় মানুষের কর্মক্ষেত্রে উদ্ভূত করিলেও সাহিত্য রচনা কোন কর্ম-ক্ষেত্র নহে—বরং যিনি কর্ম-প্রয়োজনায় সাহিত্যিক তিনি কিছুতেই কর্মী হইতে পারেন না। সাহিত্য বস্তুনিষ্ঠ হৌক কিংবা ভাব-প্রবল হৌক তাহার নিজস্ব সংজ্ঞা সম্পূর্ণই ভাবাত্মক। কর্মযোগীর লিখিত মতবাদ সাহিত্য রচনা নহে; কর্মজীবন ও সাহিত্য-সাধনা পরস্পর বিরোধী। জীবনের কর্ম-পরিধি সাহিত্যের ভাব-পরিধি হইতে অনেক বৃহৎ, অনেক ব্যাপক সন্দেহ নাই, কিন্তু তাই বলিয়া সাহিত্য-বৃত্ত জীবন-বৃত্তের অন্তর্ভুক্ত নহে। কর্মজগতে আদর্শের স্থান আছে; কিন্তু তাই বলিয়া আদর্শ কর্মকে ভাবে পরিণত করিতে পারে না কিংবা বাস্তবতা ভাবকে কর্মসংজ্ঞায় রূপান্তরিত করিতে পারে না। সাহিত্য জীবন হইতে উৎসারিত হইলেও কর্মজীবন হইতে সম্পূর্ণ বিভিন্ন।

বামপন্থীর দ্বিতীয় স্বীকার্য মানুষের সামাজিক সর্বস্বতা। ব্যাটির মধ্যে সমষ্টি কতখানি স্থানহীন তাহা হয়ত ব্যক্তি-কেন্দ্রগত বিস্ত-সর্বস্ব সাধনার মধ্যে নিমজ্জিত হইয়া এ-কালের নর-নারী অনেকেই বিশ্বত হইয়া গিয়াছিলেন। ফলে সাহিত্য সাধনা কোন কোন স্থলে লেখকের স্বগত উজ্জ্বল পরিণত না হইলেও বিলিষ্ট বন্ধু মহলের সন্ধীর্ণ ক্ষেত্রের উপভোগ্য সামগ্রীতে পরিণত হইয়াছিল। কিন্তু তাই বলিয়া বামপন্থীর একথা সত্য নয় যে সামাজিক ছাড়া ব্যক্তির রূপ নাই, শ্রেণী বিভাগ ছাড়া মানুষের কোন সংজ্ঞা নাই, গণ-সম্বন্ধ ছাড়া নর-নারীর নিজস্ব বৃত্তিগত, কল্পনাগত, আদর্শগত ব্যক্তি-জীবনের কোন সমজ্ঞা নাই। ব্যক্তি সাধনাকে খব করিতে হইবে সত্য কিন্তু তাহা করিতে হইবে আধুনিক জীবনে সংস্কৃতি ও ঐতিহ্যকে পুনঃপ্রতিষ্ঠা করিয়া। সে যাহাই হউক, সাহিত্যাদর্শের আলোচনা করিতে গিয়া এখানে একথা বলিলেই যথেষ্ট হইবে যে মানুষ সম্ব-সর্বস্ব নয়, তাহার ব্যক্তিগত জীবনের স্বথঃ, আশা, আদর্শ, ভাব-অনুভূতি সাহিত্যের একমাত্র না হইলেও বহুল পরিমাণে যে সাহিত্যিকের ধ্যান-ধারণার উপজীব্য সে সম্বন্ধে কোন সন্দেহই হইতে পারে না।

পরিশেষে বামপন্থীর তৃতীয় মতবাদের আলোচনা করা যাক। তাঁহার বলেন যে সত্যের কর্ণ-নিরপেক্ষ ভাবগত কোন রূপ নাই। এই মার্ক্সীয় জড়-বাদের বিশ্বত আলোচনা দর্শনের ক্ষেত্রেই করা সম্ভব। আমরা শুধু এখানে এতটুকুই বলিব যে মানুষ তাহার সত্য-সন্ধানের চিরন্তন অভিপারে এতাবৎ কাল চিত্তহার জগতেই ঘুরিয়া বেড়াইয়াছে, সত্যকে উপলব্ধির বস্তু বলিয়া জানিয়া আসিয়াছে। বিশেষতঃ সাহিত্যের যে সত্য তাহা প্রধানতঃ এবং বিশেষভাবে সৌন্দর্যের সত্য। সাহিত্য, দার্শনিক মতে যাহা সত্য তাহাকে ধর্ম করিতে পারে কিন্তু ভাবের সৌন্দর্যকে আঘাত করিতে পারে না। কাজেই সত্য ও সৌন্দর্যের যে অভিন্নতা তাহা দর্শনের ক্ষেত্রে যথার্থ হইলেও সাহিত্যের ক্ষেত্রে তাহার কোন প্রামাণ্য নাই। সাহিত্যের উপজীব্য, সৌন্দর্য বা ভাবের সত্যতা। এই সাহিত্যিক সত্য দার্শনিক সত্য হইতে বিভিন্ন কিন্তু দার্শনিক মতে এই সাহিত্যিক সত্যেরও একটা নিজস্ব সত্যতা-গোঁড় আছে। কাজেই একথা বলা চলে না যে কর্মনিরপেক্ষ যে ভাব প্রকাশ তাহার কোন দার্শনিক মূল্য নাই। আসল কথা মার্ক্স-বাদী বিবর্তমান বিশ্ববিধানের চঞ্চল রূপটি প্রচার করিয়াই ক্ষান্ত হন নাই, এতোক মানুষকেই সেই লীলায়িত বিবর্তনের অংশ মাত্র মনে করিয়া তাহার ব্যক্তিগত ভাবের সম্বন্ধে নিরর্থক বলিয়া ঘোষণা করিয়াছেন।

সুন্দর মিত্র

শিক্ষা

শরতের নির্মল প্রভাতে আজ সুনীল আকাশে শুভ্র মেঘখণ্ডের লীলা অপরূপ সুন্দর হয়ে প্রকাশ পেয়েছে। উজ্জল আলো শ্যামল পল্লবে দূর্বাদলে স্নিগ্ধ হাস্য উদ্ভাসিত হয়ে উঠেছে। মৃদু বায়ুর হিল্লোলে বাতায়নের সম্মুখের চাঁপা গাছের পরদলে কোতুক-নৃত্যের আভাস দেখা যাচ্ছে, সব মিলে মনে হচ্ছে—কি সুন্দর, কি আনন্দ। কিছুদিন পূর্বে বর্ষার ঘনঘটার আড়ম্বরে যখন দিনের আলো দ্বান ও স্নিগ্ধ হয়ে থাকতো, অবিরল বর্ষণে সিক্তপত্র বৃক্ষ, জলপ্লাবিত শ্যামল মাঠ, যখন সরল চিকণ শোভায় দেখা দিয়েছিল তখনও আনন্দে বলেছিলাম কি সুন্দর, কি স্নিগ্ধ, প্রকৃতির এই রসভারাবনত মূর্তি! এমনি করে ঋতুতে ঋতুতে বিচিত্র সৌন্দর্যের লীলা চলে প্রকৃতির অঙ্গনে, দিন হ'তে রাতে, রাত্রি হ'তে দিনে। রাত্রির নিবিড় অন্ধকারের স্তব্ধতায়, তারকার উজ্জল জ্যোতিতে, আবার রাত্রির প্রান্তভাগে প্রভাত আলোর ক্ষুরণে দিবসের পদসঞ্চরণ রেখায় রেখায় প্রোত্সাসিত হয়ে ওঠে ক্ষণ হতে ক্ষণে, দিন হতে দিনে, বিহঙ্গের কলগুঞ্জরণে, বর্ষার মেঘচ্ছায়ায়, শরতের সুনীল আকাশে, শুভ্র কাশ পুষ্পের বিকাশে—প্রকৃতির বিচিত্র বিভ্রম বিলাসে মানুষের মন উচ্ছ্বসিত হয়ে ওঠে, আনন্দে প্রাণ পরিপূর্ণ হয়ে যায়। প্রকৃতির এই যে বিচিত্র রূপের

প্রকাশ, তার মধ্যে একদিকে সৃষ্টি, আর একদিকে বিনাশ, একদিকে নূতনের বিকাশ, আর একদিকে বিলয়। অজস্র দাক্ষিণ্যে চলে প্রকৃতির সৃষ্টির লীলা, আবার নির্মম হস্তে সেই সৃষ্টিকেই সে নাশ করে। যে ফুলটিকে অগ্নান শোভায় প্রভাত আলোয় বিকশিত করে তোলে, সন্ধ্যার অন্ধকার তাকেই ঝরিয়ে ফেলে ভূমিতলে, বসন্তে নূতন পল্লবে যে বৃক্ষকে মুঞ্জরিত করে তোলে, গীর্ষে তাকেই দাবদাহে শুষ্ক করে, বর্ষণে যাকে সঞ্জীবিত করে, শীতবায়ুর স্পর্শে তাকেই বিশুদ্ধ বিবর্ণ করে অবহেলায় ভূমিতলে বিক্ষিপ্ত করে; আবার আসে নূতন প্রত্যাদগমের উৎসব, এইরূপে পরিবর্তনের পটভূমিকায়, সৃষ্টি ও বিনাশের ক্রমিক পদসঞ্চারে প্রকৃতির সৌন্দর্য বজ্জা বিকশিত হয়ে ওঠে। তাই বর্ষার দিনে বর্ষণমুখর প্রকৃতি আমাদের আনন্দে অভিষিক্ত করে আবার শরতের মেঘমুক্ত আকাশ আমাদের অভিনন্দিত করে। অসীম সাধনায় ও নৈপুণ্যে যেরূপ রেখাটি বিশ্ব-শিল্পী ফুটিয়ে তোলেন ফুলের পাঁপড়িতে, মেঘের রেখায়, পাখীর পাখায়—আবার নির্মম ঐদাসীয়ে তাকেই অবলীলায় মুছে ফেলেন। রূপ হ'তে রূপান্তরে প্রকৃতির নিত্য বিহরণ, আনন্দে মুখর ও সৌন্দর্যে উজ্জ্বল। তাই তার মধ্যে যেমন আছে সৃষ্টির বিলাসলীলা, তেমনি আছে নির্মম বৈরাগ্য, যার শক্তিতে সে যা কিছু গড়ে তুলেছিল তাকে ধূলিসাৎ করে দিয়ে যায়, কিন্তু তাতে তার প্রাচুর্যের ক্ষয় হয় না, আনন্দ পরাজিত হয় না। সকল পরিবর্তনের মধ্যে, উদয় ও তিরোধানের মধ্যে আমরা কৌতুকময়ীর নৃত্যচপল রূপের গুঞ্জন শুনে পাই, প্রভাতের আলোকরেখায় সন্ধ্যার বর্ণোদ্ভাসে, বৃক্ষপল্লবের ঈষৎ আন্দোলনে এক অনন্ত আনন্দ-উৎসের ধারার স্পর্শ পাই। মনে হয় প্রাণপর্ধ্যায়ের এই বৃক্সি মূলরহস্য যে রহস্য অকুরন্ত লাবণ্যে প্রাণের সঞ্জীবনে, নিত্য উৎসারিত হয়ে উঠেছে, দিকে দিকে শ্রামল পল্লবে, মানুষের প্রাণে ও মনে।

প্রকৃতির শতমহত্সব বিকাশের মধ্যে মানুষও ত একটি, তাই প্রকৃতির রহস্যের ছায়া মানুষের মধ্যেও আমরা প্রতিকলিত দেখতে পাই। প্রকৃতির যে দুইটি বিভিন্নরূপ দেখতে পাই, একটি তার খণ্ড খণ্ড, ক্ষুদ্র সৃষ্টিতে, আর একটি তার সকল সৃষ্টিকে অতিক্রম করে, যে শাস্ত্র স্বরূপ আছে, আবির্ভাব ও বিনাশের মধ্য দিয়ে যা রূপে, বর্ণে, গন্ধে, স্পর্শে আপনাকে নিরন্তর প্রকাশ করে কিন্তু তাহাতেই নিঃশেষিত নয়। মানুষের মধ্যেও সেই দ্বৈত আমরা প্রত্যক্ষ করি। আমাদের একটি সাংসারিক সত্তা আছে যে সকল প্রকারের জীবন ধারণের উপযোগী প্রয়োজনে ও ভোগে নিত্য ব্যাপৃত, জৈবপ্রয়োজনে একান্তভাবে শৃঙ্খলিত, আর একটি সত্তা আছে যে সকল প্রকার প্রয়োজন ও হিসাবের বাহিরে। একটি স্বরূপ আমাদের দৃষ্টিতে স্পষ্ট, উত্থান পতনে একান্ত বিপর্যস্ত পরিবর্তনশীল জীবনের প্রবাহে নিরন্তর স্পন্দমান, আর একটি স্বরূপ আছে—সকল প্রয়োজন বিনিমুক্ত, প্রসন্নতায় সমুদ্ভাসিত। এই মুক্ত স্বরূপটির আভাস আমরা পাই কাব্যে, সাহিত্যে, শিল্পে, জ্ঞানীর সাধনায় যোগীর যোগাসনে। মানুষ যখন সর্ববিধ দৈব প্রয়োজনের প্রাণিশূলভ প্রবৃত্তিকে অতিক্রম করে, আর একটি গহন অন্তর্যোকের আভাস পায়—তখনই সে আপন বিশুদ্ধতার সত্তা ও গভীরতর আনন্দের সন্ধান পায়। সৌন্দর্য ও আনন্দের সেই উৎসকে তুচ্ছতার স্পর্শ অবিল করতে পারে না, লোভ, ঈর্ষা মলিন করতে পারে না। যে ঘাত ও সঙ্ঘাত জীবনকে নিরন্তর সংক্ষুব্ধ করে তোলে—বিচিত্র অভিজ্ঞতার সৃষ্টি করে—তারই তটদেশে ঠাঁড়িয়ে উদাসীন, শুদ্ধ, বুদ্ধ মুক্ত যে স্বরূপ আমাদের অন্তরে প্রোদ্ভাসিত হয়ে ওঠে, তারই আলোকে নূতন সত্তা, নূতন অনুভূতি, নূতন তথ্য, নূতন আনন্দ জীবনকে অভিষিক্ত



করে সকল ক্ষয়-ক্ষতিকে তুচ্ছ করে। ব্যক্তিকে অতিক্রম ক'রে আমাদের প্রত্যেকের মধ্যে সেই যে অন্তর্যামী আছেন তিনি আনন্দে আত্মপ্রকাশ করেন কাব্যে, সাহিত্যে, শিল্পে, সেবায়, মানুষের প্রতি প্রেমে। সেই গহন লোকের উদ্ভাসে আমরা এমন প্রেমের স্পর্শ পাই যা বহুৎ ক'রে,—এমন আনন্দের সন্ধান পাই যা স্বচ্ছ সাবলীল প্রবাহে জীবনকে অভিষিক্ত ও মধুর ক'রে তোলে, এবং যে প্রীতি কোনও প্রাপ্তির অপেক্ষা রাখে না, কেবলমাত্র আল্লাবনে হৃদয়কে সুস্থিত ক'রে, যে দেওয়াতে প্রার্থনা থাকে না, আপনার মহৎ ঐশ্বর্যের পরিচয় যে আপনি বহন ক'রে আনে—সেই প্রীতি, ও আত্মদানই সেই অন্তর্মহিমাকে বাহিরের জগতে সূচিত ও উদ্ভাসিত করে তোলে।

জ্ঞাত বা অজ্ঞাতসারে আশৈশব প্রকৃতির লীলানিকুঞ্জে আনন্দের উৎসে যে রহস্যটি নিহিত নির্ভাসিত হ'য়ে উঠেছে—তারই স্পর্শে, নিয়মে আমরা নিয়ন্ত্রিত ও গঠিত হয়ে এসেছি। প্রকৃতির বিধানে আমাদের আবির্ভাব। তারই বৈশিষ্ট্যের ছাপ আমাদের অন্তরে আমাদের প্রকৃতিতে তাকেই অনুসরণ করার প্রেরণা অনুভব করতে পারি। সেইখানেই আমাদের শিক্ষার মূলমন্ত্র, সেই লীলা নিকেতনই আমাদের শিক্ষালয়। সামাজিক ও সাংসারিক বিধানে মানুষ নানাবিধ শিক্ষার ব্যবস্থা ও প্রতিষ্ঠান গড়ে তুলেছে। তার মধ্যে দুইটি বিভাগ দেখতে পাই একটি জৈব প্রয়োজনের অনুকূল শিক্ষা, যান্ত্রিক ও ব্যবহারিক নানা প্রকারের। আমাদের বর্তমান প্রসঙ্গ ও অবসরে সেই বিষয় এখানে আলোচ্য নয়। শিক্ষার আর একটি বিভাগের উদ্দেশ্য আমাদের মধ্যে সকল প্রয়োজনের বাহিরে, যে ব্যাপকতর মুক্তস্বরূপ আছে তাকেই জাগ্রত করা। তাই আমাদের কাব্য, সাহিত্য, দর্শন, শিল্প প্রভৃতির পাঠের, আলোচনার ও শিক্ষার ব্যবস্থা দেখতে পাই। যুগে যুগে যে লোকাতীত আনন্দের আশ্বাদে মানুষের চিত্ত উদ্বেলিত হয়ে উঠেছে—তারই স্পর্শ ও উদ্বোধনে শিক্ষার্থীদের চিত্ত জাগ্রত হোক, এই উদ্দেশ্য তার মূলে আছে। আপনার অন্তরের যে রসমূর্তিকে প্রত্যক্ষ করে কালিদাস পুঙ্কে উচ্ছ্বসিত হয়ে উঠেছিলেন, শেক্সপীয়ার মানব-চিত্তের যে রহস্য উন্মোচন করেছিলেন, রবীন্দ্রনাথ যে সৃজনানন্দে আত্মহারা হয়েছিলেন, দার্শনিক যে অভিনব তত্ত্বের আনন্দে আত্মহারা হয়েছিলেন, যে প্রেমে বদ্ধ প্রভৃতি নিমগ্ন হয়েছিলেন—তারই সঙ্গে ঐক্যাতনতায় মানুষ আপনার মধ্যে আর একটি বহুস্তর, সুন্দরতর, মহত্তর স্বরূপকে উপলব্ধি করতে পারে। আমাদের নিজেদের মধ্যেই সেই অতি-মানবের স্পর্শ লাভ ক'রতে পারলে সকল দুঃখ সুখ ঘাট-সজ্বাত আমাদের বিপর্যস্ত ক'রতে পারে না, আনন্দকে মলিন ক'রতে পারে না, সে সকল তুচ্ছাতিতুচ্ছ ঘটনাকে রমনীয় ক'রে। দুঃখশোকের ও ব্যর্থতার মধ্যেও প্রকৃতির অঙ্গনে নটরাজের যে নৃত্যধ্বনি মুখরিত হয়ে উঠেছে, তারই রেশ শুনে পাই এবং তখনই সংসারের মধ্যে থেকেও সংসাররত্নিতের দর্শন আমরা পাই। পুষ্পকোরক যেমন ক'রে তার পাপড়ির আবরণ উন্মুক্ত ক'রে বিশ্বসভার সৌন্দর্যকে অভিনন্দিত ক'রে, তেমনি ক'রে যেন শিক্ষার্থী আপন আবরণ উন্মোচন করে গহনলোকে প্রস্ফুটিত হতে পারে। আপনার নির্মল স্বরূপকে উপলব্ধি ক'রতে পারে, সকল দৈনন্দিন আবর্জনাকে ধৌত ক'রে, প্রেমে সহজ, আনন্দে সার্থকতায় পরিপূর্ণ হ'য়ে উঠতে পারে, নূতন উন্মেষে জ্ঞানের ও প্রেমের দীপ্তিতে জগতকে সুন্দর ও মধুর ক'রতে পারে নিজেকে সৃষ্টি ক'রতে পারে নূতন রূপে।—নূতন আলোকে তার হৃদয়দল বিকশিত হ'য়ে উঠতে পারে—এই হ'ল শিক্ষার মূল রহস্য। প্রকৃতির এই মর্মকথাটি তাই বাণীহীন নিঃশব্দ সঙ্গীতে আমাদের অন্তরে ধ্বনিত হ'য়ে উঠেছে।

ভা
র
তী
র
স্ব
প
তি



শি
ল্পে
র
দা
নী

শ্রীশচন্দ্র চট্টোপাধ্যায়, স্থাপত্য-দিশারদ

আমাদের রাষ্ট্রীয় সমস্যা এতদূর ভটল হইয়া উঠিয়াছে যে সমস্কার সমাধানকামী নেতারা, রাষ্ট্রীয় স্বাধীনতা না পাওয়া পর্যন্ত, সমাজ ও জাতির কল্যাণের সংস্কার-কার্যে মনোনিবেশ করিতে অবসর পান না। তাঁহারা বলেন যে রাজনৈতিক পরাধীনতা হইতে দেশকে মুক্ত না করিতে পারিলে দেশের শিল্প ও সংস্কৃতির উদ্ধার সম্ভবপর নয়। পরাধীন, দরিদ্র অবস্থায় শিল্প ও সংস্কৃতি সম্পূর্ণরূপে উদ্ধার করা যে সম্ভবপর নয় সে কথা অস্বীকার করা যায় না। কিন্তু সেই অজু-হাতেই যে শিল্প ও সংস্কৃতিকে, রাষ্ট্রীয় স্বাধীনতা না পাওয়া পর্যন্ত, একেবারে অনাহারে রাখিতে হইবে এইরূপ যুক্তি আমরা গ্রহণ করিতে অক্ষম। বিগত পঞ্চাশ বৎসর যাবৎ কংগ্রেস, বহু চেষ্ঠা সত্ত্বেও, স্বরাজ প্রতিষ্ঠা করিতে সক্ষম হয় নাই। আরও বহু বৎসর কংগ্রেসকে এই সম্পর্কে যুদ্ধ করিতে হইবে হয়ত। কিন্তু দুই সহস্র বৎসর কালের জলন্ত স্থাপত্যের অনল ততদিনে নিভিয়া যাইবে যে। অতঃপর, স্বরাজ পাওয়া সত্ত্বেও জাতির শ্রেষ্ঠতম গৌরব, ও পৃথিবীপ্রসিদ্ধ ভারতের স্থাপত্যকে রক্ষা করিতে পারা যাইবে না, অবিলম্বে যদি সমগ্র ভারতবাসী তাহা করিতে সচেষ্ট ও সক্রিয় না হন। সে কথা তাঁহারা ভাবেন কি?

বহু সহস্রবর্ষব্যাপী সুসভ্য জাতির সনাতন সংস্কৃতির শ্রেষ্ঠতম অবদান স্বরূপ, আমাদের [যে অনিন্দ্য সুন্দর, মহান, স্থাপত্য-শিল্প তাহাকে রক্ষা করা অবিলম্বে প্রয়োজন। স্থাপত্য-শিল্পের মহীকরকে পুনর্জীবিত করিলে, চিত্র ও ভাস্কর্য প্রভৃতি সুকুমার চাকর ও কারু শিল্পের শাখা-প্রশাখাগুলি সহজেই রক্ষা পাইবে। যেহেতু স্থাপত্যই সুকুমার শিল্পের জননী স্বরূপিনী। সভ্য জগতের সর্বদেশে এবং সর্বকালে উক্ত সুকুমার শিল্পগুলি, স্থাপত্যকলার বিশিষ্ট অঙ্গরূপেই বিবেচিত হইয়াছে। বস্তুতঃ স্থাপত্যের প্রসারিত পক্ষপুটে আশ্রয় লাভ করিয়াই অগাণ্ড শিল্পগুলি প্রবর্তমান ও পরিপুষ্ট হইত। ভারতের প্রাচীন দেবায়তনের গাত্রে, সৌখ্যপ্রাসাদে,



লক্ষ্মীনারায়ণ মন্দির, নয়াদিল্লী।

ভারতীয় চিত্র, তক্ষণ, মৃন্ময়, ধাতু ও দারু-শিল্প অচ্ছেদ্যভাবে বিজড়িত থাকিত। স্থাপত্যের অন্তর্গত যাবতীয় শ্রেণীর রূপ-কমীর গ্রামাচ্ছাদনের সংস্থান করিয়া দিত।

মন্দির ও শিল্পকে কেন্দ্র করিয়া হিন্দু জাতির চিন্তা ও চরিত্রের অমূল্যলীন ও পরিষ্করণ হইয়াছিল। হিন্দুর শিক্ষা ও সভ্যতা, রাষ্ট্র ও সমাজ, সাহিত্য ও শিল্প বিজ্ঞান ও দর্শন এবং তাহার আচার, অনুষ্ঠান, সামাজিক বিধি-ব্যবস্থা সমস্তই মন্দিরের আশ্রয়ে যুগে যুগে নব নব


রূপে গঠিত হইয়াছে। প্রাগৈতিহাসিক ও বৌদ্ধ যুগে, এবং পরবর্তী গুপ্ত যুগে, শিল্পের ধ্যান ধারণায় ভারতের নাগরিক জীবন বিস্তার থাকা সত্ত্বেও অগাণ্ড পার্থিব সম্পদ হইতে তাহা বঞ্চিত ছিল না। তৎকালীন রাজত্ব ও শ্রেষ্ঠীবর্গ, এমন কি গৃহস্থ নাগরিক পর্যন্ত, চিত্র ও ভাস্কর্যবিদ্যায় ব্যুৎপত্তি লাভ করিতেন। আর্ধভারতে স্থাপত্যবিজ্ঞা উপবেদের অন্তর্ভুক্ত হয়। মহাভারত ও রামায়ণের রাজসভা বর্ণনায় সুবিস্তৃত স্থাপত্যকলার আভাস পাওয়া যায়।



বিড়লাপার্ক শিবমন্দির, কলিকাতা।

পিতৃদেবের অশ্বখের সংবাদ শ্রবণে ভরত মাতুলালয় হইতে অযোধ্যাতে আসিবার কালে রাজধানীর প্রবেশ তোরণের সম্মুখে দশরথের তক্ষণ মূর্তি দেখিয়া বিলাপ করেন। স্বর্গগত নরপতির প্রতিমূর্তি সহর প্রান্তে প্রতিষ্ঠিত করিবার প্রথা ছিল তৎকালেও। স্বর্গসীতা পাশে বসাইয়া রামচন্দ্র যজ্ঞের আত্মতা দিয়াছিলেন। দশাননের ছায়াচিত্রকে স্মরণ করিয়া সীতাদেবী অযোধ্যার রাণী-মহলের প্রাঙ্গণে তাঁহার প্রতিকৃতি আঁকিয়াছিলেন।

মগধ অর্থাৎ গিরিজ্ঞের রাজধানী, আড়াই হাজার বছর পূর্বকার বিহিসার ও অজাত-শত্রুর রাজগৃহ, স্থাপত্য সৌধমালায় পরিশোভিত ছিল। সেই যুগে কপিলবস্তুর রাজকুমার শাক্য সিংহকে বিবাহের পূর্বে পরীক্ষা দিতে হইয়াছিল যে তিনি শুধু সুপণ্ডিত নহেন, চিত্র-সঙ্গীত-ভাস্কর্যাদি কলা বিজ্ঞাতেও তিনি শ্রেষ্ঠ শিল্পী। নৈরঞ্জনা তটবতী বুদ্ধগয়ার ছায়া শীতল বোধিজন্ম নিম্নে বজ্রসিংহাসনের উপরে উপবিষ্ট ধ্যানমগ্ন বুদ্ধকে প্রলুব্ধ করিতে অসমর্থ্য মারের তনয়া, পিতৃসকাশে বুদ্ধের মহিমা বর্ণন করার কালে



হিন্দুদেবভাবন, নবদিল্লী।

খেদ করিয়াছিলেন—আকাশের পটে রঙীন চিত্র অঙ্কিত করা সাধ্যাত্ম কিন্তু নারীর রূপ ও ছলাকলা দ্বারা বুদ্ধের চিত্ত জয় করা অসম্ভব। পালি গ্রন্থে উল্লিখিত আছে যে বুদ্ধদেব রাজগৃহে জীবকের আশ্রবনে নির্মিত বিহারের স্থাপত্যের তদ্বাবধান করিতেন।

প্রাচীনকালে শ্রেষ্ঠী ও বণিকবর্গের প্রেক্ষাগৃহ, প্রমোদশালা, সঙ্গীত ও নৃত্যমণ্ডপ—স্থাপত্য, ভাস্কর্য ও উজ্জলবর্ণের চিত্রদ্বারা শোভিত করা হইত। “মুচ্চকটিক” নাটকে বসন্ত-সেনার আবাস ভবনের বর্ণনায় তৎকালীন স্থাপত্য ও শিল্পকলার বৈশিষ্ট্য লিপিবদ্ধ আছে। বৈশালী, উজ্জয়িনী, মথুরা ও পাটলিপুত্রের নায়িকারা চোয়টি প্রকার কলাবিজ্ঞান পারদর্শিতা লাভ করিতেন। সঙ্গীত, নৃত্য, অভিনয়, আবৃত্তি, চিত্র ও মূর্তি নির্মাণ বিজ্ঞায় পারদর্শিনী না হইলে সেই যুগের গণিকারাও নিন্দনীয় হইতেন। সাহিত্য, ধর্ম, দর্শন প্রভৃতির গ্রন্থমালা প্রত্যেক

মহিলার পাঠাগারে সজ্জিত থাকিত। রূপে, গুণে, পাণ্ডিত্যে অতুলনীয় ও সর্ববিধ কলাকুশলা, বারঙ্গনা শ্রেষ্ঠা অমূল্যপালিকার অভিজাত সমাজের প্রত্যেক স্তরে অসামান্য প্রভাব প্রতিপত্তি ও সর্বশেষ তাঁহার বৃক্কের চরণে আয়-নিবেদনের কাহিনী ভারতের ইতিহাসে স্থান পাইয়াছে।



কলপাতের আধার—পত্র পত্রের উপরে পদ্মকোরক।

জেলের কয়েদী। দরিদ্র কৃষক কন্যা। রাজস্থানে একদা চির-কলার কিরূপ প্রসার ছিল তাহা উক্ত রমণীর দৃষ্টান্ত হইতে বোধগম্য হয়। মেবার রাজ্যে কৈলশারা ও কুম্ভলগড় (কমলমীর) প্রভৃতি মধ্য যুগের শতাব্দীর অসংখ্য পুস্তক বাতির দেয়ালগুলি স্বী লোকের দ্বারা চিত্রিত করা হয়। আমি কয়েকটা চিত্রের আলোক চিত্র লইয়াছিলাম। যোধপুর ও মেবারের সমস্ত স্থানে ভীল পল্লীর পর্বকটীয়ে দেখিয়াছি স্বীলোকেরা ভৈরো (ভৈরব) সিংহাতিয়া প্রভৃতির মনুষ্যমূর্তি নির্মাণ করিতেছেন। দক্ষিণ ভারতের জননী ও কন্যা আবহমান কালের অলিখিত শিল্প-রচনার রীতি-পদ্ধতিকে নিষ্ঠা ও অধ্যাবসায়ের সহিত বাঁচাইয়া রাখিয়াছেন।

মেবারের শিল্পীরা রাজা-প্রজা মন্দিরের পূজাপায়ে পুষ্ট হইতেন। দরিদ্র-মহিলা একা বিদবারা প্রাসাদ ও মন্দির ভবন, গুহ ও প্রাসাদ ভবন, স্কুমার শিল্পপারা অসংখ্য করিয়া অর্থোপার্জন করিতেন। এই যুগে এবিধ কলাকুশলার অস্তিত্ব বহুমান। কয়েক বছর পূর্বে মেবারের পর্যটন কালে আমি লক্ষ্য করিয়াছিলাম মহারাষ্ট্রের প্রাসাদের একটি কক্ষের দেওয়ালগারে চিত্রাঙ্কণে ব্যাপৃত মলিন বসনা রাজপুত রমণী। স্তন্যিচ্ছিন্নাম যে রমণী চুরির অপরাধে



পোড়া মাটি ও সিমেন্টের কাজের নমুনা।

অধুনাতন ভারতের ধন-কুবেরণ প্রভূত অর্থব্যয়ে আধুনিক আমেরিকান ও রোমান ধরণের সৌধ মন্দির ও উদ্যান প্রস্তুত করাইয়াছেন। কিন্তু সেই সকল উদ্যানে গমন করিলে প্রাচীন ভারতের প্রমোদ উদ্যানের কোনও প্রতি-চ্ছবি পরিলক্ষিত হয় না। সংস্কৃত ও পালি-সাহিত্যে নরপতি ও শ্রেষ্ঠীদের প্রমোদ কাননের, অচ্ছাদ সরসী-নীরে ভাসমান বিলাস ভবনের যে উজ্জল বর্ণনা আছে তাহাতে সমগ্র চিত্রটি পাঠক-পাঠিকার মানসপটে প্রতিফলিত হইয়া উঠে। প্রাচীন ভারতের যন্ত্রধারা গৃহ, প্রেক্ষাগার, নৃত্যশালা, সাগরগৃহ, মনিশিলাপট্ট, মানমন্দির, বসন্তমঞ্চ, দোলকুঞ্জ, মাধবীকুঞ্জ, তমাল বীথিকা, বকুল বীথিকা তাহাদের প্রাচীন নামের মোহ-মাধুরিমা লইয়া কেবল মাত্র প্রাচীন গ্রন্থেই অধিষ্ঠিত আছে কিন্তু এই কালে ও আমাদের ফুলবাগানে তাহাদের সন্নিবেশ করা কষ্টসাধ্য অথবা অর্থ-সাপেক্ষ নহে। বীকানের, যোধপুর, উজ্জয়িনী ও কাশ্মীরে সেরূপ উদ্যান আমি দেখিয়াছি।

সুদূর অতীতের পঞ্চনদের তীরে যে আর্থ-সভ্যতার প্রথম উন্মেষ হইয়াছিল, পাঁচহাজার বছর আগে সিদ্ধ উপত্যকার মোহেন-জো-দাড়ো এবং হরপ্পায় যে জাতি সাহিত্য ও শিল্প-কলার নিদর্শন পাইয়াছি, তাহাই পরবর্তী যুগের হিন্দু ভারতের সংখ্যাভীত মঠ ও মন্দিরের বিজয় বৈজয়ন্তির তলে পরিপুষ্ট ও বিকশিত হয়। অজন্তা, এলোরা, ভুবনেশ্বর, দিলবারা, মাছুরা, পশুপতিনাথ, ওঁকারধাম ও তাজমহল বিশ্ব-সভ্যতার দরবারে ভারতবাসীর জ্ঞান সর্বশ্রেষ্ঠ স্থান নিরূপিত করিয়াছে। ভারতের স্থাপত্য ও ললিতকলা ভারতের সভ্যতা ও সংস্কৃতিরূপী মহাদ্রুমের ফুল ও ফলের স্বরূপ। ভারতের দেবায়তন হইতেই ভারতের সভ্যতা ও প্রতিভার সর্বমুখী বিকাশের প্রমাণপঞ্জী পাওয়া যায়। ভারতের অসাধারণ স্থাপত্যকলা, ভারতের অনবদ্য শিল্পসুখমা মণ্ডিত মন্দির ও হর্ম্য, দেউল ও মঠ মাত্র কয়েক মুহূর্তের জ্ঞান নিরীক্ষণ করিলে যে কোনও সভ্যমানব, সুদূরের বিদেশী, ভারতের সভ্যতার অন্তরাঙ্গার আলেক্ষা পাইবেন যাহা বেদ পুরাণ, রামায়ণ মহাভারত, ধর্ম, দর্শন, শাস্ত্র, জ্যোতিষ, শিল্প-শাস্ত্র, সাহিত্য ও কাব্য হইতে বহুকাল ধরিয়া অধ্যয়ন করিলে পাওয়া যায়। হিন্দুর এক একটি দেব মন্দির, বিজয়নগরের এক একটি প্রাসাদ নিকেতন, হিন্দুর শিক্ষা ও সভ্যতার, কল্পনা ও সৃজন শক্তির প্রস্রবন স্বরূপ।

কাল চক্রের আবর্তনে এবং বিভিন্নমুখী ঘটনার ঘাত-প্রতিঘাতে সভ্যতার আকর ভূমি ভারতবর্ষ আজ নানা ভাবে বিপর্যস্ত ও ছুদশাগ্রস্ত। সেই হেতু হিন্দুর রাষ্ট্রীয় ও সামাজিক জীবন ও অধোগামী, ভিতরের ও বাহিরের নানা সংঘর্ষ ও সংঘাতের কবল হইতে সে আজ আত্মরক্ষা করিতে অসমর্থ। দারিদ্র, কু-শিক্ষা ও কুসংস্কার আজ তাহার অন্তরাঙ্গাকে আহত ও কলুষিত করিয়াছে।

ভারতের স্থাপত্যের পূর্ণচন্দ্রমতে আজ গ্রহণ লাগিয়াছে। স্থাপত্যের অধোগতির সঙ্গে সঙ্গে সুকুমার শিল্পের প্রেরণা ও প্রয়োজনীয়তা অন্তর্হিত প্রায়। পৃষ্ঠপোষকতার অভাবে শিল্পীর সংসারে অন্নবস্ত্র নাই। এ হেন সমস্তার জগ্না দায়িত্ব আরোপ করা যায় আধুনিক বিশ্ববিদ্যালয়ের কতৃপক্ষের উপর, যাহারা স্থাপত্য বিজ্ঞানকে বিদ্যামন্দিরের পাঠ্যতালিকা হইতে জাতি-চ্যুত করিয়াছেন এবং আধুনিক শিক্ষিত সম্প্রদায়ের বিচার-শক্তি হীনতার উপর—যাহা পাঁচহাজার বছরের অধিক প্রাচীন, পৃথিবী প্রসিদ্ধ, নিজস্ব স্থাপত্যের ত্রায়সঙ্গত দাবীকে উপেক্ষা করিয়া কেবলমাত্র চিত্র ও মূর্তি-শিল্পের প্রশংসা প্রচার ও প্রসারের জগ্না আন্দোলন, সাহিত্য সম্মেলন ও প্রদর্শনীর ব্যবস্থা করিয়া আসিতেছেন, বছরের পর বছর ধরিয়া।

চিত্রকলার পক্ষপাতী বিগত বিশ বৎসর ব্যাপী, এবস্থিধ আন্দোলন স্থাপত্যের আবেদনকে প্রাণহীন করিয়া তুলিয়াছে। চিত্রের সঙ্গে যদি স্থাপত্যেরও পুনরুদ্ধারের আন্দোলন পরিচালিত হইত তাহা হইলে, সর্বদর্শন ভাবে পরিণত ও প্রসারিত হইয়া, ভারতের সর্বশ্রেণীর শিল্পগুলি ভারতবাসীর জাতীয় জীবনের অচ্ছেদ্য অঙ্গরূপ হইয়া উঠিত। উদরারের জগ্না শিল্পীদের হাতাকার করিতে হইত না।

বিগত কয়েক বৎসরের মধ্যে নয়াদিল্লীর লক্ষ্মীনারায়ণ মন্দির এবং অত্যাশ্চর্য্য শোভা, ভবন, বিহার, মন্দিরের নির্মাণ কার্যে আমরা বহুসংখ্যক চিত্র, ভাস্কর, শিল্পী ও দারুশিল্পীদের প্রচুর পরিমাণে পরিশ্রমিক দিয়াছি। সম্প্রতি প্রসিদ্ধ ইঞ্জিনিয়ার কণ্ট্রাক্টর মেসার্স এম, এল, ডালমিয়ায় তদ্বাবধানে কলিকাতার সেন্ট্রাল এভিনিউএ যে আকাশচুম্বী স্মৃতি ভবন ও মন্দির (মহাত্মা স্বরাজমল নাগরমল জালানের স্মৃতি রক্ষাকল্পে) নির্মিত হইয়াছে তৎপ্রসঙ্গেও দেশীয় শিল্পীরা প্রভূত অর্থো-পার্জন করিয়াছেন। উক্ত প্রতিষ্ঠানের কর্ণধার জনপ্রিয় অর্জুনপ্রসাদ ডালমিয়া, ভারতে স্থাপত্যের রক্ষাকল্পে একনিষ্ঠভাবে কার্য করিতেছেন এবং ছাব্বিশিল্পী ৩ রাজমিস্ত্রী তৈয়ার করিতেছেন। তাঁহার চৌথায় সাধারণ গৃহস্থের অনাড়ম্বর ভাবের, সস্তা বসত বাড়িও দেশীয় ভাবে নির্মিত হওয়ায়, স্ত্রী পুরুষ শিল্পীরা কাজ পাইয়া উৎসাহিত হইয়াছেন।

স্থপতি সম্পর্কে আমাদের দেশের পুরুষেরা তো উদাসীনই অত্যাশ্চর্য্য আমাদের শিক্ষা প্রতিষ্ঠানগুলির ব্যবস্থা এরূপ যে তাহাতে স্থপতি শিক্ষার কোনো সুযোগই মেয়েদের পক্ষে উন্মুক্ত নয়। অথচ অতীত ভারতে মেয়েরা সুধু সুকুমার শিল্প নয়, স্থপতি শিল্পেও যথেষ্ট পারদর্শিনী ছিলেন। অথচ ইহা নাকি প্রগতির যুগ, তবে এইদিক দিয়া ভারতীয় মেয়েরা নিজেরাই যে ক্রমে ক্রমে উৎসাহী হইয়া উঠিতেছেন তাহার দৃষ্টান্ত পাওয়া যায় ও তাহাতে আশাও হয়। কিন্তু নেতাদের এ বিষয়ে অমার্জনীয় উদাসীনতার একটি উদাহরণ দিতেছি।

কলিকাতায় একটি ভারতীয় স্থাপত্য-বিদ্যালয়ের প্রতিষ্ঠার উদ্দেশ্যে এই সেদিন বিশ্ববিদ্যালয়ের সিনেট হ'লে, নিখিল ভারতের স্থাপত্য শিল্পের একটি বিশিষ্ট প্রদর্শনীর আয়োজন করার প্রয়োজনীয়তাও বিবেচিত হয়। তজ্জন্ম শ্রদ্ধেয়া লেডী প্রতিমা মিত্রের আবাস ভবনে প্রস্তাবিত বিদ্যালয়ের কার্যনির্বাহক মণ্ডলীর একটি সভা আহত হয়। সেই সভার সহায়ত্ব প্রার্থনা করিয়া স্থানীয় কলেজগুলির কতিপয় ছাত্রী ও অধ্যাপিকা এক আবেদন পত্র পাঠাইয়াছিলেন এই মর্মে, যে গভর্নমেন্টের শিক্ষা বিভাগ মেয়েদের স্থাপত্য অথবা সুকুমার শিল্প শিক্ষার কোনও প্রকার ব্যবস্থা করেন নাই, এমন কি ইঞ্জিনিয়ারিং কলেজে এবং গভর্নমেন্ট আর্ট স্কুলেও দেশীয় স্থাপত্যের শাখা নাই। উক্ত প্রতিষ্ঠানগুলিতে বাদ্দালী ছাত্রীদের প্রবেশ নিষিদ্ধ। প্রস্তাবিত স্থাপত্য-বিদ্যালয় ও প্রদর্শনীর কতৃপক্ষেরা যেন এরূপ ব্যবস্থা করেন যাহাতে ছাত্রীরা শ্রেষ্ঠতম স্থাপত্যশিল্পের শিক্ষালাভ তত্বে বঞ্চিত না হন। কিন্তু বড়ই আশ্চর্যের বিষয় যে কংগ্রেস প্রভৃতি প্রতিষ্ঠানের নেতৃবৃন্দ সে সভায় উপস্থিত থাকা সত্বেও ছাত্রীদের আবেদন গ্রাহ্য করেন নাই।

আমার বিশ্বাস চারু ও কারু শিল্পের সৌন্দর্য সুখমা পরিকল্পনা করিবার যোগ্যতা পুরুষের চেয়ে মেয়েদের কোন অংশে কম নয়। বাসভবন কিরূপে প্রয়োজনের উপযোগী, পরিষ্কার পরিচ্ছন্ন ও সর্বাঙ্গসুন্দর করিতে পারা যায় তদ্বিষয়ে বরং তাঁহাদের আগ্রহ, ঐকান্তিকতা ও নিষ্ঠা বেশী দেখা যায়। উত্তর ব্রহ্মের শাণ, কোচিন ও চীন প্রদেশের গণগ্রামেও আমি দেখিয়াছি স্থানীয় রমণীদের পরিকল্পনা ও তত্ত্বাবধানে সুদৃশ্য অথচ অনাড়ম্বর কুটার ও মন্দির নির্মিত হয়। তাহার কারণ ব্রহ্মদেশের পারিবারিক ও সামাজিক জীবনে ব্রহ্মরমণীর যেরূপ স্বাধীনতা আছে পৃথিবীর অন্যত্র স্ত্রীলোকের সেইরূপ অবাধ স্বাধীনতা নাই। ফলতঃ বনে জঙ্গলে হাতীধরা হইতে জেলের দারোগা হওয়া পর্যন্ত কর্মজীবনের প্রতিস্তরেই ব্রহ্মমহিলার প্রাধাত্য। সুখ ও শান্তির নীলা-নিকেতন, অচ্ছন্দগতি সামাজিকজীবন প্রবাহের ঐক্যতান, ঐ স্বচ্ছতোয়া ইরাবতীর তটচুম্বী সুবর্ণ-ভূমিতে বিরাজিত ও মুখরিত।

এই প্রবন্ধের সঙ্গে প্রকাশিত মন্দির, ভবন ও শিল্পকার্যের নমুনাগুলি লেখক শ্রীযুক্ত শ্রীশ চন্দ্র চট্টোপাধ্যায়, স্থাপত্য বিশারদ, কর্তৃক পরিকল্পিত ও তাঁহার তত্ত্বাবধানে নির্মিত। তাঁহার সহকারী স্থপতি ও কূটনীতিক শ্রীযুক্ত মণিলাল রায়ের সহযোগিতা বিশেষভাবে উল্লেখযোগ্য। উদীয়মান স্থাপত্য শিল্পী, বিবিধ কলাকুশলা, কুমারী বলবল মিত্র, এম.-এ. পরিকল্পনা ও মডেল নির্মাণের কার্যে আংশিক ভাবে সাহায্য করিয়াছেন। সুপ্রসিদ্ধ কণ্ট্রাক্টর মেসার্স এম, এল, ডালমিয়া কোম্পানীর সুযোগ্য কর্ণধার শ্রীযুক্ত অজুঁন প্রসাদ ডালমিয়া কয়েকটি মন্দির ও ভবন নির্মাণের জন্ত দায়ী।

দক্ষিণ ভারতীয় রমণীর স্বাধীনতা বঙ্গবালার অপেক্ষা অনেক অধিক। বহুশতাব্দীকাল সেখানকার স্বাস্থ্যবতী, সদানন্দময়ীরা বাহিরের মুক্ত আলো ও বাতাস উপভোগ করিয়া আসিতেছেন। শিক্ষা, শিল্প, সঙ্গীত নৃত্যের প্রতি অনুরাগে মারাঠী, গুজরাটী, পার্শী মহিলাদের প্রভুত্ব লক্ষ্য করিবার বিষয়।

হ্যাভেল লিখিয়াছেন “কেবল মাত্র রুচির অনুরোধেই যে ভারতের স্থাপত্যকে সংরক্ষণ করিতে হইবে, তাহা নহে, জাতির কার্যকারিতা শক্তি ও চরিত্রের আদর্শের রক্ষাকল্পেও করিতে হইবে। সহস্র সহস্র বর্ষজীবী অনাবিল শিল্পধারাকে বিদেশী-শিল্পের চরণে আছতি প্রদানের প্রতিদান স্বরূপ, প্রতীচ্যের প্রদত্ত সকল সাহিত্য ও সমগ্র বিজ্ঞান লাভেও তাহার ক্ষতিপূরণ হইবে না। অধীনতার কবল হইতে সম্পূর্ণ মুক্তিলাভেও নয়। দেশের শিল্পের ধ্বংসের বিনিময়ে “স্বরাজ” পাইলেও দেশবাসীকে বিদেশীর ক্রীতদাস এবং জড় হইয়াই থাকিতে হইবে।”

ব্লাড-ভিটা আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রসংশিত।

ভিটামিন “বি,”
হিমোগ্লোবিন,
আয়রন,
ক্যালসিয়াম
ম্যাঙ্গানিস
ও
ফসফেট
ইত্যাদি মিশ্রিত।



স্নায়বিক দৌর্বল্য,
রক্তাক্রান্ততা,
কোষ্ঠ-কাঠিখ,
গাউট,
রিউমেটিসম,
ও
সন্তান-সম্ভবার
পক্ষে বিশেষ
ফল-দায়ক।

অধ্যক্ষ মথুর বাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।

চিম্নীর ওপর শঙ্কুনি

গণেশ বন্দ্যোপাধ্যায়

রেল লাইনের এপারে শ্রমিকদের বস্কা। ওপারে মিল। কাজে যায় সব রেল লাইনের তলা দিয়ে। এফোঁড় ওফোঁড় একটা সুড়ঙ্গ।

ভোর সকালে ওপারে ভৌঁ বাজে। এপারের যত সব পিলপিল করে গর্তে গিয়ে ঢোকে। নীরব ব্যস্ততায় দিনের শেষে যেন পরিশ্রাস্তি নেমে আসে! চিম্নীর মুখে ধোঁয়া পড়ে এলিয়ে। পাশ দিয়ে মেল গাড়ীটা ঝকঝক করে চলে যায়। রেলের লাইন থেকে রোদ গিয়ে পড়ে চিম্নীর গায়ে। আলোর পৃথিবী আসে নিভে। মাঠ থেকে পাখীগুলো কোলাহল তুলে বাসায় ফেরে।

কলের ছুটি হয়, ভৌঁ বাজে। যেন মোষের পাল, কাতারে কাতারে বেরিয়ে আসছে। ওপারে রেল লাইন। নীচে সুড়ঙ্গ। অন্ধকার পাতালের ভিতর দিয়ে তারা এপারে উঠে আসে।

খেমন ক্রমেই পিছিয়ে পড়ে। ভীড়ের সঙ্গে সঙ্গতি রাখতে পারে না। পরিশ্রাস্ত, তার ওপর জ্বর এসেছে। দেহটা গুটিয়ে গেছে। হাড়ের খিলেনগুলো গেছে খুলে। কোন রকমে শরীরটাকে সামনে ঠেলে নিয়ে চলে।

ঘরে এসে আর দাঁড়াতে পারে না। বাইরে খাটিয়া পাতা থাকে, শুয়ে পড়ে।

ভুর্গা ঘরে ছিল, বেরিয়ে আসে। বলে, এখন আবার গুলি কেন? চল্ খাবি চল্!

—তুই খেগে, আমি খাব না। আমার জ্বর এসেছে। বলে খেমন পাশ ফিরে চোখ বোজে। স্ফোভে আর দুঃখে ভুর্গা গুমরে ওঠে, বারণ করলে শুনবি না তো। বল্লাম যাসনি, জ্বর গায়ে কষ্ট হবে। যেমন শুনলি না। নে এবার মর, আমার কি!

খেমনের পক্ষে কাঁড়নি অসহ্য। বলে, নে নে থাম, খুব হয়েছে, আর চেষ্টাসনা!

সর্বাস্তে বেদনা। ভাল লাগে না! রাগ ধরে! গা হাত পাগুলো যদি একটু টিপে দেয় তাও নয় হয়। নিরুপায়ে খেমন অক্ষুট শব্দ করে। ঘন ঘন পাশ ফেরে।

ভুর্গা কপালে হাত দেয়। নিঃসহায়ে খেমন লাল চোখ ছুটো খুলে দেখায়। লাল চোখ ভুর্গা অনেকবার দেখেছে। ও তার সয়ে গেছে।

খেমন কিন্তু সহিতে পারে না। অধীর হয়ে গোঙ্গায়। খাটিয়াটা মাঝে থেকে কঁকিয়ে ওঠে। ভুর্গার ভয় করে। মমতায় চোখের পাতা ছুটো কাঁপে। বলে, হ্যাঁ রে কষ্ট হচ্ছে, গা হাত পা টিপে দেবো?

মাছুষ হয়েও কেন যে এর উত্তর চায় খেমন ভাবতেও পারে না। তবু বলতে হয় ভিত্তারীর মত, দিবি তো দে, শরীরটা বড় কামড়াচ্ছে।

—সর, বসতে দে!



খেমন সরে যায়। দেহ যেন জুড়িয়ে যায়। দুর্গা পা টিপে দেয়। সন্ধ্যার হাওয়া বয়। গাছের পাতা নড়ে। দুর্গার কপালে চুল ওড়ে। দড়ির খাটিয়া দোলে। ঘুমের আবেশে খেমনও দোল খায়।

ওদিকে ঘরের ভিতর মেয়েটার ঘুম ভেঙ্গে যায়। ব্যগ্র দৃষ্টিতে চেয়ে দেখে, মা নেই। ঘর অন্ধকার। থাবা মেঝে উঠে বসে। হামাগুড়ি দিয়ে খানিকটা অন্ধকারে ঘুরপাক খায়। শেষে দরজার কাছে গিয়ে উঁকি মারে। গুড়ি মেরে মাকে দেখে হাসে। দুর্গা জানতেও পারে না। হঠাৎ পায়ের ওপর কি যেন কিলবিল করে ওঠে। চেয়ে দেখে ছল্লী। দুর্গা হাত বাড়াল, আয়!

ছল্লী যেন গলে যায়। সোহাগে মায়ের বুকে বাঁপিয়ে পড়ে।

খেমন নড়ে ওঠে, আঃ, কি হলো?

—কি হলো চেয়ে দেখনা! দুর্গা হেসে বলে। ছল্লীকে নিয়ে লোফালুফি করে। খেমন চেয়ে থাকে। তারপর একটু একটু করে দৃষ্টি বুজ আসে।

মহাদেও আসে বেড়াতে। ছল্লীকে নিয়ে দুর্গা গিয়ে ঘরে ঢোকে। খেমন টেরও পায় না। মহাদেও বুঁকে পড়ে বলে, এই! তারপর আস্ত আস্ত ধাক্কা দেয়, শুয়ে কেন, ওঠ! —

—জ্বর এসেছে।

—এক্ষণি ভাল হয়ে যাবে। উঠে বোস, বলছি।

ঠিক সময়ে মানসিংও এসে দাঁড়ায়। মহাদেও সাক্ষী মানে। বলে, বোতল দেখলে ভূত পলায়, তো জ্বর!

—নিঃসন্দেহে। কিন্তু আস্তে—সায় দিতে মানসিং দেবী করে না। বলে, কই হাত দেখি?

খেমন হাতখানা বাড়িয়ে দেয়। চোখ বুজে মানসিং শক্ত করে নাড়ী টিপে ধরে। সকৌতুকে মহাদেও কৌতুহলী হয়ে ওঠে, কি রকম মনে হয়?

—বিশেষ কিছু নয়। ছ'টোক পেটে পড়লেই ছেড়ে যাবে।

তপস্বী ভেঙ্গে যায়। চোখ খোলে।

মহাদেও ছ'জনকে ছোটো এগিয়ে দেয়। বলে, তবে আর দেবী কেন, হয়ে যাক তা হলে?

খেমন উঠে বসে, বেশ আনাও তা হলে।

—পয়সা? আসল জায়গায় মানসিং এতক্ষণে যা দেয়। সমাধানে মহাদেও দেবী করে না। বলে, কেন তিনজন রয়েছি, সমান সমান দাও!

যুক্তিতে বাঁধুনি আছে। কেউ অস্বীকার করতে পারে না।

মৃঙ্গিল হয় খেমনের। বলে, আমায় কিন্তু আজ ধার দিতে হবে। কঠিন বাস্তবে মহাদেও সঙ্গে সঙ্গে মুখ খুবড়ে পড়ে, না বাবা এ সব ব্যাপারে ধার-ধোর চলে না। নগদ চাই, নগদ।

বিভোরের মত মানসিং মাথা নাড়ে, একশোবার। সঙ্গে সঙ্গে খেমনকে চোখ ঠাওরায়, কেন ছুরীর মায়ের কাছ থেকে কিছু নে না ?

খেমন হাত জোড় করে, ওরে বাপ্প্রে, তাহলেই হয়েছে! মদ খাওয়া বার করে দেবে।

—মদ! সবিস্ময়ে মহাদেও মানসিংকে প্রশ্ন করে, মদ মানে ?

মানসিং অসচায় চনুকে ওঠে, সত্যি মদ মানে ? কিসের মদ ! খেমন ঘাবড়ে যায়, তার মানে !

—মানে ওষুধ। মহাদেও গদগদ হয়ে ওঠে।

—হ্যাঁ নিশ্চয়ই, মানসিং পরিষ্কার করে দেয়, অসুখ হয়েছে, ওষুধ চাই না ? পয়সা খরচ না করলে অসুখ কি অমনি সারবে ?

যুক্তিতে কৌশল আছে। উৎসাহে খেমন উদ্দীপ্ত হয়ে ওঠে। নম্র হেসে শুয়ে পড়ে।

পরামর্শ করে ছুর্গাকে ডাকা হয়। মহাদেও সকলের বয়সে বড়। যথাসম্ভব গুরুত্ব নিয়ে বলে, যে রকম দেখছি তাতে মনে হয় অবস্থা খারাপ। সময় থাকতে ওষুধ দিলে অবশ্য কোন ভয় নেই। বলা যায় না, পেটে ওষুধ পড়লে হয় তো এখুনি ভাল হয়ে যেতে পারে।

দরজার পাশে ছুর্গা ঘোমটা মুখে দাঁড়িয়ে থাকে। মানসিং আশ্বাস দেয়, তা ছাড়া আমরা যখন রয়েছি, নিয়ে যাই, তারপর ডাক্তার দেখিয়ে নয় পৌঁছে দিয়ে যাব।

মহাদেও বলে, যেতে হলে কিন্তু এখুনি ওঠা দরকার। মানসিং উঠে পড়ে, বেশ তা হলে ওঠো! মহাদেও দ্বিধাবোধ করে, তা নয় হলো। কিন্তু পয়সা না দিলে তো ভালো ওষুধ দেবে না। অসুখ সারবে কি করে!

নূতন সমস্যা! মানসিং চিন্তিত হয়ে ওঠে। বলে, আচ্ছা আটগুণ পয়সা তো নিয়ে যাওয়া যাক। বেশী লাগে যদি তখন দেখা যবে।

—সেই ভাল! নিশ্চিত হয়ে মহাদেও উঠে দাঁড়ায়।

ছুর্গাকে আর দরজার পাশে দেখা যায় না। ওরা দেখে ছুটো সিকি সেখানে চক্চক্ করছে। মহাদেও ইসারা করে। সমস্মে মানসিং গিয়ে তুলে নেয়।

দূর বেশী নয়। ব্যবস্থা ভাল। ওপারেই শুঁড়ি খানা। খেমন যেন শিশু, হাঁটতে জানে না। ছুঁজনের কাঁধে ভর করে পা পা করে চলে যায়।

রাতের আকাশে তারা জ্বলজ্বল করে। রাত করে খেমন ঘরে আসে। ছুর্গা ধরে ফেলে মুখে তার মদের গন্ধ।

বলে, তুই মদ খেয়েছিস্!



খেমন ঘুরে দাঁড়ায়, হ্যাঁ খেয়েছি, কেন ?

—কেন খাবি ?

খেমন ঢাল সামলাতে পারে না। চোখ ছুটো তার অসম্ভব লাল। বলে, তুই কেন আমার পেছনে লাগবি ? কারুর বউ কাউকে কিছূ বলে না। তুই কেন বলবি ?

—যারা বলে না তারাও খায়, বলবে কেন।

—কারা খায় ?

—জানি না।

কণা তুলে যেন সাপ ছলছে। দাঁড়িয়ে দাঁড়িয়ে খেমন বলে আর দোলে, মদ খাব না। একটু সখ করবো না। তবে করবো কি ? খাই তো খালি কুটি আর মদ, তাও খেলে রাগ করবি !

ভেতরে নেশার বাঁজ ওঠে। খেমন প্রায় কঁদে ফেলে। সদয় কণ্ঠে দুর্গা আশ্বস্ত করে মদ খেলে পেট ভরে না, তাই বারণ করি। নইলে খাবার জিনিষ খাবি বারণ করবো কেন।

উৎসাহে খেমন প্রায় লাফিয়ে ওঠে, খেটেখুটে তা বলে একটু আমোদ করবো না ?

—বেশ তো কর না। তাবলে মদ ছাড়া কি আমোদ নেই ?

—ছাই আছে ! সুবিধে পেয়ে খেমন এগিয়ে যায়, কি আমোদ আছে বল ?

কোণঠাসা হয়ে দুর্গা ভাবে। শেষে বলতে পারে না। খেমন হাসে। লাল চোখ ছুটো উজ্জত করে বলে, একটা আমোদ আছে—বলবো না।

কৌতূহলে দুর্গা কাছে সরে আসে, কি ?

স্থির দৃষ্টিতে খেমন তাকিয়ে, বলে তুই :

সলজ্জ দুর্গা ঘুরে দাঁড়ায়, ধ্যেৎ !

ব্যাঘ্রের ব্যগ্রতা ওঠে জেগে। খপ্ করে খেমন ওর 'চুলের মুঠি ধরে ফেলে। ডাকে, আয় শোন !

আচম্কা বেদনায় দুর্গা লাতিয়ে পড়ে, আঃ কি হচ্ছে—? ছেড়ে দে, লাগছে ! খেমন উল্লসিত হয়ে ওঠে। অক্টোপাসের মত জড়িয়ে ধরে। বলে, মদ খাবি।

—না !

—কেন খা না ; তাহলে লাগবে না।

মুখে উৎকট গন্ধ। খেমনের বকে দুর্গা নাক টিপে ধরে। খেমন আদর করে আর হুং করে, মদ খাই তাই তো ঘুম আসে না। নইলে ঘুমিয়ে গেলে তুইওতো ঘুমোবি। এর চেয়ে ছ'জনে মরে পড়ে থাকলেই ভাল হয়।

দুর্গা কথা কয় না।

খেমন বলে, খেটে খুটে দেহে এতটুকু সার থাকে না। মদ খাই তাই তোকে পাই ঘুমিয়ে গেলে তো মরে যাব ভুলে যাব।

দুর্গা কথা কয় না।

—খাটবো আর ঘুমবো; কেন রে? খেটে তবে লাভ কি? খাটুনির কম নেই। ফুটিও নেই। মদ আছে তাই! যাহোক তবু পৃথিবীটা একটু কাঁপে। একটু তো আমোদ পাই।

এক ধারে খাটিয়া ছিল। দুর্গাকে বৃকে টেনে নিয়ে খেমন সরে এলো। ইচ্ছাটা, একটু বসবে। কিন্তু পায়ের নীচে পৃথিবীটা হঠাৎ ছলে ওঠে। খাটিয়ার ওপর দু'জনে আছড়ে পড়ে। খাটিয়ার বাঁধন যায় ছিঁড়ে। দুর্গা তো রেগে মরে। যেন জালের মাছ, দু'জনে কিলবিল করে। হেসে রেগে দুর্গা উঠে পড়ে। খেমন পড়েই থাকে।

প্রেমের এমন বিসদৃশ পরিণতি! অপ্রস্তুতে বেচারী লজ্জায় মারা যায়। দুর্গা যত হাসে, নেশা কেটে আসে। রাত্রিও কেটে যায়।

সকালবেলা ভোঁ বাজে ওপর থেকে। দুর্গার ঘুম ভেঙ্গে যায়। ডাকে, এই ওঠ, কাজে যা!

খেমন সাড়া দেয় না। কলবল করে শ্রমিকরা কাজে যায়। খেমন শুয়ে শুয়ে শোনে। চিত্ত উৎক্লিপ্ত হয়ে ওঠে। তখনও ভোঁ বাজছে। ওকে ডাকছে।

দুর্গা ধাক্কা মারে, ওঠ! ওঠ! তাড়াতাড়ি যা, নইলে দেবী হয়ে যাবে।—এই শুনছিস!

খেমন যায় রেগে। চীৎকার করে ওঠে, কি?

অযথা ধমকে দুর্গা ঘাবড়ে যায়। বলে, নে ওঠ—যাবি না? ওরা যে সব চলে গেল।

—যাক গে, তোর কি?

দুর্গার রাগ হয়! চোখ দুটো ছলছল করে। বলে, খা, মদ খা! কলে যাবি কেন? শুয়ে থাক। আপনি পেট ভরবে।

—ভরবেই তো। তুই খাওয়াচ্ছিস না কি? ঘাস বেচে ক'টা পয়সা পাস, যে অত মুখ নাড়ছিস?

—যাই পাই তবু তো খেতে কন্সর করিস না। তুই যা পাস সবই তো মদ খাস। আমি আছি তাই খেতে পাচ্ছিস। আবার গোমর করিস?

সভেজে খেমন চীৎকার করে উঠে পড়ে, বেশ করবো মদ খাবো। তোর বাবার পয়সায় খাচ্ছি। তুই বলবার কে?

—কে? দাঁড়া দেখাচ্ছি! বলতে বলতে দুর্গা কঁদে ফেলে। দুগ্ধী ঘুমুচ্ছিল। তাকে দু'হাতে তুলে নিয়ে আছাড় মেরে বসিয়ে দেয়।

দুগ্ধী প্রস্তুত ছিল না। চীৎকার করে কঁদে ওঠে। খেমন ওঠে আগুনের মত জলে। চোখ দুটো বিস্ফারিত করে এগিয়ে যায়। হিতাহিত জ্ঞান থাকে না। সজোরে চুলের গোছা ধরে চেপে, কেন তুই ওকে মারবি?



— ছোড় দে বলছি ! দুর্গা প্রাণপণে ধস্তাধস্তি করে ।

উপর্যুপরি খেমন মারে লাথি । বেপরোয়া তেজে সে যেন মরিয়া হয়ে উঠেছে । অব্যক্ত বেদনায় দুর্গা বিকৃত হয়ে আসে । এলোচুল আর চোখের জলে ছটকট করে ।

একখানা ঘর । ছল্লী কাঁদছে । দুর্গা কাঁদছে । রাগী পাগলের মত খেমন গজরাচ্ছে আর ঠেঙাচ্ছে । হঠাৎ ঘরের ভেতর ছায়া পড়ে । বাইরে ভীড় জমে গেছে । খেমন ভ্রক্ষেপ করে না । ছিটকে বেরিয়ে যায় ।

গুম হয়ে দুর্গাও বসে থাকে । সাদা ছুটো চোখ । জলে যেন ছুটো কড়ি ভাসছে । একাগ্র দৃষ্টি । হিংস্র তারা দুটো জ্বলছে ।

নিজেও কিছু খেলে না । মেয়েকেও মাই দিলে না । শক্ত করে চুল বেঁধে উঠে দাঁড়াল । ছল্লীকে নিলে পিঠে বেঁধে । হাতে নিল ঘাস-কাটা খুরপী । তারপর ঘরে শিকল তুলে দিয়ে রাস্তায় এসে দাঁড়াল ।

কোথায় দিগন্ত বিস্তৃত প্রাস্তর ? হাতে তার খুরপী । দুর্গা চলে যাচ্ছে । শুকনো মাঠের ঘাস তাকে ডাকছে ! চাইতে পারে না । চোখের সামনে তীব্র রোদ ! সর্বাঙ্গে নিদারুণ বেদনা ! চোখের সামনে বিশ্ব যেন ছলছে । পিঠে বাঁধা ছল্লী । সেও ছলছে ।

* * * * *

মহাদেও বলে, ভেবে কি করবি ? রাগ করে গেছে, আবার ফিরে আসবে ।

মানসিং স্বীকার করে না । বলে, ইঁদা বাপের বাড়ী গেছে কিনা, তাই ফিরে আসবে !

ছটুলালের বুড়ো দিদিমা মাথা নাড়ে বিজ্ঞ কণ্ঠে বলে, ভাবিস না । ছাঁদিন সবুর করে দেখ । কোথায় আর যাবে । ফিরে আসবেই !

—তা আর নয় ! মানসিং বাদ সাধে, যেখানেই যাক, ফিরে সে কিছুতেই আসবে না ।

মহাদেও খোঁচা দেয়, না আসবে না, তাকে বলে গেছে ।

পাঁচজন্যর মাঝে কথাটা চাবুকের মত পড়ে । মানসিংয়ের চোখ ছুটো বেরিয়ে আসে, বলে, একটু মুখ সামলে, বুঝেছ মহাদেও !

—যা যা তোর মত অনেক দেখেছি—যা ! তুড়ি মেরে মহাদেও উড়িয়ে দেয় । মানসিংও ছাড়ে না । সজ্জার চেপে ধরে, বটে নাকি ? দেখাও না মুরোদ কতখানি ?

ঝানু গলায় দিদিমা এবার ঝেঁজে ওঠে, থাম থাম খুব হয়েছে, বাজে বকিস না । সব-টাতেই তোর পাকামী ।

—তা বলে মহাদেও কেন ওকথা বলবে ?

—বেশ আর বলবে না, চুপ কর ! দিদিমা স্নিগ্ধ হয়ে আসে । বলে, খেমনের খাওয়া বোধ হয় এখনও হয় নি ?

—হবে কোথেকে ! মহাদেও সুযোগের সদ্ব্যবহার করে, একে মনের ঠিক নেই, তার ওপর পাঁচজন পঁচ কথা বললে কখন মাথার ঠিক থাকে ?

পাঁচজনা মানেই মানসিং। মানসিং গৌজ হয়ে বসে থাকে।

মহাদেও উঠে পড়ে। খেমনেরও হাত ধরে টানে, নে ওঠ্ চ'!

—কোথায় নিয়ে যাচ্ছিস ? ব্যাঘ্রের রক্তা যেন ধমকে ওঠে। সবিনয়ে মহাদেও হাসে। সারা মুখে কাঁচা পাকা দাড়ী।—কোথাও নয়, এই একটু বেড়িয়ে নিয়ে আসি। জোছনা রাত। বেশ ফুরফুরে হওয়া দিচ্ছে। একটু ঘুরে আসি না ?

বৃদ্ধার মনে ধরে, বলে, বেশ যা। তবে বেশী রাত—করিস্ না। সারাদিন কিছু খায় নি।

—জানি জানি, কিছু ভেব না। বলে খেমনকে টেনে নেয়, আয়!

লুক্ক দৃষ্টি তুলে মানসিং তাকায়। বাক্তিহ স্ফীত করে মহাদেও হাসে। যাবার সময় একটা চোরা চাহনী মারে। মানসিং জর্জরিত হয়ে ওঠে। পরাজয়ের আক্রোশে মনে মনে ফেটে পড়ে।

নীচে চাঁদের আলোয় গাছের ছায়া পড়েছে। ওপরে রেলওয়ের বাঁধ। খেমনের ইচ্ছা হয় বাঁধের ওপর দিয়ে সেও কোথাও চলে যায়। যতই কাছে আসে ততই অভিভূত হয়ে পড়ে।

হঠাৎ চাঁদের আলো যায় নিভে। অন্ধকার সুড়ঙ্গের ভেতর খেমন দাঁড়িয়ে পড়ে। অধীর কণ্ঠে বলে ওঠে, ওপারে কোথায় যাচ্ছ ?

—যেখানেই যাই না। আয়তো!

—না!

রীতিমত মহাদেও স্তম্ভিত হয়ে ওঠে, প্রশ্ন করে কেন ?

—মদ আমি খাব না!

স্পষ্ট দেখা যায় না। অন্ধকারে মহাদেও খেমনের হাতখানা চেপে ধরে, পাগলামী করিস না। আমি বলছি সে ফিরে আসবে। সমস্ত দিন কিছু খাস নি। খামকা মন খারাপ করিস না। আয়!

দাঁড়াতেও কষ্ট হয়। খেমনের মনে হয় পাগলের মত কেবলই সে ঘুরে ফিরে বেড়ায়। পথ তাকে ডাকছে। সে চলেছে।

বাইরে ছোট একটা মাঠ। অদূরে কল। খেমন আবার দাঁড়িয়ে পড়ে। অপলকে চেয়ে থাকে। আকাশের ওপর ভাঙ্গা চাঁদ।

মহাদেও এসে পাশে দাঁড়ায়। বলে, কি দেখছিস ?

—ওটা কি ?

—কই ?

—ওই যে চিম্নির ওপর কালো।



দেখে মহাদেও বিস্মিত হয়ে ওঠে। বলে, শকুনি। কেন?

স্থির দৃষ্টির ওপর ভ্রু ছোটো কুঞ্চিত হয়ে আসে। থেমন কথা কয় না। আবার চলতে শুরু করে। মাঠের পরেই ক'খানা খোলার ঘর। তারপরেই বড় একটা পুকুর। পাশ দিয়ে চলে গেছে মিহি ধুলোর একটা কালো রাস্তা। ওরা গিয়ে সোজা বাজারে ঢোকে।

ফিরতে একটু দেরী হয়। খোলা জ্যোৎস্নায় পুকুর পাড়ে তখন হাওয়া উঠেছে। খোলা চোখে থেমনও রাস্তার ধুলোর ওপর শুয়ে পড়েছে।

মহাদেও বলে, এই ওঠ্ থেমন শোনে না। ধুলোর ওপর গড়াগড়ি যায়। অতি কষ্টে মহাদেও টেনে তোলে। উঠে থেমন তখন গান ধরে।

উল্লাসে মহাদেও চীৎকার করে ওঠে, বেশ, বেশ!

রাস্তায় কুলায় না। উৎসাহের আতিশয্যে থেমন বড় বড় পা ফেলে রাস্তা জুড়ে চলেছে।

মহাদেও বলে, এই থেমে গেলি কেন, গা না?

অকস্মাৎ থেমন গর্জে ওঠে, পালা!

চকিতে সন্তুষ্ট হয়ে ওঠে মহাদেও। ভাল করে পরিস্থিতিটা অনুধাবন করে। দেখে, চিম্নীর দিকে মুখ তুলে থেমন গজরাচ্ছে। চোখ ছোটো জ্বলছে, আর দাঁড়িয়ে দাঁড়িয়ে টলছে।

মহাদেও বলে, কি হলো?

থেমন বলে, ওটা এখনও বসে রয়েছে।

চোখের ওপর পৃথিবী যেন পাক খাচ্ছে। দেখে মহাদেও চিত্তিয়ে ওঠে। তারপর উচুমুখে আকাশে ঠোঁটা মারে, মার ওটাকে মার—মার!

পায়ের কাছে পড়ে ছিল রেলওয়ের পাথর। কুড়িয়ে নিয়ে থেমন ছুড়ে মারে। মহাদেও হাঁ করে চেয়ে থাকে। সোঁ করে কালো পাথরখানা ওপর পান্নে ওঠে যায়।

অভ্রভেদী স্পর্ধা চিম্নীটার যেন আকাশে গিয়ে ঠেকেছে। পাথরখানা অতদূর পৌঁছায় না। অদূরে খট্ করে শব্দ হয়। মনের আক্রোশ যেন মাটির ওপর মুখ ধুবড়ে ছিটকে পড়ে।

নিষ্ফল রাগে থেমনের পলক পড়ে না। অবাক হয়ে মহাদেও শূন্যপানে চেয়ে থাকে। যেন বিপুল এক ছায়া দাঁড়িয়ে আছে, বিরাট চিম্নী! মাথার ওপর বসে আছে বুড়ো শকুনি। কান পর্যন্ত তার ডানায় ঢাকা।

থেমন আর একবার গর্জে ওঠে, হতভাগা!

নিশাচরের পাষাণী

জ্যোতির্মালা দেবী

বাড়ীটা নিতান্তই সাধারণ। কিন্তু আমার এখানে আসাটাই হচ্ছে অসাধারণ। খুলে বলি।.....

একদিন দুপুরে হঠাৎ মনে পড়ল বড়দাদার বাড়ি যাওয়া দরকার, কিন্তু দাদা কি এখনো ফিরেছেন ইউনিভার্সিটি থেকে? বড় ঘড়ির দিকে তাকিয়ে মনে হল—ফেরেননি, হাতের ছোট ঘড়িতে কিন্তু সময় এগিয়ে চলেছে খুব দ্রুতবেগে। কোনটা ঠিক ভাবতে ভাবতে অচান্ধের মতন ড্রাইভারকে বললাম, “বালিগঞ্জে চलो।”...দাদা থাকেন আমহাষ্ট ট্রাটের দিকে, আমি চললাম বালিগঞ্জে। বাইরের দৃষ্টিতে দেখলে এতে বিস্মিত হবার কিছু নেই। অদৃশের কথা তখন কে জানত!

বালিগঞ্জের এবাড়িখানা সুন্দর, ছোটখাট। কত! আমারই ছোট ভাই অরুণ। মাত্র মাস তিনেক হল স্ত্রী ও দুটি মেয়ে নিয়ে উঠে এসেছে এখানে। আমার ছোট বোন অনিমাও এদের সঙ্গেই থাকে। আর থাকেন “লর্ড মিস্টো”, বঙ্গজ নাম অনিলবরণ। সৌভাগ্যক্রমে আমি তাঁর মাসিমা হই।

এবার কিছু পরিচয় দেওয়া যাক সকলেরই—বাড়ি ও মানুষ সবাইর।

এ বাড়ির উপর কেমন একটা আকর্ষণ হয়েছিল আমার—প্রথম যেদিন আসি সেইদিনই। সে তো প্রায় মাসতুয়েক আগের কথা। আকর্ষণের কারণ—পাশের অযত্নরক্ষিত আধো-জঙ্গল বাগান। ফুল ও ফল দুইই আছে ওখানে, কিন্তু সবই জঙ্লী ধরণের। কলকাতায় যে এমনটি দেখব, তা দেখবার আগে সত্যিই ভাবিনি।

বাড়িটা আসলে দোতাল, কিন্তু ছাদের উপরে একটি ঘর আছে—লর্ড মিস্টোর আস্তানা। অতএব তাঁর ও আমাদের মর্যাদা বাড়ার জন্তু আমরা বলি তেতলা।

সময় নেই অসময় নেই, এখানে এলেই যখন তখন ছাদে ছুটে আসি। এটি আমার রোগ এবং বিশেষভাবে আমারই। কিন্তু আশ্চর্য এই যে, আমার আসবার সঙ্গে সঙ্গে এই রোগ সবাইর মধ্যে সংক্রামিত হয়ে যায়। স্বীকৃত প্রকৃতির মেয়ে আমার বোন অনিমা, ছোটোছোটো ভালো বাসে না, তবু উঠে আসে—গম্ভীরভাবেই অবশ্য। পেছন পেছন উঠে আসে উষসী, অরুণের স্ত্রী। তারও পেছনে বেবি আর বিবি; একটি চার বছরের, অন্যটি তিন বছরের—ঠিক দুটি পুতুল যেন, রোগা পাতলা আর ফর্সা।—দুটিকে দুই হাতে দিবি তুলে নেওয়া যায়।



বাকি থাকে অরুণ। সন্ধ্যার ছায়া ঘনতর হবার সঙ্গে সঙ্গে আমাদের ছাদের আড়ায় হাজিরী সংখ্যা সম্পূর্ণ হয়। অরুণ আসে।

এ পর্যন্ত সবই সহজ, সাধারণ—মামুলী। কিন্তু আমি যেখানে যাবো, অসাধারণ সঙ্গে যাবেই; কিংবা অসাধারণ যেখানে আছে, আমিই হয়ত যাই সেখানে! ঘুরিয়ে ফিরিয়ে দেখতে গেলে ও একই কথা। যাক! যা বলছিলাম আকাশের হাজার তারার নীচে, চারদিকের রেডিও বন্ধারে কণ্টকিত সন্ধ্যা, বাঙলাদেশের সন্ধ্যা, বিলেতের নয় মাদ্রাজের নয় ব্রহ্মদেশেরও নয়—খাঁটি বাঙলার। কোথাও কোনো অসাধারণ নেই বাইরে। তবু দেখ, এক পলকে কী অসাধারণ হয়ে উঠল সন্ধ্যা! কোথায়? ছাদের নীচে ওই বাগানে।

আবেশে আমার চোখ মুদে আসে, এক দিনের জন্মে এসে এ বাড়িতে থেকে যাই বহুদিন। অরুণের জিজ্ঞাসার উত্তরে আজও বেশ নিশ্চিত মনেই বললাম, “দাদার কাছে? আজ না গেলে ও চলে।”

ওরা জানত, একেবারে না গেলেও চলে। উষসী একটু হেসে বললে, “দিদি, ওই বাগানটায় কি আফিমের ফুলও ফোটে? নিজেও সে নিঝুম, তোমাকে ও শেখালো ঝিমোতে।”

অনিমা চুপ করে শোনে। উষসীর বয়স অল্প, স্বভাবেও উজ্জ্বলিনী, সে আবার হেসে বললে, “আমারও কিন্তু টান আছে ওদিকে। সাহস দাও তো বলি—” কটাক্ষে অরুণের দিকে চেয়ে বললে, “ছোট মামাকে বলেছিলাম, শুনে কী রাগ ওর। এখানেও আবার কেউ রাগ না করলে বাঁচি।”

অরুণের বোধ হয় ‘সুপিরিয়রিটি কমপ্লেক্স’ ছিল, না থাকলেই আশ্চর্য হতাম। তরুণী ভাষার মামার চেয়ে সে যে সুপিরিয়র, একথা ভাষাকে বোঝাতে না পারলে বিয়ে করাই বা কেন? অতএব সেও বেশ প্রতিদান-কটাক্ষ হেনে, নীরব বেতারে অন্তরের জটিল ব্যাপারটা উষসীকে চমৎকার বুঝিয়ে দিল।

মেয়েটি ছুঁছুঁসি হেসে বললে, “তবে শোনো। দিনকতক আগেকার কথা। ভর-সন্ধ্যায় ওই ওখানে দাঁড়িয়েছিলাম—ছাদের দেয়ালে এই এতখানি কাছে। বাগানের কথাই ভাবছিলাম। কী রকম যেন! মনে হয় ওপর থেকে নীচে টানছে, টানছে—কী টান উঃ—”

অনিমা শিউরে উঠল, “বৌদি, বৌদি!”

অরুণ মুখ কালো করে বললে, “টেঁচামেচি কেন?”

কাঁপতে কাঁপতে বললে অনিমা, “ওকে চুপ করতে বলো, দাদা।”

বিংশ শতাব্দীর মেয়ে! ছি!

অরুণ হুকুম করল, “উঠে যা।”

অনিমা গেল না, জোর করে জড়িয়ে ধরল আমাকে।

চেয়ে দেখলাম উষসীর হাত ছুঁখনি শিথিল ভাবে পড়ে আছে কোলের উপর, চোখের দৃষ্টি ভীত, মুখের ভাব রহস্যময়। ঈষৎ জড়িয়ে জড়িয়ে বললে, “কি হল? আমি তো ভয় দেখাবার জন্যে বলিনি কিছু। আচ্ছা থাক, আর বলব না।”

একবার ভাবলাম অরুণকে বলি—পৌরুষ নির্জীব কেন? বকো ওদের।

কিন্তু দেখলাম মেয়ে দুটি সত্যিই ভয় পেয়েছে, ভয়টা আগে ভাগানো দরকার। চেপে না রেখে খুলে দেওয়াই ভয় তাড়াবার এক মাত্র উপায়।

তাই খুব খানিকটা অভিনয়ের ভঙ্গিতে বললাম, “কি সব ছেলেমানুষ! বাগান যদি আমায় টানে—টানে, না হয় লাফিয়েই পড়ব বাগানে, তাই বলে এত কান্নাকাটি, শিহরণ? তার চেয়ে যাও না বাপু, যে কোন ফিল্ম ডিরেক্টরের কাছে।”

উষসীর মুখে হাসি ফুঠল আবার, সাহসিকা বলে একটু খ্যাতিও আছে ওর। বললে, “আমার কিন্তু ইচ্ছে হ’ল অল্পরকম। রাগ করো না তোমরা, রাগান যখন আমায় টানে, তখন—তখন, নিজে লাফিয়ে পড়তে ইচ্ছে করে না, আশেপাশে খুঁজি অল্প কাউকে। হয়েছে কি জানো? পেছনে পেছনে সেদিন বেবিও এসেছে, বিবিও। ফিরে দেখলাম। তার পর——”

“বৌদি, পায়ে পড়ি—পায়ে পড়ি তোমার!” মুচ্ছাহতের মতো অনিমা মুখ ঢেকে শুয়ে পড়ল মাটিতেই। অরুণ পদশব্দে ভীষণ রাগকে জানান দিতে দিতে নীচে নেমে গেল। সুপিরিয়রিটি ভুলেই।

এ বাড়ির অসাধারণত্বের অভিজ্ঞতায় এই আমার প্রথম রাত্রি।

তারপর কিছুদিন এবিষয়ে কেউ আর কোনো কথা বলেনি।

অত্যাশ্চর্য যদি থাকে, সে হয়ত আমায় হাতছানি দেয়। কিন্তু বড়ই সঙ্গোপনে, সাবধানে কাউকে বলবার মতন কিছুই পাইনে খুঁজে। লিখতে গেলেও লোকে ভাববে—জাল বুনেছে কথার।

কাজেই ওসব থাক।

সাদা ভাষায় সাদা কথাই বলি। এবাড়ি ছেড়ে কোথাও আর যেতে পারিনে আমি। যেন বন্দিনী। কেন বা কার, জানিনে। শুধু জানি কেউ আছে এখানে, কেউ চায় আমায়। দেখা দিতে চায়—পারে না। কথা বলতে চায়—ভাষা ফোটে না। একটা আকুল তৃষ্ণা, মরুর মধ্যে ওয়েসিসের পিপাসা; একটা অক্ষুট সৌন্দর্য—অস্পষ্ট বলক দিয়ে যায়, বুঝতে পারি মর্তের রূপে রূপময় হবার জন্যে আমরাই চোখের সামনে সে তার স্বপ্নরূপ ধরে দাঁড়ায়, অধীর বাসনা তার। কিন্তু ছায়া কি দেখকে পায় খুঁজে?

জুয়া

এই ছায়াময় জগতে ধীরে ধীরে সে টেনে নিচ্ছে আমায়। এইটেই বুঝতে পারি কিন্তু বোঝতে পারিনে।

নিজের বাড়িতে ফিরে যাওয়া আর হয় না। উষ্মী অবাক হয়, মুখে কিছু বলে না। অনিমা তাকায় সন্দিগ্ধভাবে মাঝে মাঝে ভাবি ওদের বলব, কিন্তু বলতে গেলেই কে যেন কণ্ঠ চেপে ধরে। অনুভব করি একটা সূগভীর অভিমান, চোখে না দেখেও মনের মাঝে বুঝি তার দারুণ হতাশা।

নিবিড়, নিবিড়তর ভাবে সে এগিয়ে আসে—অস্তিত্ব নয় সে, একটা অনুভূতি। আমি অনুভব করি তার চোখ, অনুভব করি তার মুখ, অনুভব করি তার—আলিঙ্গন।

পাগল হয়েছি ? হয়ত। নিজেকে কতটুকুই বা জানি !

শুধু জানি এই যে, দূরে ঠেলতে চাইলে, অনাদরে অবহেলায় অবিশ্বাসে তৃণায় বর্জন করতে গেলে, অশরীরির কান্না আমারই বুকের মাঝে গুম্বরে ওঠে। সাগরতরঙ্গের মতো আমারই প্রাণের বালুতটকে ছিন্নভিন্ন করে দিয়ে যায় আমার অবিশ্বাস।

তাই আমি যেতে পারি না এবাড়ি ছেড়ে।

অনিমা কিছু বুঝেছিল কি ?

রাত্রে তো আমরা একই ঘরে শুই। কত বার তাকে উঠে বসতে দেখেছি, কতবার দেখেছি, সে ঘুমোতে পারে না, ছটকট। কারণ কি, আমিও জিজ্ঞেস করিনি—সেও বলেনি।

মাঝে মাঝে, চাঁদের আলোতে একটা জিনিষ লক্ষ্য করেছি—মনে হয়েছে গভীর মনোযোগে সে যেন কী শুনছে। শুনতে শুনতে মুখে তার ঘুটে উঠেছে কাতরতা, ছুই হাতে কাণ চেপে ধরে শুয়ে পড়ে।

হয়ত এমনিই কেটে যেত দিনের পরে দিন।

কিন্তু একদিন সকালে অরুণ বড় বিরক্ত হয়ে মিট্টোকে বললে, “রাত্রে কি তোর পায়চারি না করলেই চলে না ? সারাদিন খেটে-খেটে ক্লান্ত হয়ে আসি, কিন্তু না বুঝলে সেকথা বলা বৃথা।”

মিট্টো আশ্চর্য হয়ে বললে, “কি বলছ মামা !”

দেখলাম, অনিমার মুখ একেবারে সাদা হয়ে গেছে—হাতে চায়ের পেয়ালা কেঁপে উঠল। পরমুহুর্তেই সে দিনাবাক্যে ঘর ছেড়ে চলে গেল।

অরুণ অবাক। উষ্মী রাগ করে বললে, “একি কাণ্ড !”

অনিমা কিন্তু আর এলো না।

সারাদিন মনটা আমার সন্দেহে ছুলতে লাগল। যতই ভাবি—

স্পষ্টই বুঝতে পারি ছায়া শুধু আমার একলার নয়। আমি অনুভব করি, ওরা শোনে। আমি দেখি, অনিমা বোঝে।

তা হ'লে ?

অনেক ভেবে ঠিক করলাম—যে অনুভব করে সে শুনতেও পারে, যে দেখে সে বুঝবেও।

মনের কথা কিন্তু ভাঙলাম না কারো কাছেই।

তারপর—এলো নিশীথ রাত।

দেখলাম অনিমা উঠে বসেছে—সমস্ত আকৃতিতে সেই নিবিষ্টতা, সেই স্নান ছুঁখ।

উঠে বসলাম আমিও। কাণ পেতে শুনতে লাগলাম। কই, কিছুই না বাইরে বাগানে কেবল অবিশ্রান্ত ঝিঁ ঝিঁ-ঢাক, নিশাপোকার উল্লাস।

শুনতে শুনতে মন আমার নিবিষ্ট হতে লাগল নিজের মধ্যে—এগিয়ে আসছে এগিয়ে আসছে, আঃ গোরতনু তরুণ !

চূপ—চূপ ! ওই যে সে ফিরে চলল ! আমাদেরই ঘরের দোর খুলে, মৃদু পদসঞ্চারে... সিঁড়ি বেয়ে.....

মিনিটখানেক পরেই পায়চারি—ভাদে, স্পষ্ট—আরো স্পষ্ট—স্পষ্টতর—

তারও পরে—সজোর পায়ের শব্দ—পুরুষের, চঞ্চল, অশান্ত, অস্থির চিত্তের—পায়চারি।

দুই হাতে কাণ ঢেকে উপড় হয়ে পড়লাম বিছানায়। কতক্ষণ এভাবে ছিলাম জানি না। জ্ঞান ফিরে এলে উঠে বসলাম। অনিমার কথা মনে পড়ল, চেয়ে দেখলাম—

শুভ্র শয্যা ধপ ধপ করছে চাঁদের আলোতে—অনিমা নেই !

চাঁৎকার অরুণ ও উষসী উঠে পড়ল। কঁপতে কঁপতে বিছানার দিকে আঙুল দেখিয়ে বললাম, “অনি—”

ছুটে ছাদে এলাম সবাই। মিন্টো অকাতরে ঘুমোচ্ছে, বালিগঞ্জও ঘুমন্ত, চাঁদের আলোও যেন ঘুমে ঢলে পড়েছে সারা বালিগঞ্জের উপর। চারিদিকে এত আলো—অনিমা কই ?

অবাধ্য স্তম্ভিত পা ছুখানিকে কোনোমতে টেনে ছাদের দেওয়ালের কাছে এলাম—উষসীর বর্ণনার সেই দেওয়াল। নীচে বাগান। এই গুরুপক্ষের ছায়া-আলোয় সবুজ রঙ তার কালীর মতো করাল। ওখানে আমার বোন কই, অনিমা কোথায় ?

সহসা উষসী চৈঁচিয়ে উঠল, “ওগো দেখ দেখ, ওটা কি ?”

এদিকে ছাদের আলিসা ছোট একফালি বারান্দার মতো চওড়া, একটি মানুষ স্বচ্ছন্দে শুয়ে থাকতে পারে। অনিমার শাড়ি প্রান্ত জড়িয়ে আছে কোণের গঙ্গাজলের ট্যাঙ্কে, অল্প প্রান্ত এখনো তার পরণে—আর সে নিজে.....

ভীষণ চাঁৎকারে পাড়া কেঁপে উঠল। মিন্টোর জেগে উঠে কী কান্না !



অতি বড় ভাগ্য আমাদের—অনিমা ছিল মূর্ছার। জেগে থাকলে এই বিষম চোঁচামেচি হট্টগোল আর আতঙ্কেই সে মরে যেত। উদ্ধার করতে গিয়েই উপসংহার করে দিতাম ওর—জীবনের।

ভোর হতে না হতেই আমরা অন্য বাড়িতে—বড় দাদার বাড়ি।

কিন্তু.....

এ জীবনে আমার ব্যথা আর ঘুচলনা। সেই বন্দী— একাকী বন্দী, সাথী নেই—নেই দরদী! সেই অশান্ত পায়চারি! কী চেয়েছিল সে আমার কাছে, কী-ই বা তাকে দিতে গিয়েছিল অনিমা?

রহস্যের মতন পড়ে আছে ওই বাড়ি, কেউ সাহস করে না ভাড়া নিতে। লোকে বলে, বড় জানাজানি হয়ে গেছে। কেউ গাল দেয় বাড়িওয়ালাকে, বলে—ভাড়ার লোভে এতদিন গোপন করেছিল। নিজেরা জেনেশুনে চলে গেছে।

হায় বন্দী নিশাচর, হায় নিশাথের পিপাসা!

এর পরে কত দেশ-বিদেশ ঘুরলাম তারই—অশান্তি বুকে নিয়ে। জীবন হয়ত আমার ঘটনা বহুল, কিন্তু বহু ঘটনার মধ্যেও এটির তুলনা মেলে না। তাই ঘুরে ফিরে আজ আমি আবার সেই বালিগঞ্জে। নিতান্ত সাধারণ—বাহ্য দৃষ্টিতে নেহাত নিদোষ ওই বাড়িটা তেমনি দাঁড়িয়ে আছে। একটু শ্যাওলাবরা একটু পুরানো, পরিবর্তন এইমাত্র।

প্রতিবেশীরা জিজ্ঞেস করলে, “ভাড়া নেবেন? কিন্তু—”

বাধা দিয়ে বললাম, “জানি। কিন্তু বাড়িটা আমার ভালো লাগে, তাই জিজ্ঞেস করছি—কোনো ছুটিনা ঘটেছিল কি?”

কেউ বলতে পারল না। একটা রহস্যঘন আবরণ, একটা অহেতুক শঙ্কার ছায়ামাত্র; এবং তারও কারণ অনিমার সেই ‘এ্যাক্সিডেন্ট’ আর আমাদের কানে-শোনা ‘পায়চারি’। তারপর থেকে বাড়িটা পড়ে আছে, কেউ সাহস করে না ভাড়া নিতে।

জিজ্ঞেস করলাম, “বাদের বাড়ি তাঁরা থাকেন কোথায়?”

উত্তর—“এই তো কাছেই। হুমোড় ঘুরে গেলেই সাদা-নীলে মেশানো দ্বিতীয় বাড়িখানা।” তখনই রওনা হয়ে পড়লাম।

বসবার ঘরে অনেকক্ষণ অপেক্ষা করতে হ’ল। কর্তা বা কব্রী কেউ বাড়িতে নেই। বড়দিদিমণি আছেন।

বললাম—তাকেই ডেকে দেওয়া হোক।

মিনিট দশেক পরে যে মেয়েটি ঘরে ঢুকল, তাকে দেখে অবাক হয়ে গেলাম, রুদ্ধকণ্ঠে বললাম, “করণা, তুমি?”



“একি, সীতা ?”

“চিনতে পেরেছ ?”

“পারবার কথা নয়। কতকাল পরে দেখা বলো তো ? সেই ডায়োসেনসিমে তুমিও বি,এ পাশ করলে আর আমি গেলাম মুসৌরী—”

“বিয়ে হয়েছে না ?”

করুণা হেসে বললে, “লাঠা সিঁড়র ঢুট্ট দেখছ তো। কিন্তু তুমি এত অলম্ননস্ক কেন ? রোগাও হয়ে গেছ বড়। আমি তো এখানে থাকি না নষ্টলে খোঁজ নিতাম অনেক আগেই—”

“থাকো না এখানে ? কোথায় ছিলে এতদিন ?”

“মধ্যভারতের নানান জায়গায়। ওঁর কাজ ওদিকেই। ভালো কথা, তুমি কোথায় আছ এখানে, তা তো বললে না।”

“কোথাও নেই। তবে থাকতে চাই। তাই তো এসেছি তোমার কাছে।”

করুণা তত্ত্বুদ্ধি হয়ে বললে, “তার মানে ?”

“মানে না হয় পরে বলব। আগে বলো তোমাদের—রোডের বাড়িখানা ভাড়া দেবে কিনা।”

এক মনে লক্ষ্য করছিলাম করুণার মুখ, দেখলাম—ওই কথা বলামাত্র সুগৌরবর্ণ তার আঙনের মতো লাল হয়ে উঠল। “অনেকক্ষণ কোনো উত্তরই দিল না। তারপরে কথা যখন বলল তখন কণ্ঠ ঈষৎ ক্রূত। বললে, “ও বাড়ি ভাড়া দেওয়া হয় না।”

“কিন্তু আমার যে চাই-ই। করুণা, আমায় দয়া করো।”

বিস্ফারিত চোখে করুণা অনেকক্ষণ ধরে আমায় দেখতে লাগল। অনেকক্ষণ পরে বললে, “সীতা ব্যাপার কি—বলবে আমায় ?”

“বলব।”

“তাহলে ওপরে আমার শোবার ঘরে এসো, এখানে যে কেউ এসে পড়তে পারে।”

* * *

সামান্যই বলবার ছিল আমার।

বাকি কথাগুলো করুণার। বললে, “সীতা, তুমি আমার বালাবন্ধু। আমার যা বলবার আছে বলছি। তারপরে কি করতে হবে না হবে তুমিই বুঝে ধরো।” খানিক নীরব থেকে, রুদ্ধ-কণ্ঠ পরিষ্কার করে নিয়ে আবার বললে, শোনো।”

আমার ছোট কাকা, নাম অতী, বাড়ির সবচেয়ে ছোট ছেলে। তার আঠারো বছর বয়সের সময় ঠাকুরদা মারা গেলেন, ঠাকুরমা গিয়েছিলেন আগেই।



অভীকেই লিখে দেওয়া হয়েছিল ওই বাড়ি। ওর বাবা মারা যাবার বছর তিনেক পরে, কাশী থেকে ফিরে এসে অভী ওখানেই থাকত। একলাই থাকত, বাড়িতে শুধু ঠাকুর আর চাকর।

তারপরে কি হল জানি না, কিন্তু বাবার কানে নানা গুজব রটতে লাগল। কেউ বলল, অভী বাড়িতে একলা থাকে না। কেউ বা বলল সে মাঝে মাঝে কোথায় যেন যায়।

অল্পবয়সী ছেলে, বুঝতেই পারো বাবা একটু চিন্তিত হলেন। ঠাকুর চাকরকে অনেক জিজ্ঞাসা ও জেরা করে যা জানা গেল তা খুবই রহস্যময়। ওরা দিব্যি করে বলল যে দিনের বেলা বাবকে ছাড়া কাউকেই ওরা দেখতে পায় না, কিন্তু রাত্তিরে ছাদে পায়চারি শুনেছে—স্পষ্ট দুটি লোকের।

অভীকে জিজ্ঞেস করতে সে তো হেসেই উড়িয়ে দিল। বাবা নিশ্চিন্ত হয়ে ভাবলেন ওসব ঠাকুর চাকরের রটনা। কিন্তু অভীকে বললেন এ বাড়িতে এসে থাকে যেন, আমাদেরই সঙ্গে। সে রাজি হল না। বাবা তখন ওবাড়ির পুরানো লোক ছুটিকে ছাড়িয়ে নতুন লোক রাখলেন।

কিছুদিন সব চুপচাপ।

বলতে ভুলে গিয়েছি, অভী চাকরী বাকরী করত না। অবস্থা ভালো, বাপ যথেষ্ট দিয়ে গেছেন, সখের পেশায় সাহিত্যিক। অনেকের সঙ্গে জানাশোনা ছিল, অনেকেই আসত কাছে। কখনো কখনো মেয়েরাও। একটি মেয়ে প্রায়ই আসত, কিন্তু একলা নয়, তার দাদার সঙ্গে। নাম শুনেছ হয়ত? সাহিত্যে বৈশ্য নাম করেছেন—হ্যাঁ, সে-ই—মিত্রির। জিজ্ঞা তারই বোন। না, স্নন্দর নয়। কিন্তু চেহারায কিছু একটা ছিল। তবু কেউ ভাবেনি অভী তার প্রেমে পড়বে। মেয়েটির কথা আলাদা। আমার কাকাকে দেখোনি তুমি। গৌরতন্তু, অসাধারণ কোমল মুখ—পুরুষের পক্ষে একটু বেশিই কোমল, দেখেছো—”

“দেখেছি। তারপর?”

“কোথায়?” করুণা কিছুক্ষণ স্তম্ভিতভাবে রসে থেকে বললে, “থাক বোলো না, মনে পড়েছে। কি বলছিলাম? জিজ্ঞার কথা। কবি মেয়ে। অভীকে সে ভালোবাসত। শুধু ভালোবাসত বললে ঠিক বলা হয় না, ওর জন্তে প্রাণ দিতে পারত। কেমন করে তাদের বিয়ে হল কেউ জানে না। পরে সুনলাম কাশীতে। গোপন রাখবার কি দরকার ছিল তাও তখন ভেবে পাইনি। মনে করতাম কবি ও সাহিত্যিকের খেয়াল। এখন সে রহস্যও আর রহস্য নয়। একটু বোসো তুমি—” বলে করুণা হঠাৎ উঠে গেল। কয়েক মিনিট পরেই ফিরে এলো, হাতে একখানা ছবি। খুলে ধরে বললে, “দেখ।”

ছবি একটি মেয়ের, প্রতিভাদীপ্ত মুখ, অধরে আর চোখে অসাধারণ আছে। জিজ্ঞাসুভাবে তাকালাম, করুণা ঘাড় হেলিয়ে বললে, “হ্যাঁ, জিজ্ঞা। বাঙালী বলে মনে হয় কি? বাপ

বাঙালী, মা দক্ষিণী। রহস্য ওখানেই। জিজ্ঞা আর—মিত্রের বাবা একই। জিজ্ঞার মা—মিত্রের মা নন। কে তিনি? বলছি। ভারতের দক্ষিণে ডি—স্টেটের নাম শুনেছ? জিজ্ঞার মা ওখান-কারই এক উচ্চপদস্থ কর্মচারীর মেয়ে। রূপে গুণে রাজার নজর পড়ল। প্রথম যৌবন, পিতার অধীন, অনভিজ্ঞ মেয়ে, অতএব যৌবনের কয়েকটা বছর এমনিই কেটে গেল। তার পরে দেখা হল মিত্রের বাবার সঙ্গে। শুনেছি মস্ত গুলীলোক ছিলেন সুশীলবাবু—কণ্ঠস্বরে নাকি বনের পশু পোষ মানত, রাজার অস্তুঃপুরিকা কোন্ ছার! ফলে ঘটল এক ইলোপমেন্ট। রাজা নিলেন প্রতিশোধ—সুশীলবাবুর গদান, লোকে কিন্তু জানল মোটর এ্যাকসিডেন্ট। সত্য যারা জানত তারা কেউ দিনের আলাতে বা সরকারী কোর্টে সাক্ষ্য দিতে আসে না। অতি কষ্টে জিজ্ঞার মা কাশীতে পালিয়ে এলেন। যথাসময়ে পালাতে পারলে যে বিয়ে হত, তারই জ্ঞাত আফশোষ করতে করতে এবং ভগ্নস্বাস্থ্যে একটি দুর্বল শিশু প্রসব করে, অকালে মারা গেলেন এই কাশীতেই।—মিত্রের তখন কৈশোর যৌবনের সন্ধিক্ষণে। অত্যা লোক হলে হয়ত ভাবত, অনেকখানি ইতস্ততও করত—জিজ্ঞার পিতৃপরিচয়ের নিশ্চয়তা কী? কিন্তু মিত্রের মনে কোনো সন্দেহই উঠল না। সমাদরে জিজ্ঞাকে গ্রহণ করলে। ক্রমে লোকে ভুলে গেল যে জিজ্ঞা মিত্রের আপন বোন নয়। জানতই বা ক'জন? বাঙলাদেশে তো কেউই নয়।

এখন বুঝতে পারছ অভীর বিয়ে গোপনে কেন হল, কেনই বা সে পরমাস্বীয়ের কাছেও নিজেকে লুকিয়েছিল! অদৃষ্ট। তাছাড়া আর কী বলব।

চাকরেরা মিথ্যে বলেনি। মাঝে মাঝে ও বাড়িতে একাধিক লোকই থাকত, গোপনে রাত্রে একাধিক লোকই ছাদে পায়চারি করত। রহস্য ঘনতর হচ্ছে দেখে বাবা কোনো বন্ধুর শরণ নিলেন। সখের ডিটেকটিভ চাকরদের বশ করে ওখানে রাত্রি যাপন করলেন—কয়েক রাত। শেষের দিকে অভী ও জিজ্ঞা ধরা পড়ল একসঙ্গে। জ্যোৎস্না রাত্রির, বালিগঞ্জ গভীর ঘুমে অচেতন, ছুঁজনে ঠিক ছুপুর রাতে উঠে ছাদে বেড়াচ্ছে হাতে হাত জড়িয়ে। জিজ্ঞার কালো চুল হাওয়ায় উড়ে অভীর চোখে মুখে ছড়িয়ে পড়েছে, ছুঁখানি মুখ কতবার পাশাপাশি হল—কত চাওয়া-চাওয়া চোখে চোখে। তারপর হঠাৎ বিস্ময়ে স্তম্ভিত রইল সেই মুখ সেই ছুঁজোড়া চোখ। সেই ছাদের ঘরে দপ করে আলো জ্বলে উঠেছে! প্রদীপ্ত আলোকে দাঁড়িয়ে বাবার বন্ধু, জ্বলছে তাঁর চোখও—রাগে। একটি কথা শুধু বললেন অভীকে—“ব্যাভিচারী!”

চোখের পলক না ফেলতে এক কাণ্ড। জিজ্ঞা কি লাফিয়ে পড়ল ছাদ থেকে, না অভীই তাকে ফেলে দিল? অনেক চেষ্টা করেও বন্ধু তা স্বরণ করতে পারেনি নি। শুধু ছুট গিয়ে অর্ধ-উন্মত্ত অভীকে তিনি জোর করে চেপে ধরলেন, ছাদের দেয়ালের কাছে এসে দেখলেন অভীর সঙ্গিনীর



শাড়িখানার আর্ধেক আটকিয়ে আছে কোনের ট্যাঙ্কে, বাকি আধখানা ঝুলছে আলিসায়। জিজ্ঞাসে নেই। উপরে, নীচে, কোথাও তাকে পাওয়া গেল না। ইহলোকে অভীর সঙ্গে ওই তার শেষ মিলন, সেই তাদের শেষ দেখা।”

“কিন্তু করুণা!”

“আমার কথা এখনো শেষ হয় নি।

বন্ধু ও বাবা মনে করলেন জিজ্ঞাসা কোনোরকমে পালিয়েছে। মরে নাই যখন, তখন অনর্থক হাঙ্গামে লাভ কি, এই ভেবে পুলিশে খবর দেওয়া হল না। অভীকে ঘরে বন্দী করে রাখা হল। যে ঘরে তোমরা ছুবোন শুতে, সেটিই ছিল ওর শোবার ঘর। সেখানেই মারাও যায়। কি করে মরল? বলছি। বড় কষ্ট সীতা, গলাটা যেন শুকিয়ে যাচ্ছে। প্রকারান্তরে এর জন্তে আমার বাবাই দায়ী কিনা, তাই অভীর স্মৃতিতে আমাদের বড়ই জ্বালা। তবু শোন—

অভীকে এর পরে আর প্রকৃতিস্থ বলে মনে হত না। ওর উপর কড়া নজর রাখা হল। কিন্তু ডাক্তারের পরামর্শমতে যতদূর সম্ভব ঘুরে ফিরে বেড়াতে দেওয়া হত—বাড়ির সীমার মধ্যেই অবশ্য। রাত্রি, বিশেষত চাঁদের আলোয় সে কী যেন খুঁজে খুঁজে ফিরত—ওই বাগানে। ওর বিশ্বাস ছিল জিজ্ঞাসা কোথাও যায়নি, ওখানেই আছে। সেজন্তেই আমরা ওকে পাগল ভাবতাম।

তুমি ওবাড়িতে তো ছিলে। মনে পড়ে কি, চালতা ও জামরুলগাছে জড়াজড়ি ঘন বনের মতো একটা জায়গা? ওখানে কুয়ো ছিল, কাঁচা কুয়ো, বাগানে জল-সৈঁচের জন্তে। অভী মনে করত জিজ্ঞাসা ওখানেই আছে। কতবার চাঁদের আলোয় বেড়াতে বেড়াতে জিজ্ঞাসা নাকি বলেছে, ধরা পড়লে সে ওখানেই ডুব দেবে। বাবাও সন্দেহ করেছিলেন, কিন্তু কুয়োর ভিতর লোকজন নামিয়ে কিছুই পাওয়া যায়নি।

তাই অভীর এ পাগলামিকে আমরা প্রশ্রয় দিতাম না।

ক্রমে সেই দুঃসহ ব্যথা—অভীর অপ্রকৃতিস্থতা অভ্যস্ত হয়ে এলো সবাইর। পাগল তো নয়, কেবল একটা বদ্ধমূল ধারণা, ছাদে বাগানে জিজ্ঞাসাকে খুঁজে খুঁজে বেড়ানো। মাঝে মাঝে বলত, ‘আমিই তাকে ঠেলে ফেলে দিয়েছিলাম ছাদ থেকে, মনের দুঃখে সে আত্মহত্যা করেছে ওই বাগানে। এখন রোজ রাত্তিরে আমার কাছে আসে—ডেকে যায় ছাদে বেড়াতে।’ শুনে আমরা হাসতাম।

আরো কিছুদিন পরে ওর উপর আর আমরা নজরও রাখতাম না। যখন ইচ্ছা বাগানে ঘুরে বেড়াতে, বইহাতে, কখনো বা খাতা পেন্সিল নিয়ে। পুরানো স্বভাব ফিরে আসছে ভেবে সবাই খুঁসি।

কিন্তু ওর মনে মনে মতলব ছিল। টের পেলাম সেদিন, যেদিন বাগানের বুড়ো মালী ছুটে এসে বললে যে থোকাবাবু অনবরত ডুব দিচ্ছে কাঁচা কুম্বোর জলে। বারণ মানছে না।

আত্মহত্যা করতে সে চায়নি, খুঁজছিল কেবল জিজ্ঞাকে।.....

যাক আর বেশী নেই। এই বাড়ির এই বাগানেই একদিন তার সকল খোঁজার অবসান হয়েছে। না সীতা, আত্মহত্যা নয়, অসুখে মারা গিয়েছিল অভী। কিন্তু শেষ মুহূর্ত পর্যন্ত, জিজ্ঞাকে খুঁজছে। তারপর চরম হতাশায়, এই মর্ত্যের অন্বেষণ ছেড়ে চির-অন্বেষণের পথেই বেরোবার জন্তে, কান্নাকাটি করে ওই বাগানেই তার শেষ শয্যা পেতেছিল। অভীর কথা আর নেই।”

*

*

*

একটা অনুভূত বেদনায় আজো হৃদয় যেন ছিন্নভিন্ন হয়ে যেতে চায়। নিশীথের বন্দী—অতৃপ্ত পিপাসা—

জিজ্ঞা শুধু তার প্রেমের প্রতীক। সে শরীরিণী নয়, তাই তরুণ তাকে খুঁজে খুঁজে বেড়ায়। শুধু বাগানে নয়, ছাদে নয়; শুধু জলে নয়, স্থলেও নয় শুধু। অভী আজো তাকে খুঁজে বেড়ায় মানবের অনুভূতিতে, তার অস্থির অন্বেষণ-কনি ধরা পড়ে মানুষের শ্রবণে, তার সৃষ্টির তিয়াস বলকে ওঠে মেদিনীর চোখে।

আমি তাই তার বন্দিনী। বাড়ি? হ্যাঁ ও বাড়ি ছেড়ে এসেছি। তাই অভীও আজ সেই বাড়ি ছেড়ে, দূততর ভিত্তি গেড়েছে আমারই অন্তরগৃহে। সেখানে তরুণের অন্বেষণ, অভীর পিপাসা—অক্লান্ত।



বন্দিবীর বন্দনা

স্বর্ণকমল ভট্টাচার্য

রেণু দেবী আজ চুল বেঁধেছেন অনেক সময় নিয়ে। আর কি সেই চুলের গোছা আছে ! তবু, শত হলেও, বাইরের লোকের কাছে একটা পেত্নীর মতো তো আর যাওয়া যায় না। হলেনই বা চার সস্তানের মা ! বয়স তবু কী আর এমন ! এখনো ভাঁটার ডাক আসতে তাঁর অনেক দেবী।

শ্রামবাজারে নেমস্তন্ন। স্বামী আজ সন্ধ্যার আগেই আপিস থেকে বাসায় ফিরবেন। বলে গেছেন ; সেজেগুজে তৈরী হয়ে থাকতে।

রেণু দেবী প্রস্তুত। এখন শুধু পরণের আধ-ময়লা শাড়িটা বদলে ফেললেই হয়। খোঁপা বেঁধেছেন, টিপ পড়েছেন, সিন্দুর দিয়েছেন সিঁথিগুলো, মুখে মেখেছেন স্নো। বেশ খানিকটা পাউডারও ঘষেছেন সারা মুখে ; আবার তা মেশাতে হয়েছে এমনি করে যে, দেখে কেউ বুঝেও যেন বুঝতে না পারেন।

ছেলেমেয়েদেরও সাজিয়েছেন—টুনিকে, বেলাকে, মণ্টুকে, খোকনকে। কোলের ছেলেটার তুটুচোখে আবার কাজলও পরিয়েছেন। পরাতে গিয়ে কি জানি কেন আজ মনে পড়ে কবেকার সে কথা ! আয়নার কাছে দাঁড়িয়ে একটা কৃত্রিম তিল এঁকে দিলেন নিজেরই বাম-গাও। স্বামীর খুব ভালো লাগত এককালে। দোষ কী তাতে ? কিন্তু আরশির মধ্যে ডাগর চোখ ছুটিতে ফুটে উঠল কেমন একটু লজ্জা যেন—এই একা ঘরে, নিজেরই কাছে। রীতিমতো রাগ হয় রেণু দেবীর। আয়নার উপরই ফিক করে হেসে ফেললেন—পান-খাওয়া লাল টুকটুকে ঠোটে ! এখনো সে সুন্দরী ! আর কারু চোখে না-ই যা যদি, ওঁর কাছে ত বটেই। কিন্তু কথাটা ভাবতে গিয়ে বার বছর আগের সেই আকাশ থেকে ধপাস্ করে যেন খসে পড়েন বর্তমানের শক্ত মাটিতে। তবু আজ সেজেছেন বহুদিন পরে। মিথো ভেবে আর লাভ কী ? লক্ষ্য আজ স্বামীই। স্বামীর কাছে আজ এই স্নযোগে, একটু ছন্দিত হয়ে ওঠেনই যদি, তার ফলে ব্রহ্মাণ্ড আর রসাতলে যাবে না ! কী এমন বয়েস তাঁর টুনি এখনো দশ-ই পেরোল না !

কাজের লোকটাকে আজ যু হোক পাওয়া যাবে অনেকক্ষণ। আপিস থেকে ফেরেন সেই রাত ন'টা, কোনো কোনো দিন আরো অনেক পরে। অসুখ হয়ে ছু'দিন যদি বিছানায়ও পড়ে থাকেন, তা হলেও রেণু দেবী বুকি কটা দিন নিঃশ্বাস ফেলে বাঁচেন। লোকটা মানুষ, না মেশিন ?

সিঁড়িতে জুতার শব্দ। রেণু দেবী চট্ করে খোঁপাটা ঠিক করে নেন। মস্ত বড় ভুল হয়ে গেছে! পরণের কাপড়খানায় হেঁশেলের ও-বেলাকার যত সব ছাপছাপ লেগে আছে এখানে ওখানে। শাড়িখানা পরে নিলেই ভালো ছিল।

সুশান্ত ঘরে ঢোকেন। পাঞ্জাবীটা খুলতে খুলতে প্রশ্ন করেন, “নেমন্তুলে যেতেই হবে?”

“বা-রে! আমাদের সব তৈরী হয়ে থাকতে বলে এখন তুমি—”

“কাজ ছিল এ অনেক।”

“সে তো রোজই থাকে।”

“প্রেস থেকে ফোন করে জানিয়েছে, আমার জন্তে টেবিলের উপর একগাদা প্রফ্ আজ কাঁদছে বসে।”—বলেই সুশান্ত শুষ্ক হাসি হাসেন।

“বল্লে না কেন, আজ নেমন্তুল রয়েছে?”

“তখন কি আর ও কথা ছাই মনে ছিল।”

তার মানে, ছেলেমেয়েদের নাচিয়ে-তুলিয়ে সে কথা অনায়াসে ভুলে থাকাটাই কাজ, এ-তুনিয়ায় বাদবাকী আর সবই অকাজ।

“চট্ কেন? যাব।—যাব বলেই তো সকাল করে ফিরে এলাম।”

অপার দয়া! রেণু দেবী মনে মনে অভিমানে ফুলতে থাকেন। কারগটা অবশ্য আলাদা এত করে যে সেজেছেন আজ, লোকটার একটবার চোখেও পড়লো না!

বাইরে সন্ধ্যা নামছে। ঘরের মধ্যে আবছা অন্ধকার। তারই জন্ত নজরে এখনো পড়েন নি বুঝি? হয় তো তা-ই। রেণু দেবী সরে এলেন দেওয়ালের গায়। হাত বাড়িয়ে সুইচ টিপে দিয়ে দাঁড়িয়ে রইলেন ঐ চোখ ধাঁধানো বিজলী আলোর নিচেই। সুন্দরী সে আজো!

সুশান্ত প্রশ্ন করেন, “প্রিমিয়ামের টাকাটা আজ মনে করে ধীরেশকে দিয়েছিলে তো?”

হা, হতোহস্মি! রেণু দেবী ফুলে ফোঁপে ওঠেন ভেতরে ভেতরে। এরি জন্ত এত সাজ? এতখানি কাঙালপনা? কেন? মুখ থেকে কী একটা কথা বুঝি বার হয়ে আসছিল, ঘরে ঢোকে টুনি—বড় মেয়ে।

“ওরা সব কোথায়?”

“নিচে—মাসীমাদের ঘরে।”

“ডেকে নিয়ে আয়।”

“আমরা কি এখনি যাব মা?” উল্লাসে প্রশ্ন করে মেয়ে।



“হ্যাঁ রে!—যা এখন।”

মেয়ে ছুটে ঘরের বার হয়ে যায়। এই শেষ সুযোগ। রেণু দেবী এগিয়ে আসেন
আধ-শোওয়া স্বামীর মাথার কাছে—তত্ত্বপোষের ধারে।

“তোমার শরীর ভালো নেই আজ?”

“না তো!”

“তবে অমন চূপ করে আছ যে!”

“এমনি,” পরিশ্রান্ত সুশাস্ত্র একটা হাই তোলেন, “কাজের চাপ এত বেড়ে গেছে
আজকাল!”

“অত খাট কেন?” মুখেচোখে এক-বালক দরদের আভাস ফুটিয়ে রেণু দেবী বুককে
পড়েন স্বামীর মুখের উপর।” থাক্। নেমন্ত্নে আজ গিয়ে কাজ নেই।”

“কেন?”

“তোমার শরীর ভালো নেই।”

“খুব ভালো আছে।”

“রইলই বা। একদিন না হয় গল্প করেই কাজের সন্ধ্যা মাটি করলে।”

সুশাস্ত্র জবাব দেন না। রেণু দেবী তাঁর চোখে পরিষ্কার বুঝতে পারেন, ও-চোখের দৃষ্টি
এখন এ-ঘরে আর নেই।

“ভাবছ কী?”

আনমনা সুশাস্ত্র হেসে ফেলেন, “ভাবছিলাম, কালকে আমায় পাঁচ পাঁচটা ফর্মার
ফাইনাল প্রফ দেখতে হবে।”

ছেলেমেয়ের দল হৈ চৈ করে সিঁড়ির মুখে পৌঁছে গেছে। নিবিড় সান্নিধ্য হয় ছুনিবার
ব্যবধান।

রাত দশটায় বাসায় ফিরেই সুশাস্ত্র শুয়ে পড়লেন স্বস্থানে। বেলা আর মন্টু তো
বাসের মধ্যেই ঘুমিয়ে পড়েছিল। টুনিও বিয়ুতে বিয়ুতে কোনো মতে যা হোক বাসায় এসেই
সটান। ঘুমন্ত কোলের ছেলেটাকে দুধ গরম করে খাইয়ে শুইয়ে রেণু দেবী যখন গামছায় পায়ের
তলা মুছে বিছানায় এসে উঠলেন, স্বামীর তখন নাক ডাকে।

আষাঢ় মাসের সন্ধ্যা কাল। আজ যেন একটু বসন্তের হাওয়া দিয়েছিল বহুদিন পরে, বিয়ে-
বাড়ীর কলগুঞ্জনের মধ্যে সানাইএর সুর সেই তরলতাকে আরো বেশী তরঙ্গায়িত করে ছেড়েছে।...
কেন? লোকটার এরি মধ্যে নাক ডাকবে কিসের জ্ঞত? যত বজ্রাট শুধু একলা তাঁরই ঘাড়ে?

খোকনকে হুধ খাওয়াতে হবে, মন্টুর মাথাটা বালিশে টেনে তুলে দিতে হবে, বেলা এরি মধ্যে কুকুর কুণ্ডলী হয়ে পায়ের তলায় গিয়ে ঠাই নিয়েছে—তাকেও ঠিক করে শোয়াতে হবে, টুনিরও শোওয়া খারাপ—মাঝে একটা পাশবালিশের বেড়া দিতে হবে—যত ভাবনা, যত চিন্তা কি তাঁর? সন্তানরা কি শুধু রেণু দেবীরই? জোড়া-দায়িত্বের দায়ভাগ কেবল একেরই ঘাড়ে?

“ঠিক হয়ে শোও না গো।”—স্ত্রী আস্তে একটু ধাক্কা দেয় ঘুমন্ত স্বামীকে।

“হুঁ!” তন্দ্রাজড়িত অর্পহীন সাড়া।

“কেবল হুঁ আর হুঁ!”—একবারে মশারিটার উপরে গিয়ে পরেছ। এ আবার কেমন দার শোওয়া! একমিনি পটাসু করে ডিড়ে পড়বে মশারিটা সকল গোষ্ঠির গায়ের উপর।—শুনছ?”

জবাব দিল সুশাস্ত্রের নাসিকাগর্জন। মশারির মধ্যে ভুর ভুর করে এসেলের মূহুগন্ধ। রেণু দেবী ইচ্ছে করেই শাড়িখানি আজ বদলাতে ভুলে গেছেন।

“বেঁড় সুইমটা টিপে দাও না গো!—তোমার হাতের কাছেই।” দেবে না কেউ, তা রেণু দেবী বেশ জানেন। তবু আজ তিনি বলবেনই, এক শ বার বলবেন এই অঙ্গকার নির্জন ঘরের সঙ্গেই না হয় কথা কইবেন মনে মনে। দিন তাঁর ফুরিয়ে গেছে! আজ যেন তিনি বাসি ফুলের মালা। ফুল কি আর আছে! ফুলের আজ ফল-পরিণতি। ভবু কেন হায় ফলের মধ্যেও আজ ফুলের স্মৃতি কাঁদে?.....

“আবার তুই পায়ের তলায় গেছিস?” অঙ্গকার বিছানায় মা গর্জে ওঠেন, “যেমন ঘরে জন্মেছিস তেমনি তো হবি! কথা বললে যদি কানেও তোলে; বাতিটা নেবাবার উপকারটুকু হয় না বাবা!—তোদের আর দোষ কী! এক ঝাড়েরই তো বাঁশ।”

আবার চুপচাপ। সুশাস্ত্র নাক ডাকে। রেণুর চোখে ঘুম আসে না। কেবলি করে এপাশ-ওপাশ। মনে পড়ে সেই কলেজ জীবনের কথা। এক যে ছিল তরুণী! সম্মুখে কত আশা, কত বড় বড় কথার রাজহ। সেই মুকুলিত মনের সামনে সেদিন বিমুগ্ধ বিশ্বয়ের এক বিশ্ব নিয়ে দেখা দিয়েছিল যে তরুণ রাজপুত্র, তাঁর এখন নাক ডাকে। বাইরের ডাক আজ তাঁকে অনেকখানি ঘর ছাড়া করেছে মনের দিকে। আর রেণু দেবীর কাছে হেঁশেলই আজ সারা ছনিয়া, ভাঁড়ার হয়েছে ব্রহ্মাণ্ড!.....

কোলের ছেলেটা ঘুমের মধ্যে একবার কঁদে ওঠে। ইচ্ছে করেই মা থাকেন অঙ্গকারে দূরে সরে। কাঁতুক না খানিক। কান্না শুনে তবু ঘুম ভাঙুক ঐ লোকটার। ভুগুক না সে-ও অন্ততঃ এই একটা দিন।...ও-ঘুম কি আর ভাঙ্গবে আজ? কুম্ভকর্ণ!...



মাতৃস্বভূত শিশু আবার ঘুমায়। রাস্তায় কোন দূরে একটা রিক্‌শা করে টুনটুন। মশারির বাহিরে এসে রেণু দেবী বসলেন জানালার কাছে। নিঝুম নিশীথ নগরী। ঘুমের অবাধ রাজত্ব। ঘুম নাই শুধু তাঁরই চোখে!.....

কেন? মনের মধ্যে ঘুরপাক খায় এক মস্ত কেন?...স্বামী আর ভালোবাসেন না তাঁকে? তা-ও তো নয়। এই তো সেদিন তাঁর ছাঁদিনের জ্বরেই স্বামীর সে কী অস্থির কাণ্ড! ডাক্তার আনতে ছুটে যায়, শ্বশুর-শাশুড়ীকে খবর পাঠান, ছাঁদিন আপিস পর্যন্ত কামাই করেন। দিশি মার্চেন্ট আপিস! তবে?...

সে পুরুষ! ঘরকে কেন্দ্র করেও তাঁর চক্রখানি বেড়ে ছড়িয়ে পড়েছে অনেকখানি, অনেক দূরে। বৃহত্তর বাহিরের পরিধি তাঁকে ছোটো করে ফেলেনি বলেই ঘর আজ তাঁর পর নয়। প্রেসই তাঁর কাছে একান্ত নয় বলেই এখনো সে ভালোবাসে অনায়াসেই। উৎস-মুখের নদী আজ সমতলে নেমেছে—হয়েছে শান্ত ও গভীর। রেণু দেবীর সেই ভারসাম্য কৈ? তাঁর কাছে ঘরই সর্বস্ব—তাই সে সর্বস্বান্ত! স্বামীর ভালোবাসাই জীবনের একান্ত ও একমাত্র মূলধন বলেই স্নুদের অঙ্ক বাড়ে না—তাতে একটু কমতি হলেই দেউলে হবার ক্লান্ত শঙ্কায় শিউরে ওঠে। এ-ও যদি যায় তবে রইল কী?

জানালার বাহিরে চেয়ে রেণু আজ ভাবতে বসেন যত সব আবোল-তাবোল—কত কী আকাশ-পাতাল। বইয়ে পড়া, তর্কে-শোনা, মনে-গড়া, স্পষ্ট-অস্পষ্ট এমন অনেক অশিষ্ট অসংলগ্ন কথা এক সঙ্গে মনের মধ্যে ভীড় করে এসে দাঁড়ায়। সত্যি সে দেউলে আজ? মুক্তি কি সত্যি নেই?...

আবার ফিরে যান বিজ্ঞানায়। সারি সারি শুয়ে আছে তাঁর বন্ধনের বেড়ি—এক, দুই, তিন, চার। সম্প্রতি অনাগত পঞ্চমেরও আগমনের নোটিশ এসে গেছে। আবার!...

আবার। আবার সে অন্তঃস্বা। রেণুর আত্মজীবনখানি যেন গুমরে ওঠে। ঘেন্না হয় নিজেই উপর। এই ঘর-সংসার, ছেলেকে, সুশিক্ষিত সুসজ্জিত স্বামী—ঘেন্না হয় সব কিছুই উপর। ঘেন্না হয়, করুণা হয় গোটা মেয়ে-জাতের উপর। সৃষ্টির প্রধান দায়িত্ব তাকে করেছে অপ্রধান যন্ত্র—পদ্ম আর পরাশ্রিত। এরি নাম জীবন?...

বন্দিনী সে! সেকালের লোহার খোঁয়াড় একালে আজ সোনার খাঁচা! দামে ভারী! এই যা তফাৎ। বন্ধনদশা ঘোচে কৈ? তাই প্রেমের ছুয়ারেও কাঙালপনা করতে হয় বার বার। এককালের ভরা জোয়ারে ভাঁটার ডাঁকের দিন যতই এগিয়ে আসে, মন ভালোবার প্রয়োজন আজ ততই বেশী। অনিবার্যকে গ্রহণ করতে পারে না। স্বাভাবিককে সহজ মনে মনে নিলে ফতুর হয়ে যায়। তাই নতুন করে ছলাকলা শিখতে হয়। আজ সে অভিনেত্রী!.....

“ওগো শিগ্গির ওঠ, ত্যাগো খোকন হঠাৎ কেমন যেন করছে,” অন্ধকারে বেজে ওঠে রেণুর ভীত সম্ভ্রান্ত কণ্ঠস্বর।

সুশাস্ত্র ধড়ফড় করে উঠে বসেন বিছানার উপর। রুদ্ধ কণ্ঠে প্রশ্ন করেন, “কী হ’ল?”

“খোকন হঠাৎ ‘বিষম’ খেয়ে চোখ কপালে তুলেছিল।”

ইতিমধ্যে সুশাস্ত্র আলো জ্বলে দিয়েছেন। ফুলের মতো কোমল শিশু নিশ্চিন্তে মায়ের কাছে ঘুমিয়ে আছে। খানিক আগে তার উপর দিয়ে যে অত বড় একটা বিপদ ঘটে গেছে, তার কোনো লক্ষণ নেই।

সুশাস্ত্র আলো নিবিয়ে দিয়ে বিড়বিড় করতে থাকেন, “তোমায় কদিন বলেছি, ঘুমুতে ঘুমুতে ছেলোপেলের মুখে— কথা কানেই তোল না। একটা বিপদ ঘটলে বুঝবে তখন।”

“ঢের হয়েছে। থামো এবার।” ঝংকার দেন রেণু দেবী।

“হ্যাঁ! আবার রাগ দেখাচ্ছ। —এত লেখাপড়া শিখেছ না ছাই। তোমায় আর কত দোষ দেব কাঁঠাল গাছে আম হয় না। আমাদের সমাজটাই এই—”

“রাত ছুপুরে তোমার ঐ পুরণো লেকচার এখন বন্ধ রাখো দিকি নি। —ঘুমুতে দাও। সারাদিন তো খেটে খেটে মুখে রক্ত উঠে মরি। রাক্তিরে পেটের শব্দুরা জ্বালাবে একদিকে, তার উপর তুমি যদি আবার—”

“শুধু রেগেই জিততে জানো—আর কিছু শেখো নি,” বলে সুশাস্ত্র পাশ ফিরে শোন।

মিনিট কয়েক বাদে রেণু দেবী পুলকিত হয়ে ওঠেন। স্বামীর জাগ্রত ডানহাতটা তাঁরই দেহের উপর। কিন্তু হঠাৎ-জাগা এই উচ্ছাসটুকু পরক্ষণেই মিলিয়ে যায়। পিতা জননীকে ডিঙিয়ে সম্ভ্রান্ত খোঁজে। হাত বাড়িয়ে খোকনের কপাল ছুঁয়ে সুশাস্ত্র গদগদ কণ্ঠে কথা বলেন, “খোকনটা বড্ড ছুঁইয়েছে আজকাল। না রেণু?”

রেণু দেবী চূপ করে থাকেন।

“এবার জ্বর থেকে উঠে একটু কাহিল হয়ে পড়েছে। তাই না?”

অপর পক্ষ সায় দেয় না।

“ঘুমলে না কি গো?”

অভিমানিনী মরার মতো পড়ে আছেন নির্বাক, নির্বিকার। সুশাস্ত্র আবার পাশ ফিরে শোন। মশারির মধ্যে ছয়টি প্রাণীর ঘুমন্ত নিঃশ্বাস-প্রশ্বাসের সম্মিলিত মৃদু শব্দের সঙ্গে এসেলের মরে-আসা গন্ধ, খানিক তখনো যে রয়েই গেছে!

পরদিন।



ভোর না হতেই উঠতে হয় রেণু দেবীকে। স্বামী চা খেয়েই বেড়িয়ে পড়বে টিউশানে। নটার মধ্যে আবার চাই আপিসের ভাত। ছ'মুঠো মুখে গুজে সেই যে লোকটা বেরিয়ে যাবে বেলা সাড়ে ন'টায়, আর আসবে রাত দশটায়—সন্ধ্যার পর প্রেসের কাজটা সেরে এখানে ওখানে নানা ফিকির ফন্দিতে কাটিয়ে চাকুরিতে চলে না, করতে হয় আরো অনেক ছোট-খাটো উদ্ধৃতি!

“ছাত্র পড়ানো ছেড়ে দাও।—কতবার বলেছি, এত খাটুনি সহিবে না তোমার। কথা যদি কানেও তোল।” চা দিতে গিয়ে রেণু দেবী বলেন। সুশাস্ত্র খুব খাটে সভ্য, তাই বলে তাঁর অমন সুপুষ্টি বলিষ্ঠ দেহ ভেঙ্গে পড়ছে এমন কথা তাঁর শত্রুও বলবে না। জবাব দিলেন, “আমার এই লোহার মতো শরীর—”

“অত কেনই বা খাটবে, শুন। তোমার কাছে কোনো দিন টাকা-টাকা করেছি শুনেছ কখনো। কত লোকের তো চলে-না চলে-না করেও চলে যায়। তোমার টিউশানের টাকাটা ছাড়াও এ-সংসার না খেয়ে আর মরবে না।”

“তা জানি! সেটা হচ্ছে বর্তমানের কথা। ভবিষ্যতের কথা ভাবতে হবে! মেয়েটা বড় হয়ে উঠছে না? বিয়ে দিতে না পার, পড়াবে তো? আর ছদ্ম বাদে চার-জন মিলে যখন স্কুল-কলেজে বেরোবে, তখন? মরার কথা কেউ বলতে পারে না। লাইফ-ইন্সিওরের প্রিমিয়ামটা চালিয়েই যেতে হবে।”

কথাগুলো একেবারে পুরাণো। সুশাস্ত্রও বছবার বলেছেন এমনি গড় গড় করে, রেণু দেবীও শুনে গেছেন এমনি তন্ময় হয়ে।

সুশাস্ত্র ভাতা নিয়ে বেরিয়ে পড়েন। রেণু দেবী বারান্দায় এসে দাঁড়িয়ে থাকেন পথের দিকে—বন্দিনী তাকিয়ে থাকে বন্দীর গমন-পথে! মায়ায়, অল্পকম্পায় বুকখানি ভরে ওঠে! কাল রাতের হিংসার পাত্র আজ সকালে শিকল-পরা পুরুষ!.....

ঠিকে-খি মানদা এসেছে—রাগ্না ঘরের চাবী চায়। এর মধ্যে ছ'বাড়ীর বাসন-মাজা শেষ করে এসেছে সে। এর পড়েও আরো ছ'বাসায় তার কাজ বাকী। মনে পড়ে রেণু দেবীর—মাঘ মাসের শেষ রাত্রে রোজ এসে মানদা কড়া নাড়ে—“বৌদিমনি গো দোর খোল।” কনকনে শীতে ঠক্ঠক্ করে কাঁপতে কাঁপতে একরাশ বাসন নিয়ে মানদা দেখতে দেখতে গরম হয়ে ওঠে কাজের ঠেলায়। মানদা কারু ঘাড়ে বসে ভাত খস করে না! খাঁচা-ছাড়া পাখীর পায়ে স্বাধীনতার শিকল!

এই দৌতলা বাড়ীর পাশেই খানকয়েক খোলার ঘর রেণু দেবীর পাড়াপড়শী—তবু চেনেন না ওদের। শুধু জানেন মোটর এসেও ঐ চট-লাগানো দোর-গোড়ায় দাঁড়ায়—গবগ

মাঝে মাঝে, রাত্রিবেলা। ছোট ছোট ছেলেমেয়েরা কিন্তু কর্পোরেশনের স্ত্রী স্কুলে পড়তে যায় রোজই—মামুষ হতেই চায়!...

রেণু দেবীর কাছে এই কতবার দেখা তুচ্ছ-করা ঘরগুলো আজ বড় হয়েই দেখা দেয়। কেন যেন মনে হয়, তাঁর কথাও কোথায় যেন গিয়ে মিশে গেছে ওদের কথার সঙ্গেই; কোথায় যেন স্বামীর সঙ্গেও মিলে গেছেন একই প্রাস্তরে। ভাষা দিয়ে সে-কথা এখন বোঝাতে পারবেন না—এক বোবা অন্ধ অল্পভূতির মধ্যে শুধু ধরা পড়ে সবটা!...

বন্দিনী সে বন্দীর ঘরে! তাকিয়ে আছেন সামনের বড় বাড়ীটার বাগানের দিকে। দেখতে দেখতে পূর্বদিকের কোণের ঐ ছোট গাছটা বড় হয়ে উঠেছে—একদিন তার ফুলও ফুটেবে, ফলও ধরবে হয় তো।

ছেলেমেয়েরা এখনো কেউ ওঠে নি রেণু দেবী একলা—বড় একা আজ। সকালের কাঁচা রোদ অজস্র ছড়িয়ে গেল বাগানের সর্বাঙ্গে। ঝলমল করে উদ্ভিদরাজ্য—কাল রাতের বৃষ্টি-ভেজা ঘাসগুলোও হাসে যেন। জেগে উঠেছে জীব-জগত। ঢেউএর পর ঢেউএর মতো এই অব্যাহত অফুরন্ত শ্রোতের যে আর শেষ নেই। এই তো ভালো, এই না জীবন! রেণু দেবী উন্মনা হয়ে ওঠেন—এই বিশ্বসৃষ্টির মহাসঙ্গীতের মূলসুরেরই বাহন হয়ে আজ কেন সে এত বেশুর, এমন বেখাপ, এতখানি বেমানান? অনাগত কালের সঙ্গে অতীতের যোগসূত্র বাঁধতে গিয়ে সে কি শুধু যুগে যুগে নিজেই পড়বে বাঁধা? আষাঢ়ের এই নির্মঘ আকাশের নিচে এই জীবধাত্রী বসুন্ধরার শতলক্ষ ঘটনার বিপুল প্রবাহের মাঝে দাঁড়িয়ে, এ-কথা যে মন মানে না—স্বীকার করতে পারে না এই নিষ্ঠুর পরিহাস, এই চূড়ান্ত অপমান!...তবু মানতে হয়। কাঁঠাল গাছে আম হয় না—রাগের মুখে বলা স্বামীর কালরাত্রের কথাগুলি হায় এতখানি সত্য!...

কোথায় যেন রয়ে গেছে মস্তবড় গোঁজামিল। মামুষের নিজের হাতের মুখের সৃষ্টিই কি নির্বাক বিশ্ববিধানের ঘাড়ে চাপিয়ে দিয়েছে সব অপরাধ, সব অভিযোগ? অনিবার্যই যদি, তবে আকাজক্ষণীয় নয় কেন?...

“বৌদিমশি! উমুন ধরিয়ে দিয়েছি।”

“আমি যাচ্ছি পরে, তুমি যাও।”

মানদা চলল তার অস্থ কাজে।

“মানদা!”

মানদা যেতে যেতে সিঁড়ির মুখে ফিরে তাকায়।

“তোমার ছেলেটার অস্থ সে রেছে?”

“সারলো আর কৈ?—কালও আবার জর এসেছে।”

“ডাক্তার দেখাচ্ছ না কেন?”



“কাল হাসপাতালে নিয়ে যাব ভাবছি,” মানদা সিঁড়ির অর্ধেক নেমে গেছে, “বৌদিমণি ও-বেলা এসে সব বলব ভাই ! আজ তোমার এখানেই দেবী হয়ে গেছে অনেক ।”

রেণু দেবী ঘরে ফিরে আসেন। খবরের কাগজ এসে গেছে। মানদাই রোজ উপরে ওঠার সময় নিচ থেকে নিয়ে আসে সঙ্গে করে।

“আনন্দবাজারের” পাতা জুড়ে মহাযুদ্ধের ‘ব্যানার’ !—কালো মোটা বড় বড় হরফে পুরনো পৃথিবীর শেষ-নিঃশ্বাসের পূর্বাভাস ? ছ’হাজার মাইল ফ্রন্ট জুড়ে ইতিহাসের বৃহত্তম যুদ্ধ। এদিকে জাপানী সৈন্য ঢুকে পড়েছে ইন্দোচীনে। ওদিকে মার্কিন মুলুকও লাগাম ছিঁড়তে চায় যেন। পূবে, পশ্চিমে, উত্তরে, দক্ষিণে—লাগুক আগুন সব খানেই ! জমকালো হেডিংগুলোর উপর চোখ বলিয়েই রেণু দেবী কাগজখানা সরিয়ে রাখেন। মাতা মুক্তিকার কী বিপুল গর্ভযাতনা ! নবজীবনের জন্মলগ্ন আর কতদূর ? রেণু দেবীর অশান্ত প্রশ্নের জবাব মিলবে সেই দিন ?—আজ মাথা খুঁরে মরলেও কি মুক্তি নাই ?

মিথ্যা সান্ত্বনা ? রঙীন কল্পনা ? সেই ভাবী দিনের আভাস যে রেণু দেবী পেয়েছেন—যেমন তাঁর সর্বস্ব দিয়ে, সারা মনপ্রাণ দিয়ে, টের পেয়েছেন তাঁর গর্ভস্থ অজানা অদেখা পঞ্চম আত্মজের সুনিশ্চিত আগমনের সতটাকে। পলে-পলে দিনে-দিনে বেড়ে গড়ে বেড়িয়ে আসে নবাগত রক্তস্রোতে স্নান করে। জীবন থেকে আর এক জীবন ! পুরনো দেহ থেকে নতুন দেহ। বিশ্বযুদ্ধের সব চেয়ে বিশ্বয়কর ব্যাপার ! ব্রহ্মাণ্ডের সব চেয়ে সহজ-সুন্দর-প্রবল-নিষ্ঠুর !

ইতিকথা ! জীবনকে যে মুক্ত করে, তারই মুক্তি থেমে থাকবে কতকাল ?

“মা !”

টুনি মুখ ভেঙ্গে উঠে এসে সামনে দাঁড়িয়েছে।

“কী মা !” স্নেহের আবেগে জননীর কর্ণস্বর কঁপে যায়। রেণু দেবী মেয়ের মুখের দিকে খনিক চেয়ে থাকেন নিষ্পলক। টুনি যে বড় হয়ে উঠছে দিনের দিন ! ভাবীকালের এক রেণু দেবীর ফ্রন্ট পরার দিন ফুরিয়ে আসছে ধীরে ধীরে। তারপর ?.....

সংবাদপত্রের একটানা হেডলাইনের কালো বড় অক্ষরগুলি যেন লক্ষ লক্ষ নরনারীর জমাটবাঁধা রক্ত। সেদিক থেকে চোখ ফিরিয়ে রেণু দেবী আত্মজের বাসী মুখেই একটা চুমু খান কপালের উপরে। টুনি কিন্তু অবাক হয়ে চেয়েই আছে উদ্বেল জননীর হাস্তোজ্জ্বল মুখখানির দিকে। মায়ের কাছে এত আদর বহুকাল সে পায় নি। ব্যাপার কী ?

“লজ্জা কিলো ! আমি যে তোরা মা !” রেণু দেবী মেয়েকে তাঁর বুকের কাছে টেনে নিয়ে খানিক বিশুদ্ধ চোখে চেয়ে থাকেন ; ঐ বিছানার উপর ঘুমিয়ে আছে বেলা আর মণ্টু আর খোকন।—ঘুমিয়ে আছে আগামীকাল !

দুদিনের বাকবী

ইল্লানী রায়

এখনই সে আসিবে। ঠিক এই মুহূর্তে না হইলেও ঘণ্টা খানেকের মধ্যে নিশ্চয়ই সে আসিয়া পড়িবে।* খোলা অর্গ্যানের রীডগুলোর উপর অগোছাল ভাবে মুখখানা রাখিয়া বসিয়াছিল মেয়েটি। কণ্ঠস্বর ওর মুক; একটা গানের কলি বুকের মধ্যে তরঙ্গায়িত হইয়া উঠিতেছে সুরে সুরে। কতদিন...ওঁ, কতকাল আগে ওরই কণ্ঠে ফুটিয়াছিল এ গান, উষ্ণ-বিরহে ঘনীভূত। মধুর চঞ্চলতায় অকস্মাৎ মিষ্টি রাজ্জা মুখে মেয়েটি উঠিয়া দাঁড়াইল;—আজই যেন প্রথম ফুল ফুটিয়া উঠিল ওই নুতন রজনী-গন্ধার বাড়ে। বিশ্বয়-বিমুগ্ধ হইয়া ওঠে মন, গন্ধে নয়; চাঁদের আলোর তলায় ওই অসূর্যস্পৃশ্য রূপের অভিনব বিকাশে। আজ এইখানে বসিয়া বলা চলে, চোখ মুদ্রিয়া অনুভব করা চলে পরিচিত ফুলেদের গন্ধ বিধুরতা। কিন্তু সর্বক্ষণই পরিমাপ করা চলেনা কুঁড়ির অবগুণ্ঠন ভাজিয়া পড়িলে কাহার কতখানি লাভণ্য খুলিয়া যায়।

প্রকাণ্ড আয়নাটার গায়ে চোখ তুলিয়া মেয়েটি চাহিয়াছিল। উর্ধ্বমুখীন রজনী-গন্ধা ও নয়, তবে আজ ওর ওই তমুদেহে জড়িত হিমালী-শুভ্র রেশামের শাড়ীর কোলে ঘন সবুজের প্রাস্ত, প্লাটিনামের কর্ণাভরণ, সর্বোপরি কালো কবরী বেড়িয়া মল্লিকার শুভ্র মালা...কবিচিত্তে ওর তুলনা হয় তো বা রজনী-গন্ধা। আপনাতে আপনি মুগ্ধ হইয়া গেল মেয়েটি, এত মাদুরী! ও তুলিয়া গেল ও যে শিখা। ছোট করিয়া কানের কাছে কহিতেছে সে—“বিছাৎ আর আগুন নিয়েই যে আমার খেলা, তোমার মধ্যে চাইনে আমি সে ছবি। তুমি—তুমি শিখা নও, স্বপ্ন। আমার সকল কর্মের অবসানের পর, বিরাম হলো তোমার কাছে, তুমি স্বপ্ন-লেখা, ক্লান্ত অবসন্ন মনের সঞ্জীবনীসুধা।” চমকিয়া আয়নাটার সম্মুখ হইতে ও সরিয়া আসে, কানের কাছে এমনি করিয়া পুরানো কথাগুলার সুর টানিতেছে, সুপ্রিয় কি তবে আসিয়া পড়িল! কিন্তু না, সে আসে নাই। বারান্দা হইতে ঘরে ঢুকবার দরজাটা ভেজানো, কাঁচের সার্সিগুলো অসম্ভব জ্বলিতেছে, পশ্চিম আকাশ সোণালি-লালে আচ্ছন্ন, সূর্য বিদায় হইতেছেন। তাইতো, পাঁচটা যে বাজিয়া যায়, তবে যে আসে না সুপ্রিয়।

আপন হাতে সাজানো চায়ের টেবিলের ধারে আসিয়া দাঁড়ায় শিখা। দুই জনের মত আয়োজন, সুপ্রিয় আর শিখা। নীলাভ চীনেমাটির পেয়ালা প্লেটে সোণালি লতা আঁকা, টেবিলের আবরণটি পর্যন্ত নীল,—আজিকার আকাশের চেয়েও নীল! গোলাপী আর সবুজ সুতোয় লতাপাতার

জুয়া

বাহার দেওয়া তাতে। এ তো সেদিনের কথা, এই তো এই বারান্দার রেলিং ঘেঁষা কেদারাটায় বসিয়া ও টেবিল ঢাকনিটায় ফুল তুলিতেছে, সুপ্রিয়র পায়ের শব্দ নীচের সিঁড়িতে, ওর চলা ওই রকমই। ধীরে সুস্থে কথা বলা বা চলাফেরা সুপ্রিয়র অভ্যাসের বাইরে।

—বাঃ! চমৎকার হচ্ছে তো! রেখে দিও রেখে দিও, কী জানি ওটা শেষ হবার আগেই যদি পাড়ি জমাতে হয় অচ্ছত্র, টেবিলে বিছিয়ে চা খাওয়া আর হবে না তখন। যদি ফিরে আসি…… ওঃ! তাইতো, শিখা হিসাব করে। এতো সেদিনের কথা নয়। এ যে বহুদিন—একটি ছুটি বছরও নয়, সুদীর্ঘ আটটি বছর পর ফিরিয়া আসিয়াছে সুপ্রিয় টোকিও হইতে ভারতবর্ষে। রাজরোষ ওর কাটিয়াছে সম্প্রতি, তাই কলিকাতায় আসিয়া পৌঁছিতে সক্ষম হইয়াছে গতকাল। একতাল একটা চিঠি লেখার পর্যন্ত লুক্কম ছিলনা সুপ্রিয়র। কিন্তু রওনা হওয়ার পথে নিশ্চয়ই ছিলনা সে নিষেধাজ্ঞা এবং, অবশ্যই শিখাকে সে নিজে পারিত সংবাদটুকু দিতে; আজ ভোরে সংবাদ দিয়া গেল সুনীল আর বিভূতি, আজ বৈকালে আসিবে শিখার বাড়িতে সুপ্রিয়। এর উপরে সেসময় যেন জিজ্ঞাসা করিবার মত কিছু ছিল না—সুনীল আর বিভূতি চলিয়া গেল। তারপর আয়োজনে আয়োজনে নামিল সন্ধ্যা, সুপ্রিয় এখনও আসিল না। সুপ্রিয় এইরকমই—হঠাৎ অপ্রস্তুত অবস্থায় হয় তো ওকে আসিয়া দিবে চমকাইয়া। আশ্চর্য নয়, হয়তো বা ও আসিয়া পড়িয়াছে অনেকক্ষণ আগেই, আত্মগোপন করিয়া আছে এ বাড়িরই কোনও স্থানে। বৃকের মধ্যটা শিখার গুরু গুরু করিয়া উঠে, এ বাড়ির ধূলিকণার সঙ্গে যে পরিচয় সুপ্রিয়র, আর অপরের চোখে ধূলা দিয়া নিজ উদ্দেশ্য সিদ্ধ করিতে ও যা ওস্তাদ…… একবার আসন্ন সন্ধ্যায় নিতান্তই অসময়ে এক পুলিশ আসিয়া বাড়ি ঘিরিল, দোতলায় প্রবেশ করার সিঁড়ির মুখের বন্ধ দরজাটা লাথি মারিয়া তারা ভাঙ্গিয়া ফেলে আর কি। শিখা ছুটিয়া গেল স্নানের ঘরের মধ্যে, অর্ধ স্নাত হইয়া একটা জানালার ফাঁকে ঝুকিয়া পড়িয়া পুলিশ অফিসারের দৃষ্টি আকর্ষণ করিয়া কহিল, দশমিনিট……কাপড় ছেড়ে দরজা খুলছি। সেই অভিনয়টুকুই কাজে লাগাইয়া ফেলিল সুপ্রিয়, কারণ বাড়ি সাঁচ করিয়া তাহার আর সন্ধান পাওয়া গেল না।

সুপ্রিয় যে সময় ভারতের বাইরে গেল, সে সময় হইতে এতগুলো বছর নিরুদ্বিগ্ন নিশ্চিন্ত হইয়া কোন সময়ের জন্যই শিখাকে স্বস্তি বা অবসর দেয় নাই। সুপ্রিয় গেল, রাখিয়া গেল তার অনুচরবৃন্দ, আর আশ্রয়দাত্রীর দায়িত্ব দিয়া গেল শিখাকে। এ বাড়িতে সামাজিক প্রশ্রয়ের বালাই নাই, নিজের অভিভাবক বলিতে শিখা নিজেই। তারপর অর্থ আছে, বিজ্ঞা আছে, বাইরে নামও আছে দানশীলা বলিয়া। ছুঃসময়ে অনেকেই আসিল ওর কাছে! বিজন, অতুল, সমর, পরিতোষ—অবশেষে প্রফেসর বিভূতি মৈত্র পর্যন্ত। তারা ওকে করিয়াছে সম্মত, শিখা করিয়াছে স্নেহ—সুপ্রিয়রই অনুগামী যে ওরা। এত কাল ও ছিল অনেকেরই নির্ভরযোগ্য আশ্রয়স্থল, অবশেষে

ওরও জীবনে কি প্রয়োজন আসিল একটা পরম নিশ্চিতকর আশ্রয়ের! নতুবা সুদীর্ঘ আটটি বছর ধরিয়া কিসের এ প্রতীক্ষা! কিন্তু না—যা এতকাল হয় নাই তা হইতে দেওয়া চলে না। নিজের মনের কাছে ও অভিভাবক হইয়া যুক্তির জাল বুনিতে থাকে। ইচ্ছা করিয়াই যেন জালের বুনটো ওর ঢিলে দিতে একটু ভাল লাগে,—আর সেই ভাল লাগাকে গাঢ়তর করিয়া কহিতে থাকে সুপ্রিয়—“মানুষের জীবনে সুখের স্বপ্ন জীবন্ত নয় বলিয়াই তা অতুলনীয় দুর্লভ। সেই স্বপ্ন এল আমার জীবনে প্রাণের রসে টলমল করে...আমি জানি, আমি জয়লাভ করবো, সকল প্রকার অসমতার বিরুদ্ধে আমার যে সংগ্রাম, বার্থ তা হতে পারে না” ক্রমশঃই দেহের রক্তধারার মধ্যে একটা অধীর আকুলতা উষ্ণতর হইয়া উঠিতে থাকে। নীচে নামিবার সিঁড়ির ধাপের উপর গিয়া দাঁড়াইল শিখা, এই মাত্র যেন সুপ্রিয় আসিয়াই চলিয়া গেল, প্রত্যেকটি সিঁড়ির গায়ে গায়ে এখনও যেন শব্দের রেশ...কী চঞ্চল, আস্তে চলিতে আর শিথিল না সে। কী আশ্চর্য, নিজে দিলনা ও শিখাকে একটা সংবাদ...উষ্ণ অশ্রু শ্রোত দীর্ঘ কালো চোখ দুইটিকে দৃষ্টিহার্য করিয়া তুলিতে চায়। চোখের উপর হাত চাপা দিয়া ও হাসিল, ও অস্বীকার করিতে চায় এ বেদনা। আবার ও ঘরের মধ্যে ফিরিয়া আসিল বাজনাটার কাছে, কি বিষাদ-মধুর আজিকার দিনটা। অর্গ্যানের রীড়গুলার উপর ও খুশীমত হাত চালাইতে থাকে...নীচের বাস্তায় মোটরের সচকিত হর্ন। ছুটিয়া গিয়া শিখা প্রবেশ করিল স্নানের ঘরের মধ্যে। এ কী মুক্তিহীন চঞ্চলতা ওর অনুভূতির মধ্যে! সুপ্রিয়কে অভ্যর্থনা করিবার জন্ত ও নিজে ছাড়া দ্বিতীয় কেহ যে আর নাই। একী ছেলেমানুষী কাণ্ড। আর সুপ্রিয়...খুঁজিতে খুঁজিতে নিশ্চয়ই এখানে আসিয়া হাজির হইবে—ওঃ সে যে অচিন্ত্যনীয়...। ছুটিয়া শিখা বাহির হইয়া পড়িল স্নানের ঘর হইতে। আলোর স্নাইস টিপিয়া সিঁড়ির দিকের দরজা দিয়া প্রবেশ করিল সুপ্রিয়,—একা নয়; সঙ্গে আছে অপ্ৰত্যাশিত অপরিচিতা মহিলা একটি। শিখার দেহ মন ব্যাপী এতক্ষণের স্বপ্নাচ্ছন্ন জড়িমার্ফক মুহূর্তের মধ্যে ঝরিয়া পড়িল। অতি স্বাভাবিক ভাবে মার্জিতা মেয়েটির মত সবিনয় নমস্কারে তাদের বসিবার জন্ত সম্মুখস্থ সজ্জিত সোফা দুইখানা নির্দেশ করিয়া দিল। দুইজনের মত আয়োজন, তৃতীয় আসন আর ছিল না, অগত্যা শিখাকে বসিতে হইল অর্গ্যানের ধারে ছোট টুলটার উপর। স্নিগ্ধ হাসিতে চতুর্দিক ভরিয়া দিয়া কহিল সুপ্রিয়, বন্ধু-বান্ধবদের ছাড়াও সহরটারই বা কত পরিবর্তন দেখছি। কিন্তু আশ্চর্য তুমি, সেই আট বছর আগেকার মতোই—অপরিবর্তনশীল, এ যেন এই সেদিনকার তুমি!...

পার্শ্বস্থিত মহিলাটির প্রতি সুপ্রিয় এইবার দৃষ্টিপাত করিয়া শিখার সঙ্গে পরিচয়ের জের টানে। ইনিই শিখা, বুঝলে চিত্রা...আর ইনি চিত্রা মুখার্জি, মানে তোমাদের হতভাগা সুপ্রিয়ের পরিণীতা।



বজ্জনাটার গায়ের সঙ্গে ভাল করিয়া আঁটিয়া বসে শিখা, ছোট করিয়া শুধু বলে, ও;
জানতুম না—।

—সে একটা সঙ্কট গেছে জীবনে বুঝ্লে, সুপ্রিয় কহিল, প্রবল প্রয়োজন এবং ইচ্ছা থাকা সত্ত্বেও এদিকে আমার অবস্থাটা কোন রকমেই জানাতে পারিনি। আমার নিতান্ত বিপন্ন অবস্থায় চিত্রার সঙ্গে দেখা, ওরও মা তখন সত্ত মারা যাওয়ার পর বাপ একজন জাপানী মহিলার অধিনায়কহ মেনে নিলেন, ছ'জনেরই বিপন্ন অবস্থায় বন্ধুহটা আমাদের গাঢ় হয়ে উঠতেই, ওকে বিয়ে করে আলাদা হয়ে অল্প বাড়ীতে উঠে গেলুম ওর বাপের আন্তান্না ছেড়ে। শিখা চাহিয়াছিল চিত্রার পানে। গোল ধরণের পুরনু মুখ, স্থূল দেহ বেড়িয়া জমকাল ফুলকাটা শাড়ী। সুপ্রিয়র কথার শেষে দেখা গেল চিত্রার বৃহৎ মুখখানা একটা আশ্চর্য্যপূর্ণ খুসীতে উজ্জল হইয়া উঠিয়াছে। পূর্বনির্দেশ মত শিখার দাসী আসিয়াছে। টিপটু ভর্তি তৈরী চা রাখিয়া গেল টেবিলের ধারে। চিত্রাকে দেখা গেল একটু ইতস্ততঃ করিতে, তারপরই শিখার পানে চাহিয়া কহিল, আমাদের ছ'জনের মতোই দেখছি আয়োজন, আপনি কি বস্বেন না ?

সুপ্রিয় স্থির দৃষ্টিতে চাহিল শিখার স্বেতপাথরের মত কঠিন মুখের পানে; এ মুখের পানে চাহিয়া এখন কিছুতেই বিশ্বাস করা চলে না যে ওরও চোখে সাধারণ মেয়েদের মতই চোখের জল দেখা দিতে পারে। সুপ্রিয়র স্মরণে আসে শিখার কান্না ভরা মুখ, তারই সঙ্গে মনে পড়ে দেশ ছাড়িয়া যাইবার রাত্রিট। 'ঠোটের উপর দাঁত চাপিয়া সুপ্রিয় চাহিয়া রহিল শিখারই দেহ আড়াল দেওয়া সঙ্গীত যন্ত্রটার প্রতি। চা-প্রিয় লোক চিত্রা, পেয়ালায় চা ঢালিবার মুখে শিখাকে কহিল, আপনার দাসীকে আদেশ করুন আরেকটা কাপ্ আনতে, গল্প করার মতো সময় আজ আর নেই, আসুন চা-টা একসঙ্গেই আনন্দ করে খাই।

সবিনয় ভঙ্গীতে হাত দুটি জড় করিয়া কহিল শিখা, অনেক ধন্যবাদ আপনাকে। দয়া করে মাপ করতে হবে আমায়, এ সময়ে চা যে আমি খাইনে। সুপ্রিয় চমকিয়া উঠিল; সম্পূর্ণ অবিস্মৃত কথা শিখার মুখে। কিন্তু অসম্ভব ও সম্ভব হইয়াছে, এতো তুচ্ছ চা পান। তথাপি জিজ্ঞাসা না করিয়া থাকিতে পারে না সুপ্রিয়—আচ্ছা বিভূতি চা খায় না বলে তুমি কেন নিজের রুচিটা বিসর্জন দিলে ?

—বিভূতি—? একটা বিষয়ের ধাক্কায় একটুক্ষণ চুপ করিয়া থাকে শিখা। তারপর সহজ সুরে কহিল, বিভূতি বাবু তো চা খান। আমার এই খানেই তিনি চা-তে অভ্যস্ত হয়েছেন।

অথচ তুমি ছেড়ে দিলে... সুপ্রিয় যেন ক্লান্ত হইয়া উঠিল।

—হাঁ ছেড়ে দিলুম, শিখা কহিল।—কবে থেকে ? সুপ্রিয় আবার প্রশ্ন করে। শিখা একটু থামিয়া বলে, এই তো আজ থেকে।

নিঃশব্দ হাসিতে চিত্রার মুখ তরঙ্গায়িত হইয়া উঠিল, চায়ের পেয়ালা মুখ হইতে নামাইয়া কহিল, তুমিও যেমন! শিখা দেবীর মুখ দেখেই বুঝতে পারছি আমি, বহু আগ থেকেই চায়ের প্রতি আসক্তি ওঁর টুটে গেছে, আজকেই নূতন নয়। ছাথতে, চায়ের পাত্র সামনে রেখে আমি তো পারলুম না বসে থাকতে, ছ'কাপ হয়ে গেল এরই মধ্যে। কথার মধ্যেই খাবারের থালাটা চিত্রা একটু সামনে টানিয়া লয়, সামান্য একটু মুখে তুলিয়াই ক্ষিতমুখে উঠিয়া দাঁড়ায়। কি একটা ক্রটি ঘটিল বুঝি, শিখা ব্যস্ত উদ্ভিগ্ন হইয়া কহিল। আপনাদের সঙ্গে বসতে না পারার অপরাধ আপনি নিশ্চয়ই ক্ষমা করছেন, তবু কেন একরকম না খেয়েই উঠে পড়লেন? ক্রমালে মুখখানা মুছিয়া কহিল চিত্রা, নীচতলার ফুলের বাগানটুকুর মতোই সুন্দর আপনার অতিথিপানার আয়োজন। মিষ্টিমুখ আমি করেছি, এখন না গিয়ে আর উপায় নেই, মেয়েটাকে রেখে এসেছি বিয়ের জিন্মা করে, অস্বস্তিতে আর বসা হলো না, বিভূতিবাবকে নিয়ে যাবেন একদিন আমাদের ওখানে। আচ্ছা চলুম, নমস্কার! বিদায় দিতে শিখা এই বার উঠিয়া দাঁড়ায়, দুই চোখ মুদিয়া অতি আরামদায়ক ভঙ্গীতে সিগার ফুকিতেছে সুপ্রিয়। শিখা কহিল, মেয়ের জন্ত ব্যস্ত হয়ে চলেছেন, ইনি যে রইলেন। চিত্রা হাসিয়া উঠে—পরম নিশ্চিন্তের সুরে বলে, সোনা জহরতের পোটলা নয় যে চুরি যাবে। ওঁর এই রকমই, নিজের ইচ্ছে না হলে সাধ্য নেই যে ওকে কেউ কোন বিষয়ে মত করাতে পারে। গাড়ি পাঠিয়ে দেব ঘটাদেড়েক পর, এখন ওকে তোলা যাবে না। নিঃশব্দে শিখা চিত্রার অনুসরণ করিল সিঁড়ির ধাপ পর্যন্ত, হাসিমুখে নামিয়া গেল চিত্রা, নীচের রাস্তায় মোটরের হর্ণ বাজিয়া ওঠে।...সুপ্রিয়র সম্মুখে শিখা আর ফিরিয়া আসে না—স্তব্ধ হইয়া দাঁড়াইয়া থাকে সিঁড়ির ধাপে। অর্ধদগ্ধ সিগারটা ছুঁড়িয়া ফেলিয়া লাফাইয়া ওঠে সুপ্রিয়া—বিভূতি কখন আসবে? কখন সে বাড়ী ফেরে? প্রশ্নের জবাব দিতে শিখা প্রবেশ করিল ঘরে; কহিল, কেন আসবে এখানে? সুপ্রিয় কহিয়া উঠিল, তার মানে ডিভোর্স করলে নাকি তাকে?

শিখার মুখের উপর উপেক্ষা-মিশ্রিত হাসির ঝিলিক খেলিয়া যায়। এসব কী রকম ধারণা তোমা—আপনার?

সুপ্রিয়র ক্ষুদ্রায়তন চক্ষু দুইটি বিস্ফারিত হইয়া ওঠে। ওর স্বাভাবিক ক্ষিপ্ত কণ্ঠস্বর স্থির হইয়া আসে। এক সঙ্গে অনেকগুলো কথা কহিয়া ফেলিল সুপ্রিয়। ধীরে ধীরে ও কহিতে থাকে, টোকিওর একটা রেষ্টুরায় দেড় বছর আগে সুশীল, চন্দর সঙ্গে দেখা, বয়নশিয় শিখতে গেছে জাপানে। কলকাতার বহু খবরের মধ্যে বিশেষ খবর সে দিলে যে তুমি সংসারী হয়েছো বিভূতিকে নিয়ে। তারপর থেকে আমার মাথা খারাপ হয়ে গেল, এখানে সেখানে কাজ করে টাকাকড়ি কিছু সঞ্চয় করেছিলেম, ব্যাঙ্কে জমা ছিল...আর আমি উপোস করে ঘুরে বেড়াতে



লাগলেম পথে পথে। তখন সব ভুলে গিয়েছিলেম—টাকা-পয়সা—খাওয়া, ঘুম—সব। বাঙ্গালীর ছেলের ছদ্মশা দেখে চিত্রার বাবা নিয়ে গেলেন তাঁর বাড়ী। তাদের সেবা যত্নে সুস্থ হলুম, চিত্রাকে পেলুম কাছে, কী রকম একটা প্রতিহিংসা জেগে উঠলো বৃকের মধ্যে—তাই করলুম ওকে বিয়ে, ভালোবেসে নয়, ভালোবাসার অপমান করে।

হাসিবার চেষ্টা করিয়া কহিল শিখা, এই তো বিপ্লবীর পরিচয়। ভেঙ্গেচুরে সব কিছু মধোই নূতন কিছু করবার চেষ্টা—

—পরিহাস রাখো, হঠাৎ চীৎকার করিয়া ওঠে সুপ্রিয়, এত বড় নির্মম তুমি, মৃত্যুর চেয়েও কঠোর দণ্ড দিলে আমায়। তোমাকে—তোমাকে আমি, কণ্ঠস্বর রুদ্ধ হইয়া আসিতে চায় সুপ্রিয়—তোমাকে আমি.....

—পাগলামো করোনা, আদেশের সুরে কহিল শিখা, তোমার ভুলে যাওয়া অম্মায় যে শুধু স্বামী নয়, সম্ভানেরও দায়িত্ব—

হাঃ হাঃ করিয়া জোরে হাসিয়া উঠিল সুপ্রিয়। বিগতদিনের বহু হাসির রেশ দেওয়ালে সঞ্জীবিত হইয়া উঠিল যেন।

—কারুরই ভুলে গেলে চলবে না, সুপ্রিয় কহিল, যত নিষ্ঠুরই হোক সে কাজ, কাজের পথে বাধা যদি পায় বিপ্লবী, ভেঙ্গে সে তা দেবেই। ওদেশে মানুষ হয়ে চিত্রাও বিশ্বাস করেন এ কথা, আর ভালো করেই জানেন তিনি—সর্বক্ষণই মুক্ত আমরা ছুজন ছুজনের কাছে। সিঁড়ির দিকে পা বাড়াইয়া দিল সুপ্রিয়, বিছাতের মত ছুটিয়া গিয়া দরজা আগলাইয়া পথ রোধ করিয়া দাঁড়ায় শিখা। সুপ্রিয় হাসে, দুটি চোখ অসম্ভব চক্ চক্ করিয়া উঠিল—হয়তো বা অশ্রুজল।

বিকৃত মানব

নৈমুদ্দিন আহাম্মদ

পায়ে-চলা লাল সরু পথটী নীল পাছাড়ের বাকি নিশ্চিহ্ন হয়ে যেখানে যুঁছে গেছে ; তারই আশে পাশে দেখা যায় চা-বাগানের কুলিবন্তী। সারবাধা অপরিচ্ছন্ন, অসংখ্য ছোট, ছোট, জীর্ণ খড়ের ঘর। এই জীর্ণ খড়ের ঘরগুলিকে কেন্দ্র করেই গড়ে উঠেছে কুলিবন্তী,—গড়ে উঠেছে এর অধিবাসী, সহস্র সহস্র কুলির জীবন যাপন প্রণালী। জীর্ণ ঘরগুলির সাথে রয়েছে অপূর্ব সামঞ্জস্য এর অধিবাসীদের। ঘরগুলির মতই

এরা জীর্ণ, পরিত্যক্ত। ঝড়ের মুখে জীর্ণ ঘরগুলির মতই এরা অসহায়—এদের জীবনে নেই বৈচিত্র্য, নেই কোন বৈশিষ্ট্য। কালের অপ্রতিহত প্রবাহে জীর্ণ ঘরগুলির সাথে প্রতিযোগিতা করে এরা ছুটে চলেছে ধ্বংসের অভিযুগে, লোকচক্ষুর অন্তরালে।

প্রতিদিনের মত ভোর পাঁচটায় নিয়মিত, দূরে কলের বাঁশী বেজে ওঠে। জানিয়ে দেয় এদের যত্নদানবের গভীর আত্মন। চকিতে চঞ্চল হয়ে উঠে এরা,—ক্ষণিকের তরে দেখা দেয় কর্মচাক্ষুণ্য, ফিরে আসে ক্ষীণ প্রাণের মৃদু স্পন্দন।

যত্নদানবের গভীর আত্মন মৃত্যুদূতের আত্মানের মতই বাজে এদের কানে। ঘুম-জড়িত চোখে টলতে টলতে, ছেলে, মেয়ে, জোয়ান বুড়োর ছোট ছোট দল একে একে জড়ো হয় সুরু লাল পথটির ওপর। এদের ক্ষীণ কোলাহল মুহূর্ত্তে জ্ঞাত মুখরিত করে তোলে আশপাশের বনভূমি। লাল পথটী ধরে, চা-গাছের পাশ দিয়ে এঁকে, বেঁকে—এগিয়ে চলে ছোট, ছোট-দল। এমনি অবিশ্রাম গতিতে এগিয়ে গিয়ে ছোট ছোট দলগুলি একে একে আশ্রয় নেয় যত্নদানবের বিরাট অগ্নিগহ্বরে।

সমস্ত দিন ধরে চলে এই ক্ষীণপ্রাণ, জীর্ণ লোকগুলির সাথে বিরাট যত্নদানবের অশান্ত, অবিশ্রাম সংগ্রাম। যত্নদানবের অপরিমীম ক্ষুধার বেদীমূলে নিঃশেষে এরা চলে দেয় নিজেদের শ্রমশক্তি, বৃকের শেষ—রক্তবিন্দুটুকু পর্যন্ত। রাঙিয়ে তোলে নিজেদের বৃকের রক্ত দিয়ে চায়ের প্রত্যেকটি পাতা।

দিনের শেষে, এমনি অবিশ্রাম সংগ্রামের মাঝে কলের বাঁশী বেজে ওঠে। জানিয়ে দেয় এদের সেদিনকার মত সংগ্রামের পরিসমাপ্তি। স্বস্তির নিঃশ্বাস ফেলে চকিতে চঞ্চল হয়ে ওঠে এরা, মুখে ছুটে ওঠে রান হাসির রেখা। টলতে টলতে, ছোট, ছোট দলগুলি বেরিয়ে আসে নুক্ত ব্যতাসে, উন্মুক্ত আকাশতলে।

কর্মকাহ্ন, ধূসরমলিন লোকগুলি চা-গাছের পাশ দিয়ে, লাল পথটী ধরে এঁকে বেঁকে এগিয়ে চলে দূরের ঐ ঘরগুলির উদ্দেশে। সন্ধ্যার অন্ধকারে কুলিবস্তীর জীর্ণ ঝড়ের ঘরগুলিতে মুহূর্ত্তের জ্ঞাত ফিরে আসে সজীবতা, ফিরে আসে কর্মব্যস্ততা। সন্ধ্যা আকাশ ক্ষণিকের তরে মুখরিত হয়ে ওঠে এদের ক্ষীণ আনন্দ কোলাহলে। রাত্রির অন্ধকার ঘনিষে আসার সাথে সাথে, এদের আনন্দ কোলাহল যায় থেমে। প্রগাঢ় নীরবতা ধীরে ধীরে নেমে আসে কুলিবস্তীর বৃকে। কুলিবস্তীর সহস্র সহস্র অদিবাসীর ইহাই দৈনন্দিন জীবন। এর ব্যতিক্রম এরা করনা করতে পারে না, ভাবতে পারে না এর বেশী দুনিয়ায় পাবার, জানবার কিছু আছে; তাই এই ব্যবস্থার বিরুদ্ধে এদের কোন অভিযোগই নেই। এরা জানে এই ব্যবস্থা, এই পারিপার্শ্বিকের ভেতরই মানুষ হয়েছে এদের বাপ, পিতামহ, গড়ে উঠেছে এদের নিজেদের জীবন। এই ব্যবস্থাকেই এরা জেনেছে চরম এবং পরম সত্য বলে; তাই এর বিরুদ্ধে কোন প্রতিবাদই এরা করেনা, নীরবে সহ্য করে যায় সমস্ত অত্যাচার, উৎপীড়ন।

কুলিবস্তীর শেষ সীমায়, পাহাড়ের কোল যেসে যেখানে নতুন ছোট ছোট ঘরগুলি তৈরী হয়েছে, তাদেরই একটায় দালিয়া পেতেছে তার নতুন সংসার। দালিয়া আর লছনি বিধাতার অপূর্ণ সৃষ্ট জীব ছুটি। এদের স্বাস্থ্য, এদের ভালবাসা কুলিবস্তীর ঈশ্বর বস্তু। কুলিবস্তীর এরা গৌরব, আপনার প্রেমে এরা মসৃণ। কুলিবস্তীর সবগ্রামী দারিদ্র আজও এদের মন থেকে যৌবনের মধুর স্বপ্ন নিঃশেষে মুছে দিয়ে যায়নি; তাই এরা প্রাণরসে ভরপুর।



নতুন রিক্রুট হয়ে এখানে যারা আসে, তাদেরই শুধু থাকতে দেওয়া হয় নতুন বস্ত্রীতে। এখানকার এমনি ব্যবস্থা। এই ব্যবস্থার জোরে দালিয়া স্থান পেয়েছে নতুন বস্ত্রীর ছোট ঝকঝকে একখানি ঘরে। আজ এক হপ্তা দালিয়া কাজে গিয়েছে; এর মধ্যে ছ'হপ্তার মজুরি সে অগ্রিম পেয়েছে। হাতে নগদ পয়সা পেয়ে আনন্দে চঞ্চল হয়ে ওঠে দালিয়া। এ'ক' দিনের ভেতরই ছ'ছ' বার ম্যানেজার সাহেব নিজে বাড়ী এসে তাদের খবর নিয়ে গেছেন, আর এও বলে গেছেন প্রয়োজন হলেই আরও ছ'হপ্তার মজুরি সে অগ্রিম পাবে। ক্লান্ততায় ভেঙ্গে পড়ে দালিয়া, ম্যানেজার সাহেবের অপরিদীপ দয়া সে ভুলতে পারে না। ভোর পাঁচটায় নিয়মিত কলের বাঁশী বেজে ওঠার সাথে সাথে, চারটে পাস্তা, পেঁয়াজ, মুন দিয়ে খেয়ে দালিয়া কাজে বেরিয়ে যায়,—ফেরে সে বিকাল ছাটায়। নানা কাজের ভেতর দিয়ে, এমনি এদের দিন কেটে যায়। ম্যানেজার সাহেবের অপরিদীপ দয়া, বর্তমান জীবনযাত্রার বিরুদ্ধে কোন অভিযোগই এদের মনে স্থান পায় না।

নতুন যায়গা, প্রকৃতির শ্যামল সৌন্দর্য লছমির মন্দ লাগে না। প্রকৃতির শ্যামল সৌন্দর্যের মাঝে নিজের অজ্ঞাতে লছমি হারিয়ে ফেলে নিজের অস্তিত্ব। ছোট সংসার, কাজ কর্ম ও নেই তেমন কিছু, সুদীর্ঘ অবসর। অবসর সময়টা বাজে কাজে, প্রকৃতির সৌন্দর্য উপভোগ করেই কাটিয়ে দেয় লছমি; এখনও এই পরিবেশ ও প্রতিবেশীদের সে তিক্ত আপনার করে নিতে পারেনি।

ভোর পাঁচটায় দালিয়া কাজে বেরিয়ে গেছে। প্রতিদিনের মত অল্পমনস্ক লছমি অাজও বাইরের দাওয়ায় বসে দূরের শ্যামল পাহাড়ের কোলে বিছিয়ে দিয়েছিলো আপনার শ্রান্ত দৃষ্টি। ভারী বুটের শব্দে লছমির মন ভেঙ্গে গেল। ত্রস্ত বিস্থিত লছমি ফিরে দাড়ালো। সামনে দাড়িয়ে বাগানের ম্যানেজার, মুখে তার জলন্ত সিগার আর সুস্পষ্ট মুহূ হাসি। সপ্রতিভ লছমি সরমজ্জড়িত কণ্ঠে বললে—“উনি ত বাড়ী নেই।”

কোন উত্তর না দিয়েই ম্যানেজার সাহেব নীরবে বেরিয়ে গেলেন। অল্পমনস্ক ম্যানেজারের পকেট থেকে একখানা কাগজ বেরিয়ে পড়লো। তাড়াতাড়ি কাগজখানি কুড়িয়ে নিয়ে লছমি ডেকে বললে—“হ'জুর, আপনার কাগজ।”

ম্যানেজার সাহেব ফিরে দাড়ালেন। হেসে বলেন—“উঁ, আচ্ছা—এ এখন তোমার কাছেই থাকা।” কোন কথা বলবার সুযোগ না দিয়েই ম্যানেজার সাহেব সামনের লাল পথটা ধরে দ্রুত এগিয়ে গেলেন।

বিস্ময়বিষ্ট লছমি দশ টাকার নোটখানি হাতে করে দাওয়ায় ফিরে গেল। আজকের এই অবাচিত দানের কোন অর্থই সে খুঁজে পায় না।—ম্যানেজার সাহেবের অর্থপূর্ণ মুহূ হাসি, এরই বা কি অর্থ থাকতে পারে? ভাবতে ভাবতে, শিউরে ওঠে লছমি। মনে পড়ে সাঁওতাল পরগণায় তাদের সেই ছোট কুঁড়ে ঘরখানির কথা, ছেলে বেলার কথা, বাশা মার কথা। সাঁওতাল পরগণার স্মৃতির সাথে জড়িত কত সুখ-দুঃখের কথা। বাসন্তী পূর্ণিমার রাতে দালিয়ার সাথে প্রথম মিলনের কথা; প্রথম মিলনের মাধুর্যে পূর্ণ কত মান, অভিমানের কথা। মনে পড়ে পাশের বাড়ীর ঝরিয়া, মনিয়ার কথা। লছমি আসার সময় গলা ধরে ছ'বোনের কি কান্না। এদের কথা ভাবতে, ভাবতে লছমির চোখের পাতা ছুঁটা ভারি হয়ে ওঠে।

“লছমি!” স্বামীর সাড়া পেয়ে লছমি চোখ মুছে উঠে দাড়ায়। আনন্দে আত্মহারা দালিয়া কাছে এসে বলে—“দেখেছিস! আমি ত আগেই বলেছিলাম, সাহেবের চোখে যখন পড়েছি তখন ভাল কাজ একটা হবেই।” জিজ্ঞাসু নত্রে লছমি তাকিয়ে থাকে। দালিয়া বলে চলে—“এবার হলো ত? কুড়ি টাকা মাইনে। খাস বড় সাহেবের আরদালী, দশ টাকা পেয়েছি আগাম; এবার ভোর কি চাই বল দেখি?” লছমির দিক থেকে কোন সাড়াই পাওয়া গেল না। “খাবার কিছু থাকে ত দে, আমাকে সহরে যেতে হবে,—আজ আর ফিরবো না, কাল ভোর নাগাদ হয়ত ফিরবো।” ব্যস্ত লছমি উঠে দাড়ায়। দালিয়া ডেকে বলে—“শোন্! ভোর জন্ম একখানি লাল শাড়ী আনবো। লাল শাড়ীতে তোকে মানায় বেশ।” স্বামীর প্রতি কটাক্ষ হেনে লছমি রান্না ঘরে চলে যায়। একথালি শুকনো ভাত, একটু ডাল, আর এক বাটা মাছের ঝোল পরিশ্রান্ত দালিয়ার সামনে ধরে দেয়। ভাত ক’টা খেয়ে মুখ ধুয়ে দালিয়া উঠে দাড়ায়। লছমি পান নিয়ে দাঁড়িয়েছিলো, তাড়াতাড়ি পানটুকু মুখে দিয়ে দালিয়া সহরের উদ্দেশে বেরিয়ে পড়ে। আজ তার প্রাণে এসেছে আনন্দের জোয়ার; কিছুতেই আর সে বাধ মানছে না।

সন্ধ্যা হয়ে গেছে অনেকক্ষণ। কুলিবস্তির বুকের উপর ধীরে ধীরে নেমে এসেছে রাত্রির গাঢ় অন্ধকার। সমস্ত বস্তুটাই যেন ঘুমে অচেতন, কোথাও প্রাণের এতটুকু স্পন্দন নেই। দূর থেকে এখনও মাঝে মাঝে ভেসে আসে মাদলের মৃদু আওয়াজের সাথে অসংলগ্ন হিন্দি গানের ছ’ একটা টুকরো। ছ’ একটা জীব ঘরে এখনও দেখা যায় ক্ষীণ আলোকের রশ্মি। এছাড়া কোথাও কোন শব্দ নেই, সমস্ত বস্তুটাই যেন মৃত্যুর মত নীরব।

নৈশ বাতাসে দূর থেকে ভেসে আসে নারী-কণ্ঠের কাতর আর্তনাদ। চকিতে জেগে ওঠে কুলিবস্তির প্রত্যেকটা প্রাণী। নৈশ গগন মূগুর করে বেজে উঠে দামামা। শব্দ লক্ষ্য করে বুকের দল ছুটে চলে লাল সুরু পথটা ধরে। অধীর ঔৎসুক্যে অপেক্ষা করে মেয়ে বুড়োর দল সমবেদনায় চঞ্চল হয়ে ওঠে প্রত্যেকটা প্রাণ। নতুন বাড়ীর পাশে এসে বুকের দল থমকে দাড়ায়। বিজলী বাতির আলোর সাথে ম্যানেজার সাহেবের জড়িত কণ্ঠস্বর ভেসে আসে। পরস্পরের মুখ চেয়ে বুকের দল ধীর পদক্ষেপে ফিরে আসে। ঘটনা শুনে দীর্ঘনিঃশ্বাস ফেলে বস্তির প্রাণীগুলি একে একে এসে আগ্রয় নেয় নিজেদের ঘরগুলির ভেতরে। এমনই এদের স্বভাব। জং হলে দীর্ঘনিঃশ্বাস ফেলে জং ভোলবার চেষ্টা করে, প্রতিকার করতে ছুটে আসে। এরা সদই জানে, সবই বোঝে; তবু দীর্ঘনিঃশ্বাস ছাড়া অল্প কোন প্রতিকারের কথাই এরা ভাবতে পারে না। আর এত নতুন নয়, এমন ঘটনা ত চিরদিনই ঘটে আসছে;—এতে বৈচিত্র্য থাকলেও নতুনত্ব নেই। সেদিন ত এমনি ঘটনাই ঘটে গেল পাশের বাড়ীতে। কৈ, কেউ ত প্রতিবাদ করেনি। এদের ধারণা, নিয়তির মতই এ নিষ্ঠুর, এর গতি ছনিবার, মাল্লের সাধ্য নেই এর গতিরোধ করে। স্বন্দরলালের স্মৃতি এরা আজও ভোলেনি। নিরপরাধ স্বন্দরলাল এর প্রতিবাদ করতে গিয়েই আজও কারা-প্রাচীরের অন্তরালে দিন গুনছে।

ভোর হওয়ার সাথে সাথে এদের মধ্যে কর্মদ্যস্ততা ফিরে আসে। অপ্রতিহত গতিতে চলে এদের দৈনন্দিন কর্মপ্রবাহ। পূর্ব রাত্রির ঘটনা কোন দাগ কাটিতে পারেনি এদের মনে, এতটুকু বিচলিত করতে পারেনি এদের জীবনের গতি। এই সামান্য ক’ ঘটনার ভেতরই বিগত রাত্রির সমস্ত গ্লানি এদের মন থেকে নিঃশেষে মুছে গেছে। এমনি করেই এরা ভুলে থাকে ছনিরাকে। বাথা অন্তরে চেপেই এদের হাসি মুখে এগিয়ে যেতে হয়।

ভোরের আবছা অন্ধকারে গা ঢেকে ত্রুস্ত পদে এগিয়ে চলেছে দালিয়া। পূর্ব আকাশের লাল আভা নীল পাছাড়ের বুকে মায়াপূর্ণী* সৃষ্টি করেছে। এমন প্রাণ ভরে দালিয়া কোনদিন প্রকৃতির সৌন্দর্য উপভোগ করেনি। আজকের ভোরের আলো তার মনে যেন নতুন রঙ ধরিয়ে দিয়েছে, তাকে করে তুলেছে মাতাল। আনন্দে ভেঙ্গে পড়ে দালিয়া বাড়ীর কাছে এসে ডাকে—“লছমী!”

কোন সাড়া না পেয়ে দালিয়া এগিয়ে যায়। অজ্ঞাতে শঙ্কিত হয়ে ওঠে প্রাণ। বাকবকে স্বন্দর ঘরখানির বিশৃঙ্খল আসবাব প্রাণে বাথা দেয়; শঙ্কিত দালিয়া ক্ষীণ কণ্ঠে ডাকে—“লছমি!”

দালিয়ার সাড়া পেয়ে পাশের বাড়ীর কালো মেয়েটা ছুটে আসে। সালঙ্কারে বর্ণনা করে পূর্ব রাত্রির ঘটনাবলী ;—সাম্বনার সুরে অনেক কথাই সে বলে যায়, বোঝাতে চায় এতে দুঃখ বরবার নেই কিছুই। হতভাগ্য দালিয়া !



মায়া : দিনে দিনে তোরা চেছারা এমন হয়ে যাচ্ছে কেন বহু দেখি ?

মলয়া : কি রকম দিদি ?

মায়া : মুখে হাসি নেই, চোখে দীপ্তি নেই, রং ফ্যাকাশে হয়ে যাচ্ছে দিন দিন শুকনো হয়ে যাচ্ছি সুখে।

মলয়া : কি জানি দিদি কত রকম ঔষধ খাচ্ছি, কিছুতেই কিছু হয় না ; খিদে হয় না, খেলে হজম হয় না, এটা নয় ওটা নয়, পেটের অসুখ লেগেই আছে।

মায়া : যা ভেবেছি ! সেবার সেই ভারি অসুখের পর আমারও ঐ রকম হয়েছিল ; কিছুতেই কিছু হয় না, শেষটা ডাক্তার বললে লিভারের দোষ—কুমারেশ ব্যবহার করে দেখুন। কুমারেশ খেয়ে আশ্চর্য ফল পেলুম। আমি সেই থেকে পেটের গোলমালে সবাইকে কুমারেশ খেয়ে দেখতে বলি। খেয়ে দেখ তোরা চেছারা আগের চেয়েও ভাল হয়ে যাবে মনে স্কুর্তি পাবি।

মলয়া : আচ্ছা দিদি আজকেই আনিয়ে নেব।

কুমারেশ ও, আর, সি, এল, লিঃ
সালঙ্কার, হাওড়া



ইনি কে ?

১৯২৭এ ইতালী পরিদর্শনের পরঃ “আমি যদি ইতালীয় স্ত্রীতম তবে প্রথম থেকে শেষ পর্যন্ত লেনিনিজমের পশ্চিতি ক্ষুধা ও প্রবৃত্তির বিরুদ্ধে তোমাদের (ফাসিস্ত) বিজয়াভিযানের সাঙ্গ থাকতাম।”

এখন ফাসিজমের আন্তর্জাতিক দিক সম্পর্কেও আমি কিছু বলবো। বাইরের দিক দিয়ে তোমাদের এ আন্দোলন সমস্ত জগতের উপকার করেছে।

ইতালী রুশীয় বিষয়ের যথার্থ প্রতিশোধক আবিষ্কার করেছে। এর পর কোনো শক্তিশালী জাতিই এ ধরণের বিযাক্ত উৎপত্তির বিরুদ্ধে আত্মরক্ষা করতে অসমর্থ হবে না।”

১৯৩৮, ১১ই নবেম্বরঃ “আমি চিরকাল বলে এসেছি যে, যুদ্ধ যদি আমরা হারতাম তবে জাতিসত্ত্বের মধ্যে আমাদের যথার্থ স্থানে ফিরে নিয়ে যাবার জন্য আমি আকাঙ্ক্ষা করতাম যাতে হিটলারের মতই একজন নেতা পাই।”

হিটলার ?

না

মুসোলিনী ?

—ইনি চার্লিল—

১৯৪১, ২২শে জুনে বলছেন :

“হিটলার একজন রক্তপিপাসু নরপিশাচ। সমস্ত ইউরোপ পদানত অথবা বশীভূত করেও তার রক্তপিপাসা মিটে নাই।.....তাই দরিদ্র রুশকৃষক ও শ্রমিকদের বঞ্চিত করে তাদের মুখের গ্রাস কেড়ে নেবার জন্য এই নৃশংস অভিযান।”

শেষে ইনি রুশীয়বিষয়ের বিরুদ্ধে টিকা নিয়েছিলেন তাতে যে বিষ শুধু নিরপেক্ষই (neutralized) হয়েছে তা নয় সম্পূর্ণ স্বপক্ষে এসেছে। তার প্রমাণ উপরে পেয়েছি আমরা।

জুথের বিষয় হিটলারের মত একজন নেতার অভাবে ইনি “যথার্থ স্থানে” এখনো যেতে পারেননি—যে স্থানে ছিলেন সে স্থানেই অচল হয়ে আছেন ও থাকবেন। ইনি একা নন,—

ভারতসচিব আমেরী ১৯৩৫ সনে,—“মুসোলিনীর আবিসিনিয়া অভিযান সম্পর্কে আমাদের মত যাই হোক না কেন—পক্ষপাতহীনভাবে দেখতে গেলে স্বীকার করতেই হবে যে সিনর মুসোলিনীর মত আর কেউ বর্তমান সময়ে যুরোপের শান্তিরক্ষা করবার জন্য চেষ্টা করেন নি।”

লর্ড বিভারক্রুক ১৯৩৮ সনের ৩১ অক্টোবরে,—“আমরা হিটলারের সাধুতা ও আন্তরিকতার প্রশংসা করি, আমরা তাঁর উদ্দেশ্যে বিশ্বাস করি...”

ইতরজনে কহেঃ—“সাধু !! সাধু !!”

ভিন্নরাচিহ্নলোকঃ

রুশ জার্মান যুদ্ধ আরম্ভ হয় ২২শে জুন ১৯৪১। নিখিল ভারত কংগ্রেসের সম্পাদক কৃপালিনী হঠাৎ ভারতবর্ষ রক্ষার জগ্য ব্যস্ত হোয়ে ২২শে জুন এক বিবৃতিতে গভর্নমেন্টকে দোষারোপ কোরেছেন সামরিক ও যন্ত্রের দিক দিয়ে ভারতবর্ষকে বৈদেশিক আক্রমণের হাত থেকে রক্ষা পাবার মত উপযুক্ত না করবার জগ্য। রুশজার্মান যুদ্ধ আরম্ভ হওয়াতে কংগ্রেসের পক্ষে কোনো পথ পরিবর্তনের প্রয়োজন নেই একথা প্রসঙ্গ ক্রমে তিনি বলছেন “কাজেই বিশ্বাস ও শাস্তি দ্বারা আমাদের অন্তর পূর্ণ করে ছোট ছোট ভয় ও চিন্তাকে দূর কোরে সমস্ত অবস্থার জগ্য আমরা প্রস্তুত থাকবো”, তিনি বলেছেন কংগ্রেসীদের কাজ হচ্ছে “দেখা ও অপেক্ষা করা।”

অগাধা যুধ্যমান জাতির মত ভারতবর্ষও যে বৈদেশিক আক্রমণের জগ্য প্রস্তুত হোচ্ছে— কৃপালিনী কি তা জানেন না—আস্থ্যালেতে যুধ্যোদ্যম শুরু হোয়ে গেছে। ভাবী সংগ্রামের অস্ত্রস্বরূপ চরকার গণনা শুরু হোয়েছে—এরপরও কি বলা হবে ভারতবর্ষ আত্মরক্ষা সম্পর্কে উদাসীন? নিখিল ভারত কিবাণ সভা।

গত ৭ই জুলাই এক প্রস্তাব পাশ করে ব্রিটিশ ও আমেরিকান জনসাধারণকে মনে করিয়ে দিয়েছেন তারা যেন সোভিয়েটের বিরুদ্ধে পুঁজিদারদের প্রচার দ্বারা প্রভাবান্বিত না হন এবং ঐ ছদ্মদেশের গভর্ন-

আধুনিক

বে
না
র
সী



ইণ্ডিয়ান সিন্ধ হাউস

কলেজ ষ্ট্রিট মার্কেট (টাওয়ার রক) কলিকাতা।

মেন্টকে সোভিয়েটের সঙ্গে অর্থ নৈতিক ও সামরিক মৈত্রী স্থাপন করতে বলেছেন।

এঁদের দৃষ্টিশক্তিও ক্ষুদ্র লক্ষ্য দ্বারা সীমাবদ্ধ নয়, এঁদের আন্তর্জাতিক দৃষ্টিভঙ্গী নিকটের জিনিষকে ফেলে রেখে দূরের জিনিষ দেখবার অসাধারণ দৃষ্টিশক্তি দিয়েছে—এঁরা আরো বলেছেন যে সোভিয়েটকে সাহায্য করতে হোলে ভারতবর্ষকে স্বাধীন হোতে হবে—কিন্তু সোভিয়েট যদি জয়ী হয় এ যুদ্ধে, তা হোলে?

নিখিলভারত ট্রেড ইউনিয়ান কংগ্রেসে, প্রস্তাব গৃহীত হোয়েছে যে রুশ-জার্মান যুদ্ধের জগ্য ভারতবর্ষের শ্রমিকদের যুদ্ধ সম্পর্কে কোনো মনোভাব পরিবর্তনের প্রয়োজন নেই। সাম্রাজ্যবাদী যুদ্ধ হিসাবে এর স্বরূপ বদলায়নি কাজেই যুদ্ধ সম্বন্ধে নীতি অপরিবর্তিত থাকবে।

মিং এন্ড এন্ড রায়, রুশজার্মান যুদ্ধসম্পর্কে বলেছেন নাজীদের সোভিয়েট আক্রমণের

পর এই যুদ্ধকে আর সাম্রাজ্যবাদী যুদ্ধ বলা চলে না, কাজেই ভারতীয় শ্রমিক সমাজের এসম্পর্কে উদাসীনতা বা নিরপেক্ষতা রক্ষা করা আর সম্ভব নয়। কাজেই নাজীদের বিরুদ্ধে আরো চাপ দেবার জগ্য ভারতীয় শ্রমিকেরা গভর্নমেন্টের সঙ্গে সহযোগিতা করতে পারে। এক টিলে দুই পাখী মারার চমৎকার গৌশল!



আহ্বান

সুরেন্দ্রনাথ মৈত্র

আধখানি গান গাহিয়া উড়িয়া গেলে
ছোট ছুটি ডানা মেলে
হ'লে যে উধাও সে গানের মাঝখানে !
নানা কথা নানা তানে
মোর অস্তরে তারে পূর্ণতা দিতে চাই নিতিনিতি,
তাই অফুরান গীতি
গাঁথিয়া চলেছি মালিকায় মালিকায়,
অন্তরাটিরে কণ্ঠ আমার ধরিবারে নাহি পায় ।

ফিরে এসো মোর পাখী,
শ্রবণে পরাণ রাখি'
বাকিটুকু তার শুনি ।
সে গানের জালবুনি'
উর্ণ আমার গাঁথে জঞ্জালমালা,
ফুরাক্ তাহার পালা,
মোনের মাঝে সুরে তব হোক লয়
গীতি তুষাত' নিরাকুল এ হৃদয় ।

বিনবর্তন

অজয় ভট্টাচার্য

মেঘের নীলাস্বরীতে লেগেছে জ্যোছনার জরিপাড়,
হাওয়ার আকাশ আজ নাকি হলো স্বপনের পারাবার,
নিশিগন্ধার বীথি-ছায়াপথে চন্দ্রাহতের দল—
আদম-ইভেরা আজো চিনিল না আদি নিষিক্ত ফল।

বুকের তলায় ফুঁসিছে হাপর কহে কালিয়ার বাঁশি—
ওমর খায়াম আর সাকী সুরা হয়ে গেছে কবে বাসি,
গতিচক্রের চক্রনেমীতে দেমাকীর গুঁড়া দেহ,
কালো বুড়ুকা শুঘিয়া নিয়েছে পৃথিবীর অমুলেহ।

এই তো সাগর চিনিতে পার' কি ক্ষীরদ-সায়র বলি'—
সপ্ত ডিঙার সদাগর সবি উবিয়া গিয়াছে চলি—
রক্তে যাদের নোনা ধরিয়াছে একটু হুনের লাগি
লবণানুর তীরে হাত পাতি তাহারাই আছে জাগি।


আজিকার ঝড়ে উড়ে গেল শুধু পিয়ালের পাতা নয়,
ছিন্ন পুঁথির কত ছেঁড়া কথা ছড়ানো আকাশময়।
ধোকা-ভগবান পারেনি রাখিতে ফাঁকির সিংহাসন
মানুষ হয়েছে আপন বিধাতা আপনার নারায়ণ।

দেখিতে পাও কি অকাশে উড়িছে অশ্বক্ষুরের ধূলি,
বজ্রাবিহীন আগুনে জ্বলিছে কত পৃথিবীর খুলি—
পাথরে পামাণে কাণো ইম্পাতে মানুষের পরিচয়
আজিকার রাত হল্‌দে চাঁদের আর কুসুমের নয়।

ঘর সন্ধান

ভড়িং কুমার ঘোষ

ডিগবাজী-থেকে	দাগীজীবনের	নভে
চুণমাথা চাঁদে	থ্যাব্‌ডানো-আশা	জাগে !
বিটকেল্ পোড়া	বাধা-মেঘ ঠেলি	কবে—
দম্-ফাটা-শাস্—	মুক্তিরে পাবে	বাগে ?...
পিছলানো পথ্	উচু নীচু আর—	কাদা !
‘জোড়াতালি-দেহ’	কোনো মতে হায়	নড়ে !
থ্যাৎলা পায়ের	চামড়া হয়েছে	সাদা,—
চ্যাপ্টা পরাণ	পায়নাকো ঠাঁই	ঘরে !
ফুটবল্ জমে	পিত্তি পড়িয়া	পেটে ;
পইটিক ঘুষি	হজম হইতে	চুলে !
বরফের স্নেহ	পাড়িদেওয়া ভার	হেঁটে,—
ফোস্কার জ্বালা	দাত্ মুখ্ খিঁটে	জ্বলে !
চলি তব্ চলি—	খোঁচা-থেকে চোখ্	মেলি’ !
ভেল্‌কী দেখানো	বজ্জাত-পথ্	ঠেলি !!!



সারথি

অনিলেন্দু চক্রবর্তী

মস্তিষ্কের ঠোকাঠুকি, মল্লযুদ্ধ বধিষু 'ইজম' এ,
অনার্যের নির্বাসন, প্রাণদণ্ড অবাধ্য আর্যের ;
মুখরুটি জ্ঞানরুটি ভেদ ; সদাসং দ্বন্দ্ব চিরন্তন ;
ইষ্টমন্ত্র অনিষ্টজ ;—ইষ্ট আর কতদূর !

খৃষ্টব্দে ক্ষীণকণ্ঠ, গুণগোলে ব্যর্থ উপদেশ ;
বধিঃ শব্দাঘাতে মানবিক কর্ণে শূন্যবাদ ।
বাসরের মৃদুবাণী ! কুণ্ঠাভয়ে মধ্যাহ্নে মিলায় ;
নির্বিকার বধির আকাশ ।

তুমি, কোথা তুমি !—

চক্ষু যার বহ্নি জ্বলে, বরাভয় তীক্ষ্ণ হাসি মুখ,
শুধু যার একবার অঙ্গুলি সঙ্কেতে
মিলাবে তরল গীতে আত্মঘাতী জীবনের
সমস্ত সংঘাত—
ভালমন্দ স্বার্থ-দ্বন্দ্ব উন্নত-অধম ।



আবছায়া

জীবনানন্দ দাস

ভোরের বেলায় আজ একটি কঠিন অবসাদ
• বিকেল বেলায়ও আজ একটি কঠিন
বিষন্নতা লেগে আছে পৃথিবীর বুকে ।
একটি কুমাণ এসে ছুয়ে ছুয়ে যোগ করে তিন



লিখে যায় সারাদিন মাঠের ভিতরে।

কোথাও ফসল নেই তার।

ঠাণ্ডা কঙ্কালের কাছে সারারাত গুড়িসুড়ি মেরে শুয়ে থাকে ;

কিছুই করে না অস্বীকার।

২

নিম্নীল জলের ঢেউয়ে নদী চ'লে যায়।

জল ছাড়া কিছু নেই তার।

কখন সকাল বেলা বিকেল হয়েছে

আমাদের চেনা শতাব্দীও চ'লে গেছে।

চ'লেছে সে জলপায়রার, নীড় খুঁজে।

নদীর কিনারে

বাদামী মাটির পরে ঝ'রে পড়ে পাতা।

এই সব সাদা সাধারণ বিশ্বস্ততা।



আমারো আঙুলে প'ড়ে থেমে থাকে—যতদিন আছে—

একটি হলুদ পাতা। নিকটের গাছে

কোথাও কোকিল হিম শূণ্যতার পানে গান গায়,

পাখিটির ভয়াবহ একাগ্রতার তুলনায়

কেবলি সময়ান্তর এসে পড়ে সভ্য পৃথিবীতে ;

বার বার অপরাহ্নের মৃত্যু হয়।

জানেনা কি বস্তু নিয়ে তৃপ্ত হতে হবে

পুরাতন খসড়ায়—অথবা বিপ্লবে।



পুনর্মুখিক

যতীন্দ্রমোহন বাগচী


হাজার হাজার কুলী ও কামিন চলেছে আঁধার সাঁঝে
পাতাল-পুরীর অন্ধ কোটরে কয়লা-খাদের মাঝে ।
মাথার উপরে বিচালীর গাদা,
চটের থলেতে পিঠে ছেলে বাঁধা,
রাত-কাটানোর কি এমন বাধা—মরদ রয়েছে সাথে ;
আঁধারের কীট আঁধারে লুকাবে, নূতন কি আছে তা'তে !

ছ'টো চানা-ভাজা, মহয়ার মদ, মাদল সঙ্গে আছে,
ছনিয়ায় আর কিবা দরকার, কি-বা চাই কা'র কাছে ?
খাওয়া-শোওয়া আদি প্রকৃতির কাজ,
আঁধারেই চলে, নাহি বাধা-লাজ ;
মন-ভুলাবার ছ'টো ফুলসাজ—নাই আর প্রয়োজন ;
হাত চিনে মুখ, অন্ধ কীটের সেই কামনার ধন !

এমনি করে তো বনের পশুরা ছিল গিরি-বনবাসে ;
ছ'দিনের আলো যদি-বা ঘুরালো, কি এমন যায় আসে ?
দিনের কর্ম খাদ কাটিবার—
সেও তো এমনি বিকট আঁধার,
রাত কাটাবার শোওয়ার ব্যাপার, হ'লই না হয় নীচে ;
নসীবের লেখা রয়েছে যখন—ভাবনা তাহার মিছে ।

পাতালে তাদের স্বাধীন রাজ্য গেল বুঝি এতকালে;—
 মনিবেরা আজ তাদেরই গর্ভে ঢুকিতেছে পালে পালে।
 আসমানে নাকি ছুসমন আসে,
 হুন্দাম্ গোলা ফাটিছে আকাশে,
 বাবুদল ভয়ে কাবু নিজবাসে পালা-পালা মুখে বলে,
 'পোকার মতন পিল-পিল করে' খাদে ঢোকে দলে দলে।

পাতাল-রাজ্য জয়লাভ হয়ে গেল বুঝি এইবার,
 সাদায়-কালোয় মন্দে-ভালোয় হ'ল বুঝি একাকার!
 সাপ এসে ঢোকে ব্যাঙের গর্তে—
 কেউ আর কারে চাহেনা ধরতে,
 কোনও ভেদ নাই স্বর্গে মর্তে, সভ্যতা গেল চুকে'।
 গুহার মানুষ প্রাণ রাখে আজ গুহারই মধ্যে ঢুকে' ॥



পদাভিক

শান্তিরঞ্জন বন্দ্যোপাধ্যায়

সূর্যের আলো বন্ধের কাছে
মারে বিলিক্
উদ্ধত বৃকে স্পর্ধায় চলি পথ—
বাঁকা তলোয়ারে স্বর্ণ-রশ্মি
প্রতিফলন্
হিংস্র আবেগে হাতিয়ায় ঝলসায়।

হুঁসিয়ার ভাই, কাজ সমাপ্ত
প্রস্তুতির
প্রকাশ ব্যথায় কাঁপে সীমান্ত দেশ—
তীর্থের পথে গনতান্ত্রিক্
আগন্তুক্
তৃতীয় নয়নে দ্বিতীয় সূর্য জ্বলে।

যুগ-শতাব্দী ঘূর্ণায়মান
রাত্রিদিন
পথের কমলে কাজ নাই কমরেড—
লক্ষ্যের গানে অপ্রতিহত
কুচ্কাওয়াজ্
বৈশাখী-ঝড়ে রক্ত নিশান ওড়ে।

মিথ্যে ক্ষতির পুঁজির বড়াই
তুলে রাখো
অলমল্ করে সোনালি ভবিষ্যৎ—
বাঁকা তলোয়ারে স্বর্ণরশ্মি
প্রতিফলন
উদ্ধত বৃকে স্পর্ধায় চলি পথ!



“বিশ্ববত্ত”

যুদ্ধের দ্বিতীয় বৎসর শেষ হল

গত ৩রা সেপ্টেম্বর যুদ্ধের তৃতীয় বৎসর আরম্ভ হল। দ্বিতীয় বৎসরে যুদ্ধের প্রকৃতি সম্পূর্ণ বদলে গেছে, দীর্ঘদিন ধরে যুদ্ধ চলবে এ কথা স্পষ্ট হয়ে উঠেছে। সমস্ত পৃথিবীকে এই রক্তাক্ত রণাঙ্গনে এসে এই নির্ভুর মারণ যজ্ঞে যোগ দিতে হবে, আজ তা’ সবাই বুঝতে পারছে। দিন গড়িয়ে চলেছে, আর যুদ্ধ নিত্য নতুন স্তরে প্রবেশ করে বিশ্বয়কর জটীলতায় আটকা পড়ছে। একবছরের সংক্ষিপ্ত কাহিনীও নভেলের মত রোমাঞ্চকর। গত আগষ্ট (১৯৪০) মাসে একাকী ও নিঃসঙ্গ ব্রিটিশ প্রবল জার্মানীর বিরুদ্ধতা করেছিল। ভূমধ্যসাগরে তখন মুসোলিনী দুর্ধর্ষ হয়ে উঠেছে, ১৮ দিনে ব্রিটিশ সোমালিল্যাণ্ড তার হাতে গেছে। আটলান্টিকে জার্মান ইউ-বোট অক্লান্ত আক্রমণ চালিয়েছে ইংরেজের সরবরাহ জাহাজগুলোর ওপরে। তারপরে ৮৪ দিন ব্যাপী জার্মান ব্লিৎসক্রিগ্ (বিমান আক্রমণ) ইংরেজের আশ্চর্য জাতীয় ঐক্য ও নির্ভার কাছে হার মানলো। পৃথিবীর বিশ্বয় ও ভ্রমকে ইংরেজ সেদিন জয় করেছিল। আটলান্টিকের যুদ্ধের ফলে ব্রিটিশ হলো বিব্রত, সঙ্গে সঙ্গে আমেরিকা এলো সাহায্যে এবং “ইজারা ও ঋণদান” আইন পাস হয়ে গেল। যুদ্ধের মালপত্র ইংলণ্ডে পৌঁছে দেয়া দায়, তাই আমেরিকা কতকটা দূর পৌঁছে দেবার দায়িত্ব নিল; এই উদ্দেশ্যে যুক্তরাষ্ট্র দখল করল আইসল্যান্ড। অগণিত ব্রিটিশ জাহাজ ডুবিয়ে জার্মানী অপূরণীয় ক্ষতি করেছে ইতিমধ্যে। কিন্তু ব্রিটিশের নৌশক্তিরও প্রবল আত্মপ্রকাশ হলো জার্মান জাহাজ বিসমার্ককে ডুবিয়ে দিয়ে। কিন্তু অতঃপর জার্মানী নতুন পথে যুদ্ধকে চালনা করল। বলকানের দিকে এলো জার্মান যুদ্ধরথ। ৩১শে ডিসেম্বর (১৯৪০) রুম্যানিয়া হার মানল, ফলে হাঙ্গারী নিল ট্রানসিলভানিয়া, সোভিয়েট নিয়ে গেল বেসারাবিয়া, দক্ষিণ দোব্রুজাকে নিল বুলগারিয়া। আফ্রিকাতে জেনারেল ওয়াভেল ডিসেম্বর মাসে প্রতি-আক্রমণ করলেন ইটালীর গ্রাৎসিয়ানীর বিরুদ্ধে। টৌরোন্টো ও মাটাপানের ব্রিটিশ বিজয়, লিবিয়ায় সাইরেনিকা দখল, ব্রিটিশ সোমালিল্যাণ্ড



পুনর্দখল, ইটালীয় সোমালিয়াও ও এরিট্রিয়া এবং সর্বশেষে আবিসিনিয়ার পুনর্বিজয় আফ্রিকাতে ইতালীর প্রতাপকে খতম করলো। ৫ই মে হাইলেসালাসী আদিসআবাবা পুনঃ প্রবেশ করলেন, ডির্ডক অব আওস্টা, ইতালীয় বড়লাট, ২০শে মে আয়সমর্পণ করলেন। এদিকে জার্মানীর অভিযান চলেছে অব্যাহত। ১৯৪১এর ১লা মার্চ বুলগারিয়া জার্মানীর পক্ষে এলো; যুগোস্লাভিয়া ২৫শে মার্চ জার্মানীর দিকে পা বাড়াল; কিন্তু ২৭শে মার্চ আবার জার্মানবিরোধী বিদ্রোহের ফলে বালকরাজা পিটার সিংহাসনে বসলেন। ৬ই এপ্রিল জার্মানরা যুগোস্লাভিয়া ও গ্রীস আক্রমণ করে ১২ দিনের মধ্যে দখল করে নিল। ব্রিটিশ শক্তি ক্রাট দীর্ঘশেষ বাধা দান করে ১৫০০০ সৈন্যকে ক্রীটের খুলিতে রেখে পরাজয় স্বীকার করে ফিরে এলেন। ইরাকে রশীদ আলীর বিদ্রোহ দমন এবং সিরিয়াতে ভিসি-শক্তির পরাজয় ইতিমধ্যে ইংরেজের প্রতিষ্ঠাকে দৃঢ় করল মধ্যএশিয়ায়। এর পরই যুদ্ধ নতুন অধ্যায়ে প্রবেশ করলো। ২২শে জুন ১৫০০ মাইল ব্যাপী জার্মানীর আক্রমণ আরম্ভ হল সোভিয়েটের বিরুদ্ধে। লেনিনগ্রাড, মস্কো, কিভ ও ওডেসা এই চারটি অঞ্চলে জার্মানীকে রুশিয়া প্রাণপণ বাধা দিচ্ছে। আজ পর্যন্ত সেই অভিযান অনির্দেশ্য পথের দিকে চলেছে। সুদূর প্রাচ্যেও যুদ্ধের হাওয়া উঠেছে। থাইল্যান্ডকে বেচারা ইন্দোচীনের এক টুকরো অংশ নির্বিবাদে দখল করতে দিয়ে জাপান শেষে নিজেই ইন্দোচীনকে গ্রাস করবার আয়োজন করেছে। এদিকে নতুন একা গড়ে উঠছে সোভিয়েট-ইঙ্গ-আমেরিকার। চার্চিল এবং রুজভেল্ট জাহাজী মোলাকাত ও পরামর্শ করে মিলিত ঘোষণায় পৃথিবীকে আশ্বাস দিয়েছেন, যুদ্ধশেষে সর্বমানবের মুক্তি ও সর্বব্যাপী শান্তি স্থাপন করা হবে, পৃথিবীর সর্বত্র। তারপরে গত ২৫শে আগষ্ট ইঙ্গ-ব্রিটিশ মিলিত শক্তির হৃদিক থেকে ইরাণ আক্রমণ করে বিনা বাধায় দখল পাওয়ায় ব্রিটিশ প্রাধান্য মধ্যপ্রাচ্যে নিরাপদ হয়েছে। রুশ-জার্মান যুদ্ধই পৃথিবীর ভবিষ্যৎকে নিরূপণ করবে এবং এই যুদ্ধের দিকেই সবাই তাকিয়ে আছে। যুদ্ধের তৃতীয় বৎসরে পৃথিবীর ভবিষ্যৎ কোন্ দিকে রূপান্তরিত হবে কে জানে?

চার্লিস-রুজভেল্ট ঘোষণা—‘পৃথিবীর মুক্তিপত্র!’

মিং রুজভেল্ট ও মিং চার্চিল স্ব স্ব স্থান থেকে তর্জাৎ অমুদ্রিত হয়েছিলেন। তারপরে রহস্যের উদ্ঘাটন হয়েছে এবং লর্ড প্রিন্সীল মিং অ্যাটলী গত ১৪ই আগষ্ট রেডিওতে জানিয়েছেন যে রুজভেল্ট ও চার্চিল সমুদ্রের বুকে গোপনে সাক্ষাৎ ও পরামর্শ করেছেন পৃথিবীর ভবিষ্যৎ ব্যবস্থা এবং যুদ্ধের বর্তমান অবস্থা সম্বন্ধে। একবার সাক্ষাৎ হয়েছে ব্রিটিশ রণপোত “প্রিন্স অব ওয়েলস্”-এ; দ্বিতীয় বৈঠক হয়েছে যুক্তরাষ্ট্রের “অগাষ্টা” নামক ক্রুইজারের ওপরে। আলোচনায় উপস্থিত ছিলেন ছ’পক্ষের সরকারী মহারথীরা, যথা, ব্রিটিশ জেনারেল ষ্টাফ নায়ক জেনারেল জন ডিল, যুক্তরাষ্ট্রের ষ্টাফ-নায়ক জেনারেল মার্শাল, যুক্তরাষ্ট্রের নৌ-নায়ক অ্যাডমিরাল হ্যারল্ড ষ্টার্ক,

ইজারা-খণ-নিয়ন্ত্রক মিঃ হ্যারিমান ইত্যাদি। এই সাক্ষাৎকার নিয়ে একটা হটগোল পড়ে গেছে, কারণ এর ফলে চার্লিস-রুজভেট এক “৮-দফা ঘোষণা” পৃথিবীর সম্মুখে প্রচার করেছেন। ঘোষণার মর্ম হলো : (১) উদ্ভ-আমেরিকার কোনো রাজ্যে লোভ নেই (২) স্থানীয় লোকের মত না নিয়ে কোথাও কোন পরিবর্তনই করা হবে না (৩) প্রত্যেক জাতির রাষ্ট্রগঠনের আত্মকর্তৃত্বকে অব্যাহত রাখা হবে এবং যাদের স্বাধীনতা হ্রত হয়েছে তাদের স্বায়ত্বশাসন উদ্ধার করে ফিরিয়ে দেওয়া হবে (৪) বিজিত বা বিজয়ী, ছোট বা বড়, সকল রাষ্ট্রকে কাঁচা মাল ও বাণিজ্যের সমান অধিকার দেওয়া হবে, অবশ্য এখন যে সব চুক্তি ও বাধ্যবাধকতা আছে তাদের মর্যাদা হানি না করে। (৫) শ্রমিক জীবনের উন্নতি, আর্থিক প্রগতি এবং সামাজিক নিরাপত্তা বিধানের জন্ত সকল জাতির মধ্যে সহযোগিতা সৃষ্টি করা হবে (৬) নাজী জুল্মের বিনাশের পরে অভাব ও ভয়ের তাড়না থেকে সর্বমানবকে মুক্তি দিয়ে এমন বিশ্বশান্তি স্থাপিত হবে যাতে প্রত্যেক জাতি স্ব স্ব দেশে নিরাপদে জীবন যাপন করতে পারবে। (৭) এই বিশ্বশান্তিতে প্রত্যেক মানুষের সমুদ্র পারাপার করবার অবাধ অধিকার থাকবে (৮) পশুশক্তিকে বর্জন করতে হবে সব জাতিকে এবং যারা অপরের ওপরে হামলা করবে তাদেরই নিরস্ত্র করতে হবে।

এই ঘোষণায় কোথাও কোথাও আনন্দ কোলাহল উঠেছে, কারণ মাটির পৃথিবীতে স্বর্গরাজ্য নেমে আসবে যুদ্ধ শেষ হতেই। মানুষ যুগান্ত থেকে যে স্বপ্ন দেখেছে এতদিন পরে এই স্বার্থবিধ্বস্ত মানবসমাজে সেই স্বপ্ন সত্য হতে চলল। কিন্তু আমরা আশঙ্কিত হতে পারছি না। কাঁটা যে কোথায় বিঁধে আমরা ভারতবাসীরা তা ভালো করেই জানি। মিষ্টি মিষ্টি কথা, ভালো ভালো প্রতিশ্রুতি বিপদের সময়ে সবাই শুনিতে থাকে। শিশুরা এসব শুনে ভোলে, অস্ত্রে নয়। আমরা কেবল ভাবছি ১৯১৪ সনের কথা। কানে গাজো বাজছে প্রেসিডেন্ট উইলসনের সেই ঘোষণা : “We desire no conquest, no dominion. We seek no indemnities for ourselves, no material compensation for the sacrifices we shall freely make. We are but one of the champions of the rights of mankind,...we shall fight for....democracy,...for the rights and liberties of small nations, for a universal dominion of right by such a concert of free peoples as shall bring peace and safety to all nations and make the world itself at last free.” হায় ডিমোক্রেসী ! হায় বিশ্বশান্তি ! চৌদ্দ-দফা উইলসন শান্তি মিথ্যার অন্ধকারে লুপ্ত হয়েছে। আবার ১৯৪১ সনে সাম্রাজ্যবাদী বীণায় বাজছে আট-দফা শান্তির রাগিণী। টাকা নিম্প্রয়োজন, তবে যুক্তরাষ্ট্রের সিনেট-সামরিক-কমিটার চেয়ারমেন ডিমোক্রেসি রেনোল্ড্ সাহেবই টপ্পনি করেছেন, তা’ হলে ভারতবর্ষকে স্বাধীনতা দান করেই এই বিশ্বশান্তির উদ্বোধন হোক না কেন ? প্রশ্ন শুনে ইতিহাস বিধাতা হয়ত নেপথ্যে হাসছেন। কিন্তু আমরা নীরব থাকাই সঙ্গত মনে করছি।



লড়াইর অবস্থা অনিশ্চিত

মহাযুদ্ধের আসল নাট্য অভিনীত হচ্ছে রুশ-জার্মান সীমানায়। গত একমাসকালের মধ্যে সেখানে কোন গুরুতর পরিণতি কিছু হয়নি। লেনিনগ্রাড্‌ সহরে এবং ওডেসার কাছে যুদ্ধ তীব্র হয়ে উঠেছে। লেনিনগ্রাড্‌কে চারদিকে জার্মান ফৌজ ঘিরেছে এবং রেলওয়ে লাইন কেটে মস্কো থেকে বিচ্ছিন্ন করে ফেলা হয়েছে বলে জার্মানী দাবী করেছে। ৮ই সেপ্টেম্বর জার্মানী শ্লুসেলবুর্গ দখল করেছে বলে প্রচার করেছে, শ্লুসেলবুর্গ হল লেনিনগ্রাডের ২৫ মাইল পূবে এবং এতে চারদিকে চক্রবৃহৎ সম্পূর্ণ হলো। কিন্তু রুশিয়া বলছে এ সব অলীক; মোটেই লেনিনগ্রাডকে ঘিরে চক্ররচনা হয়নি। মস্কো লাইন ছাড়াও দক্ষিণে রাইবিন্স লাইন, পূবে ভোলোগদা লাইন, এবং উত্তরদিকে মুরমন্সক্‌ রেলওয়ে লাইন, এই তিনটে লাইন রয়েছে। দক্ষিণ-পূর্ব দিকে বা পূবে জার্মান সৈন্যের চিহ্নও নেই। যদি উত্তর থেকে ম্যানারহাইমের ফিন সৈন্যদল এসে পূবে ও দক্ষিণে জার্মানদের সঙ্গে মিলতে পারে তাহলে উত্তর রুশিয়ার সঙ্গে মস্কোর যোগ ছিন্ন হবে। ফিন সৈন্য স্বীর নদীতে পৌঁছেছে খবর এসেছে কিন্তু ঠিক কোথায় তা জানা যায়নি। এতে লেনিনগ্রাডের সরবরাহ বন্ধ হয়ে যাবে। হয়তো এখন রুশ সৈন্য পিছে হঠে এসে মুরমন্সক্‌ রেলওয়ে লাইন ও স্টেলিন খালকে পাহারা দিচ্ছে। জার্মান ও ফিন সৈন্য এখন ২৫০ মাইল পরস্পর থেকে দূরে আছে; যদি এদের মিলনকে রুশ সৈন্য না আটকাতে পারে তাহলে বিষম অবরোধে লেনিনগ্রাড আবদ্ধ হয়ে পড়বে। তবে লেনিনগ্রাডের বিশালক্ষ লোকও দৃঢ়প্রতিজ্ঞ হয়ে সহর রক্ষার জন্য প্রস্তুত আছে; তা ছাড়া দক্ষিণপশ্চিমে তিন তিনটে ছুর্গ-বেঠেনী দাঁড়িয়ে আছে; আর এছাড়া সহরের প্রান্তে অগণিত খালবিলেরও বেঠেনী আছে। পূবে ৪০০ গজ চওড়া নেভানদী রয়েছে। ওদিকে দক্ষিণে ওডেসারও প্রায় সেই অবস্থা। সহরের ৭টি বিমানঘাটী আছে, কিন্তু এরা কেবল বিমান সরবরাহ করতে পারে, সামরিক পীঠভূমি (base) হতে পারে না। নীপার নদী এখনো জার্মান সৈন্য পার হতে পারেনি। রাশিয়াকে প্রায় একাই লড়াইতে হচ্ছে। তবে কিছু কিছু ব্রিটিশ বিমান লেনিনগ্রাডে রুশকে সাহায্য করেছে। কিন্তু গত ৩০ শে আগষ্ট কেভেট্রিতে বহুত্যা প্রসঙ্গে মিঃ ইডেন জানিয়েছেন, আমেরিকার সাহায্য ধরেও মিত্রশক্তির সমবেত যুদ্ধসত্তার প্রয়োজনের থেকে অনেক কম। তবে জার্মানীরও রুশযুদ্ধে ক্ষতির আকার বিপুল হয়েছে। কাজেই ভবিষ্যতের গর্ভে কী আছে বলা শক্ত, এখনো সবই অনিশ্চিত।

ইরানে ইজ-রুশ আক্রমণ

গত ২৫শে আগষ্ট ভোরে ব্রিটিশ ও রুশীয় সৈন্য ইরান আক্রমণ করেছে; রুশ সৈন্য প্রবেশ করেছে উত্তরে ককেশাস থেকে আর্দেবিল, তব্রিজ হয়ে। ব্রিটিশ সৈন্য এসেছে আবাদান, বন্দরশাহ, খানাকিন হয়ে। খানাকিন থেকে তৈলকেন্দ্র নক্‌তিশাহ ও কসর-ই-শিরিন্‌ও বিনা

বাধায় দখল করা হয়। রেজা শাহ বাধা দেবেন না স্থির করেছেন; তার এই বিনম্র আত্মসমর্পণে দুটা সুবিধা ইঙ্গ-রুশ শক্তির হলো; প্রথমতঃ জার্মানীর পূর্ব অভিযান বন্ধ হল, ভারত থেকে ১০০০ মাইল দূরে জার্মান সৈন্য রইল। দ্বিতীয়তঃ বস্‌রার বন্দর দিয়ে রুশিয়াকে সমুদ্র সাহায্য পাঠান সম্ভব হবে। তৃতীয়তঃ তৈল সরবরাহের বন্দোবস্তও অব্যাহত রাখা সম্ভব হবে। সামরিক ও রাজনৈতিক গুরুত্ব ইরাণের প্রচুর; এখান থেকেই তৈল সরবরাহের স্নায়ুকেন্দ্র নিয়ন্ত্রিত হয়, তৈল হল যুদ্ধের প্রাণ। কিছুদিন থেকে ইরাণ সম্বন্ধে ইঙ্গ-রুশ শক্তি চিন্তিত হয়ে উঠেছিল, কারণ দুহাজারেরও ওপরে জার্মান নৌা ছলে ইরাণে বসবাস করছিল এবং জার্মানীর গুপ্তচর হয়ে এখানে প্রভাব বিস্তার করছিল। কিছুদিন আগে ইঙ্গ-রুশ চরমপত্র দেয়া হয় জার্মানদের ইঙ্গ-রুশের হাতে সমর্পণ করবার দাবি করে। তারপরেই আক্রমণ। সার আর্চিবল্ড ওয়াভেল ভারত থেকে ইরাণ অভিযান চালনা করেছেন এবং ভারতীয় সৈন্যরাই এই চেষ্টার প্রধান সহায়। জার্মানী নির্লিপ্ত ও উদাসীন হয়ে এই অভিযানকে সফল হতে দিয়েছে। এদিকে ইরাণে শান্তিনীতিকে অব্যাহত রাখবার জন্য নতুন মন্ত্রীসভা গঠিত হয়েছে আলী ফারুকীর নেতৃত্বে। দীর্ঘদিন আলোচনার পর ইরাণ সরকার গত ৯ই সেপ্টেম্বর সমস্ত ইঙ্গ-রুশ দাবি মেনে নিয়েছে বলে প্রধান মন্ত্রী ফারুকী পার্লামেন্টে ঘোষণা করেছেন। ৮ই তারিখে ইরাণী জবাব বিজয়ী শক্তির কাছে দেওয়া হয়েছে। এই দাবি অনুসারে (১) ইরাণে জার্মান, ইতালীয় ইত্যাদি শত্রুপক্ষীয় লিগেশান বন্ধ করে দেওয়া হবে। (২) সমস্ত জার্মানকে বন্দী করে ইঙ্গ-রুশের হাতে সমর্পণ করা হবে। (৩) ইরাণ সৈন্যকে অস্ত্র রাখতে দেওয়া হলেও একটা বিশেষ অংশে ইরাণী সৈন্য থাকতে দেওয়া হবে না। ইরাণের স্বাধীনতা অপসৃত হল, ইংরেজ ও রুশীয় প্রভাব সুদৃঢ় হয়ে বসল। যেমন ১৯০৯ সনে ইরাণকে দুভাগ করে ইংরেজ ও রুশ নিয়েছিলেন ইঙ্গ-রুশ চুক্তি অনুসারে। ইতিহাসের পুনরাবর্তন হচ্ছে সন্দেহ নেই।

মাক্কুয়ো-মঙ্গোলিয়া সীমান্তে রুশ-জাপান

জাপানের সঙ্গে রুশিয়ার স্বার্থের হিসাবনিকাশ একদিন করতেই হবে। এই দুই শক্তির রাজ্যের পরিধি ক্রমশঃ স্ফীত হয়ে হয়ে শেষে একই সীমানায় এসে স্তব্ধিত হয়ে রয়েছে। জারের আমল থেকেই রুশের অভিযান এশিয়ার উত্তরাংশকে গ্রাস করেছে; সমুদ্রের তীরে বন্দর ভ্লাডিভোষ্টক রুশ অধিকারের বৈজয়ন্তী বৃকে ধারণ করেছে বহুদিন। আর মঙ্গোলিয়ার ওপরেও রুশের বজ্র-আটন কোনদিন শিথিল হয়নি। সোভিয়েট রাষ্ট্রও রোমানফ বংশের সাম্রাজ্যবাদী উত্তরাধিকারকে বর্জন করেননি। তারা মঙ্গোলিয়াতে রুশীয় শাসনকে দৃঢ়তর করেছেন; ভ্লাডিভোষ্টকে বিমান ঘাটী করে জাপানকে শক্তিত করে রেখেছেন। জাপানও চুপ করে নেই। পশ্চিম দিকে তার অভিযান ক্রমেই প্রবল হয়ে উঠেছে। তার ছোট রাজ্যকে বাঁচাতে হলে সীমান্ত রাখতে হবে নিরাপদে বহু

দূরে। তাই মাঞ্চুকুয়াকে দখল করে জাপান আশ্রিত রাজ্যে পরিণত করেছে। মঙ্গোলিয়া হল সমাজতন্ত্রী রুশের আশ্রিত; মাঞ্চুকুয়ো সাম্রাজ্যবাদী জাপানের তাবোদার। মাঞ্চুকুয়ো-মঙ্গোলিয়া সীমানা নিয়ে অহরহ উৎপাত লেগেই আছে। দুই পক্ষই দিন-রাত সঙ্গীন উঁচিয়েই আছে। কিন্তু এদের কলহটা ঠিক সত্যিকারের নয়। এদের কলহের পিছনে আসল সংঘর্ষটা হল রুশ-জাপানের; বহুদিন ধরে এই ঝগড়া চলেছে। মাঝে মাঝে এক দল অপরের রাজ্যে ঢুকে কিছু জোর-জুলুম করে আসে; কিছু গোলাগুলি চলে, আবার যার যার হিসসায় এসে প্রতীক্ষা করেন। কিন্তু কিছুদিন যাবৎ রুশ-জাপানের সম্পর্কটা কিছু মোলায়েম করে আনবার চেষ্টা দুপক্ষই করছেন। কারণ দুপক্ষেরই অগ্গদিকে বিপদ ঘনিয়ে এসেছে। জাপানের চীনা হাঙ্গামা আর আমেরিকা-ফ্যাসাদ আছেই, আর রুশেরও জার্মান-বিপদ মারাত্মক হয়ে উঠেছে। বিশেষতঃ ভ্লাডিভোষ্টক দিয়ে, প্রশান্ত সমুদ্র দিয়ে রুশকে অস্ত্রশস্ত্র আনাতে হবে। আমেরিকার সাহায্য ওপথেই আনতে হবে। কিন্তু জাপান কালান্তক যমের মত পথ আগলে আছে। ভ্লাডিভোষ্টক দিয়ে অস্ত্রশস্ত্রের আমদানী জাপান কিছুতেই করতে দেবে না। ২১শে সেপ্টেম্বরের “কোকুমিন সিন্থুন” তাঁর প্রতিবাদ করে বলেছে, এখান দিয়ে অস্ত্রশস্ত্র নিলে যুরোপের যুদ্ধ সুদূর প্রাচ্যেও শুরু হবেই। জাপানের সুর এতে স্পষ্ট। কাজেই সীমান্তে রুশ-জাপান সম্পর্কে যথাসম্ভব নিরাপদ রাখা দুইয়েরই একান্ত স্বার্থ।

আর কিছুদিন আগে “মাঞ্চুকুয়ো-মঙ্গোলিয়া সীমান্ত কমিশন” নামে এক মীমাংসা কমিটি নিযুক্ত হয়েছিল। এতে রুশ-জাপান দুই দলেরই প্রতিনিধি আছেন; এর নায়ক হলেন বৈদেশিক বিভাগের “রাজনৈতিক পরিচালনা বুরোর” নেতা নোবুসদা শিমোরা। এই জয়েন্ট কমিশন সীমানা নির্ধারণের কাজ একুশে আগষ্ট শেষ করে ফিরেছেন। এরা নিজ নিজ রাজধানীতে এসে ঘোষণা করেছেন যে দুপক্ষের প্রতিনিধিরা আগামী ২২শে সেপ্টেম্বর তারিখে হারবিন্ নামক স্থানে বৈঠক করবেন এবং সেই দিনই সীমান্তচুক্তিতে চূড়ান্ত ভাবে স্বাক্ষর করবেন। এতে বাহ্যত মনে হয় সাময়িক শান্তি স্থাপিত হলো। কিন্তু অনেক মনে করছেন, “জাপান জার্মানীর ত্রিশক্তি-চুক্তির মিত্র, কাজেই রুশিয়াকে পূর্বদিক থেকে আক্রমণ করে সে মিত্রকে সহায়তা করবেই। এতে কেবল বন্ধুত্বই আছে তা নয়; এতে আছে বহু দিনের ঐতিহাসিক প্রতিদ্বন্দ্বের মীমাংসার সুযোগ, রুশ-বিপদকে এই সুযোগে জাপান তাড়াবে পূর্ব এশিয়া থেকে। আসল কথা হলো, জমি আর সীমানার কাড়াকাড়ি এতো সহজে সন্ধি-আলোচনার দ্বারা মীমাংসা হয় না। তরবারি শেষ পর্যন্ত আসবেই। কাজেই উভয় পক্ষের সাময়িক স্বার্থের ঠেলায় এখন দোস্তালি হলেও ভবিষ্যতে কী হবে তার ঠিক কি? ইতিমধ্যে ২২শে সেপ্টেম্বরের বৈঠকে কী হয় দেখা যাক।

সম্পাদকীয়

ভারত-বর্মা-চুক্তি .

কিছুদিন হ'ল ভারত-বর্মা-চুক্তি পাকাপাকি করা হয়েছে, এই খবরটা অকস্মাৎ ভারত সরকার জানিয়েছেন। চুক্তির উদ্দেশ্য হলো ভারতীয়দের বর্মায় প্রবেশ নিয়ন্ত্রিত ও সংকুচিত করা। চুক্তির ইতিহাস অতি দুর্ভেদ্য রহস্যে আবৃত। চুক্তিটা ব্যাক্সটার (Baxter) রিপোর্টকে ভিত্তি করেই তৈরী হয়েছে বলে বলা হয়েছে। কিন্তু ব্যাক্সটার সাহেব তদন্ত করে যে সিদ্ধান্তে উপস্থিত হয়েছিলেন, তার স্বপক্ষে একটা অকারণ গোপনতা অবলম্বন করা হয়েছে। ১৯৪০ সনের অক্টোবর মাসে সেই রিপোর্ট বর্মা সরকারের হাতে ছিলো, কিন্তু ভারতসরকার কবে রিপোর্ট পেয়েছেন তা না জানলেও একথা বলা চলে যে দেশের লোক সে রিপোর্ট চোখে দেখেনি বলদিন। এমন কি বর্মায় যে ভারতীয়দের কমিটি গঠিত হয়েছিল তাদেরও রিপোর্ট দেওয়া হয়নি, যদিও ভারত সরকারের প্রতিনিধিরা সে কমিটির মতামতও জানতে চেয়েছিলেন। তাছাড়া ভারতীয় কমিটিকে শিক্ষা-স্বাস্থ্য-জমিবিভাগের ভারপ্রাপ্ত সদস্য (যিনি ভারত গভর্নমেন্টের পক্ষে চুক্তিতে স্বাক্ষর করেছেন) বলেছেন যে বর্তমান আন্তর্জাতিক পরিস্থিতিতে বর্মীদের খুসী করবার জন্ম ব্রিটিশ সরকার অনেকদূর যাবেন। বর্মীদের চটানো এখন অসম্ভব। কাজেই চুক্তির স্বরূপ যে কী হবে এতেই বোঝা যাচ্ছে। তাছাড়া ভারতীয় কমিটিকে এঁরা বরাবর বলেছেন যে বর্মা সরকারের সঙ্গে বর্তমান কথাবার্তা প্রাথমিক এবং শুধু মীমাংসার পথ অনুসন্ধান বই আর কিছুই নয়। কিন্তু কথাবার্তার পরে রিপোর্ট দেখিয়ে তাদের বলা হয় চুক্তি একেবারে চূড়ান্ত এবং আর রদবদল চলবেনা। এর ওপরে আবার এদিকে রটনা হয় যে বর্মার ভারতীয়গণ এ চুক্তিকে সমর্থন করেছে। অথচ এর চাইতে অমূলক কথা আর কী হতে পারে ?

চুক্তির মর্ম অত্যন্ত ভেদমূলক এবং ভারতবাসীর পক্ষে চরম অপমানজনক। চুক্তি অনুসারে ভারতবাসীর বর্মায় খুশীমত প্রবেশ করবার অধিকার হরণ করা হয়েছে। ১লা অক্টোবর (১৯৪১) থেকে যারা বর্মায় যেতে চান তাদের দুই শ্রেণী-ভুক্ত করে দু'রকম পাস দেওয়া হবে। কাদের পাস দেওয়া হবে, কতজনকে দেওয়া হবে, কাকে ও কতজনকে কোন্ শ্রেণীতে কেনা হবে, তা সবই বর্মা সরকারের ইচ্ছার ওপরে নির্ভর করবে। তাছাড়া যে সব ভারতীয় আগে থেকেই বর্মায় আছেন তাদেরও তিনটি শ্রেণীতে ভাগ করা হবে। অর্থাৎ (১) যারা বর্মাতেই জাত, লালিত



ও বর্মারই স্থায়ী বাসিন্দা। (২) যারা ১৫ই জুলাইর আগে সাত বছর ধরে বর্মায় বাস করছেন। (৩) যারা ১৫ই জুলাই তারিখে বর্মায় বাস করছিলেন। এই তিন শ্রেণীর এবং উপরোক্ত দুই শ্রেণীর ভারতীয়দের অধিকার ও মর্যাদা ভিন্ন ভিন্ন রকমের হবে। যারা ব্যবসা-বাণিজ্য করেন তাদের তো অসম্ভব ক্ষতি ও অসুবিধা হবেই, যারা বেড়াতে যাবেন তাদেরও লাঞ্ছনা ও বিরক্তি কম হবে না। এই চুক্তির আগে গত ফেব্রুয়ারী মাসেই ভারত-বর্মী বাণিজ্য-চুক্তি নিষ্পন্ন হয়ে গেছে। যদি এই বর্তমান চুক্তি এবং বাণিজ্য চুক্তি একত্র সম্পাদন করা হত তবে ভারতীয়দের পক্ষে এমন ক্ষতিজনক একটা চুক্তি হতেই পারত না। কারণ তা হলে বাণিজ্য ব্যাপারে ভারতীয়রা তখন চাপ দিতে পারতেন এবং বর্মী সরকারও ভারতীয় বাণিজ্যে ক্ষতি স্বীকার করতে সাহস করতেন না। কিন্তু তা হয়নি। বরং তখন ভারতসরকারের শিক্ষা-স্বাস্থ্য সদস্য বেসরকারী পরামর্শদাতাদের বলেছিলেন যে বাণিজ্যে ভারত বর্মাকে সুবিধা করে দিলে পরে বর্মীও খুশী হয়ে ভারতীয়দের বর্মীপ্রবেশ ব্যাপারে উদারতা দেখাবে। এই আশ্বাসের ফলেই বে-সরকারী পরামর্শদাতারা ভারতের বাণিজ্য স্বার্থের ক্ষতি স্বীকার করে বাণিজ্য চুক্তিতে রাজী হয়েছিলেন। কিন্তু উদারতার ফল এখন হাতে হাতে পাওয়া গেলো।

এই চুক্তির প্রতিবাদে ভারতবর্ষের জনমত প্রবলভাবে আত্মপ্রকাশ করেছে। সমস্ত প্রতিষ্ঠান এর সংশোধন দাবী করেছে। গান্ধীজীও গত ২৪শে অগাস্টের বিবৃতিতে এই চুক্তির তীব্র প্রতিবাদ করেছেন। তাঁর মতে এই চুক্তি ভারতবর্ষ ও বর্মার পক্ষে অত্যন্ত অপমানজনক এবং বর্মাবাসীর কাছে ভারতবাসী বিদেশী হতেই পারে না। “Indians in Burma and Burmans in India can never be foreigners in the same sense as people of the west. This agreement must be undone because it breaks every canon of international propriety.” আমাদের মতে এই ভেদনীতি হলো সাম্রাজ্যবাদের অবশ্যস্বভাবী ফল। কিছুদিন বাবং সিলোনভারত বিচ্ছেদের প্রথম অধ্যায় আরম্ভ হয়েছে। এখন বর্মী-ভারত বিভেদের সূচনা হলো। বর্মার প্রধান মন্ত্রী মিঃ উ-স (U Saw) ব্রিটিশ স্বার্থের হাতে ক্রীড়নক হয়ে বর্মার ও ভারতের অকল্যাণকর এই চুক্তির সৃষ্টি করেছেন; বর্মী ও ভারতের জনসাধারণ এই বিভেদ চায় না। ভারতে ও বর্মায় এই চুক্তির বিরুদ্ধে দেশব্যাপী আন্দোলন হওয়া প্রয়োজন।

মাধ্যমিক শিক্ষা বিল

মাধ্যমিক শিক্ষা বিল আবার বঙ্গীয় ব্যবস্থাপরিষদে এসেছে। এই বিলটির বিরুদ্ধে সমস্ত বাংলাদেশে যে পরিমাণ আন্দোলন ও উত্তেজনা হয়েছে আর কোন বিল নিয়ে ইদানীন্তন এমন হয়নি। বিরোধী দলের পক্ষ থেকে এই বিলের বিস্তৃত সংশোধন দাবী করা হয়েছে;

বহুদিন যাবৎ কোয়ালীশন-সরকারী পক্ষের সঙ্গে একটা আপোষের চেষ্টা ও আলোচনাও চলেছে। কিছুদিন আগে একটি বিশেষ কমিটির (special committee) ওপরে এ বিল সম্বন্ধে বিবেচনা করে একটি সর্ব-স্বীকৃত সিদ্ধান্তে আসবার ভার দেওয়া হয়েছিল। গত পনের দিন ধরে 'বিশেষ কমিটি' বহু বাদবিতর্কের পরে বিলের অনেকগুলি বিষয় সম্বন্ধেই নাকি একমত হতে পেরেছিলেন; কিন্তু শিক্ষাবোর্ডের গঠন এবং সাম্প্রদায়িক প্রতিনিধিদের সংখ্যা সম্বন্ধে গুরুতর মতভেদ হওয়ায় শেষ পর্যন্ত মীমাংসার চেষ্টা ব্যর্থ হয়েছে।

গত ৪ঠা সেপ্টেম্বর তারিখে পরিষদের অধিবেশনে রায় হরেন্দ্রনাথ চৌধুরী বিলটিকে মিলেক্টে কমিটিতে দেবার জন্য একটি মোশান আনেন কিন্তু তাঁর প্রস্তাব ৫৬-১২৪ ভোটে অগ্রাহ্য হয়ে যায়, অবশ্য, তিনদিন পুরো বিতর্কের পরে। সেদিন কৃষকপ্রজা দল সরকার পক্ষকে সমর্থন করেছিলেন এবং কোয়ালিশানী ব্যতীত অগ্ৰাহ্য সব হিন্দুই মোশানটিকে সমর্থন করেছিলেন। কাজেই বাহ্যতঃ প্রায় সাম্প্রদায়িকভাবেই ভোটাভোটি হয়েছিল। ইউরোপীয়দের চিরন্তন প্রথা অনুসারে তারা সরকার পক্ষে ভোট দিয়েছিলেন। তারপরে গত ৮ই সেপ্টেম্বর থেকে বিলটির এটি দফা নিয়ে আলোচনা আরম্ভ হয়েছে। ঐ দিন বিরোধী পক্ষের সংশোধন প্রস্তাব নিয়ে তুমুল বিতর্ক হওয়ায় শ্রীযুক্ত শরৎ বসু মহাশয় সেদিনের জন্য ভোটাভোটি স্থগিত রেখে আপোষের শেষ চেষ্টা দেখবার জন্য প্রধান মন্ত্রীকে অনুরোধ করেন। কিন্তু প্রধান মন্ত্রী বলেন, তার ব্যক্তিগত মত বা ইচ্ছা যাই হউক না কেন, কোয়ালীশান দলের আদেশের বাইরে তিনি যেতে পারবেন না, তাঁর হাত পা বাঁধা। অতঃপর স্কুলের অনুমোদন সংক্রান্ত সংশোধনটী ৫০-২২ ভোটে অগ্রাহ্য হয়।

শিক্ষাবিলের ভবিষ্যৎ সম্বন্ধে কারুরই কোন সন্দেহ নেই। কিন্তু কেবল সংখ্যার জোরে পাশ হলেই কি যে কোন আইন চলতে পারে? পারে না, কারণ কল্যাণ করবার শক্তি না থাকলে কোন বিলই দীর্ঘদিন ধরে জনসাধারণের সমর্থন পেতে পারে না। আর জনসাধারণের সমর্থন ব্যতীত আইনের কোন ভিত্তিই থাকে না। শিক্ষাবিল সম্বন্ধে হিন্দু বা মুসলমানের সাম্প্রদায়িক মনোভাব যাই হোক না কেন, নিরপেক্ষ দৃষ্টিতে বিচার করলে বিলটি ঘোরতর প্রতিক্রিয়াশীল বলে সবাই স্বীকার করবেন। প্রথমতঃ বাংলার বর্তমান মন্ত্রীসভা সকল রকমে প্রতিক্রিয়াশীল, তাঁদের জাতীয়তাবিরোধী কার্যকলাপ বাংলার রাষ্ট্রীয় ও সামাজিক জীবনের অপূরণীয় ক্ষতি করেছে। বাংলার দেড়হাজার হাই স্কুলকে ব্রিটিশের ইজিতে পরিচালিত এই বাংলাসরকারের হাতে তুলে দিতে কোন যুক্তিশীল ভারতবাসীই চাইবেন না। রাষ্ট্র-পরিচালিত শিক্ষা দেশের কল্যাণে আসে তখনই, যখন রাষ্ট্র হয় উচ্চ আদর্শে কোন প্রগতিশীল দলের দ্বারা পরিচালিত। বিশ্বজগতের বৈজ্ঞানিক প্রগতির যারা কোনই ধার ধারেন না, যারা মধ্যযুগীয় সংকীর্ণ দৃষ্টি দিয়ে



জীবনকে এই বিংশ শতকেও যাচাই করেন, তাঁদের হাতে কোটী কোটী অল্প জনতার ভবিষ্যৎ গঠনের দায়িত্ব কে দেবে? যে মন্ত্রীসভা বাংলার সমস্ত রাষ্ট্রীয় সংগ্রামকে গলাটিপে মেরেছেন, অগণিত কর্মীকে জেলে দিয়ে নাগরিক স্বাধীনতার অবসান ঘটিয়েছেন, শিক্ষাব্যবস্থার ওপরে তাঁদের কতৃৎ বাঙালী জাতির পক্ষে মারাত্মক হবে। দেশ স্বাধীন হলে, দেশে প্রকৃত গণতন্ত্র প্রতিষ্ঠা হলে আমরা শিক্ষাকে রাষ্ট্রের কতৃৎ দিতে আপত্তি করবো না। কিন্তু আজিকার শোচনীয় পরিস্থিতিতে সরকারী কতৃৎের আমরা বিরোধী। বিরোধী দল যে সংশোধন দাবী করেছেন তাতে কোয়ালীশানী মন্ত্রীসভার আপত্তি করবারই বা কি আছে? শিক্ষাবোর্ডকে স্বাভাব্য দানকরা, শিক্ষায় কতৃৎ বোর্ডকেই দান করা, বোর্ডকে পাকা আইন করে আর্থিক বিষয়ে স্বাভাব্য দানকরা, সিলেবাস ও পরীক্ষার ব্যাপারে বোর্ড ও বিশ্ববিদ্যালয়ের সম্বন্ধটি স্পষ্ট নির্ধারণ করে দেওয়া— ইত্যাদি দাবির মধ্যে আপত্তিকর কীইবা থাকতে পারে? আসল কথা, মন্ত্রীসভা জাতির কল্যাণ চান না, চান এক বিশেষ শ্রেণীর স্বার্থসিদ্ধি; কাজেই শিক্ষাবিল নিয়ে এত তীব্র জেদ ও গোঁড়ামী। আমাদের দৃঢ় বিশ্বাস, বাংলার এই অবস্থা বেশী দিন থাকবে না। সমস্ত সম্প্রদায়ের যুক্তিশীল অংশ এর বিরুদ্ধে দাঁড়াবে। ভোটের জোরে পাশ করলেও, এ বিল সচল হবে না। বাংলার মন্ত্রীসভা কি সময় থাকতে সচেতন হবেন না?

চার্চিলের অপূর্ব ডিমোক্রেসী

চার্চিল-রুজভেল্ট ঘোষণাটি পৃথিবীব্যাপী সুখ্যাতি অর্জন করেছে, কারণ এর স্বপক্ষে প্রচার কম হয়নি। ঘোষণাটিকে বিলেতের ইডেন সাহেব সেদিন বলেছেন “মুক্তমানবের মুক্তিপত্র,” “charter of free nations,” কারণ বিশ্বশান্তি ও পৃথিবীজোড়া ডিমোক্রেসীর প্রতিশ্রুতি এরা দিয়েছেন। কিন্তু সঙ্গে সঙ্গেই চার্চিল এই মুক্তিপত্রের ব্যাখ্যা করে আমাদের অতিরিক্ত আশাব্যস্ত হতে মানা করেছেন। মানা না করেই বা করেন কি? চারদিক থেকে রব উঠেছে, ভারতবর্ষকে স্বাধীনতা দাও। অথচ লোকগুলোর বিবেচনা নেই; স্বাধীনতা কি এক সহজেই দেওয়া যায়? না, দেওয়া সম্ভব? বিশ্বশান্তি, নিপীড়িতদের স্বাধীনতা হলো এক জিনিষ! ভারতের সঙ্গে ইংলণ্ডের সম্পর্ক হলো অগ্নি ব্যাপার। কারণ দীর্ঘ আত্মীয়তার দরুণ ভারত সম্বন্ধে ইংলণ্ডের একটা বিশেষ বাধ্যবাধকতা জন্মে গেছে, এখন চট্ করে সে দায়িত্বকে ছাড়লে অকৃতজ্ঞতা হয় না? কাজেই বিশ্বশান্তি ঘোষণা হলো একটা ব্যাপক, সাধারণ ঘোষণা, বিশেষ বিশেষ দেশ বা ব্যাপারের কোনো ক্ষতিবৃদ্ধি এসব সাধারণ ঘোষণার দ্বারা হয় না। ভারতবর্ষ হলো সেই রকমের বিশিষ্ট একটা ব্যাপার। চার্চিলের ভাষায়, “ভারতে, বর্মায় এবং ব্রিটিশ সাম্রাজ্যের অন্যান্য নিয়মতান্ত্রিক শাসনতন্ত্রের ক্রমবিকাশ সম্বন্ধে মাঝে মাঝে যে সব পলিসির বিবৃতি দেওয়া হয়েছে, চার্চিল-রুজভেল্টের সম্মিলিত ঘোষণায় তাদের কোন পরিবর্তন

হতে পারে না। ভারতের নানা জাতি, ধর্ম এবং স্বার্থের প্রতি আমাদের একটা দায়িত্ব আছে। এই সব দায়িত্ব জাত হয়েছে ভারতের সুদীর্ঘ সম্পর্ক থেকে। ব্রিটিশ কমনওয়েল্‌থের সমান সদস্য হোতে সাহায্য করা সম্বন্ধে ১৯৪০ সনের আগষ্ট মাসের আমাদের যে প্রতিশ্রুতি তাকে পালন করতে পারবো আমরা এই শর্তে যে, বিভিন্ন স্বার্থের প্রতি দায়িত্বকেও আমরা অবহেলা করতে পারবো না।...আমরা কেবল প্রধানতঃ যুরোপের নাজী-পদানত রাষ্ট্র ও জাতিগুলোর কথা মনে করেই ও সব স্বায়ত্তশাসন ইত্যাদির কথা বলেছিলাম। ইত্যাদি...”

এ সম্বন্ধে সন্দেহের অবকাশ নেই। চার্চিল সাহেবের মতে ভারতে যা কিছু হচ্ছে সবই ছায় ও স্বাধীনতার নীতিসঙ্গত। কাজেই তাঁরা উচ্ছ্বসিত, আশাবিত্ত হয়েছেন তাঁরা অবহিত হোন। বড় বড় অস্পষ্ট কথার মধ্য দিয়ে উঁকি দিচ্ছে সাম্রাজ্যবাদ, আর চার্চিলের মধ্য দিয়ে কথা বলছে রোদে-পোড়া, কঠিন-প্রাণ গোঁড়া ইংরেজ, ষ্টীল-ফ্রেমের হৃদয়হীন নেতা। গত যুদ্ধের বড় বড় বাণী যেমন লোক ভ্রুলাবার মন্ত বই কিছু নয়; এবারও যে উদার বাণীর ছড়াছড়ি আরম্ভ হয়েছে তার অর্থ যে কি, চার্চিলের টিপ্পনীতেই তা স্পষ্ট হয়ে উঠেছে। যুদ্ধের পিছনে আসল মতলবই বা কি, তাও ধরা পড়বে এই স্বীকারোক্তি থেকে। যুরোপে ডিমোক্রেসী ও স্বাধীনতার কোলাহলে ভারতবর্ষ বা এশিয়ার কিছু এসে যায় না। ভারত যে তিমিরে, সেই তিমিরে।

রবীন্দ্রনাথের স্মৃতিরক্ষণ

রবীন্দ্রনাথের প্রয়াণের পর প্রায় এক মাস হয়ে গেছে, শোকের প্রথম উচ্ছ্বাস শান্ত হয়ে এসেছে। ইতিমধ্যে ভারতে ও ভারতের বাইরে সার্বজনীন দাবি উঠেছে রবীন্দ্রনাথের স্মৃতিকে বাঁচিয়ে রাখতে হবে স্থায়ী রূপ দিয়ে। যদি বর্তমান যুগের কোনো মানব আমাদের স্মরণে শাস্বত হয়ে বেঁচে থাকতে পারেন, তবে তিনি রবীন্দ্রনাথ। আমাদের দৈনন্দিন জীবনের প্রতি তুচ্ছ কাজে, প্রতি ক্ষুদ্র কল্পনায় ও চিন্তায় রবীন্দ্রনাথ বেঁচে থাকবেন। কিন্তু তবু স্থূল রূপ দিতে চায় মানুষের মন। এসম্বন্ধে প্রথমেই মনে আসে বিশ্বভারতীর কথা। যে প্রতিষ্ঠানকে স্বয়ং রবীন্দ্রনাথ কল্পনা দিয়ে, মননা দিয়ে, দেহের রক্ত দিয়ে লালন করে গেছেন, তাকে পোষণ করে বিকশিত করা তাঁর অনুরাগীদের সর্বপ্রথম কর্তব্য। তাঁর আদর্শকে বাঁচিয়ে রাখলেই রবীন্দ্রনাথ বাঁচবেন সেই আদর্শের মধ্যে। বিশ্বভারতী হলো সেই আদর্শের স্থূল রূপ। কাজেই বিশ্বভারতীর চিন্তাই হবে স্মৃতিরক্ষকদের প্রথম চিন্তা। কিন্তু রবীন্দ্রনাথের প্রকাশ শুধু এক বিশ্বভারতীতেই শেষ হয়নি। কারণ তাঁর সৃষ্টির চাইতে তিনি অনেক মহৎ। তাঁর অনবচ্ছিন্ন সাহিত্য-ও তাঁর আদর্শেরই ধারক এবং বিশ্বমানবের মধ্যে সে আদর্শ প্রচার করবার যত্ন। তাই তাঁর স্মৃতিরক্ষার দ্বিতীয় পথ হলো তাঁর সাহিত্যকে বিশ্বমানবের উপযোগী করে পৃথিবীতে ছড়িয়ে দেওয়া। এ ছাড়া জাতির সংস্কৃতি-জীবনের সঙ্গে রবীন্দ্রনাথের যোগ বহুমুখী ছিলো। সেই সংস্কৃতি-জীবনের ক্ষেত্র রচনা করে তাঁর নামে উৎসর্গ করলেও তাঁর



স্মৃতির প্রতি শ্রদ্ধাজ্ঞাপন হয়। সার তেজ বাহাদুর সপত্র অনুরোধ করেছেন রবীন্দ্রসাহিত্যকে ইংরিজী অনুবাদ করে একটা শোভন সংস্করণ প্রকাশ করতে এবং তার একখানা ভাল জীবনচরিত রচনা করতে। শ্রীযুক্ত শরৎ বসু প্রস্তাব করেছেন, মহাজাতিসদনকে আংশিক বা সম্পূর্ণভাবে রবীন্দ্র স্মৃতিসদন নাম দেবার, কারণ মহাজাতি সদন হবে ভারতীয় কৃষ্টিজীবনের উদার ক্ষেত্র আর রবীন্দ্রনাথের সঙ্গে এর যোগও ছিলো নানা রকম। এই সব বিবিধ প্রস্তাবের সবগুলিই গ্রহণ-যোগ্য এবং একটাকে কাজে পরিণত করলে অগ্ৰাটী গ্রহণ করা চলবেনা এমন নয়। মহাজাতি সদনের নাম-করণ নিয়ে শ্রদ্ধেয় রামানন্দ বাবু আপত্তি করেছেন এবং শরৎ বাবুও তার জবাব দিয়েছেন। অগ্ৰা কাগজেও এই নিয়ে বাদানুবাদ হয়েছে। রবীন্দ্র স্মৃতি সকল বিতর্কের উর্ধ্বে, তা নিয়ে এই অশোভন বাদানুবাদ আমাদের মর্মপীড়া দিয়েছে। আমরা আশা করি, এ অপ্রিয় প্রসঙ্গটী অচিরেই শেষ হবে। আর সকল শ্রেণীর ও মতবাদের লোক নিয়ে একটা কমিটি করে রবীন্দ্রনাথের স্মৃতিরক্ষার যত্নরকম ব্যবস্থা সম্ভব তার যথোচিত আলোচনা করে উপযুক্ত ভাবে বন্দোবস্ত করলে শোভন হবে। আর একটা কথা, সেদিন টাউন হলে যে রবীন্দ্রস্মৃতিসভা হয়েছে তার শোচনীয় অব্যবস্থা আমাদের পীড়া দিয়েছে। রবীন্দ্রনাথ ছিলেন স্মৃতি ও শালীনতার প্রতিমূর্তি। তাঁর অভাব জাতীয় জীবনের এই সংকটকালে আমাদের দুর্বল করেছে। কাজেই তাঁর স্মৃতিসভায় যে হটগোল ও বিশৃঙ্খলা দেখা গেছে তাতে আমাদের জাতীয় চরিত্রে রুচি ও নিষ্ঠার পরিচয় পাওয়া যায়নি।

বীর সাভারকারের তার

চার্লিস-রুজভেন্টে ঘোষণা বের হবার পরেই হিন্দুসভার সভাপতি বীর সাভারকার প্রেসিডেন্ট রুজভেন্টের কাছে কেবল্ পাঠিয়েছেন। তাতে দাবি করেছেন, রুজভেন্টে-চার্লিস ঘোষণার মুক্তিবাণী ভারতের বেলায়ও প্রয়োগ হওয়া উচিত। শ্রীযুক্ত শরৎ বসু এ বিষয়ে মিঃ সাভারকারের দৃষ্টি আকর্ষণ করে বলেছেন যে বিদেশীদের ঔদ্যর্থের ওপরে নির্ভর করবার দিন গত হয়েছে, কারণ স্বাধীনতা কখনো কেউ কাউকে দান করেনা। শ্রীযুক্ত সাভারকার এর জবাবে শরৎ বাবুকে জানিয়েছেন যে তাঁর প্রেরিত কেবল্ একটা রাজনৈতিক চালমাত্র; তাতে দুটো সুফল হবে। প্রথমতঃ ইঙ্গ-আমেরিকার ভণ্ডামী প্রমাণিত হবে, দ্বিতীয়তঃ ভারতের ফরোয়ার্ড ব্লক ইত্যাদি যে সব রাজনৈতিক দল রুশিয়াকে উদ্ধারকর্তা মনে করে উজ্জ্বলিত হয়ে উঠছে, তাদেরও চোখ খুলবে। আমরা বীর সাভারকারের এই বীরত্বযাজক উজ্জ্বল সে মোটেই বিস্মিত হইনি। কারণ রুজভেন্টের কাছে আবেদনটা যে উদ্দেশ্যে করা হয়েছে বলেই বলা হোক না কেন, আসল কথা হলো, তাঁর এখনো কিছু আস্থা রয়েছে বৈদেশিক ধুরন্ধরদের ওপরে। কারণ রুজভেন্ট সাহেবকে ভণ্ড প্রমাণ করে ভারতের স্বাধীনতা কতদূর এগোবে তা' বুক্‌মানরা সবাই বোঝেন। বীর সাভারকারও যে বোঝেন না, তা' নয়। বিশ্বরাজনীতির ধুরন্ধররা আজ পর্যন্ত

কতো আশ্বাস ও কতো প্রতিশ্রুতি যে মনোজ্ঞ ভাষায় ইতস্ততঃ ছড়িয়েছেন তার ইয়ত্তা নেই। সে সব হাওয়ায় মিলে গেছে। কাজেই অপরের অসাধুতা উদ্ঘাটন না করে, স্বাবলম্বী হয়ে স্বাধীনতা অর্জনের দিকে মনোনিবেশ করাই ভালো। বীর সাভারকার কি হিন্দুসভাকে সেই বন্ধুর পথে নিয়ে যাবেন? না, কেবল রাজনৈতিক চাল দিয়ে বাজীমাত্ করবার কাজেই নিযুক্ত থাকবেন? মোসলেম লীগে গৃহবিবাদ

গত ২৪শে সেপ্টেম্বর বোম্বাই শহরে মোসলেম লীগের ওয়ারকিং কমিটির (কার্যপরিষদ) অধিবেশন হয়ে গেল। বিষয়টি সামান্য তলেও শেষ পর্যন্ত গুরুতর হয়ে দাঁড়িয়েছে। বড়লাট যে নতুন “দেশরক্ষা কাউন্সিল” নিয়োগ করেছেন তাতে মোসলেম লীগের মিঃ হক্, সার সিকান্দর হায়াৎ এবং সার সাহুল্লা এই তিনজন বিশিষ্ট সদস্যকে সভ্য বলে মনোনয়ন করেছেন। এদিকে মোসলেম লীগের সর্বেসর্বা নেতা হলেন জিন্না সাহেব। এ ব্যাপারে মোসলেম লীগ বা জিন্না সাহেব দুইয়ের কারুকেই বড়লাট আমল দেন নি। মোসলেম লীগের প্রস্তাব অনুযায়ী দেশরক্ষা কাউন্সিলে লীগসভ্যদের প্রবেশ বারণ। কাজেই বড়লাট বুদ্ধি করে লীগ ও জিন্না সাহেবকে উপেক্ষা করেই এদের তিনজনকে গ্রহণ করেছেন। সঙ্গে সঙ্গে জিন্না সাহেব সংবাদপত্রের মারফৎ ব্রজনির্বোঁষে আমাদের জানানেন, নিয়মভঙ্গের অপরাধে এদের তিনজনের ওপরে শাস্তিবিধান করা হবে। তিনি স্বয়ংই মাজাজ প্রস্তাব অনুসারে তাঁর ডিক্টেটরী ক্ষমতার বলে শাস্তি দিতে পারতেন; তবে তা না করে কার্যপরিষদকে দিয়েই উচিত ব্যবস্থা করাবেন। তাই বোম্বাই অধিবেশন হলো। প্রধান মন্ত্রী হিসেবে বাধ্য হয়ে সরকারী আদেশে এই পদ গ্রহণ করতে হয়েছে বলে আসামী পক্ষ আত্মপক্ষ সমর্থন করেছেন। কিন্তু এসব যুক্তি কাজে আসেনি, অপরাধ সাব্যস্ত হয়েছে, এবং দশদিনের মধ্যে “দেশরক্ষা কাউন্সিলের” সদস্যপদে ইস্তফা দেবার আদেশ হয়েছে। সার সিকান্দর এবং সাহুল্লা ইস্তফা দিতে রাজী হয়েছেন। মিঃ হক্ও ইস্তফা দেবেন, তবে অগুচারণে, লীগের আদেশে নয়। সঙ্গে সঙ্গে মিঃ জিন্নার উদ্ধৃত ব্যবহারের প্রতিবাদে, মোসলীম লীগের ওয়ারকিং কমিটি ও কাউন্সিলের সভ্যপদও ত্যাগ করেছেন। মিঃ হক্ যুদ্ধে সাহায্য করাকে পবিত্র কর্তব্য বলে মনে করেন। দেশরক্ষা কাউন্সিলে মিঃ জিন্নাকে অগ্রাশ্য করেও তিনি থাকতেন। তবে মোসলেম ঐক্যরক্ষা করবার জগা এবং অপর দুজন না থাকলে একাকী দেশরক্ষার সুবিধা হবে না মনে করে তিনি বাধ্য হয়ে ইস্তফা দিচ্ছেন। হক সাহেব ও সার সিকান্দরের সঙ্গে জিন্নাসাহেবের কলহ বরাবরই রয়েছে। হক সাহেব ও সার সিকান্দর দুটো প্রধান মোসলেম প্রাদেশের নেতা, মোসলেম শক্তির চাবি-কাঠিও তাঁদেরই হাতে, অথচ নেতৃত্ব করবার সময়ে জিন্না সাহেব করেন, এটা এদের কাছে সম্ভব মনে হয় না। কাজেই এটাই হল বিবাদের গোড়ার কথা। অতুতঃ হক সাহেবের পদত্যাগ-পত্র পড়লে তো তাই মনে হয়। তবে আমরা এই কলহের জগা চিন্তিত নই মোটেই, কারণ এর ভিতর নীতির কোন বালাই নেই। আছে ব্যক্তিগত পদমর্যাদার প্রতিদ্বন্দ্ব। তাই প্রভাতের মেঘাড়ম্বরের মতো এই কলহ বহুদূর থেকে লঘুক্রিয়ায় এসে দাঁড়াবে, তাও আমরা জানি।

শ্রীযুক্ত নাইডুর সত্যভাষণ—কংগ্রেসে অসন্তোষ

শ্রীযুক্ত সরোজিনী নাইডু কয়েকটি সত্য কথা বলেছেন। গত ১লা সেপ্টেম্বর অ্যাডহক্ বিপিসিসিতে বক্তৃতা প্রসঙ্গে তিনি স্বীকার করেছেন যে সত্যাগ্রহ আন্দোলন কার্যকরী হয়নি, লোকের উৎসাহও এতে নেই, “...there had been waning of enthusiasm.” সত্যাগ্রহ এখন যে কেবল একটা নামমাত্র ব্যাপারে পরিণত হয়েছে তা’ আমরা বহুদিন থেকেই বলে আসছি। কারুর উৎসাহ নেই, কারণ কংগ্রেসীরা গান্ধীজীর নীতির বিফলতা বুঝতে পেরেছেন। বুঝা কাজে সময় ও শক্তিক্ষেপ করবার উৎসাহ কারুর থাকেও না। কংগ্রেসীদের মধ্যে বর্তমানে যে অসন্তোষ জন্মে উঠেছে তাও তিনি স্বীকার করেছেন। তাঁর মতে “There was a good deal of dissatisfaction among the Congressmen who felt that there was nothing spectacular in the movement. It was a terrible sign of their failure...” কংগ্রেস ভারতের সব চাইতে শক্তিশালী রাজনৈতিক প্রতিষ্ঠান, অথচ সেই বিপুল শক্তি আজ অব্যবহারে মরচে-ধরা অবস্থায় পড়ে রয়েছে। গান্ধীজীর অসঙ্গত খেয়াল এবং গোড়ামীর জ্ঞা এই শক্তি ব্যর্থ হতে চলেছে। এই নিঃশেষিত গান্ধীবাদীয় নীতির বাঁধন কাটিয়ে না উঠতে পারলে ভারতের রুদ্ধ জনশক্তি মুক্তি পাবে না। তাই অবিলম্বে নিখিল ভারত কংগ্রেসকমিটির সভা ডেকে পরিস্থিতির বিশ্লেষণ পূর্বক কালোপযোগী প্রগ্রাম গ্রহণ করা প্রয়োজন হয়ে পড়েছে। সরোজিনী দেবীর এই সত্যভাষণে কি কংগ্রেসীদের চেতনা হবে?

কৃপালিনী-সত্যমূর্তির গোড়ামী

ফরোয়ার্ড ব্লকের প্লেসিডেন্ট শাদুল সিংহ কবিশের মহাশয় এ-আই-সি-সি’র সম্পাদক আচার্য কৃপালিনীর কাছে পত্র দিয়েছিলেন অবিলম্বে এ-আই-সি-সি’র সভা ডাকবার জ্ঞা। কিন্তু সম্পাদক মহাশয় উদ্ধৃত্যপূর্ণ জবাবে জানিয়েছেন কংগ্রেসের নীতি পরিবর্তনের কোনই প্রয়োজন নেই, কারণ সবই ঠিক আছে। নিঃ সত্যমূর্তি জেল থেকে বেড়িয়েই কংগ্রেসের নীতি ও কৌশল পরিবর্তনের প্রয়োজনীয়তায় উল্লেখ করেছেন। শাদুল সিংহজী তাঁকেও অনুরোধ করেছিলেন, নিখিলভারত কংগ্রেস কমিটির সভা আহ্বানে সহায়তা করবার জ্ঞা। কিন্তু তৎপরতার সঙ্গে মিঃ সত্যমূর্তি জানিয়েছেন, তাঁর পূর্ণ বিশ্বাস আছে গান্ধীজীর ও কংগ্রেসের বর্তমান নীতির ওপরে, তবে তিনি শুধু মন্থীগ্রহণটা চান, আর কিছু নয়। কিন্তু মন্থীগ্রহণ করতে হলে যে কংগ্রেসের বর্তমান নীতি বর্জন করতে হয়, সেটা হয়তো মিঃ সত্যমূর্তি খেয়াল করেন নি। মন্থীগ্রহণে যুদ্ধ পরিচালনার দায়িত্বও নিতে হবে, কিন্তু কংগ্রেস যুদ্ধবিরোধী নীতি গ্রহণ করেছেন। একদিকে যুদ্ধাভ্যুত্থান করা, অন্য দিকে যুদ্ধবিরোধিতা করা—এই ছুটাই এক সঙ্গে চলবে নাকি? তা ছাড়া এই প্রসঙ্গে সর্বসাধারণ কংগ্রেস-সভাদের একটু তলিয়ে দেখতে ও বিচারপ্রবণ হতে অনুরোধ করছি।

বোম্বাইতে ছাত্রদল

বোম্বাই বিশ্ববিদ্যালয়ের সমাবর্তন উৎসবে বিশ্ববিদ্যালয়ের ছাত্রছাত্রীরা উৎসবের প্রধান বক্তা সার মরিস্ গায়ারের বিরুদ্ধে বিক্ষোভ প্রদর্শন করেছেন। সার মরিস্ দিল্লী বিশ্ববিদ্যালয়ের ভাইস চ্যান্সেলার হিসাবে গতবৎসর দিল্লীর ছাত্রদল ছাত্রকে রাজনৈতিক আন্দোলনে যোগদান করে শৃঙ্খলাভঙ্গের অপরাধে উপাধি থেকে বঞ্চিত করেন। বোম্বাইর বিক্ষোভ সার মরিসের কৃতকর্মের

বিক্রমে প্রতিবাদ মাত্র। কিন্তু বুরোক্রাসীও ছাড়বার পাত্র নয়, কাজেই তার ফলে, লাঠিতাড়া ও গ্রেপ্তার ইত্যাদি হয়েছে। বিক্ষোভকারীরা শাস্তি অথবা নিরাপত্তার ব্যাঘাত ঘটায়নি, এ খবরটা আমরা পেয়েছি নিরপেক্ষ দর্শক হিসাবে বিশজন ব্যবহারজীবীর প্রতিবাদপত্রে। রাজনীতির রং বদলে যাচ্ছে দ্রুত, তবুও প্রয়োগক্ষেত্রে আইনের যারা মালিক তাদের পরিবর্তন নেই। ডিমোক্রেসীর খোলস নিয়ে যেখানে কারবার সেখানে রাজনৈতিক প্রজ্ঞা আসবে কোথা থেকে?

বাংলা সরকার কী করছেন?

আমরা শুনে আনন্দিত হয়েছি যে যুক্তপ্রদেশের নিরাপত্তা-বন্দীদের ভারতে প্রকাশিত সমস্ত সংবাদপত্র এখন থেকে পড়তে দেওয়া হবে। ইতিপূর্বে সরকারী পছন্দ মত ক'খানা নরমপন্থী কাগজ ব্যতীত কোন জাতীয়তাবাদী কাগজ এদের দেওয়া হত না। এখন সে নিষেধ উঠিয়ে নেওয়ায় আমরা যুক্তপ্রদেশ সরকারকে তাদের এই সুমতির জগৎ ধন্যবাদ জানাচ্ছি। এদের জগৎ গরমের দিনে বাইরের প্রাক্ষণে ঘুমাবার অধিকারও দেওয়া হয়েছে।

কিন্তু বাংলাসরকার করছেন কী? এখানে হিজলীতে ও অন্যান্য জেলে যে সব বন্দী আছে তাদের কি কি কাগজ দেওয়া হয়? গরমের সময়ে মাথা কুটলেও বাইরে ঘুমাবার অনুমতি এখানে মেলেনি এবার। সেই সন্ধ্যায় তালাবন্ধ এবং তারপরে বজ্রজন-অধুসিত কক্ষে ঠাসাঠাসি করে গরমে বিন্দ্র রজনী যাপন; বাংলা গভর্নমেন্টকে আমরা যুক্তপ্রদেশ সরকারের দৃষ্টান্ত অনুসরণ করতে অনুরোধ করছি। সার নাজিমুদ্দিন কি মনে করেন তাতেই ব্রিটিশ সাম্রাজ্য ভেঙ্গে পড়বে?

দায়িত্বজ্ঞানের নমুনা

বাংলা সরকারের দায়িত্বশীলতার একটি নমুনা হল এই যে ঢাকার দাঙ্গায় কত টাকার, কী পরিমাণ সম্পত্তি বিনষ্ট হয়েছে তার একটি মোটামুটি ধারণা চাওয়ায় সরকার পক্ষের জবাব হল “had no information”. এতদিন পরে সরকার ক্ষতির পরিমাণ সম্বন্ধে একটা ধারণাও করতে পারেননি, এতে অনেকেই আশ্চর্য্য হবেন। কিন্তু বাংলাদেশে আমরা আশ্চর্য্য হইনি। এখানেই শেষ নয়। আরো আছে। দাঙ্গার জগৎ সরকারের যে অতিরিক্ত খরচা হয়েছে তার জগৎ ঢাকাবাসীকে অতিরিক্ত ১১০ লক্ষ টাকার পিউনিটিভ ট্যাক্স দিতে হবে। দায়িত্বশীলতার চূড়ান্ত! লোকজনের ধনপ্রাণ রক্ষার দায়িত্ব হল সরকারের, তার জগৎই পুলিশ আছে, ফৌজ আছে, উচ্চ কর্মচারী আছে। আর তারই জগৎ দেশবাসীও ট্যাক্স দিয়ে থাকে। কিন্তু এখানে অভূতপূর্ব ব্যবস্থা! ধনপ্রাণ-রক্ষা তো করবোই না, বরং শাস্তি স্বরূপ তোমাদেরই আরো অর্থদণ্ড দিতে হবে। কোথায় সরকারের কর্তব্যাত্মনের জগৎ সরকার ক্ষতিগ্রস্ত সাধারণের ক্ষতিপূরণ দিবেন; তা না হয়ে হলো, উন্টো সমঝিলি রাম! এরই নাম, অদৃষ্টের পরিহাস।

শিল্পীগুরু অবনীন্দ্রনাথের জন্মজয়ন্তী

রবীন্দ্র প্রয়াণের আকস্মিক বিপর্যয় সমস্ত দেশকে আচ্ছন্ন করে ফেলেছিল। এই আর্তি ও দুর্ভোগের মধ্যে একটা অর্থপূর্ণ অনুষ্ঠান নীরবে সম্পাদিত হয়ে গেল, যার মহত্ব ও মর্যাদা জাতীয় জীবনে অবিস্মরণীয়। অবনীন্দ্রনাথের সপ্তাতি বৎসর পূর্ণ হওয়ায় রবীন্দ্রনাথের বিশেষ ইচ্ছানুসারে শাস্তিনিকেতনে এবং কলকাতায় জয়ন্তীউৎসব হয়েছে। একটা জাতির সংস্কৃতির বিশিষ্ট প্রকাশ হয় তার শিল্প-সাধনার মধ্য দিয়ে। আমাদের জাতীয় জীবনের যে জাগরণ হয় ১৯ শতকে, সেই

জয়ন্তী

সর্বাস্থীন জাগৃতির অংশ হিসেবে শিল্পকলারও নতুন জাগরণ আরম্ভ হয়। অবনীন্দ্রনাথ সেই জাগরণের প্রাণপুরুষ। তাকে ঘিরেই আমাদের সৌন্দর্যসাধনার প্রবল মুগ্ধরূপ ঘটেছিল। আজ জাতি তার ভবিষ্যৎকে যদি গঠন করতে চায় তবে তাকে এই শিল্পঋষির ঋণ শোধ করতেই হবে।

“বীরবল”-জয়ন্তী

গত ২০শে ভাদ্র (১৩৪৮) আশুতোষ হলে শ্রীযুক্ত প্রমথ চৌধুরী মহাশয়ের জয়ন্তী উৎসব হয়ে গিয়েছে। শ্রীযুক্ত বিধুশেখর শাস্ত্রী মঙ্গলাচরণ করেছেন এবং শ্রীযুক্ত শ্যামাপ্রসাদ মুখোপাধ্যায় উদ্বোধন করেছেন। বহু প্রতিষ্ঠানের পক্ষ থেকে মানপত্রও শ্রীযুক্ত চৌধুরীকে দেওয়া হয়েছিল। বাংলা সাহিত্যে রবীন্দ্রনাথের পরেই যদি কোন সাহিত্যিক স্বকীয়তায় অদ্বিতীয় থাকেন, তবে তিনি প্রমথ চৌধুরী মশায়। এই রাবীন্দ্রিক যুগে বাংলা সাহিত্যকে অভিনব পথ দেখাবার প্রতিভা একমাত্র প্রমথ চৌধুরীরই আছে এবং এই প্রতিভার বিস্ময়কর প্রভাব রবীন্দ্রনাথকে পর্যন্ত প্রভাবান্বিত করেছে। “সাহিত্যে নতুন পথপ্রদর্শক” বলে স্বয়ং রবীন্দ্রনাথ তাঁর প্রতিভার জয় ঘোষণা করেছেন। উজ্জল রসিকতার দীপ্তিতে, গভীর মননশীলতার প্রাথর্ষে, নিভীক সত্যনিষ্ঠার পৌরুষে শ্রীযুক্ত চৌধুরীর অতুলনীয় সৃজনীশক্তি বাঙ্গালীর সাহিত্য ও জীবনকে কী অপরিমেয় ঐশ্বর্ষ্যে সমৃদ্ধ করেছে, তার যথোচিত হিসাব আজও জাতি করতে পারেনি। দীর্ঘকাল ধরে এ ঐশ্বর্ষ্যের হিসাব করলে তবে শ্রীযুক্ত প্রমথ চৌধুরীর যোগা মর্যাদা দান বাঙ্গালী করতে পারবে। আমরা তাঁর মনীয়ার প্রতি অশ্রদ্ধা জানাচ্ছি এবং কামনা করছি, তিনি দীর্ঘায়ু লাভ করে আমাদের সাহিত্য ও জীবনকে আরো নব নব সমৃদ্ধিতে ভরে তুলুন।

রেণুকা-স্মৃতি গ্রন্থগৃহ

বিশিষ্ট দেশকর্মী, জয়ন্তীর পরিচালিকা রেণুকা বসুর স্মৃতিরক্ষার্থে জয়ন্তীর পরিচালনায় একটা গ্রন্থাগার স্থাপনের প্রস্তাব বহু বন্ধু-বান্ধব ও সহকর্মীদের নিকট থেকে এসেছে। আমরা প্রস্তাবকে সর্বাত্মকরণে গ্রহণ করেছি—প্রথমতঃ জয়ন্তীর সঙ্গে রেণুকার যোগাযোগ এত ঘনিষ্ঠ ছিল যে তাঁর স্মৃতি-রক্ষা সম্পর্কে তাঁর সহকর্মীদের আগ্রহান্বিত হওয়া স্বাভাবিক। ২য়তঃ কলকাতায় একটা ভাল প্রগতিশীল গ্রন্থগৃহ করবার আকাঙ্ক্ষা রেণুর ও আমাদের দীর্ঘদিন যাবৎ ছিল। তাঁর স্মৃতিরক্ষার উদ্দেশ্যে এই পথটিকে প্রকৃষ্টতম বলে মনে করছি। আমাদের ইচ্ছা আগামী স্বাধীনতা দিবসে এই গ্রন্থগৃহের প্রতিষ্ঠা হয়। এই গ্রন্থাগার প্রতিষ্ঠা করবার জন্ম কম পক্ষে একহাজার টাকার দরকার হবে। আশাকরি রেণুকার বন্ধু-বান্ধব ও সহকর্মীরা এবং জয়ন্তীর পাঠক-পাঠিকা এবং সর্বসাধারণ এই উদ্দেশ্যে আমাদের যথাসাধ্য সাহায্য করবেন। এই সম্পর্কে অর্থাৎ চিঠিপত্র নিম্ন-লিখিত ঠিকানায় পাঠাতে হবে।

সুনীল দাস

জয়ন্তী-অফিস

১৯০১ রাসবিহারী এভিনিউ, কলিকাতা

সম্পাদিকা





1977. 12. 27. 10

1977. 12. 27. 10



দশম বর্ষ

ভাদ্র, ১৩৪৮

৩য় সংখ্যা

ভারত শাসনে সাম্রাজ্যবাদী ভেদনীতি

অনিল চন্দ্র রায়

“My work lies in administration, yours in exploitation but both are aspects of the same question and of the same duty”——কথা কয়টা লর্ড কার্জনের। বরাকরের ইংরেজ খনি-পতিদের সম্বোধন করে বলেছিলেন ১৯০৩ সালে। শাসনটা যে ব্যবসারই নামাস্তুর মাত্র, আর ব্যবসা মানেই যে শোষণ, একথা ধূস্কর কার্জন সাহেব জাতব্যবসায়ীদের কাছে বলে ফেলেছেন। কিন্তু কথাটা সহজ নয়, সূক্ষ্ম। সমস্ত সাম্রাজ্যবাদের মূলসূত্রটিকে সাহেব অতি পরিপাটি ভাবে ব্যক্ত করেছেন। বন্দুইন মন্ত্রীসভার হোম-মন্ত্রী, সার উইলিয়াম জয়েন্সন-হিল্ল সাদা কথায় এই সূত্রটিরই টীকা করে বলেছিলেন, “We conquered India by the sword and by the sword we should hold it.....I am not such a hypocrite as to say we hold India for the Indians.” ভারতবর্ষকে ইংরেজের চাই; এ তার রক্তমাংস-নাড়ীর প্রয়োজন। এখানে শোষণ হলে ওখানে পোষণ হবে সম্ভব। কাজেই এখানে যে শাহানশাহী শাসন তার চারণ মদমত্তা নয়; রক্তের অহঙ্কার নয়, শক্তির নেশা নয়। এর মূলে রয়েছে বিংশ শতাব্দীর সাম্রাজ্যবাদীয় পেশা; সূক্ষ্ম ভয়াংশের চুলচেরা হিসাব, লাভ-লোসকানের স্থূল অঙ্কে।

কিন্তু সাম্রাজ্যবাদী শাসনের আসল রূপ কি? এ হলো ভেদনীতিরই রূপান্তর। শাসন যেখানে শোষণ; সেখানে শাসন-নীতিকে হতেই হবে ভেদনীতি। বিশেষতঃ ভারতবর্ষের মত বিস্তৃত দেশকে করায়ত্ত রাখতে হলে ভেদ-নীতিই হলো একমাত্র অব্যর্থ অস্ত্র। এর সঙ্গে থাকবে অপর তিনটে নীতির মিশ্রণ। বচনে ও ইস্তাহারে উচ্চসিত হতে থাকবে সাম-নীতির মিষ্টি-বীণাণী। কিন্তু প্রচুর বাবহার হবে দান ও দণ্ডনীতির। দান ও দণ্ড হলো ভেদ-নীতিরই দুটো অঙ্গ। এক পক্ষের ওপরে বসিত হবে দান-নীতির অফুরন্ত দান্ধিয়া; অপর পক্ষের পিঠে পড়বে ছুতোনাভায় দণ্ড-নীতির অক্লান্ত চাবুক। তাতেই সৃষ্টি হবে একাধিক পক্ষ এবং ক্রমশঃ তাদের মধ্যে প্রসারিত হবে সমুদ্রের ব্যবধান। ব্যবধান ক্রমশঃ আনবে বিদ্রোহকে এবং বিদ্রোহ পরিণত হবে হানাহানি ও রক্তারক্তিতে। এরই নাম divide et impera এবং বিজেতা ও প্রবলের হাতে এই নীতি হলো আজকালের পুরোধো। তবে সাম্রাজ্যবাদ আজ পৃথিবীতে বিজ্ঞানের শক্তিকে কাজে লাগাতে পারছে; তাই শাসন ও শোষণ দুই-ই আজ হয়েছে অতি ক্ষুরধার ও শৃঙ্খল। কুটিলতায় ও কুশলতায় ভেদনীতি আজ হয়েছে বিজ্ঞান-সম্মত। লাজপত রায়ের ভাষায় “The policy of divide and rule is the sheet anchor of all Imperialist Governments. British rule in India has been persistently following that policy.” অদৃষ্টের পরিহাসে বিপুল ভারতবর্ষ হয়েছে এই নীতির প্রকৃষ্ট ক্ষেত্র এবং ব্রিটিশ শাসন এই প্রশস্ত ক্ষেত্রে এই ভেদনীতির করেছে চরম প্রয়োগ, বৈজ্ঞানিক রীতিতে ও শৃঙ্খলতম কৌশলে। এই ভেদনীতিরই চূড়ান্ত ফল ফলেছে ভারতব্যাপী সাম্প্রদায়িক দাঙ্গায়। এতে শাসন কর্তৃপক্ষ আপত্তি করবেন জানি, কিন্তু বৈজ্ঞানিক বিশ্লেষণ ও বাস্তব তথ্যের সমুখে সে আপত্তি মিলিয়ে যাবে। শাসন-যন্ত্র যারা চালান তারা যে সজ্ঞানে ও সচেতন ভাবে ভেদনীতির পথেই একে চালান, তার প্রমাণ রয়েছে রাজপুরুষদের অগণ্য স্বীকৃতিতে।

বিংশ শতাব্দীর প্রথম দশক থেকেই হিন্দু-মুসলমান সমস্যা ঘোরালো হয়ে উঠেছে। পূর্ব বঙ্গে হিন্দু-মুসলমানের মনোমালিগা শুরু হয়েছে স্বদেশী আন্দোলনের থেকে। তার পরেই আরম্ভ হয়েছে রক্তাক্ত দাঙ্গা-হাঙ্গামা যা আজ ধারণ করেছে বর্বর আকার। ১৯২৩ থেকে ১৯২৭ সন পর্যন্ত নানা দাঙ্গায় ৫ বছরে প্রায় ৪৫০ লোকের মৃত্যু হয়েছিল এবং ৫০০০ লোক আহত হয়েছিল। তার পরে ১৯২৭ সেপ্টেম্বর থেকে ১৯২৮ জুন পর্যন্ত সময়ের মধ্যে ১৯টা হিন্দু-মুসলমান দাঙ্গা হয়েছে, যাতে এক মাদ্রাজ ব্যতীত অগ্নি সব প্রদেশই ভুক্তভোগী হয়েছে। ১৯২৬ সনের এপ্রিল থেকে জুলাই চারমাস কলকাতার পথঘাট রক্তাক্ত হয়েছিল; তার পরে পাবনা, রাবলপাণ্ডি, লাহোর এবং অহাওয়া স্থান। ১৮ মাসের মধ্যে মৃত হয়েছে প্রায় ৩০০ এবং আহত ২৫০০; তার পরে ১৯২৭ থেকে পর পর আরো ২০টা সাংঘাতিক দাঙ্গা সংঘটিত হয়েছে, যার মধ্যে, “বোম্বে দাঙ্গা তদন্ত কমিটির” হিসাবে, এক বোম্বের দুটি দাঙ্গাতেই ২০০ লোক মারা গেছে। তারপর

১৯৩০ এর পরে ১৯৪১ সনের দাঙ্গা, ঢাকায়, আহমেদাবাদে, বোম্বেতে, বিহার শরীফে। দিনে দিনে এই সংঘর্ষ তীব্রতর হচ্ছে; দিনে দিনে এর প্রভাব হচ্ছে ব্যাপক ও এর শক্তিও হচ্ছে মারাত্মক। এই ক্রমবর্ধমান বিদ্বেষ ও সংঘর্ষের কারণ কি? অত্যাচ্য কারণের মধ্যে সর্বপ্রধান কারণ হলো, ভারতের শাসনপদ্ধতি এবং ইংরেজের পক্ষপাতমূলক মনোভাব। গত অর্ধশতাব্দী ধরে ইংরেজ মুসলমানকে তোষণের নীতি অবলম্বন করে হিন্দুর বিরুদ্ধে মনোভাব সৃষ্টির সাহায্য করেছে। হিন্দুকে করেছে ঈর্ষাবিষছুষ্ট, মুসলমানকে করেছে পক্ষপাতপ্রিয় ও প্রসাদলোলুপ। এই দীর্ঘকালের নীতি আজ ফলপ্রসূ হয়েছে মর্মান্তিক শত্রুতায় ও হিংসে রক্তপাতে।

প্রতিক্রিয়াশীল মুসলমান যারা তারা একথা স্বীকার করবেন না। লব্ধপ্রতিষ্ঠ একজন মোসলেম লীগ নেতা সেদিনও আলোচনা-প্রসঙ্গে আমাদের কাছে আমাদের মতের প্রতিবাদ করেছেন। এই প্রতিবাদ আত্মরিক। তিনি বিগ্ৰাস করেন, এই আত্মকলহে ইংরেজের কোন হাতই নেই। মুসলমান সাম্প্রদায়িক হয়ে উঠেছে, তার কারণ মুসলমানের চোখ খুলেছে; প্রথম জাগরণের প্রাণস্পন্দন দেখা দিয়েছে এই সাম্প্রদায়িক চাকল্যে। মুসলমানের এই বিক্ষোভ, এই অসন্তোষ হলো রাষ্ট্রীয় ক্ষমতার আত্মদনের ফল। কিন্তু এ যুক্তি হলো ইংরেজেরই যুক্তি। সাইমন কমিশনও বলছেন এই কথা। যখন ইংরেজ ক্ষমতাকে হস্তান্তর করতে চাননি তখন পর্যন্ত হিন্দু-মুসলমী সংঘর্ষ জোর ধরেনি। অতঃপর পূর্বযুগে দাঙ্গা হয়নি। আর তাছাড়া ছ' পক্ষের কারুর হাতেই ক্ষমতা না থাকায়, কারুরই কাউকে ভয় পাবার কোন কারণ ছিলো না; তাই ১৯০৯ সালের পূর্বে সংঘর্ষও প্রবল হয়নি *। সাইমন কমিশনের এই যুক্তি কতৃপক্ষেরই যুক্তি। এই যুক্তি ভারতের লীগপন্থী নেতারাও উপস্থিত করে থাকেন। কিন্তু এই যুক্তি যে শিশুশুলভ ও ভিত্তিহীন, তা' আজ লীগওয়ালাদের চোখে ধরা পড়ছে না। কারণ তাদের চোখে লেগেছে নতুন স্বার্থের রঙ। তৃতীয় পক্ষের কারসাজি তাদের চোখে ধরা পড়ে না, কারণ বাহ্যত সে কারসাজি হল মুসলমানের স্বার্থেরই সহায়ক। তার চোখের সমুখে ইংরেজ ধরেছে আজ রঙীন ভবিষ্যতের মোহকে সেই মোহে আজ লীগপন্থীরা অন্ধ; তাই আজ তারা বুঝতে পারছেন না, এ বাস্তব কল্যাণের সম্ভাবনা নয়, এ হলো মিথ্যা মরীচিকা।

ইংরেজ রাজত্বের পূর্বে এ ধরনের দাঙ্গা ঘটেনি; এমন কি ইংরেজ রাজত্বও আজ হতে পঞ্চাশ বছর আগে এই পরিস্থিতি কল্পনাতীত ছিল। লীগপন্থী ও ইংরেজ উভয়েই বলবেন

*...is a manifestation of the anxieties and ambitions aroused in both communities by the prospect of India's political future. So long as authority was firmly established in British hands and self-govt was not thought of, Hindu-Moslem rivalry was confined within a narrower field. (Vol 1, Page 29) "...at that epoch so much good feeling had been engendered between the two sides that communal tension as a threat to civil peace was at a minimum." (*ibid*)

এই শাস্তির কারণ হইল মুসলমানের তদানীস্থ অজ্ঞতা ও ক্ষমতার অভাব। কিন্তু আদতে তা নয়। বরং মুসলমান আমলে মুসলমানের হাতে অত্যাচার ও উৎপীড়ন করবার সামর্থ্য ও সরঞ্জাম প্রচুর ছিল। হিন্দুদেরও সেই যুগে দাঙ্গা করবার যথেষ্ট কারণ ছিল, যেহেতু হিন্দুরা 'এই দেশে একদা ক্ষমতার অধিকারী ছিল। সেই পূর্বস্বাদিত ক্ষমতার স্মৃতি তাদের মনকে বিধাক্ত করতে পারিত। কিন্তু এই ধরনের দাঙ্গা সে যুগে অজ্ঞাত ছিল। তারপর ১৮৫৭ সালের যুগে দেখি মুসলমান অজ্ঞ তো নয়ই বরং অধুনালুপ্ত ঐশ্বর্যের স্মৃতিতে মুসলমান ১৯ শতকে পরম আত্মসচেতন ও ক্ষমতাপ্রয়াসী। সিপাহী যুদ্ধে মুসলমানই প্রধান অংশ গ্রহণ করেছিল; বাহাদুর শাহজাদে দিল্লীর গদীতে বসিয়ে ইংরেজকে তাড়িয়ে লুপ্ত মুসলীম সমৃদ্ধিকে পুনঃ প্রতিষ্ঠা করবার শ্লোগানই ছিল সিপাহীদের একমাত্র শ্লোগান। নিজাম, অযোধ্যার নবাব ও অছায়া মুসলমান তালুকদারদের প্রতি ইংরেজ গভর্ণমেণ্টের ব্যবহার মুসলমানদের মনে ইংরেজ বিদ্বেষ জ্বলে দিয়েছিল। তারা ইংরেজকে তাড়িয়ে মুসলমান শক্তিকে পুনঃস্থাপনের উদ্দেশ্যে বিদ্রোহী হয়েছিল। ক্ষমতার সম্ভাবনা সেই যুগেই মুসলমানের বেশী ছিল; মুসলমানের সঙ্গে বেশী সংঘর্ষ হবার সম্ভাবনা ছিল। কিন্তু তা' হয়নি। এলাহাবাদের মৌলবী লিয়াকৎ আলি, পাটনার শাহ মহম্মদ হুশেন, ওয়াজুল্ হক্ ও পীর আলী প্রভৃতি মৌলবীদের বিধিবদ্ধ প্রচার তাদের সচেতন মন এবং প্রথর আত্মসম্মান জ্ঞানেরই পরিচয় দান করে। সিপাহীযুদ্ধের যুগে মুসলমানদের সমুখে ছিল ভবিষ্যৎ রাষ্ট্রীয় ক্ষমতার বিপুল সম্ভাবনা; হিন্দুদের সামনেও ছিল সেই অনিশ্চিত পরিস্থিতির সুযোগে নতুন হিন্দুশক্তির সংগঠনের আশা। প্রদেশে প্রদেশে রাজ্যচ্যুত হিন্দুরাজা ও জমীদারদের মনে সেই স্বপ্নই ছিল গোপনে লুকিয়ে। কিন্তু আশ্চর্য এই রাষ্ট্রক্ষমতার জগ্না দুর্দম আকাঙ্ক্ষা সত্ত্বেও হিন্দু-মুসলমান পরস্পর লড়াই না করে করেছিল ইংরেজের সঙ্গে লড়াই। কাজেই লীগপন্থী ও ইংরেজ, কারুরই যুক্তি টেকে না! আসল কথা, ১৯ শতকের শেষের দুই দশক থেকেই হিন্দু-মুসলমান পরস্পরকে শত্রু মনে করছে।

কুখ্যাত সার ব্যাম্ফিল্ড ফুলার একটি বহুপ্রচারিত উপমায় ভারত সরকারের দুই রাণীর উল্লেখ করেছিলেন : হিন্দু হোলো চম্বোরানী, আর মুসলমান সুয়োরানী। কথাটায় সত্য আছে। মুসলমানকে নেকনজরে দেখা হলো সরকারে অভ্যস্ত ক্রীড়া। তবে প্রথম থেকেই অবস্থা এমনি ছিল না। সিপাহীযুদ্ধের অভিজ্ঞতা ইংরেজকে সজাগ করে তোলে। সৈন্যসজ্জায় ও সামরিক ব্যবস্থাকে নতুন করে গঠন করবার প্রয়োজনবোধ প্রবল হয়ে উঠে। এমন বন্দোবস্ত চাই, যাতে ভবিষ্যতে ঐক্যবদ্ধ বিদ্রোহ সম্ভব না হতে পারে। কাজেই divide et impera অস্ত্রকে শাণিত করে তোলা হল। অবশ্য সিপাহী যুদ্ধের আগে থেকেই এ অস্ত্র ছিলো এবং এর ব্যবহারও হয়েছে। ১৮২১ সনে পর্যন্ত একজন বৃটিশ অফিসার 'carnaticus' ছদ্ম নামে 'Asiatic journal' এ লিখেছিল Divide et Impera should be the motto of our Indian administration,

whether political, civil or military." * এমন কি Lt. Col. John Coke, মোরদাবাদের কমাণ্ডাণ্ট, সিপাহিযুদ্ধের সময়ে লিখেছিলেন, ভারতের বিভিন্ন ধর্ম ও জাতির মধ্যে কৌশলে পার্থক্যকে বাড়িয়ে রাখতে হবে, একত্র হতে দেওয়া হবে না। ১৮৫৯ সনে যে পীল কমিশন তদন্ত করেছিল তার রিপোর্টে ও সাক্ষ্য দেখা যায়, বহু ইংরেজ অফিসার ভেদনীতির পোষক হিসেবে সৈন্যদলকে একাধিক জাতির ও বর্ণের মিশ্রণ করে রাখবার জ্ঞান পীড়াপীড়ি করেছিলেন! লর্ড এলফিন্সটোন, মেজর জেনারেল টাকার (H. T. Tucker) ইত্যাদি সৈন্য দলকে বর্ণ ও জাতি-বিরোধে জর্জরিত করে রাখবার পরামর্শ দিয়েছিলেন। Lord Ellenborough ও এই মতই দিয়েছিলেন, কারণ তাতে ব্রিটিশ স্বার্থকে কয়েম রাখা যাবে। কাজেই পীল কমিশনও সুপারিশ করেছিলেন, প্রত্যেক রেজিমেন্টকেই বিভিন্ন জাতি ও বর্ণের বিরোধক্ষেত্র করে তুলতে হবে X। লর্ড এলফিন্সটোন খোলাখুলি লিখেছিলেন, "Divide et impera was the old Roman motto and it should be ours." (14-5-1859 minute) ভূরি ভূরি দৃষ্টান্ত দেওয়া যেতে পারে যাতে ইংরেজের ভেদনীতিপ্রবণতা প্রমাণ হয়।

তবে লক্ষ্য করবার আছে এই যে, ইংরেজের এই ভেদনীতিরও ছটা পৃথক অধ্যায় রয়েছে। একটা হলো মুসলমান দমনের অধ্যায়, দ্বিতীয় অধ্যায় হলো মুসলমান তোষণ ও হিন্দু দলনের অধ্যায়। মুসলমানের হাত থেকেই ইংরেজ ভারতবর্ষকে ছিনিয়ে নিয়েছে, মুসলমানই ছিলো এ দেশের একছত্র অধিন্ধর সেই যুগে। এই কারণেই যেমন মুসলমান ইংরেজের বিদ্রোহী ছিলো, ইংরেজও মুসলমানের শত্রুতা করত তেমনি পদে পদে। সিপাহী যুদ্ধের পরেও প্রায় বিশ বছর যাবৎ মুসলমানের প্রতি বিরূপ ছিল ইংরেজ। ১৮৫৯ সনে মুসলমানরাই প্রধানত বিদ্রোহের শক্তি জুগিয়েছে। আর মুসলমানদের ছিল হিন্দুদের চাইতে বেশী ধর্মোন্মাদ ও দুর্ধর্ষতা। ১৮৪২ সনে, কাবুল যুদ্ধের পরে লর্ড এলেনবোরো (তখনকার গভর্নর-জেনারেল) ডিউক অব ওয়েলিংটনকে লিখেছিলেন, "মুসলমান চেয়েছিল আমরা আফগানিস্থানে হেরে যাই, আর হিন্দুরা চেয়েছে আফগানরা হারুক। কাজেই মুসলমান যখন শত্রুভাবাপন্ন, তখন বিশ্বস্ত হিন্দুদের আহুগত্য লাভের চেষ্টা না করাটা আমাদের আহান্যুকী হবে। হিন্দুরা সংখ্যায় ও দশগুণ হবে।" * তিনমাস পরে

* Vide, "consolidation of the Christian Power in India," pp74-5, by B. D. Basu.

+ "Our endeavours should be to uphold in full force the (for us fortunate) separation which exists between the races & religions, not to endeavour to amalgamate them. Divide et impera should be the principle of Indian Government." (Ibid)

x "The Native Indian Army should be composed of different nationalities and castes, and as a general rule, mixed promiscuously through each regiment." (Report of the Peel Commission on the organisation of the Indian Army.)

লর্ড এলেনবরো একেবারে স্পষ্টভাবেই ব্রিটিশনীতির উল্লেখ করেছেন; মুসলমান শত্রুভাবাপন্ন, তাই হিন্দুদের তোষণ করাই হলো আমাদের আসল নীতি।* হেনরী হ্যারিংটন টমাস নামক বঙ্গীয় সিবিল সার্ভিসের একজন অবসর প্রাপ্ত কর্মচারী ১৮৫৯ সনে সিপাহী বিদ্রোহ সম্বন্ধে একখানা পুস্তিকা লিখেছিলেন; বইখানার নাম “The late rebellion in India and our future policy”। এতে তিনি লিখেছেন, মুসলমানরা সাধারণতই গবিত ও নির্মম এবং প্রাধাত্য-লিপ্সু। তার ওপরে রয়েছে তাদের অনির্বাক্য আশা, ইংরেজকে নষ্ট করে আবার মোসলেম শক্তিকে প্রতিষ্ঠা করবার। তারাই হিন্দুদের হাত করে এই সিপাহী-বিদ্রোহের বা বিপ্লবের বন্দোবস্ত করেছে। ‘বঙ্গীয় সৈন্যদলে’র হিন্দু-সিপাহীরা মুসলমানের হাতের যন্ত্রমাত্র ০। রাজকর্মচারীদের তদানীন্তন মনোভাব এই সব কথা থেকেই বোঝা যায়। মুসলমান দলনই সেই যুগে ছিলো ব্রিটিশ শাসনের মূলমন্ত্র।

কিন্তু শতাব্দী শেষ হবার সঙ্গে সঙ্গেই বাতাস উন্টোদিকে বইতে লাগলো। হিন্দুরা পাশ্চাত্য শিক্ষায় অনেকদূর অগ্রসর হয়ে গেছে তখন। যুরোপীয় বিপ্লবের বাণী এবং ১৯ শতকের সাম্য ও স্বাধীনতার মন্ত্র হিন্দুসমাজে গভীর অসন্তোষ সৃষ্টি করেছে। ফলে ভারতের স্থানে স্থানে বিপ্লব আবহাওয়া ও সজ্জ গড়ে উঠতে লাগল, হিন্দুরাই হ’ল ইংরেজ শাসনের বিরোধী। সংখ্যাধিক হিন্দুরা যদি জেগে ওঠে দলবদ্ধ হয়ে এবং তার সঙ্গে যদি মুসলমান শক্তি যুক্ত হয়, তবে ইংরেজ শাসনের আয়ু অচিরে ফুরাবে। সেই থেকেই আরম্ভ হল ব্রিটিশ শাসনের নবনীতি, মুসলমানকে তুষ্ট করে হাত করবার এবং হিন্দুকে দলন করার কূটনৈতিক পাল্লা। মুসলমান পাশ্চাত্য শিক্ষায় পিছিয়ে পড়েছে, হিন্দুরা তখন অনেক অগ্রসর। মুসলমান ঘুম থেকে উঠে এই তহ হৃদয়ঙ্গম করলো; ইংরেজের আনুকূল্য ও প্রীতিকে তারা তাই সাগ্রহে ও নিশ্চিন্তে বরণ করে নিলো। ইংরেজের কূট ভেদনীতিকে তারা ধরতে পারলো না। ভারতবর্ষের জনসাধারণের প্রকৃত কল্যাণের পথ কোন্ দিকে তা’ তারা চিন্তা করলো না। মুসলমান ও হিন্দু গণসমাজ তখন ঘুমে আচ্ছন্ন। এখানে শুধু মধ্যবিত্তের কথাই বলা হচ্ছে, ইংরিজী শিক্ষায় যে শ্রেণী পাশ্চাত্য বিদ্রোহের শক্তি-মন্ত্রে

* “It seems to me unwise, when we are sure of the hostility of one-tenth, not to secure the enthusiastic support of the nine-tenths which are faithful.”

(oct 4, 1842)

+ “I cannot close my eyes to the belief, that that race (Muslims) is fundamentally hostile to us and therefore our true policy is to conciliate the Hindus.”

(letter dated 18-1-43 to Duke of Wellington)

0 “.....it was the result of a Muhammadan conspiracy....The Muhammadans planned and organised this rebellion (or rather revolution) for their own aggrandisement alone and that the Hindu sepoys of the Bengal Army were their dupes and instruments.” (Henry Harrington Thomas.)

উদ্বোধিত হয়েছিল তাদের কথা। ধীরে ধীরে মুসলমান নেতারা হিন্দু বিরোধী হয়ে উঠতে লাগলেন, হিন্দু মধ্যবিত্তও মুসলীমের ওপরে বিরূপ হতে লাগলো। ভারতের রাষ্ট্রীয় ক্ষেত্রে নতুন অঙ্কের সূচনা হলো। এই নতুন অঙ্কের আদি অভিনেতা হলেন লর্ড মিণ্টো এবং প্রধান ঘটনা হলো ১৯০৯ সনের মর্লি-মিণ্টো স্কীম। ইতিপূর্বে থেকেই যে বীজ বপন করা হয়েছিল তারই প্রথম পরিণতি হল এই স্কীম। ১৮৯১ সনের ইণ্ডিয়ান কাউন্সিল আইনে (Indian councils Act.) ব্যবস্থা হল বিভিন্ন শ্রেণী ও স্বার্থের বিশেষ করে মুসলমান স্বার্থের রক্ষার জন্ত বিশেষ মনোনয়ন প্রথার। তার পরেই ১৯০৬ সনে শাসনসংস্কার বিবেচনা করবার জন্ত ভাইসরয়ের কাউন্সিলর (Exc. Council) এক কমিটি নিযুক্ত হল এবং মিঃ আগা খাঁ নেতৃত্বে শিমলার এক মোসলীম ডেপুটেশান মুসলমানসমাজের পৃথক প্রতিনিধিদের দাবি পেশ করলো। মিণ্টো সাহেব জবাবে সাম্প্রদায়িক পৃথক প্রতিনিধিত্বকে সানন্দে স্বীকার করে নিলেন। যোগ্যতার ভিত্তিতে নির্বাচন (Personal enfranchisement) মারাত্মক হবে; (কার পক্ষে?) কাজেই সাম্প্রদায়িক পার্থক্যের ভিত্তিতে (traditions of the communities) নির্বাচনই বরণীয়। তাছাড়া মুসলমানের স্থান ও মর্যাদা নির্ধারিত হবে মুসলমানের রাজনৈতিক গুরুত্ব এবং তাদের ইংরেজ-প্রীতি ও সেবার মূল্যে। কিন্তু মুসলীম ডেপুটেশানের পিছনে কার প্রেরণা ছিলো? মুসলমানদের পৃথক স্বার্থের চেতনাকে কে জাগিয়েছিল? ইংরেজ, এবং সর্বোপরি, লর্ড মিণ্টো। লর্ড মর্লির স্বীকৃতিই রয়েছে যে মিণ্টোই মুসলীমকে প্রলুব্ধ করে সাম্প্রদায়িক স্বার্থবুদ্ধির সৃষ্টি করেছেন। (১) আগা খাঁ ডেপুটেশান যে সাজানো ব্যাপার তা' মুসলেম নেতা মহম্মদ আলি প্রকাশে ঘোষণা করেছেন ১৯২৩ সনের কংগ্রেস সভাপতির অভিভাষণে। (২) এমন কি ভূতপূর্ব প্রধানমন্ত্রী ম্যাকডোনাল্ড পর্যন্ত ঘোষণা করেছেন যে ইংরেজ গভর্নমেন্টই শিমলা থেকে ষড়যন্ত্র করে হিন্দু-মুসলমানের মধ্যে বিদ্বেষ সৃষ্টি করে থাকে। (৩) ভূতপূর্ব ভারতসচিব লর্ড অলিভিয়ার (Lord Olivier) টাইমস্ পত্রিকায় ১৯২৭ সনে লিখেছেন, 'one will be prepared to deny that on the whole there is a predominant bias in British officialdom in favor of the Muslim Community . . . largely as a make-weight against Hindu nationalism.' ইংরেজরাজত্বের পূর্বে সংঘবদ্ধ সাম্প্রদায়িক বিদ্বেষ ছিল না; পাঞ্জাবে ভূতপূর্ব কার্য-পরিষদ-সদস্য Sir John Maynard লিখেছিলেন, "the mass rivalry of the two communities began under British rule." (Foreign affairs, 1927—28). ১৯০৯ এর মর্লি-মিণ্টো শাসনতন্ত্রের গূঢ় অর্থ এতেই বোঝা যাবে। তার পরে ১৯১৯ সনের মর্টেণ্ড রিফর্ম স্কীম। তারও ভিত্তি সাম্প্রদায়িক ভেদনীতি। কিন্তু ইতিমধ্যে রাউলেট বিল, জালিয়ানওয়ালা, সাইমন কমিশন, খিলাফত ইত্যাদিকে কেন্দ্র করে হিন্দু-মুসলমানের চক্ষু কিঞ্চিৎ উন্মিলিত হয়েছিল এবং আংশিক ঐক্যও দেখা দিয়েছিল। কিন্তু সদাজাগ্রত-চক্ষু ব্রিটিশ সরকার এই অবস্থা বেশী দিন টিকতে দেননি।

মহম্মদ ইয়কুবের নেতৃত্বে মোসলীম লীগের কলকাতা অধিবেশনে (৩০-১২-২৭) সাইমন কমিশনকে বরকট করার সিদ্ধান্ত করে। কিন্তু লাহোরে সার মহম্মদ শফীর নেতৃত্বে ঐ তারিখেই বয়কটের বিরুদ্ধে প্রস্তাব পাশ করান হয়। ইংরেজের স্বার্থসিদ্ধির সহায় স্বরূপ ভারতে মতান্তর ও মনান্তর বুদ্ধিই পেতে থাকে। সর্বশেষে ১৯৩৫ সনের শাসনতন্ত্র। এবার কেবল হিন্দু-মুসলমান নয়, এবার ভারতে হিন্দু সমাজও উন্নত ও অন্নুন্নত জাতের কলহে বহুখণ্ডিত হয়ে উঠেছে। সমস্ত ভারতবর্ষ আজ আত্মকলহের রক্তাক্ত লীলাভূমি। আজিকার এই হানাহানি ও কলহকে বিচার করতে হবে পূর্ববিবৃত পটভূমিকায়।

এই প্রেক্ষাপটে দেখলেই বর্তমান ভারতের ক্রমবর্ধমান সাম্প্রদায়িক সংঘর্ষের স্বরূপ ও তত্ত্ব ধরা পড়বে। ইংরেজ কর্মচারির ব্যক্তিগত সদিচ্ছা বা উদারতা নয়, সমষ্টি জীবনের ভবিষ্যৎ ও বর্তমানকে বিচার করতে হবে ঐতিহাসিক দৃষ্টিতে, ঘটনাপুঞ্জের সমষ্টিগত বাস্তব বিবর্তনের বিশ্লেষণ দিয়ে। একটু চোখ মেলে বিশ্বজগতের দিকে তাকালেই সাম্রাজ্যবাদী শাসননীতির গুঢ় অর্থ ধরা পড়বে। কেবল ভারতেই নয়, সর্বত্রই সাম্রাজ্যবান্দের একই নীতি। কেবল ইংরেজই নয়, অগাণ্ড জাতিও এই একই পথে চলে। ইংরেজের দোষ নাই। কারণ ঐতিহাসিক নিয়মেই তাদের মতি ও স্বার্থ বুদ্ধি এইরূপ নিয়েছে ও নিতে থাকবে। কিন্তু আমাদের ঐতিহাসিক ভূমিকা আমরা কেন গ্রহণ করবো না? এই দুঃখ জর্জর দেশের কোটী কোটী মানবের কল্যাণের পথে যে ভূমিকা সার্থক হবে। যাদের চক্ষু খুলেছে তাঁরাই এ ভূমিকা সজ্ঞানে গ্রহণ করতে পারবে। ইংরেজের স্বার্থবুদ্ধি যাই করুক, আমাদের কল্যাণ-বুদ্ধি দ্বারা আমরা তাকে ব্যর্থ করবো। ইংরেজের যদি ভেদনীতি হয়, আমাদের নীতি হবে সংহতি-নীতি। কিন্তু ভেদ-নীতিকে ব্যর্থ করবে কে? যে শর্ধে-দিয়ে ভূত ছাড়াই, সেই শর্ধেই যে ভূতের বাসা হয়েছে। আমরা যে পরস্পরকে ভেদ-বিচ্ছিন্ন করে নিজেরাই ব্যর্থ হতে চলেছি! এক্ষেত্রে উপায় কি? উপায় হলো, সাম্প্রদায়িকতার ভূতগ্রস্ত যারা এখনো হননি তারা একত্র হোন এবং ভূতাবিষ্টদের ভূত ছাড়াবার চেষ্টা করুন। যে ভূত আজ চেপেছে, তাকে না তাড়ালে কল্যাণের পথ রুদ্ধ থাকবে। ইংরেজকে দোষারোপ না করে আত্ম-শক্তিতে ভারতের গণকল্যাণকে উদ্ধার করতে হবে। “উদ্ধারোদাখ্যনাখ্যানম্ নাখ্যানমবদীদয়েৎ”, এই গৌক আজ আমাদের সম্মুখাণী।

1. “I respectfully remind you once more that it was your early speech about their extra claims that first started the Moslem hare.” (Recollections, vol, 11, pp 325)

2. “There is no harm now in saying that the deputation’s was a ‘command’ performance!...Hitherto the Mussalmans had asked very much like the Irish prisoner in the dock who,---had frankly replied that he had certainly not engaged counsel, but that he had ‘friends in the jury!’ But now the muslims ‘friends in the jury’, had themselves privately urged that the accused engage only qualified counsel like all others.” (Congress President’s address, cocanada congress, 1923).

3. “Sinister influences have been and are, at work on the part of the govt; that Muhammdan leaders are inspired by certain British officials and that these officials...sow discord...by showing to the Muhamadans special favours.” (Awakening of India, p 283)

ডার্ক

গোপাল ভৌমিক

কমরেড্, সাইরেন্ শোন :
ছাঁদনের ভয় ছিল—
সে ছুঁদিন আজ সমাগত—
আকাশে বাতাসে তাই সূচনা-সংকেত ।
সভ্যতা-সৌধের ভিত্তি ন'ড়ে ওঠে আজ—
ধ্বংসের দেবতা তাই বাজায় বিঘাণ :
এতদিন তন্দ্রা ছিল মানুষের চোখে
নিশ্চিন্ত আরামে ছিল
দৃঢ়বদ্ধ গাঁথুনির নীচে,
মুখে ছিল অহিংসার মধুময় বাণী ।
আজ দেখি আসলেই ছিল বড় ফাঁকি :
আস্তরণ ভেদ ক'রে
বের হয় প্রকাণ্ড ফাটল—
ধূলিসাৎ হ'তে চায় কৃত্রিম প্রাসাদ ।
ধ্বংস-স্তূপ দেখে ভয় পেয়ো না, কমরেড্ :
এরই মাঝে উগ্ধ আছে ভবিষ্যের বীজ—
সভ্যতার চক্র-পথ বন্ধন-বিহীন ।
পুরাণো ধ্বংসের বৃকে—
নতুনের কর উদ্বোধন :
নিরঙ্ক গাঁথুনি দিয়ে
গ'ড়ে তোল সভ্যতার ভিত ।

“জীবন নদীর তীরে”

ভবানী সেনগুপ্ত

আজ আমার জন্ম দিন। তিনদিন আগে থেকে শুনে আসছি, আজ জন্মদিন আমার। উৎসব আয়োজনের পরিমাণে হয়তো অভিনয়ের সুযোগ পাবোনা, কিন্তু তবু কেন যে মনটা এতো নিস্তেজ লাগছে, একটা চাপানো পাষাণের নীচে যেন হাপিয়ে উঠছি!

মেঘলা দিনের কালো সকাল। এই ধূসর সকালের গভীর ভাবটা ভালো লাগে, না? না, কৈ ভালো লাগে না তো। ওর সঙ্গে আমার মনের ভেতরকার ভাবের সাদৃশ্য আছে বলেই আমার মনে হয় ওকে আমার ভালো লাগে। কেউ জানে না, আমি আমাকে হারিয়ে দি—বাইরে আর ভিতরে রং-এর একাকার হয়ে যায়। বই এর পাতা থেকে মুখ তুলে বাইরের আকাশের দিকে একটু তাকাই। আচ্ছন্ন কৃষ্ণ আবেশে সব কিছু নিজেকে মিলিয়ে দিয়েচে—বধা প্রাতের ধূসর গম্ভীর ভাবটাতে মনটাও কেন যেন গম্ভীর হয়ে উঠতে চায়।

রেখা এসে ঘরে ঢোকে।—সু, তুমি কি ভাবচ?

আমি কি কিছু ভাবছিলাম? না, আমি একটু কি যেন করছিলাম।—‘কিছু নয় তো?’

—বলো না,—রেখা একটু হাসে,—ক্যালকুলাসের প্রব্লেমগুলি খুব শক্ত, না সু?

—তাই বুঝি আমি ভাবছিলাম?

—তা নয়তো কি? আর নয়তো লজিকের কোন দুরূহ সমস্যা……ও, তুমি তো আর লজিক পড়োন, তবে হয়তো আর কিছু একটা বই!

টুপ্. টাপ্. করে বাইরে জলের ফোঁটা ঝরতে আরম্ভ করে।

রেখা আলমারী খুলে সেতারটা বার করে…

—আজকের দিনটা বড়ো সুন্দর। মনটাকে মাতলা করে দেয়। তুমি তো এসব কিছু বোঝো না, তোমাকে বলাই বৃথা। আমি ওপরে যাই—বলবে, তারের ওপরে উ, আ, কি করচিস্।

রেখা চলে যায়। আমার চোখ নেমে আসে জু-অলজির বইটার ওপর। কি রকম ছবিটা ঐকৈচে অ্যামিওবার…জীব-তহ থেকে মনটা জীবন-তথ্যের দিকে এগিয়ে আসতে চায়। ওরা ভাবে, মানুষ আমি নই, হৃদয় আমার নেই। বাস্তবের প্রাচীরে ছোট বেলা থেকে ওরা আমায় ঘিরে রেখেচে, ভাবে, আমি আটকা পড়ে গেছি একেবারে। মানুষ আর আমি নেই।

আমার আজ জন্মদিন।...দূরান্তে মোটরের শব্দ আর মিলের হুংকার মিলে একটা অন্তত শব্দের সৃষ্টি ক’রে।

শুধু এমনি ক’রেই কি জীবনের বছরগুলো কাটবে? এমনি ক’রেই? এই কি সত্যিকারের বেঁচে থাকা? মনে হয় এর বাইরের জগতে আমার স্থান নেই। আমি আটকা পড়ে গেছি বন্ধ কারাগারে, বুক ফাঁটা কান্নায় নিজের চোখের জলে.....না, জীবনের একটা দিক আমি জানিনে, কোন দিকই বোধ হয় আমি জানিনে।

এই পরিবারের সংকীর্ণ সংস্কার এবং ভয়াত পঙ্গুতার বাইরে আছে সারা সমাজ এবং সারা দেশ। জীবন ওখানে বিস্তৃত। দিগন্তে তার ছায়া দেখতে পাই। কতোবার তার মায়া মনে লাগে। কিন্তু জীবনে যত কিছু গেল না পাওয়া, মিছে আর কেন তা ভাবিতে যাওয়া।

আমাকে আড়াল ক’রে রেখেছে সংসারের সংকীর্ণ সংস্কার, আমার মনকে তো সে পারে নি। এত বাধা, এত ভয়, এত বিধি-নিষেধ এদের এড়িয়ে সে চলে গেছে; আমি জানি, মন আমার বাধা পরেনি। আর সেখানেই সকল বেদনা, সমস্ত দুঃখ লাঞ্ছনার শেষ সীমা, নিজেকে প্রতারণা করার চরমতা। তাই ভাবি মানুষের সব মরে, মরে না শুধু মন! মন বেঁচে থাকে, মনে হয় সে বেঁচে নেই, তবু সে যে বেঁচে আছে তারই অস্পষ্ট ইঙ্গিত ভেসে আসে বর্ষা সকালের মেঘলা আবহাওয়ায়, অথবা কঠিন বাস্তবের দৃঢ় সংঘাতে।

আমি বসেচি, আমার বুকের কাছে সাজানো টেবিল। বই, এক, দুই, তিন...আটখানা বই। দোয়াত-দানি, ফুলের টব একটা। বাবা বসেচেন আমার ধারে, মা সামনা-সামনি। রেখা বসেচে আমার আর এক পাশে। বাবার পাশে অরুণ, মার পাশে দ্বিজেন বাবু; তার পরে দুই মাসিমা, তিন মাসতুতো বোন, এক মাসতুতো ভাই। এরা সবাই রক্তের সম্পর্ক নয়, অনেকই তৈরী ক’রে নেওয়া।

..

সুপ্তি আই-এ পরীক্ষায় তুমি এত ভাল করেচ যে আমাদের বুক গর্বে ভ’রে উঠেচে। পরীক্ষার খবর জানবার পরেই তোমাকে আমার এ উপহার দেওয়া উচিত ছিল, কিন্তু রেখে দিয়েছি জন্মদিনের জন্যে। জন্মদিনে তুমি নতুন উত্তম বাপ-মায়ের প্রদর্শিত পথে সত্য, সংযত জীবনের উন্নতির শেষ ধাপে পৌঁছতে পারো ঈশ্বরের কাছে এই করে প্রার্থনা। এ বড়ো জুর্দিন। আধুনিকতার, দৌলতে আমরা ভুলতে বসেচি অতীতের সকল গৌরব; এ যুগের ছেলেমেয়েরা উচ্ছৃঙ্খল, অসংযত; তাই ঈশ্বরের এত অভিশাপ! গুরুজনদের অবস্থা হওয়া, রীতি-নীতির প্রতি ঘৃণা ও অসম্মান, এই এ যুগের ধর্ম। সর্বনাশের ধর্ম এ। তোমার বাবা-মার সর্বপ্রধান কীর্তি তাঁরা নমাজের এই সর্বনাশের উর্ধ্বে তোমাদের তুলে রেখেছেন। তোমরা ধর্মে ও কর্মে তাঁদের মুখ

মাসিমা।

সোনার বুমকো ছুটি আমার কানে পরিয়ে দেওয়া হলো। রেখা চুপি চুপি বললে ‘ওটা কিন্তু বুকড্, আমার জন্তে।’

বাইরে টুপ-টাপ বৃষ্টি—এতো উৎসবে আনন্দ নেই প্রকৃতির, আনন্দ নেই আমার মনে। এ আমার কি হলো। বলি দেওয়ার আগে পাঠাকে সিঁদুর পড়িয়ে আমরা পূজা করি, আমিও যেন আজ তেমনি পাচ্ছি পূজা আর সম্মান। জীবনের দাম নাকি এই বুমকো, জীবনের পাওনা না-কি এই শুকনো উৎসবের মামুলী বলি।

না, ওরা জানে না। জানে না বাবা-মা। ওরা আমার জন্মদাতা। ‘কিন্তু আমার জন্ম কি শুধু ওরাই দিয়েছে? না, আমার জন্ম ওরা দেয়নি। ওরা একটা উপলক্ষ মাত্র। রক্তের দাবীতে আমার জন্ম, ওরা কেবল উপলক্ষ। একটা অ্যাকসিডেন্ট। আমি তো জন্মাতে পারতুম একটা কুলির ঘরে, কাপড় কোমড়ে বেধে এ বয়সে আমার অন্তত তিনটি ছেলেমেয়ে নিয়ে হয়তো রেল-লাইনে কয়লা কুড়াতে হতো। আমার জন্ম দিয়েছে মানুষের সৃজন-প্রেরণা, না, দেহের-তড়না।

আমাকে গড়ে তুলেছে এ যুগ-ধর্ম। এ-ও তোমরা জান না। তোমরা ভাবো তোমরা আমাকে তোমাদের মতো ক’রে গড়ে তুলেচ, তোমাদের আদর্শে, তোমাদের পথে, তোমাদের মতে। কিন্তু...কি হয়েচি আমি! আমার মনের আসল প্রাণটুকু অবাদ্য, সে এ যুগের সম্মান, ব্যর্থতা তার চোখে, দীনতা তার রক্তে, হতাশায় ভরা তার জীবন।

—“সু, আজ তোমার উনিশ বছর পূর্ণ হলো। তোমার জন্তে আমরা গর্বিত। তোমার ভেতরে আদর্শ নারীর বীজ অঙ্কুরিত করাই আমার একমাত্র উদ্দেশ্য। সে উদ্দেশ্য আজ সার্থক হয়েছে। নারী সমাজের প্রাণে, প্রাণ কখনো চঞ্চল, বিদ্রোহী, উচ্ছৃঙ্খল হয় না। ত্যাগের মাহাত্ম্যে সেবার গৌরবে, তুমি নিজেকে ধন্য ক’রে তোলে। না-পাওয়ার বেদনা ভারতীয় নারীর নয়—তার কাছে ছুঃখ-সুখ সব সমান; অন্তরের অনাবিল প্রেমে সব কিছুকেই সে সুন্দর ক’রে তোলে। অন্তরে সে পবিত্র, জীবন্ত, আনন্দময়ী। সেই আদর্শে তুমি অনুপ্রাণিত হও।

“দেশের কল্যাণ হোক তোমার মন্ত্র। কিন্তু দেশের কল্যাণ আসবে যে-পথে তুমি তা শিখেচ। সে পথকে তুমি হারিয়ে না। এ যুগের লোকদের নেই তত্ত্বজ্ঞান, আছে তথ্যজ্ঞান। জীবনটাকে নিয়ে দোকানদারী—কাঁপা ফাল্গুনের মতো ঘুরে বেড়ানো হাওয়ার ধাক্কা। এ পথ থেকে তোমরা নিজেদের রক্ষা করো, দেশকে রক্ষা করো.....”

বাবার চোখে জল...“আমার মা, আমার সব-কিছু,.....”

বাবা তুমি যে কাঁদচ, এ কান্না তোমার আনন্দের কান্না! দুঃখ-বেদনায়, ব্যর্থতায়, হতাশায় লোকে কেমন করে কাঁদে তুমিও জানো না আমিও জানি নে। না আমি বোধহয় জানি। বকের ভিতরটা যদি খুলে দেখানো যেতো বাবা তা হ'লে বুঝতে আমারও জীবন ফাটুস-উড়িয়ে ছেলে-খেলার মতো—কাঁচা হাতে লেখা একটা বিয়োগান্ত নাটক। তুমি আশীর্বাদ করলে, কিন্তু কিসের আত্মত্যাগ? কি পেয়েছি যে বিলিয়ে দেব? নেবে কেন লোকে একটা অপূর্ণ মনকে! দেব কেমন করে আমি? কাকে করবো সেবা—সেবায় যদি নিজেকে উজাড় ক'রে না দিতে পারি?

—‘এই স্ন’ তুমি কি ভাবচ? সকাল বেলার সলিউশনটা এখনো হয় নি? দোহাই, একটু হাসো এখন। সারাদিন তো জু-লজি, তোমাকে এবার আমি নিয়ে সতাই জুতে রেখে আসবো।’
রেখা।

তাদের মুখে চোখে হাসি। রেখার মুখে হাসির রেখা স্পষ্ট।

মা বাবা আর সবাই কি আলোচনায় ব্যস্ত। আমি হাসতে পারছি না কেন? ওরে রেখা তুই পালা! তোর এখনো সময় আছে। রেখা তুই পালা! না, তোকেও আমার সঙ্গে আসতে হবে, যেখানে আমি এসে দাঁড়িয়েছি, সেইখানে।

অরুণ! আজকের উৎসবে অরুণও এসেচে! অরুণ মা-বাবার অতিপ্রিয়! বিশ্ববিদ্যালয়ের পরীক্ষাতে ক'রে ভালোই, কিন্তু সেটাই আসল কারণ নয়। এ যুগের বহু দূরে অরুণ—এগিয়ে নয় পেছিয়ে। চোখের চশমা শক্তি বদল ক'রে ক'রে চোখকে শক্তিশীল ক'রে তুলেচে। মুখে কথা নেই, মনেও আছে বলে মনে হয় না। চুলগুলি ছোট; সমান করে টাঁটা, মাথা সোজা হ'লেও চোখ সোজা হয় না।

অরুণকে বাবা-মা খুব ভালোবাসেন। জীবনে কেউ ওকে প্রতিবাদ করতে দেখে নাই, সবার কথায় সায দিয়েও নিজে কখনো হায়-হায় ক'রে না। অরুণ, বাবা বলেন, আপনাতে আপনি সম্পূর্ণ!

হয়তো তাই! কিন্তু...না, এখানে কিন্তু নেই। জীবনে কোনদিন কোনো কিছুও জাগেনি ওর প্রাণে, আজ কিন্তু দিয়ে ওকে বিচার করা অস্বাভাবিক! যাচাই ক'রে নি কোনদিন, বাছাই ক'রে নি কখনো, তাই ওকে হয় তুলে নাও, নয় ফেলে দাও! তবু মুষ্কিল এই যে জীবন চলে যাচাই আর বাছাইয়ের ঘোড়ায় চড়ে। এখানে একটানা মূহুর্তার স্থান নেই...। কিন্তু, (হ্যাঁ, এবারেও কিন্তু) অরুণ তা স্বীকার করবে না।

হাসি পায় যখন ভাবি এই অরুণের ভেতরও পুরুষের প্রাণ আছে! তবু, সত্যিই আছে। মাঝে মাঝে যখন বায়োলজির কথা বাবার সঙ্গে ও আলোচনা ক'রে মাঝে মাঝে যখন ক্যালকুলাসটা আমায় বুঝিয়ে বলে, তখন আমি যেন টের পাই, কিছুর একটা দমকা উত্তপ্ত হাওয়া ওর অঙ্গান্তে এসে আমার মুখে লাগে। অরুণ জানে না, ওর মধ্যে যে পুরুষ আছে, তাও ও জানে না।

—‘অরুণদা একট মাল্লুশ-গাধা। পুরুষ যে কেমন ক’রে এমন হয়!’—রেখা ব’লে।

‘কেন, আমরা কি আছি’?

—‘আমাদের কথা বাদ দাও! কিন্তু এমনি মরে যাওয়া জীবন নিয়ে...ছত্তোর!’

আমারই বোন রেখা।

‘মাই এক্সপিরিয়েন্স উইথ্ টুথ্’। মহাত্মা গান্ধীর জীবনী। আমার জন্মদিনে অরুণের উপহার। তার গায়ে লেখা, সত্যকে জানো।

তুমি জানো নাকি অরুণ সত্যকে? সত্যের সঙ্গে অভিজ্ঞতা তোমার কী? না থাক...
বিজনের ভাষায় বলি, তুমি হচ্ছ ghost of things that might have been.

—‘তোমার উপহারটি চমৎকার! কিন্তু এই বইতে সরকারী কুনজর নেই তো?’

—আজ্ঞে না।

—আগে আমি পড়ে তারপরে সূঁকে দোবো এখন।

মা। জীবনে এই ধারা সেন্সরসীপ্ সুশিক্ষার জন্তে দরকার। এই পরীক্ষায় পাশ না হ’তে পারায় বিজন বই পড়ানোর চাকরী ছেড়েছেন।

“সুপ্তির জন্মদিনে আমার কিছুই বলার নেই। ঈশ্বরের দয়ায় এবং আপনাদের আশীর্বাদে, আজ ওর জীবনে যে গৌরব ও লাভ করেছে, তা রক্ষা ক’রে ও চিরদিন চলবে।”

মা।

তুমি ঠিক বলেচো। চিরদিনই চলতে হবে আমাকে, মা। এর বাইরে ছাড়া নেই।...

ক্লান্ত দ্বি-পেহর। কলৌজের বন্ধুরা চ’লে গেল।...কেন এসেছিল ওরা? দিনটা এখনো ঘোলাটে—বৃষ্টি যে বেব তার চিহ্নমাত্র নেই। গুমড়ে গুমড়ে ওঠাই ওর স্বভাব—বর্ষা-দিনের। ওর স্বভাবে আমাদের অভাব জেগে ওঠে। নিজের রিক্ত, দীন শৃংখ চেহারাটা মনে প’ড়ে।

কোন দূরান্তে একদিন এমনি মেঘের ঘন-কৃষ্ণ কারাগারে কে যেন মুক্তি মেগেছিল—
ব্যর্থ বিরহ-তপ্ত জীবনের বুক ফাটা হাহাকার কে-যেন কাব্যে জানিয়েছিল, জানিয়েছিল ছন্দে!
সে যুগ আর নেই। পচা নেই, এটা গছ এবং মচের যুগ। সগ-কৌটা জীবন বধ্য ভূমিতে অবরুদ্ধ।
অন্ধকারে কেঁদে মরে। কবি নেই, কারো ব্যথা কেউ আর সার্বজনীন ক’রে তোলে না। আমাদেরো
আর পড়তে ভালো লাগে না। ভালো-লাগে না বলতে, ‘তোমাকেই যেন ভালো বাসিয়াছি শতরূপে
শতবার’। মনে হয়, ঝাঁকিকে ঝাঁকি পোষাকে সাজিয়ে মেকৌ ঢাকবার বৃথা প্রয়াস।

একদিন সন্ধ্যায় তিনি এসেছিলেন.....তঁার কথা আজো আমার মনে আছে। তিনি বলেছিলেন, শিক্ষার উদ্দেশ্য নিজেকে মুক্ত করা। সা বিজ্ঞা যা বিমুক্তয়ে। মিথ্যা আমাদের

আটকে রাখে, তার চাপে ফাঁপড় হয়ে উঠি, সত্য আমাদের স্রুপ্তি ঘুচিয়ে মুক্তি দেয়। ওখানে জীবনের খোলা-বাতাসের মেলা।

ওঁর কথাগুলো বেশ লাগে। বিজনের মতো ধারালো নয়! বিজনের কথা বেঁধে, ওর কথা পিঠে হাত বুলিয়ে দেয়। বিজনের চোখ দেয় দৃষ্টি-সূত্রে সুড়সুড়ি, ওর কথাগুলো হয় কাতু-কুতু নয় হাতুড়ি। ওঁর উপদেশ অমৃত, সে বাঁচার আগের মেরে নেয় না। মরা দেহকেও উনি বাঁচিয়ে তোলেন।

তিনি বলতেন, ‘জীবনে নিজেকে প্রতিষ্ঠিত করো স্রুপ্তি। আত্মাকে জানা সর্বাপেক্ষা বড়ো কথা।’ বিজন বলে, ‘সমাজকে প্রতিষ্ঠিত করতে যদি নিজেকে বলি দেন, দাম আছে। প্রতিষ্ঠিত করার চেষ্টা ব্যর্থ এই পদ্ধতি, ধ্বংস-মুখী সমাজে। আত্মা বুঝিনে, নাস্তিক আমি, নাস্তিকও। সমাজকে জানা, জগতকে জানা, মানুষকে জানা, মানুষের কল্যাণকে জানা সব চেয়ে বড়ো কথা।’

ওদের ভেতরে রাত-দিন প্রভেদ।

—‘একটু বাজাই, স্রু। তুমি বরং একটু কাণ বুজাই থাক।’

—হ্যাঁ রে রেখা, আমি কি মানুষ নই?

—না, মেয়েমানুষ!

—আমার বুঝি মন ব’লে কোনো পদার্থ নেই?

—পদের অর্থ কে ব্যর্থ ক’রে দিয়েই তুমি অনর্থ ঘটায়। মন আছে হয়তো, কিন্তু বিমনা তুমি হ’তে পারো কৈ? নিজেকে ভুলতে যদি না পারো নাঝে মাঝে তবে ভুলতেও পারবে না। এই বাড়ী-ঘর-আসবাব-পত্র, এর উপদেশামৃত, এর আদর্শ তোমায় পিষে মেরে ফেলবে। তাইতো আমি সেতার বাজাই, কেউ শোনে না, তবু বাজাই একা একা।

ও-ঘর থেকে সেতারের আওয়াজ আসবে—‘ভরা বাদির, মাহ ভাদির।’

‘বিছাপতি কহে, কৈসে গোঞায়বি, হরি বিনে দিন-রাতিয়া।’



বর্ষা-অপ্ন

অজিত দত্ত

বর্ষণ-ঘন অঞ্জন দিন নির্মম এল ছুয়ারে
শুষ্কল পায়ে বন্দী হ'ল যে রাকা
বধনা শরে জর্জর তনু শাতনু তনয়ের
শরশয্যায় অন্তরখানি ঢাকা।

মহিত হায় করেছি আকাশ খুঁজিয়াছি পারিজাত,
পরাজিত আজ, সাধনার চিতা জ্বলে।
যজ্ঞের ঘোড়া ধরেছি একেলা, তুর্জয়ে অমুরাগ,
দুঃসহ রণ যুঝিয়াছি পলে পলে।

সন্ধানী তব বর্ষার ধারা বরষার ধারা সম
দুর্বল ক্ষীণ অন্তর-লোক ছায়।
দুঃখের তীরে নির্বাণ মহা, মৃত্যু আসিবে কবে
অম্বর তলে উত্তরায়ণ, •হায়!

ফাস্তুনী তব কটক শরে রক্ত হরেছ মোর
বক্ষের তলে তৃষ্ণার দাহ জ্বলে।
উদ্ধত বীর, অলকনন্দা আনো আনো তব শরে
পিয়াসা আমার মেটে কি ধরণী-জলে?

..



পুঞ্জী

ক্ষেত্রমোহন পুরকায়স্থ

চার

মৃত্যুঞ্জয়ের পেনশনার বন্ধ নিস্তারণ মিত্র লোক ছিল ভঁাসিয়ার। পাঁচশ টাকায় সব-জজি পদ থেকে অবসর গ্রহণ করলেও, দ্বিতীয় বার সংসার করে এবং আটটা পুত্র-কন্যার পিতা হয়ে আর্থিক হিসাবে খানিকটা বিহ্বল হয়ে পড়েছিল—বিশেষতঃ অধিক পেনশন থেকে নিয়ে দক্ষিণ কলিকাতায় একখানা বাড়ী তৈরী করবার পর। নিস্তারণ মৃত্যুঞ্জয়ের কন্যাকে স্নেহের চোখে দেখত না, অপরাধে সে মৈত্রীকে উড়ন-চণ্ডী মেয়ে বলেই উল্লেখ করত এবং সময়ে-অসময়েই মৈত্রীকেও তিতকথার আবরণে অনেক ভৎসনাই করত। কিন্তু প্রথম পক্ষের একমাত্র পুত্র নিখিল যখন ডেপুটী পদে নিযুক্ত হ'ল, মৃত্যুঞ্জয়ের পত্নী প্রমদাই তখন মৈত্রীর সঙ্গে নিখিলের সম্বন্ধ আনবার জন্তু ঔৎসুক্য জানাল। উল্লেখ মাত্রই সম্বন্ধটা নিস্তারণের মনঃপূত হ'ল। তার কারণ নিস্তারণ দেখল যে মৃত্যুঞ্জয়ের ব্যাঙ্কে যে আনুমানিক হাজার ত্রিশেক টাকা আছে, এই সম্বন্ধ হলে নিখিলই হবে কালক্রমে তার মালিক, কাজেই তার নিজের যা কিছু বিষয়-সম্পত্তি ছিল তা কেবল দ্বিতীয় পক্ষের তিন ছেলেরই মধ্যে ভাগ-বাটোরা করা চলবে। প্রমদা কিন্তু এসব কিছু না ভেবেই সম্বন্ধের প্রস্তাব করেছিল; নিখিলকে গর্ভে ধারণ না করলেও তার প্রতি প্রমদার স্নেহের কোন কার্পণ্য ছিল না। কথাটা উত্থাপনের পর নিস্তারণের বাড়ীতে একদিন সকল্য মৃত্যুঞ্জয়ের কিসের একটা উপলক্ষ্য করে নিমন্ত্রণ হ'ল। কিন্তু প্রমদা মৈত্রীকে দেখে খুব খুসী হল না, স্বামীকে ব'ল্ল “রংটা”ত ভালই, অসুখও কিছু বলে মনে হ'ল না। গায়ের গড়নেও মেয়েটা রোগা নয়, তবু যেন গায়ের মাংস কম এবং এবং মুখে লাবণ্য বলে কিছু নাই।”

কিন্তু নিস্তারণের সংসার বৃদ্ধি যখন এ সম্বন্ধে একবার সায় দিয়েছে, তখন স্ত্রীর মতের জন্তু সে পেছন ফেরবার লোক নয়। বিশেষতঃ অলক্ষ্যে নিস্তারণের একটা বন্ধ ধারণা ছিল যে প্রমদা যখন নিখিলের সৎমা, তখন এ বিয়েতে প্রমদার মত নেবার তেমন আবশ্যক নেই।

মৃত্যুঞ্জয় প্রস্তাবটা শুনে ব'ল্ল “ভাই, নিখিলত ছেলে খুবই ভাল এবং সে তোমার পুত্র, কাজেই আমার দিক থেকে এ সম্বন্ধে আপত্তি করবার কিছুই নাই। কিন্তু বুঝ'চত নিস্তারণ——”

কথাটা শেষ করতে না দিয়ে নিস্তারণ ব'ল্ল “আরে ভাই, সে সব কথা কিছু নয়। ও ছেড়ে দাও। হাঃ হাঃ, বুঝলে মৃত্যুন, এ কেবল পায়রার জোড়, একবার করে দিলেই হ'ল। ভুলে গেছ বুঝি Tennysonএর লাইন কয়টা,—“In the spring a fuller crimson comes upon the robin's breast”

“তার জন্মেই নিস্তারণ মেয়েছেলের নিজস্ব মতামতের উপর বিবাহটা নির্ভর করছে বেশী।”

“হাঃ হাঃ ভায়া, ও সব বাজে। ভেবে দেখনা এ শর্মার কথাটা। ‘এই নিখিলের মার যখন মৃত্যু হয় তখন আমি বহরমপুরে—বহরমপুরে তখন তুমিও ছিলে হে—মনে নেই সেখানে Egerton সাহেব Session Judge ছিল, ব্যাটা আমায় একদিন খাস্ কামরায় বলেছিল “Nistaran Babu don’t split your infinitives in your Judgement”, ব্যাটা কত মন দিয়ে আমার রায় সব পড়ত, হাঃ হাঃ। ও যা তোমায় বলতে যাচ্ছিলাম সেখানে শ্রাদ্ধের পর কাজে হাজির হতেই হলধর বাবু Government Pleader এর বাড়ীতে গিন্নীকে একদিন খাবার দিতে দেখেছিলাম। হাঃ হাঃ, ও সব কিছু নয় ভায়া, “In the spring a livelier iris changes on the furnished dove.”

অনেক আলোচনার পর ঠিক হল যে তখন থেকে সপ্তাহ দুই প্রায়ই নিখিল মৃত্যুঞ্জয়ের কাছে Indian Penal Code পড়তে আসবে। নিস্তারণ বন্ধুকে এই বলে আশ্বস্ত করে বিদায় নিল যে দিন তিনেকের মধ্যেই কছার বে-আইনী অনুরাগে পিতার আইন্ অধ্যাপনা বন্ধ করতে হবে। ফলে হ’ল তাই।

নিস্তারণের প্ল্যান মাই থাকুক, মৃত্যুঞ্জয় কছাাকে নিখিলের অধ্যয়ন-অনুরাগের নিভৃত কারণটা খোলা-খুলি ব্যক্ত না করে পারলো না। সে না পারা ছিল মৃত্যুঞ্জয়ের পক্ষে নিতান্ত অসম্ভব। কারণ পিতা-পুত্রীর মধ্যে যে একান্ত মানসিক ব্যবধানহীন বন্ধু-স্বলভ নৈকট্য ছিল, তাতে নিখিলের অধ্যয়ন-অনুরাগের মূখ্য কারণটা কছার নিকট ছ’দিন পর্যন্ত অব্যক্ত রাখতে মৃত্যুঞ্জয়ের দ্বিধাগ্রস্ত প্রাণের বেদনা অসহ্য হয়ে উঠল, তৃতীয় দিন বিকালে চা’য়ের টেবিলে পিতার মুখ খুলে গেল—মৃত্যুঞ্জয় কাতরভাবে মৈত্রীকে বল্ল, “জান মা, একটা কথা তোমাকে বলা হয় নি’। এই নিখিল ছেলেটা যে রোজ ক’দিন ধরে আমার কাছে আইন্ পড়তে আসছে তার সঙ্গে ওর বাবা তোমার সম্বন্ধ আনতে চান”।

মৈত্রীর সামনের চায়ের পেয়ালা হাত লেগে পড়ে গিয়ে টেবিলে বিজ্ঞান চাদরটাকে আর্জ করে দিল; তাঁর চোখে একটা রোষের দীপ্তি খেলতে লাগল; মুখটাকে বিকৃত করে সে উত্তেজিত কণ্ঠে বলে উঠল “কি আশ্চর্য, তুমি এই বড়বন্ধে সায় দিলে এবং আমার কাছে ষোলবার জন্ত ছেলেটাকে রোজ রোজ বসে বসে কষ্ট করে পড়াচ্ছ?”

“আমি শু তাই তোমায় বলেই দিলুম মা।”

“এ বলার মূল্য কি হল? বিয়ে যখন আমি করব না, তখন ছেলেটা সপ্তাহ কেন, বছর খানিক ধরে তোমার ওখানে আনাগোনা কল্লোও কিছু হবে না। আশুক না যত খুসী।

কিন্তু তুমি ত আমায় না জানিয়ে এ ষড়যন্ত্র পাকাত্তে বসেছিলে! আশ্চর্য তোমার ব্যবহার—কি যে তুমি করছ কিছুদিন থেকে আমার সব ব্যাপারে, আমি বুঝিতে পারি না। এমন ধারা তুমি ত ছিলে না?”

মৃত্যুঞ্জয় কথা না বলে চা খেতে লাগল এবং মৈত্রী টিপটে আর গরম জল না দেখতে পেয়ে চাকরকে ডেকে ধমকাত্তে লাগল এবং পরে গরম জল আনিয়া পেয়ালায় চা ঢেলে নিঃশব্দে পান করতে লাগল। মিনিট দুই পিতা-পুত্রী কোন কথাই বলল না, পরে মৃত্যুঞ্জয় একটু কেশে বলল “মৈত্রী তুই ভুল বুঝেছিস, আমার ত কোন ষড়যন্ত্র করার অভিপ্রায় ছিল না।”

“তুমি আমার কথায় বাথা পেয়েনা। তুমিই আমায় শিখিয়েছ লুকোচুরিকে যেমন করতে, তাই আমি আজ সইতে পাচ্ছি না যদি তুমি আমার কাছে আমার সম্বন্ধে কোন কথা চেপে যাও।”

“তা যা হবার তা হয়ে গেছে। এখন বাপু তোর যা ইচ্ছা নিখিল সম্বন্ধে তুই তা করিস।”

“আমি আবার ওর সম্বন্ধে কি করব—”

এমন সময় শ্রীমন্ত ঘরে ঢুকল এবং শিষ্টাচারান্তে একটা চোকিতে বসে মৈত্রীকে বলল “কি গো মৈত্রী, বড্ড উত্তেজিত মনে হচ্ছে যেন?” মৈত্রী উত্তর দিল “কিছু না।”

মৃত্যুঞ্জয় কথায় যোগ না দিয়ে ঈষৎ হাসতে লাগল। আলোচনা পাছে বন্ধ হয়ে থাকে এই ভেবে শ্রীমন্ত বলল “তোমার লজ্জিত বোধ করবার কিছু নেই মৈত্রী। আমি মনে করি যে মেয়েদের উত্তেজনাই হল তাঁদের প্রাণ-স্ফূর্তি। মেয়েদের প্রকাশ-ক্ষমতা আছে বলেই তাঁরা হাসেন বেশী, কাঁদেন বেশী, চটেন বেশী—কুলু কুলু কুলু নদীর স্রোতের মত—রবীন্দ্রনাথের সেই কবিতাট মনে নেই।”

মৈত্রী গম্ভীরভাবে জবাব দিল “কোনটা ঠিক কোনটা বেঠিক সেটা বুঝুনগে আপনি কবিতা পড়ে। আমার কাছে কবিতার স্নাফাই গাইবেন না।” বলে অধোচ্চারিত স্বরে আপন মনে মৈত্রী বলল “রবীন্দ্রনাথের কবিতা!”

শ্রী—তুমি বেজায় উত্তেজিত হয়ে আছ। ভালই, কিন্তু সেটাকে দমন করে ভাল করছো না। আমি না হয় উঠি তুমি যা বলচিলে তাই বল।

মৃ—হ্যাঁ, মৈত্রী আমার একটা—কি গো মা সেটা বলো শ্রীমন্তকে?

মৈ—তোমার ইচ্ছা হলে বল না। আমার কি এসে যায় বললে।

মৃ—জানলে শ্রীমন্ত, আমাদের এই নিস্তারণ বাবুর বড় ছেলেটী—এর যে—

শ্রী—নিখিল, এই গেল সপ্তাহে ডেপুটী হল।

মৃ—হ্যাঁ, সেই। কি বলছিলাম—এই যে ছেলেটী, নিস্তারণের ইচ্ছা যে মৈত্রীর সঙ্গে তাঁর বিয়ে

হয়। তাইতে—

মৈ—ওর কাছে আইন পড়বার ভাগ করে আমার সঙ্গে ঘেষতে আসছে এ কদিন থেকে এবং বাবা আমাকে সেটা আজ বলছেন খুলে। বেহায়াপনার রকম দেখুন না এবং হয়েছে সেটা বাবার জানা সম্বন্ধে। উত্তেজিত হয়েছি কি শুধু শুধু ?

শ্রী—শুধু শুধু হও নাই বলে কেন মিথ্যামিথি তোমার উত্তেজনার ত্রায়াতা প্রমাণ করছ, মৈত্রী।
(খানিক থেমে) তবে ঘটক মারফত সম্বন্ধ ঠিক করার চাইতে আইন-অধ্যয়নের মারফতে ছেলে-মেয়ের জানাশোনা হয়ে বিয়ে হওয়া অনেক প্রশংসনীয় নয় কি ? এর বোধ হয়——”

মৈত্রী শ্রীমন্তকে কথা শেষ করতে না দিয়েই বলল, আপনি থামুন ত, এ সব হিতকথা আপনি আপনার ক্লাসের ছেলে এবং মেয়েদের জন্য নোট-বকে টুকে রাখুন গে।”

শ্রী—এ তোমার অত্যায়া মৈত্রী। সবার সব কথার সঙ্গে সব-সময়ে মত মেলেনা জানি। তুমি বললেই পার যে আমার সঙ্গে তোমার মত মিলবে না কিন্তু তা না করে তুমি আমায় থামতে বলবে কেন ?

মৃ—আঃ আঃ——

শ্রী—(হেসে) আপনি ওসব কথা কানে তুলবেন না।

মৈ—আপনি কথা কইবেন গোড়ায়ই ভুল করে। যাচিয়ে দেখবেন যে কি রকম বিয়ের সম্বন্ধটা ভাল এবং বলবেন সে কথা আমার কাছে যার বিয়ের সম্বন্ধে কোন ভাবনাই নাই। তবে আপনাকে না থামিয়ে কি করি বলুন ? কথাগুলো ত শুধু শোনবার জিনিষ নয় ; না-সইবারও ত জিনিষ বটে।

শ্রী—অবাক করলে মৈত্রী। তোমার কথা শুনবার মত সহিষ্ণুতাও নাই। সত্যি তোমরা মেয়েরা বড্ড অহুদার।

মৈ—আপনি আবার জ্যামিতির থিওরেম আওড়াতে শুরু করলেন মেয়েরা এই, মেয়েরা অই।
এতে ওঁদার্য রাখতে আমি পারি না।

মৃ—মিতি তুমি আলোচনা কর, অসহিষ্ণু হয়ে পড় কেন ?

মৈ—বাবা কি যে বল ? আলোচনা করতে বুদ্ধি দিয়ে বিচার করতে আমি ত পেছোই না—তোমরাই পেছোয়। তুমি রাখতে চাও সব কিছুর ভিতর তুমি যাকে বল সময়, শ্রীমন্তবাবু দেখতে চান সব কিছুর ভিতর ব্যক্তিগত আদর্শের প্রভাব। তোমরাই ত বুদ্ধির পিজ্জরা খুলে দিতে চাও না, চাও তাকে একটা-না-একটা শিকুলি দিয়ে এঁটে দিতে।”

শ্রী—আচ্ছা মৈত্রী, ধরে নেওয়া যাক যে মেয়েদের বা ছেলেদের সম্বন্ধে সাধারণ ভাবে আমার কথাগুলো অত্যায়া কিংবা ধর নিখিলের আইন পড়ার ভান করে তোমাদের বাড়ীতে আসা তুমি পছন্দ কর না। তা নাই বা করলে কিন্তু তাতে তুমি ক্ষুব্ধ হয়ে ওঠো কেন ?

অজ্ঞানের প্রতি, অস্থায়ের প্রতি, অসুন্দরের প্রতি তোমরা মার্জনা নাই কেন? মৈত্রী প্রথমটা উত্তর না দিয়ে আস্তে আস্তে বলল “দেখুন, এটা আমার স্বভাবে নাই। আমার পছন্দের বাইরের যে জগৎ, সে আমার শত্রু-জগৎ। আপনার মত আমি বলতে পারব না যে স্ত্রীপুরুষের প্রত্যেকেরই আছে বিভিন্ন জগৎ। আমি বুদ্ধি দিয়ে যে কাজকে সমর্থন করতে পারব না, তাকে আমি ভৎসনা করব, শিকার দেব, বলব না “আমার ত ভাল লাগে না, তবে তুমি দেখ ভেবে।” এ প্রকার ঔদার্য আমার নাই এবং নাই বলেই আমার গর্ষ?

স্ত্রী—তা হলে ত বাপু তোমার অনেক বই পড়াই চলে না। Goneril এর চরিত্র কেউ ত বরদাস্ত করতে পারে না, তা হলে তোমার মতে কারো ত King Lear পড়া অসম্ভব।

মৈ—নিশ্চয়ই অসম্ভব—King Lear না হলেও অনেক বই ত বটেই। তাই ত আমি আপনাদের রবীন্দ্রনাথের “শেষের কবিতা” পড়ে রাগের মাথায় এক জনার বইখানাই ছিড়ে ফেলেছিলাম।

স্ত্রী—কেন, কবির এই ছুরদৃষ্টির কারণ কি?

মৈ—ছুরদৃষ্ট ত কোন লেখকের নয়, ছুরদৃষ্ট তাঁদের যারা খেটে বই পড়তে চান।

স্ত্রী—তা যেন হল। কিন্তু “শেষের কবিতার” অপরাধ।

মৈ—অপরাধ এই যে সেখানে “লাবণ্য” বলে যে মেয়েটী তার অদ্বুত আচরণ দেখে। বইখানাকে কবিতা বলে ভালই করা হয়েছে। সোজা করে যে কথা বললে সবাই ওর মুখে ছাই দিত, “লাবণ্য” সেটাকে কবিতার আশ্রয় দিয়ে “কালের যাত্রার ধ্বনির” মধ্যে তা আপনাদের কিছুই বুঝতে দিলে না। যাক্গে বেশী নিন্দায় কাজ নেই, আপনি হয়ত এর মধ্যেই কাণ ঢেকে বসে আছেন?

মৈত্রী খুব বেশী মিথ্যা বলে নি। কারণ শ্রীমন্তের তর্ক-শক্তি হঠাৎ যেন স্তম্ভ হয়ে এল।

আরো পাঁচ সাত মিনিট অগ্ৰ ছুঁচর কথার পর সে সে-রাত্রির মত পিতা-পুত্রী কাছে বিদায় নিল।

মৃত্যুঞ্জয় সে রাত্রিতে শিরঃপীড়ার অজুহাতে আইন-অধ্যাপনার হাত থেকে মুক্তিলাভ করল। পরদিন নিস্তারণের নিকট ব্যাপারটা খুলে বলাতে সে বলল “মৃত্যু, তুমি কষ্টকে যা ভয় পাও, আমরা বাড়ীতে দ্বিতীয় পক্ষের পরিবারকে তত ভয় পাই না। তা হোকগে, নিখিলের কিছু হবে না, তুমিই বুদ্ধির দোষে ডেপুটী-জামাই হারালে। ডেপুটী-ছেলে, সে কি সোজা হে মৃত্যু। এই এক রোখা মেয়েটিকে নিয়ে কষ্ট পাবে ভায়া। তুমি আর কদিন। বুঝ না মেয়েটার ত একটা আশ্রয় চাই।”

মৃত্যুঞ্জয় কোন কথাই না বলে নিস্তারণের উপদেশ গলাধঃকরণ করে গেল। নিস্তারণ এমন ইজিতও করলো যে মৈত্রী হয়ত বা বিপ্লবীদের পাল্লায় পড়েছে। কথাটা মৃত্যুঞ্জয় কানে তুলল না।

পাঁচ

হেমবালার প্রস্তাব মত মৃত্যুঞ্জয়ের সঙ্গে তাঁর সাক্ষাত হবার ব্যবস্থা হ'ল। সাক্ষাতের নিগূঢ় অভিপ্রায় ছিল মৃত্যুঞ্জয়ের সঙ্গে নিস্তারণের হৃদ্যতার সুযোগ নিয়ে নিখিলের জীবন-বীমার প্রতিশ্রুতি গ্রহণ করা। হেম-বালা কিন্তু মৃত্যুঞ্জয়ের সঙ্গে আলাপ করে দেখল এ পথে বিঘ্ন বহু। প্রাথমিক শিষ্টাচারের অবসান হ'লে এবং মৈত্রী কোন কারণে বসবার ঘর থেকে উঠে গেলেই হেমবালা বলল, “আপনার কাছে আমার আসার বিশেষ দরকার হ'ল মৈত্রীর বিয়ের একটা সম্বন্ধ। আমার ত ছেলেটাকে খুবই ভাল লাগে এবং কিরীটের কাছে আপনার কণ্ঠা যতটুকু শুনেছি, তা'তে মনে হয় আপনি বোধ হয় রেজিস্ট্রী বিয়েতে আপত্তি করবেন না। শৈবাল চাটুয্যে ছেলেটির নাম আপনি শুনেচেন কি—হালে ষ্টোরস্ ডিপার্টমেন্টে ৫০০ মাসিনার কাজ পেয়েছে।”

মৃত্যুঞ্জয় উত্তর দিল “ছেলেটা খুবই ভাল বলে মনে হচ্ছে। তবে কি জানেন মেয়ে আমার বিয়ে কত্তে রাজি হচ্ছে না।”

“তা হবে নিশ্চয়। আপনি ওর জন্ত কিছু ভাববেন না। আমার বাড়ীতে সেদিন মৈত্রী শৈবালকে দেখেছেও। আর কি জানেন, মেয়েদের বিয়ের ব্যাপার মেয়েরাই বুঝতে ও বাবাকে পারে।”

“আমার একান্ত ধারণা যে মৈত্রীকে এখন বিয়েতে রাজি করাতে পারব না। এই দেখুন না আমার বন্ধু নিস্তারণ মিত্র—”

“—যার ছেলে হালে ডেপুটি হ'ল না।”

“হ্যাঁ তিনিই বটে এবং সেই ছেলেটির সঙ্গেই বিয়ের জন্ত নিস্তারণ সম্বন্ধ এনেছিলেন। কিন্তু হলে কি হবে? মেয়েতো সম্বন্ধ এগোতে দিলেই না, তা ছাড়া মেয়ের ব্যবহারে নিস্তারণও আমার উপর খানিকটা বিরক্ত ও বোধহয় ক্রুদ্ধ হয়েছেন।”

হেমবালা অত্যন্ত ভাবে বলল “তাই না কি।” খানিকক্ষণ চুপ থেকে বলল “আচ্ছা আপনার যদি নিখিলের সঙ্গে সম্বন্ধ চালাবারই বেশী আগ্রহ হয়—তা ছাড়া ও বিয়েতে অসবর্ণ বিয়ে ও হবে না—বাস্ তাই করুন। আমায় না হয় আপনি একদিন নিস্তারণ বাবুর বাড়ীতে নিয়ে যান, এদিকে আমি মৈত্রীকে নেড়ে দেখে বখান। (স্মিত মুখে) আসল কথা আমি চাই মৈত্রীর বিয়েটা হোক। চমৎকার আপনার এই মেয়েটা।”

মৃত্যুঞ্জয় রাজি হল না। কিন্তু অনেক কথার পর শেষ পর্যন্ত মৃত্যুঞ্জয়ের আপত্তি ও হেমবালার মৈত্রী-অমুরাগের রফা হল এই করে—যে শৈবাল চাটুয্যের সঙ্গেও ত নিস্তারণ তাঁর কোন কন্ঠার সম্বন্ধ কত্তে পারে কাজেই হেমবালাকে নিস্তারণের সঙ্গে পরিচিত করে দেওয়া হবে। নির্দিষ্ট অপরাহ্নে হেমবালা মৃত্যুঞ্জয়ের সঙ্গে গিয়ে প্রথমে প্রমদা এবং পরে নিস্তারণের সঙ্গে

কথা তুলবার সুযোগ পেল। শিষ্টাচারী মৃত্যুঞ্জয় কিছুদিনের মত হেমবালার মৈত্রী-অনুরাগের হাত থেকে পরিত্রাণ পেল।

বলা বাহুল্য যে কিরীট নিজে অনুচর সহোদরার ব্যবসায়-চাতুর্ঘ্যটা মোটেই প্রশংসা করত না। এতে তার আর্থিক সাহায্য হ'ত খুবই কিন্তু কিরীট আর্থিক সচ্ছলতাকেই জীবনে সবচাইতে কাম্য বলে মনে করত না। এ নিয়ে ভাই-বোনে মনাস্তুর ও মতান্তর হ'ত প্রায়ই কিন্তু হেমবালা ও তার চরিত্র বদলাত না কিংবা কিরীটও দিদির প্রগাঢ় স্নেহকে উপেক্ষা করে চলতে পারতো না।

নিখিলের ল্যান্ডাউন রোডের বাড়ীতে আইন-চর্চা অবসানের প্রায় সপ্তাহ দুই পরে মৃত্যুঞ্জয় সত্য-সত্যি একদিন সামান্য জ্বরে আক্রান্ত হলেন; কাজেই সেদিন সন্ধ্যায় যখন কিরীট ও শ্রীমন্ত বোসেদের বাড়ীর সান্দ্য-বেঠকে হাজির হ'ল তখন মৃত্যুঞ্জয় গল্প-আলোচনায় যোগ দিতে পারলো না। শ্রীমন্ত, মৈত্রী ও কিরীটের সঙ্গে শোবার ঘর থেকে ফিরে এসেই বলল “এখন আমি পালাই”। পরের মুহূর্তে কিরীটের দিকে ফিরে সে বলল “কি বল হে কিরীট, আমাদের এখন সরে পড়াই উচিত, নয় কি?”

কিরীট কিছু জবাব দিবার আগেই মৈত্রী বললো “কেন বসুন না। অসুখ হ'লে বাবা কাকুরই কাছে থাকা পছন্দ করেন না। কিরীটবাবু'ত এলেন আজ প্রায় সপ্তাহ খানিক বাদে।”

শ্রী—তাইত হে কিরীট, তোমার আজকাল দেখা পাওয়া শক্ত হয়ে উঠেছে। গেল শনিবারে নাকি আমাদের ওখানে তোমার আমার কথা ছিল কিন্তু তোমার'ত টিকিও দেখা গেল না।

মৈ—বসুন আপনারা, বসেই কথা বলুন।

আগন্তুকদের সঙ্গে সঙ্গে মৈত্রী ও একটা চৌকি টেনে বসল।

শ্রী—তাইত তোমার ব্যাপার কি?

কি—ব্যাপার আর কি—সবারই যা আমারও তাই। দিদি দিব্যি কেইন্স আন্টে, ভাবটি এবার বেঁধা করি।

শ্রী—চমৎকার খবর, চমৎকার।

মৈ—চমৎকারটা কিসে হল বুঝতে পারলাম না।

শ্রী—বিয়েটাও জীবনের একটা পরীক্ষা এনে দেয়—অন্ততঃ অনেকেই পক্ষে—অন্ততঃ এই আমার ধারণা। কিরীটের এটা এতদিন অর্ঘ ছিল—এখন পূর্ণ হবে।

মৈ—কি যে বলেন আপনি শ্রীমন্ত বাবু?

শ্রী—কি অশোভন কথাটা বললাম মৈত্রী?

মৈ—দিদি আনবে কেইসু এবং সেই ভরসার উপর উনি কোরবেন বিয়ে ? আপনি এ উপহাসটা বুঝতে পারলেন না ?

কি—উপহাস নয় বলছি মৈত্রী ।

মৈ—একশ বার ।

শ্রী—কি মুন্সিল, ও বলছে নয়, তবু তুমি জোর করে ওর মনের ভাবার্থ করবে ।

মৈ—দিদির অর্থের উপর নির্ভর করে কোন ভাই বিয়ে করে না । কিরীট বাবু নিছক ধোঁকা দিচ্ছেন ।

কি—অর্থার্জনটাকে অত বড় করে দেখচ কেন মৈত্রী ? দিদির অর্থে ভাই অর্থী হতে পারে, পিতার অর্থে কন্যা অর্থী হতে পারে ।

কথাটা শোনামাত্র মৈত্রীর মুখ রক্তিম হ'য়ে উঠল ? কিরীট বুঝল যে ওর কথাগুলোর ঘা গিয়ে কোথায় লেগেছে কিন্তু কোন প্রকার মার্জনা না চেয়ে সে চুপ করে রইল । মৈত্রীও নিজেকে সামলিয়ে নিয়ে বল্ল “কথাটা হয়ত ঠিকই বলেচেন, তবে —”

শ্রীমন্ত বাধা দিয়ে, বল্ল “দেখ মৈত্রী, তোমার বোধহয় বাবার কাছে গিয়ে বসলে ভাল হ'ত ।”

মৈ—বল্লম না আপনাকে যে উনি অসুখের সময় কারো পাশে বসা পছন্দ করেন না ।

কি—শক্ত রোগে, শ্রীমন্ত, রোগীর সেবা পাওয়া যত আবশ্যক, অল্প রোগে নির্ভরশীল না হওয়া তার চাইতে বেশী দরকার ।

মৈ—অতি খাঁটি কথা । কিন্তু এটা মুখ ফুটে বলবার কি যো আছে । শ্রীমন্ত বাবুর নিশ্চয়ই এ কথাগুলো মনঃপুত হচ্ছে না ।

শ্রী—তোমার আদর্শের ব্যাখ্যা তুমি করলে, আমি তাই শুনে গেলাম । সে যাই হোক, আমি এখন পালাই । তুমি তোমার বাবার সেবা করতে যাও আর নাই যাও ।

বলে দ্রুতপদে শ্রীমন্ত ঘরের বাইরে চলে এল । মৈত্রী এই আকস্মিক অপসারণে খানিকটা অপ্রতিভ হয়ে চুপ করে রইল । কিরীট বল্ল “আচ্ছা মৈত্রী, তুমিকি সত্যি মনে কর যে দিদির অর্থে বয়ঃপ্রাপ্ত ভা'য়ের পুষ্টি হওয়া অনুচিত ?”

“অনুচিত বলে অনুচিত, হাজারবার অনুচিত । কিন্তু আপনি আজ থামুন ত । আমি বাবার জরটা এখন কত দেখিগে” বলে মৈত্রী উত্তরের অপেক্ষা না করেই তাড়াতাড়ি ঘর থেকে বেরিয়ে গেল । কিরীট মুখের অর্ধ-ফুট হাসি চেপে রাস্তায় বেরিয়ে পড়ল ।

(ক্রমশঃ)

নবযৌবনা

নির্মলচন্দ্র চট্টোপাধ্যায়

কোমল অধরে তব স্পর্শ কামনার
কমনীয়, নয়নের নীলাভ অঞ্জে
বেদনা আভাস মাখা, নবীন যৌবনে
সহসা স্তম্ভিত যেন জাগর জোয়ার ;
সঘন নিশ্বাসে ভাসে বসন্তসখার
সুরভিত ভস্মরেণু অদৃশ্য-গোপনে ।
ভিতর বাহির ভরি' তোমার ভুবনে
নিয়ত নিগূঢ় কোন্ ভাবনা সঞ্চার !
মনের মধুকবনে বঁধুয়ার তরে
মুকুতার মালা গাঁথা অসমাপ্ত পড়ি' .
ক্ষুদ্র অভিমান ভরে ; পত্রমরমরে
সলাজ হৃদয় আজ ওঠে নাকো নড়ি ।
যৌবনউদ্বেল তব জীবনে সুন্দরী
বেদনামধুর একী শোভা মরি মরি ॥



হিটলার ও ষ্টালিন এবং মানব সমাজের ভবিষ্যৎ

সমর গুহ

সর্বগ্রাসী-মহাসমরের প্রথমাংকের অবসান হয়েছে। এবার দ্বিতীয় অংকের পালা। প্রথমাংকের নায়ক ছিলেন চার্লিস ও হিটলার। পটপরিবর্তনের দ্বিতীয় পর্যায়ে এসে যোগ দিয়েছেন ষ্টালিন। সম্ভবত এ মহানাতকের যবনিকা টানবেন চার্লিস ও তার মিত্র রুজভেল্ট নন, অস্তু কেউ—তারা হলেন—হিটলার ও ষ্টালিন।

সমগ্র মানবসমাজের ভাগ্য, তাদের শাস্তি ও স্বস্তি নির্ভর করেছে এই দুই বিশিষ্ট মানবের উপর। আগামী কালের মানবেতিহাসের সভ্যতা ও সংস্কৃতির রূপায়নের কৌশলী হলেন এরা। উৎকর্ষচিন্তে সমগ্র মানবসমাজ তাই এদের দিকে তাকিয়ে রয়েছে এরা কি করবেন? সমাজকে, সভ্যতাকে কোন পথে নিয়ে যাবেন? ক্লিষ্ট সমাজের আবদ্ধ কারাগার হ'তে কি এরা মুমূর্ষু মানবাত্মাকে মুক্তি দেবেন? উদ্দেশ্যহীন দিক্‌ভ্রান্ত মানবজীবনকে শত-সহস্রদলে সঞ্জীবিত করে তুলবেন—না আরো বিকৃত আরো কুৎসিত করে তুলবেন?

বিচিত্র এই দুই ডিক্টেটরের চরিত্র। মানব-চরিত্রের বিশিষ্ট কতকগুলি বৃত্তির অভাব সত্ত্বেও, এ কথা আজ অপকটে স্বীকার করা যায়, যে জার্মানী ও রাশিয়ার জনসাধারণ হিটলার ও ষ্টালিনকে জাতীয়তার অগ্রদূত বলে মেনে নিয়েছে। নিজস্ব প্রতিভা ও যুগধর্মের তাগিদই তাদের অবিসম্বাদী নেতৃত্বের মূল কথা।

হিটলার জার্মানীর জাতীয় সমস্যা যথাযথ নির্ধারণ করেছিলেন। সে সমস্যা সমাধানের প্রয়াসই হিটলারের অভ্যুত্থানের গোড়ার কথা। ১৯১৮ সালের পর্যুদস্ত জার্মানীর অস্থিমজ্জায় পরাজয়ের গ্রানিমা বিযাক্ত রক্তের মত জমে উঠছিল। সেই বিযাক্ত রক্তের অসহ্য যন্ত্রণায় সমস্ত জাতি হয়েছিল অস্থির। এ রোগযন্ত্রণার প্রতিশোধক জানা ছিল একমাত্র হিটলারের। তাই হিটলার সমস্ত জনসাধারণকে ভাসাই সন্ধির বিরুদ্ধে ক্ষেপিয়ে তোলার মন্ত্র দিয়েছিলেন। কোন এক লেখক সত্যই বলেছেন—“Hitler is the creation of Versailles Treaty.” হিটলারের নেতৃত্ব প্রতিষ্ঠার দ্বিতীয় কারণ হয়েছে, জার্মান ভাষাভাষীদের একরাষ্ট্রের আওতায় আনবার প্রয়াস। ভাসাই সন্ধির ফলে জার্মান জাতি ছিন্ন-বিছিন্ন হয়ে পড়েছিল। এই বিচ্ছিন্ন অংশগুলি—রাইনলাণ্ড, অস্ট্রিয়া, পশ্চিম চেকোস্লোভাকিয়া ও পোলিশ করিডরের (corridor) অংশগুলিকে একই রাষ্ট্রের অধীনে এনে পুরোপুরি একটি জার্মান রাষ্ট্র প্রতিষ্ঠার ভবিষ্যৎ ছবি, তিনি এমনভাবে জার্মান

জনসাধারণের কাছে তুলে ধরেছিলেন, যে সমস্ত জার্মান জাতি এই নূতন রাষ্ট্র প্রতিষ্ঠার স্বপ্নে বিভোর হয়ে হিটলারের পেছনে সার বেঁধে দাঁড়িয়েছিল। অবশ্য ব্যাংকার—(Fritz Thyssen) ফ্রিৎস থাইসেন ও বৃদ্ধ প্রেসিডেন্ট হিগেনবুর্গের সমর্থনও হিটলারের ক্ষমতালভে অনেক সাহায্য করেছিল। কিন্তু অভীষ্ট ক্ষমতা লাভে হিটলার জার্মানীর আভ্যন্তরীণ দলাদলির পূর্ণ সুযোগ গ্রহণ করেছিলেন। স্যোসিয়েলিষ্ট, কমুনিষ্ট, রিপাব্লিকান ইত্যাদি দলগুলি রাষ্ট্রক্ষমতা অধিকার করবার জন্য পরস্পর যুঝেছে অনেক কিন্তু জার্মানীর সমসাময়িক সমস্তার সংগে তাল রেখে, সমগ্রজাতির সমস্তার সমাধানের কোন নূতন সঙ্কল্প দিতে পারেনি। মতবাদের গোড়ামীতে এদের পেয়ে বসেছিল। দেশের সমস্তা সমাধান অপেক্ষা মতবাদের প্রতিষ্ঠার দিকেই এদের ঝোঁক ছিল বেশী, তাই সংখ্যান্ব হয়েও হিটলারের অনুগামীরা অল্পকালের মধ্যেই জার্মানীতে সর্বসর্বা হয়ে উঠেছিলেন কারণ তার মতবাদ ও কর্মপন্থার সংগে জাতির নাড়ীর যোগ ছিল।

হিটলার, সাময়িকভাবে জার্মানীর জাতীয় সমস্তার সমাধান করেছেন সন্দেহ নাই, কিন্তু সমস্তা সমাধানে এমন কতকগুলি প্রগতিবিরোধী, রাষ্ট্রিক ও আর্থিক মতবাদ এবং বংশগত আভিজাত্যের প্রশ্রয় দিয়েছেন, যে জার্মান জনসাধারণ সম্বন্ধেই, এই মতবাদ মারাত্মক হোয়েছে যা সমগ্র বিশ্বের শান্তি ও সংহতি বিনষ্টকারী হোতে বাধ্য। ধনতান্ত্রিক রাষ্ট্রগুলিতে, ধনতন্ত্র-বাদের উগ্রতায় যখন গণ আন্দোলন সমাজতান্ত্রিক আকারে দানা বেঁধে উঠেছে এবং নবজাগ্রত জনশক্তির চাপে তথাকথিত গণতন্ত্রী মার্ক্স, পার্লামেন্টারী সরকারের সহায়ে অগণিত গণসমাজকে শাসন ও শোষণ যখন প্রায় অসম্ভব হয়ে পড়েছে, তখন হিটলারের এই নূতন মতবাদ ধনতান্ত্রিকদের শেষ আশ্রয় স্থল হয়ে উঠলো। রাষ্ট্রনিয়ন্ত্রণ সম্বন্ধে হিটলারের মতবাদ 'Fuhrer Prinzip' নামে পরিচিত। এই মতবাদে গণতন্ত্রের মূলোৎপাটন করা হয়েছে। রাষ্ট্র তথা নেতাই হলেন একচ্ছত্র অধিপতি। এই স্বৈরাচারী শাসনে জনসাধারণের মতামত খাটানোর কোন অধিকার নাই। জনসাধারণ প্রতিবাদ বা মতামত জানাবে না, নিরুত্তরে শুধু রাষ্ট্রের আদেশ মানবে। এক কথায় এই মতবাদে জনসাধারণের স্বাধীন মতামত জ্ঞাপনের সুযোগকে সম্পূর্ণরূপে অস্বীকার করা হয়েছে। অর্থনীতির ক্ষেত্রে এই মতবাদ আরো মারাত্মক। এই মতবাদে ব্যক্তিভিত্তিকে স্বীকার করে, ধনতান্ত্রিক উৎপাদন, বণ্টন ও শোষণের উপায়কে মেনে নেওয়া হয়েছে। রাষ্ট্রের স্বৈরাচারিতায় ব্যক্তি-প্রভুত্ব আংশিকভাবে ক্ষুণ্ণ হয়েছে সত্য, তথাপি বিলিয়মান ধনতন্ত্রের শেষ এবং সাময়িক নিশ্চিত আশ্রয়স্থল লাভের তুলনায়, এ ক্ষতি স্থিত-স্বার্থবাদী ধনতান্ত্রিকদের নিকট অনেকটা সহনীয়। তাই হিটলার কেবলমাত্র জার্মানীর ধনতান্ত্রিকদের সমর্থন ও আনুগত্য নয় পৃথিবীর অন্যান্য রাষ্ট্রের ধনিকদের সহানুভূতি আকর্ষণেও কৃতকার্য হয়েছেন। এই রাষ্ট্রিক এবং আর্থিক মতবাদের ফলে, জার্মানীতে কোন গণআন্দোলন বা দল গঠনের অধিকারই



জনসাধারণের নাই। তাই সরকারী চাপে বিরুদ্ধবাদী দলগুলিকে রুঢ়ভাবে দমন করা হয়েছে। জাতীয় কোলিনোর যে বুলি আমদানী করা হয়েছে (Racial superiority) তার একমাত্র পরিণতি হবে—অপেক্ষাকৃত আপাত্তেজ্য জাতিগুলির উপর অধিকার লিপ্সায় জাতিতে জাতিতে কৌন্দল।

জার্মাণি ও ইটালী এই দুই দেশে একই মত—আকারে বিভিন্ন হলেও প্রকারে এক। এই মতবাদ মুসোলিনির কথায়, 'anticipates the solution of a universal problem, which elsewhere have to be settled in the political field by the rivalry of parties, the excessive power of parliamentary regime, and the irresponsibility of political assemblies'.....বিশ্বসমস্যা সমাধানের দাবী করে। পৃথিবীর অন্যান্য রাষ্ট্রে ক্ষয়িষ্ণু বণিকতন্ত্র বা সাম্রাজ্যবাদীগণ, এই নূতন মতবাদে আসন্ন মৃত্যুর হাত থেকে কিছুকালের জন্তু রেহাই পাবার ও আয়ুষ্কাল বৃদ্ধি করবার সন্ধান পেয়েছে। এ মতবাদ তাই বিশ্বের, ধনতন্ত্রীদেব শেষ ভরশাস্ত্র—তাদের অমৃত রসায়ন। এ মতবাদ তাই জার্মাণী ও ইটালীর ভৌগোলিক দেয়াল ভেঙ্গে সমগ্র ইয়োরোপে ছড়িয়ে পড়েছে। ১৯৩৬ সালের জাপ-জার্মাণ 'anti-comintern' বা কম্যুনিষ্ট বিরোধী চুক্তির ফলে এ মতবাদ এসিয়াতেও প্রসার লাভ করেছে। ফ্রাংকোর ফ্যালেঞ্জিষ্ট দলের প্রভাব আজ স্পেনে অপ্রতিদ্বন্দী, রুমানিয়া এবং হাংগারীও এই মতবাদের উপাসক। এ মতবাদের ছোঁয়াচ থেকে ফ্রান্স এমন কি ইংল্যান্ড পর্যন্ত রেহাই পায়নি। ফ্রান্সের 'Neo-Socialist' দল এবং Moseleyর 'British Union of Fascists' তারই ইঙ্গিত। গণতন্ত্রী আমেরিকার সোরগোল ভেদ করেও ছ'একটি বেসুরো কণ্ঠ শুনা যায় এবং দক্ষিণ আমেরিকায় মাঝে মাঝে তা কলরবের মতই মনে হয়। কম্যুনিষ্ট ইন্টারন্যাশনালের মত ঘটা করে না হলেও, এ মতবাদ যে ধীরে ধীরে একটি আন্তর্জাতিক Fascist International এর রূপ নিচ্ছে তাতে সন্দেহ নাই। এই ফাসিষ্ট ইন্টারন্যাশনালকে পাকা-পোক্ত করে তুলবার জন্তু অধুনা হিটলারের, নববিধান বা New Order এর বুলি এবং Axis-Pact বা চক্রচুক্তির সহায়ে এই বুলিকে কার্যকারী করে তুলবার যে প্রচেষ্টা চলেছে, তাতে মানবেতিহাসের ভবিষ্যৎ সম্বন্ধে শংকাকুল হওয়ার যথার্থ কারণও রয়েছে।

রাষ্ট্র ক্ষমতা লাভে ষ্টালিনকে হিটলারের মত এত বাধাবিপত্তির সম্মুখীন হতে হয় নাই। রাশিয়ার জমি আগেই প্রস্তুত ছিল। বস্তুত জমি তৈরীর বেশীর ভাগ বাহাহুরী লেনিনেরই। যুগ যুগ লাঞ্ছিত ও অপমানিত গণসমাজ এই সবোন্নত নূতন রাষ্ট্র, অর্থ ও সমাজনীতির আশ্বাদ পেয়েছিল। পুরাতন বন্ধন শিথিল হয়ে নবজীবনের জোয়ার রাশিয়ায় সমস্ত গণসমাজকে ভাসিয়ে নিয়ে যাবার পথ প্রশস্ত হয়েছিল—এই নূতন জীবনের সঙ্গে পরিচয় এবং তাকে পুরোপুরি উপভোগ করা ছিল রাশিয়ার জনসাধারণের একমাত্র কাম্য। ১৯১৭ সালের পর থেকে ছিল রুশ গণসমাজের

নবরূপায়নের যুগ। বিপ্লবোত্তর কালে সমাজতান্ত্রিক আদর্শে রাষ্ট্রকে পুনর্গঠন ও সমাজকে সংস্কার করবার দিকে জনসমাজের ঝোঁক ছিল বেশী। এর ফলে বৈপ্লবিক রাজনীতিতে গণসমাজের বিশেষ স্পৃহা ছিল না। তাই নেতৃস্থানীয়দের রাজনৈতিক দলাদলি, রাষ্ট্রে ক্ষমতা নিয়ে কাড়াকাড়ি এবং কর্মপন্থার মতান্তর নিয়ে মাথা ঘামাতে জনসাধারণ নিতান্তই ছিল নারাজ। টুটস্কির 'Theory of permanent revolution' বা বিশ্ববিপ্লব এবং ষ্টালিনের 'Socialism in a single country' বা একদেশীয় সমাজতন্ত্রবাদের বিতর্ক ও দ্বন্দে জনসাধারণের বিশেষ কোন যোগ ছিল না বললেই চলে। আসলে জনসাধারণের মানসিক অবস্থা ছিল অনেকটা নির্বিকার ও দাসিগ্ৰময়। তারা চেয়েছিল তাদের নিজস্ব সমস্ত সমাধান, অন্ন-বস্ত্র বাসভূমি, শিক্ষা ও আরামের ব্যবস্থা। বাস্তববাদী ষ্টালিন এই মানসিক অবস্থার পুরোপুরি স্বযোগ গ্রহণ করেছিলেন। তাই একদিকে লেনিনের নামের দোহাই দিয়ে অত্য়দিকে পঞ্চবার্ষিকী পরিকল্পনার সাহায্যে নববিধানের সূচনা এমন তোড়জোড়ের সংগে আরম্ভ করে কিছুটা সাফল্য তিনি এনেছিলেন—সমগ্র জনসাধারণ এই নূতন জীবনের সাথে নিজেদের খাপ খাইয়ে নেওয়ার জন্ম ছিল ব্যস্ত। উর্ধ্বতন নেতাদের দলাদলির ব্যাপারে মাথা ঘামাবার ফুরতও তারা পায় নাই। উপরন্তু জনসাধারণের নিজস্ব সমস্যার আংশিক সমাধান হওয়াতে, তাদের অসন্তোষের কারণ ছিল না। ষ্টালিনের সফলতার আরেকটি কারণ—রাশিয়ার একমাত্র দল কমুনিষ্ট পার্টির উপর ষ্টালিনের একাধিপত্য। রাশিয়ার রাষ্ট্র পরিচালনায় কমুনিষ্ট পার্টির বর্তমান প্রভাব যোলানা। ষ্টালিন তাই আজ পৃথিবীর সর্বপ্রথম সমাজতান্ত্রিক রাষ্ট্রের একচ্ছত্র অধিপতি এবং Communist International বা সাম্যবাদী আন্তর্জাতিকের নেতা। কার্লমার্কসের স্বপ্ন ছিল, সমাজতন্ত্রবাদের মধ্যদিয়ে পৃথিবীর সর্বহারা গণসমাজের মুক্তি আনয়ন করা। এই স্বপ্নকে রূপ দেবার জন্ম মার্কস আন্তর্জাতিক সমাজতান্ত্রিক সংঘ গঠন করেছিলেন। লেনিন উত্তরাধিকারী হিসাবে এ সংঘকে ব্যাপক ও পুষ্ট করেছেন এবং এর অধুনাতম নেতা ষ্টালিন একে দিয়েছেন নূতন মতবাদ ও কর্মপন্থার সন্ধান। কমুনিষ্ট ইন্টার-ন্যাশনালের আদর্শ ছিল পৃথিবীর সমস্ত রাষ্ট্রে সমাজতন্ত্রবাদের প্রতিষ্ঠা করা এবং কর্মপন্থা ছিল পৃথিবীর বিভিন্ন রাষ্ট্রের সর্বহারাদের সংঘবদ্ধ করে বিপ্লবের সাহায্যে রাষ্ট্রক্ষমতা অধিকার ও সর্বহারাদের নেতৃত্ব বা 'Dictatorship of the proletariat' প্রতিষ্ঠা করা।

হিটলারের অভ্যুত্থানের পূর্ব পর্যন্ত কমিউটারের বা কমুনিষ্ট আন্তর্জাতিকের কেন্দ্রীয় পরিষদ থেকে এই মতানুযায়ী কাজ চলছিল। কিন্তু একদিকে জার্মানী ও ইটালীতে ফ্যাসিষ্টবাদের ব্যাপক প্রসার লাভে এবং অত্য়দিকে পৃথিবীর বিভিন্ন রাষ্ট্রে কমুনিষ্ট পার্টিগুলির স্বীয় কর্তৃত্ব প্রতিষ্ঠার অক্ষমতায় ও ফ্যাসিষ্টবাদ প্রতিরোধের ব্যর্থতায়, ষ্টালিন সোভিয়েট রাষ্ট্রের নিরাপত্তা রক্ষায় সন্দেহান হয়ে উঠলেন। এই সময় জাপ-জার্মান-ইটালীর 'কমুনিষ্ট

আন্তর্জাতিক বিরোধী চুক্তিতে সোভিয়েটের বিরুদ্ধে জেহাদ ঘোষণা করা হল। ফাসিষ্টবাদ ও সাম্যবাদে ঠোকাঠুকি তীব্র হয়ে উঠলো। ফাসিষ্টবাদের এই নবতম আক্রমণের সংগে সংগে রাশিয়ার বৈদেশিক নীতি পরিবর্তিত হল। এ নীতির মূল লক্ষ্য হল আত্মরক্ষার জন্য শুল্লত বর্ম তৈরী করা এবং বৈদেশিক নীতি হল অগ্ন্যাত রাষ্ট্রের সহায়তায় আত্মরক্ষার পথ প্রশস্ত করা। কার্ল রাদেক-এর কথায় সোভিয়েটের নীতি হল, “The object of the Soviet Government is to save the soil of first proletarian state from criminal folly of a new war.....The defence of peace and neutrality of the Soviet Union against all attempts to draw it into the whirl-wind of a new world war is the central problem of Soviet foreign policy.” এই নীতির ফলে ফাসিষ্ট ব্যতীত অগ্ন্যাত ধনতান্ত্রিক রাষ্ট্রগুলির সংগে বৈরিতার চেয়ে মিতালির দিকেই ঝোঁক গেল বেশী। যেহেতু রাশিয়ার ভাগ্যের সংগে কমিউটার্ণের ভাগ্য জড়িত, সেহেতু কমিউটার্ণের নীতিরও সাময়িক পরিবর্তন হল।

এই নূতন নীতির নাম হল ‘The front populaire’ বা জনসংহতি নীতি। ষ্টালিন এই নূতন নীতির সমর্থন যুক্তি দিলেন—সোভিয়েট রাশিয়ায় পৃথিবীর সর্বহারাদের স্বপ্নের সর্বপ্রথম ও একমাত্র মূর্ত প্রতীক। শুধু তাই নয় সোভিয়েটের রাজনৈতিক ও অর্থনৈতিক সহায়তাই পৃথিবীব্যাপী সমাজতন্ত্রবাদের এত দ্রুত ও ব্যাপক প্রসার সম্ভব হয়েছে। সোভিয়েটের সংগে বস্তুত পৃথিবীর সমাজতান্ত্রিক আন্দোলনের ভাগ্য একই সূত্রে বাঁধা—তাই সোভিয়েটের বাঁচা-মরার প্রশ্ন সমগ্র গণসমাজেরই বাঁচা-মরার প্রশ্ন। এই নীতি অনুযায়ী কাজ করতে গিয়ে অগ্ন্যাত দেশের কম্যুনিষ্ট পার্টিগুলির আদর্শ ও কর্মপন্থার সঙ্গে অনেক বোঝাপড়া করে নিতে হল এবং বিশ্ববিপ্লবের স্বপ্নও সাময়িকভাবে চাপা পড়ল। ফ্রান্সের কম্যুনিষ্টগণ সে দেশের সামরিক শক্তি অক্ষুণ্ণ রাখার জন্য, মিসিয়ে ব্রুয়ের সরকার এবং তার সামরিক বাজেটকে (যে বাজেটের তারা এতদিন বিরোধিতা করেছিল) সমর্থন করতে ও ব্রিটিশ কম্যুনিষ্টগণ লেবার পার্টির সঙ্গে মিতালী করতে দ্বিধা বোধ করেনি। এমন কি আমেরিকার কম্যুনিষ্টগণ, সেদেশে ফাসিষ্টবাদের প্রসার অংকুরেই বিনাশ করবার জন্য নির্বাচনে রুজভেল্টকে পর্যন্ত সমর্থন করা প্রয়োজন মনে করেছিল। মোটকথা প্রত্যেক রাষ্ট্রেই প্রগতিশীল দলগুলি ফাসিষ্টবাদের প্রভাব নষ্ট করবার জন্য জোট বেঁধেছিল। কিন্তু ইতিহাসের অমোঘ নিয়মে পপুলার ফ্রন্টনীতি ব্যর্থ হয়েছে।—ফাসিষ্টবাদের আক্রমণের তীব্রতা কমে নাই বরং চতুর্গুণ বেড়েছে। ফাসিষ্টবাদের শক্তি সঞ্চয় লক্ষ্য করে মিশুনির প্যাক্টের প্রাকালে, ষ্টালিন শান্তি ও নিরপেক্ষতা নীতি ত্যাগ করে ইংল্যান্ড ও ফ্রান্সের সংগে একজোট হয়ে ফাসিষ্ট আক্রমণের বিরুদ্ধে দাড়াতে চেয়েছিলেন কিন্তু সাম্রাজ্যবাদী ও ধনতান্ত্রিক রাষ্ট্রগুলির দ্বৈতনীতির ফলে সে সম্ভাবনা বিনষ্ট হয়ে গেল। তারই অবশুসত্ত্বা পরিণতি হিটলার-ষ্টালিনের রুশ-জার্মান অনাক্রমণ

চুক্তি। মতবাদ, আদর্শ ও কর্মপন্থার সম্পূর্ণ বৈপরিত্যেও—চিরবৈরী দুই রাষ্ট্রনেতার সাময়িক মিলন সম্ভব হয়েছিল। কিন্তু এর স্থায়িত্ব সম্বন্ধে উভয়ের মনে কোন সংশয় ছিল না। বর্তমান রুশ-জার্মান-যুদ্ধই তার প্রমাণ।

রুশ-জার্মান যুদ্ধ আরম্ভ হওয়ার পূর্ব পর্যন্তও অনেকে ভেবেছিলেন পৃথিবীর সর্বস্বত্বের মুক্তি নাকি প্রত্যাসন্ন—যুদ্ধের অবসানের সংগে সংগেই নাকি তারা সমাজতন্ত্রবাদের সুশীতল ছায়ায় স্বস্তির নিশ্বাস ফেলে বাঁচবেন এবং সারা পৃথিবী ব্যাপী নূতন সংস্কৃতি ও সভ্যতার সৌধ রচনা করবেন। ভাবাবেগের আতিশয্যে দু'একজন ষ্টালিনকে ভাবীসমাজতান্ত্রিক বিশ্বরাষ্ট্রের অগ্রদূত বলে সম্বোধনও করেছেন। সাম্রাজ্যবাদ ও ফাসিষ্টবাদের কোন্দল বাঁধিয়ে, সোভিয়েট রাষ্ট্রের নিরপেক্ষতা তথা নিরপত্তা রক্ষার কৌশলে ষ্টালিনের বাতাহুরী আছে, সন্দেহ নাই। লড়াইয়ের বেকায়দার মুহূর্তে যুদ্ধানদের শক্তিক্ষয়ের সুযোগে, বিশ্বের সর্বস্বত্ব জনগণের চিরশত্রুদের বিরুদ্ধে 'দাঁও বুঝে কোপ মারলে' ষ্টালিন যথার্থই অভিনন্দনের পাত্র হতেন। কিন্তু কূটনীতির আবর্তে ষ্টালিনের কৌশল হয়েছে ব্যর্থ, সুকৃতে সম্ভাবনা থাকলেও শেষ রক্ষা হয় নাই—রুশরাষ্ট্রের পক্ষে নিরপেক্ষতাও রইল না—নিরাপত্তাও ক্ষয় হতে চলেছে। ফাসিষ্ট ইংল শ্বেত ভল্লককে ছেঁ মেরেছে।

এই রুশ-জার্মান যুদ্ধের সংগে শুধু ইয়োরোপ নয় সমগ্র বিশ্বের গণসমাজের ভাগ্য জড়িত। যদি এ যুদ্ধে হিটলারের পরাজয় ঘটে তাহলে ইয়োরোপের প্রায় সকল দেশে রাষ্ট্রনৈতিক বিপর্যয় উপস্থিত হবে। কারণ হিটলারের ভাগ্যের সংগে বিজিত রাষ্ট্রগুলির ভাগ্যও ওতপ্রোত ভাবে জড়িত। বিশেষ করে এ মহাযুদ্ধের বৈশিষ্ট্যই হল, যে—এযুদ্ধ সর্বগ্রাসী যুদ্ধ বা 'Total war'. জার্মানি অধ্যুষিত সকল রাষ্ট্রের লোকবল, অর্থবল এবং রাষ্ট্রবল এযুদ্ধের জন্ত নিয়োজিত হয়েছে। এ যেন অনেকটা বাজী রেখে পাশাখেলার মত। বিজয়ে হয়ত ভাগ্য সুপ্রসন্ন হতে পারে কিন্তু পরাজয়ে রাষ্ট্রের আভ্যন্তরীণ সমতা রক্ষা করা হবে অসম্ভব। তাই হিটলারের পরাজয়ে, শুধু জার্মানি নয় সমগ্র ইয়োরোপীয় রাষ্ট্রগুলিতে রাষ্ট্রনৈতিক বিপ্লব অবশ্যজ্ঞাবী। পৃথিবীর গণতন্ত্রীদেব সেদিনই হবে অগ্নিপরীক্ষা। পূর্বাভাস যা পাওয়া গেছে তাতে উৎসাহিত হবার কারণ নেই। যুদ্ধের গোড়ায় জনবুলের গাফিলতি ও 'অবস্থা বুঝে ব্যবস্থার' নীতি, গণতন্ত্রের champion রুজভেল্ট সাহেবের নেপথ্যে মুহূঁ'মুহূঁ'র গণনাদ এবং পরবর্তীকালে রাশিয়াকে সাহায্য করা নিয়ে চাচিল, ইডেন ও রুজভেল্টের বক্তৃতা নূতন মানসিকতার কোন রেখাপাত করে না। বলশেভিকবাদকে এরা আন্তরিক ঘৃণা করেন—প্রকাশ্যে এই ঘাষণা এত জোর গলায় করা হয়েছে যে হিটলার এ ঘোষণাকে কাজে লাগাতে ছাড়বে না—হয়তো বা ইংলও ও আমেরিকায় কিছুটা সফলকামও হতে পারে। রুশ-জার্মান যুদ্ধের ফলাফল যাই হোক না কেন, এর কোন পরিণতিই ইংলওের

পক্ষে শুভ নয়। জয়লাভেও মহাযুদ্ধোত্তর ইংলণ্ড অর্থনীতিতে এমন কি সাম্রাজ্য নীতিতেও অসুবিধা তাঁবেদার রাষ্ট্রে পরিণত হওয়ার সম্ভাবনা রয়েছে। ফলে সমরোত্তর ইংলণ্ডে গুরুতর অর্থনৈতিক সংকট অনিবার্য। এমতাবস্থায় ইংলণ্ডকে planned economy গ্রহণ করতেই হবে। সমাজতন্ত্র গ্রহণ ব্যতীত এই পরিকল্পিত অর্থনীতি গ্রহণ করতে হলে, ইংলণ্ডের ধনিক শ্রেণীর ফাসিষ্টবাদ গ্রহণ ছাড়া উপায়ান্তর থাকবে না, কারণ এতে গণসমাজকে শাসন ও শোষণ করবার ক্ষমতা আংশিক ক্ষুণ্ণ হলেও সমূলে বিলুপ্ত হবে না। অর্থনৈতিক সংকটের সুযোগে ইংলণ্ডে সমাজতন্ত্রের প্রতিষ্ঠার সম্ভাবনা থাকলেও ব্রিটিশ লেবার পার্টির রাজনৈতিক ক্লীবব ও কমুনিষ্ট পার্টির ক্ষীণ বল সে সম্ভাবনার ফলাফল সম্বন্ধে যথেষ্ট সন্দেহের উদ্ভেক করে। যাই হোক না কেন জয়ে বা পরাজয়ে উভয় অবস্থাতেই ব্রিটিশ সিংহের সামনে কঠিন সমস্যা।

বর্তমানে রুশ-জার্মান যুদ্ধের ফলাফলের সংগে সমগ্র পৃথিবীর গণসমাজের ভাগ্য জড়িত। যে সোভিয়েট রাষ্ট্র নিপীড়িত গণসমাজের মুক্তির স্বপ্নকে রূপ দিয়েছে, এবং যা তাদের আত্মিক প্রেরণা ও উৎসাহের আশ্রয়স্থল, গণসমাজের সেই প্রথম রাষ্ট্র আজ আক্রান্ত। যদি ষ্টালিনের ভাগ্যে পরাজয় থাকে তা' হলে অস্বস্ত সাময়িকভাবে পৃথিবীর সর্বস্বত্বাধারের মুক্তির সম্ভাবনা বিনষ্ট হয়ে যাবে। কিন্তু চিরদিনের জন্য সর্বস্বত্বাধারের পরাজয় সম্ভব কি? ফাসিষ্টবাদের অস্বাভাবিক অসংগতি ও পুঁজিবাদের ক্রমপরিণতির ইতিহাস কিন্তু অস্বাভাবিক ইংগিত করে।



বাহাদুর সিং

অমলেন্দু দাশগুপ্ত

ইংরাজ মাত্রেই যেমন রাজা, নেপালী মাত্রেই তেমন বাহাদুর সিং। কাঁধে ঝুলানো ব্যাগে যা কিছু স্থাবর সম্পত্তি ভরিয়া লইয়া জুতা পায় টুপি মাথায় হাফপ্যান্ট পরিধানে কোমরে কুকরি বাহাদুর সিং ভাগ্যঅশ্বেষেণে হিমালয় হইতে বাংলার সমতলে অবতরণ করিয়াছিল। চেন্সিস, তৈমুর, নাদির ইত্যাদির দিন ছিল না, তাই বাহাদুর সিং তেমন সুবিধা করিয়া উঠিতে পারিল না। এতবড় বাংলাদেশে ভাগ্য তাঁর জন্ম কোথায় লুকাইয়া আছে, খুঁজিতে খুঁজিতে বেচারী বাহাদুর সিং আশমর্য্য হইয়া আসিয়াছিল।

গাছে চড়াইয়া দিয়া মই কাড়িয়া লইবার কথাই লোকে বলে, কিন্তু নীচে নামাইয়া আনিয়া উপরে উঠিবার মইটা গরাইয়া লইবার উল্লেখ তো কেহই করে না। যে আশা হাতছানি দিয়া পাহাড় হইতে সমতলে ডাকিয়া আনিয়াছিল, সে আশা বহু আগেই ফেরার হইয়াছে। নিরুদ্দিষ্ট আশার সন্ধানের ধৈর্য বাহাদুরের আর ছিলনা, লোভ বা উৎসাহ তো আগেই মরিয়াছে। এখন ঘরের ছেলে ঘরে ফিরিতে চাহিতেছিল, কিন্তু বাহাদুর সিংয়ের বর্তমানে পকেটে সম্বল মাত্র দুটী ছ'আনি আর তিনটী পয়সা।

দেশের রাস্তা পরে খুঁজিলেও চলিবে, আপাততঃ প্রাণ বাঁচাইবার জন্ম কিছু খাড়ের বড় আবশ্যক হইয়া পড়িয়াছে। বাহাদুর সিং বাজারের মধ্যে এদিক ওদিক সকল দিক ঘুরিয়া দেখিল, একটা দোকানও খোলা পাইল না যে কিনিয়া কিছু খাইবে,—হরতালে সহরের সমস্ত দোকানপাট বন্ধ। কিন্তু ক্ষুধা কিছুতেই বন্ধ হইতে চাহে না, বরং উত্তরোত্তর তার প্রকোপ বর্ধিতই হইয়া উঠিতেছে। ইন্ধনের অভাবে অগ্নি নির্বাপিত হয়, কিন্তু পেটের আগুন ইন্ধনের অভাবে বাড়িতেই থাকে। বাহাদুর সিংয়ের মনে হইল, খাড়ের ভাবনা পরে ভাবিলেও চলিবে, এখন অতি আবশ্যক নিজ্রার। একটু ঘুমাইতে না পারিলে সে নির্ধাৎ মরিয়া যাইবে। ভাংগা ভালো, ঘুমের জন্ম দোকান পাট খোলা থাকার দরকার করে না, টান হইবার মত খানিকটা জমি পাইলেই চলিয়া যাইবে।

বাহাদুর সিং তার শরীরটাকে কোনমতে ছইপায়ে বহন করিয়া রাস্তার পাশে এক দোকানের একটা বেঞ্চির উপরে আনিয়া স্থাপন করিল। ক্ষুধার তীক্ষ্ণতাবোধ নষ্ট হইয়াছে, সমস্ত শরীরটার রক্তে রক্তে আফিংএর নেশার মত ক্লাস্তি ও নিজ্রা ছাইয়া আসিতেছে, শরীরটাকে বেঞ্চির উপর টান করিয়া শোওয়াইয়া ঘাড়ের নীচে ব্যাগটাকে বালিশ করিয়া লইয়া বাহাদুর সিং

চক্ষু বুজিল। পৃথিবী অন্ধকারে ভরিয়া গেল,—সেই অন্ধকারে এক গাছাড়া গ্রামের বাপ্‌সা ছবি কিছুতেই সে স্পষ্ট করিয়া লইতে পারিতেছিল না, অন্ধকারে রং ও ছবি মুছিয়া মুছিয়া যাইতেছিল, আর ঘুমের কালো জলে মন ডুবিতে ও ভাসিতেছিল। বাহাডুর সিং ক্ষুধা ভুলিয়া, গৃহে ফিরিয়া যাইবার কথা ভুলিয়া এবং নিজেকে ভুলিয়া কয়েক মিনিটের মধ্যে ঘুমাইয়া পড়িল।

এক সময়ে একটা শব্দ শুনিয়া বাহাডুর সিংয়ের ঘুম ভাঙ্গিয়া গেল—Halt, ক্যাপ্টেনের আদেশে একদল স্বদেশী সেনা বাজারের রাস্তার মধ্যে থামিয়া দাঁড়াইল। ভলান্টিয়ারদল আদেশমত দলে দলে বিভক্ত হইয়া বাজারের বিভিন্ন স্থানে ও রাস্তার মোড়ে মোড়ে গিয়া মোতায়ন হইতে লাগিল। বাহাডুর সিং চোখ মেলিল। ক্যাপ্টেনের সঙ্গে চোখাচোখি হইতেই শায়িত অবস্থাতেই বাহাডুর সিং মিলিটারী কায়দায় ডান হাতটা কপালে তুলিয়া একটা সেলুট ঠিকিয়া বসিল। ছড়ি শুদ্ধ বাঁহাতটা ঈশং উচু করিয়া ক্যাপ্টেন বাহাডুরের অভিবাদন স্বীকার করিলেন এবং চোখের ঈঙ্গিতে কাছে ডাকিলেন।

বাহাডুর উঠিয়া বসিল। ‘টুপিটা ঘুমের মধ্যে এক সময়ে গড়াইয়া নীচে পড়িয়া গিয়াছিল, তুলিয়া মাথায় পরিল, ব্যাগটা কাঁধে বুলাইয়া লইল, তারপর ক্যাপ্টেনের কাছে আসিয়া দাঁড়াইল। ছই গোড়ালীর ঠোকাঠুকিতে আওয়াজ বাজাইয়া ‘অ্যাটেনশন’ হইয়া দাঁড়াইয়া আবার ডান হাত কপালে ঠেকাইয়া সেলুট করিল।



—“কি নাম?”

—“বাহাডুর সিং।”

—“বেঁচে আছিস্? ক’দিন খাসনি?”

—“জী?”

—“থাক্, উত্তর দিয়ে কাজ নেই, চেহারাতেই মালুম হচ্ছে। কোথায় চাকুরী করিস?”

—“নকরী মিলছেনা, হুজুর।”

—“ভাতো মিলবেই না, চাকুরী কি এত সস্তা জিনিষ বাপু! করবি?”

—“হুজুর” বলিয়া দাঁত বাহির না করিয়াই শ্রিতবদনে বাহাডুর সম্মতি জানাইল, চ্যাপ্‌টা মুখের চোখ নামক বস্তু ছুটি প্রায় বুজিয়া আসিয়াছিল, এবং নাসিকা নামক যে বস্তুটা মুখমুণ্ডে সামান্য মালভূমি হইয়া টিকিয়াছিল, হাসির আকর্ষণে প্রায় সমতল ভূমিতে পরিণত হইয়াছিল।

“শায়িত অবস্থায়ই...মিলেটারী কায়দায়
...সেলুট করিল।

ক্যাপ্টেন বলিলেন—“খুব হয়েছে। নে, বুঝতে পেরেছি যে খুশী হয়েছি। ঠায়রো” বলিয়া বিভিন্ন ব্যাচের নায়কদের যথাযথ উপদেশ দিয়া ক্যাপ্টেন বাহাদুরের দিকে ফিরিয়া তাকাইলেন, বলিলেন—“নে টল্‌। হেঁটে যেতে পারবি তো?”

বাহাদুর সঙ্গে চলিল।

পরের দিন দেখা গেল স্বরাজ-ক্যাম্পের বাড়ীর গেটে একটা টুল পাতিয়া বাহাদুরসিং উপবিষ্ট হইয়াছে; স্বরাজ-সৈন্যের ঘাঁটির সদর রক্ষার ভার তার উপর ন্যস্ত হইয়াছে। বাহাদুর একই সঙ্গে দারোয়ান ও ভঁলারিয়ারের কাজ পাইয়া গেল।

প্রথম প্রথম একটু অসুবিধা হইয়াছিল, কিন্তু এজন্য বাহাদুরকে দায়ী করা উচিত হইবে না। তার উপর হুকুম ছিল যে বাহিরের লোক যেন বিনা অনুমতিতে ক্যাম্পে ঢুকিতে না পারে। কে বাহিরের লোক আর কে ভিতরের লোক, সে নূতন লোক, কেমন করিয়া ঠিক করিবে, কারু কপালে তো আর সাইনবোর্ড টাঙ্গানো নাই যে দেখিয়া চিনিয়া নিবে! অতএব, একটু আধটু অসুবিধা হইবে সে তেমন কিছু মারাত্মক ব্যাপার নয় যা মার্জনা করা যায় না।

দ্বিতীয় দিন, টুল পাতিয়া বাহাদুর গেটে বসিয়া আছে, রাস্তা দিয়া যতলোক গেল আসিল সবাই তাকে একবার ভালো করিয়া দেখিয়া লইল। এত লোকের দৃষ্টিতে বাহাদুর মোটেই অপ্রতিভ হইল না বা অস্বাচ্ছন্দ বোধ করিল না। বাহাদুরের চোখমুখের ভাব তার কোমরের কুকরির চাইতে কোন অংশে কম ভয়াবহ ছিল না। কাজেই বাহিরের লোক বাহিরেই থাকিত, আগের মত বিনা প্রয়োজনে ক্যাম্পে ঢুকিয়া পড়িত না।

রোগা লম্বা এক ভদ্রলোক রাস্তা হইতে সোজা ক্যাম্পের গেটে ঢুকিয়া পড়িলেন। বাহাদুরসিং প্রথমটা খেয়াল করে নাই, বেড়ায় বুলানো শ্লিপ-কাগজ হইতে একখণ্ড কাগজ টানিয়া লইয়া পেনসিল দিয়া কি একটা বস্তু অঙ্কনে বা লিখনে ব্যস্ত ছিল। একটা লোক সম্মুখ দিয়া পার হইয়া ভিতরে প্রায় ঢুকিয়া যাইতেছে মাথা তুলিয়া সে দেখিতে পাইল। কাগজ পেনসিল ফেলিয়া সে তড়াক করিয়া উঠিল, আগাইয়া গিয়া লোকটির জামার গলদেশ ধরিয়া টানিয়া সেখানে ফিরাইয়া আনিল যেখানটায় গেটের প্রবেশদ্বার।

ভদ্রলোক কহিতেছিলেন—“ছোড় দাও, ক্যা করতা হ্যায়?”

বাহাদুর জিজ্ঞাসা করিল—“ক্যা মাস্ততা হ্যায়? ভিতরমে যাতা হ্যায় কাহে?”

—“ভিতরমে যাতা হ্যায় দরকা আছে বলে!”

বাহাদুর বলিল—“শ্লিপ দাও। হুকুম মিলে তো ভিতরে যাবে।”

—“শ্লিপ? আমাদের শ্লিপ লাগে না।”

—“আলবৎ লাগে, লাটসাহেবকে ভি লাগে,” বলিয়া বেড়ায় খুলানো স্লিপের একখণ্ড কাগজ টান মারিয়া ছিড়িয়া আনি, কাগজ পেনসিল ভদ্রলোকের হাতে দিয়ে বাহাদুরসিং হুকুম করিল, নাম লিখিতে হইবে, কি কাম আছে তাহাও লিখিতে হইবে এবং কাহার সঙ্গে মোলাকাৎ মাদ্দ্তা তাহাও লিখিতে হইবে।



“ছোড় দাও, কা বরতা হ্যায় ?”

বাহাদুর ততোধিক নিঃশব্দে গিছেন পিছনে আসিতে লাগিল। স্লিপহাতে ভদ্রলোক আসিয়া মিলিটারী কায়দায় সেলুট করিয়া সম্মুখে দাঁড়াইল। রোগা লম্বা ভদ্রলোক ডান হাতটা উঁচু করিয়া অভিবাদন স্বীকার করিলেন।

—“একে জোটালে কে ?”

—“ক্যাপ্টেন চাটাজী।”

বাহাদুর ব্যাপারটা কিছু বুঝিতে পারিল না, গম্ভীর মুখে সামনে আসিয়া এ্যাটেনশন হইয়া দাঁড়াইল এবং মিনিট কয়েক আগে বাঁহার গলদেশ ধারণপূর্বক ব্যাকমার্চ করাইয়া গেটে ফিরাইয়া আনিয়াছিল, তাহাকেই স-সম্মুখে সামরিক কায়দায় সেলুট করিয়া দাঁড়াইল।

ভদ্রলোক মাথা ঈষৎ নীচু এবং বাঁ হাত ঈষৎ উঁচু করিয়া বাহাদুরের অভিবাদন স্বীকার করিয়া ভিতরে গিয়া ঢুকিলেন।

বাহাদুর অফিসের ভদ্রলোককে কিজ্জাসা করিল, “হজুর, ইনি কে ?”

—“অফিসার কমণ্ডি, বানার্জী সাহেব।”

শুনিয়া বাহাদুরের মনে কোন বৈলক্ষণ্য হইল কিনা বুঝা গেল না; শুধু বলিল যে তার কি দোষ চিনিতে না পারিলে কি করিবে।

ব্যাপারটা শুনিয়া ভজলোক হাসিয়া ফেলিলেন, কহিলেন, “বেশ করেছ বাবা, খোদ বড় কর্তাকেই ঘাড় ধরে টেনে এনেছো, তোর তলব বেড়ে যাবে দেখিস।”

সত্যই বাহাদুরের মাহিনা দুই টাকা বাড়িয়া বার টাকা হইল।

এরপরে ছ'মাস পার হইল। বাহাদুর সকলকেই চিনিয়া লইয়াছিল, আর কাহারও ঘাড়ে ধরিয়া টানিয়া আনার প্রয়োজন তার হয় নাই। কিন্তু বাহিরের লোক বাহিরের লোক হইয়াই রহিল, তাদের সম্পর্কে বাহাদুরের মুখের ভয়াবহ ভাব একটুও শিথিল বা মোলায়েম হইল না।

ধানার বড় দারোগা সত্যপ্রিয়বাবু ঠিক সত্যিকার দারোগা হইতে পারেন নাই, স্বদেশীরা যদি দেশ স্বাধীন করেই, তাতে তিনি অসুখী হইবেন বলিয়া তিনি মনে করেন না। দেশ স্বাধীন হইলে মহাভারত অশুদ্ধ হইয়া যাইবে এমন গোঁড়া লোকও তিনি ছিলেন না। মোটকথা, তিনি স্বদেশীদের সম্বাদটা খবরটা দিয়া থাকেন যাতে তাঁরা পূর্বাভূই সতর্ক হইতে পারেন।

রাত্র তখন গোটা নয়েক হইবে, সত্যপ্রিয়বাবু স্বরাজ্য অফিসের গেটে আসিয়া দাঁড়াইলেন। একাই আসিয়াছিলেন, সঙ্গে কোন পুলিশ ছিল না, আর তাঁর নিজেরও ছিল সাদা পোষাক। তবু বাহাদুর বড় দারোগাকে বেশ চিনিতে পারিল। টুল হইতে উঠিয়া দাঁড়াইয়া কহিল “ক্যা মাস্তা।”

সত্যপ্রিয় বাবু কহিলেন “সুরেন বাবু আছেন! প্রেসিডেন্ট সুরেনবাবু?”

—“নেই প্রেসিডেন্ট সুরেনবাবু নেই।”

দারোগা পুলিশের সঙ্গে করুণ ব্যবহার করিতে হয় ইতিমধ্যেই তা রীতিমত বাহাদুরের চরিত্রে প্রকট হইয়া উঠিয়াছিল।

বড়দারোগা বাবু কংগ্রেসের সেক্রেটারীর নাম করিলেন, “সেক্রেটারী আছেন, প্রতাপবাবু”।

—“বলতা ছায়, কোই নেই ছায়,” বলিয়া বাহাদুর বাদপ্রতিবাদ বন্ধ করিয়া দিয়া কহিল যে, ভোরে আসিবেন, এখন কাহারও সঙ্গে দেখা হইবে না, কাজেই বৃথা এখানে দাঁড়াইয়া তিনি যেন হজ্জা না করেন, ইহাই বাহাদুরের বর্তমান অভিরুচি।

দারোগাবাবু কহিলেন, “আচ্ছা লোকের পাশ্চাত্য পড়েছি। দেখনা, কে আছে, ডেকে দে।”

বাহাদুর জবাব দিল না, কানে যে তার কথা গিয়াছে, এমন কোন লক্ষণই প্রকাশ পাইল না।

সত্যপ্রিয় বাবু শাস্ত প্রকৃতির মানুষ, সত্যিকার দারোগা হইলে ধমক দিয়াই কাজ আদায় করিতে পারিতেন। শাস্ত সুরেই কহিলেন, “তোমাকে একবার থানায় পাই” বাকীটা আর মুখে বলিলেন না, মনেই চাপিয়া রাখিলেন। পাইলে কি করিবেন তার ছবি ভোঁতে ভাসিয়া উঠিল। দাগী



চোরদের লইয়া ছোটবাবুর সেই মার্জার-মুখিক সদৃশ ভয়াবহ ক্রীড়াই তিনি বাহাদুর সম্পর্কে পুনরভিনয় হইতেছে দিব্য চোখে বেশ স্পষ্ট দেখিতে পাইলেন।

বাহাদুর সতাই এত অভদ্র ছিল না, ঐ ছোট দারোগাই তার ক্রোধের হেতু ছিল। সেই রাগটা বাগে পাইয়া বড় দারোগার উপরই সে ঝাড়িয়া লইতেছিল। সেকেণ্ড ক্লাশ হইতে অসহ-যোগ করিয়া ভল্‌ক্টিয়ার দলে নাম লিখাইয়াছিল স্থানীয় ছুটী ছেলে। ঘোড়ায় চড়া শিখিবার লোভে ও প্রয়োজনে বাহাদুরকে সঙ্গে লইয়া মাঠে যায়, চড়িবার জন্ত নয়, ঘোড়া ধরিবার জন্ত। খেলার মাঠে থানার সামনেই ছোট দারোগার ঘোড়াটা চড়িয়া বেড়াইতেছিল, বাহাদুর হুকুম পাইয়া সেটাকে ধরিয়া আনে। কোয়ার্টার হইতেই ছোটবাবু অশ্ব-অপহরণ দেখিতে পান, সিপাইদের হুকুম দেন তক্ষরদের কান ধরিয়া তাঁহার সমুখে আনয়ন করিতে। সিপাইদের আসিতে দেখিয়া ছেলে ছুটী চটপট সরিয়া পড়ে, বাহাদুর একাকী গিয়া পড়ে সিপাইদের হাতে। সিপাই তিনজন আসিয়া বলে যে, ছোটবাবুর কাছে যাইতে হইবে, তার কান পাকড়াইয়া লইবার হুকুম ছিল বটে, কিন্তু তাহারাততদূর পর্যন্ত যাইবে না যদি বাহাদুর ভালো মানুষের মত তাদের সঙ্গে যায়।

বাহাদুর কর্ণ-আকর্ষণ করার প্রস্তাবে আরও চটিয়া গেল, ছেলে ছুটার পলায়নে সে আগেই উত্তপ্ত হইয়াছিল, চটিয়া বলিল, “শালা লোককো আনে বল।”

ছোটবাবুকে শালা খেলায় সিপাইরা খুশী হইল কিনা জানা গেল না, একজন জবাব দিল, “ও শালা আসবে না তুম শালা চল।”

বাহাদুর বাঘের মত খেপিয়া গেল, বাঘের মত লাফাইয়া পড়িয়া লোকটার মুখে থাবার মত একটা ঘুঁসি বসাইয়া দিল। তিনজনের সঙ্গে একা একটা লোকের পারা সম্ভব লইল না, তাছাড়া সঙ্গে কুকরীও ছিল না। বন্দী বাহাদুরকে ছোটবাবুর সমুখে লইয়া যাওয়া হইল। সেখানে মার ধর কিছু হইল না বটে, কিন্তু ছোটবাবু হিন্দি, বাংলা, ইংরেজী তিন ভাষাতে যে সব গালি বর্ষণ করিলেন তাতেই বাহাদুরের রক্ত মাথায়া উঠিয়া গিয়াছিল। থানার অতগুলি সিপাই শাস্ত্রীদের সমুখে বিশেষ কিছু সে করিতে পারে নাই, শুধু পলাইয়া আসিয়াছে যে শালা ছোটবাবুকে পাইলে সে একদিন ভালো করিয়া দেখিয়া লইবে। ছোটবাবুকে আজ পর্যন্ত সে পায় নাই। বড়বাবুকে পাইয়াছে বটে, কিন্তু তাঁকে দিয়া ছোটবাবুর উপরকার আক্রোশ মিটাইয়া তৃপ্তি পাওয়া যাইবে না, সে বুঝিয়াছিল। ও, আজ যদি সত্যপ্রিয় বাবু না আসিয়া সেই শালা ছোটবাবু—

স্বরাজ্য ক্যাম্পের ভিতর বোধ হয় কংগ্রেস কমিটির মিটিং শেষ হইয়াছে, অনেকগুলি পায়ের শব্দ গেটের দিকে আসিতেছে শোনা গেল। অনেকের সাথে প্রেসিডেন্ট সুরেনবাবু ও সেক্রেটারী প্রতাপবাবু গল্প করিতে করিতে গেটে আসিলেন, বাহাদুর আগেই উঠিয়া দাঁড়াইয়াছিল।

প্রেসিডেন্ট সুরেনবাবু গেটে আসিয়া সত্যবাবুকে দেখিতে পাইলেন,—“সত্যাবু যে, খবর কি?”

—“খবর আছে, আচ্ছা লোক গেটে বসিয়েছেন।”

—“চলুন, ভিতরে চলুন,” বলিয়া প্রেসিডেন্ট ও সেক্রেটারী সত্যবাবুকে সঙ্গে লইয়া আবার স্বরাজ্য অফিসের বাড়ীর ভিতর ঢুকিলেন।

বাহাদুর নির্বিকার বুদ্ধমূর্তির মত আপন টুলেতে আবার আসীন হইয়া রহিল। কিছু যে ঘটিয়াছে, তার মুখ দেখিয়া বুদ্ধিবে এমন প্রজ্ঞাদৃষ্টি এ কলিতে সম্ভব নহে।

ভোর বেলা ঘুম ভাঙ্গিতেই ছোট্ট সহরে উত্তেজনার তুমুল ঢেউ উঠিল। বিনা নোটিশে দোকানপাট বন্ধ হইয়া গেল, স্কুলের ছেলেরা আজ আর স্কুল হইবে না জানিয়া রাস্তায় বাহির হইয়া পড়িল। প্রেসিডেন্ট সুরেনবাবু ও সেক্রেটারী প্রতাপবাবু, স্বদেশী সেনার কমান্ডিং অফিসার ব্যানার্জী, থিলাকং কমিটির প্রেসিডেন্ট খাঁ সাহেব এবং স্বরাজ্য ক্যাম্পের দারোয়ান ও ভলন্টিয়ার বাহাদুর সিং গ্রেপ্তার হইয়াছে। ছোট্ট ডোবায় যেন বান ঢুকিয়া তুফান ও তরঙ্গ তুলিল—এমনই সহরের অবস্থা। পুলিশ সাহেব স্বয়ং সুরেনবাবু ও প্রতাপবাবুকে গ্রেপ্তার করিয়াছেন, ইন্সপেক্টর গ্রেপ্তার করিয়াছেন খাঁ সাহেবকে। সত্যপ্রিয়বাবু নিজে ছিলেন স্বরাজ্য ক্যাম্পে হানা দিবার দলের অধিনায়ক হিসাবে, কিন্তু সঙ্গে ছিলেন ছোট দারোগা মণিবাবু, তাঁর উপস্থিতিতে সত্যপ্রিয়বাবু শুধু দর্শক হিসাবেই যেন আসিলেন এবং গেলেন। সেনাধ্যক্ষ ব্যানার্জীকে এইখানেই গ্রেপ্তার করা হয়। যাইবার সময় ছোট্টবাবু বাধ্য হইয়া বাহাদুরকে সঙ্গে লইয়া যান।

বাহাদুরের গ্রেপ্তারের খবরটাই সবচেয়ে আলোচ্য বিষয় হইয়া উঠিল। সহরের সকলেই জানিল যে, বাহাদুরের সঙ্গে ছোট দারোগার কি প্রকার মধুর আলাপ হইয়াছিল। রান্নাঘরে মেয়েরা পর্যন্ত এ লইয়া বেশ খানিকটা হাসি হাসিয়া লইতে পারিয়াছিল। এই উত্তেজক ঘটনার মধ্যে বাহাদুর সিং খানিকটা রস-সঞ্চার করায় সকলের প্রিয় হইল, এমন কি দূর পাহাড়ীদেশের লোকটার জন্ম সহরবাসীরা একটা মমতা ও আত্মীয়তা পর্যন্ত বোধ করিল। ছোট ছেলেরদের কাছে বাহাদুরতো একজন ‘হিরো’ হইয়া দাঁড়াইল।

বানার্জী গ্রেপ্তার হইয়াছেন, সেনানিবাস তন্ন তন্ন করিয়া তল্লাসী করা হইয়াছে, পুলিশ এত চেষ্টা সত্ত্বেও বোমা বা পিস্তল পায় নাই, তবে প্রকাণ্ড এক বোমা কাগজ ও বই হস্তগত করিতে পারিয়াছে।

যাইবার সময় ছোট দারোগা বাহাদুরকে বলিলেন, “নে বেটা, তুইও চল।”

শুনিয়া বাহাদুর ধোঁৎ করিয়া উঠিল, “বেটা কাহে বক্সতা তুম্।”

—“বেশ, বাবাই বলছি। চল বাপ, একবার থানায় চল।”

পিতা সম্বোধনেও বাহাছুর আপত্তি করিল—“এমন জানোয়ারকো পিতা হাম নেই হোতা হায়।”

ছোট দারোগা সত্যপ্রিয় বাবুর মত শাস্ত প্রকৃতির ছিলেন না, অত্যন্ত রাগীমানুষ, কিন্তু সাপের মাথার মণির মত মণিদারোগার মাথার মধ্যে বিধাতা রসিকতা জিনিষটা খানিকটা দিয়া দিয়াছিলেন। ছোটবাবু চোখ বড় করিয়া আশ্চর্যবোধক চিহ্ন প্রকাশ করিলেন এবং জিজ্ঞাসা করিলেন—“বাপ হতেও আপত্তি? কেন, কি দোষ করেছি?”

বাহাছুরের উত্তর বাংলাতে তর্জমা করিলে হয়, “তুমি কি মানুষ, তুমি তো কুস্তা হায়।”

—“কেন?” সরল শিশুর সারল্য লইয়াই যেন ছোটবাবু প্রশ্ন করিলেন। দূরে দাঁড়াইয়া সত্যবাবু বানার্জী সাহেব ও অপর সকলে মৃদুমৃদু হাসিতেছিলেন।

বাহাছুর কেনর উত্তর দিল,—“তুম গোলাম হায়। নিজের দেশের লোককে সাহেবের হুকুমে ধরে নিয়ে যাচ্ছ, তুম বেইমান হায়, তুম...বাচ্চা হায়।”

কুস্তা, বেইমান ইত্যাদি পর্যন্ত ছোটবাবু হজম করিতে পারিয়াছিলেন। কিন্তু শেষেরটা আর পারিলেন না, কি জাতীয় মাতার পুত্র হইলে এ কাজ পারে—বাহাছুরের গালে এক প্রচণ্ড চড় কমাইয়া বলিলেন—“শালু...বাচ্চা।”

বাহাছুরের মুখ দিয়া কোন কথা বাহির হইল না, কেবল বিহ্বংগতিতে খাপ হইতে দক্ষিণ হাতের মুঠার কুকরীটা বাহির হইয়া আসিল। ছোটবাবু ভয়ে ছাইয়ের মত ফ্যাকাশে মারিয়া গেলেন, দুইপা পিছনেও হাটিয়াছিলেন। তিনি মৃত্যুকে স্বচক্ষে পলকের জঞ্জ দেখিতে পাইলেন বাহাছুরের চোখের দৃষ্টিতে আর তার হাতের কুকরীতে। সিপাইদের বাধা দিবার সময় ছিল না, সমস্ত ছোটবাবুরও আত্মরক্ষার সামর্থ্য ছিল না, সমস্ত স্নায়ুই তার শিথিল হইয়া গিয়াছিল।

কুকরীটাও ছোটবাবুর বকের মাঝখানে বিদ্যুৎবেগে আসিয়া দাঁড়াইল একটা শব্দ, অফিসার কমান্ডিংএর গলা—“বাহাছুর টেনশন।”

কুকরীসমেত উত্তত মুঠি নীচে ফিরিয়া আসিল, বাহাছুর অ্যাটেনশন অবস্থায় পাথরের মূর্তির মত স্তব্ধ দাঁড়াইয়া রহিল, কিন্তু পাথরের দুই চোখ যেন অগ্নিউত্তাপে গলিয়া জল টলটল করিয়া উঠিল।”



[বাহাছুর টেনশন]

সিপাইদের চমক ভাঙ্গিল, বীর বিক্রমে বাহাদুরকে কয়েকজনে জাপটাইয়া ধরিল, হাতটা মোচড়াইয়া কুকরীটা কাড়িয়া লইল।

বানার্জী কহিলেন, “আপনার সঙ্গে কথা বলতেও আমার ঘৃণা হয়। ছেড়ে দিতে বলুন, ও শাস্ত্যভাবেই সঙ্গে যাবে।”

ছোটবাবুর তেমন ইচ্ছা ছিল না যে, এমন হিংস্রলোককে মুক্ত অবস্থায় সঙ্গে লইয়া চলেন, কিন্তু সত্যপ্রিয় বাবু হুকুম করায় সিপাইরা বাহাদুরকে ছাড়িয়া সরিয়া দাঁড়াইল।

অহিংসায় বাহাদুরসিং মহাত্মাগান্ধীরই প্রায় সমতুল্য, সহরের লোকেরা আলোচনার কালে সহাস্যে এরকম মতবাদ প্রকাশ করিল। কিন্তু কেহই বুঝিতে চাহিল না যে, কত বড় শক্তিমান মানুষ হইলে নিষ্কপ্ত বাণ তুণে ফিরাইয়া আনিতে পারে। মহাভারতের অসংখ্য মহাবীরের মধ্যে একমাত্র অর্জুনই তেমন শক্তিমান পুরুষ ছিলেন, হাজার গুরুজন ও মাণ্ড ব্যক্তিদের অমুরোধে ইচ্ছা থাকিলেও অশ্বখমার মত লোকেরও সে শক্তি সম্ভব হয় নাই। বিদ্যুৎবর্ণ ভোজালী বাঁকা বিদ্যুতের মত আবার গিয়া খাপে ঢুকিল। বানার্জী সাহেবের আদেশের মধ্যে সে মন্থশক্তি নিহিত ছিল না, ও শক্তি নিহিত ছিল ঐ বাহাদুরেরই মনের মধ্যে, যে-মন হুকুম পালন করিবে বলিয়া নিজের কাছে নিজেই প্রতিজ্ঞাবদ্ধ।—বাহাদুরসিং সেই যে চুপ করিয়া গেল, ঘণ্টা তিনচারের মধ্যে একটিও কথা বলে নাই। অতৃপ্ত ক্রোধ মাঝপথ হইতেই ফিরাইয়া লইল, এর ধাক্কা মানসিক কাঠামোতে লাগা সম্ভব। হয়তো বা, একটা অভিমানও মনে ছিল বানার্জী সাহেবের উপর যে, কেন তিনি এমন করিয়া দাঁড়াইলেন।

লোকে লোকারণ্য, কোটে লোক ধরে না, দরজা জানালা যেখানে যে ফাঁক ছিল বাহুরের মত লোক ঝুলিয়া আছে, বারান্দায় ঠাসাঠাসি করিয়া রহিয়াছে, বাকী বিশাল অংশটা আদালতের প্রাঙ্গণে জনতায় জনসমুদ্র হইয়াছে। বিচার দেখিতে ছোট সহরের সমস্ত লোকই প্রায় আসিয়া হাজির হইয়াছে। অসংখ্য কালো মাথার মধ্যে পুলিশের লাল পাগড়ীগুলি যেন হারাইয়া গিয়াছে এমনই মনে হইল। থাকিয়া থাকিয়া অসংখ্য কণ্ঠে বন্দেমাতরম চীৎকার উঠিতেছিল, আকাশটা মুহূর্চ্ছ কঁপিয়া উঠিতেছিল।—যাদের বিচার চলিতেছিল, তাঁরা এ সহরের আপন লোক, সহরের সুখদুঃখের সঙ্গে রক্তের মতই জড়ানো এঁরা। পরমাশ্রীয়েই তাঁরা ছিলেন, তাই সহরের ভালোবাসা-শ্রদ্ধা এমন করিয়া আকৃষ্ট হইয়াছিল। তা ছাড়া, বাহাদুরসিংকে একবার দেখিবার লোভও প্রায় সকলেরই ছিল।

বিচারে অধিক সময় লাগিল না।

আসামীর ডকের মধ্যে একটা লম্বা বেঞ্চি দেওয়া হইয়াছিল। প্রেসিডেন্ট সুরেনবাবু, তাঁর পাশে খিলাফত কমিটির খাসাহেব, তাঁর পাশে সেক্রেটারী প্রতাপবাবু এবং তাঁর পাশে স্বদেশী-

সেনার সেনাপতি বানার্জী উপবিষ্ট ছিলেন। সকলের মাথাতেই সাদা গান্ধীটুপি। বাহাদুর প্রথমটা দাঁড়াইয়াই ছিল।

বানার্জী নিজের বাঁ পাশে খালি জায়গাটা দেখাইয়া কহিলেন, “বসে পড়”।

বাহাদুর গোলচক্ষু আরও গোল করিয়া চাহিয়া রহিল।

বানার্জী আবার বলিলেন, “দাঁড়িয়ে কেন, বসে পড়।”

বাহাদুর হুকুম পালন করিল, পাশেই বসিয়া পড়িল।

হাকিম একসময়ে প্রেসিডেন্ট সুরেন বাবুকে জিজ্ঞাসা করিলেন, “আপনার কিছু বলবার আছে?”

সুরেনবাবু জানাইলেন যে, না তাঁহার কিছুই বলবার নাই, তিনি অসহযোগী কংগ্রেসকর্মী, আত্মপক্ষ সমর্থন করিবেন না, বা বিচারেও অংশ গ্রহণ করিবেন না।

খাঁ সাহেব, প্রতাপবাবু ও বানার্জীও তাহাই বলিলেন, কেহই আত্মপক্ষ সমর্থন করিবেন না।


অবশেষে ম্যাজিস্ট্রেট বাহাদুরকে জিজ্ঞাসা করিলেন, “তোমার কিছু বলার আছে?”

“আছেই তো”—বলিয়া বাহাদুর উঠিয়া দাঁড়াইল। কোর্টের মধ্যে একটা চাঞ্চল্য ও কোতুক উদ্বেলিত হইয়া উঠিল।

—“কি বলবার আছে বল।”

—“এইসা গর্বমেন্ট হাম কভি নেই মানতা—” বাহাদুর ঘোষণা করিল। তার কণ্ঠে এমন কিছু ছিল যে, আসামীর ডকে তার পাশে যাঁরা উপবিষ্ট ছিলেন তাঁরাও বিস্মিত ও মুগ্ধ দৃষ্টিতে খ উচু করিয়া বাহাদুরের দিকে তাকাইয়া রহিলেন।

নাটকের নায়কের প্রাপ্য সমস্ত মনোযোগ একপলকে বাহাদুরের উপর ঝুঁকিয়া পড়িল এবং দম বন্ধ করিয়া অপেক্ষা করিতে লাগিল।



হাকিম ‘হু’ বলিয়া একটা গরম আওয়াজ নাসিকাপথে মুক্ত করিলেন, মোটা চশমার আড়ালে দৃষ্টিকে যথাসম্ভব গুরু ও গভীর করিয়া অক্ষিগোলক ছটীকে অপাঙ্গে আনিয়া লইলেন এবং তারপর কিছুক্ষণ চোখের সেই ফ্রন্টিয়ার হইতে ভীষণভাবে বাহাদুরের দিকে পলকহীন তাকাইয়া রহিলেন। লোকটার ব্যাবহারে ও কথায় এতগুলি লোকের সামনে হাকিম তাঁর এজলাস শুদ্ধ

একেবারে তুচ্ছ হইয়া পড়িয়াছিলেন, সেই লুপ্ত মর্যাদা ও শক্তি যেন চোখের দৃষ্টিতেই তিনি পরস্বাপহারী চোরের নিকট উদ্ধার করিয়া লইবেন। কিন্তু চোখের দৃষ্টি ডকে দাঁড়ানো বুদ্ধমূর্তির মুখে ঠেকিয়া ফিরিয়া আসিল, বাহাদুরের গোলাকার চ্যাপটা মুখে কোন কুঞ্চন বা প্রসারণই দেখা গেল না।

হাকিম বলিলেন, “গবর্মেন্ট নেই মান্তা, হুঁ, কেন?”

বাহাদুর জবাব দিল—“এ শয়তানী গবর্মেন্ট আছে। হাম স্বরাজ গবর্মেন্ট মান্ততা হ্যায়।”

বলার চংটা এমন চাপা, ও চিবানো যে, শুনিলে মনে হইতে পারিত যে, স্বরাজ গবর্মেন্ট যেন চিংড়িমাছের মুড়ো, পাইলে কি করিবে তাহা বাহাদুরের ভঙ্গীতে প্রকট হইল।

হাকিম যুদ্ধের কৌশল পরিবর্তন করিলেন, সামান্য একটা অশিক্ষিত লোককে এতখানি গ্রাহ্য করার ভুল বুঝিতে পারিলেন। একটু হাসিয়া প্রেসিডেন্ট সুরেনবাবুকে লক্ষ্য করিয়া বলিলেন, “তালিম তো ঠিক দিয়েছেন দেখছি, জ্যাস্ত সিদিশন।”

সুরেনবাবু জবাব দিবার আগে সরকারী উকীল মহিমবাবু জবাব দিলেন, জ্যাস্ত সিদিশন কি বলছেন, ইউর অনার, জ্যাস্ত জস্ত বল্লই চলে, স্বাধীন দেশের জংলীলোক কিনা।”

মহিমবাবু ছিলেন সুরেনবাবুর আবাল্যবন্ধু সতীর্থ। বন্ধুদ্বটা নিঃশেষ হয় নাই, তাই বন্ধুর হইয়া জবাব দিলেন। হাকিম অতি কষ্টে এই চোর-কিল হজম করিলেন। কিন্তু আক্রোশটা পড়িল বাহাদুরের উপর। হাকিমের ইচ্ছা ছিল, নির্দেশও ছিল, যে বাহাদুরকে বেশ ভালো করিয়া ধমকাইয়া ও শাসাইয়া ছাড়িয়া দিবেন। কিন্তু ইচ্ছাটা রায়ের সময় অত্মরূপ হইয়া গেল। বাহাদুরের ছ’মাস সশ্রম কারাদণ্ডের লুকুম হইল।

বাহাদুর বুদ্ধমূর্তির মত বিকারশূন্য হইয়া দণ্ডদেশে শুনিয়া গেল, যেন এসবের সঙ্গে তার নিজের কোনই যোগ নাই!

বিরাত জনতা বন্দেমাতরম্ শব্দে আকাশ বাতাস ও মাটি কাঁপাইয়া পাঁচজনকে জেল গেট অবধি পৌছাইয়া দিল। বাহাররের খাটো গলাও ফুলের মালায় ভরিয়া গিয়া তার নিস্তদ্ধ বানাইয়া দিল। বাহাদুর প্রথম একটু লজ্জা পাইয়াছিল, কিন্তু সে সামান্যক্ষণের জন্ত, হাসি, আনন্দ ও গর্বে তার ছোট চোখ দুটি পর্যন্ত উজ্জল ও মনোরম হইবার উপক্রম হইল।

জেলগেটে আসিয়া বাহাদুর জনতার দিকে মুখ ফিরাইয়া হাত উঁচু করিয়া হাক দিল—
বন্দেমাতরম।

জনতা তুফানের চাবুক খাওয়া সমুদ্রের মত গর্জন করিয়া উঠিল—“বন্দেমাতরম্।”

জেল অফিসে বাহাদুরকে লইয়া একটু হাঙ্গামা, হাঙ্গামা ঠিক নয়, ফ্যাসাদ করিয়াছিল। ফ্যাসাদটা বানাজ্জীই কাটাইয়া দেন।

সুরেনবাবু, প্রতাপবাবু ও খাঁ সাহেবকে জেলের ভিতরে পাঠাইয়া দেওয়া হইয়াছিল জেলারের অনুরোধ সঙ্গেও বানার্জী ভিতরে যান নাই, বাহাদুরের সঙ্গেই একত্র গিয়া ভিতর চুকিবেন, তাই অপেক্ষা করিতেছিলেন। জেলারও অনুমতি লইয়া কোয়ার্টারে ফিরিয়া গিয়াছেন অফিস ঘরে কয়েকজন ওয়ার্ডার ও জমাদার উপস্থিত ছিল। আর ছিল নায়েব জেলার। লোকটী বুদ্ধি শুধু উর্ধ্বের দিকেই ছিল, গায়ে মাংস নাই বলিলেই চলে, জ্যামিতির সরল রেখার মানবী



সংস্করণ যেন। নায়েবের নাকটী খাড়ার মত, তা ছুপাশে চোখ দুটী আবার ট্যারা। চোখে উপর দুই পা তুলিয়া উঁচু হইয়া বসিয়া মস্ত ব একটা খাতা টেবিলের উপর খুলিয়া বসিয়াছিল।

কান হইতে বিড়িটা নামাইয়া তাহাতে অ সংযোগ করিলেন, এক মুখ ধূঁয়া ছাড়িয়া বাহাদুর দেখিবার জন্য বানার্জী সাহেবের দিকে চাহিলে জিজ্ঞাসা করিলেন,—“নাম কি?”

বানার্জী রুক্ষকণ্ঠে প্রশ্ন করিলেন—“কান জ্যামিতির সরলরেখার মনবীয় সংস্করণ যেন জিজ্ঞেস করছেন?”

দৃষ্টি এবার বানার্জী সাহেবের উপর হইতে উঠিয়া বাহাদুরের উপর গিয়া বসিল, না কহিলেন,—“না না, আপনাকে নয়; ওকে জিজ্ঞেস করছি, ঐ নেপালিকে। খাতায় সব কি নিতে হবে কিনা।”

বানার্জী নিজের ভুল বুঝিতে পারিলেন, ট্যারাচোখে একদিকে চাহিয়া অল্পদিক দেখি হয় এ তাঁর খেয়াল ছিল না, কহিলেন,—“ও—” বলিয়া চুপ করিয়া রহিলেন।

নায়েব বলিলেন—“এই, নাম কি?”

বাহাদুর জবাব দেয় না দেখিয়া কহিলেন—“আরে উত্তর দেয় না যে। কানে শো তো!” বলিয়া নায়েব বাহাদুরের উপর দৃষ্টি লইয়া বানার্জীকে দেখিলেন। বানার্জী ভালো কোন উচ্চ-বাচ্য করিলেন না।

জমাদার বাহাদুরকে ঠেলা দিয়া কহিল—“এই, বাবু নাম জিজ্ঞাসা করছেন, নাম বল বাহাদুর নায়েব জেলারকে নাম বলিল—“বাহাদুর সিং।”

নায়েব জেলার লোকটী নাকি উচ্চবংশের লোক, কিন্তু সেই নীল রক্তের কোন ছ তাঁর দেহে বা মনে ছিল না। যেটুকু বা ছিল তা বিড়ি-গাজা ও শস্তা মদ খাইয়া

করিয়াছিলেন। এই কুড়ি বৎসর যাবত জেলের অফিসে বসিয়া প্রত্যহ দুইবেলা চোরডাকাত ইত্যাদির নাম-ধাম পরিচয় খাতায় লিখিয়া আসিতেছেন, এরপরেও শরীরে বা স্বভাবে নীল রক্তের সন্ধান চাওয়া অস্বাভাবিক। নায়েব লিখিতে লিখিতে আপন মনেই বলিলেন—“বাহাদুর সিং, কি দেশ বাবা, সব ব্যাটাষ্ট এক নামে কাজ চালায়,—নামের বাজে খরচ আছে, এ অপবাদ কেউ দিতে পারবে না।” খাতা হঠাতে মুখ তুলিয়া জিজ্ঞাসা করিলেন—“বাপের নাম কি?”

বাহাদুর অপমান বোধ করিল, যেন বাপ তুলিয়াছে, কটু কণ্ঠে কহিল—“কেন, বাপের নাম দিয়ে কি কাম?”

—“আরে ম'লো, কঁোস করে যে। খাতায় লিখতে হবে না? বল, বাপের নাম কি বল—”

—“কেন, বাপের নাম কেন বলতে যাব? আমার নাম দিয়েছি, আর কি চাই—”

—“তাতো দিয়েছিস, কিন্তু বাপের নামও যে দরকার—” বলিয়া নায়েব ট্যারা চোখ ব্যানার্জীর উপর পাতিয়া বাহাদুরকে দৃষ্টিতে অনুরোধ জানাইল যে, খামোকা কেন দেবী করিতেছে।

—“না, কোন দরকার নাই। আমার জেল হয়েছে, আমার নাম বলতে আমি রাজি আছি। পিতার নাম কেন বলব। তিনি তো কোন কসুর করেন নাই।”

—“আচ্ছা ফ্যাসাদে পড়েছি—আরে কসুরের কোন কথাই হচ্ছে না। নিয়ম আছে, বাপের নাম, গ্রামের নাম এম্ব লিখতে হয়। ধর তুই যদি মরে যাস, তবে খবর দিতে হবে না! নাম ঠিকানা না জানা থাকলে কেমন করে তোর ঘরে খবর যাবে শুনি?”

—“সে আমি জানি না। পিতার নাম আমি কিছুতেই বলব না।” বলিয়া বাহাদুর মৌন অবলম্বন করিল। সিপাইরা বুঝাইল, জমাদার বুঝাইল, নায়েব ও আবার বুঝাইলেন যে, এতে ভয়ের বা দোষের কিছু নাই,—কিন্তু বাহাদুর কিছুতেই মৌন ভঙ্গ করিল না। দোষ সে করিয়াছে, তার বিষয়ে খাতায় লেখা হউক, এর মধ্যে পিতার কথা কেন আসিবে সে কিছুতেই বুঝিতে চাহিতেছিল না। পুত্র হইয়া পিতার নাম বলিয়া দিবে এমন কুপুত্র সে নয়।

নায়েব জেলার পোড়া বিড়িটায় নিরর্থক কয়েকটা টান দিয়া ব্যানার্জী সাহেবকে দেখিবার জন্ত বাহাদুরের উপর ট্যারা চোখ পাতিলেন এবং কাতর ভাবে বলিলেন—“স্তার আপনি একটু বুঝিয়ে বলুন না।”

ব্যানার্জী কহিলেন—“বাহাদুর, এতে কোন দোষ নেই, তোমার বাবার নাম বল।” হুকুম অমান্য সে করিতে পারে না, কিন্তু ব্যানার্জীর হুকুম পালন করার শক্তি তার ছিল না, প্রায় কঁাদ কঁাদ হইয়া বাহাদুর বলিল—“পিতার নাম আমি জানে না ভুলে গেছি, মনে নাই।”

নায়েব জেলার জমাদার সিপাই সকলের মুখ হাঁ হইয়া গেল এবং সেই হাঁ করা মুখেই হাসি ফাটিয়া পড়িল।

ব্যানার্জী নায়েবকে বলিলেন—“লিখে নিন ঈশ্বর সিং।”

নায়েব বলিলেন—“কি আর করি, তাই লিখি। ঈশ্বরতো ইউনিভার্সাল বাবা, বেটাদের বাইবেলেও নাকি তাই আছে।”

ঈশ্বরকে দিয়া ঠেকা কাজ চালাইয়া লওয়া হইল, বাহাদুরের পিতার নাম খাতায় লেখা হইল। বাহাদুরও বিপদ মুক্ত হইল।

জেলে সপ্তাহখানেক বেশ কাটিল। বাহাদুর জেলটাকে খেলাধর বানাইয়া ফেলিল। ঢেঁকিতে তাকে জুতিয়া দেওয়া হইল ধান ভানিতে। যে পায়ে এতকাল সে পাহাড় চষিয়াছে, সেই পায়ের জোরেই ঢেঁকটাকে ভাঙ্গিয়া ফেলিল। ছ-ছটা ঢেঁকির অঁপমৃত্যু ঘটায় তাহাকে ঢেঁকিশালা হইতে সরাইয়া যাঁতাঘরে কাজ দেওয়া হইল, যাঁতারও সে দুর্গতি করিয়া ছাড়িল। কাজেই এখানেও তাকে নিরাপদে রাখা গেল না। অনেক ভাবিয়া চিন্তিয়া জমাদার তাকে জেলের বাগানে কাজ দিল, এবার রোদ্রে বসিয়া বাহাদুর আর যাই ভাঙ্গুক মাঠটা যে ভাঙ্গিতে পারিবে না, সকলেই এ বিষয়ে একমত হইয়া গেল।

খাওয়া দাওয়ার পর বিশ্রামান্তে বাগানে আর একবার কাজ করিতে যাইবার নিয়ম। বাহাদুর চোঁকায় গিয়া হাজির হইল, এক খামচা লবণ কাগজে মুড়িয়া জেল-ভাঙ্গিয়া ট্যাঁকে খুজিয়া লইল। কফির বাগানে পোকা ও পাকা পাতা বাড়িবার কাজ তাকে দেওয়া হইয়াছিল। ফুলকফি তখন সবমাত্র গুটি ধরিয়াছে, বাহাদুর লবণ সংযোগে সেগুলিকে মুখে ফেলিয়া পরম তৃপ্তির সহিত খাইয়া চলিল। ওয়ার্ডারের দৃষ্টি এড়ানো গেল না, দৌড়াইয়া আসিয়া ধমক দিল—“সব খা লেতা হ্যায়—এঁয়া তাজ্জব কাণ্ড!” ঝুকিয়া পড়িয়া দেখিল প্রায় একসারি ফুলকফির গুটিফুল ইতিমধ্যেই হেঁড়া হইয়া গিয়াছে। রিপোর্ট গেল, শেষটা ঠিক হইল বাহাদুরকে জেলের পাম্পে দেওয়া হইবে। জমাদারের ইচ্ছা ছিল যে, বাহাদুরকে ঘানিঘরে দিয়া একটু শায়েস্তা করিয়া লয়। কিন্তু জেলার স্বদেশীদের সামনে এতটা যাইতে সাহস পাইলেন না। সেখানেও গণ্ডগোল করায় বাহাদুর অবশেষে কাজ হইতে ছুটি পাইল, তাকে নাম মাত্র কাজ দেওয়া হইল।

দুই সপ্তাহও যায় নাই, বাহাদুর যেন কেমন হইয়া গেল। মনের সে ফুর্তি, সে উৎসাহ তার আর ছিল না, মনমরা হইয়া থাকিত। বাহাদুর দিনে দিনে শুকাইয়া উঠিতে লাগিল। কথা-বার্তাও সে কম বলিতে আরম্ভ করিল, প্রায় সময়ই চুপ করিয়া কি ভাবিত।

অত্যাচার স্বদেশীরা উৎসাহ দিয়া তাকে পুনরুজ্জীবিত করিতে চেষ্টা করিল, কিন্তু সে য়ান ছাপ মুখ হইতে কিছুতেই মুছিল না, দিন দিন বরং আরও কালো হইয়া উঠিল।

ব্যানার্জী একদিন একা পাঠিয়া জিজ্ঞাসা করিলেন, “কিরে তোর কি হয়েছে! এমন শুকিয়ে যাচ্ছিস কেন?”

বাহাদুর কোন কারণই বলিতে পারিল না, কেবল ম্লান হাসি হাসিল। ব্যানার্জী বুঝিলেন যে, জেল এতদিনে বাহাদুরের উপর জয়লাভ করিয়াছে, তার আনন্দ নিবাইয়া দিয়াছে।

একদিন 'সম্মান' পাওয়া গেল যে, বাহাদুরের ভয়ানক অসুখ, জেল হাসপাতালে তাকে সরানো হইয়াছে। স্বদেশীবাবুরা তাকে দেখিয়া আসিল, রিপোর্ট দিল যে, না তেমন মারাত্মক কিছু হয় নাই, আমাশয়ে সে আক্রান্ত হইয়াছে, দু'একদিনের মধ্যেই ভালো হইয়া যাইবে।

বাহাদুর তা বিশ্বাস করে নাই, ছলছল চোখে নাকি প্রেসিডেন্ট সুরেনবাবুকে বলিয়াছিল—
“ভজুর আমি আর বাঁচব না।”

সুরেনবাবু আশ্বাস দিয়াছিলেন “ভয় কি, ভালো হয়ে যাবি। তোর কি হয়েছে? এ সামান্য পেটের অসুখ, দু'দিনেই সেরে যাবে।”

বাহাদুর শুধু বলিল, “ভজুর ব্যানার্জী সাহেবকে একবার আসতে বলবেন, তাঁকে বড় দেখতে ইচ্ছা করছে।”

এরপরের ইতিহাস অতি সংক্ষিপ্ত।

ব্যানার্জী বিকালের দিকে বাহাদুরের সঙ্গে দেখা করিয়া আসিলেন। পরদিন ভোরবেলা বাহাদুরকে আর জেলে দেখিতে পাওয়া গেল না। কিন্তু খবরটা গোপন রহিল না, সকলেই জানিল ব্যানার্জী সাহেব লুকম করিয়াছেন, তাই বাহাদুর 'বণ্ড' দিয়া বাহির হইয়া গিয়াছে। ব্যানার্জী সমালোচনায় কান দিলেন না,—খাচার দরজা খুলিয়া দিয়াছেন, বাবু কেন ফিরিয়া চলিয়াছে—এই ছবিই তিনি দেখিতেছিলেন।



বর্তমান যুদ্ধের গোড়ার কথা

দিগিজ্ঞ চন্দ্র বন্দ্যোপাধ্যায়

বর্তমান যুদ্ধকে বুঝিতে হইলে বিভিন্ন দেশের সমরপ্রস্তুতির গোড়ার কথা কিছু জ্ঞান দরকার। যুদ্ধ বাধিবার পূর্বে ইউরোপের রাজনৈতিক গগনে যে প্রবল ঝড় উঠে তাহার মূল ছিল নূতন সামরিক শক্তির আবির্ভাব। জাতীয়-সমাজতন্ত্রী জার্মানী এবং সাম্যবাদী সোভিয়েট যুনিয়ন সম্পূর্ণ নূতন ধরণে সমরসজ্জা করে, সমরায়োজনে প্রাচীনপন্থী গ্রেট ব্রিটেন এবং ফ্রান্স হইতে তাহা একেবারেই পৃথক। প্রয়োজনকালে অনতিবিলম্বে যাহাতে দেশের সমস্ত শক্তি সাহায্য ও সম্পদরাশি সামরিক প্রয়োজনে নিয়োজিত করা চলে, জার্মানী ও সোভিয়েট যুনিয়ন পূর্বাতে তেমন ব্যবস্থা করিয়া রাখে এবং উভয় দেশই রণনীতিকে আক্রমণাত্মক করিয়া তোলে। পক্ষান্তরে গ্রেট ব্রিটেন ও ফ্রান্স সেই প্রাচীন আত্মরক্ষাত্মক রণনীতিকেই আঁকড়াইয়া ধরিয়া বসিয়া থাকে। ফলে ভার্সাই সন্ধিতে গ্রেট ব্রিটেন ও ফ্রান্স সামরিক বলে যে প্রাধান্য লাভ করিয়াছিল, ১৯৩০ হইতে ১৯৩৫ সালের মধ্যে তাহা লোপ পায় এবং পশ্চিম ইউরোপের সামরিক প্রাধান্য মধ্য ও ইউরোপের আশ্রয় লয়।

নাৎসী জার্মানী ও সোভিয়েট যুনিয়ন—এই দুই নূতন সামরিক শক্তির রাজনৈতিক উদ্দেশ্য পৃথক, কাজেই তাহাদের সমরায়োজনের লক্ষ্যও স্বতন্ত্র। অস্ত্র বাড়াইলেই পররাজ্য করিতে হইবে এমন কোন কথা নাই। আক্রমণাত্মক সমর প্রস্তুতি আর রাজনৈতিক উদ্দেশ্য পররাজ্য আক্রমণ এক কথা নয়। সামরিকক্ষেত্রে আক্রমণাত্মক নীতি রাজনৈতিক ক্ষেত্রে সহ আত্মরক্ষাত্মক অস্ত্ররূপে ব্যবহৃত হইতে পারে। সোভিয়েট যুনিয়নের অস্ত্রবৃদ্ধির উদ্দেশ্য ত রাজনৈতিক লক্ষ্যকে বাঁচাইয়া রাখা, জাতীয়-সমাজতন্ত্রী জার্মানীর মত পররাজ্যমুখী ইতিহাসের পৃষ্ঠায় দৃষ্টিপাত করিলেই তাহার প্রমাণ মিলে। ১৯২০ সালে পোলাও সোভিয়েট যুনিয়নকে আক্রমণ করিয়াছিল। ১৯৩১ সাল হইতে জাপান এবং ১৯৩৩ সাল হইতে জার্মানী স তাহাকে আক্রমণের ভয় দেখাইয়াছে। কাজেই ইহাদের হাত হইতে নিজেকে বাঁচাইবার তাহার অস্ত্রবৃদ্ধি না করিয়া উপায় ছিল না।

নূতন সামরিক শক্তি জার্মানী ও সোভিয়েট যুনিয়নের তিনটি ব্যাপারে প্রাচীন সামরিক শক্তি গ্রেট ব্রিটেন ও ফ্রান্সের অপেক্ষা অধিকতর সুবিধা আছে।

প্রথমতঃ তাহাদের প্রাকৃতিক ও সামগ্রিক সম্পদ বেশী, ইউরোপে সব চেয়ে বেশী লোক বাস এই দুই দেশে এবং তাহাদের প্রত্যেকেরই শৈল্পিক সামর্থ্য যথেষ্ট।

দ্বিতীয়তঃ সমর সম্ভার নির্মাণে তাহারা যথেষ্ট সময় থাকিতে মন দেয় এবং তাহাদের অস্ত্র-গুলি অতি আধুনিক ও উৎকৃষ্ট—একটি দৃষ্টান্ত দিলেই ব্যাপারটা বুঝা যাইবে। এই যুদ্ধেও ফ্রান্সের গোলন্দাজ বাহিনীতে ঊনবিংশ শতাব্দীর কতকগুলি কামান ছিল; পক্ষান্তরে ১৯৩২ হইতে ১৯৩৮ সালের মধ্যে জার্মানী ও সোভিয়েট যুনিয়ন তাহাদের সমস্ত সেনাদলে অতি আধুনিক কামান সমূহের প্রবর্তন করে। সেনাদল গঠনে যান্ত্রিক উৎকর্ষের কোনটাকেই তাহারা বাদ দেয় না।

তৃতীয়তঃ জার্মানী ও সোভিয়েট যুনিয়ন—এই দুই দেশেই ডিক্টেটরী ব্যবস্থা থাকায় (অবশ্য আদর্শ পৃথক) বৈপ্লবিক পন্থায় সেনাগঠনে সুবিধা হইয়াছে। রাষ্ট্রনিয়ন্ত্রিত শিল্পসম্পদকে তাহারা যেমন পূর্বাভুই সমরার্থক করিয়া তুলিতে পারিয়াছে, তথাকথিত গণতান্ত্রিক পুঁজিপন্থী গ্রেট ব্রিটেন ও ফ্রান্স তেমন পারে নাই। শিল্পকে সমরার্থক করার জন্ত যুদ্ধ বাধিবার পর সমস্ত কলকারখানা ব্রিটিশ সরকারকে নিজ নিয়ন্ত্রণাধীনে নিতে হয়। কিন্তু জার্মানী ও সোভিয়েট যুনিয়ন এই ব্যবস্থা পূর্ব হইতেই করিয়া রাখিয়াছিল, কাজেই প্রয়োজন হওয়া মাত্রই তাহারা দেশের সমস্ত শক্তি ও সম্পদ যুদ্ধে নিয়োজিত করিতে পারিয়াছে। এই কারণেই তাহাদের সামরিক সামর্থ্য অধিক।

সামরিক শক্তিপুঞ্জের মধ্যে নাৎসী জার্মানী ও সাম্যবাদী সোভিয়েট যুনিয়নের স্থান যে শীর্ষে তাহা অবিসংবাদিত সত্য, কারণ অর্থনৈতিক শক্তিসম্পন্ন দেশগুলির মধ্যে এই দুইদেশই কেবল সমরসামর্থ্য বাড়াইবার জন্ত আশ্রয় চেষ্টা করিয়াছেন। আবার এই দুই দেশের মধ্যে বোধ হয় সোভিয়েটের স্থান আরও উচ্চে, কেন না জার্মানীর তুলনায় তাহার কাঁচা মাল ও জনবল বেশী।

এই গেল প্রথম শ্রেণী। দ্বিতীয় শ্রেণীর পর্যায়ে পরে গ্রেট ব্রিটেন ও ফ্রান্স। এই দুই দেশের অর্থনৈতিক ভিত্তি খুবই দৃঢ় এবং সাম্রাজ্য ধরিলে তাহাদের জনবলও যথেষ্ট, কিন্তু সেই তুলনায় তাহাদের সমরপ্রস্তুতি অত্যন্ত: এই যুদ্ধের প্রাক্কাল পর্যন্ত ছিল অত্যন্ত নৈরাশ্রজনক। সুসংগঠিত শিল্প, সুদৃঢ় অর্থনৈতিক ভিত্তি এবং প্রচুর জনবল থাকিতেও সেইগুলিকেই সমরার্থক না করায় এই দুই দেশ সামরিক শক্তিতে জার্মানী এবং সোভিয়েট রুশিয়ার পশ্চাতে পড়িয়া থাকে।

সামরিক ক্ষেত্রে তৃতীয় শ্রেণীভুক্ত করা যায় ইতালী ও জাপানকে। এই উভয় দেশ অর্থনৈতিক ক্ষেত্রে দুর্বল কিন্তু সমরায়োজন করিয়াছে আকর্ষণীয়। ইহাদের অবস্থা গ্রেটব্রিটেন ও ফ্রান্সের অবস্থার ঠিক বিপরীত। শিল্পক্ষেত্রে ইতালী একেবারেই দুর্বল এবং কাঁচামালের অভাব উভয় দেশেই আছে। অস্ত্রসজ্জার আড়ম্বর থাকিলেও অর্থনৈতিক দুর্বলতার জন্ত এই দুই দেশের সমরসামর্থ্য কম। অতএব অর্থনৈতিক শক্তিসম্পন্ন সোভিয়েট যুনিয়ন, জার্মানী, গ্রেট ব্রিটেন, ফ্রান্স * ইহাদের কাহারও সঙ্গে ইতালী বা জাপানের দীর্ঘকাল যুদ্ধ চলাইবার সামর্থ্য নাই।

* এখানে ফ্রান্সের পরাজয়ের পূর্বের অবস্থাই ধরিয়া লইতে হইবে।

ইউরোপে সামরিক শক্তির দিক দিয়া চতুর্থ শ্রেণীতে ফেলা যায় পোলাণ্ড, রুমানিয়া ও যুগোস্লাভিয়াকে। শিল্পক্ষেত্রে ইহারা নিতান্তই অনগ্রসর—সৈন্যবল মাঝারি, অস্ত্রশস্ত্র নিতান্তই কম। কাজেই দলে ভিড়াইবার জন্য ইহাদিগকে লইয়া প্রবল রাষ্ট্রসমূহ যথেষ্টই টানা-হেঁচড়া করিয়াছে। ইহাদের মধ্যে পোলাণ্ড ও যুগোস্লাভিয়ার সামরিকবল জার্মানীর সঙ্গে যুদ্ধে বিনষ্ট হইয়াছে এবং রুমানিয়া জার্মানীর দলে ভিড়িয়াছে।

ইউরোপের অসংখ্য দেশের সামরিক বল উল্লেখযোগ্য নহে। এই মানদণ্ডের সাহায্যে বর্তমান যুদ্ধকে বুঝিতে অনেকখানি সুবিধা। পটভূমি জানা থাকিলে ঘটনাপ্রবাহ সহজেই হৃদয়ঙ্গম হয়,—নচেৎ ঘটনার উদ্ভেজনা মানুষের নিরপেক্ষ বিচার বুদ্ধিকে অনেক সময়ই বিভ্রান্ত করে।



সাম্প্রদায়িক বিরোধ

কাজী মোতাহার হোসেন,

সাম্প্রদায়িক ভেদবুদ্ধি বর্তমানে বড় গুরুতর ভাবে প্রকাশ পাচ্ছে। বিশ, ত্রিশ বৎসর আগেও শুনেছি, রাজনৈতিক নেতারা বক্তৃতা মঞ্চে উঠে বলেছেন, “আমরা হিন্দু-মুসলমান পরস্পর ভাই ভাই—একই মায়ের দুটি সন্তান, একই রথের দুটি চক্র, একই দেহের দুটি বাহু ইত্যাদি।” কিন্তু আজকাল তাদের বক্তৃতার ধারা যেন অগ্নি পথে চলেছে। এখন প্রায়ই শুনা যায়, “আমাদেরও দৃষ্টি পৃথক, মিলন প্রচেষ্টা বিফল, একে অথোর সহায়তার ব্যতিরেকেই বা বিরোধিতা সহ্যেও স্বদেশের উন্নতি-সাধন সম্ভব, এমনকি শাসন ব্যাপারে পরস্পরের প্রভাবাধীন অঞ্চল বিভাগ করে নেওয়াই একমাত্র পন্থা।”

এই সময়ের মধ্যে এমন কি ঘটনা ঘটেছে যার জন্য মনোভাবের এরূপ পরিবর্তন সাধিত হয়েছে—তা বিশেষ ভাবে বিবেচনা করে দেখবার মত। সহজেই চোখে পড়ে, বর্তমান শতাব্দীর প্রথম দশকে যে স্বদেশী আন্দোলন হয় তাতে হিন্দু যোগ দিয়েছিল, মুসলমান যোগ দেয়নি বললেও চলে। প্রতিবেশী হিন্দুর আহ্বান মুসলমান কতৃক কেন উপেক্ষিত হ’ল—এ বিষয়ে কবি রবীন্দ্রনাথ যা বলেছেন তার ভাবার্থ এই যে অবজ্ঞাত দুর্বল পক্ষ প্রবল পক্ষের গরজের ডাকে প্রাণ খুলে সাড়া দিতে পারে না। বিজ্ঞাবুদ্ধি ধন-সম্পদ ও প্রতিপত্তিতে শ্রেষ্ঠ বঙ্গীয় হিন্দু দীন-দরিদ্র মুসলমান দিগকে এবং ঐ অবস্থার হিন্দুকেও কোনোদিন হয়ত প্রীতির চক্ষে দেখে নাই। তাই অকস্মাৎ উন্নতদের ডাকে অনুমত্তেরা প্রাণ খুলে সাড়া দিতে পারে না। তাদের মনে ছিল কতকটা সন্দেহ, কতকটা অস্পষ্ট উপলব্ধি-জনিত দ্বিধা। হুজুগের জোরে কাজ কিছুটা অগ্রসর হ’তে পারে কিন্তু অধিক দূর নয়। এজ্ঞা প্রথম স্বদেশী আন্দোলন প্রধানতঃ শিক্ষিত হিন্দুদের মধ্যে এবং তাদের দেখাদেখি, হুজুগ ক্রমে, হিন্দু জন-সাধারণের মধ্যেও কিছু প্রসার লাভ করেছিল। মুসলমান যে উক্ত আন্দোলনে যোগ দেয়নি, তার থেকেই এই সিদ্ধান্ত করা যায় যে ঐ সময়ে তাদের স্বাতন্ত্র্য-বোধ পুরামাত্রায় না হোক, কিছু কিছু জাগ্রত হয়েছিল—অন্ততঃ তাদের নেতৃবৃন্দের মধ্যে বেশ খানিকটা স্বাতন্ত্র্য-বোধ জন্মেছিল। ঐ সময়ে বর্তমান ধরণের দাঙ্গা হাঙ্গামা কম হ’ত; কিন্তু ভিতরে ভিতরে যে বিক্ষুব্ধ মনোভাবের অস্থি ছিল না, একথা জোর করে বলা যায় না। তখনও কোরবানী নিয়ে ছুই একটা দাঙ্গা হাঙ্গামার বিবরণ পশ্চিমাঞ্চল থেকে শোনা যেত, কিন্তু বাংলাদেশে তেমন ছিল না। প্রতাপশালী হিন্দু জমিদারের মাটিতে মুসলমান প্রজা কোরবানী করতে সাহস করত না—এখনও অনেক স্থানে করে না—কিন্তু তাই বলে তারা যে নিজেদেরকে অধিকারচ্যুত

মনে করত, এরূপ প্রমাণিত হয় না। আজকাল একটা ধূয়া উঠেছে, বিচার-আচার, যুক্তি-তর্ক কি নয়, যার যার বর্তমান অধিকার বজায় রাখতে হবে—অর্থাৎ আয়তাবেই হোক আর অমায়তাবে হোক, যে একটি সুযোগ পেয়ে বসেছে, সে কিছুতেই তা' ছাড়বেনা। আর যাকে একবা অসুবিধায় ফেলা গেছে, সে যেন চিরকাল ঐ ভাবেই নিষ্পেষিত হ'তে থাকে। এই প্রকা মনোবৃত্তির ফলে স্বাধীন জাতিদের মধ্যে বড় বড় যুদ্ধ সংঘটিত হ'তে পারে, আর পরাধীন নির্বী জাতির মধ্যে স্বার্থগত সাম্প্রদায়িক দাঙ্গা হাঙ্গামা বাধা কিছু আশ্চর্য নয়।

দেখা গেছে, জাতি বা সম্প্রদায়ের মধ্যে অতিরিক্ত পার্থক্য,—তা' সে আর্থিকই হোক শিক্ষা সংক্রান্তই হোক, বা বিচার নৈতিকই হোক,—বিদ্বেষের সৃষ্টি করে। রাজা রামমোহনে আমলেও যে মুসলমান শিক্ষা-সম্পদ, রুচি-সভাভা এবং কর্মদক্ষতায় হিন্দুর চেয়ে নিকট ত নয় বরং উৎকৃষ্টই ছিল, অল্পকালের মধ্যেই সে হিন্দুর চেয়ে সর্বাংশে নিকট হয়ে পড়েছে। এর কার কতকটা ইংরাজ শাসনে জমিদারী বন্দোবস্ত, নিম্নর বাজেয়াপ্ত, এবং ঐ কালের মুসলমানদের ওঠাবী বিদ্রোহ, ইংরাজ-বিদ্বেষ এবং গতানুগতিকপ্রিয়তা। কিন্তু মুসলমানের সহিত শাসক জাতি অসৌহার্দই বোধ হয় এই অবনতির প্রধান কারণ। এজন্য মুখ্যতঃ হিন্দুকে দায়ী করা যায় না কিন্তু তবু মুসলমানের নিষ্ফল আক্রোশ সুবিধাভোগী হিন্দুর উপরেই গিয়ে পড়ল। যে কারে অফিস ফেরতা বড়বাবু সাহেবের চোখরাঙানী কিম্বা বিশিষ্ট সম্বোধন হজম ক'রে স্বগৃহে আপ পরিজন-বর্গের উপর ঝালঝাড়তে প্রবৃত্ত হয়, এ সেন কতকটা সেই ধরণের। হিন্দুও যে কোনোদিন মুসলমানের প্রতি ম্লিগ্ন গদগদ ভাব পোষণ করতে পেরেছে বা আজও করছে, তেমন নয়। প্রতিদি মহরের কশাই খানায় কত গরু সামরিক ও বেসামরিক লোকের আহাৰ্য্যে পরিণত হচ্ছে, তা বিরুদ্ধে প্রতিবাদ হয় না' কিন্তু কোরবানীর সময় গো-রক্ষণী বৃত্তির বিশেষ প্রকাশ হয়। পক্ষান্তরে গোরাপন্টন ব্যাণ্ড বাজাতে বাজাতে মসজিদের পাশ দিয়ে মার্চ ক'রে গেলে, কিম্বা মহরমের সমা মুসলমান ঢাকঢোল পিটিয়ে মসজিদের সামনে দিয়ে গেলৈ কারও নামাজের ব্যাঘাত হয় না, অথ সংকীর্তন বা দোল-দশহরা প্রভৃতি হিন্দু উৎসব উপলক্ষে কাঁসর, সানাই বাজলেই নামাজে মনোযোগ রক্ষা করা অসাধ্য হ'য়ে পড়ে। এর থেকেই বোঝা যায়, এ সবের ভিতরে যতটা প্রপাগাণ্ডা ব জিদ আছে, ততটা আন্তরিকতা নিশ্চয়ই নাই।

দ্বিতীয় স্বাধীনতা আন্দোলন বা অসহযোগ আন্দোলনের সময় দেখা যায় মুসলমান হিন্দু সঙ্গে যোগ দিয়েছিল। হিন্দু-মুসলমান চাকুরীজীবী বা উকিল মোক্তার বা স্কুল কলেজের ছাত্রদিগে সংখ্যা অনুপাতে দেখলে বলা যায়, প্রায় সমভাবেই যোগ দিয়েছিল। এতদিনে মুসলমানে ভিতর কিছু রাজনৈতিক চেতনার সঞ্চার হ'য়েছিল বলে ধরে নেওয়া যায়। এই সময়ই সর্বপ্রথম বন্দেমাतरম ও আল্লাহো-আকবর একসঙ্গে ধ্বনিত হয়। মনে হ'য়েছিল হিন্দু-মুসলমান যেন

অনেকটা একীভূত হয়ে গেছে। কিন্তু প্রকৃত প্রস্তাবে অসহযোগের সঙ্গে খেলাফত আন্দোলনের সংযোগই বোধ হয় এদের সাময়িক ঐক্যের প্রধান কারণ হয়েছিল। এই জন্ত, খেলাফত আন্দোলনরূপ বেলুনের হাওয়া বের হ'য়ে যাওয়ার সঙ্গে সঙ্গেই মুসলমান রাজনৈতিক আন্দোলন থেকে অনেকটা সরে পড়েছে—কংগ্রেসের সঙ্গে আর ততটা মাখামাখি করছেন—বরং ঠাট বজায় রাখবার জন্ত কংগ্রেস বিরোধী দলে ভিড়েছে বা ভিড়ছে। হিন্দুর প্রতি মুসলমানের এই নবজাত বিরূপতার প্রধান কারণ বোধ হয় অসহযোগ আন্দোলনের নিফলতা! বর্তমানে মুসলমান নেতাদের অধিকাংশেরই এই ধারণা জন্মেছে যে অসহযোগ আন্দোলনের ফলে গোটা সম্প্রদায় হিসাবে হিন্দুর বিশেষ কিছুই ক্ষতি হয় নাই। কিন্তু মুসলমানের সমুদ্র ক্ষতি হয়েছে, শিক্ষা ক্ষেত্রে তাদের অগ্রগতি প্রায় দশবৎসর পিছিয়ে গিয়েছে, তখন এ সবই ঐ গান্ধীর কারসাজী! মুসলমান নেতারা আরও দেখতে পেয়েছে; কর্পোরেশন, মিউনিসিপালিটি প্রভৃতি দেশীয় প্রতিষ্ঠানে মুসলমানের স্বার্থের দিকে লক্ষ্য করা হয় নাই। এইরূপ ধারণা অবিশ্বাসের পরিপোষক এবং মিলনের পরিপন্থী। অর্থনৈতিক দুর্দিনের এইরূপ পরিণতির আশঙ্কা করে দেশবন্ধু চিত্তরঞ্জন যে পরিকল্পনা করেছিলেন, তা উপযুক্ত রূপে কার্যে পরিণত হয় নাই। এক শতাব্দীর অধিককাল যাবত হিন্দু সরকারী চাকুরী, অফিস, আদালত ব্যবসায় বাণিজ্য প্রায় একচেটে করে রেখেছে। মুসলমান চেতনা লাভ করতই নিজের অসহায় অবস্থার কথা বুঝতে পেরেছে। সরকারী নীতির পরিবর্তনের সঙ্গে সঙ্গে মুসলমান কিছু কিছু অধিকার, শতকরা হিসাবে চাকুরী ইত্যাদি ভোগ করতে চাচ্ছে। এর ফলে হিন্দুর অধিকৃত সুযোগে বাধা পড়েছে। কোনো অফিস বা প্রতিষ্ঠান সেক্ট-পার-সেক্ট হিন্দু কর্মচারী থাকলেও হিন্দুর নিকট অভ্যাসক্রমে তাই স্বাভাবিক মনে হয়, কিন্তু দু-চার-দশজন মুসলমান কর্মচারী বা কেরানী নিযুক্ত হ'লে তা অতিশয় অস্বাভাবিক সাম্প্রদায়িকতা রূপে বর্ণিত হয়।

অন্নবস্ত্রের সংস্থান ব্যাপারে এই প্রতিযোগিতাই হিন্দু-মুসলমান বিরোধের প্রধান কারণ। ভাণ্ডারে প্রচুর সম্পদ থাকলে দান-দক্ষিণা ক্রিয়াকাণ্ড করতে বাধে না, কিন্তু আমাদের জাতীয় সম্পদ এত স্বল্প যে কণাটুকু খসলেই নিতান্ত অসুবিধায় পড়তে হয়। হিন্দুও কিছু খেয়ে-পড়ে এমন সুখে নাই যে সে স্বচ্ছন্দে একটু ভাগ মুসলমানকে ছেড়ে দিতে পারে। হিন্দু-মুসলমান উভয়েই ভিক্ষুক—অভাবের তীব্র তাড়নায় জর্জরিত। একরূপ অবস্থায় মানুষের আদিম প্রবৃত্তি—আত্ম-সংরক্ষণ বৃত্তি প্রবল হওয়া খুবই স্বাভাবিক। এই জন্তই এত রোষ, গর্জন, হানাহানি। অবস্থার উন্নতি না হলে এর স্থায়ী প্রতিকার কিছুই দেখা যায় না। আমার বিশ্বাস, হিন্দু-মুসলমানের ঘরে যদি অভাব না থাকত, তবে ক্ষুদ্র স্বার্থের দ্বন্দ্ব আপনা থেকেই থেমে যেত।

উপরে যা কিছু বলা হয়েছে, সবই সাধারণভাবে সমগ্র সমাজকে লক্ষ্য করেই বলা হয়েছে। কিন্তু উভয় সমাজেই মহৎ ভাবাপন্ন অনেক উদার ব্যক্তি আছেন যারা জাতি ও সমাজের

উর্ধ্বে মানুষকে স্থান দিয়ে থাকেন। তুর্যোগের কালমেঘের এক প্রান্তে এঁরাই একমাত্র আশার রজত-রেখা। দ্বৈষপ্রচারক, স্বার্থান্বেষী নেতা ও খবরের কাগজের কবল থেকে, জাতিকে রক্ষা করার ভার এঁদের উপরেই। এঁরা যদি দেশে সুশিক্ষা বিস্তার করে জনমন বা জনচরিত্র সুন্দর করতে পারেন, তবে কোনও সুদূর ভবিষ্যতে দেশের সুখসম্পদ হয়ত ফিরে আসতে পারে। কিন্তু বর্তমানে এ আশা এত ক্ষীণ যে কিছুই ভরসা করা যায় না, কারণ এখনও মানুষ পৃথুদন্ত, পশুবলই প্রবল।



‘রবিরে ঘেরিয়া গ্রহ— নিবেদন করে তার অসহ বিরহ’

লোকমান খান শেরওয়ানী

অবিরাম কি অদৃশ্য আকর্ষণ হানি'
আমারে তোমার পানে নাও তুমি টানি।
অহরহ এ রবিরে ঘেরি যেন গ্রহ
নিবেদন করে তার অসহ বিরহ।

অন্তরের অন্তঃস্থল মথিয়া পিষিয়া,
ব্যথা বিষে জর্জরিত মোর রিক্ত হিয়া ;
নির্মমে দলিয়া মোকে করিয়াছে নিঃস্ব,
বেদনার তীব্র ঘাতে মৌন মুক বিশ্ব।
অভাগার দীর্ঘশ্বাস—ব্যথিল আকাশ ;
অমৃতের মাঝে যেন মৃত্যুর বিকাশ।
হৃদয় অনলে দহে, সে নিধুম দাহ—
রং চির অপ্রকাশ—জানিল না কেহ।

অকালেতে আজ
হোথা যম রাজ
মেলিয়াছে বাহ।
একি পরমাদ
পূর্ণিমার চাঁদ
গাসিয়াছে রাহ।

আমারে করিতে লয়

প্রতীক্ষিয়া আছে যে প্রলয় ।

পাতাল ভূতল আর আকাশ ধ্বনিছে ;

বিষাক্ত নিশ্বাস মোর অন্তরে রণিছে ।

জীবনের রূপ রস গন্ধের সঞ্চয়,

আরাধ্য দেবীরে দানি' যেবা রিক্ত হয় ;

তাহারে নাশিতে হয়—হেরি আয়োজন,

নিরন্ত পর্বতে জাগে ছঃসহ দহন ।

কিন্তু হয়, দুর্ভাগ্য আমায়—

টানিছে, সহসা দূরে অজানা দিশায় ।

মরু মরে পিপাসায়, হয় তারি দাহ

শুষ্ক তরু মাঝে আনে অনল প্রবাহ ।


ভীষ্মেরে ভস্মিতে পুনঃ একি সমারোহ !

ভস্মিলে যে ভাগ্যহত, কাটেনা দশাহ ।

আজিও রবিরে অই ঘেরিয়াছে গ্রহ

নিবেদন করে তার অসহ বিরহ ॥





২৭০ বৎসরের বিমান আক্রমণের ইতিহাস

১৬৭০ সনে লেনা ডি টার্বুজি নামক একটা ইটালীয়ান সর্বপ্রথম উড়োজাহাজ আবিষ্কারের স্বপ্ন দেখেন—যাত্রারা শত্রুপক্ষের নৌবহর, ঘরবাড়ী ভুগ্ন ও সহর ধ্বংস করা যাবে।

১৭২৬ সনে এলেন জোনাসেন অইফট, তাঁর নায়ক গালিভারকে লাপুটাতে পাঠিয়ে লাপুটার ভাসমান দ্বীপ দেখালেন। সে দেশের রাজা কোনো বিদ্রোহী নগরকে যদি শান্তি দিতে চাইতেন তবে লাপুটাকে সে নগরের উপর দিয়ে ভাসবার ব্যবস্থা করতেন এবং সঙ্গে সঙ্গে নগরের অধিবাসীদের উপর বড় বড় পাথর নিক্ষেপ করা হতো। অনেক আত্মরক্ষা করবার জন্ত গছবরে বা মাটির নীচের ঘরে ঢুকতে বাধ্য হতো—এদিকে লাপুটার চাপে তাদের বাড়ীর ছাদ ভেঙ্গে গুড়ো গুড়ো হয়ে যেতো।

১৭৬৯ সনে ইরেসমাস ডারউইন নামক একজন বিজ্ঞানীর বেলুন উঠতে দেখা পর্যন্ত খুব সম্ভব জীবিত ছিলেন। ১৭৯৩ সনে একটা ফরাসী বিপ্লবীদের বিপ্লবে বিদ্রোহী টুলো নগরীর উপর বেলুন থেকে ১৪ টনের উপর দুইটা বোমা ফেলবার প্রস্তাব করেন।

১৮১৮ সনে ইংলণ্ডে চার্লস রোজিয়াস নামক চেশায়ারের এক অধিবাসীকে শত্রুর উপর দাঁতালো বোমা ফেলবার জন্ত বেলুনে আকাশে উড়বার সম্ভাবনা সম্বন্ধে চিন্তা করতে দেখা যায়। ঘড়ির যন্ত্রের মত একটা যন্ত্রের দ্বারা বোমা ফেলবার ব্যবস্থা করা হয়েছিল।

একশতাব্দী আগে, ইটালীয় দেশপ্রেমিক বিখ্যাত ম্যাসিনি অট্টোয়ানদের ইটালী থেকে বিতাড়িত করবার উদ্দেশ্যে কোন এক আবিষ্কারকের প্রস্তাব নিয়ে মাথা ঘামিয়েছিলেন। আবিষ্কারকটা একটা গতি নিয়ন্ত্রিত করা বেলুন আবিষ্কার করেছিলেন।

এই সময় ব্রিটিশ গভর্নমেন্ট বিমান যুদ্ধ সম্পর্কে ওৎসন্ধ্যা প্রকাশ করতে আরম্ভ করেন। ১৮৪৬ সনে একটা আবিষ্কারককে গভর্নমেন্ট থেকে বৃত্তি দেয়া হয় তার আবিষ্কৃত বেলুন ভুগ্ন ও নগরের উপর বিক্ষোভক নিক্ষেপ করে বিপ্লবের সৈন্ত ও অসামরিক জনমণ্ডলীর মধ্যে ভীতির সঞ্চার করতে পারে কিনা তা' প্রদর্শন করবার জন্ত।

১৮৬২ সনে হেনরী কক্সউয়েল এই মত প্রকাশ করেন যে বেলুন দ্বারা আকাশে বোমা উত্তোলন করে নিক্ষেপ করা, কামানের সাহায্যে বোমা নিক্ষেপের চাইতে কোনো অংশে কম ফলপ্রসূ হবে না।

১৮৮৪ সনে ইংলণ্ড সর্বপ্রথম যুদ্ধে উড়ো জাহাজ ব্যবহার করে। এই সনে' ৫টা বেলুন ট্রান্সভালে নিয়ে যাওয়া হয় এবং স্থানীয় অধিবাসীদের মধ্যে এগুলি বিশেষ তীতির উৎপাদন করে।

এর ফলে গাওয়ার নামক একব্যক্তি প্রস্তাব করে যে কোনো যুদ্ধে একটা বেলুন বহরে বিক্ষোবক কোরে আগুন ধরিয়ে দিয়ে যাতে শত্রু পক্ষের উপর ভেসে যায়, সেভাবে ছেড়ে দিতে হবে। খাটুমে গর্ডনকে সাহায্য করবার উদ্দেশ্যে এই ধরনের কয়েকটা বেলুন পাঠাবার জন্ত যুদ্ধ অফিসকে গাওয়ার অনুরোধ করে।

—চার্লস, এচ, লি,

—এ, আর, পি ও এ, এম, এস, রিভিউ

তেলের জন্ত লড়াই

যে সব জাতি সবচেয়ে বেশী তেলের খনি আয়ত্ত্ব করতে পারবে—বর্তমান ও ভবিষ্যৎ যুদ্ধে জয়লাভ করবে তারাই। পৃথিবীর শতকরা ৫০ ভাগ জাহাজ শতকরা ১০০ ভাগ বিমান এবং ৫০,০০০,০০০ যানবাহন তেলে চলে।

পৃথিবীর ৭০ ভাগ তেল আমেরিকার যুক্তরাজ্যে উৎপন্ন হয়। সোভিয়েট রুশিয়া, মেক্সিকো, কমানিয়া, ইরাক, ডাচ ইষ্ট ইন্ডিয়া ও ভেনিজুয়েলাতে তেলই ব্যবসা-বাণিজ্যের প্রাণ।

গত মহাযুদ্ধে মিত্রশক্তির যে তেল ব্যবহার কোরেছিল তার প্রায় সবটাই যুক্তরাজ্য ও মেক্সিকো হোতে আমদানী। বর্তমানকালে তেলের খনি বহুগুণ বেড়েছে। যুক্তরাজ্য এবং দক্ষিণ আমেরিকা ছাড়াও টিনিডাড, ভারতবর্ষ, রুটিশবোর্গিও, কেনাডা এবং নিকট প্রাচ্য থেকে রুটিশরা তেল সংগ্রহ করছে।

তবে ঠিক রুটিশ সাম্রাজ্যের মধ্যে তেলই একমাত্র কাচামাল যা খুব কম আছে। পৃথিবীর উৎপন্ন তেলের শতকরা ২ ভাগ মাত্র রুটিশ সাম্রাজ্যে পাওয়া যায়। নিকট প্রাচ্যে রুটিশের এতটা নজর দেবার কারণ এই অঞ্চলের প্রচুর তেলের খনি।

ইরাক, সৌদি আরব ও ইরান প্রতিদিন ৩৫০,০০ বারেল তেল উৎপন্ন করে। এককালে যে বাহেরণ মুক্তার ডুবুরীর জন্ত বিখ্যাত ছিল এখন সেখানে প্রতি বৎসর ১০ লক্ষ টন তেল উৎপন্ন হয়। রুটিশ কেল্টেক্স কোম্পানী বাহেরণের উৎপন্ন তেল বাজারে চালান দেয়। এই কোম্পানী, স্নয়েজ, বাহেরণ, কলম্বো সিঙ্গাপুর এবং ডাবানে এই অঞ্চলের তেলের জন্ত কয়লা গ্রহণের বন্দর স্থাপন করেছে। বিশেষজ্ঞর বলেন ছ' এক বৎসরের মধ্যে বাহেরণ প্রতি বৎসর ৪০ লক্ষ টন তেল উৎপন্ন করবে। ইরানের তেলে খনিও এংলো-ইরানিয়ান কোম্পানীর মধ্য দিয়ে ইংরেজরাই পরিচালনা করে। এখানে প্রতিদিন ৩০০,০০ বারেল তেল উৎপন্ন হয়।

প্রধানতঃ, ইংরেজের তেল উৎপাদনের স্থানগুলিকে বিচ্ছিন্ন করবার জন্ত এবং তার নিজের প্রয়োজনে জন্তও বটে জার্মানী মধ্য-প্রাচ্যে যুদ্ধ আয়ত্ত্ব কোরেছে। ইরাকের পাইপ লাইন দিয়ে মঙ্গল থেকে প্রতি বৎস

প্রায় ৪০০০,০০০ টন তেল পেলেষ্টাইনস্থিত হাইফাতে ও সিরিয়াস্থিত ট্রিপলিতে আনা হয়। যদি জার্মানী এই তেল আমদানীর পথকে কোন প্রকারে বন্ধ করতে পারে তবে জার্মানীর পক্ষে প্রথম শ্রেণীর জয় ও ইংরেজ পক্ষে এক সর্বনেশে ক্ষতি হবে।

অল্পদিকে জার্মানীর তেলের আমদানী তিন প্রকার। রুম্যানিয়া, সোভিয়েট রুশিয়া ও তার নিজের সঞ্চিত তেল। রুম্যানিয়ার আমদানী অধুনা অনেকাংশে কমেছে প্রধানত ভূমিকম্পের জন্ত। সঞ্চিত তেল বহু বিতরণ যুদ্ধক্ষেত্রে ব্রিটস্ আক্রমণে প্রায় নিঃশেষ হোয়ে এসেছে। সোভিয়েট রুশিয়ারও নিজের সামরিক প্রয়োজনের জন্তই তেল সংরক্ষণ দরকার। ভূতত্ত্ববিদরা বলেন যে রুশিয়াতে এখনো বহু অনাবিষ্কৃত তেলের খনি আছে। একজন বিশেষজ্ঞের মতে পৃথিবীর শতকরা ৫৫ ভাগ তেল রুশিয়াতে পাওয়া যেতে পারে। ১৯৩৭ সনেই রুশিয়ার কাউন্সিল অব পিপলস্ কমিসার এক নিয়ম করেন যে তেলের ব্যবহার শতকরা ১২ ভাগ কমাতে হবে যাতে সমর বিভাগের জন্ত বেশীর ভাগ তেল ব্যবহার হোতে পারে।

বাদামী ও অপেক্ষাকৃত নিকট (brown and bituminous) কয়লা থেকেও জার্মানী যৌগিক (synthetic) উপায়ে তেল উৎপাদন করছে। এই উপায়ে প্রতিবৎসর ৫০০,০০০ টন তেল উৎপন্ন করছে। শান্তির সময়ের জন্ত এই পরিমাণ তেলই যথেষ্ট।


—আর্থার সেটেল—Current History, জুন, ১৯৪১

তুরস্ক কি জার্মানির স্বাভাবিক বন্ধু?

যদিও স্বল্প প্রাচ্যের প্রধান শক্তিগুলি আমাদের নীতিকে এখনো প্রভাবান্বিত করতে পারছেননা, নিকট-প্রাচ্যের প্রধান শক্তি তুরস্ক আমাদের পক্ষে অত্যন্ত প্রয়োজনীয়। তুরস্ক আমাদের স্বাভাবিক মিত্র। তার সঙ্গে ঘনিষ্ঠ যোগাযোগ রক্ষা করা আমাদের অতি অবশ্য কর্তব্য। ত্রিশক্তি মৈত্রীর (Triple Alliance) আওতায় তুরস্ককে এর পূর্বে আনতে পারলে বিচক্ষণতার পরিচয় হোত। এ কর্তব্যে তুর্ক-ইটালী যুদ্ধ বন্ধ করা যেতো। এই যুদ্ধে সমস্ত রাজনৈতিক অবস্থাকে পরিবর্তিত করবে এবং আমাদের পক্ষে অসুবিধার সৃষ্টি করবে। এই মৈত্রীর দ্বারা তুরস্ক দুই ভাবে লাভবান হতো। রুশ এবং ইংলও এই দুই শক্তির আক্রমণের বিরুদ্ধে সে যথেষ্ট শক্তিশালী হোতে পারতো এবং এই দুই শক্তিই আমাদের প্রধান শত্রু। একমাত্র তুরস্ক ইজিপ্টে ইংলণ্ডের প্রাধাণ্যে বাধা সৃষ্টি করতে পারে এবং এই জন্তে ভারতে যাবার নিকটতম সমুদ্রপথ ও স্থলপথে যোগাযোগে বিঘ্ন উৎপাদন করতে পারে। ইংলও ও রুশিয়ার সঙ্গে যুদ্ধের সম্ভাবনার সময়ে এই রাজ্যের বন্ধুত্ব লাভ করবার জন্ত সর্বপ্রকার ত্যাগ স্বীকার করাই উচিত। তুরস্ক ও আমাদের স্বার্থ এক। তুরস্ক যদি বস্ফরাস ও ডার্ডানেলিসে তার আধিপত্য বজায় রাখতে পারে তবে তা ইতালীর পক্ষেও লাভজনক—এদ্বারা প্রধান চাবিকাঠিগুলি বিদেশীদের—বিশেষ ভাবে ইংলও ও রুশিয়ার হাতে পড়বে না।

Von Bern Hardy—

১৯১১ সনে লিখিত Germany and the next war হইতে।



Dictators and Democracies—Calvin, B. Hoover, Published by Macmillan & Co., Ltd.

সবাই বলছেন বর্তমান যুদ্ধের ওপরেই নির্ভর করছে আধুনিক সভ্যতার ভবিষ্যৎ। বিশেষতঃ রুশ-জার্মান যুদ্ধের পর থেকেই বিশ্ব-সমাজের পরবর্তী স্তর কি হবে সে সম্বন্ধে গবেষণা প্রবলতর হয়েছে। ফ্যাসিজম্ এবং কম্যুনিজমের এই সংঘর্ষের ফলে যা দাঁড়াবে তারই ওপরে নির্ভর করবে পৃথিবীর পরবর্তী চিন্তা ও চেষ্টা, এ কথা মনে করছেন সবাই। ফ্যাসিজম্ এবং কম্যুনিজম্, এই দুই মতের পারস্পরিক সম্বন্ধ কি এবং এদের সাদৃশ্যই বা কি আর পার্থক্যই বা কি, এদের সংঘর্ষই বা কেন,—এসব প্রশ্নের গুরুত্ব বর্তমান যুদ্ধের পটভূমিকায় আরো বেড়ে গেছে। আলোচ্য বইখানাতে দুই মতবাদের তুলনামূলক আলোচনা করা হয়েছে সমসাময়িক পৃথিবীর রাষ্ট্রীয় পরিস্থিতির প্রসঙ্গে। হাজার সাহেব আমেরিকার খ্যাতনামা রাজনৈতিক নেতা ও লেখক। পাঁচটা অধ্যায়ে তিনি সংক্ষিপ্ত বিচার করে সিদ্ধান্ত করেছেন (১) পার্লামেন্টের পদ্ধতির যুগ শেষ হয়ে পৃথিবী এখন ডিক্টেটরী যুগে পদাধীন করেছে, যাকে বলা যায় “Caesarism” এর যুগ। ফ্যাসিজম্, নাজিজম্ ও কম্যুনিজম্ এই তিনই হলো সেই সিদ্ধারী ডিক্টেটরীর তিন রূপ। পারিপার্শ্বিকের নব পরিণতি ডিমোক্রসীকে ঝাঁচতে দেবে না, “render the survival of a liberal, democratic and parliamentary state doubtful” (p 22). (২) বাহ্যতঃ পার্থক্য দেখা গেলেও আসলে মূলনীতি ও ব্যবহারে এই তিন মতবাদই একই বস্তুর এপিঠ-ওপিঠ। তিনটা অধ্যায়ে হাজার এই সিদ্ধান্তের সমর্থনে বিচার উপস্থিত করেছেন। রাষ্ট্রীয় ও অর্থনৈতিক দুই ক্ষেত্রেই এরা একই দিকে অভিযান করেছে। এই তিনেরই রাষ্ট্র হলো সার্বভৌমিক ও সর্বশক্তিমান রাষ্ট্র এবং ব্যক্তিকে খর্ব করে, পিষ্ট করে রাষ্ট্রকে অপ্রতিদ্বন্দ্ব করা এদের প্রধান বৈশিষ্ট্য হয়ে দাঁড়িয়েছে “জুলুম” বা Terror. তারপরে অর্থনৈতিক ক্ষেত্রে এরা তিনই হলো ক্যাপিটালিজম্‌এর শত্রু। তবে কম্যুনিজম্ যতখানি যায়, অপর দুই মতবাদ ততদূর যায়নি এখনো। কম্যুনিজম্ ব্যক্তিগত সম্পত্তি ও ক্যাপিটালকে উৎখাত করবে, অপর পক্ষে ফ্যাসিজম্ ও নাজিজম্ করবে কঠোরতম নিয়ন্ত্রণ। কাজেই মূল প্রশ্ন এটি। এই তিন রাষ্ট্রই

উক্ত মূল্য (surplus value) আদায় করে ব্যবহার্য পণ্যে ব্যয় না করে, ব্যয় করছে সামরিক প্রস্তুতির ব্যবস্থায়। ক্যাপিটালিজমকে ধ্বংস করে এই ত্রিতীয় পৃথিবীকে মীজারীয় যুগে উত্তীর্ণ করেছে ও করবে। “Yet in National Socialism and in Fascism or in any similar system the capitalist as capitalist is bound to disappear as surely as if less painfully than, under communism.” (p61) হাজার লিবারেলের পার্লামেন্টি মনোভুক্তি নিয়েই আলোচনা করেছেন। বইখানার গুরুতর অভাব হলো এতে পার্লামেন্টি ডিমোক্রেসীর ক্রটিগুলোর সংশোধন কোন ব্যবস্থায় সম্ভব হবে, তার কোন ইঙ্গিতই এতে নেই। তবু বইখানা বিচারশীল যুক্তিপ্ৰবণতায় এবং ভাষার ও ভাবের সখলতা ও প্রাজ্ঞলতায় মূল্যবান। প্রত্যেক চিন্তাশীল ও জিজ্ঞাসুর এই বইখানা পড়া উচিত এবং বিচার করা উচিত।

The Peoples' Front—G. D. H. Cole ; Victor Gollanz Ltd.

প্রায় চারশত পৃষ্ঠার এই বইখানা নিঃকোলের অজ্ঞান বইর মতই ঠাণ্ডা এবং বিস্তৃত। রাজনৈতিক ক্ষেত্রে কোল সাহেব দীর্ঘদিন ধরে জ্ঞান বিতরণ করে এসেছেন, এ পুঁথিখানাও তার পাণ্ডিত্য এবং তথ্যসংগ্রহের কৃতিত্বকে সূচিত করেছে। বইখানা লেখা হয়েছে চার বছর আগে যখন স্পেনদেশে আত্মকলহে মূহমান ও রক্তাক্ত ছিল। সেই যুগে ফ্যাসিস্ট বিরোধী ঐক্যের প্রোগান সর্বত্রই সজোরে ঘোষিত হচ্ছিল। ফরাসী এবং স্পেনদেশে সত্যি সত্যিই বামপন্থী ঐক্য তখন দানা বেধে উঠেছিল। ১৯৩৬ সনের সাধারণ নির্বাচনে সমাজতন্ত্রী লিও ব্লুম (Leon Blum) নেতৃত্বে কোয়ালিশন গঠিত হয়েছিল ফ্রান্স সোশ্যালিষ্ট ও র্যাডিক্যাল দলের। কম্যুনিষ্টরা যদিও এতে যোগ দেয়নি, তবু সর্বনিম্ন প্রগ্রামকে সমর্থন করছিল। তারপর স্পেনদেশেও ১৯৩৬ সনের সাধারণ নির্বাচনে বামপন্থীদের জয় হল এবং রিপাব্লিকান নেতা আজানার হাতে শাসন কতৃষ্ণ এসে গেল। সোশ্যালিষ্টরা শরীক হয়নি, এনার্কিষ্ট, সিন্ডিক্যালিষ্টরাও বামপন্থী ঐক্যের বাহিরে ছিল। কিন্তু অন্তঃযুদ্ধ শুরু হবার সঙ্গে সঙ্গেই (Fronte Popular) পরিস্থিতির চাপে জোর ধরে উঠেছিল। কিন্তু বলুডুইন সাহেবের প্রতিক্রিয়াশীল নীতির ফলে এই বামপন্থী ঐক্য ফলবান হতে পারেনি। সেই ট্রাজেডীর ইতিহাস আজ পুরাণে হয়ে উঠেছে। দেখতে দেখতে সমস্ত যুরোপে বামপন্থার চরম দুর্দশা ঘটলো এবং ফ্যাসিস্ট অভিযান অনিত্যশক্তিতে যুরোপকে করায়ত্ত করে ফেললো। আজিকার পটভূমিকায় বইখানা অনেকটা সাবেকী হয়ে পড়েছে সন্দেহ নেই। তবু এতে যে ক্ষম্ম আলোচনা, বিস্তৃত বিচার ও ঐতিহাসিক তথ্যের সমবায় আছে তাতে সমসাময়িক ও ভবিষ্যৎ রাজনীতিক্ষেত্রে পুঁথিখানা অগ্রগতির সহায়ক হবে। প্রত্যেক রাজনৈতিক কর্মীর বইখানা পড়া উচিত। কোল সাহেবের সব মতের সঙ্গে আমরা একমত নই কারণ প্রধানতঃ তিনি নিয়মতান্ত্রিক এবং বিপ্লবকে তিনি ভাল চোখে দেখেন না। তবু বৃটশ রাজনীতিতে লেবার পার্টি এবং কম্যুনিষ্ট পার্টির মধ্যে যে অহিনকুল কলহ চলেছে তাতে প্রতিবাদ তিনি তুলেছেন। সমস্ত বইখানাই বামপন্থী ঐক্যের জ্ঞান কাকুতিতে পরিপূর্ণ। কিন্তু হায় ঐক্য কোথায়! আর, ভারতবর্ষ! আমাদের বেলায় চতুর বিলিভী শৃগালেরা সবাইই “এক-রা”। সোশ্যালিষ্ট লিগ, স্বতন্ত্র লেবার, সোশ্যালিষ্ট, সিট্রিন-বেভিনের ও অ্যাটর্নী-ক্রীপসের দল সবাই ভারতবর্ষের বেলায় “চুপ”। কোল সাহেব অতিকষ্টে ডোমিনিয়ান টেটাসের

অপারিশ করেছেন, কিন্তু তাতে জোর নেই। বাহ্যিক বইখানা মূল্যবান; বিশেষতঃ রুশ-জার্মান লড়াই এবং ইঙ্গ-রুশ মৈত্রীর ফলে আবার নতুন করে “বামপন্থী ঐক্য”র দাবি চারদিক থেকেই উঠবে সন্দেহ নেই কাজেই বইখানার প্রয়োজনীয়তা রয়েছে।

বিজ্ঞান পরিচয় (মাসিক পত্রিকা) ১ম বর্ষ, ৩য় সংখ্যা, সম্পাদক শ্রীনিবাস কুমার সেন, ২৭নং পুরাণা পল্টন, রমনা, ঢাকা হইতে প্রকাশিত। বার্ষিক ৫ টাকা

বর্তমান যুগের সর্বপ্রধান বৈশিষ্ট্য হলো বিজ্ঞান। মানুষের জীবনের সকল ক্ষেত্রেই আজ বিজ্ঞানের প্রভাব অপ্রতিরূদ্ধ। কী তাত্ত্বিক প্রশ্নগুলির সমাধানে, কী দৈনন্দিন জীবনের ব্যবহারে ও প্রয়োজনে, বিজ্ঞানকে বাদ দিয়ে চলবার উপায় নেই। বিজ্ঞানের শক্তিকে সমাজের প্রয়োজনে আজ লাগাতে হবে, একথা গান্ধীজী ছাড়া আর কেউ অস্বীকার করেন না। আমাদের দেশে বিজ্ঞান-চর্চায় প্রয়োজন অল্প সব কিছু চাইতে বড়ো। বৈজ্ঞানিক মনোবৃত্তি ব্যতীত আমাদের এই জরাজীর্ণ, নিশ্চরণ সমাজকে রক্ষা করবার উপায় নেই। আলোচ্য পত্রিকাখানি এই সাম্প্রতিক প্রয়োজনকে সিদ্ধ করবে। পত্রিকাখানি দেখে আমরা আনন্দিত হয়েছি। এগারটা প্রবন্ধে নানা তথ্য এই সংখ্যাটিতে পরিবেশন করা হয়েছে। আশা করি, উত্তরোত্তর উন্নতির পথে “বিজ্ঞান পরিচয়” সমাজের নিত্য নতুন কল্যাণের পথ উন্মোচন করবে।

“দীপকর”

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রসংশিত।

ভিটামিন “বি,”

হিমোগ্লোবিন,

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাক্ততা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সম্ভাব্যার

পক্ষে বিশেষ

ফল-দায়ক।

অধ্যক্ষ মথুরাবাবুর

মেডিকেল রিসার্চ লেবরেটরী

পি, ২৩, সেন্ট্রাল এন্ডিনিউ, কলিকাতা।



আর্থিক জগৎ

‘টোডরমল’

বার্তীয় রিজার্ভ বন্ড ১৯৪০-৪১এর রিপোর্ট

গত ১১ই আগষ্ট তারিখে রিজার্ভ ব্যাঙ্কের ১৯৪০-৪১ সালের বাৎসরিক রিপোর্ট প্রকাশিত হইয়াছে। ইহাতে বর্তমান মহাযুদ্ধের সময় ভারতের আর্থিক পরিস্থিতি সম্বন্ধে একটা মাতামুটি ধারণা পাওয়া যায়। আলোচ্যবর্ষে ব্যাঙ্কের মোট লাভ দাঁড়াইয়াছে পৌনে তিন কাটা টাকার উপর। ১৯৪০ সালে ৬ মাসে ব্যাঙ্কের লাভ হইয়াছিল মোট ২৯ লক্ষ টাকা এবং ইহার পূর্ববর্তী বৎসর লাভের পরিমাণ ছিল মোট ২৩ লক্ষ টাকা। বর্তমান বৎসরের লভ্যাংশ হইতে রিজার্ভ ব্যাঙ্ক আইন অনুযায়ী অংশীদারগণকে শতকরা সাড়ে তিন টাকা হারে ভিভেডেণ্ড দেওয়া হইয়াছে এবং বাকী আড়াই কোটা টাকার উপর কেন্দ্রীয় গভর্ণমেন্টকে লভ্যাংশ বাবৎ দেওয়া হইয়াছে। ভারতের রাজস্ব-সচিব এই অপ্রত্যাশিত মুনাফা পাইয়া নিশ্চয়ই বিশেষ আশ্বস্ত হইয়াছেন কারণ এই যুদ্ধের বাজারে অসঙ্গুলনের সময় এই টাকাটা বিবিধ কাজে লাগিবে।

এই অতিরিক্ত লাভের কারণ হিসাবে রিপোর্টে বলা হইয়াছে যে মহাযুদ্ধের দরুণ বিলাতের গভর্ণমেন্ট ভারতে বহুল পরিমাণে সমর-সম্ভার ক্রয় করিয়াছেন এবং ভারতবর্ষেও সমরোপকরণ তৈয়ার করিবার জন্ত অনেকগুলি প্রতিষ্ঠান কাজ আরম্ভ করিয়াছে। এই সব ক্রয়-বিক্রয় এবং লেন-দেনের ফলে কেবল যে রিজার্ভ ব্যাঙ্কেরই লাভ বাড়িয়াছে তাহা নহে। দেশের ব্যবসা বাণিজ্য, সমরমুখী হওয়ায় স্বাভাবিক বাজার বন্ধ হইয়া সমরোপকরণের কার্যে সংশ্লিষ্ট ব্যবসা প্রতিষ্ঠানগুলিতে উন্নতি পরিলক্ষিত হইতেছে। গত সেপ্টেম্বর মাস হইতেই এই উন্নতি নজরে পরে কারণ সেই সময় হইতে গভর্ণমেন্টের তরফ হইতে সমরোপকরণের জন্ত প্রচুর কাঁচা মালের চাহিদা আসিতে থাকে। ফলে ভারতীয় শিল্প প্রতিষ্ঠানগুলির কার্যে সফলতা বৃদ্ধি পায় এবং কতকগুলি নূতন প্রতিষ্ঠানও স্থাপিত হয়। কাপড়ের কল, লোহ এবং ইস্পাত, কাগজের কল এবং কতকগুলি রসায়ন শিল্পপ্রতিষ্ঠানের কাজই বিশেষ প্রসার পায়। চিনি ও পাটের কলগুলি তেমন লাভ করিতে পারে নাই। অতীতকালে বহিবাণিজ্যে ভারতের ক্ষতি হইয়াছে, কারণ যুদ্ধের দরুণ অনেকগুলি দেশ হইতে আমদানী-রপ্তানী একেবারে বন্ধ হইয়াছে এবং যেখানে ব্যবসা চলিতেছে সেখানেও জাহাজের মাণ্ডল ইত্যাদি এত বৃদ্ধি পাইয়াছে যে সাধারণ মালের আমদানী-রপ্তানী একেবারে বন্ধ বলিলেও চলে। মোটের উপর কতকগুলি ক্ষেত্রে সাময়িক আর্থিক উন্নতি পরিলক্ষিত হইয়াছে কিন্তু অপেক্ষে দূরের কথা রিজার্ভ ব্যাঙ্কই মন্তব্য করিতেছে যে এই আকস্মিক সফলতার উপর বিশেষ ভরসা করা উচিত হইবে না কারণ সমরপ্রয়োজন ফুরাইলে বিপর্যস্ত আর্থিক বনিয়াদের উপর এই সমর-সৌধের স্থায়ী সন্ধান সম্বন্ধে স্বাভাবিক সন্দেহ জাগে।

আলোচ্য বর্ষে সিডিউলভুক্ত ব্যাঙ্কের সংখ্যা ৫৯ হইতে ৬৪ তে দাঁড়াইয়াছে এবং তাহাদের শাখা আফিসও বাড়িয়াছে ১৩২২ হইতে ১৩৯৭। রিজার্ভ ব্যাঙ্ক আইন অনুযায়ী সিডিউলভুক্ত ব্যাঙ্কগুলিকে রিজার্ভ ব্যাঙ্কে তাহাদের অস্থায়ী এবং মেয়াদী আমানতের একটা অংশ গচ্ছিত রাখিতে হয়। ১৯৪১ সালের জুন মাসের শেষে উহার মোট পরিমাণ ছিল ৩ কোটি টাকার উপর; পূর্ববর্তী বৎসরে উহা ছিল মোট আড়াই কোটি টাকা। রিজার্ভ ব্যাঙ্কে মতে কতকগুলি ছোট সিডিউল ব্যাঙ্ক তাহাদের আইনানুযায়ী দেয় টাকা। রিজার্ভ ব্যাঙ্কের গচ্ছিত রাখিতে পারে নাই বা রাখে না। এই সব ব্যাঙ্কের জন্য রিজার্ভ-ব্যাঙ্ক-আইনের সংশোধন করিতে হইয়াছে যাহাতে অনবধানতার জন্য ব্যাঙ্কের ডিরেক্টর বা উর্ধ্বতন কর্মচারীদের দায়ী রাখিতে পারা যায়।

১৯৩৯ সালে রিজার্ভ ব্যাঙ্ক প্রস্তাব করেন যে ভারতের ছোট ছোট ব্যাঙ্কগুলির জন্য একটি বিশেষ আইন প্রণয়ন করা হউক যাহাতে স্বল্প কিম্বা অপ্রচুর মূলধন লইয়া কেহ ব্যাঙ্ক ব্যবসায় না করিতে পারেন কিম্বা যাহারা ব্যবসা করিবেন তাহারা যেন কতকগুলি অনুমোদিত নিয়মানুযায়ী কাজ করিতে বাধ্য থাকেন। এই আইনের প্রস্তাব লইয়া তখন দেশে তুমুল আন্দোলন চলিয়াছিল এবং বিশেষতঃ বাংলাদেশে অনেকে মনে করিয়াছিলেন যে এই আইন প্রণয়ন দ্বারা বাঙ্গালী পরিচালিত ব্যাঙ্কগুলির পক্ষে কতকগুলি অনর্থক এবং অহেতুকী বাধার সৃষ্টি হইবে বর্তমান যুদ্ধের সময় এই আইন প্রণয়ন সমীচীন হইবে না মনে করিয়া ভারত গভর্নমেন্ট এই প্রস্তাব যুদ্ধ-কাল পর্যন্ত স্থগিত রাখিতে সম্মত হইয়া সুবুদ্ধির পরিচয় দিয়াছেন।

রিজার্ভ ব্যাঙ্ক রিপোর্ট সম্বন্ধে আর একটা কথা বলিয়াই এই আলোচনা শেষ করিব ১৯২৬ সালে যখন রিজার্ভ ব্যাঙ্ক আইন বিধিবদ্ধ হয় তখন ভারতীয় ব্যবস্থা পরিষদে তুমুল আলোচনার ফলে কতকগুলি ধারা গৃহীত হয় যাহাতে রিজার্ভ ব্যাঙ্ক কৃষি-ঋণ সম্বন্ধে বিশেষ ব্যবস্থা অবলম্বন করিতে পারেন। কমন্ওয়েলথ ব্যাঙ্ক অফ অস্ট্রেলিয়া এবং আমেরিকার ফেডারে ফার্ম লোন বোর্ড কৃষি-ঋণ দিবার জন্য কতকগুলি বিশেষ ব্যবস্থা অবলম্বন করিয়া থাকেন। অনেক উহাদের আদর্শ ধরিয়াই রিজার্ভ-ব্যাঙ্ক-আইনে কৃষি-ঋণ সম্বন্ধীয় ধারাগুলি গৃহীত হইয়াছিল কিন্তু এই সুদীর্ঘ ১৫ বৎসরে রিজার্ভ ব্যাঙ্ক এ সম্বন্ধে কোন সুচিন্তিত প্রণালী অবলম্বন করি পারেন নাই। আলোচ্য বর্ষের রিপোর্টে রিজার্ভ ব্যাঙ্ক বলিতেছেন যে তাহারা গত বৎসর এ সম্বন্ধে গবেষণার জন্য একজন কর্মচারী নিযুক্ত করিয়াছেন। ১৫ বৎসর পরে গবেষণা আদ্য হইল। কাজ আরম্ভ করিতে স্মরণ্য অন্ততঃ আরো ৫০ বৎসর লাগিবার সম্ভাবনা! উ প্রাশংসনীয় সন্দেহ নাই!




“বিস্ফোরণ”

রুশ-জার্মান যুদ্ধ—

গত বিশ্বাবর্তে ১৯১৭৪১ পর্যন্ত রুশ-জার্মান যুদ্ধের যে খবর ভারতে এসে পৌঁছেছে তার একটা মোটামুটি বিবরণ দেওয়া হোয়েছিল। তারপর এই চার সপ্তাহে রুশ-জার্মান যুদ্ধের কোনো পক্ষেই চূড়ান্ত নিষ্পত্তি কিছু হয়েছে বলে অনুমান করা কঠিন। ১৫ শত মাইল দীর্ঘ রণাঙ্গণে প্রচণ্ড যুদ্ধ চলছে—যুদ্ধ আরম্ভ হবার সময়ে সোভিয়েট বলেছিল তাদের সমস্ত শক্তি সংহত করতে পাঁচ সপ্তাহ সময় লাগবে, পাঁচ সপ্তাহ। কেন, এখন যুদ্ধের সাত সপ্তাহ চলছে—কাজেই তাদের সমস্ত শক্তি এতদিনে যুদ্ধের জন্য প্রস্তুত হোয়েছে ধরে নেওয়া যেতে পারে। জার্মানী পূর্ব থেকেই এ যুদ্ধের জন্য প্রস্তুত ছিল কাজেই উপযুক্ত সৈন্য সমাবেশ সে নিশ্চয়ই করেছে—আর এই পাঁচ সপ্তাহ কালের মধ্যে সে আরো বহু সৈন্য এনেছে ধারণা করা ভুল নয়। তাছাড়া ফিল্ড-মার্শাল ম্যানারহিমের অধিনায়কত্বে উত্তরে ফিনল্যান্ড লেনিনগ্রাদের দিকে ও দক্ষিণে রুম্যানিয়াবাহিনী কিয়েভের দিকে অগ্রসর হোচ্ছে। তিনটা লক্ষ্য অবলম্বন কোরে যুদ্ধ চলছে—উত্তর-পশ্চিমে লেনিনগ্রাদ, মধ্যে মস্কো ও দক্ষিণ-পশ্চিমে কিভ এই তিন দিকের মধ্যে দ্বিতীয় দিকে জার্মান সৈন্য অগ্রসর হোচ্ছে। কিন্তু যতটা দ্রুত অগ্রসর হওয়ার আশা জার্মানী কোরেছিল তা সম্ভব হয়নি—প্রথম জার্মানবাহিনী দক্ষিণে অগ্রসর হোতে চেষ্টা করে কারণ কিয়েভ ইউক্রেনের রাজধানী এবং এই অঞ্চল যুদ্ধোপকরণ যোগাবার পক্ষে প্রকৃষ্টতম। কিন্তু এদিকে বিশেষ সুবিধা না কোরতে পেরে জার্মানী উত্তরে লেনিনগ্রাদ ও মধ্যাঞ্চলে মস্কোর দিকে অগ্রসর হয়। এর মধ্যে মস্কোর দিকেই জার্মান বাহিনী সবচেয়ে বেশী অগ্রসর হোতে পেরেছে বলে মনে হয়। মস্কো থেকে ১৫০ মাইল পশ্চিমে স্মোলেন্স্ক দখল কোরেছে বলে ১৭ই জুলাইর প্রকাশ করেনি। তবে স্মোলেন্স্ক অঞ্চলের পূর্বে যে জার্মানী বেশীদূর অগ্রসর হোতে পারছে না তা যুদ্ধের খবর থেকে বোঝা যায়।

উত্তরে লাভোগা হ্রদ ঘুরে পাক্ষোভ ও টালিনের ভীষণ অরণ্য পার হয়ে জার্মান সৈন্যের লেনিনগ্রাদ দখল করা কঠিন কাজেই সেদিকে এখনো জার্মানবাহিনী বিশেষ আগ্রহের হোতে পারে নাই বলেই অনুমান করা যায়। সম্প্রতি বিমান আক্রমণে লেনিনগ্রাদকে ঘ্যায়ল করবার চেষ্টা



হোচ্ছে। মস্কোর উপরও সোভিয়েট বিমানবাহিনী আক্রমণ চালাচ্ছে। জার্মানরা বলে এই বিমান আক্রমণের লক্ষ্য সামরিক স্থান—সোভিয়েটেরা তার উত্তরে যথারীতি বলে যে সামরিক ঘাঁটিগুলির কোনো ক্ষতিই হয় নাই—একমাত্র বেসামরিক জনসাধারণই এর জন্য ক্ষতিগ্রস্ত হয়েছে।

স্বমেরু অঞ্চলে সোভিয়েট সৈন্য ও বৃটিশ নৌবহরের সমাবেশ হয়েছে বলে খবর পাওয়া গেছে। ফিনল্যান্ডের বন্দর পেটসামোর উপর বৃটিশ বিমানের হানা দেবার খবরও এসেছে কাজেই সোভিয়েট ও বৃটিশ শক্তির সহযোগে ফিনল্যান্ড শীঘ্রই খুব একটা যুদ্ধ হবে অনুমান করা যায়।

সোভিয়েটরা বলছে যে জার্মানী বিষাক্ত গ্যাস ব্যবহার আরম্ভ করেছে জার্মানরা নাকি তা অস্বীকার করেনি। এদিকে ২০ শে জুলাইর খবরে প্রকাশ টালিন দেশের দক্ষিণ সচিবের দপ্তরও নিজে গ্রহণ করেছেন।

দক্ষিণে গত কয়েকদিন কিয়েভের ৮৫ মাইল পশ্চিমে জিতামিরের চারপাশে তুমুল যুদ্ধের খবর পাওয়া যাচ্ছে। এদিকে ২৬শে জুলাইর রুম্যানিয়ার এক সংবাদে প্রকাশ যে রুম্যানিয়া বেসারেবিয়া অঞ্চল দখল করেছে। সর্বশেষ খবর যে জার্মান ও রুম্যানীয়বাহিনী বেসারেবিয়ার

দিকে প্রবল বাধা পাওয়াতে জার্মান বাহিনীর কিছু অংশ কৃষ্ণ-সাগরের তীরে ওডেসা বন্দরের দিকে অগ্রসর হোচ্ছে। কিয়েভ ও ওডেসার যোগসূত্র ছিন্ন করবার জন্য বিশেষ চেষ্টা চলছে।

যুদ্ধের গতি দেখে মনে হয় শীঘ্রই এই যুদ্ধ শেষ হবার নয়। কারণ কোন পক্ষই কম নয় এবং চূড়ান্ত মীমাংসা হোতেও কাজেই দেরী হবে। এতে আর যার যাই হোক ইংলণ্ডের পক্ষে সুবিধা হবে বলেই মনে হয়।

জাপানের নীতি

জার্মানী রুশ আক্রমণ করবার পর থেকেই জাপানের মতিগতি সম্পর্কে সকলে উৎকণ্ঠিত হোয়ে পড়েছিল। গত ১৬ই জুলাইর রয়টারের খবরে জাপানমন্ত্রীসভার পদত্যাগ পত্র সরকারী ভাবে ঘোষিত হয়। এই পদত্যাগের কারণ সম্পর্কে গবেষণা হোয়েছে তবে যথার্থ কারণ জানা যায়নি। কিন্তু জার্মানীর রুশ আক্রমণের ফলে জাপান গভর্নমেন্টের মধ্যে জাপানের কর্তব্য সম্পর্কে যে বিভিন্ন মত দেখা দেয় তা অনেকটা নিশ্চিতভাবে বলা যায়। মাৎসুওকা এবং সমর সচিব জেনারেল টোজো প্রভৃতি চরমপন্থীরা ইন্দোচীনের দিকে অগ্রসর হবার নীতি সমর্থন করেন। অত্যাধিক স্বরাষ্ট্র-সচিব ব্যারন হিরানুমি প্রভৃতি মধ্যপন্থীরা ইউরোপের যুদ্ধের ফলাফল আরো সুপষ্ট না হওয়া পর্যন্ত জাপানের নূতন কোনো যুদ্ধে লিপ্ত হবার বিপক্ষে। এই দলকে জাপানের ব্যবসায়ী মহল সমর্থন করুচ্ছিল। প্রিন্স কোনোয়া নূতন মন্ত্রী-সভা গঠনে নাকি নৌ ও সমর বিভাগের সমর্থন পেয়েছেন। নূতন মন্ত্রী সভায় কোনোয়া প্রধান মন্ত্রী, এডমিরাল তিইজিরো তোয়েদা পররাষ্ট্র ও বৈদেশিক সচিব মিঃ হারমিত স্বরাষ্ট্র সচিব জেনারেল হেডেকী তোজে সমর সচিব এবং ব্যারন হিরানুমি, লেঃ জেনারেল তেইচি সুজুকি, লেঃ জেনারেল হিসুকি ইয়ানগাওয়া দপ্তরবিহীন মন্ত্রী হোয়েছেন। নূতন মন্ত্রী সভা থেকে মাৎসুওকা বাদ পড়েছেন এটা সবচেয়ে লক্ষ্য করবার বিষয়।

এই মন্ত্রী সভা ঘোষণা করেছেন যে—মন্ত্রীসভার পরিবর্তনে আন্তর্জাতিক পরিস্থিতিতে যে জাতীয় কর্ম নীতি এতদিন গৃহীত হোয়েছিল তার কোনো পরিবর্তন হবে না। বৈদেশিক নীতিরও কোনো মূলগত পরিবর্তন হবে না—মাকিন যুক্তরাষ্ট্রের সঙ্গে জাপানের সম্পর্কের উপর বিশেষ গুরুত্ব দেওয়া হবে মাত্র।

নূতন মন্ত্রীসভার প্রথম কাজ দেখা যাচ্ছে সমস্ত ইন্দোচীন দাবী কোরে ২৪ ঘণ্টার মেয়াদে ভিসিক এক চরমপত্র দান। এক বছর আগে ফ্রান্সের পতনের সুযোগ নিয়ে উত্তরে ইন্দোচীনে কয়েকটা সামরিক ও বিমান ষাট দাবী করে ইন্দোচীনের স্বার্থহানির কথা স্বরণ কোরে এবং আমেরিকা ও ব্রিটেন চীনকে সাহায্য করবে—এই আশা নিয়ে ইন্দোচীন প্রথম এই দাবী অস্বীকার করে—কিন্তু যখন ব্রিটিশ ও আমেরিকার নিকট কোনো সাহায্য পাওয়া দূর থাকুক—ব্রিটেন ব্রহ্ম-চীন

পথ বন্ধ কোরে দিল তখন ইন্দোচীন জাপানের দাবী মেনে নিল। এবার জাপান দক্ষিণ ইন্দো-চীনের কতকগুলি খাঁটি দাবী কোরেছে। ভিসি বিশেষ প্রতিবাদ করেনি। জাপানও খুব প্রচার কোরেছে যে বুটেন সিরিয়া দখল করেছে যে যুক্তিতে সেই যুক্তিদ্বারা ইন্দোচীন অধিকার করতে পারে—কাজেই জাপান সে বিষয় নিশ্চেষ্ট থাকতে পারে না। সুতরাং ভিসি ও জাপান মিলে ইন্দোচীনকে বিদেশীর আক্রমণ থেকে রক্ষা করবার দায়িত্ব গ্রহণ কোরেছে। এর ফলে প্রতিশোধ স্বরূপ আমেরিকা ও ইংলণ্ডে জাপানের যে সম্পত্তি ও অর্থ ছিল তা সব বাজেয়াপ্ত করা হোয়েছে, জাপানও তদন্তরূপ ইংলণ্ড ও আমেরিকার সমস্ত অর্থ বাজেয়াপ্ত কোরেছে। জাপানস্থিত ব্রিটিশ রাজদূত জাপানে পররাষ্ট্র সচিবের সঙ্গে দেখা কোরেছিলেন কিন্তু জাপান খুব দৃঢ়প্রতিজ্ঞ। সে বলেছে ইন্দোচীনের স্বাধীন সত্তা রক্ষার ভার সে গ্রহণ কোরো—যদি ইংলণ্ড এতে তাকে ভুল বোঝে তবে সে কি করবে? এতদিনে মহীসভা পরিবর্তনের একটা যথার্থ কারণ হয়তো পাওয়া গেল। মার্কিন ও ইংলণ্ডের সঙ্গে আশু যুদ্ধের সম্ভাবনার দিকে দৃষ্টি রেখেই হয়তো এইরূপ বদল। ইন্দোচীনে জাপান একজন রাজদূত পাঠিয়েছে যাতে দুই দেশের মধ্যে বন্ধুত্ব বাড়ি তার উদ্দেশ্যে। ভিসিও অগত্যা ইন্দোচীন রক্ষার যুক্ত দায়িত্ব স্বীকার কোরে নিয়েছে। এদিকে থাইল্যান্ড তটস্থ হোয়ে উঠেছে তার এই নতুন প্রতিবেশীর শোণ দৃষ্টির সামনে। ফলে থাইল্যান্ডে ইন্দোচীন সীমান্তে সৈন্য সমাবেশ আরম্ভ হোয়েছে। সুদূর প্রাচ্যের আশঙ্কাজনক অবস্থা সন্মুখে লগ্ননের সমস্ত কাগজে মন্তব্য করেছে—খবর পাওয়া গেছে ব্রিটিশ বিমান বাহিনীর বহু অফিসার ও বৈমানিক এবং সামরিক বিভাগে কর্মচারী ইতিমধ্যে সিঙ্গাপুর এসে পৌঁছেছে, তারা সুদূর প্রাচ্যের বিশেষ খাঁটিগুলিতে গীত্রই চলে যাবে। অষ্ট্রেলিয়াতে সাজ সাজ রব উঠেছে। ঝড় উঠেছে কোন দিকে তার গতি দেখবার জ জগৎ শঙ্কিত আগ্রহে অপেক্ষা করছে।

ইরানে

সম্প্রতি ইরানের ব্যবহারে ব্রিটিশসিং ফ্রন্স হোয়েছে। শোনা যায়, যে সব হোয়ার্ড রুশিয়ান ইরানে আশ্রয় নিয়েছিল—জার্মান পঞ্চম বাহিনীর সঙ্গে নাকি তাদের খুব দহরম মহর এতটা মেশামিশিতে ইংলণ্ড খুসী হোতে পারেনি—ইংলণ্ড ও সোভিয়েট ইরানের দৃষ্টি এদিকে আ কোরেছে। ইরান সরকার সঙ্গে সঙ্গে মিথ্যা ভাবে রটনা সন্মুখে এক বিরূতি দিয়ে বলেছেন, আর্ধ ইরান অতীতের মত নয়—প্রয়োজনমত নিরপেক্ষভাবে শান্তির ব্যবস্থা অবলম্বন করতে সক্ষম নিজের নিরপেক্ষতা রক্ষার জন্য ইরান দৃঢ়প্রতিজ্ঞ এবং আন্তর্জাতিক পরিস্থিতি সম্পর্কেও সঙ্গ সচেতন। ব্রিটিশ সরকারকে ইরান যে উত্তর দিয়েছে তাতে ব্রিটিশ নাকি সম্পূর্ণ খুসী হোতে পারে উপায় কি? সর্বত্র মনোমত ব্যবস্থা হওয়া কঠিন, বিশেষতঃ বর্তমানের খামখেয়ালী জগতে।

মিশরে মজিসভার রদবদল

মিশরের সংবাদে প্রকাশ সিদি পাশার নায়কত্বে ৫ জন উদারনৈতিক ৫ জন স্বতন্ত্র ও ৫ জন সৈয়দী দলের সদস্য নিয়ে নতুন মন্ত্রী সভা গঠিত হয়েছে। বিমান আক্রমণের বিরুদ্ধে সতর্ক হবার বিশেষ ব্যবস্থা হয়েছে। এজ্ঞা একটা নতুন বিভাগ খুলে একজন মন্ত্রীকে ভার দেওয়া হয়েছে।

ইঙ্গ-রুশ মৈত্রী

গত জুলাই মাসের তৃতীয় সপ্তাহে ইঙ্গ-রুশ চুক্তি স্বাক্ষরিত ও সরকারী ভাবে ঘোষিত হয়। চুক্তির সর্ব ছুটি—উভয় গভর্নমেন্ট হিটলার অধিকৃত জার্মানির সঙ্গে যুদ্ধে পরস্পরকে যথাসম্ভব সহায়তা করবে এবং পৃথক ভাবে কেহ সন্ধি করবে না। এর সঙ্গে সঙ্গে মিঃ চার্লিল জেনারেল স্মার্টসের মন্তব্য উল্লেখ কোরে বলেন যে এর দ্বারা কেউ যেন মনে না করে ইংলেণ্ড কমিউনিষ্টদের দলে মিশেছে বা কমিউনিষ্টদের জন্যে যুদ্ধ করছে।

ইংলেণ্ডের অবস্থা দেখলে বাস্তবিকই সত্যভূতি হয়। ঘটনাচক্রে কিনা শেষ পর্যন্ত সোভিয়েটের সঙ্গে মৈত্রী স্থাপন করতে হোলো—কাজেই পাছে কেউ ভুল করে ফেলে যে ইংলেণ্ড আর সাম্রাজ্যবাদী শক্তি নয়—তাই প্রধান মন্ত্রী মৈত্রীর সঙ্গে সঙ্গে একই নিশ্বাসে বলছেন—যদিও কমিউনিষ্ট ষ্টেটকে সাহায্য করতে প্রতিশ্রুত হয়েছে—কমিউনিষ্টদের সঙ্গে কোনো সম্পর্কই নেই—বা থাকতে পারে না।

সিরিয়া

সিরিয়াতে ব্রিটিশ ও ভিসির সঙ্গে চুক্তি হয়েছে। চুক্তির ফলে সমস্ত বন্দী মুক্তি পাবে—যে ভারতীয় বন্দীরা আছে তারাও মুক্তি পাবে। চুক্তির ১২টা দফা। বিশেষ দফাটা এইরূপ—মিত্রপক্ষীয় সৈন্যগণ সমস্ত গাঁটিগুলি দখল করবে বলে স্থির হয়েছে, ফরাসী সৈন্য এক বিশেষ অঞ্চলে থাকবে। সৈন্যদের অস্ত্র-শস্ত্র থাকবে কিন্তু তারা গুলি রাখতে পারবে না। সমস্ত সমরোপকরণ ব্রিটিশ কর্তৃক রাখা থাকবে। সমস্ত সিরিয়া ও লেবানন দখল করার পর এবং মিত্রপক্ষীয় সমস্ত সৈন্য মুক্তি পাবার পর বন্দী ফরাসীদিগকে মুক্তি দেওয়া হবে।

চুক্তিগুলি কাজে পরিণত করার জন্য ৩ জন ব্রিটিশ ও ২ জন ফরাসীকে নিয়ে একটা কমিশন গঠিত হয়েছে। এরা বেইরুটে থেকে চুক্তির সর্বকাজে পরিণত করবে ঠিক হয়েছে। সিরিয়ার ব্যাপার আপাতত এভাবে নিষ্পত্তি হোলো।

সম্পাদকীয়

রবীন্দ্রনাথের মহা প্রয়াণ

গত বৃহস্পতিবার, ৭ই আগষ্ট বেলা ১২টা-১০ মিনিটের সময় রবীন্দ্রনাথ পরলোকগমন করেছেন। কিছুদিন যাবৎ তিনি অসুস্থ হয়ে পড়েছিলেন; তারপরে কলকাতায় এসে অবধি অসুস্থতা বেড়ে যায়। গত ৩০ শে জুলাই তাঁকে অস্ত্রোপচার করা হয়। তার পর থেকেই তাঁর অবস্থা ক্রমশঃ খারাপ হতে থাকে। গত বৃহস্পতিবার ৯টা-১০ মিঃ সময়ে অক্সিজেন দেওয়া হয়। ১০টার সময় ডাঃ বিধান রায় ও এল, এম, ব্যানার্জি ঘোষণা করেন, কবির অবস্থা খুব আশঙ্কাজনক। তার পরে ১২টা-১০ মিনিটে সব শেষ হয়। শেষ দিকে কবির লোক চেনবার ক্ষমতা লুপ্ত হয়েছিল। তাঁর শেষ কবিতা রচনা করেছিলেন ৩০ শে জুলাই, অপারেশানের পরে যখন জ্ঞান হয় তখন। সন্ধ্যাধ্বলা নিমতলা শ্মশানঘাটে কবির মৃতদেহ দাহ করা হয়। কলিকাতার লক্ষ লক্ষ নাগরিক শোকযাত্রায় যোগ দিয়েছিল। কবির ভ্রম ও অস্থি শান্তিনিকেতনে নিয়ে যাওয়া হয়েছে। শ্রাদ্ধ ১৭ই আগষ্ট রবিবার শান্তিনিকেতনে সম্পন্ন হবে। প্রায় সত্তর বছর যাবৎ যে ব্যক্তিত্ব বাংলা ও ভারতবর্ষকে গৌরবান্বিত রেখেছিল আজ তার অবসান হল। আমরা কবির শোকাত আত্মীয়-স্বজনকে সমবেদনা জ্ঞাপন করছি। এই প্রসঙ্গে দেশবাসীকে অনুরোধ করছি, তাঁর স্মৃতিরক্ষা সূত্রে শান্তিনিকেতন বিশ্ববিদ্যালয় যেন জনসাধারণের সহায়তায় স্থায়ী লাভ করে।

দেশপ্রিয়

গত ৭ই আশ্বিন দেশপ্রিয়ের মৃত্যুতিথি। এই দিনেই ৮ বছর আগে দেশপ্রিয় রাঁচিতে অসুস্থরূপে থাকা কালে মারা যান। দেশবন্ধুর একান্ত বিশ্বাসী সহকর্মী ছিলেন যতীন্দ্রমোহন। তাঁর সমস্ত জীবন দিয়ে তিনি প্রমাণ করেছেন তাঁর উপর দেশবন্ধুর বিশ্বাস যোগ্যপাত্রেরই অর্পিত হয়েছে। দেশের সেবায় গুরুতর পরিশ্রম কোরেই তাঁর স্বাস্থ্য ভেঙ্গে যায়, ফলে তাকে দেশ হারায়। কিন্তু আমরা বলি তাঁকে হারাব কেন, এই সব জীবনইতো জাতির শাশ্বত সম্পদ। ভবিষ্যৎ বংশ এই সব জাতীয় সম্পদ থেকেই তো নিজেদের জীবনকে মণ্ডিত করবে। আজ তাঁর আত্মবাসরে আমরা তাঁর স্মৃতির উদ্দেশ্যে গভীর শ্রদ্ধা নিবেদন করছি।

আচার্য প্রফুল্ল জয়ন্তী

গত ১৭ই শ্রাবণ আচার্য প্রফুল্লচন্দ্রের ৮০ বৎসর পূর্ণ হোলো। তাঁর গুণযুক্ত দেশবাসী ঐ দিন তাঁর জয়ন্তী উৎসব অনুষ্ঠিত করলো। আচার্য প্রফুল্লচন্দ্রের বৈজ্ঞানিক প্রতিভা ও বলমুখীন সাধনার বিষয় আজ উল্লেখ নিম্প্রয়োজন—সমস্ত ভারত এমন কি ভারতের বাইরেও অনেকে তা জানেন। তাঁর জীবন দিয়ে দেশসেবার যে অলস উদাহরণ, যে বলিষ্ঠ মনুষ্যত্বের অবদান আমাদের চোখের সামনে তিনি ধরেছেন সমস্ত জাতি তাতে সমৃদ্ধ হয়েছে। তাঁর ভগ্ন-স্বাস্থ্য নিয়ে তিল তিল কোরে জীবনের প্রতি মুহূর্ত তিনি স্বদেশসেবার কাজে ভরে তুলেছিলেন, সে দৃষ্টান্ত আর কোথাও পাওয়া যাবে না। তাঁর শিষ্যগোষ্ঠী আজ ভারতের ও জগতের সম্মান ও শ্রদ্ধার পাত্র—এ তাঁর পক্ষে কন আনন্দের কথা নয়। আমরা তাঁর কাছে বিশেষ ভাবে খবী। তাঁর স্নেহের দান আমাদের কর্ম প্রচেষ্টাকে অজস্রভাবে উৎসাহিত ও সফল করেছে। আমরা কৃতজ্ঞ অন্তরে তা স্মরণ করছি এবং তাঁর এই অশীতিতম জন্মতিথিতে তাঁকে গভীর শ্রদ্ধা জানাতে গিয়ে এ কথাটাই মনে হোচ্ছে যে তাঁর মত জীবন আমাদের জাতীয় জীবনে কবে আরো অধিক সংখ্যায় দেখতে পাব, কবে আচার্যদেবের জন্মদিনের আকাঙ্ক্ষা বাস্তবিকই পূর্ণ হবে।

নিখিল ভারত ফরোয়ার্ড ব্লকের ওয়ার্কিং কমিটির বৈঠক

গত ২০শে ও ২১শে তারিখে দিল্লীতে নিখিল ভারত ফরোয়ার্ড ব্লকের ওয়ার্কিং কমিটির ২দিন ব্যাপী বৈঠক সমাপ্ত হয়েছে। সদার শার্জল সিং সভাপতির আসন গ্রহণ করেন। ৪টী জরুরী প্রস্তাব গৃহীত হয়। (১) রুশবাসীর প্রতি সহানুভূতি—সমাজতান্ত্রিক রাষ্ট্র প্রতিষ্ঠা ফরোয়ার্ড ব্লকের উদ্দেশ্য কাজেই সমাজতান্ত্রিক রাষ্ট্র হিসাবে রুশদেশের প্রতি ফরোয়ার্ড ব্লক স্বভাবতই সহানুভূতিশীল। কিন্তু সেই সঙ্গে ফরোয়ার্ড ব্লকের সুপষ্ট মত এই যে এই যুদ্ধে কোনো পক্ষ অবলম্বন করবার ক্ষমতা বা ইচ্ছা ভারতের নাই। কাজেই ফরোয়ার্ড ব্লক ভারতের জনসাধারণকে স্বদেশের স্বাধীনতা লাভের দিকে সমস্ত শক্তি নিয়োজিত করতে নির্দেশ দিচ্ছে। (২) যুদ্ধের পরিস্থিতি থেকে স্পষ্ট অনুমিত হয় যে ভারতবর্ষ একটা যুদ্ধমান জাতির অধিকৃত বলেই ভারত আক্রমণের সম্ভাবনা বেশী, কাজেই এই আসন্ন আক্রমণ থেকে মুক্তি পাবার উপায় জাতীয় গভর্ণমেন্ট প্রতিষ্ঠা করা এবং এই উপায়েই ভারত আত্মরক্ষা ক্ষেত্রে একটা বিশিষ্ট অংশ গ্রহণ কোরতে পারে। ফরোয়ার্ড ব্লক আভ্যন্তরীণ বিশৃঙ্খলা ও বহিঃশত্রুর আক্রমণ থেকে ভারতকে রক্ষা করবার দায়িত্ব গ্রহণ করতে প্রস্তুত আছে। (৩) আন্তর্জাতিক পরিস্থিতির ফলেই দেশের সর্বত্র অরাজকতা ও সাম্প্রদায়িক দাঙ্গা হাঙ্গামা বৃদ্ধি পেয়েছে এবং ভবিষ্যতে আরো পাবে। এর হাত থেকে দেশকে রক্ষা কোরে আভ্যন্তরীণ বিশৃঙ্খলা নিবারণ ও বহিঃশত্রুর হাত থেকে জাতিকে রক্ষা করার জন্তু ভারতের নিজস্ব একটা জাতীয় সৈন্যবাহিনী গঠন প্রয়োজন। এজন্য ফরোয়ার্ড ব্লক —

দেশের সর্বত্র জাতীয় রক্ষিবাহিনী গঠন করবার অনুরোধ করছে এবং অস্ত্রশস্ত্র ব্যবহার সম্পর্কে যে বিধি-নিষেধ আছে সেগুলির কঠোরতা হ্রাস করতে গভর্নমেন্টকে অনুরোধ করছে। (৪) ভারতের সর্বত্র বিভিন্ন জেল ও বন্দী শিবিরগুলিতে রাজনৈতিক বন্দী ও রাজবন্দীদের সম্পর্কে যেকোন ব্যবস্থা অবলম্বন করা হয়েছে তাতে তারা স্থানে স্থানে অনশন আরম্ভ করতে বাধ্য হয়েছেন। রাজনৈতিক বন্দীদের প্রতি ভাল ব্যবহারের দাবী জার্মানির কাছে ইংরেজ দাবী করেছে, ভারতবাসীরাও সেই দাবী গভর্নমেন্টের কাছে করেছে। রাজনৈতিক বন্দীদের বিভিন্ন শ্রেণীতে বিভক্ত কোরে যে বৈষম্যের সৃষ্টি করা হয়েছে ফরোয়ার্ড ব্লক তার তীব্র প্রতিবাদ কোরছে।

উপরোক্ত চারটা প্রস্তাবই বিশেষ উল্লেখযোগ্য। ফরোয়ার্ড ব্লক বর্তমান সংশয়াকুল ভারতীয় রাজনৈতিক ক্ষেত্রে এরূপ সুস্পষ্ট নির্দেশ দিয়ে চিন্তা ও কর্মের পরিচ্ছন্নতা এনেছে, তারজ্ঞ্য আমরা ফরোয়ার্ড ব্লকের ওয়াকিং কমিটিকে অভিনন্দিত করছি। আশা করি সর্বসাধারণ ও বিশেষ কোরে ভারতের নেতৃবৃন্দ এই প্রস্তাবগুলি সম্বন্ধে যথোচিত বিবেচনা করবেন। এগুলির মধ্যে এমন কিছু নাই যাতে কোন দলের গ্রহণ করতে অসুবিধার সৃষ্টি হবে।

কমন্সে ভারত সম্পর্কে গতানুগতিক বিতর্ক

গত ১লা আগষ্ট কমন্স সভায় ভারত সম্পর্কে যে বিতর্ক উপস্থিত হয় তার উত্তর আমেরী সাহেবের উক্তি পাঠ্য করলে স্ফাবতই মনে হয় ইংরাজীতে যাকে বলে, playing to the gallery তাই হয়েছে। এখানে আবার galleryর স্থান অধিকার করেছে যুক্তরাষ্ট্র—যার সাহায্যের উপর ব্রিটেনের বর্তমান ও ভবিষ্যৎ নির্ভর করছে। কাজেই আমেরিকার মনে যাতে ভারত সম্পর্কে ব্রিটেনের যথার্থ মনোভাব সম্বন্ধে কোন প্রকার সন্দেহই না জাগে তার ব্যবস্থা সর্বতোভাবে করতে হবে। কমন্সের বিতর্ক এই কাজ কতদূর করতে সক্ষম হয়েছে জানিনা—তবে আমেরী সাহেব প্রাণপণ চেষ্টা করেছেন। শাসনতান্ত্রিক জটিলতা সৃষ্টির জ্ঞাত্য তিনি কংগ্রেসকে দোষ দিয়েছেন। সহযোগের পরিবর্তে যে বর্তমান নীতি কংগ্রেস অনুসরণ করছে তার ব্যর্থতা সম্পর্কেও তিনি উপদেশ দিয়েছেন। তিনি বলেছেন যে, যে ভারতবাসীরা দেশের স্বার্থ অপেক্ষা দলের প্রতি আনুগত্য বেশী দেখায়। তারপর বড়লাটের সম্প্রসারিত পরিষদ ও জাতীয় দেশরক্ষা পরিষদকে পক্ষমুখে প্রশংসা কোরে তিনি বলেছেন—যখন বিভিন্ন দলকে কিছুতেই সন্তুষ্ট করা যেতেনা তখন ব্যক্তিগত যোগ্যতার দ্বারাই এই কমিটি ছুটীর সদস্যদের বাছাই করা হয়েছে এবং এরা যোগ্যতম যেহেতু এদের কোনো দল নেই। কারণ দল থাকলেই দেশের স্বার্থের উর্ধ্বে দলের স্বার্থ এরা হয়তো দেখতেন।

ভারতের ভবিষ্যৎ শাসন সম্পর্কে তিনি বলেছেন—যে ভারতবাসীরা নিজেরা ভারতবর্ষ শাসন করবে, এতো ব্রিটেন সর্বদাই ইচ্ছে করেছে।—মুশ্লিল হচ্ছে কি ভাবে, কোন্ শাসনতন্ত্রের

মধ্য দিয়ে তা সম্ভব হবে। কারণ তাঁর মতে ভারতবর্ষে পার্লামেন্টারী শাসনতন্ত্র অচল যেহেতু ভারতবর্ষের মেজরিটি ভূয়া মেজরিটি। বাংলা ও পাঞ্জাবের মত তৈরী করা মেজরিটি না হোলে শাসনতন্ত্র কার্যকরী হবে না। ভারতবর্ষে নতুন মেজরিটি করতে হবে—কারণ ভারতবর্ষ বিচিত্র দেশ। তাছাড়া এখানকার আভ্যন্তরীণ মতভেদের কথা উল্লেখ কোরে বলেছেন ক্ষমতা দিতে আমরা সর্বদা প্রস্তুত তবে এত মতভেদ যেখানে সেখানে আর আমরা কি করতে পারি, সকলে এক না হোলে শাসন হয় কি কোরে।

শিল্প সম্বন্ধেও আমেরীসাহেব বলেছেন যে ভারতের শিল্পোন্নতি যাতে হয় তার জন্য তাঁরা সকলেই আগ্রহান্বিত কিন্তু মুসলিম হোচ্ছে অগ্ন্যস্তান থেকে ইঞ্জিন ও যন্ত্রপাতি না আমদানী হলে শিল্পকারখানা চালানোই মুস্কিল। কাজেই যুদ্ধ বিরতির জন্য অপেক্ষা কোরে থাকতে হবে। ইতিমধ্যে আমেরীসাহেব ক্ষণে ক্ষণে বক্তৃতা দিয়ে আমাদের মনে বিচিত্র ভাব উৎপাদন করতে থাকুন—ভারতের ভাগ্য তাতেই সুপ্রসন্ন হবে।

যুরোপীয় যুদ্ধের বোঝা—

ভারতবর্ষকে যুদ্ধের অংশী হতে হয়েছে, তারজন্য মে দুর্ভোগ তা'তো ভারতকে ভুগতেই হচ্ছে; তার ওপরে যুদ্ধের ফলে আরো যেসব আনুষঙ্গিক বিপদ ঘনিয়ে এসেছে ~~তার~~ ^{তার} কমে নয়। বাজারদরের বৃদ্ধি, নিষ্প্রদীপের মহড়া, পুলিশের ও গোয়েন্দার উৎপাত বৃদ্ধি ধরপাকড়, এমন কি সাম্প্রদায়িক দাঙ্গার বৃদ্ধি (অনেকেই বলেছেন যুদ্ধের সঙ্গে দাঙ্গার সম্পর্ক আছে) ইত্যাদি অনেক রকমের যন্ত্রণা তো আছেই। তার ওপরে সব চাইতে লাঞ্জন্য বিষয় যেটা সেটা হলো মূলমূল্য করবৃদ্ধি। শোনা যাচ্ছে কেন্দ্রীয় সরকারের একটি অতিরিক্ত (supplementary) বাজেট আবার ভারতবাসীর ঘাড়ের ওপরে ঝুলছে। মিন্দুরে মেঘ দেখলে যেমন দন্ধ গাভীর আতঙ্ক হয়, অতিরিক্ত বাজেটের কথা শুনেও এদেশে নতুন করবৃদ্ধির ভয় উপস্থিত হয়। ছুতোর অভাব হবে না, কারণ কোন দিনই হয় নাই। পেট্রোলের নিয়ন্ত্রণ দরুণ পেট্রোল শুদ্ধ থেকে আয় কমে যাবে; জাপানের সঙ্গে বাণিজ্য সম্পর্ক ছেদন করার দরুণ আমদানী-রপ্তানীর শুদ্ধ-আয় লোকসান হবে; তাছাড়া যুদ্ধবায়ও বৃদ্ধি হচ্ছে দিন দিন। আয়ের হানি ও ব্যয়ের বৃদ্ধি!! কাজেই সঙ্গে সঙ্গে উপকথার উটটীর পিঠের ওপরে সাধামত ভার চাপান প্রয়োজন হবে!

রাজ্য রাজ্য যুদ্ধ হলে গরীবের প্রাণ চিরকালই যায়। কিন্তু এটা আধুনিক যুগ। তাই প্রাণ দেবার আগেও গরীবেরা একবার জিজ্ঞাসা করে থাকে। পেট্রোল নিয়ন্ত্রণে জনসাধারণের কোন সুবিধাই হয় নাই। বরং সাধারণের অসুবিধা বেড়েইছে। জাপানী কারবার বন্ধ হওয়ায় বহু ব্যবসায়ীদের অর্থহানি ঘটেছে আর দরিদ্র জনসাধারণের (consumer's) পণ্যমূল্য বৃদ্ধির দরুণ প্রাণান্ত কষ্ট হয়েছে। অথচ এই দুইটা ব্যাপারের জন্য জনসাধারণ মোটেই দায়ী নয়।

তাদেরই এর বোঝা বহন করতে হবে। আর ‘যুদ্ধব্যয়’ বস্তুটা যে সত্যি সত্যি কী, তা’ জনসাধারণ মোটেই জানে না; কারণ যুদ্ধের জ্ঞান কোথায় কি হচ্ছে তা’ গুহ্যতত্ত্ব, বহির্জগতের গোচর করা চলেনা। কাজেই এই অনিদেয় যুদ্ধ খরচার জ্ঞান অসহায় ভারতবাসীর রক্ত’ ভাণ্ডারকে আরো উজাড় করতে হচ্ছে। যুদ্ধ যতদিন চলবে ততদিন এই নির্মম পালা চলতেই থাকবে, বিরাম হবে না। যুরোপে রাষ্ট্রে রাষ্ট্রে ক্ষমতা নিয়ে, স্বার্থ নিয়ে কাড়াকাড়ি চলেছে; সেই কাড়াকাড়ির প্রায়শ্চিত্ত করতে হবে ভারতবর্ষে দুর্ভিক্ষ পীড়িত জনতার; হতে হবে সর্বস্বান্ত। এই নির্মম ভার ভারতবর্ষ কী করে বহন করবে? বাজেটের কর্তারা তা চিন্তা করছেন কি? ক্ষমতার অতিরিক্ত ভার চাপালে তার ফল কি শুভ হবে? কাজেই সাধু সাবধান!

ভারত-ব্রহ্ম চুক্তি

ভারতীয়দের ব্রহ্ম যাতায়াত নিয়ন্ত্রণ কোরে সম্প্রতি যে উভয় সরকারের মধ্যে চুক্তি স্বাক্ষরিত হয়েছে তার সর্তগুলি দেখে আমরা বিস্মিত হয়েছি। ভারত থেকে স্মার গিরজাশঙ্কর বাজপেয়ী প্রমুখ এক মিশন ব্রহ্মদেশে পাঠান হয়; তখনও একথা বলা হয়েছিল যে মিশনের সদস্যরা কেবল মাত্র চুক্তি সম্পর্কে আলোচনা করবেন কোনো প্রকার চূড়ান্ত ব্যবস্থা অবলম্বন করা হবে না। কিন্তু কার্যতঃ দেখা গেল বাজপেয়ী মিশন চুক্তি সম্পাদন কোরে, ফিরেছেন। জাতীয় কংগ্রেসের সমস্ত প্রকার মতামত উপেক্ষা কোরে ভারত থেকে ব্রহ্মদেশ যখন বিচ্ছিন্ন করা হয় তখনই আমরা জানি ক্রমশঃ কি আসছে; যদিও ১৯৩৬এ পার্লামেন্টে এ সম্পর্কে আলোচনা প্রসঙ্গে তখনকার ভারত সচিব মিঃ আর এ বাটলার জোর গলায় বলেছিলেন—‘ভারতবাসীর মনে এই আশঙ্কা হয়েছে যে বিচ্ছিন্ন ব্রহ্ম ভারতবাসীর যাতায়াত সম্পর্কে বৈষম্যমূলক ব্যবস্থা হবে কিন্তু আমি তাদের এই প্রতিশ্রুতি দিতে পারি যে বড়লাটের মতামত না নিয়ে কোনো প্রকার বৈষম্যমূলক ব্যবস্থা ব্রহ্ম সরকার করতে পারবে না এবং বড়লাট নিজে ব্রহ্মদেশ গমনেচ্ছ ভারতবাসীদের স্বার্থরক্ষার জ্ঞান যত্ববান থাকবেন।’ এসব প্রতিশ্রুতি পরিবর্তিত প্রয়োজনের খতিয়ানে টিকবে এরূপ আশা অবশ্য আমরা করি না। তবে প্রতিশ্রুতি করাই বা কেন?

চুক্তির উদ্দেশ্যে বলা হয়েছে বর্মীদের মনে নাকি এ ধারণা হয়েছে যে ভারতবাসীদের আগমনেই বর্মীদের বেকার সমস্যা বৃদ্ধি পেয়েছে—কাজেই ভারতবাসীর যাতায়াত নিয়ন্ত্রণ কোরে সেই ধারণা দূর করা প্রয়োজন। প্রথমত, বর্মী জনসাধারণের মনে এরূপ ধারণা হয়েছে বলে কোনো প্রমাণ আমরা পাইনি, দ্বিতীয়তঃ, এক শ্রেণীর বর্মীর মনে যদি এ ধারণা হয়েছে থাকে তবে ভারতবাসীর স্বার্থকে বিসর্জন দিতে হবে তার যুক্তিযুক্ত কারণ কি? তৃতীয়তঃ, বর্মীদের জাতিবিদ্বেষ প্রাগ্রত করলো কে?

এই সম্পর্কে সমস্তা সম্বন্ধে তদন্ত কোরে রিপোর্ট দেবার জন্য ব্রহ্ম ও ভারত সরকার পরামর্শ করে ব্যাস্কটোর কমিশন নিযুক্ত করেন। এই কমিশন যে সকল চুক্তির সত্য নির্ধারণ করেছেন সেগুলি প্রধানতঃ কোনো প্রকার অনুমতিপত্র ব্যতীত কোনো ভারতবাসী ব্রহ্ম প্রবেশ করতে পারবে না—অনুমতি পত্র দুই প্রকার হবে (ক) এই শ্রেণীর অনুমতিপত্র যাকে দেওয়া হবে তিনি অনির্দিষ্ট কালের জন্য ব্রহ্মদেশে থাকতে ও চাকরী নিতে পারবেন। অনুমতিপত্র পেতে হোলে ৫০০ ফি দিতে হবে। (খ) এই শ্রেণীর অনুমতি বিশেষভাবে শ্রমিকদের জন্য, এর জন্য ১২ প্রবেশ ফি লাগবে এবং প্রতি বৎসর ৫ কোরে ফি দিতে হবে। এ শ্রেণীর অনুমতিপত্রে নির্দিষ্ট কালের জন্য বাস বা চাকরী করতে পারবে কিন্তু ডোমিসাইলের অধিকার অর্জন করতে পারবে না।

একটা ইমিগ্রেশন বোর্ড গঠিত হবে তার সুপারিশ বিবেচনা কোরে ব্রহ্ম সরকার কাজ করবেন। এই মোটামুটি সত্য। এখন প্রশ্ন হচ্ছে ব্রহ্মদেশে ভারতবাসীর যাতায়াত নিয়ে সরকার হঠাৎ কেন এই সময়ে এতটা উৎকণ্ঠিত হয়ে উঠলেন বোঝা মুশ্কিল। এই সঙ্কটের সময় যখন দুই দেশের মধ্যে অধিকতর সহযোগিতা ও ঐক্য স্থাপিত হওয়া উচিত ছিল ঠিক তখনই এইরূপ বিধি বিশেষের ফল কি হবে বোঝা সহজ। দ্বিতীয়তঃ, ব্রহ্ম সরকারের অনুমতি ব্যতীত যখন কেউ ব্রহ্মদেশে প্রবেশ করতেই পারবে না তখন প্রবেশ নিয়ন্ত্রণ করবার উদ্দেশ্যে প্রবেশ ফি ধার্য করবার হেতু বোঝা গেল না। শিক্ষা বা দেশভ্রমণ দ্বারা অভিজ্ঞতা লাভের জন্য যদি কেউ যেতে চায় তাকেও ঐরূপ ফিস দিয়ে অনুমতিপত্র প্রদান করতে হবে। অথবা ছাত্র বা ভ্রমণকারীদের জন্য ঐরূপ ব্যবস্থা আছে বলে জানিনা। ভারত সরকার এখনো একে আইনে পরিণত করেন নাই। আইনে পরিণত করবার আগে এ সম্বন্ধে জনসাধারণের মতামত গ্রহণ করবেন এ আশা করবার কোনো হেতু দেখছি না।

কাজেই এবার ভারত ও ব্রহ্ম-বিচ্ছেদ পূর্ণ হোলো কিন্তু প্রশ্ন জাগে বর্মীদের বাস্তবিক সরকার সমস্তা কতটা মিটেবে—বর্মীদের কল্যাণের অছিলায় সাম্রাজ্যবাদের ভেদনীতিই বা কতটা কার্যকরী হবে।

এম, এস্ হায়দারির আত্মতৃপ্তি

কিছুদিন হোলো কলকাতার এক ভোজ সভায় ইষ্টার্ন গ্রুপ সাপ্লাই কাউন্সিলের মিঃ এম এস্ হায়দারি এক বক্তৃতা কোরোছেন। তার মূল কথা হোলো—সাপ্লাই কাউন্সিল ভারতীয়দের যথেষ্ট সম্মান দেওয়া হোয়েছে কিন্তু সে সম্পর্কে ভারতীয়রা যথেষ্ট সচেতন নয়। তাঁর নিজের সম্মান সম্পর্কে মিঃ হায়দারি যদি আত্মতৃপ্তি অনুভব কোরে থাকেন তাতে আমাদের আপত্তি করবার কোনো কারণ নেই। কিন্তু যদি তিনি বলেন যে অষ্ট্রেলিয়া, নিউজিল্যান্ড প্রভৃতি ডোমিনিয়ানগুলির প্রতিনিধিদের যে মূল্য ও মর্যাদা, ভারতের প্রতিনিধিরও সেইরূপ—আমরা তা স্বীকার করতে সম্মত

নই। প্রথম কথা সেখানে ভারতের জনসাধারণ দ্বারা নির্বাচিত কোনো প্রতিনিধি নেই—যে প্রতিনিধি আছেন তিনি সরকার মনোনীত প্রতিনিধি, তাঁর কার্যকলাপের উপর জনসাধারণের মতামত প্রতী-ফলিত হবার কোনো সম্ভাবনা নেই। ওদিকে অষ্ট্রেলিয়া, নিউজিল্যান্ডের প্রতিনিধিরা তাঁদের স্ব স্ব দেশের জনসাধারণ দ্বারা নির্বাচিত ও তাঁদের কাছে তাঁদের কার্যকলাপের জ্ঞান দায়ী।

তারপর, এই সাপ্লাই কাউন্সিলের কাজে ভারতের উপকার হয়েছে কতটুকু? যদি এই সময় যখন বিদেশী মালের আমদানী অনেকাংশে কমেছে—দেশী শিল্পগুলি অপ্রতিহতভাবে উন্নতি করতে পারতো তবে কিছুটা স্থায়ী অর্থনৈতিক উন্নতি হয়তো বা ভারতের হতো। কিন্তু আগে যে সব মেশিনে এক প্রকার জিনিষ তৈরী হতো সেগুলি এখন সামরিক জিনিষ উৎপাদন করবার কাজে ব্যবহার করা হচ্ছে একথা মিঃ হায়দারিই বলেছেন—কাজেই স্থায়ী উন্নতির সম্ভাবনা কোথায়? জরুরী কাজ চালাবার জন্য ভারতের প্রয়োজন। বিশেষতঃ ইষ্টার্ন গ্রুপ কন্ফারেন্সেই এই নীতি গৃহীত হয় যে অষ্ট্রেলিয়া প্রভৃতি যায়গায় যে সব সমরোপকরণ এখন তৈরী হচ্ছে সেগুলি ভারতে তৈরী কোরে সময় নষ্ট করবার প্রয়োজন নেই বরং ভারতকে কাঁচামাল সরবরাহকারী হিসাবে রাখাটাই বেশী লাভজনক হবে। এরপর ভারতের শিল্পের কতটা উন্নতি লাভের সম্ভাবনা আছে তা অনুমান করা কঠিন নয় কাজেই মিঃ হায়দারি বুখাই অতটা উচ্ছ্বসিত হয়ে উঠেছেন।

রাজনৈতিক বন্দীর মুক্তি

রাজনৈতিক বন্দীদের সম্বন্ধে কিছু লিখলেই পুনরুক্তি ঘটবে। কারণ বারবার একই কথার পুনরাবৃত্তি করে করে পত্রিকাগুলি হয়রাণ হয়েছে, কিন্তু সরকারপক্ষের তাতে কোনই ভাবান্তর হয় না। এই হতভাগ্য দেশে জনমতেরও মূল্য নেই, আর সংবাদপত্রেরও কদর নেই। অথচ গণতন্ত্রের ধূয়া ধরে বুরোক্রাসী দিবি খুশখুশাল অনুযায়ী যা' তা' করে চলেছে। সেদিন বাংলা সরকার জানিয়েছেন যে সর্তাধীন বন্দীমুক্তি দেবার অঙ্গীকারকে প্রত্যাখ্যান করা হল। ১৯৩৯ সালের ১৪ই নভেম্বরের বিরতিতে ঘোষণা করেছিলেন চল্লিশজন বিশেষ বৈপ্লবিক বন্দীকে মুক্তি দেওয়া হবে যদি তাঁরা নির্দিষ্ট সর্ত মানতে রাজী হন। বিগত প্রায় দুবছর কালের মধ্যে ১০জন বন্দী শর্তাধীন মুক্তি পেয়েছে; আর বাকী আছে ত্রিশ জন। হঠাৎ সরকার কেন এই ত্রিশজনকে শর্তাধীন মুক্তি পর্যন্ত দিতে অস্বীকার করলেন, তা বোঝা দুষ্কর। শর্তাধীন মুক্তির নীতি সম্বন্ধে আমরা এখন কিছু বলছি না। এই রকম মুক্তি স্বীকার করবেন কিনা তা বন্দীদের ব্যক্তিগত রুচি ও মতামতের ওপরে নির্ভর করছে। কিন্তু বাংলাদেশ সরকারের এই আকস্মিক মত পরিবর্তনের কারণ কি? কোন নূতন পরিস্থিতির কি উদয় হয়েছে? না, যুদ্ধ পরিচালনা বা efficient prosecution of the war কিংবা public order বা safetyর দাবিতেই এমন

হাস্যকর প্রতিক্রিয়া ঘটল? বাংলা সরকারের মনোবৃত্তির পরিচায়ক অনেক অভূতপূর্ব কীর্তিই এক ব'ছমে মিলেছে। কিন্তু তাঁদের এই অধুনাতম কীর্তিটা সবার চাইতে সেরা। এই মেরুদণ্ডহীন শাসন কর্তাদের কি আত্মসম্মান বলে কিছু নেই? সমস্ত দেশের নিন্দাভাজন হয়েও পরম নির্বিকার চিত্তে বছরের পর বছর বধিত আয়ুষ্কাল উপভোগ করে চলেছেন এরা। পৃথিবীর ইতিহাসে এর জুড়ি মেলা ভার।

আর একটা কথা। ভাইসরয়ের কার্যপরিষদে নতুন সভা নেওয়া হয়েছে। তাতেই দেশে খুশীর কোলাহল উঠেছে কোন কোন মহলে। কিন্তু বাংলা সরকারের এইসব অপচেষ্টা যে সকল প্রগতির গলাটিপে মারছে তার কোন প্রতিকার বা প্রতিবাদ কি আগন্তুক পরিষদ-সভারা করবেন? সার তেজবাহাদুর পর্যন্ত এ সম্বন্ধে তীব্র প্রতিবাদ করেছেন পুনা সম্মেলনে। যখন ধরপাকড় আর জুলুম অবিচারের মরশুম চলেছে, তখন দেশরক্ষা ও ভবিষ্যৎ সম্পর্কিত ইত্যাদি নামে বড় বড় বুকুনীর কোনই মানে নাই। যাতোক ভারত-পরিষদের ও বড়লাটের কার্যপরিষদের সদস্যরা এবিষয়ে কি কোন কর্তব্য আছে মনে করেন? যদি করেন, তবে আর অপেক্ষা করবার সময় নাই।

বড়লাটের নূতন পরিষদ

এতদিন পর ভারত সরকার বড় রকম একটা দাঙ্গিণা দেখিয়েছেন ভারতকে! জঙ্গীলাট ছাড়া যেখানে শাসন পরিষদে ৪ জন সরকারী ও ৩ জন বেসরকারী সদস্য ছিলেন—সেখানে একবারে ৩ জন সরকারী ও ৮ জন বেসরকারী সদস্য গ্রহণ করা হয়েছে এটাকে বিপ্লবাত্মক পরিবর্তন ছাড়া আর কি বলা যায়। এই পরিষদে যাদের নেওয়া হয়েছে তাদের নামঃ— (১) সরবরাহ সচিব—স্মার হোরমুসজ্জী মোদী ২। প্রচার সচিব—স্মার আকবর হায়দারী ৩। জনরক্ষা সচিব—মিঃ রাঘবেন্দ্র রাও ৪। শ্রম সচিব—মালিক স্মার ফিরোজ খাঁ নুন ৫। প্রবাসী ভারতীয় বিভাগ—মিঃ এম, এস, আনে ৬। আইন সচিব—স্মার সুলতান আমেদ ৭। মিঃ নলিনীরঞ্জন সরকার—শিক্ষা, স্বাস্থ্য ও ভূমি সংক্রান্ত।

এ নূতন সদস্য গ্রহণের সঙ্গে সঙ্গে ঘোষণা করা হয়েছে যে শাসনতান্ত্রিক সমস্যা সমাধান বা বিভিন্ন রাজনৈতিক দলের দাবীর সঙ্গে এই সম্প্রসারণের কোনো সম্বন্ধ নাই—পরিষদে নেওয়া সদস্যরাই ব্যক্তিগত যোগ্যতা ও অভিজ্ঞতার জগুই। দপ্তর বর্টন আরো কৌতূহলের উদ্রেক করে। দেশরক্ষা, অর্থ, স্বরাষ্ট্র ও যানবাহন ভারতীয়দের দেওয়া হয়নি—বাজে কতকগুলি দপ্তর সৃষ্টি কোরে ভারতীয়দের মধ্যে ভাগ কোরে দেওয়া হয়েছে। এই পরিষদে যুক্তদায়িত্ব থাকবে না বা পরিষদ-আইন সভার নিকট দায়ীও হবে না।

এই নূতন আঙ্গব চীজের জন্মে কোনো শ্রেণীর নেতারা ই আনন্দে উচ্ছসিত হোত পারেন নি। মহাত্মা গান্ধি তো স্মিত হাস্তে জানিয়েছেন তার কিছু বলবার নেই। মিঃ জিন্না, তাঁর

ডিক্রিয়ে লীগের সভ্যদের সঙ্গে সরাসরি আলাপ করতে, এতদিন বৃটিশের ভেদনীতি আবিষ্কার করে সরকারকে বিবৃতি মারফৎ শাসিয়ে দিয়েছেন এবং যারা লীগের মত ব্যতীত সদস্যপদ গ্রহণ করেছেন তাঁদের লীগ সদস্যপদচ্যুত করবেন বলে হুমকিও দিয়েছেন। বোম্বের দল-নিরপেক্ষ নেতৃসম্মেলনেও স্মার তেজ বাহাদুর সাফ জয়কার প্রমুখ নেতৃবৃন্দ ভারতীয়দের যেভাবে দপ্তর বন্টন করা হয়েছে তার তীব্র প্রতিবাদ করেছেন এবং এদ্বারা ভারতীয়দের যে নূতন কোরে অপমান করা হয়েছে তাও বলেছেন। কিন্তু এত গবেষণার পর সরকার যে পরিষদটি গঠন করলেন তাতে তাঁদের কাজ সিদ্ধিই হবে, কারণ শেতাঙ্গদের হাতে আগে যেমন সমুস্ত ক্ষমতা ছিল এখনো তার কোন ব্যতিক্রম হয়নি।

ভারত-রক্ষা কমিটি

স্মার ওয়াভেল ভারতীয় রাষ্ট্রীয় পরিষদ ও কেন্দ্রীয় পরিষদের ১০ জন সদস্য নিয়ে ভারত রক্ষা কমিটি গঠন করেছেন (১) এতদ্বারা ভারতের যুবক সম্প্রদায় যুদ্ধে যোগদান করতে প্রস্তুত হবে (২) এবং ভারতে প্রচুর সমরোৎসব তৈরী হয়ে বৃটেনের সহযোগে ভারত নিরাপদ হবে। উদ্দেশ্য সাধু সন্দেহ নেই। কিন্তু তাকে কাজে পরিণত করার উপায় দেখে আমরা বিস্মিত হয়েছি। স্মার ওয়াভেল ছুঁতে করেছেন কংগ্রেস ও লীগ এই সাধু উদ্দেশ্যে সহযোগিতা করছে না বলে, কেন করছেন। সে সম্বন্ধে কারণ আবিষ্কার করা তাঁর কাজ নয়। যাঁদের সদস্য নিয়েছেন, কোন্ সম্প্রদায়ের উপর তাঁদের প্রভাব আছে জানা যায়নি কাজেই তাদের কমিটিতে নেওয়াতেই ভারতের যুবক সম্প্রদায় দলে দলে অগ্রসর হবে প্রাণ দেবার জগু, এ আশার কারণ কি আমরা জানিনা। যাহোক, ভারত সচিব আমেরী সাহেব বলছেন ভারত সম্পর্কে নূতন কিছু করার নেই—যে সময় প্রচেষ্টা ভারতে চলেছে তাতেই তারা সন্তুষ্ট, তবে আর কথা কি? যুদ্ধ বাঁধিয়েছেন তাঁরা এবং এ যুদ্ধের জগু কতটা সাহায্য তাঁদের দরকার তাঁরাই ভাল বোঝেন। কিন্তু যুদ্ধ যে ক্রমশঃ পশ্চিম ও পূর্বদিক থেকে ভারতের উপকূলের দিকে অগ্রসর হচ্ছে তার জগু ভারতবাসী উৎকণ্ঠিত হয়ে উঠেছে বৈ কি? কারণ কতভিজার দেশ সহজে এতবড় ঝড়ের সামনে একেবারে নিশিগ্ধ থাকতে পারছে না ভারতবর্ষ। একজন ভারতীয় আই সি এন্কে অতিরিক্ত ডিফেন্স সেক্রেটারী এবং ডিফেন্স এডভাইসারী কমিটির সেক্রেটারী করে ভারতবাসীকে ভারতরক্ষা ব্যবস্থায় যথেষ্ট সুযোগ দান করা হয়েছে বলে ভারতবাসী উচ্ছসিত হয়ে উঠতে পারছে না। দেখা যায় কোন্ দিক থেকে কি আসে। প্রস্তুতির বালাই যখন নেই তখন কেবল অপেক্ষা করা ছাড়া আমাদের করার আছে কি?

পেট্রোল নিয়ন্ত্রণ

গত জানুয়ারী মাসে নয়াদিল্লীতে পেট্রোল নিয়ন্ত্রণ সম্মেলন হয়েছিল। সেই সম্মেলনের ইংলিশ অনুযায়ী হিসাব পত্র সংগ্রহ করা হয়—সম্মেলনে পেট্রোল বাঁচাবার ব্যবস্থা অবলম্বনের

জন্ম সুপারিশ করা হয়েছিল। দেশে ১৭৫ হাজার মোটর যান বহন আছে, এগুলির জন্ম বার্ষিক ১১ লক্ষ গ্যালিয়ন তেল প্রয়োজন হয়। এই নিয়ন্ত্রণের ফলে পেট্রোল ব্যবহার অনেক কমে যাবে সন্দেহ নাই।

গত ৩১ শে জুলাই ইণ্ডিয়া গেজেটে ভারত গভর্নমেন্ট পেট্রোল ব্যবহার নিয়ন্ত্রণ কোরে এক আদেশ জারী কোরেছেন। এই আদেশ অনুযায়ী কর্তৃপক্ষের অনুমোদিত কুপন ছাড়া কোন ব্যবসায়ী কারো নিকট পেট্রল বিক্রী করতে পারবে না। যাতে আগে থেকে পেট্রোল কিনে সঞ্চয় করতে না পারে তার জন্য ব্যবস্থা অবলম্বন করবার প্রস্তাব দেওয়া হয়েছে। এই সম্মেলনের প্রস্তাবানুযায়ী ১৫ই আগষ্ট থেকে পেট্রোল নিয়ন্ত্রণ আরম্ভ হবে। কলকাতা ও কলকাতার উপকণ্ঠের জন্য রেশনিং অফিসার মিঃ পি, ডি, এল কেলার নিকট নিয়ন্ত্রণ সম্পর্কে পরামর্শ পাওয়া যাবে। এই নিয়ন্ত্রণে বিশেষ বিশেষ horse power সম্পন্ন মোটরের জন্ম মাসিক পেট্রোলের হার বৃদ্ধি দেওয়া হয়েছে। স্কুলের বাস, সাধারণ বাস ও অগ্ন্যাহ জরুরী কাজের জন্ম যে সব যান-বাহন ব্যবহার হবে উপরোক্ত নিয়ন্ত্রণের মধ্যে তারা পড়বে না।

ভারতবর্ষ তাহোলে ক্রমশঃ যুদ্ধের আন্তর্য এসে উপস্থিত হচ্ছে। কিন্তু আমাদের শুধু মনে হয় প্রধান ব্যবস্থা না কোরে—দেশরক্ষার জন্ম কোনো প্রকার ঔরতীয় সহযোগিতা গ্রহণ না কোরে—নিষ্প্রদীপের মহড়া ও পেট্রোল ক্রয় সংকোচ করলে হবে কি?

জমিদারী ব্যবস্থা

১৯৩৮ সনের ডিসেম্বর মাসে বাঙ্গলা সরকার ভূমিরাজস্ব কমিশন বা ফ্লাউড কমিশন নিযুক্ত করেন। ১৯৪০ সনের মার্চ মাসে কমিশন তার রিপোর্ট দেয়। তারপর মিঃ গার্গার আই, সি, এসকে এই কমিশনের রিপোর্ট ও সুপারিশগুলি পরীক্ষা করবার ভার দেন। ১৯৪০ এর জুলাইতে মিঃ গার্গার রিপোর্ট দাখিল করেন। কিন্তু এক বৎসরের মধ্যে মিঃ গার্গারের রিপোর্ট প্রকাশ করা বা সে সম্পর্কে বাঙ্গলা সরকারের কোন মতামত গঠন করবার কোন লক্ষণ দেখা গেল না। মাত্র কয়েকদিন পূর্বে গার্গার-রিপোর্ট প্রকাশ করা হয়েছে। ফ্লাউড কমিশনের সব প্রধান সুপারিশ ছিল জমিদারী প্রথার উচ্ছেদ সাধন করা—এর সপক্ষে বা বিপক্ষে কোনো প্রকার মতামত গার্গার সাহেব করেন নি—তার আর্থিক ফলাফলের দিক দিয়ে বিচার করেই তার বক্তব্য তিনি বলেছেন। আর্থিক লাভ করতে হলে হয় প্রজার কর বৃদ্ধি করতে হবে না হয় খুব সামান্য মূল্যে জমিদারী ও মধ্যস্থত্ব ক্রয় করে নিতে হবে এই দুটির মধ্যে কোনটাই সহজ মনে হচ্ছে না—প্রথমতঃ, প্রজার কর বৃদ্ধি সম্ভব নয়; খুব কম মূল্যে জমিদারী ক্রয় করবার ব্যবস্থা করলে বিল পাশ হওয়া মুশ্কিল। মিঃ গার্গার বলেন যদি ১৫ গুণ মূল্য দিয়ে জমিদারী বা মধ্য-স্বত্ব কিনে নেওয়া হয় তবেই গ্যায়সঙ্গত হয়। কিন্তু এতে সরকারের আর্থিক তির ও গোলমালে পড়বার সম্ভাবনা, কাজেই নির্দিষ্ট অল্প যায়গায় আগে এর ফলাফল দেখা গার্গার সাহেবের মত।

এবিষয়ে বিরোধীদের নেতা শরৎবাবুর সহিত সমাজতান্ত্রিক আদর্শানুযায়ী জমিদারী ব্যক্তিগত স্বত্বাধিকারের উচ্ছেদ করার আমরাও সমর্থক।



পাটক্রয়-কর বিল কাদের স্বার্থে?

গত ৩০ শে জুলাই পাট-ক্রয়-বিল বঙ্গীয় ব্যবস্থা পরিষদের ১০৩-২৭ ভোটে মিলেই কমিটিতে প্রেরিত হয়েছে। ৮ই আগস্টের মধ্যে রিপোর্ট দাখিল করতে হবে। কৃষক-প্রজাদের পক্ষ থেকে সংশোধন প্রস্তাব আনা হয়েছিল, বিলটি সম্বন্ধে জনমত সংগ্রহ করা হউক। কিন্তু প্রস্তাব অগ্রাহ্য হয়। বিলের মর্ম অনুসারে, পাটকলের মালিক এবং রপ্তানী ব্যবসায়ীদের কাছ থেকে টাকা প্রতি তুই আনা তারে কাঁচা পাট ক্রয়ের উপরে কর আদায় করা হবে। এতে সরকারের বার্ষিক ৫০ লক্ষ টাকা আয় হবে।

বাংলা সরকারের টাকার দরকার, কাজেই বিলটিতে সরকারের স্বার্থ আছে, বোঝাই যাচ্ছে টাকার যে দরকার, তার প্রমাণ দিয়েছেন এক লম্বা ফিরিস্তি দাখিল করে মিঃ সুরাবদি। অর্থ সচিব মিঃ সুরাবদি আশ্বাস দিয়েছেন, যে ৫০ লক্ষ টাকা আয় হবে তার প্রায় ৩৩। ৬৬ টাকাই পাট-চাষীদের কল্যাণের জন্যই ব্যয় হবে। পাট চাষীদের কল্যাণ মানে হলো পাট-চাষ নিয়ন্ত্রণ। নিয়ন্ত্রণ ও কড়াকড়ির ফলে নাকি গত বছর থেকে এ বছরে তিন ভাগের এক ভাগ মাত্র পাট-চাষ করা হয়েছে। এই নিয়ন্ত্রণ ব্যবস্থা ও কড়াকড়ি বজায় রাখতে হবে, কারণ তা হলেই পাট চাষার নাকি স্বর্গ সুখ হবে। কাজেই কর্তৃত্ব পাট ক্রয়-কর থেকে চাষীরই সুখ সুবিধার ব্যবস্থা হবে।

পাট-চাষ নিয়ন্ত্রণ সম্বন্ধে আমরা পূর্বেই বলেছি যে এসব খণ্ড ও আদর্শহীন ব্যবস্থায় আর যারই হোক চাষীদের লাভ হবে না। দূরদৃষ্টি সহ অগ্রপশ্চাৎ বিবেচনা না করে কেবল নামকা-ওয়াস্তে যেনতেন কিছু করলে নাকচোল পেটানোর সুবিধা হতে পারে, কিন্তু কোন সুফল হবে না। পাট-চাষ নিয়ন্ত্রণের কোন মানে হয় না যদি নিয়মের বেঁধে না দেওয়া হয়। নিয়মের বেঁধেও কিছু লাভ হবে না যদি বিক্রীর ব্যবস্থা না হয়। মিলমালিকদের নিয়ন্ত্রণে আনার দরকারই সর্বাগ্রে। যতদিন তাঁনা হবে, ততদিন এসব কৃত্রিম ব্যবস্থার কোন ফলই হবে না। চাষীর সুবিধা না হয়ে মধ্যবর্তী শ্রেণীরই লাভ হবে বেশী। সরকারের নিয়ন্ত্রণ ব্যবস্থায় চাষীর আরো হয়েছে বিপদ। অথচ সরকার নিয়ন্ত্রণকে স্থায়ী করে তুলেছেন। তারই জন্য প্রধানত এই পাট-ক্রয় বিলের দরকার হয়েছে।

এই পাট-ক্রয় বিলেও চাষীদের যে সুবিধা হবে তার নিশ্চয়তা নেই। মিলমালিকরা করের ছুটানা পাটের দামের থেকেই তুলে নেবে। অর্থাৎ চাষীকে বাধ্য করবে ছুটানা কম দামে পাট বিক্রী করতে। চাষীর উপায় নেই, তাকে করতেই হবে। কাজেই এ ট্যাক্স আদায় হবে চাষীদের কাছে। তাতে চাষীদের সর্বনাশ হবে; কারণ একেতো পাটের বাজার নাই, তার ওপরে ট্যাক্স দিতে হবে। এই কারণে কৃষক প্রজাদল চেয়েছিল চাষীদের মত সংগ্রহ করে তার পরে বিলটির আলোচনা করতে। কিন্তু সরকারের সবুর নয় নাই। আসল কথা হল মিল মালিকদের মনোভাব। তারা যদি বিরুদ্ধতা করে তবে বিলের উদ্দেশ্য ব্যর্থ করে দিতে সময় লাগবে না। তারপরে আমাদের মন্ত্রীদেবই বা বিশ্বাস কি? মিলমালিকরা গভর্নমেন্টের সঙ্গে কখন কি চুক্তিতে বন্ধ হয় তার ঠিক কি? কাজেই চাষীদের মত নিয়ে তারপরে বিলের আলোচনা হলে চাষীদের কল্যাণ কী পদ্ধতিতে করা সম্ভব হবে তার মিথ্যারূপ করা যেত। কিন্তু বাংলা সরকার সে কথা শুনে কেন? চাষীদের হিতসাধনের নামে কতদিন এই অব্যবস্থা ও আদর্শহীন উচ্ছৃঙ্খলতা চলবে?



ভোরের শীতে

শ্রীমন্দলাল বসু

শান্তিনিকেতনের পাশের গ্রামে



দশম বর্ষ

শ্রাবণ, ১৩৪৮

{ ২য় সংখ্যা

রাষ্ট্রনীতি ও অর্থনীতির সংঘাত এবং নান্দ্রীজন্ম

ডাঃ রাধাকমল মুখোপাধ্যায়

[পূর্ব-প্রকাশিতের পর]

বংশতত্ত্ববিদ ও সমাজতত্ত্ববিদদের তুলনামূলক বিচারে প্রমাণ হয়েছে, যে-সব সংস্কৃতির উৎপত্তি হয়েছে যাযাবর জাতগুলোর দ্বারা কৃষিজীবী, নিরীহ আদিম জাতগুলো বিজয়ে ও লুণ্ঠনে— সেই সব সংস্কৃতিতে সমস্তটা সামাজিক কাঠামোই সামাজিক সংঘর্ষ এবং পীড়নের লীলাক্ষেত্র হয়ে দাঁড়ায় এবং রাষ্ট্রেও দেখা দেয় শ্রেণী-প্রভুত্ব। কিন্তু যেসব সভ্যতা তরবারির মারকতে না হয়ে শান্তিপূর্ণ আদান-প্রদান, সংগ্রহ এবং সঞ্চয়নের মধ্যদিয়ে গড়ে উঠেছে, সে সব সমাজে কদাচিৎ শ্রেণীসংগ্রাম ও সামাজিক অত্যাচার দেখা যায়। পূর্বোক্ত সমাজ ব্যবস্থায় রাষ্ট্র হয়ে দাঁড়ায় শ্রেণী-অত্যাচারের প্রচণ্ড যন্ত্র; কিন্তু শেষোক্ত সমাজে রাষ্ট্র কচিৎ হয় সর্বশক্তিমান। এই দিক থেকে দেখলে, পাশ্চাত্য রাষ্ট্রকে বলা চলে এককেন্দ্রিক (monistic) রাষ্ট্র আর এরই বিপরীত হলো ভারতের ও চীনদেশের বহুকেন্দ্রিক (pluralistic) ধরনের রাষ্ট্র; এই বহুকেন্দ্রিক রাষ্ট্রে বিভিন্ন গোষ্ঠী ও সম্প্রদায়গুলো রাষ্ট্র থেকে পৃথক ভাবে, ও প্রায়ই স্বাধীন ভাবে কাজ করে থাকে।

এককেন্দ্রিক ও বহুকেন্দ্রিক রাষ্ট্রের মধ্যে উৎপত্তিতে, নীতিতে ও দৃষ্টিভঙ্গীতে মৌলিক পার্থক্য রয়েছে। এককেন্দ্রিক রাষ্ট্রের উৎপত্তি হয়েছে জবরদস্তি এবং দেশবিজয় থেকে; এর সম্পর্কিত অত্যাচার প্রতিষ্ঠানগুলো গড়ে উঠেছে সামরিক প্রাধিকার কিংবা দাসত্ব প্রথা থেকে ভিত্তি করে। বহুকেন্দ্রিক রাষ্ট্রের উদ্ভব হয়েছে কতকগুলো স্বাভাবিক, পৃথক কেন্দ্রের (unit) সংযোগ ও সহযোগিতার থেকে। আজকালকার ফিডারেল শাসনতন্ত্রের কোন কোন রূপের মধ্যে এই বহুকেন্দ্রিক রাষ্ট্রকে দেখা যায়। এককেন্দ্রিক রাষ্ট্র সম্ভব হয় কেবল শ্রেণীস্বার্থপরতা ও শ্রেণীসংঘর্ষ থাকলেই। বহুকেন্দ্রিক রাষ্ট্রের আইনকানুন দাঁড়িয়ে আছে ‘কর্তব্যমূলক’ (duty) ধারণার ওপর। এই ‘কর্তব্য’র ধারণার ভারতম্য করা হয় বিভিন্ন ব্যক্তি ও গোষ্ঠী বিশেষে, সামর্থ্য ও সংঘ-গঠন অনুসারে। এককেন্দ্রিক রাষ্ট্রে সমস্ত রাজ্যকে কতকগুলো খণ্ডে বিভাগ করে নিয়ে রাষ্ট্রশক্তিকে এই স্থানীয় বিভাগ অনুযায়ী বিভক্ত করে দেয়া হয়। বহুকেন্দ্রিক রাষ্ট্রে কিন্তু রাষ্ট্রশক্তিকে বন্টন করা হয় জাতি কিংবা ব্যবসামূলক গোষ্ঠী অনুসারে। এককেন্দ্রিক রাষ্ট্রের লক্ষ্য হলো ব্যাপ্তির ষোল আনা জীবনকেই আয়ত্তে আনা এবং এমন সমস্ত রকমের দলগত বা সংহতিগত প্রচেষ্টাকে নিষ্পেষিত করে ফেলা যার মধ্যে সামান্য মাত্রাও প্রতিদ্বন্দ্বী রাষ্ট্রের লক্ষণ দেখা যায়। বহুকেন্দ্রিক রাষ্ট্র কিন্তু সমাজে বিভিন্ন সংঘ বা গোষ্ঠী বন্ধনকে সমাদর করে নেয়; কেবল তাই নয়, এই সব পৃথক সংঘকে স্ব স্ব ক্ষেত্রে সম্পূর্ণ স্বাভাবিক দান করে এবং রাষ্ট্রের শক্তিকে খর্ব করে আপন ক্ষেত্রে অতি সংকীর্ণ পরিধির মধ্যে সঙ্কুচিত করে ফেলে।

ভারতে ‘গ্রাম্য সমাজে’ই হলো রাষ্ট্রীয় বহুকেন্দ্রিকতার (pluralism) দৃষ্টান্ত। এখানে ব্যবসা-মূলক ক্ষমতাবন্টন (functionalism) চরমে উঠেছে এবং এর ফলে গ্রাম্য সমাজ এখানে টিকে রয়েছে হাজার হাজার বৎসর। এই গ্রাম্যসমাজে পাই এমন একটা স্বায়ত্তশাসন-মূলক সমাজ-ব্যবস্থা যাতে জাতিগত, শ্রেণীগত ও ধর্মগত সংঘর্ষ লুপ্ত হয়ে গেছে পারস্পরিক সহযোগিতায়; এই সহযোগিতা হল চাষাবাস, জলসেচন এবং পঞ্চায়েতী শাসনের অর্থনৈতিক সহযোগিতা। কিন্তু তাই বলে ভারতীয় গ্রাম্য সমাজ যে বৃহত্তর সমাজে ও রাষ্ট্রে একটা বিচ্ছিন্ন সত্তা, তা নয়। কারণ ১৩, ২৪, ২৭, ৪২, ও ৮২টি গ্রামের সংহতি-মূলক স্থানীয় সংঘ-স্বাতন্ত্র্যের বহু দৃষ্টান্ত ভারতবর্ষে এখনো অস্পষ্ট আকারে বেঁচে রয়েছে। একই ধরনের সভ্যতা-বিশিষ্ট কোনো প্রদেশে একদা স্বদেশী ফিডারেল শাসনতন্ত্র গড়ে তোলবার প্রচেষ্টা হয়েছিল, এগুলো তারই স্বরূপচিহ্ন। তেমনি ভারতবর্ষের ব্যবসামূলক গোষ্ঠী বা বর্ণগুলো (caste) এক অর্থে ছোট আকারে স্থানীয় ফেডারেশান বই আর কিছু নয়; বর্ণগুলো সহজেই ব্যবসাগত সমবায় (guilds) দাঁড়িয়ে গেছে। জাত বা বর্ণ-সংক্রান্ত নিয়ম কানুনগুলো করা হয়েছে বিশেষ বিশেষ হস্ত-শিল্প বা যন্ত্র-শিল্পের স্বার্থে। এখন গিল্ড বা সমবায় আছে যার মধ্যে ভিন্ন ভিন্ন জাতের বা বর্ণের লোক একই পেশা বা ব্যবসায় সূত্রে একত্র হয়ে অন্তর্ভুক্ত হয়েছে। কিন্তু ভারতবর্ষে ‘গিল্ড’ জিনিসটা শুধুমাত্র অর্থনৈতিক স্বার্থ

ব্যবসার উপরেই নির্ভর করে না। 'গিল্ড' বলতে বোঝা যায় কর্ম ও সংসর্গের একটা বিভাগ। তার জন্ম হয় সামাজিক জীবনযাত্রার এবং সংস্কৃতির সাবুজ থেকে। কাজেই এর মধ্যে অন্তর্ভুক্ত হয়ে আছে বর্ণগুলোর (castes) সম্পূর্ণ সামাজিক জীবন। কতকগুলো 'গিল্ড' একত্র হয়ে একটা মন-সংবদ্ধ (compact) বা শিথিল ধরণের ফেডারেশন গড়ে তোলে; এর মধ্যে একটা বিস্তৃত মূল্যের বিভিন্ন শ্রেণীর কারিগর, শিক্ষানবিশ, মধ্যবর্তী দালাল ও সাধারণ ব্যবসায়ী সবাই রয়েছে এবং সমস্ত সামাজিক ও অর্থনৈতিক ব্যাপারে এদের প্রভাব বিস্তৃত হয়। চীনদেশের কারিগর 'গিল্ড' বহুধা ভারতীয় কারিগর-বর্ণের (caste) মতন হলেও সেখানে ভারতের মত তত জটিল পরিণতি এবং বিস্তৃত সামাজিক স্তরবিজ্ঞান দেখা দেয় নি। তবু কারিগররা আপন আপন অঞ্চলে বহু ছোট ছোট দল গঠন করে থাকে এবং মাঝে মাঝে একত্র হয়ে গিল্ডের সমস্ত কারিগরের জ্ঞান আমোদ প্রমোদের ব্যবস্থা করে থাকে। প্রত্যেক গিল্ডের সভাপতি, সম্পাদক, পরিষদ রয়েছে, যেমন ভারতবর্ষের নাগরিক গিল্ডগুলোর (city guilds) আছে। ভারতেরই মত চীনদেশেও 'বাণিজ্য গিল্ড' (merchant's guild) আছে। এই সব বাণিজ্য-গিল্ডের সংহতি এবং ঐক্যের জগুই চীনদেশের বাজারদরে স্থিতি আছে এবং সমাজে শাস্তি আছে। এরা আছে বলেই ব্যবসায়িক প্রতিলক্ষিতা প্রবল হয়ে উঠতে পারে না; প্রতিদ্বন্দ্বিতা আখেরে সকল অর্থনৈতিক শ্রেণীরই ক্ষতি করে থাকে। ভারতেরই মতন, চীনদেশের গিল্ডগুলির কাজ হল সভ্যদের পরস্পরের মধ্যে বিবাদ মেটানো এবং অগাছ গিল্ডের সঙ্গে বিতর্কের সমাধান করে দেওয়া। বহু ভারতীয় গিল্ডের মতন এরাও সুদের হার, পণ্যবিক্রয়ের হার ও হিসাব নিকাশের তারিখ নির্ধারণ করে দেয় এবং সাধারণভাবে দশজনের উন্নতি ও বাণিজ্যের প্রসারের জগু ব্যবস্থা করে থাকে। বিশপ্ ব্যাশ্‌ফোর্ড (Bashford) চীনদেশের গিল্ড সম্বন্ধে যা বলেছেন তা ভারতীয় গিল্ডের বেলায়ও প্রযোজ্য হতে পারে। তাঁর মতে গিল্ডের মারফতে ব্যবসা-বাণিজ্যের গণতান্ত্রিক নিয়ন্ত্রণ হওয়াতেই চীনা-সভ্যতা এতখানি গণতান্ত্রিক হতে পেরেছে।

প্রাচ্যদেশে কেবল আধুনিক সহরগুলোতেই একটা প্রবল ও ধনশালী মধ্যবিত্ত শ্রেণী গড়ে উঠতে পেরেছে, কারণ সহরেই হস্ত শিল্পগুলির সবিশেষ সম্পাদনা থেকে কারখানা প্রকার সৃষ্টি হয়েছে। জাপানে অবশ্য পশ্চিম থেকে পাওয়া যন্ত্র শিল্প ব্যবস্থা ও নতুন কল্লৌকর পুরোণো সমাজবন্ধনকে শিথিল করে ফেলেছে। কিন্তু ভারতে ও চীনদেশে স্বয়ং-শাসিত গ্রামগুলোতে এবং বাণিজ্যগিল্ড ও শিল্পগিল্ডে,—সর্বত্রই সমাজ শাসনের প্রথা ও অভ্যাস এখনো অর্থনৈতিক স্থায়ীত্বের প্রবল শক্তি হিসেবে বেঁচে রয়েছে। গত দু'এক দশকের মধ্যে ভারতের কো-অপারেটিভ আন্দোলনের এবং চীনদেশের বাণিজ্য গিল্ডগুলির অপূর্ণ সাফল্যই পুরোণো সমষ্টিশাসন ও সমাজবোধের প্রমাণ দেয়। পশ্চিম দেশে সংস্কারকাটা সিন্ডিক্যালিজম, গিল্ড সোস্যালিজম বা সোভিয়েটতন্ত্রের রূপ নেয়। কিন্তু ভারতে এর প্রকাশ হয় এক ধরণের

দেশগত (regional) সংঘবন্ধনের এবং শ্রেণীবিভাগের আকারে,—যার উৎপত্তি অর্থনৈতিক কারণে মোটেই নয়। যে সব সংঘগুলি, এক সামাজিক স্তরের অন্তর্গত বা একই অঞ্চলে প্রতিবাসী, কিংবা একই ব্যবসা বা স্বার্থস্থানে প্রাথিত,—সেই সমস্ত সংঘগুলি কার্যতঃ একটা স্বয়ংশাসিত বৃহত্তর সংঘে দানা বেঁধে ওঠে, এবং এইসব বৃহত্তর সংঘগুলি আবার একটা আরো বৃহত্তর শিথিল ফেডারেলতন্ত্রে রূপায়িত হয়ে ওঠে। এই ফেডারেলতন্ত্রের কেন্দ্রীয় শক্তিকে ‘রাষ্ট্র’ বলা চলে না; এ একটা সুবিধাজনক ব্যবস্থামাত্র। *

ফ্রান্স ওপেনহাইমার (Franz Oppenheimer) তাঁর বিখ্যাত পুস্তকে বলেছেন যে রাষ্ট্রের উৎপত্তি হয়েছে এক জাতির দ্বারা অপর জাতির দমনে এবং বিজয়ে। সামন্তীয় যুরোপের (Feudal) রাজ্যবিজয় ও বৈদেশিক জনপ্রবাহের (migration) বিভিন্ন যুগে যে প্রকাণ্ড বল-প্রয়োগ এবং চাষীদের অধিকারে যে নিরলস হস্তক্ষেপ হয়েছে তার উল্লেখ তিনি বিশেষ করে করেছেন। পঞ্চম শতকে মধ্য যুরোপে রাষ্ট্রের আবির্ভাব হয়, কারণ লুণ্ঠন অভিযানের (migration) কালেই বিভিন্ন জাতি (tribes) গুলি একত্র হয়ে বৃহত্তর সমষ্টি গঠিত হয়েছিল। লুণ্ঠনের ভয়ই এদের একত্র করেছিল এবং অসদৃশ লোকগুলিকে এই সাধারণ শত্রুর বিরুদ্ধে এক ভূমিতে সম্মিলিত করেছিল। রাষ্ট্রের উৎপত্তির সঙ্গে সঙ্গেই বিকশিত হয়ে উঠলো যাকে ওপেনহাইমার বলেছেন “The Feudal area” বা সামন্তীয় দেশ। এই সামন্তীয় রাজ্যের বৈশিষ্ট্য হলো দুটি (১) প্রথমতঃ, রাষ্ট্র ও সমাজজীবনে শ্রেণীবিভাগ (class differentiation) দেখা দিল (২) দ্বিতীয়তঃ, সামন্ত রাজাদের দ্বারা জমির একচেটিয়া স্বত্বদখলের প্রথার প্রবর্তন হল। এই সব বিরাট ‘দখলদারী জমিদারী’ গুলি (demesne estates) পাশাপাশি বিস্তীর্ণ জমিকে গ্রাস করে এমন একটা একচেটিয়া অধিকারের সৃষ্টি করল যার ফলে প্রাকৃতিক উৎপাদনের উপায়, জমিতে চাষীদের কোনই সম্বন্ধ রইলো না। এমন কি যখন বৈদেশিক আক্রমণের বিপদ পরে কেটে গেল তখনই এই নবজাত সমাজ ব্যবস্থায় কায়ম হয়ে রইল একটা কেন্দ্রীয় শক্তি (authority), এক অগ্ন্যাগ্ন নানা সামরিক ও সামন্তীয় প্রতিষ্ঠান ও প্রথা যার ফলে কিবাণ সমাজের সমস্ত অধিকার ও সুবিধাগুলি একেবারে বরবাদ হয়ে গেল। জার্মানীর স্বাধীন চাষীরা অত্যন্ত তিনবার এই ধরনের লুণ্ঠনের ফলে সম্পত্তিহারা হয়েছে এবং তাদের শ্রেণী বৈশিষ্ট্যকে হারাতে বাধ্য হয়েছে। একবার এই জমি লুণ্ঠন হয়েছে কেন্টদের যুগে। দ্বিতীয়বার হয়েছে ৯ম ও ১০ম শতকে। তৃতীয়বার এই মর্মান্তিক ঘটনা আরম্ভ হয়েছে ১৫শ শতকে সেইসব প্রদেশগুলিতে যেগুলিকে তারাই স্লামাভদের কাছ থেকে জয় করে দখল করেছিল। যেসব স্থানে সার্বভৌম কোন রাজশক্তি ছিল না, ছিল

* The Glasgow Herald, reviewing “Democracies of the East”.

“The state: Its history and development reviewed sociologically” by Oppenheimer.

কিন্তু 'সামন্ত রাজাদের গণতন্ত্র (republics of nobles)', সেইসব স্থানে চাষীদের হুগতি হয়েছে অনেক বেশী। ইংলণ্ডে এবং ফরাসী দেশে পূর্বকার টিউটন গ্রাম্যসমাজ লুপ্ত হয়ে তার স্থানে হলো মধ্যযুগীয় manor বা জমিদারি। এটা ঘটলো নর্ম্যান বিজয় বা ফ্র্যাঙ্ক বিজয় থেকে। ইংলণ্ডে ব্যারনদের প্রতি ঈর্ষাপ্রণোদিত হয়ে রাজা তাঁর জজদের সহায়তায় সাধারণ লোকের অধিকারকে সাবধানে রক্ষা করে চলতেন। যতদিন তাদের নির্দিষ্ট সামাজিক কর্তব্য পালন করত ততদিন সাধারণ লোক, স্বাধীনই হোক, দাসই হোক,—কেবল সংরক্ষিত নিজ জমিটুকুই নয়, পতিত জমি বা খোলা জমিও, উপভোগ করতে পারত। প্রথম দিকে রাজার সম্পতি-সহের সঙ্গে তাঁর সার্বভৌম সহের কোন পার্থক্য ছিল না; কিন্তু ধীরে ধীরে জমির মালিকানা সহ সার্বভৌম দৃষ্টি থেকে আলাদা হয়ে গেলো। রাজাকে সামরিক সেবাদানের দায়িত্বটা তাঁকে অর্থ দ্বারা কর প্রদানের বাধ্যবাধকতায় পরিণত হওয়ায় এই পরিবর্তনটা ঘটল। সামন্তদের অধীনস্থ লোকবলের পরিবর্তে রাজা গঠন করলেন তাঁর স্বকীয় সৈন্যদল। এতে তার সার্বভৌম শক্তি যেমন অসন্দিগ্ধ হল তেমনি প্রজাদের জমিতে অধিকারও হল অকাটা। তাদের ক্রয়-বিক্রয়ের ক্ষমতা অবাধ হল। রাজা দ্বিতীয় হেনরী যে মফঃস্বলে তার জজদের (Circuit Judges) পাঠিয়ে কোর্ট করাতেন, চাতেই ইংলণ্ডে “কমন ল” (Common law) নামক আইন ব্যবস্থার ভিত্তিস্থাপন হয়।* স্বাধীন জনসাধারণদের (Freemen) ময়দান ব্যবহারের অধিকার ছিল কিন্তু ইংলণ্ডে বড় জমিদারদের প্রাধান্য হওয়ার পরে এই অধিকার ক্ষুণ্ণ হয়েছিল। কশিয়াতে ভূমি দাসদের (Emancipation) মুক্তির যে ফল হয়েছিল ইংলণ্ডে “ঘেরনী আইন” (Enclosure Acts) গুলোরও সেই ফল হয়েছিল। অর্থাৎ, এর ফলে জমিদারই হয়ে দাঁড়াল জমির প্রকৃত মালিক, যে জমিতে ছিল এতদিন জমিদারের সঙ্গে সঙ্গে প্রজারও সমান অধিকার।

সামন্ত ভূখণ্ডের মধ্যে শহরগুলিতে ব্যবসা-বাণিজ্য বৃদ্ধি পাওয়ার সঙ্গে সঙ্গে আবির্ভাব হলো “তৃতীয় রাষ্ট্র-পর্ষায়ের” (Third Estate) বা জন-সাধারণের। কিন্তু এই নতুন শক্তিকে পদে পদে বাধা দিতে লাগলো প্রচলিত মধ্যযুগীয় ব্যবস্থা এবং ফলে এই ব্যবস্থা ও প্রতিষ্ঠানগুলোর বিরুদ্ধে অভিযান আরম্ভ হলো এই “তৃতীয় পর্ষায়ের” বা নব-জাগ্রত সাধারণের। ইংলণ্ডের ১৬৪৯ সনের বিপ্লবে, ১৭৮৯ সনের ফরাসী বিপ্লবে, ১৮৪৮ সনের জার্মান বিপ্লবে এবং ১৯০৫ সনের রুশ বিপ্লবে,—এই নতুন শক্তির জয় হলো। এর ফলে মধ্যযুগীয় ছুটো বৈশিষ্ট্যের মধ্যে একটা গল অর্থাৎ সমাজে পদ-বৈষম্য এবং শ্রেণী-তারতম্য লুপ্ত হল। কিন্তু দ্বিতীয়টা, অর্থাৎ জমিদারদের জমিতে একচেটিয়া স্বত্ব, থেকেই গেল। এই জমিদারির মধ্যেই আছে ধনতন্ত্রের বীজ। নাইট-রা ও সামন্তী যোদ্ধারাই হয়ে দাঁড়ায় আধুনিক কৃষি-ক্যাপিটালিষ্ট। (agrarian capitalist)*

কৃষি-ক্যাপিটালিজম-ই য়ুরোপে সমাজ-বিপ্লবের সূচনা করেছে এবং এর থেকে যে সূচনা হয় তাকেই পরে শিল্প-বাণিজ্যিক ক্যাপিটালিজম সম্পূর্ণ করেছিল।

ইংলণ্ডে ও ফ্রান্সে শ্রম-করের পরিবর্তে অর্থ-করের প্রবর্তন হওয়ায় চাষীর পরামোচন (emancipation) ঘটে এবং অনেক ভূমিদাস পালিয়েও মুক্তি অর্জন করে। ফরাসী বিপ্লব থেকেই সামন্তী সহগুলো লুপ্ত হয় এবং ফরাসীদেশে ক্ষুদ্র মালিকানা (petty proprietorship) সৃষ্টি হয়। কিন্তু য়ুরোপ জুড়ে বৃহৎ জায়গীরেরই ছড়াছড়ি রয়ে গেল এবং ক্ষুদ্র মালিকানা সম্পত্তি (small ' ' ') অতি বিরল থেকে গেল। কেউ বলছেন, এইসব মধ্যযুগীয় manor বা জায়গীর রোমীয় প্রথা। কেউ বলছেন এরা টিউটনীয় ব্যবস্থার ধ্বংসাবশেষ। যুদ্ধ ও বহির্বিজয় থেকে যে সামাজিক ও আর্থিক পরিস্থিতির উদ্ভব হয় তার থেকেই যে এইসব জায়গীর প্রথার জন্ম হয়েছে তাতে সন্দেহ নেই। গ্রামে থেকে এই সব জমিহীন সর্বহারা দল সহরে এলো দলে দলে কিন্তু এসে দেখলো এখানে উৎপাদনের যন্ত্র ও কলকারখানাগুলো সব দখল করেছে শিল্পপতি।

ভারতবর্ষ ও চীনদেশে কিন্তু চাষীর মালিকানা যুগ যুগ ধরে অব্যাহতই রয়েছে। এখানে গ্রামসমাজের স্থাপয়িতা হলো প্রধানতঃ কৃষিজীবী জাতগুলো। কাজেই বড়ো জমিদার ও অপরদের মধ্যে পার্থক্য তীব্র হয়ে ওঠেনি। গ্রামের মালিক হলো চাষী পরিবারগুলো। ভারতে সামরিক, সামন্তী কিংবা স্বয়ংশাসিত বহুকেন্দ্রিক (pluralistic) ধরনের সমাজ কেবল যে অর্থনৈতিক ও সম্পত্তিগত সম্বন্ধগুলিকেই নিয়ন্ত্রণ করত তা নয়; সহরের শিল্প ও বাণিজ্য ব্যবস্থাকেও পরিচালনা করত। য়ুরোপে বিশেষতঃ জার্মান সহরগুলোতে গিল্ডের ইতিহাস শ্রেণীসংঘর্ষে কটকিত হয়ে আছে। গিল্ডের সঙ্গে গিল্ডের সংঘর্ষ, গিল্ডের মধ্যেই ওস্তাদ কারিগরদের সঙ্গে মামুলী কারিগরদের (journeymen) সংঘর্ষ, কারিগর-গিল্ডের সঙ্গে বণিক-গিল্ডের সংঘর্ষ, এই ত্রিধারা সংঘর্ষের বিরাম ছিল না। কিন্তু ভারতে সমাজ গঠনটা সামন্তী প্যাটার্ণে হয়নি বলে গিল্ডের বিকাশের সঙ্গে সঙ্গে ঘটেছে মিশ্রণ এবং আদান প্রদান যাতে প্রত্যেক সংঘ 'পেয়েছে তার স্বকীয় অধিকার এবং উপভোগ-সহ। স্মরণাতীত কালের প্রথা ও ইতিহাসের দ্বারা এরা সুরক্ষিত হওয়ায় আইনের শক্তির ওদের পেছনে ছিল ভারতীয় গিল্ডে বিত্বহারী শ্রমজীবীর কখনো বহিষ্কৃত হয়নি এবং এদের পূর্ণ সভ্যরূপে গৃহীত হওয়ার দরুণ ভর্তা ও ভূত্যের পার্থক্য প্রবল হয়ে ঈর্ষা ও সংঘর্ষ সৃষ্টি করতে পারেনি। প্রাচ্যদেশে গিল্ড-বিধানগুলো খুব কড়া হতে পারেনি, নিষেধ ও শাসনও খুব নির্মম হতে পারেনি। বরং কারিগর ও শ্রমিকদের একটা মর্যাদা ছিল এবং সহরের বা পল্লীর শাসনেও তাদের একটা অধিকার ছিল; এরা সভাসমিতিতে যোগ দিত; স্কুল, ভিক্ষাগৃহ, মন্দির ইত্যাদি প্রতিষ্ঠানের পরিচালনা সম্বন্ধে আলোচনার অংশ নিত। এই সব গিল্ডের দরুণই ভারতে 'ব্যবসামূলক গণতন্ত্র' (functional democracy) জোর ধরেছিল।

যাযাবর যুগ থেকে আজ পর্যন্ত পশ্চিম যুরোপের এই এককেন্দ্রিক রাষ্ট্রগঠন রাজনৈতিক সংগ্রামকে শ্রেণীসংগ্রামে পরিণত করেছে এবং শ্রেণীসংগ্রামকেও রাজনৈতিক সংঘর্ষে দাঁড় করিয়েছে। পরন্তু যুরোপে সম্পত্তিগত সহৃদয়গুলিকে ও সামাজিক শ্রেণীগুলিকে পরস্পর বিরোধী করে গড়ে তোলা হয়েছে; ‘সামন্তী সদার এবং ভূমিদাস, ভর্তা এবং শ্রমজীবী,—এরা যেন চিরন্তন শত্রুতায় মুখোমুখী হয়েই আছে। যুরোপীয় গিল্ডের ইতিহাসে যে তীব্র ঈর্ষা ও সংঘর্ষ দেখতে পাই তা’ সমাজে এমন গভীরভাবে শিকড় গেড়েছে যে আধুনিক পাশ্চাত্য সমাজও এই সংঘর্ষ ও বিদ্বেষদ্বারা প্রভাবিত। ম্যানহাইম (Mannheim) অভিযোগ করছেন যে আধুনিক যুরোপীয় সমাজের বৈশিষ্ট্যই হলো বলপ্রয়োগ (coercion)। এর কারণ হলো, তাঁর মতে, এই যে বর্তমান যুরোপীয় সংস্কৃতি গড়ে উঠেছে অতীতে যুদ্ধজয় এবং পশুশক্তির ওপরে।

এই দৃষ্টি-কোণ থেকে যুরোপীয় সমাজের উৎপত্তি ও বিকাশকে বিশ্ব-ইতিহাসেরই একটা আংশিক ধারা হিসেবে দেখলে একথা কিছুতেই বলা চলে না যে শ্রেণী-সংঘর্ষ আর্থিক ও সাংস্কৃতিক বিকাশের অনিবার্য কারণ এবং মূলসূত্র। এমন কি মার্ক্স ও সমাজের একটা অস্তিম বিরামস্থান পরিকল্পনা করেছেন যেখানে শ্রেণীও থাকবে না, শ্রেণী-সংঘর্ষও থাকবে না, এবং সমাজ বিবর্তন যেখানে রাজনৈতিক বিপ্লবের মধ্য দিয়ে অগ্রসর হবে না। এটা অতি স্পষ্ট যে সামাজিক সংঘর্ষগুলো (group) অর্থনৈতিক ব্যতীত অত্যাচার আকাঙ্ক্ষা ও অভ্যাস দ্বারা নিয়ন্ত্রিত ও পরিচালিত হতে পারে এবং হয়েও থাকে। রাজনৈতিক পরিধির বাইরে দিয়েও সমাজ-বিবর্তন প্রবাহিত হয়ে চলতে পারে। অন্ততঃ, ভারতবর্ষ ও চীনদেশের রাষ্ট্রীয় বহুকেন্দ্রিকতা (pluralism) ও সামাজিক গুণবৈচিত্র্যের আলোচনা থেকে এই শিক্ষাই পাওয়া যায়।

মার্ক্সবাদ জগৎকে দেখেছে শ্রেণীচেতনার রঙ্গীন চশমা দিয়ে। কেবল তাই নয়; যে গুরুতর প্রশ্নটার অতীকার বাস্তববাদী সামাজিক মনস্তত্ত্ববিদকে জবাব দিতেই হবে তার কোনই সমাধান মার্ক্স করেননি। অর্থাৎ একটা শ্রেণীর এবং সমাজের বিবর্তন-তত্ত্ব এবং পারস্পরিক নিয়ন্ত্রণের ব্যবস্থা, এই দুইয়ের মধ্যে একটা কার্যকরী সম্পর্ক (functional relation) কি করে স্থাপন করা যায়, সে সম্বন্ধে মার্ক্সবাদের কোন সমাধান নেই।


শ্রেণী সক্রিয় হতে পারে আর্থিক সংগ্রামের একটা সামাজিক আবর্তের মধ্যে। একটা সমগ্র ‘নাগরিক সমাজে’ (civil society), একটা সমগ্র অর্থনৈতিক প্রতিষ্ঠানের মধ্যে, শ্রেণী সক্রিয় হতে পারে না, এমন কি বেঁচেও থাকতে পারে না। একটা বিশেষ অর্থনৈতিক ও সামাজিক পরিস্থিতিতে মানুষের সঙ্গতিস্থাপনের (adaptation) একটা খণ্ড অধ্যায় হল শ্রেণী। সমস্ত মানব সমাজের পক্ষেই শ্রেণীবিভাগের অর্থনৈতিক ব্যবস্থাকে (scheme) সংঘর্ষ এবং বিরুদ্ধতার বাস্তব ভিত্তি বলে মেনে নেওয়া চলে না। প্রকৃত পক্ষে বেবার (weber) এবং স্মোলের (schmoller)

প্রমাণ করেছেন যে, মধ্যযুগীয় এবং আধুনিক যুরোপে সামাজিক স্তরবিচ্ছাণের মানদণ্ডটি যুগে যুগে পরিবর্তিত হয়েছে।

সাম্প্রতিক পশ্চিম যুরোপীয় সমাজের দুটো স্তম্ভ হলো, একদিকে, সমষ্টি-আত্মার সাধারণ অতিরূপ রাষ্ট্র, এবং অন্যদিকে, ব্যক্তিস্বাতন্ত্র্য ও ব্যষ্টির প্রচেষ্টা। এরা উভয়েই 'এযুগে সামাজিক শান্তি ও ন্যায়কে প্রতিষ্ঠা করতে অক্ষম হয়েছে। যে ব্যক্তিস্বাতন্ত্র্য সমস্ত প্রগতি, প্রচেষ্টা ও প্রকর্ষের মূলে, আজ তার প্রতিদ্বন্দ্বী হয়ে দেখা দিয়েছে শ্রেণীচেতনা, তার চরম শত্রু। শ্রেণীচেতনা আজ অর্থনৈতিক জীবনকে গড়ে তুলতে চায় ব্যষ্টি-প্রচেষ্টার সমাধির ওপরে; রাষ্ট্রের ও শিল্পের বিরাট যন্ত্রকে দখল করে সমাজকে গঠন করতে চায় সমগ্র সমাজের স্বার্থে নয়, কেবল শ্রমিকদের স্বার্থে। ব্যক্তিস্বাতন্ত্র্য এবং শ্রেণীপরিকল্পনা (class planning), এই দুয়ের সংঘর্ষে হয় শতাব্দীব্যাপী উদারনীতি ও সামাজিক গণরূপায়নের (democratisation) সমস্ত সুফল মুছে যাবে; নয় তো সর্বব্যাপী অনিশ্চয়তার সুবিধা নিয়ে ডিক্টেটর-তন্ত্রের উদ্ভব হবে।

ব্যষ্টিপ্রচেষ্টা এবং রাষ্ট্রশক্তি, এই দুয়ের সংঘর্ষের ভিত্তিতেই যুরোপীয় কৃষ্টি গড়ে উঠেছে। এদের দুয়ের সামঞ্জস্য আজ প্রয়োজন হয়ে উঠেছে; এ সামঞ্জস্য হবে কোন শ্রেণীর স্বার্থ পরিকল্পনার জন্য নয়, এ আনবে সমস্ত শ্রেণী ও স্তরের যুক্তিসঙ্গত ও ক্রমবর্ধমান অধিকার ও উপভোগ। মনে হয় মানব সভ্যতার সকল ঐশ্বর্ষে বর্তমান সংকটের একমাত্র সমাধান হবে এমন একটা সমন্বিত সমাজ-ব্যবস্থায় যা' শ্রেণীসংঘর্ষ ও সমাজবিপ্লবের মধ্য দিয়ে আসবেনা, যা আসবে বি-কেন্দ্রীকরণ (decentralisation) ও শক্তিবন্টনের (devolution) মধ্যদিয়ে। ব্যবসামূলক গোষ্ঠী ও মৈত্রীসংঘ, কোঅপারেটীভ সমিতি ইত্যাদি হলো ব্যক্তি এবং বৃহৎ সমাজের মধ্যে সংযোগবিন্দু এবং স্বায়দশাসনের বীজ। এরা শ্রেণীজর্জর সমাজের উদগ্রতাকে মোলায়েম করে লোকসেবা ও গণসংহতির এক নূতন নীতিশাস্ত্রের প্রবর্তন করতে পারে। গিল্ড সোস্যালিজম, সিণ্ডিক্যালিজম, যন্ত্রশিল্পে সহযোগিতা, কোঅপারেটীভ প্রথা ইত্যাদি সমাজ ও শিল্পকে সমগ্ররূপে গড়ে তুলবার প্রচেষ্টা বই কিছু নয়। এদেরই কাছাকাছি হলো সমাজ-নীতিতে প্রান্তিকতা (regionalism), ব্যবসাপরম্ব (functionalism) এবং রাষ্ট্রীয় বহু-কেন্দ্রিকতা (pluralism)। এককেন্দ্রিক রাষ্ট্রের খিওরীকে সংশোধন করে আবির্ভূত হয়েছে প্রান্তিক স্বায়দশাসন, বিকেন্দ্রীকরণ ও স্বয়ংশাসিত কারখানায় শ্রমমর্যাদা ইত্যাদি। একথা স্বীকৃত হচ্ছে যে গণতান্ত্রিক রাষ্ট্রশাসন ও স্বৈচ্ছাতান্ত্রিক শিল্পনিয়ন্ত্রণ এক সঙ্গে থাকতে পারে না। আধুনিক সমাজ পরিকল্পনার গতি হ'ল বুরোক্রাসীকে উৎখাত করে শিল্পগুলিকে ভেঙ্গে কতকগুলো খণ্ড খণ্ড স্থানীয় কেন্দ্র থেকে পরিচালনার দিকে। স্বয়ংশাসিত শিল্পে, কারখানায়, গিল্ডের ক্ষুদ্রতর ক্ষেত্রে পৃথক স্বার্থগুলোকে সামঞ্জস্য আনা সহজতর হবে। যত বেশী বি-কেন্দ্রীকরণ হবে, তত বেশী হবে নেতৃত্ব ও দায়িত্ব শিক্ষা দিবার সুযোগ। এই রূপেই বিরুদ্ধ-স্বার্থ শ্রেণীগুলোকে পরিণত করা যাবে কতকগুলো সাংস্কৃতিক সংঘে (cultural

group) এবং এখানে মর্যাদাভেদ হবে সম্পত্তি, পদ ও রাজনৈতিক ক্ষমতার পার্থক্য দিয়ে নয়, অল্প মানদণ্ড দিয়ে। যে রাষ্ট্র পশুশক্তি ও দস্যুবৃত্তি থেকে উৎপন্ন হয়েছে তারই নেতৃত্বে গণসমাজ থাকবে না। নতুন রাষ্ট্র হবে নৈতিকতা ও সামাজিকতার যন্ত্র। প্রাচ্যদেশেও সমাজ পরিকল্পনা হবে দেশীয় সংঘগুলোর সংগঠন ও বিস্তৃতির পথ দিয়ে; গ্রাম্যসমাজ, বর্ণ, বাণিজ্য-সমবায়, হস্তশিল্প গিল্ড, ব্যবসা ইত্যাদি হবে নতুন সমাজের ভিত্তি। পুরাকালে এদের স্থিতিস্থাপকতা যথেষ্ট দেখা গেছে। আধুনিক কালের শিল্প-বাণিজ্যের প্রসার ও জাতীয়তার সঙ্গে এরা সামঞ্জস্য রেখে প্রগতিকে সাহায্য করবে এ আশা করা অস্বাভাবিক নয়। যুরোপে দেখা দেবে সমষ্টিতন্ত্রের (communalism) নব নব রূপ; যাতে ব্যক্তিস্বাতন্ত্র্যকে খর্ব করা হবে না, অথচ গণতান্ত্রিক ঐতিহ্যের সঙ্গে সঙ্গতি রেখে সামাজিক শক্তি ও প্রকৃষ্টকে বাড়িয়ে তুলবে। তখন শ্রেণীচেতনা কর্ম ও শক্তির প্রেরণা হবে না। নতুন সমাজবোধ সমাজে ছড়িয়ে পড়বে এবং আর্থিক ব্যবস্থাকে নবরূপে গড়ে তুলবে।



“তবুও একাকী উত্তরিতে হবে—”

বিনয়েশ্বর নাথ রায়

আজি, চুৰ্ঘোগ ঘন তমসার বৃকে শিহরে ধরণী আসে,
চরাচর আজ একাকার করে প্রলয় ছাপিয়া আসে।
দিগে দিগন্তে লাগে আলোড়ন—শিহরণ জাগে প্রাণে;
ক্রুদ্ধ বাতাস ফণীগীর মতো বাতায়নে মাথা হানে।
রুঘিয়া রুঘিয়া গরজি উঠিছে মহা প্রলয়ের ভেরী;
সৃষ্টি-বিলয় ধ্বসিয়া পড়িবে নাই ওরে নাই দেৱী!
সুচির অন্ধকারে—

কে পথিক আজ পথহারাদের ডাকিতেছে বারে বারে?
অকালে আজিকে কাল বোশেখীর তাণ্ডব হ'ল সুর;
দিক-বালাদের বন্ধ কি তাই কেঁপে ওঠে গুরু গুরু?
দিগন্তের পূজিত মেঘ রুঘিয়া উঠিল ফুলে
ভীতি-বিহ্বলা দিগঙ্গনার মেথলা পড়িল খুলে!
ঘরে ঘরে আজ রুদ্ধ ছয়ার—মরণ-ভীতুর দল
সম্মুখে বৃকে চাপিয়া মারিছে জীবনের কোলাহল।
বুথাই তাদের আশা—

বধির কর্ণে পশেনি প্রলয়-রাগিনী-সর্বনাশা।
মাটির মানুষ মাটিরে আঁকড়ি' মৃত্যুরে লবে বরি;
জীবন-উৎস শুধু তাদের অচল জীবন-তরী।

তাদের মিছেই ডাকা—

পাথেয় যাদের ফুরিয়ে গিয়েছে—জীবন যাদের ফাঁকা।
হে মোর পথিক! জানি দুর্গম ছন্তুর তব পথ;
তবুও একাকী উত্তরিতে হবে হাঁকিয়া প্রলয়-রথ।
অন্ধকারের বন্ধে আলিয়া জীবনের বতিকা—
লিখিতে তইবে বৃকের রক্তে বিজুরী-অগ্নি-লিখা।
মাটির মানুষ চমকি' উঠিবে নয়ন-ধাঁধানো রূপে;
বলসি উঠিবে অনল-কিরণ অন্ধকারের স্তূপে।

সেই রক্তের লিখা—

তোমার ললাটে পড়াবে বন্ধু! জয়-গৌরব-টীকা।

রক্ত কপাট

আশাপূর্ণা দেবী

যে ক্ষুদ্র ঘটনাকে উপলক্ষ্য করিয়া, সুদীর্ঘকালের সৌহার্দবদ্ধ দুইটা পরিবারের বিচ্ছেদ ঘটয়া গেল, সেটা এমনি অকিঞ্চিৎকর যে, তাহার উল্লেখ না করিলেও চলে। উপলক্ষ্যটা নিতান্তই উপ-লক্ষ্য।

‘খেলিতে চাহিলে যে কাণাকড়ি লইয়াও খেলা অসম্ভব নয়’ এই পুরাতন প্রবাদটাকে হলদেবাড়ীর বড়গিন্নি এমন নিঃশংসে প্রমাণিত করিয়া দিলেন যে দেখিয়া বিস্মিত হইতে হয়।

লালবাড়ী প্রথমটা অপ্রতিভ হইলেন, তাহার পর অবাক হইলেন, অবশেষে হাল ধরিলেন। অতঃপর স্তব্ধ-মধ্যাহ্নের নিঃশব্দ শান্তি বিদীর্ণ করিয়া, চিরদিনের মধুবর্ষি কণ্ঠ হইতে যে তীব্র বিষ উদগীরণ হইয়া গেল তাহা যেমনি আকস্মিক তেমনি অপ্রত্যাশিত।

সম্বন্ধ-বন্ধনহীন দুই পরিবারের মধ্যে অনেক দিনের আসায় যাওয়ায়, আদানে প্রদানে বিপদে সম্পদে, হাসি কান্নায় গড়া প্রীতির সম্বন্ধটী এই রূঢ় আঘাতে ভূমিসাৎ হইয়া গেল!...

এবং ইহারই পর লাল ও হলদে বাড়ীর সংযোগ সেতু খোলা জানালা দুটী যেন পুনর্মিলনের সমস্ত সম্ভাবনাকে বিলুপ্ত করিয়া দিতেই, আঠারো বৎসর পরে আজ প্রথম কপাট রুদ্ধ করিয়া দিল।...

ইহার পর রুদ্ধ কপাটের কঠিন দেয়ালে কেহ মাথা খুঁড়িয়া মরিতে চায় মরুক, সে দায়িত্ব তাহার নয়!

হলদে বাড়ীর বড়-জা ছোট-জাকে উদ্দেশ্য করিয়া কহিলেন—আচ্ছা করে ‘কড়কে’ দিয়েছি। এইবার যদি আদিখ্যেতা ঘোচে। চব্বিশ ঘণ্টা—‘কাঞ্চন কাঞ্চন কাঞ্চন।’—‘কাঞ্চনকে একবার আসতে বলবেন তো মাসীমা—কাঞ্চনকে একবার পাঠিয়ে দেবেন তো মাসীমা—কাঞ্চন একবার শুনে যাও তো ভাই—’ ভেঙেচুরির সুরে জ্যোতির্ময়ীর নকল করিয়া—নিজস্ব ভঙিমায়ে মুখ বাঁকাইয়া কাঞ্চনের তিতৈয়িণী জেষ্ঠ্যতাত পত্নী কহেন—কাঞ্চন যেন ওঁর খানাবাড়ীর খানসামা। দ্বিজি এক মেয়ে পুয়ে রেখেছেন—বিয়ে দেবার নাম নেই। ভয় আছে? না লজ্জা আছে? মুখে আসে আসে আর চুপ করে থাকি—আচ্ছা করে টিট করে দিয়েছি আজকে। আরো বোধহয় কিছু বলতেন তিনি, সুখ ছোট গিন্নির—অর্থাৎ কাঞ্চনের মার, মৌখিক উৎসাহের অভাবে একটু থামিয়া যান। তিনি থামিলে ও ‘দোয়ার’ দিবার লোক ছিল; কাঞ্চনের বড়দি, যিনি সম্প্রতি স্বস্তুর বাড়ী হইতে আসিয়াছেন, এবং আসিয়া পর্যন্ত লালবাড়ীর বিরুদ্ধে হলদে বাড়ীর ধুমায়িত দ্বীপ অসন্তোষকে অনুরূপ বাতাসের সাহায্যে জলিয়া উঠিবার উপযুক্ত করিয়া তুলিতেছিলেন, তিনিই কহিলেন—তোমরা যে এতদিন এসব সহ্য করে আসছো এই আশ্চর্য্য। তোমায় এই বলে রাখছি মা, সময় থাকতে যাই প্রতিকার হ’ল তাই রক্ষে, নইলে শেষ অবধি একটা কেলেঙ্কারী না ঘটে ছাড়তোনা। ‘নাস্তি’ ছুঁড়ি কি কম বেতয়া! অতবড় মেয়ে—দিন রাত্রির আসছেন কাঞ্চনদার

—আর তুই চাইলি—ক্যাংলার মতন ?

—কই চাইলাম ? কক্ষনো না। বললে যে—আয় বাবলু বল খেলি—খেলে তা' পর বললে—তোর জন্তেই কিনেছি ওটা, নিয়ে যা।

খোকা অবশ্য ইহার মধ্যে অযৌক্তিক বা অপরাধজনক কিছু খুঁজিয়া পায় নাই, তাহার খেলনার ভাঁড়ার তল্লাস করিলে কাঞ্চনদা প্রদত্ত উপহারের অভাব নাই।

কিন্তু, তাই বলিয়া—এখন তো আর জ্যোতির্ময়ী সেটা বরদাস্ত করিতে পারেন না ? তাই বীর বিক্রমে ছেলের কাছ হইতে বামাল কাড়িয়া লইতে অগ্রসর হ'ন।

দালানের ওদিকে বসিয়া নমিতা এতক্ষণ সুপারি কুচাইতেছিল, কথা কহে নাই এবার মুখ তুলিয়া কহিল—কি ছেলেমানুষী হচ্ছে বৌদি ?

—ছেলেমানুষী আবার কি ? ও বল আমি ফেরৎ দেব। চুকে বুকে তো গেছে সব, আবার আমার ছেলেকে খেলনা দিতে আসা কেন ?

—আমি-ই বলেছিলাম দিতে।

—তার মানে ? কখন তুই বললি মুখপুড়ি ? জ্যোতির্ময়ী যেন ক্ষেপিয়া যান, তা' হলে লুকিয়ে চুরিয়ে দেখাশোনা চলছে ?

—আঃ কি করো বাবলুর সামনে ? লুকিয়ে আবার কি ? রাস্তাদিয়ে যাচ্ছিল—বারান্দা থেকে দেখতে পেয়ে বললাম—কাঞ্চনদা, খোকার বলটা তোমাদের উঠানে পড়ে আছে, দিয়ে দিও। কদিন ছেলেটা মুখ শুকিয়ে বেড়াচ্ছিল—নতুন একটা কিনেই দিয়েছে দেখছি, বাড়ী থেকে নিতে সাহস হয়নি বোধ হয়। অল্প হাসিয়া চুপ করে নমিতা।

হাসির ভঙ্গী দেখিয়া জ্যোতির্ময়ী আরো জ্বলিয়া যান, বলেন—হবেই বা কেন ? তোমার মতন তো দুর্ধর্ষ পাহাড়ে সবাই নয় ? ডেকে কথা কইতে তোর লজ্জা হ'লনা রাফুদী ?

পেটের মেয়ে নয়, ননদিনী, তাও স্বামীর সহোদরা বোন নয়, বৈমাত্রেয়, এতে শাসন করিবার সাহস বা অধিকার জ্যোতির্ময়ীর থাকার কথা নয়, কিন্তু অধিকার যে—কখন কোন সূত্রে জন্মায়, সাদা চোখে সে হিসাব মেলানো কঠিন।

নমিতা রাগ করে না, তেমনি প্রায় হাসিমাখা মুখে উত্তর করে—লজ্জা করবার কি আছে ? আমি তো কারুর সঙ্গে কৌদল করে আসিনি।

—আর আমিই বৃষ্টি পাড়া বয়ে কৌদল করে আসি—না ? বড্ড তোর বাড় বেড়েছে নাস্তি, রোস্ আজ আমুক তোর দাদা, এর একটা বিহিত করে তবে ছাড়বো।

—কি করবে আমায় ? হেঁটে কাঁটা ওপরে কাঁটা দিয়ে পুঁতবে ?

—যদিই তাই পুঁতি—মানসিক উত্তেজনার ভারেই বোধকরি জ্যোতির্ময়ী ধপাস করিয়া বসিয়া পড়েন দাঁড়াইতে পারেন না। নমিতা উঠিয়া নিশেবে একখানা হাতপাখা আনিয়া হাতের কাছে আগাইয়া দিয়া আবার সুপারি লইয়া বসে।

বাতাস খাইবার প্রয়োজনই বোধকরি ঘটিয়াছিল জ্যোতির্ময়ীর তাই সেখানা তুলিয়া লইতে বিলম্ব করেন না এবং নাড়িতে নাড়িতে ক্ষুদ্র স্বরে বলেন—সংতো ননদ, ভারীতো টানের জিনিস, তার জন্তে আবার ভাবনা! আমার ও যেমন মরণ নেই। এইমাসের মধ্যেই যদি না তোকে বিদেয় করি তো কি বলেছি। কালো, কুচ্ছিত, মুখ্য গরীব কিছু বাছবনা, যাকে পাই তা'কেই ধরে দেব।

কাটা সুপারি কটা নিবিষ্টচিত্তে একটা বোতালে ঢালিতে ঢালিতে নমিতা কৃত্রিম গম্ভীর মুখে বলে—

—তার চেয়ে বরং সেকালের মহারাণীদের মতন প্রতিজ্ঞা করো বৌদি, কাল সকালে উঠে যার মুখ দেখবো—তার হাতেই—

—ফের তুই আমার সঙ্গে ইয়ারকি কচ্ছিস নাস্তি? আমি তোর ইয়ারকির যুগিয়া?

—বৌদি ছুঁটো সুপারি খাও না ভাই।

বোতালটা জ্যোতির্ময়ীর সামনে বসাইয়া দিয়া হাসিতে হাসিতে পলাইয়া যায় নমিতা।

*

*

*

*

জ্যোতির্ময়ী মিথ্যা প্রতিজ্ঞা করেন নাই; স্বামীর সঙ্গে কলহ করিয়া সোরগোল তুলিয়া নমিতার বিবাহের ব্যবস্থা পাকা করিয়া তোলেন তিনি।

এতব্যস্ত হইবার হেতু অবশ্য, সতাই নমিতাকে শাস্তি দেওয়া নয়, কতকটা বরং ওবাড়ীকে টেকা দেওয়া। বাক্যালাপ না থাক তবু ওবাড়ীর আসন্ন বিবাহের বার্তা এ বাড়ীতে পৌছাইতে বিলম্ব হয় না। বড়লোকের বাড়ী বিবাহ, কাঞ্চনরাও কিছু গরীব নয়, সমারোহটা ভালই হইবে আশা করা যায়।

অস্থতঃ ‘ঘটকিনী’ বীণার মোটর চাপিয়া যখন তখন আনাগোণাটাই যেন পাড়ার মধ্যে একটা সমারোহের আভাস আনিয়া আশপাশের বাসিন্দাদের সচকিত করিয়া তুলিয়াছে।

জ্যোতির্ময়ীও যেমন তেমন করিয়া সারিবেন না তাঁহার অনেক সাধ অনেক বাসনা। কল্লার সাধ ননদিনীকে দিয়াই মিটাইয়াছে হইয়াছে চিরকাল, আজ ও তাহার ব্যতিক্রম হইবার কারণ নাই।

কিন্তু, তিনি যেন হাঁফাইয়া উঠিতেছেন। ও বাড়ীর বিচ্ছেদ বিরহ এতদিনে যেন আসল চেহারা লইয়া প্রবল হইয়া উঠিয়াছে তাঁহার সামনে।

কাহাকে দেখাইয়া নুখ? কাহাদের খাওয়াইয়া তৃপ্তি? কাহাদের সঙ্গে পরামর্শ করিলে স্বস্তি? কাঞ্চন ভিন্ন মনের মতন জিনিস আনিয়া দেয় কে? বাজারের নূতন হালচাল, নূতন নূতন ফ্যাসানের খবর আসিবে কাহার কাছ হইতে? বগড়া হইয়াছে হোক, কিন্তু বিবাহ ছুঁটা চুকিয়া গেলে যদি হইতো? কাঞ্চনের বিবাহে জ্যোতির্ময়ী কড়ি খেলাইবেন না—নাস্তির বিবাহে মাসীমারা ভাঁড়ার আগলাইবেন না—একি অসঙ্গত কথা! এর স্বপক্ষে যেন কোন যুক্তিই নাই।

তবু চেষ্টাকৃত উৎসাহে তিনি একলাই সাতজনের কাজ করিতে থাকেন, শুধু এক এক

সময় নমিতার মুখ দেখিয়া কেমন যেন অস্বস্তি বোধ হয়, হাতপায়ের বল কমিয়া যায়। অন্ত পাওয়া ভার মেয়েটার, কেমন যে এক ভাবব্যঞ্জনাত্মক মুখে ঘুরিয়া বেড়ায়, সুখ-দুঃখ বুঝবার উপায় নাই। লুকাইয়া ছুই দণ্ড কাঁদিতোছে প্রমাণ পাইলেও জ্যোতির্ময়ীর শাস্তি ছিল বরং। সেতো দূরের কথা—বিবাহ উৎসবের শাড়ী গহনার আলোচনাতে ও মাঝে মাঝে তাহার উৎসাহের অভাব দেখা যায় না।

ঠিক এরকমটা কি আন্দাজ করিয়াছিলেন জ্যোতির্ময়ী ?

*

*

*

*

ও বাড়ীতেও উৎসবের আয়োজন চলে, এ বাড়ীর জগা খুব বেশী কাতর কেহই বড় হয় না। লোকবল আছে, তা' ছাড়া বীণাতো একাই একশো।...রুদ্ধ কপাট তেমনি মৌন মুখে চাহিয়া থাকে, এত বড় উপলক্ষের স্নযোগেও কেহ একবার তাহার মৌনতা ভাঙিয়া দেয় না।

বৈশাখের ছরস্তু ঝড় উত্থাকে ধাক্কা দিয়া ফিরিয়া যায়, শ্রাবণ রাত্রির ক্ষুব্ধবর্ণ উহার গায়ে আছড়াইয়া মরে...অশ্বিনের সোনার রোদ হাসিয়া উঁকি মারিতে আসিয়া পিছলাইয়া পড়ে।...

তবু একদিন খোলে, না খুলিয়া উপায় ছিল না তাই খুলিতে হয়, কাঞ্চনের মা, আসিয়া খোলেন, অনেক দিনের ধূলাবালি জমিয়া কঠিন হইয়াছিল, সজোর ধাক্কা যেন একটা আতর্নাদ করিয়া রুদ্ধকপাট খুলিয়া পড়ে।

মুখ বাড়াইয়া কাঞ্চনের মা কাতরকণ্ঠে ডাকলেন—বাবলু, অ-বাবলু—নাস্তি, নাস্তি; বোমা—বাবলুও আসে না নাস্তিও আসে না, আসেন বোমা।

শ্রাবণ আকাশের মতন মেঘগম্ভীর তম্ভমে মুখ লইয়া, জ্যোতির্ময়ী আসিয়া জানালা খুলিয়া দাঁড়ান।

বিপদে পড়িলে নাকি লজ্জা থাকেনা মানুষের; তাই জ্যোতির্ময়ীর অনিচ্ছা-মস্তুর ভঙ্গীকে অগ্রাহ করিয়া কাঞ্চন-জননী বাগ্ন ভাবে বলেন—বড়ছেলে কি বাড়ী আছেন বোমা ?

জ্যোতির্ময়ী মাথা নাড়িয়া জানান নাই।

—তাহলে কি হবে বোমা ? ইনি গেছেন অফিসের কাজে পাটনায়, বড়ঠাকুর ক'দিনের জগা দেশে গেছেন, বাড়ীতে একটি পুরুষ মানুষ নেই, আর ঐই বিপদ।

তৃষ্ণাভাব ছাড়িয়া জ্যোতির্ময়ী এতক্ষণে কথা কহেন—কি হয়েছে ?

—কাঞ্চন কাল রাত থেকে বাড়ী আসেনি বোমা। বায়োস্কোপ দেখবে বলে বেরোলো—রাত তখন নটা। খেয়ে যেতে বললাম বললে—‘ক্ষিদে নেই’। ঘরে খাবার ঢাকা থাকলো ঠাকুর ছয়ের খুঁলে দেবে জানি, তাই নিশ্চিন্দ হয়ে ঘুমিয়েছি সবাই। সকালে উঠে দেখি যেমন খাবার তেমনি ঢাকা পড়ে, ছেলে বাড়ী আসেনি। এতখানি বেলা অবধি দেখলাম—আর তো মনকে প্রবোধ দিয়ে রাখতে পারছি না মা—অন্ধকার ‘মন্ধকার’ রাস্তা এখনকার—ছোটগিন্নির কণ্ঠ রুদ্ধ হইয়া আসে।...কণ্ঠ পরিষ্কার করিয়া আরো কিছু বলিবার পূর্বেই জ্যোতির্ময়ী সহসা এতক্ষণকার কষ্টার্জিত ধৈর্যের বাঁধ ভাঙিয়া ডুকরাইয়া কাঁদিয়া ওঠেন—সে সব কিছু নয় ছোট মাসীমা, সর্বনাশই হয়েছে বোধ হয়—নাস্তি হতচ্ছাড়িকেও দেখতে পাছি না সকাল থেকে।

ঐতিহাসিক

শান্তিরঞ্জন বন্দ্যোপাধ্যায়

কাহিনীর যবনিকা উঠল এবার।

জমিদারের জীবনের স্বপ্ন রূপ পেয়েছে।

গ্রামের প্রান্তভাগে গড়ে উঠেছে বিশাল 'রায় চৌধুরী কটন মিল'। গ্রামের সে পলাশপুর নাম আর নেই, এর নাম এখন 'রায়নগর' কটন মিলের আকাশস্পর্শী চিমনির অবিরাম ধূমউদ্গীরণে গ্রামের সেই সজীবতা, সেই আরণ্য ঐশ্বর্য আজ বিস্মৃতপ্রায় স্বপ্ন। সমগ্র চাষীপাড়া ভেঙে ফেলা হয়েছে, তার পরিবর্তে সেখানে গড়ে উঠেছে হাজার হাজার ছোটো ছোটো টিনের খুপরী। এগুলি শ্রমিকদের বসতি। এখানে ওখানে কয়েকটা টিউবওয়েল আর একটা দাতব্য চিকিৎসালয়, চায়ের দোকান আর গুঁড়িখানা। আমদানী হয়েছে একদল হতভাগিনীর দল যারা মিলে কাজ করে না, কিন্তু নারীত্ব বিক্রী করে। বাসের জন্ম তাদের কোন ট্যাক্স দিতে হয় না জমিদারকে—এটা তাঁর দয়া। শ্রমিকদের গুভানুধ্যায়ী তিনি, তাই তাদের জীবনকে আমোদ আহ্লাদ থেকে বঞ্চিত করতে চান না। শ্রমিকদের শিক্ষার প্রয়োজনীয়তা তিনি উপলব্ধি করেন মনেপ্রাণে, তাই একটা অবৈতনিক পাঠশালা প্রতিষ্ঠার চেষ্টাও করছেন। কিন্তু এতে অপর পক্ষের আগ্রহের অভাব দেখে এখনো কাজে হস্তক্ষেপ করেন নি। তাঁর দৃষ্টিভঙ্গী আধুনিক। শ্রমিকদের সংঘবদ্ধতার দিকে তিনি সবিশেষ গুরুত্ব আরোপ করেন, শ্রমিকদের গঠিত ট্রেড ইউনিয়নকে তিনি মনে প্রাণে সমর্থন করেন; তাই তিনিই তার সভাপতি।

গ্রামের রূপ বদলেছে। গ্রাম না বলে একে এখন সহরতলী বলাই ভাল। মিলের থেকে স্টেশন পর্যন্ত রেল লাইন প্রতিষ্ঠিত হয়েছে। বাইরে থেকে বিভিন্ন ব্যবসায়ীর দল এসে হরেক রকম দোকান সাজিয়ে তুলেছে। একটা সস্তা সিনেমা হাউসও আছে। হিন্দি ও বাংলা ছ'রকমের বই-ই দেখান হয়। কারণ রায়নগরের অধিবাসী আজ শুধু বাঙালী নয়। বোড়ার গাড়ীর স্থান অধিকার করেছে বাষ্পীয় যান।

শ্রমিকদের মধ্যে অনুসন্ধান করলে গ্রামের অনেক চাষীকেই পাওয়া যাবে, শুধু চাষী নয়, কুটার-শিল্প-জীবীদেরও। কিন্তু তারা এখন চাষী নয় তারা মজুর। তাদের সেই আকৃতিও নেই, প্রকৃতিরও হয়েছে পরিবর্তন। ইস্পাতের সংগে কাজ করে করে তারাও আজ সচল ইস্পাত। পৈত্রিকতার ধার তারা ধারে না, ক্ষেত ভরা সোনার ফসলের দিকে তাকিয়ে তাদের চোখে গড়ে ওঠে না কোন স্বপ্ন, কোন অতীন্দ্রিয় মোহ দেয় না অশরীরি হাতছানি। বাস্তু-লক্ষ্মীর মূঢ় সংস্কারের জন্ম আজ আর কেউ গলায় দড়ি দিয়ে বুলে পড়ে না। চরম মুর্থতা সেটা!

ছিদামের অপমৃত্যুতে এদের মধ্যে যাদের প্রাণ একদিন কেঁদে উঠেছিল, তাদের ঠোঁটের কোণেও সে কথার স্বরণে আজ খেলে যায় বাঁকা হাসি। ঈশ্বরের আশায় আজ আর ধন্য দিয়ে বসে থাকে না, সে ভুল ওদের ভেঙেছে; ধন্যবাদ ঈশ্বরকে। ওরা জেনেছে এই জীবনই সব, সত্য একমাত্র পারিপার্শ্বিক, আর শাস্ত ওই মিল ও বস্তু, শুড়িখানা এবং বারবণিতার দামী সাহচর্য। জীবনের গতি হয়ে এসেছে ছন্দহীন সরল, কিন্তু পাকে পাকে অন্তরের গ্রন্থি হচ্ছে জটিলতরো, বিপর্যস্ত জৈবিক সংঘাতে। অশিক্ষিত মন সে খোঁজ রাখে না, আত্মরোমস্থনের বিষফল ব্যাপসা চোখ যে দৃষ্টিভঙ্গি হারিয়েছে। আর শিক্ষিতরা হল প্রগতিশীল, উদার দৃষ্টি তাদের উর্ধ্বমুখী। অবাস্তুরে কাল ব্যয় করবার অবসর তাদের নেই। তাই মাঝে মাঝে শ্রমিকরা যখন অতিষ্ঠ হয়ে ওঠে, অন্তরের আদিমতা যখন মাথা চাড়া দেয়, তখন ওরা মন্দিরের দ্বারে মাথা খোঁড়ে না, বা গলায় দড়ি দিয়ে আত্মহত্যাও করে না—মিলে রাতে ওভার টাইম খাটে কিম্বা মদ গেলে মাত্রাতিরিক্ত!

—সবই বিধাতার, অর্থাৎ, বিধানদাতার ইচ্ছা সাপেক্ষ!

বলাই-এর দোকানের আড্ডা ভেঙেচে কিন্তু তার রূপ গেছে বদলে। এই চার বছরের ব্যবধানে বলাই-এর সিন্ধুক ভারী হয়েছে রীতিমত আর দোকানটি স্থানচ্যুত হয়ে আশ্রয় নিয়েছে একটি একতালা কোঠাবাড়ীতে। ছুঁজন কর্মচারী দোকান চালায়, বলাই বসে বসে তামাক খায় ও তদারক করে।

শীতের মধ্যাহ্ন অপরাহ্নে গড়িয়েছে, নিবিষ্ট মনে বলাই খবরের কাগজের শেয়ারের পৃষ্ঠা পর্যবেক্ষণে ব্যস্ত, দোকানেও তেমন ভীড় নেই। এমন সময় প্রবেশ করল লক্ষ্মণ।

—আর এস এস, ওরে তামাক দে, তামাক দে। তারপর ছুঁদিন যে পাতাই নেই? ব্যাপার কী? বলাই প্রশ্ন করল।

কিন্তু কোন উত্তর দিল না লক্ষ্মণ, হাসল করুণ হাসি।

তার দিকে তাকিয়ে বলাই বললে, বড় যে মনমরা দেখাচ্ছে, কিছু হয়েছে নাকি?

—না, হবে আর কী? তবে সাংসারিক—

—আরে, রেখে দাও তোমার সাংসারিক। ও ভাবলেই মাথা খারাপ, নইলেই নিশ্চিন্দ।

বলাই আজ এবথা বলতে পারে, লক্ষ্মণ ভাবল।

—তার চেয়ে পরকালের চিন্তা দেখ, কাজ হবে।

—তাই দেখি।

তার গলার স্বর শুনে বিস্মিত হয়ে বলাই তাকাল তার দিকে, কিন্তু লক্ষ্মণ তখন ছাঁকোর আড়ালে মুখ লুকিয়েছে। ছাঁকায় অকারণ ঘন ঘন টানে বলাই-এর মুখের প্রশ্ন মুখেই রয়ে গেল, সে আবার কাগজে মনোনিবেশ করল।

কয়েক মুহূর্ত কাটল এমনি কৃত্রিম গান্ধীরের মাঝে।

—বলাই। এক সময় মুহূর্তে ডাকলে লক্ষ্মণ।

মুখ তুলে বলাই বললে, কিছু বলবে আমায়?

না, বলবার কিছু নেই, একটু থেমে লক্ষ্মণ বললে, তোমার ছেলে কদিন মারা গেছে বলতে পারো? বলাই।

এ সময় লক্ষ্মণের এ রকম প্রশ্নে বলাই বিস্মিত হল। ছেলে তার ছিল, এবং সেই তার একমাত্র পুত্র সন্তান। কিন্তু সে মারাও ত গেছে অনেক দিন; পুরানো সেই ছুংখের স্মৃতি আজ আর জাগিয়ে লাভ কী? সে ইতিহাস কী আজানা লক্ষ্মণের?

—আজ হঠাৎ এ প্রশ্ন কেন লক্ষ্মণ? বলাই জিজ্ঞাসা করল।

—হঠাৎ-ই মনে এল, কণ্ঠে রহস্য এনে বললে লক্ষ্মণ, আজ হঠাৎ-ই এ কথা বার বার মনে হচ্ছে,—হিংসে হচ্ছে তোমার সৌভাগ্যে।

—সৌভাগ্য! আমার সৌভাগ্য! বলাই আঁকে উঠল, তুমি কী বলচো লক্ষ্মণ?

—ঠিকই বলচি। ছেলে নেই বলেই আজ সবাই তোমার দিকে চায়, আজও তাই তুমি বলাই-ই আছো। সে বেঁচে থাকলে সেই হত সব, কেউ ফিরেও চাইত না তোমার দিকে। হয়ত তোমার ছেলেও নয়।

আমার ছেলেও আমার দিকে ফিরে চাইত না, লক্ষ্মণ? বলাই-এর স্বরে গভীর বিস্ময় ধরে পড়ল। ছেলে না থাকার যে কী ছুংখু তা তুমি বুঝবে না লক্ষ্মণ, তুমি তা বুঝবে না এক একবার ভাবি এই যে এত উপায় করি, আমি মরলে কী হবে এসব, এ কী আমার সংগে সংগে যাবে? ছুঁটো মেয়ে ছিল, তাত অনেক দিনই পার করেচি। কার জন্ম এত সব? মনে মনে ভাবি, বুঝিও, কিন্তু ছাড়তে পারি না—ট্যাকার নেশা আমার ভেতরে শেকড় নামিয়েচে। আজ যদি সৃষ্টিধর বেঁচে থাকত তা'লে তার হাতে দোকান তুলে দিয়ে, কাশীবাস করতে পারতুম। শেষের দিকে বলাই-এর গলা ধরে যায়।

—তুমি ভুল করচ বলাই।

—ভুল!

—হ্যাঁ ভুল করচ তুমি।

বলাই বললে, আমায় তুমি জানো লক্ষ্মণ, যোলো বছর বয়সে এই দোকানে ঢুকেছিলাম, বুড়ো বাপের হাত থেকে সংসারের ভার নিয়েছিলুম। আমার বাবাও—

—অবিনাশ কাকাও তাই করেছিলেন, তা আমি জানি বলাই। কিন্তু এটা কলিকাল।

—হবে। কিন্তু সৃষ্টিধর আমারই ছেলে, আমারই বাপপিতামহের রক্ত তার শরীরে ছিল। সে কখনো—

অবিস্বাসের হাসি হাসল লক্ষ্মণ।

—রক্তের সন্ধক কলিতে বড় নয় বলাই, বড় হল ঢাকা। এই ধরো আমার ছেলে বিষ্টুপদ, তাকেও আমি বৃকে করে মানুষ করেছিলুম, আমারও বাপপিতামহ রক্ত তার দেহে কিন্তু—

—কিন্তু বাধা দিয়ে বলাই বললে, সে কী আজকাল তোমার সাথে এমনি ব্যাভার-ই করচে লক্ষ্মণ ?

সে কথার উত্তর না দিয়ে লক্ষ্মণ বলতে লাগল, প্রথম যেদিন সে মিলে ঢোকে, কত মানাই ওকে আমি করেছিলুম, কৈন্দে কৈন্দে ওর মা চোখ ফুলিয়ে ফেলেছিল। বললুম, যাসনি বিষ্টু, নিজের হাত ব্যবসাকে হেনস্তা করিসনি। ঘরের লক্ষ্মী তাঁতকে অপমান করিসনি। কিন্তু ও তা শুনলে না, পাঁচ টাকা হুপ্রাই ওর কাছে বড় হল। ঘরের লক্ষ্মীতে মন ধরল না, রাগুদী কার-খানাই হল সব।

—তা মন্দ কী ? লক্ষ্মণ উপায় ত করচে।

—উপায় করচে ! কিন্তু, বেল পাকলে কাকের কী বল। এ্যাদিন যাবত আমার সংগে, সংসারে খরচ পত্তরও দিত ! কিন্তু বিধেতা বাদ সাধলেন, ঘাড়ে ওর ভুত চাপল। অনেক সহ্য করেছিলুম বলাই,—

লক্ষ্মণের চোখ দিয়ে এবার জল গড়িয়ে পড়ল।

—কিন্তু যেদিন বাইশ বছরের ছেলে বিষ্টু, যাকে আমি বৃকে করে মানুষ করেছিলুম, সেই আমার বিষ্টু, নেশা করে বাড়ি ফিরল সেদিন আমার বৃক ফেটে যেতে লাগল। এই আমার ছেলে, যে কোনদিন আমার সামনে তামাকও খায়নি, আমার মুখের ওপর কোনদিন একটা কথাও কইতে সাহস করেনি, সেই কিনা সেদিন আমারই চোখের সামনে বোমার গায়ে হাত তুলল !

বলাই বললে, বিষ্টু এতদূর অধঃপাতে গেচে ! নেশা করে, বোমার গায়ে হাত তোলে,— একথা তুমি এ্যাদিন বলোনি, লক্ষ্মণ ?

লক্ষ্মণ উত্তর দিলে, ছেলে মদ খায়, বাপ-মা কী একথা মুখ তুলে বলে বেড়াতে পারে, বলাই ! হাজার হলেও আমি ওর বাপ, আমার রক্তে ওর জন্ম, আমার বৃকেই ও মানুষ, ওর ব্যারামের সময় আমিই ওর জগে মা শেতলার কাছে মাথা কুটি।

—মদ অবিশ্য আজকাল অনেকেই খায়, বলাই বললে, মদ না খেলে নাকি ওরা বাঁচতে পারে না।

—আর মদ খেয়েও কী চমৎকার বেঁচে আছে আমার বিষ্টুপদ ! ওকথা আমায় আর কয়ানা বলাই। যেদিন আমার লক্ষ্মীর মত বোমার গায়ে হাত তুলল, সেদিন আমি আর থাকতে পারলুম না,—দিলুম ছ'কথা শুনিয়, সহেরও একটা সীমা আছে, বলাই ! ছেলের আমার রাগ হ

তাতে, গট্‌গট্‌ করে বার হয়ে গেল বাড়ি থেকে। শুনি এখন নাকি কাকে নিয়ে বস্তিতেই একটা ঘর ভাড়া করেছে। বাড়িমুখোও আর হয় না।

লক্ষণ থামল। ঘরের আবহাওয়া ভারী হয়ে উঠেছে। বলাই-এর মুখে কথা নেই, কী উত্তর দেবে সে এর! কী করবে এর বিশ্লেষণ, সাস্থনা দেবারই বা আছে কী! ছুঃখ হৃদশা সংসারে নিত্য-নৈমিত্তিক, অভাব-অভিযোগের প্রাচুর্য চারিদিকে, তব্‌ এরি মাঝে লক্ষণের যে বেদনা তা অপরিসীম, সম্পূর্ণ অভূতপূর্ব এই অবসর-মহুর গ্রাম্য পরিবেশে। ওদের চোখের দৃষ্টি ঝাপসা হয়ে এসেছে সত্য, কিন্তু তা প্রতিফলিত অতীতের পটভূমিকায়। বর্তমানের সংঘাতে মাঝে মাঝে ওরা বিপর্যস্ত হয়ে ওঠে ঠিক, কিন্তু বর্তমান এমন রূঢ়বাস্তব মূর্তিতে ওদের মুখোমুখি হয় কচিৎ।

—জীবনের প্রান্তসীমায় ওদের মুমূর্ষু চোখের সামনে আজই হয়ত প্রথম ঝড়ের ইসারা এল, স্পন্দনের ঢেউ জাগল!

লক্ষণ বললে, ছুঃখের কথা আর কী বলব, বলাই! গত আড়াই মাস তাঁত একেবারে বন্ধ। কে কিনবে আমার কাপড়? ওর চেয়ে চটকদার কাপড় আজ সস্তায় মিল দিচ্ছে, গৈয়ো তাঁতের ঝলঝলে কাপড়ে লোকের মন আজ উঠবে কেন? অথচ আজো গায়ের অনেকের প্যাঁটারা খুললে এই লক্ষণ দাশের বোনা কাপড় মিলবে। বড় মেয়ের বিয়ের সময় রায়বাড়ির বড় কর্তা কাপড় দেখে খুসী হয়ে আমায় পাঁচটাকা বকশিস দিয়েছিলেন, সেকথা আমি আজো ভুলিনি। আর এখন একটা গামছা নিয়ে গেলেও ফেরৎ আনতে হয়, এমনিই বরাত! তার বুক থেকে একটা নিশ্বাস বার হয়ে এল।

—যাকগে, তাকে সাস্থনা দিল বলাই, যাকগে ও ভেবে আর কী করবে বল। কলির ধম্মোই এই—। সস্তায় কে না চায় বল?

—নিশ্চয়ই! কে না চায় সস্তায়! ট্যাকাই যখন সব। লক্ষণ বিজ্রপে বলসে উঠল।

বলাই তা বুঝলে না। বললে, সবই বুঝি, কিন্তু কী করবার আছে চেষ্টা করে দেখনা, যদি মিলে একটা—

—মিলে! মিলে চাকরী করব আমি? যেন জ্বলে উঠল লক্ষণ, ঘরের তাঁত ছেড়ে ছুটো পেটের ভাতের তরে পরের দোরে ধস্তো দেব? ছুদিন বাদে যদি কুকুরের মত খেদিয়ে দেয়, তখন আবার ঘুরব কেউ কেউ করে? খাটব পরের মিলে, তৈরী করব পরের মাল, কেন? না ছুটো পেটের জন্তো! পেটটাই বড় হবে, আর হাত ব্যবসা ছেড়ে এই গোলামিটা কিছুই নয়? ছিদামকে মনে পড়ে বলাই? ও যা করতে পেরেছিল, তা কী খুবই শক্ত?

বলাই চমকে উঠল, সেকী লক্ষণ? তুমি—

—পাগল! বিষণ্ণ হাসি হাসল লক্ষণ, ওতেও সাহসের দরকার।

সংসারের অভাব এর পর যেভাবে বেড়ে চলল তা সত্যিই মর্মান্তিক। তাঁত বন্ধ, এবং এ ছিল জীবিকার একমাত্র অবলম্বন। লক্ষণের অভিযোগ ভিত্তিহীন নয়—সস্তায় মিলের কাপড় ছেড়ে কেইবা কিনবে তাঁতের কাপড়? পুরানো পুঁজি ভাঙিয়ে চলল কিছুদিন, এবং তাও কোনমতে। কিন্তু অবশেষে এও প্রায় অসম্ভব হয়ে দাঁড়াল। ছবেলা হাঁড়ি চড়া বন্ধ।

বিষ্টপদের পরিত্যক্ত দেড় বছরের ছোট শিশুটি দুন্নাভাবে চিঁচিঁ করে, তার মা' শুষ্ক স্তন মুখে দিয়ে বসে থাকে। অবোধ শিশু দুধ টানে, পায়না। কেবল মুখ ঘসে আর কাঁদে। বিরক্তিতে মা'র মুখ থেকে অভিশাপ বার হয় অভাগিনী নারীর চোখে নিদারুণ অসহায়তার অশ্রু তখন টলটল করছে। ওদিকে একেবারে মূক হয়ে গেছে লক্ষণের স্ত্রী, তার এতকালের নিস্তরংগ জীবন আজ সহসা উদ্বেল হয়ে উঠেছে। পৃথিবীর প্রতি আজ তার আর অভিযোগের যেন সীমা নেই, ও বুঝেছে দেবতার দ্বারেও মাথা কোটা চলেনা, কারণ তিনি প্রভু, —ঘুষ নইলে তার মন ওঠেনা। স্বর্গের দেবতা তিনি, মর্তের সংগে তাঁর বাবধানের ব্যাপ্তি অনেকখানি। ওপর থেকে শুধু আঘাতই নামে, নিচের অভিযোগ সেখানে পৌঁছায় না।

যাহক, লক্ষণকে দেখে বিষয় জাগে বইকী। সংঘাত যত বাড়়ে তত অটল হয়ে বসে থাকে সে। অভাবের তাড়নায় উন্মাদ প্রায় হয়ে উঠলেও ছিদামের ধারা অনুসরণ করে না। পরিবর্তে কয়েকজন কাবুলীওয়ালার সঙ্গে তার পরিচয় ঘনিষ্ঠতরো হয়ে উঠল। তবু বর্তমানে ত বাঁচুক!

এ অঞ্চলে কাবুলীওয়ার আমদানী সাম্প্রতিক।

সন্ধ্যার দিকে কোথেকে ঘুরে এল লক্ষণ। বাড়ী ঢুকতেই তার স্ত্রী বললে, ওগো শুনচ?

—কী? কাঁবাল কণ্ঠে উত্তর দিল লক্ষণ।

—ছেলেটার দিকে যে আর তাকান যায় না। নিজেরা না হয় উপোষ করি, কিন্তু চোখের সামনে কী ওই চিটি না খেয়ে মরবে? হাজার হলেও ওত আমরাি বিষ্টপদের ছেলে। লক্ষণের স্ত্রী কঁদে ফেলল।

ধমক দিয়ে উঠল লক্ষণ, ও যা তা নাম তুমি আমার কাছে আর কথখনো করো না বউ,— আমি বারণ করে দিলুম। বুঝব আমার ছেলে মরে গেচে, কিম্বা ছেলেই হয়নি আমার।

—ওগো ওকথা বলতে নেই।

—কী বলতে আছে, আর কী বলতে নেই, তা তোমার থেকে আমি ভাল বুঝি, বউ। ছেলে! ছেলে! ছেলে! এ যেন তোমার ইষ্টনাম হয়ে দাঁড়িয়েচে। কিন্তু সে হতভাগা একবারো ফিরে তাকায় তোমার দিকে? নিজে ত মদ বেগা নিয়ে ফুর্তি মারচে, একবারো ভাবে তার গর্ভধারিণীর কথা? কদিন পেট ভরে খাওনি বলোত, বউ? ওর স্বর বিকৃত হয়ে এল।

লক্ষণের স্ত্রী চূপ করে কাঁদতে লাগল। শব্দ করে নয়, একান্ত নিঃশব্দে। তার আনত চোখ থেকে ফোঁটার পর ফোঁটা জল গড়িয়ে মাটিতে পড়তে লাগল।

—এই যে পরের মেয়েকে এনে এমন করে ভাসিয়ে দিয়ে গেল, ফিরে চাইল একবার ? একবারো ভাবল ওই নিদোষ ছুপের বাচ্চাটার কথা ? মিছে আমরাই কেবল ওর জন্তু ভেবে মরি, পাগল হই।—লক্ষণ মুখ ঘুরিয়ে ঘরের মধ্যে চলে গেল। স্থানুর মত তার স্ত্রী দাওয়ায় দাঁড়িয়ে রইল।

হঠাৎ এই সময় পাশের ঘর থেকে একটা তীব্র আত্ননাদ উঠল। কণ্ঠটা পুত্রবধূর।

ঘর থেকে ছুটে বার হয়ে এল লক্ষণ।

—ওকী হল ? দেখত, দেখত বউ।

তার স্ত্রী ততক্ষণে পুত্রবধূর ঘরের মধ্যে উপস্থিত হয়েছে। পেছনে পেছনে হস্তদস্ত ভাবে লক্ষণও ছুটে এল। দেখা গেল ঘরের মধ্যে বোমা তার ছেলেকে কোলে নিয়ে বসে আছে। কোলের ওপর থেকে ছেলের মাথা এলিয়ে পড়েছে। চোখ তার বোকা, বেশ বোকা যায় জ্ঞানও নেই।

দেখেই লক্ষণের স্ত্রী চীৎকার করে কঁদে উঠল, এ কী সর্বনাশ হল, বোমা ! ছ'হাতে সে ছেলের মাথা ধরে নাড়া দিতে লাগল।—

ওগো জল আন শীগগীর।

—গলা শুকিয়ে বাছা আমার—শুশুরের সামনেও বোমা নিজেকে সামলাতে পারল না।

লক্ষণের সমস্ত শরীর তখন থরথর করে কাঁপতে শুরু করেছে। দাঁড়িয়ে দাঁড়িয়ে, এ দৃশ্য দেখা অসম্ভব।

কয়েক মুহূর্ত স্তব্ধ হয়ে থেকে ছুটে সে ঘর থেকে বার হয়ে গেল।

উপায় ! উপায় ! হ্যাঁ, এর থেকে উপায় তাকে একটা বার করতেই হবে। জীবন-মৃত্যুর এই সন্ধিক্ষণে অতৃপ্ত শেষবারের মত একবার প্রাণান্ত চেষ্টা তাকে করতেই হবে।

অনেক দিনের কেনা একটা রঙিন তাঁতের সাড়ি পাট করে তোলা ছিল। তার বিবাহিত জীবনের প্রথম কয়েকটি দিনের সংগে এর একটি চমৎকার ঐতিহাসিক সংযোগ রয়েছে,—তাই এটা বিক্রি করবার কথা তার কোন দিনই মনে হয়নি। এর প্রতি বুননে যেন মেশানো রয়েছে অশরীরি আত্মীয়তার পরশ। এত দিনের এত অভাবের মাঝেও এটার দিকে সে কখনো লুক্ক দৃষ্টি দেয়নি।

আজ সেটাই সে বার করে নিল।

আমাদের হাতে পায়ে ধরলেও কী তিনি এ উপকারটুকু করবেন না !

সাড়িটা বুক করে নিয়ে বাড়ী থেকে বেরিয়ে গেল।

*

*

*

ছুঃসংবাদের যে পাখা আছে রাস্তায় পা দিয়েই তার পরিচয় পেল লক্ষণ। কতক্ষণ আগেই বা ঘটেছে কিন্তু এর মধ্যে সেটা সবার মুখে মুখে ছড়িয়ে পড়েছে। কথাটা শুনে চমকান স্বাভাবিক, কিন্তু আজ সে স্বাভাবিকতারও বাইরে। নিষ্পন্দভাবে সে সব শুনল।

—বিষ্টপদ, হ্যাঁ, তারি ছেলে বিষ্টপদ, একটু আগেই নিজের সামান্য ভুলের জন্য একেব মেসিনের তলায়—

এ-ই-ই? কিন্তু এতে অবাক হবার কী আছে, আর কীই বা আছে হুঃখের? ল ভেবে পায় না। এত আজ নতুন নয়—ইতিহাসের পুনরাবৃত্তি মাত্র।

—একেবারে শেষ!

শুনে একটুও কাঁপল না লক্ষণ। অপরের প্রবোধ বাণীর মুহূর্তম ভগ্নাংশও তার কা প্রবেশ করল না।

—তার ছেলে বিষ্টপদ আজ নেই? একেবারে মেসিনের তলায়!—


আশ্চর্য! এ সংবাদে একটু কান্না পাচ্ছে না তার। * যাকে সে বৃকে করে মানুষ ক তুলেছিল, তার রক্তে যার জন্ম, তার জন্ম লক্ষণের বৃক আজ একেবারো হাহাকার করে উঠে না কেন?

লক্ষণের বৃক থেকে একটা অদম্য কাশির বেগ ঠেলে ওপরের দিকে উঠতে লাগ কোন মতে সে সেটা চেপে রেখে জমিদারের বাড়ীর দিকে দ্রুত এগুতে লাগল। হঠাৎ পথের পাশে একটা বোঁপের মধ্যে কাপড়টা ছুড়ে ফেলে দিলে।

তারপর বৃক ফুলিয়ে হাঁটতে শুরু করল।

মৃত বিষ্টপদের শ্মশানে তার দাবীই যে সর্বাধিক!

—কিন্তু ইহাও কাহিনী নয়; বৃহত্তর কাহিনীর ভূমিকা পট মাত্র।




বিদ্যালয়ে শিল্প-শিক্ষা

অধীর খাস্তগীর

সব দেশেই বিদ্যালয়ের শিক্ষাপদ্ধতি যে খুব উৎকৃষ্ট তা নয়। আমাদের দেশে তা নয়ই। বিদ্যালয়ের ওপর আমাদের দেশের শিশুদের ভীতি এখনো যায়নি। পঁচিশ বছর আগেকার একটি ব্যক্তিগত ঘটনার উল্লেখ করতে এখন আর লজ্জা নেই। ছেলেদের কলেজিয়েট স্কুলে ভর্তি হবার জ্ঞান বয়সের দিক থেকে ছোট এবং বুদ্ধিতে না হ'লেও পড়াশোনাতে অযোগ্য ব'লে আমার ভর্তি হওয়া তখনো সম্ভব হয় নি। আমি হাঁফ ছেড়ে যেন বেঁচেছিলাম। কিন্তু আমার কপালে স্কুলে যাওয়া লেখা ছিল; ঘরে বসে যে মেঝেতে ছবি আঁকবো, প্লেটে হাতের লেখার নামে “কাগের ঠ্যাং বগের ঠ্যাং” আঁকবো তার উপায় রইল না। দিদির সঙ্গে আমাকে মেয়েদের স্কুলে যেতে হ'ল। সেখানে গিয়েও বিদ্যালয় ভীতি—আমার গেলো না। ক্রাশে একটু কথা বলার জ্ঞান “গুরু-মাসিমার” কানমলা খেয়ে আমি সে বিদ্যালয় ত্যাগ করি। মেয়েদের বিদ্যালয়ে এখনকার দিনে শিক্ষয়িত্রীদের এরকম কান, কেশ কিম্বা চড়-চাপড়ের ওপর প্রীতি নেই বলেই আমার বিশ্বাস, কিন্তু ছেলেদের বিদ্যালয়ে যে এখনো প্রচুর পরিমাণে আছে, সে বিষয় আমি নিঃসন্দেহ।

আজকাল অনেকেই ঘাঁরা শিক্ষা-পদ্ধতি নিয়ে গবেষণা করছেন তাঁরা বুঝতে পেরেছেন এবং বিশ্বাস করেন ছোট ছেলে মেয়েরা মেজেতে “কাগের ঠ্যাং বগের ঠ্যাং” আঁকার মধ্যদিয়ে



যদি স্বাভাবিক ভাবে শিক্ষা পায় অর্থাৎ শিক্ষক কিম্বা শিক্ষয়িত্রী যদি শিশুদের যা করতে বলতে ও শুনতে ভাল লাগে, সে সব করতে, বলতে ও শুনতে দেবার সঙ্গে সঙ্গে শিক্ষা দেন, তবেই তারা চট করে শেখে ও শেখাতে আনন্দ পায়। এই কারণেই আজকাল ছবি আঁকা, মাটি দিয়ে কিছু গড়া, ছুতোর মিস্ত্রীর কাজ, বই বাঁধানো ইত্যাদি হাতের কাজ

মৌলবি সাহেব

আগিস্তদ্দিন

বয়স—দশ

নং ১

বিদ্যালয়ে ক্রমেই বড় স্থান পাচ্ছে। এবিষয় সকলেই নিঃসন্দেহ হয়েছেন যে এসব কাজ বিদ্যালয়ে শেখানো উচিত, কিন্তু কি পদ্ধতিতে শেখানো উচিত সে বিষয় ‘নানান’ মূনির নানা মত।

ছেলেবেলা থেকে দেখে আসছি বিদ্যালয়ে একজন ক'রে ড্রইং মাষ্টার থাকেন এবং তাঁদের কাছে ছেলেবেলায় অপদস্থ হয়েছি তাঁদেরও অপদস্থ করেছি। ড্রইং মাষ্টার মহাশয়েরা ক্লাশে এসে 'বোর্ডে' কিছু একে দিয়ে বলতেন 'আঁক'; কেউ বা গেলাস, ঘাট, বাটি, চেয়ার, টেবিল, দোয়াত কলম ধরনের সামনে রেখে বলতেন 'আঁক', কেউ আবার ড্রইং বই থেকে কোনো ছবি দেখিয়ে বলতেন 'এইটা আঁক'। কেউ আঁকতো, কেউ আঁকতো না, কেউ 'ট্রেস' করতো পাতলা কাগজ ফেলে অতি সাবধানে যাতে ধরা না পড়ে। কেউ লুকিয়ে লুকিয়ে অঙ্কের ক্লাশের 'হোম ওয়ার্ক' অথ ছেলের খাতা থেকে টুকতো! ড্রইং এর ঘট্যটিকে কেউই যেন তেমন শ্রদ্ধার চোখে এখনো দেখে না। ড্রইং মাষ্টার মহাশয়েরা অনেকেই যারা ড্রইং শেখান তাঁরা ভুলে যান, তাঁরা শেখাচ্ছেন যাদের তাদের বয়স অল্প। ড্রইং মাষ্টার হবার জন্য তাঁরা যে "ট্রেনিং" নিয়েছেন, সেই পদ্ধতিতে ছেলেদের শেখানো চলে না, ছেলেদের চোখ ও মন দিয়ে তাদের কাজ শেখাতে ও তাদের কাজ দেখতে হবে। বয়স্ক লোকের হাতের কাজের সঙ্গে ছোট ছেলেদের কাজে মিল থাকা একেবারেই অসম্ভব।

আমাদের দেশে ড্রইং মাষ্টার যারা সাধারণতঃ হয়ে থাকেন তাদের কোনো আর্ট স্কুলের থেকে "ট্রেনিং" নিতে হয়। যে কেউ, যার কল্পনা শক্তি নেই—নিজের দেশের শিল্প সমৃদ্ধ জ্ঞান নেই—কেবলমাত্র একটি পরীক্ষা

পাশ ক'রে সার্টিফিকেট নিয়ে

তাঁরা ড্রইং মাষ্টার হন। এঁদের

দিয়ে বিদ্যালয়ের কাজ হওয়া

সম্ভব নয়। আমাদের দেশে

শিল্পীর অভাব আজকাল নেই।

বিদ্যালয়ের ড্রইং মাষ্টারের

কাজটি যে হয় কাজ নয়,

কল্পনাশক্তিশালী শিল্পীরা যে

ড্রইং মাষ্টারের কাজে যোগ

দিয়ে, শুধু ছাত্র নয় নিজীব

নিরস শিক্ষকদের মনে অন্ত-



লেগুস্ কেপ

রবি সেন

বয়স—এগার

নং ২

সঙ্কীর্ণতা ও রস সঙ্গার করতে পারেন এ বিষয় কোনো সন্দেহ নেই। আজকাল কোনো কোনো স্কুলে শিল্পীরা যোগ দিচ্ছেন এ আনন্দের কথা। কল্পনা-শক্তিশালী উৎকৃষ্ট শিল্পীরা বিদ্যালয়ে শিল্প-শিক্ষার কাজ নিয়ে তাঁদের শিল্প সাধন করার উপযুক্ত সময় না পেলেও, বিদ্যালয়ের ছাত্রদের মনে যে দেশের শিল্প সমৃদ্ধে সজাগ করিয়ে দেন, তা দেশের পক্ষে কম কল্যাণকর নয়।

বিদ্যালয়ে শিল্প-শিক্ষকের স্থান ছাত্রদের শিল্পী তৈরী করবার জন্ত ঠিক নয়। একশত ছাত্রের মধ্যে একজনের হয়তো শিল্পী হবার সম্ভাবনা। সেই একটি ছাত্রের চেয়ে অল্প নিরানব্বই জন ছাত্রের জন্তই শিল্প-শিক্ষককে বেশী প্রয়োজন। ছাত্রদের মনে সৌন্দর্য বোধ জাগিয়ে তোলা, কুচি-জ্ঞান পরিস্ফুট করা, 'ভালো জিনিষ চেনাতে শেখানো' এটাই বড় শিক্ষা।

দেখতে শেখা, মনে প্রাণে অনুভব করতে শেখা, এবং তা প্রকাশ করতে পারা, সুন্দর পরিচ্ছন্নতার মধ্যে বাস করা এ সবে সকল শিশুরই জন্মগত অধিকার আছে। এ শিখতে আমাদের



বোঝা

মহিউদ্দীন বয়স—বারো

পয়সা খরচ করতে হয় না

—যা দরকার তা' হচ্ছে

একটু স্তানুভূতি এবং

দরদ। প্রত্যেকের মধ্যেই

কিছু না কিছু সৃষ্টি করবার

শক্তি আছে, এবং শিল্প-

ক্ষেত্রে দেখা যায় শিশুর

কাঁচা হাতের সরল ও

স্বাভাবিক যে প্রকাশ তার

মধ্যে কোনো বাধ্যবাধকতা

নেই, অঙ্কন পদ্ধতিব মার

প্যাচ নেই, আড়হড় নেই,

নং ৩ শিশু যা দেখে, শোনে এবং

বোঝে তা' নিজের সৃষ্টিধা-

মতো সে প্রকাশ করে। সেই সহজ প্রকাশ করবার শক্তিটাকে বাঁচিয়ে রাখতে হবে। যাঁরা তাদের শিক্ষকতা করেন তাঁরা যেন অঙ্কন পদ্ধতি এবং নানা রকমের বোঝা চাপিয়ে সেটা প্রথম থেকেই নষ্ট না করেন। ছোটগাছের চারা যেমন বেড়ে ওঠে, তেমতি সহজ ভাবেই শিশুদের বেড়ে উঠবার সাহায্য করতে হবে। শিক্ষকদের বিশেষ করে শিল্প-শিক্ষকদের এই দিকেই সব চেয়ে বেশী দৃষ্টি রাখা দরকার।

এই রকমভাবে শিক্ষা যদি শিশুদের দিতে হয় তবে আমাদের বিদ্যালয়ে কয়েকটি বিষয়ে দৃষ্টি রাখা চাই।

প্রথমতঃ—শিল্প-শিক্ষকের যথার্থ শিল্পী হওয়া দরকার। অর্থাৎ 'ট্রেনিং' পরীক্ষা পাশ ছাড়াও তাঁর কল্পনাশক্তি ও দরদ থাকা দরকার। আজকাল বাংলা দেশে এই প্রকারের শিল্পীর অভাব নাই।

দ্বিতীয়তঃ—ড্রইং-ক্লাশটিতে ছাত্র-ছাত্রীদের বেশীরভাগ সময় নিজের ইচ্ছামতো কাজ করে দেওয়া ভালো। কোনো কোনো বিশ্ববিদ্যালয়ে ড্রইং পরীক্ষার জন্য ছেলেমেয়েদের ড্রইং শেখানো হয়। পরীক্ষা পাশ করবার জন্য পারতপক্ষে ড্রইং শেখা উচিত নয়। বিদ্যালয়ের কতৃপক্ষদে দেখা উচিত, সহজে পাশ করা যায়, সেই কারণে ছেলেরা যেন ড্রইং না শেখে।

তৃতীয়তঃ—শিশুকাল হ'তে দশ বারো বছরের ছেলেমেয়েদের বেশীর ভাগ সময় নিজে মন থেকে আঁকতে চেষ্টা করতে দেওয়া দরকার। তা'না ক'রে প্রথম থেকে নকল করতে আরম্ভ করালে তাদের কল্পনার থেকে কিছু করতে পারা আর পরে সম্ভব হয় না। বারো বছরের পরে যাদের শিল্পের কাজে ঝাঁক থাকে, তারা তাদের নিজেদের ভুলচুক আপনা থেকেই বুঝে শেখে এবং ভুল শোধরাতে চায়, তখন তাদের শেখানো কষ্টকর ত' নয়ই—বরং সেই উপযুক্ত সময়।

চতুর্থতঃ—প্রত্যেক স্কুলে শিল্পের জন্য অন্ততঃ দুইটি ঘর থাকা দরকার। একটি ঘরে শিল্প সম্বন্ধে এবং অস্থান্য নানাবিষয়ে সচিত্র পুস্তক থাকবে। দেয়ালে বিখ্যাত শিল্পীদের চিত্রে print ইত্যাদি আঁকতে

(বিখ্যাত শিল্পীদের হাতের আসল ছবি রাখার সামর্থ্য সব বিদ্যালয়ের পক্ষে সম্ভব নয়)। সেই সকল ছবি কখনো কখনো বদলানো দরকার। কারণ দেখা যায় একই ছবি দেয়ালের এক জায়গায় অনেক দিন থাকলে ছেলেমেয়েরা তা' আর লক্ষ্য করে না। সেই ছবিখানিই যদি কিছুদিন অন্তর অন্তর অস্থান্যে স্থানে রাখা হয় তবে সবার বংশীবাদক



সেই দিকে নজর পড়ে ও

ভিড বয়স—তেরো

২৭

সেই ফাঁকে ছবিটিকেও ভাল ক'রে দেখতে আরম্ভ করে। আর একটি ঘর যেখানে শিল্প-শিক্ষক কাজ শেখাবেন, কিম্বা দরকার হলে নানা বিষয় ছাত্রদের সঙ্গে গল্পছলে আলোচনা করবেন কখনো কখনো ম্যাজিক লণ্ঠনের সাহায্যে ছবি দেখাবেন। ছেলেমেয়েরা এমনি কাজ ততট শিখতে পারে না। শিল্পশিক্ষক যদি তাদের সামনে কখনো কখনো নিজের কাজ করেন এবং

ছাত্রছাত্রীরা যদি তাঁকে কাজ করতে দেখবার সুযোগ পায় তবেই তারা শিল্পের কাজে আকৃষ্ট হয় ও শেখে।

ছাত্র-ছাত্রীরা শিল্প-শিক্ষার নির্ধারিত সময় এসেই যে নিজের নিজের কাজে লাগবে তারও দরকার নেই। কোনো ছাত্রের যদি কাজে মন না লাগে, তবে সে শিল্প বিষয়ে কোনো বই

নিয়ে পড়তে কিম্বা ছবি দেখতে পারে। শিল্প-শিক্ষক ছাত্র-ছাত্রীদের নিয়ে মাঝে মাঝে ঘরের বাইরেও গাছ পালা জন্তু জানোয়ার আঁকতে যেতে পারেন।

ছবি আঁকা, মাটি দিয়ে খেলনা ইত্যাদি বানানো কার্ডবোর্ডের বাস্ক বই বাঁধানোর কাজ, নানা রকমের হাতের কাজ করবার সুবিধা রাখা ভালো। যার যেটাতে মন লাগে। অনেক সময় দেখা যায় একটি ছোট ছেলের হয়তো পেন্সিল দিয়ে কিম্বা রং দিয়ে কাগজে আঁকতে মন বসে না, কিন্তু মাটি দিয়ে খেলনা তৈরী করতে তার পরম উৎসাহ। কোনো ছেলের হয়তো 'লাইনো-কাট'এ উৎসাহ। যেদিক দিয়েই হউক, শিক্ষকদের দেখা দরকার, শিশুদের স্বাভাবিক সৃষ্টি করবার প্রবৃত্তিটা যেন চাপা না পড়ে।



মোগল ছবি

নং ৫

১৪ বছরের ছেলের আঁকা

শাস্তিনিকেতনের থেকে ইন্টারমিডিয়েট পরীক্ষা দেবার জন্ম যখন আমাকে কলকাতায় পাঠানো হ'ল তখনও আমি ভাবিনি, আমি পরীক্ষা পালাব। যখন দেখলুম—পরীক্ষা পাশ ক'রে ছবি আঁকা চোঁ হয়তো হবে না—কলম পেশার ব্যবসায়ী কিম্বা ঐ ধরণের কিছু একটা হ'তে হবে তখন পালানোই স্থির করলুম। শাস্তিনিকেতনের কলেজের শিক্ষক মণ্ডলী দিয়েছিলেন ধিক্কার। তাঁদের কথায় ক্রক্ষেপ না ক'রে কলাওবনে যোগ দিয়েছিলুম—শিল্পী হবার উদ্দেশ্যে। তখনও ভাবিনি আমার কপালে শিক্ষকতা লেখা আছে। তাও আবার এমন বিদ্যালয় যেখানে ছেলেরা

ধনীলোকের আদরে পালিত মানুষ। প্রথমটা ভেবেছিলুম আদরে পালিত ধনীদেব ছেলেরা কুঁড়েমীর মধ্যে শিল্প লেখাপড়া শিখবে, সেখানে আমাকে শেখাতে হবে ছবি আঁকা মূর্তি গড়া! খুব উৎসাহ ছিল না। শেখানোতে মন ছিল না—নিজের শেখাতে এবং নিজের কাজে মন ছিল। দেখলুম সেই হ'ল আসল শেখানো। ছেলেরা যখন দেখলে—আমি আঁকি—এঁকে আনন্দ পাই—খেলার সময় খেলার মাঠে যেতে ভুলি। তারা ভাবলে, দেখতে হবে ব্যাপার খানা কি! দেখতে এসে অনেকে কাঁদে পড়লো! নেশা লেগে গেল তাদের। আমার আশে পাশে কাগজ পেন্সিল রংএর বাস্ক নিয়ে লেপে গেল কাজে। এমনি ক'রে ড্রইং শেখানো হ'ল শুরু।

তারপর এখানে পাঁচ বছরে শিখিয়েছি যা' তার চেয়ে আমি নিজেই শিখেছি বেশী। শেখার বিরাম নেই সে চলবেই।

স্কুলে ছাত্র সংখ্যা প্রায় তিনশ'র কাছাকাছি। থাকে সবাই এখানে। খেলার মাঠ—সাঁতারের 'পুল', কিছুই অভাব নেই। লাইব্রেরী, নিজেদের স্কুলের ছাপা সাপ্তাহিক খবরের



রাধুণী

এম্ এম্ স্টুডি

বয়স—১৫

নং ৬

কাগজ, ডিবেটিং, তার ওপর ক্লাসের পড়াশোনা। ছুতোরের কাজ, মোটর মেরামতের কাজ, কামারের কাজ—ইলেট্টে। প্লেটিং পর্যন্ত ছেলেরা করছে।

শাস্তিনিকেতনের ছাত্র ছিলাম আমি। একটু টিমে তালে প্যাসেঞ্জার ট্রেনের গতিতে চলার অভ্যাস ছিল এখানে এসে পড়লাম যেন মেইলট্রেনে। কিন্তু নিজেকে উপযুক্ত ক'রে নিতে দেরী হ'ল না। 'সময় নষ্ট করা' কাকে বলে বুঝে ফেললুম। ছেলেরা যে বয়সে এখানে ভর্তি হয়—তখন তারা বাড়ীর অনেক কুঁড়েমী বড়োলোকী অচল ভাব নিয়ে আসে—এখানে নিয়মবদ্ধ জীবনে পড়ে কিছুদিনের মধ্যেই সচল হ'য়ে ওঠে। আসে যখন বয়স তাদের দশ এগারো। সেই বয়স থেকে আঁকতে শেখে।

প্রথম বছর আঁকার কোনোই নিয়ম নেই—যা পায় আঁকে—কেবল বইএর ছবি দেখে দেখে যে আঁকবে সেটি হচ্ছে না! ১, ২ নং এর ছবিগুলো দেখলেই বোঝা যায় এতে ক'রে কেমন ছবি



১৪ বছরের ছেলের আঁকা

বার হয় ওদের হাত থেকে। এরাই ঠিক পথে চললে দেশের মুখ উজ্জ্বল করা শিল্পী হবে। যা দেখেছে নিজের চোখে এমন সহজ ভাবে আঁকতে পারা সোজা কথা নয়! এতে ভয় নেই, ভাবনা নেই, যেমনি ভাবা অমনি হাত চললো! এই যে সহজ আঁকবার শক্তি এটাকেই পিশে মারা হয় সাধারণতঃ স্কুলে—বই দেখে আঁকা, বোর্ডে আঁকা ছবি নকল করা—কিন্তু ঘটি বাঁটি দেখে আঁকা। একটু এদিক ওদিক হ'ল কি বকুনি কি চড়াপড়! মনই লাগে না!

তারপর ৩ নং এর ছবি দেখুন। বার বছর পেরিয়েছে—এর মাথায় ছবি ঢুকেছে। এ আঁকার মধ্যে ফুটোতে চায় “বোঝা”।

এ সব ছবিতে আমার হাত পড়ে নি! এদের দেখাবার সাহস আমার নেই—প্রবৃত্তিও নেই।

৪ নং এর ছবি এঁকেছে একটি তের বছরের ছেলে। ছেলেটির মাথায় অনেক কিছু ঠুকে গেছে—ভালো খারাপ, দেশী, বিলাতী আঁকবার পদ্ধতি বুঝতে আরম্ভ করেছে।

৫ নং ছবি মোগল ছবির থেকে নেওয়া। ১৪ বছর বয়সের ছেলের আঁকা। ড্রইং করে ভালো—এ হয়তো ভবিষ্যতে পরিষ্কার নিখুঁত কাজ করবে ভালো। যার যে দিকে মন যায় তাই হওয়া চাই—যার কাছে শেখে, তারই ছাঁচে গড়া হওয়া মানেই তাকে নকল করা। শিল্পে নকল চলে না!

৬ নং এর ছবি পনেরো বছরের ছেলের আঁকা। ৭নং এর ছবি একটি চোদ্দ বছরের ছেলের আঁকা। এদের ভিত্তি স্থাপন করা হয়েছে—তারপর এরা ভবিষ্যতে ছবি আঁকবে কি না আঁকবে জানি নে। না আঁকলেও ক্ষতি নেই। কিন্তু এ কথা জোর করে বলতে পারি—ছবি বুঝবে। দেশের শিল্পীকে অবজ্ঞা করবে না।

যারা আঁকতে পারে না—তারাও এখানে ছবি বুঝতে শেখে। ভালোমন্দ বিচার করার শক্তি সঞ্চয় করে—এটা কম বড় কথা নয়।



নিষ্প্রদীপ !

তড়িৎকুমার ঘোষ

নিষ্প্রদীপ্ !—

লক্ষ আলোক নিভিয়া গিয়াছে !.....অন্ধকার,

মেঘলা আকাশ ভাঙিয়া পড়িছে !.....বন্ধ দ্বার,

স্তব্ধ-জীব !

—নিষ্প্রদীপ্ !!

বাপ্‌রে বাপ্ !—

বিত্তী যে পথ্.....জলিছে ও'কিরে ?.....রক্ত চোখ্ ?

শব্দ এ'কার ?——ফিসি ফিসি করে,——তীব্র রোখ !

গোথ্‌রো সাপ্ ?

বাপ্‌রে বাপ্ !!

রক্ত...জল !—

যাত্রী এ'কোন্ পা'টিপে পা'টিপে.....চলছে হায় !

রাত্রি ভীষণ ! চুপি চুপি চলো !.....দম্বা যায় !!

শব্দ কল !

রক্ত...জল !!

কান্না কার ?—

চুপ ! কথা নয় ! শুনিতে পেয়েছো ?.....সব্‌ যে যায় !

ও...ই ! কথা কয় ! গোঙায়ে গোঙায়ে——ডাক্‌ছে কা'য় ?

সব্‌ কাবার !

—কান্না কার !!

নিষ্প্রদীপ্ !—

সাবধানে ভাই রহিও সকলে ! মৃত্যু-রাজ—

হাঁক দিয়ে যায় !——নড়িতেছে দেখো——সত্যি আজ

হত্যা-জিভ্ !

নিষ্প্রদীপ্ !

নিষ্প্রদীপ্ !!

পুঞ্জী

ক্ষেত্রমোহন পুরকায়স্থ

দুই

শ্রীমন্তের স্ত্রী রত্না যথার্থই ছিল সার্থক-নান্দী—এমনি ছিল তাঁর দেহের স্নগোল গঠন মুখের চাঁচে-কাটা নাতি-দীর্ঘ আকৃতি, রংয়ের উজ্জলতা ও চোখ-দুটোর আবেশময় দৃষ্টি। রত্না গ্রীবাভাগ যদি হৃদয় না হ'ত এবং ওর অধরোষ্ঠের স্থূলতা যদি একটুখানি কম হ'ত, তবে যে সব যুবক ওকে বিয়ে ক'তে পারেনি বলে ব্যর্থ-মনোরথ হয়েছে, তাঁদের পক্ষেও রত্নার রূপের নিন্দা করা সহজ হ'ত না। এ হেন রতন অধ্যাপক-যুবকের কপালে যে জুটল, তার কারণ বোসেদে-বাড়ীতে শ্রীমন্তের সঙ্গে কিরীটের উপজাত সৌহার্দ্য। রত্না ছিল কিরীটেরই মত এক অসম্পন্ন ব্রাহ্ম পরিবারের মেয়ে। শ্রীমন্তের বিয়ের বছর কয়েক আগে পরিচিত-মহলে এমন একটা কিংবদন্তি ছিল যে কিরীটের সঙ্গেই রত্নার হবে বিয়ে। এ কিংবদন্তির মধ্যে সত্যের অংশ যত কর্মই থাক এটা ঠিক যে কিরীটের সঙ্গে রত্নার সঙ্গলাভের অবকাশ হয়েছিল প্রচুর এবং রত্নার বিয়েতে ঘটকালিও করেছিল ঘোল-আনা কিরীট। তারই ফলে শ্রীমন্তের মা ব্রাহ্ম-কন্যাকে ঘরে আনতে রাজি হ'লেন এবং রত্নার মা ও বিনা রেজেষ্ট্রিতে শালগ্রাম সাক্ষী রেখে কন্যাকে পাত্রস্থ ক'রে অস্বীকার করলেন না। কিরীটের কথা বলবার চং যেমনই হোক এবং সে কথার স্ত্রী না থাকলে এমনি একটা ধার ছিল যা'তে ফল ফল'ত মাঝে মাঝে আশ্চর্য-রকমের। শ্রীমন্তের বিদ্ব-বহু বিয়েটা তারই একটা উদাহরণ।

অনেক বাধা কাটিয়ে যে বিয়ে হ'ল, পরে তার যাত্রা-পথও একেবারে বাধা-মুক্ত হ'ল না। শ্রীমন্তের মা উমাতারা ব্রাহ্ম পরিবারে পুত্রের সম্বন্ধ ক'রে' যে ওদার্যের পরিচয় দিয়েছিলেন রত্নাকে পুত্রবধুরূপে পেয়ে সে ওদার্যের পরিচয় দিলেন না। রত্না সেই যে প্রথম বৃহস্পতিবার একবার স্বাশুড়ীর লক্ষ্মীর আসনের বাসন-গুলি মেজে এনেছিল, দ্বিতীয় সপ্তাহে মাথা-ধরার ভা করে তা আর করল না, তৃতীয় সপ্তাহে ইচ্ছা করে মার বাড়ী থেকে ফিরতে করল দেবী যা পুজার বাসন ধুতে না হয় এবং তার পরে একদিন ও ছাতের চিলি-কোঠায় স্বাশুড়ীর লক্ষ্মীর আসনে পাশেও ঘেসল না। স্বাশুড়ী-বৌর পরস্পরের সংস্কারের দন্দ ক্রমশ বেড়েই চল কিন্তু বাক্য-গম্ভীর রত্না সে সব ব্যাপার নিয়ে কোন উচ্চ-বাচ্যই করল না। শ্রীমন্ত সবই চোখের সামনে দেখ'তে পে' কিন্তু কিংকর্তব্যবিমূঢ় মাকে কিংবা স্ত্রীকে কাউকে কিছুই বল'ল না, শুধু কথা-প্রসঙ্গে মাকে এ স্ত্রীকে একে-অন্যের বিভিন্ন আদর্শের ব্যাখ্যা করে গেল। এতে কিছুই লাভ হ'ল না, স্ত্রী ও ম

মানসিক ব্যবধান বেড়েই চল্ল এবং দ্বন্দ্ব-বহুল জীবনের ঘূর্ণিপাকে পড়ে শ্রীমন্তের বিবাহিত জীবনের মিলন-প্রক্রিয়া ত বাধা পেলই, তাঁর পূর্বকার পারিবারিক নীড়েরও শাস্তি নষ্ট হ'ল। বোসেদের বাড়ীতে সাক্ষাৎ সম্মেলনে শ্রীমন্তের বিনা ব্যতিক্রমে যোগদানের এ-ও ছিল একটা বিশেষ কারণ।

বিয়ের প্রায় মাস ছ'য়েক পরে একদিন রাত্রে শ্রীমন্তের মা পুত্রের নিকট কাশীবাসের ইচ্ছা প্রকাশ করলেন। শুনে শ্রীমন্তের আহত সন্তান-হৃদয় উদ্বলিত হয়ে উঠল। জ্ঞীকে সে রাত্রে যে কি বলেছিল সে শ্রীমন্তই জানে কিন্তু ফলে পরদিন ভোর-বেলা যে রত্না মায়ের কাছে গেল রাত্রেও আর ফিরল না। দুদিন বাদে শ্রীমন্তের মা ছেলেকে বলেন, “দেখ বাবা, আমার কাশী যাওয়া তুমি বাধা দিয়ো না। আমি কাশী গেলেও আমি তোমার মা-ই থাকব কিন্তু রত্নাকে পাওয়া চাই তোমার কাছে—নইলে সে তোমার জ্ঞী হতে পারবে না। তুমি আজই গিয়ে তাকে নিয়ে এসো এবং কালই তুমি আমাকে পাঠিয়ে দাও কাশীতে।” শ্রীমন্তের মা কাশীবাসী হ'লেন।

যে দিন শ্রীমন্তের মা কাশী রওয়ানা হ'লেন, খবর পেয়ে সেদিনই সন্ধ্যায় কিরীট রত্নাকে স্বামী-গৃহে পৌঁছিয়ে গেল। শ্রীমন্ত যথা-সম্ভব মনের ভাব দমন করে সে রাত্রে জ্ঞীকে বল্ল “রত্না, তুমি আমায় ভুল বুঝো না কিন্তু মা কাশী যাওয়াতে আমি নিজেকে অপরাধী বলে মনে করছি।” “কিন্তু তার জন্তে বোধ হয় দায়ী নই ঠিক আমি? যাও না দিন সাতেক পরে গিয়ে নিয়ে এসো তাঁকে।”

শ্রীমন্ত দীর্ঘশ্বাস ছাড়ল এবং পরে জ্ঞীর চোখের দিকে কাতরভাবে তাকিয়ে বল্ল “মা আমার আস্বেন না রত্না। তিনি অভিমান করে'ত ঠিক যাননি, নিজের কর্তব্য-বুদ্ধি থেকেই গেছেন।”

মা কাশী-প্রবাসী হবার পর থেকে শ্রীমন্তের পারিবারিক জীবনের আর কোন দ্বন্দ্ব রইল না; বরং সাধারণ মধ্যবিত্ত পরিবারের জীবনে যতটা সুখ-শান্তি থাকে, শ্রীমন্তের ভাগ্যে তার চাইতে অনেক বেশীই জুটল। তার কারণ শ্রীমন্তের পরিবার ছিল নিতান্ত ক্ষুদ্র, তা'তে ছিল না কোন প্রকার আর্থিক অস্বচ্ছলতা এবং রত্নার প্রকৃতি-গত গাভীর্য ও শ্রীমন্তের চরিত্রের একান্ত ওদার্য্য মিলে পরিবারের আবহাওয়াটা করে রেখেছিল যেন লোকালয়ের বাইরেরকার কোন নীরব নিস্তন্ধ শান্তিপূর্ণ বিরাম-কুঞ্জের মত। রত্না মোটেই সঙ্গ-প্রিয় ছিল না, প্রতিবেশিনী বা আত্মীয়-বন্ধুদের বাড়ীতে যাতায়াত করত অল্পই। সখের ভিতর ছিল নভেল পড়া আর সেতার বাজান। স্বাশুড়ীর কল্‌কাতা ছাড়ার পর থেকে রত্নার মা-বাবা উঠে এলেন ভবানীপুরে এবং তখন থেকে রোজ সন্ধ্যায়ই বেড়াতে আসত ওর ওখানে রত্নার কোন না কোন ভাই না হয় কোন বোন। মাঝে মাঝে ভাই-বোনদের সঙ্গে রত্না মায়ের বাড়ীর কোন কোন আত্মীয়-বন্ধুদের ডেকে চা খাওয়াত। এমনি একটা চায়ের নিমন্ত্রণে ডাক পড়ে ছিল কিরীটের—যার উল্লেখ হয়েছিল বোসেদের বাড়ীর এক সাক্ষাৎ সম্মেলনে।

সেই চা'য়ের নিমন্ত্রণে আহূত ছিল কিরীট, রত্নার ছোট বোন রেবা ও রত্নার মায়ের পিসতুত ভাই অখিল পাল। রেবা রত্নার বছর খানেকের ছোট, দিদির রং ও স্বাস্থ্য তাঁর ছিল না কিন্তু দিদির চাইতে সে ছাত্রী ছিল অনেক ভাল। কারণ কিছুটা ইঙ্কলে পড়েও রত্না ম্যাট্রিক অবধি এগোতে পারেনা কিন্তু রেবা প্রাইভেট পড়েই শুধু ম্যাট্রিক নয়, আই এ অবধি পাশ করেছিল। অখিল ছিল অবিবাহিত, বয়স আন্দাজ চল্লিশ, কোন বিলাতী দোকানে ম্যানেজারি করে শদেডেক টাকা রোজগার করত। শ্রীমন্তু নিজে চা'য়ে থাকতে পারেনি, কারণ সে দিন হটাৎ পড়ে গিছলো college এর staff meeting.

সকলে চায়ের টেবিলে উপবিষ্ট হ'লে রেবা টিপট হতে চা ঢালতে ঢালতে বল্ল “তবু ভাল, অখিল মামা, দিদির চা'য়ের দৌলতে তোমার দেখা পাওয়া গেল। দিদির বিয়ের পর বোধ হয় তিন চার দিনের বেশী তোমার সঙ্গে আমার দেখা হয় নি”।

অখিল ঈষৎ হেসে বল্ল “আজ কাল আর কোথায়ও যাওয়া হয়ে উঠে না, রেবা। দোকানে বড্ড কাজ জানিসনে”।

রে—আরে অখিল মামা, তুমিত খুকি ভোলাচ্চ না। কাজ না হয় তোমার আজকালই পড়েছে।

কিন্তু দিদির বিয়ে হয়েছে ত দেড় বছর।

র—মিথ্যামিথ্যা ওকে দোষ দিচ্ছিস কেন রেবা—বছর খানিক ধরেইত অখিল মামার উপর দোকানের গোটা চার্জ পড়েছে না কি?

কি—কিন্তু সে চার্জ পাওয়ার আগেকার দু'মাসটায় অখিল বাবু তাঁর ভাগ্নী-প্রীতি কমে যাবার কি কারণ দেখাবেন?

রে—কারণ দেখিয়ে কিছুই দরকার নেই? আসবেন যখন না, তখন কারণ তার নিশ্চয়ই আছে।

অখিল মামা স্বীকার করলেই বাঁচি যে উনি এখন আগেকার মতন আমাদের ওখানে আসেন না।

চা'য়ের পেয়ালা হতে মুখ উঠিয়ে অখিল বল্ল “বেশ তুমি বাপু বড্ড অভিমানী মেয়ে”।

রে—দেখ মামা ক্রটিকে আমি ক্রটিই মনে করি, অভিমানের তাপ দিয়ে সেটাকে আমি হাওয়ায় উড়াতে জানি না।

কি—বাঃ রেবা, তুমি সোজা কথাগুলোকে এমন চমৎকার বাঁকিয়ে বলবার ভঙ্গি কবে থেকে আয়ত্ত করলে?

র—(হেসে) আপনি রেবাকে স্কেপিয়ে দেবেন না। অখিল মামা, আপনি ত দু'কাপ করে চা খান।

আপনাকে আরেক কাপ চা দি'।

অ—না রত্না, আমি এখন বিকালে চা খাওয়া প্রায় ছেড়েই দিয়েছি?

রে—কেন মামা, তুমিও কি কিরীট বাবুর মত হটাৎ হটাৎ অপ্রত্যাশিত ভাবে কাজ করবার মনন

কি—ক'চ্ ? আচ্ছা সত্যি বল না অখিল মামা, আজকাল দোকানের কাজ ছাড়া কিসে অত ব্যস্ত থাক যে আমাদের ওখানে আসতেই পার না। বল না, লক্ষ্মীটি।

অ—তোরা যা ভেবেচিস তা কিছু নয় ?

রে—অপররা কি ভেবেচেন তা আমি জানি না ? আমি ত নিজে কিছুই ভাবি নি এবং তাই তোমায় জিজ্ঞাসাও করছি। ভেবে দেখ আগে তুমি সপ্তায় ছুদিন আসতে আমাদের ওখানে, আর এখন দুমাসেও একদিন আস না।

অ—বল'খন অচ্চা সময়ে।

রে—না এক্ষনি বল না কেন ? তুমি নিশ্চয়ই এমন কিছু করো না, যা কিরীট বাবুর সামনে তুমি বলতে পার না ?

কি—আমার এখন সেটা বলাতে আপত্তি আছে ? এখন রত্নার একটা সেতারের আলাপ শোনা যাক ?

ততক্ষণে চা খাওয়া শেষ হয়েছিল কিন্তু ভোটে সেতার বাজনা আগে শোনা হবে কিংবা অখিলের নৃতন গতিবিধির খবর আগে শোনা হবে সেটা দশ মিনিট তর্ক-বিতর্কে ঠিক হল না। কিন্তু রেবার কৌতুহল অজ্ঞেয়, সে মামাকে টেনে অচ্চা ঘরে নিয়ে গেল ? ব্যাপার দেখে কিরীট ঘড়ির দিকে তাকাল এবং নিজের বাড়ীতে আহুতদের সঙ্গে যোগদান করবার জন্য রত্নার নিকট অনুমতি চেয়ে বল্ল, “আজ পালাই রত্না, শ্রীগিরি একদিন এসে তোমার সেতার বাজনা শুনে যাব। তুমি নাকি আজকাল চমৎকার বাজাও।”

“কে বললে আপনাকে ?”

“শ্রীমন্তু নিজে।”

“নিজের স্বীকে বাড়িয়ে বলতে উনি খুব সপ্রতিভ।”

“এ তোমাদের দাম্পত্যের পরম গৌরব—বিশেষত এই আধুনিক কালে।”

“তা হতে পারে ? কিন্তু সত্যিকার গৌরবের কোন প্রকারের অপেক্ষা না করাই উচিত। যাক্গে, শুন্তে ইচ্ছা হয় আসবেন। তবে আমার বাজনার এখনও কোন ওস্তাদি নাই বলতে পারি।”

“তা হোক গে, তবু শুন্ব” বলে কিরীট শিষ্টাচারান্তে নিজস্ব হল।

এমনি সময়ে দ্রুতপদে ও উদ্বেজিত ভাবে রেবা ঘরে ঢুকে রত্নার দিকে তাকিয়ে বল্ল “ছ্যাঃ ছ্যাঃ দিদি, এই অখিল মামার কাণ্ড শুনেছ” ? আধ মিনিট থেমে এবং বিকৃত মুখাবয়বটা আরো বিকৃত করে বল্ল “উনি নাকি রোজ রাতে বিস্ত্রী বিস্ত্রী জায়গায় গিয়ে মেয়েগুলোকে সংস্কার করবার চেষ্টা করেন। কি যেলা, মাগো” ! অখিলকে ঘরে ঢুকতে দেখেই বল্ল “মামা, এ সব ক্যাপামো ছাড়। ওসব লোকের সঙ্গে কথা কইতে তোমার প্রবৃত্তি হয়” ?

“রেবা, তুই না কথা দিয়েছিস্ এ সব ব্যাপার কারও সঙ্গে আলোচনা করবি না” ?

“তা করব না। কিন্তু কি ঘেমা, মামা, তুমি এ সব কাজ ছাড়”।

শুনে রক্তা স্তম্ভিত হয়ে রইল, সে কোন কথাই বলতে পারল না। তরুণী ছটার বিষয় ও জুগুপ্সা মন্দীভূত হবার আগেই অখিল ওদের নিকট হতে সেদিনকার মত বিদায় নিল। যাবার সময় হেসে বল্ল “তোমরা এ নিয়ে মাথা ঘামিয়ে না মেয়েরা এবং কারো সঙ্গে আলোচনাও করো না।”

(তিন)

কিরীট নিজের নিমন্ত্রণ রক্ষা করে যথা সম্ভব ত্রস্তপদে হেঁটে এসে ও নিজের বাড়ীতে নিমন্ত্রিতদের সঙ্গে ঠিক যোগদান কর্তে পারল না। বাড়ীর সামনেই রাস্তায় শৈবাল চাটুয্যের সঙ্গে সাক্ষাত হ’ল—সে তখন চা-পানাস্তে বাড়ী ফিরছিল। কিরীট দাঁড়িয়ে শৈবালের নিকট আপনার কৈফিয়ত জানাল এবং সে যে অনিবার্য কারণে বাড়ীতে উপস্থিত থাকতে পারে নাই, তার জন্ত বহুবার ক্ষমা প্রার্থনা কর্ল। চাটুয্যে বল্ল “আপনি কিছু ভাববেন না, আপনার দিদির আপ্যায়নের ঋণ শোধ দেওয়াই আমার শক্ত”।

কিরীট বাড়ী গিয়ে দেখল যে ওর দিদি তখনও চায়ের সরঞ্জামের পাশে বসে মৈত্রীর সঙ্গে কথা কইচে। হেমবালা ভাইকে ঘরে ঢুকতে দেখেই বল্ল “দিলুম কিরীট তোমার জন্ত দশ হাজার একটা কেস্ করিয়ে”। বলেই প্রোচা “মহিলাটী যেন একটু অপ্রভিত বোধ কর্ল এবং সেই মুহূর্তে মৈত্রীর দিকে ফিরে বল্ল “জান না বোন, আমাদের কিরীটের উপর কি ভয়ানক টাকার চাপ—কত লোককে যে ওর অল্প অল্প সাহায্য ক’ন্তে হয়। কিন্তু তা হলে কি হবে নিজের ওর ব্যবসা বৃদ্ধি নাই বল্লেই হয়—তাই মাঝে মাঝে আমিই ওর জন্ত মাথা ঘামিয়ে মরি—তুমি হয়ত এটা কি ভাবলে জানি না”।

মৈ—আমার ভাবনার জন্ত অপরে তাদের দরকার মত কাজ করবে না, এটাত আমার চিন্তার মধ্যে আসে না। তা ছাড়া, ভাইয়ের জন্ত কেন, কোন মেয়ে যদি নিজের জন্ত টাকা অর্জনের চেষ্টা করেন, আমি সে চেষ্টাকে শ্লাঘার চোখেই দেখি।

হে—কি জান মৈত্রী, আমরা সেকলে মেয়ে কি না। তাই ভাবনা হয় পাছে তোমাদের নূতন রুচি কিংবা নূতন আশাকে আমরা অজ্ঞাতে পীড়া দিই।

হেমবালা মুহূর্তের জন্ত পাশের ঘরে উঠে গেল এবং ফিরে এসে ভাইয়ের হাতে একখণ্ড কাগজ দিয়ে বল্ল “এই নাও কিরীট, তোমার প্রপোসেল ফর্ম অবধি আমি চাটুয্যেকে দিয়ে পূরণ করিয়ে রেখেছি”।

একটা বিরক্তি-মিশ্রিত বিষ্ময়ের সহিত কিরীট বল্ল “এ তোমার নেহাৎ বেনেমি হ’ল দিদি।

ভজলোককে চা খেতে ডেকে তুমি শুধু তাঁর থেকে বীমা করবার অঙ্গীকার নিয়েই কান্ড হওনি, একেবারে ফরম পুরিয়ে রেখে ছেড়েছ। ভজলোক আমাদের কি ভাবলেন জানি না”।

হেমবালা ভাইএর দিকে তাকিয়ে স্নিগ্ধভাবে হাসল এবং পরে মৈত্রীর দিকে ফিরে বল্ল “দেখ বোন কিরীটের রকম দেখ, আমার উপর ওর বিশ্বাস নাই। তোকে বলচি কিরীট এই ফরম পুরিয়ে নেওয়াতে আমি শিষ্টাচার খর্ব করিনি, বরং আপ্যায়নটা যে পর্যাণ্ডভাবে ক’র্তে পেরেছি ফরম পূরণটা হল তারই নিদর্শন। কি বল বোন তুমি?”

মৈ—তা ঠিক জানিনে’। কিন্তু আমি একথা নিশ্চয়ই বলব, কিরীট বাবু, শিষ্টাচারকে বাচাবার জন্য আমি কোন ঈপ্সিত কাজকে পদু করব না। কারণ কাজই আসল, শিষ্টাচার উপকরণ মাত্র।

হেমবালা উল্লসিত হয়ে বল্ল “ঠিক বলেছ বোন, ঠিক বলেছ। বোঝাও’ত তুমি ব্যাপারটা কিরীটকে, আমি ততক্ষণে একটা কাজ সেরে আসি”! দিদি অপমৃত্যু হ’লে কিরীট বল্ল “মৈত্রী তোমার এই নূতন-নীতি বিজ্ঞালয়ে টাকা দিয়েও আমার দিদি ছাড়া ছাত্রী পাবে না, বলে দিচ্ছি।”

উত্তেজিত ভাবে মৈত্রী জবাব দিল “সে কথা আমার জানা আছে কিরীট বাবু। মেকী-সর্বস্ব পৃথিবীতে মেকীর পাহাড়ের উপর দাঁড়িয়ে কথা না বললে সে কথা কারোর কাছেই যায় না। লোকে চায় অর্থ, দেখায় শিষ্টাচার; লোকে খোঁজে স্বার্থ, ভাগ করে ত্যাগের; লোকেরা চায় নিজেদের জাহির ক’র্তে কিন্তু মুখোস পরে আদর্শের; লোকেরা চায় সকলে সুখ কিন্তু তাদের কাছে ছড়ান হয় শাস্তি—শতাব্দীর সঞ্চিত মিথ্যা—যুগান্তের পাহাড়-প্রমাণ দুর্বলতা।

কি—এই বয়সে তোমার বেলুন অত গ্যাস জুটল কোথেকে?

মৈ—সে যেখান থেকেই জুটুক, এটা ঠিক যে আপনার শ্লেষ-কথায় সে বেলুন ধুলায় লুটাবে না?

আমার কথার মধ্যে যদি কোন সত্য থাকে, তা’ আমার বয়সের খাঠ’তিতে খাট হবে না। সৃষ্টি-গতির সঙ্গে সঙ্গে সৃষ্টি-জ্ঞানের ব্যঙ্ক-ব্যালাঙ্গত আর ক্ষয়ের দিকে যাচ্ছে না যে বলবেন নবীন যুগ হতে প্রাচীন যুগের জ্ঞান বেশী কিংবা তরুণীর জ্ঞান হতে বৃদ্ধার জ্ঞান গভীর। অভিজ্ঞতার মূল্য নির্ভর করে, কিরীট বাবু, সময়ের ব্যাপকতাই নয়, অভিজ্ঞতার তীক্ষ্ণতাই।

কি—কিন্তু আমি তো দেখছি তোমার জ্ঞানের তীক্ষ্ণতার চাইতে ব্যাপকতাই বেশী। তুমি দেখতে চাইচ অনেক খানি, ফলে দেখচ না কিছুই ভাল করে। এইটেই হল তোমার এবং সকলের পক্ষেই তারুণ্যের মুস্কিল।

মৈ—আমার দৃষ্টির তীক্ষ্ণতা কোথায় কম, সেটা বুঝিয়ে দিন। যে প্রশ্নের উত্তর আপনি নিজে লিখতে পারবেন না, আমার খোঁ খাতায় শুধু লাল পেনসিলের নম্বর বুলালে আমি অশ্রদ্ধার সহিতই সে নম্বর গ্রহণ ক’র্তে অস্বীকার করব।

কি—দেখ মৈত্রী, আমার প্রকাশ-ভঙ্গি আড়ষ্ট, আমি হয়ত নিজেকে তেমন ভাবে প্রকাশ কর্তে পারব না। কিন্তু আমার বলবার মোদ্দা কথা এই যে পৃথিবীতে সত্য-মিথ্যা কিছু নাই—আছে শুধু ভাল-মন্দ। আর এই ভাল-মন্দের ভেদাভেদ হয়েছে শুধু আর্থিক প্রভেদ থেকে। জীবনে কি সমাজে যত সব অসঙ্গতি তুমি দেখবে, তার সবকিছুরই উৎপত্তি এই আর্থিক প্রভেদে। এইটী ঘুচিয়ে দাও, দেখবে জীবন-যাত্রা সরল, সহজ ও প্রশস্ত হয়ে উঠেছে।

মৈ—আপনার কথা আমি মানি না, কিরীট বাবু। মেকীকে অগ্রাহ্য কর্তে হলে চাই মনের বীৰ্য, অর্থের প্রাচুর্যে তাহা পাওয়া যায় ন’।

কি—তুমি আমার কথা বোঝ নি কিংবা আমি আমার কথা স্পষ্ট করে তোমায় বোঝাতে পারি নি’। আর্থিক-প্রভেদ-হীন যে সমাজ, তাতে তুমি যাকে বলব মেকী, তার উৎপত্তিই হবে না। জীবনকে সার্থক কর্তে হলে আর্থিক প্রাচুর্য চাই না—যতটা চাই আর্থিক অবস্থার সমতা। এমন সময় হেমবালা ঘরে ঢুকে বল্ল “কি গো মৈত্রী বোঝাতে পারলে কিরীটকে যে তাঁর দিদি ক্ষাপাও নয় কিংবা শিষ্টাচারকে পায়ে ঠেলেও চলে না।”

মৈ—না, আমি ঠিক পাল্লাম না। আচ্ছা, আমি এখন আসি তা হলে। রাত্তায় নেবেই গাড়ী পাব আসা করি।

কি—তা হয়ত পাবে না। তুমি দাঁড়াও, আমি দিচ্ছি ডেকে গাড়ী কোথা থেকে। কিরীট ঘর থেকে বেরিয়ে গেলে হেমবালা বল্ল “তোমায় বোন ডেকে আজ কষ্ট দিলুম। তা হ’লে ও তুমি নেহাতই আপনার লোক, তাই আমি কিছু মনে করি না। ভাল কথা, মৈত্রী তোমার বাবার সঙ্গে ত আমার সাক্ষাত হয় নি, কখন গেলে ওর সঙ্গে একটু নিরিবিলি আলাপ করার সুবিধা হয়, বলত।”

“তা আমি ওকে জিজ্ঞাস করে কিরীট বাবুর কাছে বলে দিব”।

“আলাপ করা বৈত নয়, তা হলেও দেখ শীঘ্রই যেন দেখা করবার আমার সুবিধা হয়। আচ্ছা মৈত্রী, নিস্তারণ মিত্র বলে তোমার বাবার বৃষ্টি বিশেষ একজন বন্ধু আছেন”।

“আছেন এবং বাবার কাছে আসেনও প্রায়ই তবে ওর সঙ্গে হঠাৎ কতটুকু আমার যথার্থ জানা নেই”।

“সে যতটুকু হোক, যথেষ্ট আলাপ ত আছে ?”

“প্রচুর।”

হেম-বালা খানিক চুপ করে এবং পরে ভুরুটা আতোপাশু কঁচকিয়ে বল্ল “নিস্তারণ বাবুরই না এক ছেলে গেল সপ্তাহে ডেপুটী ম্যাজিষ্ট্রেট হ’ল”।

“আমার ঠিক জানা নাই”।

মৈত্রী উত্তরটা এতটা উদাসীন ভাবে দিল যে হেমবালা তৎক্ষণাৎ একেবারে ভিন্ন সুরে বলে উঠল, “তাইত, তোমার কি আর বোন এ সব খবর রাখবার কোন প্রবৃত্তি আছে? বাংলা দেশের কলেজের মেয়েরা যেমন নৃতন বড় চাকুরে ছেলেদের নাম মুখস্থ করে বেড়ায়, তুমি ত আর সে সব কলেজের ছেঁচিপেচি নও। গোলায় যেতে বসেছে বোন, গোলায় যেতে বসেছে এ কালের পাশ করা মেয়েগুলো। কিরীট আমায় কতদিন বলেছে যে তোমার জুড়ি মেয়ে কলেজে কিংবা যুনিভার্সিটিতে নাই। তোমার স্বাতন্ত্র্য দেখে সত্যি বোন আমি অবাক হয়ে গেছি?”

বলতে বলতে হেমবালা আশ্চর্য হয়ে দেখল যে মৈত্রীর মুখের উপর একটা রেখাও ফুটে উঠল না। এমন সময় কিরীট এল নীচে গাড়ী দাঁড়ানোর খবর দিল। হেমবালাকে ছোট একটা নমস্কার করে মৈত্রী অচঞ্চল গতিতে সিঁড়ি বেয়ে নীচে নেবে গেল।

কিরীট সে রাতে শুয়ে শুয়ে মৈত্রীর কথা অনেক ভাবল। এই পিতৃ-ক্রোড়ে বর্ধিতা মেয়েটী যে ঠিক অল্প দশটা শৈশবে মাতৃ-হারা মেয়ের মত নয় তা অনেকদিনই কিরীটের মনে হয়েছিল। বহুদিনই তাঁহার স্বভাব-সুলভ ব্যঙ্গোক্তি দিয়ে মৈত্রীকে উত্তেজিত করে কিরীট বেশ একটু নির্মম আনন্দও উপভোগ করেছে। তবে মৈত্রীর কথার ফেনিল উত্তেজনার মধ্যে যে পনের আনাই তাঁর তারুণ্যের নিদর্শন কিরীটের মনে সেই ধারণাটাই এক রকম বন্ধমূল হয়েছিল। কিন্তু সে রাত্রের কথাবার্তা হতে কিরীট মৈত্রীর সম্বন্ধে তাঁর আগেকার ধারণাতে সন্ধিহান হয়ে পড়ল। তাঁর যেন কেবল মনে হতে লাগল যে মৈত্রীর চরিত্রের মধ্যে সত্যই একটা আগুনের ফুল্কি কাজ ক’ছে। কিরীট ভাবতে চেষ্টা করল যে তরুণীদের দেহ-মনে একটা স্বাভাবিক উষ্ণতা থাকে, মৈত্রীর আচরণে ব্যক্ত যে বিদ্রোহ সেটা হয়ত সেই উষ্ণতারই বিকার মাত্র। কিন্তু কিরীট অনেক চিন্তা করেও মৈত্রী সম্বন্ধে এ ধারণায় পৌঁছিতে পারল না। কারণ তাঁর কাছে এটা খুব স্পষ্ট হয়ে ধরা পড়ল যে মৈত্রীর কথায় বা আচরণে যে শক্তির প্রকাশ, তা’তে তাপের চাইতেও বেশী থাকে দহন-গুণ। মেয়েদের স্বাভাবিক উষ্ণতার মধ্যে থাকে স্পর্শবেশ, মাধুর্য কিন্তু মৈত্রীর কথার মধ্যে থাকে একটা অকৃত্রিম ঝাঁজ, একটা পীড়া দেবার ব্যাগ্রতা। মৈত্রীর মধ্যে এই বিদ্রোহিনীর ঈষৎ সন্ধান পেয়ে কিরীট মনে মনে পরিতোষ লাভ করল।

এই মানসিক পরিতৃপ্তির কারণ ছিল এই— কিরীট জীবনে প্রতিকূল অবস্থার সঙ্গে লড়াই করে বুঝেছিল যে এর গলদ কোথায়? তাঁর আকাঙ্ক্ষা উচু ছিল না কিন্তু অল্প আর্থিক আশাও যখন পূর্ণ হ’ল না, তখন জীবনে সুখের স্বপ্ন মন থেকে একেবারে মুছে ফেলেছিল। কিরীট বিন্দু-মাত্র ভাবপ্রবণ ছিল না এবং নিজের জীবনের ব্যর্থতায় সে ঠিক সংসার-বিরাগী হ’ল না কিংবা সংসার-বিদ্রোহী হ’ল না? জীবনের বাস্তব রূপকে চোখের সামনে রাখতে তাঁর প্রবৃত্তি হত না এবং জীবনের কোন আদর্শ রূপ প্রচার করবার মত তার বীর্ঘের ও ছিল অভাব। কাজেই

ব্যঙ্গোক্তিভেদেই সে কর্ত নিজে প্রকাশ এবং মৈত্রীর চরিত্রের মধ্যে বিদ্রোহের আভাস পেয়ে তার হয়েছিল পরম উল্লাস। সে রাত্রে মৈত্রীর কথা ভেবে ভেবে কিরীট কল্লনা কর্ণ যে মেয়েটী যদি তাকেও ওর দিদির মত স্বার্থপর ও টনটনে বিষয়-বুদ্ধি সম্পন্ন মনে করে থাকে এবং মনে করে তার উপর ক্রুদ্ধ হয়ে থাকে, তবে সেটা বড়ই উপভোগ্য ব্যাপার হবে। সে স্থির কর্ণ যে ভবিষ্যতে মৈত্রীর কাছে আরও বিকৃতভাবে নিজের স্বরূপ প্রকাশ কোরবে। এমন আপশোষও কিরীটের হল যে সেদিন সন্ধ্যায় মৈত্রীর সঙ্গে যতটা স্পষ্ট ভাবে আলোচনা করেছিল, তা না করলেই ছিল ভাল।

(ক্রমশঃ)

—:~:—

প্রত্যর্শন

অমর ভট্ট

নবাব-জাদার প্রেমের অর্ঘ

পাষাণের চত্বরে

অনাহারী কোন বুড়ু প্রেত

ঘুরে মরে বারে বারে ;—

বর্ণনা করে কঠিন পাথর

মানুষের অবিচার

চির বুড়ু কঠিন পৃথিবী

ঋণ শোধ করে তার !—

যুগ যুগ ধরে মানুষের গড়া

প্রাণহীন ভগবান

মূকের শোণিতে তৃপ্তি পায়না
করিয়াছে অভিমান !—

প্রপিতামহের আদরের ধন—

স্বপ্ন বিলাসী কবি,
আপনার মনে চলিয়াছে একে
বিভীষিকাময় ছবি ;

মাঝখানে শুধু জাগিয়া রয়েছে
মানুষের হাহাকার ;

চির অনাহারী কঠিন পৃথিবী—
স্বাণ শোধ করে তার ।

যুগের দেবতা করে ত্রন্দন

কঠিন মাটির তলে

সবুজ ধানের সুকোমল শিষে

তপ্ত শোণিত জ্বলে ;—

ভেদ করি আজ তোমার রচিত

মরণের কুহেলিকা

মানুষের চোখে জাগে ধীরে ধীরে

সপ্ত সূর্য শিখা ;—

আদিম বাসনা ছুটে বহি যায়

টুটিয়া রুদ্ধ দার

চির অতৃপ্ত কঠিন পৃথিবী

স্বাণ শোধ করে তার !—

নেমে আসে ধীরে বিদায় গোধূলি

তবু নাই তার শেষ,

নূতন কয়লা আমদানি হয়


জ্বলে ওঠে ফার্নেস ;—

সুনীল আকাশ ঢাকা পড়িয়াছে

ধাতব আস্তরণে,

মাঝখানে বসি বিকৃত প্রেতেরা
 মরণের দিন গোণে;—
 তোমার লাগিয়া আপনারে তারা
 খুন করে বারে বার—
 চির ক্ষুধার্ত সোনার পৃথিবী
 ঋণ শোধ কর তার!—

জীবনের পথে উঠিয়াছে ঝড়
 নেচে উঠে বৈশাখী
 যুগের সারথী বজ্রা তাহার
 টেনে ধরে থাকি থাকি;
 মানুষের আশা ভবিষ্য মুখে
 করিতেছে চুষন,
 অনাগত ভ্রূণ তাই কেঁপে উঠে
 লভি নব শিহরণ;—
 যুগ যুগান্তে আলো আধারের
 অপূর্ব সঙ্গমে,
 তোমার বক্ষে ক্ষুধার বাসনা
 যত উঠিয়াছে জমে,
 সব কিছু তার চিতার মতন
 করে অনলোদগার
 চির বুড়ু সোনার পৃথিবী
 ঋণ শোধ কর তার!!—



সমসাময়িক রাজনীতির ইঙ্গিত

অনিল চন্দ্র রায়

গান্ধীজি কিছুদিন আগে একটা কোলাহল তুলেছিলেন, সে কোলাহল আজ কামানের গর্জনে চাপা পড়েছে। কোলাহলটা আর কিছুই নয়, ইংরেজের বিরুদ্ধে একটা নৈতিক প্রতিবাদের শোরগোল মাত্র। এ নিতান্তই আধ্যাত্মিক এবং বিপ্লবাত্মক অহিংস। কিন্তু এই অহিংসা আজ পৃথিবীব্যাপী রক্তসমুদ্রে অস্ত গিয়েছে। দুটো ঘটনা আজ সমসাময়িক রাজনীতিতে প্রবলভাবে দেখা দিয়েছে; একটা হ'ল, য়ুরোপে যুদ্ধের নির্মম বিস্তৃতি; অপরটা হ'ল, ভারতে হিন্দুমুসলমানের রক্তারক্তি। য়ুরোপে মানুষ আজ ছিন্নমস্তার মত রক্তগঙ্গা সৃষ্টি করেছে; ভারতবর্ষেও টাটকা রক্তের ফিনকী ছুটেছে পাথে ঘাটে। এর মাঝেও বৃদ্ধ মহাত্মা অহিংসার বীণা বাজাচ্ছেন, সেবাগ্রামের নিরীরা মাঠে বসে। তাঁর যুদ্ধ প্রেমসঙ্গীতের বিরাম নেই।

কিন্তু বাস্তব বড়ো নির্দুর। হৃদয়বৃত্তির দিকে সে ফিরেও তাকায় না; মানুষের আকুলতাকে সে পায়ে মাড়িয়ে চলে। স্তম্ভীকৃত শবের ওপর দিয়ে সে চালিয়ে দেয় জগন্নাথের রথ। সমস্ত কৃত্রিম মাধুর্যকে সে কেটে-করে খান্ খান্; সে হলো ইম্পাতের তলোয়ার। মিথ্যা আর শুধু কথার সে হলো কালান্তক শত্রু। দুটো বাস্তব ঘটনা আজ ভারতীয় জীবনের সমস্ত মিথ্যাকে গুড়ো গুড়ো করে দিয়েছে। সাম্প্রতিক রাজনীতিতে সে মিথ্যা হলো, 'অহিংসা'। আমাদের রাজনীতিতে এতদিন রাজত্ব চলেছে এই মিথ্যার। সত্যগ্রহই হয়েছে মিথ্যাচারের অমোঘ মন্ত্র। বিশ্বাস নেই, অথচ স্থানে-অস্থানে এই মন্ত্রজপের বিরাম নেই। এতদিন এই ভণ্ডামী চলেছে। কারণ বাস্তবের ডাক এসে আমাদের ঘুমন্ত প্রাণে পৌছায়নি। কিন্তু আজ কালপুরুষ হানা দিয়েছে আমাদের দরজায়। তাসের ঘর তাই ভেঙ্গে পড়ছে।

কংগ্রেস হলো ভারতের রাজনৈতিক সংগ্রামের শ্রেষ্ঠ যন্ত্র। সে যন্ত্র এই গান্ধীবাদীয় মিথ্যার প্রভাবে বিকল হয়ে পড়ে আছে। বিপুল শক্তি, অকুরন্ত সম্ভাবনাকে বিফল করেছে এই সার্বজনীন অহিংসার মারাত্মক মৌতাত। এই মৌতাতের আবেশে আমাদের পুরুষ হয়েছিল স্তিমিত, আমাদের ব্যক্তিত্ব হয়েছে ম্রিয়মান। ভারতবর্ষ ভরে তাই বিচরণ করে বেড়াচ্ছে অকর্মণ্য ক্লাবের দল। একেতো দীর্ঘদিনের পরাধীনতা, তার ওপরে এই অহিংসার বিষ। আমাদের রক্তে যে ওজস্বিতা ছিলো তার মৃত্যু হয়েছে। তাই অন্ধ্যায়ের বিরুদ্ধে আমরা বজ্রের মতন গর্জে উঠিনে। মিথ্যার প্রতি ঘৃণায় আমরা হিংস্র হয়ে উঠতে পারিনে। চোখের সামনে পাশবিকতা দেখেও আমাদের নাড়ীতে নাড়ীতে ঝড় ওঠেনা, যে ঝড় সংসারের সকল কদর্যতাকে উড়িয়ে নিয়ে যায়।

কথায়, কার্যে, ভাবে, ভঙ্গীতে আমরা নির্লজ্জভাবে মোলায়েম। আমাদের ধার নেই, আছে স্থূলতা, বীৰ্য নেই, আছে বাকপটুতা। জীবন্ত প্রথরতা নেই, আছে পাণ্ডুর মুমূর্ষুতা। তাই রায়পুরায় পচিশ হাজার নর-নারী গুণ্ডার ভয়ে বাড়ী ছেড়ে পালায়। আত্মরক্ষার সামর্থ্য নেই, ছুঁচোখে আর্ত দৃষ্টি আর শিশুর মত অসহায়। মনুষ্যত্বের সে যে কী লজ্জাকর অধোগতি তা' চোখে না দেখলে বোঝা যাবে না। মানুষ লোপ পেয়েছে, আছে মানবত্বের প্রেত। এই প্রেতলোকের ক্রেদাক্ত আবহাওয়ায় বসে মহাত্মাজী শোনাচ্ছেন অহিংসার করুণ আলাপচারি। মানবধর্মের এর চাইতে অবমাননা আর কী হতে পারে! অবসন্ন মনুষ্যত্বকে পরিণত করা হচ্ছে ক্লীবত্ব। সেবাগ্রাম থেকে নাকি আবার কাকে পাঠান হয়েছে রায়পুরায় অহিংসার পাঠশালা খুলতে। এরই নাম হলো অদৃষ্টের পরিহাস। গান্ধীজীর চোখে সে পরিহাস ধরা পড়েনি।

গান্ধীজীর চোখে ধরা না পড়লেও, আজ সাধারণ লোকের দৃষ্টি জাগ্রত হয়ে উঠেছে। ছোটো ঘটনার কথা বলেছি, যার আঘাতে আজ মোতাতের নেশা ছুঁচোখ থেকে বিদায় নিয়েছে। মিথ্যার মুখোস খুলে গেছে। আন্তর্জাতিক পরিস্থিতি এবং সাম্প্রদায়িক কলহ এই দুয়ে মিলে আমাদের মোহকে কঠিন আঘাত করেছে। প্রাণ বাঁচাবার নির্মম দায় উপস্থিত হয়েছে, এখন আর পালিশ করা বুলিতে চলছে না। আততায়ীর ছুরি আর বোমার বিস্ফোরণে অহিংসার বাকবকে বাণী কাজে আসছে না। শাণিত অস্ত্র এবং ততোধিক শাণিত, শত্রু মনোবৃত্তির প্রয়োজন আজ ভারতবর্ষে দেখা দিয়েছে। গান্ধীজী চেষ্টা করছেন গলার সুর চড়াতে; কিন্তু তার চেষ্টার ফল হয়েছে স্ববিরুদ্ধ উক্তি। একবার হিংসা, একবার অহিংসার স্তুতি তার কলমে ও কথায় মুখর হয়ে উঠেছে। বাস্তবের কাছে তাঁকেও মাথা নোয়াতে হয়েছে। তাই আত্মরক্ষায় মানুষকে রক্তপাতও করতে পরামর্শ দিয়েছেন। ক্লীবত্ব নয়, বীৰ্যবন্তাই হলো মানুষধর্ম। কিন্তু পরক্ষণেই তাঁর তাত্ত্বিক গোঁড়ামী প্রবল হয়ে উঠেছে। আবার শুরু হয়েছে অহিংসার পাণ্ডু স্তুতি। ত্রিশলক্ষ কংগ্রেসীকে বলছেন মার খেতে, অপর সবাইকে বলছেন মার দিতে। ইতিহাসের অমোঘ গতিতে গান্ধীবাদ এসে পৌঁছেছে এই অযোক্তিক গোঁড়ামীতে। এই গোঁড়ামী লোকের কাছে ধরা পড়ে গেছে। মানুষের সহজ বুদ্ধি আজ উচ্চকিত হয়ে উঠেছে। মিছে কথায় আর চলছে না। তাই আজ কংগ্রেসে ফাটল ধরেছে। জোড়াতালি দিয়ে অহিংসার ফাঁকিকে আর বজায় রাখা সম্ভব নয়। মিঃ মুন্সির কংগ্রেস বর্জন ইতিহাসের নূতন অধ্যায়ের ইঙ্গিত করছে। নূতন অধ্যায় মানে হল— ভারতবর্ষের প্রমুখ প্রতিষ্ঠান কংগ্রেস নতুন করে সহজবুদ্ধিকে ফিরে পাবে। কিন্তু সত্যটা অতি পুরানো। সার্বজনীন অহিংসাটা যে ফাঁকি, এ তত্ত্ব অতি পুরানো। আমরা বহুদিন থেকে এ ফাঁকির বিরুদ্ধে প্রতিবাদ তুলেছি। কিন্তু মোতাতের মাত্রা ও ব্যক্তিত্বের মোহ প্রবলতর হওয়ায় আমাদের প্রতিবাদ কার্যকরী হয়নি। আজ বাস্তব পরিস্থিতি নির্দয় আঘাত হেনেছে, প্রচুর রক্তমোচনের মধ্যদিয়ে সেই আঘাত আমাদের আজ প্রকৃতিস্থ করেছে। এবং আরো করবে। ইতিপূর্বেও

ওয়াকিং কমিটির অধিবেশনে গান্ধীজীর সঙ্গে একবার অপর সভ্যদের মতভেদ হয়েছিল। অহিংসার মেকি দর্শন যে রুচিকর হচ্ছে না, তা' গান্ধীভক্তরাও স্বীকার করেছিলেন। কিন্তু গান্ধীজী আবার সেই আত্মপ্রতারণাকে কায়ম রাখবার ব্যবস্থা করলেন। আজ সেই পুরানো সত্যই আবরণ ভেঙ্গে বেরিয়ে এসেছে। শোনা যাচ্ছে বহু কংগ্রেসী নেতা অহিংসার বিরুদ্ধে বিদ্রোহের ঝাণ্ডা তুলবেন। গান্ধীজী ও নাকি কংগ্রেস থেকে অবসর নেবেন। কিন্তু গান্ধীজীর অবসর গ্রহণের ওপরে আমাদের আস্থা নেই। তাঁর নিজস্ব হলো পুনঃপ্রবেশেরই ভূমিকা মাত্র। বারবার এই প্রহসন ঘটেছে। আজ বাস্তব জীবনে এ প্রহসনের স্থান নেই।

রুঢ় প্রয়োজনের দাবি আজ তীক্ষ্ণ হয়ে উঠেছে। ভগুমীও মিঠে কথায় আজ ক্ষুধা মিটবেনা। ভগুমী বলছি এই জন্ম যে অহিংসায় কেউ বিশ্বাস করেনা। অহিংসার তথাকথিত শক্তির ওপরে কান্দুরই আস্থা নেই। অহিংসার ওপরে নির্ভর করে আগুন ঝাঁপ দেবার সাহস কান্দুর নেই। যারা অহিংসার গুণবাখ্যা করেন তাদেরই কথা বলছি। সাম্প্রদায়িক বহিঃতে 'ভস্ম হবার' জন্ম যে সব অহিংস সাধক ঢাকায় এসেছিলেন, তারা অক্ষম প্রমাণ হয়েছেন। ঢাকায় আবার ২৬শে জুন থেকে রক্তারক্তি আরম্ভ হয়েছে; রাজেন্দ্র প্রসাদ, কুপালিনী ইত্যাদি এসে গেলেন। তাদের উপস্থিতিতেই দাঙ্গা দাউ দাউ করে জ্বলে উঠলো। ইতিপূর্বে বোম্বেতে, আহমদাবাদে, বিহারশরীফেও অমানুষিক বর্বরতা ঘটে গেছে। কিন্তু কোথায় সেই অহিংস 'শান্তি ব্রিগেড', যারা আততায়ীর উত্তত অস্ত্রের সমুখে বুক পেতে অহিংসাকে জয়ী করবে। পথে ঘাটে যখন বর্বর হানাহানি চলতে থাকে, তখন অহিংস সাধকদের দেখা যায় না। আগুন নিভে গেলে তারা ঘটনাস্থলে দেখা দেন এবং শান্তি ও অহিংসার স্ততিবচন করতে থাকেন। একথা কান্দুর ওপরে ব্যক্তিগত ইঙ্গিত নয়। কারণ অহিংসা সার্বজনীন ধর্ম হতে পারে না। ছ'একজনের ধর্ম হতে পারে। যারা এই ধর্মের মুখর প্রচারক তাঁরা একটা অবাস্তব তত্ত্বকে ছড়িয়ে বেড়াচ্ছেন। 'যা' অবাস্তব, তাই হলো মিথ্যা। আর বাস্তবের সমুখে মিথ্যার মৃত্যু হবেই হবে। আজ ভারতবর্ষে অহিংসার ফাঁকি প্রয়োজনের দাবিতে ধীরে ধীরে লুপ্ত হচ্ছে। কৃত্রিম উপায়ে একে বাঁচাবার চেষ্টা করলে মনুষ্যত্বকে করা হবে পঙ্গু, ক্রীবত্বকে বসান হবে সিংহাসনে। কিন্তু আশার কথা, কৃত্রিম যা কিছু তার আয়ুষ্কাল সীমাবদ্ধ। গত বিশ বছরের লালিত মিথ্যা আজ ভারতবর্ষে শেষ সীমায় এসে উপনীত হয়েছে। তারই শঙ্কস্রনি আজ কালপুরুষ আমাদের শোনাচ্ছেন এই যুগসঙ্কিতে।

তাই সমসাময়িক রাজনীতির প্রথম ঘটনা হলো গান্ধীবাদের বিলুপ্তি। এই বিলুপ্তির দাবি আজ পারিপার্শ্বিকের মধ্য থেকেই উদ্ভব হয়েছে। আন্তর্জাতিক ঝড়ের দাপাদাপি চারদিকে; এর মধ্যে কংগ্রেসের আধ্যাত্মিক প্রতিবাদের ক্ষীণ কলরব মিলিয়ে গেছে। অত্য়কার রাজনৈতিক চিত্রে গান্ধীজী ও কংগ্রেসের স্থান নগণ্য। কংগ্রেসকে যদি বাঁচতে হয় তবে তাকে নতুন মূর্তিতে রূপায়িত করে তুলতে হবে। বাস্তব জীবনের সংগ্রামে নেমে আসতে হবে কংগ্রেসকে। অবাস্তব অহিংসা-

নীতিকে বর্জন করে সংগ্রামকে স্বাভাবিক ভিত্তিতে প্রতিষ্ঠা করতে হবে। আজ দেশে সবল ব্যক্তিত্বের প্রয়োজন, যে ব্যক্তি শারীরিক শক্তিতে ঐশ্বর্যশালী। স্থূল ক্ষাত্রশক্তি ব্যতীত জাতি বলিষ্ঠ ও দ্রুতিষ্ঠ হতে পারে না। সেই ক্ষাত্রশক্তিকে ঘুম থেকে জাগিয়ে আজ হুঁয়ার করে তুলতে হবে। সামরিক মনোবৃত্তি ব্যতীত এই দীর্ঘস্থায়ী তমোগুণের হাত থেকে দেশের পৌরুষকে কেউ বাঁচাতে পারবে না। সেদিন শ্রীমদনমোহন মালব্যও এই ঘোষণা করেছেন। “হিংসার দ্বারা হিংসাকে জয় করতে হবে; অহিংসার দ্বারা সম্ভবদ্ব হিংসাকে প্রতিরোধ করা অসম্ভব।” চারদিক থেকেই দাবি উঠেছে, পশুশক্তির প্রয়োজন আছে; সেই শক্তিকে সম্ভবদ্ব করে দেশের মনুষ্যকে রক্ষা করতে হবে।

ভারতবর্ষে প্রতিক্রিয়াশীলদের নতুন চক্রান্ত হলো পাকিস্তান পরিকল্পনা। সমসাময়িক পরিস্থিতির অনিশ্চয়তার মধ্যে এই পরিকল্পনা লালিত হচ্ছে। যুরোপে যুদ্ধ, এখানে সর্বথা সংকট; এর মধ্যে সাম্রাজ্যবাদী ভেদনীতি দেখা দিয়েছে এই ভারতভাগের পরিকল্পনায়। ভবিষ্যৎ অন্তর্যুদ্ধ ও বর্তমান অশান্তির বীজ বপন করা হচ্ছে পাকিস্তান প্রচারের সূত্র ধরে। আমরা চাই ভারতবর্ষের পূর্ণ স্বাভাব্যতা। ভারতবর্ষ হবে অখণ্ড রাষ্ট্র। মধ্যযুগে আধুনিক সংস্কৃতি-বিপ্লব ঘটেনি, সেই যুগে ও ভারতবর্ষকে খণ্ড খণ্ড করবার কল্পনা কোনো হিন্দু বা কোনো মুসলমান করেনি। আজ বিংশ শতকে যারা এই কল্পনা করছেন তারা ভারতবর্ষকে মৃত্যুর পথে পাঠাতে চান। মানুষ অতীতকে একেবারে অস্বীকার করতে পারে না। কোনো না কোনো ঐতিহ্যকে তার মানতেই হয়। ভারতবর্ষের পরিকল্পনা ও ধারণার পিছনে কোনো ব্যক্তিবিশেষের খেয়াল নেই। এর পেছনে আছে বহুযুগের ভৌগোলিক ও ঐতিহাসিক প্রয়োজন; অকাটা সামাজিক ঐতিহ্য একে ক্রমে ক্রমে বিকশিত করে তুলেছে; অনিবার্য রাষ্ট্রনৈতিক ক্রমবিকাশ ভারতবর্ষকে একটা অখণ্ড ক্ষেত্রে পরিণত করেছে। বর্তমান জগতে সংহতির প্রয়োজন সব চাইতে বেশী। ক্ষুদ্র, বিচ্ছিন্ন সত্ত্বার সার্থকতা আজ সন্দেহস্থল হয়ে দাঁড়িয়েছে। যত বেশী সংহতি হবে ততো হবে শক্তি ও স্থায়িত্ব। বিজ্ঞান এই সম্ভব ও ঐক্যশক্তির প্রয়োজন ও সম্ভাবনাকে বাড়িয়ে তুলেছে। যুরোপের ক্ষুদ্র রাষ্ট্রগুলোর আজ অস্তিত্ব নিরর্থক ও অসম্ভব হয়ে দাঁড়িয়েছে। বিজ্ঞানের বিরাট শক্তি ও উপাদানকে ব্যবহার করা আজ বড়ো বড়ো রাষ্ট্রের পক্ষেই সম্ভব। ছোট-রা আজ বড়োদের রূপায় বাঁচতে পারে। স্বকীয় মহিমায় টিকে থাকা ছোটদের পক্ষে সম্ভব নয়। তাই আজ নানা চওের নতুন ছনিয়ার (new order) ছড়াছড়ি। যারা ভারতবর্ষকে টুকরো টুকরো করে হুঁচক করতে চায় তাদের গতি পশ্চাতের দিকে। তাদের কল্লিত, বিভক্ত ভারত আধুনিক সম্ভবশক্তির চাপে ক্ষীণতাজ ও প্রাণহীন হয়ে পড়বে। সামরিক ও আর্থিক শক্তিতে ভারতবর্ষ হবে তৃতীয় শ্রেণীর নগণ্য রাষ্ট্র। যারা ভারতবর্ষের জাতীয় কলাপ চান, তাদের সকল প্রচেষ্টার ভিত্তি হবে ‘অখণ্ড ভারত’। চল্লিশ কোটি মানবের সর্বাঙ্গীন সমৃদ্ধি হবে তাদের লক্ষ্য। সমস্ত জাতীয়তাবাদীদের একত্র হতে হবে

এই অথও ভারতের পীঠভূমির ওপরে। হিন্দু হোক, মুসলমান হোক, খৃষ্টান হোক, পার্শী হোক, সকলের সমষ্টি-স্বার্থই হলো ভারতবর্ষের পূর্ণ অথওতা। সমস্ত ভারতে জাতীয় সংগ্রামের ভিত্তি হলো এই অথওতা। মধ্যযুগীয় বিভেদ-চেষ্টাকে প্রতিরোধ করে সমগ্র ভারতীয় সমাজ পরিকল্পনা যাতে সম্ভব হয় তার জগ্গ সক্রিয় হতে হবে। সাম্প্রদায়িক মনোবৃত্তির প্রতিষেধক হবে একমাত্র এই “অথও ভারত” মনোভাব। মিঃ মুল্লী এই মনোভাবের সমর্থন করে অন্তর্দৃষ্টির পরিচয় দিয়েছেন।

ভারতবর্ষে কেন্দ্রাতিগ শক্তিবিশ্বাস আরম্ভ হয়েছে। ভিতরে যেমন পাকিস্তান প্রস্তাবে এই মনোবৃত্তির প্রকাশ হচ্ছে, তেমনি বাইরে থেকেও এই মনোবৃত্তির পরিপোষক সমর্থন আসতে পারে। বহির্ভারতীয় শক্তি ও এমন আছে যারা ভারতকে ব্যবচ্ছিন্ন করে দুর্বল করাটাকে স্বার্থ-সম্পন্ন মনে করে। সাম্প্রদায়িক দাঙ্গাগুলোর সঙ্গে এই আন্তর্জাতিক সম্বন্ধবিশ্বাসের যোগ আছে বলে অনেকেই মনে করেন। যুদ্ধ যতই ঘোরালো হবে ততই স্বার্থসম্বন্ধের পক্ষে গোলমাল করা সুবিধাজনক হবে। ফলে স্থানে স্থানে হাঙ্গামা, বিশৃঙ্খলা, অন্তর্যুদ্ধ ইত্যাদি আরম্ভ হবেই। এই বিশৃঙ্খলার মধ্যে আত্মরক্ষা করবার জগ্গ সংহতি গড়ে তোলা বই অগ্গ উপায় নেই। যুদ্ধের গতি ভারতবর্ষের দিকে। জার্মান আক্রমণের কক্ষ ইরাণ পার হয়ে ভারতের দিকে বিসর্পিত। এদিকে জাপানের অভিমুখিও ভারতের অভিমুখে উচ্চকিত হয়ে উঠছে। আন্তর্জাতিক আবর্তের টানে ভারতবর্ষের গতিও জটিল হয়ে উঠেছে। এই সব নানা সংঘাতের ফলে ভারতবর্ষের ভিতরকার পরিস্থিতিতেও বিক্ষোভ দেখা দেবে। এই বিক্ষোভেরই অগ্রদূত হলো এইসব সাম্প্রদায়িক হাঙ্গামা। এই হাঙ্গামার মধ্যে রাজনৈতিক আদর্শকে সম্মুখে রেখে অগ্রসর হতে হবে। সে আদর্শ হলো সর্বভারতীয় সমাজব্যবস্থা। এবং তার প্রথম ধাপ হলো সর্বভারতীয় রাষ্ট্রীয় স্বাধীনতা। আজ যে আন্তর্জাতিক পরিস্থিতি দেখা দিয়েছে তাতে সর্বসাধারণের সংহত চেষ্টার প্রয়োজন। একদিকে অস্ত্র-ভারতীয় বিশৃঙ্খলা, অগ্নিদিকে বহিরাগ্রমণ; এই দুই থেকেই রক্ষা পেতে হলে গণসমাজকে সংঘবদ্ধ ভাবে প্রস্তুত হতে হবে। কেবল মাত্র সৈন্যদলের দ্বারা আজকালকার যুগে যোলানা কাজ হয় না। নাগরিকদেরও দলবদ্ধ হয়ে স্বাবলম্বী হতে হয়। ইংলেণ্ড ও অগ্নাঙ্ক সকল দেশেই নাগরিক সাধারণ আজ বাধ্য হয়ে সংঘবদ্ধ হয়েছে। ছেলে, মেয়ে, প্রৌঢ় ইত্যাদি সকল শ্রেণীর লোকই “সমগ্র লড়াইর” যজ্ঞে সাধ্যমত অহুতি দিচ্ছে। এদেশেও সেই সমষ্টি-চেতনাকে জাগিয়ে তুলে সংঘবদ্ধ করতে হবে। নতুবা আসন্ন বিপদে রক্ষা নেই।

ভারতের কল্যাণই হবে ভারতবাসীর সকল বিচারের একমাত্র কণ্ঠিপাথর। আজ বামপন্থীদের অনেকেরই ভুল ভাঙছে হয়তো। কিছুদিন আগে কংগ্রেস সোশ্যালিস্ট দলের এক প্রস্তাব পাস হয়েছে, তাতে গান্ধীবাদীয় নীতি ও পদ্ধতির বিরুদ্ধে তীব্র আক্রমণ করা হয়েছে।

অনেক দেরীতে হলেও এ শুভ লক্ষণ সন্দেহ নেই। গ্র্যাশিয়াল ফ্রন্ট দলেরও কোনও সক্রিয় অস্তিত্বের পরিচয় জাতীয় জীবনে নেই আজ। দক্ষিণীদের সঙ্গে ঐক্যের লোভে তাদেরও বামপন্থীয় স্বাভাবিক বিসর্জন দিতে হয়েছে। আজ যুদ্ধের ও সাম্প্রদায়িক কলহের পটভূমিকায় গান্ধীয় সংগ্রামের চিহ্নও লুপ্ত হয়ে গেছে। ভারতবর্ষে আজ সকল কলরব স্তব্ধ হয়েছে। সকল প্রোগ্রামের নিষ্ক্রিয় অবসান ঘটেছে গত এক বছরের মধ্যে। এই অবস্থায় গ্র্যাশিয়াল ফ্রন্ট দলেরও ভুল ভেঙ্গেছে কিংবা আজো কংগ্রেসী ঐক্য ও দক্ষিণী মিতালীর ধূয়ো ধরে অতীতকে আঁকড়ে পড়ে থাকার চলেছে, তা জানিনে। তবে বামপন্থী ঐক্যকে বিনষ্ট করে ভারতীয় সংগ্রাম-শক্তিকে এরা দুর্বল করেছিলেন। আজ কর্মের ঘর জুড়ে শূন্য রয়েছে। কোন কথার স্থপ দিয়ে সে শূন্যকে ভরলে ভারতীয় স্বাধীনতার পথ স্তম্ভ হবে না। অথচ তাই আজ তথাকথিত বামপন্থীরা করছেন। তার ফলে তাদের কথায় ও কাজে হচ্ছে বিরোধ, তাদের কথা হচ্ছে পরস্পরবিরোধী। পৃথিবীর সঙ্গে যোগ না রেখে কেবল সমাজতান্ত্রিক স্বপ্নলোকে পাখা মেলে উড়লেই পৃথিবীতে শ্রমিক-মজুরের স্বর্গ বসবে না। যেখানে কাজ নেই কেবল কথা, সেখানে এই অবাস্তব মনোবৃত্তিই পেয়ে বসে মানুষকে। তাই আজ রুশ-জার্মান যুদ্ধের খবরে কাগজে কাগজে রুশশ্রীতির বাণ ডেকেছে। যখন কার্যকরী সাহায্য করবার ক্ষমতা নেই একবিন্দু, তখন সহানুভূতির উচ্ছাস দেখানো সহজ। তাই যারা ভারতীয় স্বাধীনতার জন্য কোন কার্যকরী প্রোগ্রাম নিয়ে মাথা ঘামান না তারা আজ সুদূর রুশিয়ার বিপদে অশ্রুবাকুল হয়ে উঠেছেন। যদি বামপন্থীদের ভারতবর্ষে সমাজতন্ত্র প্রতিষ্ঠার গরজ দুর্বল হতো, তবে ভারতের স্বাধীনতার সংগ্রামকেও তারা দুর্বল করে তুলবার তপস্যা করতেন। কিন্তু কোথায় সে দুর্বল গরজ? স্বাধীনতা সংগ্রাম এখানে বিচ্ছিন্ন হয়ে দুর্বল হয়ে রইলো; বামপন্থী ঐক্য পড়ে রইলো অনিশ্চিত কালের জন্য; জাতীয় সংহতি ভেঙ্গে গেল খান খান হয়ে; কংগ্রেস দ্বিধাভিন্ন; হিন্দু-মুসলমানে রক্তারক্তি চললো মাসের পর মাস। তার জন্য দুশ্চিন্তা নেই; এই মর্মান্তিক দুর্যোগকে অবসান করবার প্রাণান্ত প্রয়াস নেই; আছে কেবল পরস্পরকে গালাগাল দেবার মূর্ততা ও আত্মসম্মতির দুর্বিনীত অহঙ্কার। শ্মশানের অন্ধকারে বসে আমরা একে অন্বেষণ দোষ ধরছি; অথচ সন্ধিক্ষণ দ্রুতবেগে অতিক্রান্ত হয়ে চলেছে। সেদিকে আমাদের খেয়াল নেই। কিন্তু রুশিয়া যুদ্ধে আক্রান্ত হয়েছে শুনে আমরা আর দুঃখে বাঁচিনে। সমাজতন্ত্রের শোকে আমাদের দুই চোখে একেবারে সমুদ্রের পানি বিগলিত হচ্ছে।

আমরা সমাজতন্ত্রের সমর্থক, রুশিয়া সমাজতান্ত্রিক রাষ্ট্র। সুতরাং আমাদের সহানুভূতি সমাজতন্ত্রের দিকে আঁকট। কিন্তু আমরা চাই ভারতবর্ষে সমাজতন্ত্রের প্রতিষ্ঠা। ভারতীয় সমাজতন্ত্র ও ভারতীয় স্বাধীনতাই হল আমাদের সকল প্রচেষ্টার মৌলিক প্রেরণা। রুশিয়াকে সাহায্য করবার সামর্থ্য আমাদের নেই, আমরা কেবল কাগজ-কলমে প্রস্তাব পাস করেই খালাস। অক্ষমদের এই নিরর্থক উচ্ছাস ভাবানুভূতির মূল্যে মূল্যবান হতে পারে; কিন্তু ব্যবহারিক মূল্যের

বিচারে এ নিতান্ত হাস্যকর। যারা নিজেকে সাহায্য করতে পারেনা তারা অপরকে সাহায্য করবার আশ্বালন করলে হাসির ব্যাপার হয় বই কি! যারা কুশিয়াকে সাহায্য করবার জন্ত প্রস্তাব পাস করছেন তারা ভারতের স্বাধীনতার লড়াইও চালাবেন বলে আশ্বাস দিয়েছেন। এ ছোটো কাজ একই সঙ্গে সম্পাদন করা যে সম্ভব নয় তা তাদের বোধগম্য হয়নি। তবে মোল্লার দৌড়ের মত, আমাদের দৌড়ের সীমাও কাগজ-কলম পর্যন্ত তাই রক্ষা। তাতেই হৃদিক রক্ষা করে দিবি “ডুড্ ও টামাক” দুই-ই খাবার সুবিধাকে বজায় রাখা চলেছে। ভারতীয় কর্মক্ষেত্রে আজ সর্বব্যাপী শূন্যতা। সেই শূন্যতার মধ্যে বসে আমরা ফাঁকা আওয়াজ করছি, আর paper bullet ছাড়ছি।

এই নিষ্ক্রিয়তার অবসান করতে হবে। অবাস্তব মনোবৃত্তিকে বর্জন করে আজ সাম্প্রতিক পরিস্থিতির সম্মুখীন হতে হবে। যে শোচনীয় ছর্দশার পথে আমাদের জাতীয় জীবন আবদ্ধ হয়ে পড়েছে তার থেকে মুক্ত হতে হলে চাই অথও ভারতের সংহতি; অহিংসাকে বর্জন করে চাই জীবনের বাস্তব দর্শন; সাম্প্রদায়িকতার পরিবর্তে চাই সর্বভারতীয় প্রচেষ্টা; ক্ষাত্রশক্তির উদ্বোধন চাই সকল ক্লীবনের উর্ধ্বে; গ্রামে গ্রামে, শহরে শহরে চাই আত্মরক্ষার কেন্দ্রস্থাপন। প্রতিক্রিয়াশীল সাম্রাজ্যবাদীদের কজা থেকে মুক্ত করে আনতে হবে গণসমাজকে এবং তাদের করতে হবে সংঘবদ্ধ। কিন্তু তার জন্য চাই প্রগতিশীলদের ঐক্য। অগত্যা পরিস্থিতিতেও কি সেই ঐক্য সম্ভব হবে না?



জীবন সন্ধ্যায়

অমিয়া দাস

মোর জীবনের সন্ধ্যা বেলায়

রূপের প্রদীপ জ্বালিয়ে এলে

মরমী গো! মোর মরমের

মৌন বাণী শুনতে পেলে!

—এই আঙ্গিনায় তাই কি এলে পথ ভুলে?

আজকে আমার বিদায় বেলা

খেলতে এলে ফুলের খেলা;

আজ অবেলায় গাঁথ'ব কি হয়,

তোমার মালা বরা ফুলে!

আজ যে আমার জীবন দোলে

আলোছায়ার মাঝখানে

নিরুদ্দেশের যাত্রী আমি

ডাক্লে কেন ঘরের পানে?

এলে যদি হে বিজয়ী

শোনাও গো সুর চিন্ত-জয়ী

মরণ হয়ে এসো, প্রিয়,

আঁধার-রথে লওগো তুলে।

কুৎসিত

রাখাল ভালুকদার

ছুটন্ত রাস্তাখানি চৌমাথায় আসিয়া থামিয়া পড়ে। ট্রাম বাস ও মোটর চলাচল কিছুক্ষণের জন্য বন্ধ হইয়া যায়;—সেটা যেন শ্রান্তিভরা চক্ষু দুটি বুঁজিয়া আসার মতো। কোলাহল-খিল্ল সহরের মাঝে এ দৃশ্য হঠাৎ কারো চোখে পড়ে, কিন্তু তার বিচিত্রতা মোটর উপর লক্ষনীয় নয়। গৃহযাত্রী নবনীধরের চোখে রাস্তার এই অদ্ভুত গতিবিরতির চিত্র ধরা পড়িল না। রাস্তা সে পার হইতেছিল এবং হইয়াও গেল ডান ও বাঁপাশে তেরচা সশব্দ একটি দৃষ্টি হানিয়া। রাস্তার সুকঠোর পাষাণময় চেহারা হয়ত তার চোখে কেবলমাত্র পড়িল—আর পড়িল কেমন করিয়া সেই রাস্তাকে আঁষ্টেপুষ্টে গাঁথিয়া ফেলিয়া ট্রামের লাইন দুইটি সুদূর প্রসারিত। নবনীধরের কাছে বরং সেদিন রাস্তা পারাপার হওয়া খানিকটা সহজ বোধ হইল। কেমন করিয়া এ সম্ভব হইল? আধ মিনিটের জন্য চলন্তিক রাস্তাটি হাঁপ ছাড়িয়া লইল। তার পরই ক্ষুদ্রাঘোষে বিরাটাকৃতি মোটর বাস হাঁস-ফাঁস করিতে করিতে মোড়ের মাথায় আসিয়া দাঁড়াইল। যন্ত্রের আশ্ফালন বিক্ষুব্ধ হইয়া উঠিল ছাড়া পাইবার জন্য। —গৌ-ও-ও-হু-স হুই—

ব্রেক কষিবার সূতীক্ষ্ণ আওয়াজ।

কয়েক সেকেন্ডের জন্য। আবার ছুটন্ত রাস্তাখানি বর্ষার ফলায় সহরের এক অংশকে বন্ধ করিয়া ছুটিয়া চলিল। হাত মিলাইয়া সে সুবিধা মাফিক বিভিন্ন রাস্তার কর-স্পীডন করে; ছাড়পত্রের জন্য আবেদন জানায় পুলিশের নিকট। রাস্তাগুলি ছুটিতে ছুটিতে একে অপরকে পথের সন্ধান দেয়।—মাগ্নুষের তৈরি রাস্তার কোনরূপ স্ব-বিরোধ নাই।

* * * * *

নবনীধরের অত ভাবিয়া দেখিবার সময় কম। সে ফিরিতেছিল লম্বা লম্বা পা ফেলিয়া। সারাদিন ঘুপচি গুমোট ঘরের ভিতর থাকিয়া কলুর ঝাঁড়ের মতো কাজের জোয়াল কাঁধে লইয়া বিরক্তিকর পুনরাবৃত্তিতে দিন গুজরান ছাড়া আর কি,—তাই সে সন্ধ্যার পর একটু ঘুরিয়া আসে উন্মুক্ত খোলা প্রান্তরে।

সে চাকুরি করে সওদাগরি অফিসে। ধর্মতলার মোড় পর্যন্ত হাঁটিয়া আসিয়া সোজা সে মাঠে চলিয়া যায়। ঘণ্টা দেড়েক বড়াজোর সে টিকিয়া থাকে সেখানে। ফিরিয়া আসিয়া এসপ্লানেড হইতে কালীঘাটের ট্রামে দ্বিতীয় শ্রেণীর একটি দ্বি-যাত্রিক বেকিতে জুং করিয়া বসিয়াও

তবু সে আরাম খোঁজে। কিন্তু জীবন-বিধাতা তাকে ক্ষুধ করে তিক্ত অসন্তোষ দিয়া, নবাগত যাত্রীটি নবনীধরের পাশে বসিয়া নবনীধরের মতোই সে একাকীত্বের কামনা জানায়, বোধ করি, অদৃশ্য দেবতারই নিকট।

নবনীধরের তাই কোনদিন একলা একটি বেষ্টিতে ফেরা হয় না।

সেদিন তো হইবার কোন উপায়ই ছিল না। যা ভিড় ছিল তাতে ফুটবোর্ড পা রাখিবার জায়গারও স্থায়িত্বের নিশ্চয়তা ছিল না—একেবারে ঠাসা ঠাসি গাদাগাদি অবস্থা।

আকাশখানা বোধ হয় পরিষ্কার। গরমে ভাঁপিয়া উঠিবার যোগাড়। দেহনিসংরিত ঘাম আসিয়া পাঞ্জাবী আঁটিয়া ধরিতেছে,—নবনীধর হাজার করিয়াও ঘামের সহিত পারিয়া উঠে না। তার উপর হুমকির ভয় আছে। হুমকি খাইয়া বেশ খানিকটা সে ঘামিয়া নেয়। কুঞ্চিত কপালে ফুটিয়া ওঠে ঘর্মরেখা, পাঞ্জাবীর আস্তিনের ডগা দিয়া সে মুছিয়া নিয়া বড়ো সাহেবের টেবিলে ফিতে বাঁধা ফাইলগুলো রাখিয়া আসে।

সাহেবের ইংরেজী ভাষা খুবই বনেদি, কিন্তু সাহেবদের মুখে তা মুখর নয়। স্বল্পভাষণে ওরা ধাতুদ্রব।

ডাকঘন্টা বাজিয়া উঠে, ক্রিং—বেয়ারা আসিয়া দাঁড়ায় ভেজানো দরজার সামনে আবার নবনীধরের তলব পড়ে। ফাইলগুলো বগল দাবা করিয়া সে আবার ফিরিয়া আসে। চাকুরী পঞ্জীর একধেঁয়েমির একটি জেরটানা পরিচ্ছেদ। তিরিশ দিনের ভিতর একটি দিনকেও আলাদা করিয়া ধরিবার জো নাই।

নবনীধর জগুবাবুর বাজারের সম্মুখে আসিয়া ট্রাম হইতে নামিয়া পড়িল। আকাশের মনগুমরা স্বভাবের জন্য সে তিক্ত হইয়া উঠিল, কেন? ছিঁচ-কাঁচুনে স্বভাবটা ওর গেল না কিছুতেই! বৃষ্টি তো এখন নামিবে এবং নামিয়াছেও বেশ। কিন্তু একটু রহিয়া সহিয়া নামিলে হয়ত তার সুবিধা হইত। পদ্মপুকুর রোডের ৭২-এ, নম্বরের বাড়িটা বেশী দূরে নয়। হাঁটিতেও সে স্নুর্ক করিয়া দিল।

মোড়ের মাথায় আসিয়া সে দাঁড়াইল। পানের দোকানে গিয়া সে গত পাঁচদিনের পান খাইবার দেনা শোধ করিল—সাত পয়সা। দুইটি আনি দিয়া সে একটি পয়সা ফিরাইয়া লইল। নাতিস্পষ্ট রাস্তা, আলো-নিয়ন্ত্রিত কলিকাতা নগরী। হায়রে রূপনগরীর গৌরব! বাতিছাড়া সে রূপের কুশ্রীতাই গোখে পড়ে।

নবনীধর হাঁটিতেছিল। অ্যা, একি……। লাইটপোষ্ট ঘেঁষিয়া আসিয়া দাঁড়াইল একটি ছায়ামূর্তি। কতকগুলি লোকও সামনে দিয়া হাঁটাহাঁটি করিতে লাগিল, এবং মুখ টিপিয়া তারা

হাসিতেছিল ইতর ভাবে। নবনীধর আগাইয়া গেল। অমনি ঝপ্ করিয়া তার গায়ের পর আসিয়া পড়িল দিতলের রংক হইতে মেলিয়া দেওয়া একখানা শাড়ী। উপরে নজর ফেলিতেই নবনীধরের চোখের সম্মুখ হইতে কে যেন সরিয়া গেল। চুড়ির আওয়াজে সে ঝাঁচ করিয়া লইল। হাতের চুড়িগুলি অনর্থক বাজিয়া উঠিল দীর্ঘছন্দে।

—র'ক থেকে আপনাদের শাড়ীখানা পড়ে গিয়েছে—বলিয়া রাস্তা হইতে শাড়ীখানা তুলিয়া লইয়া সে আগাইয়া যাইতে লাইটপোষ্ট ঘেঁষা সেই বিবসনা ছায়ামূর্তি মাংসল দেহিনীর রূপ পরিগ্রহ করিল।

একি নগ্নমূর্তি নবনীধরের চোখের সামনে!—ওং, কী কুৎসিত—। শাড়ীখানা লাইটপোষ্টের উদ্দেশ্যে ছুঁড়িয়া দিয়া মাথা হেঁট করিয়া ছুটিয়া চলিল নবনীধর।

মাথা খারাপ হবে হয়ত মেয়েটির!

মেস-এর দরজায় পা দিয়া সে হাঁপ ছাড়িয়া বাঁচিল। নবনীধর ঘামিয়া একেবারে ভিজিয়া উঠিয়াছে। তালা খুলিয়া ঘরে ঢুকিয়া সে আলো জ্বলাইবার সাহস পাইল না। চূপ করিয়া সে বিছানায় পড়িয়া রহিল। মনকে সে ঠেকাইয়া রাখিতে পারিল না, রাস্তায় যেন ছুটিয়া সে আবার বাহির হইয়া পড়িল। শব্দ করিয়া নিজের দেহকে সে নিশ্চল করিয়া রাখিল। দুর্বলতা আসিয়া পড়িয়া কেন যে মনকে উদ্দাম করিয়া তুলিল।

মানুষের আদিমরূপ তবে কী কুৎসিত!





বর্তমান যুদ্ধ সম্পর্কে পামি দত্ত

১৯১৪ সনের পূর্বের বছরগুলিতে যারা বয়স্ক ছিল তাদের মনে পড়বে কিভাবে রক্ষণশীল-দল ভিরিশ বছর আগেও সামরিক আরোজন বাড়াবার ও যুদ্ধে যোগদান বাধ্যতামূলক করবার জ্ঞাত দাবী করেছিল এবং সেসময়েও তাদের প্রধান যুক্তিছিল জার্মান কর্তৃক ইংলণ্ড আক্রমণের সম্ভাবনা। সেই একই কৌশল আজও নেওয়া হচ্ছে। যেই অসম্ভাব্য চরম সীমায় ওঠে চার্চিল অমনি ইংলণ্ড আক্রমণ সম্পর্কে আর একবার বক্তৃতা করেন। ব্রিটিশ প্রপাগান্ডার দৌলতে পরপর বহু কাল্পনিক তারিখ হিটলারের মুখ দিয়ে বলাচেনা হয়েছে।

ধনীরা এ-যুদ্ধ থেকে কোটি কোটি টাকা লাভ করছে..... ১৯১৬এর পেট্রোগ্রাডের সঙ্গে ১৯৪১এর লওনের তুলনা হয়!

নূতন এক উদারনৈতিক শ্রমিক-দল—ল্যাব্‌র, ব্রেলস্‌ফোর্ড, উইলিয়াম, বেভিন, কিংসলী, মার্টিন প্রভৃতি বামপন্থী বীরেরা তাদের নূতন মতবাদ নিয়ে আরো এক পা অগ্রসর হয়েছেন এবং কৃত্রিম বিপ্লবীর এমন কি মার্ক্সীয় চমকবেশে সাম্রাজ্যবাদী যুদ্ধে যোগদানের নীতি সমর্থন করছেন। এরা স্বীকার করেন—যে এটা সাম্রাজ্যবাদী যুদ্ধ কিন্তু একনিঃশ্বাসে এও বলেন যে এটা কেবলমাত্র সাম্রাজ্যবাদী যুদ্ধ নয় (‘ল্যাব্‌র—ইহা কি সাম্রাজ্যবাদী যুদ্ধ?’)

ব্রিটিশ টরি শাসকগণ—এরাই প্রতিক্রিয়াপন্থী বিশ্ব-বিপ্লবের নেতা। এরা ফ্রান্সের চরম ফ্যাসিস্ট ডিগলের, জার্মানির প্রতিক্রিয়াশীল রুশনিগ-ষ্টেসারের, পোলাণ্ডের সোভিয়েট-বিরোধী কুটিল সিকোরিস্কির সঙ্গে নিতালি করছেন। এরাই এখন ‘ইউরোপীয় বিপ্লবের’ এবং ‘শোষণের বিরুদ্ধে সর্বস্বার্থের সংগ্রামের’ নেতা বলে ঘোষিত হচ্ছেন!

(‘লেবর মাস্থলি’—Labour Monthly.)

পার্ল বাকের স্পষ্টভাষণ

গণতন্ত্রের জন্ম ইংলণ্ডের ভৌগলিক সীমানায় সম্বুত হতে দিলে চলবে না। কারণ ইংলণ্ডের বাইরেও গণতন্ত্রের আওতায় রয়েছে অগণিত মানব-সমাজ যাদের আজ ডাক পড়েছে যুদ্ধে গণতন্ত্রের স্বাক্ষর জেতে—অথচ এরা জানেনা গণতন্ত্র কি কল্যাণ বহন করে আনে, কি-ই বা তার রূপ।

আমার মনে পড়ছে ভারতের লক্ষ লক্ষ মানব-সমাজের কথা—আত্ম-স্বাতন্ত্র্যের কোন অধিকার যাদের নাই। যে গণতান্ত্রিক শাসন তাদের রেখেছে গণতন্ত্রের ছোঁয়াচের বাইরে, যে শাসনতন্ত্র ভারতের প্রজাতন্ত্রের নেতা পণ্ডিত জহরলালকে চার বছরের জন্ত কারারুদ্ধ করেছে—তারাই নিরাপত্তার জন্ত আজ ভারত লোকবল ও সমরোপকরণ বাধ্য হচ্ছে যোগাতে।

আমি আমেরিকার সমাজে অপাংক্তেয় ও নির্ধাতিত ১ কোটি ২০ লক্ষ নিগ্রোদের কথা আজ মনে করিয়ে দেব। আমেরিকার স্বৈচ্ছিক অধিবাসীরা নিগ্রোদের নিম্নমভাবে অত্যাচার করেছে; তাদের সামাজিক, অর্থনৈতিক ও সাংস্কৃতিক জীবন সর্বতোভাবে পঙ্গু করার ব্যবস্থা করেছে, আর আজ তাদের তাগিদ এসেছে গণতন্ত্রের সাম্য ও স্বাধীনতার দ্বার আগলাবার জন্ত। তারা যদি আজ জানতে চায় এ কার স্বাধীনতা? কিসের সাম্য?—তাদের অপরাধটা কোথায়?

চীনের চানীদের কথা আজ আমার মনে পড়ছে। তাদের উপর অত্যাচার না করেছে কে?—সরকার, দনী, বুদ্ধিজীবী সকলেই। চানীদের মধ্যে শতকরা পঁচাত্তর জনই অশিক্ষিত। তারই স্বেযোগ নিয়ে কখনও বা তাদের পঞ্চাশ বছরের ট্যাক্স আগাম আদায় করে দারিদ্রের চরম দুর্গতির মাঝে পৌছে দেওয়া হয়েছে; ট্যাক্স পাবার জন্ত তাদের উপর আফিম চাপান হয়েছে। বছরের পর বছর দুর্ভিক্ষ ও বন্যায় বংশের পর বংশ লোপ পেয়ে গেছে—তবুও তাদের দুর্গতির আশ্রয়ের কোন চেষ্টা হয় নাই। তাদেরই ভাগ্যবান দেশবাসীরা পরম নিশ্চিন্তে চানীদের এই নিম্নম মৃত্যুকে লক্ষ্য করেছে, কারণ তাদের চোখে এটা হ'ল জন-সংখ্যার অপরিসীম বৃদ্ধির একটা প্রতিকারের পথ। আর আজ এই চীন চানীরাই তাদের শত্রুদের অমিততেজ বাধা দিচ্ছে।

জনসাধারণের স্বার্থ যদি আমরা উপেক্ষা করি তবে গণতন্ত্রের নামে কার স্বাধীনতা ও সাম্য আমরা রক্ষা করতে সমর্থ প্রস্তুত হচ্ছি? গণতন্ত্রের সীমানায় যারা বাস করে তাদের যদি না বাঁচাই তবে কি গণতন্ত্র রক্ষা পাবে? হিটলার হয়ত বা হারবে কিন্তু গণতন্ত্রের এই সর্বব্যাপী ফ্রন্ট যদি আমরা স্বীকার না করে নেই, গণতন্ত্রের হারও অনিবার্য।

এটা আমাদের বোঝা উচিত যে পরস্পরের দুর্বল স্থানগুলি যদি চোখ ঠেরে যাই আমাদের বিপদ কাটিবে না। আমেরিকাবাসীরা নির্ভয়ে ভারতের কথা বলবে; নিগ্রোদের অবস্থিতিও স্বীকার করতে তাদের সঙ্কোচ বোধ করলে চলবে না; তেমনি আজ আমেরিকা ও ইংলণ্ডের চীন সম্বন্ধেও সত্যভাবণে ভয় পেলে চলবে না।

সাম্যের দেশ আমেরিকা পণ করেছে গণতন্ত্রের ঘর সামলাবে আর তাদেরই ঘরের ১ কোটি বার লক্ষ লোক বৈষম্যের নির্ধাতন ভোগ করছে! চীনদেশ শত্রুর আক্রমণ প্রতিরোধ করছে আর সেখানকার চানীদের উপর জমিদার-মহাজন ও সাক্ষরিকদের অত্যাচারের অন্ত নাই। এমনি ধারা স্ব-বিরোধী স্ববস্থা নগ্ন হয়ে আত্মপ্রকাশ করে যখন শুনি স্বৈরাচারের খাসমহলে লালিত ভারতবর্ষের ডাক এসেছে ইউরোপের স্বাধীনতা যুদ্ধে ইংলণ্ডের পক্ষে লড়াই করবার।

যতদিন পর্যন্ত এই বিরোধের অবশান না হবে গণতন্ত্রের বিজয় অসম্ভব—তার অন্তর্নিহিত বিরোধের চাপে গণতন্ত্র ভেঙে পড়বে।

(পাল' বাক্—'এশিয়া' নামক ইংরাজী মাসিক পত্রিকা হইতে।)

চাকুরীর ভাগ্য—

বর্তমান বিভিন্ন ব্যবসার অবস্থা ও বিভিন্ন ক্ষেত্রে কাজের ভারতম্য বিবেচনা কোরে চাকুরীর সম্ভাবনা কিরূপ Vocational Trend নামক পত্রিকায় তার একটা তুলনামূলক তালিকা দেওয়া হোয়েছে—

*	ভালনয়	তুলা ও তামাক	**
**	মন্দনয়	ডিফেন্সের সহিত সংশ্লিষ্ট শিল্প	*** *
***	ভাল	লোহা ও ইস্পাত	****
****	খুব ভাল	তৈরী জিনিস উৎপাদন	*****
কৃষি	****	খনিজ দ্রব্য উৎপাদন	****
মোটর ইত্যাদি ব্যবসা	****	খুচরা বিক্রির ব্যবসা	****
বিমানযান চালনা	*****	বস্ত্রব্যবসা	**
পোষাক পরিচ্ছদের ব্যবসা	****	মাল স্থানান্তরিত করার ব্যবসা	****
কয়লা উত্তোলন	*	গুদামের ব্যবসা	**
ঘরবাড়ী নির্মাণ	***		

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রসংশিত।

ভিটামিন “বি,”

হিমোগ্লোবিন,

আয়রন,

ক্যালসিয়াম্

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাক্ততা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সম্ভাব্য


পক্ষে বিশেষ

ফল-দায়ক।

অধ্যক্ষ মথুরাবাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।



Pain, Sex, and Time—Gerald Heard.

প্রথম মহাযুদ্ধের পর থেকেই আধুনিক সমাজ ও সভ্যতার স্বরূপ সম্বন্ধে মানুষের চিন্তা সন্দেহচকিত হয়ে উঠেছে। পৃথিবীর চিন্তানায়করা সেই থেকে আজ পর্যন্ত নানা সমস্যা ও প্রশ্ন নিয়ে চিন্তা করেছেন। নানা সমাধান, বাস্তব পরিকল্পনা মনীষীরা উপস্থিত করেছেন। বহুদিন পূর্বে স্পেন্সারের 'Decline of the West' নামক পুস্তকের সভ্যতার পতি ও ভবিষ্যৎ সম্বন্ধে বিশিষ্ট মতামতগুলি পণ্ডিতসমাজে চাঞ্চল্য সৃষ্টি করেছিল। বর্তমান সভ্যতার ব্যাধি সম্বন্ধে ফ্রেডও 'Discontents of Civilization' নামক বইয়ে লিখেছিলেন। তার পরে বর্তমান সভ্যতার অসম্পূর্ণতা সম্বন্ধে বহু বই লেখা হয়েছে। মনীষীরা এ সম্বন্ধে একমত যে আধুনিক সভ্যতা, একটা সংকটের মুখে এগে পৌঁচেছে। সভ্যতার পতিমুখে যে বিষ উঠেছে তাকে বাদ দিয়ে শুধু অমৃতটুকু উপভোগ করবার কৌশল আজো বের করা যায়নি। কিন্তু আজ মানব-সভ্যতা যদি নতুন রূপায়নের পথে পান দেয়, তবে তার প্রথম অনিবার্য। সেই রূপায়নের স্বরূপ সম্বন্ধে আজ পণ্ডিতেরা গবেষণা শুরু করেছেন। ইংরাজ সাহিত্যে আলডাস হাক্সলী (A. Huxley), ওয়েল্‌স (H. G. Wells) ইত্যাদিরা মানব সভ্যতার নতুন রূপান্তরের চিত্র এঁকেছেন মননা ও কল্পনা মিশিয়ে। আলোচ্য গ্রন্থখানিও এঁদের বইগুলোরই সমগোত্রীয়। Gerald Heard সুখ্যাতি লেখক। তাঁর লেখা পণ্ডিতদের চিন্তাকে সহায়তা করবে সন্দেহ নাই। তাঁর মতে আধুনিক সভ্যতার ব্যাধি হলো এই যে, উপকরণের ওপরে এর ঘটেছে অবাধ আধিপত্য কিন্তু হারিয়ে ফেলেছে এ সম্বন্ধে লক্ষ্য। ক্ষমতা আয়ত্ত্ব হয়েছে মানুষের, প্রকৃতিকে করেছে মানুষ দাস, কিন্তু এ ক্ষমতা ও প্রাকৃতিক শক্তিকে মানুষ ব্যবহার করবে কোন্ আদর্শের প্রতিষ্ঠার জন্ত? হারাণো আদর্শকে আবার ফিরে পেতে হবে, এই হবে এ যুগের নব অভিযান। কিন্তু কোন্ পথে? Heard বলছেন, সভ্যতার নতুন রূপান্তর হবে আধ্যাত্মিক পথে। মানব সমাজের বিবর্তন এতদিন ধরে চলে এসেছে স্থূলের ক্রমবিকাশে, বাহ্যজগতে নব নব শারীরিক রূপের উদ্ঘাটনে। মানুষে এসে শারীরিক স্থূল বিবর্তন শেষ হয়েছে। বিবর্তনের দ্বিতীয় স্তর আরম্ভ হয়েছে যেদিন মানুষ যন্ত্র (tool) আবিষ্কার ও ব্যবহার শুরু করলো। এ হলো মানবের বিবর্তনের যান্ত্রিক (technical) স্তর। এ স্তরও শেষ হয়ে গেছে অজ্ঞান যান্ত্রিক সভ্যতার চরম বিকাশে, শিল্পশক্তির বিপুল প্রসারে। এবার তৃতীয় স্তরে উত্তীর্ণ হবার সন্ধিক্ষণ আগত হয়েছে। এবার মানব সভ্যতার নব বিবর্তন হবে আত্মিক স্তরে। চেতনে ও অচেতনের গীমারেখা

এবার লুপ্ত হবে। বিশ্বব্যাপী প্রাণসমুদ্রের সঙ্গে মানুষের হবে অন্তরঙ্গ একাত্মবোধ। সত্য বস্তুর মধ্যে মানুষের সম্প্রসারিত চেতনা অবগাহন করে সত্যের অনাবৃত রূপকে অমুভূতিতে পাবে। মানুষ মুক্ত হবে কামোদ্দীপনা থেকে; থাকবে না মানুষের দুঃখ বেদনার (pain) অমুভূতি; মানুষের সঙ্গে মানুষের সম্পর্ক হবে সহজ এবং হিংসাবর্জিত। সামাজিক ক্রমবিকাশের এই আধ্যাত্মিক ব্যাখ্যা আজকাল অনেক মুনীষী প্রচার করছেন। আমাদের দেশে শ্রীঅরবিন্দ ও অনেকটা এই ধরনের আধ্যাত্মিক রূপান্তরের পরিকল্পনা পৃথিবীতে উপস্থিত করেছেন। এ সম্বন্ধে বিস্তৃত আলোচনা এ ক্ষেত্রে সম্ভব নয়। শুধু Gerald Heard এর বইখানার প্রতি আমাদের দেশের পণ্ডিত ও পাঠকদের দৃষ্টি আকর্ষণ করবার জন্তই এর সংক্ষিপ্ত পরিচয় দেওয়া হল।

Hitler Youth—Hans Siemsen. Published by Lindsay Drummond; 7s. 6d.

জার্মানীর যুবশক্তিই হলো জার্মানীর সামরিক শক্তির ভিত্তি। হিটলারের দুটো সামরিক বাহিনীর নাম হলো S. S. এবং S. A. এরাই হলো নতুন জার্মানরাষ্ট্রের শিরোমণি। এদের সৈন্যসংখ্যা আসে জার্মানীর “হিটলার যুবসংঘ” নামক যুব-সংগঠন থেকে। “হিটলার যুব-সংঘ” হলো জার্মানীর যুবশক্তির সংঘরূপ। Adolf Goers নামক একজন “হিটলার যুব-সংঘের” সভার মুখ দিয়ে এই সংঘ সম্বন্ধে বর্ণনা পেশ করা হয়েছে এই পুস্তকে। Goers জার্মান বন্দীশিবির থেকে পালিয়ে এসে গ্রয়কার গিমেন’এর কাছে জার্মান যুবশক্তির বর্ণনা দিচ্ছে। এই হলো পুস্তকের মর্ম। বইখানার আগাগোড়া কেবল জার্মান যুবকদের জঘন্য শারীরিক ও মানসিক দুর্গতি ও তাদের ব্যাধিগ্রস্ত জীবনের চিত্র দিয়ে ভর্তি করা হয়েছে। জার্মান যুবশক্তি হলো যৌন বৃত্তিতে কদর্য, সমাজ বৃত্তিতে নিষ্ঠুর, ঘৃণাগোর ও পানাসক্ত; মনুষ্যত্বের রূপান্তরিত বিকৃতি ঘটেছে জার্মান যুবজীবনে। এই বক্তব্যটুকু গ্রয়কার পরিবেশন করেছেন জগতের সমুখে। আমাদের মতে বইখানা হলো তৃতীয় শ্রেণীর প্রচার-পুস্তক। কারণ একটা সমস্ত জাতির যুবশক্তিকে এমন হয়ে ও জঘন্য বলে প্রমাণিত করবার প্রেরণা যে উদ্দেশ্যমূলক তা’ প্রথম দৃষ্টিতেই ধরা পড়ে। হিটলার-পন্থী যুবকদের জীবন-দর্শন জ্ঞান হতে পারে কিন্তু তাদের কর্ম-শক্তি ও নানা ঐশ্বর্যকে অস্বীকার করবার কারণ ঘটেনি আজো।

হালখাতা (ছোটদের বার্ষিকী)—১ম বর্ষ, ১৩৪৮, দাম ১৮, ৪১ডি, একডালিয়া রোড, কলিকাতা।

‘হালখাতা’ পেয়ে ছোটরা খুশি হবে। কেবল, তাই নয়, শিক্ষাও পাবে। বাংলা সাহিত্যের যারা বিশিষ্ট নায়ক তাঁদের অনেকেরই লেখা এতে রয়েছে। এটা সম্পাদকদের ক্রতিত্ব, বলতেই হবে। ‘হালখাতা’ সব দিক দিয়েই নতুনত্ব দাবি করতে পারে। কিন্তু একটা খুঁত আছে বলে আমাদের চোখে পড়ল। ছোট ছেলেমেয়েদের জন্য লেখা হলেও এর সবলেখা ছোটদের উপযুক্ত হয়নি; যেমন শ্রীযুক্তা রাধারাবী দেবীর হালখাতা প্রবন্ধটা। ‘জ্ঞানের বাকশক্তিহীন শিশু পেয়েছে রাশিয়ার কোলে বাকফুর্তি’ “প্রচলিত বাবস্থা ভঙ্গীভূত করণের অনলকণা”—ইত্যাদি আরো বিস্তৃতভাবে সহজ ভাষায় ও ভাবে লিখলে সহজবোধ্য হতো। দ্বিতীয়তঃ রাজনৈতিক লেখা এতে স্থান পায়নি, এটাও চোখে পড়ল। স্বাধীনতা সংগ্রাম সম্বন্ধে ছোটদের চিত্ত সচেতন হয়, দুর্ধর্ষ সংগ্রামে যে বলিষ্ঠ আনন্দ তার প্রবল আকর্ষণ ছোটদের মনে সহজেই জন্মে,—এমন যুগোপযোগী লেখা ‘হালখাতায়’ নেই। রাধারাবী দেবীর লেখা এবং কাজী আফসারউদ্দিন আহম্মদের প্রবন্ধ, এবং বিধায়ক ভট্টাচার্যের গল্প—এই তিনটি মাত্র লেখাতে যুগপ্রচেষ্টার হোয়াচ কিছুটা আছে। এসব অসম্পূর্ণতা সত্ত্বেও ‘হালখাতা’ সবদিক দিয়েই সফলতা লাভ করেছে।

‘দীপঙ্কর’



“বিশ্ববস্তু”

যুদ্ধের নব পর্যায় :

(ক) রুশ-জার্মান যুদ্ধের পৃষ্ঠপট

অবশেষে সত্যিই তাই ঘটলো! ২২শে জুন (১৯৪১) রবিবার ভোরে চারটার সময় হিটলার সোভিয়েট রুশিয়াকে আক্রমণ করেছে।

সমস্ত পৃথিবী দম বন্ধ করে শুনলো এবং বিশ্বয়ে ছুচোখ রগড়াতে লাগলো। কিন্তু সন্দেহের কারণ নেই; ২২শে বেলা ১১টায় মলোটভের বিবৃতি এবং সেইদিনই প্রাতে হিটলারের ঘোষণা সকল সংশয়ের নিরসন করলো। ১৯৩৯ সনের আগষ্ট মাসে রুশ-জার্মান মিতালী আরম্ভ হয়েছিল; দেড় বছরের অধিক কাল পরে মিতালী ভাঙলো। এই দেড় বছর ধরে সমস্ত পৃথিবীতে কতো জল্পনা-কল্পনা, কত হাহতাশ এবং কত ব্যঙ্গ-বিদ্রূপ চলেছে, এই কল্পনাতীত মিতালী সম্বন্ধে। এই মিতালীর জন্মও যেমন আকস্মিক এবং আশাতীত, এর অবসান-ও তেমনি অপ্ৰত্যাশিত ও আশ্চর্য। অহি-নকুলের মৈত্রীর মত এই দুই পরস্পরবিরোধী রাষ্ট্রের সন্ধি পৃথিবীর ইতিহাসে এক অদ্বিতীয় ঘটনা। এমন আর কখনো হয়নি। হিটলারের ভাষায় বলশেভিকরা হলো ‘blood-stained criminals’, ‘dregs of humanity’। আর বলশেভিকদের সঙ্গে সন্ধি? অসম্ভব; “.....it would be folly to ally ourselves with a country whose master is the mortal enemy of our future. How can we release our people from this poisonous grip if we accept the same grip ourselves?” (Mein Kampf.) কম্যুনিজ্‌ম হলো মানবতার নারকীয় শত্রু, এর সঙ্গে বন্ধুত্ব? নৈব চ নৈব চ। এই হলো ফ্যাশিজ্‌ম-এর মনোভাব রুশিয়ার প্রতি। ঐদিকে রুশিয়ার মনোভাবও জার্মান রাষ্ট্রের প্রতি সমান বিদ্বেষে পূর্ণ। ক্যাপিটালিজ্‌মের নির্মম শত্রু হলো সোভিয়েট রাষ্ট্র এবং হিটলার হলো সেই ক্যাপিটালিজ্‌মের নারকীয় সম্মান। কাজেই, হিটলারের সঙ্গে মৈত্রী শ্রমিক স্বার্থের প্রতি

বিশ্বাসঘাতকতা বই আর কি হতে পারে? কম্যুনিষ্ট ইন্টারন্যাশনালের জেনারেল সেক্রেটারী বিখ্যাত ডিমিট্রভ, ১৯৩৮ সনের ২৬শে জুন এক প্রবন্ধে (‘ন্যাশনাল ফ্রন্ট’) বৃটিশ ও অ্যাংলোদের তীব্র ভাষায় গালি দিয়েছিলেন, কারণ এরা প্রকারান্তরে ফ্যাসিস্তদের কুকর্মে সাহায্য করছিলেন; “aid and abet the foul deeds of the German * * * plunderers.” ফ্যাসিস্তরা হলো ‘pirate,’ ‘war mongers’ ইত্যাদি। ১৯৩৫ সনে কম্যুনিষ্ট ইন্টারন্যাশনালের ৭ম কংগ্রেসের প্রস্তাবেও ঘোষণা করা হয়েছিল যে জার্মান ফ্যাসিস্তদের প্লান হলো ফরাসীদেশ, চেকোস্লোভাকিয়া, অস্ট্রিয়া, বাল্টিক রাজ্যগুলি এবং সর্বশেষে সোভিয়েট রাষ্ট্রকে আক্রমণ করা। তারপরেই পৃথিবীব্যাপী ক্রুসেড আরম্ভ হলো ফ্যাসিজিমনের বিরুদ্ধে।

ইউনাইটেড ফ্রন্ট গঠন করতে হবে, দেশে দেশে শ্রমিক সংহতি গড়ে তুলতে হবে? এবং এই ক্রুসেডের নেতা হবে সোভিয়েট ও স্ট্যালিন। ডিমিট্রভ বললেন, ফ্যাসিস্তকে একঘরে করে রাখতে হবে, “the fascist aggressors must be isolated internationally” ইত্যাদি।

কিন্তু হায় বিড়ম্বনা, হায় ভবিতব্যের পরিহাস! ডিমিট্রভের সকল প্ল্যানকে মাটি করে স্ট্যালিন এবং হিটলার, কম্যুনিজম্ ও ফ্যাসিজম্, পরস্পরের সঙ্গে হাত মিলালেন। সাম্রাজ্যাতিক আদর্শের সংঘর্ষকে ব্যাহত করে রুশ-জার্মান সৌহারদের ভিত্তিস্থাপন হয়ে গেল। শত্রুর মুখে ছাই দিয়ে এই সৌহার্দ দেড় বছর ধাপের পর ধাপ পার হয়ে গাঢ় মৈত্রীতে পরিণত হলো। এই মৈত্রীর ছায়ায় বসে নিশ্চিন্ত জার্মানী একের পর এক যুরোপের রাজ্যগুলোকে গ্রাস করল।

তারপরে এলো রাশিয়ার পালা। হিটলার বললেন, রাশিয়া তলে তলে চক্রান্ত করছে জার্মানীর বিরুদ্ধে, তাকে আক্রমণ না করে উপায় নেই। স্ট্যালিন বললেন, হিটলার বিনাদোষে আক্রমণ করেছে, সন্ধিস্বর্তকে অগ্রাহ্য করে।

(খ) রুশ-জার্মান যুদ্ধের গতি

চার্লিল বলেছেন, রাশিয়া আক্রমণে যুদ্ধের চতুর্থ অধ্যায় আরম্ভ হল। প্যারীর পতনে যুদ্ধের দ্বিতীয় অধ্যায় এবং ইংলণ্ডের বোমা-আক্রমণে তৃতীয় অধ্যায় শুরু হয়েছে। চতুর্থ অঙ্কের ওপরে নির্ভর করছে সমস্ত যুদ্ধের নয় কেবল, সমস্ত পৃথিবীর ভবিষ্যত। যুদ্ধের ভারকেন্দ্র মধ্যএশিয়া ও আফ্রিকা থেকে সরে গেছে রুশ সাম্রাজ্যে। ইংলণ্ড একটু স্বস্তির নিঃশ্বাস ফেলতে পারছে বহুদিন পরে; কিন্তু রুশিয়া ঘায়েল হলে ব্রিটিশ সাম্রাজ্যের দিন ঘনিয়ে আসবে একথা ইংলণ্ডের অজ্ঞাত নেই। আর তা হলে আমেরিকাই বা কোথায় থাকবে? তাই চার্লিল, ইডেনের বিরুতিমুখে ব্রিটিশ সরকারের রুশ-প্রেম উচ্ছসিত হয়ে উঠেছে। সমাজতন্ত্রকে এরা ছুঁচোখে দেখতে পারেন না এবং রুশিয়া হলো এদের মতে অপাণ্ডক্লেয় একথা এরা স্পষ্ট করেই ঘোষণা করেছেন। তবু সাময়িক প্রয়োজনে রুশিয়াকে সাহায্য-ও করতে প্রস্তুত আছেন, তার সঙ্গে বিভালিও পাঙ্কতে রাজী।

আমেরিকাও রুশিয়ার পক্ষে দাঁড়িয়েছে। এখন কথা হলো, কার্যতঃ রুশিয়া কতো সাহায্য পাবে এবং সাহায্য পাবার পথ কোথায়। দূর থেকে ‘লড়া বাহাদুর, মরো বাহাদুর’ বলা সহজ ও নিরাপদ কিন্তু সাক্ষাৎ মৃত্যুর সঙ্গে যারা মুখোমুখী লড়াই করছে তাদের সংগ্রামে প্রত্যক্ষ অংশ নেবার বন্দোবস্ত কোথায়? রুশিয়াকে আজ একাকী প্রবল প্রতিপক্ষের সঙ্গে যুদ্ধ করতে হচ্ছে। যেমন ইংলণ্ডকে করতে হয়েছে ইতিপূর্বে।

এদিকে আর্টিক সমুদ্র থেকে কৃষ্ণসাগর পর্যন্ত দুহাজার মাইলব্যাপী আক্রমণে জার্মানীর অগণিত সৈন্য, ট্যাঙ্ক ও এরোপ্লেন রুশিয়ার ওপরে চড়াও করেছে। ফিনল্যান্ড, ল্যাটভিয়া, লিথুয়ানিয়া, পোল্যান্ড, উক্রেইন, বেসারাবিয়া—এই কটা রণাঙ্গণের মধ্যদিয়ে জার্মান সৈন্য চক্রাকারে রওনা হয়েছে; মস্কো ও উক্রেইনের রাজধানী কিভের দিকেই সমস্ত বাহিনীর বিদ্যুৎগতি। এদিকে রুশিয়াও দশ মাইল চওড়া একটা প্রতিরোধ-রেখা গড়ে তুলেছে; এই প্রতিরোধ-রেখার নাম হল ষ্ট্যালিন লাইন। ষ্ট্যালিন-লাইনের আশ্রয় নিয়ে রুশিয়া গড়িলা-নীতিতে হিটলার-বাহিনীকে পিছন থেকে বিদ্রুত করবার চেষ্টায় আছে। ইতিমধ্যে জার্মানী থেকে প্রচারিত হয়েছে, বিয়ালিষ্টক্ ও মিনস্ক এই দুই স্থান জার্মানী দখল করেছে। কিন্তু দক্ষিণে বেসারাবিয়ায় জার্মান গতি প্রতিহত হয়েছে। নানা বিরুদ্ধ খবর ছুপক্ষ থেকেই প্রচারিত হচ্ছে। কিন্তু আসল কথা হলো এই যে, একাকী রুশিয়া দুর্দান্ত প্রতিপক্ষের সঙ্গে কতদিন লড়াইতে পারবে? আমেরিকা ও ইংলণ্ডেরই বা সাহায্য করবার সামর্থ্য কতখানি আছে? ওয়েনডেল .উইল্কী বলেছেন, মৌখিক সহায়ত্বভূতির কোনই মানে নেই। আমেরিকা, ইংলণ্ডকে সাহায্য করেই কূল পাচ্ছে না, রুশিয়াকে কী করবে! ‘New York Post’ বলছে, “There is no honesty in asking the British to give their lives while we only supply the tools.” আমেরিকার যুদ্ধে যোগদান করার দাবি চারদিকেই উঠেছে; কিন্তু কবে রুজভেল্ট কথার রাজ্য ছেড়ে বাস্তবভাবে কাজে নামবেন! পৃথিবী তা দেখবার জন্য উৎসুক হয়ে আছে।

..

তুর্ক-জার্মান চুক্তি

গতমাসে রুশ-জার্মান যুদ্ধের পরেই তুর্ক-জার্মান চুক্তি প্রথম শ্রেণীর ঘটনা। হিটলারের বল্কান অভিযানের সময় যখন একে একে সমস্ত রাজ্যগুলি হয় তার আনুগত্য স্বীকার করে কিংবা তার সঙ্গে যুদ্ধ করে পরাজিত হয় তখন তুর্কী কি করে দেখবার জন্য সকলে উৎসুক হয়েছিল। কখনো কখনো মনে হয়েছে তুর্কীর সঙ্গে জার্মানীর যুদ্ধ আসন্নপ্রায়। কিন্তু সে সময় তুর্কী নিরপেক্ষতা রক্ষা করেছে। সমস্ত জল্পনা-কল্পনার অবসান ঘটিয়ে গত ১৮ই জুন তারিখে তুর্কী-জার্মান মৈত্রী চুক্তি আনকারায় স্বাক্ষরিত হয়েছে। তুর্কীর দিক থেকে সারাজোগলু এবং জার্মানীর পক্ষে ফন্ প্যাপেন চুক্তিতে স্বাক্ষর করেন। এই চুক্তির সর্ব তিনটি (১) জার্মান ও তুর্ক পরস্পরের

নাকি খুব কৃতিত্ব দেখিয়েছে। যুদ্ধের গতি যা দেখা যাচ্ছে তাতে ভিসি বোধহয় খুব সুবিধে কোরে উঠতে পারেছেন।

রুশ-জার্মান যুদ্ধ ও জাপান

রুশ-জার্মান যুদ্ধ বাধবার সঙ্গে সঙ্গে জাপানের মতিগতি সম্পর্কে জগতের লোকের কৌতূহলের অন্ত নেই। কিন্তু এই কৌতূহল নিবৃত্ত করতে পারে যে তার সেদিক দিয়ে উৎসাহ দেখা যাচ্ছে না। এলিস বন্ধুদের মধ্যে ইটালী ইতিমধ্যেই রুশিয়ার বিরুদ্ধে যুদ্ধ ঘোষণা করেছে—জাপান মন্ত্রীসভা কয়েকদিনব্যাপী বৈঠকের পর জাপান বর্তমান যুদ্ধের গতি সতর্কতার সহিত লক্ষ্য করবে বলে ঘোষণা করেছে। এই ঘোষণাতে নূতন আলো কিছু সাদা চোখে পাওয়া যাচ্ছে না। কারণ বর্তমান জগতে “সতর্কতার সঙ্গে” প্রস্তুত থাকবার সামর্থ বা স্বাধীনতা যার আছে সেই—সে পথ অবলম্বন করবে নিঃসন্দেহ। জাপানের ভাগ্য খারাপ, এ পর্যন্ত যে কয়টা কূটনৈতিক চাল সে দিয়েছে তার কোনটাই বাঞ্ছিত ফল আনে নাই। প্রথমতঃ মাকুরিয়া আক্রমণের যে এ ফল হবে তা সে বোঝে নাই—যুদ্ধ ৪র্থ বছর অতিক্রম করলো কিন্তু এখন পর্যন্ত তা শেষ হবার কোনো লক্ষ্য দেখা যাচ্ছেনা। যাতে এদিকে সে পূর্ণ দৃষ্টি দিতে পারে তার জ্ঞান মিঃ মাৎসুওকা মস্তো পর্যন্ত পরিভ্রমণ কোরে রুশিয়ার সঙ্গে নিরপেক্ষতা চুক্তি করলেন কিন্তু তাতেও বিপদ এড়ানো গেল না। রুশ-জার্মান যুদ্ধ বেধে নূতন সমস্যার সৃষ্টি করলো। চুক্তি অনুসারে জাপান জার্মানির মত রুশিয়ারও বন্ধু—তাই বন্ধুর বিপদে তার হয় মধ্যস্থতা করতে হয়, না হয় নিরপেক্ষ থাকতে হয়। প্রথমটা অসম্ভব আর দ্বিতীয়টাও চিরকালের জ্ঞান লাভজনক হবেনা। ইতিমধ্যে জার্মানি জাপানের মন গলানোর চেষ্টা আরম্ভ করেছে। চীনে জাপানের তাবোদার নান্‌কিং গভর্নমেন্টেবে এতদিন জার্মানি স্বীকার করতে রাজী হয় নাই—রুশের সঙ্গে যুদ্ধ বাধবার সঙ্গে সঙ্গে মত বদলেছে ও নান্‌কিং এর গভর্নমেন্টকে স্বীকার করেছে। জাপানের মন এতে টলবে কিনা জানা যায়নি—তবে জাপানের বন্ধুত্ব যে বেশী দাম দিয়ে কিনতে পারবে, সেই লাভ করবে—এটা হয়তো অনেকটাই নিঃসন্দেহে বলা যায়। কাজেই জাপানের আপাতঃনিম্পৃহতাতেই আমাদের সন্তোষ থাকতে হবে।

আমেরিকা

সম্প্রতি আমেরিকা আইসল্যান্ড দখল কোরে কিছুটা চাকাল্যের সৃষ্টি করেছে। বৃটেন আমেরিকার নিকটবর্তী কয়েকটা দ্বীপের স্থায়ী দখলীস্বত্ব আমেরিকাকে যেমন বিলি কোরে দেয় তেমনি আইসল্যান্ডের অস্থায়ীস্বত্বও বিলি কোরে দেয়—এই অধিকার বলে আমেরিকা আইসল্যান্ড দখল করেছে। অবশ্য আমেরিকা বলছে আইসল্যান্ডের প্রধান মন্ত্রীর সঙ্গে পরামর্শ

কোরে এমন কি তার নিমন্ত্রণেই নাকি একরূপ করা হয়েছে। আইসল্যান্ডের আভ্যন্তরীণ সমস্ত প্রকার অধিকারই অব্যাহত থাকবে এবং যুদ্ধ শেষ হবার সঙ্গে সঙ্গে আমেরিকা আইসল্যান্ড ত্যাগ কোরে আসবে। বর্তমানে আমেরিকার একমাত্র উদ্দেশ্য হবে আইসল্যান্ডকে বহিঃশত্রুর হাত থেকে রক্ষা করা। অনুরূপ উদ্দেশ্যে পূর্ব থেকেই বৃটেন সেখানে ঘাঁটি আগলাচ্ছে। সম্প্রতি কমন্স সভায় চার্চিল বলেছেন যে আমেরিকার কাজে বৃটেনের আপত্তি করবার কোনো হেতু নেই বরং বৃটেন তা অনুমোদনই করেছে। আইসল্যান্ড দখল করবার কারণ বলা হয়েছে—দুইটাই; প্রথমতঃ আইসল্যান্ড যদি জার্মান বা ইটালীর দখলে যায় তবে আমেরিকা ও বৃটেনে বিমান আক্রমণ চালানো খুব সহজ হবে। সেটা পূর্ব থেকে অসম্ভব করা হোল—দ্বিতীয়তঃ আমেরিকা থেকে বৃটেনে খাद्यোপকরণ পাঠানো বহু পরিমাণে নিরাপদ হবে। তাহোলে আমেরিকা শনৈঃ শনৈঃ আসরে নামছে ?

এই দখলের ব্যাপারটা মহানাতকের অগ্ৰাণ্য “অভিনেতার” কি ভাবে দেখছেন বোঝা যাচ্ছেনা—কারণ ইটালী ও জার্মানি উভয়েই এ সম্পর্কে এ পর্যন্ত নীরব। তবে মনে যে তাঁদের এতে খুব সুপ্রসন্ন হোয়ে ওঠে নাই তা নিশ্চিত। জাপান কিন্তু আমেরিকার এইসব ব্যবহারে মানসিক স্থৈর্য রাখতে পারছেননা—এবং প্রশান্ত মহাসাগরে যুদ্ধের জন্ম তৈরী হচ্ছে—সে উদ্দেশ্যে নাকি নৌবহরও জড় কোরতে আরম্ভ করেছে। সংবাদ চাঞ্চল্যকর সন্দেহ নেই। এবং এই ভারতের ৪০ কোটি অরক্ষিত নরনারী—তারা চঞ্চল হোয়ে করবে কি ? বেশী চাঞ্চল্য প্রকাশ করলে “ভারত রক্ষা আইনের” রক্ষাকবচ আছে—যুহুতে সমস্ত চাঞ্চল্য দূর কোরে নিশ্চল শান্তিতে নিয়ে যাবার ব্যবস্থা আছে—আমাদের আবার চিন্তা কি ?

১১-৭-৪১



সম্প্রদায়িকতা

সাম্প্রদায়িকতার হিড়িক

গতমাসে বাংলাদেশের বিভিন্নস্থানে সাম্প্রদায়িকতার তাণ্ডব পূর্ণভাবেই চলেছে—বিভিন্ন স্থান থেকে যে কয়টি খবর পাওয়া গেছে তারমধ্যে গত ১৪ই জুন কুমিল্লা জেলায় চাঁদপুর অঞ্চলের হাজিগঞ্জ থানার অধীন মালিগাঁও গ্রামের দ্বারকানাথ ও অনাথশর্মার বাড়ী প্রায় ১০০ লোকে একত্রিত হয়ে লুট করে।

১৯শে জুন নোয়াখালী জেলা থেকে একটি সংবাদ পাওয়া যায় ১২টার পব রায়পুরা থানার অধীন সায়েস্তানগর গ্রামের ধনী জমিদার শ্রীপারীলাল রায়ের বাড়ীতে ১৭।১৫ শত লোক জড় হয়ে চার শ মণ সুপারি লুট কোরে নিয়ে যায়, একটি লোহার সিন্দুক ও নিতে চেষ্টা করেছিল, নিতে বা ভাঙ্গতে না পেরে ফেলে রেখে যায়।

তৃতীয় ঘটনাও কুমিল্লা জেলাতে ঘটে। চাঁদপুরের ফরিদগঞ্জ থানার আলুনিয়া গ্রামের অভয়দাস মজুমদারের বাড়ী ২০।১৫ জন লোক আক্রমণ করে—সেদিন সার্কেল অফিসার সেখানে উপস্থিত ছিলেন। তিনি নিজে উপস্থিত হোয়ে লুণ্ঠনকারীদের চলে যেতে বল্লেনও তারা যায় না। তারপর গুলি চালানো হোলে তারা চলে যায়।

গত ২৬শে জুন রাত্রিতে ঢাকাতে আবার দাঙ্গা ভীষণাকারে শুরু হয় এবং প্রায় দুই পক্ষ কাল ধরে গুপ্ত খুন ও আক্রমণ চলতে থাকে—এই কয়দিনে মৃতের সংখ্যা প্রায় ৪০ এবং আহতের সংখ্যা তার দ্বিগুণ হয়।

এখন প্রশ্ন হচ্ছে এই সকল (১) দাঙ্গার মূলে কি কারণ রয়েছে? (২) সেগুলি দূর করবার উপায় কি? (৩) সে উপায় অবলম্বন করবার জন্ত কি করা হচ্ছে? দাঙ্গার মূল কারণ খুঁজতে গিয়ে দেখি সাম্প্রদায়িক ইন্ধন জুগিয়ে যারা লাভবান হয় সে সকল লোকের বা দলের—প্রত্যক্ষ ও পরোক্ষ প্ররোচনা রয়েছে। উচ্চপদস্থ ব্যক্তিদের সাম্প্রদায়িক ব্যবহারও একটি প্রধান কারণ। সম্প্রতি হক সাহেব আজাদের পুঠায় তার জাত ভাইদের—ঢাকা দাঙ্গা তদন্ত কমিটির সম্পর্কে তাদের কর্তব্য সম্পর্কে যে ভাবে পুঁজামুপুঁজ উপদেশ দিয়েছেন তাতে যে সাম্প্রদায়িক আবহাওয়ার উন্নতি হবে এমন

অনুমান করবার হেতু নেই। শরৎবাণুও বঙ্গীয় ব্যবস্থাপরিষদে মন্ত্রীদেব সঙ্গে ঘনিষ্ঠভাবে যুক্ত তিনজন ব্যক্তির নাম করেন এবং শাস্তি রক্ষার জন্ত ঢাকা থেকে তাদের সরিয়ে আনবার প্রয়োজনীয়তার উল্লেখ করেন—কিন্তু আমরা যতদূর জানি সরকার পক্ষ সেরূপ কোনো ব্যবস্থাই অবলম্বন করেন নাই। কিন্তু বহু সংখ্যক ছাত্র ও যুবক যারা সাম্প্রদায়িকতাতে বিশ্বাসই করে না তাদের আটক করা হয়েছে। দ্বিতীয় কারণ যারা দাঙ্গা করে তাদের শাসনের ভয় নেই—চাঁদপুরে ১৪১৫ শত লোক একত্র হয়ে বাড়ী আক্রমণ করে। ঢাকা সহরে প্রকাশ্য দিবালোকে খুন হয় এসব সম্ভব হয় শাসনের ভয় না থাকলে—এতে বাংলা সরকারের যে অযোগ্যতা প্রকাশ পেয়েছে তা একেবারে তুলনাহীন। আমরা বিশ্বাস করি সাম্প্রদায়িকতা দূর করা সম্ভব এবং যে কোনো দেশের মঙ্গলকামীর করা একান্ত কর্তব্য। তরি প্রধান সত, সম্পূর্ণ অসাম্প্রদায়িক শাসন প্রতিষ্ঠা করা, যাতে জনসাধারণ মনে কোরতে পারে যে শাসকদের কাছে ন্যায়বিচার পাওয়া যাবে এবং সম্প্রদায় বিশেষ অনিষ্টকর প্রশ্রয় পাবে না। দ্বিতীয় সত, বিশিষ্ট ব্যক্তিদের কাজে ও কথায় অসাম্প্রদায়িক হওয়া। এ সম্পর্কে পাজাব ও সিন্ধুর প্রধান মন্ত্রীদেব উদাহরণ দেওয়া যেতে পারে, তারা উভয়েই পরিষ্কার ভাষায় বলেছেন—যে হিন্দুস্থান, পাকিস্থান ও শিখস্থান—কোন প্রকার বিশেষ স্থানই তারা প্রতিষ্ঠা করতেই দেবেন না তাদের নিজেদের প্রদেশের মধ্যে। এ সম্পর্কে বাংলার প্রধান মন্ত্রী নীরব কেন? তৃতীয়তঃ, দাঙ্গাকারীদের কঠোর শাস্তি দেওয়া। সিন্ধুর আইন ও শৃঙ্খলার ভারপ্রাপ্ত মন্ত্রী স্তার গোলাম হোসেনের উক্তির উল্লেখ করছি। তিনি মন্ত্রী হই নৈবার সময় সিন্ধুর দাঙ্গাজনিত অত্যন্ত অশান্তি ছিল। তিনি বলেন “হয় আমি দাঙ্গা বন্ধ করবো না হয় মন্ত্রীত্ব ত্যাগ করবো”—। বাংলার মন্ত্রীমণ্ডলীর এই দৃষ্টান্ত গ্রহণ করবার মত মনোভাব তো নেই-ই বরং তাদের কাজের সমালোচনা করলে প্রমাণ করতে তারা বদ্ধপরিকর হন যে এটা সাম্প্রদায়িক ষড়যন্ত্র অর্থাৎ মুসলমানপ্রধান মন্ত্রীদেবের বদলে হিন্দুপ্রধান মন্ত্রীত্ব গঠন করবার চেষ্টাই এর উদ্দেশ্য। চতুর্থতঃ, জনসাধারণকে আত্মরক্ষার উপায় অবলম্বন করতে দেওয়া। কেবলমাত্র সাম্প্রদায়িক দাঙ্গা নয়—মহাযুদ্ধের যাতপ্রতিঘাতে ভারতবর্ষের আভ্যন্তরীণ শাস্তি যে কোনো সময় ব্যাহত হোতে পারে—তার জন্ত জনসাধারণকে আত্মরক্ষায় সক্ষম করা এখন সবচেয়ে বড় কর্তব্য। জনসাধারণেরও এদিকে সম্ভববদ্ধভাবে চেষ্টার প্রয়োজন—তা নাহলে সাম্প্রদায়িকদের হাতে আগামীকালে লুণ্ঠতরাজের অজুহাতে ধনপ্রাণ রক্ষা অসম্ভব হবে। আজ দেশের চিন্তাশীল ব্যক্তিমাত্রেরই এবিষয়ে অবহিত হোয়ে সচেষ্ট হওয়া দরকার কারণ কোনো প্রতিষ্ঠানের তরফ থেকে এবিষয়ে যে কোনো নির্দেশ পাওয়া যাবে তার সম্ভাবনা দেখা যাচ্ছে না। বিশেষ ভাবে যারা পাকিস্থানের ধূয়া ধরেছেন তাঁদের সীমান্তের ভূতপূর্ব প্রধান মন্ত্রী ডাঃ খান সাহেবের কথা স্মরণ করিয়ে দিচ্ছি। তিনি বলেছেন “বর্তমান সময় অত্যন্ত গুরুত্বপূর্ণ, এক বিরাট পরিবর্তন আসিতেছে এবং এই পরিবর্তনকে আমাদের অনুকূলে লাগাইবার জন্ত হিন্দু-মুসলমান, শিখ ও অজ্ঞাত সম্প্রদায়ের ঐক্যবদ্ধ হওয়া আবশ্যক”। ডাঃ খান সাহেব

বলেন “দাসত্বের আবহাওয়ায় কাহারো ধর্ম নিরাপদ নহে। যতক্ষণ পর্যন্ত স্বাধীনতা না পাওয়া যায় ততক্ষণ পর্যন্ত তাহাদের স্ব স্ব ধর্মও নিষ্ঠার সহিত পালন করা যায় না।”

আশা করি আমাদের দেশের ধর্ম-ধ্বজীরা একথাগুলি চিন্তা কোরে দেখবেন।

আইনের অতিপ্রয়োগ

যুদ্ধ আরম্ভ হবার পর থেকে ভারতরক্ষার ব্যাপারে দেশের লোক এই দেড় বছরে বেশ অভ্যস্ত হোয়ে উঠেছে। কিন্তু মধ্যে মধ্যে এ জগন্নাথের রথ চলতে চলতে পায় বাধা, তাতে নানা গোল বাধে—তারই কয়েকটা প্রমাণ সম্প্রতি পাওয়া গেছে।

নাগপুরের একটি জনসভায় বক্তৃতা করবার জন্ত নাগপুর ফরওয়ার্ড ব্লক নেতা মিঃ রুইকার ভারতরক্ষার দায়ে ধরা পড়েন। বিচারের পর দণ্ডিতও হন—এই বিচারের বিরুদ্ধে তিনি আপীল করেন এবং দায়রা আদালতের বিচারে মুক্তি পান কিন্তু এ ব্যাপারে চারদিকে নানা সমালোচনা হওয়াতে গভর্ণমেন্ট বিব্রত হোয়ে এই দণ্ডদেশের বিরুদ্ধে হাইকোর্টে আপীল করেন—কিন্তু দুঃখের বিষয় সেখানেও একই ফল হয়, হাইকোর্টও নিম্নআদালতের রায় বহাল রাখেন এবং মন্তব্য করেন যে, “স্বাধীনতার জন্তে গণআন্দোলন মাত্রেই সমর প্রচেষ্টার বিঘ্নসৃষ্টি করা নয়।” কিন্তু এই একই অভিযোগে অর্থাৎ গণসংগঠনের অপরাধে সমস্ত ভারতময় কত কর্মী যে বন্দী হোয়ে আছেন কত জেলে তার হিসাব কে রাখে?—তাদের বন্দী থাকবার একমাত্র কারণ বিচারের বিভ্রাট, যুক্তি নয়।

দ্বিতীয় ঘটনা—কলকাতার শিখ নেতা ও দেশ দর্পণ কাগজের সম্পাদক মিঃ নিরঞ্জন সিং তালিবকে সাম্প্রদায়িক বিদ্বেষ প্রচারের অভিযোগে বোম্বাই হতে পুলিশ ভারতরক্ষা আইনে গ্রেপ্তার কোরে আনে ও তাঁকে জামীন পর্যন্ত দেয় না। পুলিশ তাঁকে গ্রেপ্তার কোরে ১০ দিন জেলে রাখে—সম্প্রতি বিচারে তিনি শুধু যে বেকশুর খালস হোয়েছেন তাই নয়, বিচারক রায় দেবার সময় মন্তব্য করেছেন যে তিনি সাম্প্রদায়িকতা প্রচার তো করেনই নাই বরং তাঁর বক্তৃতায় সাম্প্রদায়িক মৈত্রী স্থাপন করতে তিনি চেয়েছেন।” কিন্তু আশ্চর্য হোচ্ছি ভেবে সবচেয়ে বড় অপরাধ কি তা জজ সাহেবের জানা নেই।

আর একটি উদাহরণ—বঙ্গীয় প্রাদেশিক কংগ্রেস কমিটির সম্পাদক—মৌলভী আস্‌রাফুদ্দীন চৌধুরীর আশ্রাণ চেষ্টায় কুমিল্লাতে আসন্ন হিন্দু-মুসলমান দাঙ্গা বন্ধ হোলো। কিন্তু তাতে হবে কি? বক্তৃতা দেবার অভিযোগে তাঁকে জেলে যেতে হোলো তিন মাসের জন্ত।

প্রফেসর জ্যোতিষ ঘোষ, পণ্ডিত ধারানাথ ভট্টাচার্য, শ্রীযুক্ত অম্বিনী কুমার গাঙ্গুলী ও হেমন্ত বসু প্রভৃতি বিশিষ্ট কংগ্রেস নেতাগণ হরিপালে এক বক্তৃতা দেবার জন্ত অভিযুক্ত হন। শ্রীরামপুর আদালতে এক বছর যাবত বিচারের পর এক বৎসর সশ্রম কারাদণ্ড ও চারশত

টাকার কারাদণ্ড হয়। আপীলে প্রফেসার জ্যোতিষ ঘোষ ছাড়া আর সকলেই বেকশুর মুক্তি পান। জ্যোতিষ বাবুর ২০০ টাকা জরিমানা হয়।

এ-কয়েকটি ঘটনা দেখে এরপর ভারতরক্ষা আইনের কবলে যারা পড়েন তাঁদের ভাগ্য সম্পর্কে কৌতূহল হয়। ঘাঁদের আটক কোরে রাখা হয়েছে তাঁদের সকলের যদি বিচার হতো তবে কার ভাগ্যে যে কি ফল হতো বলা যায় না।

সে যা হোক, বিচারও হবে না আর তার ফল দেখে কৌতূহল নিবৃত্তি করাও চলবে না; ইতিমধ্যে ভারতরক্ষার উত্তোগপর্ব ভারতের সর্বত্র বিভীষিকা ছড়াতে থাকবে।

কংগ্রেসে মতসংঘর্ষ—মুন্সীজীর সঙ্গে গান্ধীজীর মতবৈষম্য

যা' অনিবার্য তাই ঘটেছে। গত বিশ বছর ধরে গান্ধীীয় অহিংসা কংগ্রেসী রাজনীতির কণ্ঠরোধ করে রেখেছে। অহিংসার যে একটা সীমা আছে, তা' গান্ধীজী স্বীকার করেন; কাজেই অব্যর্থ নিয়মে কংগ্রেসে আজ ভাঙন ধরেছে। জুন মাসের শেষদিকে বোম্বের ভূতপূর্ব স্বরাষ্ট্রসচিব শ্রীযুক্ত কে, এম, মুন্সী কংগ্রেস বর্জন করবেন বলে ঘোষণা করেছেন। কারণ হলো এই যে অহিংসার একটা সীমা আছে বলে তিনি মানেন। ধর্ম, ধর্মস্থান, গৃহ, নারীর মর্যাদা ও প্রাণরক্ষার জন্য হিংসার আশ্রয় নেওয়া দোষের তো নয়ই, বরং মানুষের শ্রেষ্ঠ কর্তব্য। কিন্তু গান্ধীজী শ্রীভোগীলাল লালাকে লিখিত পত্র প্রসঙ্গে জানিয়েছেন, হিংসার দ্বারা অত্যাচার প্রতিরোধ করা কংগ্রেসে থেকে চলবে না। এমনকি যে সব ব্যয়ামাগারে হিংসভাবে আত্মরক্ষার কৌশল শেখান হয় তাদের সঙ্গে সংগ্রহ পর্যন্ত কংগ্রেসীরা রাখতে পারবে না। মুন্সীজী বহু ব্যয়ামাগারের সহিত সংশ্লিষ্ট আছেন; সংশ্লিষ্ট থাকা কর্তব্য মনে করেন। কাজেই মতভেদটা খুব গভীর। শোনা যাচ্ছে মুন্সীজীই একা নন। আরো বহু কংগ্রেসী তাঁকে অনুসরণ করবেন। যদি বিশ্বাসের ও মতামতের মর্যাদা থাকে এবং আদর্শের সত্যতা থাকে, তবে অনেকেরই কংগ্রেস ছাড়তে হবে। নতুবা গান্ধীজীকেই কংগ্রেস ছেড়ে যেতে হবে। প্রতিষ্ঠানের কল্যাণের দিক থেকে বিচার করে অহিংসার পরীক্ষার জন্য গান্ধীজীর অগ্র ফ্রেন্ড নির্বাচন করা উচিত। ভারতের সবচাইতে বড়ো গণপ্রতিষ্ঠানকে একটা কৃত্রিম নৈতিকতার শিকলে বেঁধে পঙ্ক করে রাখবার দিন গত হয়েছে। কিন্তু কংগ্রেসের ভবিষ্যৎ নির্ভর করছে একা গান্ধীজীর ওপরে নয়, অগণিত সাধারণ সদস্যের ওপরে। এরা যদি আজ নির্ভয়ে নিজেদের মতামতের ওপরে দাঁড়িয়ে গান্ধীবাদকে অস্বীকার করেন তবেই কংগ্রেসে সত্যের মর্যাদা সুরক্ষিত হবে। নতুবা ব্যক্তির মোহ যদি আজও আমাদের সকল যুক্তি ও বিচারকে আচ্ছন্ন করে থাকে তবে স্বাধীনতা সংগ্রামে সকল সম্ভাবনা বিফল হবে।

মুন্সীজীর পরবর্তী প্রোগ্রাম হলো পাকিস্তান-বিরোধিতা। তিনি চান ‘অখণ্ড হিন্দুস্থান’ আন্দোলন। আমাদের পূর্ণ সমর্থন এই প্রস্তাবের পেছনে আছে। ভারতবর্ষের সর্বপ্রধান প্রয়োজন

সেখানে এই ছোট ও মাঝারি শিল্প-প্রতিষ্ঠান গুলি যদি ধ্বংস পায় তবে যেমন বেকার সমস্যা বাড়বে তেমনি ভারতকে আরো পরমুখাপেক্ষী হোতে হবে। অথচ তার জন্য মাথা ব্যাথা কার ?

কিছুদিন আগে কলকাতায় ইণ্ডিয়ান চেম্বার অফ কমার্স' কোনো একটা শিল্পের জন্য সাহায্য চেয়ে সরকারের কাছে সুপারিশ কোরেছিল কিন্তু সরকার এই মোড়ালি সহ্য না কোরে নির্দেশ দিলেন শিল্পের মালিকেরা সোজামুজি সরকারের কাছে আবেদন না কোরলে তা বিবেচনা করা হবে না। ছোট ছোট শিল্পগুলির পক্ষে বিচ্ছিন্নভাবে আবেদন করার অসুবিধা অতি সহজেই বোঝা যায়—তাদের পক্ষে কোনো প্রতিষ্ঠানের মধ্যস্থতা গ্রহণ করা আভাবিক ও প্রয়োজনীয়—কিন্তু সরকারের তা সহ্য হোলো না, কে জানে যদি এ ভাবে সজ্ঞবদ্ধতার মধ্য দিয়ে বিপদ ঘটে। সর্বত্র তাই বিচ্ছিন্নতা যত বেশী পরিমাণে জাগিয়ে রাখা যাবে—কি রাষ্ট্র ক্ষেত্রে, কি শিল্পক্ষেত্রে ততই মঙ্গল। ঘুরে ফিরে একজায়গাই আমরা আসছি। বার বার সাম্রাজ্যবাদের রুদ্ধ-দরজায় মাথা খুঁড়ে শক্তিক্ষয় হোতে বা মাথাটা যেতে পারে হয়তো কিন্তু তাতে ঘরে ঢোকা সহজ হবে না—অন্য পথ দেখতে হবে—সমস্ত জাতির মধ্যে কবে একথাটা বীজ-মন্দের মত ছড়িয়ে পড়বে ?

চাউলের ও কাপড়ের সমস্যা.

ভারতবর্ষের স্বার্থের সঙ্গে বর্তমান যুরোপীয় যুদ্ধের কোন সম্পর্ক নেই, কিন্তু তবু ভারতকে যুদ্ধে যোগ দিতে হয়েছে। আধুনিক লড়াই এমনই সর্বগ্রাসী ব্যাপার যে তাতে দেশের সমস্ত অর্থ ও সামর্থ্য আত্মত্যাগ না দিয়ে নিস্তার পাওয়া দুষ্কর। কাজেই যুদ্ধের অব্যর্থ ফল হিসাবে নিদারুণ অর্থ, অন্ন ও বস্ত্র সংকট সকল দেশে দেখা দেবেই। সাম্রাজ্যবাদ সূত্রে যারাই গবেষণা করেছেন তারা প্রত্যেকেই স্বীকার করেছেন সাম্রাজ্যবাদের পরিণামে যুদ্ধ ঘটবেই এবং যুদ্ধের পরিণামেও সংকট দেখা দেবেই। যুদ্ধে যে সব দেশ সাক্ষাৎভাবে লিপ্ত হয়েছে, যে সব দেশের বৃকের ওপরে বোমা ও বিমানের ধ্বংসাত্মকতা চলেছে তাদের দুর্দশার কথা ছেড়েই দিলাম। যারা ভারতবর্ষের মত কিছু দূরে থেকে অর্থ ও জন দিয়ে সাহায্য করছে তাদেরও দুর্দশা দিনে দিনে শোচনীয় হয়ে উঠতে বাধ্য। ভারতবর্ষেও যুদ্ধজনিত সংকট আরম্ভ হয়েছে। এর প্রথম সূচনা হয়েছে খাদ্য ও বস্ত্রের দুর্ভিক্ষে।

বাংলায় চাউলের দাম আগুনের মতো বেড়েই চলেছে। ৬ টাকা দিয়ে চাউল কিনে আমাদের গরীব দেশের কজন লোক পেটের ক্ষিদে মেটাতে পারবে ? চারদিকে তাই আজ শোনা যাচ্ছে দরিদ্রের ক্রন্দন ও মধ্যবিত্তের হাহাকার। কিন্তু এই অন্নদুর্ভিক্ষের প্রতিকারেরও কোনো পথ সরকার বাহ্যতঃ খুঁজে পাচ্ছেন না। তারা বিরতি বের করে এবং দুর্ভিক্ষের কারণগুলো বিশ্লেষণ করেই খালাস। ইতিমধ্যে দুটো বিরতি বের হোয়েছে। অম্মাভাবের তিনটে কারণ : (১) বাংলা-

দেশে যে ধান জন্মে তাতে বছরের খোরাক কুলোয় না, ব্রহ্মদেশ থেকে চাউল আমদানী করতে হয় (২) এবার যুদ্ধের জন্ম জাহাজ পাওয়া যাচ্ছে না, তাই আমদানী অনেক কম (৩) এবছর ফসল বহু নষ্ট হওয়ায় মজুদী চাউলও খুব কম আছে। (৪) যুদ্ধের জন্ম এদেশ থেকে বহু চাউল বিদেশে রপ্তানী হয়েছে (৫) ব্রহ্মদেশেও চাউলের অভাব আছে কারণ সেখান থেকে জাপান, হংকং, মালয় ইত্যাদি দেশ বহু অতিরিক্ত চাউল কিনে নিয়েছে। কারণগুলো জানা গেল, কিন্তু প্রতিকার কি ? প্রতিকার একমাত্র চাউলের আমদানী বাড়ানো। কিন্তু জাহাজ কোথায় ? বাংলা গভর্নমেন্ট জানিয়েছেন, জাহাজী কর্তাদের কাছে আগ্রাস পাওয়া গেছে ভবিষ্যতে জাহাজের কিছু সুবিধা হতে পারে। এ আগ্রাসও অস্পষ্ট। তাছাড়া রেশনে চাউলের দামও এবার অনেক বেড়েছে, রপ্তানীর দরুণ মণ প্রতি বৃদ্ধি ১৮/০, জাহাজ ভাড়া বৃদ্ধি হয়েছে মণ প্রতি ১০, ব্রহ্ম সরকারের নতুন রপ্তানী ট্যাক্স দিতে হচ্ছে মণ প্রতি ১/৫, মোট ২৮/৫ করে মণপ্রতি বৃদ্ধি হয়েছে। কাজেই এই আশ্বনের দামের চাউল রেশন থেকে এনে এদেশে কিছু পরিমাণ ফেললেই বা এই ছুমূল্য চাউল কিনবে কে ? সরকারের উচিত ছিল জাহাজের চেষ্টা আগে থেকেই করা আর দাম বাড়াবার আগেই সম্ভবমত চাউল আমদানী করে রাখা। তখন গাফিলতী করে এখন কুস্তীরাষ্ট্র বিসর্জন করার কোনই মূল্য নেই। দারিদ্রের কান্না দেশ ভরে যাবে কে এর প্রতিকার করবে ?

কাপড়ের বেলায়ও সেই একই অবস্থা। ভারতে উৎপন্ন কলের ও তাঁতের কাপড়ে চাহিদা মেটে না। আমদানী করতে হয় বিদেশ থেকে। বিদেশ থেকে আমদানী বন্ধ হয়েছে, আর এর ওপরে যুদ্ধের জন্ম গভর্নমেন্ট কলগুলোকে খাটাচ্ছেন যুদ্ধের বস্ত্রের জন্ম। কাজেই কাপড় ছুমূল্য হয়েছে, দুস্প্রাপ্য হবে শীতের। সূতারও অভাব তীব্র। এ সমস্যারও কোন সমাধান গভর্নমেন্ট ~~কিন~~নি। তথ্য সংগ্রাহক কমিটি (fact finding committee) একটা করা হয়েছে। কিন্তু কমিটির দ্বারা কতটুকু কী হয়েছে বা হবে, তা অজ্ঞাত। গভর্নমেন্টের যদি কল্পনাশক্তি বা দৃঢ়দৃষ্টি না থাকে তবে দেশকে রক্ষা করবে কে ?

কৃষক আন্দোলনে হাওড়া

বাংলাদেশে কৃষক আন্দোলন গড়ে ওঠেনি, একথা স্বীকার করতে হবে। একটা প্রাদেশিক কৃষক সভার অফিস কলকাতায় আছে শোনা যায় ; কিন্তু বাংলার ২৯টি জেলায় কোনো সংগঠনের বলাই এদের আছে কিনা সন্দেহ। বিহার, ইউ-পিতে যেমন মণ্ডলে মণ্ডলে কৃষক-সংগঠকরা প্রাণান্ত পরিশ্রমে কৃষকদের শ্রেণীচেতনা ও শ্রেণীসংস্থা গড়ে তুলেছেন, বাংলায় তা' আজো কল্পনাতেই। এখানে শিশু থেকে বৃদ্ধ সবাই বচনে বিশারদ, কিন্তু ক্ষেত্র-কর্মে হাতে-কলমে কিছু করবার বেলায় লোক পাওয়া দায়। বিশেষতঃ গ্রামে থেকে কাজ করবার কর্মী বিরল। সহরে বসে সভা সমিতিতে কৃষক আন্দোলনের ইতিহাস ও সংখ্যাতত্ত্ব আলোচনা করা


সহজ। কিন্তু জলে-ঝড়ে, রৌদ্রে-বৃষ্টিতে, মাঠে-ঘাটে ঘুরে অশিক্ষিত চাষীদের মধ্যে কাজ করতে শক্ত মেহনতের দরকার হয়। বাংলাদেশে তাই কৃষক আন্দোলন শক্তিশালী হয়নি। মাত্র যে তিন চারটে জেলায় কিছু কিছু কৃষক আন্দোলন হয়েছে তার মধ্যে হাওড়ার নাম উল্লেখযোগ্য। শ্রীযুক্ত নিতাই মণ্ডলের নামে ইতিপূর্বে মোকদমা দায়ের করা হয়েছে, তাকে অনেক নির্যাতন সহ্য করতে হয়েছে চাষীদের জ্ঞান। এ ছাড়া শ্রীযুক্ত বিষ্ণু সামন্ত, ক্ষিতীশ সরকার, নরেন্দ্র চৌধুরীর নামেও কিছুদিন আগে ভারতরক্ষা আইনের মোকদমা আনা হয়েছিল। অপরাধ ম্যাজিস্ট্রেটের নিষেধ অমান্য করে এরা শোভাযাত্রা করেছিলেন এবং ‘সুভাষাবাকী জয়’, ‘জমিদারি প্রথা ধ্বংস হোক’ ইত্যাদি ধ্বনিও এরা করেছিলেন। জমিদারি প্রথার অপকারিতা সম্বন্ধে মতামত থাকতে এবং তা প্রচার করাটা যে ভারতরক্ষার কী বিঘ্ন করছে, তা বোঝা ছন্দর। তাছাড়া সুভাষ-প্রীতিটা ও যে যুদ্ধ চালনার কী ব্যাঘাত উৎপাদন করছে তাও বোঝা মুশ্কিল। যেটা অতি সামান্য তাকে মিছামিছি বাড়িয়ে তুললে যা পরিচালনার কোনই সৌকর্য্য হয় না, তবে দেশের পক্ষে এটুকু কল্যাণ হয় যে এইসব জুলুম লোপের চেষ্টানামে সত্যিকার অবস্থা সম্বন্ধে সজাগ করে তোলে। হাওড়ার কর্মীদের আমরা অভিনন্দন করছি, তারা ধীরে ধীরে কৃষক চেতনাকে গড়ে তুলতে পারছেন এই কারণে। সাম্প্রদায়িক বিষয়ে একমাত্র প্রতিবেদক হলো কৃষক-সংগঠন।


তার সি, ওয়াই, চিন্তামণির মৃত্যু

এলাহাবাদের লীডার পত্রিকার সম্পাদক, লিবারেল পার্টির আইসপ্রেসিডেন্ট ও নেতা শ্রীযুক্ত চিন্তামণি ৬১ বছর বয়সে পরলোকগমন করেছেন। তাঁর বিশ্বকোষী পাণ্ডিত্য এবং অসাধারণ শ্রমশক্তি চিরকাল ভারতবর্ষের শ্রদ্ধা অর্জন করবে। সামান্য অবস্থা থেকে উন্নতির উচ্চতম শিখরে আরোহণ করে তিনি প্রতিভার পরিচয় দিয়েছেন। যুক্তপ্রদেশ আইন সভার ও গোলটেবিল বৈঠকের তিনি সদস্য ছিলেন, যুক্তপ্রদেশের শিক্ষা-শিল্পমন্ত্রী ও তিনবছর ছিলেন। তাঁর মৃত্যুতে দেশের অভাবনীয় ক্ষতি হল।

শ্রীযুক্ত গুরুসদয় দত্ত

নানা লোকহিতকর প্রতিষ্ঠানের স্থাপয়িতা প্রিয়ভাষী শ্রীযুক্ত গুরুসদয় দত্তের ক্যান্সার রোগে অকালে মৃত্যু হয়েছে। তাঁর বয়স হয়েছিল ৫৮ বছর। সেরোজনলিনী দত্ত বিজালয় এবং ব্রতচারি সংঘ, এই ছোটো প্রতিষ্ঠানের সঙ্গে তাঁর নাম চিরদিন জড়িত থাকবে। আইন অমার্গ আন্দোলনের সময়ে এবং হিজলী মহিলা-বন্দীদের অনশনকালে তাঁর দেশপ্রীতি ও সংসাহসের পরিচয় আমরা পেয়েছিলাম। সমাজ সেবাক্ষেত্রে তাঁর অভাব চিরদিন বাংলাদেশে অনুভব করবে। আমরা তাঁর শোক সমুপ্ত পরিবারবর্গকে আন্তরিক সমবেদনা জানাচ্ছি।





କେନ୍ଦ୍ରୀୟ ମନ୍ତ୍ରୀ

ଜଣେ ମହାଶୟୀ
ମାଧବୀନାଥ



বাহাদুর প্রাণ
সব দুচ্ছতার মতো দীপ দ্বারা জ্বলে অনিস্বাণ।

—রবীন্দ্রনাথ

জম্মা

দশম বর্ষ

আষাঢ়, ১৩৪৮

১ম ভ

“কঠিনেরে ভালোবাসিলাম”

রবীন্দ্রনাথ ঠাকুর

রূপ-নারানের কূলে

জগে উঠিলাম

জানিলাম এ জগৎ

স্বপ্ন নয়।

রক্ষার অক্ষরে দেখিলাম

আপনার রূপ,

চিনিলাম আপনারে

আঘাতে আঘাতে

বেদনায় বেদনায়,

সত্য যে কঠিন

কঠিনেরে ভালোবাসিলাম

সে কখনো করে না বঞ্চনা।

আমৃত্যুর দুঃখের তপস্যা এ জীবন,

সত্যের দারুণ মূল্য লাভ করিবারে,

উদয়ন

মৃত্যুতে সকল দেনা শোধ করে দিতে।

১৩ মে, ১৯৪৮

রাত্রি ৩টা ১৫ মিনিট

তারপরে কার্লমার্ক্স। অর্থনৈতিক ও রাজনৈতিক পরিস্থিতি যে পরস্পরের থেকে আলাদা নয়, বরং অর্থনৈতিক পরিস্থিতি কেবল রাষ্ট্রের গঠনই নয়, অগাচ্ছ সামাজিক প্রতিষ্ঠানগুলোকেও নিয়ন্ত্রণ করে—একথার স্পষ্ট স্বীকৃতি প্রথম পাই কার্লমার্ক্সে। রাজ্যশাসনক্রিয়ার আসল ব্যাপারগুলোর মর্ম উদ্ঘাটন করে মার্ক্স দেখিয়েছেন, কিন্তু মার্ক্সও হেগেলের মত অগাচ্ছ গুরুতর সামাজিক সম্ভবরূপ-গুলিকে ত্যাগ করেছেন। অথচ এইসব খণ্ড সম্ভবগুলিরই মধ্যদিয়ে যুগে যুগে সমাজজীবন নিয়ন্ত্রিত হয়ে এসেছে এবং এমন কি মজুর ও কৃষকদের অধিকারগুলোও সুরক্ষিত হয়ে এসেছে। মার্ক্স অর্থনৈতিক স্বার্থকে এবং সম্ভবগত সংঘর্ষকে অতিরিক্ত প্রাধান্য দিয়েছেন এবং নির্দেশ করেছেন যে শ্রেণীসংগ্রামের অবসানে শ্রেণীহীনসমাজে রাষ্ট্র বিলুপ্ত হবে। এখন দেখা যাক রাষ্ট্রের সার্থকতা কোথায়? আগেই বলেছি পরিবার, সমবায়, গ্রাম্য সমিতি, ভদ্রসংহতি বা সামাজিক যুগ্ম (group) ইত্যাদি প্রতিষ্ঠানগুলো হলো সামাজিক শাসনের এবং নিয়ন্ত্রণের যন্ত্র বিশেষ মাত্র। রাষ্ট্রও এদেরই মত নানা অবস্থার ঘাত-প্রতিঘাতের ফলে সমষ্টিজীবনের স্বার্থেই উদ্ভূত হয়েছে। রাষ্ট্রে বিবর্তিত হয়ে উঠেছে কৃষিক্ষেত্রে সমষ্টিগত জলসেচনের জন্ত, সর্বসাধারণের জমি, ময়দান এবং গোচারণ ভূমির রক্ষণাবেক্ষণের জন্ত, সম্ভবদ্বাভাবে সমষ্টির আত্মরক্ষার জন্ত বা প্রতিশোধ গ্রহণের জন্ত। সমবায়গুলোও ছিলো আত্মরক্ষার্থে কিংবা অপরকেও আত্মরক্ষার্থে সম্ভবদ্বন্দ। এদের ছিল নানা আইন কানুন, এবং বিদ্যুৎ উত্তরণের জন্ত ছিল নানা সুনির্দিষ্ট নিয়মাবলী। পূর্বে পরিবার, গোষ্ঠী বা গ্রাম্য-সমাজ তার অন্তর্গত প্রত্যেকটি ব্যক্তির কার্য ও ব্যবহারের জন্ত দায়ী থাকতো। এই সব বহুবিধ সামাজিক নিয়ন্ত্রণের বাহক প্রতিষ্ঠানগুলির মত, রাষ্ট্রও আধুনিক ধনতান্ত্রিক যুগের অর্থনৈতিক শ্রেণীগুলি থেকে অনেক প্রাচীনতর। বর্তমান সমাজসংস্কারের সমাধান হয়ে গেলে রাষ্ট্র কিংবা অথ কোন সামাজিক প্রতিষ্ঠান কেতাই বিলুপ্ত হবে না। বরং তখন সামাজিক সহযোগিতা ও ব্যবস্থার নব নব ক্ষেত্র আবিস্কৃত হবে এবং সামাজিক নিয়ন্ত্রণের নতুনতর রূপ ও ধরণ প্রকাশিত হবে। সামাজিক নিয়ন্ত্রণের এই সব নানা সম্ভবরূপের পরস্পরের মধ্যে অহরহ প্রতিদ্বন্দ্ব চলেছে এবং সমাজ-বিকাশ এইসব সম্ভবরূপের একটা একটানা পরিবর্তনের মধ্য দিয়ে বয়ে চলেছে। রাষ্ট্রীয় বা আর্থিক বিবর্তনের নানা স্তরে ও অবস্থায় কখনো রাষ্ট্রীয়, কখনো আর্থিক বা কখনো সামাজিক (group) সম্ভবের নিয়ন্ত্রণ ও কর্তৃত্বশক্তিকে অতিমাত্র বাড়িয়ে তুলে আতিশয্য দান করা হয়ে থাকে। যেমন যুদ্ধ, হুঁজু ও মহামারীর সময়ে রাষ্ট্রশক্তিই সর্বোপরি হয়ে দাঁড়ায়, তেমনি মার্ক্সীয় দর্শনেও অর্থনীতির প্রাবল্য আর্থিক পরিস্থিতির নিয়ন্ত্রণশক্তির প্রাবল্য ও বিস্তৃতিকে সূচিত করছে।

উদ্ধৃতি এই নয়। জড় পৃথিবীর রূপকে মানুষ ভেঙ্গে গড়ছে, সঙ্গে সঙ্গে বদলে যাচ্ছে মানুষের সাথে মানুষের সম্পর্কগুলো; এইরূপেই রাষ্ট্র ও অগাচ্ছ সামাজিক প্রতিষ্ঠানগুলো “উৎপাদনশক্তির” থেকেই উদ্ভূত হয়েছে। অর্থনীতির “ক্লাসিকাল” পণ্ডিতেরা একরকমের “জড়বাদ” প্রচার করেছেন। এ হলো অর্থনৈতিক জড়বাদ। এদের মতে সামাজিক ও ঐতিহাসিক শক্তিবিশ্বাসের ছায়া নয়—

পণ্যের সঙ্গে পণ্যের সম্পর্ক দ্বারাই মানুষের সঙ্গে মানুষের সম্বন্ধ নিয়ন্ত্রিত হয়। এই মতে সমাজের অর্থনৈতিক প্রক্রিয়া ও প্রকাশগুলোকে কতকগুলো অনড়, ব্যক্তিনিরপেক্ষ বিশিষ্ট বলে গণ্য করা হয়েছে এবং এই বিশিষ্টগুলো মানুষের আশা আকাঙ্ক্ষা ও আদর্শের কোন ধার ধারে না। এই ‘ক্যাসিক্যাল’ অর্থনীতির বিরুদ্ধে মার্ক্স উপস্থিত করেছেন এক “বাস্তববাদ”। মার্ক্সের এই মতবাদ হেগেলের “চৈতন্যবাদের” প্রতিক্রিয়া হিসেবে জন্মলাভ করেছে। হেগেলের প্রতিবাদে মার্ক্স দেখিয়েছেন যে জগৎ নিয়ন্ত্রিত হয় মানুষের সঙ্গে প্রকৃতির সম্পর্ক দ্বারা, মানুষের অর্থনৈতিক শক্তির দ্বারা; এই অর্থনৈতিক শক্তিই উৎপাদন-প্রক্রিয়ার সামাজিক সম্পর্ক-ব্যবস্থার ও ঐতিহাসিক বিবর্তনের মধ্যদিয়ে রূপায়িত হয়ে ওঠে। সুতরাং, মার্ক্স জড়বাদীও নন, দৈববাদীও নন, কারণ “উৎপাদন-শক্তিগুলো”ও জড় নয়, আর যে মতবাদ ধনতন্ত্রের ঐতিহাসিক বিবর্তনকে রাষ্ট্রীয়, মনস্তাত্ত্বিক ও কান্টনীয়-ব্যবস্থার ঘাত-প্রতিঘাতের ফল বলে নির্ণয় করেছে সে মতবাদও “জড়বাদী” নয়।

মার্ক্সীয় মতে, এক সমাজব্যবস্থা পরবর্তী সমাজব্যবস্থায় উত্তীর্ণ হতে পারে কেবলমাত্র শ্রেণীসংঘর্ষের মধ্যদিয়ে; শ্রেণীসংগ্রামই হলো সমাজ-বিকাশের একমাত্র যন্ত্র ও উপায়। শ্রেণীসংঘর্ষ মারফতে সমাজব্যবস্থার পরিবর্তন সম্বন্ধে এক কথাটা অতি স্পষ্ট যে শ্রেণীর রাজনৈতিক সফলতা নির্ভর করে বহু প্রকারের সামাজিক ও অর্থনৈতিক অবস্থার ওপরে। একই দেশে রক্তের সম্পর্ক, মাটির টান, (localism) ধর্ম, বংশ এবং সাংস্কৃতিক বা সামাজিক সাদৃশ্য এমন প্রবল গোষ্ঠী-আনুগত্য (group loyalties) সৃষ্টি করতে পারে যা শ্রেণীচেতনাকে বিকল করে দিতে পারে। প্রাকৃতিক ঐশ্বর্যের ও বিনামূল্যের জমির প্রাচুর্য, জনসাধারণের মজুরীর উচ্চ হার, জীবনযাপনের স্বচ্ছলতা ইত্যাদি কারণে শ্রেণীসংঘর্ষের বৃদ্ধি নাও হতে পারে। শিক্ষাপ্রচার রাজনৈতিক শিক্ষার বিস্তার, মজদুরসংঘের ও রাজনৈতিক দলের সংগঠন, সমাজে শ্রেণীবিভাগের প্রতিকূল্য করতে পারে, শ্রেণীসংঘর্ষের তীব্রতাকে খর্ব করতে পারে, এমনকি শ্রেণীসংগ্রামকে সমাজবিপ্লবে পরিণত হতে না-ও দিতে পারে। এসব ব্যাপার অতি জটিল। কোন একটা জাতির জীবনে অর্থনৈতিক সম্পর্কগুলো দ্বারাই কেবল এসব ব্যাপার অতি সরল ও সহজভাবে নিয়ন্ত্রিত হয় না। ইতিহাসকে কেবল অর্থনৈতিক ঘটনা ও শক্তিই সব কিছু করে না। কতো সামাজিক ও ধার্মিক সংঘর্ষ, কতো রাজপরিবারের অন্তর্কলহ, কতো নগণ্য ঘটনা এবং এমনকি কতো ব্যক্তির জীবনের কতো আকস্মিক অ্যাকসিডেন্ট, সভ্যতার গতিকে নিয়ন্ত্রিত করেছে যুগে যুগে তার ইয়ত্তা নেই। মার্ক্সীয় সমাজতত্ত্বের ভুল হল এই যে, ইতিহাসের ক্রমপরিণতির স্তরগুলো প্রলিটেরিয়েটের ইচ্ছা অনুযায়ী অতিরিক্ত অনড়ভাবে নিয়ন্ত্রিত হচ্ছে বলে কল্পনা করা হয়েছে এবং সমাজ যেন শ্রমিকের শ্রেণী-প্রয়োজন অনুসারেই বিবর্তিত হচ্ছে একটা ছককাটা পথে, এমনি এরা কল্পনা করেছেন। অর্থনৈতিক শক্তি-সমবায়ের সঙ্গে রাষ্ট্রনীতির সম্পর্ক সম্বন্ধে মার্ক্সীয় সমাজতাত্ত্বিক অর্থনীতির একটা অতিসরল ব্যাখ্যা দিয়েছেন। কেবল তাহাই নয়। তার বিশ্লেষণ অনুসারে

তিনি কল্পনা করেছেন ইতিহাসের এক সার্বলৌকিক ও সার্বকালিক অভিযান ; তাঁর মতে ইতিহাস এই অভিযান চলেছে একটি মাত্র পথকে, একটি মাত্র প্রণালীকে অনুসরণ করে এবং এই পথ হ পৃথিবীর সকল ধর্ম, সকল সংস্কৃতি ও সভ্যতার একমাত্র অধিতীয় পথ। কিন্তু তা হয় মাত্র ভুল করেছেন। সকল পথই গিয়ে মাত্রীয় স্বর্গে শেষ হয় নি, যে স্বর্গ অনিবার্য শ্রেণীসংগ্রহ অহরহ আলোড়িত হচ্ছে। সংস্কৃতি বস্তুটা হলো একটা সমগ্র অথবা বস্তু এবং একটা অন্তর্ভুক্ত সামঞ্জস্য দ্বারা এর সংগঠন ও প্রকৃতি নিয়ন্ত্রিত হয়ে থাকে। সংস্কৃতির এই সমগ্রতা সহ মাত্র অন্তর্দৃষ্টির পরিচয় দিয়েছেন সন্দেহ নাই। কিন্তু রাজনীতি ক্ষেত্রে কোন যুগেই “অর্থনীতি” (economic) ও শ্রেণীসংঘর্ষ সার্বজনীন এবং একছত্র হয়ে ওঠেনি ; কিংবা ইতিহাসের বিবর্ত : শ্রেণীসংঘর্ষের ডায়ালেকটিক অনুসারে, একটানা একটি যুক্তিসঙ্গত লজিক্যাল প্রণালীকে অনুসরণ করে চলেনি। জীবনটা লজিকের নির্দেশেই চলে, এ হলো হেগেলীয় মতবাদ। ‘মাত্র’ অর্থাৎ এ ক্ষেত্রে এই হেগেলীয় ধারণাকেই অনুগমন করেছেন। কিন্তু সমাজ-ব্যবস্থায় শ্রেণী-সংগ্রাহকত্ব সত্ত্বেও এই যুক্তিহীন, গোঁড়া বিশ্বাসের জন্ম দায়ী হলো পশ্চিম যুরোপীয় পরিবেশের সামান্য ইতিহাস, কারণ এই পরিবেশের থেকেই জন্ম হয়েছে মাত্রীয় মতবাদের।

ক্রমশঃ



একটি আনি

কাকের

যতদূর স্মরণ হয় আনিটি পাঞ্জাবীর পকেটেই ছিল।

ডান পকেট বাঁ পকেট দু'পকেটই দেখিলাম। বুক পকেট নাই কাজেই প্রাণ ওঠে না চায়ের দোকানের ছোকরাটি মুচ্‌কী হাসিয়া বলিল—পয়সা নেই বুঝি ?

উত্তর না দিয়া পকেট ছুটি উন্টাইয়া দেখাইলাম।

—কি ? ছোকরার স্বর তীক্ষ্ণ হইয়া উঠিল।

—মণিবাগটা ভুলে এসেছি। মিথ্যা বলিলাম।

ছোকরাটি আমার শরীরের উপর দিয়া একবার চোখ বুলাইয়া লইল। মণিবাগ জাতীর কোন পদার্থ যে আমার পকেটে কখনও ছিল একথা সহজে তাহার বিশ্বাস হইতে ছিল না। মুচ্‌কী হাসিয়া বলিল—দেখুন না ট্যাঁকে থাকতে পারে।

আমিও হাসিয়া ফেলিলাম। বলিলাম—ট্যাঁকে ত পয়সা রাখি না ভাই। সত্যিই ভুল হয়ে গেছে।

ছোকরার মুখ গম্ভীর হইয়া উঠিল—তোমার সঙ্গে বকবক করবার আমার সময় নাই—যদি ধর্ম্মে সয় ত অল্প সময় পয়সা ছুঁতো দিয়ে যেও।

পথে পা দিলাম। পিছু ফিরিয়া সাইন বোর্ডটির দিকে তাকাইলাম। 'ষ্টুডেন্টস্‌ ক্যাবিন—মুক্ত-রাজবন্দী কর্তৃক পরিচালিত।' নামটি মনে মনে উচ্চারণ করিলাম।

মুক্ত রাজবন্দীদের কাহারও সহিত আলাপ করিবার বাসনা বহুদিন হইতেই ছিল। 'ষ্টুডেন্টস্‌ ক্যাবিনের' পরিচালক মুক্ত রাজবন্দীটি সহিত আলাপ করিবার ছুতা একটা পাওয়ায় মনে মনে খুসী হইয়া উঠিলাম। ভাগ্য ভালো ভদ্রলোক এ সময়ে দোকানে নাই থাকিলে কি জানি তিনি কি মনে করিতেন।

সকালে উঠিয়া গরম এক পেয়ালা চা টোঁটের উপর তুলিয়া ধরার অভ্যাস পূর্বে ছিল। এখন নিঃসন্দেহে বুঝিতেছি যে তাহা বদ অভ্যাস। নিতা জোটে না। জোটে না বলিয়াই সময় সময় পুরানো দিনগুলির কথা মনে পড়ে। আজ ষ্টুডেন্টস্‌ ক্যাবিনে ঢুকিয়াছিলাম—কারণ ছিল বলিয়া। গতকাল পেটে কিছু পড়ে নাই। রাত্রে শুইবার পূর্বেও দেশলাই বাহির করিবার ছুতায় পকেটে হাত দিয়া দেখিয়া লইয়াছিলাম—আনিটি আছে কিনা। সকালে আনিটি কি

উপায়ে খরচ করিব সেই স্থখ চিন্তার মধ্যেই কাল ঘুমাইয়াছিলাম। অথচ পেরেক টাঙ্গ পাঞ্জাবীটির পকেট হইতে কে যে আনিটি উড়াইয়া লইল তাহা কিছুতেই মাথায় ঢুকিল না।

সকালের কলিকাতার কদর্যতাকে এড়াইয়া যথা সম্ভব সমুপগে চলিতে লাগিলাম। স চাঞ্চল্য জাগিয়াছে। সকলেই ব্যস্ত। সকলেই কিছু না কিছু করিতেছে। কেহ কিছু না করিয়া কিছু করিবার ভান করিয়া আছে। চায়ের দোকানে—কাননবালা, 'সাবু' গোল দিয়াছে ক এসু মিত্র ঠ্যাং ভাঙ্গিয়াছে কবে এবং প্রধান মন্ত্রীর নবতম পত্নী লাভের গোপন অভিযা করিখ কি? মাতিয়া উঠিয়াছে সকলেই। বিস্তীর্ণ পথ, বিস্তীর্ণ ফুটপাথ। ফুটপাথের। চায়ের দোকানের পর চায়ের দোকান। শব্দের টুকরাগুলি এক দোকান হইতে অগ্ন দো লাফাইয়া লাফাইয়া চলিয়াছে। যুদ্ধ, এ, আর, পি, ব্রাক আউট। হেস্—সতিই .হেস্ কি সাম্প্রদায়িক দাঙ্গা মহাত্মা গান্ধীর —Latest Statement—. সুভাষবাস—বালিন রেডিও

চলিয়াছি। মনে মনে ভাবিতেছি এই চাঞ্চল্যের সহিত আমার কোন সম্পর্ক নাই। (গান্ধী, সুভাষ লইয়া আমি মাথা ঘামাইতেছি না কেন? কাননবালা বড় অভিনেত্রী না চিটনীশ? কে কাননবালা, কে লীলা চিটনীশ!

পথের বাঁকে পানের দোকানটির সম্মুখে হঠাৎ দাঁড়াইয়া পড়িলাম। মনে পড়িল স হইতে একটিও বিড়ি জ্বাটে নাই। আনিটি খোয়া গিয়াছে—না হলে একপয়সার বিড়ির বরা কালকের বাজটেই মঞ্জুর করিয়াছিলাম। ছ'পয়সার চা, এক পয়সার বিড়ি আর এক পয় সাদা ফল্গুপ কাগজ।

দিনের চেয়ারটায় বসিয়া পড়িলাম। আয়নায় নিজের চেহারা ফুটিয়াছে। মনে প আজ পঞ্চম দিন। দাড়ি গোঁফ পাঁচদিনে মুখটিকে কালো করিয়া দিয়াছে।

—তোমার ঘড়ি ঠিক আছে?

দোকানী মুখ না তুলিয়াই বলিল, হাঁ

—বিড়ি-টিড়ি চাই কিছু?

দোকানী মুখ তুলিল—স্ম্যাম্পেল আছে!

—না।

—তবে কি মুখ দেখে নেব—স্ম্যাম্পেল নিয়ে এসো আগে।

উঠিয়া পড়িলাম—বিকলে আসবো তা হ'লে।

দোকানী তাক হইতে একটি বিড়ি ছুড়িয়া দিল। এই রকম মাল চাই। বি কুড়াইয়া লইয়া নারকেল দড়িতে ধরাইলাম—ছ'চার টান টানিয়া নিঃশব্দে নামিয়া পড়ি পথে।

—অন্ধকে দয়া করুন বাবা, আপনারা হলেন গরীবের মা বাপ, আপনারা না দেখলে কোথায় বাবো বাবা।

কিশোর ছেলেটি চোখ পিট পিট করিতে করিতে গা ঘেসিয়া আসিয়া দাঁড়াইল। হল! চাতুরী! কিন্তু আমাকে ঠকাইতে পারিবে না। আমি আরোও বড়দরের প্রবঞ্চক। দোকানী সন্দেহ করিবার অবকাশও পাইল না।

অস্থায় করিয়াছি! না। প্রয়োজনের তাগিদে প্রবঞ্চক হইয়াছি। ছেলেটিরও প্রয়োজন আছে সেজন্য অন্ধের ভান করিয়াছে। যুক্তি দিয়া প্রয়োজনের দর্শন খাড়া করিবার চেষ্টা করিতে লাগিলাম।

পকেটে হাত দিয়া দেখি পেনসিলটি আছে। প্রয়োজন কিছু কাগজের। মনে মনে গল্পটি তৈয়ারী আছে। গল্পটি লিখিয়া ফেলিলে কিছু টাকা পাওয়া যাইবে। উমার সম্পাদকের গল্পের বিশেষ প্রয়োজন। আমার প্রয়োজন কিছু টাকার। মেসের দেনা বাড়িয়া চলিয়াছে। মেসের মালিকেরও টাকার প্রয়োজন। টাকা অভাবে তাঁহার কুমারী কণ্ঠার বিবাহ আটকাইয়া আছে। মেয়েটির বয়স হইয়াছে তাহার প্রয়োজন একটি স্বামীর। কিন্তু আমার উপস্থিত প্রয়োজন কয়েক সীট সাদা কাগজের।

সুশীলের কথা মনে পড়িল—আটিষ্ট সুশীল। এই অঞ্চলেই তাহার ষ্টুডিও।

বেলা বাড়িয়া চলিয়াছে। সহরের কর্মব্যস্ততা বাড়িয়া চলিয়াছে। রেডিওতে রেকর্ড বাজিতেছে। ফুটপাথ জুড়িয়া ভীড়। ‘চল চলরে নওযোয়ান’—এক দোকানের পর অল্প দোকান। কর্মব্যস্ত লোকগুলি মুহূর্তের জন্য কাজ ভুলিয়া গিয়াছে। লীলা চিটনীশ তাহাদের মনে ভর করিয়াছে। ‘রোকনা তেরি কাম নহি চলনা তেরি শাম্।’

সুশীলের ষ্টুডিওয় ঢুকিয়া পড়িলাম। সুশীল ভারতীয় পদ্ধতিতে ছবি আঁকে। তাহার ষ্টুডিওতে ঢুকিলে হাঁপাইয়া উঠি। দেয়ালের গায়ে টাঙ্গানো বড় বড় ছবি। আদর্শহীন, উদ্দেশ্যহীন, সৌন্দর্যহীন ভারতীয় ছবি। সুশীল তুলি রাখিয়া বলিল—আয় বোস্। তার পর কি মনে করে?

বসিলাম না। সরাসরি উদ্দেশ্য বলিলাম। সুশীল দেরাজ হইতে কয়েক সীট কাগজ বাহির করিয়া দিল।

—চল্লি?

—হাঁ।

—কবে আসছিষ্ আবার? তোকে দিয়ে কিছু কাজ ছিল।

—কি?

—আমার গোটাকতক ছবির একটু ভালো করে একটা সমালোচনা লিখে দিতে হ'বে তোকে।

—আচ্ছা। কত দিবি ?

সুশীল হো হো করিয়া হাসিয়া উঠিল।

পথে নামিয়া আসিলাম।

আমার সমালোচনা লেখায় সুশীলের প্রয়োজন আছে।

কত দিবি ? ইহাতে হাঁসিবার কি আছে ?

চলিতে চলিতে পার্ক মিলিল। ঢুকিয়া পড়িলাম। বেঞ্চগুলি খালি। এসময় বসিবার মত বিনাসিতা হয়ত কাহারও নাই।

লিখিতে লিখিতে ঘুমাইয়া পড়িয়াছিলাম। ঘুম ভাঙিলে দেখি বেলা গড়াইয়াছে। শেষাশটুকু তাড়াতাড়ি লিখিয়া ফেলিলাম।

উষার সম্পাদক মণিবাবু সাদর স্বাগতম জানাইলেন। গল্পটি পড়িয়া বলি
হয়েছে। আমি তাত পাইলাম। মণিবাবুর মুখে ছায়া পড়িল।

—একেবারে বাগ থানি—আজ কিছূই নেই। বাগ বাতির করিলেন।

আমি পকেট উল্টাইয়া দেখাইলাম। শেষে বলিলাম সারাদিন যাওয়া হয়নি।

মণিবাবু বাগ উঠতে একটি আধুলি বাতির করিয়া দিয়া বলিলেন—এই মিনি
খেয়ে নি। কাল এসে টাকাগুলো নিয়ে যাবেন।

মণিবাবু দয়ালু। আধুলিটি পকেটে ফেলিয়া ফুটপাথে নার্মিলাম।

ষ্টুডেন্টস্ ক্যাবিনের ঠিকানা মনে ছিল।

খদ্দরধারী যে ভদ্রলোকটি অভ্যর্থনা করিলেন—অনুমানে বুঝিলাম ঈনিত
রাজবন্দী।

টেবিলের উপর আধুলিটি রাখিয়া ছোকরাটিকে ডাকিলাম। আধুলিটি টেবিলে
দেখিয়া সে আশ্চর্য হইল। নিঃসন্দেহে মাউ করিল।

—এখন সাড়ে ছয় আনা আর সকালের দুপয়সা সাত আনা কেটে নেবেন।
ক্যাশ বাস্তবের উপর রাখিলাম। ছোকরাটি আমার পাশেই দাঁড়াইয়া—বাকি এক আ
ণ্ডাজিয়া দিয়া বাতির ওঠয়া আসিব এইরূপ ঠিক করিলাম। টিপ্‌স পাঠলে উঠার মুখের ভ
হইবে অনুমানে সে ছবিও হাসিয়া উঠিল—তাতলে লোকটা জোচ্চর নয়, আনিটি পাঠিয়া
অনুতপ্ত হইয়া উঠিলে নিশ্চয়ত।

—আধুলিটা বদলে দেবেন।

মাথায় আকাশ ভাঙিয়া পড়িল। তাতে লইয়া ভাল করিয়া দেখি—আধুলিটি
জাল। ঘামিতে লাগিলাম।

—দেখুন মুন্সিল হ'য়ে গেছে আমার কাছে এখন আর পয়সা নেই, আমি কাল দিয়ে যাবো।
অতিকষ্টে এই কথা কয়টি উচ্চারণ করিলাম।


ছোকরাটি ওৎ পাতিয়াছিল। বলিয়া উঠিল—সকালে এই লোকটাই ছু'পয়সার চা ঠকিয়ে
খেয়ে গেছে।

সামান্য একটু গোলমাল হইল। কলেজের ছোক্রা দুই চারজন খাইতেছিল—উঠিয়া
আসিল। নিঃসন্দেহে প্রমাণ হইয়া গেল আমি একজন দাগী আসামী।

মুক্ত রাজবন্দী বলিলেন—পুলিশে দিয়ে কাজ নেই। ছ'ঘা দিয়ে ছেড়ে দাও। ঘাড়ে
হাত পড়িল। একেবারে পথে আসিয়া দাঁড়াইলাম।

পার্কের বহুক্ষণ বসিয়া থাকিবার পর অধিক রাত্রে চুপি চুপি ঘরে আসিয়া ঢুকিলাম।
সঙ্গীরা সকলেই ঘুমাইতেছে। পাঞ্জাবীটি যথারীতি পেরেকে টাঙ্গাইয়া রাখিয়া শুইয়া পড়িলাম।

সকালে দেবীতে ঘুম ভাঙ্গিল। দেখি সঙ্গীরা সকলেই বাহির হইয়া গিয়াছে। হাত
বাড়াইয়া পাঞ্জাবীর পকেটটি টিপিয়া টিপিয়া দেখিলাম। আনিটি নাই। স্বরণ হইল গতকাল
উহা খোয়া গিয়াছে।



পদাতিক

অজর ভট্টাচার্য

পৃথিবীর লৌহদ্বারে পদাতিক কালের প্রহরী
হানিয়াছে পদাঘাত; চিনিছ কি এ কোন্ শর্বরী ?
তোমাদের ইতিবৃত্ত অসমাপ্ত আজো যদি থাকে,
যদি কোন' উৎসবের পানপাত্র বন্ধে তার রাখে
দ্রাক্ষার নির্ধাস-কণা—সুরুকরা শেষতীন গান
শেষ কর' লহমায়; তাই র'বে তোমাদের দান।

আতাত্ত্ব আকাশে অই পলাতক জ্যোতিক্ষের দল;
ইম্পাতের বাজ ওড়ে, বায়ু নয়, আবর্তি' অনল
অনেক মৃত্যুর জ্বালা; তোমাদের ক্ষুদ্র কান্না-হাসি
অবকাশ কোথা' তার? ক্রন্দনের বিশ্রী বহ্না-রাশি
দূর হতে আসে শোন' পঙ্করের দ্বার ভাঙ্গি' ভাঙ্গি'
এ নয় বসন্ত-পলাশ, ধূলি আজ রক্তে ওঠে রাজি'।

প্রেম-যক্ষ, কত প্রেম যথের মতন জন্ম রেখে
হৃদয়ের শুক্লি-মাঝে, রক্ত-বণিকের হাট থেকে
কত লাভ কত ক্ষতি বার-বার নাও নি কি তুলে ?
জোয়ার কখন গেল, লোভাতুর জ্বাখ' নাই ভুলে।
বৈশাখীর ছিন্ন পত্র জীবনের খতিয়ান ফেলি'
এ-বন্দর ভোল' আজ ফুরায়েছে সালের পহেলি।

এ মাটির বড় মায়া' মুছে যাবে তাই কৃষি ভয়,
দিগ্বিজয়ী রাত্রি এলো, পদশব্দে কোন্ কণা কয়
শুনিছ কি? দেখিছ কি শাপিত বর্ষার মুখে তার
বিন্দু কত সূর্য পৃথ্বী আসিয়াছে চিরছর্ণিবার
ধ্বংসোন্মাদ অভিযাত্রী। তোমাদের তাসের প্রাসাদে
কাঁকির বেসাতি যদি কাঁকা হয়, বল' কেঁবা কাঁদে।

এদিনের বহু আগে প্রাকৃতিক জৈব তৃষ্ণা ল'য়ে
 মানুষের শোভাযাত্রা প্রাক্-ঐতিহাসিকতা ব'য়ে
 চলিয়াছে 'ইতিহাস গড়ি' নব কৃষ্টির বৈভবে—
 তাদের নিয়েছে মুছি পদস্পর্শে এই রাত্রি কবে!
 নগর-মীনারে আজ আমাদের স্বর্ণাভ পতাকা—
 অদম্য জিগীষা কত রক্তরাগে নভে নভে আঁকা।

ফেলে যেতে হবে সব। মৃত্যুর নকীব হাঁকে দ্বারে
 জীবাত্মের শুকন্তরে মৃত্তিকার রুদ্ধ অন্ধকারে
 আমাদের পরিচয় ছুজ্জ'য় রহস্য র'বে—
 কবেকাল মরুপ্রান্তে অভিজাত মমির গোরবে
 স্থিরীকৃত হবে মোরা,—এ রাত্রি চলিবে চিরদিন
 অনাগত সেদিনের বর্তমান শূণ্ণে করি' লীন।



জাতীয়তার বিড়ম্বনা

অনিল চন্দ্র রায়

যুরোপে আজ মৃত্যুলীলা চলেছে। সেখানে বোমার বিস্ফোরণ আর কামানের বেজে উঠেছে আজ মহাকালের অমোঘ আহ্বান। রক্তাক্ত মানবের কাতরোক্তিতে সেখান ত্রি হয়েছ জর্জর। বোমারুদের ঠোকাঠুকিতে আকাশ হয়েছে খানখান; জীবনের সৌন্দর্য, সভ্যতার যতো লালিত্য সব আজ গ্যাসের আগুনে পুড়ে ছাই হয়ে গেলো। দয়া মায়া নাই,—সমস্ত শক্তিকে উদাত করে মানুষ আজ মানুষকে মারছে। দশহাজার প্রগতির প্রচণ্ড পরিণাম হয়েছে এই উন্মত্ত বর্ষরতায়। কিন্তু যুরোপের চার সীমারেই এই আটক থাকবে না; এর দুর্বীর টানে ছুটে চলেছে পৃথিবীর সর্বমানব, সকল দেশ, সমস্ত ভারতবর্ষও আজ এই আবর্তের হুঁসিয়ার টানে নিশ্চিত প্রলয়ের দিকে অগ্রসর হয়ে চলেছে তাকে রোধ করবে? আকাশে রক্তস্রাব দেখা দিয়েছে; চক্ষুদ্বারা ছড়িয়ে পড়েছে আসন্ন কালো কুটীল জটাজাল। জলতরঙ্গের প্রমত্ত কলরোল স্পষ্ট হয়ে উঠেছে; যুগ্মশব্দ ও আভাস দেখা দিয়েছে দিকে দিকে। এমন সময়ে ভারতবর্ষ কী করবে? কী করবে এই ব্যাধি শোষণ-রিক্ত প্রাচীন মহাদেশ? এখানে পথে পথে নির্বোধ ক্রীড়ার দল পরস্পর হানাহানি মরছে। প্রলয়ের মুখে দাঁড়িয়ে এদের অকারণ কলহ ও কাড়াকাড়ির অন্ত নেই। গলিতকূর্ণ করে' দেহকে বিকল করে, দীর্ঘদিনের পরাধীনতা ভেঙে দেহ-মনকে করেছে বি এদের অস্থি-মজ্জায় লেগেছে মহামারীর ছোঁয়াচ। তাই এদের শৌধ নাই, আছে মস্তিস্কের স্তম্ভ মননা নাই, আছে ব্যাধির উত্তাপ আর অস্বাভাবিক বিকার।

সেই বিকারের বশে এরা পরস্পরকে খুন করছে, ছুরি মারছে, আর লাঠি ও মাথার ওপরে বজ্র উদাত হয়ে রয়েছে, পায়ের নীচে মৃত্যুর গহ্বর ত্য করে অপেক্ষা করছে নিদারুণ মৃত্যুতে এরা পরস্পরকে মুখ ভেঙিয়ে, বাঙ্গ করে, কামড়াকামড়ি করে ল বাঁধিয়েছে। ইরেজ প্রভুর চাবুক পিঠে পড়ছে, তাতে ক্ষেপ নেই; লালুল সংবরণ করে ই পদলেহন করা, হাজার লোকের দল বেঁধে নিরস্ত্র গৃহস্থের ঘরে আগুন দেওয়া, ভয় দেখি জোর করে ধর্মাস্ত্রের গ্রহণ করানো, অন্ধকারে লুকিয়ে মন্দিরে-মসজিদে মিশিক্ত বস্তু আসা, অসহায় নারীকে হরণ করে বিয়ে করা,—এই ছোলো এদের বীরত্বের নমুনা আশ্চর্যঘাতী মূর্খদের কে বাঁচাবে? সমস্ত পৃথিবীতে আজ আগুন লেগেছে, সেই আগুনে দিকদিগন্তকে বেঁঠন করে এগিয়ে আসছে! এই মর্মান্তিক মৃত্যু ভারতবর্ষের সহরে

গ্রামে গ্রামে কোঁদল আর শুকনো হাড় নিয়ে কুকুরের কাড়াকাড়ি আরম্ভ হয়েছে। হিন্দুতে হিন্দুতে কলহ, মুসলমানে মুসলমানে কলহ, কংগ্রেসী-কংগ্রেসীতে কলহ, সর্বোপরি হিন্দু-মুসলমানে কলহ। এই বিকারগ্রস্তদের চেতনা হবে কিসে ?

গত তিন মাস ধরে ভারতবর্ষের স্থানে স্থানে হিন্দুমুসলমানে দাঙ্গা হচ্ছে। দাঙ্গায় চলেছে নির্ভুর রক্তারক্তি আর প্রকাশ্য অগ্নিলীলা। সভ্য সংস্কারের বাধা নাই, ভণ্ডতার নিষেধ নাই; সামাজিক জীবনের বিধি নাই, সংযম নাই; কেবল আছে যুক্তিহীন বিদ্বেষ আর বুদ্ধিহীন উন্মত্ততা। বুদ্ধিহীন, কারণ এ হোলো “সাম্প্রদায়িক”। হিন্দু মুসলমানকে মারছে, একমাত্র কারণ সে মুসলমান। মুসলমান হিন্দুকে মারছে, মারবার একমাত্র যুক্তি হলো, সে হিন্দু। এখানে সাম্প্রদায় হোলো জন্মগত। জন্মদারা জাতকের কপালে ছাপ পড়ে যায়, সে হিন্দু, মুসলমান বা খৃষ্টান। এই ছাপ ললাটে বহন করেই মানুষ জন্ম থেকে মৃত্যু পর্যন্ত চক্রপথকে পরিক্রম করে। বেশীর ভাগ লোক হলো অচেতন; তারা এই ছাপকে বহন করে বিমূঢ় ও অচেতন মনে। কচিং কদাচিং এমন লোকও আছেন যারা সচেতন। যারা সজ্ঞানে এই জন্মচিহ্নকে স্বীকার করে চলেন; যারা আপন প্রেরণায় এই ছাপকে বদলেও নিয়ে থাকেন; যারা জন্ম-পরিচয়কে উল্টে নিয়ে আত্ম-পরিচয়কে জগতের সামনে স্থাপন করে থাকেন। কিন্তু অধিকাংশ মানুষ এই জন্ম-চিহ্নকে স্বীকার করেই চলেন। আমি হিন্দুর ঘরে জন্মেছি, তাই হিন্দু। এরা হিন্দু, কিন্তু হিন্দুই সম্বন্ধে এরা অজ্ঞ। এরা মুসলমান, কিন্তু ইসলামকে এরা জানেন না। জানলেও ধার ধারেন না। জীবনে হিন্দুধর্মের চিহ্নমাত্র ও নেই, কিন্তু আমি হিন্দু। জীবনে মোসলেম ধর্মের লেশমাত্র ও নেই, অথচ আমি মুসলমান। এই মানসিক অবস্থা সর্বত্র। এই কারণেই দেখা যায়, মোসলেম লীগের নেতাদের অনেকেই পুরোদস্তুর ‘মাহেব’ হয়েও ইসলামের ধ্বজা ধরে নেতৃত্ব করছেন। হিন্দু সভার পাণ্ডাদেরও অনেকেরই মনেপ্রাণে ও জীবন-যাপনে ‘বিলিতি’ হয়েও হিন্দুধর্মের নেতাকিরি করতে বাঁধছে না।

প্রকৃত ধর্মের সঙ্গে সাম্প্রদায়ের যোগ নেই। সাম্প্রদায়-গঠনের মূল কথাই হলো অহমিকা; অর্থাৎ ‘আমি হিন্দু’, ‘আমি মুসলমান’, এই সংস্কার। এই সংস্কারের জন্ম হয়েছে দাঁড়দিনের অভ্যাস থেকে। অনেকদিন ধরে শুনতে শুনতে মনে হিন্দুর ও মুসলমান-ই সম্বন্ধে একটা অস্পষ্ট চেতনা গড়ে ওঠে। নানা আচার ও বিবিধ দৈনন্দিন ব্যবহারের মধ্যদিয়ে সেই চেতনা ক্রমে দানা বেঁধে উঠতে থাকে। বয়োবৃদ্ধির সঙ্গে সঙ্গে মানুষ হয় হিন্দু, অথবা হয় মুসলমান অথবা খৃষ্টান। একবার এই সংস্কার শক্ত হয়ে গড়ে উঠলে মানুষকে যত্নের মতন চালিয়ে নেয়। তাই আজ ব্যক্তির সঙ্গে ব্যক্তির মনোস্তর না থাকলেও মানুষ মানুষকে খুন করতে দ্বিধা করছে না। এখানে ব্যক্তির সঙ্গে ব্যক্তির সংঘর্ষ নেই, এখানে আছে সাম্প্রদায়ের সঙ্গে সাম্প্রদায়ের ঝগড়া। তাই অজানা অচেনা লোককে অবলীলাক্রমে হত্যা করে ফেলতে মানুষ পারে। ব্যক্তিসেবে বিবেচনার

প্রয়োজন নেই, চরিত্র সম্বন্ধে ভাবনার দরকার নেই, দোষগুণ বিচারেরও প্রয়োজন নেই মাত্র শব্দের ইঙ্গিতই পর্যাপ্ত। “হিন্দু” এই শব্দটার দ্বারা মুসলমানের চিত্র অভিহৃত তেমনি “মুসলমান” এই অক্ষরটাই ক্ষণেকে হিন্দুচিত্তকে মুহূর্ত্ত করে তোলে। এই চেতনার মূলে ধর্ম নেই, আছে সংস্কার। ধর্ম যদিও বা থেকে থাকে, তাহা নাম মাত্র। প্রভাবই মানুষকে প্রবলভাবে নাড়া দিয়ে থাকে। নামের সঙ্গে যে সংস্কার জড়িত তা প্রবণতার খাদ মিশে সংস্কারকে যেনন করে প্রবল, নামকেও তেমনি করে প্রভাববান শক্তি কম নয়। হিন্দু, মুসলমান, খৃষ্টান, এই সব নামের অর্থ যাদের কাছে অজ্ঞাত সব শব্দের যাত্নতে বিমূঢ় হয়ে থাকে। এরই নাম মনুষ্যশক্তি। নামের ও শব্দের মো মানুষ চিরকালই হয়ে এসেছে। সাম্প্রদায়িক হানাতানির মূলে রয়েছে এই অর্থহীন নাম ও যুক্তিহীন সংস্কারের শাসন। একমুহূর্ত্তই একটা মানুষ সম্বন্ধে কিছু না জেনেও তার প্রাণ পোষণ করা সম্ভব হয়, এবং তাকে খুন করাও অতি সহজ হয়ে ওঠে।

বর্তমান ভারতের রক্তমাংসে এই সব সাম্প্রদায়িক দাঙ্গাই হলো প্রধান সাম্প্রদায়িক অকস্মাৎ এর আবির্ভাব হয়েছে এবার এবং অপ্ৰত্যাশিত এর রূপ। কেউ কল্পনাও করে অকারণে, এমন অসময়ে এর আবির্ভাব ঘটতে পারে। ঢাকায়, আমেনাবাদে, বোম্বেতে ও কদম্বা ও অভিনব আকারে হিন্দু মুসলমানের রক্তারক্তি ও দাঙ্গাভাঙ্গমা হয়ে গেলো, ভারতবর্ষের দৃষ্টি এই সাম্প্রদায়িক কলহের ওপরই পড়েছে। দুর্বল যারা তারা ভীত চিন্তাশীল যারা তারা চিন্তিত হয়েছেন। সর্বোপরি সকলেই হয়েছেন অভিজ্ঞ ও কতক হয়েছেন ক্রুদ্ধ এবং অনেকে হয়েছেন নিরাশ। সবাই মিলে হাচাকার করছেন সমস্তা যেখানে ছিলো সেখানেই থেকে যাচ্ছে। অথচ সমস্তার সমাধান চাই, একথা সবাই ভারতবর্ষে ৯ কোটি মুসলমান ও ২৩ কোটি হিন্দু। এদের মধ্যে মনাস্তুর নতুন নয়। পরিস্থিতি যে রকম দাঁড়িয়েছে তাতে মনাস্তুর থেকে দেশান্তর সৃষ্টি হওয়ার উপক্রম হিন্দুদের কিছু অংশ আজ ‘হিন্দু সভা’ করে ২৩ কোটি হিন্দুর নেতৃত্ব দাবি করেছেন; মুসলমানদের একাংশ ‘মুসলীম লীগ’ গঠন করে ৯ কোটি মুসলমানের মুখপাত্র দাবী অপরদিকে জাতীয়তার আদর্শ নিয়ে কংগ্রেস দাবি করেছে উভয় সম্প্রদায়ের নেতৃত্ব। তিনটি প্রতিষ্ঠান নয়, এরা হলেন তিনটে আদর্শের প্রতিনিধি। এই তিনটে প্রতিষ্ঠান আজ ভারতের সমুখে তার দাবি উপস্থিত করেছে। এর ভেতর হিন্দু সভার আদর্শ ও মুসলীম আদর্শ, এদের পরস্পরের সংঘর্ষ উপস্থিত হয়েছে। এই সংঘর্ষ হিন্দুধর্ম ও সভ্যতার সংঘর্ষ ও সভ্যতার সংঘর্ষ নয়। কারণ ধর্মের সঙ্গে ধর্মের বিরোধ হয় না; সভ্যতার সঙ্গে বিবাদ ঘটে না। বিবাদ হয় ধর্ম ও সভ্যতার ধারক মানুষের সঙ্গে মানুষের, সম্প্রদায় সম্প্রদায়ের। হিন্দুসভা বলছেন, এ ভূমি হলো হিন্দুস্থান; মুসলীম লীগ বলছেন,

পাকিস্তান হবে আলাদা রাজ্য। কাজেই মালিকানা স্বত্ব নিয়ে হলো ঝগড়া। সভা ও লীগ আজ মুখোমুখী দাঁড়িয়েছে। কেবল মুখোমুখী দাঁড়িয়েছে তা-ই নয়; পরস্পরকে চোখ-রাজাছে এবং বিরুদ্ধ প্রচার করছে। প্রচার মানেই হলো শব্দের যত্ন স্বজন করা। একপক্ষ করছেন “হিন্দু” নামের চারিদিকে মায়ামণ্ডল সৃষ্টি; অপর পক্ষ করছেন ‘মোসলেম’ নামকে কেন্দ্র করে অফুরন্ত স্তুতিগুঞ্জন। হিন্দুদের ও হচ্ছে মনে মনে আত্মমোহের রসায়ন; মুসলমানদেরও চিন্তে জন্মাচ্ছে আত্মবিভ্রমের মাদকতা। সঙ্গে সঙ্গে জোগানো হচ্ছে উদ্বেজনীর তীব্র মসলা ছদিক থেকেই। দুপক্ষের প্রচারের ফলে ছদিকেই মানসিক বৃদ্ধি এমন এক চরম লোকে উদ্ভীর্ণ হয়েছে যেখানে অতি লহজে বিমূঢ় মনে আগুন লেগে যায়। কাণ্ড-অকাণ্ড জ্ঞান হয় লুপ্ত, অপরিসীম উন্মত্ততায়। আজকে ভারতবর্ষে তাই হয়েছে। কিন্তু একথাটা বুঝতে হবে যে একে হিন্দুসমাজের সঙ্গে মুসলীম সমাজের সংঘর্ষ নয়। এ হলো প্রতিষ্ঠানের সঙ্গে প্রতিষ্ঠানের ঝগড়া। এমন প্রতিষ্ঠান যাদের সমুখে কোন স্নসংহত ও বলিষ্ঠ আদর্শ নেই; যাদের লক্ষ্য সংকীর্ণ এবং কর্মপন্থা অনিশ্চিত। সর্বহারা জনসাধারণের দাবি এদের পন্থা ও আদর্শে স্থান পায় না। কেবল হিন্দুদের ভাবপ্রবণ প্রচার ও ইসলামের মুক্ত স্তুতিবাদ দিয়ে এরা গণসাধারণের বুজ্জ্বাকে মেটাতে চায়; যা জগতে কেউ পারেনি ও কোনোদিনও পারবে না। সম্প্রদায়ের স্বার্থের দোহাই দিয়ে উচ্চশ্রেণীর স্বার্থসিদ্ধি হতে পারে, ভাবালুতাকে কাজে লাগিয়ে। যে ভাবালুতাকে জাগিয়ে তোলা হয় প্রতিষ্ঠানের নামে, তা কেবল প্রতিষ্ঠানের চালকন্দের স্বার্থে আসে; সম্প্রদায়ের সবাইর স্বার্থে আসে না। অথচ ভাবালুতাটি জাগিয়ে তোলা হয় সম্প্রদায়ের নামেই। “হিন্দুসম্প্রদায়” ও “মুসলীম সম্প্রদায়ের” ধূয়া তুলে মানুষের চিন্তাশ্রদ্ধাকে ছুঁগিবার করে তোলা হয়। সম্প্রদায় বলতে ধর্ম-সম্প্রদায়ই বোঝান হয়ে থাকে। কিন্তু আমরা দেখছি, সম্প্রদায়-চেতনা সত্যি সত্যি ধর্মকে আশ্রয় করে তৈরী হয়না; সে গড়ে ওঠে ধর্মের নামকে কেন্দ্র করে; ভিত্তিহীন শব্দকে আশ্রয় করে।

সাম্প্রদায়িক চেতনা সংস্কৃতিকে আশ্রয় করেও গড়ে ওঠে থাকে, একথা ঠিক। সংস্কৃতি বলতে বুঝি জীবনের সর্বমুখীন প্রকাশ। মানুষের আচার, বিবাহ, ধর্ম, আহার, বিহার, ভাষা, শিক্ষা, এ সবই সংস্কৃতির অংশ। যখন সংস্কৃতি পৃথক হয় তখন সম্প্রদায়ও পৃথক হতে পারে। তাছাড়া রক্ত বা বংশ নিয়েও সম্প্রদায়ভেদ হতে পারে। সম্প্রদায়ভেদ থেকে তীব্র ও প্রবল ভেদজ্ঞান জন্মাতে পারে। মানুষ জন্মায় একা। কিন্তু জন্মের পরে তার ওপরে পরে সংস্কৃতির ছাপ। ভাষা, আচার ও প্রথার চাপ তার ওপরে যত পড়ে তত তার মনে সম্প্রদায়-চেতনা দানা বেধে ওঠে। কারণ সদৃশ ও স্নিকট যারা ভাবে-ভাষায় ও আচারে-ব্যবহারে, তাদের প্রতি হয় একটা সাজাত্য বোধ। যাদের সঙ্গে আছে দূরত্ব ও যারা অসদৃশ, তাদের প্রতি স্বভাবতই জন্মে একটা বিজ্ঞাতি-ভাব। এমনি করে মনোলোকে একটা আকর্ষণ-বিকর্ষণের ধারা সৃষ্ট হয়। এর পরে উদ্বেজক প্রচার যদি ইন্ধন জোগায় তবে আকর্ষণ তীব্র হয়ে জন্ম নেয় মোহ,

এক বিকর্ষণই পরিণত হয় বিচ্ছেদে। এই মোহ এবং বিচ্ছেদ আজ এক শ্রেণীর হিন্দু ও মুসল্মান্যে প্রবল হয়ে উঠেছে। এই শ্রেণী আজ সাধারণ হিন্দু-মুসলমানের ভাবাঙ্কতাকে মাঁ আগিয়ে তুলেছে; ভাবাঙ্ক সাম্প্রদায়িকতা আজ তাই ভারতবর্ষে বিঘের মতন সকল বিনষ্ট করে ফেলেছে।

পৃথিবীর ইতিহাসে এই বিচ্ছেদ ও সাম্প্রদায়িকতা নূতন নয়। সংঘর্ষও নূতন নয়। দিন একদা ছিলো যখন মানুষের জীবনযাত্রায় ভাবোন্মাদ অন্ধ হয়ে বিপর্যয় সৃষ্টি করত। সাম্প্রদায়িকতার সঙ্গে সাম্প্রদায়িকতার বিরোধ কম রক্তপাত ঘটায়নি। বংশ বা রক্ত মানুষের মনে মাদকতা সৃষ্টি করে; মানুষের মনে অদম্য অহমিকা এনে দেয়। আমেরিকায় নিগোদে নির্ধাতন ইতিহাসকে চিরদিন কলঙ্কিত করে রাখবে। মধ্য যুরোপে স্লাভ (Slav) ও ম্যাগ (Magyar) কলহ, এশিয়ার “পীতাতঙ্ক”, আফ্রিকায় “সাদা” ও “কালো”র বিরোধ, এ সাম্প্রদায়িক সংকীর্ণতারই নানা নমুনা। ইহুদীদের ওপরে যে অসীম অত্যাচার হতো তার ইতিহাসে রক্তের অন্ধরে লেখা রয়েছে; রাতারাতি ইহুদিপাড়া আক্রমণ করে নির্বিচারে বধূষ্ঠান করা হতো; নারী, বৃদ্ধ ও শিশু কেউ বাদ পড়তো না; ইহুদী পোগ্রোম (pogrom) যুরোপীয় খৃষ্টানের চিরন্তন কলঙ্কের নিশান হয়ে থাকবে মানবজাতির ইতিহাসে। তুর্কীস রাজ্যে সেদিনও এই ধরনের সাম্প্রদায়িক বর্বরতা অনুষ্ঠিত হয়েছে। আর্মেনীয়ানদেরও এমার্ম অতর্কিত আক্রমণ করে রাতারাতি খুন করা হতো। ঘুমন্ত পঙ্কীতে ঢুকে নির্মম হত করতো তুর্কীরা। পৃথিবীর ইতিহাসে সেদিন পর্যন্ত এই অন্ধ বর্বরতার যুগ অব্যাহত রাজহক প্রোটেষ্ট্যান্টদের ওপর রোমান ক্যাথলিকদের কী অকথ্য অত্যাচার হয়েছে! প্রাচীনকালে খৃষ্ট ওপরেও বা কী অমানুষিক অত্যাচার না হয়েছে।

কিন্তু আজ সে যুগ বাসি হয়েছে। পৃথিবীর অন্ধ্র এই ধরনের সাম্প্রদায়িক বধূ দিন গত হয়েছে। সাম্প্রদায়িক ধর্মকে কেন্দ্র করে মানুষের মন ও সমাজ আজ আবর্তিত না। ধর্ম ছিলো মধ্যযুগের সমাজ-পরিচালয়িত। আনুষ্ঠানিক ধর্ম ও আচার মানুষের জঁ নিয়ন্ত্রণ করতো। কিন্তু বিজ্ঞানের আবির্ভাব হওয়ার সঙ্গে সঙ্গে পৃথিবীর সংগঠন গেল ব্যবধান কমে গেল; জাতিতে জাতিতে, সমাজে সমাজে যে দূরত্ব ছিল তা হ্রাস পেয়ে সবাই সবাইকার সন্নিকটে। পৃথিবীটা হয়ে গেল নিতান্ত ছোট। এর ফল হলো এই যে সংস্কৃতির রাজ্যেও ব্যবধান ও পার্থক্য গেল কমে। যুরোপের সঙ্গে এশিয়ার, হিন্দুর সঙ্গে মুসল্মান খৃষ্টানের সঙ্গে হিন্দুর হলো সামিধ্য ও পরিচয়। সেই পরিচয়ের মধ্য দিয়ে শুরু হলো আদান-দেব-কালের আবেষ্টনীতে বাঁধা ছিলো মানুষ ও মানুষের সমাজ; সেই আবেষ্টনী গেলো বিভিন্ন দেশের ও কালের বন্ধনীতে বিচ্ছিন্ন হয়েছিলো নানা সংস্কৃতি; সেই বন্ধনীকে ভেঙে বিচ্ছিন্ন সর্বকালের ও সর্বদেশের সংস্কৃতিকে নিয়ে এলো সকল মানুষের দুয়ারে। সংস্কৃতিতে সং

হলো সংঘর্ষ, হলো সম্মেলন; ধর্মের সঙ্গের ধর্মের হলো সংস্পর্শ; সংস্কৃতির ক্ষেত্রে হলো বিপ্লব, আয়ত্ত হলো ভাঙ্গাগড়া, মিশ্রণ ও সামঞ্জস্য। যা কিছু ভালো, যা কিছু মইৎ তা' সর্বত্র হলো আদৃত; যা অশিব, যা অকল্যাণ তা হলো অগ্রাহ।

আমাদের দেশেও সংস্কৃতিক্ষেত্রে বিপ্লব হয়ে গেছে। হিন্দুর সংস্কৃতি ও মুসলীম সংস্কৃতি আজ ভেঙ্গেচুরে একই পথে রূপায়িত হয়ে চলেছে। বিজ্ঞান আজ মানুষকে যে শক্তি দিয়েছে তা পৃথিবীর সর্বমানবের সম্পত্তি হয়েছে। সম্ভোগের যে বিপুল সম্ভাবনা আজ মানুষের কাছে এসেছে, তাকে হিন্দু, মুসলমান সবাই আদর করে বরণ করেছে। আহারে-বিহারে, যানে-বাহনে পোষাকে-পরিচ্ছদে, রুচিতে-প্রবৃত্তিতে, শিক্ষায়-দীক্ষায়, হিন্দু-মুসলমান-খৃষ্টান আজ দৈনন্দিন জীবনে একই পর্দায়ের ও সমশ্রেণীর হয়ে দাঁড়িয়েছে। দিনে দিনে হিন্দু-মুসলমানের সংস্কৃতি আজ একই ধরনের হয়ে এসেছে। মুসলিমলীগের নেতার দৈনন্দিন জীবনের সঙ্গে হিন্দুসভার নেতার জীবনের কোন পার্থক্য নেই; তাদের সংস্কৃতি সমশ্রেণীর। মধ্যযুগে যে বিচ্ছিন্নতা ছিল যুগবৈশিষ্ট্য, আজ তা' অস্তিত্বিত হয়েছে। আলাদা আলাদা ধর্ম ও সংস্কৃতির বন্ধনী ভেঙ্গে গেছে; আজ পরস্পরের সংস্কৃতিকে তুলনা করে, বিচার করে দেখবার প্রয়োজন এসেছে। এই তাকিদ মানুষের গোঁড়ামীকে ও সংকীর্ণতাকে সংস্কৃতিক্ষেত্র থেকে দূর করেছে। যত দিন যাবে হিন্দু ও মুসলমান প্রধানতঃ একই সংস্কৃতির ধারক হবে। কাজেই মধ্যযুগে যে মনোভাব সম্ভব ও স্বাভাবিক ছিল, আজ তা' একান্ত অসম্ভব। আজ সাম্প্রদায়িক চাচারকে কেন্দ্র করে জীবন চালানো অসম্ভব।

সম্প্রদায়ে সম্প্রদায়ে যদি সাদৃশ্য বৃদ্ধি পেয়ে থাকে তবে সাম্প্রদায়িক দাঙ্গাহাঙ্গামা আমাদের দেশে কি করে হলো? এর দুটো কারণ আছে। প্রথমতঃ, মোসলেম সমাজে মধ্যবিত্ত শ্রেণীর আবির্ভাব। পাশ্চাত্য শিক্ষা ও বিজ্ঞান মুসলীম সমাজ হিন্দুদের অনেক পরে গ্রহণ করেছে; কাজেই মুসলমান মধ্যবিত্ত শ্রেণী মাত্র ইদানীন্তন সৃষ্টি হয়েছে। ফলে চাকুরীর দাবীও বেড়েছে। অতীত হিন্দু-মুসলমান সমস্যা আর কিছুই নয়, এ হলো সত্ত-জাগ্রত মোসলেম মধ্যবিত্তদের দাবীর সমস্যা। মোসলীম লীগ সেই দাবীকে ভাষা দিয়ে এই মধ্যবিত্তদের নেতৃত্ব কায়মে করতে চাচ্ছেন। কিন্তু যুগপ্রয়োজনের তাকিদ কেবল মধ্যবিত্তকে নিয়েই নিঃশেষ হবে না। আজ গণজাগরণের যুগ পৃথিবীতে আগত হয়েছে। গণজীবনের বাণীই হলো এ যুগের যুগবাণী। নবজাগ্রত গণসাধারণ আজ তাদের বিপুল সংখ্যা ও শক্তি নিয়ে রাজনীতির প্রাঙ্গনে এসে দাঁড়িয়েছে। এদের বাদ দিয়ে কোন মধ্যবিত্তই আজ দাঁড়াতে পারে না। তাই লীগও আজ এই মোসলেম গণসমাজেরও মোড়ল বলে নিজকে জাহির করছে। মোসলীম জনতাকে কথার চাতুর্যে খুশী করতে হবে, তাদের দারিদ্র্য দূর করে তাদের শ্রেণীপ্রয়োজনকে সার্থক করা এদের পক্ষে অসম্ভব। তাই এদের মনে ইসলাম-ধর্মের নামে সাম্প্রদায়িক মাদকতা সৃষ্টি করে' এদের যত্ন করে' স্বার্থসিদ্ধি করবার কৌশল অবলম্বন করতাই হয়। তাই আজ মোসলীম লীগ ধর্ম ও সংস্কৃতির ধূয়া তুলেছেন। অস্ত্র জনতাকে 'ইসলামের'

শব্দযাত্নতে ভুলিয়ে উত্তেজিত করার ঐতিহাসিক প্রয়োজন রয়েছে উচ্চশ্রেণীর মুসলম আরও প্রয়োজন রয়েছে সন্ত-সচেতন মুসলমান মধ্যবিত্তদের হাতে রাখা, কাজেই তার জন্ম চাকুরী-বাটোয়ারা নিয়ে আন্দোলন তুলে মধ্যবিত্তেরও নেতা সাজা। কিন্তু ধর্মের নামে ভাব বাস্পময় কথাবার্তা দিয়ে তো আর ক্ষুধিত জনতার পেট ভরবে না! মধ্যবিত্তকে কিছুদিন রাখা গেলেও গণশ্রেণীকে ভুলিয়ে রাখা যাবে না। কিন্তু যতদিন সম্ভব হয় ততদিন লীগ জনতাকে সাম্প্রদায়িক মত্ততা সৃষ্টি করে আয়ত্তে রাখবে। তারজন্ম চাই অহরহ কাঁকালো নিত্য নূতন উত্তেজনা সৃষ্টি করে রাখা। হিন্দুসভার নেতাদেরও একই কর্ম-কৌশল। মধ্যবিত্তকে হাতে রাখবার অস্ত্র হলো হিন্দুর চাকুরী অনুপাত নিয়ে আন্দোলন করা, আইন সভাসংখ্যার বৃদ্ধি দাবী করে মধ্যবিত্তকে আকর্ষণ করা। তাছাড়া হিন্দু জনতাকেও চাই। জন্ম চাই সমাজসংস্কার ও অনুন্নত শ্রেণীকে পংক্তিতে তোলার লোভ দেখিয়ে বাঙময় বক্তৃতা বা গণশ্রেণীর নির্ভুর দারিদ্র দূর করবার জন্ম সক্রিয় কর্মপন্থা নিয়ে হিন্দুসভার নেতারা করিত-কর্মী না। কারণ তারা তা' হতে পারেন না; আসন্ন নির্বাচনের দিকে একচক্ষু রেখে অপর জনতার ছুঁখে অশ্রুধারা নির্গলিত করলেই জনতা কজায় এসে যাবে। কিন্তু বর্তমান আর্থিক বদলে নতুন ভাব ব্যবস্থার আশা দেয়া নিরাপদ নয়। তাতে বৃহৎ জনতার বৃকে জাগতে পারে সাহস, চোখে জলে উঠতে পারে হিংস্র আগুন। তাই সাম্প্রদায়িক হিন্দুদের মোহ সৃষ্টি ধর্মের নামে এদের আবিষ্ট রাখা প্রয়োজন। তাই হিন্দুয়ানীর নীতিকে সহরে সহরে ব হাওয়ায় ছড়িয়ে দিলেই চলবে—কোটা কোটা নির্ধাতিত, বৃহৎদের অর্থ নৈতিক দাবিকে ভাব নীচে চাপা দেওয়া সহজ হবে। মোসলেম লীগের প্রতিরূপ বা antithesis হলো হিন্দ একটীর প্রাবল্যের সঙ্গে সঙ্গে অপরটীর প্রাবল্য ঘটে থাকে। উভয়ের পারস্পরিক ঘাতপ্রা ও প্রতিদ্বন্দিতার ধাপে ধাপে সাম্প্রদায়িক ভাবোন্মাদ পদীর পর পদী চড়ে গিয়েছে। তাই আজ দাঙ্গাহাঙ্গামার উর্বর ক্ষেত্র প্রস্তুত হয়েছে।

তৃতীয় পক্ষের উপস্থিতি এবং স্বার্থ-সিদ্ধির প্রয়োজন সাম্প্রদায়িক সংঘর্ষের দ্বিতীয় রাজ্যশাসনের যতোগুলি নীতি আছে তার মধ্যে ভেদনীতির কার্যকারিতা অনস্বীকার্য। সাম্রা শাসনের প্রধান কৌশলই হলো ভেদসৃষ্টি। একথা আজ পুরোণো হয়ে গেছে। যে সাম্প্রদায়িক রক্তারক্তি আজ শক্তিশালী ইংরেজ আমলে হচ্ছে, তা' প্রাক্-ব্রিটিশ যুগে সিপাহীবিদ্রোহের পর থেকে হিন্দু-মুসলমান সমস্যা এদেশে সৃষ্ট হয়েছে। সিপাহীবি প্রধান বিদ্রোহী ছিলো 'বেঙ্গল আর্মী' (Bengal Army) এবং বিদ্রোহে সমান ভাগ নি হিন্দু ও মুসলমান সিপাহীরা সবাই। সিপাহীবিদ্রোহে হিন্দু ও মুসলমান একসঙ্গে একত্র বিদ্রোহ করেছিল। সেই ঐতিহাসিক ঘটনার সময়েও সাম্প্রদায়িক ঐক্য অব্যাহত ছিলো। এর পর থেকেই আরম্ভ হয়েছে হিন্দু-মুসলমান বিভেদের যুগ। "এই বিভেদের মূলে হলো

শাসকদের ভেদনীতি, যে নীতি তারা সিপাহীবিদ্রোহের অভিজ্ঞতা থেকে সংগ্রহ করেছিলেন। বহু ইংরেজের স্বীকৃতিতে এই তথ্যের ঐতিহাসিক প্রমাণ রয়েছে। এমন কি বিদ্রোহকে দমন করাও হয়েছিল ভারতবাসীকে একে অস্ত্রের বিরুদ্ধে লাগিয়ে। Seeley সাহেব স্পষ্টই লিখেছেন “you see, the mutiny was in a great measure put down by turning the races of India against each other.” তাঁর মতে ব্রিটিশ শাসন সম্ভব হয় শুধু এই একটা শর্তে। “So long as this can be done,.....the Government of India from England is possible.....” সাম্রাজ্যবাদ সম্বন্ধে বিশেষজ্ঞ পণ্ডিত J. A. Hobson ভারতে সাম্রাজ্যবাদ সম্বন্ধে লিখতে গিয়ে পর্যন্ত লিখেছেন, “It.....is generally admitted that our empire in India has only been rendered possible by the wide cleavages of race, language, religion and interests among the Indian populations, first and foremost the division of Mahomedan and Hindu.” সিপাহীবিদ্রোহের পর থেকেই বিধিবদ্ধ ভাবে আরম্ভ হয়েছে এই হিন্দু-মুসলমানে ভেদনীতি। ১৯০৬ সালে স্বদেশী যুগে ঢাকায় মোসলেম লীগের জন্ম হয়; বঙ্গ বিভাগের মূলেও এই ভেদনীতি ছিলো। স্বদেশী যুগে মুসলমান প্রতিক্রিয়াশীলদের সমর্থন দিয়েছিলেন ইংরেজ, তার মূলেও ছিলো এই নীতি। পরে ১৯০৯ সনের মর্লি-মিটো শাসনসংস্কারে পৃথক নির্বাচন-ক্ষেত্র আমদানী করে ভেদের সহায়তা করা হলো। পরে ১৯১৯ সনের এবং ১৯৩৫ সনের দুটা শাসনবিধিতেও সাম্প্রদায়িক নির্বাচননীতি কয়েম করে ব্রিটিশ গভর্নমেন্ট সাম্প্রদায়িক ব্যবধানকেই প্রবল করে তুলেছেন। আজ মোসলেম লীগকে ভারতের মুসলমান সমাজের একমাত্র নেতা বলে স্বীকার করে ব্রিটিশ সরকার সেই নীতিকেই অনুসরণ করছেন। মুসলমান সমাজের বিরাট অংশ রয়েছে বারামি: জিল্লার প্রতিক্রিয়াশীল নেতৃত্বকে মানেন না; জামিয়ৎউল্উলেমা, মোমিন সম্প্রদায়, মজলিস-ই-অহরর, শিয়া-সম্প্রদায়, জাতীয়তাবাদী, মুসলমানসমাজ ইত্যাদির অন্তর্ভুক্ত অগণিত মুসলমান লীগের নেতৃত্বকে স্বীকার করেন না। কিন্তু তবু গভর্নমেন্ট মি: জিল্লা ও লীগের ওপরে অত্যধিক গুরুত্ব আরোপ করে ভারতীয় সমস্যাকে আরো জটীল করে তুলেছেন। সমস্যা যতো জটীল হবে ততই সাম্রাজ্যবাদী স্বার্থ নিরাপদ থাকবে। ইংরেজের এই মনোভাবে উৎসাহিত হয়ে লীগ আজ আরো সাম্প্রদায়িক হয়ে উঠেছে। লীগ আজ পাকিস্তান প্রস্তাব এনে ভারতবর্ষকে দ্বিখণ্ডিত করার কল্পনাতে এসে পৌঁছেছেন। ভেদবুদ্ধির চূড়ান্ত পরিণতি হয়েছে এই ভারত-ভাগের প্রস্তাবে। ইংরেজের ভেদনীতির-ও সর্বশেষ সাফল্য দেখা দিয়েছে এই পরিকল্পনায়।

লীগের “দ্বিজাতি” পরিকল্পনা (Two-nation theory) দাঁড়িয়ে আছে চরম সাম্প্রদায়িক বিচ্ছেদের ওপর। আমরা আগেই বলেছি এই সাম্প্রদায়িকতা আধুনিক যুগে অচল, কারণ বিজ্ঞানের শক্তি আজ সম্প্রদায়-গত বন্ধনীকে ভেঙ্গে সংস্কৃতিক্ষেত্রে ঐক্য ও সামঞ্জস্যকে প্রবর্তন করেছে।

সম্প্রদায়ের খণ্ডিত সার্থকতার ভিত্তি আজ লুপ্ত হতে চলেছে; সে ভিত্তি হলো পৃথক সংস্কৃতি কাজেই সংস্কৃতির দিক থেকে যেমন সাম্প্রদায়িক সংকীর্ণতার দিন অতীত হয়েছে, তেমনি রাজনৈতিক প্রয়োজনও এই সাম্প্রদায়িক বিভেদ ও বিচ্ছিন্নতার প্রয়োজনকে বিনষ্ট করেছে। সামাজিক ক্রম বিকাশ অব্যর্থ নিয়মে অগ্রসর হয়েছে আজ সংহতির দিকে, বিচ্ছিন্নতার দিকে নয়। আধুনিক যুগে বৈশিষ্ট্যই হলো সামাজিক সংহতি, social integration. ভৌগলিক দূরত্ব লুপ্ত হয়ে পৃথিবীর তথা ভারতের সকল অংশ আজ একসূত্রে গাঁথা হয়ে যাচ্ছে, ভারতবর্ষেরও প্রত্যেকটি ব্যক্তি আ পরস্পর-সমৃদ্ধ একটীমাত্র সমগ্রতাকে সৃষ্টি করেছে, রচনা করেছে “an organic complex of mutually dependent relations. It is a society in which that atomistic individualism of our frontier ancestors is impossible” (Frank Hankins American Sociological Review.) বৈজ্ঞানিক প্রয়োজনের তাগিদে আজ ভারতবর্ষকে অংশে অংশে সুসংহত একটী সমগ্র unitএ পরিণত হতে হবে। Seeley থেকে সকল পণ্ডিতেরই মত এই যে, কেন্দ্রীভূত, শক্ত রাষ্ট্র এবং জাতীয়তার অভাবই হয়েছে অতীত পরাধীনতার কারণ ভারতবর্ষের বাঁচবার একমাত্র উপায় হলো শক্ত, কেন্দ্রীভূত রাষ্ট্রগঠন। ইহা ব্যতীত “নৈব নৈব চ” বিজ্ঞানের গতিও আজ বৃহত্তর সংহতির দিকে, বিচ্ছিন্নতা ও ক্ষুদ্রতার দিকে নয়। ভারতের ভিতরে যদি বিভিন্ন রাষ্ট্র সমান অধিকারে অব্যাহত থাকে, তবে এই সব সার্বভৌম রাষ্ট্রের প্রত্যেকের পৃথক বৈদেশিক নীতি, পৃথক বাণিজ্য, পৃথক বৈদেশিক সন্ধি, পৃথক সৈন্যদল থাকতে হবে। তা ফল হবে পরস্পরের হানাহানি এবং সর্বোপরি সামরিক ও বাণিজ্য শক্তির দৌর্বল্য। অতএব বৈজ্ঞানিক ও সাংস্কৃতিক, উভয় প্রয়োজনই সাম্প্রদায়িক চেতনার বিলুপ্তি দাবি করে। ‘দ্বিজাতি পরিকল্পনা’ সাম্রাজ্যবাদী স্বার্থের প্রয়োজনকে সিদ্ধি করে। এই দিক থেকে লীগ হিন্দুসভা থেকে অধিকতর প্রতিক্রিয়াশীল।

কিন্তু এরা উভয়েই রাজনৈতিক আদর্শকে খাটো করে সাম্প্রদায়িক আদর্শকে বড় করেছে কাগজে-কলমে ‘পূর্ণ স্বাধীনতা’র কথা থাকলেও কার্যতঃ এরা স্বাধীনতা থেকে সম্প্রদায়ের উন্নতি বড় স্থান দিয়ে থাকেন। স্বাধীনতার জন্ত এক বিন্দু স্বার্থত্যাগ ও লাঞ্জনবরণ হিন্দুসভা লীগ করে নাই। করার সম্ভবনাও নেই। অথচ অত্যাচার রাষ্ট্রীয় পরিস্থিতিতে ভারতবর্ষে স্বাধীনতা ছাড়া কোন সম্প্রদায়েরই সত্যিকার কল্যাণ করা সম্ভব নয়। বর্তমান ভারতের প্রার্থী প্রয়োজন হলো স্বাধীনতা এবং একমাত্র কর্মপন্থা হলো স্বাধীনতা-সংগ্রাম। এই সংগ্রাম সহ লীগ ও সভা নির্বাক ও নিরুৎসাহ। অগণিত হিন্দু, অগণিত মুসলমান, এদের দারিদ্র্য, শি স্বাস্থ্য, ইত্যাদি সমস্যার সমাধান করতে হলে রাষ্ট্রশক্তি হাতে আনতে হবে। অর্থাৎ স্বাধীন চাই। কিন্তু লীগ ও সভা সেদিক দিয়ে যাবেন না। ইংরেজের সঙ্গে বিরোধের বিপদ অ তাই পরস্পরের সঙ্গে লড়াইয়ের সহজ পথ এরা নিয়েছেন। কারণ হিন্দুই হোক, মোসলে

হোক—জনসাধারণের সত্যিকার মঙ্গলকে এরা গ্রাহ্য করেন না; এরা চান উচ্চ বর্ণ ও শ্রেণীর প্রাধিক্যকে কায়মী রাখা। তাই রাজনৈতিক আন্দোলন, স্বাধীনতা ও জাতীয়তাকে একপাশে সরিয়ে রেখে কৌশলে সাম্প্রদায়িক ধর্মের বিপদের শ্লোগান উঠিয়েছেন। এদের নীতিও নরম-পন্থী, আত্মশক্তিতে লড়াই করবার ক্ষমতা ও ইচ্ছা এদের নেই; এরা চান ব্রিটিশ সরকারের সভায় দরবার করে কাজ হাসিল করা। নিয়মতান্ত্রিক আন্দোলনের বাইরে এরা কোন বিপ্লবী পরিকল্পনাকে ধারণায় আনতে পারে না। বাগাড়ম্বরের অন্তরালে এরা ছুদলই হলেন প্রতিক্রিয়াশীল ও বিপ্লব-বিরোধী। কিন্তু এই ছুদলের বিরোধিতার ওপরেই ব্রিটিশ প্রভুত্বের স্থায়িত্ব নির্ভর করছে। কাজেই সাম্প্রদায়িকতা হলো উচ্চ-মধ্যবিত্ত শ্রেণীর শ্রেণীস্বার্থ এবং ব্রিটিশ সরকারের সাম্রাজ্যবাদী স্বার্থের সৃজন।

সাম্প্রদায়িকতার উৎপত্তি ও কারণ আলোচনা করা গেছে, কিন্তু সমাধান কি এ সমস্যার? নয় কোটি মুসলমানকে বাদ দিয়ে ভারতীয় সমাজের পরিকল্পনা যেমন অবাস্তব, তেমনি অবাস্তব হলো নয় কোটি মুসলমানকে পৃথক করে দিয়ে তাদের আলাদা রাষ্ট্রগঠনের কল্পনা। সমগ্র-ভারতীয় একটা শক্তিশালী রাষ্ট্রের আদর্শই হলো ভারতের আধুনিক যুগ-আদর্শ। কাজেই মুসলমানের সঙ্গে বোঝাপড়ায় আসতেই হবে, তাদের সঙ্গে একই পীঠভূমিতে দাঁড়িয়ে সাম্রাজ্যবাদের সঙ্গে যুগসংগ্রামের ভিত্তিস্থাপন করতে হবে। ভারতের সম্মুখে যে বিরাট সমস্যা সে হলো কোটি কোটি জনগণের অন্নবস্ত্রের সমস্যা। *এই গণসমাজ বাস করে গ্রামে—ভারতের সাত লক্ষ গ্রামে শতকরা ৯০ জন লোকের বাস। সাধারণ সহর মাত্র আছে ৩৯টি সমগ্র ভারতে, যে সব সহরের প্রত্যেকটিতে মাত্র এক লক্ষ করে লোকের বাস। মোট মধ্যবিত্তের সংখ্যা হলো ১১০ কোটি মাত্র; আর ধনী জমিদারের সংখ্যা ১০ লক্ষ মাত্র। এই মুষ্টিমেয় ধনী ও মধ্যবিত্তদের বাইরে প্রায় ১৫ কোটি চাষী ও অত্যান্য গণশ্রেণী রয়েছে। সভা ও লীগ কয়েক লক্ষ ধনীর স্বার্থের প্রতিনিধিত্ব করতে পারেন কিন্তু এই ১৫ কোটি গণশ্রেণীর অন্নবস্ত্রের সমাধান করতে হলে সাম্রাজ্যবাদী শোষণকে দূর করে নতুন আর্থিক ও সামাজিক ব্যবস্থার পত্তন করতে হবে। বর্তমান যুগের জীবন সংগ্রামে আর্থিক ও কৃষি-বাণিজ্যসংক্রান্ত সমস্যাই তীক্ষ্ণতম সমস্যা। ধর্মচারের মন্তব্যকে কৃত্রিম উপায়ে উত্তেজিত রাখা যেতে পারে সাময়িকভাবে। সম্প্রদায়ের ভিতরেই যখন আর্থিক পরিস্থিতির চাপে সংকট দেখা দেবে, তখন সম্প্রদায়ের ভেতরেই ফাটল ধরবে। হিন্দু জমিদার ও ধনিকের পক্ষে হিন্দু-চাষীমহলের দাবি মেটান সম্ভব হবে না; তেমনি মুসলমান ধনীর ওপরে দাবি আসবে মুসলমান চাষীর ও গরীবের। ১৫ কোটি গণশ্রেণীর আসল স্বার্থ হলো বেঁচে থাকবার স্বার্থ, এবং এই ১৫ কোটির মধ্যে হিন্দু-মুসলমান দুইই আছে। এই বিরাট গণসাধারণকে ভুলিয়ে কিছুদিন রাখা যেতে পারে কিন্তু প্রবল বুভুক্ষার দাবী সব ধর্মোন্মাদনাকে ভেঙ্গেচুরে একদিন পথ করবেই। সে পথ হলো ভারতে নতুন রাষ্ট্রব্যবস্থার পথ, ভারতের হিন্দু-মুসলমানের সম্মিলিত সংগ্রামের পথ। সেই পথকে

নির্মাণ করবার সাধনা আজ থেকেই করতে হবে। এ সাধনা করবে সেই সব রাষ্ট্রনৈতিক কর্মী যারা গণসমাজের মুক্তি চায়, যে মুক্তি হিন্দু ও মুসলমান উভয়সমাজের। আজ সাম্প্রদায়িক প্রচারের, এবং তারই সৃষ্টি সাম্প্রদায়িক দাঙ্গার, ফলে ভারতে রাজনৈতিক প্রচেষ্টা ও সাধনা চাপা পড়েছে। কিন্তু এ নিতান্ত সাময়িক। অনিবার্য সামাজিক শক্তি-সজ্জাতের প্রবল বহুায় এই সাময়িক চিন্তোন্মাদ ভেসে যাবে। কিন্তু সেই শক্তি-সজ্জাতকে সহায়তা করবার দায়িত্ব হলো যারা বিপ্লবী তাদের। তাই বিপ্লবীদের আজ শক্ত হতে হবে, সম্প্রদায়ের উর্ধ্বে যে গণস্বাধীনতার স্বপ্ন তারা দেখছেন সেই স্বপ্নের বাস্তব সার্থকতার জন্য তাদের সচেতন ও সক্রিয় হতে হবে। ভারতবর্ষকে বিভাগ করবার মারাত্মক পরিকল্পনাকে ব্যর্থ করতে হবে, গণসমাজকে বিভক্ত করবার সাম্রাজ্যবাদী স্বার্থকে বিকল করতে হবে। তার জন্য এক মাত্র উপায় হলো গণসমাজের সঙ্গে যোগস্থাপন করে তাদের সাম্প্রদায়িকতার সঙ্কট সম্বন্ধে সচেতন করা। যারা জাতীয়তার আদর্শকে সম্মুখে রেখে আজ চল্লিশ বছর ধরে অবর্ণনীয় ত্যাগস্বীকার করেছেন এবং অকথিত লাঞ্ছনাকে বরণ করেছেন, ফাঁসীকাষ্ঠ, বন্দুকের গুলি, জেল ভোগ,—কোন অত্যাচারই যাদের দমাতে পারেনি, সেই সব বিপ্লবীদের আজ অবহিত হতে হবে যাতে সাম্প্রদায়িক ভাবোচ্ছাসের মরীচিকা সৃষ্টি করে প্রতিক্রিয়াশীল দল ও শ্রেণীগুলি ভারতের গণসমাজকে বিপথগামী ও স্বাধীনতাসংগ্রামকে বিফল না করতে পারে। আজ আন্তর্জাতিক আকাশে বড় উঠেছে। সেই বড় আমাদের এদেশেও এলো বলে। ভারতের জাতীয় জীবনের এই সংকট-মুহূর্তে রাষ্ট্রীয় স্বাধীনতার আদর্শকে সম্মুখে রেখে সংহত না হতে পারলে চির-রাত্রির অন্ধকার ভারতবর্ষকে গ্রাস করবে। স্বাধীনতা, সাম্য, সংগ্রাম ও সংহতি—এই হৌক আশ্রয় সঙ্কট ও সঙ্কিমুহূর্তের অক্লান্ত তপস্বী।



ঐতিহাসিক

শান্তিরঞ্জন বন্দ্যোপাধ্যায়

কাহিনী নয়, কাহিনীর ভূমিকা মাত্র।

সন্ধ্যার দিকে বলাইএর দোকানে একটি আড্ডা বসে। দোকানটি মুদিখানা। গ্রামের চলতি আবহাওয়ায় যারা মুখ তুলে সমালোচনা করতে পারে না, বা যুবকদের কোন থিয়েটার ক্লাবে গিয়ে অসংযত আমোদ প্রমোদে গা' ভাসাবার মত জীবনের সঞ্চয় যাদের নিঃশেষিত, একমাত্র তারা এই এখানকার নিয়মিত সভ্য।

খন্দের নেই, কেউ এসেও পৌঁছায়নি এখনো। বাধ্য হয়ে বলাই বসে বসে ঠোঙা বানাচ্ছিল। নিজের প্রয়োজনে লাগলেও ঠোঙা ও বিক্রি করে। দোকানটা মুদিখানা হলেও নিত্য প্রয়োজনীয় দ্রব্যাদি সবই এখানে পাওয়া যায়—চুলের ফিতে হতে শুরু করে মায় টোটকা কবিরাজী ওষুধ পর্যন্ত। তিন পুরুষের দোকান, চলে ভাল—তবু গাঁয়ের মধ্যে এখনো একখানা দোতারা তুলতে পারেনি। কারণ, বলাই লোকটা ধর্মভীরু। জ্ঞান হওয়া থেকে ব্যবসায়ের চুকে নিজের গতানুগতিক পথে পরিক্রমণ করে জীবনের বিয়াল্লিশটি বছর ও অতিক্রম করে এসেছে, কিন্তু আজো ওর হাত কাঁপে কারুর গলায় ছুরি দিতে।

কিছুক্ষণ পরে হঠাৎ ব্যস্তভাবে প্রবেশ করল নীলু খুড়ো আর লক্ষ্মণ দাশ।

মুখ তুলে বলাই বললে, বসো খুড়ো, আমিই পাড়িচি। কাটা কাগজ আর আঠার বাটিটা সে একপাশে সরিয়ে রাখল।—হরেকেশ্বর মস্ত্রীকে যা কাবু কাল করেছিলে। আচ্ছা, এসো দেখি আজ আমার সঙ্গে—

সে উঠে দাবার ছক পাড়বার উদ্যোগ করল। কিন্তু নীলু খুড়ো বাধা দিলে।

—আরে, রেখে দাও তোমার গজ আর মস্ত্রী। বলি, খবর-টবর রাখো কিছু? খোড়-বড়ি-খাড়া আর খাড়া-বড়ি-খোড় নিয়েই ত পড়ে আছো। আর এদিকে যে—ধপ্ করে নীলু খুড়ো জলচৌকিটার ওপর বসে পড়ল। চোখ মুখ তার অস্বাভাবিক রকম গম্ভীর, ঠোঁট ছুটো ধরধর করে কাঁপছে, কপালটাও দপ্ দপ্ করছে। সে যে বেশ উত্তেজিত তা সহজেই বোঝা যায়, কিন্তু নীলু খুড়োর গাম্ভীর্য বড় সহজে ঘটে না। নিশ্চয়ই হেতুটা গুরুতর।

বিস্মিত হয়ে বলাই বললে, খবর? কী খবরের কথা তুমি বলচ খুড়ো?

—ছিদাম এসেছিল! পাশ থেকে লক্ষ্মণ জিজ্ঞাসা করলে।

—কই এখনো এসে পৌঁছায়নি।

—আর আসবেই বা কী করে? একটা দীর্ঘনিশ্বাস ফেললে নীলু খুঁড়ো,—এ বয়সে যে আকাশটা ওর মাথায় ভেঙ্গে পড়ল!

নীলু খুঁড়ো আর কিছু বললে না—লক্ষণও নির্বাক। নির্বোধ হয়ে গেছে বলাই, কিছুই বুঝতে পারছিলো না সে। অর্থহীন চোখে সে দুজনের মুখের দিকে তাকাতে লাগল।

তোমার কথা আমি ঠিক বুঝতে পারলুম না, খুঁড়ো! একটু থেমে বলাই বললে।

—আর বুঝেই বা কী হবে? যারা বুঝলে, কী করলে তারা? নীলু খুঁড়ো বললে।
লক্ষণের দিকে তাকিয়ে বলাই বললে, ব্যাপার কী লক্ষণ?

ছিদামের সর্বনাশ হয়েছে?

—সর্বনাশ! কেন, কী হল।

সে কথার উত্তর না দিয়ে নীলুখুঁড়োর দিকে তাকিয়ে লক্ষণ প্রশ্ন করলে, কিন্তু এ অস্থায়ের কী বিচার হবে না খুঁড়ো?

বিষয়কণ্ঠে জবাব দিলে নীলু, রক্ষক যদি ভক্ষক হয় তাহলে বিচার কে করবে লক্ষণ? তুমি, আমি?...টিকে ধরাতে যাদের জামিন জোটে না!

—কিন্তু, একটু উত্তেজিত স্বরে লক্ষণ বললে, কিন্তু, এত বছর ধরে যে জমিতে ও চাম করে এল, যে বাস্তুভিটের নক্সপিদীম দিলে, আজ এক হুকুমে তার ওকালতনামা লিখে দিতে হবে? কেন? জমিদার ত তার পাওনা চিরকাল বুঝেই নিয়েছে, ফাঁকিত ছিদাম কোথাও দেয়নি।

—ফাঁকি না দিলেও ফাঁক পড়ে লক্ষণ, বিশেষ করে, রাজা-প্রজার সম্পর্ক যেখানে।

—তবু এর কি প্রতিকার হবে না, খুঁড়ো? ভগবান কী নেই?—

—ভগবান কেন থাকবেন না, লক্ষণ! নীলু হাসল, কিন্তু তিনি থাকেন ওপরে গরীবকে দেখেন না। তাঁকে শুধু পূজোই দাও, পোসাদ পাবার আশা রেখো না।

নিলুর কথা ঠিক বুঝতে পারল না লক্ষণ। সে আবার বললে,

—ধরো, আদালতে যদি 'পেতিশন্' করা হয়?

—ফল হবে, এখন যে পঞ্চাশটি ট্যাকা পাচ্ছে সেটাও যাবে মারা। নিজের পাঁচ যেদিক দে ইচ্ছে কাটবার অধিকার আছে—এই কথাটাই জমিদার আদালতে বলবে।

এতক্ষণ বাদে বলাই আবার কথা কইল, তোমাদের কথা আমি কিছু বুঝতে পারি না। ছিদামের কি হয়েছে খুলেই বল না বাপু।—

ছিদামের হয়েছে অনেক কিছুই।

প্রায় আঠারো বিঘা ধানজমি সে ও তার গত দশপুরুষ চাষ করে আসছে। অর্থাৎ জমিদারের নিকট পাওয়া ওই জমিখণ্ডকে কেন্দ্র করেই তার কোন এক পূর্বপুরুষ লক্ষ্মীন্দর হাজারার এই গ্রামে পত্তনীস্থাপনের ইতিহাস রচিত হয়েছিল। তারপর পুরুষামুক্রমে এই ধারা অব্যাহত রয়েছে। এত শুধু. জমি নয়, মা বসুমতী,—তার লক্ষ্মী।—বৎসরান্তে সোনার ফসলে তার ক্ষুধায় অন্ন দেয়, পরিধানে দেয় বস্ত্র। পিতাপিতামহের পুণ্যপদক্ষেপে এর প্রতিটি ধূলিকণা পবিত্র। পূর্ণ শরতে এর কচি কচি শীষের দিকে তাকিয়ে শৈশবে কত স্বপ্নই না দেখেছে ছিদাম, যৌবনে এর উর্বর বৃকে লাঙলের সূতীক্ষ্ম ফলা চালাতে চালাতে কত স্বপ্নের নীড়ই না গড়েছে মনে মনে, আর আজ জীবনের শেষ সীমায় এসে একে আশ্রয় করেই বেঁচে আছে। এর সর্বাঙ্গে জড়িয়ে আছে প্রিয়জনের প্রিয় পরশ।...

কিন্তু জমিদারের নতুন আদেশ এসেছে যে তিনি এবার থেকে পূর্ব-পশ্চিমের সীমানার হাজার তিনেক জমি একত্র করে বিরাট কার্পাসের চাষ শুরু করবেন। তিনি আধুনিক শিক্ষিত ও তরুণ,—তাই পূর্বাঙ্গেই বুঝতে পেরেছেন যে চাউল উৎপাদনের আধিক্য হেতু বাজার মন্দা পড়ার সম্ভাবনা। কাজেই এ সুযোগে কার্পাসের চাষে লাভের আশা বেশী। তাই ছিদামের প্রতি (শুধু ছিদাম নয়, আরো প্রায় শ'তই কৃষকের প্রতিও) আদেশ হয়েছে এবারকার আমন ধান কাটা হয়ে গেলে ও জমি জমিদারকে ফিরিয়ে দেবার জ্ঞাপন। এবং এই সংগে তার বাস্তুভিটাও। এর জ্ঞাপন সে অবশিষ্ট জমিদারের কাছ থেকে কিছু টাকাও পাবে, এমন কী ইচ্ছে করলে জমিদারের এই নবগঠিত কার্পাসের চাষে ঠিকে কাজও করতে পারে।

—ঠিকা কাজ!

সংসারের লক্ষ্মীকে পরের হাতে তুলে দিয়ে তারই সেবাইত হয়ে থাকা!

অর্থাৎ নিজ বাসভূমে পরবাসী! যেখানে নিজের ছিল অবাধ কর্তৃত্ব আজ সেখানে পরের খেয়াল মাফিক যন্ত্রের মত কাজ করা!—এ সে মেনে নেবে কেমন করে? আর মা বসুমতী বা সইবেন কেন এমন ব্যভিচার!

বহুবার সে করল জমিদারের বাড়ীতে হাটাহাটি, হাতে পায়ে ধরে করল বহু কাকুতি-মিনতি,—কিন্তু নির্বিকার বিধানদাতা। অবশেষে সে জমিদারের দ্বারে ধর্ণা দিয়ে পড়ে রইল।

জমিদার বললেন, তোব একারই কী এমন ক্ষতিটা হল জ্ঞান? চাষই যদি নেহাৎ করতে ইচ্ছে আমার এখানেই না হয় করিস! আর বোকার মত কেবল ত চাষ করলেই হয় না সব দিক ভেবে চিন্তে এগুতে হয়। বিজ্ঞানসূ মার্কেট ফলো করতে হয়, ডিমাণ্ড-সাপ্লাই এর কোশ্চেন আসে—যাকগে ও সব কথা তুই বুঝবিনে। তবে জমিগুলো এবার থেকে আমি নিজেই চাষ করাবো এবং লার্জস্কেল প্রডাকশন দেখাও—দু'দশ বিঘে করে নয়, একেবারে তিন হাজার বিঘে

এক সংগে। এ ছাড়াও অবিশিষ্ট আমার আরো প্ল্যান আছে, আছে আরো হাই গ্রামবিশ্বজন এমনি বহু কথাই জমিদার বলেছিলেন যার অনেক কথাই ছিদাম বুঝেনি।

সে বললে, কিন্তু হুজুর, আমার এই বিশ বিষে আপনাকে দয়া করতেই হবে। নইলে আমি বাঁচবনা, এতোকালের বাস্তু আমার—

—বাপ পিতামহর বাস্তু তুমিত আর একাই ছাড়চনা হে, ওদিকে নিমাই, অবিনাশ কেউদাশ, গৌরচন্দ্র, বিভূতি, ভোলানাথ সবাইত আছে কিন্তু কেউত তোমার মত এমন ছোনাশ করেনি। কারণ লাভ ত এতে প্রজারই। আমার জমি আমি নিলাম, তবু এর জন্ত কি খোরপোষ ওরা পাবে। বেকারও থাকবে না, ইচ্ছে করলে ঠিকে কাজও—

কান্নায় ভেঙে পড়ল ছিদাম, আমায় ছেনাল বলবেন না বাবু। ওরা ও কাজ করতে পারে,—ক'পুরুষ ওরা আবাদ করচে? আর মা বসুন্ধরার নেমকহারাম ছেলেরও ও অভাব নেই...

অবশেষে বিরক্ত হয়ে জমিদার বললেন, যাক্গে আর ঘান ঘান করিসনি। পাঁচট টাকা না হয় তুই বেশীই নিস্—যা এবার।

এবার আত্মসম্মানে রীতিমত ঘা লাগল ছিদামের।

অন্তরের উদ্গাকে চেপে যথাসম্ভব কোমল কণ্ঠে সে বললে, টাকা আমি বেশী চাইনে, হুজুর, ও লাভ দেখাবেন না। বরং যদি বলেন ত খাজনা আমি আরো কিছু বাড়িয়ে দিতে রাজি আছি! তবু ও জমিটা—

ছিদাম তার কথা শেষ করবার সুযোগ পায়নি: জমিদারের সবুট পা তখন তার বুকের ওপর এসে পড়েছে।

খুব একটা হৈ চৈ পড়ল। দ্বারোয়ান ও দাসদাসীরা ছুটে এল, উচ্চকিত হয়ে উঠল মোসাহেবের দল। ছোটোলোকের এতেন স্পর্ধায় বিস্ত্রিত জমিদারের কণ্ঠস্বর তখন সপ্তমে চড়েছে।

...ছিদামের জ্ঞান হলে সে দেখল জমিদার বাড়ীর ফটকে পড়ে আছে। সন্ধ্যার আগে নায়েব মশাই এসে তার বাড়ীতে জ্ঞানিয়ে দিয়ে গেছে যে আগামী পনের দিনের মধ্যে যদি সে ওই জমি ও বাস্তু পরিত্যাগ করে না যায় তাহলে তার উপযুক্ত ব্যবস্থার ভার জমিদার নিজের হাতেই গ্রহণ করবেন। নায়েব যখন আসে ছিদাম তখন অবিশিষ্ট বাড়ী ছিল না। এবং তারপর থেকে আর ছিদামের দেখাও পাওয়া যায়নি।

নীলুধড়োর মুখে এ কাহিনী শুনে বিস্ময়ে স্তম্ভিত হয়ে রইল বলাই। লক্ষ্মণ দাশের মুখেও রা নেই।

—কিন্তু এই অন্তরে অন্তরে গুমরে মরা ছাড়া আর কীইবা করতে পারে ওরা?

ক্রমে আড্ডায় আরো অনেকে এসে জুটল। কিন্তু আসর সেদিন আর জমল না, দাবার ছক তোলাই থাকল। সবারই মুখে ঐ এক কথা।

লক্ষণ দাশ তাঁতী। জাত ব্যবসাই তার বংশানুক্রমিক পেশা। কৃষকের কাছে যেমন তার আবাদী জমি, তাঁতীর কাছেও তেমনি তার তাঁত। জড় হলেও ওরই সাথে একটা সশরীরী স্নেহের সম্বন্ধ ওরা প্রাণে প্রাণে অনুভব করে। তাই ছিদামের ব্যাপারে সব চেয়ে বেশী আঘাত লেগেছে লক্ষণের, উত্তেজিতও হয়েছে সেই সব চেয়ে বেশী।

রামকান্তর কথার উত্তরে সে বললে, তুমি এ বুঝবেনা রামকান্ত যে জাতব্যবসা ছাড়া আর জাতদর্শ্য ছাড়া একই কথা। জাতব্যবসাই যদি ছাড়লুম তবে আর লোকের কাছে পরিচয় দেবার রইল কী?

সত্যি রামকান্ত এ সব বোঝে না। পূর্বে সে পোষ্টাপিসের পিওন ছিল, বর্তমানে যৎকিঞ্চিৎ পেন্সন পায়।

সে বললে, জাতব্যবসা ছাড়তে কে বলচে লক্ষণ? জমিদার ত সে কথা বলেননি। তাঁর জমিতেও ত ছিদাম চাষ করতে পারে, তবে মালিকানা আর ছিদামের রইল না।

—যে কাজে মালিকানা নেই সেত স্রেফ চাকরের কাজ, লক্ষণ বললে।

—চাষ করবে ছিদাম আর মাল গুদামজাত করবে জমিদার,—এ তোমার কোন শাস্ত্রে বলে, রামকান্ত? নীলুখুড়ো প্রশ্ন করল।

—কিন্তু জমি ত জমিদারের।

—মানচি! লক্ষণ বললে, কিন্তু এতকাল যে খাজনা দিয়ে ছিদাম ও জমি আবাদ করে এল, তার কি কোন দামই নেই! চাষ না করলে ও জমি ত এ্যাদিন জঙ্গল হয়ে থাকত। ছিদাম যা খাজনা দিয়েচে তাতে ও জমির দাম উঠে গেছে কোন কালে!

—কিন্তু উনি ত জমিদার! রামকান্ত আবার নিজেকে সমর্থন করল।

—উনি কেন, তুমিও হতে পারতে। জমিদার হওয়ার ত আর কোন বাহ্যিক লাগেনা, রামকান্ত, বংশে জন্মালেই হল। কিন্তু হাতে কাজ করে যাদের বাঁচতে হয় তারাই ত মানুষ, তুঃখীর দুঃখ তারাই শুধু বোঝে। লক্ষণ থামল।

নীলুখুড়ো এবার বললে, কাকে কী বুঝোচ্চ, লক্ষণ? বেনাবনে মুক্তো ছড়িয়ে লাভ কী?

কথাটা য়াঁঝ ছিল! আহত হয়ে চুপ করল রামকান্ত।

লক্ষণ বললে, ধরো যদি জমিদার হুকুম দেয় যে গাঁয়ের সব তাঁত জমিদারের এস্তালায় চলে যাবে তখন আমার কী কষ্টটা লাগবে, তা তুমি বুঝতে পারো?

কানাই কর্মকার লক্ষণকে সমর্থন করল।

—ঠিক কথা! আমার দেলাতেও এটা খাটে।

—জীবনে যার প্রতিরোধ করতে গিয়ে শুধু আঘাত খেয়েই ফিরে এসেছিল, আত্মহত্যা করে তার মৃত্যুতম প্রতিবাদও করে গেল,—এই হয়ত ছিল তার মৃত্যুকালীন চিন্তা। সে যে মা বসুন্ধরার নেমকহারাম সম্ভান নয় তারই স্বাক্ষর হয়ত রেখে গেল নিজের আত্মহত্যাতে।

কিন্তু কীইবা মূল্য এই আত্মসর্বস্ব চিন্তার! কী এসে গেল তার মৃত্যুতে! ক্ষণিক চাক্ষু্যের সৃষ্টি করলেও অগ্রগামী দলের মধ্যে তা বিশৃংখলতা ঘটাতে পারেনি, প্রতিরোধ করতে পারেনি তাদের প্রগতি।

কলকাতা থেকে একজন সাহেব এঞ্জিনিয়ার ও কয়েকজন অভিজ্ঞ কর্মী এসেছে। জমিদার নিজেও উপস্থিত। আর আশে পাশের কয়েকটা গ্রাম একেবারে ক্ষেতের ধারে ঘন ভেঙে পড়েছে।

যন্ত্রচালিত ট্র্যাক্টরের চলা যখন মাটির বৃক বিদীর্ণ করে বিকট শব্দে পরিক্রমা করতে লাগল তখন অভূতপূর্ব উত্তেজনা ও উল্লাসে উদ্বেলিত হয়ে উঠল জমিদারের বৃক, নবতরো আশা ও আকাঙ্ক্ষার আবেশে তাঁর শরীরের শিরা-উপশিরা কাঁপতে লাগল থরথর করে। কিন্তু মুখ ফুটে কিছু বলতে পারলেন না, শুধু ঘন ঘন পাইপে টান দিতে লাগলেন। সমবেত আবালবৃদ্ধবনিতার দল তখন বিস্ময়ে বিমূঢ় হয়ে গেছে, হঠাৎ-দেখা স্বপ্নের মত এই স্বপ্নাতীত ব্যাপারে তাদের দৃষ্টির প্রসার তখন দীর্ঘতর হয়ে উঠেছে। হয়ত ওদের মনেও তরংগ জেগেছে। অসম্ভব এতে কিছুই নেই : মানুষের স্বপ্নই ত একদিন রূপ পায় বাস্তবে, স্বপ্ন তখন হয় সত্যি। ঢেউএর পর ঢেউ এসেইত পারের সংকীর্ণতা ভেঙে তাকে দিগন্তপ্রসারী করে তোলে। তারপর এই নদীকে কেন্দ্র করেই চলে নতুন পরিক্রমার মহড়া। এবং এই মোহও একদিন কাটে, সীমা যায় ভেঙে। পুরানো সত্যি মিথ্যে হয়ে যায়, ধসে পড়ে, আর মিলিয়ে যায় নবীন সম্ভাবনার মাঝে। এই হল ইতিহাস, চিরস্মৃতি এই দ্বন্দ্ব, আর এর মধ্য দিয়েই সম্ভব হয় নতুন সৃষ্টির।

—আর এ হেন মুহূর্তে ছিদামকে মনে রাখা ! ছিদাম : সে যে একেবারে অবাস্তব এখানে। ট্র্যাক্টর চলল। ইঞ্জিনিয়ার সাহেব জমিদারের পাশে এসে দাঁড়ালেন।

—কেমন লাগছে ?

—ভাষায় প্রকাশ করতে পারব না।

ইঞ্জিনিয়ার সাহেব হাসলেন।

—জয়যাত্রা যন্ত্র—দেবতার।

—এ ত সবে জয়যাত্রার সূর্য, মিঃ ল্যাঙ।

ক্ষণিক স্তব্ধতা।

—তোমার প্রজারা একে কী ভাবে গ্রহণ করবে, মিঃ চাড্ডী ?

—প্রজার দিকে তাকিয়ে আমি চলব না, তারাই অনুসরণ করবে আমাকে।

—এই তো কথার মত কথা—অভিনন্দন করলেন মিঃ ল্যাঙ।

—হেসে জমিদার ধন্যবাদ দিলেন।

—তুমি জেনো মিঃ ল্যাঙ্ক, একটু থেমে জমিদার বলতে লাগলেন, এ শুধু আমার ক্ষণিকের খেয়াল নয়, জীবনের তপস্যা। রাজনৈতিক আন্দোলন শুধু প্রস্তাবের পর প্রস্তাবই পাশ করতে পারে, কিন্তু পারে না দেশের স্বাধীনতা আনতে। স্বাধীন হতে হলে আগে তার যোগ্য হওয়া চাই। আন্দোলনের মধ্য দিয়ে সে যোগ্যতা অর্জন করা যায় না। এর জন্য দেশকে নিজের পায়ে দাঁড় করাতে হয়, স্বাবলম্বী করে তুলতে হয়।

—ঠিক কথা,—মিঃ ল্যাঙ্ক তাকে সমর্থন করলেন।

—এই হবে আমার সাধনা যে শিল্পে ও বাণিজ্যে ভারত নিজের পায়ে ভর দিয়ে দাঁড়াক, তাহলেই সে পারবে বিশ্বমন্ডায় নিজের আসন বেছে নিতে। এর জন্য প্রয়োজন প্রাচীন সামন্ততান্ত্রিক আবাদী প্রথা পরিহার করে ধনতান্ত্রিক বৃহৎ স্কেলের প্রবর্তন করা।

মিঃ ল্যাঙ্ক ঘাড় নেড়ে সাই দিলেন।

—তোমার সাধনা জয়যুক্ত হ'ক, মিঃ চাড্‌লী। তোমার প্রোগ্রেসের দিকে আমার লক্ষ্য থাকবে। প্রার্থনা করব যাতে তোমার স্বপ্ন বাস্তবরূপ পায়।

—ধন্যবাদ। জমিদার আবার কৃতজ্ঞতা জানালেন।

—তা হলে তোমাকে সব খুলেই বলি, মিঃ ল্যাঙ্ক। একে পূর্ণরূপ দেয়াই শুধু আমার জীবনের একমাত্র আদর্শ নয়। এ কেবল মহত্ত্বের ভিত্তিভূমি মাত্র। নিজেই আমি কাঁচামাল উৎপন্ন করব কিন্তু একে আমি বাজারে ছাড়তে চাইনে। তুমি হয়তো আমাকে বুঝেছো। অন্তত বছর তিনেকের মধ্যেই তুমি দেখবে যে আজ যেখানে আমরা দাঁড়িয়ে আছি, এইখানে ইঁা, ঠিক এইখান থেকে আমার কারখানার সেই বিশাল চিমনী সোজা আকাশের দিকে উঠেচে, যন্ত্রের আবির্ভাবে এ জায়গার রূপ গেছে বদলে। ক্ষেতকে আরো দেব পিছিয়ে, এখানে ওখানে মাটির ভিত্তে কাঁপবে বয়লারের গর্জনে, ফ্যাব্রিকের লেলিহ শিখা শ্রমিকদের প্রাণে জাগাবে অপূর্ব উদ্দামনা, দেবে অগ্রগামী কর্মপ্রেরণ। অসংখ্য তাঁতের চলমানতার মধ্যে প্রাণ পাবে আমার জীবনের স্বপ্ন। মানুষ হবে যন্ত্র, আর যন্ত্রই হবে মানুষ—চরম লক্ষ্য হবে সৃষ্টি। সৃষ্টি...সৃষ্টি...সৃষ্টি...। শুধু সৃষ্টিই হবে আমাদের নেশা, মদ মানুষকে মাতাল করে আর আমরা মাতাল হব সৃষ্টির নেশায়।

শেষের দিকে জমিদারের গলার স্বর একটু মাত্রা হ্রাস পেয়েছিল, মিঃ ল্যাঙ্ক তাঁর হাত চেপে ধরলেন।

—বড়ো উত্তেজিত হয়ে পড়চ, মিঃ চাড্‌লী

জমিদার লজ্জিত হাসি হাসলেন।

“মৃত্যুবিজয়ী প্রবল প্রাণের সাদা”

কমলরাণী মিত্র

পাহাড়ের গলে বহি-মালিকা দোলে,
নব-বসন্ত আসে ;
তাপসী-ধরার গেরুয়া বুকেরও তলে
ঝড় ওঠে নিশ্বাসে ।

শাল-পিয়ালের রুক্ষ-বনানীভূমে
মর্মরধ্বনি শুনি
বুঝিছু কামনা-শায়ক ভরিয়া তুণে
আসিয়াছে ফাস্তুনী !

আমারো মনের নিভৃত গহনে দেশে
ওঠে আগুনের ঝড়—
মনে মনে রচি কুসুমিত বধুবেশে
সাধের স্বয়ম্বর ।

কৃষ্ণচূড়ার রক্তে রাঙানো রঙে
ব্যাকুল বাসনা জাগে ।
প্রাণবন্ত্যার ঢেউ খেলে তনুমনে
যৌবন অনুরাগে,

বিগত-কালের মৃত্যু-বিছানো-পথে
মহাসমারোহে আজ
নব-জীবনের বিজয়োদ্ধত-রথে
এলো চির-যুবরাজ !!

এতো শুধু নয় গিরিবনছুমিমাঝে
বসন্ত সমাগম,
এ'তো শুধু নয় লীলায় ললিত লাজে
প্রণয়ের গুঞ্জন ;

মৃত্যু-বিজয়ী প্রবল প্রাণের সাড়া
মহাকলরবে জাগে,
অগাধআকাশে সে-অবাধ প্রাণ-ধারা
উদ্দাম-গতি মাগে—

—ভুবন-তটের সীমা, অ-সীমার কূলে
ফোটে ফুল, গাহে পাখী ;
অসীম আলোক-তীর্থের উপকূলে
সবা'রে নেয় সে ডাকি !



দৈনন্দিন জীবনে রবীন্দ্রনাথ

মৈত্রেয়ী দেবী

আমাকে কবির সম্বন্ধে আপনারা কিছু লিখতে বলেছেন, এ একটু কঠিন কাজ। ওঁর ঘরোয়া দৈনন্দিন জীবনের প্রত্যেকটা কথা প্রত্যেকটা ব্যবহারের এমন একটা সমুজ্জ্বল আনন্দময় রূপ আছে যা আমাদের অপটু লেখনীতে প্রকাশ করা সম্ভব নয়।

কবির আশ্রয়-প্রকাশ বিচিত্র, তাঁর চিন্তা ও অনুভূতিকে নানা উপায়ে নানা রূপে, আমাদের উপহার দিয়েছেন, গানে, কবিতায়, উপন্যাসে, নাটকে, ছবিতে। সর্বতোমুখী তাঁর প্রতিভা। এমন কি ছোট ছোট চিঠিগুলোও যে কত সুন্দর, কত উৎকৃষ্ট সাহিত্য, সে কথা সাহিত্যরসিক মাত্রই জানেন। সেই রকমই আরো একটা দিক আছে সে তাঁর কথাবার্তা ও ব্যবহারে। কথাবার্তা অর্থে আমি কিন্তু কোনো সাহিত্যিক বা আধ্যাত্মিক আলোচনার কথা বলছি না; অতি সাধারণ প্রত্যেক দিনের কথাবার্তা, যে কথা তিনি একটা বালকের সঙ্গে বা তাঁর ভৃত্য বনমালীর সঙ্গেও বলেন, তেমন কথাও এমন একটা সৌন্দর্য আছে যা অশ্রুতপূর্ব। উনি কখনই নিজেকে কোনো আধ্যাত্মিক আবরণে আবৃত করেন না, অতি সাধারণ সহজভাবেই সকলের সঙ্গে, অতি মৃদুতম নপণাতম লোকের সঙ্গেও যে রকম ব্যবহার হাস্য-পরিহাস্য করেন, অতি সুকুমার তার লালিত্য। তাই বলছিলাম যেমন ছন্দে গানে রচনায় তাঁর প্রতিভার বিকাশ, ঠিক সেইরকমই ওঁর প্রত্যাহার জীবনে প্রতিভার আর একটা রূপ হাস্য-পরিহাস্যে অপূর্ব হয়ে ওঠে। তবে দুঃখের বিষয় এই যে সেগুলো ত ধরে রাখা যায় না, যারা কাছে থাকেন, যারা উপলক্ষ্য আরাই ভোগ করেন মাত্র। সেই টুকরো টুকরো মুহূর্তগুলিতে কবির একটা আশ্চর্য প্রকাশ, কিন্তু সে হারিয়ে গেল। একথা আমার অনেক পর মনে হয়েছে যে আমরা যারা তাঁকে অত্যন্ত ঘনিষ্ঠ ভাবে প্রত্যাহ দেখবার সুযোগ পেয়েছি তারা কেউই সেগুলো ধরে রাখবার চেষ্টা করিনি। কিন্তু একটা কথা এই যে, লেখার মধ্যে মানুষের যে প্রকাশ সে অগ্নি। কিন্তু মানুষের সঙ্গে মানুষের ব্যবহারের যে প্রকাশ তার এমন কিছু বিশেষত্ব আছে যেটা সেই ক্ষণের সঙ্গে জড়িত। খাতায় লিখে রাখতে গেলে সে সুরটী তার থাকে না, জীবন্ত রূপটী নষ্ট হয়ে প্রাণহীন হয়ে পড়ে; তার চেহারা নেহাৎ ডায়েরী গোছের মনে হয়। অন্তত, আমি যতবার লিখতে গিয়েছি আমার তাই মনে হয়েছে। তাছাড়া বিশেষ করে তার মুখের কথা লেখা বড় শক্ত, তার মধ্যে নিজের ভাষা জুড়ে গেলে বড়ই অশোভন ও ঐতিকটু হয়ে পড়ে। সেই জন্য মাঝে মাঝে যখন কবির সঙ্গে সাক্ষাৎ প্রভৃতির বিবরণ পড়ি তখন প্রায়ই সেগুলো যুক্তিযুক্ত মনে হয় না। যারা তাঁর কথা শুনতে অভ্যস্ত সহজেই তারা বুঝতে পারেন কোন কথাটা কোন রকম কবি বলেন। তা-ছাড়া বড়

বড় তত্ত্ব কথা মনে করে রাখা বা লিখে রাখা বরং সহজ কারণ চিন্তা সেখানে একটা logical process কে অবলম্বন করে একটা ছাঁচে ঢেলে যায়, কিন্তু ছোট ছোট হালকা কথার মধুর আনন্দময় স্মরণ ধরে রাখা বড় কঠিন।

মনে আছে প্রথম যেবার কবি মংপু এলেন সঙ্গে রথীন্দ্রনাথ ও কবির সেক্রেটারী। আমরা মংপুর উপরে জঙ্গলের মধ্যে একটা বাংলাতে ছিলাম। সেদিন সারা সকাল ধরে প্রচণ্ড বৃষ্টি চলেছে। আমরা একটু ভয়ে ভয়েই ছিলাম আসা হয় কিনা। গাড়ীর শব্দ শুনে বাইরে এসে দাঁড়িয়েছি ভাবছি হয়ত কত ক্লান্ত হয়ে আসবেন। গাড়ী থামতেই বলে উঠলেন আজ পথে এক কাণ্ড। তোমার এই ড্রাইভার ত লাগিয়েছে এক মস্ত গাড়ীর সঙ্গে ধাক্কা। সেই গাড়ীতে ছিল এক সাহেব তার গাড়ীও যত মস্ত সেও তত মস্ত—এই প্রকাণ্ড লম্বা, সে ত তখুনি ওকে ধরে নিয়ে যায়। কত করে বুকিয়ে ছাড়া পেয়েছি, খুব রক্তে পাওয়া গিয়েছে এবার, তোমার এখানে আর নৈব নৈব চ। রথীন্দ্রনাথ মুখের দিকে তাকাই সে মুখ নির্বিকার! একটু ভয় পেয়েছিলাম বৈ কি। ভাগ্যে বেশী কিছু হয় নি। কবি আমার মুখের অবস্থা দেখে বল্লেন ‘হয়ে গেল তোমার পরীক্ষা, তোমাদের মেয়েদের সঙ্গে কথা বলবার জোটা নেই, যা বলব বিশ্বাস করে বসে আছ। যদি সব সময়ই সত্যি বলব তবে কথা বলে সুখ কী? ঠাট্টা করে তার সঙ্গে ফুট নোট দিতে হবে,—এটা ঠাট্টা !!’

তখন সন্ধ্যা হয়ে আসছিল উপরের শোবার ঘরের জানালার কাছে বসলেন। নীচেই গভীর অরণ্য কতগুলো সোয়ালো পাখী চালের মধ্যে বাসা করেছিল কল কল করে তারা ঘরে ফিরছিল, কবি বল্লেন তোমারি জিৎ তুমি জানতে এ জায়গাটা আমার ভালো লাগবে তাই অত জোর করেছিলে। একটা ছোট বাজার মধ্যে এক বোঝা কলম থাকত আর থাকত সম্বল আট আনা পয়সা। কিছুদিন আগে একটা মজার ছুঁটনা ঘটে যায়। বোলপুর থেকে কলকাতা আসছিলেন সঙ্গীরা ছিলেন অল্প কামরায়। বর্ধমানে একটা লেমনেড খেয়ে পয়সা দেবার সময় মহা বিপদ, ট্রেন তখন ছাড়ো ছাড়ো, বয়টী ওঁর অবস্থা বুঝে চলে গেল। সেই থেকে সঙ্গে কিছু পয়সা থাকে। প্রায়ই উনি সন্দেহ প্রকাশ করতেন যে সেই আট আনার উপর আমার ছুঁটন্য লোভ আছে। তাই নিয়ে আমাদের খুব হাসাহাসি হত।

লিখতে গেলে কত ছোটখাট কথা মনে পড়ে। পাঁচ মিনিট কথা বললে ১৫ মিনিট হাসতাম আমরা। একদিন খুব গভীর হয়ে বল্লেন “দেখ আমার কথায় তোমরা আর হেসো না, এ একটা তোমাদের ভুল হয়ে যাচ্ছে কারণ আমার কথায় কোনো humour থাকা সম্ভব নয়। সেদিন একজন সেকথা প্রমাণ করে দিয়েছেন। তিনি লিখেছেন লিরিক বা গীতি কবির কখনই humourএর বোধ থাকে না। আমি একজন গীতি কবি ত বটে আমার কথায় শুধু শুধু যদি হাস্য আহলে এত কষ্টের কবি খ্যাতিটি ধোঁয়া যাবে।

একটা মজার গল্প বলি, একবার গ্রীষ্মকালে যখন এখানে উনি ছিলেন—ওঁর ছুজন সেক্রেটারী ও আমার এক বান্ধবীও তখন এই বাড়ীতেই থাকতেন। তাকে সকলেই মাসী বলে ডাকত। সে সময় এখানে নানা রকম পোকা মাকড়ের বড় উপদ্রব হয়েছিল বিশেষ করে কালোরংয়ের বড় বড় গুবরে পোকা সন্ধ্যা হলেই উড়ে আসত। মাসী সেগুলোকে একটু বেশী রকমই ভয় করত। একদিন সকাল বেলা কবি তাকে বলেন ‘মাতৃস্বসা এক সময়ে আমি একটু জ্যোতিষ শাস্ত্র আলোচনা করেছিলাম, আমার মনে হচ্ছে তোমার অদৃষ্টে আজ কিছু বিপদ আছে।’ আমরা অনেক জিজ্ঞাসা করেও কি সে বিপদ তা জানতে পারলুম না। ততদিনে আমাদের উভয়েরই অভ্যাস হয়ে গিয়েছিল আমরা খুব কম কথা বিশ্বাস করতাম। সেই দিন সন্ধ্যাবেলা তখন আমাদের খাবারের সময় হয়ে এসেছে, আমি ওঁকে ওষুধ দিচ্ছি, এমন সময় একটু আত্ননাদ ও জিনিষপত্রের শব্দ শুনে খাবার ঘরে ঢুকে দেখি মাসী একটা চেয়ারের উপর দণ্ডায়মান, খাবার টেবিল লগু ভগু, আমার স্বামী ও কবির সেক্রেটারী ছুজন একটা প্রকাণ্ড গুবরে পোকা নিয়ে হৈ হৈ করে খেতে শুরু করেছেন। তখন প্রকাশ হল ওটা চকোলেটের গুবরে পোকা, দার্জিলিং থেকে তৈরি হয়ে এসেছে। তারপর পূর্ব পরামর্শমত হ্যাপকিনাবৃত হয়ে মাসীর প্লেটের উপর অপেক্ষা করছিল। এ ঘরে এসে দেখি একা একা খুব হাসছেন, বলেন “মাতৃস্বসা বলেইছিলাম আজ একটা বিপদ আছে তোমার”—মাতৃস্বসা প্রশ্ন করলেন আপনিও এই পরামর্শে ছিলেন? কবি বলেন, তাইত আমিও এর মধ্যে! এটা কিঞ্চিৎ বাড়াবাড়ি হয়ে গেছে, যা হোক তোমরা এসোসিয়েটেড প্রেসে এ খবরটা দিও না—আমার গুরুত্বটা বড়ই কমে যাবে, বিশেষত, আমাদের এই গুরুত্ব দেশে। আচ্ছা আমি যদি তোমাদের গুরুদেব হয়ে খুব উচ্চাসনে বসে ছুটি একটা উপদেশ দিতাম তাহলে কে বঞ্চিত হত তাই ভাবি। যারা নিজেদের একটা মইএর ওপর তোলে কতটা তারা বঞ্চিত হয় জানেনা।

এই প্রসঙ্গে একটা কথা বলি উনি সমস্ত লোকের সঙ্গে কী রকম সহজে মেশেন। যারা মানে, সম্মানে, শিক্ষায় বা সামাজিক স্থানে সব দিক থেকেই ওঁর বহ্নীচে তাদের সঙ্গেও ব্যবহারে কোনও দিন এতটুকু তারতম্য দেখিনি। আজকাল শারীরিক অত্যন্ত দুর্বলতা ও অসুস্থতা নিবন্ধন সব সময়ে সকলের সঙ্গে সাক্ষাৎ করা সম্ভব হয় না কিন্তু বান্ধবদের সঙ্গে সাক্ষাৎ ঘটে তাঁরা সকলেই জানেন কোনও অহঙ্কারের গণ্ডি তাঁকে মানুষের সহজ সম্বন্ধ থেকে দূরে রাখে না। কত নানা জাতীয় লোকই না কবির কাছে আসে জগতের ষষ্ঠানীয় থেকে নগণ্যতম অধঃপাগল পর্যন্ত। মনে আছে একবার শান্তিনিকেতনে একটা মজার গল্প করেছিলেন। সে বহুদিন আগের কথা। নিজের ঘরে মাটিতে বসে তিনি লিখছেন হঠাৎ একজন অপরিচিত লোক সোজা ঘরে ঢুকে একটা বড় চৌকিতে আরাম করে বসল মাটিতে, একটা খবরের কাগজ পড়েছিল তুলে নিয়ে পড়তে লাগল—কবি কী আর করবেন তার এরকম পরম স্বর্বিচার ভাব দেখে আশ্চর্য হলেও

বেণী কথাবার্তার হাস্যামার মধ্যে না গিয়ে নিজের কাজ করে যেতে লাগলেন। কিছুক্ষণ বাদে খুব গম্ভীর ভাবে ঘড়ী দেখে সেই লোকটী কাগজ রেখে দিয়ে বল্লেন আমার দেবী হয়ে যাচ্ছে কিন্তু আপনার সঙ্গ যেমন interesting তেমন entertaining. কবি বল্লেন একটীও কথা না বলে কি করে যে তার আমার সঙ্গ এত entertaining ও interesting বোধ হল তা জানিনা। যা হোক পরমুহূর্তেই ভদ্রলোক বল্লেন arico-nut আছে arico-nut ? কবি জিজ্ঞাসা করলেন সুপুরী ? তা আছে হয়ত, আনিয়ে দিচ্ছি এই রকম ছুই-চারটে নিতান্ত বাজে কথার পর অত্যন্ত interesting সঙ্গ ছেড়ে arico-nut কে যেতে হল।

যেদিন এ গল্পটা বল্লেন সেই দিনই সন্ধ্যার সময় আমরা চাতালে বসে আছি—হঠাৎ একজন লম্বামত লোক অন্ধকারে খুব কাছাকাছি এসে দাঁড়াল। কে তিনি জিজ্ঞাসা করতে জানালেন এখানে কিছুক্ষণ তিনি বসতে চান। কবি বল্লেন ওঁকে বলো কাল সকালে যখন সবাই আসবে তখন এলেই ত ভাল হয়, এখন এই অন্ধকারে—তা ছাড়া একটু বিশ্রাম করছি, কিন্তু ভদ্রলোক বল্লেন সকালে তাঁর সময় হবে না। অগত্যা আমরা চুপ করে রইলুম তিনিও চুপ করে বসে রইলেন—সম্পূর্ণ অপরিচিত একজন লোক, একটু অশ্বোয়াস্তি লাগছিল। কিছুক্ষণ বাদে লোকটী বল্লেন ওঁকে বলুন একটা অটোগ্রাফ লিখে দিতে, কিন্তু আমার দ্বারা সে কাজ করান তখন সম্ভব ছিল না কারণ শরীর তখন ওঁর খুবই অসুস্থ—এত অকাজ করবার মত ত নয়ই। কাজেই আবার সেই নীরবতা। আমরা দুটি মেয়ে সেখানে বসেছিল। দুজনেরই মনে হচ্ছিল arico-nut। ভদ্রলোক চলে যেতেই কবি বলে উঠলেন ‘এয়ে সুপুরীর বাড়ী হোলো।’ আজ মনে পড়ছে গতবছর এমন দিনে ওঁকে কাছে পাবার আশ্চর্য সৌভাগ্য আমাদের হয়েছিল। আমাদের এখানে জনসংখ্যা অর্থাৎ শিক্ষিত লোকের সংখ্যা খুবই কম। জন্মদিন কাছে এলে আমরা ভেবেই পাচ্ছিলাম না কী করে উৎসব করব। অবশেষে অনেক পরামর্শের পর স্থির হল এখানকার পাহাড়ীদের নিমন্ত্রণ করা যাবে। তথাকথিত হোমরা-চোমরাদের নিমন্ত্রণ অনেক হয়ে থাকে কিন্তু এই চাষাভূষা কুলী মজুরদের নিয়ে আনন্দ করবার একটা নতুনই আছে। সেদিন সকাল বেলা একজন বৌদ্ধ নেপালী বৃদ্ধ এসে বল্লেন আমি আপনাকে স্তব শোনার—সকাল বেলা স্নান সেরে বারান্দায় একপাশে বসেছিলেন ধূপ-ধূনো ও মালাচন্দনের মৃদু সুগন্ধের মধ্যে সে তার অস্পষ্ট উচ্চারণে “বুদ্ধ শরণং গচ্ছামি” বলে মন্ত্রপাঠ করল। তার সহজ অনাড়ম্বর সেই সভক্তি স্তব পাঠ কবির খুব ভাল লেগেছিল। উনিও ঈশ উপনিষদ থেকে খানিকটা পড়লেন। বিকেলের দিকে প্রায় ৪০০ পাহাড়ী এসেছিল, সকলেরই হাতে কিছু ফুল তিব্বতিরা এনেছিল খদা—যা ওরা লামাদের পরায়।

একটা ঠেলা চেয়ারে করে বাগানের পথ দিয়ে কবিকে নিয়ে যাওয়া হচ্ছিল। প্রত্যেকে একটা একটা ফুল বা তোড়া দিয়ে নমস্কার করে সরে যেতে লাগল। সে একটা সুন্দর ছবি, এরা যে এমন করে ফুল উপহার দিতে জানে তা আমি আগে কখনও মনে করিনি। কিছুক্ষণ তিব্বতী

নাচের পর পাহাড়ীদের আহা-পর্ব। আমরা নিজেরাই পরিবেশন করেছিলাম সমস্তক্ষণ। তাদের মাঝখানে কবি বসেছিলেন। সেইদিন জন্মদিন বলে তিনটে কবিতা লিখেছিলেন তার মধ্যে বুদ্ধভক্তের কথা আছে। সে কবিতাগুলো সচ্চ প্রকাশিত 'জন্মদিন' নামে কবিতার বইতে থাকবে।

তারপর দিনই সুরেন্দ্রনাথ ঠাকুরের নিদারুণ মৃত্যু সংবাদ পেয়েছিলেন।

আমি শুনেছিলাম কবির এখানে থাকাকালীন দৈনন্দিন জীবন যাত্রা সম্বন্ধে—আমার কিছু লেখা আপনারা চান কিন্তু তাঁর সম্বন্ধে কিছু লিখতে গেলে সবচেয়ে এই কথাটাই মনে জাগে কতটুকু তাঁকে চিনি বা জানি। যেখানে ওঁর সত্যাকার জীবন সেখানে উনি সুন্দর। আমাদের মত মানুষের ধারণার চাইতে বহু বিস্তৃত তার পরিধি। কতদিন সকাল বেলায় দেখেছি রেডিওতে খবর শোনার পর জগৎব্যাপী ছুঁদর্শার কাহিনীতে, চায়নার মর্মবাতী ছুঁখে কী দারুণ ছুঁখই তিনি অনুভব করেছেন, সে একটা মৌখিক হা-ভতাশ নয় সত্যাকার তীব্র অনুভূতি। সব চেয়ে আশ্চর্য এই যে উনি বড় কিন্তু ছোটকে বাদ দিয়ে নয় ছোটকে গ্রহণ করে।

একদিন আমাদের বেহারাকে একটা বিছে কামড়েছিল ঔষধ দিয়ে দিয়ে যতক্ষণ তার যন্ত্রণা না কমল ততক্ষণ তাঁর বিরাম ছিল না। যখন জগৎব্যাপী আন্দোলনের কথা চিন্তা করতেন তখনও ঘরের কোনের তুচ্ছতম মানুষের প্রতি দেখেছি তাঁর সমান বেদনা। কত গভীর চিন্তায় মগ্ন থেকেছেন কত লিখেছেন অথচ সহজ সরল ভাবে প্রত্যেকের সঙ্গে তাঁর ব্যবহার হস্ত-পরিহাস একটুও ব্যাহত হয়নি। তাই বলছিলাম কবি মহৎ, অনন্যসাধারণ কিন্তু নিজেকে পৃথক করে নয়। সকলের মধ্যে থেকেই সকলের উর্ধে তিনি, সে তাঁর আশ্চর্য ক্ষমতার আর একটা নিদর্শন।

সকাল বেলা যখন চুপ করে চোঁকিতে বসে থাকেন ভোর বেলার রোদ এসে গায়ে পড়ে তখন তাঁকে দেখবার সৌভাগ্য যাদের হয়েছে তারা নিশ্চয়ই অনুভব করেছেন উনি বহু দূরের মানুষ—সকলের মাঝখানে থেকে সকলের অতীত। অথচ কিছুক্ষণ পরেই দেখেছি আমার খুঁকুর সঙ্গে ছড়া বলছেন আনন্দে। যেখানে কবি গভীরতম মানব তাঁর সেখানকার প্রকাশ তাঁর কাব্যে, গানে, কবিতায় সেই পরম মানবের অলৌকিক অনির্বচনীয় স্পর্শ অনেকেই পেয়েছেন।

কিন্তু তাঁর প্রত্যাহার এলোমেলো ক্ষণগুলোরও একটা উজ্জ্বল প্রাণময় রূপ আছে। তাই বলছিলাম যেমন তাঁর ছোট ছোট চিঠিগুলোরও একটা বিশেষ সৌন্দর্য আছে তেমনি তাঁর প্রত্যেকটা কথা প্রত্যেকটা ব্যবহার যে কত সুন্দর কত উপভোগ্য ও মনোরম তা লিখে বা অথ কোনও উপায়েই বোঝান যায় না। যেমন প্রাণীকে চিরে চিরে খুঁজলে তার প্রাণ পাওয়া যায় না তেমনি মানুষের কথাকে টুকে রেখে খুঁচিয়ে দেখলে তার প্রাণময় রূপটা হারিয়ে যায়।

সুদূর্লভ প্রতিভা তাঁর অক্ষয় রূপ নিয়েছে রচনায়, কিন্তু সর্বতোমুখী প্রতিভার কিছু কিছু হারিয়েও গেল, এক তাঁর মধুর কণ্ঠের গান, অথ তাঁর প্রাত্যহিক জীবন। এর মূল্যও কম নয়। মাত্র দুচার জন যারা তাঁর নিকটে আসবার সৌভাগ্য লাভ করেছেন, তাঁদের আজীবন একটা আনন্দস্রবি স্মৃতিতে উজ্জ্বল হয়ে থাকবে।

পুজী

ক্ষেত্রমোহন পুরকায়স্থ

(এক)

জমিতে সারের অভাব যেমন বর্ষার প্রাচুর্যে মিটে না, তেমনি মাতৃহীনা মৈত্রীর জীবনে কাটল না তার জননীর অভাব—পিতৃ-স্নেহের অসাধারণ পর্যাপ্তি লাভ করেও। সে অভাবটা যত বড় কিংবা যত মারাত্মকই হোক, মৈত্রী নিজেকে সেটা কোনদিন তীক্ষ্ণ ভাবে অন্তরে অন্তরে অনুভব করেছে এমন কারোরই মনে হ'ত না; কারণ মৈত্রীকে সময় অসময়ে সাফাই গাইতে শোনা যে'ত এই বলে যে সে মায়ের আঁচল-ধরা মেয়ে নয়। এ কথা ছেড়ে দিলেও এটা ঠিক যে মৈত্রীর ছিল মেয়েলিপনার উপর একটা বিজাতীয় বিতৃষ্ণা। বেশ-ভূষা মোটামুটি রকমে করলে ও সে কখনও উচু গোড়ালির জুতা পরত না কিংবা ব্যাগ ছুলিয়ে বাড়ীর বাইরে বেরোত না। দক্ষিণ কলিকাতায় কোন্ নবোঢ়ার বেবি হবার সম্ভাবনা কিংবা কোন্ অনুচ্চাদের বাড়ীতে কোন্ মফঃস্বলের হাকিম—না হয় হালের বিলাত-ফেরতা যুবক চা-জলযোগের নিমন্ত্রণ গ্রহণ করেন, মৈত্রী এ সব খবরের কোন ধার ধারত না-ই; শুনলে ভুরু কুঁচকাত। আত্মীয়-পরিচিত-মহলে মৈত্রীর সম্বন্ধে সকলেরই একটা সুস্পষ্ট কিন্তু বিচিত্র ধারণা ছিল। কারো কারো মতে মৈত্রী ছিল নিতান্ত দান্তিক, কারো কারো মতে অত্যধিক স্বার্থপর, আবার কারো কারো মতে সে ছিল দিশি-য়ানার মুখোশ-পরী কিন্তু আসলে বিদেশী-মনের ছাপ-মারা মেয়ে। এই সব বিচিত্র ধারণাগুলির মধ্যে একটা সাধারণ সত্য নিহিত ছিল এই যে তেইশ বছরের জীবনে মৈত্রী কাউকে আপনার অন্তরের সান্নিধ্যে লাভ ক'রতে পারেনি'। তার কোন বন্ধু ছিল না, আত্মীয় পরিচিতদের মধ্যে সে কাউকে ভা'য়ের কিংবা বোনের স্নেহ দান করেনি' কিংবা বয়ঃভেদে'র মধ্যে কারো প্রতি সে ভক্তিমতীও ছিল না। পিতার সাক্ষ্য-বৈঠকে একদিন মৈত্রী হে'সে হে'সে বলেছিল যে ভাবের উত্তাপ চাইতে জ্বরের উত্তাপটা ও ভাল, কেননা জ্বরে হয় শুধু দেহের স্বাস্থ্যের সাময়িক বিকার কিন্তু ভাবের উত্তাপে হয় তার চাইতে অনেক বেশী অনর্থ।

মৈত্রীর পিতা মৃত্যুঞ্জয় বন্স ছিল ডেপুটী মাজিষ্ট্রেট। মৃত্যুঞ্জয় যদিও গরীবের সন্তান, তবুও সরকারের দরবারে এ উচ্চপদ পেতে ওর কোন কষ্টই হ'ল না, কারণ য়নিভার্সিটীর জাগ্রত মন্দিরে পরীক্ষা-পর্বের দিনে পূজার্থীর জনতা ঠেলে' কি করে সর্বপ্রথম মা-সরস্বতীকে অঞ্জলি দিতে হয়, মৃত্যুঞ্জয়ের মেধা সে কৌশলটাকে, বিশেষ করে আয়ত্ত ক'রেছিল। কিন্তু পঁচিশ বৎসর বয়সে

চাকুরী পেয়ে ও মৃত্যুঞ্জয় বিবাহ করল পয়ত্রিশ বৎসর বয়সে—এক বিধবা মহিলাকে। বিবাহের এক বৎসরের মধ্যে মৃত্যুঞ্জয়ের বিবাহিত জীবনের আয়ু ফুরাল—মৈত্রীর জন্মের দু'ঘণ্টা পরেই মৈত্রীর মা হাঁসপাতালে মারা গেলেন। সকলে আশ্চর্য হয়ে গেল—মৃত্যুঞ্জয় পত্নীশোকে মুহমান না হয়ে সন্তজাত শিশুকে বাড়ী নিয়ে এল এবং তিন মাস ছুটি নিয়ে অহর্নিশ শিশুটাকে লালন-পালন করে তাঁকে বাঁচিয়ে উঠাল। মৃত্যুঞ্জয়ের এমন কোন আত্মীয়া ছিল না যে সে নিজে তাঁর বাড়ীতে এসে মৈত্রীর ভার নেয় এবং মৃত্যুঞ্জয়ের নিজেরও পণ ছিল যে সে মেয়েকে ওর কাছ-ছাড়া কোরবে না। ফলে শিশু-মৈত্রী বেড়ে উঠল পিতার বুকে ও এক নেপালী আয়ার কাছে আফিস খোলার দিনে ছপুর বেলা কাটিয়ে। মৈত্রীর বয়স যখন পাঁচ, তখন সে আয়াটাও গেল মরে। তখন থেকে শুরু হ'ল মৈত্রীর ছপুরবেলাকার ইঙ্কলের জীবন। কিন্তু মৈত্রীর মন বাড়তে লাগল ঠিক ইঙ্কলের পড়ায় নয়, পিতার প্রাণবান ও ক্রান্তিহীন সঙ্গলাভে। অবশেষে মৈত্রীর বয়স যখন পনের, তখন থেকে তার নাম-মাত্র ইঙ্কলের জীবনেরও পাট—মৈত্রীর জীবন-লতার ষোল-আনা রস যোগাতে লাগল পিতার বিদ্যা ও বুদ্ধি, অভিজ্ঞতা ও আদর্শ, ধ্যান ও ধারণা। এই অপূর্ব জীবন-যাত্রায় মৃত্যুঞ্জয় ও মৈত্রী ঠিক যেন আর পিতা-পুত্রী রইল না—গুরু-শিষ্যা বলেও এ সম্বন্ধকে ঠিক বর্ণনা করা যায় না, বন্ধুতা বলে ও সম্বন্ধটাকে যথার্থভাবে যাচাই করা হয় না—হুইজনই যেন কোন আধার রাতে নিরুদ্দেশ পথের যাত্রী, মৃত্যুঞ্জয়ের হাতে দীপ-সংখ্যা বেশী, মৈত্রীর হাতে কম, পথ চলতে চলতে যেন পিতা-কন্যা একে অন্নের কাছ হতে দীপ জ্বলে নিচ্ছে। এমনি করে উদ্ভীর্ণ হ'ল মৈত্রীর তেইশ বৎসর—তখন প্রায় বছর তিনেক ধরে চাকুরী হতে অবসর নিয়ে মৃত্যুঞ্জয় এসে বাস করচে কলিকাতায় ল্যান্ডাউন রোডের কাছাকাছি একটা ভাড়াটে বাড়ীতে।

কর্মজীবনের সঙ্কীর্ণতার জগতই হোক কিংবা সে সময়ে মৈত্রীর বয়স অপেক্ষাকৃত অল্প ছিল বলেই হোক কিংবা কলিকাতা জীবনের সুপ্রচুর বিস্তৃতির জগতই হোক, ল্যান্ডাউন রোডের বাড়ীতে এসে পিতা-পুত্রীর জীবনে মেলামেশার ক্ষেত্র বেড়ে গেল অনেকখানি। প্রায় সন্ধ্যায় না হ'লে ও অন্ততঃ শনি রবিবারে বোসেদের বাড়ীতে বৈঠক বসত। এই সব সাপ্তাহান্তিক সাক্ষ্য বৈঠকে দুজন লোকের উপস্থিতি ব্যতিক্রম হ'ত অল্পই। তাদের একজন ছিল শ্রীমন্ত মিত্র, অপর কিরীট সেন। শ্রীমন্ত দীর্ঘতনু, গৌরকান্তি, বয়স ত্রিশের কোঠায় পড়েছে, কলিকাতার কোন এক কলেজে অধ্যাপনা করত এবং বছর খানেক পূর্বে বিয়ে করেছে। কিরীট কৃশকায় মধ্যাকৃতি, তার অমুজ্জল দেহকান্তির মধ্যে বিশেষকরে লক্ষ্যের বিষয় শুধু ছিল উজ্জল চোখ দুটো। বি, এ, অবধি পাশ করার পর থেকে গরীব ব্রাহ্ম-পিতার সামান্য যা পুঁজি তা জুতার দোকান করে এবং ফরাঙ্কাবাদি সিঙ্কের চালানি কাজ নিঃশেষ করে সম্প্রতি ইনসিওরেন্সের এজেন্সী কাজে মন দিয়েছে। কলিকাতার অবসরপুষ্ট জীবনেও মৃত্যুঞ্জয়ের পরিচিত জুটেছিল বেশীকরে তাঁরাই যারা ছিল বয়সে ওর চাইতে

অনেক তরুণ এবং পদগোরবে ওর চাইতে নিম্নতর—এই পরিচয় লাভটা একেবারে আকস্মিক নয়, এটা ছিল অনেকটা মৃত্যুঞ্জয়ের চরিত্রানুগত।

সেদিন সন্ধ্যাবেলা মৃত্যুঞ্জয় কন্যা ও কিরীটের সঙ্গে বসে চা পান ক'ছিল। মৃত্যুঞ্জয় রেকাব হ'তে একখানা নিম্কি মুখে পুরে ব'ল্ল “বাঃ আজ যে বেশ নিম্কি হয়েছে মিত্তি মা! তুমি করেছে বুঝি?” মৈত্রী উত্তর দিল “না-ত! রাম ঠাকুরই'ত করেছে”। কিরীট কথায় যোগ দিয়ে ব'ল্ল “তুমি আবার নিম্কি ভাজতে জান না কি মৈত্রী।” মৈত্রী কিরীটের চায়ের পেয়ালাতে চিনি নাড়তে নাড়তে ব'ল্ল “জানি কিছু কিছু কিন্তু আপনি অত বিস্মিত হচ্ছেন কেন?”

কি—বিস্মিত হ'ছি এই জ্ঞাত যে তোমায় ত আমি কখনও রান্নাঘরের দরজায়ও দেখিনি।

মৃ—না হে কিরীট, এটা তোমার ভ্রান্ত ধারণা! মিত্তি ত কবে থেকেই বল'ছে আমাদের শোবার পাশের ঘরে গ্যাসের উল্লু বসিয়ে দিতে। বাড়ীওয়ালাকে বলেও ছিলাম আমি ছ'একবার কিন্তু ভদ্রলোক শোনে কই আমার কথা।

কিরীট কথা না বলে চোখ ছুটো ঈষৎ বড় করে এবং ঈষৎ হেসে চায়ের পেয়ালায় চুমুক দিল। মৈত্রী সেটা লক্ষ করে ব'ল্ল “আপনি হাসছেন যে?”

কি—দেখ মৈত্রী আমি ভাব'ছিলাম যে ঠিক গ্যাসের উল্লুনের অভাবেই কি তোমার রান্না করা হচ্ছে না।

মৈ—আমার যদি আদৌ রান্না ক'ন্তে ইচ্ছা নাও হয়, সেটা কি অত দোষের ব্যাপার হবে।

মৃ—আমরা সবাই চাই বটে কিরীট যে মেয়েরা রান্না-বান্না দেখুক কিন্তু আমরা রান্নার ব্যবস্থা করি কি রকম—না বাড়ীতে যে ঘর সব চাইতে ছোট, অন্ধকার এবং অব্যবহার্য, সেটাকেই করি রান্নাঘর এবং প্রত্যাশা করি সেই-ঝুল মাখা অপরিসর ঘরে, জলে ভিজা মেজের উপর দাঁড়িয়ে মেয়েরা সকালে বিকালে ঘটা ছুতিন আগুনের তাতে তাতুক। এ রকম ব্যবস্থা আমার মতে নিছক বর্বরতা।

মৈ—সে কথা ছেড়েই দাওনা কেন বাবা! আসল কথা সবাই ভাবে রান্নাটা হবে মেয়েদেরই একচেটে কাজ। আমি বলি তা কেন হবে? এই যে কিরীটবাবু আপনি অত করে আমার রান্নার অভ্যাস আছে কিনা খোঁজ নিচ্ছিলেন কিন্তু বলুন ত আপনার বাড়ীতে আপনার দিদি রাঁধেন কদিন এবং আপনি বা রেঁধেছেন ক'দিন?

মৈত্রীকে ফেপিয়ে দওয়াই কিরীটের উদ্দেশ্য ছিল, তর্ক করা নয়, কাজেই মৈত্রীর অত সোজাসোজি প্রশ্নে সে বিব্রতই বোধ ক'ল কিন্তু তার কপাল ভাল, উত্তর দেবার দরকার হ'ল না,

মৈ—কিসের আবার, বিচারের মাপে ?

মু—তা হয় না মিতি।

শ্রী—জীবনের বহু ভগ্নাংশের জগত্ চাই একটা সাধারণ ভাজক—যাকে বলি আদর্শ।

মৈ—বুদ্ধির গুণক-ই এর পক্ষে চের।

শ্রী—বুদ্ধির গুণে ভগ্নাংশকে বৃহৎ করে জড়-জগতের সত্যের আবিষ্কার হয় কিন্তু মানুষের জীবনের কোন সত্যই এঁতে যাচাই হয় না, মৈত্রী।

মৈ—থাক্, এ আলোচনায় কোন লাভ হবে না—তা' আপনাকে আগেই বলেছিলাম।

কি—বাস্ তাই ভাল। এবার শোন আমার দিদির অনুরোধটা—দিদি তোমায় আস্চে শুক্রবারে সন্ধ্যাবেলা আমাদের ওখানে চা খাবার নিমন্ত্রণ জানাতে 'বলেছে, তুমি আস্বে কি ?

মৈ—এঁতে না যাবার কি আছে বলুন ?

শ্রী—সে কি হে কিরীট, সেদিন যেন তোমার আমাদের ওখানে চা খাবার কথা—এমনতরই কি একটা বাড়ীতে শুনিছিলাম বলে মনে হচ্ছে।

কি—শুনেচ ঠিকই। আমি নিজে যাচ্ছিই তোমার স্ত্রীর নিমন্ত্রণ রাখতে। দিদিকে বলেওছিলাম সেকথা কিন্তু তা হ'লে কি হবে—সে যে নিমন্ত্রণ করে বসে আছে শৈবাল চাটুয্যো ইঞ্জিনিয়ার ছেলেটাকে, যে হালে Indian Stores Department এ বড় চাকুরী পে'লে। তা' হোক দিদির আমার বিবেচনা আছে, বলেচে আমার থাকতে হবে না, তবে মৈত্রীকে নিমন্ত্রণ করে ওর আসার ব্যবস্থা করতে। আমার গা' এখন হালকা, তবে দেখব তোমার ওখান থেকে চা খেয়ে যদি এঁদের দলে ভিড়তে পারি।

মু—তোমরা যখন কেউই আস্চনা শুক্রবারে, আমি তবে হাঁটতে হাঁটতে ময়দানের দিকেই যাব এবং ফেরবার মুখে না হয় তোমাদের বাড়ী থেকে মিতিকে নিয়ে আসব।

মৈ—তোমার আমায় আনতে যেতে হবে না। তুমি যাই বল বাবা, তোমার আমায় কিছুক্ষণের জগত্ ও ছেড়ে থাকতে কষ্ট হয়—এটা ভাল না।

শ্রীমন্ত ও কিরীট মুখ টিপে টিপে হাসতে লাগল।

অপ্রতিভতার বোধটা কাটিয়ে সহজভাবে মৃত্যুঞ্জয় বলল "দূর মেয়ে কি বল্ছিস্" ?

"হ্যাঁ বাবা, ঠিকই আমার এ ধারণা। তোমার মনটা ওরকম ছিল না আগে। আমার যত বয়স হ'চ্ছে, তুমি যেন ততই দুর্বল হয়ে পড়্চ।"

মৃত্যুঞ্জয় এবার হেসে উঠে আগন্তুকদের প্রতি তাকিয়ে বল্ল "মিতি কি বল্চে শোন তোমরা"।

অপরের কোন মন্তব্য করবার কোন সুবিধা হ'ল না কারণ এমনি সময়ে নীচে মৃত্যুঞ্জয়ের দুজন পেনশনার-বন্ধুর ডাক শোনা গেল। নিস্তারণ মিত্র ও রসময় রায় দুজনের সঙ্গে, বিশেষতঃ প্রথমোক্ত ভ্রলোকটির সঙ্গে কিরীট ও শ্রীমন্তের পূর্বেই বারকয়েক সাক্ষাৎ হয়েছিল এবং সেই সব সাক্ষাতের ফলে যুবকেরা তৎক্ষণাৎ বৈঠক ভঙ্গ দেওয়াই সমীচীন মনে করল—গৃহকর্তার নিষেধ সত্ত্বেও। মৈত্রীও এঁদের সঙ্গে সঙ্গে অগ্রা ঘরে পালাল। পালাল বিশেষ করে এই জগত্ যে সে জানত ওর ডাক পড়বেই এবং হিতবাক্য যত কম শোনা যায় তত কম শোনাই ছিল ওর অভিপ্রায়।

(ক্রমশঃ)

পথ চলে

করুণাময় বনু

পথ চলে পথ চলে কোথা তার সীমার সঙ্কেত ?
অদৃষ্ট অদৃশ্য থাক নাহি মানি বন্ধন নিষেধ,
বুর্জমান গ্রহচক্রে পৌরুষের পূর্ণ পরাভব ;
সর্বহারা শৃঙ্খতার মাঝখানে জীবনের অপূর্ণ উৎসব ।
উদয় দিগন্ত হ'তে চির-অন্ধ অস্ত-গিরি বাঁকে
যে পথ হয়েছে শেষ সেই পথ বুঝি মোরে ডাকে ;
আমার রক্তের মাঝে গুণিতেছি সমুদ্রের গান,
যেন কোন পথ হারা দেবতার দূর হ'তে অদৃশ্য আহ্বান ।

পথ চলে, পথ চলে, কে যেন ডাকিছে মোরে,
কোথায় চলেছে পথ রুদ্ধ রোদ্রে, মরুপ্রান্তে, পর্বত শিখরে,
স্বাধীন পার্বত্য জাতি ঘর বাঁধে ঘর ভাঙে যেথা ;
শাসনশৃঙ্খলা নাহি মানে ছুঁর্বিনীত স্বপ্রতিষ্ঠ চেতা,
ছুঁর্ধর্ম, আপন শক্তিতে বীর্যবান ;
চড়াই উৎরাই পথ সে পথের দিয়েছে সন্ধান ।

মানুষের পায়ে চলা পথ
নিশেদ অব্যক্ত মৌনভাষে কাঁদাইছে রাত্রির জগৎ,
মানুষের জন্ম ইতিহাস
একেকটি পাতা খুলি বিস্মৃত কাহিনীচিহ্ন করিছে প্রকাশ ;
ভাষা দেয় মৌন বেদনারে
প্রাণের আলোর আভা নিক্ষেপিয়া অদৃশ্য আধারে ।

এই পথে মাধবীর ছায়াবীথি তলে
কবে কোন অন্ধকারে গ্রামের বধুরা গেছে চলে
অতীত অস্পষ্ট গুণনছায়া মেলি ;
সেদিনের গন্ধ আনে পথ প্রান্তে জেগে-ওঠা এ দিনের সন্ধ্যার চামে

পথ চলে, পথ চলে, এ পথের কোথা হবে শেষ ?
 ঘরছাড়া পাখীরা যেমন শুষ্ক পথে খোঁজে কোথা দেশ,
 তরঙ্গ তর্জনী নাহি মানি, নাহি মানি সমুদ্রের সীমা,
 ছরস্তু পাখার বেগে রাঙাইয়া সন্ধ্যার রক্তমা।

পথ চলে, পথ চলে নিঃশব্দ গন্তীর অন্ধকারে
 আজ নয় কাল নয় কাল কালান্তরে ;
 মৃত্যুহীন নৈশব্দের পারে
 বিছাতের বিদীর্ণ শিখাতে,
 অন্ধ অধরাতে।

আজ যেন শুনিতেছি শব্দহীন পথের আহ্বান
 অনন্ত আঁধার অরণ্য হ'তে
 পর্বত শিখর প্রান্তে চিরন্তন ছায়ায় আলোতে
 মর্মের নিঃশব্দ মন্ত্রে বাসনার পূর্ণ অবসান ;
 সর্বরিক্ত সন্ন্যাসীর সর্বশেষ গান।

সায়াহুর বিষন্ন অথরে
 কার বাণী তারার অক্ষরে
 যেন লেখা আছে,
 এই পথে আসিবে কি কাছে।
 এই পথে রাত্রদিন
 মানুষ চলেছে তৃপ্তিহীন,
 আজ নয়, কাল নয় যুগ হ'তে যুগান্তর ধরে ;
 রাজ্য হ'তে বনতলে গৃহ হ'তে গৃহশূণ্য উন্মুক্ত প্রান্তরে।

কি আই ?

ডাঃ রুদ্ৰেন্দ্র কুমার পাল

কিছুকাল পূর্বে বাংলার জনস্বাস্থ্য বিভাগের ডিরেক্টর, লেঃ কর্ণেল এ. সি. চাটার্জি মহাশয়ের সৌজন্যে এবং বাংলার নিউটিশন অফিসার বন্ধুবর ডাক্তার শৈলেন চাটার্জির সাহচর্যে বাঙ্গালীর খাদ্য ও স্বাস্থ্য সম্বন্ধে অনেকটা নূতন অথচ মূল্যবান অভিজ্ঞতা লাভের সুযোগ ও সৌভাগ্য আমার হয়েছিল। বহুকাল কর্ণেল ম্যাক্কেলের বাংলার জেলের কয়েদীদের খাদ্য বিশ্লেষণ, কর্ণেল ম্যাক্কারিসনের ভারতীয় নানা প্রাদেশিক খাদ্য সম্বন্ধে ইঁড়রের পরিপুষ্টি হিসাবে গবেষণা, এবং অধুনা সুদূর কুন্দের পরিপুষ্টি গবেষণাগারের ডিরেক্টর একরয়েডের ভারতীয় নানা স্থানের খাদ্য সম্বন্ধে কাল্পনিক মতবাদই, বাঙ্গালীর খাদ্য সম্বন্ধে আমাদের জ্ঞানের ভিত্তি ছিল। অবশ্য ৬৭য়বাহাদুর চুণীলাল বসু মহাশয়ের বাংলাদেশের অনেকগুলি খাদ্য-বিশ্লেষণ তথ্য, এবং কলিকাতা ও ঢাকায় ছাঁচারিজন সুযোগ্য বৈজ্ঞানিকের অনুসন্ধিৎসা ও গবেষণার ফলে আমরা বাঙ্গালীর খাদ্যের গুণাগুণ সম্বন্ধে ইদানীং কতকগুলি নূতন জ্ঞান লাভ করলেও, বাংলাদেশের নানা স্থানে ঘুরে, জনসাধারণের সংস্পর্শে তাহাদের দৈনন্দিন খাদ্য সম্বন্ধে আমার যতটুকু অভিজ্ঞতা লাভ হয়েছে, কোন গবেষণাগারের উচ্চ-আসন হতে, অথবা কোন বৈজ্ঞানিক পরীক্ষাগারের অভ্যন্তরে বসে সেটুকু জ্ঞান লাভ করা অসম্ভব। আমরা পূর্ণ একমাসকাল কলিকাতা ও সুরতলীগুলিতে, ঢাকা, ময়মনসিং, চাটগাঁ, ফরিদপুর, বগুড়া, মালদহ, দার্জিলিং, কাশিয়ার প্রভৃতি পূর্ববঙ্গ ও উত্তর বঙ্গের অনেকগুলি স্থানে বাংলাসরকারের অধীনে পরিচালিত পরিপুষ্টি তথ্য-কেন্দ্রের কার্য দেখেছি, সহরে ও গ্রামে অনেকগুলি গৃহে স্বাস্থ্য ও খাদ্য সম্বন্ধে নিজেরাই অনুসন্ধান করেছি, তার উপর ছেলে ও মেয়েদের ইঙ্কল-কলেজগুলিতে গিয়ে খাদ্যপ্রাণ ও ধাতব খাদ্যের অতি প্রয়োজনীয় অংশগুলির অভাব-ঘটিত স্বাস্থ্যহীনতা ও রোগের পরিমাণ নিজের চোখে দেখে এসেছি এবং অধুনা, প্রবর্তিত ইঙ্কল-কর্তৃপক্ষকর্তৃক অনেকগুলি বিদ্যালয়ে টিফিনের সময় স্বল্পবয়সে খাদ্য বিতরণ ও তাহার ফলে বালক বালিকাদের সর্বত্রই অল্পাধিক পরিমাণে স্বাস্থ্যহানতির লক্ষণ লক্ষ্য করে এসেছি। সত্যিই ইহা এক অপূর্ব অভিজ্ঞতা! এই নূতন অভিজ্ঞতার ফলে বাঙ্গালীর খাদ্যের দোষগুণ সম্বন্ধে আমার যতটুকু জ্ঞান লাভ হয়েছে, তারই উপর নির্ভর করে আমি বাঙ্গালীর দৈনন্দিন খাদ্যের গুণাগুণ বিচার করে, কি করে স্বল্পবয়সে অভাবগুলি পরিপূরণ করা যেতে পারে, সে সম্বন্ধে ছাঁচারিট কথা বলব।

বাংলাদেশের নিউট্রিশন অফিসারের অধীনে খাদ্যতথ্যানুসন্ধানের (Diet survey) ফলে যতটুকু জানা গেছে তাতে বাঙ্গালীর সাধারণ খাদ্যে আমিষজাতীয় অংশের খুব অভাব লক্ষিত হয় না, যদিও বহুকাল পূর্বে ম্যাক্-কে এবং কিছুকাল পূর্বে উইলসন ও আহমদের মতে বাংলাদেশে আমিষ-জাতীয় খাদ্যের স্বল্পতাই বাঙ্গালীর পরিপুষ্টির মুখ্য অন্তরায় বলে এতদিন মনে করা যেত। ‘মাছ-ভাতে বাঙ্গালী’ এই প্রবচনটি বাঙ্গালী, ধনী হইতে নিধন সকলেই মেনে চলে। যাদের কিনে খাবার মত সংস্থান আছে, তারা ভরী-ভরকারী, শাকসব্জীর পরিবর্তে মাছকেই প্রাধান্য দিয়ে থাকেন, এবং যাদের পয়সার অভাব, তারা কেউ অল্প জ্বাদির বিনিময়ে আবার কেউ বা পাড়ারগায়ে, নদ, নদী, খাল, বিল, পুকুরের প্রাচুর্য হেতু, নানা উপায়ে যে কোন মতে যৎসামান্য মাছ সংগ্রহের চেষ্টার ক্রটি করেন না। তার উপর মুগ, মুসরী ছোলা, অড়হর প্রভৃতি ডালেও আমিষ জাতীয় অংশ অপরিপূর্ণ পরিমাণে আছে, এবং এমন বাঙ্গালীর বাড়ী বোধ হয় একটাও খুঁজে পাওয়া যাবে না যেখানে দিনে অন্ততঃ একটি বারও ডালের বরাদ্দ নাই। অবশ্য প্রশ্ন হতে পারে ডালের আমিষ সহজপাচ্য নয়, তাহা হলেও বাহারা প্রত্যহ খেতে অভ্যস্ত তাদের পক্ষে এই আমিষ যে একেবারে অকর্মণ্য তা বলা যায় না। তা’ছাড়া সম্প্রতি বাঙ্গালোর ও ঢাকায় গবেষণার ফলে সুস্পষ্টভাবে প্রমাণিত হয়েছে ডালের আমিষ জাতীয় অংশ শরীর সংগঠনের জন্য গমের আমিষ জাতীয় অংশ হতে গুণানুসারে শ্রেয়ঃ। সুতরাং ‘ভেতো’ বাঙ্গালীর খাদ্যে আমিষের অভাব, পরিমাণে অথবা গুণানুসারে; একথা খুব জোর গলায় বলা চলে না।

ইহার পর আসে চর্বিজাতীয় খাদ্যাংশের কথা। সরিষার তেলের প্রচলন বাংলার সর্বত্র এবং ধনী-নিধন নির্বিশেষে বাঙ্গালীরা সকলেই অল্পাধিক পরিমাণে এই তেল খাদ্যের বিশেষ অংশরূপে ব্যবহার করে থাকেন। চর্বিজাতীয় ও শর্করাজাতীয় খাদ্যে দেহের উত্তাপ বৃদ্ধি ও কার্যক্ষমতা-বৃদ্ধির জন্য আবশ্যক। সুতরাং একটির অভাবে, অপরটির প্রাচুর্যের দ্বারা কাজ চলে যায়। যারা পয়সার অভাবে খাদ্যে যথেষ্ট পরিমাণে তেল খেতে পারে না, ভাতের প্রাচুর্য তাদের এই অভাবটুকু অনায়াসে পূরণ করতে পারে। কিন্তু অল্পদিক্ দিয়ে বাঙ্গালীর খাদ্যে জন্তর চর্বির যে অভ্যস্ত অভাব, তাহা অস্বীকার করবার উপায় নাই। ফলে, অঙ্গাঙ্গী-ভাবে খাদ্যপ্রাণ ‘এ’র যে সেই অল্পপাতে অভাব ঘটবে তাতে আর আশ্চর্য কি? এর কারণ যে একমাত্র ঘি, মাখন প্রভৃতির চুম্বল্যতা তা নয় ছপ্পাপ্যাতাও অনেকাংশে দায়ী।

বাঙ্গালীর খাদ্যে শর্করার পরিমাণ অত্যধিক, এই সন্দেহে সকলেই একমত। কিন্তু বাঙ্গালীরা কেন তাতে বেশী পরিমাণে খায় এবং সেই পরিমাণে আটার রুটি খায় না, তাহা অনেকেই ভেবে দেখেন না। ভারতবর্ষের যে সব অঞ্চলে বৎসরে চল্লিশ ইঞ্চির অধিক বারিষাৎ হয়, সেই সকল প্রদেশে গমের চাষ ভাল হয় না, বরং ধানই প্রচুর পরিমাণে জন্মে। প্রধানতঃ, এই কারণেই বাংলার ছায়, মাদ্রাজ, আসাম, হিমালয়ের তিরাই অঞ্চল, এবং কাশ্মীর প্রভৃতি স্থানে গমের

পরিবর্তে চালই লোকের মুখ্য খাদ্য। তার উপর চাল সিদ্ধ করিলেই ভাত হয়, সুতরাং তাহার জন্ত বেশী পরিভ্রমের আবশ্যক হয় না; গম সে ভাবে খাওয়া চলে না। গম পিষে আটা প্রস্তুত হয়, সেই আটা মেখে, ডলে, নেচি করে, বেলে হয় রুটি, তাও আবার ভাল করে সৈকতে হয়; সুতরাং গম হতে আরম্ভ করে সুখাণ্ড রুটি পর্যন্ত স্তরগুলি অনেকটা আয়াস-সাধ্য! উপরন্তু এই সকল অঞ্চলে জলীয় হাওয়ার জন্ত ঘরে আটা বেশীদিন মজুত রাখাও চলে না, এবং অল্পপ্রদেহ হইতে আমদানি করতে হয় বলে গরীবের পক্ষে আটার দাম চাল থেকে অনেক বেশী পড়ে। এই সকল নানাকারণে বাঙ্গালী সখ করে নয় একরকম দায়ে পড়ে 'ভেতে' অপবাদ নিতে বাধ্য হয়। তার উপর দরিদ্র যারা, খাণ্ডে চর্বিজাতীয় পদার্থের অল্পতাবশতঃ উপযুক্ত কার্যক্ষমতা লাভের জন্ত কম খরচে খাণ্ডে ভাতের পরিমাণ বৃদ্ধি করে নিজের অজ্ঞাতসারে নিজের জন্ত দৈনন্দিন যথোপযুক্ত 'কেলরির' ব্যবস্থা করে নেয়। প্রায়ই দেখা যায় যারা খেটে খায়, তারা আতপচালের পরিবর্তে সিদ্ধচালই বেশী পছন্দ করে। জিজ্ঞাসা করলে বলে, যে সিদ্ধচালে নাকি অনেকক্ষণ পর্যন্ত উদরপূর্ণ থাকে এবং পুনরায় খিদে পেতে সময় লাগে। আতপচাল অপেক্ষা সিদ্ধচাল হজম হতে অধিক সময় লাগে কি না, তা পরীক্ষা-সাপেক্ষ; কিন্তু সিদ্ধচালে যে আতপচাল অপেক্ষা আমিষ, ক্যালসিয়াম ও ফস্ফরাস এবং খাদ্যপ্রাণ 'বি' অনেক বেশী থাকে সে সম্বন্ধে কোন সন্দেহ নাই। যখন ধান সিদ্ধ করা হয় তখন ঐ পদার্থগুলি চালের উপরে লালচে পাতলা আবরণ থাকে ততুলকণার অভ্যন্তরে প্রবেশ করে; সুতরাং কলে ছাটা হলেও সেগুলি আতপচালে যতটা নষ্ট হয় ততটা নষ্ট হতে পারে না। তবে প্রায়ই দেখা যায়, যে ভাত প্রস্তুত করবার পূর্বে, চাল অসংখ্যবার ধুয়ে পরিস্কার করা হয়, তাহাতে চাল ঢেঁকি ছাটা হউক আর কলে ছাটা হউক, ঐ সকল অত্যাৱশ্যকীয় পদার্থগুলি জলের সঙ্গে পরিত্যক্ত হয়। তারপর যখন ভাত সিদ্ধ হলে উত্তমরূপে কেন গালিয়া তাহাও ফেলিয়া দেওয়া হয়, তখন ভাতে শুধু শর্করা জাতীয় জ্বা ছাড়া আর বিশেষ কিছুই থাকে না। সুতরাং অধিক পরিমাণে ক্রমাগত ভাত খেলে, যকৃৎ ও অন্যান্য পরিপাকযন্ত্রের উপর অত্যধিক চাপের ফলে নানাবিধ রোগের উৎপত্তি হতে পারে; এইজন্যই খাণ্ডে ভাতের পরিমাণ যাতে অত্যধিক না হয় সেই দিকে দৃষ্টি রাখা উচিত।

খাদ্য-অনুসন্ধানের ফলে জানা গেছে যে আমাদের খাণ্ডে ক্যালসিয়াম, ফস্ফরাস, আয়রন প্রভৃতি ধাতব লবণের পরিমাণ প্রয়োজনোপেক্ষা অনেক কম আছে। প্রথমোক্ত দুটির পরিমাণ হ্রাস বেশী থাকে সুতরাং হৃৎ অত্যাৱশ্যকীয় খাদ্য। কিন্তু আজকাল নানাকারণে বাংলাদেশে সর্বত্রই হৃৎের বিশেষ অভাব এবং শতকরা নব্বুইজনের পক্ষে হৃৎ খাওয়া একটা হুমুলা বিলাসেরই নামান্তর। যে প্রদেশে শতকরা নিরান্নবুই জনই চাষী, সেখানে চাষবাস ও স্বাস্থ্য সম্পূর্ণ নির্ভর করে ভূমি ও গোশনের উপর। গরুর সাহায্যে আমরা চাষ করি, আবার গরুর হৃৎও খাই। সুতরাং আমাদের খাণ্ডের ব্যবস্থা ও চাষবাসের সঙ্গে অবিচ্ছেদ্যভাবে জড়িত গরুর খাণ্ডের ব্যবস্থারও

একান্ত প্রয়োজন। সেদিকে আমাদের দৃষ্টি না থাকতে বাংলাদেশের সর্বত্র গোচারণ ভূমির একান্ত অভাব। তার উপর সমগ্র বাংলাদেশে প্রত্যহ রসনাতৃপ্তিকর খাওয়ার জন্য লক্ষ লক্ষ গণ দুধ হতে অনেক সার পদার্থ ফেলে দিয়ে ছানা প্রস্তুত করি। এই রকম অবস্থায় বাঙ্গালীর খাড়ে যে দুধের অভাব ঘটেবে এবং ফলে ক্যালসিয়াম ও ফস্ফরাসের অভাব হেতু দেহের দীর্ঘতা ও স্বাস্থ্য বংশ পরম্পরান্তরসারে ক্ষুণ্ণ হতে থাকবে তাতে আর আশ্চর্য কি ?

আমাদের খাড়ে ক্যালসিয়ামের যতটা অভাব আপাতদৃষ্টিতে ফস্ফরাসের ততটা না হলেও ক্যালসিয়ামের অভাবে ফস্ফরাস কোন কাজ করতে পারে না। মাছে, ভাতে, তরীতরকারীতে ফস্ফরাস যাহা আছে পরিমাণে তাহা প্রয়োজন মিটাতে পারে, কিন্তু শস্যজাতীয় পদার্থে অধিক পরিমাণে ফাইটিন (phytin) থাকতে ইহা দেহের কোন কাজেই লাগে না। ক্যালসিয়াম ও ফস্ফরাস একে অন্নের সঙ্গে অঙ্গাঙ্গীভাবে সম্বন্ধ। যদি খাড়ে যথোপযুক্ত ক্যালসিয়াম থাকে তা হলে ফস্ফরাস ফাইটিনের প্রভাব হতে মুক্ত হয়, নিষ্ক্রিয় অবস্থা হতে সক্রিয় অবস্থায় রূপান্তরিত হয়। এইজন্য বাঙ্গালীর খাড়ে যদিও ফস্ফরাসের পরিমাণ খুব কম নয়, তবু উপযুক্ত পরিমাণে ক্যালসিয়াম এর অভাবে, যেটুকু ফস্ফরাস আছে তাহাও কোন কাজে আসে না, সুতরাং গোণভাবে ফস্ফরাসের অভাব জনিত লক্ষণগুলিও প্রকাশ পায়।

আয়রণের অভাব খাড়ে হওয়া কিছুতেই উচিত নয়, কেন না অতি অল্পখরচেই লতাপাতা, শাক প্রভৃতি হইতে এই সামগ্রী অনায়াসে গ্রহণ করা যায়। কিন্তু বাঙ্গালীর খাদ্য বিচার করলে দেখা যায় যে অজ্ঞতাবশতঃ অনেকস্থলেই এই মূল্যবান পদার্থটি, গরুঘোড়ার খাগজাতীয় মনে করে পরিত্যক্ত হয়। খাড়ে উপযুক্ত পরিমাণে আয়রণের অভাবে রক্তশূন্যতা ও পরে দেহের অবসন্নতা দেখা দেয়। খাড়ে শাক লতাপাতার অভাবে অনেক সময় কোষ্ঠবদ্ধতাও জন্মে।

এর পর আসে খাড়ের অতি প্রয়োজনীয় আর একটি অংশ বিশেষ খাদ্য প্রাণের কথা। খাদ্যপ্রাণ ‘এ’ ও ‘বি’ এর কথা পূর্বেই উল্লেখ করা হয়েছে। ‘বি’ এর অভাব, অবহেলা ও অজ্ঞতার জন্যই হয়ে থাকে। ঢেঁকিটোটা চাল, ও ফেন ভাত খাইলে কিছুতেই খাড়ের এ প্রয়োজনীয় অংশটুকুর অভাব হতে পারে না। বাঙ্গালীর খাড়ে ফলমূল একটা অতি অনাবশ্যক দ্রব্যের তালিকাভুক্ত। আর্থিক হিসাবে খুব সম্ভব তাঁরা, কেবল তারাই সম্বৎসরে নানারকমের ফলমূল আহার করেন। সর্বসাধারণ কেবল মরসুমী ফল ছাড়া যেমন আমের সময় আম, কমলালেবুর সময় কমলালেবু প্রভৃতি কদাচিৎ অল্প ফলের আশ্বাদন গ্রহণ করতে পারে। একেত বাংলা দেশে ফলের চাষ খুবই কম, তার উপর বড় বড় সহর ছাড়া অজ্ঞতা ও দুর্মূল্যতাবশতঃ চাহিদাও খুব কম। এইজন্যই ফলের অভাবে খাদ্যপ্রাণ ‘এ’র প্রাথমিক কারোটিন নামক পদার্থ ও খাদ্যপ্রাণ ‘বি’র অভাব ঘটে। ওদিকে জাস্তব চর্বির অভাবে খাদ্যপ্রাণ ‘এ’র অভাবহেতু নানা চক্ষুরোগ, ঝকুরোগ ও পরিপুষ্টির অভাব দেখা দেয়। আবার খাড়ে ফলের অভাবে খাদ্যপ্রাণ ‘সি’র অভাবহেতু, স্বাভি,

ও নানা মারাত্মক সংক্রামক রোগ দেখা দেয়। খাদ্যপ্রাণ 'বি' ২র অভাবে যদিও পেলাগ্রা নামক ব্যাধি এইদেশে বিরল, তবু কখনও কখনও ঠোঁটের কোনে ও জিহ্বার উপর পেলাগ্রা জাতীয় দৃশ্য দেখিতে পাওয়া যায়। দুধ, মাংস প্রভৃতির অভাবেই ইহা ঘটে। আমিষের কথা বলতে গিয়ে ইচ্ছাবশতঃই মাংসের উল্লেখ করি নাই, কেন না, বাংলাদেশে জাতিধর্ম-নির্বিশেষে কেহই পর্বাদি উপলক্ষ ছাড়া মাংস বড় একটা আহার করেন না।

এই ত গেল আমাদের খাণ্ডে দোষ-ত্রুটির মোটামুটি একটা আভাষ : এখন অল্প খরচে বাঙ্গালীর খাণ্ডকে যাহাতে যথোপযুক্ত ও সুসামঞ্জস করা সম্ভব, হুচারি কথায় তাহারই একটা নির্দেশ নিম্নে দেওয়া গেল।

আহারের তালিকায় ভাতের পরিমাণ যাহাতে দিনে কিছুতেই দেড়পো'র বেশী না হয় তাহাই করা উচিত। ঢেঁকিচাঁটা আতপ চাল অথবা সিদ্ধ চালই সবদা)খাওয়া আবশ্যক। চাল বেশী না ধুয়ে যাহাতে ফেন সমস্তই ভাতে থাকে তাহাই করতে হবে। সম্ভব হলে দিনে একবার ভাতের সঙ্গে হুচার খানি আটার রুটী অথবা পুরী খেলে ভাল হয়। খাটি সরিষার তেল ব্যবহার করা উচিত, অগ্ৰথায় ভেজাল অথবা দূষিত তেলের জন্ম শোথ প্রভৃতি রোগ দেখা দিতে পারে। প্রত্যহ সম্ভবপর না হলেও মাঝে মাঝে ঘি, মাখন প্রভৃতি কিছু কিছু খাওয়া উচিত। বাঙ্গালীর খাদ্যে ডাল ভাতের সঙ্গে মাছের প্রাধাত্যটুকু ঠিক রাখতে হবে। মাংস না হলেও চলে, যদি খাদ্যে দুধ ও ডিম প্রভৃতি তার অভাব পূরণ করতে পারে। মোটকথা প্রাণীদেহজাত আমিষ, খাদ্যের আমিষের পরিমাণের অন্ততঃ এক তৃতীয়াংশ হওয়া চাই। সম্ভব হলে সকলেরই অগ্ৰথায় শিশু রোগী ও প্রসূতির পক্ষে দুগ্ধপান অবশ্য কর্তব্য। যদি অর্থাভাবে ইহা সম্ভবপর না হয়, তাহা হইলে প্রত্যহ ৫—১০ গ্রেণ ক্যালসিয়াম ল্যাকটেট, অথবা ডাইক্যালসিয়াম ফসফেট খাওয়া উচিত ; ইহাতে ক্যালসিয়াম ও ফসফরাসের অভাব কতক পরিমাণে দূর করা যাইতে পারে। প্রত্যহ প্রচুর পরিমাণে লতাপাতা, শাক, সজী খাওয়া উচিত, কেননা তাহাতে কোষ্ঠবদ্ধতা ও রক্তশূন্যতা দূর হয়। বাঙ্গালীর খাদ্যে ফলমূলের অংশ অবশ্যই বাড়াইতে হইবে। যাহাতে ক্যারোটিন, খাদ্যপ্রাণ 'সি' প্রভৃতির অভাব না হইতে পারে। অভাবে সদ্যঅকুরিত ছোলা, মুগ প্রভৃতি এবং টমেটো, স্মালাড প্রভৃতি কাঁচা খাওয়া উচিত। কিন্তু এগুলি তার পূর্বে পটাস-পারমেঙ্গানেট দিয়ে ধুয়ে নিতে হবে। শাক-শজী বেশীক্ষণ সিদ্ধ অথবা ভাজা করে খাওয়া উচিত নয় কেন না, তাতে খাদ্যপ্রাণ 'সি' একেবারেই নষ্ট হয়ে যায়। গরম তেল কি ঘিতে ছাঁতিন মিনিট ভাজা করলে খাদ্যপ্রাণ ততটুকু নষ্ট হয় না, যতটুকু অনেকক্ষণ ধরে ভাজা করলে অথবা সিদ্ধ করলে নষ্ট হয়। খাদ্যপ্রাণ 'বি' ২'র প্রয়োজন অস্বাভাবিক দুধ অথবা মাংসে মিটতে পারে।

এই গেল প্রত্যেকের নিজস্ব কর্তব্য। এই সম্বন্ধে প্রদেশের গবর্নমেন্টের কর্তব্য ও যথেষ্ট আছে। জন স্বাস্থ্য-বিভাগের কর্তব্য খাদ্যা-খাদ্য সম্বন্ধে লোকের অজ্ঞতা দূর করা, চালের কলগুলি

যাহাতে প্রয়োজনের অতিরিক্ত চাল পরিকার না করে, এবং ছানা কাটার কলে, ছুধের সারাংশ যাহাতে নষ্ট না হয়, প্রয়োজন হ'লে আইন করে ও তার প্রতিরোধ করা। কৃষি-বিভাগের কর্তব্য লোক সংখ্যার অনুপাতে প্রদেশের খাদ্য প্রদেশেই উৎপাদন করা এবং গরুর খাদ্যের ব্যবস্থা করে গোজাতির স্বাস্থ্যের উন্নতি ও দেশে ছুধের পরিমাণ বাড়ান। এই প্রদেশে যাতে ফলের চাষ বৃদ্ধি পায় তারও ব্যবস্থা করতে হবে কৃষি-বিভাগকে। তার উপর মৎস্যচাষ-বিভাগের উপর চাপ দিয়ে যাতে পুকুর বিল প্রভৃতিতে উপযুক্ত মৎস্যের চাষ হয়। এবং মাছের পেটে যখন ডিম থাকে, তখন যাহাতে যদৃচ্ছা মত তাহাদের বিনাশ করা না হয় সেই দিকে দৃষ্টি রাখতে হবে। উপরন্তু হাঁস, মুরগী প্রভৃতির প্রতিপালনে যাহাতে দেশে ডিমের উৎপাদন অধিক পরিমাণে হয় তাহাও করতে হবে। এক কথায় স্বাস্থ্য ও কৃষি-বিভাগকে নিজেদের স্বাতন্ত্র্য বর্জন করে, একই উদ্দেশ্য নিজেদের শক্তি নিয়োগ করতে হবে।





সভ্যতার সঙ্কট

* * *যে যন্ত্র-শক্তির সাহায্যে ইংরেজ আপনার বিশ্বকর্ষের রক্ষা করে এসেছে তার যথোচিত চর্কা থেকে এই নিম্নোক্ত দেশ বঞ্চিত, অথচ চোখের সামনে দেখলুম জাপান দেখতে দেখতে সর্বতোভাবে কী রকম সম্পদবান হয়ে উঠল। সেই জাপানের সমৃদ্ধি আমি স্বচক্ষে দেখে এসেছি। দেখেছি সেখানে তার স্বজাতির মধ্যে তার সভ্য-শাসনের রূপ আর দেখেছি রাশিয়ায় মস্কো নগরীতে জনসাধারণের মধ্যে শিক্ষা-বিস্তারের, আরোগ্য-বিস্তারের কী অসামান্য অরূপণ অধ্যবসায়। সেই অধ্যবসায়ের প্রভাবে এই বৃহৎ সাম্রাজ্যের মূর্খতা ও দৈহ্য ও আত্মাবমাননা অপসারিত হয়ে যাচ্ছে। এই সভ্যতা জাতি বিচার করেনি, শ্রেণী বিচার করেনি, বিপুল মানবসম্পদের প্রভাব সর্বত্র বিস্তার করেছে। তার দ্রুত ও আশ্চর্য পরিণতি দেখে একই কালে ঈর্ষা এবং আনন্দ অল্পতব করেছে। মস্কো সহরে গিয়ে রাশিয়ার শাসন-কার্যের একটা অসাধারণতা আমার অন্তরকে স্পর্শ করেছিল; দেখেছিলাম সেখানকার মুসলমানদের সঙ্গে রাষ্ট্র অধিকারের ভাগবাঁটোয়ারা নিয়ে অমুসলমানদের কোন বিরোধ ঘটে না। তাদের উভয়ের মিলিত স্বার্থ সম্বন্ধের ভিতরে রয়েছে শাসন-ব্যবস্থার যথার্থ সভ্য-ভূমিকা। দেখে এসেছি, পারস্য দেশ একদিন দুই যুরোপীয় জাতির জাঁতার চাপে যখন পিষ্ট হচ্ছিল তখন সেই নিঃস্বর্ম আক্রমণের যুরোপীয় দংশ্ণাঘাত থেকে আপনাকে মুক্ত করে কেমন করে এই নবজাগ্রত জাতি আত্মশক্তির পূর্ণতা-সাধনে প্রবৃত্ত হয়েছে। তার সৌভাগ্যের প্রধান কারণ এই যে সে যুরোপীয় জাতির চক্রান্তজাল থেকে মুক্ত হতে পেরেছিল। সর্বাঙ্গ-করণে আজ আমি এই পারস্যের কল্যাণ কামনা করি। আমাদের প্রতিবেশী আফগানিস্থানের মধ্যে শিক্ষা এবং সমাজ-নীতির সেই সার্বজনীন উৎকর্ষ যদি এখনও ঘটেনি কিন্তু তার সম্ভাবনা অকল্প রয়েছে, তার একমাত্র কারণ সভ্যতা-গর্বিত কোন যুরোপীয় জাতি তাকে আজো পরাভূত করতে পারেনি। এরা দেখতে দেখতে চারিদিকে উন্নতির পথে, মুক্তির পথে অগ্রসর হতে চলল।* * *

সভ্যশাসনের চালনায় ভারতবর্ষের সকলের চেয়ে যে দুর্গতি মাথা তুলে উঠেছে সে কেবল অন্ন, বস্ত্র, শিক্ষা এবং আরোগ্যের শোকাবহ অভাবমাত্র নয়, সে হচ্ছে ভারতবাসীর মধ্যে অতি নৃশংস আত্ম-বিক্ষেদ। আমাদের বিপদ এই যে, এই দুর্গতির দ্রুত আমাদের সমাজকেই একমাত্র দায়ী করা হ'বে। কিন্তু এই দুর্গতির

রূপ যে প্রত্যাহই ক্রমশঃ উৎকট হয়ে উঠেছে সে যদি ভারত-শাসন যন্ত্রের উৎকৃষ্টত্রে কোনো এক গোপন কেন্দ্রে প্রভ্রমের দ্বারা পোষিত না হোত তা হলে কখনই ভারত ইতিহাসের এত বড়ো অপমান-কর অসভ্য পরিণাম ঘটতে পারত না। ভারতবাসী যে বুদ্ধি, সামর্থ্যে কোন অংশে জাপানের চেয়ে ন্যূন একথা বিশ্বাস-যোগ্য নয়। এই দুই প্রাচ্য দেশের সর্বপ্রধান প্রভেদ এই, ইংরেজ শাসনের দ্বারা সর্বতোভাবে অধিকৃত ও অতিভূত ভারত, আর জাপান এইরূপ কোনো পাশ্চাত্য জাতির পক্ষচ্ছায়ার আবরণ থেকে মুক্ত। এই বিদেশীয় সভ্যতা, যদি একে সভ্যতা বলো, আমাদের কী অপহরণ করেছে তা জানি, সে তার পরিবর্তে দণ্ড হাতে স্থাপন করেছে যাকে নাম দিয়েছে Law and order, বিধি এবং ব্যবস্থা, যা সম্পূর্ণ বাইরের জিনিস বা দারোয়ানি মাত্র। * * *

ভাগ্যচক্রের পরিবর্তনের দ্বারা একদিন না ঐকদিন ইংরেজকে এই ভারত সাম্রাজ্য ত্যাগ করে যেতে হবে। কিন্তু কোন ভারতবর্ষকে সে পিছনে ত্যাগ করে যাবে, কী লক্ষ্মীছাড়া দীনতার আবর্জনাকে! একাধিক শতাব্দীর শাসন-ধারা যখন শুষ্ক হয়ে যাবে তখন এ কী বিস্তীর্ণ পক্ষশয্যা দুর্বিসহ নিফলতাকে বহন করতে থাকবে। জীবনের প্রথম আরম্ভে সমস্ত মন থেকে বিশ্বাস করেছিলুম যুরোপের সম্পদ অন্তরের এই সভ্যতার দানকে। আর আজ আমার বিদায়ের দিনে সে বিশ্বাস একেবারে দেউলিয়া হয়ে গেল।

(রবীন্দ্রনাথ ঠাকুর—বৈশাখ, ১৯৪৮)

মিস্ রাখবোনের পত্রোত্তরে রবীন্দ্রনাথ

“ভারতীয়দের উদ্দেশ্যে লিখিত মিস্ রাখবোনের খোলা চিঠি দেখে আমি গভীর ভাবে ক্ষুব্ধ হয়েছি.....ব্রিটিশ জাতির চিন্তা ধারার সঙ্গে এতটা ঘনিষ্ঠ সংস্পর্শে এসেও এখনও যে আমরা আমাদের দয়িত্বদেশের স্বার্থ সংক্ষেপে সামান্যও চিন্তা করে থাকি আমাদের এ অকৃতজ্ঞতা দেখে তিনি বিষয় অকৃতব করেছেন। * * *

ইংরেজী ভাষাই আমাদের জ্ঞানলাভের একমাত্র বাহব বলে স্বীকার করলেও ব্রিটিশজাতির চিন্তাধারার সঙ্গে এতটা ঘনিষ্ঠ সম্পর্কের ফল দাঁড়িয়েছে দুই শতাব্দী ইংরেজ শাসনের পরেও ১৯৩১ সনে লোকসংখ্যার শতকরা মাত্র একভাগ লোক ইংরেজীশিক্ষিত—অথচ রাশিয়ায় ১৯৩২ সনে মাত্র ১৫ বৎসর সোভিয়েট শাসনের ফলে শতকরা ৯৮ ভাগ বালক-বালিকা শিক্ষার সুযোগ পাচ্ছে।

দু’শ বছরের ওপরে জাতির সকল ঐশ্বর্যের চাবিকাঠি নিজেদের আয়ত্তে রেখে এদেশকে শোষণ করল যারা আমাদের স্বদেশবাসীর জন্ত তারা কি করেছে? যে দিকে তাকাই চোখে পড়ে একমুঠো। অল্পের কান্ডাল অনশনক্লিষ্ট, শীর্ণ দেহগুলি। আমি দেখছি গ্রামে মেয়েরা কি ভাবে কয়েককোঁটা পানীয় জলের জন্ত কাঁদা ঝুঁড়ে কারণ ভারতের গ্রামে বিদ্যালয়ের চাইতেও কুয়োর অভাব বেশী।

আমি জানি আজ ইংলণ্ডের অধিবাসীদের সামনে আসন্ন অনাহার অপেক্ষা করে আছে, তাদের জন্ত আমার সহানুভূতি রয়েছে। কিন্তু যখন দেখি বৃটিশের সমস্ত নৌ-শক্তি বৃটিশ উপকূলে ঝাঙ পৌছে দিতে নিষ্কুল এবং ভারতীয় সাগরে যখন মনে পড়ে অনাহারে আমার দেশ-বাসীকে মরতে দেখছি, প্রতিবেশী অঞ্চল থেকে একগাড়ী চাল পর্যন্ত তাদের দ্বারে পৌঁছানি তখন বৃটেন ও ভারতে ইংরেজের ব্যবহারপার্থক্য লক্ষ্য না করে পারিনা।

তবে কি খাদ্য দানের জন্ত না ইউক আইন ও শৃঙ্খলা রক্ষার জন্ত বৃটিশদের প্রীতি আমাদের কৃতজ্ঞ হওয়া উচিত!

চারদিকে তাকিয়ে দেখি সমস্ত দেশময় সাম্প্রাদায়িক দাঙ্গা চলছে, তাতে বহুসংখ্যক ভারতীয় জীবন হারাচ্ছে, আমাদের সম্পত্তি লুণ্ঠিত, আমাদের মা বোন অপমানিত হচ্ছে কিন্তু শক্তিশালী বৃটিশবাহু বিন্দুমাত্রও সক্রিয় হোচ্ছেনা, কেবল আমাদের ঘর সামলাতে পারিনে বলে নাগরপার থেকে বৃটিশ কর্তৃক ধিকার দিচ্ছে।

অস্ত্রধারী যোদ্ধাকেও প্রবলতর শক্তির সামনে হটে যেতে চোয়েছে ইতিহাসে এরূপ দৃষ্টান্তের অভাব নেই। উন্নততর অস্ত্রবলের দ্বারা অভিভূত হয়ে সাহসিকতম বৃটিশ, ফরাসী ও গ্রীক সৈনিক বর্ণক্ষেত্র পরিত্যাগ কোরে যেতে বাধ্য হয়েছে বর্তমান যুদ্ধেও এ দৃষ্টান্ত আছে। কিন্তু যখন অস্ত্রশস্ত্রহীন আমাদের অসহায় কৃৎকবৃন্দ শত্রু গুলার হাত থেকে সার্বক্ষণিক অসমর্থ হয়ে ক্রন্দনরত শিশুদের নিয়ে পালিয়ে যেতে বাধ্য হয় আমাদের কাপুরুষতার ইংরেজ রাষ্ট্রপুরুষদের মুখে তখন বিজ্ঞপের বক্র হাসি দেখা দেয়।

ইংলণ্ডের সমস্ত নাগরিক আজ শত্রুর হাত থেকে পরিবার ও গৃহ রক্ষা করার জন্ত সশস্ত্র, কিন্তু ভারতে লাঠিচালনা শিক্ষাও আইন করে বন্ধ করে দেওয়া হয়েছে। আমার দেশবাসীকে নিরস্ত্র এবং স্লীব করে রাখা হয়েছে যাতে এরা সশস্ত্র প্রভুদের প্রতাপে অভিভূত থাকে ও চিরকাল তাদের উপর নির্ভর করে থাকতে বাধ্য হয় * * সকল গভর্নমেন্টকেই জনসাধারণের মঙ্গলবিধান কতখানি করতে পেরেছে তাদিয়েই বিচার করতে হবে, তার মুখপাত্রদের বড় বড় কথা দিয়ে নয়। ইংরেজেরা কেবল যাত্র বিদেশী, বলেই যে অব্যঞ্জনীয় ভাষায় আমাদের কল্যাণের রক্ষক বলে দাবী করে তারা গুরুতর বিশ্বাসঘাতকতা করেছে এবং নিজের দেশের মুষ্টিমেয় পুঁজিদারদের পকেটপূর্তির জন্ত ভারতের কোটি কোটি জনসাধারণের সকল প্রকার স্বত্বস্বিধাকে বলি দিয়েছে। এ সকল অজ্ঞায় সম্পর্কে অবুদ্ধি সম্পন্ন যে কোনও ইংরেজ অস্ত্রতঃ নীরব থাকবেন এবং আমাদের নিজস্বতার জন্ত কৃতজ্ঞ হবেন বলেই মনে করেছিলাম কিন্তু তারা যে এই ভাবে আমাদের ক্ষতের উপরে নূনের ছিটে দিয়ে আঘাতের উপর অপমান চাপাবেন—এটা সমস্ত শালীনতার সীমাকে ছাড়িয়ে গেছে।”

(এসোসিয়েটেড প্রেস—৪ঠা জুন ১৯৪১)

অহিংসার সীমা—

“১৯০৮ খৃষ্টাব্দে যখন আমি আমার আত্মরক্ষার সহায়ক এবং সঞ্জীবনীশক্তিসম্পন্ন অহিংসার প্রথম প্রচার করি তখন লিখিয়াছিলাম নিরস্ত্রীকরণই ভারতে বৃটিশ ইতিহাসের সর্বাপেক্ষা কলঙ্কময় পৃষ্ঠা। ১৯১৮

বৃষ্টাস্কের সেই কথা আমি পুনর্বার বলি—তখন আমি উৎসাহের সহিত বৃটিশ সেনাদলের নিমিত্ত সৈন্যসংগ্রহে ব্যস্ত ছিলাম, যে উৎসাহের ফলে আমি ভয়ানক অসুস্থ হইয়া পড়ি এবং আমার যথেষ্ট অধ্যাতি ও রটে।

আমি মনে করি অহিংসা কাহারও উপরে জোর করিয়া চাপান যায় না। ইহা জন্ম হইতে আসে। বৃটিশরা যাহা করিয়াছিলেন, তাহা তাঁহাদের শাসনকার্যকেই নিরাপদ করিবার জন্ত, ভারতবাসীকে অহিংস করিবার জন্ত নহে। এমন কি ইহা ভারতবাসীর অনিষ্ট করিবার শক্তিটুকু পর্যন্ত অপহরণ করিয়াছে আর অক্ষমেরা কল্যাণকর কিছু কখনও করিতে পারে না। বৃটিশ রাজের একটামাত্র প্রতিনিধি এক সহস্র গ্রাম্যব্যক্তিকে পদানত করিয়া রাখিতে সমর্থ হয় ইহাতে বৃটিশদের গৌরব বা বাহাদুরী কিছু নাই।

যাহারা অহিংস থাকিতে পারিবে না এবং থাকিতে ইচ্ছুক ও নহে তাহাদের অস্ত্রধারণের এবং সে অস্ত্রকে সুব্যবহারের নীতি আমার অহিংসায় আছে। সহস্রবার বলিয়াছি এবং আবার বলিতেছি অহিংসা সবলতমের, ধর্ম দুর্বলের ধর্ম নহে। হিংসার চেয়ে ইহা মহত্তর শক্তি এবং গুণে ও কার্যকারিতায় ইহা হিংসা হইতে সম্পূর্ণ স্বতন্ত্র।

[মহাত্মা গান্ধী; 'টাইমস' পত্রিকায় লিখিত পত্রে]

.....যাহারা সহিংস প্রতিরোধ ভাল মনে করেন তাঁহারা কংগ্রেস হইতে বাহিরে আসিয়া নিজেরা যে ভাবে চলা ভাল মনে করিবেন সেই ভাবেই চলিবেন এবং অস্ত্রকে ও চালাইবেন। আমার বিশ্বাস, যদি এ বিষয়ে কংগ্রেস নিজের নীতি সুস্পষ্টভাবে ঘোষণা না করে তবে ইহা একটা অভ্যস্ত নিশ্চয়োক্তনীয় প্রতিষ্ঠান বলিয়াই প্রমাণিত হইবে।

যদি কংগ্রেসের বেশীর ভাগ লোকেরই মত এই হয় যে আক্রমণকারীর বিরুদ্ধে সহিংস প্রতিরোধ তাহাদের কর্তব্য এবং ইহাতে কংগ্রেসের নীতির বিরোধিতা করা হইবে না, তবে তাঁহাদের উচিত হইবে স্পষ্ট ভাবে এই মত ঘোষণা করা এবং অপরকে সেইভাবে চালিত করা। নেতৃবর্গের এই সময়ে কারাবাসের অস্ত্র কাহারও পক্ষে আত্মমত প্রকাশে বিরত হওয়া উচিত হইবে না। যদি এই মত প্রাপ্ত হয় তবে পরে তাহা সংশোধন করা চলিতে পারে। মোট কথা, কাহারও এই সময়ে অনিশ্চয়তার মধ্যে থাকি উচিত হইবে না।.....

গুণ্ডার ভয়ে লোকে পলায়ন করিবে ইহা অসম্ভব। তাহাদের উচিত গুণ্ডাদিগকে বাধা দেওয়া—সেটা অহিংস উপায়েই হউক বা সহিংসভাবেই হউক। কংগ্রেসের নীতি যদি আমি ঠিকভাবে বুঝিয়া থাকি তবে কংগ্রেস একমাত্র অহিংস প্রতিরোধই করিতে পারে এবং তাহাদের সাফল্য নিশ্চিত। কিন্তু স্পষ্টভাবে জনসাধারণকে আমাদের জানান উচিত যে ভয়ে পলায়ন করা কাপুরুষতা। তাহাদের কর্তব্য প্রতিরোধ করা এবং যদি তাহারা অহিংস প্রতিরোধে অসমর্থ হয় তবে সহিংস প্রতিরোধ অবলম্বন করিতে হইবে।—

[মহাত্মা গান্ধী, গুজরাট প্রদেশিক কংগ্রেস কমিটির সেক্রেটারী,

ভোগীলাল দালাকে লিখিত পত্রে]

রবীন্দ্রনাথের রাজনীতি ও সমাজনীতি—

* * * রবীন্দ্রনাথের রাজনীতি ও সমাজতত্ত্ব ইংরেজের পলিটিক্যাল ফিলজফির কোটরে ঢোকে না। সেখানে রাষ্ট্র আছে, তাই স্বাধীনতার অর্থ হল ব্যক্তি বনাম রাষ্ট্র। রবীন্দ্রনাথের রাজনীতি স্বদেশী সমাজের শ্বাস প্রশ্বাস নিয়ে, তাঁর সমাজতত্ত্ব নিতান্তই অর্গ্যানিক... অধিকারসর্বস্ব নয়, ত্যাগধর্মী। এই হিসেবে তিনি বহু স্বদেশী নেতার চেয়ে স্বদেশী— কারণ আমাদের সমাজটাই ঐ ধরণের—অতএব, তিনি ঢের বেশী রিয়ালিস্টিক। লোকে তাঁকে যখন আদর্শবাদী বলে তখন তারা আইডিয়ালিস্ট কপাটির অমুবাদই করে, তাঁর সম্বন্ধে সত্য ধারণার প্রমাণ দেয় না।

কিন্তু ভারতবর্ষে সামাজিকতার প্রধাতা থাকলে কি হয়! ভাগ্যচক্রের ঘোরে সে এসে পড়ল এমন একটা প্রাঙ্গণে যেখানে ক্রাশনালিজমের নামে রাষ্ট্রদৈত্যের পূজা অহরহ চলছে। আমি আপনাদের রবীন্দ্রনাথের Nationalism নামে বইখানি আবার পড়তে অমুরোধ করছি। ফ্যাসিজমের জন্ম তারিখের বহু পূর্বে লেখা। আজকাল যাকে totalitarianism বলা হয়, তারই পূর্বাভাস, statism-এরই বিপক্ষে প্রতিবাদ ঐ বইখানিতে পাবেন। অবশ্য ইকনমিক ব্যাখ্যা নেই তাতে, কিন্তু তাতে প্রতিবাদের তীব্রতা কমেনি তিলমাত্র। বইখানি বেশী জনপ্রিয় হয় নি, দেশোয়ালীরা ভাবলে তিনি দেশদ্রোহিতা করেছেন, এবং বিদেশীরা ভেতরে ভেতরে ভীষণ চটে বাইরে চোটে বৈকিয়ে বসে, স্বপ্নবিলাস। এখন তাঁরা বুঝছেন স্বপ্নবিলাস কি আর কিছু! সে যাই হোক—রবীন্দ্রনাথই সর্বপ্রথম এ-দেশে রাষ্ট্র-সর্বস্বতার বিরুদ্ধে মাথা তোলেন, এটা আমাদের স্বরণ রাখা উচিত। এই সেদিনও যে সাম্রাজ্যবাদের কুফল দেখালেন তারও সংযোগ ঐ statism-এর সম্বন্ধে প্রতিবাদের সঙ্গে। তিনি স্পষ্টই বুঝিয়ে দিলেন যে ব্রিটিশ সাম্রাজ্যবাদের গোড়ায় রয়েছে ঐ রাষ্ট্রবাদ—সেটি কোনো একটি বিশেষ জাতির একচেটে সম্পত্তি নয়। রাষ্ট্রবাদ আর সাম্রাজ্যবাদ তাঁর মতে একই বস্তু, অর্থাৎ লোভের এ-পিঠ ও-পিঠ। আয়সন্ধানবোধে অনেক দূর পর্যন্ত দৃষ্টি যায়।

এই লোভের প্রকৃতি কি? উত্তরের ভাষা রচিসাপেক্ষ। মানুষের দিক থেকে প্রকৃতিটা মানসিক, মানুষ বাদ দিলে প্রকৃতিটা ইকনমিক। মানুষের সম্বন্ধে নিয়ে যার কারবার, সে বলবে লোভের জগতই যত অত্যাচার। যে আবার ইতিহাসের রীতিনীতি খুঁজতে ও কাজে লাগাতে ব্যগ্র তাঁর মতে অত্যাচার ধনোৎপাদন ও তার নির্দিষ্ট অনুষ্ঠানের মধ্যেই নিহিত, অতএব মানুষের দোষ কই যখন মানুষের প্রবৃত্তি ঐ সব পদ্ধতি ও অনুষ্ঠানেরই প্রতিবিম্ব। প্রথম দল অত্যাচারের নিঃশেষ করবার জন্ত আত্মশক্তি, চিন্তাশক্তি ও পর জোর দেন, দ্বিতীয় দল বলেন নিষাতিত শ্রেণীকে বিপ্লবী করে তোলো। এটা কর্তব্যের ভাণ্ড, উদ্দেশ্য এক। রবীন্দ্রনাথ অবশ্য মানুষধর্মেরই নামে রাষ্ট্রবাদ ও সাম্রাজ্যবাদকে বিনিপাত বলে অভিসম্পাত করেছেন। সেই হিসেবে তিনি স্বধর্মই পালন করেছেন।

(ধৃষ্টিপ্রসাদ মুখোপাধ্যায়—

পরিচয়, জ্যৈষ্ঠ, ১৩৪৮)

গতবৎসরে দেশের আর্থিক অবস্থা।—

পণ্যমূল্য :—বর্তমান যুদ্ধ আরম্ভ হইবার সময়ে দেশের সর্ব-শ্রেণীর পণ্যদ্রব্যের সমষ্টিগত ভাবে যে মূল্য ছিল ১৯৩৯ সালের ডিসেম্বর মাস পর্য্যন্ত তাহা শতকরা ৩৭ ভাগ বৃদ্ধি পায়। কিন্তু উহার পর হইতে মূল্য হ্রাস পাইতে থাকে এবং গত মে ১৯৪০ সালে উহা মাত্র যুদ্ধ আরম্ভ হইবার সময়ের তুলনায় শতকরা ১৭ ভাগ উচু ছিল। তৎপরে মূল্য আরও হ্রাস পাইতে থাকে এবং জুলাই মাসে পণ্য মূল্যের পরিমাণ দাঁড়ায় যুদ্ধ আরম্ভ হইবার সময়ের তুলনায় শতকরা ১৪ ভাগ বেশী। অবশ্য উহার পর হইতে পুনরায় পণ্যদ্রব্যের মূল্য কিছু কিছু করিয়া পড়িতেছে এবং গত মার্চ মাসে পণ্যমূল্যের পরিমাণ দাঁড়ায় যুদ্ধ আরম্ভ হইবার সময়ের তুলনায় শতকরা ২৩ ভাগ বেশী। কিন্তু সমষ্টিগতভাবে সর্ব-শ্রেণীর পণ্যদ্রব্যের মূল্য চড়িলেও যে সমস্ত পণ্যদ্রব্যের মূল্যের উপরে দেশের কোটী কোটী ব্যক্তির স্বার্থ বিশেষভাবে নির্ভর করিতেছে, সেই সমস্ত পণ্যের মূল্য চড়িতেছে না। দৈনন্দিন পট ও তুলার মূল্যের কথা উল্লেখ করা যাচিতে পারে।

টাক্সভার :—বর্তমান যুদ্ধ আরম্ভ হইবার পর হইতে এই পর্য্যন্ত ভারত সরকার দেশবাসীর উপর প্রত্যক্ষ ও পরোক্ষভাবে ৯ প্রকার টাক্স বসাইয়াছেন এবং এজ্ঞা দেশবাসীকে বৎসরে নূতনভাবে প্রায় ২৭ কোটি টাকার টাক্সভার মাথা পাতিয়া গ্রহণ করিতে হইয়াছে। গত বৎসর আরম্ভ হইবার সময় হইতে সামরিক ব্যয় সঙ্কুলানের জন্য দেশে ব্যবহৃত চিনি ও পেট্রলের উপর আমদানী ও উৎপাদন শুল্ক বর্জিত করা হয়। উহার পরেই একটি আইন পাশ করিয়া দেশের শিল্প ও বাণিজ্য প্রতিষ্ঠান সমূহের অতিরিক্ত লাভের অর্ধেকাংশ টাক্স হিসাবে গ্রহণ করিবার ব্যবস্থা করা হয়। অতঃপর সেপ্টেম্বর মাসে একটি অতিরিক্ত বাজেট করিয়া আয়কর ও স্থপার টাক্সের পরিমাণ টাকায় চার আনা বর্দ্ধিত করা হয় এবং চিঠির মূল্য ও ডাক মাশুল বর্দ্ধি করা হয়। এইভাবে গতবৎসরে দেশবাসীর উপরে প্রায় ১৬০ কোটি টাকার নূতন টাক্সভার পতিত হইয়াছে।

বাংলার অবস্থা :—গত বৎসরে বাংলা দেশের অবস্থা ভারতবর্ষের অগ্রাঙ্গ প্রদেশের তুলনায় অধিকতর শোচনীয় হইয়াছে। বাংলার প্রধানতঃ পাটের মারফতেই বাহির হইতে অর্থগম্য হইয়া থাকে। গত পূর্ব বৎসরে বাংলা দেশে ৪ কোটি মণের মত পাট উৎপন্ন হইয়াছিল এবং বাংলার কৃষক এই পাট বিক্রয় করিয়া গড়পড়তায় ৮ টাকা করিয়া মোট মাত্র ৩২ কোটি টাকা পাইয়াছিল। কিন্তু গত বৎসর ৫ কোটি মণ পাট উৎপন্ন হইলেও এই পর্য্যন্ত কৃষক ৩ কোটি মণের বেশী পাট বিক্রয় করিতে পারে নাই এবং এজ্ঞা প্রতি মণে ৪ টাকার অধিক মূল্য পায় নাই। কাজেই গতবৎসর পাটের দরুন কৃষকের আয় ৩২ কোটি টাকা হইতে কমিয়া ১২ কোটি টাকায় পরিণত হইয়াছে।

[আর্থিক জগৎ—

বার্ষিক সংখ্যা, ১৩৪৮।]

“জুখবেদনার তীক্ষ্ণ স্পর্শ তাঁর চেতনার তারে তুলেছে সুরের জোয়ার। পণ্ডিতসম্মুখা রবীন্দ্রনাথকে বাস্পলোকের পলায়নধর্মী কবি বলে প্রায়শই বলে থাকেন। কারণ মাটির পৃথিবী সম্বন্ধে তাদের গুরুজনেরা যে ছক কেটে দিয়েছেন সেই ফর্মুলার সঙ্গে রবীন্দ্রকাব্য মেলে না। কিন্তু রবীন্দ্রনাথ যে বলছেন, “আমি পৃথিবীর কবি—” সে কথা শোনে কে? ডায়ালেকটিক চাই; থিসিস, অ্যান্টি-থিসিস চাই; শ্রেণীসংগ্রামের দ্বন্দ্বভীষ্মনি চাই, তবে তো সাহিত্য! এরা মনে করেন কৃত্রিম ভাষায়, কষ্ট-চেষ্টিত ভঙ্গীতে ও ভাবে বস্তুর কথা বিনিয়ে ও ফেনিয়ে তুলতে পারলেই সাহিত্য হলো। বাংলাভাষা নিয়ে যেসব রাজনৈতিক কবি সম্প্রতি নাড়াচাড়া করছেন তাদের সম্বন্ধে আশঙ্কার কারণ ঘটেছে। জীবনের সম্বন্ধে যোগ নেই অগ্চ কথার স্তম্ভ রচনা করছেন এরা। নিম্নশ্রেণীকে নিয়ে এদের সৌখীন ভাবালুতা হলো এদের সাহিত্যচর্চার পুঁজি। এদের লক্ষ্য করে রবীন্দ্রনাথ বলছেন—

“সত্য মূল্য না দিয়েই সাহিত্যের খ্যাতি করা চুরি
ভালো নয়, ভালো নয় নকল সে সৌখীন মজ্জুহুরি।”

জীবন হলো অতলান্ত সমুদ্র। সাহিত্যও তাই। রবীন্দ্রনাথের কাব্যে ও সাহিত্যে জীবনের যতোখানি বিস্তৃতি ও গভীরতা ধরা দিয়েছে, আর কোন সাহিত্যে কি তা’ দিয়েছে? তাঁর সূক্ষ্ম অনুভূতিলোকে সমসাময়িক পৃথিবীর সমস্ত আলোড়ন ও স্পন্দন প্রাচণ্ডভাবে প্রকাশিত হয়েছে। তবু তাঁর বদান্ধতা ও বিনয় কী আনন্দপ্রদ! পৃথিবীর কবি হলেও, তিনি বলছেন, “বিপুলা এ পৃথিবীর কতটুকু জানি।” ফারা তার অপূর্ণতা নিয়ে মুখর হয়ে ওঠেন তাদের নিন্দাকে সানন্দে স্বীকার করে তিনি বলছেন,—

“তাই আমি মেনে নিই সে নিন্দার কথা
আমার সুরের অপূর্ণতা।
আমার কবিতা জানি আমি
গেলেও বিচিত্র পাথে হয় নাই সে সর্বত্রগামী।”

সংসারের সমস্ত ভার চাষী, জেলে, তাঁতীরা মিলে বহন করছে, সমাজ দাঁড়িয়ে আছে এদের শ্রমের ওপরে। রবীন্দ্রনাথের মত সচেতন এ সম্বন্ধে আর কেউ না; যেখানে—

“চাষী খেতে চালাইছে হাল,
তাঁতি বাসে তাঁত বোনে, জেলে ফেলে জাল।”

সেখানকার সত্য জীবন নিয়ে কাব্য লিখবে নতুন কবি। কিন্তু সে কবি কোথায়? তবু সেই অনাগত কবির প্রতি তাঁর অভিবাধন জানিয়ে প্রতীক্ষা করছেন, “যে আছে মাটির কাছাকাছি, সে কবির বাণী লাগি কান পেতে আছি”।

সাম্রাজ্যবাদী বর্ণ-সভ্যতার বিরুদ্ধে যে প্রবল প্রতিবাদ রবীন্দ্রনাথের কাছে গর্জে উঠেছে আর কোন আধুনিক প্রগতিবিলাসী লেখক তেমন করে প্রতিবাদ করেছেন? যুরোপে প্রলয়ের

লীলা চলেছে—সেখানে “সভ্য শিকারীর দল পোষ্যমানা স্বাপদের মতো, দেশ বিদেশের মাংস করেছে বিক্ষত”। কিন্তু তবু এই নির্মম ধ্বংসলীলা যে ইতিহাসের অব্যর্থ প্রয়োজনে ঘটছে—এর মধ্য দিয়ে যে নতুন পৃথিবীর জন্ম হবে নবতর ঐর্ধর্ষে—সেই বলিষ্ঠ জ্ঞাশা তার সমস্ত কাব্যকে দান করেছে অপরাজেয় মহিমা। তার ধ্যানদৃষ্টি ঘোষণা করছে—

“আজি সেই সৃষ্টির আহ্বান
ঘোষিছে কামান।”

কবিতা—রবীন্দ্র-সংখ্যা, আষাঢ়, ১৩৪৮

কবিতার পরিচালকদের ধ্যাবাদ দিচ্ছি, রবীন্দ্র-সংখ্যা প্রকাশিত করে তাঁরা বাঙালীর কৃতজ্ঞতাভাজন হয়েছে। রবীন্দ্রনাথ বর্তমান কালের অদ্বিতীয় প্রতিভা; কাব্যে কেবল নয়, মনলে ও আদর্শে। তাঁকে বুঝবার প্রয়োজন আছে, যেমন প্রয়োজন আছে তাঁর সাহিত্যকে উপভোগ করার। আলোচ্য সংখ্যা আমাদের সেই প্রয়োজনকে অনেকাংশে সুসিদ্ধ করবে। এ-সংখ্যার সব চাইতে বড়ো আকর্ষণ হলো রবীন্দ্রনাথের প্রবন্ধ দুটী। সাহিত্যের মূল্য বিচার সম্বন্ধে সাম্প্রতিক বিতর্ক হলো শ্রেণীর প্রভাব নিয়ে। গ্রন্থ আদর্শ সাহিত্যের নেই, একথা রবীন্দ্রনাথ জোর দিয়েই বলেছেন; ‘বর্তমান কালে বিভ্রান্ততার মমত্ব বা অহঙ্কার সার্বজনীন আদর্শের ভাগ করে দণ্ডনীতির প্রবর্তন করতে চেষ্টা করছে’—এই বিভ্রান্ততার অহঙ্কারও যে একদেশদশী তার প্রতি দৃষ্টি আকর্ষণ করেছেন। আমরাও সমাজতন্ত্রের সমর্থক; কিন্তু সাহিত্যে বামপন্থার নামে যে নতুন মার্গীয় গোঁড়ামীর আমদানী হয়েছে তার আমরা বিরোধী। এই গোঁড়ামী সাহিত্যবিচারে ও শিল্পসৃষ্টিতে আনতে চায় যান্ত্রিকতা যাকে অজকার বিজ্ঞান বর্জন করেছে। রবীন্দ্রনাথের এই পত্রখানা সেই যান্ত্রিকতার বিরুদ্ধে প্রতিবাদ। এর পরেই অবনীন্দ্রনাথ, প্রমথ চৌধুরী, অতুল গুপ্ত, ধূর্জটীপ্রসাদ প্রভৃ গুহ ঠাকুরতা, বুদ্ধদেব বসু প্রভৃতির প্রবন্ধ সংখ্যাটি মূল্যবান হয়ে উঠেছে।

পরিচয়—রবীন্দ্র-সংখ্যা, আষাঢ়, ১৩৪৮

‘কবিতার সঙ্গে সঙ্গেই পরিচয়ের’ রবীন্দ্র-সংখ্যার নাম করতে হয়। মতনির্দেশে বাংলা সাহিত্যের অনুরাগীরা এই সংখ্যাখানা পড়ে খুশী হবেন, একথা জোর করে বলতে পারি। প্রত্যেকটী প্রবন্ধে রবীন্দ্রনাথের পরিচয় উজ্জ্বল হয়ে উঠেছে। প্রত্যেকটী লেখা বিচার বিশিষ্টতায় উল্লেখযোগ্য এবং একান্ত উপভোগ্য। পরিচয়ের পরিচালকবর্গকে কৃতজ্ঞতা জানাচ্ছি। হীরেন্দ্রনাথ দত্ত, শচীন সেন, হরপ্রসাদ মিত্র, জীবনময় রায়, ধূর্জটীপ্রসাদ, বিষ্ণু মুখোপাধ্যায়, হেমেন্দ্রলাল রায়, হিরণ সাহালা ইত্যাদির লেখায় এই সংখ্যা সমৃদ্ধ হয়েছে। বিশেষতঃ বিষ্ণু দে’র অনূদিত এজরা পাউণ্ডের প্রবন্ধটী এই সংখ্যায় মূল্যবদ্ধি করেছে। পুস্তক পরিচয়েও ‘পরিচয়’ আপনার বৈশিষ্ট্য রক্ষা করেছে।

—‘দীপঙ্কর’



‘বিশ্ববন্ধ’

মধ্যএশিয়া—

ইরাক—বলকানের যোলাজলে ঘুরপাক খেয়ে যুদ্ধের গতি মধ্যএশিয়ার গোলকধাঁসায় পথ হারিয়ে নূতন লক্ষ্যের সন্ধান করছে। মধ্যএশিয়াতে ইংরেজ ও জার্মানদের বর্তমান পারস্পরিক অবস্থা বঝতে হোলে যুদ্ধের অব্যবহিত পূর্বের পটভূমি কিছুটা বিশ্লেষণ করা দরকার। গত মহাযুদ্ধের পূর্বে ইরান, ইজিপ্ট ও আরব দেশগুলি—তুর্কী সাম্রাজ্যের আওতায় ছিল। তুর্কী সাম্রাজ্যের পতনের পর—ইরাক, ইজিপ্ট, ট্রেনজরডন, আরব ও ইরান এই পাঁচটা রাজ্য গড়ে ওঠে—এদের জন্মের জন্ম ব্রিটিশ সরকার, অনেকাংশে দায়ী। কাজেই ব্রিটেনের মনে একটা আশা থাকা অস্বাভাবিক নয় যে মধ্যএশিয়ার এই রাজ্যগুলি তাদের জন্মদাতার প্রতি অকৃতজ্ঞ হবেনা। কিন্তু কার্যতঃ হোলো অশ্রুপ। প্রধানত দুটি কারণ এর জন্ম দায়ী, প্রথমতঃ, পোলেটাইনে ইহুদীদের উপনিবেশ স্থাপন করা নিয়ে সমস্ত আরব দেশগুলি ইংরেজের প্রতি অত্যন্ত বিরক্ত হোয়ে উঠে।



রসিদ আলি।

২য়তঃ, ইরাক ও ইরানের তেলের খনিগুলির উপরে পাশ্চাত্য, বিশেষ ভাবে ইংরেজের, আধিপত্য এরা কোন দিনই সন্তুষ্ট চিন্তে সহ্য করেনি। তৈল উৎপাদনকারী দেশের মধ্যে ইরানের স্থান তৃতীয় ও ইরাকের ৪র্থ, কিন্তু হোলে হবে কি? সমস্ত ব্যাবসাটাই, এংগ্লো-ইরাণিয়ান অয়েল কম্পানীর হাতে, ইরাকের অবস্থাও তাই সমস্ত তেলের ব্যাবসা ব্রিটিশ, ডাচ ও আমেরিকান কম্পানীর হাতে এবং ইংরেজই তার প্রধান অংশীদার। এপ্রিল মাসের প্রথম ভাগে সর্বপ্রথম জানা গেল যে ইরাকে জার্মান প্রভাব কাজ করছে—রসিদ আলি কিন্তু ইরাকে একনায়কত্ব প্রতিষ্ঠা করবার পরও ইঙ্গ-ইরাক চুক্তি মেনে চলবেন বলে ঘোষণা করেন। চুক্তি

অমুযায়ী ব্রিটিশ সৈন্য ইরাকে পাঠানো হয় ও যুদ্ধাসময়ে বসরায়

পৌঁছায়। কিন্তু ২য় দফা সৈন্যবাহিনী পাঠাবার সময় গোলমাল বাধলো—ইরাকীরা আপত্তি

জানায় প্রথম সৈন্য দল অশ্রুত না যাওয়া পর্যন্ত ২য় দল পাঠানো চলবে না। আপত্তি অগ্রাহ্য করে ইংরেজ সরকার সৈন্য পাঠান—ফলে ইরাকীরা হাবানিয়ার ব্রিটিশ বিমান ঘাটি আক্রমণ করে বসে। এদিকে রসিদ আলিও জার্মানির সাহায্য চায় এবং জার্মান সাহায্য ও ইরাকে কয়েক-দিনের মধ্যেই উপস্থিত হয়। শোনা যাচ্ছে ফরাসী অধিকৃত সিরিয়ার বন্দরগুলিতে যুদ্ধোপকরণ, ট্যাঙ্ক ইত্যাদি নাকি জার্মানি পাঠিয়েছে। সিরিয়ার বিমানঘাটিগুলিও নাকি জার্মানির ব্যবহারের জন্য ছেড়ে দেওয়া হয়েছে। ভিসির সঙ্গে জার্মানির হস্ততা যতটা গভীর তোয়ে উঠেছে তাতে এ কিছু অস্বাভাবিক নয়। কাজেই ইরাকে সাহায্য পাঠানো হিটলারের পক্ষে এখন অনেকটা সহজ। শোনা যাচ্ছে মঙ্গলে জার্মান এরোপ্লেন ও বিশেষজ্ঞরা এরই মধ্যে এসে পৌঁছেছে—মধ্যএশিয়ার অত্যাশ্রয় রাজ্যগুলির ব্যবহারও ইংরেজেরপক্ষে বিশেষ আশাশ্রয় নয়, কারণ রসিদ আলি জার্মান সাহায্য চাওয়ার ফলে তাদের মধ্যে কোনো প্রকার আপত্তি বা অসন্তোষ দেখা যায় নি। গত ৩১শে মে তারিখে বিপ্লবী ইরাকিদের সঙ্গে যুদ্ধবিরতি চুক্তি হবার পর ইরাকের রিজেন্ট আব্দুল্লা ইল্লা বাগদাদ প্রবেশ করেছেন। ইরাকের বালক রাজা ফয়জল বাগদাদে নিরাপদে আছেন শোনা গিয়েছে। রসিদ আলি ইরানে পলায়ন করেছে এবং নূতন চুক্তি অনুসারে ব্রিটিশ সৈন্য ইরাকের মধ্য দিয়ে যাতায়াত করবার অনুমতি পেয়েছে। এঙ্গিস্ সৈন্যও নাকি বন্দী করা হয়েছে। ইরাকের অবস্থা বাইরে থেকে বিচার করলে মনে হবে বিদ্রোহের পূর্বাবস্থা। ইরাকে ফিরে এসেছে কিন্তু বাস্তবিক অবস্থা কি তা বোঝা কঠিন। কারণ পরিবর্তিত অবস্থায় এসব দেশ তাদের স্বার্থ কিভাবে প্রকৃষ্টতম একমাত্র উপায়ে রক্ষিত হবে একমাত্র সেই বিচার দ্বারাই প্রভাবান্বিত হবে। রুশিয়া এসব রাজ্যের উপরে শেষ প্রভাব বিস্তার করবে বলে আশা করা ভুল নয়—রসিদ আলির শাসনকে রুশিয়া যে মেনে নিয়েছিল তাতেই ভবিষ্যতের একটা ইঙ্গিতও পাওয়া যায়।




দ্বিতীয় ফয়জল

ইরাকের বালক রাজা

ক্রীট—জার্মানরা গ্রীস অধিকার করবার পর ক্রীটের প্রধান বন্দর কানিয়াতে গ্রীক গভর্নমেন্ট স্থানান্তরিত হওয়ার সঙ্গে সঙ্গে যুদ্ধও ক্রীটে স্থানান্তরিত হয়। ক্রীটে ব্রিটিশ, গ্রীস ও নিউজিল্যান্ডের সমবেত শক্তির সঙ্গে জার্মানরা যুদ্ধ করে ক্রীট অধিকার করেছে। ক্রীটের

যুদ্ধে জার্মানরা যে অপূৰ্ণ সময় কৌশল ও সাহসিকতা দেখিয়েছে তা বাস্তবিকই আশ্চর্য। হাজার হাজার জার্মান প্যারাসুট বাহিনী ফ্রীটে অবতরণ করে। এরা নিউজিলেণ্ডের সৈন্যদলের



ফ্রীটের প্রধান বন্দর কাগিয়া, এথেন্স হতে গ্রীক পৰ্ব্বমেন্ট
এইখানে স্থানান্তরিত হয়।

যুদ্ধপোষাক পরিহিত ছিল ফলে ইংরেজ ও তার মিত্রদের প্রভূত অনুবিধার সৃষ্টি হয়। ১১দিন যুদ্ধের পর ফ্রীট জার্মানরা দখল করে। ব্রিটিশদের এই পরাজয়ে ইংলণ্ড ও ভারতের সমস্ত সরকারী কাগজগুলি তীব্র মন্তব্য কোরেছে ব্রিটিশের সৈন্য কৌশলের ব্যর্থতা সম্পর্কে। স্টেটসমেন পত্রিকাও এই

পরাজয়ে মনের ক্ষোভ চেপে রাখতে পারেন নাই এবং ব্রিটিশ সরকার যাতে লোকের মনে বৃথা আশার উদ্বেক না করেন সে সম্পর্কে সুদীর্ঘ উপদেশ দিয়েছেন। ফ্রীটের যুদ্ধের ফল সুদূর প্রসারী হবে সন্দেহ নেই। ভূমধ্যসাগরে জার্মান প্রভাব বিস্তারের পক্ষে এটা প্রথম ও বড় একটা সিঁড়ি। এর পর

লক্ষ্য হবে সাইপ্রাস এবং তার জন্ম সাইপ্রাসেও তোড়জোড় চলেছে কিন্তু জার্মানরা সাইপ্রাসে আসার আগে সিরিয়াতে দৃষ্টি দিয়েছে কারণ সিরিয়া থেকে সাইপ্রাসের দূরত্ব কম এবং সিরিয়াতে ফরাসী বিমানঘাটা গুলি পাওয়া যাবে। সিরিয়ার যুদ্ধের ফলাফলের উপর অনেক কিছু নির্ভর করছে। সিরিয়াতে ইংরেজ ও তার কিছুদিন পূর্বকার



বিমানপোত হইতে জার্মান অবতরণ।

বহু ফরাসী পরস্পরকে আক্রমণ করেছে। কাজেই “চফলজ্জার” বাঁধ এবার ভাঙ্গল। জার্মান কূটনীতির এ যে কতবড় জয় হোলো আশাকরি ইংরেজ তা বুঝেছে। কিন্তু ভারতবর্ষ সম্পর্কে এখনও ব্রিটিশ দূরদর্শিতার ও কূটনীতির যে পরিচয় আমরা পাচ্ছি খুব আশাশ্রিত হবার কারণ

তাতে নেই। সম্প্রতি সিরিয়ার রণক্ষেত্রের ভাগ্য সম্পর্কে আমরা উৎসুক হয়ে আছি।

আফ্রিকায়—জার্মান লক্ষ্য আলেকজেন্দ্রিয়া। ব্রিটিশ সেনাপতি জেনারেল ওয়াভেল জার্মানদের এখানে বাধাদেওয়ার চেষ্টায় নিযুক্ত আছেন। শতশত সৈন্য এখানে নাকে ব্রিটিশের দিক থেকে জড় করা হয়েছে। এই যুদ্ধের ফলাফলের উপর ব্রিটিশ স্বার্থ অনেক নির্ভর করছে। সাল্লমের চারধারে এখন যুদ্ধ প্রচণ্ড আকারে চলছে। আবিসিনিয়ার যুদ্ধ যতদূর খবর পাওয়া যায় ব্রিটিশের পক্ষে চারদিককার ঘনায়িত অন্ধকারের মধ্যে “রজত রেখা”। এখানে ইটালিয়ান সৈন্য বেশী সুবিধা কোরে উঠতে পারেনি—আবিসিনিয়ার সহর সিয়াসিমানা ও আদেলা ইটালীর হস্তচ্যুত হয়েছে। হেইলে সেলাসি আবিসিনিয়ায় নাকি প্রত্যাবর্তন করেছেন। এবং গত ২০শে মে ডিউক অফ আওষ্টা জেন জেনারেল ও বহু ইটালীয় সৈন্য সহ নাকি আত্মসমর্পণ করেছেন। দেখা যাচ্ছে ইটালীই ইংরেজের মুখরক্ষা করলো।

জার্মান-ভিসি চুক্তি ও আমেরিকা—ব্রিটিশ সরকার ও আমেরিকার সকল চেষ্টা নিফল কোরে জার্মান-ভিসি সহযোগিতা চুক্তি স্বাক্ষরিত হয়েছে। জার্মানির পক্ষে এ মস্তবড় জিৎ। ব্রিটিশ গভর্ণমেন্ট ডি গ্যালেকে সমর্থন করার ফলে ও ডাকারের নৌযুদ্ধে ফরাসী জাহাজ ধ্বংস হবার পরিণতি এছাড়া অগুরুপ হবার সম্ভাবনা ছিল না। তাছাড়া ব্রিটিশের ব্লকেড্ জার্মানকে বিশেষ কিছু করতে পারেনি কিন্তু ফ্রান্সকে এর জন্য বিশেষ গলদঘর্ম হতে হয়েছে। কাজেই ফ্রান্স পূর্ব বন্ধুর উপর ক্রমেই বিরূপ হয়ে উঠছিল। জার্মানি এই সুযোগেরই অপেক্ষা করছিল—বিশেষ সুয়েজ অভিযানের পূর্বে ভিসির সঙ্গে একটা পাকাকাকি সম্বন্ধ করা প্রয়োজন হয়ে পড়ে কারণ তাতে সিরিয়া থেকে আক্রমণ চালানো সহজ হবে। ভিসি সরকার সিরিয়াতে জার্মান সৈন্যকে অবাধে আসতে দিচ্ছেন, জার্মানদের উদ্দেশ্য সিরিয়া, লেবানন ও পেলেষ্টাইন দখল করা, তাতে সুয়েজ সৈন্য পাঠানো খুব সহজ হবে এবং তাছাড়া ইরাকের তেলের খনি মণ্ডল ও কার্কুকও দখল করা যাবে। ইংরেজ জার্মানির এই অভিপ্রায় দর্শক হয়ে শুধু দেখতে পারে না কাজেই তাকে খুব তোড়জোড় করতে দেখা যাচ্ছে। জেনারেল ওয়েগা নাকি বিরাট আয়োজন করছেন। ইতিমধ্যে জার্মান সৈন্যদের অবাধ গতি ব্রিটিশরা বাধা দেয়; এসব নিয়ে ফরাসী ও ব্রিটিশ সৈন্যে যুদ্ধ হয়। ভিসির সঙ্গে জার্মানদের যে চুক্তি হয়েছে তাতে জার্মান সৈন্যের জন্য যে ব্যয় ভিসিকে বহন করতে হচ্ছে ও যুদ্ধের ক্ষতিপূরণ বাবদ যা ফরাসীর দেবার কথা ছিল তার পরিমাণ অনেক কমিয়ে দেওয়া হয়েছে এবং সীমান্তের উপর যে কড়াকড়ি ছিল তাও হ্রাস করা হয়েছে। এই সন্ধির সহযোগিতার খবরে আমেরিকা যে সন্তুষ্ট হয় নাই তা বলাই বাহুল্য। সেনেটরদের মধ্যে কেউ কেউ ডাকার দখল করবার প্রস্তাব করছেন—অনধিকৃত ফ্রান্সের যে সব জাহাজ যুক্তরাষ্ট্র আটক করেছে সেগুলিকে যাতে মুক্তি না দেওয়া হয় সে সম্বন্ধেও অনেকে মত প্রকাশ করছেন। অদূর ভবিষ্যতে ফ্রান্স ও যুক্তরাষ্ট্রের মধ্যে যে সম্পর্ক শেষ হবে তাতে কোনো সন্দেহ নেই।

সোভিয়েট ও জার্মানি—বলকানে যখন যুদ্ধ ছড়িয়ে পড়লো তখন অস্ত্রের মধ্যে ঝগড়া বাঁধিয়ে যারা থুসী হয় এমন অনেকেই পুলকিত হয়ে উঠেছিলেন, যে এবার জার্মানি ও সোভিয়েটের মধ্যে বিষম একটা গোলযোগ বাঁধবে—কিন্তু যখন তা হোল না পরিকারই বোঝা গেল যে এমন কোনো ব্যবস্থা হয়েছে যাতে এই দুই শক্তি পরস্পরের সহযোগিতা করতে অসুবিধা বোধ করছে না। সম্প্রতি স্টেলিন নিজে প্রধানমন্ত্রীর সমস্ত দায়িত্ব গ্রহণ করতে আবার—অনেকে গোলমালের আশায় রোমাঞ্চিত হয়ে উঠেছেন—কিন্তু অবস্থা দেখে মনে হচ্ছে তাঁদের এবারও নিরাশ হতে হবে। এটাই স্বাভাবিক যে উভয়শক্তির মধ্যে এমন এক চুক্তি হয়েছে

ব্লাড-ভিটা

আদর্শ টনিক

রক্ত নির্মূল ও সতেজ করে, বৈজ্ঞানিক পদ্ধতিতে গভর্ণমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রসংশিত।

ভিটামিন “বি,”

হিমোগ্লোবিন,

আয়রন,

ক্যালসিয়াম

ম্যাগনেসিয়াম

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাক্ততা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সন্ত্যবার

পক্ষে বিশেষ

ফল-দায়ক।

অধ্যক্ষ মথুরাবাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।

যাতে সোভিয়েট জাৰ্মানিকে ইউরোপে স্বাধীনতা ও জৰ্মাণ সোভিয়েটকে এশিয়াতে স্বাধীনতা দান করে। এব্যবস্থাতে ভারতবর্ষ সম্পর্কে রুশিয়াকে অনেকখানি স্বাধীনতা দেওয়া অসম্ভব নয়। ভারতের ভাগ্য কোনদিক থেকে কি বহন করে আনে দেখা যাক!



লা-পাসিওনারিয়া।

ওয়ারের সময় ঐর উদ্দীপনাময়ী বক্তৃতা বিদ্রোহীদের বিশেষ উত্তেজিত করেছিল। ঐর এই বক্তৃতার জন্য ঐকে লা পাসিওনারিয়া নাম দেওয়া হয়। বর্তমানে ইনি রুশিয়ায় আছেন বলে অনুমান করা যায়।

লা-পাসিওনারিয়া—স্পেনের বিখ্যাত কম্যুনিষ্ট

নেত্রী মেনোরিটা ডলোরেস্ ইবারুরি গোমেজকে আড়াই কোটি পেসেটা জরিমানা এবং ১৫ বৎসর নির্বাসন দণ্ড দেওয়া হয়েছে। এই জরিমানা দিতে গেলে তাঁর সমস্ত সম্পত্তি তিনি হারাবেন। স্পেনের নাগরিক অধিকার থেকে ঐকে বঞ্চিত করা হয়েছে। স্পেনের সিভিল



সম্পাদকায়

আমাদের কথা

এই আশাঢ়ে জয়শ্রীর বয়স হোলো দশবৎসর। ১৩৩৮ এর বৈশাখে এর জন্ম, তারপর নানা অবস্থান্তর, ঝড়ঝঞ্ঝা উত্তীর্ণ হোয়ে আজ সে যে যুগে এসে দাঁড়িয়েছে তা শুধু ভারতবর্ষের নয় বিশ্বমানবের পথসন্ধি। যথাযথ ভাবে এর মূল্যনিরূপণ করা এবং এর দায়িত্বকে বহন করা সহজ কাজ নয়। জয়শ্রী এ কঠিন দায়িত্বের অংশ গ্রহণ কোরেছে। যুক্তিচালিত বিচার বিশ্লেষণ দ্বারা এ যুগের সমস্যাগুলিকে নির্ণয় করা এবং তার সমাধানের পথ নির্দেশ করা জয়শ্রীর প্রধান উদ্দেশ্য। এই জগতই সমাজ, পরিবার, রাষ্ট্র ও ধর্মে, সর্বত্র যে নূতন মান (values) গড়ে উঠছে, জয়শ্রীর পাতায় তার স্বরূপকে তুলে ধরার চেষ্টা হয়—এবং সঙ্গে সঙ্গে তাকে বিচার করে এ সকল বিষয়ে জয়শ্রীর নির্দেশ কি তাও দেওয়া হয়।

জয়শ্রী রাজনৈতিকপথ হিসাবে ফরওয়ার্ড ব্লকের পথকে বেছে নিয়েছে এবং ফরওয়ার্ড ব্লকের নির্দেশ অনুযায়ী গণ-বিপ্লব সংঘটিত করবার প্রয়াসী। জয়শ্রীর কেবলমাত্র নেতিবাচক কর্মপন্থা নয়—গণ-বিপ্লব দ্বারা স্বাধীনতা অর্জিত হবার পর যে নতুন সমাজব্যবস্থা গড়ে উঠবে, সে সম্পর্কে জয়শ্রীর একটি পরিকার কল্পনা রয়েছে। সেই কল্পনার রূপকে জয়শ্রীর পাতায় আমরা ধরতে চেষ্টা করে থাকি, যাতে ভবিষ্যৎ সম্বন্ধে আমাদের দেশের কর্মীদের একটা সুস্পষ্ট ধারণা জন্মায়। ভবিষ্যৎ সমাজের রূপ সম্পর্কে এক কথায়, জয়শ্রী সমাজতন্ত্রবাদে বিশ্বাসী।

যে পরিবর্তন আসন্ন হোয়ে আসছে প্রতিদিন, শঙ্কাহীন সংকল্পের সাথে জয়শ্রী তাকে আহ্বান করছে—নবযুগকে জন্ম দেবার ও তাকে প্রতিষ্ঠিত করবার গুরু দায়িত্ব জয়শ্রী অগ্রাগ্রহ সহযোগীদের সহিত গ্রহণ করেছে। গত দশ বৎসরে জয়শ্রীর দান ব্যর্থ হয়নি—চিন্তা ও কর্মরাজ্যের অস্পষ্টতা ও দ্বিধাকে জয়শ্রী অনেকটা দূর কোরতে সাহায্য করেছে—ভবিষ্যতেও করবে।

দেশবন্ধু চিত্তরঞ্জন—

১৬ই জুন দেশবন্ধু চিত্তরঞ্জনের ষোড়শ মৃত্যুতিথি গেল। গত ১৫ বছরে বাংলা ও ভারতের রাজনীতিতে গভীর পরিবর্তন ঘটেছে। কিন্তু সকল পরিবর্তনের মধ্যেও আজ ভারতের

রাজনৈতিক কর্মীরা মনে প্রাণে অনুভব করছে চিত্তরঞ্জনের অস্তিত্বের মর্ম। প্রাণহীন জড় ও ক্লাবস্থের শিকলে আজ ভারতবর্ষের প্রাণ বাঁধা পড়েছে, সেই শিকলকে ভেঙ্গে শক্তির তপস্রায় মানুষকে প্রাণবন্ত করে তুলতে আজ চিত্তরঞ্জনের মত প্রবল ব্যক্তিত্বের প্রয়োজন পড়েছে। আজ যুত্যাতিথি উপলক্ষে আমরা তাঁকে স্মরণ করছি এবং তাঁর নির্দেশিত পথে অগ্রসর হতে সবাইকে আহ্বান করছি।

পরলোকে শ্রীনিবাস আয়েজার

ভারত রাষ্ট্রীয় মহাসভার প্রাক্তন সভাপতি শ্রীযুক্ত শ্রীনিবাস আয়েজারের গত ১৯শে মে যুত্যা হয়েছে। যে সময়ে কংগ্রেসের অধিকাংশ নেতার পূর্ণ স্বাধীনতাকে কংগ্রেসের লক্ষ্য বলে ঘোষণা কোরবার সাহস এবং দূরদৃষ্টি ছিল না তখন (১৯২৮ সালে) তিনিই কংগ্রেসের মণ্ডপ থেকে তা ঘোষণা করবার জন্য অগ্রণী হয়েছিলেন। ঐ বছরে তাঁর প্রচেষ্টা সফল না হ'লেও পরবর্তী বৎসর ১৯২৯ সালে লাহোর কংগ্রেসে তাঁর মতই জয়যুক্ত হয়েছিল।

আইন ব্যবসায়ে তিনি যে রকম প্রতিষ্ঠা লাভ কোরেছিলেন ভারতের রাজনীতি ক্ষেত্রেও তেমনি শ্রেষ্ঠতম আসন অধিকার কোরেছিলেন। ১৯২১ সালে অসহযোগ আন্দোলনের দিনে শ্রীযুক্ত আয়েজার প্রাক্তন মাদ্রাজ ব্যবস্থাপক সভার সদস্যপদ, সি, আই, ই, উপাধি এবং মাদ্রাজের এডভোকেট জেনারেলের পদত্যাগ কোরেছিলেন। ১৯২৬ সালে কংগ্রেসের গোহাটী অধিবেশনের সভাপতিরূপে তিনি জাতির রাষ্ট্রনীতি পরিচালনার দায়িত্ব গ্রহণ করেন। কিন্তু ১৯৩০ সালে কংগ্রেস আইনঅমাণ্ড আন্দোলন শুরু কোরলে শ্রীযুক্ত আয়েজার ব্যবহারিক রাজনীতির সংস্পর্শ ত্যাগ করেন।

ত্রিপুরী কংগ্রেসের পরে সুভাষচন্দ্র যখন ফরোয়ার্ড ব্লক গঠন করেন শ্রীযুক্ত আয়েজার তা সর্বান্তঃকরণে সমর্থন কোরে স্বেচ্ছামূলক গণ-আন্দোলনের সহিত যুক্ত হন। ভারতবর্ষের বাম-পন্থীরা আজকের দিনে একথা স্মরণ কোরে গৌরব বোধ করবেন।

শ্রীযুক্ত আয়েজারের তীক্ষ্ণ বিশ্লেষণ শক্তি, অতুলনীয় দূরদর্শিতা এবং সুস্পষ্ট পথনির্দেশ-দানের অসাধারণ ক্ষমতা জাতির অমূল্য সম্পদ ছিল। ১৯২৬ সালে গোহাটী কংগ্রেসের সভাপতি রূপে তিনি যে বক্তৃতা দিয়েছিলেন তার কোনো কোনো অংশ আজকের জাতীয় সংকট-মুহূর্তে বিশেষ ভাবেই স্মরণ হচ্ছে। তাঁর অভিভাষণের একাংশ এখানে উদ্ধৃত করলে অবাস্তব হবে না।

“আমাদের আভ্যন্তরীণ বিবাদ-বিসম্বাদের ফলে স্বরাজের দীপশিখা স্তিমিত হইতেছে বলিয়া মনে হয়। বর্তমানে আমাদের দার্শনিক তত্ত্ব লইয়া বিচার করিলে চলিবে না—কাজ করিতে হইবে। বর্তমানের প্রধান সমস্যা হইতেছে যে, দেশের মধ্যে বিভিন্ন দল থাকিবে না। প্রদেশে মাত্র এখন দুইটি দল থাকিতে পারে এক গভর্নমেন্ট দল, আর এক স্বরাজলাভেচ্ছু দল। এখন সকল দলের কর্তব্য পরস্পর পরস্পরের হাত ধরিয়া স্বরাজসংগ্রামে অগ্রসর হওয়া।”

— এই বাস্তব দেশপ্রেম ও সুস্পষ্ট পথনির্দেশের ক্ষমতা আজকের রাজনৈতিক নেতাদের মধ্যে কোথায় ?

ঢাকার দাঙ্গা-ভদ্র-কমিটি

গত ১৭ই মার্চ তারিখে হঠাৎ ঢাকা সহরে হিন্দু-মুসলমানের দাঙ্গা আরম্ভ হয়। প্রায় তিনমাস ধরে এই দাঙ্গা চলতে থাকে। চকবাজারের হিন্দু ব্যবসায়ীদের সমস্ত দোকান লুণ্ঠ হয়ে যায় এবং বেশীর ভাগ বাড়ী পেট্রোল সহযোগে আগুন দিয়ে পুড়িয়ে দেওয়া হয়। হিন্দুপাড়ায় মসজিদ এবং অগ্ন্যত্র মন্দির আক্রান্ত হয়। পথে ঘাটে গুণ্ডাদের রাজত্ব চলে এবং পথিকের ওপর অতর্কিত ছোরা মারা গহরহ চলতে থাকে। বহুলোক ঢাকা ছেড়ে পালিয়ে অগ্ন্যত্র চলে আসেন। ১লা এপ্রিল থেকে অকস্মাৎ নারায়ণগঞ্জ থানার গ্রামে গ্রামে আক্রমণ আরম্ভ হয়। রায়পুরা ও

ভবিষ্যৎ জননীদের
মুখ ও মনকে করণ

হিন্দুস্তান ইকুইটেবল
ইন্সিওরেন্স কোং. লিঃ
১২ ডালহাউসী স্কোয়ার, কলিকাতা

স্থাপিত—১৯০৮

শাখা ও সাব-অফিস—বম্বে, মান্দ্রাজ, লক্ষ্ণৌ, পাটনা, ঢাকা,
জামসেদপুর ইত্যাদি।

শিবপুর থানার প্রায় ৭০খানা গ্রামে হিন্দুদের ওপরে আক্রমণ হয়; ধনসম্পত্তি লুণ্ঠ হয় এবং বাড়ীঘরে আগুন দিয়ে জ্বালিয়ে দেওয়া হয়েছে বলে সংবাদ আসতে থাকে। ৬ই এপ্রিল পর্যন্ত এই অরাজকতা চলতে থাকে। মিঃ থ্যাচবার্ণওয়েল নামক ঢাকার অতিরিক্ত ম্যাজিষ্ট্রেট ঘটনাস্থলে গ্রামে গিয়ে গুরুতর জখম হয়ে ফিরে আসেন। প্রায় ২৫ হাজার হিন্দু নরনারী ও শিশু আগর-তলা ও ত্রিপুরায় আশ্রয় নেন। সমস্ত ভারতবর্ষে এই সাম্প্রদায়িক দাঙ্গার সংবাদ তীব্র বিক্ষোভ সৃষ্টি করে। ঢাকা সহরে ইষ্টার্ন ফ্রন্টিয়ার রাইফেলস এবং অতিরিক্ত মারাঠী সৈন্যদলের স্থায়ী ছাউনী রয়েছে; তাছাড়া পুলিশ রয়েছে, ম্যাজিষ্ট্রেট কমিশনার রয়েছেন; তা' সত্ত্বেও ছুদাস্ত প্রতাপ-শালী ব্রিটিশ রাজত্বে মাসের পর মাস ধরে এই ধরনের ঘটনা কী করে ঘটতে পারে তাই নিয়ে দেশবাসীর মধ্যে নানা সন্দেহের সৃষ্টি হয়। অতঃপর এই দাঙ্গার উৎপত্তি, রিস্ততি ও ভবিষ্যৎ প্রতিকার সম্বন্ধে তদন্ত করবার জন্ত বাংলা গভর্নমেন্ট কর্তৃক ছুজন সভ্য নিয়ে এক তদন্ত কমিটি নিযুক্ত হয়েছে। হাইকোর্টের বিচারপতি মিঃ ম্যাকনেয়ার হলেন প্রেসিডেন্ট এবং মিঃ ম্যাক শার্প আই-সি-এস হলেন এই কমিটির সভ্য। ২রা জুন সোমবার থেকে কমিটির প্রাথমিক কার্য আরম্ভ হয়। বিপিসিসির পক্ষ থেকে শ্রীযুক্ত শরৎ বসু, মিঃ ডি, আর, মুখার্জী ব্যারিষ্টার ইত্যাদি ঢাকায় কমিটির অধিবেশনে যোগদান করেন। হিন্দুসভার পক্ষ থেকে মিঃ এস, এন, ব্যানার্জী ও মিঃ নির্মল চট্টোপাধ্যায় উপস্থিত থাকেন। অ্যাডভক্‌ট বিপিসিসির পক্ষ থেকে শ্রীযুক্ত কামিনী দত্ত, শ্রীযুক্ত শ্রীশ চট্টোপাধ্যায় যোগদান করেন। আলোচনার পর স্থির হয়, ১৬ই জুন তারিখ থেকে পুনরায় কমিটির অধিবেশন আরম্ভ হবে। ইতিমধ্যে কমিটির অধিবেশন বন্ধ থাকবে এবং কমিটির সভ্যদ্বয় দাঙ্গাবিধ্বস্ত অঞ্চলগুলি স্বচক্ষে দেখে আসবেন। গত ১৬ই জুন সোমবার থেকে তদন্ত কমিটির অধিবেশন আরম্ভ হয়েছে।

কমিটির সভাপতি মহাশয় ২রা জুলাই সংবাদপত্রের ওপর থেকে নিষেধাত্মক অর্ডার উঠিয়ে নিয়েছেন। এখন কমিটির বিবরণ সাধারণের কাছে প্রকাশিত ও প্রচারিত হতে পারবে। আমরা মিঃ ম্যাকনেয়ারের এই অতি সঙ্গত অর্ডারটির সমর্থন করছি। কিন্তু কমিটির কর্মপদ্ধতি সম্বন্ধে এখনো আমরা অজ্ঞ রয়েছি। প্রথমতঃ সাক্ষী যারা দেবেন তারা নির্ভয়ে দিতে পারবেন কিনা, দ্বিতীয়তঃ সাক্ষীদের যথাবিধি জেরা করতে দেওয়া হবে কিনা, তৃতীয়তঃ কমিটির রিপোর্টটা সাধারণ্যে প্রকাশিত হবে কিনা, চতুর্থতঃ তদন্তের ফলাফল ও কমিটির মতামতগুলোর কী সদগতি হবে, এই চারটা বিষয়ে গভর্নমেন্টের কী মতিগতি আমরা জানি নে। তবে এরই ওপরে নির্ভর করছে এই তদন্তের কার্যকারিত্ব ও সার্থকতা। আমরা আশা করি উপরোক্ত চারটে বিষয়ে সর্বসাধারণের আশা ও দাবি অম্লযায়ী পদ্ধতিতেই তদন্ত পরিচালিত হবে।

হিন্দুসভার বহুবার

গত ১৪ই জুন হিন্দুসভার কর্ম-পরিষদের অধিবেশন হয়ে গেল কলকাতায়। প্রেসিডেন্ট বীর সাভারকার, ডাঃ মুঞ্জ, শ্রীযুক্ত শ্যামাপ্রসাদ মুখোপাধ্যায় ইত্যাদি হিন্দুনেতৃবৃন্দ যথারীতি উপস্থিত ছিলেন। ঢাকার দাঙ্গা, আমেদাবাদ, বোম্বাই ও বিহারশরীফের হিন্দু-মুসলমান দাঙ্গার ঠিক পরেই এই অধিবেশন হয়েছে; কাজেই হিন্দুসভা-পরিষদের এই অধিবেশনের দিকে লোকের দৃষ্টি বিশেষভাবে আকৃষ্ট হয়েছিল। তাছাড়া মাদ্রাস প্রস্তাব সম্বন্ধে চূড়ান্ত সিদ্ধান্ত এবার করা হবে বলেও হিন্দুরা আশাবিত্ত হয়েছিলেন। কিন্তু এই দীর্ঘ অধিবেশন শেষ হলো কেবল বিলম্বিত বক্তৃতায় এবং মামুলী প্রস্তাবগ্রহণে। মাদ্রাস প্রস্তাবে গত ডিসেম্বর মাসে হিন্দুসভা ব্রিটিশ সরকারকে খুব তর্জন করেছিলেন এই বলে যে এবছর ৩১শে মার্চের মধ্যে হিন্দুসভার দাবির সম্ভাব্যজনক প্রস্তাবের না পেলে লড়াই আরম্ভ করা হবে। দাবি ছিলো ডমিনিয়ান স্টেটস্ ও পাকিস্তান-বর্জন। সে তর্জন যে কেবল প্রভাতের মেঘডম্বর, তা' কলকাতা অধিবেশনের লঘুক্রিয়া দেখেই বোঝা গেলো। মাদ্রাস প্রস্তাব বর্তমান পরিস্থিতির সঙ্গে খাপ খায় না, এই যুক্তি দ্বারা এই সংগ্রামের প্রস্তাবটিকে স্থগিত রাখা হয়েছে। পরিস্থিতি যে জটিল সে সম্বন্ধে সন্দেহ নেই। কিন্তু মুশ্বিল হলো এই যে, হিন্দুসভা ইংরেজের বিরুদ্ধে কখনও লড়াইবেন একথা কেউ বিশ্বাস করেন না। স্থগিত করবার পক্ষে যত গুরুগম্ভীর যুক্তিই দেখান হোক না কেন, লোকের মন থেকে এ অনাস্থা দূর হবেনা। হিন্দুসভা মুসলমানের সঙ্গে লড়াইতে প্রস্তুত, কিন্তু ইংরেজ সরকারের সঙ্গে কখনো সংগ্রাম করতে রাজী নন। এদের সমস্ত চেষ্টাচরিত্রের মূল ভিত্তিই হলো ব্রিটিশ গভর্নমেন্টের দানশীলতা। সকল রাস্তাই গিয়ে শেষ হয়েছে সেই সরকারের দরবারে। এবার প্রোগ্রাম দেওয়া হয়েছে হিন্দুসমাজ সংস্কার, সেবকদল গঠন এবং এককোটী সভ্যসংগ্রহ। এসব চির পুরাতন প্রোগ্রাম সম্বন্ধে কিছু বলবার নেই। আমাদের প্রধান আপত্তি, যে আন্তর্জাতিক পরিস্থিতির দোহাই এরা দিয়েছেন তার ইঙ্গিত শু অর্থ এদের চোখে ধরা পড়েনি। বিশ্বপরিস্থিতির সকল নির্দেশ আজ জাতীয়তার দিকে, সাম্প্রদায়িকতার দিকে নয়। ঘনায়মান জটিলতার মধ্যে সর্ব-ভারতীয় সম্মিলিতভাবে গড়ে তুলতে হবে সাম্রাজ্যবাদীয় শোষণের বিরুদ্ধে। তা' না করে সাম্প্রদায়িক খাড়া-বড়ী-খোরের পুনঃপুনঃ স্ততিবাচন করলে কোনই লাভ হবে না।

মিস্ রাথবোনের চিঠি—

স্বার্থের তাগিদে মানুষ সুরুচি ও ভদ্রতাকে বিসর্জন দিতে কোনোদিনই দ্বিধা করেনি। মিস্ রাথবোন নামীয়া ব্রিটিশ পার্লামেন্টের সদস্তাও যে করবেন না তাতে আশ্চর্য হবার কিছু নেই। “কয়েকজন ভারতীয় বন্ধুকে”, বিশেষ কোরে, জবাহরলালকে উদ্দেশ্য করে তিনি যে পত্র লিখেছেন তাতে ইংরেজের দাক্ষিণ্যের স্ততিবাদ ও অর্থোক্তিক দাস্তিকতা ভিন্ন আর কিছু নেই। রবীন্দ্রনাথ

এই দাস্তিকতার সমুচিত জবাব দিয়েছেন। দুশ' বছরের ইংরেজশাসন ভারতবর্ষকে করেছে দারিদ্র-জর্জর, আত্মকলহে মগ্ন, নিরস্ত্র ও ভীকৃ। যুরোপের পরাজিত রাজ্যগুলোর জগু চোখে অশ্রু ও মুখে সাম্যের বুকুণীর বিরাম নেই, কিন্তু স্বরূপ প্রকট হয়ে পড়ে ভারতবর্ষের বেলায়। মিস্ রাথুবোন-দের মতন স্বার্থান্ধ সাম্রাজ্যবাদীদের উপেক্ষা করাই শ্রেয়। রবীন্দ্রনাথের পত্র এই মহিলাকে অযথা গুরুত্ব ও সম্মান দান করেছে।

‘বাণীচক্র’ সাহিত্যসংসদ

শ্রীহট্টের তরুণ সাহিত্যিক সম্প্রদায় “বাণীচক্র-সাহিত্য-সংসদ” নামে একটি সংঘ গঠন করেছেন জেনে আমরা বাস্তবিকই আনন্দিত হয়েছি। মফঃস্বলে কোনো সাহিত্য-প্রতিষ্ঠান সাফল্যের সঙ্গে পরিচালনা করা অত্যন্ত দুর্লভ কাজ। কিন্তু উক্ত প্রতিষ্ঠান দু’বৎসর ধরে যেভাবে শ্রীহট্টের জন-সমাজে সাহিত্যরস পরিবেশন করে আসছেন তা প্রকৃতই প্রশংসাযোগ্য। তবে আজকের দিনে প্রয়োজন এমন সাহিত্যসৃষ্টির যা একাধারে আমাদের বর্তমান সমাজের, রাষ্ট্রের ও ব্যক্তির শতছিদ্র জীবনকে প্রতিফলিত করবে এবং গৌরবময় ভবিষ্যতের স্পষ্ট ইঙ্গিত দেবে, যে সাহিত্যের সাথে দেশের যোগাযোগ হবে অবিচ্ছিন্ন। কাজেই এই সাহিত্য-বাসর যদি জাতির জীবনের সঙ্গে যোগাযোগ রক্ষা করবার কাজে যথাসাধ্য আত্মনিয়োগ করেন তাহলে আমরা অধিকতর আনন্দিত হবে। আমরা সংসদের উত্তরোত্তর উন্নতি কামনী করি।

দি উইমেনস্ কলেজ

মেয়েদের জগু সুপরিচালিত উচ্চশিক্ষালয় বা কলেজের সংখ্যা আজো বাংলাদেশে প্রয়োজনের তুলনায় অত্যন্ত কম। এই অবস্থায় এই ধরনের কোন প্রতিষ্ঠানের কথা জানতে পারলে খুবই আনন্দ হয়। ব্যয়বহুল আবেষ্টনীর মধ্যেও কি কোসে সামান্য আরম্ভ থেকে একটা বিরাট প্রতিষ্ঠান গড়ে উঠেছে তার দৃষ্টান্ত হলো কলকাতার, ২২৯, বিবেকানন্দ রোডের উইমেনস্ কলেজ। কয়েকজন মহিলা ও পুরুষ কর্মীর চেষ্টায় প্রায় চার বছর আগে এই কলেজটি স্থাপিত হয়। অর্থাভাব প্রভৃতি অনেক অসুবিধা ভোগ করেও ঐকান্তিক চেষ্টা ও সত্যিকারের স্বার্থত্যাগের ফলে আজ উইমেনস্ কলেজ এক বৃহৎ প্রতিষ্ঠান হিসাবে দাঁড়াতে পেরেছে। স্বাধীনদেশে রাষ্ট্র যে সকল দায়িত্ব গ্রহণ করে থাকে আমাদের এখানে তা হবার উপায় নেই। কাজেই এদেশে ব্যক্তিগত স্বার্থত্যাগের ভিত্তিতে যে সকল প্রতিষ্ঠান গড়ে ওঠে তার মূল্য খুব বেশী। জাতিকে, দেশকে সেবা করবার আকাঙ্ক্ষা ও প্রেরণা নিয়ে এই যে প্রতিষ্ঠান তাকে আমরা অভিনন্দিত করি ও এই আদর্শ আমাদের আত্মগত সীমাবদ্ধ জাতীয় জীবনকে পথের ইঙ্গিত দেখাবে এই আশা করি।

ছাত্র আন্দোলন দমনে বাঙ্গলা সরকার—

বাঙ্গলার “জনপ্রিয়” মন্ত্রীমণ্ডলী আহরনিজ্রা ত্যাগ করে ভারতরক্ষায় আত্মনিয়োগ কোরেছেন। তাঁদের এই সাধু প্রচেষ্টাকে সার্থক করবার জন্য তাঁরা সারা বাঙ্গলার ছাত্র কর্মীদের বিরুদ্ধে এক বেপরোয়া অভিযান শুরু কোরেছেন, তার একটা দৃষ্টান্ত সম্প্রতি পাওয়া গেছে। বঙ্গীয় প্রাদেশিক ছাত্র ফেডারেশনের সভাপতি অমর গোপাল নন্দী প্রমুখ বাঙ্গলার বহুসংখ্যক বিশিষ্ট ছাত্রনেতার ওপর বাঙ্গলা সরকার ভারতরক্ষা বিধানবলে এক আদেশ জারী কোরে কোলকাতা থেকে তাঁদের বহিস্কৃত কোরেছেন এবং নিজ নিজ জেলায় বাস কোরতে নির্দেশ দিয়েছেন। এই সব ছাত্রকর্মীদের বহিস্কৃত এবং অন্তরীণ না কোরলে ভারতবর্ষ বা বাঙ্গলাদেশের নিরাপত্তা যে কিভাবে বিপন্ন হোত তা আমরা বুঝতে অক্ষম। অবশ্য যুক্তি ও বিচারের বালাই আমাদের বর্তমান মন্ত্রীমণ্ডলীর কোনোদিনই ছিল না, এখনও নেই। সাম্রাজ্যবাদী স্বার্থরক্ষায় এই প্রতিক্রিয়া-শীল মন্ত্রীমণ্ডলী যে সাফলা লাভ কোরেছেন তা তাঁদেরই যোগ্য। কাজেই ছাত্র আন্দোলন দমন কোরবার জন্য তাঁদের এই তৎপরতা আমাদের বিস্মিত করেনি। কিন্তু যে মন্ত্রীমণ্ডলী দেশের কোনপ্রকার প্রগতিশীল আন্দোলনই সহ্য কোরতে পারেন না তাঁরা যখন নিজেদের ‘জনপ্রিয়’ বলে চাক পেটান তখন বাস্তবিকই করুণার উদ্রেক করে। যদি এই মন্ত্রীমণ্ডলী মনে কোরে থাকেন যে এই দমন-নীতি দ্বারা তাঁরা দেশের ছাত্র-আন্দোলনকে বন্ধ কোরতে সক্ষম হবেন তবে তাঁরা নিরাশ হবেন। আমরা বাঙ্গলা সরকারকে একথা স্মরণ করিয়ে দিতে চাই যে ছাত্র-আন্দোলন অতীতে যেমন সহস্রপ্রকারের সরকারী নিষীতন উপেক্ষা কোরেও বেঁচে ছিল ভবিষ্যতে ও তেমনি সর্বপ্রকার সরকারী দমন সত্ত্বেও সর্গোরবে স্থায়ী লক্ষ্যপথে অগ্রসর হবে।

বিপন্ন বরিশাল ও নোয়াখালী—

গত ২৫শে মে পূর্ব বাঙ্গলার ওপর দিয়ে যে প্রচণ্ড ঝড় ও বহা বয়ে গিয়েছে, তার ফলে বরিশাল ও নোয়াখালী জেলা দুটাই সবচেয়ে বেশী ক্ষতিগ্রস্ত হয়েছে। এই দুই-জেলার ধ্বংসলীলার পরিমাণ এখন আর কারও অজানা নেই। কিন্তু এ সম্পর্কে সংক্ষেপে দু’একটা কথা বলা প্রয়োজন বোধ করছি। প্রথমতঃ, এই প্রাকৃতিক বিপর্যয়ের পর প্রায় একমাস অতীত হ’তে চললো, কিন্তু আজ পর্যন্ত সরকারী কর্তৃপক্ষ এই বহা ও ঝড়ের ফলে নিহতদের কোন তালিকা বের করেন নি। আমরা মনে করি জনসাধারণের চিন্তা ও উদ্বেগ কমাবার জন্য সরকারের এবিষয়ে তৎপরতার সঙ্গে কাজ করা উচিত ছিল। দ্বিতীয়তঃ, ক্ষতির তুলনায় সরকারী সাহায্যের পরিমাণ নিতান্তই কম। বাড়ীঘর ছাড়াও গৃহপালিত পশু এবং শস্যের এতো ক্ষতি হয়েছে যে কয়েক লক্ষ

টাকা ঋণ দিয়ে এই বিপুল জনসমষ্টির খুব অল্পই সাহায্য হবে। আমরা আশা করি 'জনপ্রিয়' মন্ত্রীমণ্ডলী বিপুল জনসাধারণের প্রয়োজনের কথা বিবেচনা কোরে অবিলম্বে যথেষ্ট পরিমাণে সাহায্যের ব্যবস্থা করবেন। তৃতীয়তঃ সমস্ত বেসরকারী সাহায্য-সমিতি যাতে একটা কেন্দ্রীয় সমিতির পরামর্শে ও পরিচালনায় কাজ করে সেদিকে দৃষ্টি রাখা প্রয়োজন। বঙ্গীয় প্রাদেশিক কংগ্রেস কমিটি এবং বরিশাল ও নোয়াখালী ফরোয়ার্ড ব্লক ছর্গতদের সাহায্যার্থে ছুটি কমিটি কোরেছেন।

খাকসার দমন—

অবশেষে গত ৫ই জুন ভারত সরকার খাকসার প্রতিষ্ঠানকে বে-আইনী ঘোষণা কোরে এক ইস্তাহার প্রকাশ কোরেছেন। বে-সরকারী স্বেচ্ছাসেবক বাহিনীর কুচকাওয়াজ নিষিদ্ধ কোরে গবর্নমেন্ট ইতিপূর্বেই এক ঘোষণা প্রকাশ কোরেছিলেন। কিন্তু আশ্চর্যের বিষয় এই যে ঐ আদেশ অমান্য কোরে প্রকাশে কুচকাওয়াজ করা সত্ত্বেও এপর্যন্ত খাকসারদের বিরুদ্ধে কোন ব্যবস্থা অবলম্বিত হয়নি। আমরা অনেকদিন থেকে লক্ষ্য কোরে এসেছি যে খাকসারদলের গতি ও প্রকৃতি দেশের আভ্যন্তরীণ শান্তি ও কল্যাণের পক্ষে এমন বিপজ্জনক যে তাতে সরকার ও জনসাধারণ—উভয়েরই শক্তিত হওয়ার যথেষ্ট কারণ রয়েছে। বিশেষতঃ বিশ্বসমর-পরিস্থিতির দরুন ঐ শক্তির গুরুত্ব আরো বেড়ে গিয়েছিল। যদিও ভারতসরকারের ইস্তাহারে যুদ্ধ-পরিস্থিতির কোন উল্লেখ নেই, তবুও একথা সহজেই বোঝা যায় যে এরই ফলে সরকারের এই তৎপরতা। সে যাই হোক, বিলম্ব হোলেও গবর্নমেন্ট যে অবশেষে এ বিষয়ে ব্যবস্থা অবলম্বন কোরেছেন তাও মন্দের ভালো।

কাইজার দ্বিতীয় উইলিয়ম—

ভূতপূর্ব জার্মানসম্রাট কাইজার দ্বিতীয় উইলিয়ামের জীবনের অবসান ঘটেছে। এককালে ইউরোপের রাজনৈতিক রঙ্গক্ষেত্রে ছঃসাহসীর ভূমিকায় তাঁর অভিনয় দেখে বিশ্ববাসী বিস্ময়ে অভিভূত হোয়েছিল। শক্তির গর্বে যিনি একদিন সমস্ত ছুনিয়াটাকে হেলার চোখে দেখেছিলেন সুদীর্ঘ নির্বাসনের মধ্যে অতি সাধারণভাবে তাঁর জীবনের দীপ নিভে যাওয়াটা ছঃখের হোলেও আশ্চর্যের নয়। ইতিহাসের পাতায় এরকম কাহিনী প্রায়ই আমাদের চোখে পড়ে থাকে। কাজেই সে কথা নিয়ে আক্ষেপ কোরবার কোন কারণই নেই। কিন্তু কাইজারের রাজনৈতিক জীবনের শোচনীয় ব্যর্থতা ছুনিয়ার সমস্ত শাসন-কর্তৃপক্ষকে যে সাবধান-বাণী জানিয়ে দিয়েছিল সেই কথাটাই আজকের দিনের রাজনৈতিক ধুরন্ধরদের পক্ষে বিশেষভাবে স্মরণীয়। আমরা আশা করি বর্তমান মহাসমরের রণবিবল সে কথা স্মরণ রাখতে চেষ্টা কোরবেন।

বঙ্গীয় অনাথ ও বিধবা আশ্রম নিয়ন্ত্রণ বিল—

বাঙ্গলা আইনসভার কোয়ালিশন দলের সভ্য। বেগম ফরহাৎ বাহু হঠাৎ বাঙ্গলার অনাথ ও বিধবা আশ্রমগুলোর জন্য উদ্বিগ্ন হোয়ে উঠেছেন। ওই ধরনের প্রতিষ্ঠানগুলোর একটা সদগতি কোরবার জন্য এই মহিলা বাঙ্গলার আইনসভায় একটা বিল এনেছেন। এই বিলে এমন সব বিধান রয়েছে যা নারীসমাজের কল্যাণের চেয়ে অকল্যাণই কোরবে বেশী। প্রথমতঃ, বিলের তৃতীয় ধারায় বলা হয়েছে যে এই সব প্রতিষ্ঠানকে কাজ কোরবার জন্য জেলা ম্যাজিস্ট্রেটের অনুমতি নিতে হবে। জনহিতকর কাজ কোরবার জন্য যদি আচার্য প্রফুল্লচন্দ্র রায়, রামানন্দ চট্টোপাধ্যায়, হীরেন্দ্রনাথ দত্ত, অবলা বসু প্রমুখ ব্যক্তিদের (বিলে উল্লিখিত কয়েকটা প্রতিষ্ঠান পরিচালনার দায়িত্ব তাঁদের ওপর রয়েছে) সরকারী কর্মচারীদের কাছ থেকে অনুমতি নিতে হয়, তবে এর চেয়ে অসম্মানজনক ব্যবস্থা আর কিছুই হ'তে পারে না। দ্বিতীয়তঃ, বিলের ৪(গ) ধারায় বলা হয়েছে যে অনুমতি দেওয়ার পূর্বে জেলা ম্যাজিস্ট্রেটকে দেখতে হবে যে অন্ততঃ দু'বছর প্রতিষ্ঠান চালাবার মত যথেষ্ট অর্থ প্রতিষ্ঠান-কর্তৃপক্ষের হাতে আছে কিনা। এই বিধান চালু হোলে এসব প্রতিষ্ঠানের অধিকাংশেরই অস্তিত্ব যে বিপন্ন হবে তাতে কোনো সন্দেহ নেই। তৃতীয়তঃ, নারীরক্ষা সমিতি এবং ওই ধরনের অন্যান্য প্রতিষ্ঠানগুলোকেও বিলের আওতায় আনা হয়েছে। অনাথ আশ্রম, বিধবা আশ্রম প্রভৃতি সম্বন্ধে যে ক্ষীণ যুক্তির উত্থাপন করা হোক না কেন, নারী-নির্ধাতন সম্পর্কিত অপরাধীদের শাস্তির ব্যবস্থা করাই যে-সব সমিতির উদ্দেশ্য তাদের এরকম ভাবে সরকারী নিয়ন্ত্রণের অধীন করবার কোনো যুক্তিসঙ্গত কারণ নেই। অনাথ আশ্রম ও বিধবা আশ্রমগুলি যাতে সুপরিচালিত হয় তা কে না চায়? কিন্তু আলোচ্য বিলটা আইনে পরিণত হোলে বাঙ্গলায় নারী-কল্যাণমূলক কাজের মূলে কুঠারঘাত করা হবে। জনসাধারণের পক্ষ থেকে আমরা তাই অবিলম্বে বিলের প্রত্যাহার অথবা সম্ভাব্যজনক সংশোধন দাবী করছি।

চা পান—

ইণ্ডিয়ান টি মার্কেট এক্সপ্যানসন্ বোর্ডের প্রচেষ্টায় চা সম্পর্কে যেসব খবর বের হয় তার মধ্যে কখনো কখনো খুব চিত্তাকর্ষক সংবাদ থাকে যথা :—

যুদ্ধ বর্তমান আকার ধারণ করবার পর রাণী এলিজাবেথ রাজপ্রাসাদের কর্মচারীদের জন্য যে সব বিমান আক্রমণের আশ্রয় তৈরী হোয়েছে তা পরিদর্শন করেন এবং প্রতি জায়গায় তিনি খোঁজ নেন যে আর যাই থাকনা কেন এই আশ্রয়গুলিতে চা পানের ব্যবস্থা আছে কিনা! ইংরেজের জীবনে চা'র স্থান কোথায় এতেই তা বোঝা যায়—প্রাণ যাক্ তবু যতক্ষণ প্রাণ ততক্ষণ চা চাই! আমাদের দেশে ভারতীয় চা'র প্রচলন যে ভাবে বাড়ছে তাতে এদেশেও বিমান আক্রমণের সময় লোকের চা পানের ব্যবস্থার জন্য উদ্গ্রীব হওয়া অসম্ভব নয়। অভ্যাস সর্বত্রই সমান।



“বল দেখি, চম্‌মা নাকে বাবু! ইহাদের কি মঙ্গল হইয়াছে? তুমি লেখা পড়া শিখিয়া ইহাদিগের কি মঙ্গল সাধিয়াছ? আর তুমি, ইংরেজ বাহাদুর! তুমি যে মেজের উপরে এক হাতে হংসপক্ষ ধরিয়া বিধির সৃষ্টি ফিরাইবার কল্পনা করিতেছ, আর অপর হস্তে ভ্রমরকৃষ্ণ শাশ্রুগুচ্ছ কণ্ঠয়িত করিতেছে—তুমি বল দেখি, যে তোমা হতে এই হাসিম সেখ আর রামা কৈবর্তের কি উপকার হইয়াছে?

দেশের মঙ্গল? দেশের মঙ্গল, কাহার মঙ্গল? তোমার আমার মঙ্গল দেখিতেছি, কিন্তু তুমি আমি কি দেশ? তুমি আমি দেশের কয়জন? আর এই কৃষিজীবী কয়জন? তাহাদের ত্যাগ করিলে দেশে কয়জন থাকে? হিসাব করিলে তাহারাই দেশ—দেশের অধিকাংশ লোকই কৃষিজীবী। তোমা হইতে আমা হইতে কোন কার্য হইতে পারে? কিন্তু সকল কৃষিজীবী ক্ষেপিলে কে কোথায় থাকিবে? কি না হইবে? যেখানে তাহাদের মঙ্গল নাই, সেখানে দেশের কোন মঙ্গল নাই”।——



বঙ্কিমচন্দ্র (বঙ্গদর্শন)